

續修四庫全書

《續修四庫全書》編纂委員會編

續修四庫全書



上海古籍出版社



三三三二·史部·別史類

東南紀事十二卷〔清〕邵廷采撰……………一

西南紀事十二卷〔清〕邵廷采撰……………九五

南疆逸史五十六卷〔清〕溫睿臨撰跋一卷〔清〕楊鳳苞撰……………一七七

小腆紀傳六十五卷〔清〕徐 肅撰補遺六卷〔清〕徐承禮撰（卷一至卷三十四）……………五〇五

2280/2

# 東南紀事

## 東南紀事目錄

### 卷一

唐王聿鍵 弟聿鏘 聿鏞

### 卷二

魯王以海

### 卷三

黃道周

路振飛

傅冠

### 卷四

### 卷四

金聲

萬元吉

姜一洪

鄭為虹

胡上琛

### 卷五

張國維

熊汝霖



目錄

邵武徐氏刊



錢肅樂

朱大典

余煌

陳潛夫

陳函輝

張肯堂

吳鍾巒

卷六

鄭遵謙

劉穆

王之仁

王正中

于穎

吳易

卷七

東南紀事

目錄

二 邵武徐氏刊

王翊

王江

邵一梓

俞國望

陳天樞

王善長

章欽鄰

馮京第

卷八

王毓著

潘集

周卜年

倪舜年

高岱

沈之泰

徐復儀

趙天麟

華夏

卷九

張煌言 羅給 葉振名

卷十

黃斌卿 周崔芝

張名振

卷十一

鄭芝龍 鄭成功 上

卷十二

東南紀事

目錄

三 邵武徐氏刊

鄭成功 下 鄭鴻達

明人讀書能尙氣節辨義利當南都淪覆鼎命已移  
遺臣藉闕浙滇粵殘局奉房王以支控山陬海澨  
年雖跋涉逃竄疲於奔命而忠義感發不計成敗固足以  
維繫綱常矣明季野史雖多非限於見聞卽取材厯雜其  
閒善本蓋寡

國朝纂修明史自有體裁不暇詳爲紀掇餘姚邵念魯先  
生康熙時人距明季未遠尙有一二耆老可資諮訪又海  
內平一故其見聞亦非限於方隅者可比撰東南紀事十  
二卷以存魯王唐王西南紀事十二卷以存桂王辭尙體

東南紀事跋

一邵武徐氏刊

要無慚作者昔常璩著華陽國志崔鴻著十六國春秋馬  
令陸游皆著南唐書載記一類實輔正史並行軼事遺聞  
賴以不泯邵氏此書亦其次也惜書成未刻僅鈔本流傳  
往年馬端愍公撫浙擬刻此書懸百金求其本不可得  
幸得見之遂刊諸梨棗冀勝國諸臣忠義之烈久而彌新  
且與華陽國志諸書並傳不朽亦藝林勝事也光緒甲申  
九月邵武徐幹識

東南紀事卷一

餘姚邵廷采念魯撰 邵武徐 幹小勿校刊

唐王聿鍵 弟聿鏞 聿鏞

唐王聿鍵小字長壽太祖第二十四子唐定王之後定王  
李賢妃出也洪武二十四年封於唐國南陽永樂六年之  
國子靖王靖王無子傳弟憲王再傳莊王成王復無子傳  
弟恭王之子敬王敬王繼統三十餘年壽七十一世宗時  
屢存問再傳順王端王端王之孫是爲聿鍵自定王至聿  
鍵凡九世初封德昌王父世子義母毛氏端王惑嬖妾囚  
義承奉所聿鍵方三歲從之稍長讀書能識大義雖處內  
難正志不挫義爲弟所毒端王諱之將傳次子守道陳奇  
瑜入弔謂王曰世子薨逝不明若又不立其子事必發覺  
王懼始爲聿鍵請名立爲世孫崇禎五年王薨鍵年三十  
一嗣位七年流寇披猖聿鍵念南陽要衝而城痺薄捐千  
金謀修築知府陳振豪弗授功聿鍵以爲言崇禎帝震怒  
逮振豪置理聿鍵又援潞王近事乞增兵三千人設參將  
一以陳永福充之不許八年冬賊再犯南陽上疏臣府護  
一千二百人近制以其半爲開封班軍給撫臣以下絲使



無謂惟明詔念臣困厄以全軍見還報曰南陽班軍番直祖制已久朕不敢變時朝廷欲行宗室換授之法陳子壯署禮部事執不可聿鍵貽書子壯相駁難其書稱說典訓援據經傳皆有本廷臣顧弗及知特以為諸侯王尚氣持異同而已會子壯下獄衆口惜子壯者輒以尤聿鍵聿鍵亦薄公卿不足重而爭宗藩體統幼總督盧象昇不朝其所建請頗多羣臣交忌之九年八月京師戒嚴聿鍵率護軍勤王汝南道周以興止之不聽至豫州巡按御史楊繩武以聞旨下切責會前鋒值寇亡其內豎二人乃還國廢東南紀事 卷一 一 邵武徐氏刊

為庶人安置鳳陽高牆使者欲以檻車往聿鍵自裁不殊至鳳陽守陵閹人求賄不得墩鎖困苦之聿鍵不勝辱病幾殆妃曾氏割股進始愈有司廩祿不時費用乏絕時望氣者以高牆中有天子氣言於淮撫路振飛振飛假賑罪宗入牆見聿鍵心獨異之聿鍵告吏虐狀振飛上疏請加恩罪宗贍以私錢且謫其吏之無狀者福王初立大赦聿鍵出高牆封南陽王遣官送寓平樂未行而南都陷南陽王至嘉興前刑部尚書徐石麒淮撫錢繼登等請留監國王不可六月八日潞王監國於杭州王拜陵賀越三日

大清兵至塘橋王出降瑞王惠王亦自紹興降初靖魯伯鄭鴻逵邂逅王京師相識至鴻逵移軍還閩追浙河王方至戶部主事蘇觀生翰林張家玉等咸以王可濟大業與鴻逵奉王南行諸臣慷慨交拜矢獎明室共請王監國王覽啓悲慟進衢州收散卒得千餘人廿八日朝見臣民於建寧閩六月三日次水口驛驛吏具大舟卻之乘民舟不飾綵幔導去鼓吹民人聚觀相慶臨驛解朝謁行四拜禮王答二拜賜坐安南伯鄭芝龍靖魯伯鄭鴻逵巡撫都御史張肯堂閩廣督巡劉若金巡按吳春棧戶部侍郎何楷大理卿鄭瑄左通政馬思理光祿少卿林銘鼎四川按察使曹學佺御史郭貞一諸臣自南都來者皆素服待罪旨弗問時議課州縣修官學佺曰仁聲儉德王政所先睿駕甫臨而先有茲舉不肖有司因而蠹民無乃彰王過乎亟止之王欲擇戶部尚書咸舉何楷楷辭王諭曰往崇禎乙亥孤閱邸抄得侍郎掖垣諸疏藏之中心已非一日古云臨危杖節必敢諫中求之其勿固辭楷乃受任曹學佺陳三事其一福建正供悉貯兵饟毋或濫支以防不給其一禮成之後即命鄭鴻逵抵關相度防守進取事宜以聞其一

東南紀事 卷一 三 邵武徐氏刊



禁游兵行剽令舊軍速招歸伍以紓民王曰此海內宿儒也命悉允行初七日王監國於福州祭告天地設行太廟唐國宗廟用太牢駕入城居南安伯府二十七日即帝位詔曰朕以天步多艱王室不靖荷茲監國已及經旬四方懷風勤王之師漸集方躬履行陣莫敢竄居而文武臣僚咸稱渙萃之義責於立君寵綏之功本于天作時哉弗可失天定靡不勝朕自顧闕然未有丕績以仰對上帝祖宗自臨安委轡尊攘無期小大汎汎有如河水朕敢不敬承勉從羣望爰稽載籍光武聞子嬰之信六月即位鄙南以

東南紀事

卷一

四 邵武徐氏刊

是年為建武元年誕膺天命昭烈聞山陽之信四月即位漢中以是年為章武元年立宗廟社稷艱危之中豈利大寶亦惟興義執言繫我臣庶之志以今揆古豈曰不宜其以今年七月一日以後為隆武元年奉天朔運定難功臣次第進爵稍俟恢復裂土酬庸宣猷守正文臣亦進級孝秀者宿軍民人俱優給所在山川鬼神除淫祀不在典制者皆遣正官精禋祭告以明朕繼承基緒為天下請命之意先是張肯堂建議如唐肅宗故事以監國稱天下兵馬大元帥俟復南京然後即位王尚猶豫羣臣多勸進乃從

之以布政司為行殿門日行在大明門駕自督府移蹕芝龍戎服前導鴻達以禁旅百官次扈從侍班鵠立始聞環佩之聲及寅王御袞冕升殿受朝賀頒詔於各省府州縣大赦是日南郊大風揚沙拔木尚寶卿馬驚玉璽墜地損其一角人咸嘆異上唐國四親帝后號謚改福建省為福京福州為天興府府學為國子監百官俱稱行在論翊戴功封鄭芝龍為平魯侯鄭鴻達為定魯侯鄭芝豹澄濟伯鄭彩永勝伯張肯堂為吏部尚書吳春枝兵部尚書周應期刑部尚書鄭瑄工部尚書曹學佺太常寺卿起蔣德璟

東南紀事

卷一

五 邵武徐氏刊

黃景昉蘇觀生何吾騶黃鳴俊陳子壯林欲楫曾櫻朱繼祚傅冠皆為大學士閣臣至二十餘人然票旨多王自裁俱閒無事或遠未達軍國大政一委芝龍行朝仰成而已是月鄭遵謙等起兵紹興進守錢塘金聲亦扼徽州阻上江由是閩嶺晏然藉以休甲尋命芝龍兼戶兵工三部尚書開府天興坐見九卿入不揖出不送

大清順治二年乙酉七月朔王下詔親征詔曰朕痛念祖陵閔茲萬姓中心搖搖如在水火擇於八月十八日亭午禡祭親統六師勅平魯侯芝龍為御營中軍定魯侯鴻達為左



先鋒尙賴文武諸臣襄力効謀有功者賞朕不爾負命訪求十六朝實錄及古今遺書論行在日用以儉樸爲本有司不得背旨阿奉違者以不敬論勅司禮廳天壽行宮中毋用金玉器帷幔毋用錦繡濃花洒線止用居常銅錫布帛王長齋日御便殿見大臣性好讀書手自披覽常丙夜不休南都之敗馬士英奔浙江潞王監國時猶持故態執黃道周章不下後遇亂軍踉蹌流涕落屣竄方國安營中聞王卽位又謀入覲鄭芝龍雅善之言士英不卽北降亟欲求立太祖子孫罪可貫下其議於朝堂王出獨斷傳諭

東南紀事 卷一 六 鄒武徐氏刊

各關軍將毋納士英初王在杭州訪故臣於張家玉家玉舉黃道周王曰得此商羹周鼎當爲廊廟羽儀至是道周自衢州入見喜稱之曰眞名相也卽日晉少保吏部尙書武英殿大學士入閣辦事王以家玉直起居注家玉言唐魏謩爲文宗起居舍人文無避諱不令人主見今陛下自待豈啻唐宗臣愚亦不肯居魏謩下王嘉納家玉嘗薦句容人何成吾敏吾兄弟天下奇才乃心明室且家近南都可觀費又句容知縣宗室議從王心識之及金聲自徽州遣諸生戴明恩齎奏至詔陞聲兵部侍郎僉都御史巡撫

池太極靈因授成吾總兵敏吾爲副與聲犄角共取南京敕成吾曰兵行所至不可妄殺有髮爲順民無髮爲難民此十字可切記也敕議從曰朕自許忠孝爲法受過百折千磨今爲祖宗復仇有進無退宗卿朕猶子行其克悉朕心出險亨屯助朕以助祖宗於乎欽哉高廟亦孚祐爾于無窮議從成吾等結七十二村聚衆至八千人卒不就而徽州告急

大清兵進建昌命永勝伯鄭彩出關援之汀州大旱斗米三百

錢王決意親行乃封弟聿錡爲唐王監國福州某爲鄧王

東南紀事 卷一 七 鄒武徐氏刊

協守都城駕發芋江父老逃道泣留復止鄭芝龍沮之也是月以副總兵施福守崇安關命首輔道周出師江西浙東諸將奉魯王以海監國於紹興王卽位詔至魯王欲守藩大臣張國維熊汝霖陳函輝等以爲舉足一勳義師星散浙七閩亦危願堅奉監國以督厲將士事成入關者王於是不受隆武年號使者劉中藻廢然而返王心雖弗能善然猶藉錢塘爲外屏手書致魯王曰朕與王同氣共本聖祖王無忘朕之焦勞朕無忘王之危厄一誠金石豈惑浮詞當遣兵赴王上報孝陵王其愛玉體以需天休八月



乙酉以鄭芝豹爲前軍左都督賜總兵黃蜚璽書令屯太湖收兵聯絡三吳庚寅以黃斌卿爲官義兵馬招討總兵官帥舟師屯舟山便宜恢取南京王御門親餞百官郊送王辰立妃曾氏爲皇后后性警敏頗知書有賢能聲每召對奏事于屏後聽共決進止王頗嚴憚之罪倡逃辟邵武知府吳文煒絞推官朱健叙廣信知府解立敬鉛山典史周寅生守城功贛州告急命上游巡撫吳春枝移駐邵武汀州總兵陳秀援建昌參將周之蕃剿武平以陳豹爲防海將軍鎮漳泉興汀惠潮授南昌人羅大任少詹事募東南紀事

卷一

八都載餘氏刊

請括寺田王不聽封芝龍子森爲忠孝伯賜姓名朱成功總督禁旅督師何騰蛟自長沙楊廷麟萬元吉自贛州皆遣使奉表迎乘輿大學士蘇觀生請先行出屯南安王幸雍祭酒賴垓進講三品以上官坐聽其餘侍園橋觀者濟濟遣使冊封桂世子由根爲桂王黃斌卿兵敗於崇明永寧王起兵復建昌撫州副總兵施福入弋陽

大清

兵大舉臨廣信攻福張家玉使洪旭林習山救之是月靖江王亨嘉稱帝於桂林舉兵入梧州執巡撫瞿式耜贛州萬安軍亂九月兩廣總督丁魁楚圍桂林瞿式耜應之執東南紀事

卷一

九都載餘氏刊

靖江王亨嘉送福州廢爲庶人其黨皆伏誅論功封魁楚爲平越伯晉式耜兵部侍郎副都御史焦璉陳邦傳等加秩有差亨嘉尋病死王意不次用人擢鎮江諸生錢邦芑爲御史大學士熊開元爭之不得已而邦芑議開元開元引退又出內降用王期昇彭遇廳路振飛曾櫻皆言不可乃已時粵閩之境盜賊蜂起汀州大饑且疫兵民所在鬪譁兵疲饑匱而出關之議竟同築舍四國人心遂至瓦解乙未祭告天地太廟丁酉禡駕出洪山橋祖餞鄭鴻逵鄭彩授鉞是日風雨晝晦二將行數十里仍疏稱候饗皆不



行庚子曾后廟見先一日王遣官用牲預告祇見之意命  
勳臣芝龍行禮丙午大祀天地於南郊命兵部主事徐孫  
彥頒詔於四方擢浦城知縣鄭為虹御史巡仙霞關仍知  
浦城命太僕少卿林蘭友巡撫江西諭之曰江西憔悴於  
貪政久矣卿往須破情格以朕先教後刑先情後法八字  
行之又八字曰小貪必杖大貪必殺能行此十六字始不  
負朕親簡耳設蘭臺館纂修威朝實錄以曹學佺領之召  
閩縣老人周良屏問民疾苦冬十月

大清張天祿陷徽州巡撫都御史金聲死之金堡奏言福京倚

東南紀事

卷一

十都武徐氏判

新安為北門而臣前至仙霞見鄭鴻達方遣兵出關臣度  
其駐三衢耳不能長驅也陷既四十餘日矣我師逗留觀  
望未有爭先之氣新令日行民心日變異時以精兵數萬  
仰而攻之猶當徘徊於衢嚴饒信之間能保其必下乎起  
義舉人汪沐日奔走乞援曲折素諳不以此時捲甲疾趨  
乃令借葉向暉借兵借饒待其集事須五十日大事去矣  
四方望闔中之兵如在天上今兵力將心臣已窺其大略  
上江疑而楚豫斷新安去而三衢危陛下即欲為王審知  
豈可得哉堡數危言王嘉其才氣而鄭芝龍不悅授禮科

給事中出監鄭遵謙軍

大清金聲桓會兵圍撫州永寧王告急張家玉言腹心之患在  
南昌咽喉之患在徽州既失徽則饒嚴危失饒嚴則廣信  
必不支而崇關不能守陛下大事去矣兵貴速不貴久貴  
合不貴分我以待兔之愚長彼蠶食之漸坐而自斃請急  
勅鄭彩由杉關出撫建分兵一擣南昌一援饒州再令黃  
光輝曾德等由江山直上衢嚴襲徽歛縱不能進亦可自  
救諸將施福陳梧等皆善家玉計而彩久駐邵武不肯出  
關有詔切責亦不從家玉太息而已是月李自成將賀珍

東南紀事

卷一

十都武徐氏判

擊敗張獻忠兵於漢中十一月十五日監軍張家玉退

大清兵於許灣家玉約陳輝林習山蔡欽三道會許灣夜人定

後火起令堅壁敢救火者斬且搜暗處置伏且兵果大至  
四面突擊洪旭爭先斬級兵少卻家玉親立陣前督陳黃  
虎李明忠趙珩等出營大戰殺兩總兵獲級四百奪馬四  
十匹器械無算午時協將陳有功戰死大軍合數萬來戰  
矢如雨下沿山舉火赤地震裂

大清將王得仁鄧雲龍侯天寵等以書來招趙珩令其勸降眾

惶惑多偶語珩懼互相疑忌家玉執珩手拔劍斫案曰行



閒離我兄弟我等益當勦力爲國吐氣軍中敢疑誘者有  
劍人心始定然猶無戰意十五日子時家玉設高皇帝關  
壯繆位牽諸將泣拜設賞金於前使郭毓卿李明忠陳良  
趙珩分帥死士百人伏谷中遂拔大營走大兵合一萬來  
追入伏大軍紛拿家玉鼓譟回軍大破之步兵五千殆盡  
騎兵舍馬渡河溺死過半撫州圍解論者以是役爲福州  
戰功第一家王令都司黃瑛齋蠟書間道奔入撫州檄永  
寧王部將謝志良閻羅宋蕭聲曹兌光等乘虛襲老營十  
六日戰於金坡家玉夾擊大軍死者五百餘人馬死者二  
東南紀事 卷一 三 邵武徐氏刊

百餘匹營中婦女三百四十三人就近親戚歸之收其酒  
米犒軍得鄉紳諸生書悉令燒毀時

大清兵所至令民薙髮而南軍遇無髮者輒殺不問難民因是  
多輸牛酒爲間導南軍咫尺不得虛實饜導俱絕家玉設  
小牌免死給與難民歡呼來歸者千百人奏請遣人分入  
鄉落解散有能收復州縣者卽以首領官酬之陣沒陳有  
功葉壽予祭葬廕謚立祠許灣斬總兵逃者許象乾俱報  
可於是軍政明肅人始用命家玉奏功俱歸永寧王詔俟  
恢復南昌日卽封親王是月魯王勞軍於西興拜方國安

爲大將統諸營十二月朔日有食之吏部郎趙玉成與尙  
書張肯堂同籍江南上言臣等生長海濱請以水師千人  
從海道直抵君山襲取南都以迎陛下計陛下陸行期同  
會於金陵王大喜命鄭芝龍具艘芝龍笑諾會有言水師  
諸臣宜留其家口以防逃歸者事不果於是王決意親行  
是月六日發芋江命芝龍留守福京制置兵饜兼掌宗人  
府事南平古田縣民遠餽酒米封鄭遵謙爲忠義伯前汝  
南兵備副使郁啟遣趙貴入賀以啟爲總理楚豫提督軍  
務討逆安順兵部右侍郎巡撫河南詔輔臣黃鳴俊出轍  
東南紀事 卷一 三 邵武徐氏刊

大清將張天祿誘執大學士黃道周於婺源生致南京道周死  
之是月臨安蒙白土舍沙定洲作亂據雲南黔國公沐天  
波奔楚雄定洲追之天波走永昌

大清順治三年丙戌正月王在芋江初九日夜雨雹如拳唐鄧  
二王及居守百官行拜賀禮不受下詔以三大事自責羣  
臣俱戴罪馬金嶺兵變命路振飛往浦城安撫都御史陸  
清源犒師浙江魯王使陳謙奉書稱皇叔父不稱陛下王  
怒下謙獄鄭芝龍與謙有舊錢邦芭出芝龍門而見視於



王密奏謙為魯心腹與鄭至交不急除恐變生王斬謙浙  
 閩聘好遂絕川陝總督樊一蘅遣官入賀交趾日本皆遣  
 使入貢並手冊答之勅上游巡撫吳春枝簡練壯丁賜松  
 滋東會瀘溪延津四王春宴銀廣東布政司湯來賀浮海  
 轉饒十萬遷戶部右侍郎江西御史艾南英劾來賀奸邪  
 不可信用不報王出師次於延津拜泉州布衣蔡鼎為軍  
 師召郭燿陳秀引兵赴建寧命朱成功出永定關江西巡  
 撫劉廣胤都給事中曾應遴招撫閩寇以黃光輝兵敗貶  
 鄭鴻逵為少師責鄭彩戴罪上游巡撫吳春枝罷以吳閩  
 東南紀事 卷一 西邵武徐氏刊

禮代之賜降將郝搖旗名永忠璽書賜大學士王應熊於  
 四川假便宜舉用大小文武官大雨雹冊皇弟鄧王長子  
 琳羨為陳世子從征視膳中書官講讀導以禮儀加守金  
 華兵部尚書朱大典閣銜命與方國安和衷同濟時艱十  
 六日鄭彩逃入永定關張家玉曰新城永定屏障福京門  
 戶不可棄也彩怯竟棄家玉逃入關城中兵民皆竄家玉  
 與知縣李翔仰天慟哭誓死不去以鄉兵二百人扼守新  
 城以親兵百人戰於城下數十合殺五百餘人大軍馬步  
 圍家玉三周家玉中流矢墜馬折臂氣絕都司林雄冒櫛

被入陣殺一將挾家玉還營家人已遇害王聞報大怒曰  
 統兵大將盡走入關獨令文臣陷陣何以自解家玉乞骸  
 骨曰臣得從入旬王父母五旬父母生還相見死無復恨優  
 詔慰答時閩兵在廣昌距新城二百里家玉嚙指血書請  
 救廿二日閩兵至南豐

大清兵引退是月沙定洲陷大理蒙化屠之洱海道楊畏知起  
 兵於迤西定洲還圍楚雄二月二日王駐蹕建寧故相何  
 吾騶入覲以為首輔閩饑不足鄭芝龍白遣給事中梁應  
 奇督運廣東奏劾稽饒者數十人命逮問亦莫應潮州知  
 東南紀事 卷一 圭邵武徐氏刊

府楊球遂止粵界不敢入芝龍令撫按以下皆捐助有官  
 助紳助大戶助又從李長倩言開事例大醫官爵部司道  
 三百兩餘百兩武劄數十兩至數兩於是倡優厮隸盡列  
 冠裳拜謁官府鞭撻里鄰守令泣訟兩造皆稱職官側立  
 而語互毆於庭不可制受害者延頸

大清兵謠曰清行如蟹蓋遲其來也晉張家玉右僉都御史巡  
 撫廣信制曰爾許灣捷而建撫復壯猷追允文采石之前  
 新城守而杉關靈嘉績在萊公鎖鑰之上今者箭瘡勿藥  
 宗社賴之爾其即日領敕長驅誓於今歲拜我孝陵家玉



陛辭言募兵制器非一人一日可理天下盡忠而且智臣獨忠而且愚他日有急陛下無以尹鐸爲少聞者悲壯其言先是李自成已死其黨李錦高一功等尙數十萬衆因湖南巡撫堵胤錫請降胤錫表聞乞封錦等爲侯王難之家玉及檢討蔡之俊合疏言曲突徙薪事幾不再當乘其銳氣會擣金陵勿令轉合敵人後悔噬臍遂封自成妻高氏爲英淑夫人錦左軍侯賜名赤心一功右軍侯賜名必正餘皆封侯軍名忠貞營攻荊州將克會大霧赤心等方蓐食忽救兵數萬至師大潰胤錫急令楊國棟張光翠分守澧州回子河以固湖南晦命輔臣傅冠及朱成功督郭煒陳秀等拒

大清兵於永定關加謝德溥東閣大學士制置義兵張家玉自請募兵惠潮王遣之三月奪鄭彩永勝伯爵及黃鉞賜劍敕書命民被迫剪髮者監義民旗自別白命成功招集鄭彩逃兵毋令擾民王將取道於汀命募兵汀州施福林順至建陽以張名振爲捧日將軍副黃斌卿屯舟山贈松江死事夏允彝沈猶龍章簡李待問侯承祖等官有差吳江吳易起兵於太湖授右副都御史陳子龍僉都御史楊廷

樞兵部主事廿四日

大清兵陷吉安萬元吉退守皂口傅冠自邵武趨建昌饜饋後軍不進拔營歸冠乞罷不許夏四月金華行宮成遣官迎駕王諭近臣曰靖義侯方國安江上戰功獨多勳臣劉孔昭世臣中深明大義辭公爵來歸科臣劉中藻奉使開詔挺然義形於色勳臣鄭遵謙起義獨先誠心翊戴勳臣黃斌卿雖未有恢復顯功而拒守舟山相機進取此數臣者朕均倚爲腹心手足在廷其體朕心毋致嫌疑優詔晉貴州巡撫范鏞右都御史論雲南巡撫吳兆元卿久鎮滇疆無遺朕南顧憂贈黃土隘死事元體中李茂德等八人黃斌卿襲殺副使荆本徹奪斌卿伯爵晉湯來賀兼行在兵部右侍郎便宜恢剿湖東立三御營以郭煒爲鎮武營陳秀爲威武營黃光輝爲勇武營五日王壽節不受賀用太牢遙祭二祖列宗配以唐國祖宗以程珦巡撫惠潮

大清兵薄崇安大學士蔣德璟自請行關詔責施福逗留曰與張家玉守新城而鄭彩逃入關何異福退死三尺易若前向死敵德璟請告歸泉州六日皂口兵潰萬元吉入贛州故贛督李永茂自南雄遣吳之蕃張國祚帥粵兵五千拔



顛顛城倉皇爭竄元吉欲斬其妾之出署者人心乃定十七日

大清兵圍贛州元吉與兵科給事中楊文薦悉力拒守蘇觀生

引所部退走南康王念國家元氣之削由於靖難命追復

建文年號立方孝孺祠設姚廣孝像於階下又追復吳王

允燭衛王允燧徐王允熲及建庶人封謚冊封趙王命撫

臣盧若騰就近行禮擢袁彭年吏科都給事中晉士司沐

增太僕少卿沐懿四川右布政以勸義輸以總兵包象乾

守汀州籍石壘建瑞亂民之壯者爲兵汰老弱歸農遺黃

東南紀事

卷一

六 邵武徐氏刊

興施福守崇安林順曾德守仙霞歲滿更番水軍都督周

崔芝遣人如日本乞師王卽位一年無尺寸功羣臣建義

者衆兵尙書呂大器言用人太濫所用人又相援引虐民

叢盜望治何由御史湯芬言可發海師直擣吳浙主事吳

鍾繼言首克南昌選鋒進取爲上策若舍此他圖關門一

有騷動全閩震驚矣王皆善之而不能行諭臣民曰爾等

立朕爲君志在救民雪祖朕將暫至邵武相機出關古人

創業中興誰不危而後濟朕以寧進死不退生六字自誓

如有敢請駕回天興及避幸廣東者立斬以殉亡何聞侯

二縣耆老詣延津請駕回福京王太息曰卽位上有一月

日夜所思何事豈得回鑾但恨在閩不能安閩閩民不負

朕朕負閩民多矣建寧諸生請大駕再臨建水王曰朕進

取之志甚銳萬無轉蹕之理鄭鴻逵久頓兵關門一日兵

譁誤謂大兵至徒跣棄軍逃歸二日夜抵浦城詔削其爵

芝龍則請閩饟共需一百五六十萬王諭之曰卿兄弟擁

戴朕躬朕所委託但國蹙民貧錢糧止有此數所奏卽竭

三省之力不足從未有關籬不固止於家門堵賊者此理

甚明今議以兵三萬守關一萬守腹不復可增若有別議

東南紀事

卷一

五 邵武徐氏刊

旁撓是彼蒼不助中興朕亦惟有退避賢路而已王聞沙

縣寇患詔蠲逋賦是月閩中地震撫州陷永寧王死之以

新撫永安沙縣山寇隸陳國祚受朱成功節制兵部侍郎

于華玉以漳州兵入衛至歸化不戢士民閉城拒之命華

玉及羅登輔留止順昌張思道留止歸化俟駕來從行敕

曰朕痛兩京淪沒全非寇敵之故止因兵民相戕致危宗

社今日僅此彈丸冀資民力恢復若復傷民將促國脈新

兵未經節制故譁卿宜振刷務令民安毋徒憂謗廣西酋

長農國琦破縣城逐知縣巡撫晏日曙討平之獲國琦傳



首詔解散脅從勿獻俘以示寬仁遣禮部尚書黃錦往朔州與新撫商度出贖總兵曹志建劾閩兵將領張安兵無紀律有詔止安入關土賊攻陷詔安知縣田樹死之仙遊民變檄總兵周仕鳳速提兵援浙西敕唐鄧二王毋私受官民章奏必由通政司封進方不失藩王體違者輔導官方士亮何九雲治罪至於詞訟應歸有司通政司不許封進再錄平靖江庶人功封潯梧參將陳邦傅爲富州伯賜平越伯丁魁楚鐵券賜西夷安承宗府名頒印以勸來降者五月諸軍潰於贛州大軍銳甚滇粵諸軍先後至南康

東南紀事

卷一

三都斌徐氏刊

不救良可痛恨滇兵戰而不勝猶愈不戰而逃者爾仍收合餘燼勿自困挫論楊廷麟曰吉安失守萬元吉諸兵皆付一擲今五月初一失機此番功罪宜明卿深惟善計更圖興復粵饜三萬與卿召募但當作何約束近民苦兵甚苦寇驅虎進狼綠林四起當是統兵者之過包象乾張家玉毋得收聚凶徒終成潰散朕將前蹕汀州面議方略廣信陷召羅登輔謝祥昌兵入守長汀

大清兵至常山

敕朱大典顧應勳馬步兵入援論何吾騶曰田

關之兵敢行潰叛大安關外復有夫挫卿其強出爲朕分

東南紀事

卷一

三都斌徐氏刊

憂徐孫彥使蜀還陸見具列王應熊樊一衛李乾德馬象乾米壽圖劉麟長王之瑞萬年策鄭逢元劉泌范文光牟道行田華國莫宗文曾英楊賡賈登連譚誼等勦力恢疆奉揚王命且言張獻忠殺戮川民無孑遺生民以來未有之禍王爲之揮涕封方國安子元科爲定中伯以周崔芝領水師爲平海將軍和順王慈燦言建陽百姓因大兵久屯溪不敢漁山不敢樵王曰如此何以聊生令兵毋入城毋久屯犯者以聞張安復姓名爲陳丹引兵迎駕以爲御營副總兵尋令復出贛州從蘇觀生以周損巡撫廣信召



武岡守將劉承盾入援遣撫臣劉中藻賑温州永福雁湖寇亂知縣田楷平之聞吳易戰勝於太湖晉兵部尙書右副都御史加陳子龍兵部右侍郎兼翰林學士復封黃斌卿戚魯伯以施福爲忠勇將軍命主事李言撫寧化清流亂民潮撫劉國柱獲潮陽賊首莊二權琉球世子遣使入賀貢方物江西江黃各若義師起特用文臣守關張調鼎周道臣趙秉樞守永定關謝紹芳周維新守大安關黃大鵬鄭爲虹守仙霞關再發恤民庫銀一千賑温州王曰奇荒至此千金之寡安能徧活數十萬人之命乎命撫臣盧

東南紀事

卷一

聖訓 聖訓 聖訓

而忽傳有南幸五羊之說識者懼矣駕出虔州右連三楚左達八閩後屏梅嶂出兩粵之粟前跨章江南九有建飯而下之勢騎天下之脊而號召之所謂六龍臨江勇氣百倍上策也若暫駐雄州可出江則度庾關下貢水可出楚則遶韶郴出衡岳進止緩急由我中策也若入五羊斯下策矣宋景德間契丹寇澶淵王欽若江南人請幸金陵陳堯叟閩中人請幸成都臣五羊人計應出此獨恐車駕日南中原失望不如寇準爲卓見高宗南渡李綱宗澤岳飛等屢請還東京而汪伯彥黃潛善力阻之卒有明州之難

東南紀事

卷一

聖訓 聖訓 聖訓

宋之不延由東遷失策也高宗時兩河三吳皆無恙綱等猶以去就爭之況今越在五嶺一失足則大事盡去臣敢不以死爭哉虔城不滅晉陽萬元吉不滅尹鐸乞陛下必以爲歸王終未決贈黃道周爲文明伯諡忠烈官其四子妻封一品夫人立廟福州及漳浦鐫其絕命詞於廟門是月廿七日浙東兵潰方國安入紹興劫魯王南奔六月朔大清兵入紹興魯王自江門入海方國安方元科馬士英阮大鍼皆降

大清大軍至金華大學士朱大典堅守不下周藩安昌王長子



恭懷浮海來朝封爲安昌王命劉孔昭嚴嚴所部毋犯  
土以著臣節命福靈道王芋遣兵一千出援温州福州宮  
工成益鄭芝龍歲祿五百石廕一子錦衣千戶陞湖廣監  
軍道章曠右僉都御史提督軍務恢撫湖北嚴起恒戶部  
侍郎總理湖廣錢法張家玉招程鄉賊黃元吉降之靈化  
賊黃通襲執兵部侍郎于華玉蘇觀生兵潰于南安賜異  
人薛通載號廣濟禪師往海外徵兵贈張惟熊右都督謚  
武襄論盧若騰賀君堯監守温州如若騰兵部右侍郎君  
堯太子太傅王子生大赦福州鄉試取葉瓚等百餘人十  
東南紀事 卷一  
六日

大清兵入上杭檄晉德還守仙霞關贛州諸將及

大清兵戰於李家山大軍退屯水西賜贛州改名忠誠府加楊  
文薦右都御史是月沙定洲復圍楚雄秋七月湖廣都督  
張先壁郝永忠合疏迎駕黃元吉復昨攻破永定張家玉  
使賊黨執斬之復招降鎮平賊陳靖之衆十餘萬歸農是  
月

大清兵破金華朱大典死之遂至衢州副使秦應科內應城破  
守將張鵬翼及楚王晉平王樂安王皆被殺督學御史王

景亮亦不屈遇害

大清兵將度仙霞金堡說上言今日之勢誠能直走湖南用何  
騰蛟之銳竟搗荆襄傳檄中原北方聞之以爲陛下從天  
而降此上策也移蹕虔州此中策也并兵出關背城一戰  
敗不徒死此下策也若往來延建觀望經時輕騎叩城避  
不暇出爲無策之王卒出無策而鄭芝龍間使約款於  
大清盡撤施福等守關將軍還安平手敕遣中使邀之日卿稍  
遲朕與卿同行芝龍不顧由是

大清兵平行入關至建寧守臣黃大鵬鄭爲虹死之八月廿一

東南紀事 卷一  
日王發延平御營皆散猶載書十車以從至順昌聞

大清兵已及劍津倉皇乘馬奔從者何吾騶郭維經朱繼祚黃  
鳴俊吾騶尋去惟經奔贛州王入汀州界不知所之曾后  
被執自投九龍灘八閩皆下大學士蔣德璟路振飛傅冠  
禮部尙書曹學佺先後死鄭芝龍自安平降是年十月四  
日贛州陷大學士萬元吉楊廷麟兵部尙書郭惟經等死  
之蘇觀生退保廣州

論曰唐王寬明恭儉親親尊土循良愛民而有撫綏大略  
識張家玉之奇俊崇黃道周之耆德褒忠行義結於至誠



聞江陰涇縣力守見屠曰吾家子孫遇此二縣之人雖三尺童子亦當憐而敬之每誠出兵毋殺難民傷促國賊大小主客文武眾庶恩勤和劑成出其肺腑瀕死無貳待永明王以大公論羣臣曰太宗適自屬永明朕在此間去永明千里不暇相求臣民敦迫勉行即位然行年四十未耀前星不審永明才度何如良用關切此可見其義矣惟制於鄭氏不獲展尺寸然兩奪鴻逵彩侯伯而諄諄論芝龍和衷共功消其亢慢使臣以禮隆世所難使其遭際中興豈必在令主下哉昔賈生過秦責子嬰以不能救敗未為東南紀事

卷一

毛邵武徐氏刊

通達事體唐王在位雖一年而大江以南驕將劇盜望風歸命此其關繫國運亦有由來故特月而紀之使後來者得以考焉  
唐王聿錫隆武弟也乙酉七月封唐王監國福州隆武家法嚴不以友愛故假借嘗敕王毋得私受臣民章奏必由通政司封進方不失藩王體王甚率謹在福州一年未嘗有過福州既陷王泛海達廣州時兩廣總督丁魁楚等已奉桂王監國梧州大學士蘇觀生不欲曰吾受大行厚恩死無以報今其親弟在何外求君遂與故相何吾驥布政

司顧元鏡侍郎王應華等請王監國十一月五日即位於廣州以明年為紹武元年命觀生專理軍國重事吾驥應華元鏡並入閣辦事是月桂王亦即位肇慶

大清將李成棟自漳汀入陷潮州惠州十二月二日廣州總兵林察誘敗肇慶兵於海口殺總督林佳鼎觀生戰勝而驕十四日成棟以十七騎晨襲廣州城中兵悉西出宿衛尙萬人不及集觀生急召得百餘人

大清兵下城擊之皆散走王變服踰垣走王應華家不納尋縋城走洛城里為成棟副將杜永和所獲安置東察院成棟使人餽食王不食曰吾若飲汝一勺水何以見先帝於地下自縊而殂自即位至是日凡四十日太僕卿霍子衡司業梁朝鐘行人梁萬爵皆死之觀生亦縊十八日殺諸王之在廣州者十六人周王益王遼王皆遇害吾驥應華降顧元鏡先椎髻號於市曰

東南紀事

卷一

毛邵武徐氏刊

大清天兵至此汝百姓今安枕矣成棟欲大殺廣民佟養甲曰廣民未迎戰請卜諸天天雨者則止夜雷震雨如注養甲曰天墮淚也乃止猶大掠三日謂之放賞婦女多自裁後二年成棟來歸吾驥復入肇慶為首相元鏡以反正功復



擢用

黃宗義曰唐桂之搆外懼方張又生內變蘇觀生之罪又何逃焉然觀生受前王特達之知其立後王也與荀息之不食言可以並矣豈僅僅修魁楚之際哉若後王之從容遇難所謂亡國而不失其正者豈可以地之廣狹祚之修短而忽之乎

唐王聿錡亦隆武弟蓋紹武建號日封李成棟陷廣州王得逸率宗族去依虎賁將軍王興于文村興事王甚謹成棟歸桂王入肇慶王奉表稱賀廣東再陷尙可喜累攻招

東南紀事

卷一

天邵武徐氏刊

文村文村食盡重困日亥桂王入緬文村始降興自焚死王亦服腦子薨卒不辱

論曰唐王兄弟三人皆儒雅有君人之度與他藩絕殊惠宗之遭靖難紹宗之當末造皆關世運非獨一家之事黃宗義著行朝錄稱壬辰八月刑部侍郎王虞石自五指山至廈門言隆武在彼爲僧賴垓熊緯皆從亡信如斯言何與惠宗相類耶又云建寧代死者爲唐王聿釗然則聿釗亦勇而知義其有否未可知要之宗臣多仁賢則雖亡不亡矣又云五指山勅使至故臣皆不能決癸巳二月復遣

使存問諸臣稱離五指駐平遠將起兵故臣乃具公疏請勅驗視卒不可得當傳疑以俟後之考古有識者

東南紀事卷一

東南紀事

卷一

天邵武徐氏刊



東南紀事卷二

餘姚邵廷采念魯撰 邵武徐 幹小勿校刊

魯王以海

魯王以海太祖十世孫父壽鏞以崇禎十五年大兵破兗州死焉十七年二月王嗣位尋京師陷南奔順治二年乙酉四月命移江廣暫駐台州及鄭遵謙等兵起議推戴而入浙五王惟王最賢乃選遣元老前兵部尚書張國維迎王於台八月至紹興即監國位以分守署為行在臣民稱國主詔稱令制稱勅羣臣勸進王固不許曰芟夷大難須

東南紀事

卷二

一 鄭武徐氏刊

命世神聖俟拜孝陵擇宗賢中外翕然有中興誼辟之望焉時浙東畫錢塘江而守號令所行不出八郡乃議列屯以朱大典鎮上游金華方國安當七條沙王之仁當西興鄭遵謙當小鹽孫嘉績熊汝霖錢肅樂當瓜里日尋食鳴鼓放舟登岸搏戰復柁還戍率以為常議分饗以孫熊之師謂之義兵食義饗方王謂之正兵食正饗正饗田賦所出義餉勸輸無名之征實無饗也戶部主事董守諭請一切正供歸戶部覈兵而後給饗所謂義饗者雖有其名不可為繼戶部主事邵之詹議紹興八邑各有義師專供本

東南紀事

卷二

一 鄭武徐氏刊

郡監波給王之仁金華歸朱大典五府歸方國安方王不可計浙東田賦六十餘萬悉給方王義師聽自措饗正供不及焉署官爵國維大典宋之普俱東閣大學士國維賜尚方劍督師江上汝霖嘉績肅樂右僉都御史並加督師然實無權起章正宸吏部左侍郎署部事李自春戶部尚書王思任禮部尚書余煌兵部尚書張天郁工部尚書陳函輝吏部右侍郎封國安鎮東侯之仁武寧侯衢州守將張鵬翼永豐伯鄭遵謙義興將軍議謚號上皇太子曰悼皇帝福王曰赧皇帝潞王曰潞閔王未幾起方逢年為東閣大學士宋之普罷是月國維復富陽金堡姚志卓起兵復餘杭餘杭尋陷堡渡江來歸國維命志卓守分水又復於潛汝霖以五百人渡海監轉戰數日夜至喬司士卒略盡乃還王雖謙仁少威斷初立之日張國維首疏參馬士英十大罪士英懼不敢入朝與阮大鍼俱匿方國安營中陰敗國事不能執而誅之以此賞罰盡失士氣衰沮而文臣建義者多不知兵鄭遵謙唯畜優伶殊無定志義旅烏合市販原設營兵衛軍皆隸方王國安及其子元科尤悍戾日與朱大典構隙擁百練之卒不肯進取杭州士大夫



沿習承平求官乞廕塗巷之內半腰犀玉至有以白石充之時人語曰帶何挺挺白石粼粼其子弟方髻黻繡衣冠佩傳呼道上又爲之語曰痘兒哥痘兒哥橫街騎馬誰敢何故巡撫田仰來自淮揚與遵謙爭饒譁於朝仰將李士璉拔刀斫遵謙奔殿上呼救我太監客鳳儀助仰兵巷鬪遵謙脫歸小齋王遣廷臣解之而已其秋饑浙東大水漂沈民舍越人衣食於舟征調既煩皆沈舟束手軍人沿門供億搜牢勒輸文武官符票一日數至奸宄乘時報復民始離怨七月七日海鹽陷守將俞元良死之八月參將姜

東南紀事

卷二

三 鄒武徐氏刊

國臣復入守海鹽故總兵汪碩德集兵雙林來告使移札塘棲會唐王卽位福州詔至衆議開讀熊汝霖持不可王意不懌下令返台州人情惶惑張國維星馳入郡上疏福州言逢國大變凡高皇帝子孫民吏當共同心力事成入關者王監國退居藩服禮誼昭然今遂南拜正朔事勢遠不相及唇亡齒寒悔弗可追臣老矣豈若朝秦暮楚之客哉疏出議始定閩使廢然返然是時江楚西蜀兩粵滇黔皆受唐王詔朔獨浙東以監國在先義旗分豎不宜降屈天下多不直魯王後金堡入閩復來上啓力爭以爲更始

稱尊劉續止居大司馬之位湘陰繼統劉崇亦守節度使之官續豈甘以賢讓不肖崇豈甘以父讓子哉恐一家之中有二天子卽外患得以相乘也殿下以姪事叔則今上既非湘陰以賢事聖則今上并非更始卽上表稱臣拜疏迎駕豈遂爲屈已乎兩大相抗必至於離兩離相戾必至於敗使敵國得乘瑕觀變坐而收漁人之效恐文武諸臣不得辭其責矣詩云兄弟鬩于牆外禦其侮今當禦侮之時自啓闕墻之釁竊爲殿下惜之殿下誠能息羣喙以奉一尊異日光復二京祇謁寢廟今上之功不過漢光武而

東南紀事

卷二

四 鄒武徐氏刊

殿下之德乃過於周文王厚實不虧而顯名爛焉卽今上亦安能屈殿下哉不聽令旨法司究問陳函輝密啓請殺堡堡亡奔衢州十月壬辰方國安及

大清兵戰於江張國維引步軍繼進追北至草橋門大風雨火礮弓矢不得發乃收兵

大清兵營木城沿江以拒南師徽州陷上江告急是月遣使招杭州義旅陳萬良姚志卓復餘杭十一月王出郡城臨江勞軍晉方國安荆國公王之仁監國公賞倡義者特封鄭遵謙義興伯劉穆威北伯熊汝霖孫嘉績晉兵部右侍郎



諸營皆受國安節制十二月還郡城預明年營元年大統  
歷鑄大明通寶

大清順治三年丙戌春正月朔魯王御殿受朝遣兵部尙書柯

夏卿如福州聘唐王深自抑損手書報王言朕無子王爲

太姪和衷協力共拜孝陵朕有天下終致於王取東浙職

官均列朝籍轉饗十萬犒師王意終不慊發勅封鄭芝龍

兄弟爲公於是唐王大怒囚使者裴兆錦林必達斬陳謙

浙閩竟成水火二月叛將張國柱劫定海總兵王鳴謙入

掠餘姚其部曲張邦寧掠慈谿紹興戒嚴進國柱勝北將

東南紀事 卷二 五 邵武徐氏刊

軍始返定海總兵陳梧敗於嘉興航海掠餘姚知餘姚主

事王正中擊斬之三月朔鄭遵謙王之仁退

大清兵於江中張國維督諸軍渡江南軍稍振會福州詔使陸

清源至江分饗不平兵譁馬士英峻方國安斬之且出檄

數唐王過國維曰禍在此矣是月威宗大祥王率羣臣朝

堂哭臨軍民縞素王正中率兵渡海鹽復澈浦城五月方

國安叛劫王南奔

大清兵遂渡江兵部尙書余煌監國公王之仁兵部侍郎陳函

輝太僕少卿陳潛夫皆死之時南軍久屯江上無功氣勢

日蹙而

大清貝勒統大軍至各營西望心碎是月廿七日江涸北人試

馬用大礮擊南營碎方國安軍竄國安遽違擾曰天奪吾

食夜拔營趨郡劫王南走侍御狼狽是日學使者方坐試

院較諸生倉卒擲筆研竄軍人騰藉流踏於道詰旦江上

諸軍聞報俱潰孫嘉績熊汝霖鄭遵謙錢肅樂劉穆各引

所部兵入海越三日

大清兵始渡江余煌開郡城九門縱軍民出自正衣冠赴水死

前後死節甚衆六月二日

東南紀事 卷二 六 邵武徐氏刊

大清兵入紹興張國維慟哭曰壞天下事者文山疊山也一死

而已乃收散卒追扈及王黃石岩國安斷所過橋用馬士

英計將執王以降會守者病王得脫自江門入海命保定

伯毛有倫扈世子張妃由定海出爲張國柱所劫去國維

歸死義烏國安士英及阮大鍼方逢年皆詣

大清軍降已皆斬於延平

大清攻克金華衢州朱大典張鵬翼死之是時黃斌卿在舟山

兵食殷足石浦守將張名振奉王往投之不納王舟泊外

洋福州既破永勝伯鄭彩亡入海以舟師迎王十月丁酉



發舟山如厦門鄭芝龍使彩執王獻貝勒彩以南夷貌類者服王冠服居舟中謂其人曰事急則縊死以示之會芝龍去乃已朱成功兵起仍奉隆武年號大會厦門王於是改次長垣以明年爲監國魯二年海上遂有二朔其冬桂王卽位肇慶尋奔廣西

順治四年丁亥正月魯王在山盤以熊汝霖爲相晉鄭彩建國公鄭遵謙義興侯張名振定西侯楊耿同安伯鄭聯定遠伯周崔芝平北伯阮進蕩北伯崔芝復海口鎮東二月朔王申克海澄明日攻漳平失利又明日

東南紀事

卷二

七 邵武徐氏刊

大清兵救海澄南師退入於海丙子克漳浦以閩人洪有文爲令五日而陷有文死之四月海口陷守將林籥舞趙牧死周崔芝退保火燒寨六月攻漳州七月王親征次長垣會鄭彩周瑞周崔芝阮進之師攻福州敗績鄭西王起兵復建寧八月王克連江十月長樂永福閩清皆下羅原知縣朱丕承寧德知縣錢楷皆以城降晉馬思理東閣大學士林正亨戶部尙書錢肅樂兵部尙書沈宸荃工部尙書余颺左都御史劉沂春左副都御史吳鍾巒通政使林崑吏科給事中黃岳吏部郎中初唐王隆武時大學士劉中藻

以忤鄭氏去吏部主事林奎解官募兵得千人阻於鄭氏鬱鬱失志散兵入山制棺一具書大明孤臣之柩以待死兵部侍郎林汝嘉亦隱居聞王至皆起兵中藻攻福寧州守將涂登華以城降塗汝嘉合軍攻福清塗陣沒汝嘉不屈死是歲卽桂王永曆始年也

大清守道彭遇颺使守將出戰而登陣立明幟以城降

東南紀事

卷二

八 邵武徐氏刊

大清將金聲桓部將郭天才來歸鄭彩殺大學士熊汝霖義興侯鄭遵謙於琅琦晉錢肅樂東閣大學士自王入閩先後降克得三府一州二十七縣皆不能守於是給事中林崑守道湯棻死興化大學士朱繼祚知縣都廷諫死莆田給事中鄭正畿御史林逢經死永福御史王恩及死長樂守將王祁死建寧王移次沙埕餘姚人王翊起兵四明遙奉魯王年號破上虞前翰林學士張煌言聚兵平岡以應之御史馮京第如日本乞師冬十月馬思理卒以沈宸荃劉沂春爲東閣大學士十一月王舟退壺江錢肅樂以憂卒



是年

大清將金聲桓李成棟以江西廣東來歸桂王復至肇慶

順治六年己丑正月魯王舟次玉環山張名振白石浦來朝三月王翊狗奉化退

大清兵於河泊

大清兵圍劉中藻於福安中藻食盡不得出戰為文自祭吞金

死城陷部將董世尙等數百人皆死之闔地盡陷浙遺臣

南來者多為鄭彩所害彩亦帥麾下棄去張名振阮進迎

王還浙次於南田秋七月王戍至健跳從者大學士宸荃

東南紀事 卷二 九都武徐氏刊

沂春禮部尙書吳鍾魯兵部尙書李向中兵部侍郎孫延

齡職方郎中朱養時戶部主事林瑛每旦朝於水殿鐘繼

如立治朝所至試秀士入學率以見王欄衫巾條拜起秩

秩觀者感嘆鹿頸屯師王朝先來觀封平西伯壬午

大清兵圍健跳阮進拒卻之九月命名振進朝先會師討斬黃

斌卿王移蹕舟山以參將府為行在建太廟府東進張肯

堂東閣大學士朱永佑吏部侍郎遣阮美如日本乞師是

年李成棟金聲桓何騰蛟皆敗

大清盡取湖南江西朱成功使陳士京朝肇慶閩海始用桂王

年號

順治七年庚寅正月朔魯王在舟山謁太廟淚下謂輔臣

張肯堂等曰昔高帝起布衣建業先帝憂勤淪陷閔子小

子播遷無地不能保浙東數郡以延廟食是以痛心諸臣

皆泣頓首待罪二月王翊來朝除兵部左侍郎夏張煌言

來朝晉兵部尙書留備侍從八月朔復新昌拔許山

大清兵分道入四明朔避入海馮京第遇害九月張名振襲殺

王朝先并其兵是年鄭彩為朱成功所敗具表請援張名

振阮進周崔芝擊彩餘眾破之彩還走廈門歸成功冬十

一月 東南紀事 卷二 十都武徐氏刊

一月

大清兵陷桂林廣州桂王奔南寧

順治八年辛卯正月魯王在舟山秋王翊潰於四明

大清將陳錦合軍攻舟山定西侯張名振英義伯阮駿兵部尙

書張煌言奉王先出奔閩海蕩胡伯阮進迎戰於海門死

之裨將金允彥縋城降其子傳示四門

大清試舟海口南師以三舟突陣獲樓船戰艦賊十餘人縱歸

大清師將退八月丙寅天大霧

大清師悉抵螺頭門守陴者方覺安洋將軍劉世勳都督張名



揚以精兵數百義勇數千背城力戰殺傷大軍千餘人九月丙子城破官眷投井死指揮李向榮朱起元等猶率兵民巷戰

大清師相謂曰吾兵南下所不易拔者江陰涇縣今舟山而三

耳如兩京易取也禮部尙書吳鍾巒居普陀聞變毅然曰吾從亡之臣當死行在渡海入城別大學士張肯堂爲高座文廟廡下命僕舉火肯堂闔室自經執吏部侍郎朱永祐令雜髮曰吾髮可雜髮俟今日斫其肩死兵部尙書李向中居艱廬墓購得衰經翔武就溪流受刃餘死者通政東南紀事 卷二

十一 邵武徐氏刊

鄭遵儉兵科董志靈郎中朱養時主事林瑛江用楫董玄朱萬年李開國顧珍顧宗堯楊鼎臣中書蘇兆人工部所正戴仲明錦衣指揮王朝相內官監劉朝定西參謀顧明楫諸生林世英暨婦女廝僕或刎或投水火死節之盛爲中土所未有十一月王舟泊南日山夜遭風失大學士沈宸荃進次崑頭朱成功自廈門來謁稱主上自稱罪臣從者泣曰成功卑王矣王處之泊如成功故不奉王送金門于戶所月節進銀米致牋移名振屯崑頭煌言屯鷺門順治九年壬辰正月魯王在金門成功使各振總師北行

逼金堂望祭舟山死事者將卒皆哭進至崇明沙登金山

大清江南北戒嚴是年桂王至安龍西寧王李定國克桂林

順治十年癸巳正月魯王在金門始自去監國號冬名振復及煌言北行敗大軍於崇明之平洋沙殺傷頗衆其年鄭彩死於廈門

順治十一年甲午正月王在金門名振再入鎮江抵儀真還逼吳淞關遣使致啟獻捷

順治十二年乙未正月魯王在金門有敕使自安龍來命王監國冬成功遣阮駿陳六御圍舟山

東南紀事 卷二

十一 邵武徐氏刊

大清將巴臣興舉城降定西侯張名振薨是時成功以計力并諸鎮緩於攻取有自王意宗藩皆受屈辱王不免饑寒出無輿導至以名刺投謁寶舊張煌言徐孚遠避形疑不敢入朝王寄食鄭氏如家人而已至名振遇毒王聞垂淚幾廢寢膳

順治十三年丙申正月魯王在金門桂王如滇都六月

大清兵圖滬洲成功令平其城至南門得湯信公和埋碑載成毀年月日八月舟山復陷阮駿陳六御死之

順治十四年丁酉三月魯王在南灣孫可望反貴州降



大清

順治十五年戊戌正月魯王在南澳滇都使者道安南來  
廈門授張煌言兵部左侍郎兼翰林院學士徐孚遠隨使  
入覲不至自廣東降

大清是年

大清吳三桂入四川別將入貴州

順治十六年己亥春成功遷魯王於澎湖桂王出奔緬

大清盡取雲南地夏六月成功北舉克鎮江圍南京張煌言先

驅抵蕪湖徽寧池太諸郡皆下秋

東南紀事

卷二

正 邵武徐氏刊

大清將梁化鳳襲破海師煌言亡歸台州

順治十七年庚子正月魯王自澎湖抵金門先是成功潰

歸問降者曰南京何以不降曰不聞說起明皇帝故不降

耳乃迎魯王歸金門

順治十八年辛丑正月魯王在金門會

大清遷界島上饒絕成功取臺灣宗藩從徙家焉冬桂王被執

康熙元年壬寅延平王朱成功薨世子錦嗣稱招討大將

軍部曲攜畔多出降

大清者張煌言移壁沙堤三啓致金門略言去冬緬甸內變致

宗室職官無一得免惟吉王自縊以殉而晉王李定國入

洞郎鞏昌王白文選亦遁深山臣聞變之日肝腸寸裂追

惟我太祖高皇帝聖德神功豈意後王禍等徽欽辱同懷

愍臣以為延平藩王必當速定大計以伸大義而至今寂

寂道路遙傳又有子弄父兵之事臣中夜傍徨恐窮島孤

軍難與相守即今浙閩廣各有招撫二人解散海上若不

先事豫圖則報韓之士氣漸衰思漢之人情將輟臣惟有

致命遂志以了生平獨念主上旅羈島嶼與閩海存亡相

倚萬一變生肘腋退無所往有不忍言臣自顧力微既不

東南紀事

卷二

西 邵武徐氏刊

敢輕為迎駕又不敢輒行趨扈計惟在閩勳鎮正在危疑

不若急用收羅以資擁衛然後速正大號傳檄省直刻期

出師雖強弱懸殊利鈍莫必而聲靈宣布響應可期興滅

繼絕端在主上詔書一道惟主上密與寧靖王及諸大臣

謀之王覽啟悲慟是秋復遣御史陳脩齋敕至煌言營

康熙二年癸卯秋

大清大舉攻金門廈門鄭錦戰不利退守銅山十一月廿三日

王姐於金門東葬臺灣張煌言遣官致祭表文有曰穆王

駕駿以來歸已孤此願望帝化鵲而猶在莫慰餘思海外



聞而哀之十二月金門厦門皆破明年甲辰煌言亦被執死杭州又十年癸亥

大清兵入臺灣鄭克塽出降密靖王術桂死之魯世子及宗室皆北遷分屯田河南

論曰野錄稱何吾驥被唐王之召道出南雄問同知李世輔曰君閩人也閩遂興乎曰可也來兵雖勁皆遼土燕齊人及左良玉劉澤清降卒耳何遽不相勝乎曰然則東晉南宋乎曰未也東晉自永嘉後諸國相吞百年未定王導謝安乘其閒暇賓禮賢士修安和寬簡之政卒亦不能駕

東南紀事

卷二

五 邵武徐氏刊

賀循紀瞻輩與劉石爭雄長今豈能爲東晉之閒暇南宋有韓岳諸將百戰守禦宗李趙張彌縫補苴故金人屈就和議宋以苟安今踟躕閩中駕馭不遠欲爲南宋豈易言哉曰然則駐虔乎曰其次也實亦置之危地而後安漢高不據關中終難滅項太祖不戰鄴陽豈能驅元以備亮之才退保益州終不能越祁山寸武況八閩澤國無瞿劍之險乎曰魯藩逼近金衢將爲梗乎曰是所爲中興之藉也根岷蜀諸藩不悉倡義西北耳兵勢有分台彼台亦利台彼分亦利分今聞全力取山陝而分兵取江南我不能分

而禦之使諸藩人自爲戰疆自爲守卽令爲錢鏐爲賈融亦僅爲聖主驅除難耳漢追楚至固陵而信越不會乃從張良計捐齊與信捐梁與越此高祖之大度所以成帝業也今舉朝不惟薪膽仇讐而聚謀蝸角兄弟是倒施也後禍敗竟如其言魯王才望遠遜唐王而孤軍扼守錢江南蔽閩廣亦訖一載其後桂王聲教不及東南賴窮島揚帆猶繫江南義士之氣故特進而記之

東南紀事卷二

東南紀事

卷二

六 邵武徐氏刊



東南紀事卷三

餘姚邵廷采念魯撰 邵武徐 翰小勿刊

黃道周

黃道周字幼元福建漳浦人幼孤好學窮微極博天啟壬戌成進士授編修充經筵展書官故事展書必跪膝行數武道周獨謂膝行非禮平步進監侍駭愕魏忠賢連日攝之不動歸讀書白鹿洞躬執薪爨天下士大夫高推之威宗卽位起原官崇禎庚午主浙江鄉試遷右中允會大學士錢龍錫以袁崇煥事下獄史莖等必欲殺之主之者周

東南紀事

卷三

一 邵武徐氏刊

延儒廷臣無敢訟寃者道周上疏曰秦漢而下宰相有犯坐請室不過數日非大逆或裁或原人主未嘗不爲引痛今纍輔所坐爲罪督攀援耳昔輔臣高拱嘗以邊功得蔭錦衣辭曰身未臨疆場而受上賞卽一旦有敗何所逃誅臣疑其言不忠由今而觀實爲先見漢武帝決意空幕南心疑丞相墜北伐之師一旦破法而戮劉屈氂世宗決意棄河套心疑開隙撓修立之事一旦破法而誅夏言此二子者皆生值明時無故身伏斧鑕今東疆之圖未有定算恢復之計上下持疑未有一男子據鞍而斫騎牆之見者

獨斷然快意於一纍輔纍輔既無斂其引杯之致廷臣又無蹴芻齒馬之嫌遂使三台灰溺於貫城斗柄銷光於理勢每見衣冠相語以目不曰安敢言則曰那得歸天下人心衰颯如此誰復挺脊梁擔安攘之略者乎陛下御極以來輔臣坐重譴者九人矣一代之中有幾宰輔而三年每降愈下至此疏入上感動延儒意亦釋龍錫竟得出戍定海衛五年孔有德反登州連陷州縣而溫體仁當國專輔上以法律益爲廉謹取媚凡事蒙蔽兵政怠弛道周精易數故以易諫言易以天道爲準以詩春秋推其運候始春

東南紀事

卷三

一 邵武徐氏刊

秋元年己未加五十有五得周幽王甲子其明年十月辛卯朔日食以是上下中分二千一百六十年內損十四爲洪武元年戊申爲大明資始戊申距今二百六十四年以乾屯需師別之三卦五爻丁卯大雪入師之上六是陛下御極之元年正當師上六辭曰大君有命開國承家小人勿用凡易一卦直六十七年一百五十一爻直十一年七十七日今歷十分之四矣陛下開承之始曾未四年士庶離心寇攘四起往者敵去遵承已六七日而叙收復者以爲千古奇功近者賊破山東已六七縣而護叛帥者以爲



不犯秋毫凡小人見事智短於事前言也長於事後不救後城謂後城必不可策不理島民謂島民必不可用昔有夏肩征仲尼所錄向戌去兵止明非之臣以為正功之道在乎定命亂邦之戒止乎小人小人用即無寇賊亦足以致亂小人不用即有外憂亦足以致理人主之學一以天道為師則萬物之情可照斷事一以聖賢為法則天下之材具服二年以來以察去蔽蔽愈多以刑樹威威愈殫亦反申商歸周孔之秋也臣考自丁卯大雪至戊寅春分凡十一年餘七十七日皆在師上六勿用之防誠不可已

東南紀事

卷三

三 鄒武徐氏刊

傳旨明切更奏道周言明切之要莫若用君子去小人自庚午以來為邊疆之案以陷君子為科場之案以尋私怨其緒餘為參罰催科在宋人一看詳條例之司諸臣倚之當匡襄之務宋儒言邊帥之才當於廉幹有識中求之又云直言敢諫之士即杖節死義之臣萬曆末年如鄒元標趙南星等二十餘人廢棄廿年釀成門戶之禍今又取摺紳有器識者舉網投奔知其為小人又以小人矯之知其為君子又以小人參之天下事尚安望有成功哉因論馬如蛟毛羽健任贊化等被遺而薦惠世揚李邦華梁廷棟

可大用末云昔蘇軾臨行求陛辭不得上書言極泰之世小民皆得上通極否之世近臣不能自達臣今雖乞枯骸猶荷明問死且不朽坐削籍出都為衛士凌辱作重生詩至杭州諸生築大滌書院於餘杭之洞霄宮從講學焉歸廬墓者三年以原官召遷左中允時五日內繫兩尚書道周上書請慎喜怒以回天再應詔言天下神器為之有道簿書刀筆非所以繩削天下之具也古者聖人設為禮樂以治方內設為征伐以治方外禮樂不足以治其內始有縲紲纒繫於君子征伐不足以治其外始有

東南紀事

卷三

四 鄒武徐氏刊

起於小人共工伯鯀身亮天工使水土不治人民不安雖神明之胄不保幽羽之戮今陛下寬仁宏宥蓋有身膺重寄七八載罔效尚擁權藉自若者天下巖險無賴之徒羣聚京師搢紳俛首屏息以伺動定幸逢陛下好生下詔求言省刑清獄然方求言而建言者輒斥方清獄而下獄者旋聞且以人心時事如此輔臣雖甚清且強寧保天下無一蹴芻齒馬之事哉上心重道周意其言事頗迂而言辭行清可任講幄累陞左春坊左諭德詹事府少詹事侍讀學士修玉牒充經筵日講官十一年二月上御經筵畢召



道周及詹事顧錫嘒庶子黃景昉編修楊廷麟等二十餘人前問保舉考選孰爲得人道周對今人才遠不如古矧屢經摧折如樹木然須養之數十年方得其用世宗皇帝時臣下救過不給然或朝行譴逐暮卽追還上感動已復班更召詢道周言立朝之才存乎心術治邊之才存乎形勢曩來督撫未揆形勢隨賊奔走事旣不效輒謂兵饟不足其實新舊饟約千二百萬可供四十萬師今寧錫三協僅十六萬不須別求增饟至撫賊之法令斬捕自噴使望風解還收其衆分隸諸將以實塞下倘令自擇散地一入

東南紀事

卷三

五 邵武徐氏刊

耶陽山中終爲腹心之患上深是之而未能行後張獻忠反穀城卒如道周言楊嗣昌爲本兵主棄義州致寧錦孤危且引漢和親宋納幣稱爲樂天而援孟子善戰服上刑傅會其說喉遼撫方一藻奏言北朝鐵騎十萬并三十六家之衆十餘萬西并插部及順義又十萬八城之衆不過六七萬人何以禦之請如俺答故事行欵撤兵中原討流寇已遣醫者周元忠前往諭其就撫皆受成中樞與宣督盧象昇密商幸上獨斷道周聞之頓足曰果爾不爲趙氏續乎乃上言俺答之事與今日不同俺答據有河套六七

十年故漢匈奴河南地非若遼東衣冠之國在我版章一也河套架阻形勢窪曲距三輔四千里必蹂秦晉以寇宣雲非如遼左近我肘腋猝不及制二也答誘我降人如趙全輩不過教以擾邊盜馬今諸叛將驍卒無賴者視取全遼若寄動引契丹蒙古爲雅談不可稍示以隙三也俺答制於胡婦老且倦其今東人狂穉初無撫意我又未得其要領四也答與吉囊共爲雄長恐已死囊并其衆欲及生時借名封以襲諸部收諸邊撫賞之利非若東人盡吞屬國西取順義東取朝鮮桀驁盤踞五也答受撫雖不出套

東南紀事

卷三

六 邵武徐氏刊

其王庭猶在漠北時射獵賀蘭青海之外東人必不肯棄遼瀋舍固鐵還徙建州與魚皮諸夷爲鄰六也答旣受金印七十年稱外藩一旦爲東人所乘席卷其地我邊臣若罔聞知無由復修東封使還順義七也我雖不築東勝答亦不犯慶延受降兩城東西自若東人卽畫茶河中分首山之道而神京左臂猶未安復八也答卽據套不能斷我屬夷東人旣割遼左必不肯吐諸驛還我朝鮮九也答馬市在陽和天城卽東犯紫荊尙六七百里東人馬市若在張家不百里至宣鎮不二百里踰隆慶屬川迨我居庸且



又紆道非其所樂必尋遼西舊市屯踞靈錦間以蠶食八城窺我左協十也歎必不可成卽幸而獲成靈錦遵薊宣大之師何處可撤不悔罪臣貢不可撤不卻地還巢不可撤不北盡威遠清揚南盡髮陽寬莫不可撤不盡東諸部落不侵不叛不可撤不西還我順義金印名王之封不可撤不盡捉東江諸島孔耿尙沈四酋以謝登萊靖旅順不可撤中原叛帥江南流人未還成籍得出入狡獪其間不可撤馬市數徙出撫順又出廣查求宣口又求中協故例可循而邊隙不塞不可撤元凶猶在蛇豕無懲德明之外

東南紀事

卷三

七都武徐氏刊

別有元昊不可撤兀堂再誅京觀屢築而安樂自在之民未還冠帶詩書之舊飄搖風雨其來無方此乘塞關外者可撤乎不可撤乎宋祖欺人孤寡取天下得於契丹罅隙之餘不二十五年而爭盟欣然封禪我太祖太宗光還日月誰敢爲不潔之談穆宗不動一旅而收順義神祖不憚大帥以復朝鮮之宇今西喪卜部東陷朝鮮中外諸臣恬不爲意臣非謂靈錦六七萬便可犁建州彼旣據瀋陽西而攻略必渡空河出臨潢之外北歷興寧千七百里始至宣口卽中折而回三協諸口亦已七八百里今從錦義至

靜靈堡彼所必經一二百里距瀋陽五六百里耳靜以觀其贖逸以待其歸彼之有虞於靈錦猶靈錦之有虞於彼也彼兵雖盛散於各部不能長聚六七萬人以待引弓彼以一州之衆馳千七百里何必有餘我以天下之力應五六百里何必不足度邊臣之意以久戍之卒當猝至之敵無衆不摧不如以不戰之飽與彼以有生之安與我是不言歎而歎已久猶恐以一朝之戰敗其終年之歎思以其不歎之歎文其不戰之戰光考在御旬日間發帑二十餘萬未底厥成今可以苟簡終之但請立爲搗虛斷後之令

東南紀事

卷三

八都武徐氏刊

敵以數萬騎出千里之外我不能以數千騎搗五百里之內者誅無赦敵以十餘萬騎出千里之外我不能以數萬騎搗五百里之內者誅無赦又爲之令曰敵以萬騎出千里歸我不能以二萬騎邀其輜重者誅無赦如此彼必不敢遠出必憤而與我持於堅城之下我始得斂兵專以老之撓之設奇以致之多方以誤之以八九萬人全力與遵薊相犄角卽錦義之間固已可伏而答其背矣今聽敵入平今日日出宣府明日日出大同今日日駐馬肺山明日日駐青澗日經春涉夏逍遙不歸絕不聞遣一卒擾其虎



穴又烏用是遼撫為者遼撫既無成謀內受算於樞臣樞臣又無成謀外受算於錦帥歎事成則逃肯旦夕之間貽釁三年之後不成則謂外有王田之智內無高張之忠委過朝端安受禍敗昔唐憲宗獨斷而平淮蔡然遇藩鎮大事皆咨策杜黃裳謀於李絳詢於裴洎納諫於白居易後乃委心於裴度方今上天告災星象示儆宜以實示羣情無以文稽衆論惟陛下發樞臣前後諸疏衆正其罪上方倚信嗣昌議雖不行心銜道周會象昇以憂求解任嗣昌意在陳新甲并推在籍守制者先是嗣昌奪情道周三具

東南紀事

卷三

九部賦餘氏刊

疏以遂事中止至是聞會推宣督之命遂上疏曰臣觀古今治跡其典章法度雖受於先王義不敢改至於事窮勢極亦時通變以盡其神惟綱常所繫為臣教忠為子教孝垂憲萬世本於民彝不可易也禮三年之喪君命不過其門兵革鑿凶時出戎右不施於士大夫宋時武弁如田况岳飛皆累乞終制我太祖以劉基宋濂帷幄之任特聽其奔喪嗣後雖有奪情終違物論嘉靖中葉以邊圉事殷特起楊博於宣大還翁萬達於本兵然其時博且禫矣又以夙歷移近雲中萬達以尙書降左侍郎棲遲不數日墨衣

視事世宗亦心非之卒罷閒以去蓋自是非終喪不稱起復也張居正以不守制損其勳名天啓季年袁崇煥冒起於右屯崖呈秀靦顏於樞府身膏斧鑕貽唾西市去今幾何時而士大夫蒙面喪心營營復天下無無父之子亦無不子之臣衛開方不省其親管仲至比之豕狗李定不丁繼母憂末世共指為梟獍臣前三月在經筵見楊嗣昌吉服應召疑已終制今乃未然嗣昌秉權已垂二年不知其何時居喪何人推轂而顯越至此陛下聖德孝治天下小遇災眚輒減膳撤膳素服避殿以厲羣臣所以然者陛下

東南紀事

卷三

十部賦餘氏刊

下為天之子三辰不輯天有違行猶之父母溫清不安人子為之不櫛不沐廢寢忘餐以俟父母之平復所以教孝也今督臣盧象昇父殞在途椎心泣血以俟奔喪而羣臣動推濶遠難移之人以緩其事今又有并推在籍守制之旨夫使守制者可推則是聞喪者可不去也是為子者可不父為臣者可不子也陛下以日月拂經星辰陵次輝氣違和尙下詔求言引躬克治明示天下以君臣父子皆受于天禮樂刑政之所從出不可替越而人臣以哀毀不祥之身飛揚喑啞彼此相煽以玷聖明仁孝之治于天地綱



紀之常是不宜使四方聞見也嗣昌張綱益地之談歎市樂天之說才智略見矣更起一不祥之人與之表裏猶狼狽依肩無益負重陛下又何以施其鞭策乎上切責及會推竟以新甲上道周又疏言臣不知新甲爲何如人然聞其丁艱猶未終制也古儒臣專闕能任弘鉅垂竹帛者率皆本道德敦行義根柢甚茂而後枝葉生焉三代而下如趙充國皇甫嵩羊祜杜預裴行儉高仁厚韓琦范仲淹輩皆卓然自豎纖毫不苟其所成就猶未造古吉甫張仲之流今聖主焦勞邊境十年於茲負氣敢諫諸臣半棄不錄東南紀事 卷三 十一 蘇武徐氏列

步荷擔二千里不解扉屨今雖踰五十然非有妻子之奉婢僕之累所集數卷書已移月可畢筆札于楯均爲報恩天下果無人臣願解清華以執鎖鑰何至使被棘負塗者祓不祥以玷皇化哉方今獎感漸次箕尾是爲燕分九月交當南斗口雖有道儒者所不談然思患豫防聖人所誠新甲聞報崎嶇秦蜀發表束裝度須百日比其載道已垂半載象昇空以熒熒歸說之身待其遲遲援琴之道所謂乞河神而濡突火也疏入上滋不憚九月御平臺召對謂道周曰朕幼而失學長而無聞賴以講臣之力啓沃朕心少知天理人欲兩端夫無所爲而爲之曰天理有所爲而爲之曰人欲爾前疏適當枚卜不用之時可謂無所爲乎對曰天人義利之辨臣嘗聞之矣臣以綱常名教爲心不以功名爵祿爲心自信無所爲也上曰朝推新甲爾疏及至何也對曰前旨云不拘守制知新甲矣始嗣昌欲用新甲臣參疏夙具適相會耳上曰三疏皆上而云阻於際會何也對曰臣同鄉御史臣蘭友給事中臣楷已有章矣恐涉嫌疑故臣疏未上天下綱常封疆大計若終不言後將莫及且言路未有言者臣之有言非得已也上曰清美



德也小廉曲謹非清也且汝言辨而多非前講所云子思一生以誠明爲本是也云誠出於清仁生於誠非也對曰曲能有誠此誠出於清之說也孝弟爲仁之本此誠生仁之說也夫惟孝弟之人能理天下生萬物不孝不弟本實撥矣禮義廉恥盡矣何事之能成嗣昌進曰道周責臣奪情起復是也其謂臣營推營復非也臣不幸遭臣父之艱又遭繼母之憂臣不生於空桑豈不知有父母君爲臣綱父爲子綱古者列國之君臣尙可去彼適此今則一統之君臣無所逃於天地卽臣父母皆受君恩臣於君臣尤重東南紀事 卷三 正節武徐氏刊

昌曰臣以綱常名教所關不容不辨道周實清介人望所歸乞罷臣放還歸田里上溫慰之且斥道周邪說道周曰臣平生恥言人過今與嗣昌爭論於上前非體也但爲天下後世留此綱常名教不得不然上曰對君有體狂言何也道周曰臣疏中惟殺狗梟獍兩語不無過激然遭遇聖明故敢直言夫立言甚難也綱常名教者朝廷之綱常名教禮義廉恥者國家之禮義廉恥假以臣爲一人之私緘默取富貴可矣上曰爾借題汗詆大臣別有所爲耳道周曰司馬光有言臣若有專司則有所不言如爲論思則無不可言者臣受論思之職與嗣昌比肩當言而言不得云詆毀大臣讀書五十年無一言一事不可對君親告妻子臣躬耕二十年手足胼胝四十喪親負土作墓畚插皆臣自操故奪情之事所不忍見上曰爾如是云不如鄭鄭何也道周曰匡章棄於通國孟子不失禮貌孔子自云辭命不如宰子臣謂文章不如鄭鄭上曰鄭自絕人倫許曦小臣猶知公論爾曾曦之不如道周曰宋人惡李定不持母服擬賜孝子徐積粟帛以諷之臣奉彈嗣昌則非救鄭矣上曰少正卯亦稱聞人徒以言僞而辨行堅而僻記醜而

東南紀事

卷三

正節武徐氏刊

東南紀事

卷三

正節武徐氏刊



博順非而澤不免孔子之誅今之人多類此者道周曰少正卯心不正臣心正者也上曰朕知爾操守雖屢進屢退終欲用爾不圖偏矯恣肆乃至於此念以請官姑寬爾因令之去道周猶不起有所陳上怒嗣昌曰道周所言經也臣拜命權也惟上優容之已出上止諸臣論之曰今者內寇外邊天妖地震朕不能發諸臣公忠爲國之心宣德化芟禍亂所賴諸臣匡朕不逮而乃黨同伐異沮撓朝廷用人之權是外寇易治內寇難除也今有仍前軫者立眞重典明日誦江西布政司都事道周既誦而名愈重天下稱

東南紀事

卷三

五 都武徐氏刊

直諫者必曰黃石齋十三年福建巡撫解學龍薦閩中人  
才以道周爲冠上大怒緹騎逮學龍及道周詣北寺對簿  
是日黃霧四塞日晡無光各杖八十下詔獄入白雲庫獄  
卒曰此周順昌周宗建畢命所也視北鎮撫司事滕胤玉  
給藉草餽橐饋作重生生詩監生涂仲吉上言道周通籍  
二十載半居墳廬一生學力止知君親雖言嘗過愆而志  
實忠純今喘息僅存猶讀書不倦此臣不爲道周惜而爲  
陛下天下萬世惜也昔唐太宗恨魏徵之面斥至欲殺而  
終不果漢武帝惡汲黯之直諫雖遠出而實優容陛下欲

遠法堯舜奈何出漢唐主下戶部主事葉廷秀亦疏救  
下獄廷杖初上命天下其表孝經并小學頒行道周於庫  
中作聖世頌孝經頌曰粵稽天德厥貴恒性於皇師天  
永孝配命師天永孝乃立民極明明我皇允惟天德餘姚  
孫嘉績亦繫白雲從受易道周刑部尙書劉澤深擬瘴戍  
再奏不允澤深上言道周之罪前兩疏已嚴矣至此惟有  
論死死生之際臣不敢不慎也自來論死諸臣非封疆則  
貪酷未有以建言誅者今以此加道周道周無封疆貪酷  
之失而有建言蒙修之名於道周得矣非我皇上覆載之

東南紀事

卷三

五 都武徐氏刊

量也且皇上所疑者黨耳黨者見諸行事道周具疏空言  
一二臣工始未嘗不相與也今且短之既而斥之烏有所  
謂黨而煩朝廷之大法耶去年行刑時忽奉旨停免今皇  
上豈有積恨於道周萬一轉圜動念而臣已論定噬臍何  
及敢仍以原擬上上從之戊辰州自十四年正月入詔獄  
積十有四月始得出作再重重生詩學龍廷秀仲吉亦戊  
道周道南都至杭州諸生迎至大滌析鵝鹿疑義示二易  
指歸詩禮樂春秋及樂律論儒派八月荷受入楚未至上  
議起廢錮禮部右侍郎蔣德璟言前少詹事臣道周愚懇



之咎實皆自取第半生孤苦子幼家貧萬里投荒深可軫念德璟旋入閣八月日講上與輔臣從容語及張溥張采之爲人曰溥小臣且不免偏何以負重名周延儒進曰張溥黃道周皆有偏惟是讀書博通所以人人情之上默然德璟因言前蒙皇上放道周生還舉極感聖恩但子方十歲得免其永戍量移內地皆出憐才好生之德上微笑德璟又言道周在獄時寫有孝經百本每本作文一篇是感頌聖德黃景昉陳演吳姓合言道周事親孝且清苦極不可及延儒言卽其讀書亦尙可用上未嘗惟德璟而已明

東南紀事

卷三

太都武徐氏刊

日手勅曩諸先生面奏永戍黃道周清操博學見今戍遠子幼朕心不覺憐憫彼雖偏迂經此一番懲創想亦改悔人才當惜宜作何赦罪酌用密議來奏輔臣上言道周向來未經追琢每有任性率意之咎自蒙恩譴裁抑陶鎔聞已甚悔前非每日在獄手書孝經極其感佩天恩頌揚聖德恭睹皇上勤學好問稽古考文臣等自慚固陋未能仰承萬一因思及道周博雅遂據臆陳伏蒙皇上憐其貧苦鑒其改悔而軫及於人才當惜赦罪酌用斯真造化生成之恩天地覆載之量道周原職詹事府詹事今旣蒙恩赦

用似當還其故秩以備史局編摩更足資其一得此又非止從道周起見也上報可命卽擬旨輔臣復上言皇上此舉衆美俱備從此知學行之足貴信廉吏之可爲所裨於作人膺世君德治象非細是日詔復道周少詹事都下臣民中外相慶道周已至九江朝命敦促道周旋請假歸里以學龍廷秀等尙在戍所席藁請命亦得釋道周旣歸漳浦堅卧不出明年甲申三月京師陷福王立於南京起吏部右侍郎兼翰林院學士時馬士英當國道周入朝無所爲乙酉三月奉命祭告禹陵舟泊龍江灣夢高皇帝呼曰

東南紀事

卷三

太都武徐氏刊

卿竟舍我去耶對曰朝廷舍臣非臣舍朝廷時左都御史劉宗周去國道周祀陵留連紹興臘月三謁宗周固卻不見曰際此亂朝豈大臣徜徉山水之日道周聞之卽行南都潰馬士英東奔錢塘道周逢之江上痛詈之士英落鞞走及浙省降宗周與門人前吏科郎給事中章正宸等謀起兵求道周計事不獲悔曰石齋夙有淵思吾初不宜拒之太深唐王在位訪故臣於張家玉薦道周王拱手曰得此商彝周鼎當爲廊廟羽儀道周來自浙拜大學士兼吏部尙書位首輔鄭芝龍以公爵班宰相上道周爭之芝龍



不肯出兵道周憤時事不可為而荷殊絕之知乃自請視師經略江西芝龍不與一卒道周親書告身獎語號召得百餘人徑進出杉關眾至萬人田夫荷鋤從之曰扁擔兵開府廣信與楊廷麟萬元吉為呼應王命家玉出屯金谿以為之援道周遣家玉書曰道周之年不能致遠為皇上為馬道周之力不能任重為皇上為牛或者左右拾遺因事靖獻道周其皇上屢難平時魯王上書福州稱皇叔父不稱陛下唐王怒殺其使者陳謙遂積隙道周移書浙東大臣張國維熊汝霖等解之大略謂東遷以還藉力晉鄭

東南紀事

卷二

李鄭武徐氏刑

葵丘而後推德桓文上愛殿下篤於所生勿以降階之問為博達所笑其冬徽州陷道周提兵赴救新守婺源令故門士以書給約內應抵明堂里猝遇

大清將張天祿被執

天祿史可法故將一云道周武關所錄士致書言北軍欲附須單騎撫之公方巾儒

行從者職方福州趙士超通判六合毛玉潔中書平和賴繼堂龍巖蔡春浴順治三年丙戌正月七日入徽州元宵見張燈為魚龍百戲趨營帳念民為之泣下至南京置西上門故尚膳監中先後絕粒十餘日作自輓詩書後曰丙戌就俘以來義在必死未了諸緣無所復憶所憶者為春

秋表正詩書正二書未就及未登嵩室陟華嶽之巔耳表正為少時舊書壁婺源明堂想已廢於兵火無復能讀之者嘗讀陳無涯兄弟裁其大略不知能竟之否書正必須吾自草無復能傳其意者如嵩華二嶽先年欲以黃冠丐此了願當遣戍辰州乞多千里移去潼關為林讓菴銓部所尼垂老得此坐華嶽臥王屋執筆以事詩春秋雖禮北斗受玉虹不為過矣生平所歷黃山白岳匡廬九華浮丘龍首穹窿玄墓洞庭三茅天目徑山西陵委宛天台雁宕羅浮懷玉一十八翁要當一一謝之生死千秋未必再晤

東南紀事

卷三

李鄭武徐氏刑

風雷楮墨載其精神亦使眾山聞之謂我不薄也又云武夷之姑藥於維桑大滌焦桐為吾講舍寤寐相繼未之辭焉三月十五日畢命韓四維子僧某驗而瘞之凡八句中賦詩三百十一章自名石齋逸詩曰石齋死後世當傳之以當逸事年六十一贈文明伯立廟福州及漳浦所著有



人軍已而饑乏解子四子中子成子和子平

論曰莊烈自信王繼統無腹心股肱之助不動聲色而除魏忠賢天下欣然以為明王復出泊臨御十七載憂勤宵旰終用身殉後之論者不欲以亡國之咎嘗之然剛而自賢莫肯慮下屢用詔獄廷杖以待言者任人理財每與大學平天下之道反其好惡觀黃道周劉宗周之進退亦可見矣其失天下不可謂已無以取之宗周粹然儒者非一代之士道周說經議事與匡衡劉向相類而直節則李膺范滂之流雖才不及濟亂要亦二百年之元氣所留也嗚呼後之人主無執理任剛決於違諫使君臣俱覆以宗社為孤注如莊烈者可不鑒哉

東南紀事

卷三

壬酉武徐氏刊

蔣德璟

蔣德璟字八公泉州晉江人進士崇禎中官詹事侍讀學士遷禮部右侍郎十四年晉尙書與黃景昉吳姓同為東閣大學士入直德璟明習國典曉練世務立朝持正和而近情上甚嚮之左都御史劉宗周以救姜採熊開元得罪且不測德璟引唐太宗優容魏徵事微解上顏改霽宗周削籍歸又偕周延儒因日講進言赦前少詹事黃道周復

其官十七年正月李自成陷山西三輔震恐上罪已求直言科臣光時亨疏陳練饑之害德璟票本謂曩來聚斂小人倡為練饑搜括諸議以致民窮禍結危及社稷上大不憚召問聚斂小人誰也對即前戶部尙書李待問乃極言抽練無實空增七百三十萬之饑民安得不困上怒德璟朋比遂引病出直三月八日疏辭去國舟及滄津京師陷時論深惜德璟福王時德璟不起唐王在位應召入直位次黃道周下嘗自請行關相機督戰守關將施福等不受節制德璟知事去太息乞罷職歸泉州

東南紀事

卷三

壬酉武徐氏刊

大清兵下泉州不食死所著有懋書行世

路振飛

路振飛字見白直隸曲周人天啓五年進士崇禎中官福建按察使晉僉都御史巡撫淮揚唐王在鳳陽高牆振飛入見奇其神宇器識深相結好奉私錢周之由是知府張以謹以下視遇有加吏不侵辱福王立中外洵洵鎮將劉澤清高傑欲寄家屬於江南左都御史劉宗周劾之并及振飛已廉知振飛公清尋悔曰參兩鎮過責淮撫是余激也乙酉五月南都敗振飛東走及其鄉諸生韓維都等聚



兵大湖不降唐王思舊恩使吳江諸生持勅書訪之勅曰  
麥飯豆粥念久欲報既至拜文淵閣大學士入直振飛持  
論有執不肯阿上上欲用王期昇為總督彭遇颺僉都御  
史振飛及曾櫻封還內降上意未釋曰方今多事必循資  
格豈得非常之人恐非休休雅量振飛執言臣等無私墮  
遇颺降賊乞憐馬士英為浙撫搜括激變期昇在太湖奉  
劍州知州朱盛徵始稱通賊王繼稱皇帝實官奪女百姓  
不容故爾逃來若大用此二人無乃傷新政乎卒從其諫  
大清兵至延平王乘馬奔振飛追扈不及繼邵武山寺

東南紀事

卷三

重邵武徐氏刊

曾櫻

曾櫻字仲含江西峽江人萬曆四十四年進士天啓中知  
常州府時有詔逮高攀龍攀龍自裁緹騎欲載屍察驗并  
逮其子回奏無錫知縣吳太朴依阿其間櫻力持不可乃  
免與李應昇為同年生借官帑以給官旂之速應昇者時  
常民集者數千人欲擊官旂櫻再三曉諭而散崇禎十六  
年為登萊防撫

大清兵破萊陽棲霞寧海諸州縣二月廿一日攻登州櫻禦之  
乃退嘗為副使分巡興泉道唐王時拜大學士入直櫻忠

欵懇至言語委密處孤主驕臣之間調護上下使無疑忤  
上親臣腹心依之鄭芝龍不肯出兵駕往來延建櫻以為  
此非遲久策失海內望請速幸贛州并力出江西湖南卒  
不決而敗櫻至廈門依朱成功幸卯春

大清泉州守將襲破廈門成功還救不及櫻自縊

傅冠

傅冠字元甫江西進賢人丙戌二月以行在太子太保兼  
禮兵二部尚書文淵閣大學士督師同忠孝伯朱成功大  
守永定關尚兵張安丘華俱聽節制前軍方入建昌境饒  
已告匱後軍聞警輒歸冠見令不行十二疏乞罷不許後  
勅揭重熙佐冠共事冠無心任職日午方起重熙奏之乃  
勒令歸九月晦汀州破

東南紀事

卷三

重邵武徐氏刊

大清兵分道自江西入邵武冠避泰寧之分水村村人江亭龍  
新執贛縛冠以獻大帥李成棟解縛進曰公大臣釋儲當  
取令旨但去髮保無他冠厲聲曰汝知千古有文文山乎  
吾鄉先進也吾鄉惟有斷頭宰相爾成棟載至汀州飲食  
與俱已而成棟入粵東使鎮將李發衛之十一月廿一日  
對局奕罷發閱文書曰公必不順令旨收公矣冠欣然曰



早畢我事爾之賜也整衣冠南向拜曰負國無狀死不足贖復西向拜曰祖父暴骨愧見先人地下初就執日嘆曰負國重恩永慙地下以足三頓地夜半風雨大作頓足處崩陷數十丈其首函寄汀獄或無故動搖數見夢於獄夜嘗有光囚寃濫者祈卜皆奇驗家人傅國楨等負其骸初墓汀之羅漢嶺與忠誠伯周之蕃相望閱三年冠子號哭請合身首歸葬舊衣二棄故汀墓旁經年色如新行道指曰相公衣

東南紀事卷三

東南紀事

卷三

邵武徐氏刊

東南紀事卷四

餘姚邵廷采念魯撰 邵武徐 餘小勿校刊

金聲

金聲字正希徽州休寧人從父商武昌以嘉魚籍中天啟甲子鄉試崇禎元年戊辰成進士選庶吉士己巳王師薄都城袁崇煥敗上御左順門問方略聲伏地哭舉同館劉之綸白衣申甫知兵申甫者雲南人初為僧自言入嵩山遇異人授以書中言車戰乃習之瘞其書嵩山下脫浮屠服遊京師與聲之綸善三人甚相得至是上命甫隨之綸入對大悅立擢之綸兵部右侍郎甫京營副總兵聲試御史參軍事然實無兵與甫聽召募市人取民間牛車加竹盾給之聲疏陳不可狀而忌甫者謀委之餌敵日夜督戰竟敗先一日總兵滿桂戰歿安定門外甫繼出死蘆溝橋越日之綸取遵化軍娘娘山遇伏死戰一晝夜援兵不至流矢貫顛死金聲嚙其鏃出以授其母賻喪歸蜀言者論聲書生誤國上遣中使覘聲館布被蕭然為太息與至郭外得甫屍喜曰甫能死事雖敗舉不失人矣聲自劾上察其清忠贈之綸官予諡祭葬而復聲庶吉士告歸十六年

東南紀事

卷四

邵武徐氏刊



流寇蹂躪黃將逼留都聲遣父喪蹶起請當事團結鄉勇守禦時馬士英開府鳳陽募黔兵數千紆道侵掠饒徽界徽人以為賊縱鄉兵格鬪脫者奔告士英言金翰林實主之奏聞逮治聲慷慨就道曰吾不出眾無所恃再疏申本末上識聲名特旨修撰起用會母喪力請終制明年三月都城陷慟哭嘔血不欲生甲申五月王師下南京徽民議降聲奮身出懸高皇帝像于明倫堂率郡人大臨三日起兵閩中授僉都御史巡撫池太徽寧晉兵部右侍郎假便宜然池寧太已歸

東南紀事 卷四 一 鄧武徐氏刊

大清三面敵境獨用徽城孤撐當杭嚴上流凡三閱月會道臣林貞從福州至主客相疑張家玉請分嚴杭隸貞令徽得展布無使一瓢百輿張天祿自寧國引兵薄徽聲嬰城守黃澍由饒州詐言逃歸開門延之是夕城遂陷先是聲知不濟麾將士曰徽本不欲守吾為禍始義當死汝曹從吾死無益多涕泣不忍去至南京洪承疇欣然迎見聲張目問之曰卿相識否曰爾金正希胡不識復語聲曰爾相識否聲曰未之識也曰吾承疇耳聲叱之曰承疇登甲第受神宗皇帝烈皇帝深恩歷重任死松杏先帝震悼輟朝與

祭九壇賜賚二子仍望祭立廟祀春秋此我朝忠義之臣何物么麼敢冒其姓名耶承疇悅書已謂此人老火性未除吾不能再見屢使勸之降不可十月八日死于通濟門外望拜孝陵端坐受刃年四十八子敦涵聞道走閩贈禮部尚書諡文毅從死者參軍江天一自有傳一云天一掖聲歷階每佐聲申語辭氣甚厲稍近承疇出袖中硯擲之承疇大怒牽出斬之罵不絕口聲亦于是日遇害

萬元吉

萬元吉字占人江西南昌人天啟乙丑進士崇禎中監大學士楊嗣昌軍扼夔門與石柱女帥秦良玉合兵擊賊招降關索惠登相王光思有功會嗣昌敗薄其賞稍遷大理評事李自成陷西安上命大學士吳牲出師以元吉充軍前贊畫尋召還牲不果行元吉在軍中久曉練兵事諸宿將左良玉金聲桓等皆憚之元吉亦見天下壞矢報國乙酉良玉死子夢庚及聲桓等以全軍降

大清南都不守元吉散家貲募兵與清江進士楊廷麟同郡進士郭維經起義師于贛州元吉扼吉安東西倚角軍容甚盛時



大清已命聲桓開府南昌所部皆左營驍將南軍不能進聞福  
京立君拜表請乘輿親出江西臣等堅守贛州以待王師  
詔加元吉廷麟並督師大學士維經兵部尙書命鄭彩出  
杉關蘇觀生出南安進恢湖東援贛彩逗留不行而永寧  
王招周兵謝志良等復建昌撫州數月之間湖東屢失屢  
復丙戌三月吉安陷元吉退守皂口

大清盡下湖東西殺永寧王進逼贛州元吉亦遂入贛贛人將  
竄見督師移眷入署始定元吉分兵三營番休辟黎遂球  
等爲監軍以兵科楊文薦任城守而身晝夜督戰下及婦  
東南紀事 卷四 四 鄒武徐氏刊  
女皆感其意曰甘死無貳援兵累敗六月廷麟等又收散  
亾及滇粵兵進營城下共四萬餘人元吉欲待水師至方  
戰王其弘諫不聽八月

大清兵迎擊水師乘勝遂破諸軍自是贛州城下無一賊率廷  
麟等入與元吉共死守福州既陷贛州援絕元吉斷指入  
函請救于湖南廣東蘇觀生在南安觀望不敢前

大清兵築長圍困之自五月至于十月城中食盡斗米至八錢  
餓死載道人無畔志元吉子欲縋城請降斬之人呼元吉  
爲萬精忠初三日大兵獲嚮導夜自小南門上鄉勇猶巷

戰及明大兵大集城上舉炮皆裂遂陷元吉廷麟赴水死  
維經入嵯峨寺禁死同死者兵科給事中萬發祥太常卿  
彭期生主事龔芬林斑子斯昌王其弘黎遂球柳昂霄魯  
嗣宗錢謙亨御史姚奇盾舍人袁從謬劉孟鈞劉應泗贛  
州同知王明俊推官吳國球知縣林逢春臨江推官胡纘  
監紀通判郭密登鄉紳盧象觀舉人馬芝貢生楊述鴻諸  
生段之輝等數十人士氣大喪南中精銳亦盡時議以爲  
王亟幸贛則元吉等不死而贛不陷福州亦不亾贛之陷  
唐王爲之

東南紀事 卷四 五 鄒武徐氏刊  
楊廷麟 傳缺

曹學佺

曹學佺字能始福建侯官人萬曆三十二年進士嗜古博  
學天啟中以文字觸魏忠賢怒削籍名重海內累官四川  
按察使唐藩卽位文臣任事者首張肯堂何楷及學佺而  
學佺尤饒大略因事有匡建鄭芝龍以下咸敬禮王知其  
宿儒言無不從晉太常寺卿行在禮部右侍郎署翰林院  
事纂修崇禎實錄總裁專設蘭臺館處之編修何九雲等  
皆屬焉學佺討論本禮經行朝戎祭封爵贈諡並遣詞臣



咨問倚以取斷始捐家財助軍肯堂等議用水師又括萬金助海舟天興饑買米以賑時年已七十三歲福州陷沐浴正衣冠縊於中堂子女被收五日始得蓋棺蟲流于戶所著有石倉集行世先是

大清兵至延平閩縣貢生齊巽中書張份醫僧不空等陰結眾起義使告學佺學佺資之千金始克召募殺來師之懸民榜者人心震動永福人黃璣密報貝勒急下福京遂各解散閩人皆惜巽等之志痛學佺

姜一洪

東南紀事

卷四

六 鄭武徐氏刑

姜一洪字開初紹興餘姚人鏡之仲子也登萬曆丙辰進士累官至廣東布政使所在有聲蹟己酉五月魯王監國紹興毀家助軍饒尋以黃道周薦詣福州唐王問卿來大不易一洪伏地脫幘曰臣髮故在也上喜手掖之除吏部右侍郎比

大清兵迫唐王將幸贛州命一洪兼戶部尚書先行集援師未至而汀州陷贛州亦破一洪次雩都慟哭曰吾聞關萬里從朱氏子孫今已矣夜赴榔木里水中死賓從皆散獨兩僕不去哀慟村里諸生鍾國士等為殮子天植奔訃負骸

骨歸葬

吳聞禮

吳聞禮字去非浙江錢塘人唐王時為上游巡撫自請防禦分水關及敗逃入山寺不肯降順人勸之曰豈有堂堂巡撫而畏死耶復率鄉勇赴敵為亂兵所殺

鄭為虹

鄭為虹字天玉揚州人崇禎癸未進士年少美丰姿初令浦城清操愛民聲冠閩中唐藩入仙霞下令求遺書為虹進大明會典及即位召為御史浦民交章乞留具言不可

東南紀事

卷四

七 鄭武徐氏刑

去者十乃即命為虹以御史知浦城巡視仙霞關軍人相戒勿犯浦境尋命巡按上游鄭芝龍標將陳俊奪民船為虹召而叱責芝龍密訴于王王曰干戈未靖全賴文武和衷為虹叱責亦是代卿為東芝龍不敢復言丙戌七月

大清兵取衢州將度仙霞潰兵南奔者焚掠為食人士流離家不相保為虹閉城發倉米銀布以犒驩呼而去一郡獨全八月十七日

大清兵至浦城百姓請為虹出降不可請行又不可軍人擁見貝勒迫之跪不屈勸令薙髮為虹曰負國不忠辱先不孝



我生何用髮不可斷也明日復見責輸饒為虹謂清白吏何處得金百姓爭欲代輸為虹以民窮財盡執不可噴血大罵乃令斬之為虹大呼奪刀刺胸不殊遂見殺家僕陳龍都督洪祖烈遊擊張萬明父子皆從死建人為立祠與為虹同日死義者給事中黃大鵬

王士和

王士和字萬育江西臨川舉人唐王時知延平府居官廉正

大清兵至延平從龍者咸遁去士和曰吾受國命守土不能持

東南紀事

卷四

八 鄒武徐氏刊

寸鐵赴鬪死有餘愧忍偷生哉先一日分理家事正衣冠縊堂皇百姓奔哭鳩金殮之

大清兵亦為嘆息

胡上琛

胡上琛字席公其先直隸山後人永樂中祖失里本以功授燕山衛後陞福建右衛指揮使上琛十八襲職弱不勝體折節讀書唐藩加錦衣指揮從至延平

大清兵至誓必死使人求毒草妾劉氏恚曰君以我婦人不知

節義故不使聞耶吾心決久矣上琛喜並坐飲藥酒而卒

時上琛年三十八劉年二十一劉有母亦不奪女志

蘇觀生

蘇觀生字宇霖廣東東莞人福王時官戶部主事避兵東至杭州與鄭鴻達奉唐王入閩觀生見際喪亂諸王獨唐藩賢可濟大業委心服事唐王即位拜大學士時閣臣多用者望而觀生新進柄政自首輔黃道周以下皆重其才第乙酉七月領儲賢館觀生以為非時務所急力勸王幸贛就楊廷麟毋久留福州鄭芝龍格其議有詔觀生先赴南安聯絡江楚王親祖之殿門觀生叩頭出登車慨然有東南紀事 卷四 九 鄒武徐氏刊 澄復之志丙戌四月

大清師圍贛州觀生退保南康五月援兵潰觀生收散卒及

大清師遇於李家山九牛間數戰皆捷解圍屯水西進復圍之

十月贛州陷廷麟致命觀生棄南安入廣東時

大清師已破汀州莫知唐王音息監紀主事陳邦彥勸觀生疾

走惠潮以扼東兵則兩粵可保觀生不從將至廣州聞桂

王監國肇慶觀生與丁魁楚有隙不懌已從邦彥諫遣詣

肇慶勸進會唐王聿錫浮海達廣觀生意變曰大行皇帝

親弟今在外求君非義遂背邦彥立唐王稱紹武召海盜



石馬徐鄭四姓授總兵使拒肇慶桂王卽位班詔廣州觀生頗內懼兵部侍郎林佳鼎故監司廣東與總兵林察同姓相善也佳鼎信之至是督西師與李明忠龍倫蘇聘等次三水察令四姓盜迎降覆佳鼎于三山行朝大震觀生由是驕而

大清將李成棟已進陷惠潮廣州未之知城中兵西出十二月十四日有十七騎且趨會城謀報曰北軍至觀生日潮州文昨夕到胡妄言斬之向午數騎抵東郭市內守門者猶以爲招來海上盜門遂不閉須臾傳令歸順時宿衛尙萬東南紀事 卷四 十一 邵武徐氏刊

人觀生急收之至者僅數百  
大清兵擊走之遂執唐王觀生過給事中梁葵問計葵曰死耳乃大書大明忠臣義士固當死九字于壁而自縊願元鏡先椎髻號于市曰

大清天兵至此汝百姓今安枕矣又出示云恭惟

大清皇帝應運而興天兵臨粵逆藩授首大兵之入咸謂元鏡實召之唐王初走洛城里元鏡家僮跡以獻何吾騶王應華俱降

論曰嘗見前輩所紀東粵遺事云觀生早立清節筮仕八

載囊無餘金比鎮安南糧運不繼動輒掣肘仰天嘆曰吾年五十未有子老母七十有八今嶺頭幾日地豈不懷歸然身受君命事苟不免有死而已迨羅明受不揣地利水師一戰輒敗諸軍以次潰逃南康重兵聞風驚遁觀生遂度嶺還粵西適指揮使王之臣等至知延邵俱陷失唐王所在觀生揮涕曰使輦早詣虔不致有今日馮兼三嘗投刺謁觀生兼三數爲畫策不合語人曰余死報國家兼三曰嶺外絕好死地已舍卻不知今何地可以頓州也觀生雖作色亦輒改容及

大清兵入廣州卒不食其言然力小而任重智淺而謀大昧一統而虧大信無以安內而攘外乃其所短也兩粵之亂戎由觀生獨哀其志故立傳焉  
東南紀事 卷四 十一 邵武徐氏刊

東南紀事卷四



東南紀事卷五

餘姚邵廷采念魯撰 邵武徐 榦小勿校刊

張國維

張國維號玉笥浙江東陽人天啟壬戌進士除番禺令以卓異入為刑科給事中陞太常少卿崇禎七年甲戌陞都察院右僉都御史巡撫應天甫受事而流寇犯安慶參將唐某受賊給全軍覆沒時國維方壯年報至頭鬚一夜頓白親督兵至安慶見道官吏可法異其才具疏請益設安慶巡撫即以可法任之諸所任寄威得人撫吳八年賊不敢犯境陞工部右侍郎總督河道山東饑米石八兩而三吳石三兩以應天所屬河工銀盡糶米輸濟寧每石水脚加五錢得美米倍贏遂設粥廠十餘所使官督賑活百萬計賊李青山眾數萬殺逐官吏國維討平之獻俘于朝廕一子世錦衣千戶十五年壬午冬

東南紀事

卷五

一 邵武徐氏刊

大清兵破蘇州南略山東青兗諸府皆陷德王魯王遇害命推

可任本兵者舉國維星馳赴京受事總督趙光抃戰于羅山大敗亡二萬餘人周延儒視師匿不以聞是時兵科員缺國維題龔鼎孳等六人蔣拱宸恨不與及為御史彈國

維謂西協地六百里而國維設防止五百里疏七上明年二月與延儒俱放歸十一月追論羅山事被逮舟過吳門士民號哭塞楓橋大聲前問孰為錦衣衛官校船者國維恐有變解纜急去眾乃散詔獄擬辟山東南直百姓叩闕訟冤遂以原官募兵浙直行十日都城陷國維星夜抵浙圖舉勤王得精兵三千至鎮江會福王立乃朝留都欲與史可法合兵北出以國維為兵部尚書加太子太保協理戎政馬士英議不合乞假歸葬祖母乙酉五月南都破鄭遵謙起兵紹興國維至台州迎魯王晉少傅建極殿大學士兼兵部尚書歸集東陽兵守錢塘屯長河頭首參馬士英十大罪士英懼不敢入朝時紹興富家以助饟受累國維不忍用東陽世產鄰富家者與原券計值令出甲士具衣械程日給糧總抵價若干以土著之家養不逃之兵富人得產而軍興得兵食人情大歡福建詔至加國維東閣大學士輔魯王監國廷臣多欲開讀國維曰唐王提兵北伐老臣當效死前驅若止一九封嶺作天子空以官爵累散浙東將士心大敵逼江且晚欲渡臣不敢奉詔手收七至竟不發國維深塹堅壘沿江多置木城激厲將士為取

東南紀事

卷五

二 邵武徐氏刊



杭州計而方國安不同心腹鄭遵謙等義兵又多烏合是以不能成功丙戌六月廿八日

大清兵渡江諸營皆潰國維歸東陽守陷阮嶺六月貝勒入閩

過東陽將抵陷坑國維請東陽令吳琪滋至曰國維今日死天氣方炎恐腐爛不可辨識將謂吾逃貽禍此地故特相邀令君視吾死耳吳令涕泣國維殊容暇取素絹書負國念母誠子三詩又留詩贈故人冠帶北面稽首謂僕曰吾大臣死王事禮也兵將在東陽者因我及難可昇屍詣門一謝之對太夫人勿言我死言遁去坐我中堂俟官來

東南紀事

卷五

三都武徐氏判

見始可殮耳遂赴水死年五十二騎圍宅見尸坐廳事如生或叩頭痛哭問之則多濟寧人饑年食其粥以活者夜有兵數十人挾婦女宿其殯圍見堂皇燈炬國維白髯絳袍南面刀戟列侍兵大呼遂不見亟起叩頭柩前避去桂王立諡文忠長子世鳳挂平魯將軍印封武康伯不受次子世鵬官尙寶司卿世鳳被殺張存仁自閩歸百姓數萬遮馬前請世鵬命存仁曰吾少時卽耳若父爲人遂釋之論曰唐魯之議以南稟閩朔而不解兵爲正蓋當其時受兵者魯魯一撤兵卽錢塘不守仙霞尙安蔽乎昔人論南

北之勢守江不如守淮閩之有浙猶江之有淮也若楚蜀江粵皆藉唐王名號維留土無二王魯王自當退居重耳之位諸臣共圖狐趙之勳大邦維屏三百年宗盟不正有賴乎斯日歟故鄭遵謙之拜疏迎駕陳函輝之請殺金堡或激或詭二者均蔽獨張國維適老臣謀國之體石匱書所載似亦未之審也

徐石麒

徐石麒字寶塵浙江秀水人天啟壬戌進士授工部營繕司主事魏忠賢有調發多格之房師黃尊素下詔獄納橐

東南紀事

卷五

四都武徐氏判

館募金抵誣賊由是削籍崇禎立起南禮部郎中累遷吏部文選考功郎中佐冢宰鄭三俊掌院范景文主南計奏免七十八人是時主北計者謝陞凡溫體仁私人皆庇之南計不少狗焉遷尙寶司卿應天府丞行尹事時方裁驛遞食縮而馬如故農里重困石麒計救之無若召募且勾胥吏故所乾沒有餘資積患頓解三俊爲刑部尙書以輕比下獄黃道周黃景昉言之于經筵上怒未回石麒朝元旦奏言皇上御極以來麗丹書者多大臣朝士嚴威之下蔓引株連九死一生今又以輕擬深督三俊將來必有承



順風旨以銀鍊爲能事以鉤距爲精神非復愼獄之本意矣疏入上御門口傳出三俊用石麒通政使時治尙綜核放棄者多造言語妄陳端末納言承行不給石麒劄斷嚴敏告訐衰息陞刑部右侍郎會推閣員先後二十四人石麒與焉稱疾不赴召對故免陳演之譖轉左侍郎署部事尋卽眞爲尙書言邇年刑官擅背律條嚴文刻深使吏胥上下其手僥倖之徒以賄爲市干和召愆其失非細因條上附會律文之謬數十事會清獄石麒盡心明允理出冤滯近萬人貫城幾空陳新甲下獄政府以下皆爲營救石

東南紀事

卷五

五 邵武徐氏刊

敢擅入上竟以內廷欺罔隱微斫裕民而嘆論石麒洪承疇救錦州東馬未動職方張若麒以中樞私人出關督戰遂大潰精銳喪失俱盡若麒就理而有奧援司官遷延不讞石麒謂王樸以倡逃誅陳新甲以誤國辟而倡倡逃誤誤國者安得減等論若麒如律左都御史劉宗周以救姜琛熊開元革職石麒上言陛下求變通趨時之臣舉朝不乏若求廉頑立懦維風易俗之臣舍宗周無選矣上不聽琛等自詔獄改刑部石麒輕擬失上意遂罷甲申五月福藩立起右都御史改吏部尙書時江左草創自石麒與劉

東南紀事

卷五

六 邵武徐氏刊

麒獨言俺答闖入而丁汝夔伏誅沈惟敬盟敗而石星論死惟後此遼瀋廣寧之陷誅止督撫不及中樞故新甲覲引例自寬不知此例乃天啟間陵夷解紐之政非祖制所有也今親藩膏刃百城流血夔星之罪未若是烈人臣無境外交新甲身在朝廷輒擅便宜通欵北境辱國無君莫此爲甚上覽疏新甲卽日棄市司禮王裕民私庇劉元斌并逮獄上欲殺之石麒上爰書言隱人之惡與身自爲惡終不同律內奏事詐不以實條止擬一配注以其欺君也然則繩欺之法亦止此矣加等至煙瘴已極過此非臣所

宗周黃道周出始成朝廷而馬阮用事率降中旨銓除不由部推石麒爭之不得士英冀以定策封侯中人韓贊周主之石麒覆疏昔世宗欲封楊廷和蔣冕伯爵並辭不受今國耻未雪豈輔臣裂土自榮之時俟克復神京成功大定加恩未晚士英氣奪又言皇考福王殉難先帝令勳臣黃門恭視含殮今先帝梓宮何所封樹何似乃遣一健兒應故事示天下無悲思大行之意何以鼓厲同仇不報御史黃耳鼎論石麒殺樞臣敗和議石麒具陳始末小人賣國情狀始露而石麒亦告去自宗周石麒去南都竟敗乙



西四月

大清兵渡淮黃尊素子宗義勸石麒避地四明山石麒不可曰馬阮已壞天下雖智者難善其後惟有死此一塊土耳其會朱大定等謀守嘉興議奉石麒為兵主事未集而敗閏六月二十四日

大清兵圍嘉興石麒由村舍叩城下呼曰吾大臣不可野死請入與城同存上城上人譁曰我公來矣開門納之越宿而陷石麒朝服縊天寧寺納其屍槨中踰三旬始殮如生而是時宗周在越城饑經七日曰此降城非我死所出城外東南紀事 卷五 七 邵武徐氏刊

而死海內高二入之死能盡其義為作降城嘆我公來樂府美之石麒清修絕俗弘長後進尤急人之難吳昌時敗後籍沒力言當事止沒田產他為類免讐昌時者又欲竄其子弟于許都叛黨之內復理而出之孝廉祝淵上書頌宗周緹騎逮問石麒囑金吾無殺義士淵得生出生平強記經史尤熟明事章奏精洽鑿然可施行石麒年六十八無子初以私屬爾穀為子已二十六年始立柱臣為後或問後與子異乎曰然子可私後不可私子惟父所愛即子之後非薦之祖禰而享告之宗族而信不敢後也故詩曰

螟蛉有子螺贏負之是人皆可子之證也傳曰鬼不歆非類神不歆非族是人不可皆後之證也其議禮之精如此唐王贈少傅文淵閣大學士諡忠襄爾穀官御史與同郡錢梅友善後並以太湖事牽連死

熊汝霖

熊汝霖字雨殷浙江餘姚人崇禎辛未進士為戶科給事中直諫有聲貶福建按察司照磨南渡起吏科論廠衛告密之弊及阮大鍼不當用馬士英忌之歸里汝霖雅受知都御史劉宗周乙酉南都潰攝王監國杭州

東南紀事

卷五

八 邵武徐氏刊

大清兵且至宗周趨守道于穎城守紹興而寓書招汝霖餘姚未得相聞既而杭州降事益迫宗周復令諸生張應燁往說穎使聯絡汝霖計事穎疑未決汝霖報書先生誠用霖計立宗王之才者藉援未孩推轂方藩今閩兵數十艘見屯蛟川檄令移泊錢塘東岸敵必不敢問渡更派檄寧遠左兵擄虛建業彼必退而內顧東西同瞻恢復可圖宗周趨之曰門下有意高皇一綫請急入郡六月十九日通判張懋資版諸生耆老奉牛酒渡江輸降

大清招撫使至汝霖謀為邑人所覺避之山中閏六月八日戊



子宗周不食其明日孫嘉績起兵餘姚又二日鄭遵謙起兵郡中斬倅及攝會稽令彭萬里汝霖募兵寧波來會嘉績合軍軍西陵初宗周臨終謂門人曰我緩死以兩殷諸君不忘明室故今已矣彌留猶取几上硯書一魯字汝霖叩靈牀慟曰先生有命霖何敢忘霖生于三事之以死比方國安王之仁等兵集遂共奉魯王以海監國從宗周志也汝霖已渡西陵札喬司進至海寧召父老諭以國心君殉三百年澤不可負聞者感動拜轅門至萬人以邑進士俞元良指揮姜國臣主海寧事忠義響應所在皆稱熊

東南紀事

卷五

九師武徐氏刊

兵加兵部右侍郎兼左副都御史總督義師七月八日海寧復陷元良戰沒閱月國臣復聚潰眾入守海寧前定番總兵汪碩德集兵萬人雙林請師期使移札塘棲八月五日遣副將趙清會義興將鄭維翰赴黃天蕩繞敵背前鋒黃岳參將諸盧崇邵應斗四百人伏海塘監軍道孫嘉績北洋總兵張名振並置伏兵斬首六十級維翰兵不進清被矢失亡十餘人十六日還喬司汝霖營于中嘉績營于東錢肅樂營于西遣盧崇壽盾昌抵牛頭寨焚敵營百騎突出都司張行龍戰甚力騎東去岳應斗接戰北軍大至

綴三將以數百騎趨汝霖親兵胡陞發大砲斃七騎騎東衝孫營孫營砲炸遂敗爭舟墮水汝霖馳刀砍之不能禁諸生趙之堅奮長刀殺六人忝將盧璋新至亦奮擊敵辟易簇騎攢之與孫光祖周宗鎬胡陞各被數十刀死汝霖大呼船兵再上矢及身帳下強掖下小舟知戚死者數十人九月諸帥相見于小豐議大舉期以九日會龍王堂風雨阻潮皆失期汝霖獨帥所部至六和塔助王之仁戰于江大砲殺傷甚眾之仁兵登岸焚寨執馘薄暮乃歸十二日再戰牛頭灣時軍饑不繼人心離阻之仁營有逃者汝

東南紀事

卷五

十師武徐氏刊

霖上言臣四月江舟風雨飢勞遂膺腹疾自小豐至西興延袤六十餘里彼方備舟喬司潛謀徑渡臣及嘉績標卒兩家不過千餘緩急何以防禦之仁一腔肝膽心力相違宜溫旨諭留勉圖後效朱大典部內火器最精原任總兵尉允昌文武兼才豈合投閒請暨敕即統大典兵在上海寧新令已至宜令張名振速渡以固浙東門戶名振違令竟歸石浦福州詔至內外欲開讀汝霖泣阻不聽避之小豐魯王下令返台州汝霖疏留以為今日之事殿下宜力疾江干檄閩師刻期來會使浙西克復仍藉廟謨唐王親



來亦當心折若戀戀宮眷遽返旌旄思爲退保之圖久成日蹙之勢傳之海內未爲克讓又臣標參將張行龍以臣令回籍臨平圖結義兵夾攻內應其家丁陳義入杭偵聽聞已具舟芻結草人思賺我火器而寧鹽義士沈察查繼美陸鳴時等同時具來言起兵家難狀徐出啟疏以近日嘉湖鐵騎盡返武林但得精兵數千直擣嘉興斷其往來餽道杭城自成坐困勝于今日阻江索戰我客彼主勞逸相萬乞優遷案等以彰激勸若王必欲東歸臣亦惟就海島死耳魯王手敕褒美比之韓愈乃不果行十月汝霖移泊龍王堂又疏今日會稽隙地竟作京雒規模諸臣之薪膽未嘗末世之稅政悉踵內員出司軍餼外戚入典禁兵驕卒闕于街衢青衿譁于殿陛行間文武動以朝政爲辭文其退縮惟殿下奮然更始副遠近之望十五日汝霖揚帆渡江奪遵謙所失大舟以歸十八日又進軍部將魏良黃麒吳彪先登北騎六百伺南軍濟突擊良等且戰且退汝霖親督軍中乘小舟對射騎死百餘諸生錢振宗死者亦十餘人汝霖麾下多農井新募徒以忠義激厲在浙中凡一載大小數十戰累遇敗覆而志氣不惰雖方王驕將

東南紀事

卷五

士邵武徐氏刊

悍卒皆畏待如神明陳萬良沈羽釐結寨塘棲臨平問汝霖欲得其兵取北關遣張行龍招之萬良受書泣曰久望能督師無幾自達乃令江東亦知有吾輩矣後萬良西行復城邑

大清兵斷其後不得出死于門中丙戌六月朔浙河新潰汝霖扈魯王沿海南次長垣時唐王已走死閩地內附魯王以汝霖爲東閣大學士因鄭彩抵福州軍聲大振八閩皆詣汝霖請劄起兵先後得三府一州二十七縣戊子魯王在閩安鎮鄭彩專橫汝霖每折以禮定遠伯周瑞惡于彩汝霖擬右瑞彩故忌人心歸汝霖因是積恨又與遵謙爭商船恐其襲已會汝霖休沐琅琦彩裨將李茂守琅琦與汝霖奴子爭口熊鄭兩家除夕相問遺茂以告彩曰熊鄭將爲難五月十七夜縛汝霖并幼子投海中越三日殺遵謙凡越中建義者皆盡于彩惟嘉績以丙戌六月死于舟山汝霖之死後嘉績蓋二年矣

東南紀事

卷五

士邵武徐氏刊

熊汝霖傳後

汝霖初知同安縣有強直聲嘗渡海敗紅毛於廈門入爲戶科給事中辛巳江南疫飢人多死米石直銀四兩轉運



不至出給事中七人分行督漕汝霖當上江遼練正耗二百四十一萬石如期而集民不病時上意廷臣儒懷不次拔授左官外附競張空虛媒進汝霖以量才不如覈勞破格壞典不足以得非常之人祇為倖階一切叙功御覽名色皆宜報罷保舉大將必連舉主庶杜債帥之門事勢艱危倚督撫為成敗因條列關督范志完宣督江禹緒鳳督馬士英保督侯恂順撫潘永圖宣撫李鑑秦撫蔡官治皖撫黃配玄保撫楊進才守俱弱合力量力自陳且襄藩南陽淪陷驚震天下而兩撫晏然功罪不明何以懲後又力

東南紀事

卷五

三 鄒武徐氏刊

言孫傳庭不宜速戰禍敗皆驗

大清兵畧山東京師戒嚴汝霖分守齊化門召對奏行間諸臣望敵百里未有一矢加遺南去則我隨其後北返則我出其前兵士一聞督戰便洶洶欲叛師不用命將不用兵督師之內其足食乎姜垞熊開元下獄劉宗周去國皆極諫尋追論楊嗣昌譏及執政上竟惡其切直降福建按察司照磨南渡起吏科給事中上言諸臣爭誇定策罔志復仇處堂鬪穴始之武與文爭既而文與文爭殿廷之上無人臣禮阮大鍼之起陰陽消長間不容髮四鎮每鎮餼六十

萬額必不供即做古藩鎮亦當建牙大河以北何遽藩籬堂奧孤海內興復之望先帝十七年憂勤曾無失德惟厥衛一節未免府怨臣民丁茲天步艱難正宜大開文網推誠布公使人人畢忠效節胡得尙沿斯弊馬士英恨新建使門客朱統鑊造飛語于朝汝霖言么麼小臣為誰驅除指使不由通政告密飛章內外交通神叢互借墨敕斜封端自此始請嚴行詰究用杜將來又言先帝篤念宗藩而聞寇先逃誰死社稷先帝任隆武臣而叛降跋扈曾無一戰先帝委任勲臣而京營銳卒徒為寇藉先帝劾寄內臣

東南紀事

卷五

三 鄒武徐氏刊

孫嘉績

孫嘉績字碩膚浙江餘姚人崇禎丁丑進士除兵部主事楊嗣昌以其知兵薦為職方郎中太監高起潛求世廕嘉績覆疏不可起潛恚侍上觀德殿閱軍器浸毀下獄學士



黃道周亦廷杖入獄襍被藥物俱不得進嘉績移服用奉之且從受易會諸生涂仲吉上書頌道周上加怒察獄中與道周通者眾多說辨嘉績獨曰昔黃霸受經夏侯勝史傳以爲美談今復何諱刑部尙書徐石麒雅識嘉績清獄出之踰年起九江道僉事未之任國變乙酉六月

大清檄下浙東寧紹望風迎附閏六月己丑餘姚攝印官發問

左爲馳道扶役者役者反扶攝官眾譁不能定嘉績乘眾怒遂斬攝官邑紳邵乘節陳相才諸生呂章成沈之泰邵應斗率里中從者數千人孫氏自燧以來代以文章忠孝

東南紀事

卷五

嘉績徐氏列

顯受累朝恩最深至是建義士民無不踴躍便欲推嘉績爲盟主辭曰舉大事將須其人熊雨殷有執持識兵勢當共請其約束會汝霖募兵自寧波至邑人大安魯王監國晉嘉績兵部侍郎兼右僉都御史總視義師轉戰喬司西興親受矢石號孫熊兵臨敵則汝霖當先嘉績繼之饑不給則毀家產佐軍每對賓佐泣曰身先人餘也義同國存亡惟懼事不集死無面目以見君親耳由是聽者感奮嘉績舉宗報國文士知故爭爲之死浙東本以汝霖嘉績首義營立行朝亡將潰兵困弛荷擔後來益眾客反居上方

國安擁重兵孫熊嚴意與同濟難國安道遙殊無意一年之中糜餼數百萬皆出八郡民貧富交盡卒以是敗丙戌六月魯王移蹕舟山嘉績以軍從六月二十四日卒于舟山子延齡從蹕南至中左所大兵入餘姚焚嘉績祖如游第後二十八年延齡子訥渡海求祖父櫬得于狀元張信墓道歸葬

錢肅樂

錢肅樂字希聲浙江鄞縣人崇禎丁丑進士知太倉州以廉清爲張博張采所重遷刑部員外郎丁外艱歸乙酉六月

東南紀事

卷五

嘉績徐氏列

大清檄下浙東肅樂大會紳士城隍廟痛哭議舉兵謝三賓不欲移書定海總兵王之仁使以兵威脅舉兵者之仁陳兵入郡反合肅樂二賓悵然會孫熊已起餘姚甬西道通遂進軍紹興魯王監國晉肅樂右僉都御史亡右副都御史轉戰喬司及牛頭灣時馬士英阮大鍼亡入方國安營陰制行朝之政里井邪猶多緣舉義推戴呈身部覆臺彈猶沿舊習富家輸餉動加榜楚內侍客風儀外戚張國俊等氣傾中外咫尺大敵而越城哀衣寬帶歌讀宴會如平常



肅樂條列其弊不能用及浙河師潰浮海隱于福州之化南魯王次左所復入覲丙戌十月魯王在長垣肅樂擬詔預頒魯三年戊子曆浙閩全陷舊人如劉沂春吳鍾繼皆逃不起肅樂移書責之乃就道唐王遣臣稍稍引出明年戊子魯王次閩安鎮晉東閣大學士劉中藻起兵福安攻福寧州將破其帥涂登華欲降不決謂人曰豈有海上天子船中國公肅樂致書謂將軍獨不聞有宋末年二王不在海上文陸不在船中乎登華遂詣鄭彩降彩欲使其私人守之中藻不可彩反掠其地肅樂與中藻書不直彩彩東南紀事 卷五 七都武徐氏刊

聞銜甚是年五月汝霖為彩所害肅樂憂憤疾動而卒年四十三贈太保諡忠介初肅樂請挑敢死士盡配彩則兵力一竟以彩故死繼肅樂相者慈谿沈宸荃字葵中與從叔履祥皆成進士履祥入海被執不屈死宸荃從魯國次南日山覆于風後鄞人屯兵浙海死義有張煌言

論曰嘉績子延齡自閩海歸言魯王入閩事頗悉四鎮兵受命南征者散守閩郡邑鄭彩以重兵攻之皆乘隙語外人曰吾故明人豈無意但鄭彩剽殺非吾帥得熊吏科來即釋甲耳汝霖肩輿屏從往眾不信有故識汝霖者曰果

是也喜羅拜城上開門降凡得新附二十萬人當是時使汝霖能布其威信率之守戰豈獨八閩可全嶺以北亦可出矣顧乃分隸諸將致義士解體驚帥益勢事無成而身隨喪可悼哉昔顏真卿以軍權移于賀蘭進明仁柔之過儒者有之然葛爾越州孫熊協心孤撐一載卒不負其言而同死島上比于宋之文陸義何忝焉肅樂欲依彩成功亦坐短智而議者謂與殺汝霖之謀不可不為之白也

朱大典

朱大典字未孩浙江金華人萬曆丙辰進士以章邱知縣東南紀事 卷五 太都武徐氏刊

行取兵科給事中歷陞至兵部右侍郎總督漕運巡撫鳳陽督剿流賊大典饒有才而性奇貪多行暴虐崇禎庚辰間督師廬鳳守護陵寢括取財賄四府僚屬囊橐皆盡人擬其富且敵國御史姜埰等交章劾之下法司勘問大典不敢對簿自請捐資募兵剿寇戴罪詔許之得脫歸里福藩即位起原官禦左兵上流乙酉五月王棄留都奔黃得功軍大典詣軍朝請得功被刺自刎王北去大典歸里募士為城守計而方國安率土漢散卒由杭州東渡擬牧馬金華大典不納國安縱兵焚劫近郊四十里人煙幾絕閩



六月越城師起守道于穎徽國安江干其事國安遂舍金華勿攻大典欲據有全婺嬰城保家故終魯王在紹興止一遺其孫入朝未嘗發一兵至江上丙戌

大清兵渡錢塘貝勒遣馬士英招降國安令其立功自贖國安

從貝勒協攻金華大典堅守三月國安輦九牛銃晝夜攻城大典知不可爲先數月遣其子孫潛遁及期開宅使婢僕各出逃止推墮愛妾一人及幼女井中而自走火藥局

縱火死吳邦璿者山陰人大司馬兌之曾孫在大典幕中甲申以萬金託邦璿營幹中途聞北京陷卽橐金而歸自

東南紀事

卷五

五 邵武徐氏刊

旅費外分毫無私大典駭服謂邦璿不特有行而且有才題授副總兵同守金華邦璿善騎射城守倚之及將陷歸視其妻傅氏傅氏曰城守事急尙顧我耶我惟一死以報君家君可亟去乃以所積金付其子匿之民家候城破潛遁并令諸婢僕急走逃死皆厚資之自服緋衣縊死屬事邦璿已知妻死不歸急走火藥局見總兵何武曰閣部火藥庫今日不能擊敵而留與敵用甚爲非計不如燒之武曰固也少頃城陷大典至呼曰二將軍何不急走邦璿曰璿世受國恩惟一死得隨明公幸矣問武武曰武意已定

願與將軍同日死耳大典笑曰三人同心何復不足但頃見二將軍所商何事邦璿曰火藥如許不甘資敵竟欲燒之方死耳大典出火繩袖中曰所見略同乃盡出火藥三百桶堆一所大典尙有從人十餘麾之曰去從人皆願同死不應大典大聲曰速走吾將有事乃與邦璿武環坐于椅投火繩藥桶頃刻人屋皆燼大兵遍求大典屍不得蓋浙東死事之烈未有如大典三人者

論曰張岱言昔年在淮揚親見朱大典之貪橫眞如乳虎蒼鷹後復見其嬰城守婺破家從忠繼之以死又未嘗不

東南紀事

卷五

五 邵武徐氏刊

歎息其爲人也夫人固有性之一偏彼其嗜名義與嗜財賄無以異于大典曷怪焉然其時大典將卒頗練又有厚貲不能圖一長慮而閉門坐斃其智短也夫

余煌

余煌字武貞浙江會稽人天啟五年乙丑進士及第一累官翰林院修撰左春坊左中允右庶子兼侍讀日講經筵嘗與修三朝要典崇禎中給事中韓源追論其事煌疏陳本末免歸乙酉王師下杭州檄召越紳渡江煌獨不往魯王泄越起戶部侍郎禮部尙書皆辭不就陳時政馬士



英賈官誤主兵未至而先逃國已亾而復用為失刑之失丙戌起兵部尙書言藩鎮各自成軍久不相屬頃田仰與鄭遵謙爭饒喋血禁庭臣冒鋒鏑幸而解散司馬職統六

師今行朝之官特綴旒也豈能繼以平世法哉煌見越事益急而諸臣文恬武嬉請乞紛然上疏爭之謂請祭則當

思先帝烝嘗未備請葬則當思先帝山陵未起請封則當

思先帝宗廟未享請廢則當思先帝子孫未保請諡則當

思先帝光烈未揚人讀之嘆息江上失守郡城不閉有議守陴者煌嘆曰臨江數萬眾不能一戰乃欲以老弱守孤

東南紀事

卷五

王都武徐氏刊

城乎亟開九門縱民避逃自出東郭赴水死後數日良勒渡西陵下紹寧郡邑不戮一人

陳潛夫

陳潛夫字玄倩浙江會稽人崇禎丙子舉人授開封府推官南都錄守豫功陞監察御史巡按河南陸見陳恢復策為馬士英所持尋以童氏妄稱元妃潛夫前在道私謁無人臣禮并逮詔獄南都破脫身航海至越上書願假臣兵五千直渡海寧斷武林左臂加太僕寺卿監浙西軍募得三百餘人與孫熊三家兵列舟江上明年軍潰歸山陰之

小褚里呼妻孟氏曰行矣我為忠臣爾為烈婦相保泉下無悔也同上化龍橋赴水死

陳函輝

陳函輝字木叔號寒山浙江臨海人崇禎甲戌進士好酒色事著述日與客沈飲出酒文傾吐譏切將相誤國搯腕談至夜分噉杯碎尤能傾貲急客先人之憂海內稱文章風流豪蕩者推天台陳君焉筮仕靖江令以不謹罷職魯王洩越為兵部侍郎傷二都淪沒哭泣至暗失聲入對行朝出酬同列必悚言痛哭闕詔至浙眾議開讀函輝與熊

東南紀事

卷五

王都武徐氏刊

汝霖俱持不可金堡自福州出監鄭遵謙軍函輝密疏請殺堡堡奔衢州丙戌夏嘆曰八郡敝矣諸軍猶誅糧無厭是重棄民也北來生兵日益一不知此身何所耳江上潰有勸魯王嬰城者函輝哭曰民去將孰與守君為社稷臣請從亾乃從王還台王自石浦浮海竟相失函輝不抵家哭入雲峯寺即几上書六月十六日申時卒徧去別友不及家人一語至其時遂投縋作絕命辭八首自祭文一埋骨記一流傳江表二子臣謙臣詩能識父志不交當世事



論曰余公開越城縱民出避所謂天下之陰德也未可以  
曹彬渡江不殺之義掩之玄情始與仁利進士陸培爭名  
交惡既皆以義死其大致同矣寒山宮宰之美妻妾之奉  
得我窮乏蓋兼有之既而臨大節視平日嗜好如蟬翼之  
振露灑然自得其本心非見道明而去累疾者耶姚江呂  
章成有告北園文數千言其聲嗚咽曰北園吾西臺也蓋  
以謝翱自方以文山方寒山云

張肯堂 傳闕

吳鍾巒 傳闕

東南紀事

卷五

三都武徐氏列

東南紀事卷五

東南紀事卷六

餘姚邵廷采念魯撰 邵武徐 翰小勿校

鄭遵謙

鄭遵謙字履公餘姚臨山衛人父之尹進士官山西提學  
僉事徙家會稽遵謙少爲諸生任俠鬪難擊劍不爲繩墨  
之士所禮始與東陽許都交好都蓄異意遂與絕自南都  
多故遵謙陰養健兒市好馬意指莫測奄人屈尙忠逃至  
越遵謙答殺之曰吾聞諸劉先生凡係逃官皆可殺也郡  
人義之杭州失守遵謙決意起兵之尹屢禁之不可乙酉

東南紀事

卷六

一都武徐氏列

閏六月辛卯結郡中少年劉翼明等合眾水神廟告以國  
難眾皆哭遇會稽令彭萬里受新命歸招搖過市眾怒殺  
之清風里遂攻郡署獲署守通判張棟傳首即日檄守道  
于穎以五百人西扼錢江詰明遵謙戎服坐新司堂悉召  
縉紳入計事自吏部尙書商周祚以下皂衣由角門入遵  
謙立語舉兵赴難狀咸悻伏莫敢正視士民環轅門呼曰  
鄭將軍今爲國諸公視受大祿有貳議者劍斬之是日禍  
旗餘姚孫熊之使者已至遂斷江流聲震杭州魯王拜遵  
謙義興將軍合技勇出屯小暨朝議分方國安王之仁等



為正兵遵謙孫熊等為義兵義兵新募多市井農賈小民不素練正兵常陵義兵食正饗飽嬉江頭義兵則食義饗率告輸富人常乏食客將陳梧高鶴鳴等寇鈔越城餘姚

一年之間公私交盡百姓愁困八月廿五日義兵渡江遵

謙戰甚力副將鄭維翰抵太平門被砲死九月及督師汝

霖武寧伯之仁期會龍王堂旦大風雨阻潮遵謙後期之

仁等獨進大有斬獲十四日陳潛夫張名振敗於觀音堂

遵謙亦失利夜歸小豐冬魯王勞軍西興以遵謙首義特

封義興伯丙戌三月朔杭州開堰放舟遵謙從之仁迎擊

東南紀事 卷六 二 鄒武徐氏刊

獲鐵甲八百與軍資五月師潰于江遵謙將家屬浮海從

魯王至舟山

大清兵入紹興之尹死之魯王南次中左諸臣家琅琦晉遵謙

義興侯鄭彩專政以同姓弟畜遵謙使領陸兵牛田闕鄭

氏以商船富遵謙強取二船由此交惡及彩殺大學士汝

霖遵謙志形言色彩故扑部將吳輝使扶傷就遵謙求書

投鄭鴻達遵謙信之過輝船被擒輝伏不出遵謙呼曰汝

鄭彩所養殺我豈出汝意而慚相避乎輝出就求隻雞盂

黍莫汝霖跳海死其妾金四姐故倡也以殺婢下獄遵謙

破千金出之遵謙死四姐束藁象彩每饋斬藁哭并沈海中軍中慕其義稱金夫人始與遵謙同起者有劉穆

劉穆

劉穆字公岸浙江山陰人貌修偉善大刀及射寬而愛人

崇禎中以武進士授上海把總南兵部尚書史可法知其

才補應天副將穆雖為將家貧推食食士有氣節者邑人

劉翼明餘姚邵應斗蕭山朱伯玉從知府于穎轉運南都

穆深結焉乙酉五月南都敗歸里與穎及鄭遵謙謀匡復

聞方國安潰而東抄掠寧國廣德可急撫為用穆身往迎

東南紀事 卷六 三 鄒武徐氏刊

之未還遵謙已起郡中武進士沈振東說遵謙悉取江北

船繫南岸由是杭州兵不得渡國安至義師亦集魯王備

物典策築壇西興巔拜國安大將軍封鎮東侯諸帥藥鞭

列山下以次上旌旗數十里戎卒十萬發令聲動江谷杭

城望之震駭浙東軍倚以自強由穆始議也穆封威北伯

受王之仁節度明年丙戌晉侯爵用翼明左軍都督翼明

亦善大刀忠果敢戰嘗為軍鋒國安愛翼明才勇欲請致

之翼明不肯曰吾終不負威北恩且同國事何分彼此穆

深得將士心如此穆子九短而悍有膽義得徽人畢昆陽



鎗術穆自以爲不如及兵起九鎗所向無敵戰于清風嶺  
獨殺銳兵數百人應鎗輒倒後騎益集合圍取九亂斫死  
南軍爲之奪氣乙酉六月穆東奔舟山是月六日卒葬于  
岑港口

### 王之仁

王之仁字□□直隸保定人大監王之心弟也累官定海  
總兵崇禎十五年壬午海盜顧榮廖二掠崇明知縣守備  
出戰死賊將窺江淮斷漕饒詔之仁會應撫黃希憲討之  
遇賊高家口大安河連勝賊北竄漕督史可法迎擊賊復  
東南紀事 卷六 四 鄒武徐氏刊

折而南降于蘇松兵備程珣之仁功爲多

大清兵下杭州之仁初議迎降既從錢肅樂之約首帥所部入  
寧波會孫熊兵俱西東南承平久民不識兵事諸義師多  
紈袴及市井田野兒眾疑懼比之仁麾下過部伍明整兵  
甲犀利眾心大安乙酉魯王泣越封武寧侯晉寧國公壁  
西興江上宿將推方國安與之仁國安惑于馬阮擁強兵  
不能用縱其下行剽主客患苦之浙西因是守益堅鄭遵  
謙熊汝霖等所合義兵無敢抗國安國安兵常陵義兵獨  
憚之仁嚴支吾依附魯王倚以爲重之仁憤軍政不一上

疏言事起日人人有鼓行渡江之志歷今半載逍遙遊戲  
便欲以錢塘爲鴻溝天下事何忍言臣願以所隸沈舟決

戰今日欲死猶戰而死他日卽死恐不能戰也會杭人開  
堰入江之仁統水師邀襲之江中是日東南風大起南軍  
揚帆奮擊碎其舟貝勒以重兵下浙江乙酉五月江涸只  
勒試馬用大砲擊南營碎方軍甌窳國安遂遁夜趣紹興  
劫魯王南行江上軍遂潰獨之仁一軍猶在督師張國維  
議挑兵五千分守諸壘之仁泣曰國安壞天下事今生兵  
數千萬在北岸且晚畢渡孤軍何以迎敵之仁有船可入  
東南紀事 卷六 五 鄒武徐氏刊

海公兵無船當速爲計國維追從魯王去之仁度事不支  
乃載其妻妾子女婦孫共一大舟沈之蛟門獨至松江峩  
冠登陸百姓傳駭聚觀之仁從容入見內院洪承疇自稱  
前朝大帥不肯身泛波濤特來就死八月二十四日死西  
市時人皆爲泣下

論曰鄭遵謙無淵謀長慮遭國大變江干臨敵尙不廢聲  
妓故積爲鄉閭所輕然以全盛南都將相師濟長淮爲邊  
未終一暮邦其淪喪紹興遠介東表雅無備禦遵謙肉袒  
挺劍八郡雲合繫名號亦訖一年唇齒江廣屏翰閩浙此



顧可忘所自哉劉穆雅量有儒臣風父子一心同死兵事謀雖不就不可謂不幸矣董瑒評江東人物官兵將領以王之仁為首義師則熊汝霖為首蓋其心之剛烈餘子不如云

王正中

王正中字仲鶴直隸保定人寧國公之仁從子也崇禎丁丑進士游高唐州會

大清兵南下轉運銀杠亦避入高唐大軍圍高唐州守以銀杠

旦晚敵物不若鬻免一州士女屠戮正中與押狀事平論

東南紀事 卷六 大儒試錄氏刊

死數年得出除知長興縣浙西失守避地紹興魯王泣越以兵部職方司主事知餘姚餘姚當紹寧山海衝軍將往來剽奪市販朝得劄付暮入根括民舍正中設兵彈壓約各營取饗必經縣否者以盜論總兵陳梧敗于嘉興渡海擄掠鄉聚正中遣兵擊之鄉聚犄角殺梧朝議罪正中黃宗羲力爭梧見殺蓋眾怒正中無罪乃止張國柱掠定海乘潮而西縱兵入姚城圍大姓正中計折諭止之田仰荆本徹先後蔽江下皆帖息去一年之中屢經悍將而邑免大禍民戴之如父母陞監察御史正中短小敏練喜任事

而措置甚大益募驍勇將從海道取海寧海鹽通浙西路于是尙寶卿朱大定太僕卿陳潛夫主事吳乃武皆自浙西來受約束壇山烽火連于武林北門藉無恐隱若敵國又通律呂星象王遁喜讀實用書乙酉冬進魯王丙戌年曆及敗逸于民間姚邑遺民沈國模史孝咸韓孔當陳天恕呂章成邵會可等咸共往來深衣幅巾假醫卜續食

大清康熙六年八月卒于山陰之陳常堰年六十九

于穎

于穎字瀛長江南金壇人崇禎辛未進士累官工部主事

東南紀事 卷六 七都武錄氏刊

員外郎知西安府削籍起工部郎中知紹興府截江之役陞按察副使分巡寧紹道間道歸里杜門終老穎在紹興甚有威惠越人至今思之

吳易 傳闕

東南紀事卷六



東南紀事卷七

餘姚邵廷采念魯撰 邵武徐 榦小勿校刊

王翊

王翊字完勛浙江餘姚人為人機重年四十邑無知者丙戌浙河師潰翊見邑中孫熊起義者皆弗就意感憤獨行舜江干自語因私求士家貧授經以所得館穀量貨分給人感其義不為輕俠行丁亥結壯士十八人起于四明之下管奉魯王年號浹旬得千餘人乃東徬海抄掠發辦士至舟山說黃斌卿同攻靈波靈波諸生華夏以帛書來告

東南紀事

卷七

一 邵武徐氏刊

內應無何夏等謀泄斌卿至靈波後期敵軍退翊遂入四明先是丙戌之役浙東潰兵散走山澤率以布代胃裹首號為白頭兵歸安茅瀚海溪汪涵首以五百人入四明屯于杖錫寺山民苦輸餽夜半焚寺二帥死麾下無一免者及翊至軍令明肅見者皆悅遂結老若休兵求將簡練戊子春入上虞殺攝令戰勝而臥

大清兵夜乘怠還襲城翊出走已丑三月再破上虞走其知縣

得縣印是時浙東山寨蕭山有石仲芳會稽有陳天樞王化龍台州有金湯俞國望奉化有袁應彪吳奎明所至民

多山避而平岡張煌言上虞李長祥單弱不能成軍惟翊一旅蔓延于四明八百里之內佳褚九如沈調倫鄒小南等領五營毛明山等領五內司九如用法嚴而屈已讓能憂時憤發帳下士或戰傷矢即以所乘馬載之已執鞭以從故最得人死力調倫為沈國模兄子夙向義小南亦書生以故翊軍中多故家相聚講求義烈親故在邑不願留者禮遣之明山憊而敢死率旗摧鋒議事翊前侃侃面折軍中呼為毛金剛

八清督撫提鎮以鄉兵四起大軍不能久相持且山險未易攻

東南紀事

卷七

二 邵武徐氏刊

也下檄環四明紹靈台三郡村落團練自為戰守于是民始攜貳大兵踰清賢嶺入鄉兵屯丁山以待之待久而弛大兵驟馳之死者四百人有孫悅者聞丁山敗救之中流矢死直立不仆御史馮京第自湖州軍敗聞行至四明入翊軍屯于杜舉為團練所破別部邵一梓見獲縛致上虞寸磔仰首罵不跪剗及臂脛乃倒獨呼高皇帝及關亭侯一梓膽勇冠軍既死山中奪氣翊以四百人走天台翊謂諸將曰是皆團練之罪也鎮兵雖健我視其銳則避之懈則擊之非團練為之導敢走險如平地乎吾卒雖殘破團



練尙有餘力自天台返入四明擊兩練破之隨道收兵民荷鋤從至萬餘京第亦出勢復大振翊謂京第曰吾始事託此將以待天下之釁而勢不可猝出今與我犄角惟舟山我滅則舟山無援而舟山危我亦無援欲去經略中土此固大言人不信前余公煌書生黃斌卿又無謀國誠故沮乞師日本之行今誠得包胥其人痛告日本以討亂復仇興滅大義使發兵二道一趣南京一指天津則天下擾

動我悉山中島中軍以掃江東西淮揚以南可坐有也日本事成割諸島與之夫大海天塹孰與長江彼豈能與我

東南紀事

卷七

三 邵武徐氏升

爭中原哉且今之地譬如博人以人爲注于我何失京第如其計往說斌卿斌卿使弟孝卿同京第走長碕長碕島王初以西洋天主教人爲亂不納京第卽舟中哭拜不已哀動唐夷又因東京行部官致血書撒斯瑪王王與大將軍言之議發各島罪人師起有日矣會京第返而孝卿假商船留耽官妓見輕其國日本卒不發兵京第恐斌卿兄弟敗成謀遂與絕翊渴冀賢將爲攻取陳天樞薦前威北侯劉穆故將劉翼明武勇絕倫重幣舛詞往知其急義乃給拘其友翼明一來翊布腹心弗敢遽留明年辭母妻入

山凡在山中一年屢爲翊擊退大軍翼明游歷諸營曰俞將軍文而有禮陳將軍勇而義然俱不及王公厚有大將才又曰惜王公後時脫以此軍戰曩日西興江上豈不能奮飛取杭州哉翊眾號一萬實八千任戰者三千以王江司饒履畝稅富民皆樂輸無強諸所決罰人人稱快自翊起浙東列城爲晝閉吏莫敢下鄉守令爭薦誠講解已丑自上虞東出狗奉化

大清兵方攻吳奎明追奔至河泊所翊猝遇之而戰大軍退其

年魯王次健跳授翊河南道御史翊朝行在陞右僉都御

東南紀事

卷七

四 邵武徐氏升

史已蹕舟山再入朝陞兵部侍郎尋晉尙書大帥患山海久不甯有爲謀曰此皆失職人逋竄若招以官可立解會稽嚴我公鷲猶士也聞其說亟造爲告身銀印曰請自隗始遂授都御史招撫湖州柏襄甫會稽顧虎臣皆降我公將渡海發使者入明山湖之前營黃中道曰嚴我公動搖山海寧可使之達行在哉烹其使分羹各營敢受招撫視此我公踉蹌去庚寅八月翊合俞國望陳天樞之師復新昌北越餘姚拔浙山紹寧道梗諸帥議大舉將取舟山惡翊反內地乃分二道金礪自奉化山雄自餘姚會搗大嵐



游騎四出搜伏旗幕三十里翊避之于海京第病不能行  
匿鶴頂山為降將所致死于甯城翊兵日蹙猶大治海舟  
期身往崇沙而以西事委翼明從東陽義烏收合金衢嚴  
豪俊順流下錢塘會褚九如從第素先乘翊小敗劫饒金  
北去眾心搖散翼明及裨將陳虎侯朱伯玉亦閒行抵  
家九如逃入天台為道士氣結死辛卯秋七月翊還山中  
所留諸將降殺且盡二十四日大星墜地野雞皆鳴為團  
練兵執於北溪過奉化賦絕命詩在繫日束幘掠髮修容  
謂守者令汝曹見此威儀也八月十二日

東南紀事

卷七

五都武徐氏列

大清帥畢集定海陳督訊之翊坐地上曰毋多言成敗利鈍天  
也劉帥注矢射之中肩田帥中頰金帥中脇不動如貫植  
木絕其吭始仆牙將二人亦不跪掠之則跪而向翊見者  
為泣下曰王公忠宜從者義也王江之母為金帥所得以  
招江江削髮為僧見金帥于杭問訊而已安置省城母以  
天年終江買一妾其妻日夜勃谿江憐妾而遣其妻妻攘  
袂數江登肩輿去聞者無不薄江為人後江出人以其妾  
在不疑既而不返始知向者以術脫其妻也江既得逸遂  
與張名振引師入長江登金山遙祭孝陵題詩痛哭丙申

復與沈調倫聚眾明山調倫見獲江亦病創死小南亡命  
後二十年有遇之于金山寺為僧者自翊被執後一月  
大清陳錦遂圍舟山舟山破魯王出奔廈門

論曰金堡言江北不知有弘光江南不知有永曆甚矣人  
之識小而蔽也尺寸之外無覩悲夫以王翊之賢而鄉閭  
呼以為賊夫又何怪焉翊頭懸甯波城樓為毛明山所盜  
祀于鄞人陸周明書架周明死其弟開篋乃見此與人求  
王琳首書其義甚烈又何以異哉

劉翼明

東南紀事

卷七

六都武徐氏列

劉翼明名光世以字行浙江山陰人佐王翊者一年後老  
死于家王翊善下士能立綱紀有監軍道五人其健將為  
黃中道毛明山團練兵望此兩人旌旗皆退走褚九如號  
者舊為翊延接賓客翼明初入山夜過九如宿九如逸巡  
立窗外不去語遂徹旦盡舉所部兵屬之誠其下曰劉將  
軍勇無敵第聽約束必有功翼明由是得展所長統兵千  
人出屯嵎之東坑及陳天樞同復新昌天樞視火藥焚而  
投水翼明迎謂曰得不死否天樞曰兄但急入城理戰守  
無憂我月餘而死山中兵初畏鎮兵翼明用忠義鼓舞訓



練旬月間遂得精卒一日平明衝大營踴躍進大兵見進  
退行列殊異前日知劉大刀在遂潰士卒感翼明威信無  
犯民舍每移軍民攀挽曰公去則他將來無幸矣裨將陳  
國寶餘姚人勇而義父奉翼明旦夕侍卧內戰則率其下  
齊致死嘗至鹿頭頸就糧於平西侯王朝先他部有刈朝  
先麥者朝先來詰其人語不遜國寶自營中抽刀前曰誰  
謂我公盜麥者寶請身當之平西無主人禮豈能為國乎  
眾皆愕顧使者已遁矣翼明將歸先遣國寶揮淚翼明立  
山頭送之見國寶行數里尙回顧王翊死國寶不能忍復  
東南紀事 卷七 七 邵武餘氏刊  
以數十人起敗死之

王江

王江字長叔餘姚人名位亞于翊有智謀卒死山中不負  
其志

邵一梓

邵一梓字端木餘姚人從軍江上還屯四明山有眾萬餘  
勢銳甚郡邑相戒毋犯邵不林鋒不林其別號也後戰敗  
被執嘆曰不可破我網巾使我無以見君親于地下兄一  
柱一槐第一楠一棟先後並戰死

俞國望

俞國望字□□浙江新昌人寬惠長者有眾一萬然不簡  
練少選鋒嘗以烏銃敗田雄兵于山澗故田兵畏新昌鳥  
銃一日戰被矢仆道傷篋棘間追騎數千過無覺者因得  
免裨將持尺書入王翊軍越關走翼明棒而遣之詰日風  
望詣翼明謝軍政之肅其賢如此國望起武生封新昌伯

陳天樞

陳天樞字□□會稽樊江里人丁亥與高宜卿等結壯士  
走平岡兵少而精張司馬煌言李進士長祥皆依之時寧

東南紀事

卷七

八 邵武餘氏刊

紹義士屯聚四明山左右推王翊為盟主天樞不欲屬翊  
自為一部翊亦敬天樞如兄弟歡先是海船數艘巖山陰  
之白洋遇田雄兵百餘騎下堤來攻陳虎侯發鳥銃斃其  
一騎眾爭上騎皆陷于淖盤旋往來竟堤口不得下馬叩  
頭乞命殺八十餘人天樞實左右之翼明至白洋天樞與  
深相結比山中兵起人多有道劉大刀名於翊者天樞尤  
不容口因是必欲致翼明翊規模遠賞罰明肅其部卒視  
鄭遵謙劉穆時精練是時天目有姚志卓四明有王翊魯  
王得遷延南田舟山者數年依二人為右臂焉副將常進



功引兵入山天樞乘其初至夜襲之先盜其馬驚眾擾亂山中軍縱擊進功僅以身免

### 王善長

王善長字□□山陰人少有絕力長而豪蕩鄉里患苦之嘗同少年遊禹陵見窆石大言曰我固不學聞大禹治水有玉簡金書埋會稽豈茲地乎則以手撼之而動意得甚甲申聞煤山之變奮臂言曰京師公侯將相豈皆婦人耶踰年鄭遵謙起善長爲部將及敗歸里又踰年王翊陳天樞起善長亦合驍果得數百人起會稽山受魯王命爲威東南紀事 卷七 九 鄒武徐氏別

武將軍往來山海間因曰吾聞古之立功者不遇異人必見異書往吾撼窆石能動意金書待我發乎乃以大索貫石與數十人轉之莫動也善長則攘袂獨挽索使數人助隨手折掘地及泉下竟無所見善長每戰摧陣郡將戒其下勿與善長遇而使人好語誘以官善長不肯曰吾志圖興復豈假建義爲博官地哉舟山破山海之師皆潰善長間歸爲人所告捕者數十人善長拳仆之卒入獄告獄卒曰吾數月人耳山中頗有所積置之何用當奉爲諸君歡願去桎梏得醉飽待盡遂痛飲日益狎親故亦時留飲

獄中間置刀斧餅爨以進越城東南有稽山門人希往來

一日有大舟載草而溺者以草積城下去門者以濡故弗

問是夜善長飲獄卒侑以琵琶而歌西音皆大醉遂縛獄

卒而告諸囚曰能從我者第先出諸囚皆出善長斧獄門

奔稽山門乘城投草而下道四明航海追騎四出不能及

善長從定西侯張名振戰崇明有功爲朱成功所忌見殺

章欽鄰 傳闕

馮京第 傳闕

東南紀事卷七

東南紀事 卷七 十 鄒武徐氏別



東南紀事卷八

餘姚邵廷采念魯撰 邵武徐 幹小勿校刊

王毓著

王毓著字元趾浙江會稽人性至孝方昏遭父喪三年不居內母沒哀毀傷目年十六始為文即工好交天下才士時海內以文譽擅元禮有道之目者蘇州有楊廷樞太倉有張溥張采松江有徐字遠陳子龍江西有陳際泰而紹興有毓著輩雖在諸生羣推人宗劉宗周講學于古小學毓著及劉世純陸曾暉秦弘佑王朝式秦承顯錢永錫等

東南紀事

卷八

邵武徐氏刊

皆執贄宗周甚器毓著毓著願豪邁不為曲謹小節每燕集坐客常滿風雅諧笑旁及絲竹崇禎十七年四月聞北都之變奔告宗周相視流涕慨然曰毓著之死始此日及明年乙酉南都潰浙東歸歛毓著不欲生作憤時致命篇述意草成而歌歌而慟凡數日兩兄難之毓著且豎已笑曰是不難聖賢書人讀之此日揚揚里巷不忍見也它日死更難耳生平不理家兒乳名亦不記是日問兒名抱持之曰以屬兄越數日府縣具牛酒迎犒毓著方食投箸起大書其門曰生員王毓著不降復榜詩文于唐衛士祠

及文廟夏旱出視泮水淺乃之柳橋下坐而死時六月二十二日求其屍色如生留書上宗周曰毓著已得死所願先生早自決無為王炎午所弔是時宗周既不食十日矣見書傷悼曰吾講學十五年僅得此人門人私諡正義先生後魯王贈簡討死後十三年友人蔣平階魏芳等葬之于梅里尖西阜其後毓著四日死者有潘集

潘集

潘集字子翔浙江山陰人學不喜章句詩文立就縱橫綯爛若不可止王毓著延吳下名士為文酒會集方就童子

東南紀事

卷八

邵武徐氏刊

試試又不利每彈駁諸名士文義毓著志絕不與通比聞毓著死狂走大叫曰集故人也必死從王子走哭柳橋上曰先生往乎爾友來矣有解之曰子布衣無庸然天下甚大豈少子集厲聲曰天下入自生集自死集不以愧天下天下亦不以集愧也袖巨石沈東郭渡東橋死集負才任氣酒酣即罵其座人父為邊郡小吏以城陷死每語及輒涕不止嘗參沙門雪嶠云有所悟死時年方二十三歲里中私諡義成先生魯王贈禮部主事葬于城南謝堡集後十三日又有死者周卜年亦布衣



周卜年

周卜年字定夫山陰人父孝子文郁水漂母棺七日不食入水負母尸出得疾死卜年少孤嘗赴府試不利憤誓于神曰卜年不得科第揚吾親者死而雷擊其屍越城降卜年哭曰終吾年無以報親矣吾寧赴海與魚鼈處乎作五歌以自哀碎所佩玉雷圈曰寧同玉碎勿瓦全翌日白衣冠哭諸市從鄰嫗乞一鍼紉其衣而遺書弟曰吾死矣嫂有遺孤不可不守無則不可不死不能死不可不嫁滔滔大海不復尋吾屍也遂赴海死屍浮白洋之龜山衣紉如

東南紀事

卷八

三邵武徐氏刑

故遺一履魯王贈禮部主事卜年死後越數日鄭遵謙等兵起

朱瑋

朱瑋字鴻儒山陰人乙酉六月朔隨父避兵墓所梅里尖問語其舅曰人畏兵吾不畏也吾將得所往耳家人謹隄之比

大清兵下鄉人皆薙髮瑋亦故稱從薙于招提防稍懈瑋既出

遽返舍以壤書案曰志不可奪家人慮失瑋索之得壤書曰噫死矣逢野父叩之則見瑋望墓而拜投河渠死瑋父

號于塘曰兵且至吾守汝以及于難乎抑捐爾骨以去乎

三終踊而出角巾而立稍引之並岸不仆時年二十四

倪舜平

倪舜平字□□山陰人家貧不娶嘗往來諸暨授書自給或趣之府縣試笑不答

大清兵渡江則以一航載大綱二之祖墓以綱坎墓左置酒召

村鄰飲墓下畢擁所攜書卷跌坐其中曰覆吾綱度吾暝瘞吾土有頃叩之尙嚶嚶有聲呼曰舜平舜平終不答俎夕而響絕

東南紀事

卷八

四邵武徐氏刑

高岱

高岱字魯瞻會稽人世襲歷海所百戶而岱爲崇禎庚午順天榜舉人數上公車不得志返越聞城下遂不食及暝呼子朗訣曰吾世受國恩國亾與亾義也朗跪而請曰大人教兒忠孝國不可無臣家亦不可無子請先大人死遂奔偃江兄澄追之曰弟止止余長子當隨父死汝次當奉母朗厲聲曰兄死與養孰難乎弟爲其難者躍入水死之母朗厲聲曰兄死與養孰難乎弟爲其難者躍入水死之

沈之泰

沈之泰字魯瞻餘姚人弱冠通二十一史忠孝內結同邑



孫嘉績邵之詹呂章成邵以貫皆與為執友乙酉恩貢第  
一魯王時為中書舍人江上敗之泰鬱鬱不得志里中人  
持其陰事謂入海朝魯王繫會城獄海道王天錫欲出之  
之泰不可言蹈海固夙志得死無恨在獄賦詩臨盡神氣  
暇適先是有菜傭負巨室通痛掠以之泰解救至是傭在  
武林職納饌食將刑前一日泣語之泰曰吾為君了後事  
乞其屍埋之妻吳氏家居聞之泰嘆息頃訃至矣將收家  
屬吳氏曰吾吏部日倪沈公子婦日鑄吳公孫也不可以  
辱立自縊弟之益以兄故逃禪間還家展墓鄰里無識其

東南紀事

卷八

五 邵武徐氏別

面者後之泰三十餘年死

徐復儀

徐復儀字漢官浙江上虞人崇禎癸未進士丙戌後哭泣  
失志所居下管山中日夕負負環山行竟廢餐寐投崖落  
深谷死鄉閭哀之

趙天麟 傳闕

華夏 傳闕

東南紀事卷八

東南紀事卷九

餘姚邵廷采念魯撰 邵武徐 韓小勿校刊

張煌言

張煌言字玄箸寧波鄞縣人崇禎壬午舉鄉試時年二十  
二雋邁自喜常著絳衫已聞寇勢迫更刻意勤苦潛泊求  
論兵事乙酉五月南京敗與同郡錢肅樂沈宸荃馮元慶  
等倡義奉魯王監國紹興授翰林修撰掌勅令丙戌師潰  
歸別父母妻子扈王石浦明年以右僉都御史持節監定  
西侯張名振軍援吳勝兆於松江龍颺覆舟陷敵中七日  
東南紀事 卷九 一 邵武徐氏別

東南紀事

卷九

一 邵武徐氏別

大清

提督田雄海道王天錫以書來說使解兵煌言復書不屈  
其年舟山破及名振奉王南入金門閩政自鄭氏出煌言  
和謹調護王賴以安壬辰監名振軍過舟山抵崇明沙指  
金山江淮響應癸巳上洋山再駐崇沙冬破崇明步騎萬  
餘於平洋甲午再入鎮江觀兵儀真夏逼吳淞戰捷皆與



名振俱乙未延平王朱成功遭阮駿陳六御與名振復舟  
山台州守將馬信舉城降使煌言以沙船五百迎之名振  
卒信棄台州明年丙申舟山再破煌言移軍秦川時魯邸  
舊臣皆盡而孤軍流寄窮島鄭氏部曲陵暴煌言惟御之  
以忠誠阮美陳文達爭餉地爲婉解曰大敵在前何暇私  
鬪美軍有犯輒曰我大臣寧與麾下爭曲直獲內地邏謀  
亦好語酒食遣之由是主客浹和邊遠感悅遺黎士卒多  
爲耳目者戊戌

大清兩江總督耶廷佐以書陳說天命曉諭利害復之畧曰夫

東南紀事

卷九

一 邵武徐氏刊

揣摩利鈍指畫興衰庸夫聽之或爲變色而貞士則不然  
所爭者天經地義所圖者國恤家仇所期待者豪傑事功  
聖賢學問故每瓊雪自甘膽薪彌厲而卒以成事自古以  
來何可勝計若僕於將畧原非所長祇以讀書知大義痛  
恨災氛左袒一呼甲盾山立區區之志以濟則賴君靈不  
濟則全臣節遂憑陵風濤縱橫鋒鏑之下迄今踰一紀矣  
豈復以浮詞曲說動其心哉來書溫慎故報數行如斬使  
焚書適足見吾意之不廣僕亦不爲也煌言勸成功取南  
京日與偏裨較射鹿頭神氣勃厲羅致中土名士商度

方畧山陰葉振名三渡海從煌言其年奉桂王命以兵部  
尙書視師浙直同成功北舉復抵洋山遇風碎舟遣故廷  
佐等急招之而煌言措置開廣成功亦以是重之謂其知  
江上形勢使前驅己亥六日成功師至崇明煌言議崇沙  
江海門戶懸洲可守宜先定之爲老營不聽

大清於金焦間用鐵索橫江夾岸置西洋大砲煌言次浦口風

急流迅且戰且卻露香祝江神遂鼓棹而入詰旦成功克  
瓜洲欲取鎮江慮南京援騎至煌言議舟師先擣觀音門  
則建業震動自守不暇何能分援他郡卽屬煌言西上至

東南紀事

卷九

三 邵武徐氏刊

儀真吏民賫版圖迎進次六合聞成功已拔鎮江卽作書  
致五軍張英謂兵尙神速若由水道遲拙非策煌言已抵  
觀音門令輕舟數十徑抵蕪湖身爲殿自浦口轉戰而前  
七日掠江浦入之次日成功抵七里洲先所遣蕪湖諸將  
捷書至蕪湖已降成功趣煌言急趨蕪湖以遏江楚之援  
于是江南北相率來歸太平寧國池州徽州廣德及屬邑  
皆下無爲和州含山舒城廬江高淳巢遣吏請降凡得府  
四州三縣二十四時煌言兵不滿萬船不滿百惟以先聲  
號召大義感孚騰書縉紳馳檄守令所過秋毫無犯入謁



先聖坐明倫堂長吏故官或青衣待罪或角巾抗禮考察黜陟如州牧行部事父老望其衣冠莫不流涕江楚魯衛英雄多詣軍門受約束請歸禡旗相應方部署諸軍思直取九江而南京敗書聞先是瓜鎮既下不出兵攻畧旁邑丹陽句容皆虛無埃蘇松援騎平行陸走南京成功師圍南京二旬郎廷佐哈哈木管效忠等守益堅煌言馳書成功謂頓兵堅城師老易生他變宜分兵盡取畿輔諸郡若金陵出援可邀擊殲之大兵盡出再戰成功大敗煌言在寧國得報急返蕪湖思彈壓上游與瓜鎮犄角鎮江書生東南紀事 卷九 四 邵武徐氏刊

大清軍水陸邀煌言楚將羅八戰艘數百已渡安慶煌言恐眾寡不敵勒全軍指繁昌欲以艤艘徑趨鄱陽合召義旅回旗再取四郡進次銅陵眾散與麾下數百人至無爲州焚舟登岸歷桐城黃金棚入霍山界以書通于陽山賊帥褚良輔求借屯不納移札東溪嶺思走英山爲追騎所及將士疲困皆竄山谷煌言突圍得土人爲導乘月變服夜行

兩日至高河埠投逆旅有徽豪金某徐某揣知煌言入見曰江上未解嚴誰能爲蘆中丈人者乃匿煌言于家數日由樅陽出江渡黃湓走徽巖山行道東陽天台以達海壖海濱人傳張兵部得生還相與悲喜久之先是羅子木在江中遮說道路屬目遂奉其父從大軍入閩庚子煌言收燼于浙駐師林門子木復奉父北行至三山父被執去子木詣林門以家國之難慟哭告煌言邀成功再舉兵煌言曰我力不獨克彼意似不欲本朝復興徒以我素謹弱爲彼禦定關通中原音息故不我圖且彼無愛民之心來亦東南紀事 卷九 五 邵武徐氏刊

大清遷界海上餉絕佐煌言開屯南田順治十八年辛丑成功攻台灣煌言以書力諫是年移軍沙埕康熙元年壬寅聞緬甸信欲復擁戴魯王上啟言莽移漢祚光武中興不廢山陽昭烈踐祚懷愍北狩晉元稱制徽欽蒙塵宋高繼立以視今日誰曰不然顧島上勳貴罔識春秋大義而臣實兵微將寡餉匱援窮既見宗國之亾而不能救猶幸舊主之在而不能扶所以中夜椎心淚盡而繼之以血也謹遣官賫獻膳銀南望倉皇罔知 措時成功已入台灣僭帝



制王在金門不免飢寒煌言以舊從歲時供億又慮鄭氏見疑十年未敢入覲成功死海上解散煌言益不振眾議入雞籠島煌言謂偷生朝露寧以一死立信卒不行癸卯王矧于金門甲辰移營桃花山買米舡為補陀僧所獲降人孫執法引張燕兵襲煌言遂被執從者羅子木及守備葉雲王發侍童觀毓七月十九日至寧波方巾葛衣轎而入觀者如堵墻張燕舉酒屬煌言曰遲公久矣答曰父死不能葬國亡不能救死有餘罪常進功謂子木海上知我名否子木曰但識張司馬何知常進功他有問大笑不為

東南紀事 卷九 六邵武徐氏刊

語至杭州總督趙廷臣禮以上賓聽故部曲來庭謁司道府縣至者但拱手不起列坐于側士民賂守者求視煌言翰墨酬接無虛日九月七日死於弼教坊有絕命詞曰我年四十五恰逢九月七大厦已不支成仁萬事畢候卒致詞請坐與子木同畢命觀毓大聲曰我亦不跪者雲發面煌言跪是日驟雨晝晦杭人知不知皆慟哭同郡萬斯大仁和張文嘉與僧超直葬之西湖南屏山夫人董與嗣子先羈管杭州防久而疏煌言遣力士引嗣子出口母可借乎我獨往母必死敬拜力士而辭有勸煌言納膝者曰吾

妻子如是何忍倡義以來未嘗一近女色且死生成敗殊未料多累何為馬信將陳木叔女奉煌言謝曰忠臣之裔不可以辱吾義不再娶厚贈遣之病不飲藥大洋中能自運舵每嘆曰沿海膏脂盡矣幸其出戰勝則進取否則一跳海中畢吾事耳嘗與葉振名論古今人物曰紹興死節者多吾慕之清夜嘗愧之歷十九載卒踐其言故其經故里詩有蘇武管寧求仁得仁句云自煌言仗節寧波士風振起同時如諸生華夏楊文瓚等皆以死殉義知名當世子木名綸嘗為書責成功浙中傳之振名字介韜以隻雞哭煌言於越王岑其文累數千字死於康熙壬戌窮無子女壽七十餘有張司馬二客傳

東南紀事 卷九 七邵武徐氏刊

論曰王文成公有言死天下事易成天下事難此責成於可成之日不以一死塞也若以律文天祥張世傑豈其然哉世傳己亥長江之役有壬午舉人方會試下第歸對其家人如醒如嚙咄咄仰天曰同年生作何等事而我自願爾乎信由斯言煌言固死而不死不成而真有成也余未得見先生而曾讀冰槎集奇零草悲其志又從介韜翼明兩君悉先生生平乃鄉人尙有不篤徐庶加之罪者於乎



九原可作其可敢辭

附錄逸事

煌言壬午舉人出山陰令吳淞錢世貴之門朱夏夫兆  
 殷曾受知於知府于穎穎遷寧紹台分守與煌言同謁穎  
 以意氣相許談朝政得失朝臣覆餗狀不勝髮指勸穎招  
 技勇備不虞凶何有東陽許都之變事寧肆業駝峯十  
 七年秋至南京交劉伏陽孔昭子永錫見伯温先生遺書  
 秘記 金陵不守于穎移檄浙東煌言來會同盟于學宮  
 誓以死衛社稷 至杭候巡撫張秉貞議所立上路王璽  
 東南紀事 卷九 八 鄒武徐氏刊

綬王長齋繡佛無帝王氣概大失望煌言歸別祖廟聯絡  
 紳士痛哭于王之仁張名振散家財俟大舉田雄導大軍  
 東下潞王率文武降閏六月七日煌言合錢肅樂沈宸荃  
 馮元颺元颺全之仁名振舉兵寧波移檄遠近九日孫熊  
 舉兵姚江十一日鄭公子舉兵紹興 先是于穎命徐允  
 升募兵金華使夏夫募舡沿海會內臣高起潛引所部五  
 百餘輜重數萬自海道至白洋夏夫留之不果得其副將  
 余應元都司王有功守備孫勇等數十人與遵謙約日舉  
 事于穎駐兵西郭使夏夫促遵謙出兵日公在驛候進發

今張慄彭萬里已授首事至此寧可緩乎杭城一葦朝發  
 夕至何以處之遵謙以事未集需後期夏夫曰若爾浙東  
 魚肉矣于穎自率團練兵五百道陸至西興而夏夫水師  
 由海道會遂統應元等并鄉兵百餘船百艘薄暮抵錢塘  
 值大軍半渡邀擊斬其前鋒六十餘級而退于穎至又調  
 蕭山團練五百配以中軍耶文明任朝晉張弘兆寧波義  
 師亦來會乃定守江之計 于穎督師丙戌移屯三江  
 夏夫以護軍從時大軍在前內多悍將眾嘆悲時事不支  
 煌言獨慷慨必矢興復酒間歌嘯義形詞色侍者莫不髮  
 東南紀事 卷九 九 鄒武徐氏刊

指衝冠迨五月富春竊渡士卒不戰而潰于穎疾馳留方  
 國安王之仁固守不可煌言與張國維護魯王過曹江歸  
 別父母妻子從駕石浦越日孫熊鄭三家繼至聞于穎以  
 船溺微服去魯王至舟山黃斌卿曰臣受先帝命守舟山  
 主上猶的也的所在思射之矣乃幸補陀夏夫同王有功  
 孫勇間道歸戊子越中鄉兵復起夏夫使魯恂至舟山候  
 定西肅北二藩進止煌言以定西護軍同肅北護軍曹從  
 龍將軍黃朝先入三江煌言復大會諸將于駝峯凶何二  
 藩構隙阮進護魯王至閩日迎定西至林豐曹從龍大掠



而歸煌言不得已上會稽山列營平岡與王完勳王虎等  
唇齒以書招夏夫會魯柙被胡錦首死獄中不果行庚寅  
夏魯王至舟山有旨召煌言歸山中諸將以不相統攝散  
亡 辛卯吳淞定關分道入海煌言同定西護魯王親行  
先退大軍於崇明以阮進守大泥灣劉世勳守舟山陳錦  
田雄規知精兵北去乘霧而出進不之覺及至接戰倉卒  
擲火毬遇桅反擊自焚下水被擒輿之以說城中進至言  
煌言等已大捷旦夕凱旋令城中死守被圍十日砲火俱  
盡定西中軍金允彥踰城降具告虛實遂百道攻城夜分  
東南紀事 卷九 十部武徐氏刊  
星隕如雨九月二日城遂破定西太夫人全家自焚定西  
聞報急返至火燒門止隔兩湖無及遂護魯王入閩明年  
春討舟山守將巴臣興降乘勝入長江煌言同英義將軍  
阮駿先登陷陣崇明鎮江二戰俱捷爲文望祭孝陵三軍  
縞素哭聲雷震徹城中會以閩師被撤無援而退大軍以  
巨艦鐵鎖橫金山遇之大戰沈舟截鎖而出是役也以少  
擊眾士氣百倍明年復統師入江江北豪傑聚眾來歸者  
接踵適謀者聞於鄭撤回閩來歸者俱慟哭別事遂不可  
爲矣及至與鄭極陳利害謀不可信和不可從鄭避之乃

再引兵北上駐舟山以圖恢復密檄四出招徠人心響應  
乙未馬信以台州降值定西以醜卒信聞訃大慟遂棄城  
入海以煌言在鯀挾陳木叔女奉之曰忠臣之裔不可以  
辱且室人董爲我陷獄義不再娶厚贈而遣之葬定西舟  
山之沈家豐由是權歸陳六御而將士解體 煌言屯鹿  
頸頭以書招夏夫由臨山航海至吞以軍旅宜帥出海八  
月廿四日大戰於蛟疊阮駿恃勇輕敵陷陣失水自辰至  
未大軍番休疊戰遂不支并喪劉永錫張晉爵陳六御張  
弘德降顧忠王有才舟山復破夏夫從煌言至沙堤而還  
東南紀事 卷九 十部武徐氏刊  
葉羅二客傳  
越有志節士曰葉振名字介韜山陰湖塘里人少方迂行  
六人呼六腐氣獨喜自負家貧居壞室敝帷結席不能拒  
蠅蚋旁一土鑪嘗冷不燃几欲朽雜疊爛編數本目不遠  
矚行持一短檠藉鄰火煨栢葉代茗餽餅啖客不廢酒客  
不飲則自盡之外扉粘心喪謝客實無喪也柱上署聯大  
約以死爲樂擇死之最首者迅雷事親孝母吳垂革時泣  
曰使名終身困窮可也否則此心之痛何如耶嘗娶婦婦  
逝卽不續過人卽索酒取架上書徧讀讀竟輒哭能古文



謂自周秦至今不八九家而自詡充其數書法解學士前  
無古人已書足紹之冠道士冠行道上穆穆如無人張煌  
言屯軍鹿頸頭渡海訪之煌言曰比年無一端人至君來  
吾輩其有興乎攜之觀射酌以大觥因嘆息人才難得振  
名謂煌言取人當以守爲尚煌言曰軍中須才智不須道  
學道學何與兵事振名曰患道學不真耳真道學必善用  
兵且昔烈皇帝尙才劉子尙守其後國破君亡未見才者  
之效諸殉難者悉有守清節士豈非明鑒時振名以煌言  
委信非宜左右或緣奸僞故語及之煌言作留侯李陵論

東南紀事

卷九

三邵武徐氏列

譏切時輩又欲作陶潛論以斥逍遙泉石無意當世者振  
名曰人心胥溺幸二三遺民高尚其事留此面目公論出  
無乃激使往乎乃止己亥夏候煌言金堂陳三策大約欲  
暴延平之罪擒斬之奪其兵以圖興復言多濶迂不可行  
其秋師潰安廬阜上未得煌言消息符文煥遣官延請振  
名暫護視師之署振名至會煌言返晤于鹿頸辛丑正月  
又謁煌言林門至秋而歸其後鄭氏東入台灣煌言竟被  
執死杭州振名持隻雞黍酒獨登越王嶺哭祭爲文六千  
五百餘言時京口羅子木隨侍煌言同殉節君爲作行畧

振名官翰林修撰兼兵科給事中生萬曆戊午卒年六十  
有八無子友人王某爲之殮葬

羅綸字子木鎮江丹徒人或曰應天溧陽人性尙義家貧  
授徒蘇州一日讀史可法安攘疏大慟不止延平王朱成  
功師度金焦亟往觀變謁張煌言于儀真一見器之命草  
檄諭江南北煌言欲留之子木曰親在未敢許人也族叔  
羅蘊章時爲成功左鎮乃入其營不數日成功東奔子木  
在金山猶疑陽敗已望見大鯨過焦山乃乘小艇徑奔成  
功船大呼曰我羅總兵姪也超登曰公何以費十年之力

東南紀事

卷九

三邵武徐氏列

辜天下望成功不答子木大慟曰公兵勢尙強奈何以小  
軀挫志彼戰勝而情轉帆復進南都必破失此事機後欲  
再振其可得乎持成功手頓足號慟不已成功默然竟令  
左右扶去乃急入鎮江扶父隨蘊章至温州尋到廈門中  
所知成功不可恃復奉父北行至三山父被執去慟哭謂  
林門叩煌言告難請邀成功北出煌言曰彼力憊而神耗  
不來也子木曰小子以書請何如煌言曰可遂自作書奉  
成功不報在煌言帳中遇事直言左右皆忌之會遷界禁  
下餉絕佐煌言開屯南田甲辰煌言移桃花山寶佐多散



子木朝夕敬護不去左右已同被執入定關常進功欵宴  
問子木曰海上知我名否曰但識張司馬何知常進功他  
有問大笑不爲語至杭城會議府不跪次煌言席地坐煌  
言與總督趙廷臣語次往復子木抗聲曰公先後死耳何  
必與若輩絮語煌言初欲絕食子木笑曰大丈夫死忠任  
其處置可也飲啖如平時九月七日死于弼教坊

論曰張公恭以禮士士不憚險阻歸之然所得客獨葉羅  
二人爲最羅之從死天下業見之矣葉先生無日不以死  
自處者偶不死也余三過先生湖塘被其容接出濁醪酌

東南紀事

卷九

邵武徐氏刊

余語及興亡之際言隱而慮深同坐者不知也朝議方事  
台灣先生輒上姚督書勸其緩攻事雖不行然于故國之  
義亦已盡矣附舟人遙示書稿署其函曰葉六腐氣受而  
展之滔滔萬言不可窮竭其意氣之盛固與羅生同其壯  
哉

東南紀事卷九

東南紀事卷十

餘姚邵廷采念魯撰 邵武徐 幹小勿校刊

黃斌卿

黃斌卿字明輔一字虎癡福建莆田人其先以禦倭功世千戶

父奢死崇明之難又晉世襲崇禎末爲舟山叅將福王時  
陞九江總兵改廣西征蠻將軍未赴唐王卽位擢水陸官  
義兵馬招討總兵官封肅魯伯太子太師賜尙方劍治兵  
舟山王御門親餞鄭鴻逵解玉帶以贈勅書曰一統未全  
卽朕不孝三吳未復卽卿不忠斌卿乞周崔芝自副至舟

東南紀事

卷十

邵武徐氏刊

山益募丁壯營田故臣遺民南來者皆護導入閩凡北方  
出兵及吳中有建義輒先奏消息一時倚斌卿爲重鎮然  
性貪嗇而崔芝慷慨得士由是二帥不合崔芝去別領水  
師是年八月斌卿敗於崇明以周瑞救還軍奪伯爵會定  
西侯張名振自錢塘歸石浦斌卿與昏爲通表福州及名  
振奉魯王如舟山不納旣又誘擊定海總兵王鳴謙并其  
眾張國柱因是藉言爲鳴謙復仇攻舟山大戰三日夜斌  
卿不勝名振裨將阮進以四舟衝國柱乘濤舉砲所向糜  
碎國柱大敗以身免斌卿得其樓船軍益振阮進者故海



中小盜名振拔領水營斌卿計開進取戰艘數十軍資數萬脫歸閩海名振以故望斌卿魯王次長垣封進蕩胡伯與名振並列五等進亦薄斌卿開大義復與名振合松江吳勝兆謀歸以蠟書請援島上斌卿猶豫未決時斌卿已晉威魯侯其肅魯伯印放在名振議即用封勝兆率舟師抵崇明爲援值海嘯跟隨歸勝兆事泄及陳子龍等皆死遠近失望其冬寧波諸生華夏使人走舟山約內應斌卿不時發事又泄島師泊桃花渡聞寧城舉砲遽退夏等被殺收及親黨甬人皆咎斌卿斌卿故無攻取圖徒以嗜利

東南紀事

卷十

二 邵武徐氏刊

卿不應亦不使人詣健跳于是名振進朝先上疏合軍討舟山斌卿累敗求救于安昌王恭棟及大學士張肯堂上表謝罪又謀和諸營曰彼此王臣無妄動九月二十四日會于海上各斂兵待命斌卿部將陸偉朱玖背約出洋進謂斌卿遁去遂縱兵大掠斫斌卿投之海中二女皆死王始移躡舟山賞名振等有差

周崔芝

周崔芝字九元福清榕潭人少年讀書不成去爲盜于海嘗往來日本以善射名與撒斯瑪王結爲父子日本三十

東南紀事

卷十

三 邵武徐氏刊

六島各有王如諸侯其國主曰京王在東京而大將軍主國權撒斯瑪雄諸島首尾大將軍崔芝既熟日本故在海中無不如意微行至家爲有司跡捕繫獄三年賄吏得解變姓名爲盜如故久之就撫授黃華關把總稽察商舶乙酉秋以水軍都督副黃斌卿屯舟山其冬卽遣人入撒斯瑪訴中國喪亂願假一旅以齊之存衛秦之存楚故事望之將軍許諾約明年四月發兵三萬一切戰艦軍資器械自取其國之餘財自長碕島至東京三千餘里馳道橋梁驛遞公館重爲修葺以待中國使臣之至崔芝大喜益備



珠璣玩好物遺參謀林籥舞爲使期以四月十一日東行籥舞將解維斌卿止之曰大司馬余煌書來此吳三桂乞師之續也崔芝怒而入閩斌卿奏崔芝多盜火器舟楫南來有詔趣還舟山歸斌卿軍實諸鎮皆不平會張肯堂復薦崔芝善用海有兵千人船五十餘號乞隸臣麾下自効乃加崔芝平海將軍分統水師以趙玉成朱永祐監其軍大清兵入福州鄭芝龍將降崔芝泣諫曰崔芝海隅亡命耳無所輕重所惜明公二十年威望一朝墮地爲天下笑請得先死公前不忍見公之有此也抽刀欲自刎芝龍起而奪

東南紀事

卷十

四 邵武徐氏刊

之丙戌正月魯王次長垣崔芝以兵來會封平魯伯復鎮東海口二城以籥舞及總兵趙牧守海口四月海口陷籥舞牧死之崔芝退保火燒畧更遣義子林阜從安昌王恭棹如日本乞師秋從魯王攻福州張名振阮進等已破黃斌卿迎魯王居舟山崔芝亦引而北與周瑞率樓船三百艘分屯溫州之三盤二將不協王命杭人吳明中往解之明中返益構隙瑞遂南依鄭彩崔芝去北依進崔芝進怨瑞乃會名振擊破彩于沙埕舟山既陷諸從魯王者多潰散崔芝不知所終

張名振

張名振字侯服□□□人崇禎末爲石浦遊擊從魯王戰錢塘加富平將軍命率兵規取海寧不進竟歸石浦因黃斌卿拜表福州加捧日將軍後以舟師扈王投斌卿不納乃更與斌卿有隙王南入閩次中左所名振留舟山丁亥正月自舟山引兵朝王于長垣封定西侯大學士熊汝霖等以舟山指崇明當金焦北門之管非名振不可趣還舊鎮再出兵援松江值海嘯凶失樓船翰林張煌言御史馮京第間道得脫斌卿因其敗侵侮之名振去移軍南田

東南紀事

卷十

五 邵武徐氏刊

大清兵圍健跳進率樓船數百至金鼓動天大軍解去九月名振進及鹿頸屯將王朝先會師同討斌卿沈之海中斌卿據舟山凡五年自以福州所授不稟奉王約束既與名振爲兒女婿更懷虞詐故及于難朝先故土司嘗受調立功塞上後從王之仁出海斌卿留之麾下失職鬱鬱自請南徇地至奉化之鹿頸聚兵得數千人請命健跳封平西伯斌卿喜收海盜資其剽掠有王大振者善掠獲番船數萬



金以餽斌卿未饜逃匿朝先營用危言悚朝先其謀始合名振等于是合疏奉魯王居舟山尋周崔芝前議復乞師日本遣澄波將軍阮美載普陀山寺慈聖李太后所賜藏經爲質卒不定約鄭彩與朱成功爭中左所大敗泊沙埕具表舟山請援名振以彩殺汝霖違謙罪大且欲結歡成功遂擊破彩之餘兵庚寅名振襲殺朝先初破斌卿阮進收其水師朝先收其步卒獨名振無所得及伐鄭彩朝先不會至是名振由南田粹至舟山值朝先散兵居民舍不及集手格殺十餘人而死秋

東南紀事

卷十

六 邵武徐氏刊

大清兵攻舟山松江張天祿出崇關金華馬進寶出海門陳錦出定海名振南禦進寶使張煌言等斷北洋當天祿北軍勢盛名振度不支乃與煌言及英義伯阮駿扈魯王發舟山舟泊道頭阮進詣海門求和北軍欲誘之進以數舟脫歸值大帥金礪之舟火毬投礪風反轉擊進創甚投水大兵刺取之進驍捷稱飛將舟山所恃惟進進死城遂陷大學士張肯堂禮部尙書吳鍾巒等皆殉名振以先出得免如朱成功營成功居王金門名振別屯崑頭鄭芝龍之北也遺書戒成功曰眾不可散城不可攻南有許龍北有名

振汝必圖之及名振至成功不爲禮袒背見赤心報國四字深入膚寸乃呼老將軍下拜與兵二萬承制諸軍期以收復南京壬辰九月率大鯨過舟山通金堂獲逃卒金允彥斬之祭死事者將吏皆哭進屯崇明沙破鎮江登金山題詩而還癸巳成功以讒撤名振還廈門因煌言及寧靖王和解益兵刻期北伐抵洋山颶風失火勲鎮多潰歸福寧名振一軍獨全冬再駐平沙崇明步騎萬餘乘凍涉平洋名振欲避其鋒煌言曰此用步地急擊勿失旦王善長姚志卓以數百人衝其左煌言統裨將以數百人衝其右

東南紀事

卷十

七 邵武徐氏刊

鳥銃火器犯其中塘如矢左右皆深溝騎不可退北師大敗免者止一騎江東響震成功終忌浙人以事執善長殺之甲午春名振再入鎮江觀兵儀真留壁六日五月逼吳淞關獲級四百戰艘三百七十告捷于金門乙未秋成功取舟山十二月廿八日名振卒于軍或云成功酖之先是舟山之陷名振母兄妻奉其父主俱赴火死比復舟山名振縞素入城求母屍行慟既遇毒遺語煌言曰吾于君母恩俱未報若母屍不獲毋收吾骸起坐擊牀而卒軍中憐之自是浙中建義者皆盡惟煌言以文士科得免東海由



是不直鄭氏

論曰浙海之事以舟山為終始崔芝之乞師日本名振之  
三抵金焦皆所以存舟山也古之思保江南者必北守淮  
西守襄都成都者必趨祁山爭長安况區區懸島如舟山  
哉崔芝泣阻芝龍最有奇氣惜不得尺寸之柄肝膽無所  
用名振撲斌卿殲鄭彩掩朝先或以為趨利轉圜挾詐背  
本然事魯王始終一節出入環衛夷險無貳比于鄴寄之  
賣友義存君親非阿論也

東南紀事卷十

東南紀事

卷十

八 邵武徐氏刊

東南紀事卷十一

餘姚邵廷采念魯撰 邵武徐 幹小勿校刊

鄭芝龍

鄭芝龍字飛黃福建南安

石升人父紹祖為泉州庫吏庫

接太守官舍芝龍十歲時戲投石子中知府蔡善繼額捕

治見姿容麗秀笑曰孺子貴而封釋之不數年流入海島

顏振泉黨中為盜頗桀黠振泉死代領其眾屢抗官軍會

閩游饑芝龍截商民船多得米粟求食者競往投賊眾至

數萬天啟七年六月遂犯銅山入中左所然芝龍故與他

東南紀事

卷十一

一 邵武徐氏刊

盜異常念求撫所過戢麾下禁侵掠放還所獲軍將每戰

勝追奔輒止兵崇禎元年九月因巡撫熊文燦請降時方

徵天下兵聚遼東不能討芝龍用撫羈縻之芝龍復入海

物奇珍賂中貴人及福省達官多為之言授遊擊將軍流

寇起中原多事而劉香李魁奇等弄兵橫海外芝龍始皆

與深好既假朝命討之俱授首芝龍兵益盛獨有南海之

利商舶出入諸國者得芝龍符令乃行八閩羣不逞歸之

後又承詔討紅夷累功陞總兵由是起降將如小諸侯權

傾督撫矣松山兵敗大學士蔣德璟言於朝欲令芝龍以



海師援遼有言其人庸鄙不可遇大敵而芝龍亦戀閩懼行復輦金京師議遂寢芝龍有弟三人芝虎鴻達芝豹芝虎勇前與劉香搏戰死而鴻達亦積勞得總兵福王嗣位宿將皆例封芝龍為南安伯鴻達為靖魯伯鴻達會師京口明年奉唐王聿鍵奔福州卒立唐王以乙酉七月為隆武元年論翊戴功晉南安伯為平魯侯靖魯伯為靖魯侯封芝豹為澄濟伯未幾復晉平魯侯為平國公靖魯侯為定國公並掌戎事而封芝龍子森為忠孝伯賜姓名朱成功又有永勝伯鄭彩彩弟聯皆芝龍支族芝龍距泉州五

東南紀事

卷十一

二 邵武徐氏刊

十里築城安平鎮置第海稍直通卧內積財寶甲兵充實其中人物麗盛專務豐殖至是開府福州坐見九卿入不揖出不送嘗與大學士黃道周爭班噤諸生劾道周又逐左都御史何楷使盜道截其耳朝士噤暗唐王為壇拜彩鴻達分道發兵芝龍輒辭無餉行數里罷蔣德璟告病去道周竟死徽州楊廷麟萬元吉等屢表請駕幸輟卒制於芝龍不得出丙戌七月王師下浙江芝龍密遣使請降盡撤守關兵師度仙霞芝龍棄唐王保安平唐王陷於汀州九月師入泉州芝龍恃撤兵功意得厚賞復猶豫慮以立

王為罪乃自安平引兵逃入海貝勒令芝龍所親持書招之畧曰所以重將軍為能立唐藩者不輔立吾安用將軍哉人臣事主苟有可為必竭其力力盡不勝天則投明而事乘時建功此豪傑事今兩粵未平令鑄閩廣總督印以待吾欲見將軍者欲商地方人才故也芝龍得書大喜決降臨行成功力諫不聽安昌王恭棨吏部尚書張肯堂侍郎朱永佑忠威伯賀君堯武康將軍顧乃德具言不可平海將軍周崔芝泣訴芝龍曰誠惜明公二十年威望一朝墮地貝勒接芝龍大飲三日極歡忽夜半拔營挾與北

東南紀事

卷十一

三 邵武徐氏刊

去芝龍哀請子弟不肖在海上恐為患貝勒曰此與爾無與亦非吾所慮也芝龍已入朝芝豹奉母居安平而成功遂起兵鼓浪嶼鄭彩亦扼廈門鴻達會攻泉州閩海震動大清順治九年成功進圍漳州芝龍恐禍及陰遣親信回閩勸成功就撫朝廷冀招成功封芝龍同安侯已知成功果無意降遂下同安侯高牆及己亥成功圍南京敗歸辛丑冬斬芝龍

鄭成功上

朱成功本姓鄭氏名森字大木平國公芝龍子也其母日



本女天啟七年生於日本幼讀書爲南安諸生福王時入國子監師禮錢謙益唐王立召見奇其狀貌賜國姓及今名封忠孝伯貝勒入閩芝龍諭成功降成功不從曰父教子忠未聞以貳比行又欲與俱見貝勒叔父定國公鴻達陰令逸去得免遂謀舉兵時諸鄭潰散咸集廈門中左所而成功部旅單弱乃往南粵召募其冬永勝伯彩至舟山迎魯王次中左兩廣督撫大臣奉桂王嗣位肇慶

大清順治四年成功自南粵回會故臣將吏設高皇帝位矢盟

恢復以故受唐王封賜姓仍尊隆武年號自稱招討大將

東南紀事

卷十一

四 鄭武徐氏刊

軍罪臣以洪政陳輝爲左右先鋒楊才張進爲親丁領余寬郭新爲左右鎮移軍鼓浪島訓練成功年少有文武畧拔出諸父兄中近遠皆屬心於是魯王改次長垣晉永勝伯彩爲建國公彩弟聯爲定遠侯諸附彩者皆奉魯王惟成功自爲一軍夏成功彩合兵及招討將軍楊耿入海澄援兵至島人卻洪政中流矢死其秋七月鄖西王常湖起兵襲據建寧魯王兵攻福州失利定國公鴻達攻泉州成功引兵會之軍於桃花山提督趙國佐率數百騎衝成功壘張進楊才迎戰鴻達遣林順等夾擊遂抵城下別遣小

師破溜石砲城殺參將鮮應龍軍聲大振所在蠶起泉城

外號令不行鄉紳郭必昌子謀內應舉家被戮并繫前閩

部黃景昉國佐在城中多殺立威泉民日夜惴息會漳州

副將王進救至圍解鴻達入據揭陽冬十月成功從大學

士路振飛曾樓議頒明年隆武四年大統曆是年大學士

劉中藻起兵福安取福寧州戊子春正月魯王兵取興化

三月建寧興化皆破魯王改次沙埕成功取同安以葉翼

雲知縣事夏建國公彩殺大學士熊汝霖義興侯鄭遵謙

秋八月總督陳錦大軍至同安賊陷守將林壯猷邱晉一

東南紀事

卷十一

五 鄭武徐氏刊

軍皆沒葉翼雲死遂屠同安成功募兵於銅山已丑遣施

琅楊才柯宸樞康明等攻拔漳浦遂下雲霄鎮抵詔安移

屯分水關南岡留宸樞守盤陀嶺王師進攻嶺宸樞死其

秋七月張名振阮進迎魯王居健跳所成功遣光祿卿陳

士京朝於肇慶始用桂王年號九月名振等討斬黃斌卿

魯王移屯舟山遣阮美如日本乞師庚寅春正月桂王自

肇慶西奔梧州成功入潮州南洋勦楊廣許隆渡達濠誅

張禮勦新墟金田等寨皆平之夏六月進攻蘇利於碣石

衛施琅來奔秋八月成功襲取廈門殺鄭聯并其軍張名



振阮進周崔芝擊破鄭彩兵於沙埕彩引餘眾逃南海數年軍人星散舟楫損壞成功招之以書喜曰今不歸後無期矣遂還廈門卒於家辛卯春成功南次平海閩撫張學聖使泉州守將馬得功乘虛襲廈門入之前大學士曾櫻自縊死諸紳咸避於浯嶼學聖與漳泉道黃澍登山望島孤懸海外汪洋萬頃憮然曰此絕地也脫緩急豈望救乎遽引還未數日鴻逵自揭陽來得功欲退不得渡乃好語鴻逵曰我不出島必不全且公家在安平內地請熟慮鴻逵縱之出四月朔成功還至島得功去已二日大悔恨按

東南紀事

卷十一

六都武徐氏刊

失島罪斬其叔芝筦諸將股慄軍勢復振五月入漳州南溪敗鎮將王邦俊提督楊名高自福州步騎來救迎戰於小盈嶺名高大敗乘勝徇漳浦守將楊世臣陳光策降是年九月陳錦克舟山定西侯張名振奉魯王南奔謀取海壇駐師致書勸成功會師迎駕魯王亦與之書曰余與公宗盟也平居則歌行葦之章際難合賦眷令之什公其無吝偏師拯此同患成功乃令兵科給事中徐孚遠前至魯王行宮面啟永曆見正位粵西宜去監國號王復書叙所以勉從監國意乃使奉迎居王金門如寓公焉名振阮駿

等兵皆屬成功壬辰春二月成功進取海澄守將郝文興以城降陳錦來援成功簡精銳待江東橋北錦狂於同安之役意甚輕敵及戰大敗奔回泉州六月成功取詔安南靖平和遂圍漳州兵至二十餘萬同知張箬推官石瑋堅守不下金衢總兵馬晉寶來救成功縱之入城數日出戰而敗復退守陴南軍晝夜百道攻城距漳三十里有鎮門兩山屬岸築斷激水灌城復列柵圍之城中升米銀數兩草木之實俱盡噉弩掘鼠陳錦在鳳凰山為其下庫成棟所刺以其首奔成功全閩大震漳圍至八閱月中外困隔

東南紀事

卷十一

七都武徐氏刊

浙江固山額真金礪固山大溫都力敖童梅勒章京徐大貴總滿洲烏金超哈兵與提督名高由長泰開道直抵漳城北成功營城南鳳窠山乘高壓壘王師銳甚為兩翼擊島人久徹堅城皆無鬪志十月三日解圍退屯古縣合戰崩潰追奔四十餘里積屍布野成功入海澄嬰城守守道周亮工收漳城骸骨七十三萬焚瘞一大穴碑曰同歸所是年秋張名振北師次崇明沙破鎮江登金山江南北戒嚴癸巳夏金礪進攻海澄成功與諸將飲酒敵樓指揮沿軍夜大將王秀奇郝文興聞空砲發曰師臨城矣令其下





皆用斧令曰敵至而所有頃師盡銳渡海秀奇等大呼登城斧齊下先登悉填濠礮連夜拔圍去是年西寧王定國自武岡還入廣西圍肇慶新泰侯郝尙久以潮州應定國平南王尙可喜救肇慶定國退靖南王耿繼茂將軍哈哈木急攻潮州尙久以鴻遠前入揭陽有隙至是因郝文興來乞師成功遣陳六御救之竟疑不敢開城納兵九月潮州破六御乃攻鷓汀埧等寨引還定國之在肇慶也以書抵成功請會師成功得書往報師期并上諸將戰助於行在是年張名振復退大軍於崇明之平洋沙西寧王定國

東南紀事

卷十一

八 邵武徐氏刊

勸之鴻遠復書述大姪在中左弟在白沙兼渠行師所居靡定相見尤罕其肯聽弟之言乎芝龍悵然無可奈何甲午成功偽設六官改中左所爲思明州以鄧會知州事月上魯王豚米及瀘溪寧靖諸宗室禮待鄉紳王忠孝沈佺期郭貞一盧若騰華朝薦徐孚遠等軍國大事輒以相諮考諸生學秀者入儲賢館是年張名振阮駿再入崇明所奪北舟及歸者至五百餘艘別將顧忠至天津邀糧艘百餘名振登金山望哭崇禎先帝哀動三軍及議和成功以不便勞師遠征使人召還義師多不欲南半引去其後名

東南紀事

卷十一

九 邵武徐氏刊

進封晉王八月平國公芝龍遣家僕李德歸閩講撫成功繆諾因以休士觀釁故朝命金礦撤兵還浙而封芝龍同安侯學士鄭庫納賈詔及海澄公勅印授成功封鴻遠奉化伯芝豹左都督成功宴使者安平辭以未裂土不受爵而遺書總督劉清泰謂數十萬眾按甲待和豈能枵腹欲就漳泉興福各屬權宜借餉不待報遽遣官四出清泰密諭諸城守斂戍避鄭蝦還言成功三議一先割四府二不奉調三不受部撫節制又比高麗不剃頭恐如姜驥金聲桓等降後激變芝龍恐其子不受詔復爲書與弟鴻遠使





迎入守將朴世用魏標魏其志知府房星輝知縣周瓊李  
奇生范進等降泉州諸縣望風潰成功復取同安未幾甘  
輝攻仙遊縣開地道入之屠掠幾無遺利議遂絕

大清命烏金世子統大軍入閩乙未夏五月成功遣忠振伯洪

旭北鎮陳六御取舟山守將巴臣興舉軍降以六御守舟  
山洪旭攻台溫召臣興歸思明六月墮安平鎮及漳郡惠  
安南安同安城撤兵聚思明以貝子將至權清野斂成也

晉王定國復致成功書十二月烏金世子至泉州遣人賫  
諭至思明招降不納易函稱書以祖太壽洪承疇為辭成

東南紀事

卷十一

十一 邵武徐氏刑

功依違答之丙申三月貝子會泉州水師攻兩島成功遣  
林順陳澤以砲舟出禦大舟先為颶風所屬多登而遁十  
餘人浮至金門斷手斫耳鼻遺之別將攻白沙不克而還  
六月前衝黃梧以海澄來降封海澄公海澄軍儲多成功  
使王秀奇統黃梧蘇明同守明兄茂先為施琅副將琅之  
得罪也茂實逸之及茂從黃廷黃梧入揭陽失利遂按軍  
法誅茂并梧戴罪故梧明皆怨成功貝子之入閩也漳泉  
屬邑皆下惟海澄未復梧明憚秀奇不敢動迨秀奇出計  
事二人遂舉城降時貝子重兵在漳成功議率眾北向以

肆之尅期解纜聞海澄變諸將皆失色成功奮然曰吾欲  
圖大豈以澄邑阻事有不行者斬遂揚帆下閩安鎮省會  
震動督撫出王進於獄使治守具南軍屢攻不利乃城牛  
心塔以陳斌戍之梧封海澄公明母猶在海上召明入京  
為內大臣梧因獻平海策請發鄭氏塚誅求親黨設五商  
及遷海等事成功用法嚴其下常懼誅禮官陳寶鑰黃開  
泰先後出降

大清輒費顯之以招島上人島上人多動心然降將亦慕成功

賚子殊渥第宅供帳與已無異以故郝文興等迄死不貳

東南紀事

卷十一

十一 邵武徐氏刑

是年台州鎮將馬信靈波鎮將張弘德降於成功各予白  
金五千兩蟒衣玉帶一信母妻各白金五百兩珠冠霞帔  
一是年晉王定國奉桂王入雲南八月大軍復舟山總制  
陳六御英義伯阮駿死丁酉春正月晉王定國率兵討孫  
可望可望來奔三月定國公鴻達卒於金門大軍復閩安  
鎮島將引還陳斌孤軍守牛心塔不得出遣人招降至福  
州殺之屠其軍甘輝等還自閩安攻靈德滿將阿克襄赴  
援恃其驍勇輕進馬蹶裏創步戰為輝所殺戊戌成功議  
大舉取南京曰據長江則江南半壁皆吾囊中矣諸將多



言南京道遠城固須數萬人不如近攻完利惟馬信力贊  
乃以黃廷爲前提督洪旭爲兵官鄭泰爲戶官居守思明  
自率中提督甘輝後提督萬禮武衛林勝統領余新虎衛  
左鎮陳魁水陸甲士五萬號十萬舉帆入浙攻陷樂清諸  
縣將進長江次羊山暴風覆舟亡數千人退泊舟山整固  
舟楫以圖再舉桂王遣周金湯由廣東龍門航海至思明  
封成功爲延平王諸將陞擢有差成功以未有恢復功辭  
王爵稱招討大將軍如故是年

大清師入貴州李定國白文選等皆敗已亥五月成功全軍北

東南紀事

卷十一

三 邵武徐氏刊

出抵崇明以兵部尙書張煌言嘗從定西侯名振三入長  
江知虛實用爲前驅煌言請定崇沙爲老營不聽金焦沿  
江置砲島人乘南風盛徑抵瓜洲城下我師出禦死者千  
餘乘勝克其城以柯平爲同知守瓜洲成功留攻鎮江令  
煌言先搗觀音門儀真官民迎降六月廿四日鎮江軍陣  
江口成功登陸擊之戰未合周全斌率所部先登陷陣時  
大雨瀟瀟皆陷於淖海上軍徒跣擊刺往來剽輕我師竟  
敗提督管效忠走朱操江被執江南北大震成功入城以  
全斌違令先動將殺之諸將力請乃免於是全斌帶傷守

鎮江七月成功進圍南京移檄遠近張煌言至蕪湖廬鳳  
蜜棧池太守令將吏日納款軍門凡得府四州三縣二十  
四金陵守禦雖堅亦欲議降煌言將向江西馳書勸成功  
急攻南京而分兵下甬縣成功因累捷不時發令初至馬  
信卽欲揮兵登城成功不許崇明副將梁化鳳先已降又  
不時調化鳳偵丹陽無備遂引兵突入南京乘南軍怠夜  
開城出大有斬獲次日滿漢軍傾城出戰襲破余新軍諸  
軍皆潰爭赴舟溺死無算成功僅得登舟獲都督甘輝殺  
之成功收潰軍猶數萬人揚帆出海并棄瓜鎮鎮江書生

東南紀事

卷十一

三 邵武徐氏刊

羅子木抱成功足涕泣請留不聽奉其父以從成功攻崇  
明不克而歸上江軍聞之亦潰煌言跳身間行得達台州  
諸納款者屠戮無遺江右義旅陳九思眾數萬保南饒山  
中間金陵之敗乃降是年大軍盡取雲南桂王出奔緬李  
定國攻緬迎桂王不克庚子台州守將張承恩書詣張煌  
言請降明安達理出浙海士卒病死大半不戰而歸達素  
兩道指思明大舡出漳州小舡出同安許隆蘇利等皆以  
兵會成功使陳鵬守高崎遏同安鄭泰出浯嶼禦隆利自  
率周全斌陳輝黃庭次海門五月十日旦漳州兵乘風順



流迫海門成功傳令按舟勿動俟大軍齊出乃擊呼收間  
漳舡已至擊破閩安侯周瑞船瑞與五府陳堯策皆死遂  
攻陳輝船輝舉火藥燒之滿兵躍起且戰且卻近午風作  
潮湧成功親率巨艦衝之鄭泰自浯嶼引舟合擊大軍敗  
橫屍浮海有滿兵二百力戰遣馬信招降乘夜沉之同安  
滿兵向高崎陳鵬約降戒所部無動滿兵恃有內應未及  
岸乘舟爭前鵬部將陳蟒請曰事急矣豈可待死及殿兵  
鎮陳璋齊出大軍皆指言鵬降爭赴之比至戰遂不支蹈  
海死者十七八收鵬凌遲以蟒代之許隆等聞敗引還是  
東南紀事 卷十一 內閣武庫氏刊

耳門水淺不可渡成功引舟徑進三月次澎湖至鹿耳門  
則水驟漲丈餘舟大小銜尾而渡紅夷驚謂自天而下先  
取赤嵌紅夷走王城死守復燒其夾板舡盡殲之圍至十  
二月紅夷出降生存者僅百數十人縱其歸國乃改臺灣  
爲偽東都王城爲安平鎮赤嵌號天興府以鄭省英爲府  
尹省英關草萊興屯聚犯法者親故不假有諫用法宜稍  
寬者曰子產治鄭孔明治蜀皆以嚴濟事立國之始若先  
尙寬流弊不可勝極矣遂勒諸將移眷時東荒初闢人不  
服水土多死又憚法嚴皆遷延不行於是銅山守將郭義  
東南紀事 卷十一 內閣武庫氏刊

蔡祿前知思明州薛聯桂同入漳州降義祿將挾忠匡伯  
張進偕行進曰吾守土有死而已密置火藥署中欲俟二  
鎮來并焚之二鎮遣人促行遂舉火闔室自焚進在銅威  
惠頗著人甚惜之冬十月芝龍死燕市芝龍屢以書諭撫  
否則必見誅僂成功復言設有不幸兒當縞素至是死

大清患閩海久鬪兵從蘇納海議盡遷山東浙江福建廣東濱  
海居民於內地立邊界著令寸板毋入海粒米毋越疆犯  
者死連坐春燕來巢於海舟島上食盡各鳥獸散成功又  
聽周全斌讒使擊忠勇侯陳豹於南灣豹倉卒不能自明



舉軍入廣州降又忽命戶官鄭泰監殺長子錦泰愕恐獲罪又參軍蔡鳴雪自臺灣來思明聲言將盡誅諸將於是合謀拒命值全斌從南灣還素與諸將不協恐其爲變誘執之王申五月成功死於臺灣成功感風寒月朔受謁尚坐胡床諸將不知其病數日卒年三十九成功在軍每善處敗素自厲氣戾夫宿將避駭不如及南都挫輒經營立國氣頗不振遙傳桂王邁害張煌言每勸成功尊立魯王以存明後成功不欲惟奉永曆年號終身錦在思明稱嗣封世子發喪鄭襲在臺灣有異志錦自將擊襲與歸思東南紀事 卷十一 主 鄒武徐氏刊

明又以嫌殺鄭泰弟鳴駿及諸宿將皆懼先後北歸靖南王耿繼茂總督李率泰遂大舉攻破思明金門甲辰春三月世子錦退守臺灣

論曰余遊吳淞遇梁化鳳部將管姓者述己亥戰事頗悉其人身在軍中自石灰山轉戰而下聲如崩山然猶按步鼓收兵至後乃大潰延平師有紀律如此化鳳西安人武進士以破姜驥先登立功總兵崇明化鳳亦言當勦敵多矣未有如鄭家之難敗者化鳳始入城固山等以漢兵輕之悉奪其馬驟給滿軍其部卒往往與滿軍譁而爭輒得

鞭縛其部卒自恃其勇不肯下化鳳亦怒以是願決勝一示滿軍先一日出城揭死人以投敵固山等坐城樓嘖嘖稱嘆由此遂敬化鳳益與交歡既退鄭軍名其門曰得勝門今之東南門是也又言甘輝之死北人咸謂烈士其從鄭始末則未詳云

東南紀事卷十一

東南紀事

卷十一

主 鄒武徐氏刊



東南紀事卷十二

餘姚邵廷采金魯撰 邵武徐 翰小勿校刊

鄭成功下

大清康熙元年壬寅六月鄭錦入居思明州靖南王耿繼茂總

督李率泰遣信史招撫思明思明大臣鄭泰洪旭等議曰

先王東征之日猶欲權宜通好今瀕海遷移慘至此極可

不為桑梓計眾意皆合錦下偽教曰先王開國東都草創

未半遽爾厭世余將東承遺緒諸君苟能息兵安民無墮

先王一生孤忠苦節幸甚泰等乃議照朝鮮例遣楊來嘉

東南紀事 卷十二 一 邵武徐氏刊

同入京待命朝廷以錦灰燼垂滅不許于江浙閩廣各設

滿漢兵戶郎中一員專司招輯島上人望風投款多張大

其事真偽蒙貿文武官降者俱降四級用又有武改文之

例都督副總改副使僉事參遊改同知其冬十月錦入臺

灣討鄭襲執以歸初鄭芝龍有子六人長曰森即成功次

曰渡三曰恩四曰蔭五曰襲六曰脉恩夫人顏氏出及渡

蔭脉俱死燕市惟襲在家今年春入臺灣以其生事安置

之成功歿諸將以錦在遠推襲護理襲謀自立引黃昭蕭

拱宸為腹心諸將多不附錦聞知即引兵東出周全斌為

五軍以陳永華為咨議參軍馮錫範為侍衛十月至臺灣

昭約諸將出禦皆陽諾會大霧東軍迷後期獨昭先至衝

錦營錦營多新募戰小卻全斌率親兵數十人力戰昭中

流矢死俄霧開則日午矣眾驚曰吾君子也並投仗錦入

安平遣人請襲襲委罪于僕蔡雲雲自縊死收殺李應德

曹從龍蕭拱宸等數人餘悉不問反側乃安康熙二年癸

卯正月錦自臺灣還思明以內難既平祭告先王申固守

汛六月殺其伯父戶官鄭泰泰弟鳴駿子續緒來奔泰先

有與黃昭書昭敗得書及楊來嘉自北還錦疑泰有異謀

東南紀事 卷十二 二 邵武徐氏刊

泰不自安稱病金門錦率兵將入海澄泰覘知以為圖已

也舉家揚帆出金門有勸泰勒兵入自明者泰泣曰今日

救死耳稱兵重吾罪也或又勸之來降曰先王已誤豈容

再誤艤舟待命錦使吳慎賚印論之曰兩島之地一以委

伯余棹欲東矣泰猶豫受印未敢入謝鳴駿勸之入錦待

泰如舊明日置酒伏甲執泰泰自縊鳴駿大哭曰乃吾殺

兄即引軍踴躍遁周全斌等追之不及以舡二百兵八千

文武官四百人入泉州降封鳴駿為遵義侯續緒為慕恩

伯由是蔡鳴雷陳輝楊富何義先後舉軍降錦勢益衰是



歲魯王昺于金門其世子及幽靖王諸宗室悉避亂奔依臺灣十月

大清耿繼茂李率泰大發兵攻兩島出同安令提督馬得功統新降將及紅夷出泉州黃梧施琅出海澄錦命周全斌當泉州兵十九日遇于金門烏沙泉州船三百紅夷船十四全斌以二十舟深入北艚往來衝擊紅夷砲無一中者餘舟望見悉披靡不敢進得功殿後爲全斌所破赴海死眾兵遂潰而同安海澄兵大勝直走島中錦見不敵退守銅山

東南紀事

卷十二

三 鄒武徐氏列

大清師墮廈門金門城焚掠而還甲辰正月銅山糧盡周全斌黃廷復率所部降親舊多散惟洪旭與陳永華永華兄子繩武侍衛左右不去引餘眾東保臺灣僞改東都爲東寧僭置天興萬年二州委永華統庶事分土列屯徵租均役興魚鹽申法禁立學校通市外國安撫土民然自後鄭氏之甲竟不能出東寧閩廣浙瀕海中外殊絕民少安枕矣是歲前兵部尙書張煌言移桃花山被龔檻車致杭州不屈死之南海悉平明年

大清以施琅爲靖海將軍督水師進攻臺灣周全斌楊富等皆

隸之出外洋颶風大作羣舟漂沒引還未幾琅徵入京撤降兵分屯各省嚴戍守界不復以臺灣爲意後四年己酉乃復遣明珠蔡毓榮至泉州加興化知府慕天顏卿銜兩入臺灣許以如朝鮮封貢錦遣柯平葉亨報使議卒不成康熙十二年癸丑靖南王耿精忠懷逆謀內畏太妃周氏未發密遣番譯黃鏞使臺灣請兵援錦艤舟澎湖待之冬吳三桂反上詔平靖二王留舊封精忠謀益緩乃辭錦旋師甲寅春靖南太妃周氏薨反計遂決復遣鏞聘臺灣許歸全閩戈船日王將水吾將陸江浙不足平也三月望日

東南紀事

卷十二

四 鄒武徐氏列

精忠坐府召督撫以下計事執總督范承謨殺福州知府王之儀巡撫劉秉政請降遂據福州馳檄屬郡自爲總統兵馬上將軍稱甲寅年提督王進功以泉州總兵劉炎以漳浦趙得勝以海澄各舉軍降加進功平北將軍炎靈遠將軍得勝威遠將軍海澄公黃梧已降病疽死封其子芳度爲平和公遣會養性取福寧署平陽平陽總兵蔡朝佐降潮州總兵劉進忠密請兵使劉炎會之攻續順公沈瑞并其軍以進忠爲平粵將軍吳三桂至衡州僭號國號周紀元昭武夏四月錦遣禮官柯平如福州報聘精忠始



慮下游不服故藉錦聲援已而旬月之間全閩皆下浙之  
溫處江之廣信粵之潮州繼踵風靡意更驕倨乃欲負約  
語柯平日師來不惡當分地自戰耳由是兩家兵端起矣  
精忠多忌以王進功在閩日久恐其為變誘留福州徵諸  
鎮兵出關惟興化馬惟興先行黃芳度遣其兄翼率千人  
從復徵趙得勝兵不應以海澄待臺灣錦遣侍衛左都督  
馮錫範督諸軍入思明得勝深交錫範會取同安五月至  
同安守將華尙蘭降泉州守將張學克家在同安繫之以  
招學克學克聞變趨赴不及遂以軍降施鳳亦率舟師降  
東南紀事 卷十二 五 邵武徐氏刊

下游人心搖動精忠大恐以王進舊將有聲擢為都尉使  
鎮泉州是月鄭錦入思明以鄭省英知州事敘海澄同安  
功趙得勝為興明伯張學克為蕩滌將軍華尙蘭為神武  
鎮楊威為尾宿營施鳳亢宿營鄧麟采知同安縣舟航始  
集部伍始成舊人鄉戚咸來問勞而耿精忠閉福州會城  
稱帝鹵簿警蹕修飾儀衛鑄裕民通寶錢馬九王出仙霞  
為制府李芝芳所遏不得進疆眾日蹙方與鄭氏構兵如  
兩鼠鬪于穴中識者知東南事大定矣王進至泉州步卒  
僅千人與城守賴玉厚結專行威福任戴國用為牙爪勒

王進功家屬入福州進功子藩錫與楊青等計曰翁被留  
在省聞福州兵又至吾無唯類矣蓋先發六月九日誘玉  
國用李尙文入軍門執之遂攻王進進意氣自若走登南  
門競死關提標無統帥相持竟日暮進遙望揚帆恐海舶  
來攻乃夜潰圍得省中援軍整甲徐還惠安守將邀走之  
殺賴玉于市百姓櫛其肉殆盡絞戴國用泉民德李尙文  
為請乃釋之迎島師入城以藩錫兄弟為指揮使假理提  
督軍務餘官皆復舊職黃芳度在漳州聞風欲降念其父  
罪重懼不免死錦使告之曰時際光復事屬爾父果抒誠  
東南紀事 卷十二 六 邵武徐氏刊

惘當棄前愆乃殺城守劉豹奉啟泉州承制封德化公前  
提督有請靡不從芳度終不安間道密表于朝錦亦羈縻  
之漳屬皆下獨漳浦為劉炎所據于是鄭氏據有漳泉二  
州及思明金門平南兵圍劉進忠于潮州潮福路斷進忠  
由海道獻欵思明錦使後鎮金漢臣舟師援之以進忠為  
定北伯兼右提督秋七月精忠兩遣使至思明行和求泉  
州九月遣王進自興化別將由上游會劉炎協攻泉錦使  
右武衛劉國軒出禦進素輕南兵泉州之役曰是眾寡不  
當願益兵期取泉自効步騎二萬鼓行至惠安恣焚掠國



軒嚴陣以待相守越旬進退屯楓亭連營二十餘里軍勢甚盛國軒率輕騎覘之猝遇于塗嶺許耀少卻國軒分諸軍搏戰自辰至巳兩軍殊死鬪進兵遂潰追奔至興化軍郭外三日夜乃還十一月錦以劉炎在漳浦爲右臂患遣與明伯趙得勝侍衛馮錫範由海澄進師炎與雲霄鎮劉成龍福州親軍都尉徐鴻弼合師迎戰于羅山嶺右虎衛何祐揮兵擊之炎等大敗走入漳浦城島師環陣攻圍三將皆出降遂引兵西救潮州先是金漢臣救潮州一軍盡沒會耿鄭禍結外援不至城壞百餘丈劉進忠悉力守禦

東南紀事

卷十二

七 邵武徐氏刊

中外隔絕已半載至是趙得勝統軍入潮與廣兵戰于黃岡破之廣兵燒營而遁潮圍始解得勝班師先是三桂初反遣帛書一入福州一入臺灣會兵錦使監紀推官陳克岐副將陳文煥報之三桂復遣禮曹員外錢黯通問值島師入泉再遣禮曹周文驥來解兵曰天下事重無操同室戈貽敵笑及精忠聞鴻弼等敗乃使潘日興修好錦報曰耿王能如約者聽竟未決鄭氏自成功時卽置六官多僭帝制錦再出思明更多設僞官以陳永華爲御史總制甯守臺灣以六官協理洪旭子洪磊吏官楊榮戶官鄭斌禮

官柯平刑官楊賢工官惟不設兵官置六科都事察言承宣賓客諸司親軍曰侍衛以馮錫範爲之曰勇衛留守永華攝之曰左右武衛薛進思劉國軒爲之曰虎衛何祐許耀爲之曰五衛施福爲之曰鑾儀艾禎祥爲之又果毅折衝五常五行五兵左右先鋒前鋒後勁中權戎旗二十八宿營制聽五提督節調凡文武事宜皆贊畫參軍陳繩武侍衛錫範主之前取餉于東寧比得漳泉轉運不繼始用六官徵催富民紳士以鄭省英爲宣慰使統督各郡錢糧前昌密道吳慎爲屯田道清收屯租諸縣合以六科都

東南紀事

卷十二

八 邵武徐氏刊

事爲之皆臺灣來者人月輸銀五分名曰毛丁船計丈尺名曰樑頭督造採船料鹽司分筦鹽場以陳達章司泉州馮錫圭司漳州鄭珍英司潮州鹽石直二錢徵餉四錢餉司科雜稅給軍康熙十四年乙卯春正月精忠遣張文韜如泉州賀年以五艘如約遣鄭斌報使立條誓楓亭爲界自是耿鄭交好二月錦殺永春民呂花花恃馬跳地險不服徵索避科歛者依之錦使左武衛薛進思攻圍三月不下永春知縣鄭時英遣人招諭許以不死花出降釘之沒其家產是月續順公沈瑞以饒平降臺灣瑞叔母尚氏平



南王女也降耿時遷至漳浦瑞尚留詔安廣兵圍潮瑞趨饒平及潮州圍解劉進忠移師攻之不克廣兵來援左虎衛何祐遇于百子橋敗廣兵瑞乃降改封懷安侯五月錦率師次于海澄饒平之捷劉進忠密啟于錦請討黃芳度錦亦以黃氏必死之寇終無降理是月六日發泉州入海澄實圖漳州留駐二十日芳度不敢入見遣其中軍朱武奉啟意覘軍勢錦使鄭斌入漳宣慰或率兵從征或束身自詣終不至且召黃翼于關外密使歸漳耿移書來徵又以病辭遂定計攻城是月劉國軒大敗廣兵於鸞母山國東南紀事 卷十二 九部武徐氏刊

軒自塗嶺之役率所部入潮同劉進忠行狗屬縣諸縣堅守國軒兵老糧乏欲退守潮州後圖平南揮步騎來追國軒及何祐等設伏以待會吏官洪磊宣慰廣東厚賞增募驍勇迎戰鸞母山伏發廣兵大敗六月黃芳度據漳歸朝錦自海澄移軍萬松關芳度剃髮守陴使弟芳泰入廣告急賴陞守平和為之聲援島人攻漳城不克後鎮萬宏中砲死何祐自潮州攻平和賴陞降漳屬皆復為臺灣芳度孤守漳城是歲番船互市于思明先是中左所為諸洋利藪島破夷船不至甲寅鄭氏復島英圭黎萬暹羅安南諸

國皆獻方物互市中左煙火市里幾復其舊康熙十五年丙辰

大清兵入福州耿精忠出降王師進克泉州黃芳度以漳州兵來會劉國軒復來爭泉州攻圍兩月不下芳度遣兵復平和屢攻黃瑞鑣于漳平不克七月將軍喇哈達師次漳平瑞鑣無援始出降喇哈達間道永安援泉州湖頭李光地練鄉兵自守為鄉導巡撫吳興祚自仙遊復永春提督楊捷自興化下惠安林賢黃鎬陳子威以舟師出閩安鎮剋期救泉州國軒水陸布禦恐分兵力薄乃引退趨長泰諸縣皆棄還林賢等進復定海島將章元勛戰死蕭琛退泊海山錦召琛還斬以狗遺左鎮陳諒後鎮陳起明督朱天貴等禦林賢九月

大清師敗劉國軒于漳州之溪西國軒自泉退師墮同安城進兵溪西滿漢盡銳迎戰至午國軒步卒饑乏鐵騎橫衝首尾不相顧遂棄長泰出江東扼守三义河玉洲水頭鎮門王師軍壘相望督造江東橋冬十月督撫遣漳州進士張雄如思明議和時漳泉郡縣皆復獨海澄未下度島人必爭難猝攻乃為公書以生民塗炭勸令息兵歸臺灣如先

東南紀事 卷十二 十部武徐氏刊



王時雄還又遣泉紳黃志美入議約必得海澄始可成好  
錦不聽康熙十六年丁巳春

大清師攻救海澄錦復破之遂圍泉州錦下偽教叙諸將功以  
中提督劉國軒爲武平伯征遠將軍後提督吳淑爲平遠  
伯寧北將軍左虎衛何祐爲左武衛前虎衛林陞爲右武  
衛右虎衛江勝爲左虎衛俱授左都督餘鎮營各加級有  
差某月

大清師克復海澄擊破鄭錦兵於泉州錦撤兵遣思明閩地悉  
定十二月詔復遷各省沿海人民於內地置戍禁出入甲

東南紀事

卷十二

上 邵武徐氏刊

寅之亂閩省遷民悉還故地至是閩平復議遷界康親王  
疏稱遷界累民請罷之已報可後島人就掠內地督撫提  
鎮請仍從順治十八年例遷值破海澄圍泉州事暫停及  
泉圍解遂行遷界之令益不聊生唯廣東尙王力請不遷  
得已康熙十八年己未春正月詔築沿邊界寨自福寧及  
詔安率一二十里置寨量地險要截內外濱海數千里無  
復人煙二月鄭錦復取海澄以張廷輝知縣事劉國軒使  
吳淑率諸軍據果塘寨廿九日大軍敗於定海是日且朱  
天貴陳諒自海壇乘南風進泊定海北舟大小百餘艘由

五虎門銜尾而進天貴與陳啟明率煩船先登啟明船遭

風失舵還泊海山三月鄭錦旌思明義輸寡婦辛氏兩島

地狹數戰征輸繁重丁巳之役州民人月輸米一斗至是

月輸米三斗不堪命中提督劉國軒辭月俸自餉轄兵三

月吳淑何祐等皆效之水師五鎮蔡仲瑛守惠安駕小舸

逃入泉州投巡撫吳興祚降漳州守備呂翰降於臺灣翰

守江東橋敗歸劉國軒進軍海澄陰以漳郡通款事泄羈

候將入省待理翰遣人要英毅鎮林彪請援行至同安界

彪伏兵取之以歸以爲折衝左鎮移其家入臺灣初蔡寅

東南紀事

卷十二

上 邵武徐氏刊

詭稱三太子起兵耿逆故將紀朝佐同安武生鄭奇勳從  
之後同歸臺灣未幾寅死二人請再舉入山召募爲大軍  
所困不能出詣總督姚啟聖降鄭氏南北汛防多以缺船  
饟爲辭徵調不至於是上及普陀下及廣東平海大蓬皆  
遣官監紀歸鹵獲婦女寧民夏四月鄭氏以長子克壘居  
守臺灣總制陳永華言克壘長成泄事明達請循君行則  
守之典立爲監國錦從之時年十六僞號監國世孫六月  
以屯田道鄭時英監理鹽法駐東石

大清師築靈水寨以逼東石右武衛楊忠率兵趨尾南北場



掘壁食利舍舟開至深滬閱兩日夜泉州大軍侵晨驟擊忠殊死禦不敵中砲沒於海秋七月鄭氏築尾寨薄尾在同安咫尺直廈門高碇矣卯之役

大清師從此過島劉國軒請築寨其地一夜成之同安出兵爭不得築石城一土城一復築兩洲城八月水師提督萬正色至福州初施琅督水師琅徵入京官亦裁丁巳冬以海澄公黃芳世兼水師提督及灣腰樹戰敗病死督撫請琅復任朝廷不許擢鎮江將軍伯王之鼎以嘗任漳浦知閩事也之鼎入閩屢疏不諳水戰更授四川提督以正色代

東南紀事

卷十二

正德徐氏列

之正色泉州晉江人頂投誠銜劄累陞岳州總兵及湖南平乃有是命初漳浦江機與楊一豹結約聚兵江右耿精忠以為左軍都督耿敗置壘江西浙閩交界據深險時出酷掠江西制府董衛國屢遣兵討之不克走歛臺灣授征夷將軍機跋號江拐子浙江制府李之芳懸重募解散其黨機引餘眾奔閩中建寧城守剽起龍禦之陣傷而死九月大軍取東石寨丁巳春鄭氏使右武衛林陞守東石明年移陞攻海澄以楊忠代之及大軍設兵防界又欲築靈水寨忠懼兵單難守請檄陞回汎忠死陞復出征以施廷

陳中守之纔餘疲卒二百精銳皆挑以行有降人人泉言

東石空虛可取狀發滿步數千以廿六日平明填濠四面環攻廷被創申力戰死遂奪東石增築三寨於是鄭氏失險讓守思明調州中鄉兵團練州經殘破新復入籍甫千許以康熊吳桂統之桂北人歸鄭為亢宿營故守同安思明丁巳之役桂獨斂兵完島授建威中鎮以姻親陳愷叛引嫌辭兵歸其子箕宿營吳天祿至是復起授協理五軍與總監營康熊分督州兵北人畏劉國軒如虎兩軍相持閱歲互殺傷大軍十萬國軒纔萬人營壘咫尺指揮自如

東南紀事

卷十二

正德徐氏列

國軒以果堂地要夜于其後版尾加築一寨督撫提鎮將軍率滿漢數萬爭之國軒吳淑以二千人依寨進且戰且守害章京巴石免等十一月臺灣後提督平遠伯吳淑卒于營淑前戰創甚版尾新築諸衛鎮畏不敢守淑毅然請自守之大軍築壘環攻砲日夜不絕淑神氣自若會霖雨墻壞淑揮左右使避自據胡床寢竟壓死屍至思明錦親臨哭盡哀以其子天駟為建威右鎮統其兵是年詔封賀蘭國王請夾板船圖思明初紅毛失臺灣常思恢復癸卯間李率泰使人招撫紅毛許以先平兩島後取臺灣歸之



紅毛喜自備舟仗糧肉助戰且請于廈門互市率泰爲後防不許第令數年一貢至是總督姚啟聖請如癸卯借紅毛合攻事例報可乃遣知府劉仔偕通事林奇逢黃鏞等往封賀蘭并請夾板船會攻十二月鄭氏遣右武衛林陞督舟師出思明時福州造戰艦四百餘艘會江浙舡各一百潮州碣石船一百尅期大舉鄭氏悉發官私及洋艘砲船以陞爲總督江勝朱天貴爲副總督配兵北上先是耿精忠之變漳南道陳啟泰密啟陳耿陰事於范承謨後耿搜得書啟泰懼禍殺其家屬十餘人而自縊鄭氏入漳葬

東南紀事

卷十二

主 邵武徐氏刊

之丁巳大軍復漳啟泰子汝器將入城負骸回京爲東石守將所獲羈臺灣贖以萬金乃始得歸鄭氏之貪利失大體多類此辛酉壬戌總督啟聖巡撫興祚會提督琅正色攻克廈門中左所鄭錦退守臺灣復進兵攻之錦卒癸亥錦子克塽奉表以臺灣降前四日寧靖王術桂謂宮眷曰此地已破更無他往吾以身殉若等可自爲計夫人袁氏王氏及侍姬三皆對曰願從死請予尺帛冠笄先縊王具含殮明日五棺出葬于郡南山校隸扶櫬至王翼善冠衣袞腰玉繫綬以寧靖王寶持付克塽拜辭天地祖宗郡人

士無幼老皆入拜王答拜乃登帛自絕面無變容諸宗室隨克塽內遷詔存先代後給屯田種牛占籍河南魯王世子得許州術桂無子繼益王後宗位于儼鈺年七歲屯杞縣術桂死年六十有六與元妃羅氏合葬竹滬

鄭鴻達

鄭鴻達字高儀芝龍親弟以崇禎三年武舉隸天津巡撫鄭宗周爲坐營轉屬都督孫應龍登州反應龍失機從繫天津獄已辨釋隸大同巡撫張廷拱麾下用兄芝龍平紅夷功得錦衣衛掌印千戶復與計偕十四年庚辰成進士

東南紀事

卷十二

主 邵武徐氏刊

故事勲衛射策武甲科加三級進都指揮使十六年授副總兵設南贛兵三千以鴻達統之十七年正月前兵科都給事中曾應麟薦鴻達緩急可用詔益南贛兵二千配鴻達鎮守福王嗣位南都檄守采石以左軍都督領水師挂鎮海將軍印封靖魯伯邂逅唐王聿鍵京口心相善及南都敗退走又遇王錢塘江干奉之入閩以王賢明可繼大業遂與兄芝龍及巡撫張肯堂等戴王建號爵鴻達侯尋晉定國公時八閩由鄭氏鴻達不以家勢陵耀同列然性雅懦不能與芝龍立同異唐王築壇具殊禮命與永勝伯



彩督師分道出關竟不進芝龍亦不發饒乃黜鴻逵爵彩  
數敗退又好掠時議多罪彩頗恕鴻逵大軍度仙霞芝龍  
竟賣關且招子成功同北行鴻逵陰逸之成功建義鴻逵  
有力焉

大清順治四年八月會成功攻泉州已引兵西據揭陽明年還  
廈門會馬得功襲破廈門鴻逵軍適至得功不得退以好  
語來說鴻逵因縱之居二日成功自平海還按失島罪斬  
守將叔芝筦鴻逵愧謝退居白沙築寨名曰華角芝龍京  
師屢寓書使勸成功歸朝否者家屬見屠鴻逵復以養病  
東南紀事 卷十二 七 邵武徐氏刊

退閒無與人事大姪意堅勸之無益爲說鴻逵有足疾修  
園亭種花木高吟度曲品笙自娛丙申貝子入泉州州將  
攻白沙鴻逵移榻金門明年三月十六日病甚卒年四十  
五子耀基亦隆武賜姓時稱成功國姓而耀基爲小國姓  
死臺灣芝筦子省英爲僞天興尹



# 西南紀事

西南紀事目錄

卷一

桂王由棖

卷二

永寧王周宗

鄖西王常湖

寧靖王術桂

卷三

何騰蛟

堵胤錫

卷四

西南紀事

目錄

邵武徐氏刊

瞿式耜

嚴起恆

卷五

陳子壯

張家玉

陳邦彥

王興

卷六

李乾德

楊展

王祥

皮熊

卷七

金堡

鄧凱





卷八

沐天波

楊長知

卷九

李成棟

卷十

李定國

劉文秀

卷十一

金聲桓

卷十二

孫可望

西南紀事

目錄

一 邵武徐氏刊

西南紀事卷一

餘姚邵廷采念魯撰 邵武徐 翰小勿校刊

桂王

桂王由根神宗顯皇帝之孫桂恭王常瀛仲子也神宗五子恭王最少母曰李貴妃萬曆二十九年封桂王天啟七年始就國衡州崇禎十六年張獻忠陷衡州王奔廣西留居梧州

大清

順治二年乙酉冬堯葬焉請於福建諡曰恭長子安仁王由棧先卒以仲子永明王由根襲爵唐王命曰天下王之

西南紀事

卷一

一 邵武徐氏刊

天下同濟國難無忘艱危嘗欲立王為嗣未果順治二年丙戌九月唐王陷於汀州兩廣聞報於是總督丁魁楚巡撫瞿式耜巡按王化澄侍郎湯來賀及故臣呂大器李永茂晏日曙朱容藩童天閔林佳鼎方以智程源等大會於肇慶請王監國前禮部尚書陳子壯起魁楚遣人入潮惠審唐王存亡十月二日還報諸臣上箋請王勸進王手書報曰諸先生念高皇帝二百七十餘年之統業及毅宗皇帝一十七載之憂勤一旦滄桑身殉社稷弘光繼立旋復蒙塵今上親征復罹斯難兩年三變四海盡傷諸先生以



社稷爲重不可無君神廟子孫僅存不穀以理而論義無可辭但自量涼德菲才不堪肩仔兼以連遭禾黍之傷復重蓼莪之慘心荒意謬行坐猶迷地裂天崩何能旋轉嘗聞治世以倫序而變亂以功德惟諸先生徧訪賢藩繼承大統太妃王氏亦曰吾兒仁柔非撥亂才也願更擇可者魁楚等固請曰國勢如此強敵將臨殿下親神宗皇帝孫光宗猶子毅宗之弟宜以生民宗社爲念不宜深自謙退願早正大位是月十四日監國肇慶時年三十六加上隆武皇帝尊諡曰紹宗襄皇帝率羣臣大臨三日以魁楚永

西南紀事

卷一

一 魁楚徐氏列

茂大器爲大學士共典機務式耜爲侍郎羣臣皆晉秩會聞贛州敗如梧州十一月蘇觀生以唐王聿錫稱帝廣州監國乃還至肇慶卽皇帝位以明年爲永曆元年追尊皇考恭王爲恭皇帝尊太妃王氏爲皇太后生母馬氏爲慈寧皇太后立妃王氏爲皇后遣給事中彭耀赴廣州諭蘇觀生見殺詔曰閩牆斯極禦侮維艱誰非高皇帝之裔孫唐王能出長江復南京者願退歸桂邸是月十五日

兵曾英

大清兵入西充斬張獻忠賊將孫可望李定國奔重慶襲殺總

大清李成棟入潮州惠州魯王次中左所十二月兵部侍郎林

佳鼎攻廣州敗沒以太監王坤掌司禮監大學士呂大器

李永茂罷朱容藩自請經畧四川遣之季成棟襲廣州殺

唐王及周益遼等二十四王蘇觀生自殺王如梧州以宋

治備總督兩廣留守肇慶是月朱成功起於烈嶼

大清順治四年丁亥春正月王在梧州李成棟入肇慶朱治備

出走廣東十郡皆陷王如平樂大學士丁魁楚走岑溪兵

部尙書王化澄走潯州成棟至梧州巡撫曹繼出降是月

大清兵畧定兩川孫可望入貴州總兵王祥皮匪皆潰走前督

西南紀事

卷一

二 孫可望徐氏列

師大學士王應熊薨於畢節朱容藩入夔州遣李占春復

涪州李乾德遣袁翰據重慶王祥復保遵義是月魯王次

於長垣以熊汝霖爲相二月王至桂林遣使湖南勞督師

定興侯何騰蛟且徵其兵騰蛟以

大清兵近辭不至大學士平粵伯丁魁楚敗死藤江

大清兵陷平樂王幸全州命瞿式耜兼吏兵尙書留守桂林封

陳邦傅爲思恩侯守昭平武岡守將劉承胤入衛免王坤

封承胤爲安國公杖御史毛壽登等四人賞從駕勞封馬

吉翔爲文安侯掌絲綸房事三月幸武岡以嚴起恒爲大



學士

大清李成棟圍桂林給事中陳邦彥起兵高明遣其將余龍攻

廣州兵侍郎張家玉起東莞應邦彥是月孫可望入雲南

巡撫都御史羅國獻宗室朱壽琳死之沙定洲走阿迷皮

熊收復貴州夏四月

大清孔有德破長沙何騰蛟退保衡州忠貞帥李赤心攻荊州

不克湖南北皆潰騰蛟朝武岡行在是月

大清松江守將吳勝兆謀來歸事泄及遺臣陳子龍等皆死之

五月桂林圍解晉瞿式耜太子太師封臨桂伯總兵焦璉

西南紀事

卷一

四 邵武徐氏刊

富川伯

大清兵入衡州命何騰蛟出扼永州湖南巡撫章曠卒於永安

張家玉自龍門進攻惠州虎賁將軍王與保文村廣東鄉

兵特起是月安昌王恭楨如日本乞師秋七月故大學士

陳子壯攻廣州前御史麥而炫以高明迎子壯焦璉復平

樂陳邦復潯州同復梧州遺紳李星一等攻擊慶不克

死是月魯王攻漳州福州鄭鴻逵朱成功圍泉州皆不克

八月六日

大清孔有德耿仲明破寶慶遂乘勝西入王自至武岡制於承

盾太后血詔賜古泥商邱伯侯性告以難性令部將謝復  
榮先入衛而已嗣發

大清兵進至紫陽河陳友隆阻險相持二日夜尙可喜自道州

至合戰夜破柵進抵武岡承盾降兵部尙書傅作霖死之

十八日馬吉翔謝復榮奉王及三宮斬關出

大清兵追躡相距三里復榮斷後與其卒五百人俱死王家堡

王徒行三十里兩晝夜不食幾及會性率兵奄至陣峽口

大軍乃退由靖州通道歷贛境五日達古泥晉性詳符侯

吉翔文安侯哭復榮卹其家明日王幸柳州

西南紀事

卷一

五 邵武徐氏刊

大清兵入貴州境破黎平盡殺何騰蛟之家是月孫可望遣兵

入永昌執黔國公沐天波以歸遂據雲南九月

大清兵入永州何騰蛟及諸將俱南保桂林李成棟入清遠故

大學士朱學熙給事中陳邦彥指揮白營燦死之冬十月

柳州軍亂王幸象州兵部尙書張家玉敗死增城是月魯

王復聞中諸縣故大學士劉中藻起兵福安取福甯州十

一月李成棟入高明大學士陳子壯御史麥而炫死之是

月三日王自象州還至桂林靖江王亨歡迎王而哭瞿式

耜嚴起恒並相中外想望新政命曰卽位一載未有寧居



賴將相大臣和衷匡復凡我故家名族軍伍遺民以及山林川澤之豪挺戈建義羌苗氏貊之長解辨歸誠咸與釋愆圖功剖符立誓王寬仁恭默虛己委任無逸豫之過然

自常朝召對外羣臣希得接見左右倖倂因爲奸弊文安侯吉翔招權內結宦者外通思恩侯邦傳自象柳行在票擬皆出其手比至桂林專與機密式相起恒雖被敬禮不能與爭朱天麟王化澄繼相僅守故事而司禮龐天壽奉使恭視興陵未還王坤入自武岡復營進用政令紛囂方

鎮驕情由是遠近不服十二月令督師騰蛟帥總兵胡一

西南紀事 卷一 六 鄒武徐氏刊

清趙應選等出屯全州是月舟山總兵黃斌卿攻靈波不克諸生華夏等死之是年朱容藩據夔州自稱監國招討副元帥總督李乾德會師討斬容藩故大學士呂大器薨于獨山州

大清順治五年戊子春正月王在桂林魯王兵復興化鄭彩殺大學士熊汝霖義興侯鄭遵謙二月

大清兵薄桂林督師騰蛟留守式耜禦卻之南昌守將金聲桓以江西來歸封聲桓爲豫國公其將王德仁爲建武侯是月馬進忠復常德閩地復破魯王退保沙埕餘姚王翊起

兵四明前翰林學士張燁言保平岡以應之金聲桓攻贛州安南黎莫二部入寇犯行在夏四月后生男督師騰蛟及焦璉胡一清等退

大清兵於嚴關五月

大清兵還武昌騰蛟收復全州李成棟劫其總督佟養甲以廣東來歸封成棟惠國公養甲襄平伯命吏部侍郎吳貞毓

宣諭廣東太僕少卿黃尙賓宣諭江西六月遣留守式耜侍郎劉遠生如全州廣州勞軍黃斌卿使馮京第入日本乞師八月朔癸巳王自南寧還至肇慶惠國公成棟負弩

西南紀事 卷一 七 鄒武徐氏刊

矢郊迎百里外副將杜永和以下前驅從騎四萬冊命成棟爲翊明大將軍以其子元胤爲錦衣都指揮掌絲綸房事擢袁彭年左都御史粵東羣盜保山澤者皆入獻請自效王命成棟夾攻贛州以合聲桓同恢南京

大清固山譚泰圍南昌命騰蛟速出湖南援江西十一月騰蛟克永州衡州馬進忠退

大清兵於麻河佟養甲伏誅召故相何吾驥黃士俊輔政十二月湖北巡撫堵胤錫棄常德奔湘潭湖南軍亂命騰蛟帥馬進忠圍長沙胤錫帥忠貞營援江西忠貞營不進是年



封嘉定鎮將楊展為華陽伯晉錦江侯

大清順治六年己丑春正月王在肇慶罷大學士朱天麟

大清譚泰拔南昌聲桓得仁被殺故大學士姜曰廣死之定興

侯騰蛟兵潰死長沙二月罷大學士王化澄惠國公成棟

敗死信豐時三喪大將連失江西湖南鎮表震恐命留守

式相督江湖兩廣軍馬以杜永和代成棟鎮廣州閻可義

守南雄封李元胤為南陽伯領兵宿衛人情少定李赤心

等潰茶陵行剽走梧州堵胤錫走道州可義尋卒以羅成

耀代三月

西南紀事

卷一

八 儒武徐氏刊

大清兵入衡永諸軍南保廣西封王祥為忠國公夏四月福安

破故大學士劉中藻死之孫可望使楊畏知入朝陳邦傅

矯制封可望為秦王六月杜永和請出師北上不果行左

都御史袁彭年以憂去秋七月封孫可望為平遠王不受

是月魯王徙居健跳八月罷大學士何吾驥朱成功遣光

祿卿陳士京入朝閩海始奉年號封川守將楊大福作亂

討誅之九月魯王討斬黃斌卿移屯舟山遣使如日本乞

師冬十一月堵胤錫死於潯州十二月

大清兵分道入嶺孔有德趨廣西尙可喜耿仲明趨廣東仲明

死子繼茂襲爵是月晦入南雄羅成耀棄韶州逃歸是年  
春李乾德袁韜誘殺錦江侯楊展并其兵

大清順治七年庚寅春正月韶州破王至梧州命李元胤留守

肇慶大學士黃士俊免二月

大清尙可喜耿繼茂襲清遠圍廣州杜永和張月李建捷力戰

禦之戶尙書吳貞毓禮侍郎郭之奇兵侍郎程源萬翽等

合疏論左都御史袁彭年侍郎劉湘客給事中丁時魁金

堡蒙正發招權謀國罪王及太后亦意羣臣有黨詔獄竟

治以功赦彭年餘皆杖戍大學士嚴起恒伏沙灘求免刑

西南紀事

卷一

九 儒武徐氏刊

不聽遂罷去以王化澄朱天麟代之王憂廣州進杜永和

等為侯伯永和乞師於碣石鎮蘇利不應二月嶺東道李

士璉總兵郝尙久黃應傑以潮惠二州降

大清殺滋陽銅陵興化永豐等八王巡撫王芋逃入山中是月

王翊朝魯王於舟山夏五月李元胤及郎國公高必正與

平侯党守素朝於梧州召復大學士嚴起恒命必正出救

廣州不奉命安定伯馬寶襲清遠敗歸命故大學士何吾

驥督師屯三水秋七月颶風盪舟求直言八月孫可望再

遣使求封秦王不許嚴起恒主之也是月



大清田雄會兵餘姚攻王翊翊避入海島魯王將張名振討破

鄭彩兵於沙埕九月孫可望襲貴州執匡國公皮熊遂趨

遵義王祥走死湖南大將馬進忠張先璧皆歸於可望冬

十月朔癸巳日有食之十一月二日廣州破杜永和張月

以餘眾保瓊州李建捷奔肇慶肇慶裨將叛李元胤建捷

出走

大清孔有德破全州入嚴關諸軍皆潰遂入桂林留守大學士

臨桂伯瞿式耜總督兵侍郎張同敞死之

大清兵進克平樂王夜發梧州走南寧陳邦傅劫車駕於藤江

西南紀事 卷一 十部武錄氏刊

殺部郎潘駿觀許玉鳳董英前至潯州王舟衝雨而過得

免服御被掠邦傅以鹵簿僭陳營中大學士王化澄吏部

尚書晏清等俱走北流不得達二十八日王至南寧馬吉

翔李元胤追及從官飢餓無人色括御橐及吉翔所獻得

四千金分賜胡一清趙應選帥滇兵屯賓州

大清順治八年辛卯正月朔己酉王在南寧己未祀太廟詔東

閣大學士吏兵尚書文安之督師經畧楚粵賜尙方劍便

宜行事二月

兵郭登第降是月

大清兵襲廈門故大學士曾櫻死之三月孫可望使其將賀九

儀以兵入南寧殺大學士嚴起恒兵尙書楊鼎和給事中

劉堯珍及吳霖張載述等於朝於是封可望為秦王以楊

畏知為大學士輔政夏四月皇太后王氏崩

大清徐成功下廉州總兵甯武忠出戰大敗雷州渠帥王翰等

皆降

大清尙可喜使班志富郭虎引兵徇潮惠之未附者都督薛進

戰死海豐嶺東皆入處

西南紀事 卷一 十部武錄氏刊

大清五月修中極宮行日講秦王可望召大學士楊畏知至貴

州殺之秋七月祀太廟中元望祭諸陵十八日葬孝正王

太后於兩江之宋村山是月王翊自島還入四明軍潰被

執死之八月

大清陳錦金礪攻舟山張名振張煌言奉魯王奔閩海蕩湖伯

阮進戰死於海門九月舟山破大學士張肯堂禮尙書吳

鍾繼吏侍郎朱永祐等死之冬十月

大清徐成功下雷州南陽伯錦衣衛都指揮使李元胤死之陳

邦傅以潯州叛南寧震動王將奔廣南地胡一清趙應選



以潰兵同馬吉翔抵駐難請舍舟由土司安平下雷歸順  
間道進發諸蠻皆餽餉服徭秦王可望遣其將狄三品以  
兵來迎書致從官曰南寧不守當走安隆粵從之十二月  
安寧破太僕少卿丁元相戶員外郎楊禹甸死之是年秋  
冬秦王可望由遵義北擊敗余大海李占春於重慶別將  
王自奇劉文秀取川西走袁韜獲武大定以歸總督李乾  
德赴水死可望遂據兩川

大清順治九年壬辰春正月朱成功退

大清陳錦兵於長泰二月王至安隆進安隆所為安龍府以吳

西南紀事

卷一

主部武徐氏刊

貞毓為大學士自是軍國大政一歸可望王居處亦不自  
由歲以銀八千兩米八百石上供從官咸取給焉命曰在  
位五年二三元臣中湘臨桂寧夏南陽父子心膂左右手  
也皆成功無就殉節彌光夢寐追傷梵梵在疚去年南寧  
荒遜荷秦王親賢股肱迎朕來此王其厲兵張武以圖中  
原大小戰爭誅斬封拜先行後奏連歲播越服御自奉其  
損之又損以稱待罪天地祖宗之意是月朱成功圍漳州  
大清平西王吳三桂定西將軍李墨勒根瑕由漢中入四川守  
將白文選走還雲南定南王孔有德自廣西以七百騎出

河池州趨貴州後軍屯柳州秦王可望乃馳奏兵分二道  
儲李定國馮雙禮由黎平出靖州馬進忠由鎮遠出沅州  
會於武岡以圖桂林步騎八萬劉文秀張先壁由永寧取  
叙州白文選由遵義取重慶會於嘉定以圖成都步騎五  
萬尅期並進從可望奏封定國西寧王文秀南康王餘皆  
加公侯夏五月西寧王定國進克靖沅武岡

大清孔有德退守桂林六月將軍雙禮遇大兵於譚湖克全州

秋七月定國遇大兵於嚴關遂克桂林有德自焚死俘其  
子廷訓獲叛將陳邦傳斬於貴州

西南紀事

卷一

主部武徐氏刊

大清柳州守將全節梧州守將馬雄及提督練國安皆還廣東  
定國進克柳州平樂梧州廣西府縣皆復故將胡一清趙  
應選馬寶曹志建等出自山谷來歸可望獻捷行在王告  
祀宗廟是月陳錦為其下所殺以其首奔朱成功八月南  
康王文秀下四川及

大清吳三桂李墨勒根瑕戰於保寧敗績都督王復臣死之蜀

地復陷可望奏削文秀王爵還雲南九月西寧王定國攻  
衡州

大清馬雄等復取廣西耿繼茂下瓊州杜永和張月以城降將



軍文選取辰州斬其守將徐勇冬十月馬寶曹志建復連  
州獲守將茅生蕙斬於衡州尙可喜使郭虎來救不及十  
一月三日定國及

大清兵戰於衡州害敬謹親王收兵退屯武岡遣使告捷可望  
忌定國召還

大清以洪承疇總制滿漢軍經畧南方星夜馳入武昌

大清順治十年癸巳春正月王在安龍魯王次於金門始去監  
國號西寧王定國自武岡還入廣西州縣多復秦王可望  
及

西南紀事

卷一

去部武徐氏刊

大清佟圖賴戰於寶慶敗績遂棄湖南歸貴州夏四月定國帥  
馬寶等圍肇慶

大清潮州守將郝尙久舉兵應之尙可喜救肇慶定國解圍還

五月朱成功敗金礪於海澄秋八月

大清耿繼茂哈哈木入潮州新泰侯郝尙久死之九月遣文安

侯馬吉翔詣南寧祀孝正皇太后陵冬十一月晉西寧王

定國爲晉王十二月秦王可望遣兵至行在執行朝使者

林晉陽周官及文安侯吉翔至貴州下獄釋吉翔殺青陽  
官

大清順治十一年甲午春正月王在安龍以馬吉翔爲大學士

三月秦王可望遣兵至行在繫大學士吳貞毓等十六人  
於朝執太監張福祿全爲國於官皆殺之晉王定國自柳  
州奔南寧將軍雙禮攻桂林不克夏四月

制漳泉惠潮招朱成功不降五月定國自廉州出師故將  
張月以高州來歸進圍新會高明秋七月

大清瓊州亂陳武等自稱明將軍合黎岐拒大兵水陸羣盜響  
應尙可喜使張國柱度海援瓊州九月晉王定國拔高明  
獲守將郭虎遂合兵圍新會

西南紀事

卷一

去部武徐氏刊

大清將許爾顯固守不下朱成功遣黃梧出海道西援十二月  
晉王定國帥師及

大清平南王尙可喜靖南王耿繼茂靖南將軍朱馬喇總督李

率泰燾章京東拜戰於新會敗績是月朔朱成功復漳州

大清順治十二年乙未春正月王在安龍晉王定國奔南寧所

得廣東西府州縣復破

大清瓊州盜平黃梧兵不利引還秋七月秦王可望遣兵攻常  
德不克九月朱成功復揭陽澄海普寧徐成功許爾顯來  
救不及遂城揭陽故總兵陳奇策馮士驩猶出沒雷廉海



中擊殺

大清將蓋一鵬劉良卿冬十一月朱成功遣阮駿陳雪之圍舟

山

大清將巴臣興舉城降成功毒殺定西侯張名振

大清順治十三年丙申春正月晉王定國入見奉王如雲南奏

王可望遣將軍文選以兵追及於曲靖文選來歸王至

會城黔國公天波南康王文秀率文武將吏迎謁王入居

可望府中大赦以雲南為滇都賜定國晉王冊寶進文秀

為蜀王艾承業為鎮國將軍理延安王事封文選為鞏國

西南紀事

卷一

去國武餘氏列

公王尙禮為保國公王自奇為夔國公餘侯伯有差以金

維新為吏侍郎兼都御史龔銘為兵侍郎猶用馬吉翔為

大學士指揮使如故遣文選還報可望曰誓與晉蜀共獎

明室兩無虞詐可望榜文選不受命三月

大清兵復入揭陽夏五月朱成功攻廈門中左所為思明州六

月黃梧以澄海降秋七月成功攻福州獲大將張禮八月

大清兵破舟山總制陳雪之英義伯阮駿死之

大清順治十四年丁酉春正月王在滇都歸孫可望妻子於貴

州可望舉兵反夏□月削可望王爵命晉王定國蜀王文

秀討之秋七月出屯交水賊劫鞏國公文選為元帥文選

逃歸晉爵鞏昌王八月鄉試雲南士九月賊將馬寶張勝

襲滇都黔國公天波擊走之定國文秀及可望戰於交水

賊將馬惟興馬進忠來歸賊敗走貴州定國還救滇都收

馬寶張勝冬十月可望出降

大清其將馮雙禮以貴州來歸論功封雙禮慶陽王進忠漢陽

王惟興叙國公寶淮國公賀九儀廣國公附可望者德安

侯狄三品岐山侯王會荆江伯張光翠皆降謫有差遣使

渡海封朱成功為延平王十一月延平王成功攻漳州尙

西南紀事

卷一

去國武餘氏列

可喜來救乃還

大清順治十五年戊戌春正月王在滇都二月

大清平西王吳三桂定西將軍李墨勒根報由四川寧南大將

軍宗室羅托由湖廣征南將軍趙布本由廣西三道進取

貴州晉王定國使馬進忠守貴州楊武劉正國守三坡紅

關三月三桂入合州總兵杜子香棄重慶逃歸是月延平

王成功帥師北上次於羊山夏四月

大清兵入重慶二十四日蜀王文秀亮夔國公王自奇永壽伯

關有才反定國討誅之



大清兵至三坡正國自水西奔還雲南晦遵義陷信郡王多羅

自鎮遠抵貴州雄忠走五月三桂襲破楊武兵於開州之

倒流水水西宣慰使安坤酉陽宣慰使冉奇鏡蘭州宣撫

使者保受皆降於

大清朝七月新津侯譚弘仁壽侯譚義培侯譚文以舟師攻重

慶不克

大清趙布太線國安由廣西抵獨山州冬十月

大清兵俱入貴州多羅繼至會於平越使羅托還鎮荊州命晉

王定國出師圍復貴州假黃鉞鞏昌王文選為副定國及

西南紀事

卷一

本朝武備氏

馮雙禮扼盤江河水選守七星關十二月二日三桂奪七

星關文選奔霑益譚弘譚誼譚文復攻重慶弘誼殺文降

於

大清蜀中兵皆散泗城州土官岑繼謙導

大清兵入安龍懷仁侯吳子聖禦之敗績定國由盤江還戰連

敗遂奔回滇都十五日奉王西奔永昌文選自霑益追及

使留斷後三桂敗文選餘卒於烏撒遂涉河渡橋出交水

會多羅趙布太於板橋

大清順治十六年己亥春正月四日王至永昌下書罪已有日

死而後已盜為六出之兵天若不存書共一舟之覆晉王

定國還黃鉞待罪請削秩不許前一日

大清多羅吳三桂趙布太入滇都侯伯鎮將胡一清土司總兵

龍世榮迎降閏月十五日

大清吳三桂趙布太至大理鞏昌王白文選敗於玉龍關王發

永昌走騰越州十八日三桂入永昌一月晉王定國迎戰

大清兵於磨盤山不勝泰安伯實民望等死之王奔南甸

大清兵入騰越景東土知府陶斗蒙化土知府星海麗江土

知府木懿及諸土知縣官皆降大學士扶綱兵尙書尹三

西南紀事

卷一

本朝武備氏

聘編修劉蒞貴州布政使朱企鏞准國公馬寶叙國公馬

惟興武靖侯王國璽懷仁侯吳子聖宜川伯高啓隆公安

伯李如碧陽武侯廖魚將軍楊武都督王朝欽總兵單泰

徵皆從王出邊前後入降慶陽王馮雙禮渡金沙江奔建

昌秋三品執之以降

大清封三品為扈誠侯四川守臣及諸將領兵者皆赴雲南降

大清兵盡定滇蜀磨盤之敗王與定國文選相失乃謀入緬二

十六日抵曩本河前距緬關使黔國公天波入告難勒從

官放仗而入晦至蠻漢一月朔緬曾以四舟來迎得從者



六百四十六人十八日至井巨文選自木邦以兵入緬謀  
逆駕戰不勝還走孟良文安侯馬吉翔冀悅細心諭守關  
者王航海赴閩兵勿復來故將祁三昇至蠻漢又撤止之  
由是內外間絕天波請間道走戶曠亦不許五月八日王  
進緒經編竹城草屋十間為宮以兵百人環衛從官分處  
蠻男婦日至市易初至餽頗豐後漸薄前陸行者總兵潘  
世榮內監江國泰九百餘騎皆被給土人為奴多自殺惟  
岷王子十八人後流入暹羅六月延平王成功入瓜州復  
鎮江秋七月進圍南京兵部尚書張煌言帥前軍先抵蕪  
西南紀事 卷一 手編武徐氏刊

湖徽盜池太府州縣皆下成功以驕敗上游軍亦潰煌言  
間脫走台州八月  
大清尙可喜遣使招虎賁將軍王興於文村唐王聿錡及興皆  
死之中秋節緬酋受諸蠻朝通黔國公天波行禮天波歸  
哭而慟馬吉翔李國泰等飲王惟恭家為梨園舞老妓泣  
下曰此何時猶為歌舞歡耶蒲櫻家復縱博聲徹於內王  
方臥病嘆息而已天波時獻秋為王言倉卒入緬本失計  
所恃一定國不得合緬意日惡恐禍發旦夕君臣不復相  
見臣三百年蒙國恩死無恨王亦泣監御莫能仰視定國

在孟定承制檄加土司勳爵使赴難元江知府那崙起兵  
延長伯朱養恩將軍高應鳳總兵許名臣龍贊陽等皆已  
降

大清復結謀內應冬十月禮官請遣庚子曆從之是月

大清兵北還以吳三桂留襄陽十一月三桂克元江總督那  
崙死之

大清順治十七年庚子春正月王在精羅晉王定國次於近郊  
奉表迎王不克時馬吉翔李國泰相為唇齒猶然泄泄但  
害定國之至二人合奏大臣三日不能舉火王怒以皇帝  
西南紀事 卷一 手編武徐氏刊

之璽擲地即惟碎人數銖御史任國璽請東宮開講進宋  
末賢奸書王覽一日國泰惡而去之太常博士鄧居詔禮  
部主事王祖望各劾翔泰又傅禮侍郎楊在講書賜坐在  
以東宮典璽李崇貴侍立不敢王并賜崇貴坐對曰雖在  
亂亡不可廢禮王為改容每講崇貴出外講畢復入秋七  
月定國文選會兵攻緬迎王不得敗緬兵於瑞陽岳故漳  
平伯周金湯聚兵雷廉海上結龍門鄧耀海陵李常榮等  
圖復嶺西為尙可喜所敗常榮降御史連城壁亦自陽春  
降王興故將王懋德及李玉黃確鄭球皆敗死金湯被執



可喜水陸並進急攻龍門耀出搏戰大敗走交阯交阯殺獲耀舟浮屍蔽海耀復走廣西入土司被縛嶺海由是無用王年號者是年魯王自思明移金門

大清明安達理出浙海達素出關海

大清順治十八年辛丑春正月王在精裡載昌王文選次於近郊奉表迎王不克晉王定國戰於洞怕文選從之再敗緬兵緬終不肯出王有欲殺吉翔國奉奉東宮奔者事覺被害夏四月緬酋莽猛白代立秋七月十八日逼朝臣過河飲呪水而盟以兵圍殺之死者宗臣松滋王勳臣沐天波

西南紀事

卷一

至德武徐氏刊

武臣馬吉翔王維恭魏豹蒲縷王啓隆馬雄飛王自京樊勳陳謙劉相吳承爵安朝柱任子信張拱極宋宗宰劉廣良宋國柱丁調鼎文臣鄧士廉鄧居詔任國璽楊任郎昌琦裴庭謨楊生芳王祖望齊應巽潘璜郭璘張伯宗內監李國泰李茂芳楊宗華楊強益李崇貴沈猶龍周某盧某曹某等四十有二人從官皆盡遂圍王宮王幾欲縊吉王與其妃自殺官人命婦不屈死者及百人緬人馳呼勿害皇帝黔國公可禮送

大清皇帝處分越日王及侍御二十五人移入天波居秋八月

晉王定國復以十六舟攻緬不克冬十一月朔緬人請移蹕王及太王后王后王子同行二鼓渡河

大清吳三桂執王入滇都白文選以木邦降始緬難作都督同

知鄧凱以傷足獨免生還適稱時事言十一月十八日王召凱入宮諭曰太后病矣未知骸骨得歸故里否又曰白文選未封親王馬寶未封郡王我負之緬黔百姓我師侵擾多年今又不知作何狀明年壬寅四月二十五日王縊於滇都并殺王子六月二十四日晉王定國死於猛臘李嗣興劉震艾承業俱出降其年朱成功取臺灣明宗室多

西南紀事

卷一

至德武徐氏刊

依之張煌言遺書勸成功尊立魯王以存明祀成功有異志託言以永歷紀年不更事二君煌言卒死杭州論曰明室既亡桂王僑寄滇粵羈命蠻緬何其不振哉良由祖宗純任法度主權過亢君臣道隔不修尊賢尚功之意故其極也驕將擅命盜賊公行國勢日孤大臣夫職既迫喪亂卒至於難為嗚呼後之言治體者可以審焉



西南紀事卷二

餘姚邵廷采念魯撰 邵武徐 翰小勿校刊

永寧王

永寧王周宗封江西順治二年南都不守江西諸郡多北附

大清金聲桓以重兵鎮南昌王傾家募兵起於湖東禮部侍郎

王廷垣知州揭重熙舉人艾南英諸生楊師古與羅川王

皆就之以是秋八月復建昌撫州知府鄧鼎實出走饒信

撫建羣盜響應唐王立手書問王遣鄭彩出永定關因王

西南紀事 卷二 一 邵武徐氏刊

兵快取南昌彩頓不進

大清兵環掠湖東王孤軍督戰親冒矢石是時大學士楊廷麟

守贛州萬元吉扼吉安蘇觀生軍南安遙為聲援而潮州

五指石帥謝志良願奉節制得兵六萬監軍翰林張家玉

見王計事王執其手托以生死十一月聲桓使王得仁圍

撫州家玉率趙珩李明忠等退

大清兵於許灣遂解撫圍明日謝志良闕羅宋復敗之千金坡

家玉奏上王功請做漢光武以魯益東海故事或撫或贖

優以大封詔俟南昌恢復即封親王順治二年正月鄭彩

逃入永定關家玉被圍新城力戰得脫湖東危迫

大清兵急攻撫州王登陣死守三月吉安破湖西皆潰王命輔

臣傅冠連出江西前軍方及建昌潰歸四月撫州破王死

之

常湖

鄭西王名常湖楚人順治四年丁亥六月落魄入闕夜宿

荒寺有虎同卧水北源古菴僧王祁奇其貌與俱入古田

境上建陽數惡少從之時癸未進士膠州高簡知建寧府

西南紀事 卷二 二 邵武徐氏刊

為政嚴刻郡人怨之鎮兵不滿千人方告大桶將激變而

鄉紳陳某與簡隙避之古田遇常湖告以虛實許歸內應

遂以王祁為左國師李文垣為右國師招亂兵得萬人七

月五日常湖及竹溪王夜屯於東峯建寧守將曹總兵部

將于應鶴等出城禦戰兵未及交伏起大潰陳某使其黨

大言於眾曰知府貪酷民不聊生城中翕然皆結約圍府

署大索軍人之在城者曹總兵知有變不敢入戰於城下

三日被覆於水西遂開門迎常湖斬簡於市裂其屍通判

唐通降即以通知府事下檄稱隆武三年初建寧城門鳴



大中寺金剛首無故自折及是人以為驗八月鄖西兵入松溪知縣張朝國不降斬之北入慶元聲言往浙江然其兵烏合無紀律帥領皆科頭草履所至蜂屯求饑士民逃匿松溪真御史子金鉉使數人於北門外散髮大呼曰大兵至矣各棄兵杖相蹂踐

大清帥馬得功李榮帥兵二萬自浦城抵松溪金鉉出迎

大清兵不入城竟趨建寧鄖西王不克屬縣皆復為鄖西守

大清兵還屯浦城九月六日鄖西兵復將樂十八日復順昌是

月

西南紀事

卷二

三都武徐氏刊

大清兵復入松溪殺鄖西知縣戴應選遺民真照時等皆死真

金鉉自負翻城有功亦以唐王貢僇於橋下十一月廿六

日馬得功夜發騎兵五千步一萬出梨頭且分二道進鄖

西兵不利亡前隊五百餘人

大清兵趨大溪尾斬首數千級戊子正月鄖西王在建寧復遣

曾明遠葉和陳士良等率眾數萬由甌寧政和夾走松溪

得功出兵馳之陣斬千餘人生獲九十餘人明遠等棄甲

遁

大清師追至寨嶺乃還十九日

大清師自浦城道松溪趨建寧攻圍自二月至四月城中百計拒守間出戰勝負相當

大清師掘黃華山龍脉置紅夷砲西門攻裂城垣梯尸而上百姓知城破齊聲大呼曰休矣休矣因合府閉門自焚火三日不滅屍氣聞數百里主事朱喬秀文公死之越一年庚寅五月鄖西王故將毛明卿等復起與

大清兵戰於巖關明卿鄖西驍將也嘗以狼筈獨當

大清兵一隊戰必身先至是集潰衆擾浙閩界又有李希賢奉

桂王年號自稱將軍與范恩郎等焚掠甌浦建寧境上風

西南紀事

卷二

四都武徐氏刊

鄖以仙姑占卜無不驗

大清兵潰於東源鄉民應之者數萬至甲午七月乃平

術桂

靈靖王術桂字天球遼王後長楊郡王之次子太祖九世

孫也初授輔國將軍方面偉體美鬚工詩文習射畧和謙

接人崇禎十五年張獻忠陷荊州王從惠王及本府宗室

避湖中福王立從長楊王入朝晉鎮國將軍居之靈海明

年夏從長楊王至杭州聞南京已破復返台州長楊王率

宮眷入閩王留靈海欲變姓名避世會鄭遵謙起兵紹興



奉魯王監國王亦以一旅會江上時傳長楊王未知存沒遂封王為長楊王唐王立于福州奉表稱賀仍封長楊聞其兄尙在已晉遼王乃辭爵欲以長楊之封讓兄之仲子進唐王不許改封靈靖王督方國安師知國安難與共事辭督師留居紹興及敗還奔寧海覓漁舟出石浦魯王亦繇海門來同至舟山鄭芝龍貳於唐王聞魯王至舟山遣鄭彩以舟師來迎王從魯王抵廈門芝龍已北去明年鄭彩奉魯王攻福州定國公鴻達迎准王於軍中請王為監軍台忠孝伯朱成功兵圍泉州月餘不下退軍南灣聞桂

西南紀事

卷二

五 鄭武徐氏刊

王即位肇慶王自南灣入揭陽奉表賀命王居鴻達軍中在所給祿次年桂王命兼督鴻達成功二軍仍屯揭陽四年冬粵事又敗與鴻達還廈門遷居金門王初無子在紹興時納袁氏王氏及至金門元妃羅氏舉一女袁舉二子王一女當是時王已息慮不復言事矣成功大軍圍南京不克而

大清

兵南入緬國亡諸王在海上者寄食鄭氏及成功取臺灣金廈勢蹙王遂先請東渡甫閱月廈門戰敗又二年成功死臺灣子錦嗣立有傳錦設桂王位俾王左侍立奏事位

前王與諸臣參決之然錦父子實自帝制成功末年命采漢中王即位事殊無朱氏意王年亦向老子女俱殤乃就竹澗墾田自食錦不能修投簪禮且征其賦幾不免凍餒耿精忠之變錦舉兵畧據漳泉王意復動乘舟西來以觀其勢知不足有為復旋臺灣後錦渡海抽軍王亦按田雇募益困戊午羅妃逝王杜門謝客壬戌夏大雩步禱始一出聞

大清

師近蒿目獨憂常言臺灣有變我當以身殉癸亥夏澎湖破六月

西南紀事

卷二

六 鄭武徐氏刊

大清師傳臺灣鄭氏戰敗王語宮眷曰吾死期已至若等可自便袁氏王氏及侍姬三咸曰王死則從死耳請于尺帛並冠笄被服先縊王卮酒舉滿俟舍燼明日五棺出葬於郡南前山校隸扶襯至王視之曰未時也卽加翼善冠龍袍束玉佩印綬以靈靖王寶持付鄭克塽拜辭天地祖宗里中人士無老幼皆入拜王答拜乃結帛於梁自磬舉手曰吾去矣遂絕衆扶下坐無變容與羅妃合葬竹澗不封不樹前數日自書曰自壬午流寇陷荊州攜家南下及丙戌避兵入閩遠潛外國今二十餘年六十有六歲時逢大難



事畢矣王故宅改天妃神祠無嗣繼益王後宗位子儼鈔  
爲後年七歲居杞縣

西南紀事卷二

西南紀事

卷二

七

七

西南紀事卷三

餘姚邵廷采念魯撰 邵武徐 翰小勿校刊

何騰蛟

何騰蛟字雲從浙江山陰人其先成貴州黎平衛因籍黎  
平中天啓元年辛酉科舉人崇禎中知南陽縣禦流寇有  
方畧復從巡撫陳必謙擊賊於安臯斬首四百由是知名  
累遷武庫主事備兵淮徐平土賊程肖宇王道善張方造  
等衆數萬南兵部尙書史可法奇其才十六年十月擢僉  
都御史巡撫湖廣時湖廣新經張獻忠之亂寧南侯左良  
玉在武昌兵多無紀遠近患之大學士蔣德璟盛稱騰蛟  
威望爲左師憚服宜用之撫楚以可法遺部臣張伯鯨書  
爲證上初不聽吏部會推復以騰蛟上上思德璟言卒用  
之騰蛟自潯陽單舸之任諸鎮軍吏望風嚴戢福藩立進  
總督乙酉三月良玉聞李自成敗將出陝欲東避會王之  
明自燕來南都詐稱太子收下獄朝野洶洶言奸相馬士  
英絕先帝後良玉乘是與巡按黃澍上疏以誅士英爲名  
移檄遠近舉兵二十萬內向騰蛟萬端開說不聽左兵大  
掠城中城中人數萬避難走督署左兵從之騰蛟手尺刀



坐堂皇飛矢雨集不動良玉使人給曰吾欲見公一言公不行不彊遂挾登舟遠發至楊澤騰蛟罵曰吾封疆重臣豈相從作賊自投於江流數十里遇漁舟不死將卒稍稍來集家人完印至遂入大冶通山之間左兵東下未十日闖賊十萬眾潰入楚掠漢武而東銜右兵尾

大清兵追闖者又數萬水陸踵至荆河至安慶數千里接陣格鬪紛拿散走四月良玉與黃得功戰大敗師潰蕪湖之荻港數日死子夢庚以全軍降於

大清軍前大清兵追賊急賊敗會大雨四十月百川漲登所在  
西南紀事 卷三 王師武徐氏刊

積尸成邱李自成引數騎馳入通城九宮山行視安營地村民方耕不知為自成羣起舉鋤擊之立死擲屍於水後騎至傳呼萬歲民始驚竄騰蛟獲其屍五月

大清兵畧定漢武屬邑騰蛟自寧州間道走瀏陽向長沙楚人相傳騰蛟入水浮沈三日夜不死大龜負之登陸皆以為神遠近爭附而騰蛟知時事不測先為善後慮表知州章曠為監軍道傅上瑞為長沙道與督學道增盾錫各練兵一萬至是皆會舊鎮馬進忠張先壁盧鼎等亦次第來歸長沙始立軍府乙酉唐王立騰蛟表聞自成敗死狀進尙

書兼東閣大學士封定興侯督師開府長沙盾錫曠分撫湖南北駐湘陰常德騰蛟言自成之死天誅非人力臣不敢冒上賞不許王在唐邸雅識南陽縣何令賢奏陳皆報可九月闖賊故將郝永忠王有才良玉標將王允成等皆來降得兵十餘萬李錦高一功等三十萬眾在松滋之草坪亦請降於盾錫湖南軍勢大振丙戌正月唐王次建寧騰蛟及贛州督師大學士楊廷麟皆遣使奉表迎乘輿手勅褒勞卒制於鄭芝龍不得出是年春騰蛟督郝永忠張先壁等攻岳州傅城大戰又戰於藤溪湘陰皆捷表加永

西南紀事 卷三 王師武徐氏刊  
忠恢勦左將軍先壁右將軍江楚間民多結岩以應騰蛟喜冀大舉會福州破贛州亦不守兵不果出未幾

大清恭順王孔有德懷順王耿仲明智順王尙可喜與葛喇昂那焦奈藍拜統滿漢軍南下度岳州兵勢甚銳騰蛟扼長沙遏其衝丁亥李成棟入梧州桂王至桂林遣使勞騰蛟且徵其兵騰蛟辭以方拒三王不得入衛桂王如全州初武岡參將劉承盾猛而彊常鑄鐵軍自隨號劉鐵棍崇禎福王間乘亂截粵餉十五萬選募軍馬遂雄視湖南桂平蠻將軍印岳州之戰承盾一軍先走抑其賞以是怨騰蛟



王在全州王坤為王畫計召承 入衛封武岡伯進安國  
公承肩始見王猶持正逐坤遣 援瞿式耜於桂林已而  
專橫杖御史毛壽登劉湘客劫 如武岡援桂林者諫而  
還而是時騰蛟大軍在長沙湖南巡撫章曠督王有才王  
允成等兵二萬扼湘陰之新祥

大清兵相守一年不得進騰蛟又調廣西土鎮譚遇春率狼兵  
三千赴新祥至即挑戰夜襲大營追奔二十里

大清兵退入岳州夏六月狼兵入長沙與有才軍土市肉相競  
變作三王長驅破湘陰入長沙諸軍皆潰董英首以瀏陽

西南紀事

卷三

四 鄒武徐氏列

降傅上瑞王允成皆降盧鼎郝永忠逃入山中騰蛟退守  
衡州尚可喜東渡江攻燕子窩總兵陳士明降畧定長沙  
諸縣還與有德仲明會於湘潭同攻衡州遇春帥潰兵入  
桂林索饒尋歸柳州騰蛟檄守道龍文明計執遇春送桂  
林斬之承肩欲因騰蛟敗解其兵柄請召騰蛟入輔諸鎮  
皆怒張先壁引兵向武岡請誅承肩會騰蛟至諭解之先  
壁掠寶慶西屯沅州騰蛟見王面奏情形檄調馬進忠袁  
崇第劉體純張光翠王有才李赤心高必正牛萬才十餘  
營可五十萬會衡州承肩終忌騰蛟計遏其事滇將趙

選胡一清言於騰蛟曰長沙失守非戰之罪乃自開門揖  
盜今各勦士馬如故望公出不啻雲霓若遲回不行恐動  
鎮解體騰蛟即日陛辭承肩復以兵邀之從行者僅五百  
人一清單騎突前斬關而出進駐百牙橋衡州已破諸營  
四面皆不相聞騰蛟退守永州章曠疽發背卒東安永忠  
再出桂陽遇可喜自長寧來棄軍走道州總兵張學禮被  
執八月六日有德仲明規諸帥首尾橫斷督師孤懸不足  
慮遂合各固山兵西破寶慶陳友隆力戰守紫陽河夜柵  
內火延火藥局兵遂潰

西南紀事

卷三

五 鄒武徐氏列

大清兵抵武岡王奔古泥承肩降進薄沅州先壁走游騎畧貴  
州界攻破黎平盡殺騰蛟之家還攻永州諸鎮皆散曹志  
建走鎮峽惟一清以死衛督師不去陳於城下力戰十餘  
日曰吾外援已絕內儲復匱死空城無益遂擁騰蛟決圍  
出比至全州永忠已集湖南潰兵入桂林城中沸恐騰蛟  
馳入與留守式耜部署自會城以北盡全州興安靈川駐  
永忠兵城東永寧義寧駐一清應選兵各給諸將分地乃  
定時王至柳州譚遇春子鳴珂叩駕言父冤從臣倉皇未  
詳其始末以不知對鳴珂怒帥諸苗攻龍文明大掠矢及



王舟王奔象州十一月王還桂林丁亥二月

大清兵破全州至興安永忠兵潰掠桂林而南王奔南寧騰蛟

方按師永寧聞報急率一清應選兵入會城見留守式耜

相持慟哭三月

大清兵薄桂林疑城中空虛直抵北門騰蛟督兵三面禦之大

軍知有備遂渡甘棠去騰蛟列師榕江以保會城始靈川

團兵殺滇營官頭北走既而歸復式耜持大體不更誅問

及滇兵入境居人恐修怨挈妻子爭竄山谷騰蛟傳令不

許一人隻騎下鄉均壁榕江軍民乃安是月馬進忠復常

西南紀事 卷三 七 邵武徐氏刊

德四月騰蛟收潰兵得二萬人復出桂林式耜遣焦璉從

行

大清軍容甚盛以四部挑戰應選提五協兵為中軍一清帥突

將持戟當前隊叱咤撼山岳大兵退追至嚴關

大清兵堅壁不退各將猛戰僵屍橫關自午及酉將士溽暑枵

腹請令收兵一清單刀獨殺至興安之二里橋諸將尾其

後無不以一當百直抵興安騰蛟報式耜曰初六日嚴關

大捷全陽馬到成功矣八日前至鳳凰坪

大清兵三路伏松林騰蛟麾兵四路接戰應選一清及王永祚

吳興朝馬養麟等十餘將往來馳突望之如在電火爐煙

中周金湯熊朝佐沿山東下橫擊破陳而出橫屍如山驚

橋水赤十六日攻全州

大清乘其師情來襲大戰橋東西甫接

大清兵退一清追至北關乘勝衝入城城頭矢石如注乃收兵

五月十日

大清軍益募鉞手二十水陸出戰銳甚應選與朝迎擊斬其一

將黃尙賢裹創疾戰不退騰蛟揮兵渡河以棒棒其左右

翼勅騎乃退鉞手無一遺者十八日治雲梯應選一清親

西南紀事 卷三 七 邵武徐氏刊

修敵樓焦璉分督裨將相視發砲砲無不中者十九日用

古排柵法遏西北門專攻東南滇營未至守排者兒戲

大清兵衝柵出各軍驚走騰蛟一馬在後不至於敗二十日立

先登格千金浦纓請登不克更發五鎮兵出東安斷永州

水運勝於石期站林三鼎畧黃沙六塘絕其東南糧道俱

報斬獲城中大懼二十六日應選督滇營夜攻北關焦璉

襲南關浦纓攻西關平明

大清兵棄城退凡八戰五攻克復全州

大清兵還永州騰蛟上疏歸功式耜曰為陛下以信臣用臣者



式耜一人也式耜亦寄托騰蛟無北顧憂使彈壓勳鎮以圖中與騰蛟督師四年所轄將士土客相雜諸大帥馬進忠等歷百戰不肯輕下郝永忠忠貞營又出盜賊雅性桀驁去止自任而騰蛟厨傳蕭然襪履敝垢幕臺身無僕膝務爲寬大優容平已怨物是以秦楚強悍之士咸就羈絡感其至誠不忍離去應選行軍有紀躡多籌運一清敢戰永祚少練纓熟伍法全州戰勝五人之力尤多焉是月金聲桓自歸於江西

大清三王聞變引還武昌其明月李成棟舉廣東來歸江南所

西南紀事

卷三

九龍武徐氏刊

在響應屯聚山谷以待命騰蛟喜表達行在請聲桓成棟戰江右恢復南京而身自湖南取荆襄行朝軍國一委式耜又請還蹕桂林以圖出楚皆報聞七月騰蛟在全州王命式耜來稿師八月三王撤師還燕騰蛟圍永州城中援絕食人十一月朔永州兵遁凡攻圍三月始復曹志建部將譚國棟等追至冷水灘斬總兵余世忠擒道官林國棟是月馬進忠襲大兵於麻河斬首七千級二十年來戰功第一騰蛟亦克衡州抵長沙始李赤心與進忠有舊怨三王下長沙湖北巡撫詹錫走永定衛進忠赤心皆潰遁及

進忠既復常德繕城積粟收渠流亡爲攻守計詹錫出就之又密召赤心等來進忠怒焚常德趨湘潭詹錫赤心亦至大鎮屯聚者以十數人情惶惑騰蛟奏言湖北千里一空進忠赤心勢不相下恐變生不測且以數十萬衆共食湖南新定之地兵譁民盡土崩瓦解將在目前欲令進忠等分路立功亟請聖斷處分以彰畫一時金堡掌兵垣與中樞議令騰蛟督進忠及諸鎮圍長沙詹錫率忠貞營援南昌然忠貞營已縱掠長沙大亂趙應選胡一清焦璉曹志建等皆以爲響馬心不可測議棄衡州保老營騰蛟曰事急矣非吾親往不可之湘潭以大義責赤心速出衡州皆拔營去

西南紀事

卷三

九龍武徐氏刊

大清帥徐勇自長沙驟至勇故左良玉將耳騰蛟名聞道使人請附詹錫恥功不已出移軍他徙熊朝佐周金湯未集騰蛟孤軍在湘潭戊子正月烏金王至湘潭進忠一清俱奔潰騰蛟曉起營壁皆空南向慟哭曰臣五年督師心血嘔盡而所成竟如是豈非天乎緋衣坐堂上去烏金王延之上坐勸使降罵曰若不聞何騰蛟乎何惜一劍七日不食遇害且死謂寺僧曰取一粟河水飲我是水從衡來猶



吾君水也進忠前鋒將宣威伯楊某入城中求騰蛟凡七  
 往返戰死諸將為之奪氣由是并棄全州贈騰蛟中湘王  
 證忠烈時忠貞營援南昌者竟不進南掠永興郴州民人  
 奔訴曹志建志建遣兵圍堵盾錫于龍虎關面讓曰督師  
 如我中湘王何帥統馭百萬絕不殘害百姓今盡瘁封疆  
 香名萬載汝則臭名萬載也盾錫夜半逃出關入廣西自  
 騰蛟沒之明月李成棟金聲桓俱敗死又有八月孔有  
 德入桂林瞿式耜死之又二年李定國克桂林至湖南嘗  
 欲獻謂軍吏使中湘王在瞿留守何遽至此令長衡郴永  
 南南紀事 卷三 七部武餘氏刊

間置祠歲時祀焉  
 論曰明末督師死事繫國存亡北有孫傅庭南有何騰蛟  
 功雖不就義烈著矣議者謂傅庭能斬賀人龍立威信騰  
 蛟仁柔短於控馭余意不然崇禎朝聲教雖微號為一統  
 奉辭杖鉞三軍之士承令股栗而騰蛟當江南離渙之後  
 人懷二心輒為去就威克厥愛有時不濟此亦各遭其世  
 非獨騰蛟之不幸也金堡稱騰蛟布衣麻冠軍行攜二竹  
 笥晚而患目疏草公移俱出口屬家眷百口寄鄧為友隆  
 所獻夫人嘗遣其子文瑞至粵王留之奪情拜都御史與

瞿式耜孫昌文同官於粵

堵盾錫

堵盾錫字仲緘江南宜興人父堵翁無子禱於三茅神夢  
 請牧牛兒為子及產字之曰牧子後自號牧遊生少落魄  
 嗜酒亡賴好大言嘗為萬言書抵大守自薦邊才欲北詣  
 經畧熊廷弼大言曰熊公雖知兵非我佐之事且敗太守  
 目笑之年三十餘舉孝廉崇禎丁丑成進士自以幼孤不  
 及事父母奏持服三年廬於墓墓上枯桐載華蛛絲成孝  
 字十四年知長沙府山賊蕭相宇擾安化寧鄉數敗官兵  
 南南紀事 卷三 七部武餘氏刊

率鄉勇破斬之又破醴陵燕子窩賊斬其渠草上飛於是  
 中外稱知兵南都陞武昌兵巡副使改督學道乙酉春承  
 督師何騰蛟檄募兵萬人使楊國棟等領之武漢既失騰  
 蛟退保長沙以盾錫巡撫湖北駐常德先是李自成死其  
 義兒李錦等十八部號三十萬屯澧州界上遠近大震盾  
 錫偵知錦母高氏有智畧軍事取決而高氏第一功所部  
 二萬人為諸軍最乃單騎走其營錦一功以戰騎數千來  
 迎稱詔賜高氏命服二人蟒玉及金銀器皆踴躍叩首謝  
 盾錫傳稿引卮論列教以臣忠子孝大義纏纏數千言嘔



日高氏出拜呼錦曰公天人也汝曹不可負別部田見秀  
劉汝魁賀蘭李來亨等並繼謁受撫表聞閩中封高氏英  
淑夫人錦左軍侯賜名赤心一功右軍侯名必正餘皆侯  
號忠貞營加盾錫總督侍郎賜劍印丙戌二月忠貞營攻  
荊州旬有二日城且陷會大霧赤心等方蓐食忽救兵數  
萬至飛矢如雨南軍大潰盾錫急令楊國棟張光翠分守  
澧州回子河以通護忠貞營丁亥二月桂藩至武岡封盾  
錫光化伯不拜夏

大清師下湖南馬進忠王有才等俱走盾錫亦入永保諸土司

西南紀事

卷三

主顧武徐氏列

中朱容藩聞武岡敗自稱監國招討副元帥建行臺於夔  
州盾錫泝三峽西上責以大義容藩愧悔去號盾錫乃還  
永定蜀中會師討容藩卒誅死戊子春金聲桓反江西大  
軍自長衡還保武昌盾錫傳檄諸鎮俱出湖南四月馬進  
忠下常德王有才下桃源澧州石門皆下忠貞營亦克荆  
門宜城告捷五月進忠兵戰於牛皮灘又戰於麻河俱勝  
大舉有日矣忠貞營故盜賊性不願約束且畏敵以荊州  
殘破欲引而南盾錫無勇往往好語羈縻之始自夔還約  
以騎三千赴常德助戰竟不至進忠既下常德晉封公赤

心乃請取長岳自効進忠惡之十月忠貞營自荆分道南  
渡高必正率輕騎數百突入常德進忠怒置酒爲宴陰具  
舟渡老營東去以騎兵自環注矢披甲出城走盡焚常城  
屋及瀨江舡必正亦怒請北還盾錫不能制進忠遂掠益  
陽諸縣而東常德饑忠貞乏食盾錫乃以監軍毛壽登總  
兵楊國棟守常德自將標兵二萬及忠貞營東攻長沙不  
克引去會督師騰蛟於湘潭尋令盾錫率忠貞營援南昌  
忠貞道掠逗留已丑正月始至攸縣南昌已破騰蛟亦自  
湘潭被執羣議皆惡忠貞并咎盾錫盾錫遣堵正明尹具  
贍以五千人守永興陸士毅守安仁龔龍守攸縣自率萬  
人及胡一清之師守衡州三月戰於草橋兵敗走萊陽將  
趙永興軍永興安仁攸三鎮先潰正明士毅及待詔潘哲  
中書邵履正皆死之盾錫走郴州道遇

大清兵幾獲日午大霧夜螢火數萬從照之以故免晨夜兼行

達桂陽郵人曹志建以功封保昌伯有衆數萬屯桂陽地  
險而完忠貞營過之大掠志建恚謂故盾錫招撫因其至  
阻之籠虎關盡殺其將士廣西明經何圖復結寨楚粵界  
上盾錫使赴難得聞道至賀縣志建擊殺圖復六月盾錫



至肇慶拜大學士在直三月時忠貞營已入廣西抄掠糜  
 鬱兵民厭苦秋加盾錫督師兵部尚書使調護忠貞出嶺  
 經畧湖南盾錫至梧州部下稍復來歸而期赤心等竟不  
 至造其營詰之赤心初敗於郴戰馬鎧仗俱盡將卒疲無  
 意北出更欲盾錫代請高雷休兵盾錫不可別部劉世俊  
 劉國昌願出楚親至潯迎之他鎮遷延不至盾錫恚恨疾  
 亟十一月廿六日舟泊潯江夜半遽索紙筆草遺疏復自  
 題其像擲筆謂左右曰吾荷國重任不獲免胄赴鬪至斃  
 命卧榻死誠餘恨豈若葬魚腹中洗此腸胃奮起欲自沈  
 西南紀事 卷三 五邵武徐氏刊

於江從者力抱持之遂以是夜卒於舟子世明先數月死  
 軍前赤心等或死或降竟無成後五六年友人魯釗南求  
 遺骸不得得題像以歸曰吁嗟牧子遭家不造誠身事親  
 遭時多難誠身事君四十九年孤兒通臣聞者哀之釗字  
 桐聲亦狂士盾錫未第時與交如釗輩凡十人號十鈍或  
 曰十遁亦號十癡甲申之變散去多不知所終惟釗存  
 論曰明世士大夫才之不稱其志者皆是矣未可以獨責  
 盾錫竊怪闖獻二賊同屋明社泊乎末路遊魂惴息卒復  
 依命來朝然定國能自拔於汗濁而自成之部無有聞者

豈天種其才以揚亂斃則有餘資廓情則不足乎抑重臣  
 有如宗澤其人出而紀綱之其悍桀固亦可用哉

西南紀事卷三 卷三 五邵武徐氏刊

（此處為多欄空白表格，內容未詳）



西南紀事卷四

餘姚邵廷采念魯撰 邵武徐 幹小勿校刊

瞿式耜

瞿式耜字起田蘇州常熟人景淳之孫也父汝說官部郎時嘗抗內監知名當世累遷叅政式耜少有才譽萬曆丙辰成進士知永豐崇禎元年戊辰擢戶科給事中是時魏忠賢新敗其黨阮大鍼楊維垣等猶陰結朝士幾幸投閒以復東林之禍縉紳上章多用王安楊左崔魏為對案清議搖惑流品雜進上雖精明未能盡釐式耜意憤惋疏陳西南紀事 卷四 一 邵武徐氏刊

六不平畧曰張差一案以風顛二字抹之乃慈寧召見劉光復詞涉唐突以致幽囚今追錄其忠贈卹葬祭而赤心調護東宮之王之案無望贈卹復官藁葬城外臣所謂不平者一也紅丸一案聖躬委頓豈臣子嘗試邀功之日崔文昇李可灼優旨放歸彼嫉惡防奸之孫慎行尙推敲啓事而可灼登訪冊與廢棄諸賢並列臣所謂不平者二也移宮一案楊漣左光斗防微杜漸以擁護先帝為心賈繼春之持論自是移宮後處分今漣幸有擊瑄二十四罪之疏贈卹從優果如諸臣一偏之見不將與之案慎行同其

沈抑乎臣所謂不平者三也封疆為重熊廷弼梟首西市傳示九邊而三路喪師之楊鎬與擅離汎地之王化貞竟逍遙福堂且有以化貞登薦贖者人皆知廷弼以門戶殺非以封疆殺何以嚴邊臣失事之禁臣所謂不平者四也楊左羽翼先帝於倥偬之中大權不至旁竊宗社安於泰山非與王安有交結之情如崔呈秀黨附魏忠賢為不解之誼也今動以王楊崔魏為對案無論楊不可與崔對即王亦豈可與魏對一腔忠義蒙此惡名臣所謂不平者五也五虎輩雖罪未盡法賊未籍沒然既顯暴於天下彼甘

西南紀事

卷四

二 邵武徐氏刊

作乾兒造意主謀無毒不具之魏廣微固寵逐羶無醜不備之顧秉謙其他馬全田立極等或媚璫而反取憎或瑤敗而猶彌縫乃死不修屍生不覆奪何以為大臣黨閣戒臣所謂不平者六也疏入報聞後坐其師錢謙益詞連下詔獄免歸終威宗時不見用福王即位起原官唐王立擢僉都御史巡撫廣西時靖江王亨嘉稱帝於桂林用楊國威等為將舉兵欲東使人至梧州召式耜式耜密告總制丁魁楚思參將陳邦傅來援未至而梧州破令式耜易朝服朝脅以兵不可乃囚式耜逼廣東魁楚擊敗之還走



桂林圍之式耜授計國威旗鼓焦璉使圖國威邦傳亦至  
遂克桂林獲亨嘉致福省廢為庶人幽死棄國威及其給  
事中顧奕等於市唐王封魁楚平粵伯邦傳思恩伯進式  
耜兵部侍郎副都御史桂王卽位進吏部尚書兼東閣大  
學士首疏言草昧之初宜養聖德修紀綱慎號令挽人心  
布威武起用人望招徠賢俊為首務王虛已聽會唐王聿  
錫稱帝廣州遣兵爭三水式耜督師出禦總督林佳鼎輕  
進遇東兵於海口東兵皆大艦乘東南風縱火矢砲焚西  
舟西兵登岸淖深三尺人馬俱陷佳鼎死李明忠僅以數

西南紀事

卷四

王福武徐氏刊

十騎免王奔梧州已知閣部師全再下肇慶王為人仁柔  
少斷無雄視經畧之意動止循家人小節聞於知人初正  
位號南中兩粵湖南滇黔西蜀均隸版籍舊臣呂大器李  
永茂等先後繼至兵食粗足文武畧備而王及太后王氏  
皆畏苦軍國冀得無事小逸始議不欲監國強而後立粹  
聞風鶴追咎臣下式耜等深以為憂太監王坤既亂北政  
復自南都走閩奉使在粵王與語說之入掌司禮監由是  
內批四出羣小進用首斥諫官劉湘客等大器永茂皆告  
去式耜爭之不得李成棟入廣州殺唐王及蘇觀生行朝

震恐式耜議扼峽口決戰坤固請西遊

大清順治二年丙戌正月王再至梧州肇慶遂破復發梧州趨  
府江於是百官奔散丁魁楚走岑溪王化澄走潯州晏日  
曙田芳等走博白獨式耜及方以智吳貞毓吳其雷程源  
馬吉翔等十餘人從行成棟進攻梧州恐撫曹繼出降二  
月王至桂林式耜肅殿陛救守禦誕告楚蜀各鎮以朝廷  
所在薦賢才之可達桂林者王錫袁文安之為相周堪廣  
郭都賢劉遠生為六卿丁時魁金堡為給事皆召用惟錫  
袁安之以滇蜀道阻未至進何騰蛟閣學督師倉卒布畫

西南紀事

卷四

四 王福武徐氏刊

皆有體要兵氣再振行朝始尊未幾丁魁楚沒於藤江遂  
陷平樂桂林震動王坤又議走武岡式耜見王泣曰臣本  
以桂林起事願與同存亡况東粵既失所存惟此一隅棄  
之入楚百武岡何益我退一步則人亦進一步我去速一  
日人來亦速一日半年之內三四播遷軍民瓦解何以為  
國不聽乃自請留守桂林駕暫駐全州以扼楚粵之中詔  
封焦璉富川伯隸式耜麾下同守會城加陳邦傳為侯守  
昭平三月

大清兵圍桂林衝入文昌門焦璉自行在方至從數人控弦提



刃接戰卻敵

大清兵屯陽朔城外俱降式，耜與璉危城孤守，劉承允兵至，式耜括庫藏夫人邵捐簪珥以犒，終不肯出戰。卒與焦璉兵鬪，大掠而去。五月，桂林積雨，城壞，大兵四面肉薄，急攻。璉負創奮臂往來馳救，呼督師撫按分門守用。西洋銃擊其騎卒，尋出城大戰，自辰抵午，士皆致死。明日復戰，大兵引退。會陳子壯、張家玉、陳邦彥等起兵攻廣州，以救桂林。於是成棟解而東，遂復陽朔。桂林被圍三月，外抗大兵，內防亂卒。式耜一手指揮，乃得底定。焦璉久將，桂得桂人心。

西南紀事

卷四

五 陳武徐氏刊

式耜國士遇之，故獨得璉死力論功進。式耜太子太傅，封臨桂伯。表讓不許，請告自劾。言自二月十五至五月二十九，此百六日中遇患者三，皆極危險，變故當前，總辦一死。字亦遂不生恐怖，不起愁煩，惟是臣之病不獨在身，而在心，不徒在形，而在神。身與形之病可療也，心與神之病不可醫也。時王在位一年，未有令聞。王坤去後，周鼎瀚、馬吉翔更進用事，行在大權。一歸劉承允，式耜憂國故以疾喻。又請還蹕，全陽不報。七月，焦璉復平樂，陳邦復梧州。式耜表賀粵西全定，大駕早還。桂林昭告興陵王，心知式耜。

忠制於承允不能行八月

大清孔有德入寶慶，遂襲武岡，承胤迎降。商邱伯侯性遣兵赴難，王自古泥入柳州。式耜疏言乘輿不可他移，一步滇黔荒遠，忠義心渙三百年土地，僅留粵西一綫。且山川險要，兵馬糗糧俱有可恃，惟陛下堅守無為，羣議搖惑以繫天下興復之望。會永州郴州破潰，兵入桂林者數萬，督師何騰蛟新輔嚴起恆俱至。式耜修甲兵營，芻穀促騰蛟再出全州，集郝永忠、焦璉等要言於神期，以同憂國事，皆嘆泣。稟令其冬，陳邦彥、張家玉、陳子壯俱敗沒。式耜聞之為位。

西南紀事

卷四

六 陳武徐氏刊

東向而哭。十一月，王還桂林。式耜與起恆並相中外，相慶。順治五年戊子二月，郝永忠兵潰於興安，馳至闕下，大掠。王欲西走，式耜力爭，謂督師警報未至，營中夜驚，無大恐。衆意不能止，式耜曰：「果不得已，俟督師歸，咫尺威嚴，士氣百倍。若以走為策，桂危，柳益危。來師今日可至，桂明日亦可至。南太反覆數百言，起恆亦勸王宜鎮以安靜。如出恐，桂城遂難保事，且不測俱不聽。夜半王如南甯，起恆從。夜潰兵四掠，職官無一得免。式耜傷足，被逼登舟，遇劉遠生。丁時魁劉湘客於樟木港，乃入民舍，草檄分路四發，暫駐。



陽朔召焦璉於平樂入授湖南將周金湯熊朝佐亦至檄  
簡討蔡之俊先入城宣式相令僉事邵之驛部署璉兵人  
情始定何騰蛟自永寧馳回集胡一清趙應選等數千人  
入守三月

大清兵至桂林式相及騰蛟出禦退之加少師賜精忠貫日金  
章璉等皆進爵式相念南寧蠻鄉非駐驛所日為迎駕計  
以

大清兵尙在興安與騰蛟且戰且守謀復全州以恢湖南式相  
為相持大體雖際喪亂動引古義如立治朝多所匡正廣  
西南紀事 卷四 七 邵武徐氏刊

西巡撫魯可藻自署兩廣故例東撫稱制兼廣西西撫稱  
撫式相日方今武人多自署撫軍帥一面帝制輒自命貽  
遠人笑予代疏請御遏不可周鼎瀚以閣部擅竊式相疏  
正之武岡之亂言官彈鼎瀚以附承允入直式相票擬獨  
不苛日王沂公言進賢退不肖皆有體瀚係大臣應聽自  
免陳邦傅據潯梧自稱世守不上供式相疏駁之日今日  
功晉五等尙未裂土且海宇浚剝假粵西一隅為郊畿百  
官六師於是取給輒日世守豈老成憂國之心哉式相雖  
在外朝廷之事未嘗不極言力請疏日臣與陛下患難相

隨休戚與共原自不同於諸臣一切大政自得與聞廟議  
可否國勢所關本亂而求未治不可得也又念行在久無  
講官經筵不御石室塵封何由聞得失因手書八箴於扇  
進之是年春金聲桓以南昌歸孔有德等退軍武昌夏騰  
蛟復全州李成棟亦以廣東來歸奉表迎乘與江南響應  
式相上疏言行在大政履端謹始不可不慎臣謂廣東軍  
功爵賞文武署置一歸成棟不宜更易且楚黔雄師百萬  
騰蛟翹首威靈如望雲霓大駕遠東軍中將吏必謂朝廷  
樂新復之土成棟亦有邀駕之嫌號令既遙事機便異請  
西南紀事 卷四 八 邵武徐氏刊  
一見東諸侯俾共瞻至尊音容面為慰勞指屬然後責其  
盡意於東揣勢量情柔遠能邇道無過此王欲東式相再  
請還桂林以圖出楚不報會聞吳貞毓勸王幸廣州式相  
急使劉遠生入見阻之成棟自嶺還修行宮且邀駕遠生  
奉使至廣謂成棟日今駕駐此爵賞征伐人疑有私不可  
不嫌成棟乃止八月王至肇慶成棟陛見首言式相擁戴  
元臣不宜久勞疆場請召還綸扉以資啓沃王遣官三四  
輩召式相式相念身在西省則東朝重且時事遽難逆觀  
安危之機在外不在內辭不赴時五嶺道通朝士輻至李



元增袁彭年新自東來與劉湘客金堡等一見輒契期以肅清綱紀培植善類相勵權幸多不便陳邦傳與成棟爭寵未幾又召何吾驥黃士俊入閣祖用敝政更置臺諫行朝驚然水火日深而式耜以度量包容公忠調護舊人新附皆倚爲重成棟戰亦不利順治六年正月何騰蛟李成棟金聲桓俱敗死王命式耜代騰蛟總督川湖滇廣軍馬賜敕有曰得卿在桂朕無西顧湖南進止惟任便宜未幾衡永皆破趙應選胡一清潰入廣西式耜請以兵科給事中吳其靄監諸營軍再出屢疏勸王以歲月稍暇財力優裕宜一心并力修內治以自固嚴外備以自強且積弊之後易致振興也一才一藝之士靡不收羅幕府每慨人才凋零殆盡凡跼足而至者非懷忠抱義之人亦亂世取功名之士人之精神歲月不用之於正則用之於邪安可驅爲人用故人咸以桂林爲稷下七月式耜遣胡一清出屯全州順治七年正月尙可喜入南雄韶州肇慶大震王欲出奔式耜馳奏言粵東水多於山不利騎戰自成棟歸順始有寧宇財賦繁盛十倍粵西騎士材官南北相雜中興根本難得易失且韶去肇數百里強弩乘城亦可堅守以

西南紀事

卷四

九 邵武徐氏刊

待勤王今遂棄之悔可及乎不聽如梧州可喜遂圍廣州二月黨人獄起金堡丁時魁蒙正發劉湘客下錦衣衛式耜奏言倣擾之時宜保元氣勿濫刑詔獄追贓乃熹廟朝魏忠賢竊權鍛鍊楊左事何可祖而行之勅班四人罪狀示式耜式耜封還勅書言法者天下之至公不可以蜚語橫加考案且四人得罪各有本末臣在政府不言恐失遠近人望其何辭於後世凡七疏始改命三法司久乃論成秋孫可望襲據貴州十月孔有德破鎮峽曹志建潰式耜遣起恆書曰今東疆危迫天下事大都不可爲吾與公身爲重臣遭時板蕩不能拯救徒以一死塞責何面目以見天下士起恆奉書而泣十一月二日廣州陷五日孔有德入嚴關桂林城中大亂潰兵四掠式耜衣冠危坐署中時張居正曾孫同儼爲兵部侍郎監一清軍於靈川聞變南奔曰安可使留守獨殉社稷自江東泗水至直入式耜寓曰事迫矣公將奈何曰今日是式耜死日但陷封疆負國死悔恨耳同儼曰君恩師誼儼當共之詰旦城陷被執有德諭使降式耜不應同儼大罵白梃擊兩臂折牽出共幽一所

西南紀事

卷四

十 邵武徐氏刊



大清軍壯其義間餽酒食同敵縱飲和詩歌題牆壁俱滿閏十

一月十七日遇害桂人哀號載道初金堡戍清浪阻兵止

於桂林爲僧至是遺僧義持書上有德請收葬式相同敵

畧曰故督師大學士瞿公總督學士張公皆山僧之友也

已爲王所殺可謂得死所矣敵國之人勢不並存忠臣義

士殺之而後成名兩人豈有遺憾於王卽山僧亦豈有所

私痛惜於兩公哉然聞遺骸未殯心竊惑之古之成大業

者表揚忠節如出天性殺其身而敬且愛其人若唐高祖

之於堯君素周世宗之於劉仁贍是也我太祖之下金陵

西南紀事 卷四 士部武徐氏刊

於元御史福壽旣葬之矣復立祠以祀之其子犯法當死

又曲法以赦之盛德美名於今爲烈至如元世祖祭文天

祥伯顏卹汪立信之家豈非與其植燹倫者耶山僧間嘗

論之衰國之忠臣與開國之功臣皆受命於天同分砥柱

乾坤之任天下無功臣則世道不平天下無忠臣則人心

不正事雖殊軌道實同源兩公一死之重豈輕於百戰之

勳者哉請具衣冠爲兩公殮瞿公幼子尤宜存卹張公無

嗣益可哀矜並當擇付親知歸喪故里則仁義之譽王且

播於無窮矣如其不爾亦許山僧領屍隨緣藁葬揆之情

理亦未相妨豈可視忠義之士如盜賊冠讐然必滅其身

狼籍其支體而後快於心耶書未上吳江楊藝衣衰絰挂

冥錢衣上號哭於市見文武將吏叩頭請收葬凡兩日見

聞者爲泣下令備棺衾殮藝見義索堡書觀之曰傳世文

也然吾已得請更上書恐生事若但同我殮兩公於義盡

矣并瘞北門之園王贈式相粵國公諡文忠同儕江陵伯

謚文烈桂林旣破而陳邦傳叛以潯梧降尙可喜耿繼茂

亦畧定高廉雷瓊兩廣俱破嚴起恆從王入南寧爲孫可

望所殺又八年王入緬又二年吳三桂執王去害於雲南

西南紀事 卷四 士部武徐氏刊

距式相之死年十三矣

論曰聞之長老唐桂之際相國死義者非一而虞山瞿公

爲最以南都全盛文武在位畫江自守僅乃一年方馬百

戰精旅望風降附視去其君如塵垢瞿公名爲留守身無

見兵徒以忠義激厲二三羈縻強悍之士困守孤城餉絕

援窮人無怨叛力竭而死公何憾哉張司馬別山斷臂不

屈無忝前人金堡稱其有過人之才氣良然

嚴起恆

嚴起恆字震生一字秋冶浙江山陰人從父誼官京衛舉



順天鄉試崇禎辛未成進士授刑部郎中刑廣東多所平反擢知廣州府餽遺卻絕有自粵西載乳石峯如玉筍者三以獻起恆列之堦前署其堂曰留石及遷斬黃監司石留廣州由是清節大著壬午移上湖南道京師陷歸紹興福王時移衡永守道南都被罷居南寧桂王卽位肇慶知起恆名擢太僕卿尋晉戶侍郎召赴行在改兵侍郎陞戶部尙書再晉吏部尙書

大清順治四年丁亥八月王在武岡晉內閣大學士加太師十一月王還桂林起恆與瞿式耜同輔政戊子二月

西南紀事 卷四 主 鄭武徐氏刊

大清兵襲郝永忠於興安王幸南寧以起恆從李成棟反正又從王至肇慶孫可望求封親王起恆持不可陳邦傅等竟矯詔封可望爲秦王可望以故深恨起恆庚寅二月尙可喜圍廣州王奔梧州黨人獄起金堡丁時魁蒙正發劉湘咨下錦衣衛拷問血肉狼籍中書舍人管嗣裘衡州舉人王夫之謁起恆曰國勢如此而作如此事奈天下後世何起恆曰吾亦冤之然無可如何也嗣裘曰誰秉國鈞而令至是相公不可爲此言起恆瞿然索衣冠請對不得入率諸臣伏沙灘求免刑式耜及勳鎮各疏申救堡等卒得不

死起恆亦罷相居平浪頃之王用李元胤請手救召起恆復入直其冬廣州桂林破王奔南寧起恆從辛卯二月孫可望遣步將賀九儀以兵入衛詣起恆舟所白事陰掣舵牙擊起恆入水左右莫敢救後三旬有青山獵人集網見虎從水次負一冠服人上山譁然登岸相逐虎置其人去冠服不敗面如生舉人杭思齋來視固起恆也密聞於朝葬青山陰賜鑑湖先生號立石可望逆形旣著王追思起恆賜諡忠靖死時年五十二後十四年子文馴走葬所求三日夜不得傍徨哀慟有老父引至議之忽失其人遂改葬桂林文馴奉母居廣西

西南紀事 卷四 南 鄭武徐氏刊

論曰起恆雖罕濟變才然居官清事主忠遭際末造行已持論確守其素使武夫悍將見而心下要亦不易論者記兩粵存亡以瞿嚴並稱又言其儀表魁梧想見隆萬盛世相臣之度遭時不造先後致志悲哉

西南紀事卷四



西南紀事卷五

餘姚邵廷采念魯撰 邵武徐 翰小勿校刊

陳子壯

陳子壯字秋濤廣東南海人萬曆己未進士第三人授編修天啓中父熙昌爲給事中論魏忠賢杖戍子壯亦以典浙江鄉試試錄語誹謗坐黜崇禎初官禮部侍郎糾唐王不法事又議宗室不宜授官下獄戍

大清順治二年乙酉春福王起子壯禮部尚書忤馬士英歸五

月南都敗桂恭王寓梧州子壯議以王神宗子光宗弟宜西南紀事 卷五 一 邵武徐氏刊

嗣大統總制丁魁楚巡撫瞿式耜等皆是之唐王立乃已王敷求舊德徵子壯入閣子壯以閩事制在鄭芝龍辭不赴而香山何吾驥應召復相丙戌秋王奔汀至上杭之白蓮

大清兵追及吾驥走王倉皇馳不知所終吾驥竟歸香山是時

僉都御史張家玉將粵兵數萬將出江西聞上杭敗潰歸東莞桂王由根監國肇慶聞子壯先王時議卽家拜大學士太保兵部尚書節制江廣閩楚軍務會唐王聿錫至廣州未果行

張家玉

張家玉號芷園廣東東莞人崇禎癸未進士庶吉士李自成陷京師家玉罵賊被縛賊愛其美秀而辨釋之家玉爲文譽賊乘間南走馬士英方與東林構難以家玉爲周鳳翔門人羅織削籍居錢塘與同邑副使蘇觀生等護唐王入閩唐王立爲侍講見政決鄭氏請出效死行間命兼兵科給事中監丞勝伯鄭彩軍先驅抵廣信解撫州圍觀生視師南安丙戌正月

大清兵圍家玉於新城力戰得出加僉都御史尋與彩議不合

西南紀事 卷五 二 邵武徐氏刊

請回粵召募兵方集閩敗報至遂潰冬十月贛州破觀生棄南安還保廣州陳邦彥諫不聽

大清將李成棟畧定漳泉將窺惠潮兩粵大震

陳邦彥

陳邦彥字會斌廣東順德人崇禎十七年間都城陷慟哭走南京上中興政要書萬七千言不報唐王入閩得其草於蘇觀生日奇才也召爲監紀推官詔至而邦彥舉於鄉改職方主事監狼粵兵駐南安數爲觀生圖計不能用及唐王事敗觀生欲度嶺議所立邦彥曰國自有主非閣下



所急今

大清軍全力在閩宜注意東備疾走惠潮因漳泉未潰以控扼之猶可及也若以擁立爲功動淹時月待敵度關而行此土崩之勢難與守矣邦彥請留一軍爲閣下固鎖北門效死以之南安士民遮道請邦彥共守不許遂全軍入廣州時丁魁楚已奉桂王監國觀生故與魁楚隙不憚邦彥引義力爭乃遣邦彥奉表勸進且迎駕已行而唐王聿錫至觀生意變邦彥至梧聞聿錫立頓足曰是尋蹤譚尙亡不日矣告魁楚及都督侯性請王速詣肇慶早正大位屬人西南紀事

卷五

三 邵武徐氏刊

救趙也會東筦焦麗到濬二鄉結保害大軍數百人其渠何不凡莫子元迎家玉入居東筦邦彥單舸赴甘竹灘說余龍乘虛攻會城龍帥舟數百道海遇大舟百餘舶於東筦焚之遂薄廣州城中民夜掠食且盡養甲遣騎急報成棟揚言便道徑取甘竹龍懼引退成棟解圍東桂林得完於是邦彥起兵高明三月成棟陷東筦家玉斂軍到濬到濬陷家玉祖母陳母黎妹石寶俱赴水死妻彭被執不屈斷支體殺舉人韓如璜家玉走西鄉大豪陳文豹聚鄉兵奉家玉進克新安邦彥遺家玉書曰成不成天也但得牽制北騎數月無西則潯梧之間可完豈是我不收功於東收功於西也成棟自是不能復西家玉使張元瑩奏事桂王加兵部尙書提督嶺東軍務右副都御史而邦彥遣門人馬應房與余龍攻順德成棟至順德龍敗應房被執赴水死四月龍再戰死黃連江邦彥棄高明收敗卒別徇江門下之勢復振養甲得降人知前攻會城謀出邦彥患之使數十騎掩其家龍山獲妾何氏子和尹虞尹爲書招邦彥不答判其尾曰妾辱之子殺之身爲死臣義不私妻子也養甲猶厚待之會郡紳李星一舉人杜璜起兵攻肇慶

西南紀事

卷五

四 邵武徐氏刊



遂殺邦彥家屬墳等亦死

大清兵攻西鄉不克家玉遣兵入東莞戰於赤岡五月復攻東莞不利退保西鄉成棟攻圍數日家玉走西鄉隨破陳文豹等俱見殺家玉至鐵岡得姚金之陳穀子等三千人攻龍門入居之進克博羅及連平長寧攻惠州不克克歸善還屯博羅

大清

兵來攻退走龍門家玉為人有奇氣少好劍術多結山澤

之豪願盼自喜以故驟而復起所至翕然時粵東起兵殉節甲於他省以家玉邦彥子壯稱首自耕夫女子至於軍伍盜賊無不識二人名字邦彥沈練家玉英果其人皆出

西南紀事

卷五

五 邵武徐氏列

子壯上子壯老臣秉直道不苟立議論為去就朝野瞻望於家玉邦彥父行兩人倚為重家玉在龍門分兵列龍虎犀象四營進攻增城入之所在鄉兵特起故虎賁將軍王興屯新會之文村高涼崔良楨潮陽賴其肖等先後聚眾攻克州縣夏六月子壯起於南海之九江邦彥來會是時成棟方東擊家玉會城虛故指揮楊可觀楊景暉及子壯婿前知州梁若衡等結花山降盜三千人謀召子壯定約子壯攻西南邦彥攻東北以七月七日城中三鼓俱發子

壯意喜謂廣城且唾手得遂先二日薄城家人盛服至城

下張檄被執可觀方與景暉計事聞子壯攻城驚曰死也

奈何必泄矣語畢捕去養甲使引餘人可觀怒曰今日丈

夫斫頭耳終不緩一死殺天下英雄也並遇害花山人皆

死子壯駐五羊驛邦彥後至曰公無再誤今成棟必遷救

我伏禺珠葦間火之公大艦嚴陣待其西成棟敗城必下

矣計定成棟過禺珠洲勢甚盛邦彥火舟少衝之焚其數

舟成棟引而西邦彥尾之平明迫子壯軍子壯軍不知邦

彥至望帆檣蔽空上以為皆北舟陣動子壯倉卒傳令不

西南紀事

卷五

六 邵武徐氏列

及後軍拔船先走成棟因擊之遂大敗子壯退保九江邦彥乃收兵攻城城中揭可觀景暉首邦彥哭祭之知事不濟退破三水會總兵霍師連於胥江前御史麥而炫復高明以迎子壯湖南道黃公輔御史連城璧亦攻下新會新寧八月清遠指揮白嘗燦殺知縣何甲迎邦彥邦彥以清遠廣州咽喉引兵赴之因橫江樹柵絕嶺東餉道九月成棟水陸二萬爭清遠會北風起師連以火舟出柵大戰成棟敗走悉舟追之風忽反成棟還戰師連舟迫柵不得入遂潰師連死精銳盡喪成棟進攻城邦彥嘗燦與大學士



宋學熙嬰城守十日不拔乃穴城及城實以火器戰酣城崩十餘丈嘗燦死城陷學熙自縊邦彥猶率數十人巷戰自辰及午肩受三刃走學熙園亭題詩於壁赴池水牽出致廣州使作書招子壯邦彥曰陳督師誓扶弱主此之邦彥未敗時有一日則盡臣子一日之責邦彥有死不能爲此也養甲使醫視創膳夫進食並笑卻之九月二十八日磔於市年四十五臨命歌曰天造兮多艱臣也江之澣書生謾談兵時哉不我與我后兮何之我躬兮獨苦匡山多忠魂後先照千古肝忽躍起擊監者面驚怖數日死始邦

西南紀事

卷五

七 邵武徐氏判

彥在三水欲練兵足餉大舉倉卒赴清遠布畫未定又大風忽反天敗霍師連故速卽於難子恭尹走增城父友湛粹破千金匿之十月成棟馬步萬餘至增城家玉緣溪設險分兵爲三以自救成棟令杜永和闔可義分攻之大戰十日力盡而敗或請潰圍去家玉曰矢盡礮裂欲戰無具將傷卒死欲戰無人丈夫立天常犯大難事勢已去鳥用徘徊不決坐待執縛以頸血濺敵乎哉起徧拜諸將自投野塘中死年三十三先後從家玉死者師林游從弟有光有恒及鄧棟材韓如琰楊如遠等數十人父兆龍弟家珍

西南紀事 卷五

爲人竊匿得免於是成棟專圖子壯十一月用四姓盜鄭昌等爲導破高明殺前知縣李實蓮執子壯及麥而炫送廣州養甲厚享子壯曰不處公極刑卽威不立以犯旗示之遂衣以赭舁遊城子壯被數十刃呼高皇帝烈皇帝不絕口而炫從死是日養甲召何吾騶王士俊李覺斯黃應華諸降紳聚觀舉酒屬曰諸公畏否皆鞠躬曰畏已改容詭曰真忠臣真忠臣子壯男上圖被獲家僮伯卿請寸斬以贖主人之孤得免死戊子春贈子壯番禺侯謚文忠家玉增城侯謚文烈邦彥兵侍郎謚忠愍以家玉之封封兆龍家珍上圖恭尹皆贈錦衣官是年六月成棟以廣東歸吾騶士俊復資緣入內閣每朝會言及子壯未嘗不嘖嘖曰真忠臣真忠臣

西南紀事

卷五

八 邵武徐氏判

論曰董先生瑒與恭尹交詢邦彥遺事言於書無不讀歲授經入以遺昆弟友戚之貧者勸止稟庭訓縣令以百金聘典家塾父弗命往弗往也及得馮氏隨筆云邦彥固子壯門人信哉其家庭師友所受不苟然乎家玉神明英暢北都陷賊審權達節已名蓋天下使聲桓舉而揚萬存成棟歸而子壯家玉邦彥猶在事詎可量哉數人者殺身成

一一九



仁然國之元氣於斯盡矣

王興

王興廣東恩平人字電輝故虎賁將軍

大清順治四年丁亥春李成棟畧定廣東進逼桂林陳邦彥張

家玉等各起兵攻復廣屬州縣興亦起兵新會新會有地

曰文村在萬山中海之濼接於新寧開平恩平陽江陽

春連廣肇二郡六邑興以成棟兵盛未可輒克乃入居文

村唐王弟聿鏘暨宗室皆往依興興奉之甚恭謹成棟來

歸桂王至肇慶遣大理鄭連城璧賚詔勞興將移其兵度

西南紀事 卷五 九 鄒武徐氏列

嶺不果庚寅冬尙可喜入廣州十郡皆附獨文村不下累

攻不能克遺臣亡將懷慕興義來附者益衆地既阻險用

桂王正朔服色以死自誓不臣於

大清乙未七月可喜大會水陸兵攻興入其境曲屈烏道刺竹

叢立多陂塘騎不得馳短兵接戰數步一折皆失所長

大清將盛登科等二十餘人戰死可喜乃斷要道重壘塹溝明

年八月文村食盡可喜惜興才復招興是時義烏金光爲

平南掾有俠氣可喜非光言不從而故相王應華雅善光

嘗爲小盜所得獻虎賁營興客遇之令應華作書曰必得

金公綸字光手書來者歸款從之乃遣使賫敕印及子五人

謁可喜可喜厚賚使人偕其使還報興終不出見是日宴

其吏士諭以釋甲無貽害生靈夜分具衣冠舉家自焚聿

鏘亦吞片腦卒興又有幼子五人可喜並善待之是歲桂

王入緬興以全滇俱破行在無主決意罷兵卒以身殉

西南紀事卷五

西南紀事 卷五 十 鄒武徐氏列



西南紀事卷六

餘姚邵廷采念魯撰 邵武徐 翰小勿校刊

李乾德 楊展

李乾德字雨然四川南充人崇禎四年辛未進士歷官湖南巡撫禦張獻忠於長沙敗之後力不支退屯貴州之麥川以圖興復會袁韜武大定自順慶敗而南乾德承制撫之初獻忠部賊袁韜有罪當斬率數百人亡命聚衆日盛號姚黃十三家所過焚殺督師王應熊授以副將使守順慶小紅狼別部武大定先降於總督孫傳庭傳庭死保南

西南紀事

卷六

一 邵武徐氏刊

大清兵擊敗之喪失婦女輜重畧盡收餘衆萬餘棄順慶而東過涪入山由武彭以趨黎川歸於乾德初曾英戰沒守涪者爲英部下涇陽李占春項城余大海聞袁韜由順慶南下占春等避之東走夔州會朱容藩自肇慶入蜀取道施州衛溯江西上說占春大海將其衆復回時

大清兵迫袁韜等陸行新鎮盧光祖以舟師泊湖灘所將皆曾

英舊卒不意占春等猝至戰不利

大清兵以全蜀殘破亦北還順慶占春乘勝復至涪結營忠州

之平西壩號萬姓營大海屯花陵河乾德既得袁韜武大定兵亦獎率之返關入佛圖關據重慶韜自恃兵強欲踞諸軍上古春宿將耻爲之下謀夜襲韜軍取乾德去乾德

素善占驗夜觀星象與韜言宜有急兵是夜占春至有備不能克乾德已徙他舟獲其家口且復還之乾德雖書生負宿望故諸鎮爭得之以爲重已進爵至太師咸稱李太師云武岡之變或傳王被執朱容藩在夔自以宗室冒稱楚世子監國招討副元帥諸將皆賀乾德故不平未幾故相呂大器自黔來過占春營具言王無恙容藩僭竊不宜

西南紀事

卷六

二 邵武徐氏刊

輒受爵號占春遂不復事容藩於是乾德傳檄聲容藩罪容藩益困乃北依三譚以兵攻石柱司占春救之容藩敗走爲追者所殺大器徧歷諸營太息謂乾德曰楊展志大而疎袁武忍而好殺王祥尤庸懦不足仗蜀事其尙可爲乎回黔至獨山州發背卒乾德及袁韜等既與占春構隙且重慶乏食乃使人說楊展與合兵

楊展字□□四川嘉定州人崇禎七年甲戌武進士官廣元守備從巡撫龍文光入成都補川鎮中軍張獻忠破成都展被執送脫其縛入江涸水而下至嘉定曾英等兵起



展亦乘間入健爲殺僞令進攻州城州人開門納之展遂據嘉定獻忠死其黨散走蜀地俱殘破歲復饑

大清

兵北還嘉定近省而險屢善於撫衆遺民餘寇相率歸展獻忠將去成都犍金玉沈諸江展使壯士乘巨筏探求之數月獲大鏹鉅萬計民間饑饉厲疫相仍斗米至三十金沿道餓死或父子相烹食展乃遣使百餘輩赴黔楚告糴前後入米數十百萬石自鄉先生以下及弟子具贍資朝夕與處農人給牛種口米擇田而耕願從軍者補伍百工雜流各以藝就食貧無告者廩之於是巴蜀子遺賴以全活甚衆是年秋大獲展遂雄視全川川人走四方者述展慈愛莫不流涕順治五年戊子封爲華陽伯晉錦江侯以旌展功乾德使至展意已與乾德俱蜀人又有袁武之助大喜約爲兄弟居之健爲供億相望於道久之展復與占春通問袁武請丐無已展不能悉應遂有隙乾德屢諷展經營川北展不能聽乾德亦薄展終不可與有爲而謂袁武驍勇才氣足資謀欲殺展而并其衆適袁韜生辰展具舟親以牛酒貨幣致祝并犒其師韜治酒高會展以甲士五百人長刀自衛入夜犒從者酒五百人皆醉卽座上

西南紀事

卷六

三 鄒武徐氏刊

擴展囚之別室尋殺之因發兵圍嘉定請將率展妻及子景新誓死以守久之城中飢人漸有異志王祥曹勛李占春等援嘉定者皆敗去於是內應者以城降夫人自縊景新北走展士馬財賦盡歸於韜大定衆論俱不直乾德宜賓樊二衛貽書誚讓之詔切責乾德問展死狀諸鎮上書請會師致討會粵東湖南喪師而止庚寅孫可望據黔將圖蜀乃爲展訟冤聲乾德及袁韜等罪遣王自奇將兵三萬由川南進別遣劉文秀精甲萬人由滇渡金沙江踰大索象嶺過大渡河出黎州取曹勛以襲其後韜等不知方悉力拒自奇川南月餘文秀由黎雅趨嘉定韜等撤師還救六戰六勝自奇自後掩之遂大敗韜遂大定就執乾德全家自沈於水死之可望以白文選鎮重慶守四川論曰士不講學敦本而競談縱橫功名鮮不敗天下事者蜀遭寇難生民以來所未聞而得楊展爲之安全咻喚豈惟展賢蓋亦有天意焉李乾德虐民而背天是以負展名隳末路功卒不就死有餘恨縱橫之害於茲可鑒矣

西南紀事

卷六

四 鄒武徐氏刊

王祥 皮熊

王祥四川綦江人崇禎末爲九圍子隘官素號勇悍張獻



忠陷四川惟遵義未附大學士王應熊還自京師承制卽遵義置幕府以滇人馬乾行巡撫事與監司劉麟長王芝瑞等傳檄縉素討賊邑紳刁化神以鬼術募兵甚夥應熊使涪將曾英襲取之遂收復重慶祥亦出師綦江與相犄角祥威望不及英而幕府委任過之順治二年丙戌十一月望

大清兵入西充斬獻忠孫可望等南奔過重慶擊英殺之是月抵綦江明年正月由遵義入貴州祥等走永寧山中

大清兵畧定蜀地巡撫乾於內江被難芝瑞麟長皆從間道歸

西南紀事

卷六

五  
木  
孫  
氏  
刊

應熊薨於畢節衛祥於永寧赤水間招集潰兵及賊之散者聚至數萬人復入據遵義撫諭屬邑及綦江內川皆下遵義地饒而阻士大夫避亂者多歸之戶口充實雄於諸鎮朝廷用御史錢邦芑言封祥爲平寇伯平寇故曾英封號祥得之一時以爲榮而英舊將李占春等弗服也會袁韜與占春爭長相攻祥惡占春之強思與韜合誘占春計事伏甲執之占春殺守者逸歸由是諸鎮疑貳日尋私鬪未幾祥又舉兵攻皮熊於貴州

皮熊本名羅聯芳字□□江西□□人爲貴州偏裨

范鎮薦授總兵孫可望入貴州破熊兵烏江熊走平溪可望旣南趨滇熊再入平越收兵復黔破土賊藍二等封定番伯遵義饑王祥告糴於黔熊以爲詞已虛實不聽糴部下掠奪祥憤怒攻熊圍黔省三日敗而還熊陳祥越境見侵之罪請會諸鎮進討大小十餘戰不能克各引去惟黔兵連戰深入相持月餘乏食熊子文英爲兵主不能撫循戰敗退走祥悉銳乘之黔兵大潰爭渡獨烏江死者二萬餘人祥亦上疏自理有詔和解盟於烏江而罷兵於是

西南紀事 卷六 木孫氏刊

誘致黔國公沐天波士司皆畏迫受約束兵衆日盛將爲西鄙患行朝憂之蜀籍紳程源梁應奇辜苑泰等先後赴肇慶言祥雄武可大用乃封祥忠國公熊匡國公並建黔播重鎮以防雲南順治六年己丑冬可望自雲南出犯貴州熊不能禦走清浪可望使白文選追執熊釋不殺因使盟祥祥狐疑未聽可望怒使文選將二千人赴永寧守將侯天錫迎降給報祥曰滇兵二十萬已渡烏江戒期夾擊矣祥懼召諸將謀驍將李定進曰二三年操刀同室雖捷亦耻今拒賊望勝則直規西南不幸而敗不失義鬼仁公



何復疑乎祥終猶豫自計由真安州入隆武彭水間險隘可守引李于為唇齒無慮乃裹其文繡珠玉金寶使牙將以竹夾三千頁之先行賓佐諫曰公如此舉動彭水可得至乎董卓公孫瓚真何代無賢衆心盡解多送款可望可望疾發兵掩之祥夜走牙將已先剽其資去且失妻子從者纔百餘騎祥大哭追至馬蹶不能行率死士短刀突戰殺百十餘人創重自刎死明年可望將盧名臣下涪州李占春戰敗野猪寺口及余大海俱順流下楚降於

大清皮熊居黔中亦不復仕熊壻張默為水西宣慰安坤師康

西南紀事

卷六

七 鄒武徐氏刊

熙元年壬寅有常金印者自稱開平王後在霑益州被獲詞連坤平西王吳三桂奏請討水西駐師二年執坤并及熊翁壻熊年已八十餘抗節大罵遂自絕食飲四十日而死一時哀之

論曰宋之為兩川者前有吳璘後有余玠至劉整以瀘州降元遂順流下襄陽江淮俱不可守矣地無險得人而固豈不為明驗乎桂王之時荆揚雖去蜀黔上游固自在也而謀國者曾不以為虞置將如王祥皮熊一戰而敗宜也雖然熊之志存故國久而不怠經險乃見駑駘棧豆於祥

有之身死為笑曷足惜乎

西南紀事卷六

西南紀事

卷六

八 鄒武徐氏刊



西南紀事卷七

餘姚邵廷采念魯撰 邵武徐 翰小勿校

金堡

大清師下杭州餘杭人姚志卓起兵復縣城殺新令堡往依之  
志卓敗走富陽堡渡江依鄭遵謙是年唐王立魯王猶稱  
監國除堡職方郎中不拜間關走福州上書略曰臣伏讀  
殿下出師之詔叩頭流血謂殿下立志如此必能光復二

西南紀事

卷七

一 邵武徐氏刊

京逮瞻企逾時奉華未出使觀望者離心即砥礪者亦懈  
體故千里赴關迅請六師甫至金華徽州告陷若兵從淳  
安順流而下則方國安之兵腹背受敵從開化步騎並發  
直走諸暨則鄭遵謙之兵水陸夾攻是無浙東也藩籬既  
撤堂奧震驚臣恐八閩亦難安枕今日為天下大計兩言  
而決耳曰殿下出關則混一可期不出關則偏安亦不可  
保今日為江左急計三言而決耳曰不復徽州不可以保  
浙東不復浙西不可以絕杭州不復上江不可以制金陵  
請命定邊侯鄭鴻達精兵疾走徽州即恢寧國而杭州之

事一委之靖邊侯方國安計國安未能越杭而略浙西則

姚志卓勇而知義有衆七千見屯臨安全營可拔金有鎰

殺妻子而與師力戰三捷威名頓著鄭遵謙列營江上固

守紹興之外猶可出偏師以相犄角三將合勢出沒嘉湖

蘇松之間絕其糧道斷其聲援不過二旬四郡之兵伏而

未發者收之可得十萬即杭州守兵直游魂耳按臣黃澍

願以身任上流誠能破羣疑以責後效使左帥部曲一呼

而應亦足聯橫江楚與諸將會於南京然後徐圖冀北此

所謂三言而決者也殿下躬擐甲冑謁孝陵此自日夕

西南紀事

卷七

二 邵武徐氏刊

瞻新義不旋踵而尅期屢改計羣臣所以愛殿下者不過  
曰天子之出宜萬全兵饑未充不敢以君為孤注而已漢  
光武騎牛殺尉有何富強之可因麥飯滹沱有何萬全之  
足恃藉令殿下不階尺土遂不能徒步奮呼建中興之大  
業乎且宋真宗據天下之全故奸人得進孤注之論今殿  
下親高帝之孫身託天南時危勢迫方當自以為孤注激  
發忠臣義士之氣何地非饜何將非兵若直為此遲回坐  
失大信於天下豈有空言籠絡足以感動人心者臣恐敵  
國有以窺殿下之淺深事必敗矣此所謂兩言而決者也



王召對嘉其才氣且大用堡見閩事不可為自請會師錢江經略三吳以禮科給事中兼職方員外郎出監鄭遵謙軍順治三年丙戌正月堡至錢塘江遵謙拜詔將遣子懋繩迎駕越中文武大譁以堡故不受魯王官而從閩復至動搖人心且黃澍已北降

大清復疏閩中願享上江歸朝并合何騰蛟通劉洪起規取中原冀滿前懸堡信之固謂可用以故羣議不服陳函輝密啓魯王請殺堡堡上啓以為更始稱尊劉賴止居大司馬之位湖陰繼統劉崇亦守節度使之官賴甘以賢讓不

肖崇豈甘以父讓子哉恐一家之中有二天子即外患得以相乘也殿下以姪事叔則唐王既非湖陰以賢事聖則唐王并非更始即上表稱臣拜疏迎駕豈遂為屈已乎兩

大相抗必至於離兩離相見必至於敗使敵國得乘瑕觀變坐收漁人之效恐文武諸臣不得辭其責矣詩云兄弟鬩于牆外禦其侮今當禦侮之時自啓闕牆之憂竊為殿下惜之殿下誠能息羣噪以奉一尊異日光復二京祇謁寢廟唐王之功不過漢光武而殿下之德乃過於周文王厚實不虧而顯名爛焉即唐王亦安能屈殿下哉不聽令

旨下法司究問堡奔黃鳴俊於衢州還至行在請終制不許夏浙東陷七月

大清兵度仙霞八閩大震堡以三策說上言今日之勢誠能大戒文武直走湖南用何騰蛟之銳竟擄荆襄傳檄雍豫中原秦傑必有響應聞之者以為殿下從天而降此上策也移蹕虔州疏通江廣兼顧閩浙丁魁楚後助於南雄萬元吉前茅於建撫急呼楚師為之連臂此中策也撫慰潰亡并力一戰勝不虛生敗不徒死此下策也若往來延建觀望經時輕騎叩城避不暇出為無策矣上不能用堡屢疏

語侵鄭芝龍芝龍欲殺堡曾樓密奏上請聽堡終制以安全之堡遂去及閩敗卒如堡言是歲堡避地湖南遣督師大學士何騰蛟書言中朝舉動無以大服人心小則有河

北方命之憂大則有許下擅權之憂即使光復二京亦非國家之福騰蛟深以為然丁亥十一月以瞿式耜薦達肇慶行在上疏陳八事一曰朝政不宜獨專也臣謹按祖宗設官雖閣臣不攝部務文安侯馬吉翔護殿下於險阻之中積有功勤賞以通侯誰曰不可前者閣銜之加吉翔陳誼力辭可謂有體然辭閣銜而不辭閣權得無避名而居



實乎勳臣有事則挂印專征無事則理京師戎務其不侵  
大臣之官者制之也其并不掌衛臣之事者尊之也吉翔  
督理京營擊錦衣衛則已自褻矣復參與機務是內閣也  
與會推大僚是六部都察院也章奏進止悉在其門是通  
政司六科也詒敕經其看詳酌定是翰林院也出入內庭  
口傳天語是司禮監也舉天下人之分理而一人任之三  
百年無此法三百年亦未嘗有此人權震世者主危威震  
主者身危度亦非所以愛吉翔也一日勳封不宜無等也  
思恩侯陳邦傳攘反正之伐遂晉上公已爲江粵諸勳所  
西南紀事 卷七 五 鄧武餘氏刊

旨漸滿如奉驕子使得借朝廷之刃殺朝廷之人跋扈神  
飛忠貞解體殿下一詔削其官聲其罪使天下知其爲  
國法所不赦卽幸逃斧鉞亦必有斬木揭竿爲萬姓雪憤  
者秉忠特獻忠之續耳殿下何憚而不爲也一日中旨不  
宜續傳也臣聞輔臣票擬不當上心駭改再三竟傳中旨  
者果出自殿下之意乎祖宗朝軍國萬幾上每日御文華  
或在煖閣召諸大臣面決可否卽廟算確有稟成而票旨  
仍歸閣下所防在旁之奸絕神叢之借也今外廷之臣脂  
韋多而骨瘦少大之不能引燭焚詔小之不能叩閣力爭  
西南紀事 卷七 本 鄧武餘氏刊

笑一旦世守專恣妄行臣察潯州奉旨則居守耳以居守  
之旨行世守之敕可乎有此敕是交通干亂政之禁無此  
勅是矯詔犯不道之誅且朝廷頒賞自有常經功不一人  
漸何可長使封疆可以割裂則天子將爲寄生是可忍也  
孰不可忍也一日罪鎮不宜久縱也闖賊郝永忠本我寇  
仇暫歸縲索未嘗遇敵一戰而震驚乘輿戕賊內地頃且  
殘靖州逐勳鎮矣陳友龍反正之後有力恢寶武之功永  
忠徧布流言謂勳輔騰蛟令其報仇欲以離義士之心敗  
督師之望永忠降敵不可事主無能勢且白頭作賊而敕

而重大機宜令輔臣上前公擬取自聖裁務求至當殿下  
既有憂勤之實且得以長料事之智益知人之明奈何使  
天下之人一疑其斜封墨勅一疑其口勅處分也夫用人  
而傳中旨雖君子亦謂之進自他途行政而傳中旨雖良  
法亦等於出之私意也一日貪墨之風不宜自內廷始也  
納餽得官殃民蠹政殿下旣不能禁之於外矣亦宜謹之  
於內乃一朱議沈也明目業云撫按交參贓私狼籍而聽  
其輸餽令都察院嚴迫進解未幾命以監司推用矣未幾



復補平樂知府矣使議沈而賢者則無賊可追議沈而不肖僅有罪可贖論語曰子之不欲雖賞之不竊今遂賞其竊矣然則輸饒有異於分賊乎都察院非追賊之官平樂府非償贖之地是一舉而三失也朝廷不以正率安能申飭羣工卽日下哀痛之詔何益於民生吏治耶一日調停之術不宜自言路開也言官者是非可否所從出也天子曰是言官曰非大臣曰可言官曰否言官固未嘗無功罪也潘世琦之與呂爾璵一旨而得兩非吳其震之與謝昌三疏而未嘗存一是顯示以不明不白之狀而隱示以一輕一重之權則陰陽消息之禍必有不可勝言者矣夫使言路可以調停則天下復有何事可容分別此固巧於立仗馬寒蟬之榜樣者臣不願爲殿下聽之一曰義兵不宜概行摧折也天下之以起義冒官而行私者多矣然在朝廷自有機權以鼓舞開其初以察覈謹其後耳秦皇四海旣一且以銷兵生草莽之心今戰爭未已每見歸農之令將無早計乎道路爭傳揭示通衢謂破家起義全髮隱山八字見之欲嘔以臣虛公之論行已各經權彼此不容偏廢凡爲國家矢報智以濟忠者上也愚以成忠者次也其

西南紀事

卷七

七 鄒武徐氏刊

中破家起義亦有用之才全髮隱山不過無用之士然揆之名教未爲得罪亦何至於欲嘔哉夫出於一已者固天理之存亡傳之四海者卽人心之嚮背不可不慎也一日奉使不宜濫及非人也聲教旣阻文告爲先荆棘少通使命特重或以一人規一路或以一路規四方朝望旣輕首尾皆斷今負販之夫苟且得官皇華載道頃聞恭慰山陵令江右賫奏通判吳之俊加以部曹附便前往此何等大事乎南都自有親臣大臣如不可往復安用此謂殿下輕天下可也倘謂殿下輕祖宗可乎周鼎斲以小人之尤不容於朝姑爲畫錦之計而明旨令以原銜頒勅辱朝廷而羞當世之士夫四方以二祖列宗之歌思未嘗敢有輕殿下者奈何用匪類以自輕也疏入陳邦傅馬吉翔諸用事者皆大愾李成棟使人讀堡疏驚曰朝廷尙有如此人乎卽日以原官掌兵科堡直聲震南中旣受命復上疏臣竊惟天下之勢起於西北而迄於東南今乘輿越在端水尾不可以起脊雖運會日新譬之散錢未見能貫夫耳目不限一隅而精神周於六合使英雄競起咸仰天子明見萬里之威然後可以大一統殿下不以臣不肖俾承乏兵垣

西南紀事

卷七

八 鄒武徐氏刊



其籌畫固與中樞相表裏則在兵言兵不敢以芻蕘自匿也古之有天下者橫戈躍馬以爭中原則八閩兩粵無暇顧盼乃者警蹕所在卽八閩得爲兩粵之重輕勳臣李成棟以全力下虔期會章門而偏師駐於潮惠則欲使海波不驚亦宜有將伯之助臣昔事思文皇帝矣鄭芝龍欲以私憾殺臣而臣獨知其子賜姓成功樸忠勇敢氣志過人頃聞血戰三年不視芝龍一字蓋匪躬之忠幹蠱之孝未有如是兼至者也臣察閩中兵非寡弱特以兵不一將將不一心彼此相顧無由獨發殿下何不特詔一以其事

西南紀事

卷七

九都試餘氏刊

責之成功使得合將士之渙離戢宗藩之覬覦陸以通入浙之關水以斷窺粵之路卽自溫寧以抵登萊悉有奇兵並擣之用此當議者一也三吳爲財賦輿區賢士大夫之所聚倡義之烈及今未散殿下慎選大臣勳德才望足以服人心而操大柄者命之督師南京未復則可以宣布威靈奮揚旗鼓已復則可以肅清宮禁祇謁園陵經理征輸疏通師旅然後開府維揚合山東而恢河北此當議者二也湖南諸勳曹志建趙應選等旣至衡陽宜以一往之銳竟出茶陵與豫章合勢湖北諸勳馬進忠張光翠等直走

武昌三路建瓴不期可會然後督輔騰蛟居中節制仍於

武昌謹備行宮以待駐蹕此當議者三也制輔胤錫已合

夔門之兵矣臣竊意李赤心十一部出河南而譚文等分

兵助川督出陝西易地則無功也夫吳三桂之據長安也

必一得當以報我矣起而與赤心爲仇則勢不可以速下

胤錫之調度故已得宜然後鎮襄陽以結三川秦豫之局

此當議者四也夫如是囊括四海之槩殿下已運之掌中

矣殿下整肅禁旅朝夕組練親御甲冑由楚以恢西北此

大聖人之所爲一統之全局也由江以奠東南此中材之

西南紀事

卷七

十都試餘氏刊

所爲偏安之半局也殿下緬思二祖列宗之鴻功知必不以中材自畫矣時李成棟方出江西應金聲桓何騰蛟亦由衡永將規長沙堡志意弘遠謂中興可立待意欲南合朱成功東合三吳之士西合譚文等圖北方次者亦取南京然譚太圍南昌益急而高進庫堅守贛州成棟不能進未幾馬進忠李赤心棄常德來湖南湖南軍亂朱成功譚文等卒無成而吳江吳易松江吳勝兆陳子龍寧波華夏餘姚王翊會稽陳天樞亦已先後敗矣湖南南北嶺東西間屢失屢復悍兵驕將剽掠征派彼此設官張吏民不堪命



而黔蜀諸軍無重臣彈壓自相吞鬪所在崩解為敵所乘  
 堡痛憤以為內廷不守法度故外臣不奉節制太阿旁落  
 故非朝夕願朝廷赫然震怒整率六師申明約京厚集禁  
 旅以重馭輕高皇帝時命將四征皆聖祖親為部署可法  
 也夫朝廷根本豈待遠觀使馬士英不相則左良玉安得  
 稱戈劉承胤不將即張先壁何辭稅甲惟廟堂之上處置  
 失宜而邦域之中繼橫並起遂使一家為鴟蚌之持鄰邦  
 獲漁人之利覆轍昭然惟殿下留鑒戊子正月陳邦傅修  
 怨於堡請為監軍大學士朱天麟擬旨著即會議丁時魁  
 南南紀事 卷七 丁時魁

怒曰堡論邦傅即請監紀堡又論郝永忠若請其頭亦與  
 之耶率科道官十六人入丹墀大呼繳印於內閣王方燕  
 語聞變翻茶沾服命李元胤出諭諸臣供職天麟即日罷  
 相堡陳謝李成棟金聲桓敗書踵至堡方註籍聞報即出  
 上疏言江廣反正在我為忠在彼為叛諸臣自計身家退  
 死進生不待智者而決國可義出鎮南雄而分李棲鵬守  
 韶州即勢益盛國社永初當移時也董方策金國而歸銳  
 氣未挫當扼守英德清遠策應南韶察廣州諸鎮微有不  
 相下之心樞臣劉遠生將命月餘已著誠信請再勅之往

相機調度布置可周三水一帶必厚集水師今哨船每處  
 不過千人當增益之聞王興可用請遣連城壁崇陽舊旅  
 可用請遣朱盛濃至懷集一路直通德慶若以輕騎徑擣  
 則東西路斷當設重兵戍之葉承恩兵少此當別議徵調  
 也京營不飭臣曾言之亦未見募練則總督戎政馬吉翔  
 總督禁旅李元胤之責也今年木星逆行留太微垣熒惑  
 復犯太微豈有天子所在無精甲萬人可供一戰者乎寶  
 衡再陷粵西剝牀胡一清新敗之後孤而無援焦璉之力  
 不能兼顧東事聞劉才鼎有眾三千馬五百匹當別勅調  
 南南紀事 卷七 丁時魁

之以備緩急之用留守禮式藉已赴全州西據督選推定  
 王論堡即出視事堡豹貌癯而行清任剛先物與袁彭年  
 丁時魁蒙正發劉湘客彈劾依附中外號為五虎其劾何  
 吾語多過激劾呂爾璵疏有昌宗之寵方新仁傑之袍  
 何在等語犯上無忌王及慈寧王太后故銜之一日太后  
 垂簾召吾騶堡為解釋堡對復忤慈寧宮人郭良瑛為  
 司禮監夏國祥妻有寵於慈寧堡參吾騶及國祥由是禍  
 機遂烈孫可望使楊畏知來貢請王封堡固爭三百年無  
 異姓王且可望啓而不臣其心可知惟朝廷裁之以禮無



爲所挾持傳笑遠邇大學士嚴起恆主堡言而陳邦傳矯制遣胡執恭入雲南封可望爲秦王堡論邦傳執恭交通販國罪朝廷不能問是時李元胤善堡諸忌堡者稱爲護法韋馱杜永和雅重堡才望然怪其汲汲持論嘗因入朝請罷六科會議堡爭之己丑正月南韶破

大清

兵數道俱進王遽議西避堡固爭東西將士恃乘輿威靈效死守戰王一動人心搖兩會城必難保且國家更有何地可適邦傳非社稷臣忠貞破亡之餘不可恃舍此而西則依賊望後必悔之不聽二月四日王舟泊梧州江干廷

西南紀事

卷七

聖武紀餘氏刊

臣合議論五虎結黨擅權欺君誤國舉下堡等錦衣獄杖八十堡劄特甚碎礮出復甦大學士嚴起恆申救三法司會識成堡清浪會阻兵未得達堡過桂林守輔式紹留堡書記辭曰朝廷罪人安可私佐相公且時事已去非敢愛死孔有德破桂林堡爲僧後返浙死於平湖論曰自萬曆後門戶之禍與國相終始卽五虎之獄舉朝鼎沸越數十年猶傳聞異詞嘗嘗交半學士大夫動言好古尙論之難若是余纂金堡傳凡數更卒乃存其奏議略其彈文俟後之君子討定焉堡爲僧後嘗作聖政詩及平

南王年譜以山人稱頌功德士林嘗之余初未信及問之長老皆云要之堡之才氣自不可及哉

鄧凱

鄧凱江西吉安人其先自河南新野自言家族雖微受國世恩性粗慧讀書知忠孝節大學士楊廷麟等建義贛州凱從之及敗督師萬元吉吏部龔葵寄孤於凱凱故不死順治四年丁亥冬抵攸縣知其父以去年三月被掠受戮歸舉旅爲父復仇九通家門不入久之兵散潛匿吳楚山界時兩廣已破桂王入安籠

西南紀事

卷七

聖武紀餘氏刊

大清  
大清續形購凱甚急凱仰天曰得一面吾君死亦瞑目乃冒險西行丙申十一月入武岡州爲孫可望所阻隱於永寶山戊戌二月始達滇都陞見命守大明門四月

大清

兵破貴州十一月七日桂王命內臣李崇貴召凱入論曰爾老成忠義可護東宮望發滇都每過灘逢險必下馬扶掖明年己亥正月四日王入永昌府留四十日又正月望發永昌十八日至騰越府二十日發騰越扈駕斬統武所部皆可望舊兵二十四日將下營尙未炊揚武營到言各營俱散追騎甚迫馬吉翔李國泰趨王卽行夜迷道散走



左右旋及明仍在故所貴人宮女文武資囊盡掠去獨國  
泰吉翔輜重無恙晨遇孫崇雅亂兵在後者復被害又明  
日統武間道棄王去二十八日王入銅壁關是為緬境緬  
人來約去弓刀勿驚百姓衆不肯吉翔傳旨遂釋兵器沐  
天波欲奉王子入茶山后不可二月朔至河緬人詭甚以  
四舟來迎令半從陸路發吉翔等不顧王太后東宮遽開  
船太后怒王曰老母且不顧及此何怪行延久十八日始  
至井梗緬人止勿進二十一日報

大清兵四路來請勅阻之議可去者各推談凱奮然曰主憂臣

西南紀事 卷七 五 補武徐氏刊

辱一死何辭行人任國重願同往吉翔恐宣其過惡語緬  
人曰二人無家口在去不來矣會報各營去乃止緬人以  
勅書與神宗時勅寶差分寸不信出沐國公印乃信天波  
欲道戶臘走孟養吉翔力阻而先發陸路者以前白文選  
兵抵亞哇城肆殺掠囊飽去於是緬王悲曰此非避亂來  
乃圖吾國為內應外攻兵耳發諸蠻圍之多被其死傷或  
逃各村者晉王總兵潘世榮降緬通政朱蘊金翔中中軍  
姜承德各縊死四月蠻漢報有兵來迎駕姓祁名三昇克  
不可當遣錦衣衛丁調鼎考功司楊生芳往吉翔勅勅與

緬薩官曰朕已航閩凡有官軍俱斬訖報五月五日發井  
梗七日至阿瓦城八日至者梗奉王居竹城草房十間軍  
官各架竹屋緬婦日貿易如市人人以為太平舍禮貌而  
嬉達官徒跣短衣席地笑語緬官熟視曰天朝大臣行止  
如此天下安有不失乎八月諸蠻朝緬沐國公過河令跣  
足以臣禮見歸而泣曰吾為上屈任國璽及禮部楊在各  
疏劾留中王病足苦號諸臣酣歌自如蒲樓居西華門大  
開賭市晝夜呼盧王親與楊太監爭賭不明拳毆至碎衣  
帽九月十九日緬進稻穀吉翔宰分私其戚凱不平曰老

西南紀事 卷七 六 補武徐氏刊

賊生死尚不知死後厚藏何人惠受翔步將推凱失跌幾  
斃瀝血陳表追言父死難狀詰贈四代蔭子入衛九月晉  
王有奏迎駕內有三十餘疏不知曾達上覽否今與緬王  
約何地交遞諸臣在內但圖安樂全無謀議若何出險等  
語久之無聲聞又拔營去有潘璜者幼而傾險能緬語謂  
緬消息以誣上翔女以女翔牢籠文武求職者俱稱門生  
湖廣道御史鄔昌琦自蠻漢來翔奏曰昌琦忠貞此日行  
囊蕭條賜金二兩陞河南道掌六科事任國璽欲轉江西  
道亦稱門生凱譏之答曰吾非為官居臺中可劾吉翔烏



撤知府王祖望晉藩下人頗知醫一日中宮病用藥稍愈  
翔其凶暴以禮部主客司許之初司禮李國泰稱頌強  
翔有過輒舉拳前殿翔謂人渠用拳我止用一勾誘之雙  
陸說以錢輸又向泰貸銀月倍息泰自是歡言無間遂爲  
腹心友矣翔奏合奏外有大臣三日不舉火者王怒擲皇  
帝之寶命掌庫太監李國用碎之國用叩頭曰臣萬死不  
敢碎此寶翔泰鑿碎散給次及凱凱泣曰凱無勞於國且  
福薄誓飢而死不受鄧士廉陞吏兵二部尙書敬阿翔每  
事必先通翔弟雄飛擬出外任都御史翔壻楊在守正常  
西南紀事 卷七 七都武徐氏刊

殺四月蒲纓索翔滇都通賄銀兩以前元江土官圖總督  
勅印開緬甸爲省備行在奔幸聽許八千時翔泰同心則  
事成矣因翔欲獨肥故遷延然纓已代土官輸百金翔不  
應遂發其事衆議償半五月翔泰請開講任國璽不可後  
五日傳禮部楊在侍東宮講書賜坐是月廿三日緬酋殺  
兄尊位來求賀七月六日緬護守官使通事來言勞苦三  
載老皇帝及諸大臣何以答我前年五月我王子欲害汝  
我力保之王不能應諸臣亦無與者緬官含忿去十六日  
請當事大臣過河俱憚往緬使來曰此行無他故我王子  
應汝衆人立心勿恆邀飲呪水可聽貿易出入不然何以  
謀日用十九日翔泰勒文武大小并去侍從無留者凱以  
傷足蹇行獨免一內臣老亦免既去緬兵三千人遂圍行  
在呼曰若等大漢可共來決死不出亦死衆猶豫延久乃  
出出則三十人縛一人如合圍王與中宮將投纓凱進曰  
君死固當太后髦將嚙依棄社稷不忠舍母不孝乃止緬  
兵入宮爭搜財帛二貴人宮女諸臣妻女多自縊累若瓜  
果繫木王及太后等二十二人逼斗室始已歷未通事引  
護守官至呼曰止止勿害皇帝及沐國公時屍橫偏地緬



人移王沐國公所小大二百餘人并居一樓號哭之聲聞於數里凡三日有寺僧私送飲食乃知前過河飲水者已俱遇害惟沐國公及王昇魏豹王啓隆各傷數人死有王親小子來安年十三給擒者曰我授若金磬折作取金抽小刀抵殺人而後死二十一日緬仍修故宮請王入居貢米銅物二十五日又進鋪蓋銀布頗厚乃曰我王子實無此心此吾民怨汝軍將在外殺掠故爲此也王臥疾有醫家治男女病死者甚多凱又曰凱過陳通事家問陸路人消息被曰有妻小者止二十日路上越四日俱被殺其

卷七

老部武徐氏

及隨行五百里渡河登岸皆夜不識何兵二更至營始知爲

大清兵也明日薄暮凱匍匐王帳後曰君幸自決使老臣得死所王曰然有太后在且洪承疇吳三桂世受我朝恩豈毒及我母子乎六日拔老營復向阿瓦欲攻緬不果九日長發歸滇侍從俱與馬王膳皆金盆進鮮服內官宮女王親妻妾均給衣被康熙壬寅三月十三日入滇進膳服有加四月四日

大清

軍奉凱發滿洲鑲黃旗章京朝家凱辭王及東宮太后中

西南紀事

卷七

宮俱默然遂出是月廿五日王遇害凱爲僧昆陽州普照寺不知所終

論曰鄧凱書稱綴衣虎賁之屬依依犬馬之戀其主古者聖王遇臣下小大莫不加敬蓋爲此也明亡流寄蠻甸生民以來所未經但桂王過慈寡斷見小忘大以致諸奸蒙蔽阻賢任邪三尺之童知有今日因作也是錄追錄已亥以後細其事備後之覽古者想見而悲悼焉

十二業第十二行 黔字衍徐

西南紀事卷七



西南紀事卷八

餘姚邵廷采念舊撰 邵武徐 幹小勿校刊

沐天波

黔國公沐天波黔寧昭靖王英十一世孫也崇禎二年父啓元薨嗣立挂征南將軍印時天下大亂獨雲南遠不被兵號爲安樂沐氏世保爵土得諸土司心明興以來勳臣賢守方面者推沐氏張獻忠既入四川滇黔震恐天波使武定參將李大贊防守會川大贊狙獍數侵元謀土酋吾必奎地遂構亂先是天啓初貴州水西安邦彥反四川烏

西南紀事

卷八

一 邵武徐氏撰

撤酋長安效良雲南土婦設科武定夷目張世臣東川酋長祿千鍾皆應之巡撫沈敬介發必奎兵與諸土司犄角討斬設科等進復炎方松林霑益倘塘四站蜀道復通效良亦縛送賊黨安應龍及烏撒衛各印來獻道被掠怒復合水西犯滇必奎又力戰卻之自是邦彥就撫滇中始有寧宇者數年必奎自以功多而爲大贊虐使積不平故叛乙酉秋據元謀陷武定祿豐諸府縣蒙自土舍沙定洲者父源嘗與阿迷普名聲同調征水西以女妻名聲無子江西賈人萬氏有女倡也名聲嬖之娶焉生祚遠已而名聲

死歸沙氏破數家最後妻定洲定洲年與祚遠相若又嬖

萬氏以爲謀主遂兼阿迷蒙自一州稍告訐諸土司侵掠之天波與撫按不能理其曲直定洲南拓地至交關與交趾爲界兵勢既盛遂輕黔國必奎之叛也定洲實與約故決計天波發諸司兵檄蒙自二千定洲赴以五千至省而必奎已誅殊失望留屯城外不去公府饒於財慎人于錫朋饒希之游門下積多逋負懼罪輒見定洲誘沐氏世寶以動其心天波表定洲參將厚犒使歸十二月二日入謝天波因祠祀不卽見定洲入門大呼都司阮韻嘉參將袁

西南紀事

卷八

一 邵武徐氏撰

士弘張國用內應甲興沙軍擁入縱火大掠天波自竄走西城太夫人陳夫人焦走北門曰吾等命婦不可爲賊汚舉家自焚死弟天澤天潤皆遇害知靈州祿永命帥兵巷戰從官周鼎止天波留討賊疑鼎見殺之遂走楚雄定洲悉得沐氏世寶據會城規巡撫吳兆元檄止救者又上疏南京言沐氏不道賴沙軍定亂狀請陞秩世授以定洲代天波又至祿豐執前大學士王錫宸使居貢院號召明年丙戌定洲追天波於楚雄分守副使楊畏知推官王運開堅守導天波走永昌定洲追至下關追其黨李日芳陷



蒙化王朔陷大理俱屠之長知乘賊西加修楚雄城傳檄討賊土司響應賊還攻楚雄自春至夏不能拔始去擊殺祿永命於寧州已定迤東復圍楚雄天波以故得安居永昌崇禎之世石屏土司龍在田及副將許名臣奉總理熊文燦檄援荆襄識張獻忠部將孫可望等於幕府至是在石屏為定洲所攻聞可望等已入平越使人間道告以亂曰亟趨之借大義滇可定也可望遂詐稱黔國夫人弟焦溪請兵復仇滇人受沐氏世恩憐天波在難唯恐其來不速及至乃可望順治四年丁亥夏四月可望至雲南定洲

西南紀事 卷八 王都武徐氏刊

解楚雄還戰大敗走阿迷城中執獻阮龍嘉袁士弘送楚雄誅之可望遂據雲南引兵西畏知出禦被執因說以反正可望故稱為黔國公報仇兩以名義相羈為書告天波天波不得已遣子忠罕報使可望使劉文秀至永昌迎天波還府車裂于錫朋等以謝國人明年戊子春沙定洲伏誅天波具衣冠謝雪家難後見可望悖僭慮禍避遣權勢獨與楊畏知燕語而泣可望定貴州竟殺畏知遷桂藩於安龍李定國迎桂藩入滇以天波世勳充班首官寄心膂冀從其冬可望舉貴州歸

大清使張勝襲雲南定國文秀俱出屯交水王尙禮謀翻城應天波覺之挾與入朝以宿衛守之天波故善流星鎚常攜袖中是日恐左右有變出鎚舞縱橫擊觀者皆披靡尙禮俯首嘆曰吾已為檻中虎不復煩君侯攘臂也可望降貴州來歸滇都羣臣皆進爵天波辭以世被國恩無以報不敢復受新秩久知國勢去誓身殉使其子分贄各土司冀存先祀婦夫人死侍女夏氏歸母家兩經大亂不辱為尼天波念其節值任家政遂不復娶已從入緬夏氏自縊時死者擇柱皆為鴉犬所食夏氏屍棄十日卒得收葬至

西南紀事 卷八 王都武徐氏刊

曩本河緬人聞黔國來猶下馬羅拜至蠻漢天波與國舅王維恭典璽李崇貴謀曰主君入緬我輩宜奉少主進茶山可調度諸營且使緬人有所憚在內亦藉以為重王后不可而止及井亘緬使傳語出神宗璽書合今篆差一分天波出已印比之乃服蓋緬自萬曆二十二年有內亂請救不應即絕貢矣居井亘月餘天波與蒲縷王啟隆集樹下議緬意日薄不若及今走戶臘二撤出孟養以圖生路馬吉翔阻之白文選兵至亦為吉翔所卻進至赭經誅茅以居緬俗用中秋日歲節屬國朝賀強天波往以臣禮見



耀於諸蠻返告從官曰井亘不用吾言致有今日之辱吾  
不屈主必不全誰使吾至此耶哭而慟明年己丑七月緬  
又來請天波辭緬使曰此行當以客禮乃因李定國等兵  
再至繆為恭敬天波知之愈憤懣又明年庚寅七月難作  
緬酋莽猛白要百官計事過河以二十人執一人無脫者  
馬吉翔而下文武四十二人惟天波出袖中鎗擊殺十餘  
人死冬王入雲南天波三子二先卒惟忠罕在石屏從婦  
翁龍世榮出降是年四月有梅道人與張琦尹士鏢等謀  
興復假忠罕書與寧州祿昌賢事發琦等死辭連忠罕謂  
西南紀事 卷八 五 鄒武餘氏刊  
其妻龍氏曰吾且履不測汝姪數月脫生子可無絕先人  
後令內官滕九德僕白君愛護龍氏進香東岳浮舟至昆  
陽州忠罕逮入燕以待婢夏蓮為龍氏龍氏走匿新興滕  
飛熊兄弟所產一子名神保康熙四年乙巳三月新興土  
酋王耀祖等為亂聞神保在作檄移諸蠻迎龍氏母子入  
山期事成立為主戰不利遷之法冲白乃家又令白君愛  
匿神保於滕氏俱為吳三桂捕獲并訊忠罕沐氏遂絕  
論曰洪武勳舊同國終始者魏國黔國及誠意數家而致  
命竭忠天波尤著方其由永昌還省晦迹十載不見疑於

可聖及委蛇緬廷冀免主危雖窮命之忠無以過之然天  
道虧盈秦晉楚福諸王積逾千萬身道蒞醜諛為至愚而  
沐氏享祚三百年死猶以忠節著豈非盛德之報哉  
崇禎改元阿迷州土酋普名聲據州城叛屢征不服三年  
庚午廣西知府張繼孟思以計誅之檄州縣稱名聲而  
忠義不府推折以道致召亂皆經阿迷名聲往來文移過  
州境輒啟視之見繼孟檄大喜得繼孟守安後繼孟過  
謂兵備戒其下不過阿迷必晉侯普州及至故熟睡與中  
者曰我雷其事下不得傳稟過十里州乃覺不怒下與乘健  
去或不後期名聲聞繼孟喜馬來復過州入疑使乘健隨  
覘動靜見繼孟責從者繼孟曰嘗聞普公好以茶酒問人我  
右奉飲此名聲驚誓天曰嘗聞普公好以茶酒問人我  
不敢飲此名聲驚誓天曰嘗聞普公好以茶酒問人我  
西南紀事 卷八 六 鄒武餘氏刊  
請先飲遺易蓋飲之而擊蓋時已下鳩茶內矣遂為具款  
客辭以有事急追已入臨安城有備不夫推魯失歡死妻  
聲藥發遣兵急追已入臨安城有備不夫推魯失歡死妻  
萬氏狡而淫德沙洲兄定海為夫推魯失歡死妻  
年欲殺美姿容逐德沙洲兄定海為夫推魯失歡死妻  
時欲殺美姿容逐德沙洲兄定海為夫推魯失歡死妻  
定洲入省執定洲猶在阿迷聞之驚曰我門必遂大志  
所破謀入省執定洲猶在阿迷聞之驚曰我門必遂大志  
乃又大喜連與持刺進至省抗禮旁若無人後資裕給  
革竟并兵頭與虎刺進至省抗禮旁若無人後資裕給  
野史氏曰高皇帝開國動臣以令聞承世者二日徐中山  
沐野氏曰高皇帝開國動臣以令聞承世者二日徐中山  
可矣黔中賜第留都子孫命命承世者二日徐中山  
裔矣黔中賜第留都子孫命命承世者二日徐中山  
人知朝野之相也然萬世師命命承世者二日徐中山  
澤遠矣死之日君一萬號哭深及遠繼所以有生之恩  
大惡未嘗輕戮一人又過其寬大長者也其長世也宜哉



歷鎮一十六世二王一侯一伯十公四都督家門貴盛即  
中山魯康焉况其地茅土中絕極風沐雨之澤不祀忽諸  
君子是以思繼序也當征南將軍與左副將軍三人同下  
滇地而源涼二國之肩或斬或不振豈非洪武成辰壬申  
開諸蠻月魯之役殺傷過多干違天道以至是乎沐氏自  
昭靖忠教以還若惠襄之賞罰明信武襄之服遠忠勤榮  
康之制勝好謀武信之賊守憲道愛在人奕世載德雖  
其後亦有一二鮮克由禮者諸夷猶備其威令賴前哲以  
免也及其末世皇降大割國步多艱卒能跋舍從亡流離  
異域不屈以死見危授命之義其庶幾焉斯亦無愧其祖  
宗矣

楊畏知

楊畏知字介甫陝西寶雞人崇禎中舉鄉試第一以保舉  
特用歷官雲南副使分巡金滄道駐大理

西南紀事

卷八

七 賊寇氏判

大清順治二年乙酉秋武定土司吾必奎作亂連陷祿豐廣通  
進攻楚雄府破之畏知監軍復楚雄因留彈壓移鎮焉沙  
定洲之亂黔國公沐天波走楚雄定洲追之畏知謂天波  
曰郡城新破創夷未復賊以方張之銳來攻必陷同死無  
益公不如走永昌據重江之險比賊越楚而西踞諸大理  
蒙化間動需數月我守禦既備傳檄四出賊欲越永恐我  
斷其歸路欲返攻則公隨之首尾橫擊可滅也天波遂走  
永昌定洲至楚雄畏知踞城頭語之曰君定永昌回度朝  
命可下當以鎮道禮相見今逆順未分難為不義屈且君

不憂迤西諸司受黔國檄而合從見討乎定洲恐失天波  
與盟而去分兵攻大理蒙化屠之畏知乘間修築陞陞撤  
郭外居民入保檄調漢士官姚景等定洲聞之不敢至永  
昌還趨楚雄用巨礮擊城樓正軍畏知意必死須臾煙散  
顧畏知端坐惟進賢冠失左翅驚嘆以為有神畏知伺賊  
懈出奇兵轉有斬獲至夏引去先是會城變起巡撫吳兆  
元陷賊中諸土司以故未敢動及畏知倡義於是寧州祿  
永命石屏龍在田嶧賊王克猷等皆聚眾守險遙應定洲  
悉謂迷有失東還攻石屏走在田破寧州殺永命至嶧賊

西南紀事

卷八

八 賊寇氏判

克猷走死迤東既定乃復還攻楚雄分兵七十二營各為  
大營統之環城濬濠為持久計畏知堅守踰年不能拔事  
聞福州晉左副都御史總督雲南軍務丁亥春孫可望至  
雲南定洲還戰楚雄之圍始解可望已破定洲據會城使  
人通好於畏知自以兵隨之畏知至祿豐拒戰不勝赴水  
淺不死踞而罵可望下馬拱手曰聞公名久矣我來為雲  
南討賊當相與扶明室非有他也畏知瞪目視曰賊給我  
耳可望指天折矢畏知曰必爾從我三事一不得仍用偽  
西年號二不得殺吾民三不得掠婦女焚廬舍並許諾乃



同回楚雄使迎天波永昌迤西八府得免屠戮爲長知也  
可望既假討定洲名略定滇地羈縻黔國威震諸蠻粵西  
被兵號令阻絕臨安任僕乃倡議尊可望爲國主用干支  
紀年鑄與朝通寶錢長知憤甚念已同之死無益獨日稱  
道忠義鼓動有忤意輒舉拳謾罵其黨怒欲殺之李定國  
劉文秀尤愛之可望遣畏知同永昌龔葵奉表肇慶請王  
封過貴州爲皮熊所阻久乃得達兵科金堡言本朝異姓  
止贈王三百年定制不宜更自今日畏知曰不與無益彼  
固曰自王也一旦降號公侯而能欣然受命者此純臣之  
節也若因其嚮義破格用恩尙幸收用萬一且法有因革  
今土宇非故動援舊章能堅持有終耶議數月不決臨發  
賜一字親王章而無封號畏知西過梧遇堵瘡錫曰可望  
業王雲南今無國名賜空印激猛虎使噬人奈何瘡錫爲  
補贖入始封定遼王加畏知尙書參侍郎而行陳邦傳中  
軍胡執恭守泗城州先使人報可望許封秦王馳疏謂機  
不容誤臣已便宜鑄印填空勅賚行矣執恭至滇可望郊  
迎甚恭所部額手交贊比畏知還知其詐深恥之屏去定  
遼篆待執恭有加庚寅春桂王走梧州可望使至復議封

西南紀事

卷八

九龍氏氏

號內閣嚴起恆持不可兵侍郎楊鼎和以爲不臣其人則  
不受其貢并卻所進白金玉帶物可望滋怨秋九月可望  
引兵逐皮熊并據滇黔冬桂林廣州俱破桂王奔南寧更  
使劉蒞封可望爲莫王畏知謂可望秦莫等耳願假何如  
眞可望終不受李定國等威勸可望趣畏知行以卒成之  
畏知念主憂臣辱復奉可望使詣南寧賀九儀以兵先入  
殺起恆鼎和舉朝震懼始眞封可望爲秦王畏知後至痛  
哭自劾遂留作相可望聞之怒使人挾與還黔畏知見可  
望大罵曰賊終不可與爲善我爲所賣負不義名於天下  
除頭上幘擊其面可望命牽去斬之畏知爲人忠勇激發  
在軍中陳說順逆輒使一坐雖可望亦諒其無他是日觸  
怒意必有救往時戮人距營門十里畏知行數步則坐不  
去曰此卽吾死所遂見害可望深悔之杖其左右之不言  
并行刑者畏知死桂王幽安龍李定國劉文秀及可望部  
將白文選等合謀迎駕入雲南可望衆散來奔

西南紀事

卷八

十龍氏氏

大清

雲南相守二年始亡人以爲猶畏知所啓云定國奏贈畏  
知少保證文烈其勳惠尤多在楚雄土人歲時致祀  
論曰滇黔之事以沐天波楊畏知爲終始畏知才優於天



波而性剛少容卒先蹈難然李定國劉文秀等劇賊百戰感其大義毅然歸忠豈非君子豹變道取於革已日乃爭革而悔亡也乎明世士大夫拘牽文法罔識時務秦封之爭與南遷之議何殊焉勢不在已而動援舊章難矣哉宋葵尊曰崇禎十三年庚辰思陵留意人材俾下第舉人及廷試貢士俱留特用悉寄以民社之任于是舉人史惇以下一百六十三人貢士吳康侯以下一百人許同進士出身惇等請援例講文廟行釋菜禮并立石大學題名閣臣張四知持不可上特允惇所請大學士周延儒奉勅撰文太僕寺少卿兼翰林院侍書朱國詔奉勅書丹篆額工部營繕司郎中王灝監刻立石于西南隅蓋自萬曆丙辰榜死事者戶部郎中徐有聲兵部員外郎陸貴州安平道副使臨川會益金滄道參議寶雞楊畏知開封府知府

西南紀事

卷八

七

邵武徐氏刊

武進蔡鳳黃州府同知弋陽王府輔國中尉朱統鏞鄭縣知縣贈河南按察副使安邑李貞汾陽知縣西安劉必達大同山陰知縣慶陽衛李偉章昌安定知縣臨海應昌士四川興文知縣漢陽艾吾鼎呈貢知縣鍾祥黃卷立賢無方未嘗不收國士之報又有嘉定徐時勉克勤復社者宿注名特用榜中與陳孝廉瑚歸處士莊敦高尙之節亦不愧名特用者俾金壇人官至九江太守野史撰懣餘雜記者即其人也

西南紀事卷八

西南紀事卷九

餘姚邵廷采念魯撰 邵武徐 翰小勿校刊

李成棟 李元胤 杜永和

李成棟字廷貞山西□□人高傑故將也少從傑為羣盜

乙酉以鎮徐將軍守徐州許定國殺傑成棟舉徐州降

大清

既為將累戰勝有功故趙王由棧與黃蜚起太湖成棟擒

蜚走趙王授松江總兵從定入閩與巡撫佟養甲自漳州

入潮惠潛兵陷廣州殺唐王聿錡丁亥正月攻肇慶分兵

下南韶遣楊文甫張月取高廉雷閩可義取瓊州廣東十

西南紀事

卷九

一 邵武徐氏刊

郡皆破桂王奔廣西成棟尋陷梧州使杜永和誘殺丁魁

楚於岑溪鹵其貨遂攻平樂圍桂林瞿式耜焦璉死守會

陳子壯張家玉陳邦彥起兵圍廣州成棟解桂林東還擊

殺子壯等式耜亦進復平梧高廉雷

大清

詔問失地狀成棟懼戊子春金聲桓以江西反布政使公

安袁彭年說成棟曰公為將畢智竭勞南定閩廣功無與

比佟養甲以遼東勳舊晉秩總督位居公上當受節制燕

京本有疑公心聲桓又反江西將益忌漢人今大江左右

延頸朱氏瞿式耜守桂林不滅李綱何騰蛟帥湖南亞於



宗澤將相大臣皆有中興之氣公孤軍陷南中進不爲新朝所容退犯天下之名義况去年自春徂秋所擊滅粵東忠義之士以什百計粵人怨公深於骨髓日夜痛念思乘間爲父兄復仇公持此區區爲北朝之忠身死無名爲天下笑何不以此時歸命南寧故主得公如得一國眾正傾心怨仇消解合見兵羣盜可得精卒十萬與騰蛟分道出江楚以憐江南經略西北中興之功可翹足待身名兩榮顧不美乎智者舉事不可後人養甲不聽一壯士力耳公其思之成棟念家屬百口在松江不忍其愛妾知其意進

西南紀事

卷九

三都武餘氏刊

曰我敢獨富貴乎請先死公前以成公志遂刎成棟前成棟驚哭曰我乃不及一婦人與彭年登樓去梯謀時高傑兄子進庫守贛州爲聲桓所攻急請救廣東養甲趣成棟出兵布政司移懷八萬彭年故不發由是遷延粵尙多長髮夏五月旱羣盜滿山成棟陰結其豪傑語養甲曰今出城數十步皆賊安能遠行計惟急改名號以安人心耳遂出示直書永曆二年養甲愕然無可奈何兩司官諷養甲以印授成棟成棟下令文武將吏軍民解辮是日首自加網賊官購及優人服色草草成儀遂以廣東十郡歸王請

大駕幸肇慶表至南寧中外相賀封成棟惠國公養甲襄平伯進兵工二部尙書養甲懼禍悉解所部兵授成棟於是江西道通聲桓使者始至桂王以江廣反正告於宗廟是月命吏部郎中吳貞毓宣諭廣東貞毓留佐軍前請遷都廣州瞿式耜拜疏言任將之道不從中制本朝文網太盛動以內臣監視文臣督師曠戰士心今聲桓成棟皆以全軍歸命天下聳動知明室尙有共主投足左袒攸繫匪細宜有以尊崇而寵褒之願陛下將兩省新附之地捐之此兩人一切軍功爵賞文武署置以及刻期出戰咸決於

西南紀事

卷九

三都武餘氏刊

外朝廷不問方可責其成功若大駕旣東不請則主權不尊請則事機坐失臣以爲乘輿無入廣州駐肇慶便王從之六月成棟使羅成耀以黃金千白金十萬綵紵舟楫具迎王於南寧王至肇慶成棟負弩矢郊迎百里外從騎萬匹拜成棟爲翊明大將軍以其子元胤爲錦衣都指揮掌絲綸房事擢袁彭年左都御史封其裨將杜永和閻可義郝尙久羅成耀黃應杰楊大福張大瀛等七人皆爲伯十月成棟出師北舉取南安進攻贛州時譚太久圍南昌金聲桓不出戰江西諸郡復反爲北而成棟方至與高進庫



遇不利退壁南康縣十一月終養甲遣間使密表燕京為成棟所獲伏誅順治六年己丑正月南昌陷何騰蛟亦死湘潭二月成棟敗於信豐身斷後披甲策馬渡河沈死兵部尚書楊調鼎監軍道姚文生俱死亂軍報至贈成棟靈夏王謚武烈成棟上唇微缺號李訶子本以功高恥為養甲下決計歸命奉舊主恭順待文武舊臣皆有禮迨再度嶺無功倉卒陣沒朝野惋惜敗後杜永和代守廣州又一年而敗王復走南寧

李元胤本姓賈字源白陝西榆林人李成棟養子也為人修潔有忠孝性居

西南紀事 卷九 四 郭武徐氏刊

大清軍中嘗漢衣僧帽終養甲承制授以官固辭朝夕侍膳從容乘間數以義勸其父成棟歸桂王元胤及袁彭年實使之桂王至肇慶拜錦衣侍衛甚見寵信西朝士大夫皆樂與交時彭年負時望掌臺綱與劉湘客丁時魁金堡蒙正法等相善持論抗激專尊主權抑倖授中外號五虎而稱元胤為護法章馱元胤雖恂雅長斷略數定變事養甲謀覺王命元胤縛而磔之成棟敗沒加車騎將軍封南陽伯領禁兵李赤心之潰於茶陵也由道州入廣西陳邦傅欲

倚其兵力共奪廣東堵胤錫主之元胤詰胤錫曰吾輩在明朝時公不來復廣東今乃來爭廣東耶胤錫不能答元胤遣楊大福扼封川赤心西趨潯州大福邀其後隊五千入而東焚掠懷集四會遠近震駭元胤召大福入肇慶殺之亂始定順治七年庚寅正月三日

大清班志富破韶州遣許爾顯江定國以舟師襲清遠西斷肇慶降於是桂王發肇慶奔梧州留元胤守肇成耀走高州將為亂奉詔計斬之

大清兵迫與馬吉翔出屯三水其弟建捷以守廣州功封安肅

西南紀事 卷九 五 郭武徐氏刊

大清兵已下高廉雷郭登第等皆降陳邦傅復叛南寧震恐元胤進退失據辛卯九月至欽州之防城為土兵王勝堂所



執見耿繼茂不屈左右挺下笑曰鼎鑊不懼何有於擬令  
作書招永和笑曰杜將軍繕兵窮海差有丈夫氣乃招之  
耶繼茂義之使其故人在說君昔未受國恩耶元盾慟曰  
我昔不過帥府養子今爵五等司禁旅狼狽被執惟一死  
報國豫讓不言之乎吾父俟於九原久矣故人曰成棟果  
君父耶曰岐陽黔寧俱以養子自奮子毋多言與建捷俱  
遇害部將李用朝亦從死投屍海中

杜永和字□□□□人李成棟部將也善機略嫻守  
戰威名亞於成棟成棟既沒桂王命兵部侍郎劉遠生如  
南紀事 卷九 本紀餘氏刊

廣州勞師以永和代為總督守廣州閩可義守南雄時李  
元盾入典宿衛而永和等統重兵分鎮廣東屢式相以督  
輔留守桂林雖新喪大將備禦尙固乘輿前後安處肇慶  
者二年順治六年己丑六月永和聞燕中有變拜疏出師  
北舉不果可義尋卒以羅成耀代明年庚寅正月尙可喜  
耿繼茂陷南雄成耀望風遁失韶州可喜遣其將許爾  
顯以舟師襲據清遠而自與繼茂陸行會廣州永和與張  
月李建捷隨方拒守爾顯載大礮夜進順流入石門之水  
南師驚擾朱戰艦數十粵中進永和等為侯命元盾馬吉

翔陳邦傳東救廣州邦傳至三水不進

大清兵乏食就鄉聚和買民多不從鹿步下有龍眼崗五百餘  
家開岩門放礮爾顯攻圍盡屠之鄉聚懼出應繼遂為持  
久計總兵鄒文光偵敵被執海盜梁標相以戰艦二百降  
可喜大習水軍永和懼水路失守遣使乞師於碣石帥蘇  
利利已發兵開標相復召還嶺東道李士璉總兵黃應  
杰郝尙久以潮惠降廣城東援遂絕五月廣州兵擊斬靖  
南遊擊張大奎安定伯馬寶率郭登第等襲清遠不克

大清兵拔三水百道攻廣城張月出戰大軍不利退獲其戰艦  
南紀事 卷九 本紀餘氏刊

三百餘艘資械無算永和遂脫自運礮石置白鐵城上每  
副將予五百金綵緞表裏拜奉月等以金杯犀玉故將卒  
效命一年之間有戰必勝永和自督整暇於五層樓上張  
宴設樂無虛日

大清兩王遙望跌足曰不謂吾曹遂死此地十一月

大清兵疫饑決命一戰月等又戰敗之燒其鐵甲兩王方對坐  
礮碎其案驚怖欲死夜

大清兵復集攻西門城壞數丈月等用大礮殺千人大軍退南  
軍戰勝下城就飯外人乘空而登城中遂潰死者六千餘



人迫至南門逼海墻溺死尤眾永和月吳文獻殷之榮張道瀛舟數百艘奔瓊州總兵范承恩降可喜繼茂屠廣州馬寶馬吉翔攻清遠垂下聞廣州破乃退廣城三面臨水成棟復築兩翼傅江為礮臺水遠之地勢既險而永和等力戰自二月至於十一月凡攻圍二百七十餘日始破順治八年辛卯九月耿繼茂下瓊州永和等眾尙數萬以全軍降其年七月西安將軍李定國克桂林楚粵皆復桂王年號可喜懼亟趣茂班師繼茂入廣州張月前降

大清守高州至是復翻城迎定國定國敗月不知所終

西南紀事

卷九 鄒武徐氏刊

論曰李成棟將略在金聲桓上然方度大庾北嚮一戰輒顯豈非衰運難扶賊抑胸無全局以至此也元膺武人而識大義君子尤惜之杜永和固守廣州使尙耿智勇俱竭雖不能死賢乎以城降者矣

西南紀事卷九

西南紀事卷十

餘姚邵廷采念魯撰 邵武徐 幹小勿校刊

李定國

李定國字壹純陝西延安人初從張獻忠為盜冒張氏獻忠養子四孫可望年長知書數位第一定國以能次之劉文秀艾奇能又次之所至破陣屠城而定國驍勇超逸更稱萬人敵獻忠僭號成都定國為偽安西將軍既聽汪兆齡謀盡殺蜀人令定國等四將軍分道刈殺以所殺多報功最

大清兵斬獻忠西充定國等帥潰眾南陷重慶殺如故明年正月入遵義始不殺略貴州趨雲南乃去偽號稱明將軍始

西南紀事

卷十 鄒武徐氏刊

獻忠死其黨有悔禍之意艾奇能首數汪兆齡罪殺之重慶定國每靜念有明天下自秦州煽亂怙惡不撫決裂至是吾輩膽義素不後人何惜此筋力不以恢廓疆宇歸復明朝劉文秀亦以為然及入楚雄得楊畏知畏知為陳說忠義指明邪正時奇能已死定國文秀深悅服獨可望陰賊外唯唯內傲獻忠所為亾何可望稱國主設六卿用干支紀年定國心非之或齟齬可望縛定國棒之八十抱其



頸泣曰吾以大義辱躬幸同心力無慮疑定國頓首謝請  
擒沙定洲報德由是憾可望其年十月及文秀進討俱革  
奄斬定洲已丑四月桂王封可望爲遼王賜定國名如靖  
可望拒命定國因辭賜名可望殺畏知遂遷桂王於安龍  
定國滋恨然未敢入朝壬辰四月

大清

定南王孔有德逼貴州可望承制命定國文秀經略楚蜀  
以馮雙禮副定國步騎八萬出武岡辰沅破大軍有德退  
守桂林定國乃分道自將出新寧使雙禮出祁陽合趨全  
州復遣西勝營張勝鐵騎右營郭有名率精兵由西延大

西南紀事

卷十

二 關武餘氏列

埠疾走嚴關扼桂林要道令曰敵至傳火毋下關須大軍  
會戰雙禮帥前軍都督高承恩鐵騎前營王會武安營陳  
國能天威營高文貴坐營斬統武合兵四萬先進至譯湖  
猝遇大兵萬餘逆戰斬驍將李四乘勝遂薄全州定國帥  
右軍都督王之邦金吾營劉之講左協營吳之聖武英營  
廖魚驃騎北營卜靈合兵六萬繼進聞譯湖捷傳令全州  
傅城者毋急攻懼其奔逸并力於桂林全州已下定國至  
令急過無入雙禮出城合進有德遣數萬眾奔救全州張  
勝已營嚴關距大軍十里日且暮大軍引去旦復至勝傳

礮大軍蓐食而前戰於關下象債歸定國斬御象者諸軍  
奮進象突陣大軍退天大雷雨橫尸被野追及大榕江又  
告捷有德急入桂林大軍三日而至守陴者皆潰援梯畢  
登是爲七月四日定國下令屯城上有德奔入府悵然無  
語久之曰已矣其妻曰無慮吾不死屬女僕以一子出曰  
苟得脫度爲沙彌遂與其妾共縊有德舉火自刎投火中  
獲其子廷訓及陳邦傅陳師禹先是有德使提督線國安  
略南寧右翼總兵全節防柳州左翼總兵馬雄守梧州重  
鎮皆出桂林守兵援全州三戰皆盡定國行疾是以速克

西南紀事

卷十

三 關武餘氏列

胡一清趙應選馬寶曹志建等自南寧敗後尙留粵西屯  
聚山谷聞定國至相率來歸民間亦多嘯聚以應於是定  
國進復柳州斬守道金漢蕙東下平樂將攻梧州雄告急  
廣東國安節及文武道府州縣印官四十六人皆逃於梧  
尙可喜遣副將強世爵以舟師大礮奔救定國猝至大軍  
退遂克梧州雄等東走封川尋走廣州可喜遣副將蓋一  
鵬赴肇慶迎護其眾令世爵扼封川江便宜戰守是時劉  
文秀入蜀無功而定國克復廣西乘勝東下嶺南震動而  
定國顧北取永州強世爵囚及馬雄三鎮復取梧州線國



安全節帥所部西行是月

大清兵下廣州杜永和張月凱猶數萬以全軍降

大清兩王得專意廣西九月孫可望使白文選攻拔辰州定國

進至衡州長沙岳州從風潰馬寶曹志建亦復連州獲守

將茅生蕙送定國斬軍前十一月三日

大清敬謹親王兵號十萬至衡州定國遇河上甫接少卻親王

恃勇舍大軍而追定國設奇擣中堅過險伏發交鎗起害

親王軍遂潰定國全師歸武岡可望忌定國召赴沅州議

事將殺之定國覺引還廣西可望敗於寶慶湖南復陷癸

酉南紀事 卷十 四庫全書

已三月定國帥馬寶等自梧州破開建德慶抵肇慶連營

據北山別將下四會廣寧前距三水於是岑溪宋國相出

掠羅定東安西寧海盜戰艦二百由新會順德諸港入九

江口清遠山寇並發聲言導定國渡河走從化襲廣州水

陸大震潮州郝尙久隙於郭虎班志富尙可喜以劉伯祿

代之調尙久水師尙久怒不受代舉兵稱新泰侯馳檄南

韶漳惠

大清遭哈哈木會耿繼茂攻之是月廿六日定國圍肇慶泄其

濠三面急攻用布囊盛土為牆置木柵挨牌藏鳥鎗以拒

內兵陰穿地道城中大懼許爾顯壘濠城中以待緝城奪  
梯設死守月餘不克

大清兩王謀李定國或從木縣頭度河得合尙久會城危且無

北歸路矣乃令繼茂發鐵騎守三水東南擊側門出奪地

道兵多死不能出者焚死地道中定國退軍五里

大清兵潛出西南二門奪龍頂岡營用鑊鉤長鎗獲兵數百人

狗於城下於是定國解圍還而郝尙久將攻惠州為黃應

燕所扼不出碣石蘇利以舟師助繼茂吳六奇堅守程鄉

饒平待

南紀事 卷十 五庫全書

大清兵秋八月潮州破尙久父子死定國東行失利由可望貳

心無後援而頓兵堅城也桂王自至安龍受制可望大學

士吳貞毓太監張福祿等言定國忠勇雖出盜賊實與可

望異趨為國之心如青天白日因手敕密使封定國為晉

王使引兵入衛詞旨哀愴定國叩頭出血曰臣定國一日

未死寧令陛下久蒙幽辱幸稍忍待之臣兄事可望有年

實負友必不負君致書貞毓曰粵中未定進退維艱幾事

須密責在老先生事泄貞毓等竟遇害可望以是滋恨定

國甲午春遣馮雙禮賀九儀以騎兵七千步萬餘從古泥



懷遠追定國於柳州定國奔賓南東略雷廉雙禮等遂擊桂林尙可喜慮可望與定國實合謀陰益兵犄角以圖兩粵懼甚疏請救湖南經略洪承疇分發滿軍由衡桂入樂昌下廣州漢軍由永州入桂林與粵西兵合趨南寧斷定國歸路粵東兵從高州進夾攻之

大清不聽益兵而遣秘書學士邵廷佐移繼茂鎮福建可喜愈懼疏留繼茂其鎮

大清兩王以定國在廣疲於奔命五月定國發廉州故將張月以高州歸

西南紀事

卷十

六 釋武徐氏列

大清嶺西道周公軾學道錢朝鼎等皆死秋海北道陳武度海攻拔臨高昌化黎岐蠢動水陸響應僮崖路斷瓊州守將高進庫告急於廣州定國進復陽春陽江恩平前鋒抵肇慶欲大舉發椰桂兵出韶州江楚界上兵入海嶺約閩海國姓攻惠潮可喜畏定國不敢戰又慮兵分則弱謂繼茂且以劾縣餌之於是

大清督李率泰檄總兵郭虎副將杜豹守高明可喜遣甲喇章京田雲龍守新會三日滇兵圍新會可喜令右翼總兵吳進功助雲龍守定國以舟師扼江門築礮臺於陸邊援兵

兩王親赴江門爭水陸並進滇兵少卻阿達哈哈番劉秉功等得入新會二十日定國復至高明掘地道急攻城壞二十餘丈將陷可喜來救望見滇軍盛遽退定國自帥步騎萬餘追之還精銳五百人急驟可喜遇伏不利失總兵武者禧遊擊王天才等十六人可喜退晦克高明擒郭虎斬杜豹遂合圍新會分兵出三洲金利甯灣羅屈諸口距廣州百里軍聲大振新會饑盡食木根皮及犬馬浮萍百道並攻吳進功等守益堅朱成功遣黃梧道海應定國十二月

西南紀事

卷十

七 釋武徐氏列

大清靖南將軍朱馬喇蘇章京東邦帥滿漢軍會尙可喜耿繼茂於三水同趨岡城十日至三洲南軍接戰不利失副將梁大勳十四日至新會定國嚴陣城北驅戰象列礮兩山峽口以劾兵屯峽左山將乘高馳下可喜遣尙之智盛登科先擊左山兵左山兵潰峽口兵望陣動連得成田雲龍粟養志統步兵合戰象驚礮還走滇兵亂八固山蒙古固山烏金超哈藩下騎兵兩翼縱擊滇兵大崩戈甲棄載道死者無算亾十三象北軍追奔三五里定國有馬三千將戰遣斯養先牽去從者二百騎步兵四萬得脫者半定國



盡撤肇慶高明高州馬步兵戰象皆入鬱林州選斷養得  
萬餘人自新興南走高州東邦道之不及總兵孫際昌叛  
奔土司何美璜寨定國使都督吳三省總兵楊成王三才  
以步騎千餘象一隻追取之與東邦等遇於興業復敗獲  
象以去東邦留尙之智駐興業自與敖拜來塔等追及定  
國後軍後軍敗老營妻子衝散蒙古滿洲兵追定國及於  
橫州南軍凶象二馬二百八十定國燒絕浮橋由賓州夜  
走南寧

大清軍以朱養恩鎮南寧久地連交趾內接溪峒不可卒拔乃

南南紀事

卷十

八 師武徐氏刊

選際昌及中書楊琳諸將白長王之臣等三十人皆降由  
是廣東高雷廉三府肇慶羅定屬三州一十八縣廣西橫  
鬱林二州北流興業容岑溪四縣復歸

大清瓊州羣盜皆降定國力屈不能復出西南之業衰矣乙未

正月定國將朝桂王可望懼使白文選以兵逼王移駕貴  
州宮中皆哭文選感動以定國本無他意還報定國至遂  
奉王西行文選棄可望來歸至雲南盟劉文秀及王尙禮  
王自奇等曰同輔朱氏背之者死詔以雲南爲滇都命定  
國爲輔民大將軍總滇黔楚蜀兵知行在大政定國與沐

夫波劉文秀同心明室人心稍定丙申秋可望犯關上下

震恐時定國新敗文秀所將留滇兵不滿萬行朝百事草

創諸鎮自楚粵至者皆聚於黔定國文秀以眾寡不敵疑

懼詔遣文選宣諭可望可望拘文選奪其兵馬進忠馬惟

與馬寶以同姓相密雅善文選因說可望使文選將兵西

進至交水距三岔二十里輕騎奔定國軍具言人心內向

可一戰定也可望奪氣時進忠以病留安順馮雙禮在貴

州可望乃遣寶與張勝襲滇都自以重兵壓交水日夜索

戰令定國不得還救惟與遣親信夜告定國令速戰是日

南南紀事

卷十

九 師武徐氏刊

引兵薄惟興軍惟興內應其眾大崩可望奔湖南降

大清定國還至渾水塘寶來歸斬張勝雙禮舉貴州降定國以

黔蜀辰沅並可望故鎮悉調赴雲南核功罪定國仇直小

心臣節進奉極豐不以威凌士類然計慮孽畫什不及可

望記室金惟新滇人也官少宰信任而馬吉翔工彌縫復

入閣舊人失職多怨望於是王自奇等俱叛誅戮頻行內

外惕息丁酉春

大清兵三道南進會文秀卒定國東西獨禦遂不支冬十月貴

州破命定國假黃鉞文選爲副出師恢復貴州定國及雙



禮統大軍扼盤江河據雞公背文選及將軍寶民望等別將四萬人守七星關進屯生界距遵義百里牽制吳三桂兵三桂自平越兼程還遵義十一月三桂帥總兵沈應時馬寧等復發遵義文選自生界退保七星關十二月二日三桂自水西以烈趨天生橋入烏撒越險扼七星關大道文選懼棄關走可渡橋尋焚橋走霑益泗城州土官岑繼祿導北軍入安龍定國由盤江還戰累敗遂回滇都奉桂王奔永昌文選留守玉龍關戊戌正月三日

大清兵入滇都四日王至永昌詔勤王定國還黃鉞待罪請削秩不許閏月

西南紀事

卷十

十部武餘氏列

大清吳三桂趙布太陷大理至玉龍關文選帥張光翠陳勝等與戰而敗由沙木和走石甸鎮康定國退至潞江慮行在體重難行遣護衛將軍斯統武黔國公沐天波奉蹕先出騰越而身留磨盤山當敵磨盤陡立阻潞江內箐深屈曲僅容單馬定國築柵數道左右設伏大營屯山後四十里檄攬坡炊食饗伏令毋見煙火

大清兵行緩持重伏兵五日夜山深食寒銳氣半銷二十一日吳三桂趙布太渡潞江前驅遇伏大戰竟日中書盧桂生

自伏中逃歸告爲先備分精甲禦伏而正兵由大路平行南軍擾亂泰安伯寶民望都督王璽皆戰死定國憤發磨後軍齊進殊死戰

大清死傷甚眾卻三十里而定國度前軍既潰奸人有輸敵情恐孤軍不支遂整旅出騰越追扈行在行在已出銅壁關入緬緬人請救銅壁關毋納漢兵遣兵守關斯統武奔告定國定國慮緬情叵測遽入恐激變乃使高允臣馳報爲統所殺始未戰時諸營妻子輜重散逸軍士四出求妻子未得猝集定國令定朔右將軍吳三省斷後收兵自率大

西南紀事

卷十

十部武餘氏列

軍取道孟定白文選自木邦來會定國以文選不與磨盤之戰見而尤之文選不悅及議所向定國曰我若入緬緬苦供餽必見拒擊之禍結盍擇險要邊土休士馬相犄角緬外憚吾二人君在內可無憂且得陰連諸土司覘雲南動靜文選曰並在外則內危我入衛上王任外事竟異議別移錫薄所至縱兵大掠定國乃從孟定過耿馬至孟緬屯數月潰兵相續來歸軍聲稍振咸陽侯祁三昇孟津伯魏勇自雲南得出從駐耿馬三省來護大營妻子將赴定國遇懷仁侯吳于聖將軍楊武脅之同降吳三桂三省佯



諾出不意走潞江遂棄大營妻子以兵奔定國移營孟連  
 三昇不欲從矯定國令轉龍川虎喇誘魏勇連兵道遇三  
 省并誘之行定國召文選故鎮張國用趙得勝等皆以所  
 部來歸軍勢益振元江土官那崙與降將朱養恩許名臣  
 高應鳳等謀建義事泄三桂帥兵圍元江崙告急定國方  
 赴援會孟良酋長患定國在孟連勢肘腋乃糾合眾夷為  
 梗定國還戰平孟良元江已陷崙焚死定國度諸土司疑  
 懼不敢前且休甲孟良令夷目耕田輸糧如縣例廣國公  
 賀九義自南寧間道來奔三桂令其妻血誓招之九義受  
 書不告定國定國見勢敗下多出降益相疑杖殺金惟新  
 等復飲九義杖殺之九義裨將何起龍率部眾至蔓谷河  
 入滇降定國使總兵唐堯宗駐磨乃招納降附堯宗違令  
 殺商客取貨轉售孟良獲倍價有志士投孟良者誘收麾  
 下皆引去無入孟良故滇中事機絕不聞而孟良去緬都  
 阿瓦懸遠亦不知緬瓦事定國惟日夕練兵觀恢復而已  
 庚子九月文選抵雍會江使使諭緬皆不返乃謀攻阿瓦  
 阿瓦二城大江出其中緬王都新城在江左舊城名赭磴  
 安置行在在江右聞文選兵不戢請行在旨諭文選毋進

西南紀事

卷十

孟良詣定國

且云老皇帝避難我國極盡主賓禮乃反踐我地謂我國  
 無人耶文選怒渡江向新城敗緬兵緬給許移新城用大  
 礮擊文選營文選不支遁走孟良定國驚曰不用吾言果  
 致緬怨今在內者危若之何文選慚九月八日定國與文  
 選合兵入緬發孟良定國由西道文選由東道張國用趙  
 得勝仍以所部兵從文選期會洞郎初魏勇吳三省連兵  
 轉虎喇始覺三昇意然三昇猶未有降志聞定國處賀九  
 儀而勇又病死遂收勇兵約三省同出降三省復陽許十  
 日以三桂令移駐騰越三省出三昇不意返兵由孟定趨  
 孟良詣定國迨次磨乃定國去孟良已一月唐堯宗不奉  
 定國調逡巡謀降

西南紀事

卷十

孟良詣定國

大清三省覺而收殺之流孟定耿馬間為游徼而定國等士馬  
 入緬者糧乏道死定國先至見江干多船議分兵渡江  
 緬王於赭磴身攻圍新城統武謀曰兵分力單不如  
 金力搗緬都緬都破上自出乃俱望新城進敗緬人瑞羊  
 岳緬都三面阻江一通陸文選遣後并鑿之引水為湖繞  
 三規置水城其上定國從南鳴喇江為浮橋以濟馳諭緬  
 王送行在講好緬復云汝老皇帝避難吾國受吾供億前



番一野王子來反將仇報汝主在我家爾然今送出更何如欲攻城亦唯汝汝等水土不宜堅守二三年無所畏定國度緬人不聽乃進屯洞怕距城八十里文選距百十里屯象腿緬人於木城之外更立木城以兵守之明日復前又立木城逼定國營乃大出兵搏戰前隊皆象定國不利越文選兵中間橫擊皆殊死戰緬人大敗時五月炎暑我兵渴甚不能窮追緬復入守木城定國獲緬目善待之諭送車駕終不聽復謀渡江向緒徑前洞郎船皆藏匿使人赴上流馬得狼井角造船緬人焚船定國又進擊敗之四面緬其糧道凡三月緬人煮鐵以食要我軍他德乃出車駕定國不得已唯唯軍吏自相攻殺多出降使人守江橋亦焚橋走定國計竭七月十六日緬人殺我從官四十二人沐天波死之定國以十六舟渡江擊緬不勝覆其五舟八月十八日及文選還洞郎凡行營例定國文選各前行三日時文選軍在後張國用趙得勝等竊語此地煙瘴已傷多人今再深入氣候更熱非盡死不止盍出雲南無作緬鬼部兵聞語皆喜夜束載定二將披甲入卧帳請文選行文選驚起皆曰大事知不成更深入瘴地空死無名殿

西南紀事

卷十

正德武備紀事

下必隨晉王是續賀九儀也文選曰爾等今欲何往國用曰以此人馬出雲南何向不重曰若皇上何國用曰心力已盡可見天意遂發抱挾文選上馬文選不能禁夜退走七十里比明定國覺曰鞏殿下欲何往耶命子嗣與尾文選與同行止定國亦緩隨之行五日至黑門限國用得勝斷後議曰晉世子急躍不去我我軍行疲爲累不若就此山勢與決戰令彼還方可前進遂阻山齊發矢石嗣與怒麾兵奔而登定國已至亟呼嗣與罷戰乃大勦曰白文選強欲攻緬微壞大事故舉上不還我竭心勤勦舉上彼忍舍去冀彼初念可回故令爾隨行今與我戰是甚志決矣當年同起兄弟今惟伊在何必與彼相攻邀得文選兵四十餘人悉令放還仍帥所部獨進洞郎文選行三日遇吳三省自孟定來營馬盡死軍皆步將入緬文選見之流涕曰我負皇上與晉殿下矣將軍能帥兵至此使我有太山之助乎三省度文選眾皆有背意乃揚言雲南降者皆怨恨不得所人心思明故我輩咸願步來到此文選部兵見三省並有踴躍狀聞此言各鼓舞國用得勝亦遂轉慮不復言適雲南會徽人汪公福攜海上鄭成功約師表來

西南紀事

卷十

正德武備紀事



文選遂屯錫薄復遣蘇總兵出木邦會定國進兵留待月餘報書未至三桂統大兵急追文選度不敵間道西走孟養三省在焉三桂抵木邦獲降人得文選情知定國先入洞郎文選不降必疾走阿瓦機不可失乃速進兵抵錫薄文選果行遂分遣八都督馬寶馬惟興那三昇高啟隆沈應時李貴等尾文選令無戰附書招之三桂自望阿瓦進發傳檄緬王使送行在出城時緬為晉藩所做適

大清兵至遂將桂王及宮眷送三桂軍前復城守

大清兵既得桂王亦不攻緬即班師還雲南文選過孟養見馬

兩南紀事 卷十

文選過孟養見馬

密等追之不置就山立營欲與戰部下皆疑刃思奮文選竟怯不敢發詞追將有所善馬寶乃陰與寶請寶持三桂書單騎入其軍文選遂降十二月十八日由孟密入雲南明年五月朝燕京封承恩公定國在洞郎方講再舉已知三桂入緬行在蒙塵憤懣欲絕日勢既不敵追無能為乃由孟良傷雲南邊伺王動靜四月至猛蜡遣官入車里送禮借兵復雲南救駕車里暹羅俱使人請入計用兵事宜尊禮甚殷會定國人馬病死日甚乃齋戒作表告天叙平生泊反正輔明皆本至誠何皇穹不祐至有今日若明祚

未終乞順定國所為軍馬無灾俾同心力出滇救主果膺數既終乞賜定國一人早死無害此軍民五月十五日焚表六月十一日定國生辰病作旋聞行在及太子遇害仰天大慟遂篤託其子靳統武及馬思良二十七日夜定國卒宋幾統武亦卒思良舉軍降嗣與律無所依久之亦自慢怯出降與劉文秀子震艾奇能子承業俱入都受世職

論曰余聞有某妃者其姓氏當山邊時兵諫諸營婦女竄奔妃失行在所之入白文選營文選使內官及營中寡

兩南紀事 卷十

文選使內官及營中寡

婦侍起居自鐵門限與定國辭決每使人勸妃盡節辭曰有君上在妾不敢死非貪生也及文選降桂王入滇遂自縊文選遣官葬之嗚呼文選之為妃謀則得矣鄧凱也是錄載入緬後婦女死義有姓氏者九人王妃二人餘姓氏未詳者不下百人為之撫卷憑弔若定國之志久而不渝豈問所從來哉

劉文秀

劉文秀字□□□□人始從張獻忠為盜以材猛稱獻忠僭號成都文秀為偽撫南將軍獻忠大殺蜀人文秀



一路殺男九千九百六十餘萬女八千八百餘萬獻忠死  
 孫可望等奔至重慶阻江不得涉文秀素善泅水行如履  
 平地可頃刻數十里沒而往奪南岸船渡遂殺曾英已渡  
 烏江亦如之進陷貴州入雲南時文秀與李定國艾奇能  
 俱有悔禍意私約扶明室而奇能遽死兩人制於可望不  
 遂順治四年丁亥八月可望進逼永昌黔國公沐天波遣  
 子忠顯入營計事文秀謂可望曰沐世子來猶沐國公也  
 請以國公禮禮世子比遣以二十騎送之忠顯方謁天波  
 有兩人歷階而上忠顯愕然告其父曰此即撫南劉將軍  
 西南紀事 卷十 太師武徐氏刊

大清平西王吳三桂定西將軍墨勒根瑕退走保寧南師乘勝  
 追躡惟恐失敵討北將軍王復臣諫曰師驕矣彼方致死  
 以驕兵當死敵能無失乎諸將欲進至保寧復臣又曰毋  
 圍城圍城則師分而弱不聽先壁軍其西南先壁號張黑  
 神軍容耀日然未經大敵三桂登城望之曰獨是營可襲  
 出精騎犯其壘果驚潰轉戰而南值復臣營復臣營為潰  
 軍所擾又阻水遂大崩復臣被圍數重曰大丈夫不生擒  
 名王豈可為敵所辱手斬數人自刎文秀徹圍而退可望  
 西南紀事 卷十 太師武徐氏刊

大清兵陷四川文秀先還雲南夏四月詔封文秀為南康王帥  
 張先璧白文選等進恢四川文秀善恤士卒而蜀人饑渴  
 王師多響應於是文秀復叙州文選復重慶嘉定成都皆

大清兵於廣西湖南害孔有德及敬謹親王可望尤忌之將殺  
 定國定國走廣西追之弗及可望謀逆王密詔定國入衛  
 事泄可望盡殺朝臣與謀者念文秀冲退冀為己用張其  
 威望與抗定國起招討大都督甲午四月文秀入貴州可  
 望禱旗稱爵相侑期以恢復中原五月七日文秀單騎出



按沉靖諸營周觀險隘勞恤軍吏十日而畢七月擇吉出師由平越道屯於天柱進攻常德不利還鎮雲南而定國亦連敗於新會興業橫州南保南甯可望自是殊無經略之志以定國既敗不足忌謀逆益急然頗疑文秀意趣未敢即發文秀深自引匿行朝及西藩行營無一字往來遺問以故上下莫測乙未正月定國文秀迎王於安龍幸雲南將至文秀陽與可望部將王尙禮王自奇賀九儀等議城守身從數騎馳會定國曰吾輩將以秦王爲董卓但恐誅卓之後又有曹操耳遂揮涕定國指天誓曰文秀乃決

西南紀事

卷十

王 邵武徐氏刊

於是車駕入會城文秀進封蜀王與定國同輔政明年討可望戰於交水可望遣走貴州文秀追及之遂奔長沙時大憲既去忠義同心方議安集滇黔經略川楚而文秀遽病丁酉夏四月二十四日文秀薨

西南紀事卷十

西南紀事卷十一

餘姚邵廷采念魯撰 邵武徐 翰小勿校刊

金聲桓

金聲桓字□□左良玉故將也世爲遼陽人以軍功至總兵良玉與張獻忠戰鄖襄間及與羣賊戰聲桓嘗斬帥摧堅乙酉從良玉討馬士英發武昌趨九江良玉死子夢庚及黃得功黃蜚等戰於紫沙洲南陵屬敗全軍迎降英王使率諸將朝燕聲桓不欲往請取江西以獻許之會王體忠爲滿兵所敗追急奔聲桓聲桓乃聲言滿漢馬步二十萬且至江西速降者免屠巡撫曠昭解印走官民亾散六月四日聲桓平舸入南昌諸生數十人逐舟庭謁聲桓方中青紗金縷洒線蝴蝶披風且笑且摠引諸生起喃喃謙讓從官盡掩口笑旣入城與體忠分營而居誅鋤豪暴漸假便宜署官屬時體忠兵強而戢少抄掠人心附之其裨將王德仁本闖營選鋒所當無堅陣生而顛二毛軍中號王雜毛聲桓忌王氏未有以發會薙髮令下三日莫應因曰此王兵梗也且請體忠計事方交揖使驍將鐵嶺白朝佐斬之王營大譁燒德勝章江門格鬪三日諸金率精兵

西南紀事

卷十一

王 邵武徐氏刊



巷戰且戰且招降而聲桓先已使客說昭德仁許以王營全軍屬之由是遂并體忠軍軍益強聲桓自以單軍傳檄取十三府七十二州縣不費清朝斗糈寸兵功高意且夕封王公侯已而僅授總兵提督江西大沮氣塞唐王立福建稱隆武命大學士楊廷麟萬元吉取江西扼於聲桓退保贛州永寧王亦敗死撫州明年八月唐王陷於汀州冬贛州陷廷麟元吉皆沒聲桓屢戰勝滋驕多殺人士爲威福病未薙及誣告通明宦閩者輒論殺沒家產江西重足而立乃役夫萬人營府第窮極麗壯北來有司益多挫之

西南紀事

卷十一

三國武徐氏刑

德仁亦望總兵提督不得快快使丹容宗超一開天寶洞致物怪檄雷役丁甲所居故宜春王府深八九重燕私或服明製冠衣後堂張飲奏郭子儀韓世忠故事由此兩家怨詞稍稍聞於外初萬元吉以從楊嗣昌西征識聲桓於左營贛州未破時嘗遣使達聲桓說使南歸不報使去聲桓急捕萬僕菁華械庭下夜深解其縛與善飲食勞苦問者師起居未明而縱之菁華後泄其語而諸官聞脫歸者餽知金玉怨望各緣所知私覲兩人始圖免禍後乃意立功輒時時微言楊萬未死唐王故在也既益習則間露

其關防割付言唐王屢手詔許公歸明者封江西亦嘗達一二乎以何聲桓生祠成請冠服像式爲華陽巾羽衣觀者鮮舌客因益極口詭聲桓言明復夫聚先封侯待收京且分天下而王之聲桓習聞此言喜與元吉語相應及巡撫李鳳翔死代者章于天遇諸將益倨日就求珍寶一日置宴敷重席各取銀管吸煙已不及諸將割炙蹄又獨與文官飲食自聲桓以下皆坐席外酒半酣顧曰王德仁汝欲反耶德仁歸大愧其從騎聲桓亦失色俛首鞭鞭還帥府七月德仁提兵如建昌于天移票追德仁三十萬德仁大

西南紀事

卷十一

三國武徐氏刑

怒椎案曰我王流賊也明崇禎皇帝爲我逼死汝不知耶聲若獅吼目睛迸出宗超一弟子黎士彥輕帽喜事因聲桓客黃人龍自薦獨我知隆武帝所在聲桓曰富貴與爾其之亾何士彥夜袖侯伯兩印入及玉剛卯一文鏘精忠報國曰此上所私賜聲桓喜時佩腕間迨德仁歸以示之且授伯印曰吾聞烏金玉爲何騰蛟所敗使趙旗鼓往視待歸而定及歸言烏金小失利今且大破明兵於寶慶會胡以寧死諸客相仗狐疑以故按不發以靈者奇智士向客左良玉有印斷世王氏演韓郭諸戲及請生祠像服皆



其本謀因以劫致兩人其從兄澹亦有密慮懷素情嘗為請將圖畫不用巡按董成學覺金王反意有端屢揚言將奏聞而索德仁歌兒德仁度與歌兒則內狀益泄固不與戊子正月望日子天率家丁如瑞州捕掠富家有滿兵數十騎先發或以告德仁恐其伏瑞州須撫按議定脫有尺一詔公等且見擒德仁益急晦萬壽節先三日壬戌習儀於上藍寺德仁伏軍衷甲往上甬道努喙晚聲桓曰如何聲桓搖首夜德仁歸勒全營癸亥五鼓謁聲桓聲桓不出德仁向父事聲桓語其子翁死耳侯亦死非侯亦死何不

南紀事

卷十一

四 邵武徐氏別

決聲桓心薄侯乃曰為公可遂反且七門不開絞殺董成學盡捕逐司道府縣官射奔者纓笠山積追縛章于天江中先是丁亥桂王立於肇慶稱永曆而越播武岡柳象江南罕有知者故聲桓與客謀議第以隆武為言至是兵起自稱豫國公號德仁建武侯馳檄大書隆武四年襄戴匡復明室沿江諸郡響應

大清

恭順王孔有德智順王尚可喜懷順王耿仲明所謂烏金玉也三王前鋒時已至全州謀攻桂林聞南昌之變乃還武昌何騰蛟遂出湖南復衡永然聲桓無大略德仁徒勇

臨事不斷從人望迎前閣臣姜曰廣於浣湖里資其門生故吏四出號召內任諸金以書記陳方吳尊周為撫按小大僚署皆其私親客而諸客首言明事者並不及德仁追憐故小妻黃用其兄天雷為錦衣兵部侍郎客既失望各自稱隆武故官收眾山湖別為一軍聲桓甚王氏日盛德仁則患諸客賣官招兵分權利兩家所為客或轉譁噤而日廣亦惡客非制科妄以進士官自居也出示謂之逐客之意遂決自陳大生等皆囊頭箱脰掠跋躐出國門旬日間公侯義客分三旅而所遣迎唐王駕下時遇等趨赴

南紀事

卷十一

五 邵武徐氏別

道中實不知所在或曰邵武或曰安遠並支吾無驗兩人亦覺其詐然事已舉微聞南來人言唐王已死桂王繼立即為唐王禪詔進諸官秩文移更稱永曆二年藏表佛經中遣使問道如廣西阻李成棟未得前聲桓意終疑又謀求益王子立為世子監國諸事唐王而嘗為魯王官者因亦各謀迎魯王縉紳有識駭其舉動矜乖徐避去東路義旅督師侍郎揭重熙詹事傅鼎銓到城一日並引兵還獨日廣在城與聲桓德仁調筴兵食二月庚午德仁西略九江胡澹詣軍門說曰君侯擁精騎數十萬指麾顧盼所在



莫不結釐刺網以待義師此下九江奚啻拉朽若能乘破竹之形以清兵旗號服色順流而下揚言章撫院請救者江南必開門納君其將吏文武皆可立擒遂更徽幟播年號祭告陵寢騰檄山東中原當聞風響應夫舉大事必規全利不可爭尺寸惟熟思之德仁破九江珍其擄獲自部護歸以澹謀告聲桓坐客皆曰此實上策不者西取武漢連衡鄂襄與湖南何氏鼎足相援則中策也萬一不然攻城衝邑所過不留重爲流賊是爲下策若待粵西帥六師方行北伐持久失時勁兵猝至嬰城坐困斯無策矣宋奎西南紀事 卷十一 六部武徐氏刊

光勸從上策黃人龍曰高氏在贛明公獨不聞宣王之事乎乃議伐贛州慮德仁專制會城使偕行三月丙辰出師騎步舳舻旌旗輜重水陸相屬三日不絕先齋冊印封高進庫諭以利害進庫初無意關及見冊印大怒曰金皇帝耶乃敢侯我且桂王安在遂勒兵出戰聲桓使白朝佐衝之約曰戰酣來助朝佐前破建昌得金銀五十萬聲桓出師索之曰久盡矣及戰追奔數十里徑抵城下進庫困迫朝佐亦倦視大軍尙距二十里怒曰此爲彼五十萬欲置我死地也卽收軍歸南昌棄官爲僧進庫得復入城守金

王全軍相持七十餘日會城空虛

大清遺固山額真譚太討聲桓召三王班師四月壬戌譚太破九江南昌開之城內外皆走雖斬之不能禁五月辛未游騎至石頭口始議築城大軍東路走南昌而偏師先從麥源青嵐諸道搜西山而出未下營已血刃數十里陳方吳尊周束手無策兵民獨倚宋奎光黃天雷守癸酉聲桓兄成功約降奎光殺以狗夜徹城外屋不及者焚之火光燭天王營裨將貢鼈以其軍叛斬關徑出報至贛州聲桓大懼徐引軍還高進庫出兵追之頗得其後騎是月李成棟西南紀事 卷十一 七部武徐氏刊

以廣東自歸迎桂王於梧州聲桓表始達因封聲桓爲豫國公兼兵部尙書遣太僕卿黃尙賓宣諭江西己卯聲桓前軍至生米遇

大清兵十餘騎放掠爭利蹠冷口橋橋斷溺死十餘人驚傳軍敗後舟遽揚帆退癸未金王大軍接戰於北沙

大清兵退獲大礮三尊以丹帛鼓吹昇置德勝門郭中聲桓意驕遽勒兵入城郭天才力爭不可弗聽天才自屯西岸六月二日德仁悉精兵攻

大清壘甫列陣



大清兵橫出窺之大敗於七里街

大清兵素忌德仁名雖勝猶時時夜驚曰王維毛來也然城中

自是竟不出譚太築土城東自王家渡屬灌城西自雞籠

山及生米驅掠男女荷畚塹濠深廣餘二丈伐木發屋緣

濠樹排柵發塚斲棺及未葬者悉舉之取其匡郭牆裂為

濠底又為浮橋章江廣袤七里起文家坊至楊子洲三橋

上直磯中當洄伏下當湍駛處皆沒水置石下椿為基度

及沙面且丈餘丈餘之上更累木石平水面後組船幔板

加土重棧楯為橋會旱水涸故就時人謂自古未有橋章

西南紀事 卷十一 九 邵武徐氏刊

江者知天道助

大清也周會城數十里田禾山木廬墓四望俱盡先至之兵私

載擄獲連舸下男女斥賣悲號動天浮屍蔽江天為黃霾

自鄱湖下至儀揚舳舻人貨豔湛千餘里於是河淮南北

驍悍亡命靡不忻健願死江西屬饜譚太營浦子塘築臺

於永和門東二里登望城中獨留惠民門濠側數十丈縱

人出入亦藉以俘掠吳尊周及諸將多託請援去郭天才

在西岸五戰三勝見城中兵不出亦撤營去所遺買米運

硝黃芻橐先後數百艘俱被遮擊無一還者六月廿一日

大清兵西燒生米明日燒市汶七月六日燒黃土墩八月十日

挾松湖水陸道絕而德仁方娶武都司女為繼室筐篋萬

千行親迎禮酒荒日甚兵人窮日夜舖陳聲桓面如土噴

恨而已諸將裨稟問百不一應胡澹上書姜曰廣曰國中

擁精強百萬不出寸步日夜荒宴而眼穿外援澹非辭難

者故敢與相國訣自金氏入城腹剝富民誅鋤貞烈殆盡

劉天駟家鈔西山解體胡奇章生致李鳳翔欲釋而金竟

斬之庚嶺以南腐心郭應銓兄弟不返吉安恨焉支解曾

應亨父子臨汝莫不敵齒王氏凡與楊萬同事者宿怨徧

西南紀事 卷十一 九 邵武徐氏刊

四維矣且公以附金王而起者義乎不附者義乎古之杖

大義發大慮者如風馳霆擊敵不及拒今舉事數月而謀

未決使四方望斷境內菹醢此邦民庶何罪天下方亂強

者自立弱者困人夫戴舊主稱宗國此固忠臣豪士得志

之名實也今之巋然不與畔援為伍獨陳九思孤軍五年

百戰彼前一收祁門旋遣師候駕卒未嘗通尺素於二氏

其受命隆武者揭司馬傅詹事已厭見其所為而去餘豺

鷗為曹聞敵至各散保妻子金之心腹獨張啟祚起幕客

守郡宜圖得當以報而瑞州閒僻不能有所為鄧雲龍以



五千歲議深號召烏合崎嶇武靈谿谷間其實盜耳以當北兵如振落雖萬取何益且前者摧折義士稍有志識莫不飲恨祝凶今徒假年號種怨自恣上無真主而欲使氣節之士爲金王出死力其誰聽之相國孤城瓦注一帶閉目不見太山豈知重圍之外所在白骨如丘陵環南昌附郭百里村煙斷滅人之不存兵於何有相國無庸談義兵爲也曰廣發書默然聲桓數來訊曰廣起義若何但日與設約待援兵至宋奎光力請背城一戰憤悒欲獨帥麾下出金王固止之斗米至六金有巡按御史詭名摩訶般若西南紀事 卷十一 十 鄒武徐氏刊

以爲二豎子不足惜而徒沮中原之氣病隔噎死其二子被殺百姓爲

大清兵耳目牛酒瓜菜輸販日至然王氏火器多精利

大清兵攻城數爲所困全鳴時亦能軍善守禦故前後相持至八閱月其冬李成棟出師救聲桓取南安進攻贛州與高進庫戰不利退壁南康縣十二月堵胤錫督忠貞營李赤心等分道援南昌至攸縣不進聲桓副將楊國柱私降己丑正月十七日譚太以紅夷大礮攻城聲震山谷聞百餘里亭午城破聲桓赴荷池死德仁突圍至德勝門兵塞不西南紀事 卷十一 十一 鄒武徐氏刊

入爲間事覺被磔并殺章于天解姜太保印更用全鳴時都督內外軍務譚太以米二石使人呼於城下縋而餽之聲桓報以冬笋百斤金橘一石百姓皆呼願從公侯出城舍命一戰金王終不決薪盡撤屋以炊米至六白金一石有反棧重戶枕數千金死者烏鼠草木木實皆盡遂殺人而食始猶擇人後乃父子夫婦相啖譚太閒暇分兵攻取蜀郡西南逐張啟祚於瑞州北翦余應桂吳江於都昌西北降鄧雲龍殺朱議深東收湖盜涂麒西破丁家塘土砦餘什伯爲聚未成者林亮殷國楨亦次第擒散胡澹發憤







西南紀事卷十二

餘姚邵廷采念魯撰 邵武徐 榦小勿校刊

孫可望

孫可望字□□陝西延長人從張獻忠為盜以驍忍助虐  
獻忠僭號成都為偽平東將軍順治二年乙酉獻忠思乘  
李自成之敗北取陝西聽偽大學士汪兆齡謀盡殺蜀人  
而行令可望及偽安西將軍李定國撫南將軍劉文秀定  
北將軍艾能奇等分路四殺可望殺男五千九百八十八  
萬女九千五百萬報功稱最蜀中千里絕煙火邑無居人  
西南紀事 卷十二 一 邵武徐氏刊

大清兵中矢死王尙禮負其屍走追急棄之可望及兆齡猶率

偽文武東西鵠立忽萬馬突至塵掩中營方失措驚竄可  
望等收餘眾數千家口萬餘由順慶南奔所至殺馬而食  
馬盡食人向日馳百餘里至渠河遇曾英兵千餘游徼能  
奇出不意奮擊走之追至重慶江時可望將卒皆殘悸騎  
不滿千弓刀脫落曾英意輕之盡移江中戰艦於南岸出  
奇門南鄭坪望見賊眾各下馬偃臥知計已窮或勸英出  
輕騎數千從下流襲賊大營而正兵渡擊賊當首尾不能

順縱不盡殲可使落膽去英不聽曰彼死命也急之彼傷

吾人第謹守南岸彼將飢死否自遠竄待其奔而擊之易

盡耳文秀望重慶車馬輻輳軍人縱飲市肆謂可望曰彼

易我而恃長江不設備可乘也且我軍絕粒既十餘日與

餓死孰若一戰言訖即手弓矢口銜利刃躍入江履水而

行徐湖等五人從之至朝天門忽溺不見南岸兵望見皆

大笑以為自沈水死文秀等從水中斷鐵纜穴船而入立

殺數人出不意盡為文秀所殪投婦女輜重於江遂掠一

大舟而還可望等羅拜稱賀於是選壯士得百餘人披甲

西南紀事 卷十二

一 邵武徐氏刊

執長矛鉤牌弓矢火藥登舟遠江上下衝突轉戰南岸兵

望風披靡曾英駕大舸數十繞圍可望於江心自持畫弓

立桅後為王自奇射中洞胸墮水軍既失帥遂大亂英兵

十萬頃刻瓦解賊眾盡渡入城縱殺自經獻忠殘破英所

招復戶口二十餘萬至是皆盡賊獲糧食衣物更復飽嬉

留數日燒夷重慶城屋望綦江而南所至殺掠如故十二

月廿七日在某江眾無主欲散可望詐言獻忠婢老腳遺

腹生子與眾同盟輔孤於是乃相推可望稟其約束惟張

成功王十萬關索不附關索先遁收成功十萬榜之百八



十取遂帖服而獻忠婢所生實女無後順治四年丁亥正月三日可望發綦江下令自今非接鬪不得殺人十日抵遵義守將王祥已走官民迎降入城秋毫無犯進至烏江黔撫范鏞總兵皮熊遣副將楊吉以三千人拒江守營南山文秀復沒而渡直抵南岸吉不戰而潰可望驅兵兩山伐木一夜成浮橋平明盡渡直奔貴陽熊聞烏江兵潰先走平越鏞走定番諸苗乘機入掠會城可望至又大掠三日始招安將犯粵西會石屏土司龍在田爲沙定洲所攻遣間使詣可望求援且告曰黔國公奔永昌已一年矣賊西南紀事 卷十二 三 邵武徐氏刊

圍楚雄急且暮且下公行遲恐不逮事可望乃由威清平壩疾趨雲南至曲靖遇前福州所遣太監孫興祖調沙兵入衛方至可望謂興祖曰朝廷遠不知滇事始末今若徵之是獎亂也不如討平沙逆迎還沐公使之引兵東向興祖然之傳檄雲南可望等始去僞號復故姓稱明將軍皮熊范鏞復入居貴州王祥亦復遵義夏四月可望至雲南沙定洲自楚雄還戰大敗殺故大學士王錫衮宵走阿迷可望入會城巡撫羅國瓌宗室朱壽琳死之出示云爲黔國討賊民間安堵無與遣使至永昌楚雄又執送阮嶺嘉

袁士弘至楊畏知軍前畏知未信滇人亦失意曰是除狼得虎矣王祥皮熊各疏告行在今之入滇者皆張賊餘孽名雖向正事豈革心朝廷無爲所愚瞿式耜聞而憂之可望使李定國東追定洲拔阿迷定洲走保俾革竜而自與劉文秀入迤西楊畏知迎戰被執可望解其縛坐之上座約以共獎王室使作書通意天波遂同回楚雄西略大理龍在田及許名臣來見諸土司多降附畏知乘間說以忠義陳說邪正稱引古昔其部曲及定國文秀等傾耳聽獨可望性陰鷲外雖唯唯內計兵強根本既堅陰有自據之西南紀事 卷十二 四 邵武徐氏刊

志聞畏知論議更幸竊名義以附其欲八月可望入鶴慶又分兵入麗江土知府木懿迎降沐天波得畏知書猶不敢信遣其子忠顯入營曰願得守永昌足矣不敢復望故位可望厚禮忠顯悉反所得沐氏世寶天波大喜過望可望陰令文秀以二十騎隨其後名爲送忠顯文秀疾馳奪瀾滄橋至永昌執天波及其子并鄉之宦者龔彞歸大理聞劉廷標王運開死節事嘆異之召運開弟運闕於騰越將官之運闕至怒躍入江水而死可望自號平東王謀稱帝明年定國文秀進討俾革竜執沙定洲及其妻萬氏以



歸磔之悉定滇地前御史昆明任僕倡議尊可望爲國主  
可望設六卿鑄輿朝通寶錢以千支紀年令僕兼禮兵二  
部尙書沐天波楊畏知憤甚其黨亦多不服已而艾能奇  
死其將馮雙禮主營事可望籠之以術益兼兩部以事縛  
定國教場責百棍示威由是有隙可望患諸帥等夷難制  
畏知申前說導以不若歸命粵西則人自稟畏順治六年  
己丑四月因遣畏知以南金名馬入貢華慶襲爲副求  
封親王辭頗驕悖兵科金堡首言異姓封王違制且觀可  
望意不相下從之適足損威不可許大學士嚴起恆主堡  
西南紀事 卷十二 五 邵武徐氏刊

事諸軍悉曰行營護衛曰駕前軍自稱曰孤曰不設文書  
下行曰令旨上書曰啟稱定國文秀曰弟安西李弟撫南  
劉爲張獻忠立廟歲時致祭皮熊在黔畏逼遣官李之華  
通好請盟可望致書貴爵坐擁貔貅戰則可以摧堅守則  
足資保障獨是不肖有司罔知邦本征派日繁黔中乃兵  
出咽喉寧無救災卹鄰之念以爲假道長發之舉若黔若  
滇總屬朝廷封疆惟欲與行在聲息相通何可有一毫私  
意於其間若止以一盟了局爲燕雀處堂之計非不穀所  
望於君子矣熊得書愈懼順治七年庚寅八月桂王在梧  
西南紀事 卷十二 六 邵武徐氏刊

議久不決畏知謂時異勢殊法有因革且國家豈能禁可  
望自王耶今若不許阻遠人向化心又生一敵非計堵盾  
錫亦以爲言乃封可望爲定遠王賜名朝宗并賜定國名  
如靖文秀名若琦畏知未至陳邦傳以南寧與廣南接壤  
當先被兵欲自結可望使泗州城守將胡執恭先以書通  
約許封秦王可望悅執恭私鑄印填空敕拜表輒行至雲  
南可望郊迎受敕印俯仰甚恭所部皆賀土司修貢獻沐  
天波亦謙讓不敢以公爵鈞敵可望大喜始奉桂王年號  
比畏知還知其詐深恥之卻不受厚遇執恭竟以秦王行



大清兵逼武沅馬進忠張先璧等避入貴州皆歸於可望取至數十萬地與粵西相接其冬孔有德尙可喜破桂林廣州王奔南寧明年春遣編修劉涑使貴州封可望爲冀王至平越不得入楊畏知請至行在更議可望陽諾先令賀九義張勝張明志以兵至南寧盜殺兵部尙書楊鼎和於崑崙關擊大學士嚴起恒於舟中投其屍劉堯珍吳霖張載述俱見害舉朝悸伏始眞封可望爲秦王畏知見逆節萌芽痛哭曰此乃我負國家入朝自効遂留相王可望怒遣指揮鄭國就行在執畏知還黔殺之自是無一人敢齟齬西南紀事 卷十二 七 邵武徐氏刊

大清兵逼南寧可望遣狄三品陳國能高文貴等遷王於安龍可望北取西川總督李乾德敗死李占春余大海下荊州降王自至安龍可望以兵守之范應旭知安龍府乘輿服御百官餼廩一切關白應旭應旭與提塘章應科造冊稱皇帝一員月支若干皇后一口月支若干而可望上書有云人或謂臣挾天子令諸侯不知彼時尙有諸侯諸侯亦尙知有天子今天子已不能自令臣更挾天子之令以令

於何地令於何人其恣肆類如此夏可望以吳三桂入四川白文選敗決意北舉慨然經略中原使李定國率兵八萬出武岡馮雙禮副之劉文秀率兵五萬出嘉定張先璧副之文秀入四川爲三桂所敗全軍俱沒而定國乘勝獨進克復桂林害孔有德斬陳邦傳九月定國北向衡州可望亦自至沅州使白文選張虎攻辰州拔之殺鎮守總兵徐勇自何騰蛟殺官軍久不至湖南可望定國一旦猝出故將胡一清趙應選馬寶曹志建等皆自山谷來歸民間亦多嘯聚以應長岳一帶俱奔潰十一月定國戰於衡州西南紀事 卷十二 八 邵武徐氏刊

害敬謹親王可望以定國數戰勝內忌馮雙禮與爭擄獲益相構衡州之戰始嘗小卻將因以爲罪而殺之使召定國於武岡定國覺其意辭不赴引兵從東安全州復入廣西可望自帥兵追之不及有德雖死其固山佟圖賴復進攻寶慶順治九年壬辰春與可望遇於花街子可望將中軍馮雙禮軍左白文選軍右楊武馮萬寶在可望後可望見可望龍旗萃攻之殺傷相當可望忽自走入楊武諸營見龍旗走俱潰惟雙禮一軍不動

鑿衡州之事不迫各引還以武寶問爲界遂棄湖南定



國攻肇慶亦不克時王在安龍幽閉日甚聞定國在廣西與可望有隙密與太監張福祿全爲國言秦王待朕無人臣禮朕欲撰一密敕齎西藩行營冀其出朕於險汝二人辦得否福祿等涕泣受命以告大學士吳貞毓遂約內翰蔣乾昌李元開給事張儁御史李順胡士瑞部郎徐極楊鍾趙廣禹蔡紬鄭允元周允吉朱議昶朱東旦任斗墟易士佳等與謀以吉翔天壽素附可望議先移天壽於外使吉翔祭陵南寧皆出十一月乃密遣林青陽往廣西封定國爲晉王命入衛尋遣周官申諭詞旨哀切定國受讀感激泣數行下軍中皆流涕會劉議新自行營回過南寧爲吉翔述其狀吉翔雖赴南寧留弟雄飛偵行在動靜乍聞議新言大驚曰不早自爲地事發禍且及吾輩矣陰使提塘王愛秀報可望又諷議新具疏安龍爲左驢可望聞之大怒使人要執青陽官并吉翔赴貴陽對理陰厚待吉翔順治十一年春可望使鄭國王愛秀至行在言西府負義國主待渠不薄乃敢私通奸臣要脅封爵今林青陽周官已考訊吐服皇上明知此事出自何人臣等可還報國主桂王謝曰事非朝臣所爲比年外間假寶假敕甚多秦王

西南紀事

卷十二

九 邵武徐氏刊

還宜密訪國等怒目而出至朝房見執政云我等欲回貴州若輩作何語執繫貞毓又以兵入宮縛福祿爲國宮中大震其黨兵侍郎冷孟鉅進曰諸臣不足惜上不亟自言恐并及難桂王曰汝等逼朕朕知是誰汝等知之何不直說悲憤而退貞毓備受楚毒曰我備員宰相凡事自主之上下無與者然天壽雄飛已密探同事者姓名先報可望竟借執請王裁決所司以盜寶矯詔欺君誤國論罪福祿爲國僑凌遲乾昌等十四人棄市貞毓賜自盡皆慷慨賦詩投法以安王意安龍人哀之後爲祠祀稱十八先生焉可望滋怨定國遣馮雙禮賀九義以騎兵七千步萬餘人出古泥懷遠襲定國於柳州定國奔賓南追之不及遂攻桂林無功而還可望仍厚養定國妻子於雲南其冬定國圍新會兩月不拔與尙可喜耿繼茂等戰累敗由賓橫退入南寧而王在安龍勢益蹙日食脫粟塗葦薄以居守將承可望意更相凌逼挾彈射鳥直入宮門文吏乘輿呵殿過之不復下改稱安龍府爲安籠莫敢致詰可望陰圖篡逆患定國文秀異同故未發定國旣敗可望內喜是年可望遣兵攻常德亦敗歸聞定國將赴安籠慮有變使白文

西南紀事

卷十二

十 邵武徐氏刊



選率兵移駕貴州後宮皆哭文選亦為泣下文選雖為可望用然心不直可望因奏曰上無恐第遲行可望使文選追及曲靖文選遂不返至雲南劉文秀率文武官屬出迎王入居可望府封文秀為蜀王與晉王定國同輔政託沐天波以心膂封文選鞏國公遣還黔召可望令以兵屬定國文秀經略川廣錢糧歸之行在可望以妻子在雲南未敢叛明年正月王復遣可望部將東昌侯張虎護可望妻子赴貴州又賜虎金簪一枝令從中開諭虎至詐言上賜管密令行刺以媚激可望可望既得妻子無所忌遂大言西南紀事 卷十一 十一 邵武徐氏刊

桂王負義定國文秀謀反奪文選鞏國公印并其兵置營中決意攻雲南馬惟興馬寶陰與文選謀乘機反正從容為可望言文選舊人感宿恩諸將才望無出其右向特見齊定國使其心果貳必不復來人來而奪其兵失歸附心試用為總統必能為國盡力可望信之乃留馮雙禮守貴州而以文選為征逆招討大將軍統諸將前行自帥大軍後繼九月兩軍遇於交水文選來歸可望聞變即欲返貴州馬寶切齒大罵曰吾乃為跛賊所欺要當手縛之生食其肉且豈因一人去廢大事耶文選為賊時嘗戰傷足截

他人足接之雖愈而跛故寶嘗跛賊可望又信之密使寶與張勝武大定以精兵四千由潯州間道襲滇都而身當定國悉眾出戰陣甫接惟興軍先走眾遂大潰可望夜奔貴州張勝至滇都沐天波恐王尙禮為變挾與入朝以兵守之使王安等拒戰於城外勝知有備引還至渾水塘為定國所執寶來歸文秀引兵東追馮雙禮沐可望曰官軍至矣可望知眾心散度事不濟遂挈妻子赴長沙經略洪承疇軍前降雙禮掩其輜重以貴州來歸可望至長沙為畫取滇黔之策多為書誘其部曲使內叛吳三桂竟拔雲西南紀事 卷十一 十一 邵武徐氏刊

南可望固有力焉可望封義王傳子至孫降為公

西南紀事卷十一



# 南疆逸史



大興傅氏長恩閣鈔本

南疆逸史 序

南疆逸史序

南疆逸史者何紀宏光隆武永三朝遺事也何以不言朝不成朝也何以謂之南疆皆南土也勢不及乎北也若曰僅此南疆也云爾然則何紀爾也曰土宇反覆攻守紛錯政令互易興亡成敗得失之蹟不可泯也忠佞雜陳賢奸各出奇才策士之謀略武夫猛帥之攻伐老成正直之持論諛諂欺罔之說辨與夫忠義奮發凌霜犯雪之操叛逆肆毒狐媚虎噬之狀不可略也蓋事變愈煩情態畢露可以下拜可以投劍可以裂背可以作舞可以慟哭流涕缺唾壺而碎如意者矣嘗論明之亡也始於朋黨成於奄豎終於盜賊南渡繼之小人得志借朋黨以肆毒合奄豎以固寵假盜賊以張威而廟堂昏庸酣歌弗恤忠貞黜落貪黷橫肆紀綱倒置是非混淆以致穴中自關貽敵以漁人之利焉思文賢主也幅巾偏仄倚寇召寇永明仁慈有餘英斷不足崎嶇山海之間播遷流離收遺孽為腹心託絕域為禁藥傷已當其時坐而平章者不乏道德譽望忠諫誠悃之儒其捍禦邊圉綢繆外侮者亦多英達敏練遠艱投大之材劉黃姜高文耀何堵諸君子者皆學究天人忠貫日月常變不渝文武互濟亦可謂祖宗之留遺王國之積幹矣乃好爵虛糜大權不界或外而不內或尊而不親終於一木支傾九泥塞潰碧血青燐抗忠自信悲夫悲夫天命不延人慮再拜百六之會又焉能逃迨夫歷數已終正朔永絕而監國猶然樹森島嶼之中抗顏鯨鯢之

南疆逸史序

大興傅氏長恩閣鈔本



側落日狂濤衣冠聚議寸履未復而志不衰天命垂盡而氣  
方壯父叛子忠鴛音忽好懷誠天烈不敢萌貳雖新王之封  
冊嚴父之危詞不能易焉延祚再世歷年三紀然後知三百  
年詩書禮樂之遺澤其導人忠義之教者深矣蓋明之積弊  
約有三端一曰務虛名不采實用高談性命而以農田軍旅  
為粗研志詞華而以刑法錢穀為俗至使吏治不修武備全  
廢假鉞於武夫待成於胥吏一弊也二曰別流品不求真才  
古之求士或在草澤或在山林甚至羈囚餓隸降卒仇夫皆  
列置班聯畀膺寵任未聞同朝之誇今乃獨尊甲第鄙棄舉  
貢即材懷管葛行同夷惠理擢無期排擠有自楚材晉用誰  
實貽之二弊也三曰爭浮文不念切效承平虛套以抗大敵

南疆逸史序

三

祖制淳言以攝巨寇欲以通和而反樹之怨欲令效忠而滋  
益之怒迨至鄰封責言狂寇反噬則影銷烟散吸口無菜三  
弊也積此三弊敗亡不悟則誤國之罪豈得獨誣諸小人哉  
余所以每不禁掩卷而三歎也是編也網羅散佚搜抉殘蠹  
上自朝廟大綱事關興滅下迨閭巷幽貞諱存感誦或紀其  
人傳其事具見其本末零星逸行攢簇成章繁蕪瑣言芟除  
歸雅論賢智實嚴以其世所指名也寬庸流弗議以其無所  
責焉矣哀之非怨之也君父之惡隱而弗彰愚賤弗敢知也  
亂臣賊子末路必載以示誅夷有所儆焉至於宜詳而略當  
顯而微則定哀微辭不敢悖也春秋之義嗟乎故國舊都望  
之悵然况乎姓氏與開業並垂爵命與末流俱隕其始其末

大興傅氏長恩閣鈔本

先臣實式憑之俯仰今昔迴環感慕不知涕泗之何從自附  
於西臺之紀云爾其缺略荒謬之譏所不辭也吳興西園居  
士溫睿臨上元日書於炳燭齋

南疆逸史序

三

大興傅氏長恩閣鈔本



凡例

昔吾友四明萬子季野方輯明史語余曰鼎革之際事變繁多金陵閩粵播遷三所歷年二十遺事零落子蓋輯而志之成一書乎余曰是明史之所賅也余何事焉萬子曰不然明史以福唐桂魯附入懷宗紀載寥寥遺缺者多倘專取三朝成一外史及今時故老猶存遺文尚在可網羅也遂巡數十

年遺老盡矣野史無刊本日就零落後之人有舉隆永之號而茫然者矣我儕可聽之乎余曰是則然矣其間固有抗逆顏行伏屍都市非令甲之罪人乎取之似涉忌諱也刪之則曷以成是書萬子曰不然國家興廢何代無之人各為其主凡在興朝必不怒也不得己而遂其志爾故封汗表容贈通祀闕歷代相沿著為美談 本朝初定鼎首發殉國諸臣以示激揚其在外者不暇及爾矣與誅可並行也且方開史局時已奉有各種野史悉行送部不必以忌諱為嫌之令矣采而輯之何傷余因曰諾然世事拘牽因循未果也其後錄得野史數十種方欲咨訪發凡起例而萬子溘然先逝明史例傳甫脫稿尚未訂正念亡友惓惓之言不忍違其雅意間居京邸放廢無事嘗叢諸書以銷永日顏曰南疆逸史非敢附名山之藏亦賢於博奕者云爾

野史十有兼紀三朝事者吳偉業錢冠紀略鄒漪明季遺聞是也有紀國變及南渡事者夏允彝存錄文東甲乙事案許重熙甲乙彙略李清三垣筆記是也有專紀宏光事者顧

南疆逸史凡例

一

南疆逸史凡例

二

炎武聖安本紀黃宗義宏光寶錄李清南渡錄是也有兼紀隆武永兩朝事者黃宗義行朝錄錢秉登所知錄瞿昌文天南逸史劉湘客行在陽秋是也有專紀隆武事者閩人思文大紀是也有專永兩朝事者沈佳存信編魯可藻嶺表紀年劉湘客揚在蕪母遠乘即紀事馮勉劫灰錄某南粵新書粵事紀略鄧凱滇緬紀聞滇緬日記是也有專紀一人一事者應廷吉青燐屑史德威維揚殉節始末袁繼成淪江紀事某北使記康范生虔事始末某頓州乙丙紀略某江人事記徐世溥江變紀略章曠楚事紀略沈荀蔚蜀難敘略揚在朱容藩亂蜀始末武岡播遷始末孫可望費王始末犯闕始末安隆紀事鄧凱遺忠錄求野錄也是錄是也有專紀魯監國事者黃宗義魯紀年四明山寨記舟山興廢記日本乞師記馮京第浮海記鮑澤甲子紀略陳睿思閩海見聞紀略阮疇生海上見聞錄是也共四十餘種其間紀載有詳略年月有先後是非有異同毀譽有彼此乃取萬子季野明末諸傳及徐閣學明季忠烈紀實諸傳合而訂之正其舛謬刪其繁蕪補其所缺撰其未備以成是編其他未見之書尚俟再攷然大略具是矣

古史於帝王則稱本紀諸臣則稱列傳者紀舉一時政令大綱列傳止載一人一事故稱紀以別之然太史公於項羽亦稱本紀以其號令一時事多詳載也今金陵閩粵三君位雖不終亦自帝其地各有政教理合紀載若拘入懷宗之例則



傳且不列何有於紀非一代史體也茲首卷先紀略不稱本紀者避 本朝也其言略者事固不得而詳也

古人作史有專傳有合傳有附傳非以人有優劣也事有煩簡耳專傳必其行迹之衆多者也合傳則或其學同其行同其官同其時同其名同其一事偶同老莊孟荀其學同也刺客遊俠酷吏其行同也張蒼申屠嘉其官同也婁敬叔孫通其時同也管晏其顯名同也屈原賈誼以放逐一事偶同也至附傳者以其人事迹少不能成傳故附記之非薄其人也足編諸傳竊做此意以事以時為類或其人人品相懸亦不及計耳

南疆逸史凡例

三

諸臣有連事崇禎者其行事章奏悉略之以所重在南渡後且已載於明史也必列之者以其終事在後也然大節亦撮數語不敢盡遺也

諸傳之序先金陵次閩次浙東次粵中諸臣有歷事三朝者則從其重者次之呂大器終於粵而先之者迎立異議大器為主一朝之眉目也其後在粵亦無所表見

古人附傳例不列名余獨不然蓋惜其人忠義節烈本屬賢者而行事派沒無可紀載僅以一死成名若復不列其姓氏則觀者且特忽之故每篇大書特書令人儼然於賢者之名耳若其人本不足重者雖附載不列名也

徐閣學忠烈紀實雖其人無事可書者必另列一行大書姓名余則不然彼專紀忠烈無可附書余則一朝之人忠任賢

大興傅氏長恩閣鈔本

奸悉列焉問或附見豈能掩其人之忠烈哉此所以異也無行事而但列姓名以為一傳古無此體也

義士義兵等傳古無此名今無妨乎曰無害也夷齊叩馬而太公稱以義士出自興朝佐命之口非出自勝國况也諸史各有忠義傳在勝國者為忠則在興朝為不忠在勝國者為義則在興朝為不義然史皆興朝所修而必不廢忠義之名者存其實焉爾此之立名猶是義也

南疆逸史凡例

四

能忠義則匹夫貴矣不能忠義則卿相賤矣漢人所謂桀紂至貴而下士羞與為伍夷齊至賤而王公不敢與抗是也豈在名位哉哀十一年即之戰公叔務人與鄭童汪錡往陪死焉魯人欲弗殤童汪錡問於仲尼仲尼曰能執干戈以衛社稷雖欲弗殤也不亦可乎夫童子也而其名與國君之子並垂魯人禮之聖賢贊之千載下懷懷有生色較之魯三卿更烈焉非以其死義耶而何不可並列之有至如道學正於舍生取義見之陶菴以一書生枕干寢戈與武夫並奮此正見其實在道學也與夫口談仁義而身怯國事者異矣嗟乎世衰道微學術不明人惟聲利是趨乃於綱常大義亦先尚名位豈不可歎哉

大興傅氏長恩閣鈔本



周鍾周鍾雷縉祚三人者未嘗官南渡也南渡殺之耳何傳焉曰是南渡一大案也馬士英竭智盡巧以起大賊而歸其獄於從逆諸臣從逆者不可得而誅而歸其獄於周雷於是周雷誅大賊用清流懼禍釀成左鎮之內犯而國以亡則此三人者烏乎不載也

四鎮同功一體之人也列黃高而削二劉以其不終也其事則已附見矣李成棟之附見於李元肖傳以其無始也成棟不與聲桓一例乎曰是有辨粵中之不靖成棟擾之也迨其反正而民生已塗炭矣忠烈材幹之士已夷滅矣惟其小心聽命以死勤事較之借內附而仍暴橫如忠貞諸人異焉若夫聲桓始終一賊耳歸朝之後不請吏不納土不離窟穴擅

南疆逸史凡例

五

署官吏私財賦妄殺戮藉其後來全無王章致煩天討屠害生靈故列逆臣

孫可望事與粵中相終始粵中立國而可望入滇矣可望降而粵亦以亡且其邀王封諱受禪擅殺大臣劫置安隆稱兵內犯皆粵事之大者不載不可也載之則人已歸降例不得載今詳見於李定國傳而諱附於同時諸臣亦得其大略矣諸史必有儒學孝友獨行文苑隱逸方伎等傳茲編為人無幾無從分晰獨隱逸欲列一傳而搜訪殊寡方明之求諸潔身高蹈者所在多有然其人既不求名而知交中或鮮好義文學之士不為傳述子孫式微遂致湮沒豈不惜哉廣搜停羅以發潛德此亦四方君子之責也

大興傅氏長恩閣鈔本

南疆逸史 凡例

金陵之亡閩有君矣閩亡粵有君矣粵監國紀不亦贊乎曰此以存諸遺臣也諸臣之謀事唐魯桂者多矣若錢張諸公與魯相終始者也無魯何以有諸臣諸臣之雄才大略精忠烈志皆與日月爭光者可以略乎諸臣不得略而監國烏乎不紀也且閩亡之後諸臣奉之長垣奉之健跳奉之中左奉之舟山閩中震動獨非國事乎此皆不得附見於閩粵者也

南疆逸史凡例

在昔梁未亡而蕭督自立稱為後梁史不得略彼並帝者且然況於守監國之虛懷無自帝之驕志吾以為賢於靖江廣州萬萬矣故彼削而此紀

南疆逸史凡例

六

明祖鑿胡江之禍不復立宰相以庶政歸六部而大權獨操太阿不旁落善矣然後嗣難以遵也成祖始與學士參決機務設有內閣矣英宗冲年踐阼政在房闈始有票擬矣其後皆以六卿加官保銜則權與宰相侔矣懷宗英察微有猜嫌秉鈞之地信任不專十七年之間至五十人於是內暨得而相制之臺諫得而齟齬之廟堂無政海內萌離豈非輕蔑大臣有主而無輔之所致歟南渡而後貴陽煽處猶有水平權奸之勢故江左卒為所覆至於閩粵而政府輕於庶官矣片言令旨立執化樞節鉞邊帥皆與閣銜品望既卑權寄斯替其卓卓自表者既散見諸傳餘瑣瑣者不足錄也惟起二三遺老欲資籌策而碌碌尸位望不稱職事不可遺故立一傳明之宗支幾百萬殲於賊者十之九焉其散處他方義旅相於推戴於是知列聖德澤在人念其苗裔猶祖宗也惜乎謫

大興傅氏長恩閣鈔本



劣之材不足以勝鼎器隨征隨什比之聖公盆子猶或下焉  
被其毒者至儕之盜賊嗚呼夫孰非天潢之支流也無仇在  
君親禍及祖宗枕戈之志孰得議之雖其無成亦足悲矣而  
兵火之餘無從披拾之者謀略不具始末不完聊志梗概存  
其間之抱節義者爾

鄭芝龍受明厚恩而不終成功以子叛父是何足誌乎曰凡  
為傳者宜其人是為亦以微國事焉閩之立國惟鄭是依國  
事取決於芝龍而負恩喪國計其罪合入叛逆之伍成功痛  
父之不忠天心報國奉粵朔不敢有二迨至粵亡猶以紀年  
竊附仍稱天復之義明之世勛宗戚與夫將相大臣受累朝  
厚恩者未有効忠若是者也事雖不成君子深悲其志焉或

四庫全書

七

曰其拒魯王而不納非欲自尊忘乎曰否魯與閩固不協也  
兩相誚矣閩亡而奉魯思文有知不合温地于乎附粵以明  
臣服之心拒魯以存故主之感此英雄不得已之智略也然  
則何以不入粵曰地相隔也此有土焉勢不得舍之以奉粵  
也令舍而奉粵則亦壬寅一俘囚耳安能任強島中延明歷  
二十餘年哉故以其父子祖孫自為一傳如五代吳越世家  
例為忠為叛讀者自評之

或曰逸史之異於正史者正以軼事記載多耳于於軼事往  
往略之如德昌之疑非真也大悲童氏之獄暗昧不明也非  
當明辨之者歟永明見繫而神告以貞符入寺而木偶起立  
非受命之徵歟瞿留守之松仙預定也非管郭之流歟若是

大興傅氏長恩閣鈔本

者不可枚舉而子俱不載何也曰德昌之事無從辨也辨之  
而益疑刪之而論定矣永明之夢松仙之數近於機穢祥君  
子不道也此編外史也不敢悖乎史體焉而若瑣瑣是迷疵  
累筆端故略之而人且以正史目之矣

明至定陵不獨朝事隳弛士大夫學術亦漓矣其時絕少通  
經學古之士馴至啟禎半白腹耳野史載懷宗嘗問閣臣宰  
相須用讀書人何謂也諸臣莫能對首輔徐奏曰容臣等至  
閣會議具奏內侍皆掩口而笑嗚呼以不學之人微倖得第  
平章軍國重事以支寇盜交訐之會欲不亡得乎明史自開  
國至嘉隆儘多佳傳即少事實亦簡潔有體萬曆以後冗蕪  
矣以前此纂述盡出名手而後之所本者不堪耳朝廷議論

南續逸史七例

八

是非紛紜顛倒無從取信野史猶存直道焉故自定陵以後  
彙諸野史取正史所遺而傳聞甚的者纂為一編名曰吾儂  
錄南渡軼事未入此編者亦附載焉稍為論斷竊做中壘說  
苑之例他日南歸資田間之笑喙且以誇示兒曹曰此十餘  
年遊學錦囊也

大興傅氏長恩閣鈔本



南疆逸史目錄

紀略四卷

列傳五十二卷

紀略第一

九五十六卷  
逸史一

安宗

紀略第二

逸史二

紹宗

紀略第三

逸史三

永<sub>國</sub>帝

紀略第四

逸史四

監國魯王

南疆逸史目錄

列傳第一

逸史五

史可法

應廷吉附

列傳第二

逸史六

高宏圖

姜曰廣

列傳第三

逸史七

張慎言

徐石麟

張有譽

顧錫疇

管紹圖

解學龍

高倬

呂大器

列傳第四

逸史八

劉宗周

黃道周

大興傅氏長恩閣鈔本



列傳第五

逸史九

左懋第

袁繼成

列傳第六

逸史十

劉成治

黃端伯

吳嘉楷

龔廷祥

陳鏞附

陳于階

列傳第七

逸史十一

凌駟

何剛

祁彪佳

陳潛夫

王瑞栴

列傳第八

逸史十二

周鏞

周鍾

雷績祚

列傳第九

逸史十三

徐汧

華允誠

楊廷樞

劉燾

陸培

王道崐

葉向榮

熊化

劉斯侔

周瑞豹

列傳第十

逸史十四

金聲

夏允彝

陳子龍

沈廷揚

大興傅氏長恩閣鈔本



列傳第十一	逸史十五
侯峒曾	黃溶耀
沈猶龍	李待問
章簡附	邱祖德
郭符甲	
列傳第十二	逸史十六
胡夢泰	詹兆恆
周定仍	胡琦
陳辰采	曾應亨
余應桂	胡海定
揭重熙	傅鼎銓
劉士積	
列傳第十三	逸史十七
路振飛	曾櫻
曹學佺	馬思理
姜一洪	何楷
列傳第十四	逸史十八
陳六谿	尹氏興
吳聞禮	艾南英
熊緯	李濟
林逢經	畢貞士
王之慶	周之藩

大興傅氏長恩閣鈔本

張致遠	王忠孝
諸葛倬附	
列傳第十五	逸史十九
萬元吉	楊廷麟
劉同陞	郭維經
彭期生	楊文薦
符湖中	黎遂球
龔芬附	姚奇清
吳世安	陳烈
劉天駟等	盧象觀
月世光附	劉曰全
錢謙亨	
列傳第十六	逸史二十
傅冠	王應熊
王錫衮附	蔣德璟
黃景時	何吾驄
黃士俊附	方逢年
列傳第十七	逸史二十一
瞿式邦	張同敞
何騰蛟	堵胤錫
列傳第十八	逸史二十二
嚴起恆	王化澄

大興傅氏長恩閣鈔本







馮元禮	馮京第附
列傳第二十七	逸史三十一
林塗	劉中藻
朱繼祚	張肯堂
吳鍾巒	朱永祐
李向中	朱養時
林瑛	
列傳第二十八	逸史三十二
熊汝霖	錢肅樂
張煌言	
列傳第二十九	逸史三十三
守土	
任民育	曲從直
王纘爵	周志畏
羅伏龍	楊振熙
黃鉉	吳道正
王志端	溫璜
閻應元	侯承祖
顧成建	唐日彩
過俊民	戴重
鍾鼎臣	方召
列傳第三十	逸史三十四

大興傅氏長恩閣鈔本

守土	
傅雲龍	鮑東震
鄭為虹	黃大鵬附
王十和	王景亮
胡上琛附	曠昭
張亮附	王養正
王域	劉允浩
夏萬亨	高飛聲
李翔	徐伯昌
梁于浚	黎仰明
康汝健	胡重明
徐君鼎	黃克善
吳錫玉	彭永春
徐可行	董四明
成啟	孫大華
列傳第三十一	逸史三十五
守土	
張耀	黃應運
曾益	焦潤生
曾翼撰	王運開
劉廷標附	夏祖訓
陳六奇	徐道興

大興傅氏長恩閣鈔本

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十



戴希嘉	鄭雲錦
那高	龍吉兆
龍吉佐附	
列傳第三十二	逸史三十六
死事	
張眉錫	龔用圓
夏雲蛟	唐全昌附
睦明永	徐念祖
傅凝之	陸厚元
沈鼎科	戚勳
馮敦厚	呂九韶附
夏維新附	王華附
黃敏祺	徐趨附
王佐才	陳大任
朱集璜	陶琰附
周室瑜	王濤
王湛	徐守質
麻三衡	吳漢超
吳應箕	龐昌胤
謝球	趙初沆
司石磐	吳源長
錢國華	繆鼎吉兄弟

大興傅氏長恩閣鈔本

馮宏圖	周損
傅夢弼	傅謀之
姜堂和尚	侯應龍
王焜	盧象觀
方明附	葛麟附
顧果	吳易
孫兆全附	李總兵
任源遠附	吳福之附
徐安遠	金有鑑
徐昌明	朱大定
錢棟	錢旃附
昌宣宗	余元良
周宗彝	姚志卓
張嘉運	錢遠
章欽臣	邵一桂
洪有楨	王翊
王江	趙立言附
列傳第三十三	逸史三十七
死事	
徐敬時	王廓
劉日果	徐善翼
彭銀	金志遠

大興傅氏長恩閣鈔本



鄧思健	楊應和
楊居久 <small>附</small>	陳資典
譚 渴	馮 伯 <small>附</small>
魏一柱	吳啟爵
倪大顯	胡之淵
李含初	郭賢操
閻人天祥	王 龍
鄧文敬兄弟	王其定
孫仲奎	許文龍
寇夢凡	孔肖文
孔肖哲	蔡觀光
列傳第三十四	逸史三十八
死事	王良翰
程見周	孫守法
李虞變	上官星拱
吳履泰	陳萬齡
李爾龍	潭先哲 <small>附</small>
吳子騏	顧人龍 <small>附</small>
石聲和 <small>附</small>	金世鼎 <small>附</small>
席上珍	段伯美
何 思 <small>附</small>	耿希哲 <small>附</small>
余繼善 <small>附</small>	

大興傅氏長恩閣鈔本

冷陽春 <small>附</small>	夏祖訓 <small>附</small>
列傳第三十五	逸史三十九
死事	畫網巾先生
江天一	賀向峻
陸宇燭	蔣爾恂
王延善	列傳三十六
列傳第三十六	逸史四十一
隱避	姜 垓 <small>附</small>
姜 垓	姜 垓 <small>附</small>
葉廷秀	顧 朱
張利民	于 穎
魏公韓	王一蕭 <small>附</small>
張廷賓	周齊曾
林必達	余增遠
方以智	劉永錫
列傳第三十七	逸史四十一
隱避	鄭龍采
張鹿微	熊啟宇
費經虞	朱議霽
胡正言	一壺先生
邱上儀	楊正經
錢老人	

大興傅氏長恩閣鈔本



列傳第三十八

逸史四十二

逸士

李孔昭

李安世

萬泰

汪颯

邵泰清

嚴書開

張次仲

李天植

徐材

張采鳳

張中發

謝遠

葉鳴盛

包捷附

王介之

王夫之

張若義

徐復儀附

南疆逸史目錄

列傳第三十九

逸史四十三

逸士

孫奇逢

黃宗義

李容

王宏振附

張岱

談遷附

施博

劉灼

陳恭尹

列傳第四十

逸史四十四

逸士

沈壽民

劉城

張拱乾

楊湛露

大興傅氏長恩閣鈔本

魏禧

李標

王翊

張白牛

陳貞慧

呂章成

陶復

陳洪綬

鄭鉉

朱之璣

朱北毅

葉振名

韓位

嚴焯附

列傳第四十一

逸史四十五

義士

盧涇材等

高孝纘

王士瑋附

吳可箕

潘履素

黃金璽

韓默

饒餘

張秉純

趙景麟

徐爾毅

鄧雲程

吳古懷

顧所爰

王贊明

祝淵

王毓著

潘集

周卜年

傅日炯

朱偉

倪文徵

謝泰臻

嚴于斌

劉孔昭

項嘉謨

大興傅氏長恩閣鈔本



沈士柱	魏耕
楊太冲	龐延會
馮協颺	楊履圖
饒宇栢	溫奇梧
周必顯附	薛大觀
列傳第四十二	逸史四十六
義士	
王若之	文震亨
文秉附	殷獻臣附
徐澳	項志圖附
歐敬竹	石士鳳合
馬嘉	方國煥附
馬純仁	楊維敷
許德溥	葉大章
鄒之琦附	鄒欽堯
朱君正	曾和應
劉泰兆	李應開
魏殷臣附	胡從治
李逢天	王萃石
陳一湛	盛名世
林化熙	林應星附
林說附	趙卯

大興傅氏長恩閣鈔本

紀文時	劉國祚等
列傳第四十三	逸史四十七
義士	
趙一桂	孫繁祉等附
錢鳳覽	紀附 三營卒
僧丹竹	趙廷瑞
熊國本	鄧貴
宜黃榜人	費來盛
列傳第四十四	逸史四十八
宗藩	
益王某	永圖王由懋
羅川王某	嘉興王某
瑞昌王孫統銀	賈靖王衍桂
盛濃	議澁
盛澍	議澁
紹鯤	常巢
統鈞	容藩
列傳第四十五	逸史四十九
武臣	
黃得功	高傑
乙邦才	劉肇基
莊子固	黃強

大興傅氏長恩閣鈔本



列傳第四十六 逸史五十

武臣

李元盾 焦璉

馮耀 李明忠

沐天波

列傳第四十七 逸史五十一

武臣

曾英 王祥

楊展 王興

陳奇策 蕭國龍

列傳第四十八 逸史五十二

武臣

李定國 劉文秀

列傳第四十九 逸史五十三

武臣

荆本徽 賀君堯

黃斌卿 鄭遵謙

鄭彩 阮進

周鶴芝

列傳第五十 逸史五十四

謀傳

鄭芝龍 鄭芝虎

鄭芝龍

南疆逸史目錄 七

大興傅氏長恩閣鈔本

鄭鴻遠 鄭成功

鄭經

列傳第五十一 逸史五十五

逆臣

金聲桓

列傳第五十二 逸史五十六

奸倖

馬士英 阮大鍼

楊文驄 劉承盾

馬吉翔

南疆逸史目錄 八

大興傅氏長恩閣鈔本



南疆逸史卷一

烏程溫睿臨撰

紀略第一

安宗

安宗簡皇帝神宗之孫福恭王長子也諱由菴母鄒氏初封德昌王進封世子崇禎十四年正月李自成陷河南府恭王遇害世子出走懷慶十六年七月嗣封福王懷宗擇宮中玉帶命中使賜之十七年三月京師失守四月己巳烈皇帝出問至南京其時南京參贊機務兵部尚書史可法督師勤王在浦口南京諸大臣聞變倉卒議立君未有所屬而王與潞王以避賊至淮上潞王諱常洵穆宗之後也有賢名大臣意

南疆逸史卷一

多屬潞王總督鳳陽兵部右侍郎馬士英遣書南京言福王倫序當立甲甲守備南京魏國公徐宏基提督操江誠意伯劉孔昭南京兵部尚書高宏圖工部尚書程註右副都御史張慎言掌翰林院事詹事姜曰廣南京守備掌南司禮監務人監等贊周等集朝內兵部右侍郎呂大器署禮兵二部印不肯著議吏科給事中李沾厲聲言今日有異議者死之時士英握兵於外與大將靖南伯黃得功總兵劉澤清劉良佐高傑等相結諸大將連兵駐江北勢甚張大臣且畏之不敢違於是以前福王告廟乙酉徐宏基等迎王於江浦丁亥百官迎見王素服角帶哭五月戊子朔王乘馬自三山門外至孝陵從臣請從東門御路入王遊避自西門入至享殿祭告畢

大興傅氏長恩閣鈔本

次謁懿文太子陵自朝陽門入東華門步行謁奉先殿出西華門駐蹕內守備府己丑羣臣勸進主辭讓遵景皇帝故事監國是日

大清攝政王入北京庚寅王行告天禮陞殿百官行四拜禮魏國公徐宏基跪進監國之寶王受訖再行四拜禮乃還大赦其新加練餉及崇禎十二年以後一切積派並各項錢糧十四年以前實欠在民者悉免之以張慎言為吏部尚書壬辰以史可法為東閣大學士兼兵部尚書高宏圖為東閣大學士兼禮部尚書並入閣辦事馬士英為東閣大學士兼兵部尚書總督鳳陽如故發銀一萬兩遣職方司郎中萬元吉往犒得功等軍癸巳為大行皇帝發喪哭臨甲午以姜曰廣

南疆逸史卷一

為東閣大學士兼禮部尚書前禮部尚書王鐸為東閣大學士並入閣辦事曰廣辭改禮部左侍郎入直以工部右侍郎周堪廢為戶部尚書召前都察院左都御史劉宗周復官乙未遣河南道御史祁彪佳等安撫江南可法請裁去南京內外守備參贊等衙定京營及府衛官兵軍校事宜又請分江北為四鎮以黃得功劉澤清劉良佐高傑四人分統之傑駐徐州經理河北河南開歸等處招討事良佐駐壽州經理河南陳許等處招討事澤清駐淮安經理山東等處招討事得功駐廬州經理各路援勤事各有分地軍民聽統轄有司聽節制營衛修葺舊伍墾荒蕪採山澤招商稅以供軍民資每鎮額兵三萬人歲供本色米二十萬折色銀四十萬設督師

大興傅氏長恩閣鈔本







后上建文帝諡曰嗣天章道誠懿淵恭觀文揚武克純篤孝讓皇帝廟號惠宗后馬氏曰孝慈溫貞哲睿肅烈襄天弼聖讓皇后追尊恭仁康定景皇帝諡曰符天建道恭仁康定隆文布武顯德頌孝景皇帝廟號代宗貞惠安和景皇后汪氏曰孝淵肅懿貞惠安和輔天恭聖景皇后己丑以太常寺少卿左懋第為兵部右侍郎兼都察院右僉都御史經理河北聯絡關東軍務兵部職方司郎中馬紹愉為太僕寺少卿副之加總兵官陳洪範太子太傅偕往北京給銀三萬兩為山陵道里費以六科員缺令將中行評博推知等官俱減俸行取乙未定軍營制為五軍神樞神機三大營各一營至十營以團練總兵官六人分統之癸卯命禮部尚書顧錫疇祀海

甲辰追封開國公功臣故穎國公傅友德麗江王賜諡曰武靖宋國公馮勝置陵王諡曰武莊乙酉中旨以吏部右侍郎張有譽為戶部尚書宏圖封還爭之不聽辛亥釋高增罪宗前唐王聿鍵等三百餘人時羣臣分黨紛爭日甚壬子諭曰朕遭百六之運車書問阻方資羣策旋軫故都乃文武之交爭致異同之日甚先皇帝神資獨斷彙納眾流天不降康咎豈在上爾諸臣尚監於前車精白乃心匡復王室若水火不化戈矛轉興天下事不堪再壞且視朕為何如主祖宗成憲弗尚姑息各宜欽承朕言不再改正閣銜以尚書兼大學士八月丙辰朔日有食之癸亥救左良王充提督官開藩武昌甲子張獻忠陷成都府蜀王遇害乙丑制曰川陝道遠職官

大興傅氏長恩閣鈔本

多缺吏部選擇賢才堪任監司府州縣者與巡按御史米壽圖前去隨才署用以後凡殘破險遠地官准此戊辰皇太后自儀鳳門入宮遣靈壁侯湯國祚告於南郊命惠王駐廣信府癸酉命修西宮之西園第一所為皇太后宮乙亥命吏部察廢籍及舉貢監生才品堪用願効力危疆者考選二三十員咨發督輔軍前以補地方缺官丁丑封皇太后弟千戶鄒存義為大興伯贈吳三桂父故總兵官吳襄遠國公母祖氏達國夫人戊寅命進淑女辛酉賜北京死節諸臣大學士范景文等二十二人贈諡祭葬有差建祠雜鳴山賜額旌忠壬午以前太子太保禮部尚書兼文淵閣大學士王應熊起用改兵部尚書總督川湖雲貴等處帶辦蜀寇賜尚方劍便宜行事仍給銀三萬兩癸亥封鄭芝龍為南安伯命停文武薦舉禁非言官而上疏者乙酉中旨以阮大鍼為兵部右侍郎巡閱江防是月

清將楊萬興下濟圖九月辛卯裁各布政司右布政使癸巳曰廣致仕甲午宗周致仕己亥三法司奏定從逆六等條例大逆凌遲處死凡五條凡從逆攻陷京師及為賊毀宗社易門榜者凡倡率勸進及為賊偽詔導者凡部院處事翰林三品以上大臣從賊受偽官為之親信用事者凡文武封疆大吏如督撫總兵降賊者凡京堂翰林科道部官為賊畫策規取地方者以上如本犯不歸歸而又逃者收條其妻子籍沒其家產斬決不貸時凡三條凡四五品京堂及翰林科道受

大興傅氏長恩閣鈔本



賊偽命居要地比原職加崇者凡方面分巡分守知府等官降賊者凡文武封疆大吏聞變先逃者絞凡六條凡獻銀獻女獻婢以媚賊求免者凡內外衙門官但受偽命者凡職在巡方遇變而逃及布按三司分巡分守知府等官遇變逃者凡被賊夾打不能自回仍受偽官者凡受偽官為賊疏遠者凡各衙門奉差如管屯管河推關司餉等官雖無封疆之責而逃者皆流凡二條凡內閣重臣及部院等三品以上詹事翰林五品以上即不從賊偷生潛逃者凡既受偽職後自疏遠先賊未敗脫身南還者以上新故流及遠戍共十一則如各犯認罪自投議減半本罪一等如遁歸匿形蓄謀巨測議於本罪加一等仍收係其親屬徒凡二條凡候考候選即無

官守即未受偽官仍浮沈賊中賊奔乃還者凡遇賊變為賊脅留未受偽官者杖凡一條凡初為賊所拘未受偽官乘間先歸者削凡北都淪喪帝后升遐巷戰死絃者遂無一人且反面事仇甘心降賊為之指斥先帝規並海宇人心已喪法紀何存所奏既已會議允當並先奪職其絞罪以上法司行撫按官逮至京訊之流罪以下撫按官依律即訊具奏其有身雖陷賊而能改圖歸正擒殺賊首及以兵馬城池來歸或為我內應先立大功或為我內間効忠本朝者仍從優理賞不用此例士英請令童生輸銀免府縣二試已給河南巡撫越其銀十五萬兩令募兵屯田追賜國初諸臣陶安等先朝諫死諸臣蔣欽等諡命鄉官與監生齊民數田多寡一

大興傅氏長恩閣鈔本

體當差不許擅立官戶丁未上皇考陵名曰照陵庚戌命法司逮問呂大器前巡撫御史左光先俱不至問納助工事例辛亥停宗室換授壬子命刑部逮問黃澍亦不至戶部給事中陸朗御史黃鼎鼎例授外職特旨留之二人疏攻徐石麒甲寅石麒致仕是月高傑率兵赴鎮冬十月丁巳太常寺少卿李沾為都察院左都御史庚申高宏圖致仕甲子遣司禮監太監孫元德察催直隸浙江福建庫餉仍督兩浙漕鹽課稅並修練儲備事宜賜北京死節太監王承恩等九人賜諡祭葬蔭有差丙寅命於杭州選淑女壬申中旨以吏部右侍郎張捷為吏部尚書癸酉追復代宗生母賢妃吳氏為皇太后上諭曰孝翼溫惠淑慎慈仁匡天錫聖皇太后惠宗長子

文全曰恭愍皇太子弟允熲為吳悼王允燿為衡愍王允熙為徐哀王追封少子文全為原懷王並附祀孝康陵復江都宜春南平等四郡主為公主耿睿于禮為駙馬都尉丙子命以承年正月上辛合祀天地於南郊士英請令戶部給直省印單凡贖錢自杖以上俱注單內解部充餉其不入單內以贖論從之丁丑以兵部左侍郎解學龍為刑部尚書戊寅加左良玉太子太傅壬午命停今年決囚於未鑄宏光通寶錢是月漳川賊破雲霄城拒之官兵討之賊走大埔十一月戊子西宮成賜名慈禧殿續封節文堯為定遠侯庚寅命開屯海中玉環等山辛卯令生員納銀充貢總兵官邱磊有罪下獄死癸巳命連王駐台州海縣乙未夜端門外火

大興傅氏長恩閣鈔本



大清兵入宿遷破海州庚戌以五軍都督府左都督許定國充總兵官挂鎮北將軍印鎮守開封辛亥監下江軍兵部職方司郎中楊文聰請於金山固山作城從之士子復逃官御史蘇京官駐廟灣聯絡海上自五月不雨至於是月十二月乙卯朔命荆王駐九江府丁巳進封劉澤清為東平侯禁巡按御史不許訪拏庚申賜建文死節諸臣贈諡辛酉以湖廣巡撫何騰蛟總督川廣雲貴等處軍務兼督糧餉專理恢剿丙寅改上孝宗后張氏諡曰孝誠靖肅莊德哲懿扶天贊聖敬皇后大閱禁軍命士英代己已陳洪範北使還左懋第不屈被執通政使楊維垣請重刊三朝要典許之又奏逆案多狂命吏部察明分別復職起用有狂僧大悲至京自稱王下鎮撫司訊之癸酉復逃官前左春坊左諭德韓四維官工科右給事中戴英勅之改別職用甲戌遣士英視牲乙亥復逃官兵科給事中時敏官開屯海中大懼等山丁丑諭吏部自天啟以前諸臣有勞績者察明贈官不得與蔭三法司解學龍等奏從賊諸臣擬罪太輕命再議開納文武職官誥命事例

大清兵自孟縣渡河總兵李遇際迎降命高傑屯歸德以備之徐宏基卒戊寅傑自徐州進兵辛巳罷南郊改以明年冬至壬午以應天府府丞羅式邦為都察院右僉都御史巡撫廣西士英請權酌從之

元年春正月乙酉朔大雪免百官朝賀以士英掌文淵閣印

大興傅氏長恩閣鈔本

充首輔辦事癸巳命得功良佐率師進屯穎毫二人投命不行與平伯高傑率軍至睢州總兵官許定國伏兵殺之叛降於

清戊戌禁宗室入京朝見壬寅命在京諸臣自陳癸卯中旨以吏部左侍郎蔡奕琛兼東閣大學士入閣辦事命裁革監紀及將領官乙巳奪解學龍職丙午召都察院左都御史唐世濟復官加高傑監軍兵科給事中衛允文兵部左侍郎督興平標下鎮將兵馬兼理本鎮汛地經略開歸防勦軍務是月

大清兵入西安府李自成走襄陽二月庚寅朔命於嘉興紹興二府選淑女己未阮大鍼為兵部尚書協理部事江防如故以工部右侍郎高倬為刑部尚書人有上書言開化德興玉山之間有雲霧山為先朝封禁開之可以助國命太監李國輔往會同撫按勘視辛酉令五府察明劾臣世系保選戚臣不許濫請世襲癸亥續封顧其謙為鎮遠侯甲子諡皇太子獻愍定王曰哀永王曰悼乙丑命蘇州織造大婚冠服丁卯顧錫疇罷蔭方孝孺裔孫樹節為翰林院五經博士遣太監高起潛安撫興平營將士甲戌進蔡奕琛禮部尚書文淵閣大學士乙亥進封皇弟由榮為穎王諡曰冲禮部請朝日命待南郊禮成行之丙子更上先帝廟號曰毅宗趙之龍奏思非美諡也封慈煇為崇王命駐福州府己卯命駐百官印去南京二字癸未大悲棄市鴻臚寺少卿高夢箕奏先皇帝

大興傅氏長恩閣鈔本



太子自北來遣內臣蹤迹至杭州得之三月甲申朔至京駐  
興善寺太監李承芳盧九德等審視還報夜五鼓移至掌錦  
衣衛都督同知馮可京邸舍乙酉上御武英殿命府部九卿  
科道及前東宮講官中允劉宗正李景濂少詹事方拱乾等  
審視太子問答多不符大學士王鐸叱為假久之自稱為王  
之明故駙馬都尉王易姪孫奏上丙戌下中城兵馬司獄以  
戎籍錢謙益為禮部尚書丁亥復故少師兼中樞殿大學士  
溫體仁諡戊子命太監喬尚總理兩淮鹽課嚴察兵馬糧餉  
壬辰命百官會審王之明於午門外上故妃童氏在河南巡  
按御史陳潛夫具儀從送至京上以為假下錦衣衛獄並逮  
訊潛夫於已遠祭諸陵戊戌三法司以王之明獄上命再嚴  
究往來蹤迹及主使之人先是太子之至也都人皆喜以為  
上未有子且以為嗣至是人情益懼民間流言指馬士英王  
鐸共謀戕害太子黃得功上疏乞保留上命養之獄中弗遂  
加刑劉左良玉上疏並言太子童氏二事謂上為羣臣所欺  
因命法司頒二案讞詞傳示中外以釋羣疑然而流言日甚  
己亥上懿安皇后諡曰孝哀慈靖恭惠溫貞偕天協聖哲皇  
后更上皇考諡曰孝皇帝壬寅先帝忌日上於宮中舉哀百  
官於太平門外設壇遙祭乙巳  
大清兵從河南下總兵官王之綱走宿州是日陷歸德府巡  
按御史凌嗣死之丙午罷安慶巡撫己酉贈高傑太子太保  
蔭一子錦衣衛百戶壬子加高傑部將李本深太子少保左

大興傅氏長恩閣鈔本

都督提督興平伯標下兵馬夏四月丙辰左良玉反陷九江  
府良玉尋死其子夢庚自稱留後丁巳追恤三案諸臣劉廷  
元等二十人並復原官仍各贈蔭有差己未左兵陷東流京  
師戒嚴以公侯分守長安等門及都城十三門徵靖南廣昌  
東平三鎮兵入衛命史可法至江北調度阮大鍼率兵巡防  
上江是日戮光時亨周鍾武懷於市周鍾雷縉祚賜自盡其  
餘從賊諸臣擬死罪者戊邊流罪以下為民是日左兵陷安  
慶府  
大清兵自歸德分兩道一趨亳州一趨碭山徐州總兵官李  
成棟奔揚州壬戌封常澄為襄王命駐汀州府是日都督黃  
斌卿等與左兵戰於銅陵之灰河賊之明日復戰沈其船三  
十艘命勞諸將銀幣乙丑  
大清兵入泗州丙寅渡淮史可法還保揚州丁卯選淑女於  
元輝殿路王在杭州上書請移碑靜一郡戊辰命移駐湖州  
府敕賜莊諭且命移周魯二王於江西廣東辛未  
大清兵圍揚州七日城破督師太保兼太子太保兵部尚書  
建極殿大學士史可法死之遂屠其城戊寅追封于謙為臨  
安伯五月壬午朔進封黃得功靖國公諸將各陞蔭有差遣  
司禮監太監王肇基齎銀幣往勞丁亥封鄭鴻達靖虜伯分  
蘇松常鎮為二巡撫己丑夜  
大清兵自七里江渡庚寅鴻遠以水師奔福建  
大清兵入鎮江府辛卯上遜於太平士英奉皇太后如杭州

大興傅氏長恩閣鈔本



京城潰日夕時至太平居都察院公署癸巳如得功營御舟  
 中折城伯趙之龍禮部尚書錢謙益送款於豫王  
 大清兵自丹陽趨句容乙未夜前隊至郊壇門丙申豫王至  
 營於郊壇北之龍及諸勳戚文武大臣皆迎降劉良佐率兵  
 至新河降己亥豫王入南京庚子如燕湖癸卯良佐引  
 大兵追帝左柱國太師靖國公黃得功死之其將田雄張杰  
 等奉上如  
 大軍九月甲寅上如北京唐王即位遂上尊號曰聖安皇帝  
 明年五月遇害潞王等亦見殺粵中立國上諡曰安宗簡皇  
 帝工科李清南渡錄曰上燕居深宮徘徊咤歎謂諸臣無肯  
 每為我用於聲色罕近地也然讀書少章奏未能親裁故內  
 閣外壬相倚為奸卒歸過於上如端陽捕蝦蟆此宮中舊例  
 而加以穢言且謂慶童季女死者接踵內外喧嘩罔辨也及  
 國亡宮女逸出始得其真惟一為士英所挾太阿旁落亂政  
 亟行以淪胥於亡蓋帝仁厚有餘剛明不足論者謂士英聽  
 大賊奸謀欲以三朝要典與黨人之獄上獨不允亦可想見  
 其為人矣  
 逸史曰自燕都淪喪懷生之倫莫不飲痛然大河南北雖經  
 蹂躪而吳楚閩粵滇黔疆域如故也於是紫蓋渡江南都擁  
 立以倫以序福藩為正火大司馬忠貫日月招徠耆舊奮揚  
 師旅時則高宏圖姜曰廣左右一人張慎言徐石麒代為家  
 宰張有譽顧錫疇並列六卿起劉宗周為亞相鄭瑄為大理

大興傅氏長恩閣鈔本

翰林則陳于壯劉同升趙士春柳尹則侯曾岷姚思孝詹兆  
 恆郭維經臺諫則馬嘉植熊汝霖章正宸陳子龍沈宸荃游  
 有倫喬可聘郭貞一邵曾則夏允彝吳嘉胤黃端伯何剛錢  
 棟羣賢濟濟布在殿陛方將校七萃閩六師和強鄰前仇寇  
 眾庶嗚嗚想望中興即未能繼起雲蔚迅復大物而滔滔江  
 國畫整自守猶未失為晉元末高也無何而貴陽煽虐盜賊  
 秉鈞外連強帥內起孤羣斤逐貞賢引用匪類寵賂既彰紀  
 綱大壞史公奔走江淮網繆內攘猶日不足久之忠義激發  
 傑鷲降心拔旗北指電掃河洛而變生杯酒自相屠滅卒致  
 例戈天不祚延可概見矣迨夫朝昏日甚飛章告密萃於清  
 流而託名皇胤王即故智適符其會於是不逞之徒借清君  
 側晉陽之甲羽撒四馳乃空淮左以逼江防使敵得蹈虛乘  
 隙長江飛渡君臣輿輓嗚呼悲夫究其始終以人為興衰易  
 稱否泰君子小人之消長而已有國家者可不鑒哉

大興傅氏長恩閣鈔本

南疆逸史卷一



紀略第二

烏程溫睿臨撰

紹宗

紹宗襄皇帝諱聿健小字長壽太祖九世孫也其先唐定王高帝第二十二子封於南陽父義唐世子追封裕王母毛氏帝生十二歲祖端王感於嬰妾因世子承奉所帝亦從之有大志好讀書雖處志難而志氣不挫年二十八尚未請名世子為其弟毒死端王諱之將傳國於次子分守道陳奇瑜入弔謂王曰世子薨逝不明若又不立其子事且震國法重王懼始為帝請名立為世孫崇禎五年王薨襲王位年三十一

約雅述史卷二

矣選妃曾氏諸生曾文彥女七年流寇入河南南陽當其衝城庫薄王捐千金謀修築知府陳振豪弗受工王上言詔逮振豪下獄王乃拔潞王事請增兵三千人設參將一員以陳永福充之不許八年冬賊再犯南陽上疏言臣府護衛一千三百人近制以其半為汴梁班軍給撫臣以下縣使無誤惟明詔念臣困阨以全軍見還懷宗報之曰南陽番軍班直祖制已久朕不敢變時欲行宗室換授之法陳子壯署禮部事執不可王貽書于壯相駭難其書稱說典訓接拒經傳皆有本廷臣顧弗及知特以為諸侯王尚氣持異同而已子壯尋下獄眾口惜子壯者輒以尤王王亦薄諸公卿為不足重而爭宗藩體統劫總督盧象昇不朝其所建請頗多與羣臣相

大興傅氏長恩閣鈔本

狀語懷宗意亦不之善也九年八月京師戒嚴王率護軍勤

王汝南道周以典止之不聽至裕州巡按御史楊繩武以聞

旨下切責會先鋒值寇亡內豎三人乃返國十二月下禮部

議廢為庶人安置鳳陽高增押發官同知張有度欲以檻車

行王自裁不殊至鳳陽守陵奄人索賄不得璫鎖以困苦之

不勝其辱病幾殆曾妃割股以進始愈有司糜碌不時資用

乏絕時有望氣者以高增中有天子氣言於淮撫路振飛振

飛假賑罪宗名入見王心獨異之王告以吏虐狀振飛上疏

請加罪宗恩贖以私錢且責吏之無狀者石應詔宏光登極

大赦王出高增命徙駐廣西之平樂府乙酉五月至杭州而

南都不守王勸潞王監國拒北使之招降者不聽時靖虜伯

鄭鴻逵自京口戶部主事蘇觀生自南都督會於杭遂奉王

入閩六月甲戌次浦城禮部尚書黃道周三策觀進閩六月

癸未福建各官迎謁於水口驛巡撫張肯堂巡按吳春枝布

政司夏尚綱南安伯鄭芝龍等會議監國鴻逵道周以為不

正大位無以號召天下且杜後起遂定議奉王即位王出御

用銀一百五十兩令有司葺行宮勿擾民丁亥至福建州行

在太廟社稷丁未祭告天地祖宗即皇帝位於南郊以福建

為福京福州為天興府布政使為行殿大赦改元隆武追尊

皇考為皇帝妣為皇后遣上宏光尊號曰聖安皇帝進封靖

虜伯鄭鴻逵定虜侯南安伯鄭芝龍平虜侯並賜號奉天翊

運中興宣力定難守正功臣上柱國特進光祿大夫賜鐵券

大興傅氏長恩閣鈔本



其弟鄭芝豹澄濟伯鄭彩永勝伯以黃道周為吏部尚書武英殿大學士蘇觀生為禮部右侍郎兼東閣大學士張肯堂吏部尚書夏尚綱戶部尚書曹學佺禮部尚書吳春枝兵部尚書周應期刑部尚書鄭壇工部尚書何楷左都御史並賜號奉天翊運中興宣猷守正文臣各官陞賞有差自黃道周而外凡有聲望者何吾騶蔣德璟黃景昉朱繼祚林欷楨姜曰廣吳姓高宏圖路振飛曾櫻鄭三俊熊開元黃士俊顧錫疇陳子壯皆為大學士然多遠授至者數人而已其後以林增志李光春同入閣辦事又晉封芝龍平國公鴻遠定國公封芝龍部將施天福武毅伯林習山忠定伯張進忠匡伯陳祥忠靖伯鴻遠部將陳豹忠勇侯林察輔明侯上性儉素少

南疆遺史卷二

三

遭患難既即大位慨然以復仇雪恥為務布衣蔬食不御酒肉校司禮監行宮不得以金玉玩好陳設器用磁錫牌檯被褥皆布帛絕去錦繡後宮無妃御執事者三十人而已中宮誌旨選女廚十人上聞之以為擾民不許勤於聽政批閱章奏丙夜不休上書陳言及以軍國大事奏者輒以手詔答之東風節喜文學收召名士不次用人其志欲有為於天下而托於時勢是時浙西已降附浙東奉魯王監國而大清兵方在江楚揚廷麟萬元吉等以義師往來扞禦皆加閣部督師銜以龍之李自成為九宮山民所誅楚督何騰蛟收降其黨李錦等皆加總兵官賜名忠貞營為御營先鋒而內制於鄭氏不能出關與之相應後也初上優禮鄭氏以閩

大興傅氏長恩閣鈔本

事屬之芝龍長子森入見上奇其表賜姓名曰朱成功命提督禁旅照駙馬都尉禮統行事芝龍議戰守事宜自仙霞關外當守者一百七十餘處守兵戰兵略計二十萬合閩粵餉不支一年乃請於兩稅內米一石預借銀一兩遣侍郎科道徵發吏部主事王兆熊兼御史督義餉迫急不輸者榜其門不義於是閩里騷然矣芝龍又請清理寺田可得餉銀八十八萬上不聽戶部侍郎李長倩請開事例從之設儲賢館定十二科取士以蘇觀生領之既而招徠者多挾邪之士上亦厭而罷之上以盜賊之興皆由貪吏欲以高皇帝之法懲之建陽知縣施燦以貪酷被劾特赦誅之輔臣申救不聽上賜宴大臣芝龍自以侯爵欲位首輔上黃道周以祖制武職無班

南疆遺史卷二

四

文臣右者爭之終先道周芝龍快快不樂道周乃自請出關號召義旅圖恢復許之請兵請餉芝龍皆不應僅給贏卒千七條本於閣部科道大學士林欷相率諸臣表謝庚寅命肅鹵伯黃斌卿出鎮舟山命吳江諸生孫久中贊手詔召淮撫路振飛錄舊恩也壬辰冊妃曾氏為皇后贈后父曾文彥吉水伯癸巳命婦朝后於大和殿行保甲法於天興府定錦衣衛軍制設中前後左右五所每軍百戶曰戚一所八戚名曰禁軍時軍事皆掌於鄭氏而芝龍殊無意出關上屢諷之則以餉乏為辭江楚之迎駕者疏踵至上以芝龍為不足恃欲入楚倚何騰蛟會前知川金堡朝於行在勸上親征上大喜

大興傅氏長恩閣鈔本



立權堡兵科給事中於是決計自贖入楚甲子類於上帝乙未禮於太廟丙申禡於社丁酉以鄭鴻遠為御營左先鋒出浙江鄭彩為御營右先鋒出江西駕幸西郊行投誠禮先期為壇設天帝高皇帝位上帝翼善冠詣壇所百官陪位武臣戎服聽事上帝升壇拜謁立於神位西南面御營先鋒北面跪兵部授鉞上東向揖之賜饒光祿寺授爵御營先鋒跪聽上誠勞畢謝恩出率將士跪壇下上甲冑誓師乃鳴金鼓揚旌而出當授鉞時風雨晦冥大風起壇上燭皆滅神位仆鴻遠出城馬蹶踏地識者以為不祥靖江王嘉亨僭位於桂林九月兩江總督丁魁楚遣總兵陳邦傳擒之封魁楚平粵伯晉廣西巡撫羅式邦兵部右侍郎兼都察院副都御史

南疆逸史卷二

五

十月遣兵科給事中劉中藻頌詔浙東魯王不受詔自是與浙東相左惟方國安朱大典二人中立不受職焉十一月下詔親征以唐王聿錡鄭王器燭監國大學士曾櫻協同鄭芝龍留守以吳震文為隨征兵部右侍郎王觀光為隨征戶部侍郎皆兼吏戶禮三部事張家玉陳履貞為隨征兵科皆兼吏戶禮三科事命曹學佺脩思宗實錄設蘭臺館以處之十二月甲申上戎服登舟大學士何吾騶等隨行舟次茅江五日百姓壺漿迎者沿道皆賞以銀牌因駐蹕建寧士寅黃道周潰於婺源被執劉同陞卒以萬元吉為南贛巡撫二年正月乙酉朔上在建寧不受朝賀以三大罪自責百官皆戴罪從征文趾日本皆遣使入貢鴻遠部將黃光輝守關

大興傅氏長恩閣鈔本

外

大兵攻之敗回鴻遠托仙霞關檄諸路收兵上聞之大怒遣官封劍即軍中斬光輝鴻遠惶恐上疏謝械光輝至行在乃赦之馬士英叩關求入朝上數其罪諭守關兵勿納士英七疏自理終不許邵武知府吳士璋推官朱健以敵未至先棄城逃下獄誅監國魯王遣柯夏卿曹維才來聘上加夏卿兵部尚書維才光祿寺少卿手教謂朕無子王為皇太姪同心戮力共拜孝陵朕有天下終致於王取浙江所用職官同列朝籍不分彼此尋遣僉都御史陸清源解餉十萬犒軍馬士英在方國安營陰嗾國安殺清源而掠其資以蘇觀生兼吏兵二部尚書行在文淵閣大學士出為經略賜尚方劍便宜

南疆逸史卷二

六

行事上親祖於殿門賜銀印曰朕奉南北山陵安集軍民文武召見泉州布衣蔡鼎校為軍師二月詔寬逆案之禁上曰北京陷於東林南都亡於魏黨厥罪維均今中興之初喜與維新其附瑞諸臣概予洗滌以收後效擢堵胤錫都察院右副都御史巡撫湖廣丁亥大雨雹闕所無也廣西有僧自稱宏光上召九卿科道議將迎請廷臣曰即真宏光甫經失國有尊奉而無迎請已而有司審知其偽也下獄誅亨嘉存至福京下諸王議廢為庶人以繼死誅其臣顧奕吳之琮楊國威張鳳翼等三月戊申朔督師大學士黃道周殉節於南京上聞慟哭報朝贈文明伯上將出汀州入贛芝龍使軍民數萬人遮疏道呼擁駕不得行芝龍因其表請回天興上不得

大興傅氏長恩閣鈔本



已駐蹕延平辛未吉安陷鄭彩棄廣信奔入闕未幾撫州陷初汀邵間大有帽山洞蠻最强屢征不復永留王誘之出降以興

清兵戰屢捷遂復撫州

清兵圍之鄭彩屯廣信永留王請救其監軍給事中張家玉

以三營往撫圍暫解已而復合彩軍潰撫州遂破永留王死

之峒蠻亦散報至行在大震上削彩職戴罪立功命鄭成功

出巡關晉封忠孝伯挂招討大將軍印教自召募危駕西出

鄭鴻逵上疏切諫不聽廷麟元吉退守贛州

大兵遂進攻之四月初五日萬壽節上不受朝賀命禮臣追

復建文帝年號立忠孝臣方孝孺等祠五月琉球入貢廷試

貢士取萬荆等十二人命為萃士照庶吉士例送翰林院教

習陞湖廣監軍道章曠為都察院右僉都御史巡撫湖北殺

魯監國使都督陳謙謀奉命入闕久駐衢州持兩端自云魯

已封靖夷伯故以邀封上召入闕而史錢邦芑劾之遂下獄

將殺之芝龍與謙有舊亟入朝請以官贖謙死上故留芝龍

久語而促行刑芝龍出已死矣芝龍厚殮之由是益懷異志

加吏部尚書郭維經六省督師銜募兵援贛六月福京鄉試

上命廣額七十名流寓者皆入試以編修劉以儵閱肅為主

考取葉纘等一百七十五名士子多以賄進乃命復試落四

名逮同考推官王三俊下獄追贖一萬兩浙東師潰魯王航

海鴻逵逃歸浦城事聞上奪其封爵七月元子生大赦加恩

大興傅氏長恩閣鈔本

從龍諸臣悉進爵御史錢邦芑言浙東新破唇亡齒寒舉朝同仇之日非草恩受賞時也不報己已上御門內侍奉小匱置御前上諭羣臣曰朕本無利天下之心以勛輔擁戴不得已勉徇羣情浣衣糲食有何人君之樂朝夕乾惕恐負重副豈意諸臣已變初志昨巡關之使得爾等出關迎降書百餘封今具在此朕不欲知其名姓者也命錦衣衛焚之干門前爾諸臣其有名者當洗心滌慮否則亦竭節奉公不渝終始是所望也上長身豐頤聲如洪鐘聞者皆贊息上銳志出師而芝龍百計沮之欲留上以自重既而陰通款於洪承疇盡撤關隘水陸之兵

大兵既陷浙東長驅而前八月朔從景關入郡縣望風降

附何騰蛟遣郝永忠以鐵騎五千迎駕將至韶州而

大兵已陷衢州入闕矣二十三日丁酉

大兵至延平上先一日啟行如汀州庚子入城九月辛丑朔

上駐汀州將至江西命忠誠伯周之藩護督后先行出西門

大兵追至羅漢嶺之藩戰死后自投於水上戎裝將發

大兵猝至從官迸散見害於都司署粵中立國上尊號曰思

文皇帝或曰汀州代死者為張致遠上實未死其從亡之臣

賴核熊緯其後朱成功屯兵鼓浪嶼有遺使存問諸臣者云

為僧於五指山錦衣衛陸昆亨力辨其偽云永留十一年上

諡曰紹宗襄皇帝后曰襄皇后

逸史曰帝英才大略在藩服之時已思有所施為及遭逢患

大興傅氏長恩閣鈔本



難磨礪愈堅南京既覆枕戈泣血躬行節儉以裕兵食性喜  
文詞手撰三詔御制祖訓後序行在縉紳便覽序皆典雅可  
誦所至訪求書籍親征亦載書數十卷聽納諫說拔錢邦芑  
金堡於下僚置之言路欲其有所開陳奏章朝夕發或送  
后代批后亦讀書通明識治體上嘗與決事萬念舊恩不遺  
纖微於從龍諸臣恩澤尤渥不可謂非天生之令主也論者  
徒見其不能出關遂言其好作聰明自為張大無人君之度  
此以成敗論者夫鄭氏起盜賊目無君上據有全關富貴已  
盈始念亦不及此而欲責以鞠躬盡瘁經營天下難矣帝之  
託於鄭氏所謂祭則寡人而已其二三心背之臣所藉以恢  
復者如黃道周蘇觀生皆儒雅可觀將略未優又束縛其手  
足不能一展所長悲夫悲夫天之所廢誰能興之雖有忠義  
如之何哉

南疆逸史卷二

南疆逸史卷二

大興傅氏長恩閣鈔本

南疆逸史卷三

烏程溫睿臨撰

紀略第三

永曆帝

永曆皇帝諱由榔神宗之孫桂恭王常瀛少子也常瀛李貴  
妃出萬曆二十九年封熹宗天啟七年始就國衡州衡在江  
湖之表地僻遠崇禎九年封由榔永明王十六年張獻忠陷  
衡州桂王由永州入粵西王被執繫道州征蠻將軍楊國威  
遣部將焦璉率兵至負王渡河得免明年桂王薨於蒼梧遂  
葬馬陵長子安仁王由搜襲封未幾亦薨丙戌春思文帝  
遣司禮監太監龐天壽冊王為桂王居肇慶府秋七月福京  
不守兩廣總督丁魁楚廣西巡撫瞿式耜巡按御史王化澄  
與故大臣呂大器李永茂等議所立先是思文帝嘗語羣臣  
曰永明神宗嫡孫正統所係朕無子後當屬諸乃共推永明  
王太妃王氏曰諸君何志乎無君吾兒仁柔非撥亂才也願  
更擇其可也魁楚等請之堅遂以十月壬辰監國肇慶祭告  
天地宗廟加魁楚東閣大學士晉式報吏部右侍郎東閣大  
學士攝尚書事永茂請終制化澄等皆進爵甲辰湖廣督師  
大學士何騰蛟應撫兵部右侍郎堵胤錫等上表勸進優詔  
答之司禮監王坤至自汀州知隆武帝已蒙塵羣臣具奏請  
即大位是月四日

大興傅氏長恩閣鈔本



蘇龍生遺書魁楚欲預擁戴魁楚拒之龍生乃自南韶還師十一月癸卯朔立唐王弟聿錡於廣州改元紹武以與肇慶相拒甲寅王還肇慶庚申即皇帝位以明年為永曆元年追尊皇考曰端皇帝尊繼母太妃王氏為皇太后生母馬氏為皇太妃冊妃王氏為皇后上隆武帝尊號曰思文皇帝大赦封皇太后弟王國璽武靖伯皇后父王略長洲伯太妃姪馬九功鎮遠伯使給事中彭耀宣諭廣州觀生殺之乃以兵部侍郎林佳鼎督總兵李明忠龍倫蘇聘等討之戰於三水唐王兵敗十二月甲辰復戰於海口佳鼎敗沒肇慶大震復以王化澄為兵部侍郎往督師起李永茂為大學士未幾亦敗去是月

南疆遺史卷三

大清巡撫佟養甲總兵李成棟由福建趨潮惠俱下之丁亥潛師襲廣州執聿錡觀生自繼聿錡與周益遠等二十四王皆及於難報至肇慶覆式報請守峽口司禮監王坤難之乃以朱治憫為兩廣總督守肇慶王出幸梧州大清兵取川北張獻忠伏誅丁亥永曆元年春正月癸卯朔上至梧州李成棟分兵徇南韶自率兵向肇慶朱治憫走肇慶降上由梧州走平樂丁魁楚辭入岑溪縣守險王化澄走潯州成棟別將揚大福張月等下高廉雷三府癸亥上入桂林欲幸楚遣使湖南慰勞督師定興領何騰蛟並等趣其兵入衛乙丑梧州陷廣西巡撫曹燁降兵科給事中陳邦彥起兵於高明原任兵部右侍郎

大興傅氏長恩閣鈔本

張家玉起兵於東莞徵四川吏部尚書文安之雲南吏部侍郎王錫襄入閣不至乃以翰林學士才以智為東閣大學士入直未幾為僧去錫襄尋為沙定洲所殺是時獻忠部將孫可望等由川貴入雲南魁楚為追騎以所及降李成棟殺之藤江平樂亦不守桂林聞報大恐會武岡鎮劉承胤兵至全川即赴之二月丙戌上幸全州瞿式耜諫不聽因自請保桂林乃以式耜兼吏兵二部尚書督師留守以總兵新興伯焦璉兵隸麾下封劉承胤安國公馬吉翔郭承吳巖雲從等皆為伯以禮部尚書吳炳兼東閣大學士入閣辦事劉承胤以三千人援桂林自奉歸武岡三月癸亥上至武岡改為奉天府以岷府為行宮

南疆遺史卷三

大清兵攻桂林守將焦璉擊却之是時長沙常德俱失何騰蛟與郝永忠等還保衡州張先壁走寶慶堵胤錫走永寧衛忠貞營李赤心等攻荊州不克潰入歸巫兩江間馬進忠王有才等適五溪山中武岡遠在寶慶西倚水嶺以為重承胤遂專恣六月庚午朔何騰蛟朝行在上慰勞再三賜金幣大學士陳子壯起兵於九江鎮秋七月甲辰率舟師圍廣州不克命騰蛟督諸鎮兵守衡州已破永忠等南走騰蛟還保永州湖南巡撫章曠卒於軍八月己巳朔以戶部侍郎嚴起恆為東閣大學士壬午大清兵破寶慶劉承胤拒戰敗績遂降馬吉翔等奉上及兩宮斬關出連夜走靖州商邱伯侯性將兵入衛由通道縣入

大興傅氏長恩閣鈔本



蠻境出古泥以達柳州大學士吳炳扈從不及死之九月李  
成棟破清遠兵科給事中陳邦彥被執不屈見害冬十月土  
司章鳴珂與守道龍文明相攻遂陷柳州大掠天及上舟丁  
丑上走南象州兵部尚書張家玉兵敗死之時

大兵已定湖南西入黎平永州亦破郝永忠盧鼎等俱入桂  
林何騰蛟與嚴起恆隨至與留守瞿式邦議分地給諸鎮卑  
自為守式邦已督焦璉兵復陽朔及平樂府陳邦傳亦由濱  
州復潯州合兵復梧州粵西既定屢請上入桂林十一月丁  
酉朔上回桂林式邦與嚴起恆王化澄並入直騰蛟督師出  
全州

大清兵破高明大學士陳子壯被執不屈磔死

南疆逸史卷三

四

戊子二年春正月丁酉朔上在桂林四川巡按御史錢邦芑  
疏報四川全省恢復定九州一百二十餘縣上視朝受賀封王  
祥等為侯伯臣邦芑右僉都御史癸亥江西提督金聲桓王  
得仁以南昌內附二月廣東總兵李成棟以廣東內附郝永  
忠之兵潰於興安丁亥入桂林大掠上夜半走南何騰蛟  
在永聞警馳回與式邦同調諸鎮兵入城守禦之三月己  
丁巳

大清兵至桂林北門騰蛟等拒戰却之

清帥聞江西反遂旋師聲桓使人間道賈佛經置密疏其中  
赴南園輸款以翰林學士朱天麟為東閣大學士閏三月丙  
寅朔皇子慈烜生大赦王皇后出也夏四月己未朔遣吏部

大興傅氏長恩閣鈔本

侍郎吳貞毓商邱伯侯性教勞李成棟於廣東封惠國公並  
封佟養甲襄平伯五月何騰蛟復全州壬午復寶慶府六月  
甲午朔駕幸潯州封邦傳慶國公秋七月甲子朔次梧州謁  
興陵成棟請上移駐廣東使其將羅成耀將甲士五千迎駕  
瞿式邦請回桂林眾議肇慶監國之地居兩省中遂移居焉  
八月癸巳朔駕幸肇慶拜成棟朔明大將軍以其子李元胤  
為錦衣衛指揮使掌絲綸房事袁彭年為左都御史彭年以  
廣東布政使與成棟密謀內附者也朱容藩僭稱監國於慶  
州督師呂大器命川將李占春誅之九月召舊輔何吾騶黃  
士俊入閣冬十月何騰蛟攻永州衡州克之李成棟命其子  
元胤以兵三千宿衛遂為禁旅是時江西廣東俱復惟贛州  
為高進庫所守金聲桓使王得仁攻之不能克命成棟率師  
師助之比成棟至而  
大清兵已抵南昌得仁還救成棟戰不利退屯南康十一月  
殺佟養甲李赤心破  
清帥線國安於湘潭遂復益陽湘潭湘鄉衡山等縣堵胤錫  
率師圍長沙十二月辛卯朔封李元胤南陽伯馬吉翔文安  
侯

南疆逸史卷三

五

大清兵至長沙諸將潰騰蛟還保湘潭

己丑三年春正月庚申朔上在肇慶壬申朱天麟罷戍寅南  
昌破金聲桓王得仁皆死二月庚辰朔湘潭破馬進忠敗走  
何騰蛟被執不屈死之李成棟亦敗於信豐渡河墮水死事

大興傅氏長恩閣鈔本



閩贈騰蛟中湘王成棟爾夏王聲桓南昌王設壇祭之以杜永和為兩廣總督馮廣州羅成耀守南雄忠貞營之眾亦潰於茶陵由道州入粵西堵皆錫以胡一青趙印選兵守衡州三月

大清兵至擊敗之肖錫走道州衡永二州俱不守四月孫可望疏請封王廷議持不可孫可望自丁亥春入滇拒全省稱國主以干支紀年其黨李定國等抗不相下雲南監軍楊畏知誘之來歸請封久不報武康伯胡執恭駐思恩便宜婚册印入滇封可望為秦王而肇慶不知也六月己丑湖堵皆錫至肇慶加文淵閣大學士封光化伯使招李赤心等出楚七月封可望為平遠王賜名朝宗劉文秀李定國又能奇皆等

為公可望却不受冬十月癸丑馬進忠王進才克武岡乙卯克寶慶靖州何吾騶王化澄罷封黔鎮皮熊為匡國公滇鎮王祥為忠國公防滇也十一月辛巳督師大學士堵胤錫卒於潯贈鎮國公十二月戊申以史官之員上親試士取劉蔭錢秉鑑楊在李采吳龍楨姚子莊徐宏猷楊致和八人俱授庶吉士

大清兵入粵東羅成耀自南雄遁回  
庚寅四年春正月乙卯朔上在肇慶乙未聞廣關不守問備禦之策無對者辛酉上登舟戊辰韶州復破辛未上西幸命戎政尚書劉遠生給事中金堡宣諭廣州諸將令杜永和出師留馬吉翔李元胤居守庚辰上至梧州駐舟江干內閣大

大興傅氏長恩閣鈔本

黃士俊以疾歸召朱天麟入直二月

大清兵至廣州圍之調陳邦傳高必正等東援丁亥戶部尚書吳貞毓等合疏論袁彭年金堡丁時魁蒙正發劉湘客朋黨誤國十大罪上以彭年反正有功置不問餘下錦衣獄遣戌戌戌

大清兵破武岡馬進忠守靖州五月必正與邦傳有隙率所部西回惟邦傳東出屯肇慶馬寶等襲清遠敗歸李元胤馬吉翔進駐三水觀望不敢進而潮州邦尚久惠州黃鹿傑俱已降廣州被圍日久不能救惟進封杜永和為侯以虛名慰勞而已六月文安之入朝命入閣辦事八月孫可望復遣使至梧州自稱秦王且以不願改號為請付從官集議九月

可望由雲南東襲貴州執皮熊又使賀九儀襲遵義王祥師敗自刎死於是張先壁馬進忠等皆歸於可望勢益強地與粵西相接矣冬十月辛巳朔日有食之十一月辛亥廣州破杜永和奔瓊州甲寅桂林破留守大學士瞿式耜總督兵部侍郎張同敞皆死之初衛永俱破胡一青趙印選等南走粵式耜命與焦璉楊國棟等扼榕江既而全州復破榕江兵盡潰報至梧州乙卯上乘礮船夜發比曉從官踉蹌追走陳邦傳在清遠聞廣州失劫從官於藤江內閣王化澄吏部尚書晏清等俱走北流不得達馬吉翔李元胤追及於南關從官稍集饑凍無人色乃括行囊並吉翔所獻得四千金散給之胡一青趙印選率滇兵駐濱州袁彭年自佛山復降於

大興傅氏長恩閣鈔本



清十二月命文安之出督師經略川秦楚豫封王光興等為侯伯所謂十三家之兵也

辛卯五年春正月己卯朔上在南甯二月柳州破上移駐田州三月使編修劉藻封孫可望為翼王至平越不得入夏四月戊午皇太后王氏崩於田州五月葬於南甯楊美山上尊諡曰孝正莊翼康聖皇后可望以不允秦封使賀九儀張勝張明志等將兵入衛賊殺大學士嚴起恆兵部尚書楊鼎和及給事中劉堯珍吳霖張戴述等皆主不予秦封者也於是始真封可望為秦王八月贈瞿式邦吳國公張同敞江陵伯九月陳邦傳謫殺宣公國焦璉叛降於定南王上聞潯州破駕發南甯十月辛亥駕次新甯上生母馬太妃徽號曰昭聖

南疆逸史卷三

仁壽皇太后册慈煊為皇太子十二月甲辰朔

大清兵破賴川滇庚午南甯破趙印還胡一青以敗卒同馬吉翔抵桂灘請上棄舟從陸盡焚龍舟重器而行由土司安平北雷歸順歸朝一路進發諸蠻各供糗糧給夫役孫可望既受秦封乃遣其將狄三品陳國能高文貴等以兵三千來迎並致書從官曰南甯不守當駐安隆從之是時可望已拒川東西矣  
壬辰六年春正月癸酉朔上在歸朝司留九日發戊子次廣南府孫可望遣總兵王愛秀表請居安隆二月戊申上至安隆改名安龍府可望歲以銀八千兩米六百石上供從官取給焉

大興傅氏長恩閣鈔本

大清兵入四川可望守特白文選走回雲南定南王自廣西以七百騎出河池州向黔

大兵駐柳州可望乃使李定國與馮雙禮等圍桂林步騎八萬人劉文秀等圍成都步騎五萬人疏聞封安隆封定國西甯王文秀南康王餘各加公侯從可望請也三月壬申朔建行在太廟五月定國等進攻靖沅武岡皆下之兵趨廣西七月癸酉遂克桂林定南王自焚死獲陳邦傳並其子曾禹送貴州伏誅杜永和以瓊州北降南陽侯李元省及其弟安肅伯李建捷見執不屈被殺劉文秀等陷殺州重慶  
大清兵出擊天破之全軍俱沒九月李定國北取衡州孫可望亦自至沅州攻長州府陷之十一月辛未

南疆逸史卷三

九

大清兵遇定國於衡州城下大戰竟日定國不能走遂敗走會  
王師遇伏殞定國得收兵還屯武岡是年凡宗藩在貴州者可望漸殺之  
癸巳七年春正月戊辰朔上在安龍府李定國自桂桂勝後不復愛可望約束可望惡之使人召赴沅謀事將殺之定國辭不行徑回廣西可望自追之  
大清進兵寶慶與可望戰於花子街殺相傷當可望忽還諸營遂潰  
大清兵亦不進各引還以武寶之間為界上在安龍日益窮促聞定國得廣西且與可望有隙乃與內閣吳貞毓等十八

大興傅氏長恩閣鈔本



人謀召定國入衛定國感泣許以身報

甲午八年春正月壬辰朔上在安隆府二月開科取士四十

名以四川熊渭為第一授庶吉士餘授知縣教職有差可望

聞密勅召定國等三月使部將鄭國王愛秀至安隆殺與謀

者十八人憾定國益甚定國亦防可望襲之出師掠雷廉夏

五月陷高州進圍新會十一月

大清兵至與尚耿兩王合擊敗之

乙未九年春正月丙戌朔上在安龍府孫可望遣兵攻常德

復敗歸上在安龍塗葦箔以處日食脫粟守將水可望意更

相凌逼挾彈射鳥直入其門文吏乘輿呵殿過之不復下改

稱安龍府為安隆歲造開銷銀米冊報可望稱皇帝一員月

支若干皇后一曰月支若干隱忍延喘息而已李定國既解

新會之圍由高州還守南園十二月孫可望聞其勢不振遣

兵襲之

丙申十年春正月丙戌朔上在安龍李定國敗可望兵於田

州率兵疾趨安龍迎駕入滇可望偵知之先遣白文選至安

龍促上移黔太后聞之哭從官亦哭白文選見之心動因以

情告曰姑避行後西府至遂以輿從不集報可望陰留侯定

國數日定國至遂奉之西走雲南可望復使率兵邀之定國

已抵曲靖時劉文秀守滇亦素怨可望聞定國至即納之沐

天波迎上於馬龍驛三月上入雲南居可望府中賜李定國

晉王冊寶封劉文秀為蜀王白文選鞏國公餘俱為侯伯又

大興傅氏長恩閣鈔本

以定國記室金新維為吏部侍郎兼都御史龔銘為兵部侍郎加沐天波柱國少師馬吉翔復詣附定國因以文安侯入閣辦事遣白文選還黔慰可望可望恨甚然以未妻子在滇未敢公為逆也

丁酉十一年春正月甲辰朔上在雲南二月甲申秉宮出閣

講學四月癸酉朔上聖安皇帝廟號曰安宗簡皇帝后曰簡

皇后思文皇帝廟號曰紹宗襄皇帝后曰襄皇后皇考廟號

曰禮宗端皇帝嫡母王氏曰端皇后下詔大赦五月使張虎

送可望妻子赴黔可望既無內顧七月舉兵反詔削其王爵

時可望所部至眾定國兵不過數千文秀所將留鎮兵亦少

然人心不直可望兵至交水其大將白文選馬進忠馬惟興

馬寶皆叛之遂大敗走挈妻子赴長沙降

清論功封馮雙禮慶陽王馬進忠漢陽王馬惟興敘國公賀

九儀廣國公餘將封侯伯者十五人其黨附可望者程源鄭

逢元等皆降級十月遣使間道赴海封鄭成功為延平王十

一月追贈吳貞毓以下十八人謚蔭有差遣官諭祭立廟安

隆

戊戌十二年春正月戊戌朔上在雲南可望入京封義王二

月

大清兵從蜀楚粵三路入滇黔李定國使其將劉正國楊武

等守三坡紅關諸險防蜀使馬進忠等駐貴州四月庚寅劉

文秀病卒可望舊將王自奇闖有才反定國率兵誅之內亂

大興傅氏長恩閣鈔本



平而貴州已不守矣是時蜀兵至三坡劉正國由水西奔回  
晦日

大清兵克遵義楚兵自鎮遠抵黔馬進忠等亦走五月蜀兵  
擊敗楊武於開州之流水七月丙申朔命李定國為招討大  
元帥賜黃鉞粵兵拉蜀山川十月三路兵俱集信郡王自北  
至會於揚老堡戒期入滇李定國與馮雙禮等拒難公背圖  
復貴州別遣白文選將四萬人守七里關抵生界次師示攻  
遵義以牽制蜀師十二月蜀兵出遵義由水西以趨天生橋  
入烏撒白文選懼棄七星關走回雷益泗城州土官岑繼祿  
導粵兵入安隆定國使懷仁侯吳子聖禦之敗績定國由盤  
江旋師拒戰連敗於安龍之羅炎涼水井撤若遂遁回丁丑

報至上發雲南

己亥十三年春正月癸巳朔上次永平縣乙未

大清兵入雲南公侯伯文武吏多迎降丙申上至永昌下詔  
罪己李定國還黃鉞待罪自請削秩不許二月白文選敗於  
玉龍關初文選自雷益追及定國留之斷後

大清兵以二月癸亥出雲南辛未追賊王國勳兵於普棚丙  
子至大理之玉龍關文選於與張光翠陳勝等俱戰敗由沙  
木和走鎮康土司總兵呂三桂被殺永昌聞之使沐天波馬  
吉翔等隨行己卯至騰越李定國伏兵潞江之高黎貢山中  
大清兵抵永昌辛巳過潞江有洩其謀者定國乃出兵戰竟  
日寶名望王璽皆戰死定國不能走復遁騰越聞報乘夜走

大興傅氏長恩閣鈔本

入南甸平陽侯孫崇雅邀劫資裝於道中時官兵尚四千人  
夜疾馳迷道互相驚擾羣臣妻子不及相顧叛卒乘機剽掠  
貴人宮嬪亦失去過半矣丙戌抵囊木河十里即為緬境沐  
天波入諭始啟關猶勒從官盡棄所攜兵器而後入晦日至  
蠻漢土官思綿迎入土司城蠻漢舊為宣撫司屬永昌府自  
萬曆中始為緬有三月緬首以四客舟來迎從官自覓舟渡  
江得從者六百四十六人故岷王子及總兵潘世榮內監江  
國泰等九百餘人馬九百四十餘匹俱由陸期會於緬甸已  
酉至井亘緬人禁弗進遂止其地李定國既敗於潞江走孟  
定白文選走不邦己而又選以兵入緬緬使人至井亘求撤  
止兵文選戰不勝走回孟良四月初三星昇兵至蠻漢復使

南疆逸史卷三

三

丁調鼎楊生芳往止之沐天波蒲縷王啟隆等謀乘間走之  
戶撒之撤亦不許五月甲子緬復以舟迎己丑發井亘丁卯  
至阿瓦城距河止馬阿瓦即緬酋所居城也戊辰陸行五六  
里踏磴知前陸行者潘世榮等被緬分給土人為奴多自殺  
惟岷王子八十人後流入暹羅云緬人於踏磴構臺以棲車  
駕置草屋十間編竹為城每日兵士百餘人護之從官各給  
結茅散處蠻男婦自來貿易初至饋獻頗豐後漸薄九月緬  
進新稻命分給從官之窘者十月戊子朔頒歷於緬李定國  
移兵孟良內有女土官定國破擒之遂拒其城十一月白文  
選至與定國合軍十二月文選移營猛壤

大興傅氏長恩閣鈔本



九儀欲出降定國杖殺之其卒多潰還雲南四月白文選移  
 軍景線李定國約遣使約會兵攻緬欲迎上不得敗緬兵於  
 瑞羊岳從官資用盡竭有數日不舉火者上出皇帝之寶命  
 吉翔碎之分給人各數銖九月太白經天凡十有五旬  
 辛丑十五年春正月辛亥朔上在緬甸緬發兵守隘築木城  
 防守甚嚴李定國於緬戰於洞均白文選助之復敗緬兵緬  
 終不肯出上先是定國軍洞壩去緬城八十里文選軍象寨  
 去緬城一百十里皆緬東南境也定國密奏曰今與緬王約  
 送何地而諸臣在內何泄泄不以為言也文選駕浮橋梁將  
 濟師緬人斷之不克濟定國遣副將董朝用高三允往得馬  
 良造舟二人焚舟降

南疆逸史卷三

清五月緬酋以老避位其弟猛莽白代立索賀禮七月復來  
 言三載供給之勞索報禮俱無以應而咒水之禍作是月丁  
 丑緬人來請從官過河盟既出以兵圍殺之自松滋王以下  
 勳臣沐天波武臣馬吉翔王維恭魏豹馬雄飛王起隆蒲縷  
 王自京暨勳陳謀吳承爵安朝柱任之信張拱極劉朝宗宋  
 幸劉廣演一作宋國柱丁調鼎文臣鄧士廉楊在郵昌期鄧  
 居詔任國璽王祖望裴廷謨楊生芳潘瑣齊應選郭瑞張伯  
 宗內監李國泰李茂芳楊宗華楊強益李崇貴沈猶龍周  
 盧曹等凡四十二人俱被害其未亂而先病故與遇亂  
 而自盡及貴人王妃百官妻女之前後自殺者不可勝記惟  
 都督同知鄧凱以病足得免生還為人述其狀云緬殺諸人

大興傅氏長恩閣鈔本

後有馳呼而來者云勿害皇帝及黔國公蓋思留以獻也而  
 天波已先死乃復治天波所居室移上及宮眷二十三人入  
 居之並進衣食八月李定國以十六舟攻緬復為所敗獲其  
 五舟乃與文選俱引還十二月丙午朔  
 大清兵至白文選自木邦降戊申緬送上與太子至軍前明  
 年三月丙戌至雲南府四月戊午望日蒙難年三十八歲太  
 子亦遇害太后及嬪妃后俱入京帝豐頤偉貌似神宗而  
 性惡繁重亦頗似之無聲色玩遊嗜好不飲酒雖不甚學而  
 喜聞講論忠義事兩宮盡孝蒙難之日暴風雷雨晝晦士卒  
 皆出涕叢葬於北門之外

南疆逸史卷三

歲越罕有圍宇然猶支撐傾側歷十五年其始也履嚴網繆  
 於內何堵扞禦於外陳張之徒義旗雲舉賴忠貞營十萬之  
 寇分疆駐守然後金王反正於江右成棟投戈於粵左呂王  
 楊沐經營滇蜀浸浸乎畫江漢而守之可以有為矣然進寸  
 退尺朝得夕失卒不能稍有樹立蓋天命有歸強陽餘閭固  
 天之所不庇者也自瞿何致命而後文吏偷安武將驕暴倚  
 寇盜為長城託絕域以奇命螫賊內訌忠良屠戮而遺燼以  
 熄詩曰人之云亡邦國殄瘁豈不諒哉

南疆逸史卷三

大興傅氏長恩閣鈔本



紀略第四

監國魯王

王諱以海高皇帝十世孫也父王壽鏞崇禎十五年

大清兵陷兗州自縊王年幼被執三月不中乃舍去十七年

二月甲戌王嗣位北都之變諸王皆南下宏光元年四月命

暫駐台州五月辛卯宏光避位六月

大清兵入浙潞王亦降閏六月己丑九江道僉事孫嘉績起

兵於餘姚其明日諸生鄭遵謙應之於紹興又明日刑部員

外郎錢肅樂應之於匭波於是兵部尚書張國維至台州與

陳函輝宋之普柯夏卿等共請王出監國即日移駐紹興以

分守署為行在加張國維宋大典宋之普為東閣大學士國

維督師江上大典鎮守金華之普司票擬未幾召大學士方

逢年入直宋之普謝事起章正宸為左侍郎署吏部事李占

春戶部尚書王思任禮部尚書余煌兵部尚書張文郁工部

尚書陳函輝吏部右侍郎分兵列江上畫地戍守方國安守

七條沙王之仁守西興鄭遵謙守小巖孫嘉績熊汝霖錢肅

樂守瓜里加孫嘉績熊汝霖錢肅樂皆督師左僉都御史進

方國安鎮東侯封王之仁武匭侯七月張國維復富陽命姚

志卓守分水江上之兵每日募食鳴鼓放船登陸搏戰日中

又復轉舵還戎率以為常未幾分餉分地之議起統計浙東

錢糧六十餘萬盡歸方王二軍義師或散或留聽其自為征

勦於是新安王兵散督師所領之營亦不過數百人而已八

月兵部尚書田仰從海道至留為東閣大學士十月壬辰戰

於江上方國安嚴陣以待張國維率步兵竭其後裨將王國

斌趙天祥繼之

大清兵敗追至草橋門下隆武帝遣兵科給事中劉中藻頌

詔於越不奉詔十一月進方國安荆國公王之仁匭國公封

鄭遵謙義興伯王勞軍江上駐蹕西興茶壇拜方國安命各

營皆受節制馬士英阮大鍼竄入方營欲朝見王不許十二

月王回越城以謝三賓為禮部尚書尋入東閣鑄大明通寶

錢兵部主事署餘姚縣王正中進所造監國魯元年大統歷

丙戌元年正月己酉朔王在紹興以柯夏卿曹維才為使奉

使閩中二月張國柱掠餘姚其部曲張邦匭掠慈谿國柱劉

澤清標將也航海依王鳴謙於定海有弓箭五百人乃劫鳴

謙入內地行朝震恐署為勝虜將軍始返總兵官陳梧敗於

嘉興掠餘姚知縣王正中遣兵擊殺之三月丙寅思宗大祥

王於朝堂哭臨三軍編素一日

大清兵入錢塘江王之仁率水師迎戰乘風碎其舟鄭遵謙

獲鐵甲八百餘副四月王正中率師渡海鹽破澈浦城五月

加孫嘉績熊汝霖東閣大學士兩督師不能軍以其兵付黃

宗義與王正中合師三千人尚寶司卿朱大定太僕寺卿陳

潛夫兵部主事吳大斌查繼佐又數百人附之渡海劄譚山

大興傅氏長恩閣鈔本

大興傅氏長恩閣鈔本



將取海圍以江上兵潰而返時夏旱水涸有浴於江者徒涉往返

大清兵驅馬試之不及腹六月丙子朔數十騎渡江列成犄角清王由江門出海令保定伯毛有倫扈元妃世子出定海張國維陳函輝余煌王思任一作仁皆死之方國安方逢年馬士英阮大鍼等皆降方馬至半途伏誅大鍼死仙霞嶺朱大典猶守金華不下

大清兵攻破之屠其城大典自焚死自金華陷而全閩無一矢之拒矣王之出海也富平將軍張名振棄石浦以舟師扈王至舟山黃斌卿不納飄泊外洋毛有倫扈張妃世子至為叛張國柱劫之北去會永勝伯鄭彩至奉王閩人十月丁酉

王發舟山十一月丙寅次中左所即廈時鄭芝龍方降

清令彩執王以降彩不可暹王而以南夷親類者服王冠服居舟中謂守者曰苟事急則縊死以示之芝龍北去乃己芝龍子成功起海上以中左所為營然不欲奉王改明年為隆武三年於是鄭彩奉王改次長垣

丁亥春正月癸卯朔王在長垣熊汝霖為相辛未王禡牙出師提督楊耿總兵鄭聯定遠伯周瑞閩安伯周奎芝平夷伯阮進蕩胡伯雁芝復海口以參謀林喬舞總兵趙牧守之二

月壬申朔克海澄明日攻漳平失利又明日清帥救海澄還入於海丙子克漳浦以閩人洪有損為令五日而陷有損死之鄭西王復建其碑將王祁復邵府祁營

大興傅氏長恩閣鈔本

御選通文卷四

三

御選通文卷四

四

山中取民間几案數千百張每張懸火線數百疋黑夜順流環城而過守者謂祁兵薄城礮石交下避明方知其偽守者習之不疑一日祁至遂破四月海口破林喬舞趙牧死之周奎芝還守火器舉六月攻漳州不利七月王親征次長垣會鄭彩周瑞周奎芝阮進之師攻福州敗績八月丙戌克連江十月長樂永福閩清皆下羅源知縣朱正水德知縣錢楷皆以城降以馬思理為東閣大學士林正亨為戶部尚書錢肅樂為兵部尚書沈宸荃為工部尚書劉沂春為副右都御史吳鍾靈為通政使余颺為左都御史林崑為吏科給事中黃岳為吏部考功司郎中大學士劉中藻起兵福安攻福州其帥涂登華降辛未鄭藩審理陳世亨以一旅復安固獲兵不繼被執大罵而死吏部又選司主事林塗兵部左侍郎林汝蕭攻福清兵敗皆死之

戊子春正月丁酉朔王在閩安鎮楊耿朱繼祚攻興化克之興化分守道彭遵職故宏光時御史也令其守將出戰而登陣立明幟守將不敢入癸丑鄭彩殺大學士熊汝霖及義興侯鄭遵謙二月以錢肅樂為東閣大學士江西金聲桓遣其部將郭天才援閩與巡撫佟國鼎有隙遂來降封為忠勤伯王在閩中先後復三府一州二十七縣

大清兵調江廣兩浙之兵來救所復州縣皆陷至是僅留德福安二城六月戊戌錢肅樂卒十月馬思理卒以沈宸荃劉沂春為東閣大學士

大興傅氏長恩閣鈔本



己丑春正月庚申朔王次沙堤三月國德陷四月福安陷劉中藻死之六月張名振復健跳所七月壬戌王次健跳閩地盡失鄭彩亦遂棄王而去名振迎之至浙從亡者為大學士沈宸荃劉沂春禮部尚書吳鍾巒兵部尚書李向中兵部侍郎孫廷齡兵部職方司郎中朱養時戶部主事林瑛左副都御史某當作黃宗義此本行朝錄等每日朝於水殿午壬午而該見全洲山點時序集王師圍健跳蕩胡伯阮進率其樓船數百至金鼓動天遂解去封王朝先為平西伯朝先初同張國柱王之仁出海黃斌卿留之部下不任以事朝先故土司調征塞上累立戰功不肯鬱鬱居間請徇邊海至奉化之鹿頭四五月而聚兵數千八月壬辰世子生九月丁酉張名振阮進王朝先共殺斌卿

南疆逸史卷四

卿十月己巳王駐蹕舟山劉沂春還閩而張肯堂為東閣大學士朱永祐吏部侍郎孫廷齡戶部尚書

庚寅春正月己卯朔王在舟山九月周瑞周鶴芝樓船三百餘艘分屯溫之三盤以為舟山犄角十月辛巳朔日有食之辛卯春正月己卯朔王在舟山二月乙卯張名振殺王朝先大清兵會攻舟山松江張天祿出滌關金華馬進寶出海門而陳錦總督全師以出定海舟山間之張名振阮進扈王發舟山舟泊道頭八月辛酉

大清兵試舟海口南師以三舟突陣獲樓船隻一戰艦十餘賊十一人而縱之內寅天大霧

大清兵悉拒螺頭門守陴者方覺阮進戰死安洋將軍劉世

大興傅氏長恩閣鈔本

勳都督張名揚統精兵五百勇士數千背城力戰殺傷千餘人九月丙子城陷

大清兵相謂曰我兵南下所不易拔者江陰涇縣今舟山而三月文武吏士死節者甚眾

壬辰春正月癸酉朔定南侯張名振大學士沈宸荃兵部侍郎張煌言扈王至中左所尋居金門

癸巳春正月戊辰朔王在金門三月王自去監國號

甲午王在金門冬十二月定南侯張名振卒於舟山王震悼賻贈有加

乙未王在金門海澄守將黃梧降於

大清改廈門為思明州設四屯張煌言駐臨門陳文達駐玉環山阮春雷駐楚山別遣將駐牛頭山於是東南不雜髮者咸來集焉

南疆逸史卷四

丙申王在金門永國遣使封招討將軍鄭成功為延平王二月初三日舟山城天雞犬夜升屋而號五日始息

丁酉王在金門

大清下令徙沿海居民於內地四十里

戊戌王在金門

己亥王在金門夏張煌言以鄭成功師入長江破瓜川下鎮江進圍江國為

大清將梁化鳳所敗秋永國詔王仍監國晉張煌言東閣大學士

大興傅氏長恩閣鈔本



庚子王在金門

辛丑王在金門鄭成功率師取臺灣

壬寅王在金門夏四月戊午永曆帝崩於雲南五月延平王

鄭成功薨於東甌長子經嗣秋九月十有七日王殂年五十

四明年繼妃陳氏生遺腹子宏甲靖王術桂收養於東甌

逸史曰當義旗初建使方王官受約來渡錢塘而乘北師之

初至三吳豪傑尋聲而附未必不可與天下爭衡也乃畏德

自守蕞爾兩府以供十萬之衆即北師不發一天一年之後

亦將地無類矣及浙河失守以後以海水為金湯舟楫為宮

殿陸處者惟舟山二年御舟稍大名河船其項即為朝房諸

臣議事在馬落日狂濤君臣相對亂礁窮島衣冠聚談伶仃

飄絮未罄其形容也有天下者以此亡國之慘圖之殿壁可

以得師矣

南疆逸史卷四

七

南疆逸史卷四

大興傅氏長恩閣鈔本

南疆逸史卷五

烏程溫睿臨撰

列傳第一

史可法

應廷吉附

史可法字憲之號道鄰順天大興人其先以開國功為錦衣

百戶祖應元舉人官黃平知縣有惠政語其子從質曰我家

必昌毋尹氏既嫁夢文丞相入其舍己而生可法事親以孝

聞崇禎戊辰成進士可法有文武材初授西安府推官己能

平劇盜又以參政監江北軍楚寇南下南攻穎壽犯皇陵可法

所部不及千人日馳數十里遇賊大至少避之謀賊旁掠輒

發兵襲擊時有新獲賊去下馬坐積屍上計賊出沒及身所

歷川邑破陷長吏逃死狀草單投軍吏復上馬馳行且戰且

撫賊不敢逼事聞天子嘉之擢僉都御史巡撫安池蒞加兵

部右侍郎督漕運兼撫淮上諸軍可法感上知益自奮勵身

雖行伍間與同勞苦軍行士不飽不先食不投衣不先御也

將士多感激戰輒有功捷數上乃開屯田招流亡繕城郭訪

賢豪而諮之以軍政於是江淮南北此然稱重鎮可法短小

精悍面黑色兩目矍矍有光將士見者皆懾服天子知其能

奏輒報可已而賊又破荊州襄水天分兵南犯莫延入河南

山東告警者旁午至可法率師屯淮岸賊望旗輒遁去終

不敢窺淮帝欲以可法為兵部尚書簡討汪偉曰有可法而

淮揚以安無可法則江南必危且留可法以係東南望帝然

南疆逸史卷五

大興傅氏長恩閣鈔本



之就拜南京兵部尚書參贊機務可法入南都即核軍政京營之有稽無兵者悉按去之營中憚其威名不敢動十七年春賊通京師可法移檄諸鎮入援未集而京師陷莊烈帝崩可法北向慟哭以首觸柱流血至踵發誓師浦口欲長驅死戰諸大臣及將士皆曰社稷無主蓋擇君以定南都乎可法然之是時潞王已過江泊舟無錫初議所立謂以親則桂而遠以賢則潞而近不知福王已在淮也鳳陽總督馬士英先迎款於福王欲換之以居擁戴功書致可法言以倫以執無如福王諸大臣議未定士英已內結操江誠意伯劉孔昭外約總兵黃得功劉良佐高傑劉澤清等擁福王至儀真可法不得已遂具啟迎王越三日魏國公徐宏基等始至事已

南疆逸史卷五

定無敢異議者王入監國可法進戰守大計謂當素服郊次發師討罪示天下以必報仇之義王唯唯不能答一語可法邊憂形於色尋進東閣大學士兼故官士英官亦如之而王以士英有建立功專倚賴焉居二日可法謂士英曰寇深矣黃高二劉之眾未盡為國用當立重臣問府以鎮之今日之事非可法與公誰任之者士英唯唯可法遂即合疏言守江南者必於江北當酌地利設四藩以淮揚泗廬自守以徐鳳池六為進攻之途兵馬錢糧皆聽鎮臣自取給予之有司勿復為徽輪調度之擾四鎮一轄淮揚一轄徐泗一轄鳳壽一轄滁和即以得功傑澤清良佐為之更立督師於揚州節制諸鎮如此則諸鎮各自衛其地無不致死而受成於督師機

大興傅氏長恩閣鈔本

不違度事不中制士氣奮而民心定江南庶幾可保矣從之又請定京營兵制分設營將如北京故事簡精壯募義勇以實之其侍衛及錦衣鑾儀諸司所隸軍役當多事之日俱宜入伍操防毋坐耗錢穀至錦衣鎮撫司官不必備亦所以杜告密節繁費收人心於新政有裨者也監國既即皇帝位詔立四藩如可法議而廷臣意皆欲士英督師士英以朝權不可以朝夕失也乃謂可法曰我馭軍寬頗擾民公威名著淮上軍士皆憚服公議誠能經營於外而我居中帥以聽命當無不濟者可法曰居者守行者禦莫能偏廢敢辭難乎一作難事遂請行京師士民譁曰何乃辱我史公太學生陳方策諸生盧溼才等上疏言淮揚門戶也京師堂學也門戶

南疆逸史卷五

有人而堂學無人可乎上才倚重士英勿聽遂加可法太子太師以行可法出士英愈無所憚俄進得功為侯傑澤清良佐皆封伯自是四鎮愈尊貴自恣漸不可制矣及張慎言薦姓一作姓劉孔昭言其不可露章劾慎言廷臣言孔昭武臣不宜與銓選事士英陰右孔昭左右班據袂相詰可法歎曰黨禍起矣上疏力言姓罪可於文武臣當虛衷用事報聞而已可法奉詔祭告鳳陵泗陵因上言曰臣伏見二陵松柏如故佳氣鬱鬱知萬年靈長之祚方未艾也北顧神州山河頓異感痛填膺不能自已連歲鳳泗之間災異叠見天鼓一月數鳴地日三震以至今春罹茲大禍先帝躬神明之質敬天法祖勤政愛民一十七年有如一日尚不免身殉社稷

大興傅氏長恩閣鈔本



抱恨千古天命之難謀而地靈之不足恃可見於此矣陛下踐祚之始祇謁孝陵哭泣盡哀道路感動若使躬謁二陵親見鳳泗境中萬井悲風千里赤地蒿萊極目難犬無聲湯沐遺黎死亡殆盡其嗚咽悲憤又不知何如也伏望陛下堅此一心慎終如始察天人相與之故考祖宗靈爽之依處深宮廣廈則當念西北諸陵魂魄之未安享玉食大庖則當念西北諸陵麥飯之未展膺圖受錄則當念先帝之臨淵集木何以忽遺危亡早朝晏罷則當念先帝克勤克儉何以卒墮大業戰兢惕厲無敢刻忘則二祖列宗在天之靈必為請命上帝默相陛下光啟中興若晏處東南不思遠略濫思施開告密賢奸無辨威斷不靈老成激而投符孽傑因之裹足竊恐祖宗怨恫天命潛移東南一隅不知其伊於何底也亡何吳三桂從

本朝大兵入北京破賊賊遁而西山東河南士民皆結寨屯聚殺賊所置偽官以望王師可法請立遣使北行齎詔撫諭使中原知中國有君則人心南向而大業有成疏入報可時四鎮不即守所分地暴橫江北傑欲駐揚州揚州民城守不聽入傑縱軍大掠進士鄭元勳與諸有司語稍欲為兩解眾疑其私於傑競起擊殺之而良佐亦駐鳳陽諸邑士民爭詣闕言狀詔可法往慰解之使各歸鎮可法先至得功軍得功聽命至良佐澤清軍皆諾乃至傑軍傑素憚可法具稟親迎謁升帳之日洒然變色易容可法知其軍可用欲以誠感之

大興傅氏長恩閣鈔本

偏裨以下人人召見撫慰而責傑曰將軍之所以責顯者以有天子也如不奉天子詔而妄冀非所屬之地則諸將軍與揚州之民皆得擊子而射將軍將軍其何辭以對傑色沮默然者久之然浸視為易與止可法宿軍中易所隸卒而更遣部下百人給事左右可法拊循之勉以大義百餘人皆感泣傳語軍中曰史相公我主也傑懼將士皆向可法而又心服其誠乃謹事可法請受命然終欲駐揚州可法乃集揚民曲諭至以身為質使罷守奏以瓜州屯傑眾可法遂留揚州開幕府治事設館禮賢招徠天下智謀之士及稍通天文日者陰符六壬遁甲諸術者皆廉餼之募士得勝鎧甲者萬餘人復上疏請行保舉之法以補危疆守令許之旋詔可法諭四鎮屬兵秣馬駐防河淮刻期進師當可法出士英未敢即倍之可法數請餉士英命戶部百方應之可法分給諸鎮諸鎮益和乃稍言進取事而

王師已收山東聞新立天子使人以書貽可法引春秋不討賊新君不得即位之義將移師問不當立者可法表上其書勸朝廷為自強計而自為書答曰閱貴國來書以本朝立君為非是幕府竊怪之夫國破君亡宗社為重經綸草昧正利建侯之日也夫是以二三元老謂大位不可以久虛神人不可以無主相與迎立今上以係天下之心今上非他神宗之孫光宗猶子大行皇帝之兄也名正言順天與人歸即位數日幕府受命誓師江北刻日西征忽聞吾大將軍吳三桂借

大興傅氏長恩閣鈔本



軍貴國破走逆賊為我先帝后發喪成禮凡吾大明臣子無不舉手加額豈但如明諭所言感恩圖報已乎謹於八月薄治蓬蓬遣使犒師兼欲請命連兵西討是以玉師既發復次江淮辱引春秋大義來相責告此文為列國君堯世子應立有賊不討不忍死其君者立就耳若天下共主身殉社稷青宮皇子並遭荼毒而或拘牽不即位之說坐昧大一統之義中原鼎沸倉卒出師將何以維係人心號召忠義也貴國在先朝夙膺封疏載在盟府後以小人交構致啟兵端先皇帝痛疾之旋加誅戮此貴國之所知也今乃痛心本朝之難驅除亂逆可謂大義復著於春秋矣昔契丹和未歲輸以金縷回紇助唐不利土地况貴國篤念世好兵以義動若乘我蒙

南疆逸史卷五

六

難為德不卒以義始而以利終貴國又豈其然至於牛耳之盟則本朝使臣業已在道不日抵燕奉盤盂從事矣幕府即日獎率三軍長驅渡河以窮孤鼠之窟光復神州以報今上皇帝及大行皇帝之恩人臣無境外交貴國即有他命不敢與聞可法銳意西征而諸鎮兵在淮上者澤清良佐營徒虛夸不足用惟傑所統至四萬人皆山陝勁卒可法欲使為前鋒與傑往復多推重之虛揚州府第處其妻子傑大喜約刻日進取開歸可法為請軍輸於朝而大誠為士英畫策以四鎮與可法協為不利己而畏尤傑陰欲裁抑之且使可法不見信也於是四鎮缺餉則說可法可法以聞士英應之益緩又數降詔趣可法出師可法以示四鎮皆曰不能給我餉而

大興傳代長恩閣鈔本

責我戰乎於是可法坐困亡何士英排眾議起大誠為兵部侍郎使握兵攻羣臣交章論劾疏數十上皆不報而姜曰廣高宏圖徐石麟劉宗周等以次去位可法乃上言欲用大誠者以才乎大誠者以逆案也大誠即可用何必罪爭者即不可用當採羣議何至以一人壞天下大計乎不聽大誠悉引其黨布於朝朝政益亂凡可法所奏請輒格之

大清兵已入海州破宿遷可法遣總兵劉肇基往援而誅山東鎮將邱磊以其將航海降也可法檄諸鎮出兵高傑首奉命渡泗水遣所部王之綱前驅薄淮揚可法亦自率所募兵進次河上建大轟南岸戒師期所請鎮仗勇糧皆不至可法乃上疏曰自三月以後陵廟荒蕪山河鼎沸逆賊亂竄一天

南疆逸史卷五

六

未加臣備員督師死不塞責昔晉之東也其君臣日圖中原而僅保江左宋之南也其君臣盡力楚蜀而僅保臨安蓋偏安者恢復之却步有意在偏安而遠能自立者也夫變之初君臣洒泣庶悲歌痛憤相乘猶有朝氣今兵驕餉絀又恬武嬉暮氣及矣屢得北來謀報皆言兵必南下水則調廣麗船陸則分布精銳黃河以北悉遭淪沒而我河上之防百未經理人心委靡咸令不行復仇之命不及關陝討賊之約不出北庭妄然以不共戴天之仇置之膜外遂使敵國反得以借逆加我辱我使臣蹂我近境是和議斷斷不成也宗社安危於決此日雖破釜沈舟尚恐無殺况廟堂規畫百執事之經營尚有未盡然者乎夫將之所以能克敵者氣也君之所

大興傳代長恩閣鈔本



以能取將者志也廟堂之志不替則行間之氣不張夏之少  
康痛心出實終續舊服漢之光武撫膺河北亦奄萬邦惟願  
陛下之為少康光武不願左右替御之臣輕以晉元宋高之  
說進也為今之計宜速下討賊之詔履責臣與四鎮忠簡精  
銳直入秦關懸上賞以待有功假便宜而責成功絲綸之布  
感憤激發四方忠臣義士必有聞風投袂而起者矣國家遭  
此大故陛下承統原與前代不同諸臣有罪當誅無功可錄  
幸免斧鑕已為大幸臣於登極詔蒙特去加恩一條不意頒  
發之日內仍開載使臣國見之亦當竊笑今復紛紛降乞詔  
瑞滿座保傳薦加名器濫賜於斯為極似宜少加忠慎以待  
戰功庶使待行間戮力者有所激勸至師行討賊莫急於餉

御覽卷五

搜括既不可行勸輸亦覺難強宜將內庫所有本折盡佐軍  
需其餘不急之工可省之費一切報罷朝夕之燕行左右之  
進獻一切謝絕即事闢大典禮萬不容廢者亦概從儉約蓋  
盜賊一日不滅神京一日不得安寧本即有深宮曲房豈能  
宴處即有錦衣玉食豈能安享此時一重一動皆人情向背  
所關敵國窺伺所及也必得陛下早作夜思念祖宗之鴻業  
復先帝之深仇振舉朝之精神萃四方之物力以併於選將  
練兵之一事庶乎人心可俵天意可回耳臣待罪戎行不宜  
復預朝政然內安一作安外攘之本故敢痛切直陳惟陛  
下留意可法受事數月疏凡數十上皆中興大故言極痛憤  
草成輒嗚咽不自勝幕下士皆為飲泣是時朝廷頗驚聲色

大興傅氏長恩閣鈔本

惡聞危亂士英大鉞爭門戶起大獄欲盡殺清流以快己意  
出師聚餉不暇及也己酉春正月

大清兵分二道令沂州濟圍兵自泇口渡河掠邳宿彭德衛  
輝兵從孟津渡河通歸徐可法言我與北兵僅隔一河耳今  
已渡河長驅而東旦夕不守乞多給軍餉移得功良佐兵駐  
穎毫而傑守歸徐戮力同心無分疆域臣猶恐江南半壁未  
能高枕而卧也疏入不省韓城人衛廣文前為中左允受偽  
命與高傑同鄉傑薦之留監己軍聞中朝屢治從逆者懼而  
欲媚士英以自解度士英忌可法乃上疏曰國家兵事問鎮  
臣糧餉問部臣督師贊也且可法空得名耳朝廷當召置內  
員備顧問不則聽歸故里養其高望陛下若念推戴功則爵

御覽卷五

之侯伯優其康餼毋令久踞津要為也疏入詔切責廣文士  
英等心是之可法上疏乞罷不許己而傑所遣盜寇將軍王  
之綱與許定國爭睢陽不決定國為納好於傑傑至則置酒  
伏兵殺之詰旦兵士攻城而入定國北走降於  
大清之綱等遂大掠睢陽兵倉卒未有屬可法聞變疾馳至  
徐州撫定其軍復請用傑部將李本深為都督士英聞可法  
大得傑軍心勿善也乃擢廣文為兵部右侍郎總督其平營  
將士怒廣文蒞任之日無一人至者可法再三諷諭之忘其  
為劫己也之綱等益以此歸可法即廣文亦心折焉都督之  
命久不下傑軍士皆棄汎奔還時  
大清兵已悉渡河值莊烈帝諱日詔使可法等祭河上可法

大興傅氏長恩閣鈔本



因言天星已周君仇未復之先治臣罪以謝天下亡何  
大兵破蒙山逼歸徐江南震恐乃下詔從可法議以李本深  
為左都督盡護傑諸將而已無及矣夏四月可法移鎮泗州  
合諸軍防禦而京師有偽太子事諸臣失職者咸被籍名攻  
士英園南侯左良玉遂發兵反移檄遠近南都戒嚴密詔可  
法督諸軍渡江擊良玉可法言北勢日逼請留諸鎮兵迎敵  
親往諭良玉要與俱西有功則割地王之宜無不聽即勿聽  
擊之未晚詔切責可法可法於是合諸鎮兵倍道入援抵浦  
口將入朝面陳可否士英等懼謂可法且為內應不許  
大兵已入亳州向邳州徐泗告急復詔得功等渡江可法還  
守揚泗可法痛哭而返晝夜兼行抵泗而泗州守將李遇春  
已以城降可法遂保揚州

南疆逸史卷五

十

可法乃為書辭其母及妻呼部將史得威曰我死當葬我於  
高皇帝陵側不則梅花嶺可也復環上城環王復以詔書招  
之可法守益堅相距十晝夜  
大兵四面急攻可法乃禱於天發砲擊傷千人豫王自怒督  
勁卒力攻城西北隅忽崩有聲如雷守禦者不逞發矢如雨  
城下死者山積  
大兵藉以登城遂陷先時可法謂莊子固曰城一破托君  
刺刃子固許之是時引頸向子固子固不忍可法乃拔刀自  
刎子固與參將許謹共抱持之血滿衣袂未絕子固等擁之  
出城及小東門遇  
大兵子固及許謹等皆死可法語  
大兵曰我史閣部也可引見汝兵主遂見豫王王勞之曰前  
以書謁請而先生不從今忠義既成當與重任為我收拾江  
南可法曰我此來秋求一死耳王曰君不見洪承疇乎降則  
富貴可法笑曰爾國待承疇豈能過先帝彼受先帝厚恩而  
不死其不忠於爾國明矣我豈肯效其所為王命裨將宜爾  
頓伴之三日終不降乃殺之宜爾頓為之棺殮軍中匆遽未  
及識姓名於棺遂不可辨而肇基等率死士巷戰移時殺千  
餘人兵眾益眾肇基天貫額死邦才自刎死樓挺死城上其  
餘文武將吏死者甚眾家人史書書記顧起龍龔之厚陸曉  
唐經世等皆從可法死揚州既陷五日得報赴京師舉朝  
不知所出又數日上出奔太平又三日京師潰可法督師幾

南疆逸史卷五

十一

大興傅氏長恩閣鈔本

大興傅氏長恩閣鈔本



一軍行不張蓋食不重味夏不策冬不裘小冠窄衣與部卒  
 謀處年四十餘無子妻欲為置妾可法曰王事方殷敢戀兒  
 女私乎遂無子軍中值歲除當封印南北文檄交至手自批  
 答自晨至酉分給將士來月糧至夜三鼓謂軍吏曰今夕乃  
 除夕乎索酒試飲之酒未至復呼軍吏曰禮賢館諸秀才當  
 與共飲顧夜已半可資酒資分餽之吏已往乃命酒獨酌庖  
 人報黍肉已盡饗士索鹽豉佐酒可法素善飲飲至數斗不  
 亂已至軍絕飲是夕滿酌數十杯思先帝淚泣然下不解衣  
 就寢者已七閱月是夕微醺隱几卧將旦有司吏士皆集軍  
 門外門未啟軍吏遂謂曰相公方隱几未寤奈何知府任民  
 育曰相公此夕不易得也勿驚之且戒鼓人更擊四鼓須臾  
 可法寤天已曙大聲驚聞鼓聲起曰乃敢亂我軍法傳令縛  
 至趨斬之諸將士皆長跪言相公久勞苦始得一夕假寐不  
 忍相驚故亂鼓聲以待此知府意也可法意解曰奈何以私  
 愛變常法趣其盥漱啟門偕文武臣北向遙賀將吏皆上謁  
 民育更前請罪乃赦鼓人可法自是竟不復隱几卧矣後軍  
 事益尤以監軍郎中黃日芳敏轉欲留之左右辭曰日芳老  
 矣豈能日侍公亦宜節勞夫發書走檄僚士優為之徵兵問  
 餉有司事也何必晝夜損神躬親庶務乎且兵殺機也當以  
 樂意行之將死官也須以生氣出之汾陽所謂聲色滿前也  
 可法笑而不答初以定策功加少保皇太后至加少傅殺江  
 北戰功加少師徐川擒盜功加太傅皆力辭不許後以宮殿

大興傅氏長恩閣鈔本

成加大師又辭許之既死或云亡去人疑之史得成已奉遺  
 命為可法子乃具衣冠招魂葬於梅花嶺下閣中立國首贈  
 可法太師謚忠靖後四年廬州人馮宏圖起兵假可法名號  
 旬日間下英霍六安諸縣天下翕然望之以為可法實未死  
 云可法有弟可程崇禎癸未進士選庶吉士京師陷不能死  
 賊敗南歸可法請下吏上以可法故令家居養母後流寓南  
 陵閱四十年而卒  
 逸史曰傳云不有君子其能國乎南渡之初所恃者史大司  
 馬一人而已其餘安守故常不違時變自謂清流而小人鴟  
 張滿朝相與詆排門庭樹寇強臣悍將因之阻兵安忍違制  
 朝命司馬奔走撫輯內攘不給何報計疆場之外乎迨夫左  
 帥稱兵藩籬盡撤  
 王師長驅而入所向投戈衝櫓未及於國門而君相已棄社  
 稷行遊此即維揚堅拒何補敗亡况於一隅當百萬之眾哉  
 悲夫觀廷吉之論亦足明天命之不祚矣雖有忠貞直能回  
 天余所以讀司馬之疏而愴乎有餘慟也  
 應廷吉字非臣鄞縣人也天啟丁卯舉人謁選被劾山知縣  
 史可法以閣部督師開府揚州御史左光先薦其才擢淮安  
 府推官赴軍前為監紀與劉湘客張鐸紀克明等並在幕府  
 而廷吉最任用廷吉精天文三式之學先是丁丑計偕至宣  
 武門見一白雞羽毛鮮好喙距純赤重四十觔觀者莫識廷  
 吉慘然曰此鷲也按鷲音教鳥也首見之則國亡癸未六月露

大興傅氏長恩閣鈔本



坐陰雲四合雷電交作有火星出聲如爆廷吉曰天元玉歷所謂電中聚火也人君絕世此殆是乎可法按部至淮升帳有旋風從東南起吹折牙旗轉至丹墀令廷吉占之曰風從月德方采加本日責人時當有責人奉王命而至者風勢飄忽旋轉其事為爭音屬徵象為火數居四四十日內當有爭鬪之事近則虞火災損六畜越三日城西北隅火燬民舍焚一驛匝月而有土橋之變高太監以朝命督師至如其占焉淮陰紫霄觀皂莢樹產物如鉛色黃味美士民觀者以為甘露也廷吉見之曰此爵錫也白者為甘露黃者為爵錫所見之地期年易主可法銳意經略河南黃日芳陸遜之私問曰閣部志勤矣於君意何如廷吉曰明年太乙在震角亢司垣

南疆逸史卷五

南

始擊掩迫壽星之次法當躡上將天下事無可為也意者先試之山左乎士民翹首王師如時雨焉若旌旗旅進豪傑必有響應者及高傑將行誓師禱靈風起轟折西洋殿無故自裂廷吉以為不祥十月十四日登舟廷吉曰此俗稱月忌日也又為十惡大敗高帥其不免乎明年正月傑果為定國所戮可法議修屯政欲遣陸遜之屯田歸而廷吉屯田邗宿廷吉曰國家故有屯軍世受業為恆產矣安所得問田而屯之且田所獲既入於官有司常賦又將何出聞桃源諸生有願輸牛百頭麥五百石以博縣令者此面欺耳及河防愈嚴令秦士奇沿河築墩以駐砲廷吉曰無益也黃河沙岸其性虛浮水至即圮何架砲為議乃格是冬紫微垣諸星皆暗可

大興傅氏長恩閣鈔本

法夜召廷吉指示之曰垣星失耀奈何廷吉曰上相獨明可法曰輔弼皆暗上相其獨生乎愴然不擇左兵東下宏光詔至可法袖詔書召廷吉曰君精三式之學所言淮陰安堵終不被兵人能言之第謂夏至前後南都多事果何見也廷吉曰今歲太乙陽局鎮坤二官始擊關提主將凶客參將發且文昌與太陰並凶禍有不可言者夏至之後更換陰局大事去矣可法撫然因出詔示廷吉曰君言不信猶可如信則天也啼噓而別以軍事付廷吉越三日督諸軍赴泗州過山陽澤清遣人取軍器火藥餉銀廷吉不與運屯高郵大兵破盱眙可法還揚州急召廷吉督餉至浦口已而又令率軍回揚州屯天長廷吉曰閣部才寸亂矣豈有千里之程

南疆逸史卷五

文

一日三調警急頻仍揚且有內變急入城助守南門可法又令取移泗之餉夜趨城出明日城陷得免於難可法之菜禮賢館也命廷吉董其事是時四方之士雲集負才能者羣思効用而倖進之徒亦且踵至廷吉言曰是皆躐治士坐談有餘無裨實用當此財匱而所給月餼不貲皆蓋散遺之列儲真才乎可法曰吾將以禮為羅冀收什一於千百行之數月既無拔萃之材亦無破格之選諸人私相謂曰始吾以為幸館也今且求處囊而不得於是始稍稍引去及可法將移師泗州謂廷吉曰諸生從軍防河積苦久矣今又趨泗是重勞也君蓋品定量拔一官以酬之四月二日發策試士拔長洲盧涇材嘉興歸昭等二十餘人擬授通判推官知縣二旬而

大興傅氏長恩閣鈔本







曰文武各有所司即文臣中各部不得侵吏部之權武臣何得越職而爭之且姓與三俊三朝遺老清望在天下孔昭安思侵官非其黨者即謂之奸臣忝在政府宸陛之嚴化為訟庭愧死無地乞賜罷斥不許既而士英疏薦阮大鍼宏圖持之士英曰我既犯人言豈敢相累因自擬旨大鍼陸見疏陳江防要害其言娓娓可聽將選士英奏曰大鍼名在丹書非其罪也人誣之耳大鍼因前奏冤陷之久而引宏圖為証以宏圖素不附黨必不忌己也宏圖乃曰大鍼頃者陳說兵事臣不知兵無所參駁若其起用關係非細昔崔魏亂政風教墮地先帝首鋤大惡其黨附者不可勝誅欽定逆案一書以遏羣邪大鍼與馬臣不知其果知兵與否但以先帝明察豈

南疆逸史卷六

二

容擅改即如士英奏乞下羣臣集議以彰公論則用大鍼亦自光明士英憤然曰臣薦大鍼非受賄也何不光明之有宏圖因乞罷以謝不能附和之罪上慰留之而卒起大鍼為兵部侍郎宏圖漸不安其位矣左懋第之北使也宏圖奏事宜一山陵間梓宮葬田貴妃墓宜於天壽山特立陵寢遷日改葬一分地割榆關以外不得侵及關內一歲幣量增十之三一國書如古稱可汗故事一使禮遵會典不可屈膝以致辱命當是時國朝方議遣師南下而懋第至守其議岷強不屈國書無由達使事不終南征遂決議者謂宏圖不達時勢執承平故事以虛文釀禍然其時廷臣皆莫之計也其後議遣中官督費

大興傅氏長恩閣鈔本

輔國浙餉復設東廠宏圖皆力爭之中旨傳升張有譽為戶部尚書宏圖謂其端不可開封還詔書又請召還史可法士英愈怒矯旨切責因力求去八月加太子少師皇太后至又加太子太保至十月卒致仕宏圖在閣士英尚畏之不敢肆志及去遂無所忌時山東已失宏圖流寓吳門已復渡江入浙東宏光亡泣涕絕食卒於會稽之竹園

南疆逸史卷六

三

阮出而紀綱紊亂外結強援以遏正士賢者岌岌且不安其位是四鎮之橫馬阮召之也於宏圖何尤哉宏圖雖非濟變材使其幸而當平世固一賢宰相也  
姜曰廣宇居之號燕及江西新建人萬曆乙未進士改庶吉士由編修歷陞詹事掌南京翰林院印福王之至也文武大臣集守備太監韓贊周宅議具啟迎王贊周令各官署名曰廣曰此大事須先祭告奉先殿然後舉行從之福王立升禮部右侍郎兼東閣大學士與宏圖協心輔政將以次漸引正人為中興之望已而士英意銳欲用阮大鍼曰廣上疏求罷司前見文武紛競自慚無術相和近睹逆案揪翻又愧無能寢息遂使先帝十七年之定力頓付逝波皇上數日前之精

大興傅氏長恩閣鈔本



神竟同反汗惜哉維新遂有此舉但恐忠臣裹足志士灰心  
 臣遭遇聖明備員政府不能扶危持顛已負生平必俟羣言  
 交責始求罷斥良已晚矣又言祖宗會推之典行之萬世者  
 也昨日大鍼之起竟出內傳夫斜封墨敎種種覆轍史冊昭  
 然臣觀先帝之善政雖多而以堅持逆案為盛美先帝之善  
 政亦間有而以頻出中旨為亂階用內臣內傳矣用部臣用  
 勳臣內傳矣用大將用言官亦內傳矣所得閣臣則貪淫巧  
 猾之周延儒逢君虐民之楊嗣昌偷生從賊之魏藻德所得  
 部臣則陰邪貪狡之王永光陳新甲所得勳臣則力阻南遷  
 盡撤守禦之李國禎所得大將則紆紉支離之王橫倪寵所  
 得言官則貪橫無賴之史蔭陳啟新凡此皆力排眾議簡自  
 中旨者也其效亦可睹矣皇上亦知內傳之故乎總緣鄙夫  
 熱心仕進一見擯於公論遂乞哀於內庭見其可憫之狀聽  
 其一面之詞不能無動者亦人情也而外廷口傳清議之人  
 亦有貪婪敗類之事投之口舌得以反唇而內廷遂以為攻  
 之者盡皆如是也間以其事情密聞於上及得上之意則又  
 轉而救之於是別創新法令之面試平臺一語投機立談取  
 官同登場之刺戲下殿得意類羸勝之販兒天下事從此不  
 可為矣臣昔痛心此事亦於講義數陳先帝一誤皇上豈堪  
 再誤哉上溫旨慰留而士英大鍼大溫陰喚劉孔昭劉澤清  
 交章攻之詎為黨人時議復設廠衛曰廣力持不可言緝事  
 未除宗社且不可知何廠衛之有士英念曰廣不去已終不

大興傅氏長恩閣鈔本

可以肆志乃使大鍼為疏令宗室朱統鎮上之言定策時曰  
 廣有異議列五大罪其詞甚醜職朝士皆為不平於是求罷  
 益力以皇太后至京加太子太保尋致仕曰廣辭朝上御殿  
 羣輔陪列曰廣曰微臣觸怒權奸自應萬死聖恩廣大猶許  
 歸田但臣去後皇上還當以國事為重士英憤罵曰我為權  
 奸汝且老而賊矣即叩頭言臣從滿朝異議中擁戴皇上願  
 以犬馬餘年歸老貴陽即皇上留臣臣亦但多一死曰廣厲  
 聲曰擁戴豈人臣居功地耶士英曰汝意在潞藩恨我成功  
 耳上曰潞王朕之叔父賢明可立兩先生無傷國體既出復  
 於朝堂相詬罵曰廣骨鯁廉介正色立朝有古大臣風托於  
 奸邪未竟其用天下惜之南京亡越二年而金聲桓之事起  
 金聲桓左良玉之部將也良玉死夢庚降豫王遣聲桓與副  
 將王體忠同取江西聲桓畏體忠兵強伏甲殺之以其中軍  
 王得仁統其眾略定南昌九江撫饒諸府得仁本起盜賊與  
 聲桓素驕橫撫按驟節制之遂以戊子正月二十七日殺仰  
 史舉兵反曰廣方家居金王以其民望所歸奉為盟主顧曰  
 廣繩墨之儒用兵非其所長時江西郡縣皆傳檄下海內響  
 應唯贛州未附諸客獻計以為宜疾趨金陵而曰廣以昔國  
 庶人起兵不破贛州卒貽後患令金聲桓併力攻贛州久頓  
 堅城  
 大兵隨至圍南昌金王本無智略既還師入城畏  
 大兵不敢出惟日責姜太保令其遣客號召四鄉義旅諸謀

大興傅氏長恩閣鈔本







南疆逸史卷七

烏程溫容臨撰

列傳第三

張慎言

徐石麟

張有譽

顧錫疇

管紹宣

解學龍

高倬

呂大器

張慎言字金銘陽城人萬曆庚戌進士天啟時自知縣入為御史立羣枉之間持議侃侃卒為馮銓所陷編戍肅州崇禎時起故官累遷太常卿刑部右侍郎改南京吏部尚書掌右都御史事南都官名吏隱事皆決於北慎言雖位冢宰從深

僉名而已及南渡建國遂為要職而慎言以宿德重望居之因命專理部事慎言上中興八議一曰議節鎮淮安鳳廬荆襄為鎖鑰重地自寇盜充斥城郭荒殘宜申命鎮撫大臣分戍增堡扼守險要東西開闢首尾相援添戰艦於江淮之間沿北羣縣各積穀萬石為倉卒轉運之資二曰議備藩諸王流離南竄不可不思所以處之擇浙江江右山郡及閩粵間居焉其府第護衛官屬暫從節省三曰議開屯江北地曠民流今為畿輔若於其間招聚流離開立屯田擇其邑之豪以百夫屯為百夫長千夫屯為千夫長連其什伍教之兵陣就使守禦富強一策也四曰議招徠河北淪陷羣縣設立偽官有能誅擒者賞五曰議寬宥諸臣陷賊事非得己家屬在南

大興傅氏長恩閣鈔本

企望歸正不宜以風聞苛議堅其從賊之心至若自投來歸尤宜於嘉隨才錄用不當概以死論六曰議褒卹忠烈之臣如范景文倪元璐李邦華等傳聞確者立宜贈卹以慰幽魂其餘次第詳核勿有所遺七曰議銓敘起廢之條是非龐雜不可不慎若逆案諸人無容更議其在戎藉廢居者一付清論不撓毀譽八曰議漕卒此漕萬有餘旗柁工挽夫實繁有徒募自外江衣食於官今漕登近地此十餘萬人無室無鄉游食不已為患非細安輯宜亟也俱嘉納之未幾大起廢藉慎言薦吳姓鄭三俊命召姓陞見姓者故大學士先帝時命之督師以逗遛遺戍者也時阮大鍼方謀起用而詔敕有逆案不得輕議又之慎言秉銓持正度不可進言誠意伯劉孔

昭故與大鍼善因置酒約諸勳臣欲廷許慎言以起釁次日朝罷羣詬於廷指慎言及姓為奸邪叱咤聲徹殿陛慎言立班不辨高宏圖解之不遵孔昭遂拔刀聲言殺此老奸慎言於人叢中展轉相避眾皆失色班行大亂司禮太監韓贊周從殿上大聲叱曰從古無此朝儀孔昭始納刀伏地痛哭謂慎言舉用文臣不及武臣上曰文武官各宜和衷何得偏競乃出復具疏言之且謂慎言迎立時懷二心慎言因引疾乞休史可法聞之上言慎言之薦未為不當即諸臣以為不可亦當平心入告何為痛哭喧呼使驕將悍卒聞之不益輕朝廷長禍亂耶昔主辱而臣死今主亡而臣生凡在臣工誰能無罪文臣固多誤國武臣宜盡忠若各執成心文武水火

大興傅氏長恩閣鈔本



國家朋黨之禍自此開人才向用之途自此塞臣不願諸臣  
存此見也給事中羅萬象御史王孫蕃各具疏為慎言辨劾  
孔昭不敬上仁柔置不問但慰留宏圖慎言而已旌旣不受  
召慎言亦四疏乞罷乃得致仕資銀幣給應得誥命恩蔭慎  
言力辭其表有云先帝山陵未卜而臣之祖父先受殊綸青  
宮皇子何在而臣之子孫安叨恩蔭况風塵不定進虎駭狼  
回首長陵而下松楸黍稷諸臣何以為心而猶侈口論功乎  
七月加太子太保自慎言罷繼之者徐石麒亦不久去位大  
錢乃起其黨張捷為捷惟奉行馬阮指揮賄賂公行諸麗名  
逆案者盡登用錢政大壞兵時山西盡陷於賊慎言無家可  
歸流寓蕪湖宣城間國亡後疽發於背戒勿藥卒年六十九  
慎言少孤鞠於祖母為御史日祖母亡歸執喪三年子履  
族壬午舉人賊陷陽城義不受辱投巖死事聞贈御史  
徐石麒字寶摩疏虞求嘉興人天啟壬戌進士授工部主事  
以忤逆奄削籍崇禎中起官南京歷十二年始入為通政使  
陞刑部侍郎署部事時帝以刑威駭下法官引律大抵深文  
石麒獨多所平反尋進尚書論誅兵部尚書陳新甲最後而  
有熊姜之獄卒為執法去位江南立國起右都御史未至改  
吏部尚書石麒方以進賢逞奸為任而馬士英阮大誠植黨  
樹私貨賄公行權傾中外石麒時以祖宗之法裁之士英欲  
得侯封諷中官韓贊周入言之上請加恩定某五等延世石  
麒奏曰世宗以外藩入繼將封輔臣伯爵而楊廷和將冕謙

大興傅氏長恩閣鈔本

不受今國取未雪諸臣遠裂土自榮不愧廷和等邪且俟神  
京克復大統告定之後議之未晚又言福王殉難先帝尚遺  
一勳臣一黃門二內侍驗諸舍飲今先帝梓宮何處封樹若  
何僅遺一健兒應故事則羣臣之悲思大行祇具文耳士英  
惡之凡所上考選年例少所稱可御史黃耳鼎以例轉劾石  
麒投樞臣以敗款議士英助之遂乞骸骨歸南京不守扁舟  
水宿嘉興城守將破石麒至城下呼曰吾大臣不可野死當  
與城存亡城上人譁曰我公來矣開門納之越宿而城潰朝  
服自縊死閏六月二十六日也僧真賞藏之櫃中踰二旬始  
殮顏色如生僕祖敏李升從死時劉宗周在紹興餓經七日  
曰此降城非我死所乃至城外野寺死二公意相反而其義  
則一士人為作降城歎我公來樂府以美之閩中賜諡忠襄  
石麒博學強識尤長於國家典制諸司掌故性樂易愛人與  
人言移日不倦下吏寒士有才者汲引不遺餘力所著有可  
經堂集石麒初罷構一堂顏曰醉經既而惡之曰醉百卒明  
年歲在酉吾其死乎竟以乙酉八月卒同時戶部尚書張有  
譽禮部尚書顧錫時侍郎管紹賢刑部尚書解學龍兵部侍  
郎呂大器工部侍郎高倬皆清執有品望俱克稱其職  
張有譽字難舉江陰人天啟壬戌進士以戶部主事權稅蕪  
湖力持清操崇禎中出為饒州府知府累遷江西督糧副使  
四川按察使俱有惠政吏部尚書鄭三俊舉天下廉能方面  
官五人以有譽為首帝書其名於屏擢南京戶部右侍郎兼

大興傅氏長恩閣鈔本



右僉都御史總督糧儲還半道聞都城之變狀任則福王立矣內官張執中監收白糧勒補墊費踰舊例數倍仗獎解戶有譽連疏論之收其胥役送獄執中虐稍舒常因召對言統計一年經費須十餘萬今所入僅八百萬不敷所出惟有裁冗兵節冗食汰冗費自宮中始願聖明躬行節儉為天下先時士英銳意起阮大鍼而廷臣持之急思以中旨用之難以發端以有譽人望也八月即傳旨用為戶部尚書高宏圖以有譽才望堪用而內傳不可開封還詔旨羣臣亦交章論陳上不許自是傳陞紛紛矣尋加太子太保時四鎮各需餉二十萬有譽計無所出至嘔血連疏乞歸不允明年五月南京失守有譽逃之武康久之旋里仕宦二十年僅守先世遺業

產其治家居鄉俱堪為後人法年八十一而終

顧錫疇字九疇號瑞屏崑山人生而英敏年十三以諸生應試南京魏國公一見稱異以女女之登萬曆乙未進士選庶吉士甲子授編修典試福建以策問侵逆坐誣謗革職奪職復原官擢國子監祭酒請復積分之法從之歷陞禮部右侍郎署尚書事江南立國起禮部尚書時方尊福恭王為恭皇帝特議廟祀錫疇鑒睿宗之失請別立專廟時論趨焉又請復建文景泰二帝諡號請論開國以來忠節諸臣張慎言去位命錫疇攝吏部事乃正從逆各官刑章務以鼓舞人心激揚忠義時朝政日壞錫疇自請祀海出都事竣乞終養御史張孫振希政府旨劾罷之南都不守父天敘已病聞之不

大興傅氏長恩閣鈔本

食死錫疇葬畢謁魯王俄而魯王航海錫疇由海道趨閩寓江心寺温州總兵賀君克縱卒殺士錫疇將劫治君克夜使人殺之投屍於江三日乃得棺殮焉

管紹圖字泰階武進人崇禎元年進士第三人授編修陞陞南少司業左諭德掌翰林院陞少詹未赴福王立擢禮部右侍郎同顧錫疇首襄大禮一時稱中興盛典焉

大兵渡淮紹圖時返常州有揚州進士某先降改名授常州知府詐傳檄舉義召閩郡紳於至期不至者以降敵論紹圖信之往伏兵猝起縛諸紳雜髮紹圖大罵不屈被害於署門外事聞魯監國贈禮部尚書予祭奠諡文忠

解學龍興化人萬曆己丑進士歷金華東昌推官擢刑科給事中魏忠賢亂政以東林削籍崇禎中累遷太僕卿右僉都御史巡撫江西擢南京兵部右侍郎未赴時黃道周方得罪而學龍於薦舉屬吏推引及之帝怒徵下獄杖八十遣戍福王立起故官十月至擢刑部尚書時方治從賊諸臣馬士英阮大鍼以賄出入故案久不定學龍做唐制以六等定罪一等應磔者十一人宋起郊外部員牛金星舉張嶠然平陽曹欽程少卿李振聲俞上猷史繼新黎志升投學陸之祺布政西高翔漢林楊王休道關劉世芳檢二等應斬秋決者四人光時亨刑鞏煇楊河南周鍾堃吉方允昌兵部三等應絞者七人陳名夏修揚枝起廖國遴王承曾知府原統宗兵備何爭光士庶吉項煜魯四等應流者十五人王孫蕙禮部梁北陽掛錢

大興傅氏長恩閣鈔本



位坤大正卿 侯恂 王秉鑑 陳萬象 申芝芳 金  
 汝礪 黃維祖 楊廷鑑 陳羽白 劉大鞏 張希度 張懋爵  
 詳五等應徒者十人 宋學顯 沈元龍 許才拱 乾德 繆沅  
 主事 呂北龍 傅振鐸 吳剛思 方以智 傅鼎銓 張家  
 玉 六等應杖者八人 潘同春 吳泰來 張琦 王于  
 耀 周壽明 何列星 李剛 徐家麟 自統以下聽贖  
 侯定 奪者十九人 何徽 瑞揚 觀光 張若麒 方大猷 劉克  
 崇 雅 徐必泓 張鳴駿 薛所蘊 趙京仕 高爾儼 衛  
 周祚 黃紀孫 袁中 其另存再議者二十八人 翁元益 郭充  
 中 給事 魯學吳 爾璉 史可程 王自超 白引謙 梁清標 楊棟 魏張  
 元琳 呂崇烈 李化麟 朱積 趙穎 劉廷琮 侯佐 左懋 泰 吳  
 之琦 趙明魁 俱 許偉 梅人 龔懋 熙 王顯 進 王之牧 王泉  
 梅 鸚 姬 琨 宋國壽 吳高引 林 人 已 奉 旨 錄 用 者 十 人 張 縉 彥  
 尚 時 敏 中 衛 清 文 韓 四 維 蘇 京 史 黃 國 琦 施 鳳 儀 行 取  
 張 正 聲 顧 大 成 書 姜 荃 林 詳 疏 上 士 英 以 輕 重 不 稱 意 矯  
 旨 再 議 士 英 方 重 劾 周 鍾 光 時 亨 等 以 與 廷 臣 相 牴 牾 學 龍  
 乃 加 重 周 鍾 光 時 亨 各 一 等 餘 仍 執 前 議 時 馬 阮 必 欲 殺 周  
 鍾 而 學 龍 欲 為 之 緩 死 乃 謀 之 次 輔 王 鐸 明 年 正 月 乘 士 英  
 在 告 上 之 且 請 停 刑 鐸 即 擬 旨 且 有 詳 慎 平 允 之 褒 士 英  
 聞 之 怒 然 事 已 無 及 也 大 鐵 及 其 黨 張 捷 揚 維 垣 聲 言 欲 劾  
 學 龍 學 龍 乃 引 疾 大 鐵 復 擬 保 國 公 朱 國 弼 御 史 張 孫 振 款

大興傅氏長恩閣鈔本

其曲庇行私遂削籍至四月左良玉犯闕士英即傳旨殺鍾  
 時亨而命死罪者遣戍流徒以下為民然學龍所定亦多未  
 審其一等諸犯皆隨賊西行實未得正法傅鼎銓張家玉後  
 起兵死節最烈亦在五等中要之身未對理官而懸擬罪名  
 原馬阮之意亦不過借以快恩仇制黨人立威自重而爰書  
 所拒盡屬傳聞非為國家正典刑也學龍通曉政務在崇禎  
 朝所敷奏皆關天下大計嘗言遠左額兵舊九萬四千有奇  
 歲餉四十餘萬今關上兵止十餘萬而月餉乃至二十二萬  
 何相懸至此連兵盡潰關門不得不新募蘇撫則舊有額兵  
 乃立行召募給以厚幣舊兵以其餉厚也悉竄入新營而舊  
 額依然如故其為漏卮可勝言哉國初文職五千四百有奇  
 武職二萬八千有奇神祖時文增至一萬六千餘員武增至  
 八萬二千餘員矣今日不知又增幾倍主爵者誠肯悉心計  
 度冗者汰之歲可得餉數十萬衛所應襲子弟無才可用但  
 襲爵而不給俸以至裁冗吏核曠卒又可得數十萬無憂貧  
 矣從來問國之強萬若民富問民之富莫若多粟亦嘗取京  
 米邊之米較其出入而權其損益乎夫京邊之米一石其輸  
 自民間則非一石也以民之費與國之收衷之不啻三倍是  
 國之一民之三也今關餉一石抵銀四錢易錢則好米者不  
 過百文惡者止三四文又其下者則腐臭而不可食以國  
 之費與民之食又衷之不啻二倍是兵之一國之三矣總計  
 之則民費其六而兵食其一民既疾矣亦未嘗利况小民作

大興傅氏長恩閣鈔本



奸以欺漕卒漕卒作奸以欺官司官司作奸以欺天子屢轉相欺而米已化為糠粃為沙土兼濕熱所蒸色味俱變食不可下咽是又化有用之六為無用之一也然則如之何臣以為莫如修屯政屯政修則地闢而民有樂土粟積而民有固志昔吳璘守天水經營屯事縱橫壑梁綿亘不絕名曰地綱敵騎不能逞今略倣其制畢力圖之溝塗之界則各樹土所宜木小可獲薪藁之饒大可得控扼之利敵雖強何所施乎帝善其言亟下所司議之然竟中格

高倬忠州人天啟乙丑進士知德清金華二縣徵為河南道御史草場火以巡視不謹褫職其後起廢屢遷南京太僕寺卿右僉都御史提督操江福王立用為工部右侍郎御用監

南疆述史卷七

九

內官請給工料錢置龍鳳諸器及宮殿陳設寶玩金玉計費數十萬光祿寺請辦御用器至一萬五千七百有奇倬上言曰國家草創民愁財匱宜力行節儉以為天下先昔衛之亡也衛文公大布之衣大帛之冠通商務農故能立國楚邱今大難未夷百萬之師宿於江淮嗷嗷告饑司農猝無以應以致缺望掠食即君臣編素示以匱乏彼尚未必信也而乃雕鏤華彩欲飾太平美觀乎皆不納明年二月解學龍罷倬代其任其南都失守投繯而卒

呂大器字儼若遂人崇禎戊辰進士授行人擢吏部稽勳主事更歷四司至文選乞假歸以邑城庫惡倡率修築工甫竣而賊至大器佐有司拒守城獲全詔增秩一等出為關南

大興傅氏長恩閣鈔本

道參議還固原平長武刺賊權右僉都御史巡撫甘肅劾罷總兵榮時肅威望甚著遷兵部添註右侍郎大器負才而性剛見天下多固久於軍旅意欲避事上疏力辭帝不許至京命以本官兼右僉都御史總督保定山東河北軍務未幾罷保定總督而設於九江以大器任之左良玉與大器不和廷議慮其貳事以袁繼成代之而改大器南京兵部右侍郎兼掌禮部事十七年四月聞北都變南京諸大臣議立君時潞王常潞已渡江在吳中前侍郎錢謙益欲立之乃入說大器曰潞王穆宗之孫神宗猶子昭穆不遠賢明可立福恭王昔者覲覲天位幾釀大禍今立其子勢必翻三案以報私仇視吾輩祖上肉矣公今主禮兵二部事公若倡言誰敢異議大

南疆述史卷七

十

器然之張慎言姜曰廣等亦附焉貽書史可法言福王不可立狀議未決而馬士英已與鎮將劉澤清等率兵擁福王至可法不得已將其啟迎王大器猶不肯署狀給事中李沾面折之曰今日之事論典禮則禮莫重於尊君論典兵則兵莫先於衛主今眾議僉同公獨持異沽請得以頸血濺公衣矣大器乃不敢言卒迎福王監國踐帝祚遣大器吏部右侍郎遂以異議見絀恆自危及可法出督師士英入輔政與劉孔昭比欲盡起逆案諸人先薦阮大鍼為兵部侍郎舉朝大譁大器知必不為時所容乃倡言攻士英言其擁兵入朝覲留政府濁亂紀綱顛倒邪正逆案一書先帝欽定而士英悍然不顧目無先帝何論陛下且其子童穉列銜都督妹婿無功

大興傅氏長恩閣鈔本



冒投總戎姻娅若越其杰田仰揚文驄等皆先朝罪人盡登  
應仕名器借越莫此為甚總之吳姓鄭三俊臣不謂無一事  
之失而端方亮直終為海內正人之歸士英大鉞臣不謂無  
一技之長而奸回邪慝終為宗社無窮之禍疏入士英大怒  
嗾劉澤清劾其心懷異圖未幾逮雷縉祚周鏞下獄二人亦  
主潞議者也大器遂致仕去以手書監國告廟文送內閣士  
英憾不已令李沾復劾之乃起擢沾為左都御史而命法司  
逮大器以無可踪迹而止謙益諂附士英上書頌其功與大  
鉞深相結得為禮部尚書國事益不可為矣明年唐王立召  
為兵部尚書兼東閣大學士汀州變奔廣東與丁魁楚等擁  
立永明王命以原官入直駕幸梧州自請留守東方遂走韶

南疆逸史卷七

州久之入烏羅土司永嗣二年王應熊卒進大器少傅盡督  
西南諸軍賜劍便宜從事其夏抵涪州蕩寇將軍李占春謁  
見大器以為可用與相結過應揚展于大海胡雲鳳袁龍武  
大定譚宏譚詣譚文諸部會宗室朱容藩謀逆檄占春大海  
等兵誅之赴召至思南遵義守將王祥選至其地謂曰吾歷  
觀川將楊展志大而疏大海齷齪而無謀餘部方不足數國  
家將何籍以中興吾死目不瞑矣時已得疾留兩月四年春  
次都勻卒諡文肅子潛葵未進士隱居湖州不仕  
逸史曰南都初建崇正盈朝其六卿之長皆民譽也迨馬阮  
執國命次第芟斥而國事亦敗壞不可倅然則小人亦何利  
之有哉宏光之不終也議者多追咎潞王之不得立以為勝

大興傅氏長恩閣鈔本

南疆逸史 卷七

帝馬是不然王亦中材矣其在杭州常命內官博訪古玩南  
都不守都御史劉宗周勸王監國守浙境王不可及  
大兵至即與巡撫張秉貞迎降蓋納叛將陳洪範之謀也大  
理少卿沈胤培常曰使王立而錢謙益為相其敗壞與馬士  
英等耳嗚呼謙益之欲立潞王自為富貴計也使其果欲為  
國擇賢則其後不先馬阮而賣國矣

南疆逸史卷七

南疆逸史卷七

大興傅氏長恩閣鈔本

三三二



南疆逸史卷八

烏程溫睿臨撰

列傳第四

劉宗周

黃道周

劉宗周字啟東號念臺山陰人學者所稱戴山先生者也萬曆辛丑進士崇禎朝歷官都察院左都御史以請釋熊養之獄斥為民年已六十四矣歸二年而京師陷宗周聞之慟哭徒步涉江詣杭州以發喪討賊責巡撫黃鳴駿曰哀詔未至何故發喪且當靜以鎮之宗周勃然曰嘻此何時也安所得哀詔哉君父變出非常公專闕外不思枕戈泣血激厲同仇反藉口鎮靜作逸避計耶於是發喪哭臨畢與朱大典章正宸熊汝霖召募義旅將發而福王立於南都以原官召宗周以大仇未報不敢受職上言今日宗社大計舍討賊復仇無以表陛下渡江之心非陛下決策親征亦無以作天下忠臣義士之氣江左非偏安之業請進圖江北鳳陽號稱中都南拒徐淮北控豫州西顧荆襄南去金陵不遠親征之師駐蹕於此規模先立而後可言政事又言今日問罪之師當自諸臣之不職者始當賊入秦流晉漸逼畿南遠近洶洶而大江南北一二督撫不聞遣一騎以壯聲援坐視君父危亡而不救則封疆之臣當誅新朝既立謂宜不俟終日首建北伐災九廟屠梓宮訪諸王萬無容自諉者而諸臣泄泄自安則舉朝謀國之臣當誅詔報曰親統六師光復舊物嚴文武惟怯

大興傅氏長恩閣鈔本

之大法激臣子忠義之良心慎新爵劾舊官朕拜昌言宣付史館是時宗周本無意於出謂中朝黨論方興何暇圖賊而一時奸人雖不利宗周然又恥不能致宗周反急其一出及方出而彈劾踵至其言誇誇引繩披根不少假借由是羣小側目馬士英言宗周自稱草莽孤臣不書新命是明示不臣也朱統鑽言宗周請移蹕鳳陽鳳陽高墻之所蓋欲以罪宗處皇上劉澤清言宗周欲行定策之誅意在廢立兵已伏於丹陽而是時浙兵適與京口防江兵相擊鬪士英聞之而信亦震恐高宏圖乃言於上傳諭曰昔漢宣起於艱難魏丙合志唐肅興於靈武李郭同心今者祖分左右口構玄黃天下事不堪再壞諸臣各宜和衷集事息競圖功庶幾君臣之間禮全終始宗周不得已受命方宗周在丹陽僧舍也高傑劉澤清道刺客數輩跡之見其正容危坐亦心折不敢加害既入朝仍居蕭寺南渡亂政無不危言好黨馬士英劉孔昭劉澤清高傑內外結連人莫敢逆忤宗周昌言排之及起用阮大鍼宗周曰大鍼進邊江左之懸亡俸馬其視國事之顛連猶疾痛之在身也危涕正辭以冀廟堂之一悟迨不見省乃再疏請告子馳驛歸宗周以宿儒重望為海內清流領袖以出處十國家治亂既出國門都人士聚觀數息知南都之不可有為也明年宏光出之浙江亦不守宗周慟哭曰此余正命之時也門人有以文謝故事勸者宗周曰北都之變不死者以身在田里留以俟後王也南都之變主上自棄其社稷

大興傅氏長恩閣鈔本



僕在懸車上曰可以死可以無死今吾越又降區區老臣尚何之乎若曰身不在位不當與國為存亡獨不當與土為存亡乎故相江萬里以所以死也世無逃死之宰相亦豈有逃死之御史大夫哉扁舟辭墓躍於水中水淺不得死絕食二十三日而卒閏六月八日也宗周死而浙東紳士孫嘉績熊汝霖錢肅樂鄭遵謙等各起兵迎魯王監國紹興與

大兵相拒者一年以為由宗周所倡云宗周以遺腹生家貧母章氏育之外家幼端穎稍長即志聖賢之學內行脩飾甫釋褐遭母喪為聖室中門外日天泣其中尚書陶望齡弔之歎曰世衰禮廢吾未見善居喪者劉子者服闋以祖父年高不謁選祖亡哀瘡如初通籍四十五年立朝僅四年自守所

南疆逸史卷八

三

學不以時方變亂更術以進也懷宗綜核名實羣下怖恐宗周以為此刑名之術不可以治天下而以仁義之說進帝方憂流寇問以兵事對曰臣聞禦外以治內為本此於羽所以格有苗也皇上亦法堯舜而已矣帝顧廷臣曰廷哉宗周之言也京師方戒嚴召對中左門御史楊若喬奏言火器宗周効之曰戰守屯戍自有良法不恃人而恃器國威所以愈頓我一本無帝方帝每言宗周清執敢言有古大臣風然終以及至此一段為迂故不得久在位居家潛心理學清脩篤行不愧衾影與人嚴正不可干以私嘗面折人過人皆敬憚之其學以慎獨為功以知天為歸而本之敬誠作人譜以授學者立古小學日會講其中與無錫高忠憲齊名說者謂明之大儒推薛胡

大興傅氏長恩閣鈔本

陳王而宗周似勝之所著有劉子全書百餘卷及他著述二十餘種子灼字伯繩甘貧樂道能守其學

黃道周字幼平號石齋漳浦人家貧時挾策遠遊讀書羅浮山山水瀑深墮澗中溯流而出遇異人授以讀書之法過目不忘自少攻苦為文典與原本經衍登天啟壬戌進士選庶吉士編修屢起屢蹶五遷而至少詹事兼侍講學士道周以文章風節高天下而嚴冷剛方不諧流俗公卿多畏而忌之嘗上疏自陳言文章意氣坎坷磊落不如錢謙益鄭鄞時鄭方以杖母被大詬帝得疏駭異而忌者愈藉為口實最後以劾揚嗣昌等情入閣帝怒甚親召至平臺詰責下獄遣戍事具明史南渡起吏部右侍郎道周不欲出馬士英遣人諷之

南疆逸史卷八

四

曰人望在公公而不起豈欲從史可法擁立潞王乎道周不得已乃趨朝至則陳進取九策九月陞禮部尚書掌詹事府事尋以祭告禹陵出臨行上言今欲東收充濟北略漳河西取長安然後問洛陽之鐘虜掃承德之松楸上規天壽此曠日持久其道誠難必如臣愚計得一沈鷺之將簡士三萬費糧百日出贖榆章橋東踰破車度臨胸歷博興直上鹽山滄州此間三四千里皆荒曠如陞虛邑惟臨胸安邱樂安陽信之間稍可屯聚可因糧而食走七晝夜至武清渡白溝出其不意從天而下敵有嚙指望宣大關門而避耳然後致陛下哀痛之意祭告洒掃上十二陵與長安士民拭淚而觀九廟還分兩道一下臨清以收充濟一下邯鄲以收漳衛其用力

大興傅氏長恩閣鈔本



甚少奏功甚鉅此欺奔所發憤於祝阿劉裕所歡呼於大岷也南京清唐王建號於福州召為首輔是時鄭芝龍專政賜宴大臣芝龍欲居第一道周謂祖制武職無班文官右者芝龍辭屈由是與道周不和道周見芝龍殊無經略之志求出關自効請兵請糧芝龍皆不與道周徒以忠義激發旬日間得九千餘人親寫劄副與語給為公賞得之者榮於誥教而應募者多不練之兵不能應敵由廣信抵衢州婺源令其門人者也偽致降書道周信之決計深入曰國家養育數百年士民豈無人心傳檄自歸命耳至婺源明堂里

大兵猝至一軍殲焉道周知為令所賣叱從者俱還曰吾死此矣遂被執職方趙士超字淵卿福州諸生中書賴繼謹字敬儒漳州諸生蔡春溶字時培漳州諸生道周弟通判毛玉潔字去水六合人沙縣丞四人從道周絕粒七日不死至徽州元旦張燈甚盛為魚龍諸戲道周與士超悵然賦詩是夜雷雨大作繞營三晝夜不止訓導吳士繡呼其子祺生曰

望天震怒殆為黃先生乎不食而卒道周至江甯督師洪承疇其鄉人也使人來言曰先生毋自苦我可以保先生不死道周罵曰承疇久死矣松山之敗先帝痛其死親自哭奠焉得尚存此無籍小人冒名耳承疇館而禮之上疏乞貸死朝旨不許道周在館與門人講習吟咏如常素善書翰都人爭求之終日握管不辭也三月七日赴市見市有豎福建門牌者指曰福建吾君在焉死於是可也南向再拜遂受刑士

大興傅氏長恩閣鈔本

起等四人偕死隆武間之大哭追贈文明伯諡忠烈道周詩文敏捷精天文歷數皇極諸書所著三易洞璣詮革象新書學者窮年不能通其說而道周以之推驗治亂其說多中自推行年終於六十三歲丙戌書之小冊始知其能前知也逸史曰當明之季苦劉黃二公豈非盛世之麟鳳哉惜乎出非其時夫道有污隆時有常變文經武緯迭相為用兵之設肇於炎黃聖人未嘗不亟講之也故易著師象藝尚射御武王親秉鉞鉞周公東征四國是訖孔子及谷之會具左右司馬誅莠夷而齊侯懼清之戰冉求用矛以入齊師孔子稱其義故以即戎望之善人而夫子自言戰則克蓋得其道矣聖人何嘗諱言兵哉自晉人尚清言宋人崇理學指武備為末

事將帥為粗人借項兵偃武之說以自文其不能天下靡然從之於是將鮮道德之選軍蔑尊親之習甲兵朽鈍行伍單弱馴至盜賊縱橫夷貊交侵乃專用粗暴猛厲之夫奉以為帥始則慢之繼則畏之驕兵悍將挾寇自重文吏懼怯而不敵究蓋後世中國之衰皆自腐儒醜之也宗周侃侃正色忠矣直矣至欲以干羽格鬪敵才張之虐焰何其迂也南都立國宿將盡矣惟有四鎮耳故雖暴橫而史公欲用之不憚委曲綢繆撫輯其眾乃宗周概指為當誅以激其怒使之抗疏誣訛大臣不反輕朝廷之威即漢文帝有言曰卑之無甚高論令及今可施行也後世之君子皆自恃其正論以博名高耳豈計時勢之不能行哉悲夫道周出關之舉志則偉矣然

大興傅氏長恩閣鈔本



以南練兵之甲仗糗糧百不一具又輕信敵人之間深入險地是棄其師也孔孟棄民殃民之戒獨不聞歟嗚呼世有君子而使其道不得行人君之過也尊其身矣聽其言矣而言不度乎時宜身無擇於賊亡則豈孔孟之道果僅可用之乎世豈若二公者君子諒其志焉可也

南疆逸史卷八

七

南疆逸史卷八

大興傅氏長恩閣鈔本

南疆逸史 卷九

南疆逸史卷九

烏程溫睿臨撰

列傳第五

左懋第

袁繼成

左懋第字仲及號蘿石山東萊陽人崇禎辛未進士授韓城知縣擢兵科給事中十七年春奉命督兵湖襄間變誓師而北會南京建號懋第入見流涕陳中興大計遂命以右僉都御史視師江上時議遣使通好於

國朝祭告大行皇帝且冊封吳三桂而懋第母死於天津計至疏請終制不聽因請使北詔加兵部右侍郎兼右副都御史以行以左都督陳洪範太僕寺少卿兼職方司郎中馬紹愉副之紹愉先帝時與新甲比為懋第劾罷者也而詔旨又令懋第經理河北聯絡關東軍務懋第言經理通和兩事也

今以之兼行則名兼實乖將先辱地而後經理乎抑先經理而後往和乎至馬紹愉前者奉使辱國臣今豈可與偕行上不聽臨行上疏曰臣所望者恢復而近日朝政似少恢復之氣望陛下時時以先帝之仇北都之恥為念瞻高皇帝之松楸而即念成祖列宗之陵寢見有黍離之痛撫江左之遺民而即念河北山東之版圖不克陸沈之禍更望嚴諭諸臣整頓士馬勿以臣北行為必不可成或矣勿以和成為必不可恃必能渡河而戰而後能拒河而守必能拒河而守而後能拱護南都於萬全惟陛下幸察遂行賞銀十萬兩幣數萬疋吏

大興傅氏長恩閣鈔本

一三三五



卒三千人時可法駐泗州與懋第相見謂曰經理具文耳通和詔旨也公宜疾行毋留以故所至山東豪傑稽首願効驅策者皆不敢用慰遣而已八月渡河次滄州聞吳三桂已改封平西王於是遣使以冊命先授三桂喻來使意三桂不發書緘冊上攝政王王怒然朝議以禮來且令使臣入見十月至張家灣令以百人入授四夷館懋第曰我奉命通好而夷館授我是以屬國見待也我必不入往返再四乃改鴻臚寺且遣官騎迎之建旄乘車肅隊而入懋第斬級大經迎者訝曰吉禮也而以凶服將事可乎答曰國喪也兼有母喪國喪臣所同盡而母喪所獨也迎者不能詰十四日內院大學士剛林至責朝見懋第欲以客禮剛林曰我

南疆遠志卷九

三

皇帝踐祚不聞爾國朝貢使臣乃欲據客禮耶懋第曰我天朝使臣自應具主客禮見我皇上正位繼統方圖中興何言朝貢反覆折辨聲色俱厲洪範紹愉懼變色乃曰此大事非可一日決也始徐之剛林出明日索國書懋第不啟以所賈金幣及陵工之稿先之時大清初入中國未深晰中朝事所往復辨論者皆諸降臣授之而懋第慷慨引義辭氣不撓剛林嗟歎曰此中國奇男子也厚為牢醴以待之懋第既不得謁陵乃陳太牢於寺廳率將士喪服為三日哭攝政正間益重之而洪範已輸款願招劉澤清諸將以江南降附二十七日悉歸使臣至滄州復追懋第紹愉還獨洪範得歸而

大興傅氏長恩閣鈔本

大清已舉兵南下十一月初五日也懋第止將士滄州以數騎北還改館太醫院久之上攝政王啟曰懋第奉命通兩國好今無故羈我使臣我士馬饑困則後之持節者誰復不避險阻以勤國事不報明年正月滄州將士劉英曹遜金鑣等入見懋第曰生為明臣死為明鬼我志也因以蠟丸奉表南京遣金鑣楊三泰往道梗不得達三月十九日為哀表望祭先帝哭失聲六月間南京失守其從弟懋泰先降為吏部郎者來見勸之降懋第叱曰我家無是人也遣出之閏六月十五日命雜頭中軍父大選有貳志懋第怒杖殺之十九日乃收入獄參謀兵部司務陳用極遊擊王一斌都司張良佐王廷翰守備劉統五人者從入訊懋第曰我頭可斷髮不可斷

南疆遠志卷九

三

我早辦一死矣父大選違我節制我自行我法殺我人與若何與越日復廷諭之終不屈攝政王雅敬懋第欲生之以問在廷漢臣而降臣愧見之無復言者王歎曰汝等不畏死皆忠臣也然降終不失富貴莫應乃引出既至市王又遣騎諭降者三終莫應懋第顧五人曰得勿悔乎皆曰無悔用極曰求仁得仁又何怨懋第向南再拜曰臣等事大明之心盡矣端坐受刑行刑者亦揮淚大風晝晦捲市棚於雲際觀者無不泣下門人戚然徐玄敷葬之彰義門白馬寺側將士留滄州者聞之號泣散去蠟書至冬達於魯王懋第之在大醫院也凡中朝降臣來者必遭叱罵朝士亦憚其忠直遂不敢見陳用極崑山人王一斌廣國人張良佐王廷翰劉統皆上元

大興傅氏長恩閣鈔本



人陳洪範既責繼第得疾明年六月十九日病亟連呼左老  
爺至乞哀而死

袁繼成字季通號臨侯宜春人天啟乙丑進士授行人選廣  
東道御史巡視中城以監會試疏縱謫南京行人司副踰年  
遷禮部員外郎出為山西學道巡撫吳姓特疏薦之巡按張  
孫振弗善也劾之逮問三晉士民赴闕訟冤得釋進武昌道  
參議平賊李瘦子囊賊產數萬畝使民佃之以其入為軍糧  
尋陞鄖陽巡撫治合都御史以賊陷襄陽不能禦逮治遣戍  
歸明年以薦復起總理河北屯政大學士吳姓將出視師議  
設總督於九江控制吳楚乃加繼成兵部左侍郎總督江楚  
應皖至蕪湖遇左良玉索餉東下繼成激以忠義挽良玉西

南疆逸史卷九

四

行時張獻忠方蹂躪楚地至安慶指江中浮屍示良玉曰大  
將軍忍見此乎左變色因責之曰君侯功雖多過亦不少朝  
廷不謹責歲遣中使宣諭奈何不圖報稱且人孰無死張睚  
陽死賀蘭進明亦死某[圖]為睢陽死不為進明生也良王大  
感動遂旋師復武昌繼成至九江申軍實聯絡村陳諸大姓  
兵扼瑞州窺賊所向而吳姓得罪又改屯田以呂大器代之  
大器與良玉不睦軍中大開帝曰今日袁明日呂朕不知諸  
臣紛紛何見也於是復以繼成代大器甲申四月聞京師陷  
史可法遣人約勤王繼成遽率師至安慶而福王監國詔至  
繼成慮[圖]南左右無正人聞變必生異議亟貽書言福王倫  
序之正邀同入朝良玉得詔果不肯拜聞繼成言乃開讀如

大興傅氏長恩閣鈔本

禮儀以擁戴功晉四鎮伯爵繼成入見面陳封爵以勸有功  
無功而伯則有功者不勸跋扈而伯愈不可言矣又言皇上  
即位之初雖以恩澤加人尤當以紀綱肅下且君德剛毅為  
先不可使太阿倒持竊慮冬春之間淮上未必無事臣等雖  
驚願奉六龍為瀟湖之行又奏曰左良玉雖無異圖然所部  
多降將不可不防意外臣當馳還汛地上是之繼成因上時  
政疏言金陵之界限在大江而淮南江北為之屏蔽金陵之  
咽喉在尋陽而湖南襄樊為之門戶今淮南江北無恙也潰  
兵叛將蟠踞其間小民莫敢喪其樂生之心此可不加意措  
置令就戎戎素乎湖南新經賊亂千里蒿萊宜簡重臣撫治  
其地選補廉吏頗和難民招徠商賈通巴蜀黔粵之貨襄陽

南疆逸史卷九

五

為古今必爭之地必設重鎮重鎮必宿兵宿兵必責餉修城  
置器建廨諸費不貲皆不可不早計也夫襄樊守則可由宛  
葉以圍關中淮南江北守則可由江北歸德以圍河南亦可  
由彭城以圍河北攻守之大勢如此又言致治必先得人宋  
高宗知李綱趙鼎之賢而不能信用不能信而以汪伯彥黃  
潛善秦檜湯思退諸小人參之以致主勢日卑親取不雪其  
得偏安一隅猶幸耳國難雖殷老成未謝以臣所知若劉宗  
周吳姓黃道周楊廷麟葉廷秀諸人著名先朝至今思其議  
論於後人之禍賊灼如著龜使先帝早用其言[圖]有今日馬  
士英已為利己恨之無何逆案諸人盡起通政司楊維垣請  
以三朝要典重頒天下繼成言要典一書先帝特旨焚毀諸

大興傅氏長恩閣鈔本



臣非屬附在魏之人何必復尋崔魏羅織之書臣請書未進  
 孟寢之書已進孟毀之不聽劉澤清之誣奏姜曰廣也繼成  
 又馳疏申辨士英愈怒欲敗壞其事於繼成所奏用監司郡  
 縣悉寢其奏而阮大鍼在兵部且繼成奏調部將必俟行賄  
 方給教印由是諸將愈解體先是楚將楊國棟張先登黃朝  
 先等潰卒數萬人無所屬劉掠斬黃問繼成陰以恩撫之使  
 無為良玉用疏請湖南總督速蒞任收士卒心而士英不聽  
 方進良玉侯爵令鎮全楚良玉得盡收先登等軍其勢愈張  
 繼成貽書朝臣言左兵不可不備宜稍假督撫權示相維勢  
 士英終不省反裁九江額餉六萬且以其比於良玉欲移之  
 於內推為刑部右侍郎又恐無以牽制良玉遂不果偽太子  
 事起士英大鍼欲借以起大獄盡誅正人傳流洶洶而闖賊  
 方逼漢沔左兵欲避寇而無名黃澍在良玉軍中因說良玉  
 清君側惡抹太子乙酉四月良玉遂傳檄數士英罪部署三  
 十六總兵而東時繼成聞賊南渡令其將守九江身率師以  
 援袁吉甫登舟而聞左師且至九江士民大恐環泣留繼成  
 乃急移諸將家口入城以繫兵心列兵城外拒戰士民皆言  
 我兵十不及三激之禍不測不若候良玉至諭之以理且令  
 諸將斂兵入守相機而動繼成曰入城示之弱不可而裨將  
 郝勛忠不待令隨其家入城矣良玉抵北岸書來願握手而  
 一別為皇太子死繼成至良玉舟中良玉言及太子大哭繼  
 成曰先帝舊恩不可忘今上新恩亦不可負公今以檄行之

大興傅氏長恩閣鈔本

是仇國也請改為疏良玉從之成禮而別繼成歸集諸將涕  
 泣曰兵謀非正也晉陽之甲春秋所惡我可同亂乎當與諸  
 君共城守以俟朝命而兩營諸將有相通者左營潛入縱火  
 袁營張世勳郝勛忠夜半斬門出良玉兵士遂入城殺掠繼  
 成度不能制冠帶欲自盡黃澍泣拜曰圖南無異圖公以一  
 死激成之大事去矣繼成乃止良玉疾方劇望城中火光大  
 哭曰我負臨侯矣嘔血數升而死其子夢庚秘不發表自為  
 留後遂繼成偕至池州閱日報  
 大清兵已陷泗州逼儀揚黃澍夢庚陰遣人迎降繼成孤舟  
 避蘆葦中夢庚劫之去見豫王長揖不拜王亦敬禮之為設  
 宴不飲不交一言舟中夜起自縊監紀俞有灝覺而解之乃  
 拘送北在道八日不飲不死至良鄉數日此謝疊山盡節處  
 也又繼同行者又解之入京就館左夢庚將朝劉學士曰蓋  
 與之同朝乎繼成曰今與之同朝何異前與之同叛乎次日  
 內院剛林等復勸之朝且曰本朝為明討賊今賊未滅君入  
 仕得為先帝報仇繼成曰討賊  
 清之惠也今宏光帝何在而臣子可圖富貴乎劉學士曰宏  
 光之立是乎賊未討君未葬安得遽立繼成曰今上神宗孫  
 也倫序宜繼大變之後社稷為重立君所以示天下有主也  
 劉又言宏光不道事繼成曰吾君也君父之過臣何敢知閱  
 數日攝政王傳諭欲官之繼成大慟曰國亡與亡古今通  
 義某今日可以負明異日亦可以負

大興傅氏長恩閣鈔本



清不忠之臣

清安所用之王知其不可奪乃改館遷卒守之幅巾衲衣兀坐讀書終不雜髮明年六月二十四日遇害於紫市繼成問何地曰紫市也繼成曰昔文先生死此吾得死所矣年四十九鄉人李元鼎時為兵部右侍郎收其骸載歸袁州子一藻不仕亦早死

逸史曰嗚呼司馬之志烈矣雖然吾於北使事深歎謀國之無人也當是時江南雖立君敗亡之餘耳而吾

朝應天順人乘機入關將相和豫士馬精強甲兵堅利駸駸乎有席卷囊括之勢為江南計者陰輯重兵固守江淮而遣辯士具玉帛卑辭納款願為與國輸歲幣割大河為界凡降

南疆逸史卷九

八

臣家屬在南者厚賤撫之以繫其心毋令陰進說以內戕猶恐朝計未必聽從南收之馬難過也而乃晏然自大執承平故事欲以屬國禮折挫使之而所遣之使剛直不撓佐以奸險悖逆之兇徒是知不屈膝之為不辱命而不知適以啟釁之為敗國也且夫金革不避君子猶將譏之煌煌聘問之吉而以喪經將事可乎國家不可兩顧忠孝不得兩全懋第請之則不智廷臣不言則不忠致使御書不達使事不終豈非謀國者之咎哉即無洪範之陰輪亦豈能有當乎故夫忠臣之義全國為上吾計足以衛國而不用而後死之則可謂無憾也江督之料左番矣而小人反齟齬之以自撤其藩籬使江督計得行內外一心左雖有異心尚有所憚必不至稱戈

大興傅氏長恩閣鈔本

內向也嗚呼天禍人國凶德參會君子不幸而值其時計惟一死以報國耳若二公之忠節固昭昭乎與日月爭光哉

南疆逸史卷九

九

南疆逸史卷九

大興傅氏長恩閣鈔本



南疆逸史卷十

烏程溫睿臨撰

列傳第六

劉成治

黃端伯

吳嘉胤

龔廷祥

陳鏞

陳于階

嗚呼南渡君臣宜不哀哉大敵已逼而廟堂嬉戲若無事然及揚州既破文武大僚倉皇集議竊竊偶語百官後至微聞其語曰即降志辱身亦甘心也蓋羣思賣國矣兵科吳迺至兵部問防江守禦計職方王期昇言曰長江之險北兵豈能飛渡耶君何深慮於是一騎未至君相先逃總督京營戎政

南疆逸史卷十

忻城伯趙之龍禮部尚書錢謙益者具啟迎豫王渡江百官或降或亂奔走恐後矣其降者公侯則徐允爵來國弼常廷齡湯國祚柳祚昌徐宏爵李祖述顧鳴郊張拱日孫維城鄧文郁方一元郭祚永焦夢熊劉印吉張承志鄒存義黃中鼎常應俊齊贊元大學士則王鐸蔡奕琛都御史則李沾唐世濟鄒之麟侍郎則李喬朱之臣梁雲構翰林詹事則陳于鼎程正揆李景濂劉正宗張居陳之遴給事中則錢增陸爾丁允之王之晉御史則張孫振徐復揚袁宏勳王愔其餘部曹寺司下僚不可勝紀而獨劉成治黃端伯數人者挺然不屈噉然不緇豈非希世之鳴鳳哉且此數人者位非高也祿非厚也權非重也無封疆城守之寄無兵馬捍禦之責冷曹散

大興傅氏長恩閣鈔本

我備員而已而引義自守刀鋸不避高皇帝陵寢之旁雲爽所憑僅此數人以之仰答其平居自謂東林號召徒眾相與標榜而首倡邪謀醜類屈膝曾不愧恥至今人反稱譽之嗚呼世之衰也三代直道泯沒盡矣世之言豫王之將至也戎政府都察院先遣官騎迎之於郊趙之龍錢謙益奉輿圖冊籍候於中途四拜以獻將入城大雨沾濕百官兩立無敢後者王命謙益以五百騎先入清宮謙益封府庫收鎖鑰導王以入之龍集梨園子弟數百人長筵廣樂迎王南面坐奉觴上壽張幕天壇推牛醢酒大亨將士酒未半廣昌伯劉良佐東平伯劉澤清率其軍士投戈解甲稽首歸命且請擒玄光帝以自効於是五日田雄挾帝以至也

南疆逸史卷十

戶部郎中劉成治字廣如漢陽人甲戌進士初知蘆陵縣南渡補國子監助教歷理部署趙之龍將出降先入戶部封庫成治怒奮拳擊之之龍亟走免豫王入城成治獨閉戶不出迎己聞王命百官旅見出使假謁者註冊晨起呼名官吏俱寅往午歸否則妻子為俘成治慨然曰國家養士三百年宜遂無一忠義以報累朝恩耶題壁曰鍾山之氣赫赫洋洋歸於帝側保此冠裳自縊死

大興傅氏長恩閣鈔本



不厭服而去治行最微入京以憂歸意不欲仕將嗣法於開元寺而不果已而潛心儒學慨然欲自樹名節始端伯少時思遺棄世俗自署印曰海岸道人至是忽改篆曰忠孝廉節之章識者知其學之更有進也益王與鄭芝龍結姻勢橫甚端伯疏論之益王怒乃避跡於廬山福王立大學士姜曰廣薦起之乙酉授主事數月而南京不守或謂曰公如老衲蓋浮沈山墅端伯曰臨難苟免先聖訓也我豈藉口釋氏以苟活乎豫王之召百官也端伯不至從者固請書一帖付之曰大明忠臣黃端伯王命召之兵入先撫其妾端伯傲然不視曰殺即殺耳我不投謁也乃拘之去方巾大袖見王不拜王甚重之喙以大官不可曰以方外禮之可乎亦不可王問

南疆逸史卷一

三

宏光何君曰聖君曰何以指昏為聖曰子不言父過問士英何相曰賢相曰何以指奸為賢曰不降即賢遂下獄獄中作明夷錄自跋曰甲戌易數疏或靈龜見夢初華得明夷再筮得其子之明夷今江[圖]狂狴妖夢是踐人彼三公汚我我[圖]死不從也薇荒麥秀滿象明夷宜不信而有微哉大帥高其義欲生之不得乃曰文信國終不負宋姑聽之以成其義八月十三日端伯正坐待命一卒左刃之手顛棄刀走一卒右刃之亦顛棄刀走端伯厲聲曰吾心不死頭不可斷蓋刺吾心卒如之而絕一僕拱立於其側揮之不去亦見殺魯王贈太常卿諡忠節端伯深於禪而卒歸於忠義以死當兩京陷沒大臣之不能死者輒因緣杖拂稱濟洞宗嗣以自文其偷

大興傅氏長恩閣鈔本

生之末路豈端伯所謂藉口釋氏者乎噫可歎也

戶部主事吳嘉胤字繩如華亭人甲子舉於鄉南渡管理新餉至丹陽聞變欲馳還侍者曰往則投死耳幸而不遇難且歸而後圖嘉胤曰是何言歟君亡則率士皆非明有也我歸欲安之乃還止車城外報恩寺上書求存明社稷不報命二僕攜服至方正學祠下拜曰願從先生於地下今後世知吾與先生同志也從容縊於樹一僕欲為解之一僕嗟乎主人有成言矣解之必不聽不如已也遂死

南疆逸史卷一

四

以娛親乎乃入都投中書舍人四月命下旬日而揚州不守天子播遷舉朝迎降廷祥慟哭曰我知亡不意其如是速也吾豈忍背恩於國乎遺書其子曰捐軀見志吾事也善事祖母無使老人悲五月二十二日與禮部主事駱天閑約同死天閑懷刃至文廟跪告先師欲自刎為其僕所持不得死廷祥至廟中拜訖大呼曰吾不負師友焉君常劉湛六也自投武定橋下有女靜照能詩為鵲紅集以悲其父吳中傳之其同年孟津陳鏞字庸業上在潛邸時識之及即位以青浦知縣朝謁留為中書舍人上出幸太平鏞扈從不及遂自殺子伯俞抱父屍慟哭亦死壬午舉人也欽天監五官黎壺正陳于階字瞻一上海人嘗學大從學士

大興傅氏長恩閣鈔本



徐光啟學惡法薦被是職南渡令造火器

大兵至數日吾微員也可以無死然他日死何以見徐公哉  
緘死天主堂嗚呼此可謂不負徐公哉

逸史曰予於諸人皆大書其官者何官以人重也且以見賢  
人君子淪於下僚而奸回賣國之徒反居高位國之所以亡  
也或曰其時吏部尚書張捷副都御史楊維垣皆死矣子則  
而不書何也曰非死義也宏光既出城中無主百姓羣破獄  
出太子擁之入朝道遇王鐸羣賊之曰汝何故假我先帝子  
扶其鬚且盡張捷聞之恐其及己也欲走丹陽門閉不得出  
倉皇與僧懷登趙難鳴寺市人復寤之懷壁勸之死不得已  
乃縊維垣亦慮禍及驅二妾投井死置三棺旁殮二妾中題

南疆逸史卷十

五

己名置堂中身微服夜遁至土橋為怨家所殺死如是得謂  
之死義乎且夫維垣身附逆奄名在丹書焉阮比之拔置顯  
秩首以領要典請是自羣小鳴張聯翩而至亂政亟行以速  
敗亡張捷身為冢宰會不祥正惟馬阮意旨是奉所謂死不  
償責者也昔齊莊公之弒賈舉州紳十人者死之春秋削而  
不書胡文定以為是皆達君之惡從於昏亂不得以死名節  
然則使張楊慨然殉國猶賈舉類耳況於不得已而為人所  
殺哉傳曰君子表微予於是史之作發潛德幽貞旁搜遠  
羅雖市夫田隸苟其義死必不敢遺豈於大僚而反略之惟  
其微之而信考之而核而後敢書故慎之慎之而後所傳不  
妄故可以告天下萬世也

大興傅氏長恩閣鈔本

南疆逸史卷十

南疆逸史卷十

六

大興傅氏長恩閣鈔本



列傳第七

凌 駟

何 剛

祁彪佳

陳潛夫

王瑞拱

凌駟字龍翰歙縣人崇禎癸未進士授兵部職方司主事贊畫督師李建泰軍建泰至保定降賊駟獨與賊戰身負數十創奪圍至臨清臨清亦陷賊誅求富室駟因商人之資募兵三千人推佩州印部署鄉勇又說賊將降之擒斬賊官臨清濟圍同日收復與德州諸生謝陞遙相應謝陞者起兵德州

南中訛傳以為故相謝陞者也駟聞遣使人上書請收拾山東通好南北又言膠州與南岸相對者為廟灣宜設水師一旅於此與青齊義勇暗相結授東郡可不勞而下當是時朝議方以江北分四鎮遂無一人計及山東者疏入不省然駟亦時時與

新朝通書蓋孤軍難以自立也國朝以兵科給事中授之駟不受十七年七月東昌下駟走大名其冬至南京陞見授監察御史巡按山東而山東已潰駟乃入河南上方略云臣今與各寨將領約分地畫守倣古人合縱之策一寨敗約各寨致討以長河為邊垣以各寨為州郡以守為戰以農為兵臣寢食河干劇浪風裂不敢自逸

大興傅氏長恩閣鈔本

詔命吏兵二部給空劄百餘以待歸正之人然實無一軍以相策應者及許定國殺高傑走降

大清與李際遇導

大兵從河南渡河駟行部至歸德兵猝至遣人入城說降駟斬之次日守者開門迎降駟將飲藥自殺豫王令先致凌御史不者城且屠駟歎曰與慷慨而歿小民其何如從容而全大義遂往見從子澗生從之長揖不拜豫王賜賜勸之駟辭不飲明日王見駟無降意取學道蔡鳳監軍道吳琦於駟前斬之且曰公以首領易虛名乎駟曰已釋一死矣遺以貂裘革馬為皆不受是夜謂澗生曰吾艱險備嘗故守此土以為江南屏蔽今已矣臣志未遂死有遺恨又以書謂豫王大江

以南天之所限否則揚子江頭凌御史即錢塘江上伍相國也遂與澗生同死豫王命殯之吏民皆大哭夫聲事聞贈兵部侍郎澗生贈河南道御史駟死時年四十三當江南初建自謂畫准而守可以偷安孰知門庭撤而堂與必不固也使乘

大兵未下之日一軍北去與駟特特角大勢在我中原尚可徐收即不然大兵南馳亦未能傳檄定也豫王心重駟不忍殺之有以哉何剛字慧人上海人也庚午舉於鄉為人英毅有才略知天下將亂與其同郡士結幾社排訕迂儒徐言跨步之習而講求經濟以庶幾於功名及其成就多實學而剛與陳子龍徐

大興傅氏長恩閣鈔本



乎遠為之魁所交多當世奇士東陽許都亦豪傑自喜者也嘗從剛學剛謂之曰子所居天下精兵處也高皇帝嘗用之平亂矣蓋及今成一旅以待用乎都許諾歸而散財結客招致數千人後為邑令姚孫渠所陷十七年春剛上書言國家設制科立資格以約束天下豪傑此所以弭亂非所以戡亂也今天下所急莫如治兵之才然平生未嘗學一旦界之兵戈之任孰能勝之臣願陛下親簡強壯英敏之士令知兵大臣教習之日講論鈔練筋骨拓膽智陛下時召試之其學成者特優其秩寄以兵柄必能建奇功當一面臣嘗遊東陽義烏見其人智勇奮發忠義慷慨昔時名將勁兵多出其地臣願以布衣奔走聯絡悉遵戒繼光法申詳約束開導勸率以收徽發之奇才歲餘可使赴湯蹈火因薦許都及進士杭州姚奇允生員桐城周岐陝西劉湘容時都已前死而剛不知帝壯其言即授剛兵部職方司主事募兵金華福王立陳子龍人為給事中言守江之策莫如水師海舟之設更不容緩臣昔召募得二千人請委何剛訓練從之九月命防蒿子港轉本司員外郎時朝廷革創庶務繁興皆非所急剛言臣請陛下三年之內宮室不必脩禮樂百官不必備惟日求天下奇士智謀者決策廉明者理財勇悍者臨戎朝廷爵祿務不出三者驅天下才能而圖之求富必富求強必強若漫無經制空言恢復是却行而求前也優遊歲月潤色偏安是株守以待盡也惟廟堂不以文辭取士而以實用爵人則真才皆

大興傅氏長恩閣鈔本

為國用而朝廷亦少浮議矣今大度之士分道四出求草澤英雄得才多者受上賞則梟雄皆畢命疆場而內地亦鮮寇盜矣東南人滿徙之江北或以賜爵或以贖刑則豪右皆盡力農事而軍資亦充實矣今臣竊觀廟堂經國者徒欲襲晉宋之餘業恐未必能及晉宋也史可法甚奇其才大兵破徐泗泗軍還屯瓦窑鋪剛以軍會之及過揚州因率之入衛可法曰城危矣偕死無益也不出如城號召援兵以為後圖剛歎曰剛計之熟矣天命已去民心瓦解誰復應者剛為國家死則死之為知己亡則亡之濡忍而無成非智士也城陷以弓弦自縊剛之才雖不盡用而其死則烈矣其後子龍起兵不遂望門投止雖死不烈乎遠周旋義兵間無所就浮沈閭巷以死以是知剛之更傑出也

祁彪佳字虎子號世培山陰人天啟壬戌進士授興化府推官未弱冠者為人美丰姿胥吏易之及視事民間情偽無不盡知始相驚歎人為御史莊烈帝治尚綜核彪佳言如此則人臣救過不遑揣拳迎合漸生規避天下事益不可為矣出按蘇松宜興邑紳陳以泰暴於其鄉民聚焚其室釐發其租墓洶洶不散彪佳單騎撫定之懲其倡首者奸民結黨立天罡名號橫行吳中郡縣有司不能制彪佳廉得其魁掩捕之召紳士父老會鞠城隍廟成曰可殺者即時杖殺之民怵首稱快表禮清脩之士歸子慕朱陸宣張基等率牛酒鼓吹騎從諸門謁見而疏其學行於朝請授翰林院侍詔士林傳頌

大興傅氏長恩閣鈔本



為一時盛事踰年請終養歸從劉宗周遊其學益進宗禎十  
五年冬起掌河南道宗周以直諫撻帝怒處佳言清望直臣  
宜留以表率百官奉旨切責以京察不當面折吳昌時於朝  
是時昌時方附首輔聲勢赫奕未幾果敗北都陷處佳方以  
御史刷南畿卷羣臣奉福王至眾議授宋高宗故事立為兵  
馬大元帥處佳曰今日與宋不同宋時徽欽尚在也今海內  
無主蓋如景泰制稱監國於是五月初三日監國是日內  
傳即位處佳曰今日監國明日即位事同兒戲宜待發喪除  
服之後從之尋出按撫江南六月陞大理寺丞轉右僉都御  
史巡撫蘇松先是北京之變縉紳之受偽職者鄉邑各出檄  
文討之奸人因以擇其眾所怨者剝掠以為利蘇州之項煜  
錢位坤宋學顯湯有慶四家常熟之時敏焚燬無遺處佳奏  
民情驚動借名義憤與其震之使懼不如感之使伏國法誠  
申人心自正朝廷宜將從逆諸臣灼知其實者先行處分使  
士庶無所藉口而後治其乘亂之罪則兩得矣每人欲復厥  
衛處佳言詔獄之弊以燬煉為工羅織為事雖朝廷爪牙實  
權奸鷹犬慘酷等於來周平反從無徐杜緝事之弊招承多  
出於拷掠怨憤充塞於京畿欲絕苞苴苞苴且彌盛欲清奸究  
奸究益多廷杖之弊刑章不歸司寇僕賈多及直臣朝廷徒  
受懷誅之名天下反歸忠直之譽三者弊政當永行禁革廷  
臣亦多諫者姜曰廣復力持之乃止鎮將于永綬等駐鎮江  
強搜民物浙兵見之不平相激而鬪浙將戰死鎮兵乘勢焚

大興傅氏長恩閣鈔本

掠居民被害者十餘里處佳聞之率兵自蘇州晝夜兼馳而  
至鎮兵怵其威名乘舟遁斬首數十變遂定當是時高傑劉  
澤清聞藩江北顧未嘗忘情江南也聞處佳布置周詳沿江  
設屯故不敢猝犯傑駐師瓜州寫書約會於大觀樓傑意處  
佳文士畏縮必不敢輕渡江至期風且大作處佳擇小舟屏  
儀衛從小吏數人出沒波浪中須臾泊岸傑見之大驚下拜  
曰傑不意公之勇如是也處佳勉以共獎王室慷慨流涕傑  
唯唯閱曰人多矣如公者甘為之死公一日在吳傑一日遵  
公約乘張筵共飲明晨別去馬士英驅除異己令張孫振劾  
之因以告病歸三吳之民泣送者載道隱於雲門山舍  
大兵入杭州使者以書幣至越不受其妻慮其死令家人環  
守之不得聞處佳乃揚揚如平時防守稍疎閏六月五日出  
雲門至嵩山之書室飲至夜分遣從者出唯祝山人在星月  
微明望南山歎曰山川人物皆屬幻影山川無改而人生倏  
忽一世矣已而山人亦卧處分後事自攜燭投梅花閣前淺  
水而死家人覺而尋之燭猶未見跋也魯王贈兵部尚書諡  
文敏處佳舉止蘊藉見者愛其和雅及處事決斷懷如也宗  
周嘗告以舍生取義之說觀處佳從容盡節可謂不負矣  
陳潛夫初名宋明字元慎仁和人崇禎丙子舉人為人豪邁  
不矜細行嘗與友人陸培有違言陸氏黨為文逐之潛夫不  
與校曰士貴自立垂不朽耳豈以翰墨爭是非哉十六年春  
投開封府推官時何以南皆為賊蹂躪惟河北未破諸持節

大興傅氏長恩閣鈔本



使者皆在潛夫渡河至杞縣依汝圖西平塞副將劉洪起以居時易艾整卒伍及京師陷報至乃慟哭令其下盡縞素率洪起兵先驅至杞俘其偽官擊賊將陳德於柳園大破之獲牛馬輜重無算福王已立於南京潛夫傳露布至中朝大喜即擢監軍御史巡按河南潛夫乃入朝奏言中興在進取王業不偏安山東河南皆王土也其間豪傑結寨自固大者數萬小者千人莫不引領以待王師誠分建藩鎮一軍出穎壽一軍出淮徐中原知朝廷有進取之心必眾心競奮爭為我用於是計遠近畫城堡俾之分守而我將師屯銳師要害以策應之寬則耕屯為食急在荷戈乘墉一方有驚前後救援長河不足守也汴梁義勇臣聯絡已定旬日可集十餘萬眾

南唐書卷之十一

稍給糧糧臣當幸以先驅諸藩為臣後勤則河南五郡可以盡復畫河為固南聯荆楚西控秦關北臨趙衛上之恢復可望下之江淮永安此今日之至計也若不思外托專恃邊守督撫紛紜盡集兩淮而擧王地甲兵之眾委之他人臣恐江淮亦未可保也時馬士英不卹國計佯應之而陰紿其言當是時開封汝圖間列寨以百數劉洪起最大南陽列寨以十數蕭應訓最大洛陽列寨亦數十李際遇最大諸帥中獨洪起志在本朝潛夫請予掛印為將軍士英不聽而用其姻戚越其杰巡撫河南潛夫便道省親五日即馳赴河上其杰老憊不知兵總督張縉彥止提空名亦不能驅駕諸將他寨聞潛夫來頗有歸意十月蕭應訓復南陽及泌陽舞陽桐柏諸

大興傅氏長恩閣鈔本

縣遣其子三捷來獻捷潛夫飲之酒為告身鼓吹旌旗前導出三捷大喜過望謁其杰其杰謂其勢衰而來附也意賄覲其賄得辭色以見之詎為賊三捷泣而去大恨潛夫按行諸寨寨帥列旌旗鼓吹迎送而其杰之來輒閉門不出謁其杰謂潛夫實使之日夜譖於士英士英怒十二月召潛夫還以凌駟代之明年三月而有偽妃童氏之事上初封德昌娶黃氏繼李氏再繼童氏封王妃洛陽陷與上相失太妃及妃各依人自活太妃之南也潛夫奏妃故在上不聞問妃乃詣其杰自陳本末劉良佐奉之如后禮送之都下上不納送鎮撫司拷問士英因謂潛夫妄謁妖婦連問下獄南京潰得歸浙東立國潛夫謁於山陰加大僕寺少卿監軍浙西潛夫自募三百人與孫熊諸家軍列舟江上浙江失守謂其妻妾二孟氏曰我為忠臣爾為烈女泉下差為不惡東場書絕命詞拜辭祖廟攜妻妾至化龍橋下曰不圖孟氏有此二女附其背令先下乃自沈

南唐書卷之十一

王瑞楫字木聖永嘉人天啟己丑進士授蘇州府推官改河間人為工部主事轉兵部員外郎出為鄭襄兵備道張獻忠受撫瑞楫言於總理熊文燁曰撫之權自我操則可不得委於賊賊以撫愚我我直以撫自愚文燁意以為挽撫事瑞楫曰非挽撫實濟撫也今在良玉等能辦賊而南漳賈一選光化周士鳳之兵四面分防皆助敵也當分於穀城之近郊下令會勤以窘賊賊懼而降則心折而不敢戴戴否則玩而嘗

大興傅氏長恩閣鈔本



我我則何以制其變乎文燦不從瑞楫知事必敗臣陳解散  
隨征歸農三第又不從乃自為檄諭獻忠獻忠恃文燦庇已  
不聽瑞楫頓足曰天下事可知矣繼而羣盜混世王整世王  
托天王小秦王過天星逼處均房間復乞撫文燦又力主之  
瑞楫爭曰撫必墮賊計且倉卒之間前後受撫耶裏皆賊藪  
矣文燦堅執不從未幾獻忠果反留書於壁具條上官名氏  
列所取賂之日月多寡於其下且曰不受獻忠錢者裏陽道  
王瑞楫一人耳由是名大著尋以憂歸南渡授太僕寺少卿  
將用為湖廣巡撫南京潰不果唐魯各有除授督理浙東兵  
餉

大兵入温州諭降不應丁亥五月十五日為瑞楫生日置酒

南疆逸史卷十一

九

高會良久不出則繼死寢室矣遺命五日而殮及有司驗視  
方五日云

逸史曰凌駟以下五人者皆經濟才也何剛潛夫個儻奇偉  
言多大略凌駟處佳深沈有謀輔以儒術焉使界之重任未  
必不足以削平禍亂而卒無成者何也言之而不用用之而  
不盡而阻忌之者多矣自古金陵立國必以河洛為屏蔽荆  
襄為門戶故劉裕桓溫出銳師觀舉北伐宿重兵於徐鳳而  
後江南得偏安焉當明之末李自成奔突之危得城不守京  
師雖陷中原猶明土也盼望王師如時雨焉苟國有長君疾  
遣重臣鎮撫之控引河淮聯絡山左其間草野寨帥龍蛇虎  
吼之士感仰中興之主可以共功必且望風響應爭先効命

大興傅氏長恩閣鈔本

大兵即入關居燕京必不能渡河南收晉宋之業未失也乃  
委而去之視為異域至有人焉創立軍府疾呼望援曾不某  
應馴至士民失望豪傑解體驍將勁旅盡為敵用此豈得謂  
天亡之哉瑞楫之策撫事審矣文燦庸愚有謀不信以釀治  
天之禍嗚呼為人主者奈何置庸愚於高位使惘惘事機而  
抱奇智者沈淪下僚視其敗而不得採有志之士所以撫膺  
而大息也

南疆逸史卷十一

十

南疆逸史卷十一

大興傅氏長恩閣鈔本



南鐘逸史卷十二

烏程溫睿臨撰

列傳第八

周 鍾

周 鍾

雷 鍾

周鍾字仲駿號鹿溪金壇人父泰時雲南布政使鍾舉鄉試第一戊辰成進士授戶部主事推稅黨湖還朝抗疏諫帝不當罷任中官罷斥言官帝怒削其籍鍾自是知名初鍾伯父尚書應秋叔父御史維持以黨附魏志賢並列逆案鍾深恥之通籍後瑒瑒樹名節及被放與宣城沈壽民讀書茅山然好臧否人物是非非不少假借名愈高而謗議滋起兵會

廷臣多論為者起故官進郎中復為給事中韓如愈劾罷罷北都既陷南都諸大臣議迎立呂大器姜曰廣並主潯王鍾與雷鍾往來游說已而福王立大器被逐馬士英深惡曰廣令其私人朱統鑽作鍾誣劾之而指鍾鍾祚為姜曰廣私黨且訊鍾推關時貪肆狀士英亦自劾周鍾之從逆牽連及鍾由是有詔俱逮治鍾叔父維持與鍾弟前蕭山知縣銓因奏言臣家門不幸鍾鍾兄弟成隙而鍾乃偽撰勸進表下江南某以誣鍾惡名流布不能況且鍾於陛下登極時首倡異謀別圖擁戴是鍾罪止一身鍾實罪在社稷也詔所司並訊先是阮大鍼徒居金陵招搖匪類流言遠近為翻逆案之計諸名士顧杲等出流都防亂公揭以討之主之者鍾也由是

大興傅氏長恩閣鈔本

大鍼憾甚必欲殺之獄急囑御史陳丹衷致書帶求解於馬士英為緝事者所獲丹衷坐謫明年三月誅妖僧大德御史王愷因言斬百大悲不如斬周鍾雷鍾祚二人者妖所由興也夫真主所出既海內貼然乃今日冒稱皇太子明日冒稱皇后踵王郎故智實由二人譏訕新政造謗宮幃故詔言紫輿若不立新二人恐魚腹藏書狐號叢野乘間竊發而光祿寺卿祁逢吉與鍾同邑以晉鍾得為戶部侍郎初鍾友人桐城左國棟燕湖沈士柱皆列名公揭為大鍼所深恨至是避大鍼客左良玉所及良玉稱兵犯闕傳檄討士英罪言其引用大鍼搆陷鍾鍾祚士英大鍼益怒謂良王之兵鍾實召之遂傳旨賜二人自盡二人聞命互書先帝遺臣四字於腹乃

就 鍾

周鍾字介生鍾從弟也為諸生有盛名舉崇禎癸未進士選庶吉士甫半載李自成陷京師鍾出降賊徒顧君思薦之牛金星用為簡討賊敗南歸周氏金壇貴族而其父子兄弟悉有離心鍾與鍾尤以才相忌各招致生徒立門戶汲引既廣敗類入焉被訕此謗兩家子弟遇於塗至不交一揖鍾既降賊鍾門人徐汝霖等益被以惡名中朝傳其勸進表有獨夫授首萬姓歸心比堯舜而多武功追湯武而無慙德等語莫不切齒初鍾與弟某遇阮大鍼於酒肆席間弟與語不合推案壞坐坐者皆失色鍾徐引去不為謝而劉澤清之鎮山東也慕鍾名奉五百金以交歡鍾拒勿納由是二人深恨之至

大興傅氏長恩閣鈔本



是方用事與馬士英謀必欲殺鍾其年八月士英遂奏曰給事中光時亨力阻南遷致使先帝身隕社稷而身先從賊又大逆之尤加庶吉士周鍾勸進未已勸下江南間有嘗馳馬於先帝梓宮前臣不勝髮豎其伯叔昔為逆奄爪牙今鍾復為闖賊梟獍種惡兩世宜加族誅周銓周鍾其兄弟也均宜從坐遂被逮初士英之起大鉞也為廷臣所阻怒甚大鉞謂人曰被阻逆案我立順案相對耳以闖國號順也由是痛斥從賊諸人其以鍾為首者以鍾自謂領袖復社繼嗣東林故目為黨魁而不知復社者舉場士之標榜非東林也鍾既繫獄數求解於士英不可得及六等定罪刑官解學龍置鍾於次等待繫士英擬旨詰問學龍不得已改從一等而以停刑

南疆逸史卷十二

三

鍾曰當迎立時曰廣鍾祚昌言上不可立當設法阻之大鉞遂拒以入告且曰陛下龍飛不知鍾祚欲設何法可為寒心曰廣尚不能為買充而鍾祚公欲為成濟乃命嚴訊明年二月給事中林有本復劾其不孝不忠至四月遂與鍾俱賜自盡故事小臣無賜自盡者蓋大鉞輩亟以殺之耳

南疆逸史卷十二

四

請士英怒學龍以此去位明年四月御史張孫振再鞠獄杖鍾三十居數日而左兵檄至遂與時亨武懷同棄市矣

雷鍾祚字介公太湖人崇禎庚午舉於鄉十三年帝思破格用人乃命舉貢悉就銓用為部寺司屬及州縣吏凡二百六十三人時疏庚辰特用命勒石大學以張大之而鍾祚得刑部主事踰年擢武德道兵備僉事山東之被兵也鍾祚固守德州有詔獎勵鍾祚乃劾督師范志完縱兵淫掠及行賄事帝召之入朝與志完面質卒誅志完而令鍾祚還任初鍾祚之來也意驕甚自謂且有殊權及是頓沮喪而廷臣遂忌之尋以憂去姜曰廣之謀立潞王也鍾祚參其謀及福王立士英遂借鍾祚之傾曰廣鍾祚曰廣之門人也劉孔昭嘗語大

大興傅氏長恩閣鈔本

大興傅氏長恩閣鈔本



南疆逸史卷十三

烏程溫睿臨撰

列傳第九

徐沂

華允誠

楊廷樞

劉曙

陸培

王道崐

葉向榮

熊化

劉斯綵

周瑞豹

徐沂字九一號勿齋長洲人崇禎戊辰長進士選庶吉士授檢討遷右諭德黃道周之謫也沂上疏請與偕罷斥上切責之奉使封江西益藩歸以病請在籍聞京師陷慟幾絕沂雅好

交遊蓄聲伎至是悉屏去獨居一室南渡起少詹事不赴致

書在事諸臣言今日賢邪之辨不可不明而異同之見不可不化在諸君以君民為心以職掌為務耳其忠君愛民精白

乃心者君子也否則小人脩職就業竭節在公者君子也否則小人執此為衡流品明澄宿當矣宜必人挾異同哉先帝

十七載之中憂勤乾惕有如一曰卒使海內鼎沸社稷邱墟良由頻年以來是非混淆士大夫精神智慮不為君民不念

職掌乃至漠視主上委身寇仇豈不痛哉禍及君國身亦隨之然則朋黨相傾何利之有今喪敗之餘人思危懼宜戒前

事勿蹈覆轍尊耿介特立之人尚惴惴無華之士並建賢哲明試以功各修職業思不出位未有人心不正而能支措傾

大興傅氏長恩閣鈔本

側者也

大兵渡江沂謂其子曰國事不支吾死逼矣出居村舍乙酉六月四日聞郡城不守夜自縊僕救之而甦其友朱薇曰公大臣也野死可乎沂曰郡城非吾土矣我何家有閨六月十日自沈於虎邱之後河語人曰留此不屈膝不雜髮之身

以見先帝先人於地下一老僕隨之同死盛暑數日不腐色如生郡中赴哭者數千人長子材字昭法弱冠登崇禎壬午

賢書痛父死節隱居不仕素有高行

華允誠字汝立號鳳超無錫人天啟壬戌進士受業於高忠憲公攀龍為主靜之學校工部主事致魏奄亂政請告歸崇

禎二年補原官轉員外郎督琉璃廠減經費銀數萬以繕城

工其冬

大兵入寨諸曹即分守城門多以守禦不備杖闕下有熨者而允誠守德勝門獨完帝嘉賞焉調兵部尋以終養歸里居

十二年事母盡孝南渡起補吏部署文選司事到署十有三日隨謝去己酉後杜門讀易戊子四月有告其不雜髮者執

至江甯滿漢官並以緩言款之允誠直立南向舉手曰二祖列宗神靈在上允誠髮不可去身不可降因賦絕命詞見殺

年六十一其從孫尚濂字靜觀亦以違制同執巡撫令之歸家尚濂不肯與允誠同死僕薛成聞允誠被執長慟不食先

一日死計至僕朱孝亦號哭而死

大興傅氏長恩閣鈔本



矯詔逮吏部周順昌廷樞倡率士民數千人謁巡撫欲上書  
令申保巡撫不可突聲震地拔尉呵問即擊殺之已而逮御  
史黃尊素者又至驛中士民共出圍門焚其舟毀其駕帖巡  
撫毛一鷺懼禍根究亂民殺五人以謝奄蘇人義以表其墓  
所謂五人之墓也廷樞僅而得免然亦以此知名崇禎庚午  
舉應天鄉試第一乙酉避地河濱浙東遷投翰林院檢討兼  
兵科給事中廷樞深自齟齬改疏復奄歸隱鄧尉山丁亥四  
月吳勝兆反為之運籌者戴之備廷樞門人也事敗詞連廷  
樞被執於舟中慨然曰余自幼讀書慕文信國為人今日之  
事乃其志也被縛以來餓五日遍體受傷十指俱損而胸中  
浩然之氣正與信國斬燕市時不異俯仰忻然可以無憾五  
月朔大帥會鞠於吳江之泗洲寺廷樞不屈巡撫重其名命  
之雞髮廷樞曰破頭事小雞髮事大乃殺於市橋臨刑大聲  
曰生為大明人刑者急揮刀首墮於地復曰死為大明鬼監  
刑者為咋舌亟禮以殯之

南疆逸史卷十三

三

大興傅氏長恩閣鈔本

不必死若揚劉二君者其於明士也非臣也且其事誣不辨  
而死毋乃過歟或曰不然二君者其願死久矣特未得有死  
所耳苟有其會視如歸焉豈復肯濡忍以自明哉君子曰二  
君者雖死不死也而其時醜顏偷生者乃真死也  
陸培字鯤廷仁和人父運昌嘗知吉水永豐縣有異政培負  
俊才美丰儀善屬文然行誼脩飾嘗客華亭主人安從屏窺  
而悅之遣青衣致意培不答立效舟去登崇禎庚辰進士不  
謂選歸而讀書里中多名士培時年少出而與之上下其議  
論人人以為弗如也其所為詩文一時爭效之號西陵體性  
峻潔週高才則傾身下之有不可意輒瞋目去之於是傳者  
謂其任俠使氣然其與人交重然諾急困扼難患難死生不  
易也南都投行人十月副吏科熊汝霖祭莫准藩知國勢已  
去不復命便道歸家與其友陸彥龍結壯士數百人謀保障  
鄉土  
大兵至浙謁巡撫張秉貞請發兵拒守而秉貞已與陳洪範  
謀挾潞王以降令曰太后在此危駕者族培慟哭曰事難立  
矣吾不死無以報國乃攜家避橫山之桐嶺道過其友陳廷  
會語以故廷會曰公職行人無守土責且天下事未可知無  
已國亡與亡不亦可乎培仰天歎息曰需乃事之賊後日將  
有死求不得者子不見北都某某乎長跪而別俄聞潞王降  
取酒酬其妻將自裁其妻防之甚嚴培乃止一日給其妻脫  
身歸故居鍵戶自縊家人破壁救之復避志曰奈何若我夜

南疆逸史卷一三

四

大興傅氏長恩閣鈔本



作絕命詞拜其二僕以繩投之曰成我志者汝惠也登床就

縊從容而死其年二十九閩中贈尚寶司少卿諡忠毅

王道焜字昭平仁和人少豪宕好聲伎性高邁家藏法書名

畫尊彝古器物客至摩挲品藻焚香賦詩竟日無俗語天啟

辛酉舉於鄉歷福園教諭南平知縣遷南雄同知時光澤妖

人作亂撫按交章請留詔以同知攝光澤縣事至則單騎往

諭降之時帝破格求材盡徵天下廉能吏至京臨軒親試不

次擢用撫按以道焜名上銓曹為故事郡丞無考選者題陞

兵部主事道焜上書言國家懸異格以待非常銓臣執故例

而靳考選非陛下收羅賢豪至意上許候考會國亡不果

大兵入浙慨然謂其子曰曰北都之變我受上知遇當死久

矣所以不死者將以有為之也宏光之立小人盈朝我往必

不得志故馮遲至今今更何望哉且向者銓曹以故事格我

卑我官也今而不死天下且謂屬吏中固無人及潞王降乃

投繯死均舉崇禎壬午鄉試

葉向榮金華舉人庚辰以薦授[甯]都知縣廉公有惠政修城

垣足兵食數月守具守悉備有賊邱旭東行劫鄰邑守臣檄

向榮捕之向榮捐金贖賊得其魁七人賊散聞賊寇江西去

[甯]都百里而軍向榮晝夜登陴賊知有備不敢犯明年七月

偵賊五百屯馬羊坑先有十人伏闕下向榮立捕殺之陳屍

於郊乃自督鄉勇銜杖出擊斬首二百餘生擒渠帥十五人

餘皆竄去總督袁繼成御史周燦章交薦之以忤馬士英意

大興傅氏長恩閣鈔本

量移吉安同知向榮遂投劾歸明年夏江東失守

大兵長驅攻城向榮衣冠投項村之崖而死

熊化字從龍清江人萬曆辛丑進士初授行人奉使朝鮮饋

遺一無所受臨別獻名馬價值千金乘至山海關以書謝歸

之陞御史疏劾輔臣方從哲誤國左遷揚州兵備副使即日

拂袖歸足不入城市者數十年思文帝即位繫于北行間關

赴闕授大理寺正卿轉吏部右侍郎旋予告以子兆行令邵

府歸就養馬已聞闕陷歸隱於山嘗佩腦子曰急則用此毋

為所辱江西再陷當事逼之出見化曰吾頭可斷髮不可難

願謂兆行曰余顛髮種種歷事數朝位列九卿安能復向他

人求活耶援筆書絕命詞服腦子不驗投後園池眾趨俸叱

曰吾志已定徒苦我耳遂閉戶自縊時己丑五月十一日也

所著有靜儉堂集

劉斯綵字大容南昌人萬曆丙辰進士官吏科給事中戊子

冬

大兵圍省其部將喬承龍營梓溪己丑賀正旦

大清歷先明朔一日時無不從正朔者斯倖獨否戒家人翌

日行禮雞鳴起沐浴冠進賢朱衣坐堂中北面再拜呼先帝

然後鼓樂前導率三子入家廟鳴金發礮拜其先人觀者大

驚遂為不知斯倖明服者喬聞發卒圍焉並執其三子斯倖

曰向憂不得死所今遂志矣見譚泰不屈俱遇害有臨浙進

士王若之者歷官淮安參議制下不從強之曰留此以見先

大興傅氏長恩閣鈔本



帝遂見戮惜其行事失考也

周瑞豹字石虬吉水人天啟壬戌進士官兵科給事中以言事不合去官家食者二十餘年甲午二月十五日以不雜髮連繫入獄即絕粒子環跪為請或一進水漿吏趨對簿辭以疾卧一扉昇之行即訊不答一語勘者責狀語稍侵之張目曰今日之事速死為幸必欲其狀有髮在頭不煩推也遂不語越七日將革戒諸子曰吾不能俱國俱亡生有餘慚死不塞責毋以命服殮毋受弔藁葬澆麥飯而已因索筆書曰自逢國難雖有今日我魂何依烈皇之側就枕誦首陽薇三字而屬纊焉

逸史曰此數君子者皆直諫氣節之士也使其生於平世豈不彬彬乎王國之羽儀哉學不被乎時才不展乎世從容引義以自畢其志蓋列聖祖宗養士之澤於是乃可見也當明

之季江浙熾盛衣冠甲第遍滿郊圻轉化樞策國鈞翰墨侍從臺省踏濟華綾高軒鳴騶呵擁於長安道上者半江浙士也於是尚書詩說禮樂相矜以文墨相接以儒疋而儂巧機詐舞智恃勢者亦時出於其間及乎江翻海覆陵圯谷遷而挺然以綱常自任者亦郡不數人其餘恒怯洪忍與時俱化嗚呼今之衰陵有自來矣按一本贊語在然化前

南疆逸史卷十三

大興傅氏長恩閣鈔本

南疆逸史卷十四

烏程溫睿臨撰

列傳第十

金聲

夏允彝

陳子龍

沈廷揚

金聲字正希休甯人人生有至性四歲就外傳問孔子何人今安在師曰古聖人也沒且二千餘年矣乃哭不食少長好學工應舉業多湛深之思名傾一時舉崇禎戊辰進士改庶吉士明年十一月

大清兵自大安口入京師戒嚴聲上言通州昌平為京師左右翼宜以重兵特角天津漕糧奏集防禦尤急未敢謂將

南疆逸史卷十四

足伍也有單澤義士曰申甫朝士多知之願陛下錄用申甫練敢戰之士為拔充擣虛之舉申甫者雲南人少遇異人授以兵法遊長安以其術干諸公卿獨聲信之至是薦焉疏入立召見申甫授副總兵以聲為御史監其軍當是時權貴人俱不習兵久與聲素相左又忌甫以白衣起用無兵與申甫聽其召募而日夜下兵符促使出戰委之嘗敵申甫不得已慟哭夜聚縋城出至蘆溝橋全軍覆沒而權貴人乃謂聲不知人聲遂謝歸十六年春風督馬士英調黔兵剿寇過徽州大掠聲與推官吳翔鳳率鄉兵盡殲之為士英所劾帝知其無罪置不問起為修撰會母卒未赴南渡陞右僉都御史不出知天下多故與其邑人江天一日夜練義勇以虞變乙酉

大興傅氏長恩閣鈔本



夏

大兵破池州將及徽金聲懸大祖像率百官哭臨起兵謀恢復天一日徽州為形勝地諸縣皆有阻隘可守而績溪一面當孔道其地獨平迤其地宜築闢於此多用兵拒之以與他縣為砥柱遂募華山關屯軍其中分守六嶺於是邱祖德應之子國國尹民興應之於石埭郡邑相繼復聲拜表關中亦遣中書童赤心投聲右都御史兵部右侍郎提督南直軍務聲刊布詔書南中亦始中知閩地有主己而

清時張天祿攻績溪天一拔兵登陴守禦間出迎戰殺傷相當相持累月會軍無見糧而祖德民興等多敗死大兵乃以少騎牽制天一於績溪而別從新嶺入守嶺者先

潰九月二十日故御史黃澍導

大兵入績溪聲為揚守壯所獲聲曰徽民之守吾使之也第執吾去勿殘民天一追及之聲曰文石有老母不可死笑謝曰焉有與人共事而逃其難者時南都改服已久聲與天一等我冠大帶而入路道聚觀總督欲降聲禮而館之不願十月十八日牽詣通濟門臨刑遣人且語天一大呼曰先生之千秋在此刻也聲謂刑者曰但絕我氣無斷我頭於是捱數仰面飲及而沒同死者江天一陳繼遇吳國禎余元英閩中贈聲禮部尚書諡文毅天一禮部主事其時同聲起兵者歛縣諸生項遠洪士魁副將羅騰蛟閩士英都司江以玉先後被執不屈死

大興傅氏長恩閣鈔本

夏允彝字彝仲華亭人少敏悟與同羣陳子龍太倉張溥長洲楊廷樞俱以文名弱冠舉於鄉益肆力於學又二十年登崇禎乙丑進士授長樂知縣有異政居五年邑大治將舉卓異會丁母憂歸江南建國擢考功主事不赴乙酉八月大兵遣安撫官入郡士大夫不出謁者以逆罪罪之允彝避於野投之書曰

有清革命萬物維新明室廢臣理應芟除其何所逃死願有一言為

清朝策者昔金人渡江下三吳抵溫國還師以授宋高未嘗獲寸土焉即中原之地亦舉以授張邦昌劉豫而不自有之者誠以南土瘠濕多疫水險江深毒蛇匝地聚蚊若雷吐嘔

霍亂以時而發同居中國北人之吏於南者猶以為病况塞

外來者其能堪此耶昔蒙古之為南吏者以三月至九月歸一切吏事華人為政至賦稅盡通自海漕之外無入焉未及七八十年而吳浙劇寇蠅毛而起江南大亂河北瓦解是江南為元累而不為元利明也使元割江南予宋歲犖金贈以實北地則元之強歷世未艾也愚為金今計莫若以淮為界存明之宗社而責其歲幣焉於名甚隆於利可久惟執事裁之書入不報是時總兵吳志葵方起兵吳淞江允彝入其軍為之飛書走檄聯絡江浙士大夫由是四方響應然皆文士不知兵而所聚率市井無賴子見敵輒壓遂於無成松江破或說之入海趨閩允彝曰吾昔吏閩閩中八郡咸懷思我今

大興傅氏長恩閣鈔本



往輔新主圖再舉策固善然舉事一不當而避以求生何以  
示萬世哉不如死者也嘉善定侯明會遇害允葬經紀其喪  
歸即欲死其兄之旭諷以方外允葬曰是多方以求活耳當  
事重其名欲招致之曰夏君來我大用之即不願第一見我  
允葬曰譬有貞婦或欲嫁之婦不可則語之曰爾即勿從姑  
出其面婦將寡惟以出乎抑以死自蔽乎乃作絕命詞九月  
自沈於松塘尸浮水面衣帶不濡三日而黃道周奉隆武檄  
以翰林侍讀兼給事中召則方殮矣使者哭而去明年贈左  
春坊左庶子諡文中所著有尚貢合註而幸存錄為絕筆子  
完清字存古四歲能屬文弱冠才藻橫逸江左罕儔丙戌上  
書監國授中書舍人監國航海完清拜表慰問為避者所得  
見殺允葬死二年而其兄貢生之旭以世陳子龍官迹捕之  
自縊於文廟顏子位旁其遺令云余自舍弟殉節即欲偕死  
彼以孤寡見託求忍也然不向城隅坐者兩年於茲矣今者  
吳鎮不忘本朝一時趨附幾事不密變且中作搜求餘黨坐  
以叛名嗟乎  
新朝之所謂叛乃故國之所謂忠也夫何傷哉余讀聖賢之  
書今死聖賢之地夫亦死於聖賢之教非死於  
新朝之法也詩曰嗟予遘戾少遭不造皇路多虞撫臆思報  
穰穰國人滿之垣之惻惻縲絏抗章白之余一介儒會審天  
顏宜報松守歲寒之義至死勿遷仲也懷沙身無貶屈惜  
哉卧子何不早決故君曰逝故友云亡吾將安歸敬附首陽

大興傅氏長恩閣鈔本

從容自引魯壁踰險避哉尼父余敢對陽  
陳子龍子卧子一字人中松江人幼而穎異以經世自任喜  
縱橫之術與郡人別樹壇坫名曰幾社海內多宗之為文法  
王季加以富麗與江右艾南英爭名相詆讖不肯下登崇禎  
丁丑進士授惠州推官改紹興折節下士與諸生多飲盟社  
之交先是東陽許都者名家子喜任俠輕財好施能得人見  
天下將亂陰以兵法部勤其所知松江孝廉徐孚遠見而奇  
之謂子龍曰許都國士朝廷多破格求奇材倘假以職隱然  
干城也子龍在紹興因與都遊數薦之上官不能用東陽令  
姚孫棐貪而虐與都有違言會都有母喪送葬數千人令疑  
有變遂以反聞都黨執令峇之旬日間聚數萬人下東陽義  
烏浦江三縣浙東振動然都一無所殺掠遣從者謝長吏而  
已巡按左光先調兵行勤民各保寨拒敵官兵大賊子龍單  
騎往諭之都即解散其眾以二百人隨子龍來降光先忌其  
功即論殺都子龍救之不得大恨當是時按臣專生殺而光  
先尤庸懦夫都以一諸生能聚萬眾其才必有大過人者感  
知己一言投戈就縛此豈恃逆之人哉激於貪令無以自明  
不得已走險耳使賞其死令率所撫眾渡江逐賊自贖當必  
有得當以報者而顧使梟俊之士駢首同盡子龍紀其事曰  
激變之虐今不誅受降之功績不敎官軍勦殺平民株連無  
辜賊平數月猶駭不得聞嗚呼即此一事知明之所以亡矣  
以招撫功擢兵科給事中子龍深痛負都不赴也南渡起兵

大興傅氏長恩閣鈔本



科子龍言自古中興之主如少康周宣皆躬親武事以免執  
邦三代以後漢之光武唐之肅宗莫不身先士卒戎車數萬  
故能光復舊物未有深居法宮之中優遊處順而可以勘定  
禍亂者今者人情泄沓不異升平從無有天神州之陸沈念  
中原之榛莽臣瞻拜孝陵依依北望不知十二陵尚能無恙  
否而先帝后之梓宮何在興言及此陛下當嘗膽卧薪宵衣  
旰食而羣工庶尹亦宜砥礪鋒鏑奮發志意以報仇雪恥是  
務庶中原可收舊京可復竊聞山東河北義旗雲集成拭目  
以望王師朝廷晏然置之度外何以收三齊技擊之雄慰燕  
趙悲歌之士者乎臣恐天下知朝廷不足恃不折而歸賊則  
豪傑皆有自主之心矣伏望陛下速駕幸京營大閱之復弭

南續通史卷十四

節江浙大集舟師分命輔臣一至蕪湖一至京口以視險要  
固根本使天下曉然知陛下下詔親征六師北發歸重淮泗  
令一軍由歸亳以入汝雅次潼關一軍由襄郢以攻武關出  
褒漢巴蜀之甲燕晉之師則用之為奇兵為聲援逆賊投首  
可計日待矣又言防江之策莫過水師海舟之設更不容緩  
又言備邊三害又請收復襄陽皆當時之計莫之能用也甲  
申八月請假歸里馬士英深忌之恐其或奉潞王以清君側  
未嘗一日亡子龍也南京不守閏六月十日松江起兵子龍  
設太祖像誓眾沈猶龍稱總督兵部尚書子龍稱監軍左給  
事中廷致水師總兵黃蜚吳淞副總兵吳志葵故巡撫王家  
瑞蘇松道李向中等為守城計聞中授子龍兵部左侍郎左

大興傅氏長恩閣鈔本

都御史浙東按兵部尚書節制七省漕務八月三日李成棟  
破松江子龍逃匿無何而有吳勝兆之事勝兆提督松江長  
洲諸生戴之備客其所教之反陰遣人約舟山黃斌卿以故  
所封伯印授勝兆期於丁亥四月十五日十六兩日水師至  
松江勝兆為謀不密國人皆知之同知楊之易推官才重朗  
告變於總督總督殺勝兆部將皆在金陵者畢光勝勝兆知  
事洩而殺之易重朗下令入海使其中軍詹世勛及高永義  
偵海師之至而海師已於十四日夜為颶風所沒世勛高永  
義登南東城頭而望烽烟寂然兩人遂變志以兵劫勝兆矯  
其令箭召勝兆所親信者盡殺之戴之備亦死執勝兆送總  
督究治其獄詞連子龍子龍亡命與華亭夏之旭同奔嘉定

南續通史卷十四

告急於侯岐曾遣其僕劉副家已遷崑山顧天達所官逮捕  
至嘉定執岐曾而總兵已山別遣兵圍天達家遂獲子龍鎖  
於舟中洎跨塘橋下子龍乘舟者不備躍入水死五月二十  
四日也其以遺子龍死者廷安推官顧咸正諸生侯岐曾夏  
之旭張寬  
沈廷揚字季明崇明人為人多智數好談經世之學崇禎中  
由國子生為內閣中書舍人帝以山東多警運道時梗議復  
海運廷揚生長海濱習知水道上疏極言其便且願海運書  
五卷因戶部尚書倪元璐進上請以廟灣六舡試之月餘廷  
揚上謁元璐驚曰我已奏言公去矣奈何尚在廷揚笑曰糧  
運已至矣元璐即入奏帝大喜授廷揚戶部郎中議以母歲

大興傅氏長恩閣鈔本



轉運漕海各半令駐登州崑領其事明年加光祿寺少卿福  
王立以原官防江兼理餉務饋江北諸軍南京失守廷揚奔  
舟山依黃斌卿以居浙閩俱投右僉都御史總督浙直水師  
吳勝兆之將舉事也請兵於浙直斌卿猶豫未發廷揚謂事  
機之來間不容髮於是慨然請行丁亥四月率總兵蔡聰等  
六百餘人從舟山抵常熟福山十四日抵荒苑夜分颶風發  
舟膠於沙遂見執入見巡撫南面坐曰事之不濟命也致於  
江圖總督與廷揚有舊欲剃髮而宥之廷揚不可遂與部曲  
十四人同日死其卒六百人殺於婁門無一降者人以比田  
橫之士云

逸史曰金陳諸君子皆以文章名世者也而其激昂磊落之

氣復不甘自晦適會其變慷慨投袂誓死不顧固忠義奮發  
哉亦其才之所馳有以成之也議者徒見其舉事不遂禍延  
宗戚因以咎其不智嗟呼明之亡也士大夫皆背公植私蔑  
視君親聲名既墜禍亂遂作有諸君子而後人知義之貴乎  
正君國之急於身家也其遺教萬世者遠矣夫豈不知其事  
之難成哉惟知其不可而猶為之此志士仁人之所以殺身  
成仁也

南疆逸史卷十四

大興傅氏長恩閣鈔本

南疆逸史卷十五

烏程溫睿臨撰

列傳第十一

侯峒曾

黃清耀

沈猶龍

李待問

章簡珩

邱祖德

郭符甲

嗚呼南都之亡明厯再絕矣而江浙之間猶有集鄉兵以城  
守者其人皆與顏平原爭烈者也今紀其主兵之人而諸生  
之相輔者彙見之死事傳

嘉定則郡人侯峒曾黃清耀守馬峒曾字豫瞻號廣成給事

中震揚子也登天啟乙丑進士授南京兵部主事崇禎初改  
授吏部出為江西學道尋拜參政分守嘉湖鄭三俊為吏部  
尚書舉天下卓異五人峒曾與焉擢順天府丞未至而北京  
陷南渡起左通政使以疾辭南都潰峒曾避於鄉乙酉六月  
李成棟以水陸兵駐吳淞所遇攘掠民憤甚揭竿四起嘉定  
團練鄉兵破成棟舟師於新涇士民為城守計推峒曾為主  
慷慨誓師遂新令張維熙與同邑黃清耀唐全昌夏雲蛟等  
分門而守設謀備禦西窺太倉東拒吳淞各邑響應成棟數  
發兵攻城城中出兵邀擊一敗之於羅店再敗之於倉橋成  
棟怒大脩攻具破婁塘逼大倉自率師來攻峒曾遂亡師於  
總兵吳志葵志葵遣遊擊蔡祥以七百人赴援一戰不利未

大興傅氏長恩閣鈔本



甲寅遁外援遂絕城中天石俱盡七月三日大雨城崩一角  
架巨石木支之至四日雨溢注城大崩或棟遂薄東門而上  
峒曾與其子玄演玄潔猶立睥睨間指揮巷巷戰鄉兵爭欲  
扶之出峒曾曰我既與城守城亡與亡去何之趨歸拜家廟  
自溺池中叱二子速行子皆曰願從父相抱入水未絕而兵  
至鈎得之刃峒曾首以徇故將王公揚死於陣成棟以別將  
守城而去有金生者夜竊峒曾首藏之篋中峒曾之叔自野  
輿棺入殮有天聲自外來者則金生負篋而至也  
黃清耀字龜生號陶菴幼好學性冲和澁靜喜怒下形於色  
至談古今忠孝名節則持論侃侃不少假借嘗館侍郎錢謙  
益家謙益浮華外竊聲譽中無行檢諸名士為所欺爭出其  
門清耀獨鄙夷之謂馮謙益亦嚴憚清耀見即欲自斂登  
崇禎癸未進士見天下已亂而人猶營進不已賦詩南歸宏  
光立不謁選  
大兵圍城佐峒曾調兵食城破清耀與弟淵耀入草巷巷僧  
無垢清耀方外交也謂曰君未受職可以無死清耀曰大明  
進士宜為國死今託上人而死此清淨土足矣索筆書曰進  
士黃清耀死此嗚呼進不能宣力王朝退不能潔身自隱讀  
書寡益學道無成耿耿不沒此心而已與淵耀分左右就縊  
年四十一暴屍七晝夜面無改色淵耀字偉恭邑詩生律已  
嚴恪與其兄相師友講誦勿輟至是怡然就死  
松江之守沈猶龍主之也而李待問章簡輔馬猶龍字雲生

大興傅氏長恩閣鈔本

華亭人萬兩丙辰進士積官至福建巡撫招降海盜鄭芝龍  
威名始著陞兵部侍郎總督兩廣歸里福王立召為兵部添  
設右侍郎李待問字存義癸未進士授中書舍人七月  
大兵遣交撫使至有常指揮者執而殺之編括郡人助餉郡  
人苦之共推猶龍起兵猶龍乃集紳士為城守計而吳志葵  
亦自蘇州還師與黃蜚共屯泖河八月  
大兵至泖河戰於春申浦以輕舟蔽浦乘風縱火志葵舟重  
時不能運潮落風烈水師多盡志葵與蜚皆見執遂率師圍  
松江降紳董廷對為問事覺郡人殺之已有假黃蜚兵單號  
者突至猶龍開門不疑而  
大兵隨入以紅巾林首俄中脫皆辨髮也眾大驚喧呼北兵  
至守卒皆潰猶龍至東門中流矢死於濠下李待問殺於織  
染局初待問夢所服衣裙有天孫織錦四字以為中翰兆也  
至是局竟為死所章簡字坤能甲子舉人嘗知羅源縣守南  
門被執不屈而死  
國之兵主之於邱祖德祖德字念脩成都人崇禎丁丑進  
士授國府推官以才調濟南超授按察使分巡東昌  
十四年夏給事中張元始上言土寇與流寇異土寇皆職民  
耳聚則盜散則農莫善於撫今祖德既受殊擢宜令專任撫  
事帝從之寇果多散以功遷右僉都御史巡撫山東京師陷  
李賊撤降邱祖德斬其使中軍梅應元作亂入劫邱祖德  
將自刎士民衛之出境遇魯王於道同之過淮時四川大亂

大興傅氏長恩閣鈔本



祖德無家可歸乃流寓國南都既覆秋七月起兵以應金  
聲是時郡城已失祖德駐師華陽山糾集別部顏苗王一衛  
金經萬曰吉麻三衛等共攻郡城不克還歸山中七月二十  
日  
大兵破寨獲其父子送江圖不屈磔死閩中贈太子太師吏  
部尚書  
郭符甲字輔伯晉江人少穎異八歲能文甲子登賢書以天  
下將亂每談兵擊劍畜馬備引脩矢時馳聘射獵為事崇禎  
癸未成進士南都立國授戶兵兩部主事特設印專教督理  
南清餉核兵符甲馳視事未報命南都陷各邑解餉十三萬  
兩有奇至胥吏皆勸符甲充行囊且分給各邑符甲叱曰此  
朝廷幣物敢輕動耶悉發回候支而北騎已渡江矣聞關歸  
閩隆武立仍舊秩尋擢禮科右給事中奉寶冊封韓王於邵  
武迎魯王於舟山在禮垣三閱月章三十餘上未幾仙霞失  
守聞而慟曰大厦將傾一木難支死吾分也倘機尚有待吾  
敢遽伏一剑乎及聞航海義兵起遂亦治兵於武榮之梅溪  
不旬日響應者萬餘人海師薄泉郡別營桃花山符甲飛檄  
會攻疏召連絡惠溪永德及延建大田尤溪各州縣為犄角  
而永春諸望族周李顏鄭等糾集子弟鄉壯五六萬人迎符  
甲至永推為帥立幕府符甲長子喬柱亦監紀軍前遂分部  
位以林忠顏昌儒鄭英達李錫燕周天麟等統之連下永德  
二城諸軍奔潰上游近邑多聞風降附者永明王既立符甲

大興傅氏長恩閣鈔本

遣姪維城詣行在奏賀獻捷授提督義師統制全閩招討  
務軍都察院右副都御史便宜行事授喬柱監督紀功同知  
維城國子監其部將林忠等五人各授副總兵符甲承制益  
廣厲會泉圍解海艦運各道兵多為北騎所蹂惟符甲師不  
動數戰皆捷但孤軍無援  
大軍並力深入所遣部將鄭英達顏昌儒分守東關太平嶺  
者皆迎降  
大軍趨永春諸將卒潰符甲獨與數千人迎戰不支退入堡  
被圍涕泣語僕曰吾力竭矣一死何辭所恨國恩未報親老  
未定耳乃冠帶南向拜從容自縊戊子十一月十九日也  
清帥馬得功索符甲堡中人以廉昇出得功令灌魁拱手語  
之曰先生良苦先生名久著技節越無難東南未盡平願期  
重託也符甲瞪目叱之曰忠臣不事二君于封任汝報國由  
吾唾其面大罵之得功慚命卒砍其首血流漬地草為之枯  
首懸杆上面必向南蓋筆慶在閩南也七日期如生地壇無  
敢犯者喬柱先奉母季及家屬避武榮山中得免得功惡昌  
儒英達責主命斬於市符甲屍棄荒塋每夜空中聞傳督  
師號令人馬蹴踏之聲且見火光旌旗戰懼相率白永春令  
李某乃禮險焉喬柱挈家渡海依鄭成功於廈門事聞永  
贈兵部尚書建祠旌忠世襲錦衣衛指揮食事授維城中書  
舍人  
南疆逸史卷十五

大興傅氏長恩閣鈔本



南疆逸史卷十六

烏程溫睿臨撰

列傳第十二

江西疏文章節義之鄉至明尤盛名臣相望矣南渡之亡其殉國者較他省亦倍之蓋激於金王之亂也金王始也假大軍以肆其毒而其繼也復悖逆焉此忠義之士所以羣起而欲刺之刃也嗚呼是亦可哀也已今此主兵者為特傳而餘士別見焉

胡夢泰

詹兆恆

周定仍

胡琦

陳奉來

曾亨應

尚續逸史卷十六

余應桂

胡海定附

揭重熙

傅鼎銓

劉士禎

廣信之守胡夢泰詹兆恆皆其郡人也夢泰字友森號壁水崇禎丁丑進士鉛山人兆恆字仲常永豐人兩人皆起家進士為縣令有能名兆恆先擢南京監察御史吏部舉天下廉能吏十人夢泰與焉帝重念畿輔州縣殘破欲得治行已政者撫之夢泰得唐縣京師陷南歸南渡兆恆轉大理寺丞阮大鍼之起兆恆上疏切諫言逆案一書先帝定之宸衷頌之天下萬世共懷况在總統敢有紊越黨人巧為蒙蔽謂為憐才夫逆亂之才敵以敗國豈能佐理陛下試取其書觀之應

大興傅氏長恩閣鈔本

亦悔左右之誤國矣因以書進呈不報九月陞本寺左少卿明年二月歸里隆武授兵部左侍郎尋進尚書再授夢泰兵科給事中協守廣信廣信為闖入楚要地是時

大兵方取江西而上亦將幸贛故廣信宿重兵督師大學士黃道周之出閩也聞廣信之急遣其監軍御史周定仍兵部員外郎范大英分兵往援之大英字仲實南昌進士也夢泰傾家募士與大英力守鉛山有唐個者字著夫太平諸生也熊開元薦其才隆武授兵部主事募兵出關得數百人丙戌四月

大兵至鉛山個與之遇與大英合軍出戰個陷陣死大英戰敗挈家投前湖鉛山遂破夢泰與其妻同縊及八月諸軍

皆潰廣信破定仍見殺兆恆奔懷玉山其時進賢人副使胡琦璘徽州人總兵汪碩畫皆以兵來廣信碩畫與

大兵遇於貴溪兵敗不屈死琦璘城破自刎兆恆在山中聚眾數千人自保明年三月出攻台州之開化縣兵敗死於馬嶺

周定仍字雲翼南昌人崇禎癸未進士父六虛萬曆庚戌會魁甲申之變定仍哭臨澹臺祠與楊廷麟議興復事安宗立授刑部主事奉差恤刑廣西南都陷定仍中夜起繞行中堂紹宗即位入覲授監察御史疏請一旅出湖東窺進取帝曰卿才未能辦此固請及閣部黃道周出關遂命以御史監軍抵鉛山以所賞餉二千金招募御義旅與湖東分守道郁琦

大興傅氏長恩閣鈔本



方經營戰守而王得仁已率兵窺廣信得仁固梟悍旬日間  
攻陷安仁貴溪定仍聞警親督副總兵姜天衢往戰連湖勝  
之復戰小碧渡戰河口皆敗兵部主事萬文英總兵周朝鼎  
死之朝鼎侍御從子也收兵還廣信得仁尾之夜薄城外竟  
夕螢火蔽天守將熊尚仁夜遁四月二十四日城陷定仍危  
坐閣中與郁琦皆執被得仁盛陳兵衛定仍南向瞑目坐得  
仁館之別室夜自縊死時有子在襁褓中  
郁琦原名奇璋守字異度進賢人崇禎丁丑進士歷官職才  
郎中江西不守琦召募義旅勇為恢復計與金部將馬某戰  
羊平坡多斬獲永圍王兵復建撫  
清守將遁去琦邀擊之新塘路口戰失利亡百餘永圍前鋒  
謝之良爭進賢琦率眾助之良敗撫州而琦間道入觀擢副  
使分守河東久之兵敗還駐廣信王之仁破城同御史周定  
仍被執間定仍自縊歎曰雲翼得死所矣至南昌見殺巡按  
吳元贊親為棺殮見其子欽宸在乳下撫之曰此忠義後也  
令其姪輝護喪歸從死者吳德威吳京胡銘宸胡輔最著  
陳泰來字剛長新昌人崇禎辛未進士授宣城知縣入為戶  
科給事中南京以原官起不赴閩中推僉都御史總督義旅  
益王之起兵也王域等既奉之監國泰來亦將從之同里按  
察使漆嘉祉舉人戴國士謂之曰既受闈命矣今復從益王  
將奉王臣閩乎則王必不屈將兩事乎是懷二心也公舉危  
事損身家而不顧本以教忠而先懷二心以事人人誰諫之

大興傅氏長恩閣鈔本

乃止已而建昌失援城卒破王出走國士降反為之用泰來  
恨之曰吾乃為賊所始彼固為敵遊說也均之國事益與閩  
又何分乎意欲誅之顧兵力薄不敢顯抗仍相通好亡河上  
高舉人曹志明與粵國祺聶明時黃瑛王國彥等同時起兵  
泰來與之相結十二月攻復上高新昌圍州戮國士妻奴及  
親黨數人而暴其罪進圍瑞州不克圍萬載克之十二月  
大兵逼新昌遊擊何執降泰來從新昌至界埠志明等從上  
高會之合兵攻撫州俱沒於陣  
會亨應字子嘉號鳳山臨川人崇禎甲戌進士官吏部主事  
吳昌時之獄連坐被謫南中立國凡在謫藉出仕者皆驟貴  
亨應獨不赴  
大兵徇撫州亨應與舉人艾南英前吏部揭重熙三人議為  
守禦募兵未集騎已薄城下眾皆散永圍王慈炎者益庶宗  
也建昌兵敗走閩廣招連子峒中賊數萬收建昌而下寓書  
亨應請為東道主亨應喜甚募卒數百人走書大姓助餉張  
皇其事以冀四方響應而復不戒置酒高會  
大兵偵得之潛師從祀家渡濟師有聘而告之者亨應拔劍  
曰汝欲阻眾耶鄭帥駐建昌撫州有永藩關隘阻絕敵兵豈  
能從天降耶言未幾而兵至宗族懼刃者二十人其親故及  
諸好義者馳死三百人焚其廬舍邑里為墟亨應趨避一石  
室從弟某指其穴出之並執其長子鈞亨應謂鈞曰勉之一  
日千秋丈夫無自負也鈞大罵不屈帥立殺之亨應縛至河

大興傅氏長恩閣鈔本



泥橋帥解縛揖之曰公誠義士惜時不可為蓋隨世以就功名乎否則為雞犬肉耳亨應禁口不應乃曳至階下榻之數十帥坐與語亨應如前又懸之樹令射之已復好言相慰亨應終不應帥數曰是兒鐵石心腸遂殺之其同邑舉人王秉乾諸生湯仲發亦兵未集而事露受刑甚酷仲發顯祖之孫也

其同時起事者南昌則兵部左侍郎余應桂浼水知縣胡海定應桂字孟玉萬曆己未進士崇禎朝以御史出按湖廣絕私交逐貪令吏飭武備風紀肅然帝嘉之期滿命再任旋擢右僉都御史代王夢尹巡撫湖廣為熊文燦所誣遂下獄文燦誅起為兵部左侍郎國變時家居嘗語人曰吾行年六十

四官尊祿厚復何所恨所未了者欠先皇帝一死耳乙酉起兵都昌都昌俗故猛嘉興郡王將石光龍其邑人也光龍死部曲散處湖上攻剽為盜應桂練為水師得三千人令武生王長城將之時吳江已舉兵星子方與敵戰應桂援之

大軍艘艘二十餘護火器上神機礮弩甚設遇之落星湖應桂舟小不利風受壓而溺士卒殲焉應桂僅以身免聞德化人師師孫明卿二人繞勇聘為中軍益傾資募兵勢復振吳江來求合營不許江既敗應桂軍入亦孤十一日大清將揚捷以步騎千八百掩至城下雲梯百道進攻城中發礮石拒之死傷過半有好生邵某為內閣建城迎降應桂奪東門走不得還坐堂上令舉火兵士撲燭入執應桂及其

大興傅氏長恩閣鈔本

子諸生余顯臨中軍師卿皆見殺海定起家鄉薦為令廉潔致仕歸貧甚移住德興縣之海口受徒董氏董氏亦豪傑也國亡起兵海定大喜為之聯絡鄉勇十月大兵入婺源通海口海定徒步從督師黃道周乞師及回海口

大兵隨至戰敗被執至婺源殺之既受刃僅立不仆揭重熙字祝萬傳鼎銓字維衡俱臨川人崇禎乙丑重熙以五經登進士知福甯州又三年鼎銓亦成進士入翰林為檢討北京之變鼎銓不能死出謁賊由是為人所訕鼎銓亦悔恨嘗思洗滌南渡擢重熙吏部主事以憂歸乙酉六月大兵至江西南昌迎附撫州建昌破重熙與曾亨應先後起

兵於鄉一戰皆北閩中立國而大學士曾櫻疏薦重熙及鼎銓陸武以鼎銓故降賊命以知府銜赴贛州軍前自效而召重熙亦入見重熙乃借鼎銓至閩召對稱旨陞考功員外郎兼兵科給事中出辦湖東兵事亦復鼎銓翰林故官令還贛丙戌五月江西巡撫劉廣胤督兵援贛州沒於陣廷議新撫恐蒞任綏不及事乃即以重熙為僉都御史巡撫江西便宜行事九月整兵趨撫州不克及閩亡贛州破兩人俱散兵入武夷山金聲反極南昌以閩事屬重熙會卒召募得萬餘人率之入閩鼎銓亦舉兵本郡應之時邵武方宿重兵重熙還薄城下為守兵所敗喪失俱盡南昌圍急重熙入肇慶帝欲留為內用重熙不可加閣部銜督師亦擢鼎銓兵部左侍郎

大興傅氏長恩閣鈔本



令同援南昌至則南昌已破惟平西伯張自盛走保閩界有  
眾數萬兩人入其軍約廣信成武侯曹大鎬特角並進大鎬  
池州人與自盛俱以總兵應金聲桓故皆得封侯寅冬自盛  
戰邵武兵敗死之鼎銓被執諭之降不從令作書招重熙亦  
不從乃見害重熙走依大鎬辛卯五月率數十人至百丈際  
會師而大鎬已還師鉛山重熙就其空營炊倉猝遇遊騎為  
流矢所中重熙大呼曰我揭閣部也遂擁之去至崇安其邑  
令來謁歡之降重熙曰小子亦讀書乃不識綱常名教乎批  
建圖兵備與之舊出迎之俯首不敢視重熙執其手瞪目詈  
之遂下獄十一月受刃雙眸炯然色如生重熙好談兵短於  
調度所部將領多執紼于弟不諳兵法山中乏食標掠無虛  
日張自盛軍尤橫暴不受節制當時多怨之者而其死也無  
不哀之鼎銓始雖從賊卒為忠義君子亦諒其志焉重熙死  
未幾大鎬亦兵敗入閩被執於岑陽關解至南昌殺之江右  
義師遂盡

南疆逸史卷十六

七

大興傅氏長恩閣鈔本

南疆逸史 卷一六

吉安守楊可楹大索士預捕其子肇謙肇頭至頭罵不屈死  
謀拷掠繫獄士預聞之歎曰我所以不死者以雲貴荆蜀之  
地尚足興復預得汗馬勞為主上前驅光復大物耳不圖至  
是遂沐浴朝服北面再拜絕粒九日而卒稚升亦戰死南雄  
保昌之長鋪橋

南疆逸史卷十六

八

大興傅氏長恩閣鈔本

南疆逸史卷十六

二六三



南疆逸史卷十七

烏程溫睿臨撰

列傳第十三

路振飛

會樓

曹學佺

馬思理

姜一洪

何楷

路振飛字見白號皓月廣平曲周人天啟乙丑進士知涇陽縣入為御史巡撫福建同巡撫平海寇劉香再按蘇松遠光祿少卿召對擢右僉都御史總督漕運土賊橫徐泗間振飛破散之甲申所在土崩振飛勒兵守要害自徐泗宿遷至安東沐陽壁壘相望下圍練之令俾鄉民各自推擇長副隨所

長操演保護鄉井成功後詣轅門受事振飛按隊較閱其技精者犒牛酒費銀幣慰勞有加人人鼓舞兩淮宴然振飛之力也北都之變福壽周崇四王俱至淮眾議立君或勸振飛危駕立定策功振飛曰某去則全淮必動豈以一己功名壞天下大事乎鳳督馬士英率兵入朝數百艘道淮沿途劫掠振飛坐皇華亭諸將整兵夾兩岸令啣尾而過皆俯首聽命偽節度使呂弼周防禦使武懷至淮聲言代振飛為制將軍董學禮犯宿遷振飛勒將士分道掩擊擒弼周與懷學禮出走振飛竿弼周於法場命軍士輩射而已磔之俘武懷於朝捷聞賜璽書慰勞保國公朱國弼嘗與振飛同督漕竊庫金千萬以逃畏振飛威名出已上當福王之在淮也孤舟飄泊

大興傅氏長恩閣鈔本

振飛無加禮焉楊維垣以逆案戍淮安振飛其鄉人也待之亦疎略至是國弼與行人朱統錫合疏劾之會振飛亦以母憂歸士英乃用其所親田仰撫淮

大兵至不戰而潰江南遂亡隆武之安置鳳陽高墻也有司廉祿不繼不勝其困有望氣者言高墻中有天子氣言於振飛入見振飛王心獨異之贈以私錢且諷其吏之無狀者石應詔而上疏請加恩罪宗王德之甚登極詔書言振飛之恩不惟豆粥麥飯一時之感有訪知所在者官五品賜金二千吳江人孫可久因言其流寓洞庭即發手教召之振飛連行在拜太子太保吏兵二部尚書兼文淵閣大學士賜宴至夜分撤燭送歸解玉帶及鹽梅宏濟銀章賜之官一子職方員

外郎又錄守淮功蔭錦衣世千戶振飛感知遇竭盡誠節帝每責廷臣因循振飛面奏曰陛下謂臣僚不改因循必致敗亡臣謂陛下不改操切亦未能中興也陛下有愛民之心而未見愛民之政有聽言之明而未收敢言之效喜恕有時飄發號令或至屢更有羣臣庸下而過於督責因博覽書史而務求明備凡陛下之所長者皆臣之所甚憂也優旨褒納一日進練義勇說上曰此真安攘大略當為卿作序頌行之延平陷振飛不護危從依鄭成功於廈門是時成功與鄭彩交惡魯王至閩成功不欲奉之仍稱隆武彩則奉魯王先後復三府一州二十七縣昔官隆武者皆仕獨振飛與曾樓不出辛卯二月成功舟師入浙廈門破振飛與樓皆縊死

大興傅氏長恩閣鈔本



不訛 或曰永圖二年赴召至肇慶卒於途

曾櫻字仲含號二雲江西明江人萬圖丙辰進士歷官至興泉道櫻素有清名而東殿緝獲泉州吏許馨為櫻營求浙江按察使因革職逮問御史葉初春訟言於朝撫按亦為之稱冤已而鄭芝龍上疏稱櫻廉明公正芝龍感其德代為營求櫻實不知也願以官贖罪遂復櫻官十四年擢右僉都御史巡撫登萊

大兵入山東櫻不能禦削職下獄甲申之變間道南歸自詣南京刑部釋之唐王稱號於福州芝龍薦起櫻帝亦素聞其賢起工部尚書兼東閣大學士遣官敦促八月陛見賜啟心沃心銀章得密封言事無何命掌吏部櫻執法不撓皇叔皇弟節唐二王數有薦舉櫻引祖制請教禁止為之榜於朝

堂邵武知府吳士偉推官朱健以寇未至而逃及建陽知縣施燦坐貪墨上皆欲斬之櫻奏曰三人罪不至死上不聽又曰臣與諸輔臣約共執奏知天意難回遂皆卻步臣獨冒死申言臣罪大矣上笑卿奏乃絕愆正義諸輔卻步非也雖不用其言而心嘉其忠直王期昇彭遇颺至閩上加期昇總督遇颺僉都御史曾櫻與路振飛封還內降上曰方今多事用人勿拘常格振飛言遇颺降賊而南依馬阮為奸巡按浙江酷虐致變期昇在大湖奉宗室朱盛激稱兵日肆剽奪山民不容乃逃入閩臣等非有私隙也乃止乙酉十二月上移蹕建圖櫻留守福州鄭芝龍北去櫻從鄭成功於廈閩丁亥仍

大興傅氏長恩閣鈔本

稱隆武年號十月頒隆武四年圖用文淵閣印印之則櫻與振飛之議也辛卯二月成功南下惠州官兵擊破廈門櫻自縊死僧文台門人陳泰棺殮馬粵中閩之贈太師諡文忠櫻初被逮下獄夢有贈以扁額曰唐朝宰相及至閩遂驗櫻四子長文德起兵死次文思從上死於汀州二子一孫隨至廈門櫻死後其婿鄭繼緒降

大清封慕恩伯送其家歸江南為治堊葬櫻云

曹學佺字能始侯官人萬圖乙未進士授戶部主事歷南京大理寺丞戶部郎中四川參政陞按察使蜀王宮殿火計修建費至六七十萬學佺以宗藩條例格之蜀民不擾天啟初左遷廣西參議轉陝西副使學佺好學有文名博綜今古

有以宿學巨儒不得官京朝廷歷數十年仕又偃蹇因以著書自娛光宗在東宮有張差挺擊之事學佺所撰述直書無隱避逆奄用事羣小立三案鈎黨指學佺所撰為謗書除名為民時學佺在粵西大吏希奄旨羈留待命知奄無意殺之乃止閩中立國起為太常寺卿上言今幅員偏小稅額無幾宜專供守戰之用而遣鄭鴻逵疾抵關度防守毋久逗留諸逃兵肆掠責令其將收歸營伍及朝見上詣謂諸臣曰此海內宿儒也我在藩邸聞其名久矣時倉卒建號一切典禮皆學佺裁定尋陞禮部右侍郎署翰林院事時教纂修成宗實錄國史總裁設蘭臺館以處之丙戌四月上在延津學佺又言四事一濬延河提防一汰隨征冗役一通福京米船一捐

大興傅氏長恩閣鈔本



助餉銀許以生鐵准價皆從之己而知將士離心事不可為  
慨然曰吾老矣天若祚明尚可竭股肱之力否則老臣報國  
有死而已朝議欲以奇兵浮海直指金陵而難於聚餉學佺  
傾家以萬金濟之未幾闕破上去延津學佺入潯爾寺避之  
大兵將至貢生齊巽中書張份僧不空等起兵殺傳檄使者  
迎學佺為主學佺曰無益也何苦徒荼戮生民為哉三人強  
之學佺曰然則吾歸死於城可也三日而  
大兵入城九月十九日自縊於西峰草堂生平著述數千卷  
不盡行世云

馬思理字達生閩長樂人天啟壬戌進士初令烏程治行第  
一擢兵科給事中查核邊鎮兵馬九邊震肅夙弊盡釐歲省

同羅述之卷一七

五

金錢三十餘萬又巡太倉時清核亦不下三十萬轉工科與  
權黨張彞憲抗禮亡何南北草履同日災彘憲遂構下廷尉  
舉朝力救免官歸里而上終念思理行能召復尚寶太僕二  
卿轉右通政詹事黃道周以廷辨忤旨思理抗疏救之落職  
歸宏光即位召起未赴而隆武繼立以思理先朝宿望轉刑  
部右侍郎管尚書事魯藩遣總兵陳謙通函稱皇叔父帝  
大怒下之獄思理私謂所知曰光武果然宜陽盆子不當食  
均輸耶魯王若能屏蔽東南何故不許為寶融錢鏐耶特疏  
請宥不納居久之上悟晉思理大宗伯奉命脩好魯藩甫就  
道三日而

王師已渡錢塘矣乃遺表魯王以畢使命袒括髮即位哭不

大興傅氏長恩閣鈔本

食就寢絕吭而卒訃聞魯藩追贈少傅諡忠宣思理之令烏  
程也識凌義渠溫璜於諸生中後皆以忠節著世稱其知人  
云

姜一洪字開初會稽人萬曆丙辰進士歷官廣東布政使宏  
光立擢太僕寺卿從隆武於閩進吏部右侍郎戶部尚書  
大軍踰浙隆武使永勝伯鄭彩守關自將兵三千從延平移  
之汀州命一洪前行時糧糧以俟而仙霞兵潰隆武潛幸不  
知所之一洪徒步次興國柘木村去贛百餘里仰天歎曰嗟  
乎天意如此偷生何為遂赴水死時丙戌十一月六日也諸  
生鍾國壬哀之與柘木庵僧了緣為舍殮如禮

同羅述之卷一七

六

值魏奄肆虐不竭選而歸建紫芝書院率子弟講學其中崇  
積時起戶部主事進員外郎有詔簡部臣為言官大臣多推  
措者乃改刑部給事中劾輔臣王應熊應熊辨之措言故事  
奏疏非發抄外無由知非奉旨則即抄不傳臣疏旨未下應  
熊在外何由知非往來密偵者漏禁中語乎時帝方惡預洩  
旨應熊卒以此罷又為故左都御史高攀龍請誥命以從之  
先是贈卹死奄難諸臣給攀龍三代誥命詞臣許士柔方撰  
文進呈而其子高世學書諸軸奄黨發其事士柔世學皆受  
誥誥命竟廢至是始得之轉工科給事中中以申救少詹事黃  
道周謫官量移禮部郎中歸南渡擢戶部右侍郎唐王入閩  
措迎之水口驛進尚書鄭芝龍鄭鴻逵偃蹇不臣上郊天於

大興傅氏長恩閣鈔本



南臺皆稱疾不出楷劾之上獎其風裁令掌都察院事已而  
鴻遠揮扇殿上楷呵止之二鄭益怒楷知不為所容力請罷  
官上從兩主之雙子歸里諭以收復南京當召為總憲楷行  
芝龍使其部曲楊耿遮之道裁其一耳至家而卒楷潛心經  
學所輯周易訂詁毛詩世本古義學者多宗之與顧錫時皆  
有學行為武臣所裁而朝廷不能詰識者知其無成也

逸史曰隆武之立一年耳乃方其在禁狴中而望氣者已言  
鳳陽有天子氣然則天位可安干哉隆武賢主也惜其托於  
鄭氏振飛會樓諸人儒足有餘英武不足偏側山海之濱是  
以大業不立使當金陵定策時有重臣焉天大略排羣議爰  
立唐王則士英必不召大鉞必不起逆案必不翻中原開闢  
者必能策應四鎮左藩知朝有明君且致手聽命可法得以  
其間左提右挈捍力疆圉然後曰廣道周錫時之徒坐守文  
物不踰典則即大河以北未能迅復而滔滔江漢南國之紀  
不足稱小朝廷哉嗚呼楊行密錢鏐草竊之雄猶能保處江  
淮傳世延業而南渡以後至潰敗不可收拾馬阮之肉其足  
食乎

南疆逸史卷十七

大興傅氏長恩閣鈔本

南疆逸史卷十八

烏程溫睿臨撰

列傳第十四

陳六給

尹民興

吳聞禮

艾南英

熊緯

李魯

林逢經

畢士貞

王之慶

周之藩

張致遠

王忠孝

諸葛倬甫

陳六給字子儀漳平人也崇禎戊辰進士歷官僉事道分巡

天津歷著勞績甲申之變涕泣不食者累日鬚髮盡白居歲  
餘留都繼沒天興亦陷丁亥春有以舊薦者縣帖敦請而  
六給堅不聽命當道疑其異志遂加以兵六給慨然曰吾自  
甲申來自分一死不即死者有餘望也今若此豈非天乎給  
其子金書等行遁遂鍵堡門舉火自焚遺素食一幅於垣外  
題詩二首是四人朱氏王氏傅氏冰姬同時殉難初六給之  
將自靖也以所遺金幣分給諸僕妾令各散去朱氏四人環  
泣曰妾北產也久侍中櫛家鄉萬里脫不能死安所託命哉  
曰是非所若能也四人曰君死忠妾死節誓不失身於人矣  
乃命酒悲歌慷慨酒酣舉火火未及燃有白光一道上屬雲  
端向晚火熄四山烟然云有燈火無數光華耀天也

大興傅氏長恩閣鈔本



尹民興字宣子嘉魚人崇禎初舉進士歷知國縣涇縣除奸釐蠹有神明之稱行取入考吏科陳啟新許其預擬翰林請福建按察使簡較十五年春疏陳時務十四年帝喜下所司議擢用召為職才主事數召對所言皆當帝意擢本部郎中民興感激屏芑直公推舉勤於職時羽書旁午奏言無益之條陳不急之奏章不必下部覆以省繁文裕時日帝亦可之明年周延儒出督師命民興從軍贊畫敵還極部上其功已敘賚而延儒獲譴帝責其扶同欺飭下吏除名南渡起故官阮大鍼之召見也民興抗疏極論不納尋謝病歸以鄉邦殘破不可居而涇縣人德已流寓其地明年南京陷與諸生趙初浣等拒城起兵城守

大兵攻之久不克屢遭挫衄已而城破初浣死之民興走入福建隆武投御史巡撫上游四府加太僕少卿守仙霞關大將曾德鄭芝龍私人也怙勢不法民興劾之帝即撤還閩中敗歸卒於家

吳聞禮仁和人崇禎癸未進士隆武初為兵科給事中時分福州延平邵武建寧為上游四府擢聞禮僉都御史巡撫其地劾奏內臣戴照奉使貪橫詔即逮問聞禮尋自請守分水關帝優詔許之閩中三關天下拒險處也舊有守關兵閩恃以安及鄭芝龍有異志盡撤關上守卒聞禮亦不能獨支二年八月

大清兵入仙霞關聞禮遁走山寺或勸之難髮不從尋率鄉

大興傅氏長恩閣鈔本

兵赴敵為亂兵所殺

艾南英字千子東鄉人天啟甲子舉人與陳際泰羅萬傑章世純俱以時文知名稱豫章四子南英尤博辨喜古文當是時吳中盛文足其知名之士張溥陳子龍周鍾等各樹壇坫與南英相抵牾爭論不相下往復書數萬言而學者多右南英南英高自標置往往以盛氣凌人人亦無以難也有僕坐法南英為怨家所誣許被黜宏光時江西巡按周燦援恩詔疏請復其舉人乙酉入閩至彬關守兵阻之叱曰天下有不

知其功擢兵部右侍郎令督師江西南英爭曰解餉微勞也且指揮僚佐可任何足為大功遽擢高爵不聽閩中兵敗南英死之

熊緯字文子南昌人崇禎癸未進士授行人兩京既陷每飲酒輒涕泗橫流感憤欲死其友錢東鏡語之曰狼睥有云未得死所子有死志曷求死所乎乃赴延平擢給事中從上至汀州

大兵入城從官逃散緯獨衣冠趨上所兵逼之大罵而死其同年進士歐養素四川人官兵科亦在汀州中流矢死

李魯字得之福建上杭人幼穎慧塾師以執羊豕命對應聲曰拔劍斬蛇眾駭異之既長好經濟大略讀史見忠孝節義事輒徘徊感諷天啟甲子舉於鄉甲申國變山寇蜂起當

大興傅氏長恩閣鈔本



事議募鄉兵魯歎曰四鄉皆寇出沒其應募者即非寇亦寇之兄弟姻戚也兵寇雜伍此以城予寇耳不如在城大戶捐資訓卒以固城在鄉大戶鳩宗築塔以固鄉無瑕可攻寇當潛窺乃上書於巡撫張肯堂言之且請嚴其約束不立寨者以通賊論媚賊贖屋者以接濟論奸民從賊者聽寨長與眾棄之官不從者以縱賊論官兵所至不許入寨強入者以擄掠論肯堂具書稱善諭邑令舉行而富民交口指魯張皇多事議遂寢魯乃結茅幅員山隱焉乙酉七月隆武立於閩閩部曾櫻奏起之魯曰時危見節義我可偷息窮山乎遂詣行在上封事其一曰簡忠誠之士以救時報天下不少懷才之人但心有誠偽耳心誠則大才可用小才可用小用心偽則小才害及小大才害及大也顧誠偽亦無難辨者凡處必擇便安言豫持可兩微長欲即自炫護知惟恐人知者為人也受職而蹇蹇匪躬奏對而侃侃不回功與人同而不私遇與人見而不諱者誠士也親誠遠偽在人主力特其衡而已一曰加守令之權以練土兵今寇賊所至在在崩潰者無他守令不兼兵土著之師少也既無兵權寇至束手惟有逃耳宜慎擇知兵守令假之兵柄省召募而高科土兵古者比閭族黨此民數也伍兩卒旅此兵數也守令治民但治其伍有故則卒然有百人之聚守令治兵但治其隊有大故則猝然為千萬人之集以民食贖民兵久則守令皆良將而郡邑皆金城昔勾踐以生聚教訓殲夫差光武以舂陵子弟殲尋邑皆

大興傅氏長恩閣鈔本

未嘗募烏合以戰豺狼者得富強之本計也其一曰達小民之情以禁貪暴今牧吏殃民罔極監司未必知知未嘗言甚有倒置黑白者宜頒詔中外許其詣闕自陳不為禁制而遇抑者誅或時引見父老而詢之為無常則奸吏無可藏而貪暴之盛可戢矣民之害利得則守令之賢否亦得守令之賢否得則舉刺之得失亦得故詢事在下而萬情可知也高皇帝微時親見貪官毒民及定天下於府州縣置申明亭老人頒聖令一道官有為民患者耆老奉至縣堂直諫三諫不悛耆老赴京奏聞以憑擊問高皇帝宣樂民之以下訕上哉不得己也願陛下力復祖制可也一日講屯練以足兵食國初九邊腹裏各有屯田承平既久侵沒難問然按籍履畝大半可稽法當清核故田簡沃衛軍今流寇蹂躪之餘必有無田之人與無田之人誠得忠勤廉幹之人董其事或民屯如虞集之策或兵屯如李泌之謀此皆可計歲責效之不然變通為屯練之法合計一城分幾坊坊有長一坊分幾甲甲有長甲統於坊坊統於屯練之官陰以兵法節勤之平居各食其食無額支之糧有警各伍其伍戰守相敵而動法似保甲而警策過之因民各保身家之心為捍衛封疆之用又親簡練什伍中密察才力出羣者使為統率則萬眾之心於強寇乎何有一曰審刑勢以圖恢復明詔初下決計親征謀事者多謂直指錢塘夫魯國畫江而守文武下憚征繕宜下溫詔即以兩浙委之夫漢高捐齊楚以與信越光武委河西以與竇

大興傅氏長恩閣鈔本



融究之濟楚河西皆歸於漢今敵分道以入江南豈能分道禦之使宗子果能人為戰豈非維翰維城之藉哉

大兵惟當直取江右江右披山襟湖可東提兩浙西擊荆湖南控閩粵三方輻輳拒上遊以望孝陵咫尺矣不然則駐荆南控河北以制中川引滇黔而接巴蜀庶幾風雲空闊豪傑必攀附而來若羈旅閩中日月逾邁朝氣漸衰非日闢百里之洪謨矣一曰奮乾健之行以作士氣中興之主視創業尤艱創業之君臣同起於患難志有進而無退今共事者大約承平優養之餘捐軀意少懷土情多稍見凶危輒生阻阻臣嘗恨高宗有李綱為之相岳韓為之將而卒奄奄不振者其苟且偷安之私年伏於中故汪黃秦檜得窺其隱而牽制之

光武起自舂陵皆親履行陣熟習險艱有以鼓舞將士之氣今六飛遠駕雖曰天子自將行邊實同草昧起義之舉耳願陛下戒宋高法光武則忠智効死天下歸心矣疏入上大嘉悅召對授工部主事十二月上移駐蹕建水時三關單危禁旅不滿千所調至之兵一路告警輒空營赴之魯奏言不定營制不簡精銳聽其逍遙逐隊漫無總理兵雖源源踵至左右恐終無一兵豈有萬乘而孤露無衛乎上然之而卒不能執其要丙戌六月浙東破魯王走海鄭芝龍有異志盡撤三關兵返安海會汀報流寇寇攻杭永魯因言急守莫如汀城急練莫如汀兵此為嶺島咽喉務令呼吸相應陛下果即東幸臣當執芟前驅上嘉歎之曰爾慮深謀審必能擔荷大事

大興傅氏長恩閣鈔本

即改兵部職方司主事領教印魯兼道抵汀流寇已圍上杭時七月下旬也魯語汀帥周之藩曰大駕且至公當整理危從踰嶺但恐上杭不守則駕行又復次且魯當先解杭圍然後危駕而東遂投檄賊營開警禍禍賊奉檄色動即單騎詣賊營謂其魁曰諸君值魯甚幸乃富貴催人也諸賊愕曰何故魯曰天子早晚入粵東諸君能勒所部為護衛便為禁旅親軍恩賚踰他營矣拒粵效功粵地繁華十倍閩諸君貪國餼佩將印豈非富貴通人乎諸賊雖然應曰甚善私相傳告莫不願危駕立功者魯顧左右曰客營淡泊當取豚酒相勞因刑牲插血諸賊益喜安插遂定乃入杭宣布屯練節目即前封事所陳者既編伍有緒而奸民丁某者不便中尼之魯

叱曰爾不識父圖識保護鄉里乎蓋某棄其父而謀為富民繼子者也魯遂還汀未至而汀陷駕已蒙塵矣復返上杭九月四日貝勒遣吏入城諭籍髮歸順吏至魯家啗以高爵復以利害魯慨然叱曰連去母汚吾耳乃歎曰吾不當死城中負教印返幅員山丁某聞之昌言曰李公入山必率所撫之賊以抗王師滿城血肉菹矣邑人然之率眾擁魯適城嚴衛之欲執以獻魯推心大哭絕吭而死諸生郭嘉善聞之而輟食自縊也林逢經守守一逢平字守衡兄弟並以文行知名在閩之長樂祖父世科甲逢經性慷慨剛急好談當世之務尤好以古

大興傅氏長恩閣鈔本



事驗時變與人言必剖滌務盡亦不嫌面謫人過而守衡性  
 冲和繩尺新然於書無所不讀而粥粥若無能四方士傾慕  
 逢經未嘗不樂就逢平也隆武建國大學士黃道周薦辟知  
 名士投逢經諸勅撰文中書舍人兼司經局正字翰林院五  
 經博士及將出關奏引逢平為兵部司務辭不就道周曰知  
 不足辱君但仕版列賢俊名殊添本朝氣色耳時天興草創  
 逢經親勳鎮跋扈而官方雜亂餉頻煩條陳八事力為詩  
 辨先後補續數十上皆人所不敢言上温旨答之然竟不施  
 行也尋轉兵部武選司主事復轉翰林院檢討纂修國史有  
 高修威宗實錄之命未幾隆武移蹕幸虔至汀而陷逢經披  
 緇入山栖止墓側逢平屏居荒楚鬱鬱痼疾絕食四閱月卒  
 戊子某月也逢經忽戎裝至淞下淞下者董侍郎崇相所築  
 以禦海寇逢經所共學畫處也罷遣從者竟赴海死兄弟殉  
 義而先後幾數日耳家人求屍不得越宿見夢曰吾已現歸  
 澳中矣向之果然乃收殮之逢平妻葉氏相國文忠向高之  
 孫通書史識大義其兄葉益芑居海濱每有小朝廷之數氏  
 曰非也細目書帝在房州宜小帝耶嗚呼孰謂婦人能知此  
 義哉今世有欲削景炎祥興之號者愧此多矣  
 畢士貞字叔美貴溪舉人思文帝即位朱盛濃承詔督師駐  
 信州士貞罄家佐軍且以策見盛濃稱善薦授兵部職方主  
 事未幾信州潰士貞泣曰吾不復生矣與妻吳氏同赴水家  
 人拯之復蘇已被執不屈繼之遂絕粒作七轡詩旬日釋還

大興傅氏長恩閣鈔本

行至新橋望祖隴再拜觸橋死七轡者一夫齊二介推三蘇  
 武四龔勝五張叔夜六七文謝二山也  
 王之慶字脩祐望江人崇禎二年以歲貢知尤溪縣舉卓異  
 告歸望江當流寇之衝之慶謂名城連陷其釁皆自後師請  
 於巡撫黃配元將集練鄉兵為人和社以備賊配元許之遂  
 委之慶為長之慶內納眾心外戢奸徒與文武將吏晝夜分  
 守以城為家歷十年間流賊及左家兵屢攻圍之弗拔糧空  
 援絕人無懈至給事中左懋第上其事命未下乙丑五月南  
 京不守左夢庚既降念望江人與相拒創其歌曲乃白英王  
 言望江巖邑雖降終必負固請即屠之英王至城中大懼之  
 慶曰事急矣疾走王營陳說端末英王意解委之慶署篆黃  
 州之慶不受行至九江留書報其子兆春曰吾為一邑謀非  
 為一身今幸桑梓無事反以梯榮親墓不慮國恤不憂尚可  
 以為人乎哉固辭不獲則從湘纍於水中已耳越二日又留  
 書曰骨不必取魂不必招古有三不吊此其一矣遂至琵琶  
 亭沈於池中水淺乃枕泥橫卧而死閏六月十九日也喪至  
 望江邑人慟哭迎之私諡曰忠節先生祀於屈大夫祠右  
 周之藩字長屏隆武二年以總兵晉忠誠伯扈自上自延津趨  
 汀將入粵  
 大兵以五百騎躡之兵攻汀州而上始得警報遽出行朝之  
 藩聞難趨赴遇突騎數十大聲自呼曰吾隆武帝也意以詭  
 辭脫主於難既羣矢竭集遂死時溽暑陳尸五日肉色瑩然

大興傅氏長恩閣鈔本



張致遠不知何許人上之見迫於汀州也致遠服帝服以脫上而死路振飛有詩紀之其後鄭成功屯兵鼓浪嶼有稱帝存問諸臣者云上為僧五指山然後人知其事亦莫必其真為云

王忠孝字長孺閩之惠安人自言闕王王審知之後崇禎戊辰進士授戶部主事時蕪遠宿重兵倉儲數百萬以材調監蒞倉稽核精敏或省金五萬兩鎮守宦官鄧希詔驕恣議設標兵令措餉曰以倉之美忠孝曰設兵給餉重事也今不上請而擅行之可乎且自請核以來羨皆入正額何羨之有又今解贖錢以新解宇亦不許會正旦朝賀希詔與督撫爭坐次忠孝引敕書折之希詔大沮乃劾以受吏翁九進贖萬計

有詔逮問緹帥王世盛調知其誣遣校之謹愿者往至則不能具一飯解所服銀帶予校而行於是廷臣交章訟其冤而九進榜掠瀕死不承希詔乃劾其匿車脚費千金忠孝對簿曰此例無冊報然絲毫皆公家物某不敢私有羨餘六百元存密雲庫可稽也驗之信緹帥曰歎王先生廉至此也我不以聞且得罪士大夫上怒緹帥二級都御史王志道抗言曰忠孝實廉吏校尉至不能具殮行道之人皆知之誣可知也得改繫刑部遣戍福建衛宏光立閣部吏可法薦之以忤士英調守紹興故辭不赴隆武起為光祿寺少卿陞見上選將練兵責實效慎名器十餘事馬金嶺之敗鄭鴻逵還拒仙霞關上命忠孝巡關將賜劍印辭曰臣巡關將吏不法可以

大興傅氏長恩閣鈔本

奏請若奉劍印是督師也不敢乃出關中嚴約束失律諸將上又遣閣內路振飛即軍中斬大將黃光輝遇於浦城忠孝曰公提一劍入軍門呼大將而斬之猝有他變將何以待且定國忠謹公不如曉以上指令縛罪帥致諸朝侯後命其可鴻逵果囚光輝詣行在上釋不誅軍以無事擢都察院左副都御史命危駕將出贛力諫不從歸賣田園具裝上狎幸汀不及從

大兵入關慟哭於野鄭成功見而執其手曰哭無益也吾叔姪在且為後圖及成功起兵移家鷺島與之協力聞永曆立於粵上封事優旨賜獎晉兵部左侍郎與會樓交最厚厦門破樓死忠孝出己所貯壽親殮之成功既定臺灣遣使迎忠

孝乃命妻子歸守墳墓而獨身入臺灣具牛種闢田樹藝為終老計丙午四月二十八日卒於海外年七十四其秋閩生林之多病死復甦語人曰適在冥司見公與黃石齋宮殿侍從儼如王者應設刑具方引二囚入訊則之多所識某也因命吏引之縱觀地獄謂曰歸語吾兒孤臣片骨不必汲汲歸故鄉之多有回生記傳於世云其友人諸葛倬字士年泉州人兄義與忠孝同年進士官至東充兵備道早卒倬隆武時以薦授兵部主事閩之依鄭成功於島成功圍泉州倬道弟姪斌合兵攻城會漳州援兵至軍潰見殺永曆詔封成功延平王通爵守義諸臣倬亦陞光祿寺卿而斌以死事贈監紀推官久之

大興傅氏長恩閣鈔本



大清泉守閩倬名以書招之曰君來監司可得也峻拒之復  
 怵以禍亦不動及島破乃奉母還里服外方服母年九十餘  
 而終廬於墓所鄭經拒漳泉將任以職以疾辭復渡海居島  
 臺灣內附鬱鬱發疾卒年七十九倬有俠氣重交遊鄭鴻達  
 既沒家北徒獨襄其葬事撫其愛女而嫁之推官蔡江門殉  
 節長沙賤其妻女工楷隸有集三十卷其子潞鄭將陳永華  
 壻也示予家乘及王公行略故並誌之

南疆逸史卷十八

三

南疆逸史卷十八

大興傅氏長恩閣鈔本

南疆逸史 卷一九

南疆逸史卷十九

烏程溫睿臨撰

列傳第十五

萬元吉

楊廷麟

劉同升

郭維經

彭期生

楊文薦

符湖中

黎遂球

龔棻

姚奇胤

吳世安

陳烈

劉天駟

盧觀榮

周世光附

劉曰全

錢謙亨

南疆逸史卷十九

萬元吉字吉人疏茹余南昌人天啟乙丑進士崇禎末以兵  
 部郎中監督師楊開部軍元吉饒方略多智嗣昌悉以軍謀  
 委之其後以不用元吉言敗於開縣賊遂逸出陷襄陽戕楚  
 王嗣昌憤恨發疾死帝以監軍有勞不責也尋以憂歸服除  
 史可法請用之南京兵部福王立與聞定策時四鎮方以擁  
 戴功率軍抵江北爭駐揚州命元吉渡江宣諭元吉徧歷諸  
 營宣朝廷威德賞金帛首致得功書期以共獎王室得功聽  
 命澤清傑皆服從乃還部改立南京營伍以制祖時宜謀定  
 之拒臣無能損益可法出督師進元吉太僕寺少卿監理江  
 北軍務傑得功土橋之釐賴元吉彌縫之得無稱兵南都亡

大興傅氏長恩閣鈔本

二七三



走福建隆武擢兵部右侍郎遣代領督李永茂守吉安初督師楊廷麟之在吉安也甚得將士心故吉安再失再復元吉至與諸將議體統中約未諸將稍稍不樂先是江贛之間有峒賊數萬時出剽掠百姓苦之疏為閩羅總分立四營張安者前左營帥也驍勇敢戰永圖招之出湖東戰屢捷遂復撫州其諸營亦皆願受撫圖都兵科曹應遴請諸朝遣其子傅燦入山撫之皆聽命賜名龍武營計日出贛州下吉安元吉聞之以為四營可恃也遂蒞視滇廣兵軍士皆解體既而四營兵亦不即至丙戌三月

大兵攻吉安守兵不戰潰城陷元吉還屯皂口所部惟汪起龍三百人大學士蘇觀生在南康遣監紀程亮督新威營卒

二百守棉津灘

大兵沂流上新威營先潰起龍繼之楚帥曹志建以二千至望風遁去元吉遂入贛城四月

大兵水陸並進徑至城下城內倉卒無備兵科楊文薦奉命往湖南過贛見事急遂入城慨然曰城可守也百姓擁以為

主元吉既失吉安將士不復用命終日生城上暝然若昧望隔河帳房滿山輒指為空營兵民有從隔岸泗水至者言

大兵精強即目為萬安泰和好民立斬之舊督李永茂遣副將吳之藩遊擊張國祚來投遇

大兵於李家山九牛之間數戰皆捷  
大兵撤圍水西之藩等亦還守南康閩中聞贛州固守不下

大興傅氏長恩閣鈔本

遣使獎勞加文薦右僉都御史贛州為江楚閩粵之衝是時江楚諸督將皆上奏勸隆武幸贛而圍方急以故勤王之師康至楊廷麟郭維經姚奇胤所收散亡及召募滇閩兵先後集營於城外者不下四萬餘人皆欲一當敵元吉必欲待水師至方戰水師者中書來從募沙兵三千與主事龔茶黎遂球所募水師四千也皆留屯南安未下兵部主事王其宜謂元吉曰水師帥羅明受故海寇也桀驁難制龔黎兩君如慈母之奉驕子且今水涸巨舟難進豈能如約師老兵疲行且自潰不坐失事機乎不聽八月二十三日

大兵聞水師將至夜截諸江焚其巨舟八十餘艘死者甚眾羅明受遁舟中火藥器械悉歸

大兵各營聞之無不喪氣稍引去城中所留者汪起龍罷卒千餘人汪國泰金昌振徐日彩所部百餘人郭維經部下

三千人城外惟水師後營三千餘人而已贛雖被圍久而士民竭力守禦糧食粗足文薦登陴乘機繼壯士出戰時有斬獲以故目無強敵每月夜軍士攜酒嘯歌呼敵人詬詈之

大兵聞而切齒至是守陴者漸憊矣參將謝之良擁眾萬餘於雩都不敢下粵西狼兵八千人已逾嶺又不時至十月三日有逸出者

大兵獲之鄉導夜由小南門上民雖巷戰久之

大兵畢至城上發礮礮裂遂陷元吉已出城歎曰使一城俱盡者我之為也我何獨存正中赴水死年四十九先是元吉

大興傅氏長恩閣鈔本



禁婦人出城其家人竊以姬妾縋城去元吉知之追還由是  
禁禁益嚴合城遇難故云元吉號知兵處事精敏其在嗣昌  
軍指畫不失尺寸及事權在握反暗機宜其智於前而愚  
於後哉蓋元吉久事戎行親見宿將規畫而其時滇廣之將  
並無左賀其人者元吉以庸奴視之遂莫肯用命故知將將  
之道難也

楊廷麟字伯祥臨江人劉同升字晉卿吉水人兩人皆好學  
有文名意氣豪邁跣足自放廷麟舉崇禎辛未進士選入翰  
林至丁丑同升舉進士第一人莊烈帝召見問之年對曰臣  
年五十有一老矣恐無以報聖恩帝曰若尚似少年勉之授  
翰林修撰兩人嘗劾楊嗣昌而嗣昌方有寵言於上改廷麟

兵部贊畫主事赴總督盧象昇行營同升謫福建按察司知  
事廷麟之為贊畫也嗣昌欲假手殺之及象昇賈庄敗血報  
至嗣昌急問楊翰林死否報者知有贊畫不知翰林為誰嗣  
昌再問楊贊畫死否報者答以出差得免嗣昌為不憚者久  
之北都陷廷麟募兵勤王時馬士英與姜曰廣不合廷麟為  
曰廣門人將兵在外士英忌之命散所募兵御史邢慈佳疏  
薦陞左庶子不赴召同升復故官亦不赴廷麟與同升以義  
師恢復臨江吉安二人鄉郡也隆武立加廷麟吏部侍郎東  
閣大學士督師同陞加少詹事兼兵部左侍郎廷麟兵既  
勝追至漳樹鎮不戒反為  
大兵所敗遂棄臨江還守吉安請於上以同升巡撫南贛時

大興傅氏長恩閣鈔本

同升已有羸疾拮据勞瘁踰月而卒諡文忠廷麟在吉安所  
恃有廣營滇營兵滇營者崇禎時命中書張同祿用牙牌調  
發入京兵未集而京師陷宏光時復教雲南巡按陳蓋帥赴  
南京及是始抵江西聞南京潰還回吉安廷麟留之守城以  
客禮待之時時推牛饗士向軍士流涕陳誓死報國家之義  
滇將趙印選胡一青亦德廷麟奮勇建功頗多斬獲及上用  
萬元吉為督召廷麟入直過贛川會

大兵至且圍城四城兵營在粵都廷麟親往邀之再戰再敗  
遂散遣之單騎入城與元吉同守其後兵事主於元吉滇營  
亦潰城破見城中火起走馬至西城赴池死  
清將賈熊為槍斃葬於西門外河上粵中立國贈新淦伯諡

文正

郭維經字六脩號雲機吉安龍泉人天啟乙丑進士考選南  
道御史京師陷南中議立君未定維經與李沾等迎立福王  
陞應天府丞仍兼御史巡視中城亢旱維經言御極兩旬雪  
恥除凶曾不發憤徒以漫不切要之事盈廷爭議黨同伐異  
如醉如狂上天降災由此請教羣臣勿視恩怨報復惟以前  
髮復仇為念庶有濟馬士英將起阮大鍼舉朝爭之史可法  
以調停之說進維經言可法人望也亦失言前者四月初旬  
傳北都之變可法召臣等於清議堂共言得人首務也惟逆  
案斷不可翻可法深以為然今不宜中變其守正不阿如此  
尋轉大理寺少卿陞左僉都御史維經居留都久得民心

大興傅氏長恩閣鈔本



亦重之會迎恭王遺像維經以病未出鄒之麟欲奪其位乃與阮大鍼謀使隆平侯張拱日糾之云恭皇帝往為諸奸謀孽維經不欲觀茲盛典猶姜曰廣張慎言不欲卅立皇上也未幾致仕阮大鍼使人賊之江干幾死閩中立國進兵尚書又改吏部帝深委任之贛州圍急命維經出關募兵加六省督師銜與姚奇胤得兵八千人至贛帝幸汀州手詔召之入衛士民固留未及行城陷突圍出中矢死或曰死嵯峨寺彭期生字觀民海鹽人萬曆丙辰進士授工部主事同官萬環幼逆奄被杖期生視其醫藥舍險由是為人所稱出知長沙南昌二府巡撫揚邦憲奄黨也諷有司為逆奄建祠期生持不可則撤南昌新建二縣令期生召戒之卒不發一絡後知濟南以盜越獄謫照磨移應天府推官轉南京兵部主事陞郎中獻賊陷江西李邦華請於吏部以期生為湖西道分巡僉事駐吉安

大兵南下巡撫曠昭棄南昌走吉安期生率士民城守大兵逼吉安巡按又棄去期生以死自誓而兵不至乃往乞師於贛督贛督檄守贛州隆武加太常寺卿兼嶺北道贛州圍急期生登章貢臺坐臥矢石間謂人曰此吾死所也凡六月城潰滇粵將招之出走不可書絕命詞五紙分投蒼頭五人曰若輩未至必皆生適有一人得歸即訃音矣遂自縊死臺焚尸燼惟心不燬故吏杜鳳殮以石函瘞臺上墮鐘記之有楊大器者移之潛下萬安藏於百家村越四年其子求之

大興傅氏長恩閣鈔本

得而萬安人曾堯泉負函走海上投其家云大器將他往以公骨為託不遠千里而致之以冢者一諾也

楊文薦字又如京山人崇禎癸未進士授南京兵部武選司主事明年三月京師陷文薦徒跣走孝陵慟天仆地不能起見者傷之宏光初文薦在散曹奮髯抵掌談邊疆大事馬士英等嫉之南英陷文薦奔杭隆武立入福州伏闕口畫立國規謀戰守形勢廷臣環拱而聽授兵科給事中日繕疏條奏中外機宜剴切指陳執政左右多側目丙戌春奉使出承天道由贛州時萬元吉督師贛州其鄉薦舉主也聞文薦至喜甚題授兵部右侍郎兼都察院副都御史巡撫贛南引與協守文薦日夜登陴裹甲而臥以忠義激厲將士十月四日夜半城陷率狼兵數百人巷戰黎明左右勸文薦從西門突出文薦曰城之與亡去將安之揮令散去自投於園池為騎卒所挽得肘後印驚曰是巡撫楊公也執至南昌提督親解其縛曰公宜識時務毋徒自苦文薦曰吾奉君命守贛城亡罪也懸吾頭贛西門以謝贛州人吾志畢矣絕粒數日不死守者以酒糴進揮去之日狂呼以頭觸地柱或自投於床嘔血日數升問慷慨悲吟以所嘔血書壁形枯骨立鬚眉脫落明年元旦強起下榻南向哭拜畢就榻正衾禩而卒文薦事親孝癸酉鄉試聞父病馳歸母疾薦割股以進鄉黨稱之其志蓋有本云著有聽湘集

符湖中字時而新喻人崇禎丁丑進士歷官廣東學使丙戌

大興傅氏長恩閣鈔本



之粵過巔留佐楊萬軍共城守將陷萬曰公客官也何不去  
湖中曰初謂少濟國難非以卑一官出也事不濟即當死國  
何去為城亡與其兄監紀述中同赴水死

黎遂球字美周番禺人天啟丁卯舉人善古文詞嘗過揚州  
進士鄭元勳方集四方詞客賦其影園黃牡丹詩做河社故  
事使虞山錢謙益第其高下遂球後至立成十首遂擅場由  
是東南文士皆稱之與江西萬時華徐世溥交善時華病居  
揚州遂球千里省視既卒為經紀後事而去保舉法行侍郎  
陳子壯舉遂球以母老不行闕賊陷京師遂球上書巡按御  
史言當練師復仇勤王及聞福王立遂球悉以家財治鐵礮  
三百送南都南及贛而南京破遂于江西總兵胡長蔭閩中  
立國上中興事宜凡數千言大學士何吾騶薦授兵部職方  
司主事令以兩廣水師援贛州遂與吏部主事龔茶招海盜  
羅明受得三千人抵南安大會戰艦遂球茶先從陸入贛州  
約諸帥水陸夾擊元吉大喜由是令城外頓兵以待水師將  
近

大兵截之半道明受為火攻所敗遁去各營震潰方水師之  
見攻也中書舍人康范生來從諤方巡城見二十里外烈火  
星布趨謁督師請發滇兵往援龔茶以為過計元吉亦笑不  
應詰明而欺報聞自是圍巔益急遂球從廷麟元吉晝夜登  
陴目不交睫者數十日城破猶率兵巷戰城中天墜馬被  
執獲其衣見所被殺印眾刃交下與其弟遂琪同死粵中贈

大興傅氏長恩閣鈔本

遂球兵部尚書諡忠愍

龔茶字建木南昌人八世科甲為江西大族茶未冠與萬元  
吉同舉於鄉年少相善也元吉既第茶七上公車癸未成進  
士性孝友沈毅謁選南都元吉以太僕寺少卿監江北軍馬  
阮亂政元吉憤恨嘗執手誓之呼稱髻奴茶曰公若是是激  
而固其交也以愚揣之士英庸鄙易與耳而大鉞包藏禍心  
且銳執政士英方引手焉審爾愈難制矣莫若離其交而阻  
其謀庶有濟因乘間語士英所親曰相君何愛司馬之深也  
夫司馬恃人也引之綸麻虎而附之翼馬勢必噬人且兩雄  
不並立彼既得入能為相君下乎勢且傾相君以自專而相  
君又安得獨擅權乎夫相君於東林諸君子素無瑕隙何為  
盡力代之驅除而震怒於身也所親以告士英果心動及大  
鉞欲以要典起大獄盡誅宿所憾者士英持不可由是謀漸  
沮而大鉞之焰少戢茶之謀也乙酉春授廣州推官慨然語  
其子孟明曰國事已不支我王身也誼不顧汝矣汝勉之甫  
抵粵而南都陷閩中推吏部主事未出境

大兵逼贛州與黎遂球招水師赴援先馳入城住守未幾水  
師賊元吉謂曰君無城守責徒死無益蓋出為後圖茶曰臨  
難而避曰何以事君城將陷元吉復語之茶遽曰行矣與二  
僕出城敵騎充斥江岸有小舟茶急登舟僕放棹入江心遂  
躍入水俄而將士擁元吉至見僕曰主安在僕哭曰死於水  
矣元吉語將士曰龔公非其任且先死我復何之亦赴水

大興傅氏長恩閣鈔本



姚奇胤字有僕錢塘人與茶同年進士知南海縣海多盜奇胤摘發如神盜遂絕迹闕中授兵部主事未幾改監察御史監贛州軍分守北門城破向闕再拜出機繫命僕助緝僕泣不從奇胤曰此猶良死何不盡力臨絕但云得死草草僕排牆覆之而去

吳世安字求圖汀州歸化人揚廷麟所薦士也始南都陷廷麟起兵龍江復吉安義聲大振隆武詔詣行朝世安久以文章風節慕廷麟入贛謁軍門廷麟故好士遽接之世安慷慨陳說廷麟歎曰變故以來功名之士還官詞顧盼凌厲以示可用君獨不然吾所求於天下者惟神志堅定萬馬疾馳中能駐足者耳既而敕止廷麟入直令專辦江楚事因疏薦世

安隆武命授監紀推官是時

大兵攻贛急世安拜命襁被行或尼之曰古人見險則止危邦可入乎世安曰士死知己耳既見廷麟鼓掌曰吾固知君不我負也向者吾見君之心矣乃乘城分守悉力巡督目不交睫者累日間出奇襲戰多捷無何闕亡遠近援絕世安扶病登陣身當礮衝彈貫左臂顧左右曰為我謝楊公世安死無以報天子遂卒同事黨瘞之是日贛州破陳烈字起南樂安人嘗以事繫獄撫理錢啟忠愛其材武釋之累陞南贛參將城守甚力其弟在

大清營人疑焉比陷見執其弟來勸降叱之去謂贛人被掠者曰今日方知我之無二心也罵不絕口而死

大興傅氏長恩閣鈔本

劉天駟字季駟新建武進士歷官都督贛陷與總兵汪起龍俱執至南昌宋奎光置酒勸之降不聽皆遇害其一時同死者有監軍御史陳蓋編修萬發祥主事周瑚于斯魯王其克柳昂曹曹嗣宗林琦中書舍人來從諤劉孟鈞同知王明汲推官吳國球通判胡統郭圖登知縣林達春諸人行事皆失考遂屠城

附紀贛縣死節諸人

盧觀象字子占贛川人性岸異然見勝己者未嘗不下氣事之輕財結客好施與親族待以舉火者嘗七八十人以貢生謁選得河間管河通判改判天津衛屯田張慎言知其才題授河南清軍屯田同知疏曰自興屯以來論者謂濱海亦漚

水旱不時勞不補費然觀象業有算早夜拮据及秋納稼獲稻穀三千有奇秣粟二千四百有奇凡耕熟水田六百五十畝旱田一千一百五十畝基造官房廬舍社教壇廟百有餘址他如築園濬洫開河修堤水車肩斗之製皆有法且津門而南數萬頃固不論如河間之龍化橋任邱之堤北交河之高州獻縣之淮鎮青苑之滹泥靜海河興之王家口子牙河皆可利用津門之法將三輔汴萊沮洳之場盡為崇墉櫛比之區是轉漕江南十鐘僅一石幾輔一石可當一鐘矣其後魏忠賢用事屯政中廢改觀象左軍都督府經歷觀象遂致仕去崇禎初袁崇煥奉命經略九邊過贛觀象與之談兵崇煥自以不及故延之幕府不答十六年秋張獻忠破袁州吉安

大興傅氏長恩閣鈔本



傳偽撤至贛郡人危懼觀象時老矣倡議斬其使率兵拒守賊遂却宏光初上書政府謂國家根本在江東而扼要尤在淮濟徵兵遣戍經年不集蓋若急募淮津一帶鹽徒可得數萬其人勇毅敢鬪訓之以方用其人以守其地則聚而難散且出入泊汭間示以不測我兵又得所恃江東可長保也士英不省其後

大兵濟河渡江所至莫不可當者以淮濟無防也丙戌贛圍急觀象語其老友周世光曰幼學書劍欲有所用於世而資格限人迄無成立今老矣坐見危殆已矣一死報國耳吾園西止水其所也君蓋來與偕城陷具衣冠北面拜率家人四十餘口至池上一子名元先赴水妻妾婢婦繼之少選世光

南疆逸史卷十九

三

揭幼孫至觀象曰相遲久矣相與揖握手而沈年七十四世光字九照贛縣選貢以州判致仕年九十餘矣死二日有騎過其前見積屍百餘有二老俱懷官詔收殮之猶握手不釋云

劉曰佺字勿仙贛縣舉人父思誨大理寺卿曰佺幼以孝友稱長益篤學行頗四子於揭曰上帝臨汝夜必焚香以日之所行告天楊維節歎嘗曰見勿仙使道德之意愈生城陷先驅妻子入水然後自沈

錢謙亨字篤生新喻舉人從守贛命其子崑與諸生蕭瑛蕭珮募兵於筠俱為高安羅某所殺謙亨聞之大笑曰兒不負我也贛陷赴水死有庠生吳時珍者字席之城破人爭門出

大興傅氏長恩閣鈔本

時珍顧母極在堂獨縋經而守因死於兵其孝可哀也得附書

逸史曰昔常開平之取贛州也頓兵三月高皇帝詔諭城下之日不得血刃故以開平之暴市不易肆贛民沐聖祖生全之恩深矣三百年後而士民固守孤城殲百萬生靈以報之豈不宜哉嗚呼北都之亡也以宗社所憑官司所集虎旅所屯而賊至三日開門迎附南都則揚州初破一騎未渡長江天塹棄而不守閩中則撤仙霞之險導

南疆逸史卷十九

三

大兵以長驅使皆如贛州則北都可以待勤王之至南都閩中可以俟援師之集即未能迅掃底定而中原尚在江左依然閩亦得支撐一隅也何至國統三絕成土崩之禍哉嗚呼國亡矣君逆矣諸君子豈有後福可冀而竭蹶困匱之中轉側兵力之際欲反魯陽之日障既潰之隄卒之一城未拔而粵中乃得以擁戴延明祚者十五年則諸君之志豈不與天地爭烈哉明亡之後城守難破者郡則南昌贛州縣則山陰涇縣衛則舟山皆因食竭力盡而後陷所挫敵之銳師亦數萬苟非天命孰謂中國之武弱哉

南疆逸史卷十九

大興傅氏長恩閣鈔本



南疆逸史卷二十

烏程溫睿臨撰

列傳第十六

嗚呼懷宗在位十七年而內閣輔臣至五十人其進退可謂輕矣以故賢奸雜糅忠佞不一國變之後在朝在野存者十有九人而陳魏方邱為賊所擄死謝李入仕

本朝卓然殉國者范公殉於北傅蔣二公殉於南三人而已其餘或起仕南朝或老死於家范公贈爵錫諡賁及兩朝大節昭著而傅蔣之死節人無迷之者以其在閩也嗚呼可哀也矣今特著於篇而以死閩粵者附紀焉

傅冠

王應熊

王錫衮

蔣德璟

黃景坊

何吾騶

黃士俊附

方逢年

傅冠字元甫號寄庵江西進賢人祖炯南京刑部尚書冠舉天啟二年壬戌進士第二人授翰林院編修崇禎十年拜禮部尚書兼東閣大學士踰年而罷家素隆貴性豪侈第宅宏麗田園極膏腴後房姬妾數十每遊諸姬院作長夜飲日旣始出肅容南都既亡

大兵下江西副將王體忠破進賢悉掠其資財婦女毀家廟發祖墓冠乃與艾南英起兵力不支聞隆武帝立於閩因入關帝遣使勞問詔以原官督師兼勦撫事宜賜上方劍出江

大興傅氏長恩閣鈔本

丙戌四月至邵武前軍潰冠逗留不進上章待罪會廷臣亦有言乃許致仕避地泰園門人江亨龍之村舍

大兵下泰園亨龍懼禍縛以獻大帥李成棟親解其縛延之坐勸令翦髮冠笑曰自古豈有髡頭宰相乎成棟曰公髮種種矣與髡何異不如從令冠厲聲曰文文山我鄉先正我師也頭可斷不可髡及至汀州見害十一月二十一日也函首獄中夜吐光如白晝獄吏大驚具牲祭之囚因祈卜焉己丑三月其子乃乞歸與身合葬或言公就執時頓足數曰負國厚恩永慚泉下是夜風雨足所頓處崩陷十餘丈其赴義者血漬土中久而猶鮮汀州李世熊紀其事

逸史曰冠在政府一年碌碌無所表見閩中督師寸功不立及其慷慨赴義而光怪靈異如此於是知忠孝節烈之事足以動鬼神也夫同一死者或以義死或以辱死或以誅死千載下薰猶迴異焉為大臣者不可不知所自擇哉

王應熊字非熊號春石四川巴縣人萬曆癸丑進士入翰林累官禮部尚書崇禎六年十月與何吾騶同入閣應熊博學多才熟於典故其進也或言由貴戚田宏遇傳中旨不及枚卜由是廷臣交攻之帝屢罪言者其後以預洩詔旨而罷張獻忠入蜀應熊起兵自保宏光立因改兵部尚書總督川湖雲貴軍務專辦蜀寇賜上方劍便宜行事劾巡撫馬乾淫掠不法有詔違問然是時寇盜充斥使命不通乾行事如故丙戌二月隆武進加少保賜敕曰朕以臣民擁戴總統危微倚

大興傅氏長恩閣鈔本



卿元老如身有臂祖宗疆宇未復即朕躬之有罪亦耆輔之深羞况卿總戎桑梓為謀必慎文武舉用一以委卿應熊疏謝因陳西南形勢復賜手教曰嘉卿碩畫仕望中興朕切兵行糧從之等卿亦預申師老財匱之戒及揚展等起兵復復川南郡縣應熊上疏報功帝親手詔褒美之時應熊與巡按瞿昶駐兵遵義丁亥正月孫可望由重慶襲破遵義應熊遁入畢節衛十二月卒或云自盡是時可望已據雲南矣

沙定洲之亂滇也督師大學士王錫衮為所困錫衮疏昆華祿豐人也以尚書家居隆武加大學士命之督師調滇黔兵入衛錫衮出家財召募義勇行有日矣定洲亂黔國公奔錫衮亦西走為追兵所執定洲館之貢院以禮待之欲與共滅沐氏錫衮怒罵不從定洲以其人望也不敢殺錫衮留之粵中立國召入輔政命不可違及可望兵至定洲賊將歸山峒遣將杜其飛劫錫衮同行錫衮復罵曰我國之大臣豈從賊往耶遂遇害先一日其同年債賊將棄城遣人語之曰賊將行恐不利於公幸潛避之錫衮曰去一狼進一虎沙與閩均死也何避為其時雲南巡撫吳兆元聞可望入城自縊未絕可望令人救之遷於中衛檢遺篋數其清節亦不殺其後滇之紳士無不受可望偽命者錫衮可謂得其死矣

大興傅氏長恩閣鈔本

九邊十二鎮山川險要纖悉在口廷臣共推之壬午六月枚

卜同以禮部尚書入閣與吳牲並命德璟持正不阿多所匡救時欲行鈔法將取桑穰四十萬於浙西諸郡德璟力言不可又進御覽備邊冊深陳練餉之害帝漸悟欲用其言而德璟去國甲申三月與景昉同賜錫幣乘傳歸出國門十日而國亡在閣諸臣或死或辱論者以二臣之去為幸宏光立召德璟輔政疏辭又言先帝英武勤儉綜核萬機收集羣策禮賢愛民耿耿不違蓋千古勵精之主所不及而一旦膺此異變茫茫蒼天真不可問所望雪恥除凶惟聖明中興是藉昔晉宋之南也河淮以北已為敵疆故偏安一隅今河淮故吾土也頃聞賊已敗奔一二逃將假名行劫中原士民翹首王師有如時雨但使中外合力文武同心陛下命將出師迅掃寇氛歸於一統則老臣雖死亦有以藉手報先帝矣隆武建號福州德璟景昉同起入直明年八月帝蒙難德璟絕粒而卒景昉歸家至壬寅七月卒景昉所著有歐安館詩三十卷湘隱堂集二十四卷國史唯疑十二卷

大興傅氏長恩閣鈔本



生益吾駒降明年禮部尚書陳子壯起兵而敗修養甲礮之命吾駒率諸降臣觀焉戊子成棟內附吾駒亦來歸永曆三年春正月大學士朱天麟罷命吾駒與黃世俊同入輔政吾駒三朝元老不能以死報國乍叛乍臣廷臣咸鄙之給事中金堡丁時魁等劾其老不知止顏甲于重吾駒意都御史袁彭年所使亦使其黨參彭年章日數十上閣臣票疑稱有左右輒亦入白簡閣中至數日無人止使文安侯馬吉翔解之不聽太后乃垂簾召吾駒及堡諭曰邊事方殷先生不天公協和乃同朝水火耶吾駒前引罪歸而杜門至十月竟去士俊字亮垣號玉崙順德人萬曆丁未狀元也崇禎丙子以尚書入閣累加少傅兼太子太保丁丑十二月子告其歸也父

南疆遺史卷二十

五

母俱耆年在堂封如其官錦衣衛養里人以為榮丙戌隆武召之未行而闖亡及永曆朝年老日昏每召對默然不能決一事數為臺省論列庚寅帝西幸至德慶士俊辭歸當吾駒之與震孟同罷也黨人造一箭落雙鴨之語以譏切首輔今觀吾駒之末路亦可以得其人矣嗚呼好惡憑臆是非失實至廟堂之上不能進退一人用舍一事此明之所以亡也而後之弄筆者猶曉曉不止豈非皆逢臆之夫乎  
方逢年字書田號師壘浙江遂安人天啟壬戌進士入翰林丁丑六月進禮部尚書東閣大學士甫五月而罷宏光立奉表賀馬士英擬旨曰先帝勵精圖治十有七年諸臣誤國遠樓大難苦詰問者然蓋阻其復用也南和伯方一元以同姓

大興傅氏長恩閣鈔本

薦之不報己酉六月魯王監國遣司禮監陳進忠行人顧朱三召之乃應命監國始稱洪武己酉年逢年入直改稱魯監國元年時朝議草創張國維總樞務逢年兼攝五部事因薦余煌陳函輝陳潛夫等於是左班始備方國安與朱大典爭餉至構兵逢年遣子成邦往解之隆武立於閩中改置浙東官吏逢年遣書黃道周曰監國首建義旅於越一隅奪自敵手均屬高皇帝子孫成功者王宜先大義而後私圖若江東不守仙霞嶺宜一丸可封武隆武乃召還官吏遣侍郎陸清源齎銀十萬助軍詔稱皇姪監國魯王授逢年行在大學士丙戌逢年擢師江上因祭陣亡將士哀動三軍馬士英在方國安軍謀入朝諸臣共詆拒乃噤人勅逢年與閩輔黃道周

南疆遺史卷二十一

六

明比將構兩國逢年五疏乞休不許六月紹興失守王航海逢年危從不及走台州將問道歸閩蠟書上隆武言  
王師且入閩宜早為備及貝勒招之與士英國安俱出降從入閩延平破搜得其疏同斬於水口逢年素無才能其未降也以為閩未必即亡故通閩以為再入計不虞其猝發也生平行誼與士英本無異趣乃卒以詐降與之並戮論者醜之逸史曰君子不以必死責人以為死固難事也然有識之士視死易立功難故召忽先管死仲以生之必不如管仲能霸也公孫忤白先程嬰死以生之必不如程嬰能立孤也古之人先自度其材擇其可立名者而從事焉故未嘗自露其短而名永存後世不量力而妄貪富貴致身敗名裂而不恤如

大興傅氏長恩閣鈔本



吾駟諸人其在平時未有失德也遺懼大故一死殉國豈不與信國同烈哉乃出事行朝一無建立隱忍偷活為世指笑不知美名厚實二者難兼德不稱位物來敗之後之君子可不鑒於斯哉

南疆逸史卷二十

大興傅氏長恩閣鈔本

南疆逸史卷二十一

烏程溫睿臨撰

列傳第十七

瞿式耜

張同敞

何騰蛟

堵胤錫

瞿式耜字起田號稼軒常熟人文懿公景溫孫也登萬曆丙辰進士為永豐令擢授給事中坐其師錢謙益事下詔獄事解家居久之南渡起應天府丞十二月擢右僉都御史巡撫廣西江南既破唐王立於閩廣西為靖江王亨嘉封國舉兵爭立遣使來召式耜式耜拒不往乃劫之去幽於邸第式耜密約總督丁魁楚檄恩參將陳邦傳邀於蒼梧敗之亨嘉奔回桂林其大帥楊國威部將焦璉素有忠義式耜陰與之合及魁楚等圍城璉以下與諸將盟登城破之遂執靖江王閩封魁楚平粵伯邦傳恩恩伯式耜晉秩兵部右侍郎召理戎政未至而閩敗丙戌八月也時何騰蛟在湖南兩粵未被兵眾議立君或以昭穆之序宜在桂乃與魁楚等奉恭王之子永明王監國肇慶進式耜吏部右侍郎東閣大學士掌部事王坤為司禮監竊國柄舊臣呂大器李永茂方以智等咸以事引去式耜每事駁正不少岳馬蘇觀生立唐王聿錡於廣州式耜乃奉王即帝位遣兵禦觀生兵敗式耜視師峽口十二月

大兵破廣州坤挾王西走丁亥正月朔至梧州魁楚辭赴峽

大興傅氏長恩閣鈔本



漢縣守險從官散失隨行惟式報一人二月至桂林時肇慶梧州皆破  
 大兵先驅過平樂坤請召武岡鎮劉承清入援因入楚式報泣曰東藩已失所存惟桂林一隅若復委而去之武岡雖金城湯池何能長久臣本起此以舉事願與此地俱存亡乃以式報為吏兵兩部尚書總督軍務留守廣西封焦璉富川伯鎮桂林加陳邦傳為侯守昭平上竟赴武岡焦璉自全州回未三日而  
 大清兵亦至衝入文昌門參將王天爵謀內應城中大恐式報立中衛召璉拒戰連殺數百騎勢始定式報乃誅天爵督璉且戰且守自三月至五月曉夜立矢石中善拊循士卒與同甘苦故人無變志承清援兵在城索餉而譁式報括庫藏不足夫人邵氏捐簪珥佐之既而與璉兵不和竟謀而去城幾破者數矣會陳邦彥等攻廣州  
 大兵東回焦璉復進陽朔及平樂府陳邦傳亦由潯復梧州廣西再定式報之力也捷聞進少師太子太師封臨桂伯疏辭不許秋八月武岡破上回次彬州長沙衡州並失何騰蛟等俱至桂林郝永忠盧鼎諸鎮兵雲集式報籌畫糧糈日不暇給十一月上自象州回桂林式報與新輔嚴起恆並典機務而馬吉翔以錦衣指揮與馬何騰蛟仍督師出全州戊子二月郝永忠之眾潰於靈川入桂林上倉卒欲西幸式報泣諫曰敵騎在二百里外何事張皇今挫還無圖日國勢愈弱

大興傅氏長恩閣鈔本

兵氣愈難振民心皇皇復何所依且勢果急甲士正山立咫尺天威勸激將士背城借一勝敗未可知者以走為策我能走敵獨不能躡其後耶上厲聲曰卿不過欲朕死社稷耳式報泣下沾衣駕甫出永忠放兵大掠煙火漲天城內外如洗騰蛟方擣兵永圖聞變馳回潰兵已飽掠避去  
 清兵聞之乘虛進逼桂林式報為亂兵傷足卧騰蛟至持之痛哭招集散亡焦璉胡一清趙印選等兵數十人復入城守禦戰於城下又戰於甘塘坡巖關俱大捷  
 清兵回楚是役也桂林危同累卵非式報忍死鎮定嶺西如破竹矣事既定式報遣使慰問三宮起居上始知式報無恙為之泣下賜精忠貫日金章並銀幣以旌其功焦璉等皆晉爵五月李成棟以廣東內附來迎上式報請留桂林不得八月由南圖至肇慶自成棟之反正也天下欣然有中興之望功名之士自技來歸聞輻輳然大臣材智卑下經理無術外倚成棟為長城建牙委篆動不必咨之內則向顏色於元盾聽可否於彭年等事不出此數人雖建必毀成棟與陳邦傳新舊爭寵文臣亦互相左右水火日深式報以擁戴舊臣每事持正東西皆藉以為重四方人士爭歸桂林焉未幾成棟死騰蛟被執勢益不支騰蛟部趙印選胡一清等無所歸率兵詣桂林式報大喜奏封為侯伯留守桂林遣璉屯陽朔璉大息曰瞿公驕容兵輕腹心吾不知死所矣庚寅正月南雄破上復西走陳邦傳擁兵東下金堡等被杖於梧州式

大興傅氏長恩閣鈔本



報疏救不聽十一月五日

清定南王孔有德入巖關諸鎮兵皆潰桂林空無一兵式報出令招撫不復聽衣冠坐署中總督張同敞亦至曰事已迫矣公將奈何式報曰封疆之臣知有封疆矣同敞曰然君恩師義同敞當共之遂笑留與式報飲家將抱馬至泣請出危城號召諸鎮圖恢復式報揮去不聽厥明被執見孔有德式報以死自誓不復一言同敞大罵左右白梃擊之左臂折扶出同幽於別所軍中壯其節間遣以酒食同敞慷慨縱飲為詩歌題墻壁俱滿式報間一和之閏十一月十七日遇害式報生平愛佳石行至獨秀山中見一石命行刑者曰吾死於此從之前給事中金堡已為僧矣上書孔有德請收葬而吳

南疆逸史卷二

四

江人楊藝已先請其屍負之出為具衣冠棺殮瘞之於城北門外事聞贈式報粵國公諡文忠贈同敞江陵伯諡文烈張同敞號別山江陵人故相居正曾孫也居正死其世蔭皆削奪崇禎間治尚綜核頗思居正之所以為治者同敞上疏訟冤復其中書舍人壬午奉使存問楚之諸藩未復命而國亂從隆武於閩襲錦衣衛視師湖南依總督何騰蛟備撫章曠同敞有文武材下筆數千言立就受知於大學士瞿式報執贄稱弟子意氣慷慨知兵有膽略帝駐武岡考選翰林同敞以文章改侍讀劉承胤跋扈同敞與御史毛壽登累疏劾之既而承胤以武岡降人服同敞之知人上入粵西同敞以總督兵部侍郎監胡一清軍於全州每悍將不用命輒忿然

大興傅氏長恩閣鈔本

曰死當立廟於此庶吉士錢秉鑑嘗過湘江同敞與之遊龍

隱洞洞大如百間屋東壁有黨人碑開數百年矣同敞聞之與秉鑑日痛飲其中指所作詩文語錢曰余無子此乃余子也誰為余留之因泣下曰天下事無可為矣往時督戰兵敗余不去則將士復回往往取勝昨者敗兵踏我而走矣士心如如何能復振余惟一死自誓矣庚寅

大兵破全州一清師還至榕江同敞亦遂來桂林時上已遊於南

清兵入桂林同敞自靈川回過其家不入中道問曰瞿公安

在曰尚在城同敞曰安可使留守獨徇社稷遂趨回式報署式報曰子無城守責可以無死同敞曰君恩師義同敞當共

南疆逸史卷二

五

之次日被執孔有德命之跪同敞罵曰汝非我毛姻家僕耶有德大怒厲聲曰余乃大聖人之後也同敞曰汝辱侮先聖罪當萬死有德氣咽直前批其頰去特殺之式報曰張司馬國之大臣死則同我不可加以無禮有德乃止與式報改館於別所使吳人按察使王三元蒼梧道彭曠勸之曰國家興亡何代無之兩公何必僅守拘儒之節不然者且為僧式報曰僧者降臣之別名耳同敞則不答臨刑取白帟於懷中服之曰我為先帝服也與式報同死暴雨震電頭既墜而躍者三人為辟易云妻許氏聞難亦自縊死

何騰蛟字雲從其先山陰人成貴州黎平衛所居有神魚井無魚也騰蛟生魚忽滿井五色巨鱗大者盈尺居人異之天

大興傅氏長恩閣鈔本



啟辛酉舉於鄉知南陽縣流寇至輒破走之後從巡撫陳必謙擊賊於安皋斬首四百級由是知名累遷淮徐兵備道平土賊有功起拜右僉都御史巡撫湖廣時新經獻賊之亂湖北地盡失南侯左良玉據武昌兵眾而無紀遠近畏之騰蛟慷慨赴任日盡瘁於邊事良玉亦服其威望與之交歡南渡進總督騰蛟晚星象初入楚語人曰賊已入晉燕分前星易位帝星照南兩月而言驗八月疏言紫微垣若隱若見帝星微弱主天子憂疑臣工不和願陛下祇肅臣僚共回天意明年三月果有左兵之變良王之將內犯也慮騰蛟襲其後又以其望重若藉以號令四方騰蛟不聽乃大掠城中以劫之將吏倉皇入保督署騰蛟以印授家人令速去坐堂上亂兵入飛矢集几案不為動良玉使人請曰某行矣願一見公而別騰蛟赴之既登舟舟遂發使四裨將守之次漢陽門騰蛟罵曰吾封疆大臣豈從賊耶因從於江守者懼誅亦赴水死騰蛟浮數十里遇漁者救之得甦將吏及故士卒聞騰蛟在稍稍集家人亦持印至遂入大冶通山之間左兵東下甫浹旬闖賊十萬眾自陝濱入楚掠漢陽武昌而東啣左兵之尾

大興傅氏長恩閣鈔本

已覆  
大兵方略武漢諸城邑楚人相傳騰蛟入水浮沈三晝夜不死有大靈負之登陸皆以為神爭相向從矣先是良玉據楚事騰蛟不能制乃請以知州章曠為監軍道傳上瑞為長沙道與督學道堵胤錫各練兵一萬至是皆以兵來會未幾舊鎮馬進忠張先壁盧鼎等亦次第來歸軍聲稍振七月唐王立於閩晉騰蛟尚書兼東閣大學士封定興侯督師並以章曠堵胤錫為湖南北巡撫李自成之死也其部下劉體仁郝永忠等以眾無主欲歸騰蛟擁眾四五萬人入湘陰距長沙僅百里城中懼上瑞請騰蛟出避騰蛟曰死於左死於賊一也何避為時長沙知府周二南請往偵之以千人往賊謂其迎敵也賊殺二南殲其從卒城中益懼士女奔亡乃遣奇將萬大鵬單騎往賊迎入營飲之酒飲畢大言曰督師以湘陰稱小不足以容大軍請移屯長沙何如乃致騰蛟手牘且曰公等皆大丈夫去逆效順反掌間耳督師推心置腹公等誠能歸朝誓永保富貴諸人大喜惟壇而盟乃率五百人來長沙而騰蛟聞轅門召見人人撫慰推牛饗宴命至演武場觀軍容先壁以兵三萬列侍旌旗蔽天戈甲耀日萬馬奔馳寂無人聲永忠等踴躍聽命乃同其黨袁宗第蘭養王進才牛有勇各以其眾來歸騰蛟驟增師十餘萬威名大振而堵胤錫亦降李錦高一功等十八營於松滋之草坪眾三十萬號忠貞營當是時降者既眾騰蛟欲以舊軍參之乃奏授朝宣

大興傅氏長恩閣鈔本



先壁為總兵與劉承胤李赤心郝永忠袁宗第王進才及董英馬進忠馬士秀曹志建王允成盧鼎並開鎮湖南北謂之十三鎮然諸鎮本起盜賊或隸左籍皆驕蹇自恣而朝宣永忠尤貪殘所至劫掠殺戮無虛日騰蛟驟節制之有所號令多不能從騰蛟亦無如何也明年丙戌騰蛟與

大兵戰於岳州城下又戰於藤溪戰於湘陰皆大捷乃請加承胤復剿左將軍先壁恢剿右將軍餘陞授有差江楚間民兵皆結砦固守以應方謀大發兵復武昌岳州及江西之袁州吉州會闕破贛州亦不守人心搖動兵不果出十月永明王立於肇慶改元永曆加騰蛟太子太保丁亥正月

大兵破廣東上自肇慶幸桂林騰蛟與武岡鎮劉承胤俱以兵赴難承胤遂挾上走武岡騰蛟朝於行在帝慰勞有加承胤忌之請留輔政實欲以解兵柄諸鎮皆怒張先壁引兵趨武岡請誅承胤承胤懼何騰蛟諭解之先壁掠寶慶而去承胤復喜仍以騰蛟督師出衡州而衡州之師已潰惟郝永忠

王進才以兵至餘皆降初騰蛟建十三鎮以衛長沙至是無一足恃時人恨之五月騰蛟自衡州還永州巡撫章曠卒於東安

大兵攻寶慶破之承胤屢戰敗遂降上奔古泥  
大兵還攻永州郝永忠等走騰蛟獨以胡一清兵力戰城下十餘日一清曰吾外援已絕內儲復匱死空城無益遂擁騰蛟突圍出北至全州郝永忠亦集湖南潰兵數萬人入桂林

城中大沸騰蛟馳入與留守瞿式耜分布諸將自桂林城中之北盡全州興安靈川駐永忠兵城東永曆義一清及趙印選兵其他鎮兵自將留桂林十一月上自象州復回桂林戊子二月

大兵破全州至興安郝永忠兵大潰掠桂林而南上奔南騰蛟方按師承胤聞報急引胡趙之兵還保桂林會金聲桓反

大兵俱還駐武昌騰蛟招集潰散得二萬人將出楚巡撫堵胤錫與馬進忠亦攻下常德報至騰蛟即出巖關身先士卒大戰日月橋遂復全州進攻東安克之於是舊鎮將次第自山中以師來會圍永州三閱月克之乘勝克衡州進攻長沙

十一月堵胤錫以忠貞營兵自常德趨湘潭騰蛟相見喜甚時大鎮集湘潭者數十家最後馬進忠亦至與忠貞營有舊隙會江西被圍趨赴援騰蛟乃與胤錫議自督進忠及諸鎮兵圍長沙胤錫率忠貞營兵據江西忠貞營請破長沙而後行己丑正月烏金王師將至湘潭進忠及諸將皆走避忠貞營見之亦走騰蛟曉起營壁皆空乃大哭曰五年督師心血嘔盡而所成竟如是天也遂緋衣而坐堂上去執見烏金王勸之降對曰王何患無降官降將我果以我為血性男子何惜一劍遂不食七日且死謂寺僧曰取一粟河水飲我是水自衡來猶吾君之水也游腸胃而死瞑目矣遂見害於大步橋下棄尸橋側經月不腐水暴漲不流積沙隆然起成墳

大興傅氏長恩閣鈔本

大興傅氏長恩閣鈔本



中生一樹交枝甚繁霜雪不凋長沙父老至今見者為垂涕  
云事聞贈中湘王諡忠烈子文瑞奪情以食都御史監胡一  
清軍病卒自騰蛟卒而其家之神魚井亦空無魚焉黎平破  
舉族見屠

堵盾錫字仲緘號牧游宜興人父堵翁無子禱於茄山神夢  
神告曰余昇而子而自擇之使導至一室指冠進賢列坐者  
示之翁不欲又指儒衣中列坐者示之亦不欲旁窺小室見  
一牧牛兒卧乃請曰願得此為子神曰此非而子也果欲是  
且減而算已而生盾錫因字之曰牧子少孤育於外氏及長  
恢廓有大志聞流寇蔓延愈慷慨思自奮於功名性嗜酒范  
金為大斗銘曰天若滅賊除非堵截又嘗上書太守自薦選

尚書通文卷二十一

才其豪宕如此崇禎丁丑成進士除南京戶部主事進郎中  
出為長沙知府山賊蕭湘宇等竊發擾安仁圍鄉數敗官兵  
勢甚熾盾錫率鄉勇破斬之又破醴陵燕子窩賊斬其渠魁  
於是中外稱知兵宏光立陞武昌兵巡副使改本省督學會  
左闕文註總督何騰蛟走長沙分湖南北為汛以盾錫攝撫  
湖北隆武因陞右副都御史實授巡撫李自成既死其養子  
李錦等十八部屯澧州界疏三十萬遠近大震盾錫欲撫之  
偵知錦母高氏有智術軍中皆取決而高氏弟一功所部二  
萬人為諸軍最乃身赴其軍錦一功以鐵騎數千乘迎入營  
稱詔賜高氏命服並賜錦一功蟒玉及金銀器犒其軍皆踴  
躍拜謝軍中置酒盾錫引危教以臣忠子孝大義侃侃數千

大興傅氏長恩閣鈔本

言眾皆感動明日高氏出拜謂其子錦曰堵公天人也汝不  
可負於是別部田見秀劉汝魁賀藍李來亨等來謁皆披撫  
事聞隆武帝大喜封高氏英淑夫人李錦左軍侯賜名赤心  
高一功右軍侯賜名必正其他部爵皆通侯號忠貞營加盾  
錫總督侍郎賜劍並鳳紐銀印以寵之丙戌二月李高等率  
兵攻荊州凡旬有二日城且陷會大霧赤心等募食帳中忽  
殺兵數萬至飛天如雨軍大潰盾錫急召楊國棟張先翠等  
分駐澧州及泗子河防禦其冬永明王立於粵晉兵部尚書  
明年三月上至武岡加東閣大學士封光化伯辭不受五月  
大兵下湖南武岡破馬進忠王進才等俱走盾錫亦入永定  
衛及永保諸土司中戊子春江西金聲桓來附

尚書通文卷二十一

大兵自湖南回駐武昌盾錫傳檄諸鎮俱出湖南四月馬進  
忠復常德王進忠復桃源澧州石門忠貞營亦克荊州宜城  
使來告捷諸潰兵皆會五月進忠戰於牛皮灘又戰於麻河  
俱勝之詔晉封進忠等為公侯因並加封李赤心亦為公李  
赤心自夷陵渡江分道趨武陵馬進忠惡之必正率精騎數  
百突入常德進忠伴設酒高會陰使人具舟渡老營東去日  
晡進忠擁騎數千披甲注矢焚城廬舍及沿江船必正輩亦  
怒請北還盾錫恐有他變以好語撫之進忠略益陽縣而東  
其忠貞營駐常德歲饑乏食謀進取長沙乃以監軍御史毛  
壽登總兵楊國棟守常德盾錫自率標兵二萬人及忠貞營  
東攻長沙不能克遂至湘潭與何騰蛟會未幾馬進忠亦至

大興傅氏長恩閣鈔本



以前隙不和騰蛟乃議留進忠兵攻長沙屠錫率赤心等援江西已丑正月

大兵至湘潭進忠等皆走騰蛟死之屠錫來至攸縣南昌已破乃分遣堵正明尹其職將五千入守永興陸士毅守安仁龔龍守攸縣自率萬人及胡一清之師守衡州三月戰於草橋兵敗走來陽將趙永興而永興安仁攸縣三鎮兵俱先潰正明士毅等及待詔潘哲中書舍人邵履正等皆死之屠錫聞報走柳州中途遇敵幾危者數矣當午忽大霧夜行有螢火數萬隨照之以故得晝夜兼行達桂陽復為楚鎮曹志建所用志建鄂人封保昌伯有衆數萬屯三湘之南界地險而僻得免蹂躪忠貞營兵敗過之大掠志建志甚以其為屠錫所招降也並憾屠錫迎屠錫入龍虎關賊其隨行將士五百餘人於關外屠錫與其子得逸出入孫尚聞粵西貢生何國復結皆楚粵界上使人告以難圖復率兵來迎因得走赴之聞道至賀縣志建銜之竟殺國復六月屠錫至肇慶拜大學士入閩三日李元屠錫之乃復請出詔賜龍旂總統天下兵馬使出粵楚至梧州部下叛去者三千人以赤心等不足恃思自結於孫可望因楊畏知之請封王也矯詔封可望為平遠王九月檄召李赤心等不至屠錫乃遣其營親諭之赤心初敗於彬州戰馬鎗仗盡失士卒疲困入粵未久無意北去欲省錫請高雷二部以休士屠錫不可數日竟我營而西散居南嶺及賓榔之間屠錫志恨病作別部劉世俊劉國昌使

大興傅氏長恩閣鈔本

人來告願自從出楚屠錫悅親至潯迎之期於十一月望日北發忽感寒疾革草遺疏自為誄詞慨然曰吾荷國重任不獲免宵赴闕馬革裹尸今畢命卧榻間死有餘恨當衣起欲自沈於江左右力抱持之是夜卒二十六日也贈潯國公諡文襄後改諡忠肅子正明亦以是年夏先卒於軍明年遺腹生子上命有司月給廩餼蔭錦衣指揮使屠錫強毅敢為而中藏機械不如騰蛟之忠誠及其死而粵事愈不支矣自幼孤不逮祿養及第後奏持服三年枯桐復華蛛絲成孝字世傳桐華篇云

逸史曰瞿何張堵四公者粵中之柱石也忠誠有餘才略亦偉故能扶翼傾覆僅而立國留守之在桂林危迫者數矣以身率衆任用賢將保其疆者四年之後進新集還舊衛督矣何堵兩公經營南楚以為外藩方其撫閩逆號忠貞健將如挽騎如雨向之覆神京我帝后屠毒中原莫之與抗一旦俯首歸命聽我羈勒其事豈不偉哉惜皆盜賊餘習貪襲王章難獲國法有說利則附人害則馳去湖南之壤得以旋失卒不能有助於中興古之受降者必違其精壯散其疲弱配以舊將隸以他官相為監制故能臂指如意得其死力今兵則聽其屯聚將則無所變更彼其部曲依然更假國威又安能復鈐制之哉然四公者惟其精忠而愈光雖功業未就而名永垂矣

大興傅氏長恩閣鈔本



南疆逸史卷二十一

南疆逸史卷二十一

四

大興傅氏長恩閣鈔本

南疆逸史卷二十二

烏程溫睿臨撰

列傳第十八

嚴起恆

王化澄

朱天麟

文安之

吳貞毓

楊畏知

郭之奇

嚴起恆字秋冶山陰人崇禎辛未進士以部郎出知廣州府有惠政陞銜永道副使張獻忠蹂躪湖南列城吏民逃竄起恆獨守永州戒門卒旦晚鼓吹如常永人恃以安去者漸返隆武時為戶部侍郎管錢法永歷初監督湘南軍餉丁亥八月上在武岡時稱奉進東閣大學士大兵日逼上播遷蠻陬起恆危從不及走萬村已聞駕在柳川問道從之瞿式耜請幸桂林上命起恆先往相度還言式耜忠勤飾儲以待幸上乃往桂林起恆與式耜同入直兼掌吏部賜啟沃重臣銀印明年二月永忠亂又從上至南園其秋李成棟請幸廣東上駐聲慶起恆請補降附諸臣依隆武朝原官授之當是時李元胤挾其父勢掌錦衣衛事親幸袁彭年以反正功掌臺綱少詹事劉湘客給事中金堡丁時魁蒙正發等深相結納主張國事日夜集謀攬權納賄遇事蜂起視輔臣蔑如也時人目為五虎起恆每事持平多不憚

五人意又與文安侯馬吉翔司禮監龐天壽從上共事久相

大興傅氏長恩閣鈔本



得無問五人輒指為邪黨時抗疏論列起恆亦不以為意已而陳邦傳劾堡役請為己監軍以困辱之五人大怒以朱天麟擬旨不斥邦傳也入朝大開天麟固之去位而起恆反與五人者合庚寅李元膺出援廣州上至梧州邦傳以兵入衛尚書吳貞毓等十四人合疏參五人專權亂政上逮湘客等下錦衣獄起恆請對於水殿不得入乃跪沙濱申救不許貞毓欲並逐起恆使給事中雷德復劾之上怒奪德復職會鄭國公高必正入覲貞毓等語之曰朝事壞於五虎今幸敗矣而主之者嚴輔也君側之惡未除朝事寒心公入見若能於立談間而決去之名且不朽必正領之起恆聞之遂辭上而去五人惴惴待命庶吉士錢東澄言於必正曰公以嚴輔為何如人也夫五虎前者之誅排嚴輔公所知也今五虎被誅他人處此未有不因之釋憾者獨嚴輔捐其夙怨盡力救公以為君子耶小人耶必正意悟既見上具言起恆公忠無私宜專委任金堡等處分亦太過遂請手教身自追之及之平浪而返堡等得減死論大學士文安之入朝起恆讓為首輔安之尋請督師川楚十二月從上至南園孫可望之請封也金堡言祖制無異姓封王例起恆亦力持不可而澤鎮中軍胡執恭矯詔封可望秦王可望大喜受賀及揚畏知還始知其偽可望大怒別遣官請旨意在必得秦封從官集議王化澄朱天麟以為與之便而起恆及文安之郭之奇復以為不可許兵部侍郎楊鼎和自外至助之言起恆悅進鼎和尚

大興傅氏長恩閣鈔本

書明年烽火日逼乃議使編脩劉道赴黔許之封王而改稱曰冀以別於矯封之偽可望終不悅畏知因請再至南園謀之可望使賀九儀張勝張明志等先將兵入殺鼎和於憲衙至起恆舟問滇封是秦非秦起恆曰君遠來迎駕其功大矣朝廷且有特恩若專問此是挾封也母乃不臣乎張勝遂推墮起恆於水經宿虎負其尸出於岸勝等並殺其門人給事中吳霖歎其御史張述載起恆為人易於武夫兀莽朝士機械之中能委曲隨俗故入直最久獨於滇封一事執而不化以預厥命而禍且中於國獨不聞漢祖之王韓彭乎彼其時天下之勢未定也信且以漢終不奪吾齊以拒蒯通之謀嗚呼知此者可以決大計矣故曰識時務者為豪傑也

王化澄字登水金谿人崇禎甲戌進士歷官大理寺卿丙戌九月闕亡化澄適在粵建議立永明王與丁魁楚暨式報合有定策功會蘇觀生立唐王聿錡於廣州東西播兵十二月總督林佳鼎於廣州兵戰於海口佳鼎敗歿中旨陞化澄兵部右侍郎兼都御史出總粵師未行又陞兵部尚書暨式報聞之上疏曰化澄誠賢陞下當付之廷論以示天下公奈何以中旨用之斜封墨敕可為訓乎未幾

大兵陷廣州唐王見殺將逼肇慶上幸梧州化澄亦走潯州其明年上在武岡川總兵劉承胤內叛化澄扈蹕自苑州至廣西南園戊子春江西金聲桓廣東李成棟相繼內附化澄曰機不可失也勸上親征式報亦贊之因駐蹕肇慶進禮部

大興傅氏長恩閣鈔本



尚書東閣大學士與嚴起恆同入直時羽檄旁午化澄正色立朝人賴以安其明年孫可望封爵之議起化澄獨曰江楚潰散敗兩粵且不支能制可望之不王乎上乃封可望秦王給事中金堡怒其異議奏劾之冬十月與何吾驎同罷可望知之故起恆及禍而化澄免其後兩粵既陷上幸南園陳邦傳復叛截藤江劫殺朝士化澄危駕不及因避地北流山中已又至端平

清帥馬蛟麟述得之通之降且遣騎召之化澄吞金而見其使衣冠坐堂上大罵遂見害癸丑三月十八日也事聞贈少保太子太師諡子奎光官太常少卿先歿其妾梁氏有殊色

清帥將納馬戎髮毀面欲自殺帥義之令撫其孤給路引負喪歸化澄有遺稿留端平殷貢生家

朱天麟字震青崑山人家世授耕年十歲父令學稼天麟曰兒獨不可為士耶乃聽之學精研名理舉崇禎戊辰進士饒州府推官以廉徵莊烈帝親試之嘉其學改編脩告假歸南都亡

大兵徇崑山天麟率紳士城守度不支航海入閩投少詹事兼侍讀署國子監祭酒帝以翰林官不學少文親試流寓貢生拔萬荆等十二人為萃士讀書翰林院命天麟教習永厯初補翰林學士因上疏請上親率師為諸鎮倡毋徒執承平故事坐守宮禁不報戊子上駐南園三月拜東閣大學士賜

大興傅氏長恩閣鈔本

理學名士圖章八月從上至肇慶時江南廣東皆歸命朱天麟言此進取機也時不可失願陛下下親征之詔則將士自奮優旨報聞而已五虎方橫各疏糾大學士嚴起恆並及馬吉翔歷天壽上不憚太后諭天麟曰當武岡播遷時非馬吉翔二三人左右聖躬幾至危殆此日諸臣安在而今來齟齬乎先生嚴擬旨詰責之天麟奏曰危從之功固不可泯然彭年等所爭亦國體也宜從寬宥以開言路太后復諭如初改擬至再終未嘗罪言者彭年怒揚言曰朝廷謂某齟齬乎倘某昔年以三千鐵騎而來其齟齬當有其於今者上聞而泣更其前旨金堡之劾陳邦傳也邦傳因言堡謂臣無將則請來觀臣猛將謂臣無兵則請來觀臣銳兵蓋遣堡為臣監軍

且言堡昔官臨清會汙偽命天麟見疏笑曰金道隱善罵人今亦被人罵耶遂擬旨金堡辛若何來朕所未悉所請監軍即會議彭年等憤甚率諸臺諫入閣大譟免冠繳印天麟曰

監軍聽之廷議未即從也辛若賊中來亦古人成語何至如此執彭年手曰公等豈以小朝廷遂無君臣之禮耶夫憲者法也總憲者總朝廷之法也公為總憲法紀蕩然安所辭責彭年擊其手而出上召羣臣入諭之視事令左都督李元胤持印分給之天麟遂乞休留之不可陛辭涕泣上亦泣曰卿去朕孤矣天麟移居慶遠九月特赦召之不至疏言今國勢之危行道知之而建言者遲其私憾不圖國郵民臣不思與之同朝也及庚寅五虎敗九月上召天麟入直於梧州進

大興傅氏長恩閣鈔本



太子太保孫可望欲得秦封上疏不願改號從官聚議天麟曰許之使我勢日衰彼力方壯我以空名羈之猶可號召以拒強敵毋待廷議自貽伊戚不聽十二月從幸南園其明年可望遣將殺阻秦封者

大兵日逼南園且不守乃封可望如天麟議可望請移駐雲南廷議欲上幸欽州依南園伯李元膺天麟曰元膺屢敗之餘眾不滿千棲息海濱士氣不振其何以護萬乘雲南山川險阻雄師百萬北通川陝南控荆楚今既臣順亟宜就之以堅其擁戴之心上從之命天麟招集土司兵授經略叔印壬辰八月十八日卒於廣南府贈少保諡文靖天麟清修好學其在閣中獨時為上言恢復事而廷臣皆不省與嚴起恆不相能然未嘗有所詆排也兩子為給事中御史亦為彭年等所劾而罷

文安之字鏡菴夷陵人天啟壬戌進士入翰林積官至南京國子監祭酒以不附薛國觀為所誣削籍歸南渡起詹事府詹事閣中以禮為部尚書時夷陵久為賊所蹂躪安之轉側兵戈間皆不赴永元元年二月以禮式相薦召為大學士安之性淡泊既遭國家之變絕意仕進故聞命遷延不至其後見國勢益危慨然思起而扶之四年正月上在南園安之始入朝時首輔嚴起恆入直己三年而安之入閣之命先於起恆既見起恆避讓再三遂先安之其在閣中持重端詳熟識典故孫可望求封秦王議久不許安之深知可望豺狼之性

大興傅氏長恩閣鈔本

必不為朝廷用與起恆主不與十二月以敵騎日迫而滇黔

又見拒於可望念川中諸將兵力尚強欲結之而共贊王室國興復乃自請督師加諸鎮封爵帝即加安之太子太保兼吏兵二部尚書總督川湖賜劍以遣之徧封諸鎮命即賞殺命以行可望聞之怒遣兵向於都勻五年三月安之至止之劫其殺印不聽入川無何而可望迎駕者殺起恆上亦入安隆矣可望遂誣安之賣割鬻官請加顯戮考功郎汪蛟持之免死譴戍而去久之遂入川東依諸鎮卒無所成聞上入緬甸感憤而卒安之居常深念欲以車駕託之李定國而時勢不可不取言其後大學士吳貞毓師其意而為之不密卒及於難

吳貞毓字長聲宜興人崇禎癸未進士入閣為文選司主事丙戌至肇慶同與勸進丁亥上在全州命增置閣臣貞毓以人常管文選事舉筆書嚴起恆方以智二人以進時論德劉湘客方挾承情勢冀入閣貞毓不顧也人皆稱之尋陞吏部右侍郎承情以武岡降貞毓扈太后皇后至南園戊子李成棟納款貞毓兼兵部往廣東受之己丑陞戶部尚書時朝臣各有黨而貞毓與大學士朱天麟督師堵胤錫皆吳人為吳黨之魁素憎五虎之橫顧憚元膺弗敢發庚寅上在肇慶至梧州貞毓即偕其黨十四人劾丁時魁等下之獄辛卯上在南園嚴起恆被難拜貞毓東閣大學士五月清兵日迫孫可望請上移駐安隆貞毓以可望志雖無人臣

大興傅氏長恩閣鈔本



禮乃勸幸欽州爭之不得上遂入安陸上之在安陸也宮室卑陋御用乏絕守將承可望意驕蹇不遜上不堪其憂士長七月李定國克復廣西上聞其軍聲甚盛且與可望有隙思召之入衛以語內侍張福祿全為國二人以告給事中徐極等借詣貞毓謀之貞毓歎曰主憂臣辱我不敢辭死然諸君誰能任以行者部曹林青陽慨然請行乃撰教諭定國辭旨哀苦青陽偽請假治葬間道馳赴定國行營定國得教感泣許之然猶畏可望未敢誦言迎駕也而廷臣與其謀者凡十八人明年六月上以青陽久不還命貞毓續遣使往且賜定國屏翰親臣圖記都督鄭允元曰馬吉翔素黨可望保其不先洩乎洩則禍且大會南圖新服遣吉翔祭告興陵因留守馬吉翔已微聞其事未審也主事劉謙新自行營還途遇吉翔謂必與謀具語之吉翔大駭即啟可望可望奏問發救之故貞毓知事洩乃歸罪吉翔以留守南圖給有空頭敕便宜行事朝廷實不與聞不知吉翔已先發之也可望故令其都督鄭國時檄吉翔赴行在實對國入奏曰西藩私通奸臣費求王爵陛下知誰主其謀也上曰此事朝臣必不敢為近者外人假教寶甚眾汝母誣陷國怒目而出隨縛十八人者至營嚴刑鞠之眾不勝拷掠又恐其犯乘輿也同聲引罪曰乃吾等盜寶教為之上不知也獄具悉斬於市惟貞毓以大臣賜自盡並殺太監張福祿全為國時風雷震烈觀者皆流涕戊戌上在雲南追贈十八人貞毓贈左柱國太傅吏部尚書

大興傅氏長恩閣鈔本

建極殿大學士論文忠其同死者獻人都督俞事鄭允元贈太子太傅武安侯諡文簡太僕寺少卿吉安趙慶禹贈大理寺卿給事中江西徐極江南張鐫贈兵部左侍郎御史江南李頤江西周元吉胡士瑞宗室朱議屢俱贈右副都御史編修福州蔣乾昌湖廣李元開檢討貴陽陳麟瑞贈翰林院侍讀學士郎中江西蔡鍾贈通政使員外郎湖廣林青陽浙江任斗墟四川朱秉旦俱贈太常寺卿主事江西劉謙新易士佳贈太僕寺卿立廟安隆之馬坊大書十八先生成仁處之碑以旌其忠

楊畏知字介甫寶雞人舉茂西鄉試第一崇禎庚辰以保舉特用歷官雲南副使分巡金滄道是時中原大亂而雲南亦受武定土司之寇連陷保豐廣通等縣攻破楚雄畏知強毅知兵略自大理督兵克復郡縣楚雄人因進留畏知遂移駐焉及岳必奎誅而阿達土司沙定洲繼亂乙酉十二月朔入黔國府焚掠巡撫吳兆元憐人也聞亂閉門伏黔國公沐天波乃走楚雄告急追兵方至畏知曰郡城新破瘡痍未復而賊以方張之勢來攻必不支我與公俱燼無益也公不如走永昌據重江之險比其來我以計却之賊且越楚雄而西間以大理蒙化賊必不能遽定回朔數月吾守禦既備傳檄四出賊欲起永昌則恐吾斷其歸路欲返攻則公隨之首尾夾擊殄滅可期也天波遂走永昌明年春定洲至畏知城守從陴間語之曰黔國公已西矣爾所亟非此土也俟爾定永昌

大興傅氏長恩閣鈔本



回則朝命且下我當以鎮道禮相見且若不憂遠西諸司受  
黔國公機而合縱來討乎而頓兵堅以自挫其鋒也定州恐  
失天波與盟而去分兵攻屠大理蒙化畏知得於其間移郭  
外民入城繕堆塔濬池濠清四野機調四隣兵定州聞果不  
敢至永昌而還師攻楚雄畏知守具既集攻不能下賊發巨  
礮擊城畏知方坐城樓烟罩其前賊相慶謂必死須火烟散  
畏知端坐無恙惟進賢冠夫左地因驚歎以為神畏知向賊  
懈輒出奇兵奮擊殺傷甚夥諸土司時得畏知機皆聚兵應  
命圖州則祿永命石屏則龍在田圖嶺則王克猷等陽言且  
搗其巢定州恐解圍而東先攻石屏在田走圖嶺圖州嶺  
永命克猷皆死遠東既定復攻楚雄分兵七十二隊環城置  
營為久因計畏知守禦益堅而孫可望乘虛入雲南定州還  
戰大敗遁歸河遠可望遣李定國來追定州而已與劉文秀  
西出楚雄甫解嚴關可望繼至大懼畏知曰城民疲矣坐而  
待攻不如前拒之率兵至祿豐之啟明橋戰不勝赴水淺不  
死踏而罵可望素聞其名下馬慰之曰公吾鄉人也公毋疑  
我賊吾今來為雲南討賊耳誠得公共事當相與扶王室救  
危亂可望且得歸正而公功名永不朽畏知矚目視之曰賊  
給我耳可望曰不信當折矢誓畏知曰果爾我與汝約三事  
一除偽號二守國法三禁淫掠從我者順否則逆可望許諾  
乃同回楚雄出兵西略所至安堵迤西八府得免屠戮為畏  
知也可望遂據雲南迎沐天波以歸誅定州而是時閩已亡

大興傳氏長恩閣鈔本

湖南北被兵粵中雖立君書問阻絕詔令不至臨安故御史  
任撰倡議尊可望為國主以干支紀年鑄興朝通寶錢自王  
其國如尉陀割據之為者可望大喜畏知憤恨念與之爭不  
得也徒死無益惟日稱道忠義以勸其下有所忤輒鼓掌譟  
罵賊怒欲殺之屢矣有勸之者謂此忠臣也殺之不祥乃止  
已而可望與定國不和思自別於儕伍因時憶畏知言又聞  
永圖已監國於肇慶賊黨歸附者皆受爵土私計若內附朝  
廷必假我王封名號既正扶天子以令之同類必不敢我抗  
乃與畏知言微示其意畏知前曰傳有之求諸侯莫如勤王  
我前者與公言何如而不我信也今即地大兵強天下望之  
僅指為賊故不如歸命在朝顯爵祿夫沈惡名大順也受  
王封大正也公又何疑焉乃遣畏知奉表稱臣請王封是歲  
永圖三年也兵科金堡首言本朝無異姓封王者三百年定  
制不宜壞自今日而輔臣嚴起恆等皆以為然畏知曰國危  
矣不以虛名招徠之而自樹其敵乎且彼固巨盜也響者毒  
痛海內宗社為虛今一旦向義宜朝廷威德所能制蓋列聖  
神靈陰啟之也若因其來明示以異等之恩彼必踴躍聽命  
庶幾收用於萬一奈何聽一二腐儒之言坐失大計夫法有  
因革勢有變易今土宇非昔百務隳壞區區議封猶必執舊  
法耶宗室朱謀叅劾堡把持設國畏知又曰朱君誤矣給事  
爭之朝旨予之使滇歸思主上而憚朝廷之有人懷德畏威  
不兩得乎議數月不決久之乃封為景國公畏知行過梧州

大興傳氏長恩閣鈔本



謂督師堵胤錫曰朝廷無知大略者漢猛虎而使噬人奈何  
 上遣大理卿趙昱為冊封使亦知可望且怒不敢進胤錫曰  
 苟利國家我則專之璽詔封可望平遠王為易教印以行不  
 知胡執恭之先入滇也執恭者潯鎮陳邦傳中軍封武康伯  
 駐防河洲城與滇近聞可望求封欲邀結之先與邦傳謀以  
 便宜鑄印署空教封為秦王馳至滇可望以畏知之請得也  
 邦迎甚恭勝黃布告將吏額手賀稱千歲儼然以真秦王臨  
 封內矣比畏知回大駭曰我已受秦王封矣召執恭至質之  
 畏知曰彼偽封也執恭曰彼亦偽封也行在所封景國公月  
 教印故在可望大怒遂辭教使別遣官請旨曰臣於某日接  
 教封臣秦王於某日接教封臣平遠王臣莫知所從惟陛下  
 裁賜不言原教所封及矯詔事意在必得秦也使至中朝大  
 臣執議如初且以為不臣其入則不受其貢並所進白金玉  
 帶等具却之時庚寅三月也可望怒益深其秋率兵至貴州  
 去粵益逼及冬桂林破南甯且危西甯無地乃遣編脩劉蒞  
 封可望冀王可望仍不受畏知曰秦冀一也願假何如真可  
 望不聽定國等勸可望起畏知再行以終始之畏知行未至  
 而可望所遣將已殺阻秦封者楊鼎和嚴起恆等南甯震懼  
 始真封可望為秦王而畏知至痛哭自劫語多侵可望上乃  
 拜畏知東閣大學士留南甯輔政可望聞之益怒使人召至  
 默畏知見可望數之曰朝廷何負汝而擅殺大臣我固自誤  
 賊豈可與為善徒負不義名於天下死不償尋除頭上幘擊

大興傅氏長恩閣鈔本

其面可望怒遂遇害畏知為人忠義激烈每陳說順逆一座  
 盡傾定國文秀尤愛之可望亦諒其無他無意殺之也其命  
 刑者謂左右必救徐救之以做後然賊令嚴人不敢諫久之  
 下令勿殺則無及矣可望悔杖其左右及行刑者畏知既死  
 可望率兵犯關李定國敗之奉上入滇滇亡又奉上入緬卒  
 無二心人以為由畏知之忠烈所致云贈少保諡文烈楚雄  
 人至今祠祀之  
 逸史曰易稱中孚信及豚魚豈不掠哉以可望之暴而心折  
 畏知聽其言俯首歸命彼其惻怛至誠有以感之也而一二  
 庸流挾持迂論不思遠慮馴至君臣斥辱國以滅亡故夫小  
 人之敗國人知之至庸臣之敗國則雖賢知不能救以其託  
 詞似正而患伏於後也漢祖有言治天下安用腐儒後之謀  
 國者可下鑿哉  
 郭之奇字仲長一字正夫揭陽人崇禎戊辰進士由庶吉士  
 改禮部主事歷員外郎出以參議督福建學政進副使在閩  
 四年人多稱之流寇掠江西益王來奔閩中震動之奇率兵  
 托杉關語長史曰封疆之臣惟知防守王不如自以己得意  
 傳令歸國斯兩得矣甲申三月陞太僕少卿玄光立擢詹事  
 府少詹不至永曆三年赴行在拜禮部右侍郎充經筵日講  
 官明年正月從幸梧州當是時東西交警百官多散去之奇  
 手書示其子曰兒勉自立吾生死從吾君不歸矣是歲擢禮  
 部尚書尋加太子太保十月從上南甯其明年辛卯上在安

大興傅氏長恩閣鈔本



隆依孫可望之奇在尚書時常抗言阻可望之封既有隙不可入乃棲泊海濱又浮海至蹄雞跡難交趾屬夷也還抵龍門接東閣大學士兼禮兵二部尚書之命壬辰八月泊馬鞍山中夜颶風作家人趨之奇遇大舟舟漂出海口觸巨石碎登山島獲免越日風息之奇泛小舟至牙山始知前舟覆家人盡沒甲午三月復自牙山之樂民作景宋祠祀宋六賢丙申居雷廉間己亥自江州入思忠練村又自練村遷假漁舟渡至石上油村去交趾才數里入文淵州州官僦舍居之庚子至班衣山為交人所阻泊臺村自涼臺抵本嶺自本嶺抵黃約村尤艱苦自黃約村穿山至馬爹人迹幾斷自爹抵萬

圍行海坪數十里自萬圍涉水則漢地矣自羅洞至松林自

松至江坪漢夷雜居之地也蓋自辛卯後凡十一年嘗歷艱苦岷崎萬端之奇卒不變辛丑交人執之以獻丁未八月殺於桂林未沒前寓書其子曰事之興廢天也成吾志焉耳年五十六有遺詩文三千餘篇

逸史曰自古未有倚盜賊而能立國者唐昭宗倚全忠而篡唐者梁也有明不察師其故智閩倚海盜而即以亡閩粵倚獻孽而即以亡粵夫盜賊小人豈可以忠義責之而起恆之徒尚欲守祖制以爭王封使折其善心肆其狡計夫祖制不王異姓祖制亦豈天子野處而望捷於異姓之賊哉自謂守法彌見其不達時變而適以禍國也密教之計得矣然既知吉翔之奸而何不先事除之直一獄吏職耳乃令幾事不密

大興傅氏長恩閣鈔本

忠貞先隕則帝之柔暗與諸君子之無謀寡斷一也要之天禍人國其幾固出意料之外哉

大興傅氏長恩閣鈔本



南疆逸史卷二十三

烏程溫睿臨撰

列傳第十九

章曠

傅作霖

吳炳

洪育燾

周鼎瀚

章曠字子野華亭人崇禎丁丑進士知沔陽州有能名總督袁繼成巡撫何騰蛟深知其才會沔陽陷從諸將方國安毛憲文復漢陽武昌署分巡道守德安時湖南北大亂吏部所選州縣守令多不至曠隨才委用咸得其人德安衛官偵賊將至賈印欲降曠即收斬之督兵日夜儆備賊不敢犯宏光

元年曠蛟用為己監軍命督餉湖南騰蛟所撫降將黃朝宣張先璧馬進忠王允成及闖賊劉體仁郝搖旗諸大部皆曠往平議之也曠有智略行軍不避鋒鏑賞罰明信諸將服之其威望故皆聽從騰蛟驟增師數十萬乃開府長沙請於上以曠巡撫湖北擢右僉都御史傳上瑞巡撫湖南上瑞武定人由進士為武昌推官事騰蛟甚謹執贄稱門生薦為長沙兵備事僉至是令為南院時隆武二年也上瑞弱不稱事而曠力扼強敵去長沙至湘陰之下壘土為營率所部士卒屯之先是降將既眾上瑞勸騰蛟設十三鎮以衛湖南然皆依騰蛟以居不離一舍凡岳陽以下大兵飲馬洞庭無偵禦者自曠駐下湘所幸派營又下五十

大興傅氏長恩閣鈔本

餘里托險毅長弩以伺諸鎮將以強亦稍稍躡曠馬足而前問遇

大軍浮騎則諸鎮又即怖走遠視曠營屹立仗之復安如是者二年騰蛟藉以無北顧憂永<sub>國</sub>改元加兵部右侍郎

大兵日逼曠從長沙乞師不得未幾長沙亂騰蛟退守衡州曠亦走寶慶又以遵守不如進戰與騰蛟議不合鬱鬱致疾

至郴州八月六日卒帝聞痛悼命予文武二陞曠臨敵果敢嘗身先士卒事雖無成然撐撐危難敵不得涉湖者曠之力

為多湖南人為之語曰冷不死何部院走不死堵撫院不怕死章北院自曠死而騰蛟無助矣上瑞既撫偏沅事騰蛟稍偃一日從騰蛟索餉五千將往沅州騰蛟曰共事久矣尚不

知吾之困乏乎自從君謀以餉歸諸鎮吾襟下日愁不給君何索之驟也且君去則吾愈孤君母去上瑞怫然騰蛟治酒泣語之曰君與我別飲此為我留亦飲此上瑞並應曰願留

留半月不辭而去騰蛟猶馳三百金贈之踰年武岡破敵逼沅州上瑞即降再踰年與劉承清並誅死

逸史曰曠與上瑞皆騰蛟之所舉也而忠邪判焉嗚呼人豈易知哉

傅作霖武陵人舉於鄉隆武立謁帝於行在會從督師大學士蘇觀生軍奏為職方主事觀生歿依何騰蛟於長沙改監

軍御史承<sub>國</sub>元年三月駕在全州以大臣無危從者起拜兵部左侍郎掌部事尋進尚書從幸武岡作霖雅與劉承清交

大興傅氏長恩閣鈔本



歡故驟獲美擢然為人尚氣節承膺得政愈恣橫作霖隨事  
規諷承膺亦漸憚之其秋

大兵逼武岡承膺不能禦議迎降作霖聞之往謁之曰今守  
禦云何承膺默然徐曰君智士也勢危至此吾計且迎款耳  
作霖勃然責之曰始吾以汝為人今乃知非人也汝迎駕至  
此致天子蒙塵罪已不容於死乃挾主作威福容高極實生  
點涉惟意一旦有警不思選鋒拒戰束手無策故草間求活  
將置三宮於何地且汝擁兵數萬糜餉十年平日自誇天下  
莫當今未見敵而先畏縮如床下伏唯人如此者狗彘豈食  
汝餘也承膺不顧已遣使納款

大兵入城作霖冠帶坐堂上主帥遣傅上珩與承膺勸之作  
霖唾其面罵不已遂遇害妾鄭氏有殊色被執驅之過橋躍  
入水中死

吳炳宜興人萬曆末舉進士授蒲圻知縣崇禎中屢遷江西  
提學副使及江西陷流寓廣東永曆元年擢兵部左侍郎從  
幸梧州又從幸府江明年二月上在桂林命以本官兼東閣  
大學士仍掌部事從幸全州時駕方播遷諸將無可恃者而  
劉承膺方以兵入援上優異之其母生日御製詩及金幣命  
炳賜之且賜教獎勞炳沈靜不露而中耿介觀勢危難又心  
疾承膺之橫聞命憤悶將事疾作久而後愈及八月  
大兵入武岡帝倉猝幸靖州命炳與吏部主事侯偉時傅太  
子走城步既至城已失遂被執送之衡州炳不食自盡於湘

大興傅氏長恩閣鈔本

山寺俾時公安進士亦不屈死其同時死節者有周震蕭曉  
二人震中官書舍人居全州為人慷慨尚氣節憤承膺之物  
嘗為檢討之武岡失全州勢危震盟文武將吏於神誓同禦  
敵條上城守事宜於留守式報奏擢御史監全州軍無何亦  
承忠盧鼎振兵還桂林諸將議舉城降震持不可乃先殺之  
全州遂失蕭曉武昌諸生也有材武何騰蛟奏授黎平參將  
監收州縣餉贖無所取美承膺既降遣部將陳友龍招之曠  
大罵友龍怒因攻城破之殺曠劫騰蛟之家以去時武臣死  
事者止曠一人

洪育鰲字六生晉江人唐王入閩以諸生迎謁於三山授衡  
州通判明年何騰蛟奏改知道州郝永忠等既受撫承膺元  
年由道州入覲緣道剽掠育鰲謂之曰兵所以異於賊者畏  
朝廷法受州縣節制不犯百姓今若縱掠如故則仍賊耳何  
辱王命為諸軍皆瞋目怒永忠獨奇之曰公非百里才也行  
當佐吾軍要同入朝十三家既封爵號王光興荆國公郝永  
忠益國公劉體仁皖國公袁宗第清國公李承亨臨國公王  
文進國公塔天寶宜都侯馬騰雲陽城侯郝珍岐侯李復  
榮渭南侯譚宏新津侯譚詣仁壽侯譚文治侯黨守素興平  
侯廷議監軍難其人帝即擢育鰲右僉都御史令監諸鎮出  
駐湖南及騰蛟賊滇黔亦為孫可望所破育鰲率十三家還  
入西山據楚夷陵歸州巴東均州蜀巫山涪州等七州縣屯  
田自守所謂西山之兵也久之聞上駐蹕安陸育鰲疏言十

大興傅氏長恩閣鈔本

大興傅氏長恩閣鈔本



三鎮公忠無二今楚雖失猶拒險據衝觀勢而動朝廷若有征行可以兵應乃加育鰲總督兵部右侍郎令鎮撫之其後滇黔兩粵以次底定十三家孤守如故時出殲荆湘間民患苦之壬寅

清總督李國英以七將軍分道討西山諸將不和不相救援大兵擒袁宗第却永忠殺之黨守素塔天寶馬騰雲王光興等先後出降李來亨劉體仁等縱火自焚諸軍皆潰來亨赤心養子也至是流寇之眾盡矣育鰲在軍有觀之去者育鰲曰吾受命督師亡與亡去將何之被執不屈甲辰十月十二日殺於巫山投尸峽中

南疆逸史卷二十三

五

周鼎瀚字浩若安福人夏巡撫想相孫也以祖蔭授南京工部主事甲申國變服朝服赴秦淮河士民挽之出粵都既建伏節走詣行在上嘉之授閩部銜令聯絡江楚義旅金聲桓既敗其將張士舉者無所歸鼎瀚收置帳下與規復江左

大兵至士舉即戎去帥徐勇令持衣冠招降鼎瀚怒叱責之噓血書絕命詞草遺疏付家人登舟將死士舉入舟中刺殺之其後帥聞之誅士舉

逸史曰湖南自獻賊入寇以來城邑邱虛騰蛟肯錫兩公技窮捺萃創立軍府撫創殘招流移馴至榮點殘忍之徒向風慕義革面洗心而章曠作霖為之翼輔似其勢足以有為而卒無成者則以積弱之後人心玩愒勢不能進取則雖欲保

大興傅氏長恩閣鈔本

疆不能也嗟乎曠之志烈矣費恨以歿而作霖諸君子見危授命亦與曠何比烈焉以是知天不祚明耳若其士氣固足輝映千古也

南疆逸史卷二十三

六

南疆逸史卷二十三

大興傅氏長恩閣鈔本



烏程溫春臨撰

列傳第二十

蘇觀生

林佳鼎

丁魁楚

魯可藻

蘇觀生字宇霖東莞人年三十始為諸生以保舉入仕貧不能具車馬投無極知縣以卓異遷監紀同知陞戶部主事甲申國變率突騎數百渡江南下宏光加戶部郎中督餉蘇松觀生廉莖仕八年囊金不滿百南京亡奔入浙遇唐王於中途連舟入閩定擁戴之策二鄭輔之擢吏部侍郎兼東閣大學士特設儲賢館分十二科招四方之士以觀生領其事未幾以所得士無實用罷之觀生以鄭氏智不出於盜賊非有復仇雪恥之心力請上幸賴州親帥大師以張捷伐而鄭芝龍方幸上留以自重議不決乃遣觀生先行明年加觀生吏兵二部尚書太子太保武英殿大學士出為經略兼廣東歲給銀十萬兩供其度支軍前文武自道府副總以下得專生殺除授賜銀章曰天賜忠臣上親祖於戰門觀生遂赴南安四徵義兵可十萬而饋餉不繼觀生雖清潔自守然柔暗無長計遠略眾議當前不知所決或始是而終背之以故在南安一年頗州數告急不赴援閩有警亦不救及汀州變連度嶺回廣州聞桂王監國梧州平粵伯丁魁楚柄用觀生致書魁楚欲與定策魁楚忌其才且執政據不受觀生既與魁楚

大興傅氏長恩閣鈔本

有隙又自念受隆武厚恩不欲負而唐王聿錫適浮海至乃與大學士何吾騶布政使顧元鏡侍郎王應華曾道唯等迎立為帝曰吾君之弟也以廣州都司署為行在改元紹武即日封觀生為建明伯攝兵部事桂王在肇慶遣給事中彭耀齋教諭廣東耀至責觀生曰今天下分崩國統三絕粵中崎嶇山海間天末一隅然忠義之士奮臂思立君者感二祖列宗之德思光復大業耳桂王神宗之弟孫倫序既正監國名號已定布告四方公不礪戈鋌刃志切同仇而置王自擅強敵日逼百里之內二公君抗拒使敵坐收漁人之利此諱尚所以卒併於曹瞞也公受國厚恩乃貪一時之利不顧天下大計後世其以公為何如人觀生不能答明日戮耀於市權順德人舉於鄉為知縣有能聲其來也辭家廟托子於其友至果見殺於是治兵相攻高峽三水之間無日不戰最後與桂撫林佳鼎戰大敗之唐桂方相持而大兵自閩入廣惠潮皆閉門降即用兩府印文移廣州報無警觀生泰然不為備時城外陸寇則有花山砦人水寇則有石徐馬鄭謂之四姓兵觀生雖撫之而桀驁不可制七門之外號令不行丙戌十二月十五日成棟以十七騎疾趨廣州門者納之王方幸學閩射羣臣朝服行禮忽報大兵至觀生曰此妄言為敵間耳遂斬之既而城中洶洶猶以為花山砦人俄見紅纓冠乃大驚宿衛萬人匆遽不及召王變服踰垣匿王應華家尋縋城走洛城里為邏者所獲成

大興傅氏長恩閣鈔本



棟館之饋之食王不受曰吾若飲汝一勺水何以見先帝於地下自縊而殂觀生遇吏科給事中梁濬問計濬曰死耳觀生乃大書於壁曰大明忠臣義固當死遂縊年五十無子先是觀生之族師廣州也監紀主事陳邦彥謂之曰公何遽歸觀生曰國未有主邦彥曰國自有主非公所急也今大兵在閩公不如取道疾走惠潮因漳泉未潰以扼扼之則兩廣猶可自立若必以擁立為功眾議紛紜動踰旬月則惠潮必危粵中且不保何立君也觀生不從至是果如邦彥言自廣東失永<sub>曆</sub>君臣疲於奔命卒不能立國議者謂粵亡之罪觀生首焉終養甲入廣州殺諸王十六人吾賜應華元鏡等皆降其與觀生同死者太僕寺卿霍子衡國子監司業梁朝鍾子衡南海人字覺商官戶部郎中知袁州府紹武召用之城陷子衡北面再拜又率其家人辭祖廟曰吾受國恩不可不死若曹亦宜自決至其園池上臨流環坐俄傳

大兵入閩子衡赴水妾莫氏繼之次子應基與妻徐氏繼之季子應芷與妻區氏又繼之最後長子應蘭幸其長女以入一門死者九人朝鍾字未央番禺舉人議論奮發時時屈其座人已而學佛與同郡舉人陳學銓張二果曾起卒為方外遊朝鍾嘗參熊文燦軍事棄之而歸史可法薦之不赴閩中召亦不起紹武授翰林院簡討朝鍾曰我頸有刀痕仕亦死不仕亦死時倉卒建國朝士大納賄清華之秩及於販夫惟朝鍾皜然不緇尋轉國子司業及敗自沈於水鄰人挽之朝

大興傅氏長恩閣鈔本

鍾曰諸君非愛我者復自沈官兵勾出之令去髮不從負三刃而死其同族舉人萬爵者家貧傭書養母弟諸生萬采負販佐之唐王立授行人謂其友曰我恃國家威靈竊甘旨以娛親若其不濟宅後池吾死所也君收吾骨焉城陷赴池萬采後至見其兄衣冠浮水上大慟亦弱死觀生標下守備余述之廣西豫濠里人

大兵入諸軍無與戰者述之獨率十餘人迎敵頃之十餘人皆去述之單刀冒敵以歿嗚呼唐王之立本非義而諸臣猶為之死如此若何吾騶輩者受恩三朝靦然偷生<sub>圖</sub>不愧死哉

林佳鼎字漢宗閩之莆田人崇禎庚辰進士由禮部郎視學粵東隆武二年正月歷贛南岳道轉布政使疏言七事其一曰東浙之交當固魯藩於陛下義則君臣親則叔姪宜大布明詔曰王能以東浙之師先朕洒掃孝陵肅清建業朕即討道崆峒以明初志若朕仰賴羣力先復金陵浙西王與諸臣百戰河干保有東土亦當如梁孝王故事享有大國建龍鳳日月旌旗文武大吏朕皆擢用王其與督輔朱大典黃鳴俊等纓冠被髮復宗廟之疆宇土母墮初志則猶嫌不生羣情益奮天下可得而經營也其一曰藩輔不可不早建謂桂藩者神宗皇帝之孫也自湘東失陷王父子兄弟飄泊蒼梧賴陛下踐詐中興安仁嗣封然桂府長史尚缺其人而陛下宜親擇忠蓋老成而有文章者使與王娛玩詩書使知開創中

大興傅氏長恩閣鈔本



興之不易而後王得以安享大國名藩之樂疏入而隆武納之及隆武至汀覆沒永明建國肇慶既而唐王聿錫復立於廣與肇慶行朝相拒乃命佳鼎以兵部右侍郎總督兩廣帥師問罪會紹武總兵林察與佳鼎同族相善貽書佳鼎願統舟師及四姓降旗之眾相迎舉廣州以應佳鼎信之至廣州之十里三山口察使四姓降盜揚帆相迎佳鼎不設備倉卒變起全軍殲焉佳鼎乃大罵察赴水死總兵龍倫從之永[ ]復走梧州佳鼎先為督學得士甚盛其死事也粵人莫不哀慟而咎廣州材國諸臣云

丁魁楚永城人督師啟睿從父也舉萬曆丙辰進士崇禎中累官兵部右侍郎兼右僉都御史總督薊遼保定軍務以大兵入塞不能禦撤下史遺戍邊衛久之放還南渡時馬士英納其重賄起故官總督湖廣未赴而兩廣總督缺乃命魁楚往尋加兵部尚書明年唐王立於福州以故官協理戎政靖江王亨嘉反於桂林率兵下梧州執魁楚而魁楚檄思恩參將陳邦傳等襲擊之亨嘉兵敗執事聞封魁楚平粵伯仍留鎮兩粵明年秋閩中事敗與武報擁立桂王於肇慶進東閣大學士兼理戎政其冬

大兵下廣州漸逼肇慶魁楚奉上走梧州無何復棄上走岑溪魁楚貪於財所積金幣珠寶無算先是廣州之爭武報往犒義師自捐五千金欲魁楚助萬金魁楚不可至是用其中軍蘇聘之妻父鍾鳴遠為岑溪令將以奇幣焉而一夕出侍

大興傅氏長恩閣鈔本

女十七人給壯士之無室者使率舳舻以行清將李成棟遣十八騎追及之魁楚遂推髮降蘇聘欲殺追騎以逃魁楚不可俄而語洩十八騎因殺蘇聘及壯士羈魁楚至肇慶成棟與魁楚有隙錄其家數百人凡男子無少長皆殺之盡沒其資財魁楚祈免其一子成棟笑曰汝身且不保尚求活人耶並殺之嗚呼以區區之粵而柄國者實賂如是不足以佐國用而資敵且捨攘之秋而棄君營私其殺身夷家也不亦宜乎

魯可藻字 人也由進士知湖廣新[ ]縣有能聲永曆元年擢為御史是時司禮監王坤恣橫廷臣惡之劉承胤之迎駕也劉湘客要諸御史與承胤盟令逐坤承胤既見上即面叱坤於上舟鎖之去上不得已詔安置永州可藻聞之謂其僚劉壽曰諸君誤矣坤有罪朝廷不能劾治而假手承胤承胤之暴方欲立威質眾而諸臣倒持太阿以授之一旦威權震主目無廷臣莽操之惡誰復禁之轟嗟然已而承胤奉上入武岡勢焰日盛羣臣文章頌功德可藻自為武岡屬令即不為承胤屈至是畏其勢欲出避之乃以可藻赴按廣西馳入桂林

清兵方來攻而承胤所遣援兵與焦璉兵格鬪大掠去大兵退而復至可藻佐留守羅式報式報竭力守禦焦璉時在靈川聞桂城急馳還先遣家屬入城留守喜曰璉胸有成算敵不難退也璉亦見巡督之協心曰文官如此我能滅此

大興傅氏長恩閣鈔本



朝食耳

大兵果敗去璉進復陽朔不克可藻曰粵人梗化固不俗然且創殘之餘易動難馴不如先遣使撫慰難民皆我赤子兵至勿恐乃令監軍道朱履祥先行沿道招安由是東道漸通與留守同誓師遣焦璉大舉東伐十一月擢可藻右僉都御史巡撫廣西兵部侍郎蕭琦以可藻資尚淺上不聽蕭琦之監邾永忠軍也詔璉無不至可藻素薄其為人故琦阻之念可藻丁外艱具疏辭何騰蛟請奪情未幾梧州復陷上入桂林式報令可藻速視事可藻乃遣標將袁啟泌守昭平徐俊陳上德吳奇勳扼馬江龍門陣維學朱方明防賀縣而自率兵移鎮平樂奏請裁陽朔監軍道又請以銓選悉還吏

的錄通史卷三十四

七

部禁撫按一切題委上皆從之明年三月可藻以標鎮兵復梧州時李成棟以廣東內附梧鎮道揚有光陳軾亦來歸總兵羅全斌方與

清兵戰於府江報至人皆疑其詐可藻曰成棟既歸其下自反解何有疑也因疾攜家人梧州是時兵將未有所屬洶洶思亂百姓空城而走可藻樹旗幟鼓吹入城兵民夾道歡呼去者復還可藻開倉庫賑饑民招得商旅民情大安遣官脩理興陵奏至行在上大喜上方以邾永忠之犯己去桂林將入南甯因謁興陵召見可藻慰勞之賜銀牌十面代宴衆二十兩將吏皆賞賚有差可藻求終制不許太后亦慰留之尋加兵部右侍郎兼右副都御史令繕兵待成棟可藻因自署

大興傅氏長恩閣鈔本

總制兩廣銜式報曰方今武臣多自署督鎮未奉命而妄自尊大貽遠人笑君奈何亦欲之果欲兼撫蓋合于代君請乎可藻遜謝之明年十一月上命可藻兼理江淮楚越先是可藻遣和州人厲文慶渡江偵南北情勢及還上召見賜酒食給路費三十兩督師增廣錫問之因請令可藻總督浙直會兵出楚庚寅正月可藻率師下梧州曹志之建遣其將劉成玉張國泰截諸江馬奪其馬匹資裝殆盡可藻初蒞平樂嚴禁志建兵令不得剽掠志建起請可藻慰其營壘兵可藻拒不往至是聞其將去故縱兵劫之而殺其中軍趙玉上幸梧州可藻入見以其被劫也數息而已不能治志建罪也賜可藻銀章曰定粵固南及紅絲銀爵夏四月

的錄通史卷三十四

八

大兵破鎮峽關掠婦女輜重無算志建以數騎逃馬蹶傷足失其伯印梧州傳平樂已陷上將移蹕可藻夜草奏力阻勿他幸乃止河干洶洶理檣聲連數里余都御史余文燾遣人偵可藻曰方對客飲酒文燾曰是可無虞曹司馬熟語西事彼從容譙飲餘人可高枕也自是聞西事內監及諸司必視可藻為絃急云及十一月廣東破桂林隨陷留守瞿式邦死明年正月

清將馬蛟麟破梧州而可藻為僧去蛟麟遣其中軍范鑾以書招之不至可藻性慷慨喜論列天下事其始為御史也疏勸上勤聖學謂學非從事章句也請法祖制日御午朝講官擇通鑑中興復仇事究論得失條奏累朝寶訓可行於今者

大興傅氏長恩閣鈔本



數事內閣擇用人理兵治餉章奏面商可否時賜辦難自然  
聖聰日開天下事日詰習矣上優旨答之然不能行也可  
因歎曰此事今非惟不能行實直不暇矣歷朝內閣票擬一  
兩言可畢王言簡重尊嚴有體令則必用四六駢語題敘則  
每人贊其功勳表對則每事譽其忠悃郡縣小吏妄言陳奏  
亦必鋪張揚厲不以為煩大僚之贊美不必言矣如此則閣  
臣批答日不暇給何暇措置天下事乎嗚呼上替下驕法紀  
蕩然乃欲以筆舌邀結人心豈有當也祖宗朝所司開陳之  
閣臣主斷之言官彈正之大政大議內閣無日不建白未有  
置身可否之間坐視成敗而曰今何時乃復祖制是時日易  
喪之心具罪浮於降盜者矣可藻又嘗請知則鎮雷鎮祚鄭

元勳諸人部議不許存其論可矣

逸史曰觀生魁楚皆庸材也遭時竊位橫據大柄及乎定策  
遂釀同室之鬪使庚癸坐失卒致駭越不然守灑江梓柯之  
險饒金珠翠羽之富即不能逐鹿中原亦何至不及尉陀傳  
世延祚稱蠻夷大長老或哉可藻之建議勸學豈獨一時雖  
萬世行之可也

南疆逸史卷二十四

大興傅氏長恩閣鈔本

南疆逸史卷二十五

烏程溫睿臨撰

列傳第二十一

陳子壯

張家玉

陳邦彥

陳子壯字集生疏秋濤番禺人萬曆己未進士第三人及第  
授編脩父熙昌吏科給事中有直名子壯積官至詹事府少  
詹事禮部右侍郎署部事長擬美髯儀容瑰瑋性敏練諳習  
掌故議論敷奏動合機宜莊烈帝嘗召諸翰林對便殿給筆  
札出章奏相與平章稱旨凡九人而子壯居最帝屬意且大  
用會帝欲行宗室換授之法子壯持之庶王移書相駁難帝  
怒下子壯詔獄歸既而召之未至而京師陷福王立起禮  
部尚書行至蕪湖聞南京破從間道歸與廣督丁魁楚將立  
桂王曰常瀛曰神宗之子也而開唐王已立於閩海道參議  
湯來賀曰閩立君矣粵復立君內自為敵如天下笑何議遂  
寢閩亦以東閩大學士召辭不行及閩亡桂王監國於肇慶  
以子壯前議即其家拜大學士太保兵部尚書節制江廣閩  
楚軍務未出境而

大兵克廣州勢且西出子壯謂門人給事中陳邦彥曰事亟  
矣不急舉兵以牽制敵騎仗無西則粵即閩之續也乃盡散  
家財招募起於南海之九江村及侍郎吏亮張家玉新會王  
興高涼崔良橫朝陽賴其肖等前後聚眾攻克諸州縣子壯

大興傅氏長恩閣鈔本



所將多營戶番鬼勇敢善戰甲冑器械無不精利乃與邦彥約攻廣州時

大兵東西進出廣州空虛故指揮楊可觀楊景暉並南海人及知州梁若衡等結花山降盜三千人陰召子壯期以七月七日兵至內外舉火應子壯喜先二日率水軍薄廣州謀者入城被執事覺總督佟養甲立誅可觀等召遣人召李成棟還師于壯兵至五羊驛而賊至十四日養甲生長子壯以為將卒方宴飲城可襲也五鼓薄城落月參橫江無一船子壯大喜及時至城角鳴起水師數千從乘采軍士大驚亟回棹則舟已為巨纜所扼水師從後縱火盡焚其舟子壯奔還九江長子庸死焉會前御史來而炫破高明復迎子壯以

南疆遠史卷二十一

二

前主事朱實達共守之九月成棟入高明實達戰死于壯被執成棟飲之酒子壯談笑飲滿如平時至廣州養甲謂曰吾與公年家也何苦反子壯曰若知年家所由來乎若叛本朝乃名我反我國之大臣詎為汝屈養甲怒置子壯高座設祭三壇集諸降臣何吾駟黃士俊李覺斯葉廷祥王應華伍瑞隆關捷先陳世傑等令拜之祭畢剛子壯子壯垂盡罵不絕口養甲舉酒屬吾駟等曰諸公畏否皆期躬曰畏亦有改容說數曰若真忠臣真忠臣軍中皆指目罵之子壯固亦被獲家僮伯卿請寸斬以贖主人之孤得免死子壯死年五十二其母亦自縊戊子春贈太師番禺侯諡文忠子隆錦衣衛指揮使時養甲已來降即遣之謝祭以愧之

大興傅氏長恩閣鈔本

張家王字玄子疏芷園東莞人崇禎癸未進士改庶吉士劉賊破京師家王投書罵賊賊縛之使兩武士夾之問以故家王年少貌俊拔巨聲辭辨賊歎曰吾殺此曹多矣臨死漸戰不能作一語未有若此人者竟釋不殺家王乘間南歸而南都訛傳家王已從賊遂削籍遇唐王於杭州從入閩以侍讀兼兵科給事中監承勝伯鄭彩軍家王緣道撫輯難民收其丁壯從軍餘給遣還里帝聞善之命刊其法示四方彩屯廣信不進十一月撫州告急家王往援力戰圍得解已而彩棄廣信入閩家王與知縣李翔守新城丙戌正月

南疆遠史卷二十一

三

大兵圍之家王出戰中流天墜馬壯士翼之出負創入閩命以僉都御史巡撫廣信至則廣信已失家王請回粵招募得眾數萬簡精銳萬人為武興營將赴贛州聞延平敗乃回東莞居大父喪十二月廣州破清巡撫佟養甲素聞其名遣副使張元琳即其家召之元琳故與家王同為癸未庶吉士家王衣冠出見責以大義養甲復飛書諭之家王答曰孔門高第太祖孤臣如家王其人者安可以不賢之招招之乎生殺榮辱惟命會清兵掠蕉麓到澄二鄉鄉人禦之擊殺數百人其渠何不凡莫子元等以大舟來迎家王憤蓋麾葆鼓吹登舟襲東莞城入之執新令鄭瞻藉降紳李覺斯家以犒士騰檄遠近所在嘯聚以應時丁亥三月也越三日大兵至戰於萬家租東莞不守家王走到澄

大興傅氏長恩閣鈔本



大兵追之屠到濠家王祖母徐氏母黎氏妻彭氏妹石寶俱  
赴水死家王走西鄉依大豪陳文豹以兵二千進克新安縣  
殺千餘人復襲東莞戰於赤岡不利退回西鄉成棟

大軍至攻圍數日互有殺傷已而舟師敗西鄉亦隨破陳文

豹等俱見殺家王至鐵岡得姚金之陳穀子羅同天劉龍李

啟新等眾三千人連復龍門博羅連平長圍諸城勢復振進

攻惠州克歸善縣還屯博羅

大兵攻之家王走回龍門募兵旬日門得萬人家王幼好擊

劍任俠多結山澤之豪故所至翕然蹶而後起至是分其眾

為龍虎犀象四營進攻增城入之十月成棟接增城家王三

分其眾將角相救且倚深溪高崖以自固初四日成棟請戰

家王將軍中自當之成棟少小却家王鳴鼓進軍斬百騎

大兵拒平岡而止家王亦收軍軍法出張旗入捲旗奪敵入

之旗則麾以入是日斬獲多擊旗者忘麾之手縮敵頭張旗

入中軍後軍望見者駭曰敵入中軍矣皆走前軍大亂成棟

以鐵騎蹂之遂大敗家王中九矢諸將欲掖之走家王曰大

丈夫立天下常犯大難事已至此馬用徘徊不決以頸血濺

敵手哉因起徧拜諸將自投野塘中以死懷銀印一其文曰

正大光明開賜也時年三十三

大軍得其尸鮮有識者修養甲曰觀此貌清正必義士真家

王首也某諸紳驗視之李登斯拜且賀曰是也某知其一齒

缺以銀鑲之髮長可二尺三寸今果然死無疑矣有營妓在

大興傅氏長恩閣鈔本

側顧而累欲養甲亦為改容獨覺斯洋洋有得色然家王父  
兆龍弟家珍仍為人所毆覺斯不得踪跡也張氏為唐殿中  
監九泉之後宋末遷東莞地倚大江面四百三十二峯而萬  
家初揚起元懸記此地必生偉人自九泉十七傳而生家王  
萬家祖之戰李登斯恨家王藉其家導

大兵入滅張氏族又倡為厭勝之說燬廟發家甚酷明年贈  
少保增城侯諡文烈父封如家王官家珍蔭錦衣僉事其先  
後從家王死者從弟有光有恆及伊鉞鄧林材楊光遠等數  
十人粵中人又言家王常乘一黃馬每臨陣作勢怒鳴以鼓  
士氣及家王死馬亦踣死於溪側伊鉞字秀

陳邦彥字會城號巖楚順德人少慷慨喜大節雙眸炯炯能

視日不眩乙酉以諸生走金陵上政要三十二策其書傳布

唐王讀而偉之既即位授監紀推官而邦彥已於是科舉於

鄉蘇觀生薦為兵部職方主事監廣西糧兵至嶺南延平敗

勸觀生東保惠潮截大庾嶺可保全粵不聽會永明王立於

肇慶觀生與丁魁楚不睦回兵至韶州將立唐王弟使邦彥

赴肇慶觀之王在梧州邦彥至大妃垂簾南面坐王西向立

魁楚倚勞苦邦彥語以東事且曰今非戰則和二若安出邦

彥曰我弱彼強以戰則非敵我直彼曲以和則無名為今日

計惟急還肇慶正大位以繫人心繼舟固險馳檄遠近摩勵

以觀其變今南雄諸戍皆西山勁卒命之取韶其勢必舉粵

東十郡我制其七而使其三代我受敵從而乘其敵不亦可

大興傅氏長恩閣鈔本



乎上曰善明日改授兵科給事中令回召觀生入輔邦彥歸  
 唐王已稱帝邦彥不敢入貽書觀生報命且勸其與魁楚並  
 力勿國中自顧觀生不能從邦彥遂隱高明山中未幾廣州  
 破聿鏑及觀生皆死先是贛州總督萬元吉使族人萬年募  
 兵於粵得余龍等千餘人未行而贛州破無所歸聚甘竹灘  
 為盜潰兵依之得二萬餘人肇慶總督朱治澗使監軍鄧研  
 聰招之既至與督標兵不和譁而歸研聰與年俱死於亂李  
 成棟既定廣州丁亥春盡銳而出邦彥出自山中臨西江之  
 口登高而望積峽奔流帆旆飛揚浩然出涕曰莫可救也夫  
 若乘其未定得奇兵徑襲廣州此孫臏所以係趙也乃乘扁  
 舟入甘竹灘說余龍告以其謀龍許之邦彥亦起兵高明與  
 龍由海道入珠江廣州聞警養甲飛騎召成棟回揚言徑道  
 襲取甘竹龍等內顧遂還是時陳子壯起九江張家玉起東  
 莞霍師連等起花山皆與邦彥相應邦彥起寄家玉書云成  
 不成天也敵不敵勢也方今乘輿蒲遷桂林危如累卵得奉  
 制毋西溥平之問庶可完算是我戮力於此而收功於彼也  
 乃遣其門人馬應房與余龍攻順德復之成棟至順德余龍  
 戰敗應房被執不屈縛而沈之於水應房前崔慶守義祥子  
 也四月余龍再戰於黃龍江亦敗死邦彥乃棄高明收餘眾  
 數千別徇江門下之七月與陳子壯約圍廣州子壯先至謀  
 洩欲引去適邦彥至相謂曰李成棟方攻張侍郎於新安聞  
 廣州警必乘舟急還邦彥伏禺珠州側伺其至以火舟從蘆

大興傅氏長恩閣鈔本

葦中衝之公嚴陣以待使不得奔突克城在此舉矣青旂而  
 朱符者我師也計定成棟夜至邦彥引兵旁擊之焚其巨艦  
 數十成棟率輕舟前走邦彥尾之環城而西平明適子壯軍  
 養甲知成棟至從城上擊鼓以助其勢子壯軍不知望帆槽  
 千翼蔽空而上以為盡敵舟也陣動子壯急止之不能定成  
 棟順風追之遂潰邦彥孤軍不可留乃疾引兵攻下三水距  
 胥江與霍師連會前湖南道黃公輔御史連城壁等亦攻下  
 新[岡]新會是時家玉在東邦彥在西養甲謂成棟曰家玉依  
 山為營畏我騎兵不自至也邦彥標疾利在舟楫若全師東  
 出為害大矣不如偏師綴家玉而專意西方成棟從之八月  
 邦彥及成棟大戰於江門又戰於胥江氣益奮邦彥自起兵  
 來日一食夜坐假寐不就枕與士卒同勞苦故其下人之感  
 動即小如無思叛者九月清遠指揮白常聚殺知縣章北斗  
 以迎邦彥以南海人鍾喜署縣事因橫江樹柵絕嶺東餉道  
 成棟還師擊清遠霍師連以舟師遇之成棟縱火燒師連舟  
 兵亂破柵而入師連戰死邦彥常聚與太學生朱學熙嬰城  
 守時民兵起者數十家惟邦彥一軍最強嘗分出以救民兵  
 之賊者至是精銳盡外無救者攻十餘日城陷常聚鍾喜  
 戰死邦彥猶率數十人投戰肩受三刃不死走朱氏園學熙  
 已自縊邦彥哭而拜之索筆題壁曰無拳無勇何餉何兵聯  
 絡山海喋血會城天命不佑禍患是擾千秋而下鑿此孤貞  
 遂被執養甲使醫來視創邦彥亦之饒亦不食在獄五日惟

大興傅氏長恩閣鈔本



慷慨賦詩臨命歌曰天造今多艱臣在江之滸諸生且談兵  
 時哉不我與我后兮何之我躬兮獨苦厓山多忠魂前後照  
 千古歌畢西向稽首坐而受磔九月二十八日也監視者視  
 其肝肝忽躍起擊監者面驚悸數日死邦彥死後六日家玉  
 死又一月子壯死又三月李成棟以廣州降逾年贈邦彥兵  
 部尚書論忠愍先是廣州之攻養甲知其謀出於邦彥遣人  
 收其家獲妾何氏及子和伊虞伊於肇慶厚養之為書以招  
 邦彥邦彥判其尾曰妾辱之子殺之身為忠臣義不私妻子  
 也養甲壯之仍厚館焉其後僉都御史李星一舉人杜璫以  
 兵攻肇慶始殺之璫等戰不勝亦死璫字石貞高要人也  
 逸史曰三君子之死義烈矣自魏生不用監軍之言廢儲不  
 守惠州旋失使敵拾廣州如芥橫制粵朝之習然殊與播遷  
 猶得徘徊楚粵間則以三人之孤軍出沒或棟疲於奔命不  
 遑西出也自是後大將暗世澤之猶存感孤忠之奮發不旋  
 踵而革而歸於繩索當是時幾有少康之基焉夫粵之人才  
 豈獨瓊山稱不朽哉

附記從陳張三公死事諸臣

嗚呼粵中之立國僅矣當是時天戈所揮勢如拉朽而粵區  
 區一隅擁孱王藉非張陳三君子捍禦鋒刃其得從容而立  
 君哉三公尚矣其輔而共起者書生赤手慷慨赴義隕宗族  
 而不悔亦可悲也吾不敢遺為條次之如左

梁若衡  
 朱實蓮

大興傅氏長恩閣鈔本

麥而炫	譚應龍
區懷炅	韓如琰
林游	張恂
張珪	譚高謀
馬應房	楊景暉
楊可觀	霍師連
陳文豹	李學熙

梁若衡字簡臣南海舉人知永福縣以廉稱靖江王陰畜異  
 志與峒蠻相結有巨盜欲釋又奸徒指民田獻王者遣吏執  
 券索印若衡皆持不可以憂歸遷左州未赴若衡娶於陳子  
 壯之妹兵至廣州養甲疑其內應給若衡至手刃之事聞詔  
 贈光祿寺少卿賜祭葬

朱實蓮字子潔南海人祖讓慶州知府實蓮性聰穎七歲能  
 屬文總角舉鄉魁以薦授德清知縣歲饑賑活萬人賦不登  
 被劾上官念其清廉助之干緡不受降松江照磨踰月補臨  
 淮知縣以憂歸隆武召為刑部主事未行永麻即位轉戶部  
 奏較團練水陸義師廣州陷與子壯同起兵

大兵盡銳來攻民悉持兵伏隘斬獲千餘馬數百匹生擒其  
 將數人乃率戰艦數百同攻廣州使陳官渠梁標陸言葉以  
 緇先登遂奪兩關礮臺會成棟還軍大戰陳師潰實蓮收軍  
 於漫屯三水而使區懷炅先往高明以子壯令呼程憲之會  
 一唯等為應高明既破軍勢復振實蓮署縣事關天鍾梁蓮

大興傅氏長恩閣鈔本



臣等分門而守未幾九江破屠戮數千人遂攻高明三日城陷實蓮手刃數人而死天鍾長軀黑面力舉千鈞巷戰殺數百人以死具同事者有吳兆健字行之朱名臣字敦友皆以諸生試兵部司務程憲之字贊斯會一唯字貫卿皆授戶兵主事高明人也梁蓮臣順德人御史元桂之子以諸生為游擊子壯其外舅也既敗無一降者實蓮攻拔高明諸詔陞監軍副使聯絡西師後贈光祿寺卿加贈兵部左侍郎蔭一子指揮僉事

麥而炫字章聞高明人崇禎辛未進士知上海縣多惠政邑中有虎為文告於神虎去民作遠虎亭以志之歲凶以催科不及降福建布政使檢校署海澄漳浦二縣攝漳州海防起

補安肅令與權要不合罷歸永興起湖廣道監察御史未行

廣州失守大帥招之不應丁亥四月陳邦彥起兵將襲高明而炫約為內應不果八月陳子壯師至遂與譚相國區銑等新令徐中立以高明迎于壯合師出攻新興破之高明陷而炫兵潰執至廣州不屈與弟而唱及隨征都司嚴會謝達等同死詔贈太僕寺正卿賜祭葬蔭一子而唱字昌仁以諸生授監紀推官從于萬核字道泰世襲百戶授都司先城陷戰死先是新興有錦衣衛指揮同知梁逾字與甫及諸生梁州垣州翰起兵與而炫合戰敗皆死永興命梧州府通判姚馨往葬州垣以一品禮祭七壇官其子敬承監紀通判逾先有護駕功陞僉事同知至是贈廣威將軍

譚應龍字能岳高明人崇禎中為昭平典史縣委鞠囚既定贖錢囚泣問之曰需女所得也應龍即請於知縣以捧代而還其納有勾絕軍丁金却之及家居聞北都變與二子相國正國縲服書先帝血詔於堂日拜而哭謂先皇帝死而不忍忘百姓百姓又豈忍生而忘先皇帝乎廣州陷舉家全髮陳子壯將至應龍使相國出迎師而陰納麥而炫軍與為犄角高明之克應龍功為多子壯承制授兵部職方司主事不受大軍至應龍曰吾不可不安眾志移妻子入城同未實蓮力守常佩一帶謂子弟脫有下虞吾當雖經於母堂之樹城陷謂其妻黃氏曰汝常誦唐人汝濤誓不起妾心井中水之句今其時矣妾欣然赴井應龍整衣冠自縊年六十有九相國妻亦抱其幼子憲默赴井事聞詔准以死勤事例給祭葬建祠旌表相國字起臣已外舉人國變時首鬻產輸餉曰吾以輸義承授禮部儀制司主事既敗走南迎承中途中途為土寇所害年四十九詔贈員外郎

大興傅氏長恩閣鈔本

區懷吳字照仲高明人戶部尚書大倫子以蔭授知縣與從子宇並有戰功宇精師岳州通判大拒孫以諸生授監紀知縣區銑以武舉授兵科給事中皆與子壯同日死贈懷吳光祿寺丞又有南海人吳元字元晦吳元字元容皆名諸生子壯起兵謀先復廣州檄書使為內應並署兵部主事事洩被執將出市吳元就道讓其兄先行曰造次不可失序也其弟吳元字元節方捕急脫走藤縣其後李成棟來降吳

大興傅氏長恩閣鈔本



元率兵復梧州授監軍副使梧州復陷力戰死兄弟稱三烈士云其友郭非元以諸生從兵投贊畫知縣兵敗不肯雉髮遇害

韓如琰字潤李博羅舉人國變謀起兵為檄馳布詞旨激烈廣州陷偕從子二見入羅浮山招集壯士五千人與張家玉合軍攻復博羅歸善未幾陷如琰督戰不支與二見俱赴水死贈兵部職方司郎中賜祭葬

林游字習脩東莞人祖培神宗時御史抗直敢言游補諸生張家玉少從之學嘗問游他日致君當於古人何若游曰吾於漢尚友一人曰甚矣汲黯之慙也於唐尚友一人曰會須殺此田舍翁家玉既貴薦於朝及奉命返粵募兵隆武詔游

以推官監紀其軍

大兵至廣州東莞知縣余經國將降迎游廷叱之聞家玉欲就死游即攜西監藥杵投之曰子死且為完人吾當隨子取酒生祭焉已而陳子壯書至約同舉兵游因為謀主東莞既復家玉還軍到滘留游守萬家租

大兵來攻督鄉兵力戰而敗貢生伊越海弟諸生滙死焉游將歸死孔廟知縣施景鱗執以獻獄中聞家玉戰死哭之曰吾昔祭子於生惟恐子之不死吾今祭子於死而又恐子之

不生也臨命賦詩有四十七年祭市骨英雄長願侍君王之句其年適與文信國同云贈文林郎從弟泗英年十九赴福州上書隆武授中書舍人紹武潛位泗英獨上書翼戴永明

肇慶即位手執褒美後以應子壯兵卒於獄張恂字士和東莞舉人授衡州府同知勦峒源大盜擒某四渠脫男女萬計請設嘉禾新田二縣為善後計遷永川知府

請減輸奏點餉改食東鹽又為修備儲練以故流寇再犯郡裏而不敢窺永城境陞湖廣兵備副使以病歸家玉其姪孫也東莞既復恂自領一軍城破戰敗北面拜曰臣力竭矣遂自刎死贈左參政賜祭葬于景萬字福孺詔賜授監紀推官

監建陽軍以復城功陞兵部職方司主事監軍湖南駐藍山其後楚鎮普志建叛逼降不屈伏劍死張珩字台玉大埔人宏猷字淑壯世業南陽衛指揮使東莞

攻破宏猷與其弟宏烈宏讓子正邦正道皆戰死一門殉焉

詔贈都督賜祭葬龍門人譚高謀字天池譚高擢字景瑋高謀以武舉為京營守備高擢以貢士知清和縣罷官家居家玉起兵集義旅為內應既克永安使高擢署令事城陷皆死之

馬應房字子龍順德人父義祥宦慶知府應房當廣州陷為文告孔子將歸死學宮其友止之邦彥之起余龍率眾効死者應房力也及敗或勸應房亡曰吁吾有母在遂就執令語

之曰若父為太守若為諸生何敢作賊應房曰世受國恩是以舉義何為賊曰若舉義何與羣盜為伍曰諸主空拳非藉彼事不集獨不見文丞相招合峒蠻兵武榜指揮楊么軍乎死耳無多言遂沈之伏波橋下

大興傅氏長恩閣鈔本

大興傅氏長恩閣鈔本



楊景字暉采生揚可觀字龍瑞俱南海人景暉性豪邁善騎射中武舉與可觀並任廣州指揮義師之起兩人陰結壯士分置諸門將斬關以迎及兵至養甲重購諸大姓及城外耳目者可觀家奴利購金以謀告養甲先執景暉母景暉出曰我實為之事不成天也不可上累吾母養甲釋其母又曰景暉須臾人耳執事既念其母何不及其未死並十齡之妹釋之以安為吾母養甲從之好語勸之降景暉曰汝生我我不汝生也與可觀同見害事聞詔贈都督賜祭葬其同官高為曠張象賢亦並以內應誅

南疆逸史卷二十五

四

霍師連字連生尚書文敏公諱之元孫隆武初募兵勤王投遊擊以功陞副將陳邦彥兵起師連從攻廣州不利還拔三水大小十餘戰

大兵畏其鋒清遠衛指揮白常聚舉城迎之師連與邦彥往赴列柵江上為堅守計騎至不得戰北風大作師連出不意疾以火舟出擊成棟佯退師連揮舟追之數里風反還迫柵不得入盡焚師連將走甲重溺死常聚巷戰死事聞贈都督同知賜祭葬蔭子千戶常榮字燦玉

陳文豹字孺赤新安以負材武尚節義兩京連陷於所居兩鄉團練千人自保諸寇環現不敢犯廣州陷新令厚敵於民民不堪命文豹舉兵殺令以徇諸生王者壯出巨萬助軍投監紀推官軍聲大振李成棟兵猝至戰敗其將殲焉會張家玉至招黃麻園諸盜為助諸山驍武皆起應之成棟再至伐

大興傅氏長恩閣鈔本

發觸地雷火器死者無算遺漁戶數百人邀截虎門焚其樓船且盡越數日復來攻慶戰三日不能支文豹躍馬入陣格殺數千人以死王者壯亦戰死西鄉屠焉文豹故鏡於財喜周人急兒時隨母避賊母置文豹草中賊殺人提之勿動刃其耳而去鄉人以為神至是舉兵皆踴躍曰我公天祐也羣應焉事聞贈都督賜祭葬

南疆逸史卷二十五

五

南疆逸史卷二十五

大興傅氏長恩閣鈔本



馬程溫睿臨謀

列傳第二十一

馬乾

李乾德

樊一衡

詹天顏

范文光

馬乾疏樂山昆明人崇禎癸酉舉於鄉為四川廣安州知州廉平舉卓異巡撫邵捷春令攝慶州府事獻忠入蜀攻圍三十餘日乾固守不下督師楊嗣昌遣兵援之圍始解擢川東兵備僉事駐蓬州乾有謀略知兵敢任事陳士奇之罷巡撫也蜀人仕於朝者請用乾而廷議用龍文光明年八月成都

南疆逸史卷二十六

陷文光死士民乃共推乾行巡撫事遣兵復重慶府擊走賊將劉廷舉南都因加乾右僉都御史巡撫四川大學士王應熊時里居勿善也及受命督師乃劾奏乾淫掠不法詔奪職逮訊而道路梗塞使命不至乾行事如故乾在重慶移檄討賊劉廷舉既敗歸賊遣劉文秀率眾數萬來攻乾登陴守禦副將會英聞重慶急與參政劉麟長自遵義赴援先遣部將于大海李占春張天相等分水陸進兵而已率精兵間道襲破賊營取其旗幟還與大海等夾擊賊大敗脫走者不能十

一乾因留英同守重慶久之

大兵入川獻忠伏誅其黨孫可望等率眾南奔

大兵追之至重慶乾出戰兵敗而死

大興傅氏長恩閣鈔本

李乾德字雨然蜀南充人崇禎辛未進士歷官湖南巡撫時

武昌已陷乾德駐岳州十六年八月張獻忠來犯乾德偽約

降賊前鋒入盡殲之賊怒悉眾來攻乾德力不支走長沙無

何湖南地盡失還屯黔之婺州以圖興復宏光時改命何騰

蛟撫湖南而乾德亦以失地降為事官赴督師王應熊軍前

自劾會袁韜武大定自順慶敗而南乾德承制撫之是時永

曆帝立於粵中擢乾德兵部右侍郎兼右僉都御史巡撫川

南乾德入蜀其鄉邑已陷家亦被難睹各郡城郭荒殘慨然

流涕察諸將惟韜勇悍可用說之以就功名韜亦傾心相附

乃率之攻佛圖關拒重慶其後諸將大會韜自恃兵強欲踞

諸軍上李占春宿將恥為之下因並憾乾德也謀夜襲取之

南疆逸史卷二十六

乾德素善占驗夜觀乾象語韜曰且有急兵韜因設備而乾

德走匿山谷間占春來襲不能克取乾德擊而去次日復還

之由是諸將益猜嫌治兵相攻乾德不能禁也久之重慶食

盡乃遣人說嘉定楊展與袁武合展與乾德俱蜀人又樂有

袁武之功大喜約為兄弟居之誠為資給之乾德屢諷展經

營川北展不聽乾德怒令韜殺展而並其眾蜀人俱不直乾

德朝廷亦下詔切責之乾德望益輕

樊一衡字君帶宜賓人萬曆己未進士崇禎中以稽勛郎中

出為陝西右參議勸榆林兵備時比歲荒旱饑民相挺為盜

一衡撫劍殘詰奸宄脩戎備甚著勞績巡撫吳甡總督洪承

疇先後薦其才累遷監軍副使進提察使監軍如故一衡在

大興傅氏長恩閣鈔本



行間最久督撫屢上其功擢右僉都御史巡撫閩夏撫定叛卒而南京言官劾其冒濫遂罷歸其後廷臣交薦乃起兵部右侍郎兼右僉都御史總督川陝軍務命未達而北都陷福王即位重申前命時張獻忠已陷成都據有全蜀惟遵義尚全一衛遊難其地督師大學士王應熊亦駐節馬一衛既拜命檄諸郡舊將期以冬抄會師會巡撫馬乾恢復重慶松潘副將朱化龍與同知詹天顏擊走賊將王運行恢復龍安及茂州官軍氣稍振十二月一衛赴永<sub>甯</sub>起舊帥甘良臣為總統副以侯天錫屠龍而是時參將楊展遊擊馬應試余朝宗亦率潰卒至合之得三萬人先圖敘州敘州一衛鄉郡也明年乙酉宏光改元三月師至城下應試朝宗先登大軍繼之

內閣通志卷二十六

斬敵數千級為都督張化龍僅以身免遂復其城一衛乃請江上搗師副將會英之破劉文秀也威名大振一時鋒起之將咸屬焉兵至二十餘萬楊展等既復敘州賊將馮雙禮來寇每戰輒敗已而孫可望以大衆援之與一衛等隔江而陣相持一月糧盡乃還屯古蔭州展亦還歸江津賊發衆數萬邀朱化龍及威茂會事蔡眩明于羊子嶺化龍乘賊陣未定渡以番騎數百衝之賊見即驚潰死者山谷為滿化龍以孤軍不敢窮追乃還守舊地九月官軍敗賊於慶泥又敗之於泚水軍聲甚振一衛乃命楊展馬應試由敘南取嘉定印眉故總兵官賈登聯及其軍楊維棟由富順遠資簡侯天錫高明佐復瀘州李占春于大海守忠信而其他各拒城邑奉

大興傅氏長恩閣鈔本

檄聽調者洪雅則有曹勛及監軍副使范文光松茂則有監軍僉事詹天顏夔萬則有譚宏譚詣一衛乃移駐納溪居中調度督師王應熊亦視師江上一衛與會於瀘州檄諸路刻期齊進獻忠頗懼屠其境內民無孑遺盡埋金銀江中大焚宮室火連月不滅將棄成都走川北明年春楊展盡取上川南地屯兵嘉定與曹勛等聯絡相應而督師及王祥在遵義馬乾及曾英重慶皆有重兵遂為聲援賊勢日蹙惟寶<sub>甯</sub>順慶二府尚為賊將劉進忠所守而進忠又數敗獻忠怒遣可望劉文秀王尚禮伏三品王復臣等率兵攻川南郡縣應熊一衛令諸將連營捷為敘州諸處以禦之賊連戰不利五月曾英王祥以賊大衆在外整兵直趨成都獻忠知之立召可望等還又聞

內閣通志卷二十六

大清兵入蜀境劉進忠降大懼謀親禦之九月遂棄成都走順慶尋入西充之鳳凰山列營自固至十一月大清兵掩至射殺獻忠賊衆歸降及敗死者二三十萬人而可望等率殘卒南奔驟至重慶曾英出不意戰敗死於江賊遂陷綦江應熊避之畢節衛明年丁亥正月賊陷遵義入貴州大清兵追至重慶巡撫馬乾敗死遂入遵義以餉乏焚師保<sub>甯</sub>二郡復為王祥袁詒等所拒於是一衛再移駐江上弔死郵傷命分屯招聚為收復全蜀計乃列上善後事宜及諸將功狀詔拜一衛戶兵二部尚書加太子太傅王祥楊展侯天

大興傅氏長恩閣鈔本



錫等進爵有差時應熊已卒於懷仁而宗室朱容藩故偏沅  
巡撫李乾德並以總制至楊喬然江爾文又以巡撫至諸人  
各自署置官多於民一衛深疾之抗疏極論其害不報當是  
時城郭邱墟人民已盡而諸文武猶貪富貴各擁甲兵割土  
地互相雄長於是袁韜拒重慶于大海拒雲陽李占春拒涪  
州譚詣拒巫譚文據萬縣譚宏拒天字城侯天錫據永固馬  
應試據蘆衛王祥據遵義楊展據嘉定朱化龍曹勛據故地  
搖黃諸家據夔州夾江西岸而李自成餘孽李赤心等十三  
家亦在建始等縣一衛無所施節制但保敘州一郡而已明  
年七月李乾德殺楊展一衛怒移書請讓乾德諸鎮亦憤益  
有離心時喬然已進為總督又以詹天顏巡撫川北范文光  
巡撫川南然徒擁虛位不能有所為也天顏龍巖人起家選  
貢生文光內江人天啟初舉於鄉崇禎中歷官工部主事南  
京戶部員外郎告歸張獻忠亂蜀范文光偕邛州舉人劉道  
貞蘆山舉人程翔鳳雅州諸生傅元脩洪其仁等舉義兵奉  
鎮國將軍朱平構為蜀王以參將曹勛為總兵統諸將而文  
光以副使監軍勛敗賊於龍鶴山明年率參將黎神武攻雅  
州不克會偽監司郝孟旋守綿州謀反正文光遣間使招之  
孟旋逆襲殺守雅州之賊以城來歸文光等入居之承<sub>曆</sub>二  
年與天顏並受巡撫之命時政令不一他將亦不受約束及  
楊展之死文光遂入山不視事明年九月白文選破王祥遵  
義重慶皆歸可望一衛勢益孤又明年八月劉文秀敗武大

大興傅氏長恩閣鈔本

定兵長驅入嘉定袁韜降乾德與其弟御史升德赴水死文  
秀兵東下三譚俱降占春大海降於  
清又明年三月  
大兵南征天顏兵敗被執不屈見殺文光聞之賦詩一章仰  
藥死一衛時已謝事山居至九月遺疾而死向時文武大將  
吏至是盡亡  
逸史曰嗚呼甲申以後蜀中之災害詎不酷哉蓋開闢以來  
未有之劫也始於獻忠之虐赤地如洗其未盡兵寇者荒疫  
復助其焰至于遺之民乃有虎狼狂噬雖重關崇閣不得免  
馬連村蔓落食盡乃己如是者十年而後息其後白頭老嫗  
年在童童者尚能生子野穀旅生枯荻復茂  
大兵既入之後民始有種焉其剝盡而復乎嗚呼天何所怒  
於蜀民而假手以降殃如是也蜀天府之國錦綺奇貨甲天  
下繁富與金陵吳會相埒詭譎淫富滋久則必變固天道與  
然其間豈無積善餘慶之家廉潔貞信之士而玉石俱焚則  
又何也嗚呼天降喪亂而馬樊諸君欲以赤手施其屏障宜  
其難矣

大興傅氏長恩閣鈔本



南疆逸史卷二十七

烏程溫睿臨撰

列傳第二十三

郭承份

張孝起

朱壽圖

朱壽琳

羅國瓚

高勳

郭昌期

李如月

王應龍

任國瓚

郭承份字懋宏晉江人崇禎癸未進士授淮安府推官南渡微為御史隆武命巡撫貴州蜀寇之潰入黔也承份與定番侯皮熊總制范熾協力勦撫士民感德思中建國別遣御史

南疆逸史卷二十七

一

巡方而擢承份右僉都御史巡撫黔南依皮熊以居孫可望既奉正朔使李定國會諸鎮盟於龍里承份與范熾往蒞之時永曆三年也其冬可望敗盟由滇黔赴皮熊不能禦走清浪衛自文遠追執之並執承份是時可望勢盛諸吏於滇黔者皆受偽職獨承份不屈既見可望數之曰口血未乾而遽逞兵汝謂天朝無人欲行莽操之奸乎可望館之餓九日不死使人謂之曰強飯自愛共獎王室無他慮也承份瞪目曰司馬昭之心路人知之而欺我乎復餓五日然後死矣張孝起字將子吳江人舉於鄉為廉州府推官隆武二年清兵至避之海濱尋舉兵謀恢復戰敗被獲妻妾俱投海死孝起見羈數月會李成棟歸國乃達行在授吏科給事中孝

大興傅氏長恩閣鈔本

起清真介貞不設強禦永曆四年從駕幸梧州與廷臣共排去五虎劉湘容鄖國公高必正鄉人也思孝起嘗之於朝又使虎黨廖應亨劾孝起擅執朝政驅除異己時論德唐議方居憂亦聞入奏辨孝起叱之曰誠服未終何故擅入今豈起復官員日耶誠悚然而還誠亦虎黨也由是諸臣計必出之於外而上方向之擢右僉都御史巡撫高雷廉瓊四府破入龍門島復被執七日不食死之

南疆逸史卷二十七

二

朱壽圖宛平人崇禎中由舉後新鄉知縣破斬土賊千二百餘級以治行高授南京御史劾罷監軍張若麒及大學士謝陞而福王立馬士英起用阮大鍼壽圖抗疏論之乃命出按四川吏部簡堪任監司令守者從之西行時川地半為張獻忠屠戮列城殘破荆棘塞道壽圖至則與督師王應熊總督樊一衛等激勸諸將招集流亡川南郡縣漸次收復閩中頒詔主事徐州彥自川歸陳諸臣勞勩狀明年擢壽圖右僉都御史巡撫貴州永曆元年正月孫可望陷貴陽壽圖走沅州其冬沅州陷死之

朱壽琳魯府宗室也家袁州崇禎中為雲南通判有聲績隆武命以右僉都御史募兵勤王值沙定洲亂兵不能集及孫可望等入寇壽琳知不免張麾蓋往見之行三揖禮曰謝將軍不殺不掠之恩可望脅之降不從繫於他所使人誘以官終不從從容題詩於壁或以詩獻可望遂遇害

大興傅氏長恩閣鈔本

羅國瓚嘉定州人崇禎癸未進士歷官御史巡按雲南沙定



洲之亂國職無所繼行法自如後按命曲靖可望兵驟至被執不屈搢至昆明自焚死

高勳字元功紹興人永曆中歷官光祿少卿晉王李定國既奉上至雲南馬吉翔復設附之與內侍龐天壽用事如故定國與蜀王劉文秀時詣二人家勳與御史鄧昌期患之合疏言二王功高望重不當往來權倖之門恐滋奸弊蹈秦王故轍疏上二王遂不入朝吉翔激帝怒令除名廷杖金新維謂定國曰勳等誠有罪但不可使殿下有殺諫臣名乃入救得免孫可望既敗定國以為無他志武備盡弛勳與部郎金簡進諫曰今內難雖除外憂方大同我者方頓兵以待兩虎之樊而刺之刃而我酣歌漏舟之中熟寢積薪之上一旦殪場

約雅述卷二十七

三

不虞何以先後耶二王老於兵事何泄泄如此定國不悅陳懇帝前帝亦佯怒將杖二臣以解之朝士以為無罪執不可未決而三路失陷之報至定國始逡巡引謝簡字萬藏勳鄉人也後駕入緬甸二人危行並死於難

李如月東莞人官御史上在安龍李定國破廣西獲叛將陳邦傳父子送孫可望誅之而去其皮傳屍行在如月劾可望不請旨而擅殺請加邦傳惡諡帝知可望必怒留其疏召諭曰諡本褒忠無加叛臣惡諡理小臣妄言亂制杖四十除名將以解可望意而可望聞之果大怒遣人來殺如月令亦去皮如邦傳使至執如月至朝門外抑使跪如月罵曰我朝廷執法官宜跪賊耶向闕叩頭大呼太祖高皇帝其人不顧副

大興傅氏長恩閣鈔本

其皮實以草懸之通衢後可望使者過之索忽斷墮其馬上人馬驚奔得疾而死

王應龍膚施人也善製弓從張獻忠軍中目不識字而慙直勤撲獻忠甚愛之獻忠死從孫可望入雲南用為工部尚書可望敗走歸行在仍其官駕自昆明西幸應龍偕子扈從不及追至永昌而駕又復西應龍老不能馳驅謂其子曰我本微賤因緣世亂得竊祿食主上不加誅而位我尚書恩寵極矣既不能匡扶社稷今者鑿輿播遷又不能奔衛前驅計惟一死報國耳遂自縊死于泣曰父殉君子不可殉父乎亦縊死

約雅述卷二十七

四

任國璽官行人永曆十三年駕將出奔國璽獨請死守章下廷議李定國等言行人議是但我自立國以來遇難則徒故雖危急頗仍猶延至今若僅守死一跌不復悔不可追不如暫且移蹕再圖恢復乃扈駕入緬甸緬俗以中秋日大會羣蠻召黔國公沐天波往命諸酋推髻跣足用臣禮見沐天波不得已從之歸而泣告曰我所以屈辱者懼驚憂至尊且國璽與禮部右侍郎楊在抗疏劾之時龐天壽已死李國泰代掌司禮監吉翔復與相比國璽集宋末大臣賢好事為書以進吉翔大恨帝覽止一日國泰即藏之國璽尋進御史時吉翔每入宮必移時出人問之則曰日講耳國璽上言往歲請開經筵期年不行今日勢如累卵不思出險之策尚為此不急之務吉翔令獻出險策國璽曰能主入緬能主出時事至



此猶抑人言耶吉翔卒不悅以致况水之禍國重亦死焉帝左右無人國遂以亡

逸史曰甚哉勝國之德之入人深也自燕山而金陵而關而海上而粵君之亡者五見而皆有忠義之士與之偕盡非其深仁厚澤陶淑者遠哉甚至梟獍革心變為鸞鳳吾於是知正氣之流行於天下也而助叛濟逆者往往在科甲之士乃沾沾者猶持資格之說以鈐制天下蓋取粵士之順逆論其本末哉

南疆逸史卷二十七

南疆逸史卷二十七

大興傅氏長恩閣鈔本

南疆逸史卷二十八

烏程溫審臨撰

列傳第二十四

熊開元

章正宸

李清

李模

喬可聘

金堡

熊開元字玄年嘉魚人天啟乙丑進士崇禎朝以給事中諫行人司副劾首輔周延儒得罪與給事中姜埰同下詔獄所謂熊姜之獄者也卒遣戍杭州事具明史宏光立起吏科給事中丁內外艱不赴闕中建國以工科召疏請終喪連擢太常少卿僉都御史再疏辭詔報曰天地生才只有此數遇者

老臣凋喪宗周處佳石麟等既皆捐軀鄭三俊未來故於開元之至旦夕以冀既在郊關慰予饑渴及入對恭禮有加開元請罷捐助停事例重爵祿簡刑罰急親征實聽納散朋黨上嘉之明日特敕授御營從征東閣大學士兼行在右副都御史權理院事時方破格用人而躁競者爭以口舌得官開元惡之力持資格丹徒諸生錢邦芑言事稱旨特授御史開元請改兵部司務帝重違其命意以司務得非事時言事實同御史權明年正月駕在建寧開元以帝外優禮輔臣而事輒獨斷疏乞罷斥不許已而邦芑復授御史開元力爭不令入院諸御史合疏劾之乃引疾予假自是帝出幸皆不及危從汀州敗棄家為僧於蘇之靈巖開元素精內典遂嗣其法

大興傅氏長恩閣鈔本



稱善知識者三十年年七十餘而終

章正宸字羽侯號格菴會稽人從學同里劉宗周早以學行著舉崇禎辛未進士選庶吉士改禮科給事中後以事謫戍均州南渡召復故官疏言今日江右形勢視晉宋為更難當事者泄泄偷息處堂自娛兩月以來之間吏錫擊矣不聞獻賦聞武臣私鬪矣不聞公戰聞武老臣引遁矣不聞激憤聞諸生捲堂矣不聞請纓如此可曰興朝氣象乎臣愚以為今日宜以進取為第一義進取不銳守禦必不堅比者河北山東忠義響應立寨自保截殺偽官為朝廷効死不及此時雷掣星馳風奔雷赴使聯絡壁壘倡義申討是靡天下之氣生失事機者也今急撤江北四鎮分渡河淮與河北山東諸路

尚書正宸

齊心協力互為聲援使兩京道通而後塞井陘絕孟津扼武關以奪隴右隴右士民怨賊入骨髓臨以大師賊不難平乎陛下宜編素誓師親臨淮上聲靈所及人切同仇今乃部院寺司各署不稱行在而工作繁興義者已占陛下志圖偏安天下事變皆生意外將何以待之其言甚切時弊然不能用也而馬士英欲以中旨起用阮大鍼先傳陞張有譽為戶部尚書正宸封還詔書言有譽固賢而傳升之弊必不可故不聽及阮大鍼竟用乃抗疏求去正宸清風方正為清流所倚賴其同官沈胤培常言章君不特怒時可畏即笑時亦可畏至是忤貴近轉為大理寺丞實杜其言路也已見國事日非乞假歸明年江南亡浙東奉魯王監國起更部左侍郎正宸

不受仍署舊官又明年事敗溺水不死自縊又不死以僧服去不知所終

李清宇映碧揚州興化人高祖春芳大學士祖思誠禮部尚書清舉崇禎辛未進士授國子監助教復命南京進本科都給事中上言陛下自中川播遷後搆風沐雨備極辛苦光武之不忘麥飯豆粥唐太宗之不忘質衣儉舍皆從安樂憶艱難以勵儉也陛下以持此自勵則安不忘危侈源塞矣否則奢用必至多藏多藏必至厚歛厚歛必至煩刑恐全盛之天下膏血亦殫而况今日乎乞申飭內外廢無用之金玉罷不時之傳奉勿謂奢小而為之勿謂儉小而不為宗社幸甚九月

尚書正宸

言今各鎮自為守土計增設兵馬需求器械曾不忘司農之艱各監局羣為禦用計增索金錢務求華靡曾不顧司空之匱公私交困何以應之乞敕各部察現擬之數通行會計量入為出時廟堂無報仇討賊之志但脩文法飭太平以清於其間亦請追諡開國名臣及武熹兩朝忠諫諸臣加成祖朝奸諛大臣胡廣陳瑛等惡諛又請追封馮勝傅友德為王賜之諡皆得議行然人譏其所言非急務也時已尊懿文太子為孝康皇帝清請與獻帝並祀於別廟而奉孝宗為不祧之宗不聽北朝之陷鎮遠侯顧肇迹等十五人為賊所殺諸勛臣朱國弼等請依殉國難例贈蔭廟祭清言肇迹等或禁或拷半膏賊刃非殉難也同時文臣若內閣邱瑜方岳貢等

大興傅氏長恩閣鈔本

大興傅氏長恩閣鈔本



何嘗不以持禁死而褒譏相半祠祭猶懸何獨文武異苑乃已又請裁官中所用數歲省費千七百金議者因謂時政雖亂然言官尚有權惜乎所爭者小無裨大計然清在省中疏為清正嘗陳內治之說言子胥之揣勾賤踐日為人能辛苦何謂辛若母荒於觴母荒於瓊宮瑤臺南金和寶是也引以規諷時事云明年二月進大理右寺丞請更思宗廟號修實錄又請修惠宗實錄並允之四月遣祭南鎮及南都失守歸隱於家以著述自娛閱四十年乃卒

李模字子木號淮溪吳縣人天啟乙丑進士崇禎中由東莞知縣入為御史巡按真定諸府與分守中官陳鎮夷相劾奏貶秩出為南京國子監典籍南都既建封黃得功等為侯伯

尚書通志卷二十一

四

謂之四鎮模上言當用立時陛下不以得位為利諸臣何敢以定策為名甚至侯伯之封輕加鎮將夫諸將事先帝未收桑榆之效事陛下未彭汗馬之績按其實亦在戴罪科而予之定策其何以安諸將性果忠義必大慰先帝殉國之靈而後可膺陛下延世之賞報聞尋復為河南御史見時事不可為請告還家不復出國變後里居三十餘年而終

喬可聘字君微賢應人天啟壬戌進士崇禎中嘗以御史出按浙江行部至金華水漲舟阻索挽夫不得蘭溪知縣盛王贊持手版立雨中大聲曰村民方事東作縣令請以身代役可聘立乘肩輿冒雨去而慰薦縣令人兩賢之還朝其所薦大吏以職敗貶秩三等南渡起掌河南道事數言宜罷嚴衛

大興傅氏長恩閣鈔本

停燕飲君臣交傲早決大計用尤中興皆不省御史黃耳鼎外遷疏許都御史劉宗周牽連朝士甚眾可聘言宗周正色立朝實社稷臣耳鼎厭薄外轉詎誣善類以暢己私非純臣也請以耳鼎所轉官換臣為之事乃止御史黃澍之許馬士英也士英銜之入骨而澍按湖廣有穢聲故錦衣劉喬希士英旨劾之章下法司宗周怒喬將殺澍可聘曰喬希時相指固也而澍貪亦有迹請行巡撫何騰蛟核奏時謂得體宗周初劾臺臣從賊者三十三人及李沾代宗周欲反其議可聘不可而止可聘長臺班與掌科章正宸特論侃侃羣小憚之乃從戎籍起張孫振為河南道孫振貪橫與馬阮比陵估出其上諸壞法亂紀事爭先為之臺網掃地矣左良玉犯闕馬

尚書通志卷二十一

五

士英蓋撤江北兵禦之可聘與大理少卿姚思孝御史成友廉之留兵固守淮揚控扼穎壽而命劉良佐還鎮馬士英戰手誓之於御前舉朝失色南都失守可聘歸老於家思孝難髮為僧思孝友廉俱與可聘同鄉思孝辛未進士在諫垣論列最多號稱職

金堡字道隱仁和人崇禎庚辰進士授臨清知州生事罷十六年吏部尚書鄭三俊薦其才未及用而都城陷堡南還丁內艱乙酉杭州失守偕里人姚志卓起兵山中與浙東諸軍遙為聲援隆武帝立堡入朝陳志卓戰功勸帝棄閩幸楚謂何騰蛟可倚鄭芝龍不可倚且曰中興天子須馬上成功皇上先為將而後為帝湖南有新撫諸營至尊親往效光武馭

大興傅氏長恩閣鈔本



銅馬故事此皆精兵百戰可得其力若乃千騎萬乘出入警蹕此承平威儀宜且屏不用帝大喜語廷臣曰朕見金堡如獲異寶即授兵科給事中封志卓仁武伯堡以服未終力辭請賜教印聯絡江上義師從之既至浙中入大將方國安軍諸仕於魯王者詎曰堡已降北來為間諜耳王以語國安國安執堡御史陳潛夫曰堡何罪彼與志卓起兵公所知也今其家且渡江來矣何罪而見執國安曰此乃鄭氏意也因出示芝龍書曰今我縱之去去勿入閩入閩必殺之我不敢得過鄭氏也潛夫以告堡曰我必入閩繼教印倘中道死於盜亦命且明年夏再謁帝以教印上帝欲奪情堡固辭不可芝龍謂且大用也姚愈甚大學士曹櫻曰上欲保金堡莫若聽其辭堡以八月辭朝未幾帝蒙難堡流寓他所永<sub>一</sub>二年冬詣行在投禮科給事中堡抗直不畏強禦遇事敢言甫授職疏陳八事劾慶國公陳邦傳十可斬並及文安侯馬吉翔司禮監龐天壽大學士嚴起恆時吉翔方倚上寵掌錦衣典戎政一切詔教符印及奉使四方關領吏兵二部文憑劄付悉出其手氣焰甚張至是頗懼盡謝諸務由是直聲大振諸輕標喜事及南陽伯李元胤左都御史袁彭年少詹事劉湘客給事中丁時楚蒙正發成與交歡是時朝臣各分氣類從成棟來歸者兵部尚書曹暉工部尚書耿獻忠吏部侍郎洪天擢大理寺卿潘曾緯通政司毛毓祥太僕寺卿李綺為一類自誇反正功氣凌朝士從廣西扈駕至者大學士嚴起恆王

大興傅氏長恩閣鈔本

化澄朱天麟吏部尚書晏清侍郎吳貞毓給事中吳其雷洪士彭雷得復尹三聘許兆進張孝起為一類自恃舊臣強諸人嘗事異姓久之乃分吳楚兩局主吳局者內則天麟孝起貞毓及給事中李用楨外則督師大學士堵胤錫而化澄及侍郎方翔程源郭之奇以他方人為之魁皆內應馬吉翔外結陳邦傳以自助主楚局者彭年時魁正發皆楚人而湘客以秦人堡以浙人為之輔皆外結瞿式耜內結李元胤以自強然朝權皆歸元胤彭年與同反正倚為腹心勢尤甚一日論事帝前語不遜帝責以君臣之義彭年勃然曰倘去年此日惠國以五千鐵騎鼓行而西君臣之義安在帝變色由是惡之湘客稍通文墨由諸生薦舉入仕受知於式耜為人貪而狡多智數時魁等動必咨之時魁起家進士為人剛狠使氣家富而好招權利堡清操絕俗衣食皆資之二人故情好莫逆然性豁刻不近人情正發依倚諸人聽其指使而皆以元胤為歸終日聚謀專攬朝政因有假山五虎之號以彭年為虎頭時魁為虎尾湘客為虎皮堡為虎牙正發為虎爪假山則元胤本姓賈譏諸臣倚之以張威也堡既劾邦傳邦傳大怒明年正月奏言堡謂臣無將無兵冒濫封爵請即令堡監臣軍觀臣十萬鐵騎且堡昔官臨清曾受偽命疏至天麟批几笑曰道隱善罵人今亦遣人罵耶因擬旨金堡辛苦何來朕所未悉所請監軍即可集議蓋用杜甫辛苦賊中來語堡故未嘗降賊見之憤恚時魁因邀言官十六人詣閣訐天

大興傅氏長恩閣鈔本







其處至於崎嶇兩粵間而五虎之威猶能專執朝命噫可畏哉宋時臺諫之選帝極清流其要在慎擇其人而已矣若開元正宸諸人皆言路鈔鈔者也然無救於敗亡金堡之昌言不諱權倖警懼而比匪怙勢以受酷刑悲夫

南疆逸史卷二十八

南疆逸史卷二十八

大興傅氏長恩閣鈔本

南疆逸史 卷二九

南疆逸史卷二十九

烏程溫睿臨撰

列傳第二十五

張國維

朱大典

孫嘉績

張國維字玉筍東陽人朱大典字未孩金華人兩人皆起家進士崇禎朝同以僉都御史出為巡撫國維應天大典山東皆善用兵平寇盜著有勞績而國維廉聲望高遂入兵部尚書大典貪黷為言官所糾落職坐贓國維奉使赴浙江練兵宏光立召還部協理戎政加太子太傅國維請建三輔以藩南京京口為東輔蕪湖為西輔京師為中輔各設重兵鎮守

南疆逸史卷二十九

不果行及馬阮亂政國維知國事不可為謁告歸大典家居都御史劉宗周令之募兵勤王以除前罪大典乃率兵三千至南京吏部尚書徐石麒言大典雖貪其人材足倚也今河南殘破可令為巡撫練兵卒其揆糧立功自効而馬士英以其家富不以賄請也矯旨詰問石麒大典不得已自援於士英始收其兵入衛未幾加兵部尚書總督上江軍務

王師南下帝避至太平府大典來謁謀幸杭州命大典以兵先發大典乃歸而治兵於家及南京亡杭州亦不守大師遣使者至郡縣徵戶口冊籍姚餘知縣王曰俞棄城逃教諭某奉冊籍迎降以為知縣役治馳道即扶役者譁餘姚人孫嘉績突入縣治鳴鐘鼓斬令以徇嘉績字碩膚大學士如游孫

大興傅氏長恩閣鈔本

三三三



也仕至兵部職方司郎中宏光起為九江道會事未赴而國亡當是時

王師所過郡邑官民非迎則走而嘉績猝然發難由是浙東

響應國維亦起兵東陽以應之及魯王監國紹興國維大典

駐兵金華與閩近亦自通於隆武隆武進大典文淵閣大學

士封婺安伯時義兵雲集分汛防江乃進國維少傅賜上方

劍以督師八月復富陽九月復於潛樹木城於綠江要害諸

營特角為持久計十月隆武帝頒詔至王惶惑欲還避國維

馳入朝令毋宣讀而上書閩中曰國當大變凡為高皇帝子

孫咸當協心並力誓圖中興成功之後入關者王今日原未

假易也監國當大勢潰散之日糾集維艱一旦而拜正朔還

就藩服人無所依閩中鞭長不及猝然有變唇亡齒寒悔將

何及臣老臣也惟社稷是圖豈若朝秦暮楚之徒舉足左右

為功名計哉議遂定明年六月江上師潰國維退守東陽及

義烏破有勸之入山以觀變者國維曰誤天下士者文山壘

山也賦詩三章躍入池中死年五十二大典在軍留阮大鍼

與共軍事而金華士庶不容撤數其罪逐之大鍼怒走詣方

國安營構兩軍令之交惡隆武詔解之勿聽而已

大兵渡浙江大鍼迎降願破金華以報新恩初大鍼在金華

大典與之閱城至西門大典語之曰此門新築土未堅有事

則備禦宜嚴至是大鍼用大礮專攻西門城崩殺戮甚慘以

報討檄之恨大典全家焚死先是紹興有金姓者從軍金華

大典傳氏長恩閣鈔本

嘗至南鎮祈夢夢鎮臣書一古字於其掌每以語人莫測也  
金華屠後收城中積尸每十口共一坎瘞之然後知為古字  
之應嘉績後亦進文淵閣大學士從魯王出海至舟山卒於  
道隆觀嘉績之舉丁丑進士也其縣令夢嘉績殿試第一名  
榜發不驗及嘉績葬舟山適當張信坊下張信者洪武時擢  
進士第一名者也

逸史曰國維之撫應天也建蘇州九里石城及瀕湖諸隄修  
松江悍海塘而立社學設常平倉蘇人尤德之至今虎邱祠  
馬南渡用之一籌不展飄然引疾豈知其危亂不欲同其汚  
乎至欲小試於防江危矣大典平登州巨寇有功甚偉然以  
大典之先而昵之讒構兩軍以敗國事挾其小隙殘民以逞  
非比匪之傷耶嘉績倉卒建義其謀非素定也然魯王則一  
本由之監國事雖不成迴翔海上者十餘年義士依之冠  
裳勿替則嘉績有以啟之也吾是以附之張司馬之列焉

南疆逸史卷二十九

大典傳氏長恩閣鈔本



南疆逸史卷三十

烏程溫睿臨撰

列傳第二十六

沈宸荃

陳函輝

余煌

高岱

葉汝楨

董守諭

王正中

沈履祥

吳從魯

陳九徵

馮元覽

馮京第

沈宸荃號彤庵慈谿人崇禎庚辰進士授行人南渡握山西道御史初言五事曰破方隅以和臣衷端品望以立臣模礪

南疆逸史卷三十

一

廉隅以清臣操彈心力以供臣職息凌蹙以安臣分皆譏切時事又言疆場之情形日變臣下之泄沓日深儀文興作粉飾太平黨邪醜正喜諛惡直幾不知宗社孔棘國事岌危也餉現入六百餘萬而淮徐四鎮及督師歲計一百四十萬楚一藩四鎮二督二撫江一督二撫二鎮又京營及京口浦口各鎮歲計又豈下淮徐哉此即小民賣鬻男女有司敲骨剝髓亦未能足非皇上卧薪嘗膽時耶且北望山陵岑飯無展中原河北淪為異域風塵未靖觸目心悲又何暇計及服御儀文之間乎又劾經略王永吉張縉彥言永吉失機之將先帝我置總督貸其罪而隆其任恩亦渥矣乃擁兵近甸視賊入京不急倅援奉身先竄縉彥以曹郎驟典中樞不念先帝

大興傅氏長恩閣鈔本

特達之知而覲顏從賊視息偷生此二人者即加以赤誅亦

不為過陛下以封疆無人之故屈法用之自宜奮力功勳沈

將前恥乃遠巡觀望逗留淮海間至今不聞倚戈先驅一矢

加敵也固並及總督黃希憲及巡撫何謙邱祖德曹化龍等

棄汎逃竄命俱訊治長至日郊天中旨改期明年宸荃言

洪範天人感應之理及體元行政之事以明事天不可緩不

聽是時朝政日亂而宸荃獨守正不阿羣小無不恨之而掌

道張孫振尤甚出為湖廣僉事宸荃之初入考選也有鄉人

語之曰公以千金為贄省中可得也宸荃曰我以賄進哉已

而其人復來曰公不須行金矣馬相公方收人望但稱門下

士可也宸荃曰掃門求仕吾亦恥之至是有吏要以千金曰

南疆逸史卷三十

三

部疏雖上從否惟在內閣可以轉移客以其語來告宸荃曰若如吏言我將為吏用矣既而南都亡舉兵邑中魯王擢以僉都御史從王入閩進工部尚書戊子十月與劉浙春並入為東閣大學士明年從至浙海壬辰從至中左所檣舟南日山為颶風漂沒宸荃從亡其父居家為當事齟齬父亦強直不能加害宸荃母思其親輒吟詩詩罷慟哭聞者莫不憐之陳函輝字木叔號寒山浙江臨海人崇禎甲戌進士知靖江縣函輝不拘小節好交遊日事詩酒御史左光先劾免之其友人子蓋亦止酒簡事乎函輝曰昔龐士元非百里才彼雖廢事猶獲大用今吾縣事不廢也友朋詩酒何害於治而左君撫拾小過借以立威子謂我遂無所樹立乎吾聞之君子

大興傅氏長恩閣鈔本



志其大者遠也子姑待之及

大兵徇浙江郡縣向附時魯王駐台州函輝走謁王曰國統再絕矣王亦高皇帝子孫也報恥繼統於是乎在王蓋圖之王謝曰國家禍亂相仍區區江南且不能保尚何冀乎大事函輝曰不然浙東沃野千里南倚甌閩北據三江環以大海士民忠義技勇勾踐所以擒吳稱霸也王若起事足以立國臣願竭股肱之力奔走後先上以報高皇帝而下盡忠於王會兵部尚書張國維起兵東陽來迎王函輝乃與柯夏卿侍王至紹興王監國拜禮部侍郎進禮兵二部尚書國維督師江上而函輝居中調度其時諸臣皆不習軍旅華衣呵殿相為誇耀以兵柄授方王二鎮日事爭餉義兵漸散函輝歎曰

南疆通史卷三十一

三

大事去矣夫無種蠶之材而有伯嚭之佞何以能久明年防江師敗從王出亡半道阻亂兵與王相失返台州之雲峰入文心僧舍賦詩十章自沈死年五十七

余煌字武貞號公遜會稽人天啟乙丑進士第一授翰林院修撰崇禎時應官右庶子以與修三朝要典不得大用煌事親孝登第後猶俯伏受杖家居不以事干賓有司邑中大利大害則言之魯王監國擢兵部尚書時內閣田仰與義興伯鄭遵謙爭餉兩軍格鬪喋血禁廷煌至叱之始去乃中嚴軍紀將士稍戢諸臣競營高爵請乞無厭煌上言今國勢愈危朝政愈紊尺地未復戰守無資諸臣請祭則當思先帝祭嘗未備請祭則當思先帝山陵未營請封則當思先帝宗廟未

大興傅氏長恩閣鈔本

享請養則當思先帝子孫未保請諡則當思先帝功烈未昭

時以為名言舟山將亡師日本煌寄書黃斌卿止之江濱失守王航海有欲拒城抗守者煌以為徒害民生不可大開諸門任其避難由是一城獲全煌賦絕命詩投城東渡東橋下久之浮於水面猶未死曰忠臣不易為也復奮力自沈而死高岱字魯瞻號曰浦會稽人崇禎時武舉也魯王召為兵部主事及紹興失守慨然曰上恩厚矣國家文武異途重文輕武咕嗶小生持議廟堂而戮力疆場者指為粗人以致寇盜充斥不能抗禦神州陸沈職是故也我本武學授是文職偏側搶攘無益毫髮尚不能以一死報國乎劉戡山吾鄉先正也吾當師之即絕粒其子諸生朗亦氣節士日夜守之公閱

南疆通史卷三十一

四

八日不死而難髮令下朗泣辭其父曰大人決志棄世兒願先往泉下掃除昏瞶目曰有是哉若乃能先我朗衣冠泛小舟給舟子曰我欲禱神亟駕出海視去岸遠北面再拜躍入海中舟子急持之噫其臂整巾而下岱聞笑曰兒果先我自是不復言又數日卒其同邑葉汝柱字衡生庚午舉於鄉浙東建國與岱同官主事每會食相與抵掌言忠孝事聞變出居桐塢墓所岱送之曰君殆隱於是乎曰非也我無城守責死於墓耳與妻王氏偕赴水王氏被救次日復死之

董守諭字次公鄞縣人漢孝子永黜之裔也天啟甲子舉於鄉七試南宮不第文行甚高與翁鳴業姜思睿齊名所謂浙東三雋也魯王監國召為戶部貴州司主事當是時孫嘉績

大興傅氏長恩閣鈔本



熊汝霖本首起事然皆諸生不知兵乃迎方國安王之仁授  
之軍政凡設原營兵衛軍俱隸之孫熊所統惟召募之衛卒  
田兒數百人方王兵既盛反惡當國之參決而分餉分地之  
議起分餉者正兵食正餉田賦所出也方王主之義兵食義  
餉勸捐無名之征也孫熊諸軍主之分地者某正兵支某色  
正餉某義兵支某色義餉也王令廷臣集議方王司餉者皆  
至殿陛詳然守論叱曰諸公起義旅而咫尺天威不守朝廷  
法乎乃稍選戶部主事邵之詹議紹興八邑各有義師專供  
本郡以圖波給王藩金華歸朱閣部五府歸方藩守論進曰  
諸臣謀皆非也夫議餉者雖有其名不可為繼以之饋義兵  
名存實無即皆潰耳臣司莞庫請以一切正供悉歸戶部數  
兵而後給餉覈地而後酌給之先後方王雖不從然其議正  
無以難也之仁請稅漁舟守論曰今日所恃者人心且漁戶  
已辦漁丁稅矣今編新苛求民不堪命雜賦小戶且不自安  
人心一挫國何以立王乃止之仁又請行稅人法塞郭之金  
錢湖為田而凡大戶之祀田官賣之以給軍三疏皆下部議  
兵士露刃其門以待覆守論不顧力持不可之仁大怒謂行  
朝大臣尚不敢裁量幕府戶曹小臣敢爾沮大事耶乃上言  
得孟軻百不如得商鞅一得譏仁講義之徒百不如得雞鳴  
狗盜之雄一因檄召守論至軍將殺之王不能禁陰令避之  
守論慷慨對曰司餉守正臣分也生殺聽於主上武備雖悍  
將何為者桓溫劉裕雄才鉅勳亦托言晉陽之甲不敢以一

南疆逸史卷三十一

五

大興傅氏長恩閣鈔本

檄搜執朝臣臣圖歸死王前聽武圖以臣血濺丹墀耳於是  
舉朝皆憤怒曰之仁反耶何敢無王命而害餉臣之仁卒迫  
大義而止明年莊烈帝大祥守論請朝堂哭臨三軍縞素一  
日升經筵日講官兼理餉事及六月  
大兵渡江魯王航海守論不及從浮沈閩巷異時以舉人入  
仕者皆出復就公車守論獨杜門著書而張肯堂之死也其  
孤以俘入求還里有司微狀於縉紳莫敢應守論數曰忠齋  
也可使莫助乎入言於監司監司驚曰公素高節今何勇來  
立聽之卒年六十九同時有王正中者字仲樞直隸保定人  
崇禎丁丑進士授長興知縣國變流寓紹興魯王以兵部職  
方司主事召攝餘姚縣事時軍旅猝起公私赤立市魁里正  
得一割付則入民舍括金幣甚者條累之交錯道路郡縣不  
敢問正中率所練鄉兵赴任既視事令各營取餉必經縣票  
品製貨產以應否者以盜論民間稍靖總兵陳梧敗於嘉興  
渡海掠餘姚正中遣兵擊殺之行朝忌者劫正中擅殺大將  
黃宗義言於王曰梧之見殺犯眾怒也正中何罪乃止時諸  
將張國柱田仰荆本澈各率兵先後過餘姚江袖橈蕪空畏  
正中令嚴不敢犯其後國柱從定海復入緞兵大掠百姓洵  
洵正中單騎入其軍呵止之國柱遂不得志縣人倚正中如  
嚴城焉陞監察御史喜望象律呂象數之學嘗進監國魯元  
年大統歷浙東亡隱山中貧甚賃田以食佐之幣卜丁未八  
月卒葬山陰

南疆逸史卷三十一

六

大興傅氏長恩閣鈔本



述史曰越城監國其君臣本無大略而授成於悍帥民之苦  
兵甚於盜也藉非董王諸臣力推其鋒擁護孤弱民之塗炭  
豈能歷一歲哉雖無係於亂亡然支撐一時民即受一時之  
賜矣

沈履祥疏復庵慈谿人崇禎丁丑進士知侯官甌閩二縣宏  
光立上治平安務又上責成疏頗見採納浙東按御史督餉  
台州台州陷走谷中投山得之殺於野其弟求屍得其首於  
桑園山得其身於亂屍中以服帶可據也紉而合之

吳從魯字京堂山陰人萬曆丙辰進士累官川湖分守右參  
議監國時出為通政司右通議城陷絕粒以死年已八十矣  
其兄從義先以長安知縣死難從魯臨命曰吾恐有愧於吾  
兄也諡哀愍

南疆遠之表三十

七

陳九微字青霖會稽人崇禎朝以國子生考授中書舍人司  
誥敕同里劉宗周倪元璐兩公咸器重之時方多難上臨朝  
輒數內外文武不得人九微野衡當世之務欲有所建白又  
自念官卑不敢前則走兩公所昌言之冀陳於上兩公時有  
所採焉甲申之變遜邸舍勳賊文武大臣多為賊得通金錢  
拷掠死九微以貧得免於難走南都復職乙酉江南陷乃返  
會稽魯王監國以前資陞翰林院提督四驛館太常寺卿其  
明年紹興復破航海從魯三於昌國嘗自言國破君亡一身  
三鹿焉當倉皇奔竄時神鬼哭嚎沙石揚蔽積骸遍野野鳴  
弦露刃者相接於道方半夜昏暝不辨徑高下聽前行行墮

大興傅氏長恩閣鈔本

畦泖中愈遠巡前且卻路無津梁水深上至騰襄裳以渡往  
往足趾俱裂面目黧垢僮僕相從有至死者屢脫虎口志氣  
不衰嗚呼可哀也已昌國上言太常主祭祀臣職也夫所  
貴乎有國家者以宗廟神靈禘祫禘不廢以妥以敬故也昔少  
康以一成一旅起克延夏祀至今稱之今從荆棘中具朝儀  
如禮圖僅為君若臣計哉而高廟列宗曾無要神之所典禮  
荒廢無以上慰在天之靈下係臣庶之望臣甚懼焉疏上禮  
部尚書吳鍾巒題其議始創宗廟如故事久居之昌國破朝  
士多死無一人肯降者九微走城北古松庵匿佛像後兵士  
夜至燃炬火四燭照以刃逼掠壁柱間竟得不死脫走鄞之  
武塘數月聞定西侯張名振兵部侍郎張煌言有艦數百在

南疆遠之表三十

某島中浮輕舟赴之遇颶風以死其友錢塘蔡秋宗為之傳  
夫不死於燕都李闖之刑又不死於金陵昌國之亂幸而得  
身脫矣不已至於再且四宜若可以已矣更何所求而聞闖  
思死竟同於崖山之一覆較之劉倪二公之殉國無以異也  
兩公之器重之也有以也夫  
馮元嘏字眉仙慈谿人太僕卿若愚之子其兄元嘏元嘏海  
內稱大小馮君者也崇禎朝元嘏以僉都御史巡撫天津元  
嘏為兵部尚書寵任優渥甲申俱以病致仕及聞京師變力  
疾至杭相繼卒元嘏癸未以五經成進士痛二兄之未及為  
國臣難而死也日常流涕謁遼南都按兵部職方司主事魯  
王監國以馮氏巨族甲第多起其宗人敬舒為兵部右侍郎

大興傅氏長恩閣鈔本



起倫為工部右侍郎家積為大僕寺卿崑為行人元璣累陞都察院右副都御史馮氏一門冠蓋盈路紹興潰元璣與同里御史沈宸荃沈履祥等從亡入海往來浙閩之間督舟師克復濱海州縣與有勞焉未幾俱不守愈憤悶竟卒於海舟起綸已前死賜祭葬諡端簡敬舒歸里柩止坡園杜門不與世接有同年生為海道造廬請謁終不見善大小篆摹秦漢圖章世共寶之方元璣之在兵部也元璣以計借讀書其師懷宗使校尉偽託參將以精金數瓶密求雲總兵元璣見而叱之次日元璣入朝上謂曰卿家好一三相公惜乎丁時未造天命已傾雖有志略無所復施然盡瘁報難之中頻死不悔亦不愧世曹矣

南疆逸史卷三十

九

馮京第字際仲元璣族兄也歲貢生文思敏贖雅負經濟大略其兄元璣巡撫天津召掌書記南都之亡與同里諸生袁應彪字文虎起兵會吳易軍於太湖攻湖州魯王授監軍御史湖州兵敗問行入四明山與王翊王江合軍屯杜巖應彪則與吳全明屯奉化當是時諸豪擁拒山寨千里之間屹然相望保障內地故魯王諸將得以舟師攻掠瀕海守正率文武衣冠相萃聚焉始周鶴芝之亡師於日本也撒斯瑪王已許之矣將發而見阻於黃斌卿至是京第說斌卿曰宋之末也張世傑陳宜中不嘗借兵海外乎今日本慕義許以兵靖亂何害斌卿乃資之往遣其弟孝卿佐之至島而其王方與隣國構兵不得入京第朝服哭於舟會其使臣方行部聞之

大興傅氏長恩閣鈔本

請於大將軍乃館京第議發兵京第先還留孝卿隨軍而孝卿日押官奴忘國事大將軍輕之遂止不發己丑冬張名振疏請再乞師王復遣京第往資普陀山慈聖李太后所賜藏經為贄其王聞之大喜而聞船中有被逐僧湛微與馬則大驚拒不受乃載經還事具周鶴芝傳京第歸山寨庚寅九月大兵將攻舟山先遣軍破四明諸寨京第與應彪俱見執殺於圍波

魯王之亡也王之仁入海而敗將自沈既而曰吾死此孰知吾節乃立旗幟鼓吹張蓋入松江

大兵謂其降也獲至金陵我冠大袖肩輿而入都人聚觀總督令易服雜髮笑曰我握兵柄爵通侯謀人國事而無成死固分也然葬於鯨鯢身死不明後世青史何所徵信故此求死所耳乃欲以是污我耶遂見殺嗚呼烈矣而論者謂其始降終悔並沒其節亦大苛矣余是以憫之附之魯臣之末焉

南疆逸史卷三十

十

逸史曰魯王之事無足言者其在浙東聞有君矣其在海上粵有君矣所惜者諸臣故國舊君之思依依不釋聞潮相從不避險阻與宋之張陸有同烈焉然諸臣亦多雜多事魯唐其專心於魯者若張熊孫錢而外惟宸荃以下數人馬跡其才略亦不能有所展布然蒙難而能正其志有足悲者是用誌之

南疆逸史卷三十

大興傅氏長恩閣鈔本



南疆逸史卷三十一

烏程溫睿臨撰

列傳第二十七

林 塗

劉中藻

朱繼祚

張肯堂

吳鍾巖

朱永祐

李向中

朱養時

林 瑛

林塗字子野福清人崇禎癸未進士知海鹽縣有能名邑有妖人能綠壁走麓伏水中一二日以劍術惑眾聚黨千人聞都城陷將舉事塗聞即捕破之兵士乘亂鼓噪者悉治以法

南疆逸史卷三十一

已而棄官去閩立國上欲置之左右黃道周督師請與偕行

以戶部員外郎司餉改監察御史往諭浙西行至贛州以典

銓缺人僉舉塗召還授吏部郎中在職清峻一時請托遂絕

扈上至汀江楚逆駕疏相繼至上欲出汀州入贛

清兵已度閩關上倉卒西行

清兵蔽江而下羣臣不能從塗號慟而返走山中時歌時哭

有所怨憤形之篇章讀者無不泣下丁亥七月魯王由海入

閩郡邑響應福清人推塗為兵主塗別其父曰兒當死久矣

受命守海鹽失城池當死危蹕不從當死再使延命漏刻恐

以不令之名貽羞父母乃苴履負戈雜徒旅中攻福清身被

數創猶勤兵戰矢中喉死塗之友人葉子菴者初在營中為

大興傅氏長恩閣鈔本

大兵所獲使之作書招塗于器受紙筆書絕命詞投之亦被

殺其宗人汝輩守心汝以鄉舉知沛縣天啟朝官御史巡城

杖內侍曹進傳國興魏忠賢亂政不能殺也時稱其剛直江

南立國起為雲南臨沅道以海疆不靖貶秩魯王至閩徵拜

兵部左侍郎總督義師丁亥十月攻福清兵潰被執除夕服

金屑死

劉中藻字薦叔福安王人崇禎庚辰進士授行人甲申之難

抗言願自回籍被拷掠歸唐王立以兵科給事中宣諭浙東

張國維熊汝霖不奉詔中藻返至金華朱大典客之薦之隆

武召對稱旨擢右僉都御史巡撫金衢中藻取苕獠菁獠諸

種人練之為卒時稱能軍閩賊率眾歸魯王復福甯長樂進

兵部尚書兼東閣大學士中藻善撫循激勸富人使出財佐

軍士卒樂為用故其兵最盛鄭彩專主閩事心勿善也中藻

亦不相下由此有隙上使大學士沈宸荃解之彩不聽中藻

在福甯彩反掠其地

王師乘之來攻城中藻善守所殺傷

大兵四五千人戊子十月

王師傳乃城十里掘濠樹柵環之城中求戰不得明年四月

食盡中藻知必陷為文自祭吞金死其時中書舍人陳世亨

聞魯王至閩亦以一旅復安固投兵莫繼被執不屈死而永

福長樂之復陷也鄉官給事中鄭正畿御史林逢經守一

王思及皆自殺

大興傅氏長恩閣鈔本



朱繼祚莆田人萬曆己未進士選入翰林累官至南京禮部尚書而罷南渡時起故官協理庶事府事未赴南都陷隆武帝嗣位召拜東閣大學士明年八月扈駕幸汀州無何帝蒙難繼祚還其鄉魯王監國之三年正月王在閩安鎮鄰境州縣多下繼祚亦舉兵與同安伯楊耿合攻興化城守城者為監司彭遇颺故宏光時御史也令其將出戰而已登陴樹大明旗幟其將不敢入遇颺遂以城降繼祚入守之三月王師至城復破繼祚及參政湯芬給事中林嶠知縣郁廷諫並死之芬嘉善人莆田人俱於未進士廷諫杭州人也魯王二年中所復郡縣至是盡失云

南疆逸史卷三十一

三

張肯堂字載園號觀淵華亭人天啟乙丑進士知濬縣擢御史巡按福建後遂以右僉都御史巡撫其地江南立國肯堂選兵三千令副將周之藩率以助防江甯書張之漳泉山賊數萬出沒劫掠肯堂按行勦擒年悉平唐王入閩迎於水口驛加兵部右侍郎尋為吏部尚書改左都御史賜上方劍高理兵馬錢糧節制諸鎮便宜行事丙戌春上至延平以肯堂為留守尋議率師由海道入長江窺取金陵以屬肯堂改總制浙直肯堂乃請平海將軍周鶴芝將前軍定洋將軍辛一振將中軍樓船將軍林習山將後軍行有日兵鄭芝龍密疏止之以郭必昌代為總制必昌芝龍私人也上乃命肯堂回福京監鄉試事畢赴行在未幾上出延平肯堂不從會周鶴芝還自浙海遂入其軍駐海壇山尋取海口海口破肯堂

大興傅氏長恩閣鈔本

海入浙阮進之碑將周宏益刻之於路丁亥六月至滄州黃斌卿館之有所謀不用肯堂鬱鬱無所發舒知且亡以珠茂漪託之中軍汝應元嘗與人書曰銅槩之役僕豈敢後顧顧梗隨流安假黃鵠之一羽魯王既失閩地駐蹕跳所肯堂勸斌卿迎之不聽及定西侯張名振殺斌卿始迎魯王入滄州拜東閣大學士居二年辛卯八月王聞

南疆逸史卷三十一

四

清兵渡海張名振與英義將軍阮駿扈之出滄州肯堂居守九月二日城陷先一日肯堂冠帶北面叩首將就縊閩門人蘇北人已縊死廬下肯堂取酒酌之曰蘇公待我遂歸至雪交亭視其子婦沈氏妾周氏方氏姜氏畢氏次第就縊乃題詩於襟自縊亭之中梁其僕張俊彭欽從死汝應元已為僧至軍門乞收葬將亦義而許之雪交亭者植一梅一梨其間花常相接因以名亭肯堂讀書地也吳鍾鏗字懋釋號震舟武進人弱冠為諸生出入文社講會者四十餘年海內推為名宿而不得第晚以貢生教諭光州從河南鄉舉遂成進士時年已五十八矣崇禎七年也授長興知縣以禮抗奄人崔璘為所誣降紹興照磨量移桂林府推官南渡陞吏部主事未至而金陵亡赴閩中上書言國事時幸不悅鍾鏗曰天下分崩資羣策猶恐不支尚欲拒人言耶鄭氏尚上患之欲往贛州鍾鏗曰閩海雖非立國之地然今日所急者選鋒銳進克復南昌聯絡吳楚猶可自固倘舍此他圖關門一有駭動全閩震驚矣上不悅出為廣東副使

大興傅氏長恩閣鈔本



未行而閩又亡遁跡海濱魯王之出海也鄭彩以其軍奉之  
 至中左所士大夫皆觀望不出鍾鑾曰出固無益也雖然不  
 出則人心遂渙濟不濟以死繼之耳王以為通政使至則中  
 明職掌言今者遠近章奏武臣則自稱將軍都督文臣則自  
 稱都御史侍郎三品以下不屑署也至所在遊食江河者則  
 又假造符璽販鬻官爵偃卧邱園而云聯絡齊楚保守僕御  
 而云聚兵千萬以此聲聞徒致亂階臣請自後嚴加核實集  
 兵則稽其軍籍職官則考其敕符王是之陞禮部尚書從王  
 還浙海所至錄其士之秀者率見於王僕僕拜起人笑其迂  
 鍾鑾曰濟濟多士維周之積可以亂世失教士耶王在瀟州  
 鍾鑾還處普陀及聞城圍急鍾鑾曰昔者吾友李仲達死危  
 難吾為諸生不得請死吾友馬君常死國難吾為遠臣不得  
 從死聞事之壞吾已辭行不得往死吾老矣不及此時此土  
 捐駭徇節即一旦疾病死何以謝吾友見先帝於地下哉復  
 渡海入瀟州辛卯八月至文廟右廡設高座積薪其下城破  
 奉先師神位登座舉火自焚年七十五

朱永祐字爰起華亭人崇禎甲戌進士授刑部主事調文選  
 罷官唐王立起太常寺少卿監平海將軍周鶴芝軍勸鄭芝  
 龍毋降不聽將遣力士趙敬刺之亦不果魯王至與鶴芝攻  
 復海口鎮東二城將以居王尋不能守丁亥偕張肯堂徐孚  
 遠至瀟州永祐好獎借人上下咸得其歡心故雖黃斌卿之  
 猜忌亦相善也及斌卿誅王駐瀟州以為吏部侍郎進尚書

大興傅氏長恩閣鈔本

城破病不能起遂被執帥曰難髮則生永祐曰我髮可削何  
 待今日利其腸而死僕負尸出城流血霑衣僕哭曰主生前  
 好潔今乃爾耶血遂止

李向中號立齋鍾祥人崇禎庚辰進士初知長興縣調秀水  
 大革漕弊南渡遷車駕司郎中出為蘇松道副使閩中授尚  
 寶寺卿魯王入閩召巡撫福圍城破從王至浙轉兵部尚書  
 是時諸臣壽命舟楫者日炙風餐面日黧黑獨向中白哲如  
 故居父喪城外

大兵取瀟州召之辭因發兵捕之以縲經入見帥問之曰聘  
 汝不至捕汝而至何說也向中曰前則辭官今來就戮矣遂  
 見殺

朱養時江陰人官兵部郎中台州守道耿應銜遣人入瀟州  
 以日者術見王謂王當有災定西侯張名振信之使讓王擇  
 日詣壇養時上疏爭之名振不聽養時怒曰使中土聞之謂  
 行朝無一人矣城陷自縊

林瑛字玉之福建人戶部主事同母妻塔女五人航海入浙  
 塔隨鄭彩去瑛至健跳所母死貧甚妻陳氏及女為人紉衣  
 給食己而女又死兵入瀟州瑛與陳氏分糧而縊其餘死事  
 者左都督張名揚定西侯名振弟也名振扈王出名揚居守  
 城陷母范氏以下數十人皆自焚死安祥將軍劉世勳通政  
 使會稽鄭遵謀兵科給事中鄞縣董志圖主事蘇州江用楨  
 會稽董元會福建朱萬年臨山衛李開國長洲顧珍顧宗堯

大興傅氏長恩閣鈔本



中書舍人吳縣蘇北人工部所正鄞縣戴仲明參謀順天顧用損諸生福建林世瑛皆自殺而錦衣衛指揮大興人王朝相奉王妃陳氏貴妃張氏義陽王妃杜氏入井以巨石覆之自刎其旁太監劉朝儿等死者凡十八人

逸史曰魯王自浙至閩所克復者三府一州二十七縣謂非林塗諸人力哉亦幾一成一旅之聚矣然卒無成者天也大木已摧乃欲藉枿築以成林不亦遠乎其陸處者惟舟山二年舟山環海元為昌國越王勾踐欲置夫差甬東即此地也明隸定海設參將一員隆武命黃斌卿遂鎮之遂欲擁拒其地王至不內卒為定西諸將所誅王乃駐蹕焉

大兵出攻歷年而後下豈其地勢險要固與燕山金陵與非也語曰朋黨執虎十夫撓推二人同心其利斷金蓋明之遺

臣在馬舟山破而明之遺臣盡矣其徇義多於兩都何也曰當日諸臣之不死有二其一私妻子保富貴偷生無恥之小人也其一懷才未試抱申胥之忠矢田單之智庶幾得當以報者也至舟山而二者之臣無矣慕富貴必不至至者皆志在死忠者也地末天荒鯨鯢為伍豈尚有餘望哉故君子無責焉非無責焉褒之以其始至矣也非以其死終也責之無可責焉矣至此而後臣事畢矣雖然我聞之海上十洲三島神仙聚焉安知諸君子非以兵解而棲托其際者乎

南疆逸史卷三十一

南疆逸史卷三十二

烏程溫睿臨撰

列傳第二十八

熊汝霖

錢肅樂

張煌言

熊汝霖字雨毅餘姚人崇禎辛未進士知同安縣以治行高入為戶科給事中在廷名敢言卒致忤意降福建按察使照磨宏光立起原官轉吏科汝霖言諸臣爭誇定策圖計復仇處堂未已且為闕穴始之武與文爭繼而文與文角殿廷之上無人臣禮此宜立國之規我馬士英銳意起阮大鍼汝霖言陰陽消長間不容髮國家必欲求奇材草澤中尚不乏人

何至擇及丹書閣臣此舉母乃負先帝負皇上乎四鎮之設也汝霖言一鎮之餉至六十萬勢必不供即倣古藩鎮法亦當在大江以北間屯設府會堂粵之內而遠以藩籬視之未幾奄人欲復厥衛汝霖言先帝十七年憂勤會無失德止有嚴衛一節未免府怨臣民因言先帝篤念宗藩而聞寇先逃誰死社稷先帝隆重武臣而降叛跋扈背相望先帝委任勲臣而京營健卒徒為寇藉先帝旁寄內臣而開門廷敵反在禁旅先帝破格用人而邊材督撫首竄兩端起遷宰執羅拜賊廷思先帝之何以失即知今日之何以得矣甲申九月奉使淮南陛辭言朝端之上議論日新宮府之中揣摩日熟少宰樞貳悉廢廷推四品監司竟進宮詹追贖定罪無煩司

大興傅氏長恩閣鈔本

大興傅氏長恩閣鈔本



寇躡徑疊出詭詭繁興一人未用便日滿朝為黨人一官外  
 還輒嘗當事為可殺市井狡獪既既得官呈身應募以備推  
 刃告變之用者環伺待發逐客之令時開翩翩之鄰未已置  
 國郵於固間逞私圖而得志黃白充庭青紫塞路南朝往履  
 復見今時獨不思他時稅駕何地耶其語無不切中迄不見  
 用魯王監國紹興畫江而守汝霖謂非長計欲令諸師畢渡  
 不聽乃率所部千人從小壘渡江進至海圍集其老父豪傑  
 激揚忠義灑淚誓眾聞者莫不感動旅拜轅門者且萬人別  
 行伍分汛地以本邑進士俞元良司餉指揮姜國成主兵由  
 是浙西吳中各響應一時號為熊兵加兵部右侍郎兼左副  
 都御史總督義師閩中詔使劉中藻至議開讀禮汝霖持不

可言主上原無利天下之心唐藩亦無生登大寶之理有功  
 者王耳若我兵能復抗城主上早正大號已是有名若其不  
 能而使閩兵克復武林直取建業功之所在誰敢與爭此時  
 而議迎詔未晚也時張國維亦持此議於是人心始定丙戌  
 六月朔浙江兵潰汝霖從魯王至由海道至閩會隆武蒙難  
 郡縣盡降王以汝霖為東閣大學士會兵於長垣分道攻取  
 先後得三府一州二十七縣戊子王在閩安鎮時國事皆專  
 於鄭彩彩暴橫汝霖每折之彩與定遠伯周瑞文惡汝霖票  
 擬恆右瑞彩積恨既而彩與義興伯鄭遵謀爭洋船常恐遵  
 謀之襲已也汝霖自閩安至琅琦休沐守琅琦者彩之裨將  
 李茂與汝霖奴爭口元夕熊鄭兩家同郡相問遣茂即以合

大興傅氏長恩閣鈔本

謀告變汝霖遂為彩所害並其幼子投海死中  
 錢肅樂字希聲號虞孫又號止亭鄞縣人幼穎異讀書過目  
 不忘為諸生有盛名崇禎丁丑進士知太倉州州瀕海而富  
 多貴族豪奴黠吏相緣為奸其暴惡之民習拳勇健訟辨智  
 肅樂立法嚴明視事精敏居五年俗大化遷刑部員外郎以  
 憂歸己酉六月杭州不守浙東議降肅樂大會縉紳諸生於  
 城隍廟開陳大義謀起兵邑人有不利者陰致書定海大帥  
 王之仁謂肅樂此起自一二庸妄書生須以公之兵威脅  
 之方可肅妄書生指肅樂也之仁至反從肅樂時郡縣有司  
 皆逃肅樂乃建牙行事封府庫收符鑰標兵皆來受約束兵  
 餉咸集乃遣人迎魯王監國肅樂亦至紹興畫江防守分汛

爪滬掘右僉都御史遷左副都御史上言國有九亡而無一  
 存民有十死而無一生賢人蜚避不肯攘臂一也憲臣劉宗  
 周之死關係社稷賜卹論祭朝典未備二也外戚張國俊權  
 傾中外共指奸叢三也臺省直諫發言盈庭無裨羣枉四也  
 朝章令甲委諸草莽五也狎邪小人借推戴以呈身闖茸下  
 流冒舉義而入幕六也楚藩江干聞詔息同姓之爭李長祥  
 面加斤辱七也咫尺江波烽烟不息而越城焚衣博帶滿目  
 太平譙笑漏舟之中回翔焚棟之下八也所與托國者強半  
 宏光故臣鴉鳥怪聲東徒尤惡飛蛾滅燭至死不攷九也民  
 為根本七月雨水廬舍漂沒以水死丙戌失望以饑死孰干  
 戈衛社稷以戰死文武衙門絳票赤紙一日數至以供應死

大興傅氏長恩閣鈔本



越人衣食取辦於舟楫調發既煩民皆沈舟束手以無藝死比戶困於誅求此營未去而彼營又來以射死富室輸財亦以義動之非有罪也而動加拷掠牢囚以刑死大軍所過沿門供億怒罵及於婦女以辱死甲獻乙之貨丙報丁之怨百毒齊起以憂死今竭小民之膏血不足供藩鎮之一吸將來合藩鎮之兵馬不能衛小民之一髮喘喘以不難髮死十也若不圖變計不知所稅駕矣朝議畫地分餉以紹興八邑各有義師上供本郡圖次轉給王藩肅樂言臣師二千既無分地勢須遣散但臣自舉義以來大恥未雪不敢歸安廬墓散兵之日單丁入伍濟則君之靈也不濟則以死繼之浙師既潰泛海入閩隆武授以原官閩亦尋敗隱於福州之化南魯

南疆逸史卷三十一

四

王至肅樂乃出進兵部尚書王謂諸臣曰江上之時師不能成功病在不歸於一肅樂請以建國公鄭彩為元戎諸鎮皆受其節制又言兵貴精練練兵非旦夕事也請自建國以下六大營每營挑選敢死善戰之士別為六軍一切封拜挂印悉停罷懸六金印於此令曰有能將今營挑選之士破敵者不論把總守備等官各以印佩王以為然自是兵威頓振王之初入閩也次中左所中左所者鄭成功所營之地也成功不肖奉王以丁亥歲為隆武三年故王改次長垣鄭彩自以其軍連破郡邑成功不與焉是年十月肅樂頒明年戊子魯王三年歷於是海上有二朔時劉沂春吳鍾燮皆隱避不起肅樂薦沂春為右副都御史鍾燮為通政使且寄書兩人曰

時平則高洗耳世亂則美褰裳司徒女子猶知君父東海婦人尚切報仇嗟乎公等忍負斯言二人翻然就道而隆武遺臣無不出矣戊子王次閩安鎮拜肅樂東閣大學士兼吏部尚書與馬思理林正亨同入直肅樂每日繫河船於王舟之次崇擬章奏封進則牽舟別去匡坐讀書而已先是大學士劉中藻起兵福安攻福州將破其帥涂登華曰謂人曰豈有海上天子舟中國公肅樂致書曰將軍獨不聞有宋末年二王不在海上文陸不在舟中乎後世卒以正統歸之而况於不為宋末者乎今將軍死守孤城以言乎忠義則非其人也以言乎保身則非其策也依鼎沸以稱安巢危林而自得計之左矣登華遂詣鄭彩降彩欲使私人守之中藻不可藥

南疆逸史卷三十一

七

彩反掠其地肅樂與中藻書不負彩彩使人刺得之相見彩故誦書中語肅樂固有血病至是憂憤卒六月五日也年四十三贈太保諡忠介故相葉向高曾孫進晟葬於福清之黃藥山張煌言字玄著號蒼水鄞縣人幼豪邁能文章善射崇禎壬午舉於鄉魯王立國煌言與錢肅樂同事授翰林院編修出籌軍旅入典制誥丙戌師潰入海依黃斌卿於舟山明年松江吳勝兆反以右僉都御史監定西侯張名軍振以應之至崇明颶風覆舟煌言脫身間道歸海上又明年移部上虞之平崗山寨庚寅魯王居舟山煌言復從之舟山破從王至閩海時鄭成功縱橫海上兵頗盛遂奉桂朔魯王為寓公而已

大興傅氏長恩閣鈔本

大興傅氏長恩閣鈔本



癸巳冬返浙明年復召名振軍入長江登金山遙祭孝陵三軍皆慟哭烽火達於江[圖]以上游師未次至左次崇明項之舟入長江掠瓜州儀真抵燕子磯江[圖]震動而師徒單弱中原無響應者遂乘流東下連營浙海戊戌永[圖]遣使授兵部左侍郎兼翰林院學士成功北行又監其軍抵羊山孽龍為虐海船碎者百餘義陽王游焉於是返旆己亥成功全師犯江[圖]煌言以所部數千人並發謂成功曰公不如先取崇明崇明江海門戶懸州可守脫有疎虞進退有據不聽以煌言為前軍陷瓜州城義師所向成功欲先江[圖]煌言欲先鎮江成功曰我頓兵鎮江金陵援騎朝發夕至為之奈何煌言我以偏師水道薄觀音門金陵將自守不暇豈能分援他郡成功然之即請煌言往未至儀真五十里吏民迎降六月二十八日抵觀音門成功已下鎮江水師畢至七月朔小卒七人掠江浦取之五日煌言所遣別將以蕪湖降書至成功虞江楚之援師且至也扼蕪湖足以制上游七日煌言至蕪湖相度形勝一軍出溧陽以窺廣德一軍鎮池州以截上流一軍拔和陽以固采石一軍入[圖]國以逼徽州傳檄郡邑江之南北相率送款郡則太平[圖]國池州徽州縣則當塗蕪湖繁昌宣城[圖]國南陵太平旌德貴池銅陵東流建德青陽石埭涇縣巢縣金山舒城廬江高潛溧陽建平州則廣德無為和陽凡得四府三州二十四縣煌言考察黟陟長吏如州牧行部事江楚舊衛人士多至軍門受約束歸許起

大興傅氏長恩閣鈔本

兵相應無何而江[圖]之敗聞煌言方受徽州降乃返蕪湖初煌言語成功曰師老易生他變宜遣諸師分徇郡邑金陵出救我則首尾邀擊如其自守我則堅壁以待倘四面克復我兵鱗集金陵如在掌中矣成功不聽自以為旦夕且下士卒釋戈而嬉縱飲奏樂官兵謀知之以輕騎襲破之前屯成功倉猝移帳質明軍窺未就官兵傾城出戰兵無鬪志大敗成功亦遂乘流出海並撤鎮江之師而去於是橫江之艘皆屬官兵煌言歸路已梗乃引舟歸都陽八月七日與楚師遇而兵潰焚舟登陸士平尚數百人歷霍山英山渡東溪嶺追兵奄至士皆竄止一僮一卒從迷失道土人止人賂土人為導變服夜行天明而踪跡者眾導者亦去茫然不知所向念有故人賣藥於安慶之高河埠求一人導至其所至則故人他人之友識為張司馬憐其忠義導之由樞陽湖出江渡黃盆抵東流之張家灘隨行建德祁門兩山中煌言方病瘧力疾至休[圖]買棹入嚴州恐浙人熟其面改而山行自東陽義烏出天台以達海塘樹蠹鳴角散亡復集庚子駐師林門辛丑入閩海道客羅子木至臺灣責成功出師不聽明年煌言復歸浙海甲辰散兵居於懸巖在海中荒瘠無居人山南多漢港通舟其陰巉巖峭壁於時閩粵皆平惟煌言尚在議者謂煌言不死傍海且復逞

朝旨急購之係累其妻子族屬以待煌言之小校降欲致之以為功與其徒數十人走普陀偽為行脚僧會煌言之雜舟

大興傅氏長恩閣鈔本



至羅人為其僧也呢之小校出刀以脅羅人令言其處擊殺  
 數人而後肯言曰雖然公不可得也公善兩猿以候動靜船  
 在十里之外則猿鳴木杪公得為備矣小校乃以半夜出山  
 之背綠蘿踰嶺而入暗中執煙言並其從者羅子木揚冠王  
 七月十七日也至圖波張帥舉酒屬曰待公久矣煙言曰父  
 死不能葬國亡不能救死有餘罪今日之事速死而已後數  
 日至杭州供張如上賓督撫而下無不敬之省中人賂守者  
 得嗜一面為幸七月七日遇害年四十五子木冠玉從死子  
 萬祺先三日死於鎮江煙言精六壬兵屯東漢嶺占得四課  
 空陷方大驚而追騎已及羅舟未返占課大山主有非常之  
 變徘徊假寐夢金甲神告曰上帝日中取汝與其友王采薇  
 言之言未既而兵入杭人張文嘉萬斯大葬之於南屏之陰  
 子木名綸溧陽人冠玉鄞縣人

逸史曰監國之事熊錢二公始之張司馬終之三人者固天  
 下才也使當明之盛世且與於王爭烈矣不幸而植未流謀  
 之不見用用之不得盡其才譬之九尺之軀俯首矮簷下吁  
 可悲也熊錢既於強帥熊既凶終錢亦憤恨甚矣盜賊小人  
 豈可與共功名哉司馬之殉義也余尚童稚粗知人事見長  
 老述之未嘗不流涕也

南疆逸史卷三十二

大興傅氏長恩閣鈔本

南疆逸史卷三十三

列傳第二十九

守土

烏程溫春臨撰

嗚呼封疆之吏與地存亡郡縣之吏與城存亡人臣之通義  
 也明之末也為吏者既腹削以致變及賊至則揮頭亂竄列  
 郡土嶺求之其捐軀以報者寥寥也間亦有之豈非歲寒之  
 松栢也歟余於死事之大者既各誌之以傳矣其餘守官不  
 去嬰慘酷而自甘者雖他事無所表見亦不忍沒自宏光迄  
 永歷列其姓氏云

任民育 曲從直

王纘爵 周志畏

羅伏龍 楊振熙

黃鉉 吳道正

王志端

揚州自史閣部死義外吏吏得九人焉知府任民育守時澤  
 濟開舉人善騎射為鄉里捍患里人徐標巡撫直定薦其才  
 用為贊畫經理屯務明年授穎州知州兵疫之後戶口死亡  
 略盡而征賦如故民育乃核州田計一萬九千頃荒者半焉  
 於是並八十里為四十里止征現戶民甚德之甲申冬陞揚  
 州府知府可法甚重之以戎服守鎮淮門城破馳歸易緋服  
 坐堂上曰此吾土也當死此左右皆奔散獨吏陸某者侍兵

大興傅氏長恩閣鈔本



至欲擁之出不行遂殺之妻子投井死陸某亦自經以殉同知曲從直與其子分守東門父子皆死從曲字完初遠來舉人也監軍同知王繼爵字佑申鄞縣人以祖蔭入大學授應天府通判攝溧水篆清介剛直忤上官投劾歸乙酉起揚州監軍同知可法謂曰君書生不知兵奏改京職可乎繼爵曰下官世受國恩豈敢避難從明公死不願從馬阮生也可法改容謝之及城破遂從死江都知縣周志畏字一畏號松雪與繼爵同邑癸未進士年少敢任果於決事高傑將士在城暴橫志畏屢戢之反受挫不勝憤求解職會新喻羅伏龍至可法即命代之伏龍先由舉人知梓潼縣代志畏受事甫三日城即陷兩人皆死於兵而志畏妻子僕隸闔門殲焉無

一人晚歸者其時兩淮運司楊振熙揚州監餉僉事黃鉉通判吳道正江都縣丞王志端亦皆死振熙臨海舉人鉉彭澤舉人道正餘姚人志端字研方孝豐人諸人行事惜乎軼矣

司理府君

先伯父司理公諱璜姓溫氏初名以介字于石號寶忠湖州烏程人生三歲而孤母陸太孺人苦節五十年卒被控於朝少為諸生有學行名譽赫然湛深於易為教授大師性至孝母沒廬於墓出入必為文告丙子舉於鄉始易名榮未成進士年五十九矣授徽州府推官甫蒞任京師報陷公慟哭誓死亟訓民兵繕城堞靖盜寇為保障計明年南都亦覆知府秦祖襄遁諸僚屬悉遁公歎曰城無主民且自相屠乃盡搗

大興傅氏長恩閣鈔本

其印召士民慰諭之眾感泣願守遠近從而保者數萬家會命都御史金聲舉兵績溪公與為犄角且轉餉給其軍而徒家於滄坑村語諸吏不得通家問凡四閱月聲敗嚴兵登陴郡人黃澍以城獻公抽刀將自刎吏叩頭曰不念夫人公子乎公曰然孺人欲偕我死不可不成其志趨歸滄坑醲酒以訣夜闌僕婢咸就寢長女寶德年十五假寐孺人趨之起女曰何為曰死耳女延頸受刃未絕後刃之孺人整衣卧公取刀截其喉有頃呼曰未也再刃而絕乃書遺令曰世受國恩惟以死報薄棺火葬不必還屍投筆長嘯抽刀自刎聲如雷震乙酉九月二十四日也越日復甦居人昇之幕府視其創皆驚歎進之食揮之又五日自手裂其喉而死先君往迎其喪而撫其孤先君幼學於公性尤方介公歿隱居終身公少館雙林吳氏有官長沙丞名義士者城破不屈死之全家殉焉例得附書

閻應元

侯成祖

江陰小邑也而城守之嚴江以南無若之者則賴於典史閻應元侯成祖之守金山衛亦似之應元字麗亨通天通州人崇禎末授江陰典史江盜百艘乘潮抵黃田港應元率鄉兵拒戰連殲三人寇遂以功陞德安主簿道遠未赴寓居沙山乙酉南都郡縣降附檄至江陰諸生許用德昌言於明倫堂曰頭可斷髮不可剃眾曰然則城守乎相與設太祖像拜且泣域內外應者萬人推新尉陳明選主兵明選曰我不如閻

大興傅氏長恩閣鈔本



君智勇可屬大事於是馳騎迎應元應元率家丁四十人夜  
馳入召士民盟之曰今日之事非有所強於君者諸君其無  
以生死為計衆曰諾乃問曰有餉乎巨商程壁前曰某願捐  
三萬五千金輸者次第集又問曰有軍資乎明選曰前兵備  
道所製火藥火器故在也發之得火藥三百罌鉛鐵九千石  
大礮百鳥機十張乃令曰輸不必金凡我粟芻藁布帛醋酒  
鹽醢皆是且曰城苟完何患無財否則身且不保違恤乎家  
衆曰然於是餉粗其乃治樓櫓修堵堞令戶出一男守城餘  
丁傳餐已乃分城而守令鄉兵設伏四郊待遊騎至而殲焉  
部署甫定而外圍合當是時

南疆逸史卷三十三

四

我邊不過旬日故漫視南土謂可以無血刃而傳聞江陰設  
守甚嚴兵至境上輒賊殺相與大駭於是大出兵薄城下者  
且十萬列營百數圍數十里依君山起壘下瞰城中矢聚如  
雨城上雜發礮擊之夜遠壯士繞城下順風縱火軍亂自  
相蹂踐死者數千始移營去居民黃雲江善智傳以毒藥中  
人輒斃陳瑞製木銃近者糜爛應元創新意製鐵鎗擊以長  
繩能刺人於城下  
大軍架大礮擊城垣裂應元用鐵葉裹門板貫以鐵絙護  
之取空棺實以土障潰處又命人運大石視缺者壘焉又嘗  
矢盡乃束藁為人夜立俾曉聞城上擊鼓鳴金人噪若將絕  
城斬營者

大興傅氏長恩閣鈔本

大軍驚矢蟻集比曉獲矢無算凡守禦之法殫極智巧  
大軍乃濟師遣降將劉良佐來助臨城呼應元與語應元曰  
我一典史議政臣耳猶不忘故國汝爵為列侯握重兵不能  
為國捍禦反為敵前驅有何面目向我邑人耶佐良慚而退  
八月松江破李成棟率所部十四萬至驅黃蜚吳志葵作書  
招降志葵在城下陳說利害應元叱曰汝不能斬將奪旗為  
人所縛死已晚矣何喋喋為會中秋給軍民賞月錢分曹攜  
具登城痛飲而許用德製樂府五更轉曲令善謳者曼聲歌  
之其聲悽惋

南疆逸史卷三十三

五

大兵聞之者皆為泣下應元偉軀軒性嚴毅號令明肅犯法  
者不稍貸然輕財賞賜無所吝傷者親為裹創死則酬酒而  
哭之明選寬厚姬煦善撫循士卒往往流涕相勞苦士皆樂  
為之死雖知危急不少變外兵既盛攻愈急礮聲徹晝夜城  
中死傷日積矢石亦盡二十一日大雨如注城傾  
大軍羣擁而上應元率死士巷戰所當披靡殺傷以千數奪  
門不得出投於前湖水淺不死遂被執良佐持之而泣應元  
曰死耳何泣為見貝勒不屈膝死於棲霞禪寺用德明選自  
焚死城中屍骸枕藉街巷皆滿凡攻守八十一日竟無一人  
降者而  
大兵死者亦六七萬嗟乎應元之守善矣惜所守者小邑耳  
使南京得如應元者而守之明豈其亡哉隆武聞而泣曰吾  
家子孫遇江陰人雖三尺童子亦當敬而拜之應元至今廟

大興傅氏長恩閣鈔本



食江陰

侯成承祖字懷玉世襲英山衛指揮松江之起兵也集諸鎮議承祖率兵至欲共襄大軍而吳志葵忌之阻其謀承祖志曰然則府城聽之總戎承祖以金山為存忘耳歸而治兵設守禦未幾志葵果敗松江亦破進攻金山承祖坐睥睨間親受天石綠城上者立刃之屢進屢卻不能入八月二十四日江陰既陷李成棟還師助之守卒皆疲俄有內應者啟各門以入承祖與其子傑巷戰眾且盡傑被執罵不絕口見殺承祖被執說之降曰吾家自始祖以開國勛子孫不替食祿二百八十年矣今日不當一死報國哉至文廟前曰此吾死所再拜於先師遂受刃

顧咸建

唐自彩

過俊民

顧咸建字洪石崑山人與兄咸正俱癸未進士咸正授延安推官而咸建得錢塘令錢唐本劇縣是時連歲大稔米價騰湧民至剝樹皮採野菜為食而三餉益加准科愈急長吏以解額為殿最里甲往往雉經倉門咸建下車分兩稅為十縣限令同甲自相曉諭不以官符追攝集父老告之曰寇患若此朝廷師旅四出徵餉非得已也爾曹受列聖深仁獨不思急公分上憂而煩我遺胥吏乎民皆曰使君愛我我何敢以逋課負使君輸者填溢無後期者京師變聞人情洶懼咸建出令曰天未厭明德新天子詔即至若無恐賊奸警備愈嚴

大興傅氏長恩閣鈔本

宏光立御史彭選士英私人也出按浙江橫甚遣奴客四出剽掠百姓憤怨聚譁於署遇輿出兵擊殺七十餘人民洶洶思變咸建馳撫之得已選輿旋劾罷及揚州失守馬士英方國安鄭彩輩咸集錢唐城中沸鼎咸建率士卒日夜防禦軍得少戢

大兵將至巡撫張東貞恒擾不知所為總兵陳洪範勸之納款咸建爭之不能得東貞遂挾潞王出降咸建棄官去大帥遣騎追之及於吳江還抗詞不屈閏六月朔殺於忠清坊士民徒跣號泣懸首城樓一絕不集閩中贈太僕寺少卿諡忠節咸正之選推官也延安己為賊所陷未赴而京師變需次於家至丁亥松江兵科給事中陳子龍欲與提督吳勝兆共舉事為人告變世咸正子天遠所迹捕得之子龍死咸正執至江圖總督洪承疇問曰汝知史可法在乎咸正答曰汝知洪承疇死乎不死乎洪默然與二子天遠天邁俱見殺

唐自彩字西望四川建州貢生兵部侍郎階泰從父也崇禎末投臨安知縣而無錫貢生過俊民方為訓導自彩居官廉多德政尤振興文教與俊民相得甚歡臨安故小縣俗醇樸易治自彩政暇則與俊民飲酒賦詩士民愛信之及大兵至浙省城大吏皆遁降邑人大震自彩歎曰臨安彈丸也以戰則無兵以守則無食且爾民素不習兵革無徒苦父老為也冊印具在聽邑人之所為我老矣豈復北面事二姓

大興傅氏長恩閣鈔本



與其姪借豫攜家人入梅塢俊民亦遷山中士民遂賣冊印赴省大帥問曰若令安在民前曰令唐君賢父母也憐我民之被干戈不敢守土已入山隱矣大帥曰果賢耶我還汝令若迎奉之我不必別遣吏也士民入山迎自彩出堅不可闕兩日大帥聞自彩終不出下教置令新令至欲自媚說上言自彩山中陰集兵虞有變總督張存仁乃遣兵執自彩俘其家是時八月值下丁俊民語山中諸生曰我為學博猶廟祝也我在豈可令大聖缺一祝乎刑牲具醴侵晨入城行禮甫初獻而執唐令之兵突至見堂上我冠博袖執笏者問何人或告之曰學官也因前繫之俊民大罵殺於功臣山下自彩至不屈總督曰昔有宋受命吳越納土臨安故事也若母自

戴重

戴重字敬夫和州人十四為諸生國變與同學為不敢忘社又為復仇史以見志宏光元年歲貢廷試第一馬士英當國以重應制詰切時務啣之將中以罪中允趙士春爭之乃寢選授湖南推官士英索其澄泥硯不與以五百金購之亦

大興傅氏長恩閣鈔本

不與乃改麻州會南都陷諸義旅羣萃太湖而重與王元震自為一軍與吳江吳易宜與盧象觀相聯為首尾攻湖州破之磔降者三失而三復之轉戰三月傷於矢連居僧寺作絕命詞十五首絕粒以死湖人私諡文節先生

鍾鼎臣

鍾鼎臣字彝公新會人崇禎甲戌進士授國府推官累陞真定知府未赴宏光元年五月改授嘉興之官時南京已陷或勸鼎臣曰見危苟免義所不敢出也汝嘉興踰月城破緋衣坐堂上僕人進瓜拔劍斫之曰恨不以此破敵遂自刎

方召

方召字虎鄰宣城諸生南都之亡郡縣兵起召輒集鄉勇應之久之不利走謁隆武授兵部司務署衢州江山縣縣交閩越道苦驛驛官又乘亂漁利自便有急則走民益病召至誓民曰父老良苦令不廉何能寬征我官兵曹法將戢兵自今往來騎無得橫索廚傳暴吾民因大書於版曰不愛錢不怕死懸於視事之所出則使人負以前驅轉相告語兵士見者皆劍戢縣境以靖民呼真父父及

大兵破浙東屠金華次江山人皆震恐欲降召慨然曰大事去矣一邑何能支徒踐吾民耳聽居民往迎而肘繫其印冠帶北面拜曰孤臣無狀以死報陛下自投縣齋兩偏之井以死在縣僅二十九日出其尸如生士民咸歎曰骨冷泉香矣

大興傅氏長恩閣鈔本



因置亭其上曰冷香亭晝夜嘗見形官為位祀於死民亦立廟有像祀之葬城南景星山其後同里翰林院侍講苑閣章過江山親至井所弔以詩鐫碑曰明忠烈江山縣侯方公之墓

南疆逸史卷三十三

大興傅氏長恩閣鈔本

南疆逸史卷三十四

烏程溫睿臨撰

列傳第三十

守土

唐王立國之日淺而其時死節之士甚眾蓋皆前之遺臣未殉南北之難而留其身以有待者也既各為傳今錄其守土而死者

傅雲龍

熊秉震

鄭為虹

黃大鵬

王士和

王景亮

胡上琛

傅雲龍字蒸甫金谿人甲戌進士累官浙江僉事道分巡紹

台對石學柱桐栢破揚六會旺海洋平竺武四明降許都金

華功尤高陞福建按察使司副使宏光乙酉漳寇起雲龍單

騎往招之誅其渠魁而定隆武丙戌夏雲龍嚴賊復起率師

進剿斬賊千數賊平進太僕寺正卿是秋

大兵由建邵入山巖招集義旅以圖後舉

應者移家入山巖招集義旅以圖後舉  
大兵間道入漳逆得之見貝勒不屈漳士民多頌其賢貝勒  
知得民心說降不聽明日露刃脅之叱曰殺即殺耳我豈可  
威劫者罵不絕遂遇害年五十五冬十月也武岡伯陳秀經  
紀其喪護其家得歸

大興傅氏長恩閣鈔本



熊秉震字九初南昌舉人官處州司理乙酉棄官隱於閩隆武令以職方司主事守浦城

大兵過浦招降不聽遂遇害

鄭為虹字天玉揚州進士知浦城縣上初入閩知其廉吏欲拔置左右浦民留之乃擢巡關御史留浦城有武將強奪商人米為虹繩之以法人言其市恩邀譽上知其忠不問且令兼巡上游手承肅然將士欲手鄭芝龍既懷二心盡撤關隘守兵聞浙東陷先回安平其將施福亦歸仙霞二百里間空無一兵

大兵抵關安行無阻為虹歎曰肉食者不忠而屠民以殉之乎還浦城啟門縱百姓去自列丙戌八月也同時守關者為

黃大鵬字文若建陽人少孤貧不能從師求為弟子執役每會講輒從旁竊聽遂知書能屬文舉庚辰進士知義烏縣有能聲擢兵科給事中治兵餉未幾從上至建園上以仙霞關重地使閩人自為守及關破大鵬被執南面立曰封疆失守吾分應死

大兵射殺之

王士和字萬育金谿舉人避亂入閩謁選得吏部司務上言六事文職廣而委卸者多武弁盛而立功者少陞遷驟而責任益輕議論繁而實用益寡聽納博而精神益勞移畢頻而民生日若上讀之曰此苦良藥也朕朝夕首覽爾諸文武亦共儆戒令刊所上章分賜之召士和賜對丙戌夏轉兵部主

事尋知延平府時延平為上駐蹕地委重之八月仙霞關不守上倉猝奔汀州留兵部侍郎曹宇奉偕士和居守大兵至士和謂士民曰吾受上知遇不可生汝等當自為計毋使數萬生靈膏斧鑕也士民環泣其友亦勸之士和正色曰君子愛人以德君何為出此言且吾一介書生數月而奉亦二千石君恩厚矣不死人且謂主上不知人北面再拜繫印於腰自縊死

大興傅氏長恩閣鈔本

王景亮字武臣吳江進士南渡授中書舍人隆武改監察御史加太僕寺卿巡按金衢兼督學政奉命通好於魯衛州唐魯之交政令不一景亮久居之未有以報命也城陷自縊於馮家園衢州道伍經正推官鄧巖忠皆不屈死武臣則胡上

珠字逢聖福州右衛指揮使也性喜讀書時時竊讀吟咏年十八赴京襲職隆武加錦衣衛扈從至汀州遇變而返大兵入城曰吾世臣也豈可偷生令人入山採毒草其妾劉氏聞之願同死上珠喜曰爾婦人能之耶遂衣冠同拜天地祖宗各舉酒飲藥而死

曠昭張亮

王養正

劉允浩

曠昭字白依遂園人萬曆中進士歷官至僉都御史巡撫江西隆武元年七月致諭昭曰念卿在鳳陽撫綏士多甘藹之陰施於喬木握手道故何日能忘比以留都不靖孝陵重局

曠昭字白依遂園人萬曆中進士歷官至僉都御史巡撫江西隆武元年七月致諭昭曰念卿在鳳陽撫綏士多甘藹之陰施於喬木握手道故何日能忘比以留都不靖孝陵重局

曠昭字白依遂園人萬曆中進士歷官至僉都御史巡撫江西隆武元年七月致諭昭曰念卿在鳳陽撫綏士多甘藹之陰施於喬木握手道故何日能忘比以留都不靖孝陵重局

曠昭字白依遂園人萬曆中進士歷官至僉都御史巡撫江西隆武元年七月致諭昭曰念卿在鳳陽撫綏士多甘藹之陰施於喬木握手道故何日能忘比以留都不靖孝陵重局

曠昭字白依遂園人萬曆中進士歷官至僉都御史巡撫江西隆武元年七月致諭昭曰念卿在鳳陽撫綏士多甘藹之陰施於喬木握手道故何日能忘比以留都不靖孝陵重局

曠昭字白依遂園人萬曆中進士歷官至僉都御史巡撫江西隆武元年七月致諭昭曰念卿在鳳陽撫綏士多甘藹之陰施於喬木握手道故何日能忘比以留都不靖孝陵重局

大興傅氏長恩閣鈔本



朕已歛兵圍粵可數十萬劍及於室皇履及於殿門而諸豪傑以六師一動必須萬全欲先合江右之軍次收兩浙之士棲遲顧慮又踰一月朕獨居深念枕席之處常有涓痕想卿聞之亦為痛心今人心思奮溫台以西衝嚴而下列頸之士亦數萬人欲發錢塘與大軍遇卿能率章貢之師決鄱陽下萊蕪指顧金陵濯足龍江番君之義不足高也雲閣臺麟閣何常之有昭德得之感泣某月金聲桓攻陷九江遣所署九江知府吳亮為書說降昭答曰昊天不弔弔先皇帝身殉社稷乃臣子殺身成仁之秋而孤臣尚伏魔推彙開府嚴疆誠以本朝中興有地庶得藉雪犬馬之心豈知人謀不臧補報無術賢奸雜處功罪不明使江上四鎮道遙於西北荆楚大帥結怨於江南故貴國無亡矢遺鏃之費遂越長江夫吳將軍之乞師貴國也本效包胥之義使貴國成復楚之功故荷戈執艾為王前驅今大仇未復宗社再傾逆闖構蟻蚌之勢而貴國收漁人之利豈天下所望於吳將軍者哉故為貴國計莫若窮追賊黨以正厥辜若亡命四逸則當傳檄天下捕購其首然後擇親而賢者以為中國主又簡人望以輔翼之其舊將擁重兵坐視國亡恣行擄掠為民患者殺無赦如是中國免水火之患莫之祗席皆貴國之賜也則厚玉帛通婚姻世謀盟好永絕戰爭書之史冊豈不遺萬世之名哉興滅繼絕在斯一舉昭自來身待命不然者惟有背城借以一死報國耳南昌既陷昭被執同時安廣巡撫張亮為左夢庚所

大興傅氏長恩閣鈔本

執以獻亮亦忼慨不屈豫王高之使與昭同處謹守衛之二人同鄉也相誓求死費之降不得械至京師乃並殺亮字接伯內江人萬曆十七年進士

王養正字聖功泗州人養正自成進士官游大半在江西一時名宿如姜曰廣袁繼成楊廷麟黃瑞伯皆有道天下高明之士養正從之游嘗知南康九江土賊鄧毛谿熊高聚眾山谷間南康人恒懼議請兵養正陰遣間說鄉兵殺賊居數年賊盡殲暇時輒與諸生講論文藝道義修復白鹿洞學舍諸生多所興起宏光立建昌道兵備副使部署甫定而降將金聲桓徇江西諸郡望風奔潰養正飲泣誓師堅城拒守聲桓遣其精兵來攻養正以鄉兵敗其前軍會所徵滇兵內叛潛遣人納金師因襲陷建昌執赴武昌道過南康南康人泣隨之養正謝曰父老良苦然吾有死所矣

正域字元壽松江舉人除宿州學正佐有司域守有功歷工部主事權稅蕪湖時上游梗於賊商少而稅額增域上疏請如舊從之南都阻本部郎中出守建昌加副使以清正稱乙酉六月金師入南昌域與布政使夏萬亨副使王養正推官劉允浩謀曰事急矣國無主何以聚眾乃奉益王監國

大兵進攻建昌七月朔城陷王出走域被執不屈送武昌劉允浩字集生山東掖縣人癸未進士家居間北京陷欲西行說劉澤清起兵而寇至萊州允浩與張國士等擊走之奉母南行時寇盜接迹聞其名不敢害抵淮與黃得功相結慨

大興傅氏長恩閣鈔本



然欲立功報國史可法壯之欲留之軍前允浩不可謁選南  
都按建昌推官同輔益王

大兵來攻允浩督戰甚力殺傷過當城陷猶率眾巷戰中天  
被執

夏萬亨字元禮崑山舉人婺源教諭陞西平縣時河南多寇  
盜萬亨修備甚嚴居三年改知夏縣夏邑城小不足用兵賊

常頓兵城下萬亨解諭之而去劉超教督師丁啟濬率諸軍  
討之屯聚者且數萬軍器械不缺於供萬亨力也宏光立使

迎太后因陞江西布政使言者以為驟乃改命事分巡南昌  
瑞州保王避寇南昌其舍人豪橫萬亨執而答之一府洵

洵皆持白挺作難民與格鬪將楚王府萬亨論之始止尋陞  
按察使署布政司事南京潰萬亨奉其母至撫州屬於門生

聞南昌已為金帥為拒乃入建昌奉益王建昌破金帥以萬  
亨得民心將藉以撫定江西曰公從我且為大吏萬亨書絕

命詞見志金帥知不可降然不欲加害送之楚帥一門死於  
建昌者三十餘人萬亨至武昌與王域劉允浩王養正施以

略魯志省俱死傳首江西棄尸城下武昌人收葬於沌若河  
題曰六君子之墓原抄此下有養正字華嶠四川進士也餘

居俱不同殊不可  
高飛聲

李翔  
涂伯昌  
梁于溪  
高飛聲字克正長樂舉人授玉山知縣遷某府同知有巨寇

大興傅氏長恩閣鈔本

久莫能靖飛聲躬率兵搗其巢殲之尋以養親乞去黃道周  
出督師選與偕令攝撫州府事

大兵至遣家人懷印走行在而身守孤城及城破全節而死  
隆武間之嗟悼贈江西按察司僉事

李翔字融舉邵武舉人崇禎己卯以貢生廷試會詔求言翔  
上書切直幾得禍閩中授新城知縣先是

大兵逼新城舊令譚夢開降借犒師以款民財奸徒乘之民  
弗堪其擾導閩兵之守關者誅令令之黨與誅令之人日相

殘殺而月未定尚書吳春枝巡關來邵武以新令難其人特  
疏用翔將入邑人尚欲拒之翔單騎入城斬黨令者一人餘

置之不問人人服未幾鄉民與豪家有爭數十人謀城下翔諭  
之不止且入城抄掠翔揚言永勝伯鄭彩兵且至乃遣三百

人紅巾林首攝弓矢從南門入眾皆奔已而知其詐也明日  
復聚翔曰烏合之眾易與耳不一懲艾眾且效尤率兵以出

且戰且撫斬為首數人而定鄭彩初至新城聞  
大兵將至而逃監軍張家玉邀翔共守翔乃召募義勇日夜

戒嚴親率千人入演武場督戰  
大兵已從他道馳入義勇或散從翔返者僅三十人比至城

則留者三人耳翔直前斬三級而出四顧傍徨謂三人曰汝  
等可去我入城死矣策馬復入大呼曰我新城令也兵執之

送建昌僅立不跪大帥勸之酒翔舉杯擲地帥遂斬之贈光  
祿寺卿諡忠莊

大興傅氏長恩閣鈔本



涂伯昌字子期江西新城人幼穎敏好學聞杭州黃汝亨名  
徒走涉江師事之己又之楚事郭子章於家皆得其指授家  
酷貧夫婦或竟日同食一瓜冬日被芒衣不恤也補庠生督  
學蔡懋德甚器之其後汝亨亦按學江西伯昌方居憂招之  
往謝不見人曰子昔者千里師之今咫尺而拒之耶答曰向  
者求師非見學使者也豈我豈以師故越表而往哉攜其子  
先春讀書山中宵分不輟庚午舉於鄉隆武立授兵部主事  
改監察御史奉命至江西招集義旅歷新城廣昌至圍都會  
大兵破金聲桓徇江西之諸郡縣伯昌力守圍都被圍者一  
年城陷大書於壁曰讀聖賢書但知守經死不知達權生乃  
自縊庚寅二月初十也城之未圍也先春奉母及妻匿山中

南疆遺文卷三十四

八

復出從父至城下僕告曰敵兵且至蓋避之先春曰大人在  
城奈何舍之僕曰已往廣昌矣先春不信奮袖而往遂及於  
難先是伯昌有堂姪世名守仲嘉丁卯舉人隆武拔龍溪知  
縣甫蒞任而  
大兵入仙霞關鄭芝龍迎降全閩皆潰世名獨不屈遣其子  
常吉出常吉曰父在兒焉往未幾被執皆遭害士民棺殮之  
葬淺土新守令至哀其忠各捐金贈其二孫助歸其喪世名  
偉幹脩慤性豪俠志氣慷慨為孝廉日當事愛其才贈之金  
輒隨手盡死時有僕黃錫黃揚王亨將三四人者同殉云  
逸史曰二君皆以孝廉起家皆死忠又皆其子死孝忠孝一  
門何其盛也必如是庶不愧孝廉也夫

大興傅氏長恩閣鈔本

梁于淡字欽光江都人癸未進士知萬安縣乙酉  
大兵至郡縣望風迎款于淡獨嬰城固守獲絕被執金帥欲  
降之不可禁南昌獄中五十三日日作詩又客有慰之者于  
淡曰國破家亡自天子公卿百官北面受辱余一小吏所圖  
曷濟然古今忠孝名節在人自立耳天下人觀于淡今日有  
為之恨者有為之憐且怒者至於醜而笑之者幸免矣金帥  
又欲官之客聞而賀于淡曰死我者可賀而不可弔官我者  
可弔而不可賀死者形亡官者神滅吾豈以易神形哉九月  
十三日作絕命詞自縊死

黎仰明

廉汝健

胡重明

徐君鼎

南疆遺文卷三十四

九

儒官至訓導微矣明皆以歲貢生為之其能守節義者不多  
見也於江西得四人焉守都黎仰明賴川廉汝健鄒陽胡重  
明建昌涂君鼎也仰明字奕和任浮梁  
大兵攻饒縣令迎降仰明怒不從冠帶投山中後竟餓死汝  
健任廣信府脫儒服衣甲曹從總兵汪碩畫戰各門被執不  
屈死重明字養源以訓導攝粵都縣篆守濱入告妻子若自  
為計吾受當事命即天子令吏義不可生乃緋衣至堂上張  
燭危坐兵至批髮憤遂罵死之君鼎為贛縣訓導展餉閩粵  
有勞績城陷不屈死子諸生宏祐先督戰死宏社以護父關  
死妻及諸孫女皆赴井為最烈云

黃克善

胡錫玉

大興傅氏長恩閣鈔本



其以樂賊死者湖東守備黃克善合肥人也甲申七月福建  
閩羅朱三家賊流入滋邇官兵合勦克善斬獲獨多馬蹶遇  
害將死持其鬚語賊曰毋令血染我鬚賊亦壯之而南京府  
通判吳錫玉死尤烈柯城賊寇南康錫玉手提鐵鞭率壯士  
數百人往剿時賊已去城三十里錫玉追及賊阻橋據固為  
陳錫玉發一矢中賊冠賊拔嗅之曰未傳毒乃下岡返擊錫  
玉躍馬獨前揚鞭格殺數賊遂遇害贈按察司僉事錫玉字  
輯五歛人也

彭永春

徐可行

董四民

孫大華

左兵之亂死者四人皆微員也可以愧諸大吏矣彭永春武  
陵人九江衛經歷四月四日左兵突入城永春曰我雖官卑  
然食朝廷之祿遇難不可以不死具冠帶命一僕舉火焚死  
署大書於屏曰九江衛經歷彭永春死節處子女六人俱焚  
死

徐可行字三山九江衛世襲指揮僉事城陷聞都司董四民  
自刎於城上妻史氏妾姚氏偕二子俱赴水死大呼曰我武  
臣亦有人哉人告其母汪氏母曰我家何不若彼也投井死  
妻鄒氏子婦陳氏繼之可行大書於屏曰世受國恩闔門殉  
節以報投筆北向拜自經於望京門城樓

成啟字伯祐應天人以貢生任湖口縣主簿左兵圍城啟具  
公服端坐於庭俄而亂兵奄至啟叱曰國家養汝將以靖亂

大興傅氏長恩閣鈔本

何反為亂賊梓之下索金復叱曰寒官也何金可索被殺其  
時有孫大華者德化市民也左兵肆掠民不勝憤起殺一兵  
次日眾露刃而噪總督袁繼成不得已命究殺兵者莫得主  
名大華慨然曰殺身以安眾何惜一死挺身出曰殺兵者我  
也與眾何與遂斬以殉一城得解嗚呼此與顏佩章等五人  
何異世固不乏義士哉

南疆逸史卷三十四

士

大興傅氏長恩閣鈔本



南疆逸史卷三十五

烏程溫睿臨撰

列傳第三十一

守土

張耀

黃應運

曾益

焦潤玉

曾異撰

王運開

劉廷標

夏祖訓

陳六奇

徐道興

戴希嘉

鄭雲錦

張耀字融我三原人萬應舉人除聞喜知縣累官貴州布政

使耀為人清樸所至以和厚得民孫可望將入境耀言於巡

撫請發民兵守禦巡撫以眾寡不敵難之俄賊眾奄至耀率

家丁守拒城陷猶手刃數賊賊以禮請曰公秦人也若降當

為宰相耀怒罵不屈賊械其妻婢三十人於前曰降則一家

免死耀罵於烈愈斷其舌支解之妾婢等皆死

黃應運字際飛閩之歸化人童時就試邑令楊鼎甲奇其才

拔第一補博士弟子員間一歲選貢入國子監久之不第陸

武之立於閩也楊鼎甲以官雲貴監司易名鼎和怪應運尚

滯經生奏應運經紀推官攜之入黔丁亥永應改元忠州監

苗作亂投應運思州司理兼監軍僉事剿撫苗苗思州孤懸

一隅而是時平越所屬黃平諸苗交叛黔中兵餉道梗鼎和

謂應運曰不遇盤錯何知利刃子行矣應運遂由思州提兵

抵黃平苗圍解去都御史郭承汾奏其功授平越知府加參

議銜孫可望由黔入滇以應運攝威清道事駐安順府以備

之應運經騎赴任值蜀鎮王祥兵潰掠食遵義或將禦之應

運曰祥非叛者掠食救餓耳今當給以糧科假之名號撫而

用之可籍以禦入川之寇遂出撫祥眾事甫定而李定國已

襲拒安順矣應運聞之入見定國說之曰將軍有事於安順

何不以尺一相報乃騷動貴部耶定國曰將出兵從固也應

運曰恨安順隘陋耳若謂可屯駐車騎何不疏聞天子請為

牧地天子方懸高爵以網羅英雄未有不許將軍者應運便

當解職以鎖鑰相付矣定國色益和遠曰正欲與君相之應

運知其心動乃進曰宿聞將軍神勇敵萬人又所部精銳一

當百乃攻略所及隨得隨失何耶定國曰兵家得失無恆矣

足怪應運曰不然當是名義不正人得睥睨之耳若藉三百

年天子之名號加以將軍神威統率羆虎掃蕩不庭天下誰

敢將軍者他日分茅胙土傳之奕世中山開平不足比也今

將軍舍萬世之業不為而不王不霸傳舍州郡非良圖也定

國喜曰君言是當與平東謀之平東者獻忠所封孫可望王

號也應運曰平東在滇遠未可期應運當奉盤穀與將軍來

牲載書耳乃歃血誓約扶明無二心也定國反正之誠實始

於此可望聞之弗善也值大帥皮熊詔出師下辰州援楚檄

應運赴軍前提調運軍需應運遂返平越可望率眾自抵貴

大興傳氏長恩閣鈔本

大興傳氏長恩閣鈔本



陽遣馮雙禮襲平越謂曰必得黃兵道將面詢之寇至或謂曰賊銳甚蓋避之應運曰全省軍需在此吾可資盜糧乎遂盡焚其糧以待賊執送貴陽可望詰之曰爾以茅土許安西便當帝我何不拜應運曰爾誤矣爾不當貢獻天子求冊封乎我為天子命臣即僚官耳何拜為可望曰吾拒滇黔帝制有餘何有於冊封爾在屬下誰命爾官者應運叱曰如是則爾且叛天子則亂賊也王臣豈拜亂賊乎乃置貴陽獄不數日郭御史及姚劉諸總兵皆被執同羈者六人可望猶惜應運才使張護衛蕭鳳等再三諭降應運語益厲乃出諸獄面詰之曰降乎死乎應運曰降亂賊生如死也死王臣死如生也諸人遂皆話賊求死可望大怒縛應運等委地驅劣馬數十蹴踏死藉其家口陳尸四門時庚寅九月朔也有將軍許蓋忠者見而傷之賂張護衛使說可望曰大王將建大業四門宜殺除不祥陳尸橫衢非禮也不如收瘞之蓋忠乃買六棺列葬於貴陽南郊之毛家巷以殊筆書鄉貫名爵於瓦上而誌焉葬畢潛入頂祀苗洞不復出癸巳冬應運之書記吳允誠歸自平越應運子培鼎始得計入黔訪之獲見庶母某氏庶弟培肇相與訪獲許蓋忠指示葬地啟攢以歸蓋忠率卒屯田月給猶服舊時衣冠

避山谷中朝廷何以官為即集兵民為拒守計賊至攻圍數月力竭而陷賊怒殲其一門事聞贈太僕寺卿先是其弟核為蒲圻令賊來攻亦拒賊死而核兄子吏部主事亨應以起兵死子諸生筠亦見害亨應弟和應又以不雜髮死時人謂會氏五節焉

焦淵生字茂慈上元人修撰竑之子也以父任歷南京戶部郎中出知曲靖縣孫可望兵至被執不屈死武定同知楊于陞劍川舉人城陷亦死之

曾異撰字希人福建營昌人崇禎壬午舉人以詩文名世同時陳子龍艾南英不能出其右知貴州永寧縣孫可望等陷黔境滇郡邑望風降附異撰與其客江津進士程玉成貢生龔義勳謀曰州據盤天險扼扼全黔棄之不守事不可為矣遂登陴守禦賊兵日益城陷自焚死

王運開字子朝四川夾江進士授永昌府推官署金騰道而福建上杭貢士劉廷標字實起以特用來判永昌兩人官同郡又相好也未幾永昌缺守廷標並攝其篆沙定洲之亂黔國公沐天波走永昌兩人迎之及孫可望等入滇破沙定洲揚言為黔國公復仇屠臨安曲墻下楚雄大理移檄永昌迎天波歸天波信之將遣其子送款是時運開廷標方守瀾滄拒戰天波止之且諭以其印往兩人曰印在我而聽公以印往是我降也且賊言何可信不聽兩人悉遣家人走騰越運開有弟運閻字子遠在者運開謂之曰弟未仕可無死將吾

大興傅氏長恩閣鈔本

大興傅氏長恩閣鈔本



妾俱西勿在此亂人意士民懼不降且屠諸運開聽事號泣  
運開慰遣之又詣廷標廷標曰賊使爾吾業知之城之降而  
屠者亦屢矣衆哭益甚廷標取毒將飲衆始散兩人相謂曰  
衆心如此其何以守是夜運開縊僕奔告廷標廷標歎曰男  
子哉吾年老當先王公死王公顧先我耶遂沐浴賦詩三章  
亦自縊運開至永昌治喪門下有過天者運開曰我輩舍生  
取義何哭為發畢屠之復走騰越可望聞兩人死節求其後  
或以運開對遂召之運開至潞江語僕曰此行將臣賊吾兄  
弟豈異趣耶吾死將吾骨與兄合葬題曰夾江兄弟之墓遂  
躍入江死數日獲尸其色如生永<sub>麻</sub>投廷標子之謀趙州學  
正三遷戶部主事被執兵索其賂之謀曰父子二十年苦節  
安得賂令難髮不可曰無以見我父遂遺炮烙而死  
夏祖訓字仲有秀水人以歲貢除呈貢知縣孫可望入滇郡  
縣降附祖訓獨集兵城守城陷死最烈賊遂屠城其友吳縣  
舉人黃孔昭方知大姚縣與鄰郡得其實作詩哀之然後鄉  
人知其死忠蓋一門殲矣孔昭字含美經亂老不能歸其子  
向堅字端木峙岷萬里卒載之還鄉吳人所作尋親傳奇  
陳六奇字鳴鶴龍江衛人萬<sub>曆</sub>戊午舉人知景陵縣廉平民  
多愛之嘗曰我以公事夜歸民家必求炬以照與從其無男  
子者婦女於門內應焉我何功於邑人而堪此見之惻然忍  
不加惠乎徒知曲靖南<sub>宜</sub>縣城破殺於東門  
徐道興睢州人官雲南都司經歷署師宗州事廉潔愛民

大興傅氏長恩閣鈔本

以殷富孫可望等入雲南屠曲靖道無集士民諭之曰城可  
守乎士民曰力薄兵寡何以抗賊道無曰然若等何罪徒膏  
兵刃可速去無顧我我死分也士民請偕去屬聲曰夫守封  
疆吾安所逃死言訖鬚眉奮張衆洒泣而去舍中止一僕出  
金二錠授之曰此捧金也一以賜汝一以治棺殮我僕哭請  
從死道無曰爾死誰收吾骨僕乃去舉酒自飲賊入大罵賊  
令出迎其將擲手中酒危擊之曰吾朝廷命吏肯從賊求活  
耶罵不絕口遂被殺同時張朝綱廣通人由貢生授渾源州  
同知解職歸可望兵至謂其妻馮氏曰曾受國恩何顏對賊  
兩人並縊死子諸生權勳絕復蘇葬親訖亦縊死  
戴希嘉字孚依休<sub>國</sub>人萬<sub>曆</sub>戊午舉於鄉崇禎庚辰授辰州  
推官詰奸擒盜多設防禦流寇入楚者知有備不敢犯永<sub>麻</sub>  
朝議將擢用召至行在未出署而山賊卒至城內外火光四  
起官署亦火希嘉歎曰已矣吾可身汗賊手乎冠帶投火死  
著有冰心堂集  
鄭雲錦字子素福建莆田人以明經起家歷任靈山合浦知  
縣乘粵陷後漳平伯周金湯復委署廣西太平府左州知州  
丁酉十二月再復南<sub>宜</sub>廣國公賀九儀又委署南<sub>宜</sub>府橫州  
知州戊戌正月十五日橫州破雲錦被執霸送至潯陽欲降  
之不可檻車置瑞州獄眼鵝不死遂絕食作從西山義士游  
詩曰君不見蘇武留胡十九年沙漠噬雪與吞糞又不見文  
山三載坐小樓正氣衝寒低斗牛古人已往名存耳時地各

大興傅氏長恩閣鈔本



殊肝膽留道遙躡步首陽山義士一去不復還我躡山巔拜  
孤竹不茹煙火洗心腸一日二日不食粟慷慨能歌西山曲  
三日四日粟不食斤罵獄吏無休息五日六日粟何如曉來  
曾把髮髻梳七日八日枯骨腸忠魂直到白雲鄉任教肌肉  
啄焉烏到底何人是故吾人生自古誰無死竟得死所幾人  
乎乃七日後竟不死在獄三年或勸其雜髮雲錦曰吾辦死  
久矣所未即死者為一日南冠之楚囚即為一日明朝之臣  
子耳及就刑談笑如平常

那 高

龍吉兆龍吉佐

那高字維嶽沉江土官之族屬也世掌他郎寨會土官無嗣  
高與仲弟崑季弟崑殺其族之長老未能襲陞知府淫侈好  
殺遺崑侵緬之普洱拒其地李定國之奉永圖至滇也高與

崑入覲貢獻甚厚帝晏勞之有加禮晉高巡撫許便宜行事  
命其子熹襲知府授明崑佐明將軍黔國公沐天波以其女  
為次子忠顯婦入贅焉高感上恩遇慨然以身許國乙亥春  
大兵入滇定國奉帝走永昌吳三桂率兵追之嵩欲乘間襲  
雲南是時高應鳳許名臣殺石屏知府鄭相方來奔嵩族弟  
懷明將軍嶧延長伯朱養恩總兵孫應斗周長統馬東忠魯  
二力賴世勳許甲桂等亦相繼至遂定議起兵應鳳曰吾俟  
定國出永昌三桂以往禦我乃糾集迤東土司襲其後使吳  
三桂腹背受敵雲南可復也嵩不從遂出兵應定國有謀阻  
之者嵩怒曰腐儒何知大義吾受任撫軍世受國恩義不忍

大興傅氏長恩閣鈔本

負今舉大事成則汾陽王不成則為文丞相吾計決矣再阻  
者斬遂往攻石屏間提督張勇駐兵臨安距石屏僅七十里  
名臣虞其來援乃偽為三桂檄調勇赴會城勇欲行而名臣  
怨家發其事合印文武小異遂止不發嵩攻石屏不克九月  
三桂率兵來攻嵩遣養恩屯兵老武山為外援又設伏兵大  
竹箬以待石屏土司龍世榮知其謀導三桂由荆竹林出黃  
茅嶺抄伏兵之後十月六日抵元江嵩迎戰北門外養恩不  
能援大敗夜劫其營又敗三桂乃抵澤園之遺降將陽威至  
城下說嵩令獻應鳳名臣許仍故爵王應鳳名臣亦請自縛  
赴三桂軍門嵩曰吾三人同舉義豈以存亡易心乎不許乃  
積薪樓下檄以硫磺引火之物以死自誓三桂射書江邊令  
士民縛嵩以獻免屠戮無有應者嵩亦射書樓外數三桂罪  
惡城上發礮幾中三桂三桂大怒晝夜攻城城遂陷嵩自北  
門策馬歸西向拜曰臣力竭矣無以報陛下與妻登樓自焚  
熹亦赴火嶧名臣世勳二力甲桂自殺應鳳應斗長統東忠  
被執見殺時十一月六日也城既破崑自普洱赴省城降安  
置兩在養恩奔定國以障瘴死方嵩之初舉事也遣人報定  
國定國歎息謂其太早亦如應鳳之策云

逸史曰余讀徐少宰忠烈紀實云己亥正月永圖入緬過元  
江高奉事甚謹餽金以獻太史馬宣臣為之入緬道  
迤西而元江乃迤東地相隔二千里永圖安得過元江哉高  
之奉上在入滇之初其起兵也太史之父在圍城中親歷兵

大興傅氏長恩閣鈔本



事因得紀其實太史元江人也其言信有徵云  
 龍吉兆龍吉佐乃麻衣土司也辛丑正月為吳帥所獲帥問  
 曰爾何故反兩人同辭罵曰我受國恩三百載仗義守死何  
 名何為反帥曰爾猶不畏死耶兩人曰我盡忠而死誠賢於  
 汝之不忠不孝而生吳帥怒拔其舌而斬之  
 逸史曰傳有之國君死社稷今之藩臬郡縣守令非即古之  
 方伯連帥侯帥伯子男之君歟古者世其土民猶其家之子  
 弟焉今者不世其土然而既蒞之則遂以其家視之儼然曰  
 吾爾公祖也爾父母也爾宜衣食我而民亦遂曰固我公祖  
 官也我父母官也殫其地之出竭其力之入金玉之貴筐篚  
 之綵肥膾鮮異之品土木儀衛之具莫不致其美好早其財  
 用不足則輟其長老之養以奉之不足則奪其妻子之生以  
 奉之又不足則鄰里姻婭稱貸以奉之又不足則赤肌膚受  
 榜笞而不辭若是則冤抑不之伸爭解不之決盜賊不之禁  
 天災流行水旱饑饉不為之卹嗚呼是直土寇也而且國有  
 大故則挈囊擔資裝裳而遁甚者以其土奉賊以為己功夫  
 彼固不知死社稷之義矣獨不知失陷城池之律與法令失  
 陷城池者斬是即死社稷之義也非酷也特以後世不明其  
 義而借律以示之耳明之死事者不少矣乃知其守土之義  
 者不概見吳楚閩粵滇黔名都大邑半天下守土之吏不下  
 數千員而慷慨徇義者寥寥若此豈亂世崩離文字殘缺失  
 之紀載與吾於是傳即斗食末秩要荒土司不敢略焉嗚呼

大興傅氏長恩閣鈔本

其時之擁名城享厚祿而竄降相繼者以視此之諸君子不  
 如螢火之較列宿哉

南疆逸史卷三十五

大興傅氏長恩閣鈔本



死事

嗚呼余每讀書尚至多士多方未嘗不廢書而三數也當是時周之克殷數年矣以武周之聖撫循安輯德亦至矣而故國故君之感殷之民若不忍一日忘周公不得已反覆於天命之去留以消其興亡之感然則周之頑民殷之義士也南都之建其君相以兒戲亡其國竊怪廟堂之上忠烈之士何寥寥也以為聖祖列宗培養三百年不應偷薄至此及觀其後而義旅四起反側者歷二十餘年而後定嗚呼此可以見禮教之效矣而可弗誌與其人行事不僅以起兵見者既別為傳而列其以兵事始終者焉

自北騎南下諸郡文武更爭獻版籍開門迎附反為之守江南副總兵吳志葵者吏部主事夏允彝門生也頓兵海上獨不屈先是十將官者屯兵千餘陳湖中湖旁諸生陸世綸慮其為亂亦聚千餘人名為特角實防過也適下令雜髮鄉民皆驚而胥吏乘勢魚肉民民洶洶思亂十將官因之遂世綸起兵殺吏胥而焚其舟於是松江兵科給事中陳子龍舉人徐孚遠章簡陰與陳湖兵通志葵乃與參將曹之璵率舟師三千自吳淞江入澉泖將窺蘇州允彝出入軍中飛書檄聯絡士大夫四方聞之爭為響應華亭則總督兵部侍郎沈

大興傅氏長恩閣鈔本

猶龍下江監軍道荆本徽中書舍人李待問嘉定則左通政使侯峒曾進士黃澹耀總兵蔣若來崑山則鄧陽撫治會都御史王永祚編修朱天麟吳江則職方主事吳易總兵黃蜚太倉則總兵張士儀宜興則行人盧象觀南則連休圖會都御史金聲西則達於浙中而嘉興吏部尚書徐石麒翰林屠象美嘉善職方主事錢謙知縣錢默平湖總兵陳梧海圖舉人周宗彝等競以家資助軍為恢復計方

清之下金陵也盛兵數十萬及克蘇杭又藉郡邑無賴子弟刈髮以充之勢益甚其大軍駐金陵一軍駐蘇一軍駐杭一軍駐沿海吳淞等處允彝計欲身與志葵入拒蘇州斷其首尾石麒等率嘉湖兵兵于龍孚遠旗點等聯絡浙東西之師共辦南寇破杭而守之峒曾率其邑兵聯絡海東舟師本徽張士儀等職駐海上者旬容二深深水宜興之兵直走南京馳檄九江督袁繼成及江楚江北諸宿將觀望順逆間者伏艦江中伺敵窮北渡半濟而後擊之計定約蘇州捷音至魁日同發而志葵所率海上軍素怯方攻蘇州副將曹之璵以三百人先登斬香門而入清帥匿其騎於學宮兵入城四五里不見敵內有疑欲還騎兵突出馳之三百人皆陷之璵死於是軍兵爭思引還志葵不能止允彝流涕徧拜之得少留時吳中民兵十餘萬客賈僧道咸來助師及嘉興平湖嘉善江陰華亭青浦嘉定崑山上海句容溧陽所在遂殺長吏為明守得首級及輜重反

大興傅氏長恩閣鈔本



械無算城守近百日然諸民兵皆卒起無甲仗又少馬什不  
當一蘇州據倉庫憑空堅城方間外變督兵民藉髮尤急又  
慮民間城出則嚴閉諸城門率騎巡城中掩殺數千人民不  
得不刈髮髮刈駢之登陣拒守志葵數出師仰攻不得入而  
清兵駐抗及沿海者復大發兵攻陷諸郡邑二紳懼禍潛往  
通於

清兵遂潰或執或殺今自主兵大僚外錄諸士之守義不屈  
者具其概云

張錫眉

龔用圓

夏雲蛟

唐全昌

嘉定紳士之城守也為最先侯峒曾黃澹耀而外得數人焉

皆勦力行間而與城俱亡者也其生平行事忍沒之乎張錫  
眉字介茲上海人庚午舉人素有志行嘗孤館獨坐一女子

窺之投簪於几上正容不動至明日即辭歸亦終不言也歲  
大稔力請有司發粟賑之力復募以葬殍者以干計好行其

德如此城破死於兵妾何氏抱女赴水死

龔用圓字智淵辛酉舉人選秀水教諭乙酉棄官歸龔氏自  
宋元來稱文獻故家兄用廣方嚴有志操用圓精研經學互

相師友鄉人稱之城破兄弟皆投水死

夏雲蛟字起霖嘉定諸生家貧篤行好學與黃澹耀齊名城  
破與唐全昌俱為兵所殺

陸永明

徐念祖

大興傅氏長恩閣鈔本

傅凝之

陸厚元

松江之城守也華亭教諭陸永明字嵩年丹陽舉人先有書  
訣其子曰國且亡我有三不可生平日以節義自命亦嘗以  
勉人一也賦性梗直觸境輒動二也且我名命之於父修短  
視明三也城破題詩明倫堂自縊

尚寶司丞徐念祖與妻張氏妾陸氏李氏同縊

有舉人傅凝之者參吳志葵軍事春申浦之敗與華亭諸生  
戴泓皆赴水死

衣工陸厚元城陷積薪於門語其妻曰能完節乎曰能厚元  
舉火與其妻子女皆焚死

沈鼎科

戚勳

馮敦厚

呂九韶

夏維新

王華

黃毓祺

徐趙

閩應元之守江陰奇矣烈矣其佐之守而死事可紀者邑人  
兵部主事沈鼎科字鉉臣辛未進士城陷自縊家人葉發之  
不守而去兵斲棺取其首

中書舍人戚勳字伯屏甲申謁假歸至臨清聞國變臨清人  
欲留之參軍勳曰此非吾死所南渡奉教督閩餉事畢而國  
亡佐應元守城城陷召妻子投之中悅視其既縊北面再拜  
自起舉火火熾乃自縊從死者凡十二人

江陰訓導馮敦厚字培卿金壇人冠帶南向自刎於明倫堂

大興傅氏長恩閣鈔本



妻王氏與其孀妹結狂投水死踰月一女歸妻者聞變亦死之而武進流寓諸生呂九詔江陰舉人夏維新諸生王華于城將陷時皆痛飲自刎

黃毓祺字介子江陰貢生與弟毓初俱有名與時毓祺深於禪學而性慷慨忠義其門人諸生徐超字佩玉亦有氣節江陰城守毓祺與超起兵行塘以應守城曾王選授兵部尚書

賜敕印江陰破毓祺亡命淮南超與其黨棲山中明年冬率王春等十四人襲江陰十四人俱死超被獲見知縣劉景綽

長揖不跪左右叱曰非爾父母官耶何不跪超厲聲曰此降臣耳何父母為景綽壯其志欲釋之曰我知子非謀逆者

有所親在獄欲篡取之耶超曰我何親在獄志不忘明欲有所為且景綽曰若然子必死矣超曰我固不欲生耶景綽又

曰子誠奇士吾將薦之以官超曰汝大明進士位至監司亦不卑矣今降而為令汝為官不能自擇而為吾擇官乎景綽

曰吾非得已借以吏隱耳超曰汝外吏欲去則去天壤甚寬何至呈身於敵舍羞苟活哉景綽慙連呼送獄丁亥正月八

日殺之已而聞毓祺亦與同事收其子晞兄弟下獄而逃捕毓祺戊子毓祺在秦州寄書其所善江純一者用故時官印

識之而為純一之容所得純一懼禍遂告變毓祺見執入江

直獄令具爰書索筆書曰道重君親教先忠孝某避禪已久

宜有官情義憤激中情不容已明主嘉誠遣使投職招賢選騎分所應然哀憤曠官死有餘責謹抱印持終身坤子鄉之

大興傅氏長恩閣鈔本

義己丑三月獄成門人鄧大臨告之毓祺命取襲衣自殮跌坐而逝當事戮其尸大臨號泣贖其元歸葬變服為黃冠去大臨字起西常熟人時等輸入官配功臣家鄉人欲金贖之教授昆陵時有學行不愧其父妻周氏死節尤烈邵長蘅為之傳云

王佐才

陳大任

朱集璜

陶 琰

周室瑜

崑山之守其議發於朱天麟召故令楊永言主縣事永言雲南人善騎射當是時縣丞閻茂才方獻降冊用為知縣紳士共執茂才殺之貢生陳大任議迎王王佐才為帥佐才字南

陽自狼山副總兵罷歸年七十餘矣大任虛所居為帥府身自裹甲畧行伍諸生朱集璜等助守甚力參將陳宏勛率壯士百人至以為右帥

大兵東下宏勛率舟師迎戰不利遂入城遊擊孫志伊沒於陣佐才登陣死守七月六日大雨城陷天麟狼狽出走福建

佐才冠帶坐帥府被執死之永言匿民間得免大任時已出城語從者同起事而以我獨免非丈夫也復入死之妻張氏

子思翰皆死士民男女死者數十萬

朱集璜字以發貢生陶琰字釋生庠生兩人皆有志行而相友善共勵實學集璜為教授大師弟子至數百人然留心世

務先是嘉定崇明二邑不轉漕宗禎中以軍興令崑山太倉

大興傅氏長恩閣鈔本



長洲吳縣代輸而二邑償其值自是民大困崑山輸粟萬二千餘石值不能盡償集璜致書同邑縉紳曰邑中利害有大於是者乎夫二邑不轉漕非倖也已輸值於正稅矣今以額外增之民安得不病向其事上官除四州縣之累而二邑卒亦不漕邑東有夏駕湖又南為雞鳴塘並承太湖吳淞江之委海潮擁沙漸為平陸邑往往病水集璜相度地形條議開港之術於邑令親為庀材督役復水故道凡六閱月而工竣民大利之崑山起兵助王佐才城守城潰投東禪寺之後湖死璜世居雞鳴塘去城二十里得鄉勇三百人率赴援未至知城陷乃還歎曰以發其死矣夜自縊其子藁葬於祖墓之側而集璜果於是日死越數日集璜柩至以兵械不得歸葬

亦曆於琰之右時人為之語曰朱斷斷陶價值生同學死同域集璜門人孫道民張謙亦同日死

周室瑜字服堅丁酉舉人知儀封縣罷歸為人有膽力兵起守東門與子朝鎮執戈司鉤城破率家丁披甲持戈以待兵入輒殲之朝鎮亦奮劍斫傷數人既而鐵騎四圍登屋發矢如雨父子同遇害室瑜妻諸氏被執不屈死朝鎮妻王氏自縊其他城守死者蘇遠道莊萬程陸世鏗關死者陸雲將歸之甲周復培罵兵死者陸彥冲代父死者沈徽憲朱國賦救母死者徐治從容死者吳行貞王在中

王 澹

王 湛

徐守質

大興傅氏長恩閣鈔本

同時太倉諸生王澹王湛皆起兵攻城王太倉巨族也湛字道光性尤剛毅難變令下慨然語澹曰吾誓與此變為存亡即集里人陳說大義聲與泪俱眾曰君欲何為湛曰新守強劫民耳吾以眾往當為不摧陷者里中從者數百人湛湛與其友蔡仲昭魏虎臣等橫刀前駭圍城中人登陣笑曰此烏合耳何能為舉礮擊之眾皆伏地不能傷乃許曰此知兵者於是禁舉火以虞內變三日突煙不起人聲寂然眾謂其怯也以靡遮矢石向城辱罵越日則單衣荷戈直抵濠畔自長至未盛暑饑疲守者乃開門以十二騎突馳之眾方解衣揮汗遂大潰湛先受傷赴水湛砍一騎未及為所殺仲昭虎臣俱戰死

徐守質常熟諸生字也野王王奉母避兵於鄉鄉兵起守質以母病不能遷兄守垂謂之曰爾去我留方相讓而兵至守垂遁去母與妹俱投井死守質從之兵挽其髮守質踞坐而罵殺於井旁其友馮知十猝遇大兵於客舍奮臂格鬪中矢死

麻三衛

吳漢超

國國之兵主之於邱祖德而麻三衛吳漢超相與佐之皆奇士也三衛字孟旋宣城人布政使容之孫也生有異相好習武事與沈壽民梅朝中徐律時沈士柱皆知名於時三衛尤以詩酒自豪既起兵與胡太平阮恆阮善長劉鼎甲胡天球馮百家共稱七家軍皆諸生也駐兵稽亭每戰三衛策馬舞

大興傅氏長恩閣鈔本



大刀先登陷陣敵人望而畏之後以眾寡不敵被獲殺於江

吳漢超字許公宣城諸生也為人強直有膽決深沈不露甲

申之變哭於廟與其友湯廷元謀募師赴難會宏光立乃止

己而南都復失慨然曰天下事遂已乎議保國境眾無應

者乃走涇縣從尹民興起兵涇縣之城守不減江陰

大兵久而後克損傷者十七八故至今聞二縣之名輒破膽

禮而致之用其謀連破容澤水高潯澤陽涇縣太平等縣漢

起曰我兵少聚而守城則無以攻戰我以遊騎四出使彼疲

於奔命乃可乘此伍員所以覆楚也以故所克州縣皆不守

然是時國新喪亡民心已渙而漢超復無以撫定故終之以

無成丙戌正月四日襲國府已入城同知王家梁勒兵巷

戰國漢超鄉鄰人各顧其家莫有鬪志漢超訊存卒始知

為漢超主兵於是圍其家令曰不出且族矣漢超乃歸死問

其同事漢超曰郡中十萬戶誰非吾黨不可一二數也臨刑

州復建德東流及十月而兵潰逃入婺源而門界為黃總兵

所獲不肯屈將戮於市應箕曰不可遷至於松林曰可矣一

卒以刀擬之叱曰吾頭豈汝可斷耶伸頸謂總兵曰以死順

公遂死

龐昌胤字再玉四川西充人崇禎丁丑進士知青陽縣國亡

棄官隱九華山與邑人孫象壯謀起兵事覺被執行至五溪

橋店後夜扃戶而卧明日推窗入則死矣卒不知其如何而

死也

謝球

趙初浣

吳源長

錢國華

繆鼎吉弟鼎言

其餘所在蜂起者溧陽則諸生謝球涇縣則兵部郎中尹民

興諸生趙初浣鹽城則司石磐廣德則太學生吳源長如皋

興化則諸生張明聖等十四人而繆鼎吉兄弟最有戰功至

英霍之間義寨相望不可勝數也謝球字石攻兵備道鼎新

子也既起兵士卒欲取餉民間球不許而散九月被執使之

輸資球曰我大明諸生宜以貨活者至溧水殺之趙初浣字

雪度與尹民興守涇縣

大兵攻之久乃克民興遁入福建而初浣見殺遂屠其城司

石磐與豐都司同起鹽城兵賊被執至淮安見北撫不跪都

司欲脫之曰此吾劫之為書記者石磐大呼曰公言何謬吾

實首事下獄六十餘日痛飲狂歌臨刑大罵而死吳源長起

然憤甚欲甘心焉宏光立應箕亡命走他鄉乙酉起兵攻池

池州則奉朱盛濃為主而吳應箕應之應箕字次尾貴池人

復社領袖也言論風旨士爭趨之公卿以下視其賦否以為

榮辱阮大鍼在南都應箕率諸名士噪而逐之大鍼不敢較

大興傅氏長恩閣鈔本

龐昌胤

龐昌胤

龐昌胤

龐昌胤

龐昌胤

龐昌胤

龐昌胤

龐昌胤

龐昌胤

龐昌胤

龐昌胤

龐昌胤

龐昌胤



兵梭山與裘君量等攻廣德克之至湖州而敗其時溧陽副將錢國華起兵進奉瑞昌王者亦戰敗殺於對埠縲鼎吉與其弟鼎言俱有膂力車場鹽丁也乙酉秋淮人王翹林等奉宗室新昌王起兵克鹽城新化鼎吉應之殺官兵數百人防禦稍疏騎兵猝至鼎吉持長矛連刺騎兵十餘人叢箭而死鼎言仍聚眾攻城屢有斬獲衝其營不動鼎言轉戰不息饑不得食遂被擒帥愛其勇欲釋之不屈乃殺之浙東俱贈參將其餘十四人亦皆死

馮宏圖

周損

傅夢弼

傅謙之

桂蟾

義堂和尚

侯應龍

王燭

史可法之守揚州也人訛言不死戊子春廬州馮宏圖因之號召人眾遠近以為信多應之者攻英山霍山六安皆下之已而敗沒無為州吳光亨葉縣葉士章皆以內應見殺自是英霍之間各建義寨共四十有八所有周損傅夢弼傅謙之桂蟾義堂和尚侯應龍王燭之屬周損麻城人崇禎癸未進士授饒州推官行取御史  
大兵入江西損走福建隆武授兵部尚書賊敗損歸麻城舉其姪周羽儀起兵聞石城王朱統鈔在飛旗寨乃率潰卒數百人馬數十匹歸之夢弼者以貴州選貢授泗州教諭獻禦寇策有功陞鳳陽同知遷安慶知府及安慶破出走潛山踞

大興傅氏長恩閣鈔本

皖潯寨謀之者故潛山典史桂蟾者鄱陽諸生也從嘗起義從淮王義堂和尚者故公安貢生國變為僧至是皆歸統鈔其後統鈔敗諸人皆見執霍山人侯應龍與張國容楊國士等有兵萬人佩義勝將軍印與王燭合軍攻霍山不克還保舒城潛山間己丑自劉家園出攻獅子寨及南關克之營管家渡又移將軍渡寨正月寨破俘至江甯不屈膝死之王燭守定安羅田舉人也知涇川縣歸里乙酉與曹肯昌起兵戊子秋破廬州不守轉戰蕪黃間屢有新獲己丑粵中進兵部尚書總督鳳陽庚寅二月戰潛山太湖間兵敗死於江甯

盧象觀

方明附

葛麟附

顧杲

江上之師起於盧象觀而方明葛麟皆與合軍者也象觀字幼哲總督志烈公象昇弟於未成進士授金溪知縣未任改中書舍人忠烈公智勇知兵有謀略為督撫甚著威名象觀習其家學以仕晚未見用也  
大兵既渡江象觀與宗室朱議漚遇於西湖相與痛哭入於忠肅祠誓同起兵至茅山以象昇故將陳坦公為先鋒多所殺傷謀攻南京金陵人朱君兆者奇士也為象觀計曰京城雄深攻之猝未易拔而  
大兵四面萃於我敗道也公蓋謀內應者乎象觀曰如何公君逃曰某習知邑中之豪願與朱君先入公定師期告我我從中起事舉火以應焉已而遣僧至君兆所約期僧至

大興傅氏長恩閣鈔本



清帥告變

清帥嚴兵立誅君兆而自舉火誑外象觀薄兵城下燒太平門騎兵出城突馳之象觀大敗精銳盡喪議遷水竇中得逸復與象觀至宜興稍收士卒出攻溧又敗象觀亡入太湖而廣德屯田都司方明迎議遷入其軍字明問之素與吳興豪傑相結起兵拒廣德既奉議遷象帥多應之於是破孝豐圍國臨安等縣軍聲大振隆武聞之封議遷為瑞昌王方明等投官有差亡何

清帥張天祿自徽州出攻方明不能禦棄王走浙東鎮江人潘文煥匿王於茅山居舍久之其部曲喜正之鎮江買弓事覽有司捕正謀治之遂得王王遇害事連文煥文煥見正嚼

齒大罵曰吾死何足惜吾王一日尚在人心一日未散亂子乃壞我大計奮起批其頰其子哭文煥曰我死忠汝死孝傳之天下後世義士頌述焉不然我老恨也誰復知之至金陵洪水時欲屈之不可被殺一女亦不食死其明年方明回至長興有疑其為謀者執至防將郭虎所一小卒識之指曰方明也遂斬之象觀之入太湖也與葛麟王期聯合有衆二萬奉通城王盛徵居長興八月二十八日大戰於小瀆葛麟死大兵賊之象觀知不免拜其衆曰我兄弟受國厚恩無以報稱空煩公等死有餘愧自投於湖有小卒泣而掖之出象觀曰愛我不如成我義也遂自沈而死陳坦公總兵毛重泰俱戰死

大興傅氏長恩閣鈔本

葛麟字蒼公丹陽人與象觀同舉於鄉生有膂力貌類武夫能開數石弓宏光立巡撫祁彪佳薦其才勇授中書舍人與鄭鴻遠協守京口上便宜十二事又請練兵於江北皆不報京口破不至家而走海上同總兵吳志葵起兵復青浦志葵敗見擒濱卒無所歸推麟為帥乃引舟入太湖是時職方郎中王期昇起兵西山奉通城王麟乃與昇合未幾盧象觀亦至軍遂感期昇實不能軍以兵威肆掠鄰境而已民苦其暴引

大兵焚期昇舟期昇遁象觀危甚麟望見火光率三舟衝之軍史曰衆寡不敵毋陷死地麟曰臨難不救同盟之謂何手持長矛力戰舟師遇者皆披靡連殪六七人於水

大兵素聞其名反戰羣指目之噪曰長而肥者萬帥也萬箭注之而發揮矛如風矢不能遇害乃擲炬於其舟舟焚麟赴水死無錫人顧杲以起兵未遂先為人所殺尤可惜杲字子芳端文公憲成之孫為人粗豪尚氣以名節自任端文講學東林書院清流多附之由是東林遂為黨魁皆引端文自重而杲為其宗子故雖未任而名甚高阮大鍼既廢居金陵思結納後進以延譽乃蓄名姬製新聲日置酒高會士雅遊者多歸之禮部主事周鍾惡之曰以亂萌也因草檄名曰南都防亂引諸名士以排之而難於為首者杲曰舍我其誰大鍼意大沮恨甚及大鍼得志杲猶所為無顧忌為萬言書名曰疏忠

大興傅氏長恩閣鈔本



上於當事而慮佳撫吳嘉其義為築禮賢館招之保護之甚至大賊乃募人劫之有徐函者應募士英即擬旨遠問而副都御史鄒之麟與吳有姻連稽其駕帖未旬日而國亡事解大兵抵常州知縣林飭道邑人王如玉顧君起獻降冊吳才起兵以應江上遇之砂山吳怒命所部執之兩人大呼曰此賊兵也是時砂山人圍練以禦盜不知為吳也信之羣起執吳果無以自明乃曰願誅如玉君起以後死砂山人聽之於是被害既而審知為吳則大悔立祠祀焉有巢之梁者常州舉人字伯貞知曹州歸里乙酉從軍於孟何兵敗父子俱死

吳易

孫兆奎等附

太湖之軍起於吳易而孫兆奎等佐之其軍為特盛先是

陸世綸字兆魚以財雄於陳湖會國變散財募士保障鄉里湖旁諸生沈自徵輕財任俠亦知天下有變造漁船千艘於湖自徵死其弟中書舍人自炳收其船以集兵而主事吳易因之以起易字日生吳江人崇禎癸未進士不謁選而歸宏光立謁史可法於揚州可法奇其才奏授職方司主事參軍淮上乙酉奉檄督餉未復命而南京不守六月大兵徇吳江縣丞朱國佐以城降有諸生吳鑑者字子儀欲起兵誅之會黃蜚兵至無錫鑑大喜徒手入縣庭罵國佐國佐執送蘇州州守詢其黨與抗聲曰孔子孟子張睢陽顏平原皆是也何問為殺於胥門易聞而悔之起兵擒國佐按其父汝延令殺以祭鑑於是舉人孫兆奎諸生華京吳旦等皆

大興傅氏長恩閣鈔本

募兵至以水師千餘人屯長白蕩出沒五湖三泖間多所殺傷大兵之初至也未習水戰易使部卒習水師者謀農民散處湖畔大兵掠民舟以濟劫人操之前散處者來操其舟棹至中流猝入水擊沈之溺死者無算是時部郎王期昇吳景夏等奉通城王盛淑起兵西山克長興而居之然兵不及易之強故皆易依以為助浙東投易兵部尚書封長興伯閩亦授兵部侍郎兼副都御史忠義伯八月總兵吳兆勝以舟師至既敗葛麟象觀等軍引兵遠易二十四日出戰塘口獲敵舟二十次日大雨不設備為

大兵所襲大敗易子身走父水緒妻沈氏及女皆溺死一軍盡覆華京先驅妻子入水格殺數人卒繼至手與搏戰相持溺死沈自炳與其弟自嗣及趙汝珪吳旦等皆戰死自炳子君晦自嗣字君牧汝珪字子玉旦字爾赤京字壯與皆諸生之有志行知名於時者也孫兆奎兵敗將走念易妻子在軍中恐被辱視其赴水然後行遂為追兵所獲至江甯見總督洪承疇大言曰先帝時有一洪承疇督師賊績身死繼封先帝親祭而哭之今又一洪承疇一人耶兩人也承疇曰汝無問一人兩人也汝自為一人事耳驅出斬之時義旅四起多肆劫掠惟世綸毀其家以集眾禁部下不得妄掠一錢犯者必死故其軍獨靜後知事不成為僧去明年春吳江人周瑞

大興傅氏長恩閣鈔本



復起兵屯長白蕩江副將討之而敗八百人皆死軍聲復振遂迎易入營其秋易至嘉興與倪曼青合營集飲友人孫璋家偵者知之引

大兵猝至易與曼青並被執殺於杭州草橋門孫璋父子亦死易部將茹文略餘姚人字振先騎勇善戰少從軍長興為千夫長浙西既降文略獨攜壯士十餘人入太湖從徐雲龍破長興戰屢有功雲龍死乃歸易易授總兵每持長矛陷陣易八月之敗文略手刃數十人身亦被數十鎗血盡而仆兵猶疑其伴死數刃之

大兵去稍甦捧其頭而走至潯溪休於野廟廟祝見而識之曰子非茹某耶持之而泣傳以良藥百日始愈間行至長興

訪母妻子皆遇害矣丙戌三月又從軍於麻湖與

大兵力戰所殺過當援絕而亡其將周志齋突圍出收餘衆自保魯王遙授參將明年夏兵敗赴水死

李總兵

吳福之

徐安遠

其與易同起兵太湖者有李總兵失其邑里名字而諸生任源遠吳福之徐安遠等皆附焉源遠深沈有大略見所在兵起因往來諸寨求可與共事者皆不稱意喟然歎曰天下事遂無可為乎我視諸軍皆兒戲耳家居久之福之起兵約與之就李氏於青城柵福之字介公閩中禮部尚書鍾鑾子也鍾鑾在閩時時以書誡其子無負忠義至是與李合軍與

大兵數戰李氏兵潰自剄源遠被執至溧陽當命之跪源遠曰若非明臣耶見我不愧死而尚欲屈我乎當事曰子年尚少蓋少待之源遠曰汝惟有待故至此余何待遂死福之自書其衣曰我生不辰遭此兵燹從李勤王冒險不避血戰三月誓死不貳再舉不克全軍失利公既成仁吾亦取義不揣小子敢附斯意投湖而死安遠字世脩武進人兵敗被擒不屈見殺妻楊氏妾蕙香皆死之

金有鑑一作鑑

徐昌明

通城王之起兵長興人金有鑑奉之有鑑字改玉有勇力王以為總兵六月率許昇沈嘉沈士宏金艷色等破湖州守十餘日再督兵萬餘攻長興破之有鑑才棄湖州而

大兵即入守之有鑑乃移師再破湖州八月獲盛淑於太湖湖州無備

大兵復援之有鑑屯兵大雪寺嘉興諸生徐昌明吏員王士麟引兵會之再取長興士麟戰死十月有鑑敗於呂山王遣金拱字毛蜚卿等率眾二千等長興不克又遣總兵賈應龍楊觀象吳永昌參將金鈞鹿等率兵千餘助之敗回梅溪聞王弟盛將被圍於合村有鑑援之身中二矢收健卒數十間行走宜興與岑元泰保鳳洲寨十二月大兵至山寨大敗之再戰又敗之明年正月復攻長興有鑑元泰俱陷陣死徐昌明字闓如本與盧象觀同奉瑞昌王王署為監紀推官

大興傅氏長恩閣鈔本

大興傅氏長恩閣鈔本



王敗奔西川嶺與有鑑合軍死於長興西門

朱大定

錢棟

錢旗附

錢默

呂宣宗

大兵之下浙江也傳檄而定兵不血刃郡縣皆置官吏矣閩六月雜髮令下嘉興民不從不期而會者數千人相與殺秀水令胡之臣閉門拒守而推翰林屠象美主兵象美潞王嘗教令備兵者也乃迎鎮將陳梧為帥兵部主事錢棟毀其家以招兵部尚書徐石麒亦入受盟然皆文士不知兵事卒亦市井子無甲仗器械

清帥在杭聞嘉興反遣騎數百襲之城上聞胡茄聲已膽落

尚書通文卷三十一

元

陳梧率眾禦之三塔大敗象美出走亂民追殺之復聚守十六日而城陷北兵入屠其城徐石麒先自縊錢棟殺於水陳梧走浙東

朱大定字君求秀水人文恪公國祚第六子也以蔭為成都通判強武多智奉檄捕寇有功陞同知獻忠入蜀先遣其黨攻成都督撫諸大吏惶懼失措大定曰聞賊掘城三晝夜下遇石銳挫矣疾出奇兵擊之可得志不聽大定夜率壯健數百縋而出斬死賊百餘賊大驚退三舍大吏始奇其才遣入覲便道歸里南都陷首倡起兵拒守嘉興屠象美繼之及城破男婦爭出大定手劍當門護之存活甚眾於是由泖湖航海至紹興條陳方略王悅授監軍副使使還收舊部會長興

大興傅氏長恩閣鈔本

伯吳易戰死大定代領其眾患病居文恪墓堂

大兵猝至執送杭州不屈死諸生張叔韓孫尚遠與同事朱大定戰死有周天者嘉興人城陷走吳易軍以舟出師沒蘆區白蕩間為先鋒參將殺敵軍頗眾攻復嘉善多其軍間說總兵吳勝北使舉松江以歸不克被殺臨命謂人曰吾再生猶當橫戈殺敵慷慨而死

錢棟字仲取大學士士升子也性穎敏讀書過目不忘嘗與友人余生讀漢書一日欲盡司馬相如揚雄東方朔元后十數傳以長上口百背抄棟差三十五字余生差二十字其強記如此舉崇禎丁丑進士年甫十九授南京兵部職方司郎中尋擢廣西僉事未赴請終養歸嘉興兵起首輸餉萬金與

尚書通文卷三十一

辛

兄旗分防嘉善間出偏師遊擊銳甚及城潰棟以孤軍起松江屯三泖上與徐孚遠孫臨等合師勢復振八月松江陷將間道赴閩舟抵震澤

大兵尾之棟知不免自沈死小僮秋煙從之明日擁棟尸僵立湖中人以為異旗字彥林雲南巡撫士登之子崇禎六年舉順天鄉試性豪俠善待士客來歸者飲酒供帳皆與己等客噴噴稱錢長公宏光初授職方主事棟敗死獨鬱鬱家居後以藏匿陳子龍論死籍其家子默字不識年十五成進士知河南縣吏治精明有政聲同父起兵及敗入黃山為僧號無知大師戊子遊山陰卒或曰避迹滇黔不知所終

呂宣宗字亮工崇德人會祖漢尚淮府南城郡主祖元學萬

大興傅氏長恩閣鈔本



開庚子舉人知繁昌縣宣宗注而英敏好用劍洞曉奇門遁甲吳江沈自炳見而異之閣部史可法開闢揚州辟其父愿良為贊畫推官自炳遇之幕府謂可法曰是碌碌者奚能為乃兒可耳可法問其狀亟召之未至南都陷宣宗走謁魯監國於紹興授扶威義將軍給敕印使從吳易董璽軍既戰敗走匿洞庭山為僧以父病歸邑令利呂氏富遣人收之入見不跪捶其膝至碎在獄日從容賦詩臨顏柳帖臨命呼曰今日可以報先皇帝矣年二十有四

俞元良 周宗彝

姚志卓 張家運

錢達 章清臣

邵一桂 洪有復

浙東既以義旅奉魯王監國畫江而守其人眾兵而熊汝霖獨以數百人渡海襲海鹽士民迎之者萬餘人汝霖欲擇一人主兵時杭州紳士多避地海鹽聞汝霖至皆來會然莫不首鼠持論汝霖數陳大義有進士俞元良者字綏毅慨然曰宜公一人之事耶某焉敢獨後遂任城守未幾賊死嘉興之城守也海鹽舉人周宗彝字重五亦集里中少年應之諸生鄭雪舫袒臂呼市上集者千人後餉不足里民不便潛引清兵擊之俱戰死宗彝一門殲焉

大興傅氏長恩閣鈔本

錢塘人張家運為將破餘杭不守十二月走於潛大兵破之遁去元章戰死丙戌十月又戰江山兵敗遁入處州山中十一月出玉山

大兵圍之其兄志元偽稱志卓已降志卓得脫而志元見殺是月與詹兆恆同破永豐其後遷徙無常乙未冬入海攻崇明破於陣浙東封仁武伯嘉運字起芬監國授總兵官監國亡被執至杭懸之樹上射殺之生平不讀書臨刑有詩曰頭能過鎖身方顯死不封泥骨亦香

錢達華亭人為魯監國總兵守錢塘江有戰功紹興陷航海至閩鄭成功承制授破虜將軍復走太湖集黃嬰吳易舊部往采瀕湖郡縣大帥以舟師邀擊屢之為所敗乃湮太湖諸口以困之

朝聞達名令必生存以獻久之糧絕兵士死者過半將潛入海漁人以告達水軍邀截大呼曰請見錢將軍達知不免躍過舟厲聲曰大丈夫事敗死耳至蘇州巡撫羈之大第使親騎環守之知縣朝夕視候有一樓船忽至報曰錢夫人來視將軍騎引之入則達之妻楊妾王也居一日妻留妾與諸媵婢復去守者問之達曰吾遣妾還太湖傳諭諸部解散耳大帥信之送至湖口越二日達置酒召守守飲其妻亦出達與妻南向坐守令東西向坐飲半換席妻拜而入即赴井守令大驚遣人亟救達止之詰旦達問守者曰汝等各以土三石見贈當有厚賞諸騎欣然負土達使填井須臾井口平達親

大興傅氏長恩閣鈔本



鋪石版其上拜而祭之數日械赴京令還殺於華亭行次山  
東竟不入以死安返太湖亦自經同時有唐彪者字起凡仁  
和人與同邑陳萬良同為魯監國總兵屯天目數往安溪徑  
山窺諸軍與達各軍為特角所統五六千人皆以白巾裹  
頭號白頭兵窺之戰死者過半殺

大兵亦復相當尋戰於安溪以死萬良

大軍招降不往出至臨平鎮被執不屈死

章欽臣會稽人紹興監國欽臣舉兵屯稱山與

大兵相拒經數月殺傷相當會其卒內叛與其妻金氏皆被

執欽臣內對簿氣稍靡金氏呼曰君為將不能成功即死已

晚乃俯首欲求生耶因憤罵帥怒以刀觸其口欽臣死金

氏以與士抗聲曰我夫既死我豈肯獨生幸速加刃命推出

斬之金氏曰夫既死則我亦應死忍殺我夫獨磔乎帥從之

罵不絕口而死

邵一桂一作字友濤餘姚諸生刑部尚書陞之孫也監國立

念世交國恩義當死報使其弟一梓往謁監國備陳欲起兵

以聯水陸之勢願得令旨從事監國壯之授一梓威虜將軍

印使還起兵甫二旬有眾萬餘屯四明山於是金華浦江諸

師不期而應慶戰三載一桂與弟一槐一棠俱陣沒一梓被

執臨命謂行刑者曰不可破吾網巾使吾無以見君親於地

下兀坐受磔第一梓復破家起兵屯四明山一載得其兄一

梓之仇丁姓者斬之以祭歲餘糧盡欲率其眾赴舟山道遇

大興傅氏長恩閣鈔本

大軍戰而死兄弟五人前後殉國其烈如此

洪有禎字亮士嘉禾里人也嘗授徒里中督其子弟甚嚴鄉

父老以為儒者也丁亥兵起有禎旋從挾客糾海上壯士數

百人入拒漳浦未幾而陷執見大帥挺立不跪指而罵有禎

口木納時方憤怒語格格不能辨目直視髮上指傍執刀者

皆大駭帥怒命磔於市懸頭東門暑月色不變青繩不敢集

者久之卒取而投之澤於是門卒皆病狂若有物擊之者

乃相與求其頭羅拜而瘞之有禎早歲工書賈人持售外國

得重價云

王翊

王江

趙立言附

王翊字完勳餘姚人王江字長升慈谿人兩人俱邑庠生皆

有志略而翊尤強毅魯王監國翊起兵海濱與江上師為聲

援授兵部職方司主事浙東不守翊渡海至舟山說黃斌卿

攻圍波許為內應歸而結波舉人楊文瓚諸生華夏屠獻

宸楊文琦董德欽王家勤等令兵至從中起事為降紳謝三

賓皆變夏等捕入獄已而斌卿以舟師至

大兵擊卻之使詰夏等之同謀者夏慷慨對曰忠義之士何

可多得無已則高皇帝與先帝耳以故夏等誅死而翊得不

名捕翊遂結寨於四明山翊主兵江主餉戊子三月破上虞

殺攝印官御史馮京第自湖州軍破亦間行入四明與翊合

兵守杜繼浙撫遣兵攻破之且令村民團練人自為守翊以

大興傅氏長恩閣鈔本



四百人走天台依定遠將軍俞國望山寨京第匿民舍久之  
翊謂其部曰北兵雖健非團練為之嚮導則山形險惡未易  
窺也彼固吾明赤子乃反導敵為寇亦不可不誅乃自天台  
至四明擊破鄉人之團練者隨道收兵一月至萬餘人京第  
亦出已丑昏再破上虞走其知縣得縣印當是時浙東山寨  
蕭山則石仲芳會稽則王化龍陳天樞台州則俞國望金湯  
奉化則吳奎明袁應彪千里之間屹然相望然皆鹵莽暴橫  
而平岡張煌言上虞李長祥且耕且屯獨不擾民又軍弱不  
成軍惟翊一旅蔓延於四明八百里之內設五營五司翊善  
治軍有暴惡者立時誅死賞罰明信四明之爭訟者不至有  
司而至營翊所剖決無不悅服江勸分富室履畝而稅人競  
樂輸列城望之如強敵城門為之晝閉守令皆薦誠通使六  
月魯王至健跳所分使使山寨拜官授翊河南道御史江戶  
部主事朝士皆以為賞薄尋朝舟山觀其軍容陞右僉都御  
史會稽人嚴我公以招撫至浙湖州栢裏甫會稽顧虎臣等  
皆降我公將渡海發使入四明山翊之前營黃中道烹其使  
我公遂去庚寅三月入觀舟山加兵部左侍郎八月破新昌  
之挾虎山九月

大星墜地野雉皆鳴過奉化賦絕命詞其在繫也每日求情  
掠髻謂守卒曰使汝曹猶得見此漢官威儀也八月十二日  
羣帥會訊於定海翊坐地上曰毋多言成敗利鈍天也劉帥  
注天射之中肩田帥中頰金帥中脅翊不稍動如貫植木絕  
其吭始仆從翊者二人亦不跪掠之跪則跪而向翊見者無  
不泣下非獨王公忠也其從者亦義士也  
大兵之入山也江母為金帥所得以之招江江削髮以僧服  
見安置杭州母以天年終江買一妾其妻日夜勃躡鄰居無  
不厭者江憐妾而黜其妻妻亦據臂數江登車去聞者莫不  
薄其為人一日江出鄰人以其妾在不疑既而不返始知向  
者以術脫其妻也江既得脫遂與定西伯張名振引師入長  
江登金山遙祭孝陵題詩慟哭丙戌復與沈調倫聚眾四明  
山聲勢衰衰調倫見殺江傷箭而卒而其時休人趙立言  
亦以餘眾棲山中會稽山諸生李國樞約取江山戊子正月  
朔立言將三百人攻克之國樞失期不至明日  
大兵至立言迎戰殺數人馮躡墮水死子禎恨國樞至其家  
欲殺之為官兵所執與國樞同死

南疆逸史卷三十六

大興傅氏長恩閣鈔本

大興傅氏長恩閣鈔本



南疆逸史卷三十七

烏程溫睿臨撰

列傳第三十三

死事

江右自左夢庚降其部將金聲桓不願北行請於豫王取江西以自效聲桓本無智略其至也惟殺掠以立威於是諸郡各城守義兵起矣始於建昌而廣信撫饒繼之惟贛州之守為最久其被毒也亦最酷其後金聲桓反覆南昌復殲焉數年之間江右生民盡矣今自守土者別見列其義兵於左

徐敬時

王 廟

劉日果

徐善箕

徐敬時字伯宜上饒人崇禎丁丑進士江西陷杖策入閩陞陷挈妻子隱鍾山庚寅自閩出駐永豐之九仙若舉義與復大兵屢攻輒挫去厯辛壬癸三年總兵楊文戰死敬時知勢不支作絕命詞四章朝服北面再拜自縊

王廟永豐人崇禎戊辰進士乙酉起兵行在授兵部職方郎中丙戌夏為

清帥康某所獲說之降不聽死之

劉日果字子永豐舉人隆武二年陞謁授翰林院孔目尋同詹兆恆鄭大倫王棻等奉詔出關劉禦駐永豐與

大兵相持凡三年勢不支移扎龍頭山寨復困遂絕粒作自祭文而卒日果好著書年二十失偶有子矣遂不更娶性至

大興傅氏長恩閣鈔本

孝親早逝每逢忌辰必奉遺服於座拜而上食喜飲酒所著有建文春秋開國功臣甲申十八忠臣贊  
上饒徐善箕天啟丁卯舉人官石首令罷歸倡義饒州界丙戌春被執不屈死

彭 鋠

金志遠附

都諸生彭鋠字劍伯與九江金志遠等起兵從督師楊廷麟奏授銀兵部員外郎廷麟以幼子屬鋠撫之甚厚庚寅春都設圍銀治具召親戚故人飲酒酒半謂客曰城必破我義不辱行與諸君決矣且我與楊公共事久當死所以不死者以楊氏孤也今孤少長成我即死人必無慮忠良後者以楊氏孤託其友乃素冠帶燕噶於庭呼妻李氏亦冠帔出北面拜畢引繩就東西偏各自縊死而金志遠與僧了悟等集萬餘人結營鄱陽彭澤間出戰池州建德屢奏捷後亦俱敗死

鄧思銘

楊應和

楊居久附

鄧思銘字建侯南城諸生父為益府審理思銘因得尚郎主性磊落負氣節北都陷即號召諸生設武備名曰庠兵欲以紓國難有司聞之阻曰庠何兵耶乃散乙酉王域等奉益王起兵思銘入幕籌畫城破被執大罵繫於竿首而射之每發一矢思銘呼曰未中要害至六矢罵曰經時不能殺我汝技何劣也己而死

大興傅氏長恩閣鈔本







倪五名大顯字用簡以行稱樂平人家素封雖學舉子業顧時與四方諸豪俠遊屢破巨寇之志里中者樂平人雅相敬禮崇禎十六年黔兵勤王過樂平不武五偕尼大恢起殲之繫獄已得釋明年饒州推官周損檢五名幣致之屢聘絡諸豪傑起兵及敗乃從黃道周道周復敗最後乃從汪志稷曹大鏞自宏光元年以往三載治兵無虛慰敵嘗數百騎窺樂平五率數十卒破敗之戊子王得仁屠樂平五率所部拒之得仁軍素聞五名爭欲得之一僧有神力長八尺下馬欲手縛五五斬之應手落得仁兵稍卻時得仁親履行間兵復進五所部鳥獸散乃自刎死兄大恢大登被執皆見殺

胡之瀾

李含初

郭賢操

進賢諸生胡之瀾字聿脩丙戌舉兵棲霞山麓有眾近千清守將潘永禧率兵至接戰於穀原初騎射久之棄馬立高岸步射未幾眾潰潘揮兵四面圍之矢盡被執入餘干城西門觀者塞路瀾顧謂曰胡生面目未嘗異人所異者身心常赤不黑耳邑令飲酒謂曰權降以俟時何如瀾曰君父之事死生之際不可用權見金聲桓大罵金命批其頰頰齒落盡猶含血噴之臨死罵不絕口  
德化李含初乙酉傾家貲起兵眠山得王拐子等有眾近萬復瑞昌德安再攻圍南昌九江都不克而王拐子固捕盜者利反復九月聲言攻南康撤營去

大興傅氏長恩閣鈔本

清將余世忠掩眠山不備攻之含初及弟映易長子宗麻俱被執死次子玉英為王得仁所害從含初先後死者有武生唐廉鄧士鳳諸生熊九鼎云

郭賢操字以約德安名諸生故兵部郎一麟仲子乙酉八月起兵豹子巖合邑武生胡伯仰眾數千克德安旋襲復武昌與援兵遇戰縣治東殪其前鋒勁將振旅還所部高長子刺盜也

清餌之執賢操以獻屬招撫孫之綱新至釋賢操不殺放歸里丙戌四月謀再舉

清偵得師期環其廬火之賢操跳身逸轉徙奉靖星海間所至爭破家延納賢操雖流離困頓丰采不少哀戊子金王來

附建議立官義兩營分戰守策上不省夏

清再陷九江長驅入賢操復投袂起而邑胥素不快於賢操者潛引

大兵夜襲其營執之赴縣凝立賦詩不能屈遂前割其腿腿盡啗趾血流滿際且罵且賦有血流大地山河壯髮指青天日月輝之語先後從賢操死之者德安諸生桂登魁胡成武生胡伯仰桂妾繆氏不辱亦赴水死

聞人天祥

王龍

鄒文敬

聞人天祥字令公建昌南城人世寒微少有志節讀史至文信國傳喟然歎曰士君子不當如是耶因襲名焉永王性

大興傅氏長恩閣鈔本



豪傑間無顧忌語天祥一見禮為上賓時呼為髯而不名王以粵兵收復財江召天祥天祥即日拜辭其母入見王執手痛哭署監軍事

大兵圍王撫州謀間道取財絕歸路王令天祥出守界上兵才數百敗走敵騎時永勝伯鄭彩駐兵新城天祥往乞援不應及冬撫陷王被執鄭亦棄新城去天祥聞變不避亦被執其外兄朱某在

大軍請於帥得釋間道走閩遇王故將馮垣與之合招義卒數千圍新城

大兵碎至復執付獄天祥不食為詩別母妻亦赴市丙戌正月也

金國通鑑卷三十一

王監軍寵字二吉行八人多呼王來八吉水人壬戌進士王宏母弟也少不羈以勇豪里中乙酉從劉楊二公起兵所部多推埋亡命頗不武己吉安再陷復糾集故部出入吉贛臨撫間驟發條散踪若風雲數百里地敵騎阻絕士民得安定服明服者皆來八力也丙戌中元返子舍作佛事七晝夜謀知之謀襲焉先覺遁去一日途中猝遇騎從兵奔散被執詭降推牛張其痛飲諸將士深夜皆醉密集所部入城之復諸器械旗幟即假敵舟揚帆下抵新淦峽江清令其迎水游立起擒殺之連復二城及敵聞來援則已先期焚舟入山矣己卯忠介諸縣來合營大兵突至二鄰受縛來八急書追剿王來八五字於旗襟敵

大興傅氏長恩閣鈔本

營大呼殺賊敵不疑及遁去始知其即來八也益畏憚之丁亥十月巡按董學成檄各郡兵會剿銳騎雲合闖卒星散來八復遁入山騎兵環山攻之來八死尚不知也明年金王反正逼覓王寵不可得始知來八真死云

鄒忠介諸孫者一曰文敬字子嚴一曰文鼎字子耳兄弟並名諸生與廬陵人習鼎聖同起兵從劉同升往來虔吉間號為勁旅屢挫敵鋒已乃從王寵及賊文敬見殺文鼎投黑潭江而死粵中贈文鼎副使文敬僉事而鼎聖則從劉季鑣入楚隸何定興軍受監軍副使何歿走歸堵司馬盾錫堵亡被執其家丁某敵在敵營逃還

大兵知其軍孤夜襲之鼎聖戰死十二月三日也其中軍信

金國通鑑卷三十一

豐曹汝聞見執大罵不屈死鼎聖為禮部侍郎孔教曾孫云

王其定等

孫仲奎

許文龍

其在吉安起兵者又有王其定王德官蕭建侯王之豹等其定字卜萬安福諸生貢授來陽令德官字性任廬陵舉人乙酉各集眾起兵與鎮守將胡長蔭共守吉安吉安破其定被執死於獄德官還守山岩

大兵追之與建侯之豹同戰死建侯廬陵諸生之豹恭和人等都諸生孫仲奎字天武丙戌贛州圍急仲奎率鄉勇具糧糧入城因上轉輸減寇策數千言城守諸臣稱其才使督鄉兵與

大興傅氏長恩閣鈔本



大兵戰河西多所斬獲額破拒皆自保金王來附仲奎聯絡  
信豐興國國瑞諸軍將應之大帥高進庫率兵襲擊見執抗  
節死其子詔復與會斌李球袁春蘇等收兵再戰中礮而死  
國州諸生許文龍字雲樓與同邑張猶龍起兵國州猶龍故  
為楚撫何定興監軍領十八營援剿張獻忠者也乙酉金聲  
桓入江西遣人說之降二人不可率兵逐

清所署國州道宋某拒其城以舉人王某署州事州民多避  
兵入山王守欲招集散亡說張許令駐軍郊外二人移師奉  
鄉金兵乘間襲執王州守降將吳勝遂導之攻奉鄉文龍偵  
知之伏火鎗土坑嶺而令猶龍出嘗敵且戰且卻引入伏處  
火鎗發殺金兵百餘人斬吳勝聲桓濟師攻之三月糧盡文

龍猶龍走瀏首之界首若金兵攝之整兵眾力戰猶龍不支  
逸去文龍遂見執聲桓見之曰好漢今至此乎文龍叱曰定  
國公同事決不如狗輩偷生遂遇害

寇夢虬

孔肖元

孔肖哲

蔡觀光

上饒寇夢虬字亦生乙酉秋邑陷新令至逼民難髮夢虬率  
其黨揚大頭大觀奮前格殺之事聞隆武詔受中書舍人令  
提兵出火燒關戰屢克

大兵益至力竭而潰

修水三傑者孔肖元肖哲及蔡觀光也蔡工為客而肖元故  
素封喜結客戊子春金王反正肖哲募兵從之及南昌被圍

大興傅氏長恩閣鈔本

將往搜與辨若格鬪潰歿元避匿自傷國家仇恥未雪思  
得一當己丑九月容有蒼之者說云奉靖國武瑞南建七邑  
竝時起推肖元為前鋒肖元喜諾集山若兵得百餘人制挺  
宵登令劉時俊竄匿市間駭散肖元入城焚官廳民舍數十  
廛而已遠近震動守將調兵禦之然諸邑絕無應者其黨顧  
壽十懼執肖元以獻事連在籍職方郎中趙魁明武進令張  
士璠竝繫獄屢訊元無撓辭鄒張得釋元獨死觀光心愈憤  
庚寅與南昌鄒 揭竿西山謀敗將走都易舟過康郎山為  
水哨所詰辭窮起而鬪受縛論死建昌涂君鼎稱為三傑云

南疆逸史卷三十七

南疆逸史卷三十七

大興傅氏長恩閣鈔本



烏程溫睿臨撰

列傳第三十四

死事

自南都立國畫淮而守西北之地視為疆外矣雖嘗申命督撫而遷延不至朝廷亦置不問陳潛夫在河南粗有經理請兵請吏而馬士英疾之罷其任以史閣部之忠勤經營淮上日不暇給亦不能復籌西北一步嗚呼江南固明土也而大河以北獨異域與間有盜賊結寨稱雄竊名義茶毒生民不足數也今錄一二紳將之矢志報國以見西北之有人焉

程見周

王良翰

李虞夔

孫守法

程見周字香田王良翰字蓋銘大名滑縣舉人也為人慷慨重節義饒志略時流寇方熾而滑復大擾見周佐縣令李巖設法剿撫賊巨寇招流亡良翰則出藏穀賑給存活甚眾甲申二月李自成破山西分兵掠大行以東將抵滑時縣方缺令吏民恒懼不知所為兩人與朱熿哲等議城守不決城陷署其黨劉三晉為令刑勒紳士兩人相謂曰世受國恩不能挺身殺賊而令醜類肆毒苦乎及大兵入關三晉思招清卒圖變三人乃定盟起兵將斬偽令以待王師謀洩為所殺

大興傅氏長恩閣鈔本

逸史曰方是時閩亡矣書生奮志欲逐賊以報國志哉

李虞夔字一甫山西平陸人天啟壬戌進士累官右僉都御史巡撫圖夏戊子春姜瓖反於大同虞夔起兵應之陷潼關及蒲解諸州己丑秋

大兵至平陸山寨其子宏投崖死虞夔奔陝山匿其塔王某家庚寅述得之繫陝州獄旋殺之

孫守法陝西人有勇略崇禎末以功授陝西副總兵加都督同知甲申闖賊陷京師踰月復敗入關關中守將皆降守法棄妻子入終南山號召義勇銳志討賊或謂之曰國滅君亡公何所効功守法流涕曰是何言與我受先帝厚恩見賊不討何面目立於天下時賊拒興安州守法與鄖陽總兵王光

恩合兵攻破之又攻克平利白河上津等縣九月朔賊將路應標以賊十萬圍鄖陽守法光恩督參將苗時化王光泰等連日大戰殺賊無算賊勢漸衰而吳三桂率

大兵入關徇秦地時己酉五月也守法又入終南山久之奉秦王第四子稱漢中王開邸五郎山檄召西漢鳳平延慶等郡兵將圍圍西安十一月初七日起兵遣副將賀珍以義勇三千復鳳翔於是盤屋郭涇涇陽三原臨潼澄城白水諸縣次第來歸軍聲大振守法之初起也武大定劉文炳賀宏器郭金鎮黃金魚焦容仇璜等俱應之而大定本固原舊將功最多守法推重之十二月與之攻西安是時鄖陽舉人姚洲霄千總衛天命康姬命同州朝邑諸生李世仁王知禮等各

大興傅氏長恩閣鈔本



殺守令以應守法而

大兵守西安者不滿七百人總督孟芬懼甚乃調山西兵五千來援甫過河知禮命朝邑百姓偽持羊酒半道迎之而伏兵伺於旁飲醉盡殲之喬芳益懼又調榆林兵五千人入援二十八日守法率諸將至城下然兵少騎兵七千步兵五千而已平陽人曹三俊三英師可宗謀以城應事泄被殺丙戌正月五日援兵至命將賀時珍胡向化等謀曰我兵少攻之猝未易拔安能復戰乃解圍去二月國夏甘肅神木靖邊各以兵來附隆武帝聞之遣使問道封守法大定俱為伯然是時中原盡失

大兵之徇秦地者眾守法所得郡縣旋為

尚書通文卷三十一

三

大兵恢復聲勢寢衰六月守法退回五郎山八月武大定敗於興安境中九月王光泰敗歸鄠城又敗走房竹丁亥正月守法奔石子城二月走長安石鰲谷三月朔守法破國川與高勳等拒興安州之喬麥山總督孟喬芳引兵攻之四月八日伏甲深林以輕騎誘守法出擒之守法猶執鐵鞭格殺數十人乃死傳首西安大定入蜀孫可望獻賊之遺孽也獻忠既誅於蜀可望潰而西南掠滇黔所至靡摧無敢與抗者乃有忠憤激烈徒手而與之搏雖不量力然其義足尚也錄之如左而城守之死節者附見焉

吳履泰

上官星拱

李爾龍

陳萬齡

大興傅氏長恩閣鈔本

吳履泰字亨若定安諸生丁亥四月

大軍渡瓊川官吏迎降履泰方居憂縶經起兵盡散家資召募旬日間得壯士三千黎岐之眾六千於五月五日大誓師進擊十二日戰於買萬長坡斬首千級

大軍稍卻次日黎明以鐵騎夾擊履泰師遂潰謂其弟履節曰吾力盡矣汝可歸葬先人抱石投海其甥王蔚文從之門人私諡端烈先生後二年有王昌言之事王昌言者字如綸定安諸生禮部尚書宏誨孫先是甲申五指山黎有叛首馬隆根結黨謀攻定安擁上流以窺瓊昌言所居龍梅當其衝乃散財糾壯健為扞禦計賊知有備不敢犯乙丑夏六月賊以數萬眾出攻昌言率死士先登陷陣多所斬獲既而參將

尚書通文卷三十一

四

張某軍行遇伏棄戈潰散言昌單騎衝突手刃數人毒火雨發不能支遂死是秋九月定安陷昌言妻陳氏被執以計脫其孤懋曾乃罵賊死嗚呼昌言守龍梅而定安遂失以固延至六年不被寇昌言死而定安遂失禍流數縣天之亡昌言也夫豈惟一身一家之故哉定安人私諡忠愍以其嘗置義田設義學有德於鄉又能保障一城也

上官星拱字北樞靈山貢生丁亥二月廉州陷指揮張烈死之其四月星拱起兵與黃雀鳴復靈山與宗室江西石城王命防守博白鬱林與大僕卿黃燦中總兵謝應奇鬱林道副使謝天英聯師守禦又與督師兵部尚書釋源赴梧州扈蹕

大興傅氏長恩閣鈔本



辛卯廉州被攻星拱同信宜侯李明忠堵禦兩戰皆捷耿繼茂招之不應守武利內皆相持彌月後絕若陷與其標官四人血戰死之其部數百人無一生者星拱妻沈氏召女及婦飲樂死子參將捷科被執不屈死統登以永圖三年至靈山被害其墓尚存土人至今祀之

李爾龍者新會人年少性傑烈誓欲殲敵一日以重金購得倭刀甚犀利夜置牀上錚錚鳴爾龍大喜曰天賜也持往廣州值諸官有事江游爾龍短衣跣足奮刀前斬士卒死傷者數人侍衛潰亂人大駭走爾龍大呼曰我天兵數萬在此城將閉爾龍擊馬馳入城中至平南王府門者蓋鎗利之策馬復馳去追及演武場身負數十鎗被執平南王尚可喜詰之

曰我天朝義士也奉李定國令旨潛兵入城今夜一鼓當發我性躁不能待故至此遂瘦死獄中

陳萬齡字學修乳源諸生父某常州通判為盜所害萬齡痛憤結壯士二十四人潛入城若擒渠首斬之祭父丙戌冬詔州不守萬齡起兵與

大軍戰於梯子嶺敗之又戰於白牛坪敗之遂復宜章將乘勝入楚

大軍禦於掛口戰而死部曲苑如元還保樂昌又力戰斬首數百相持白沙灣踰月一日酒酣裸身與大帥戰兩釋兵搏擊力竭相抱入澗以死同里貢生張國翰字金門者亦起兵從總兵郝永忠與

大軍戰亦死之先是萬齡與永忠約攻宜章謀洩大軍潛伏山隘盡坑永忠兵而以其旗鼓軍號出乳源諸生四十餘人往迎悉見殺

吳子騏

譚先哲附

石聲和

顧人龍

吳子騏字九達貴陽舉人為興國知縣安邦彥之反也國貴陽急子騏念母在城中倉猝棄官歸遂不仕總督朱燮元知其才崇禎十年燮賊阿烏謀反陷大方城遂守將引兵內向燮元屬子騏走書招六廣諸目曉諭利害果相率降附燮元上其功燮書嘉獎至是聞可望等擁眾將至于騏謂邑紳劉瑄揚元灑等曰我明之老臣也坐視賊至屠戮鄉邦何以報

國因共起兵拒賊於要路敗之賊來益眾力不敵被執俱不屈死瑄元灑並起家鄉薦瑄官主事元灑官同知子騏同年譚先哲平壩衛人官戶部郎中邑城之陷與同里前兵部參政石聲和皆闔門殉難有顧人龍者定番州人嘗出任既老家居寇至率士民拒守殺賊甚眾及城破罵賊而死

席上珍

金世鼎附

何思

段伯美

余繼善

耿希哲

冷陽春

夏祖訓

席上珍姚安舉人為人磊落尚節義聞可望等將入滇與其友大姚舉人金世鼎謀曰城尚可守蓋起兵拒之因出家財



募壯士二萬人與姚州知州何思率以乘城可望乘其未備也疾遣其將張虎奄至一戰而敗世鼎自殺上珍及思被執可望欲降之上珍厲聲曰我大明忠臣豈屈於賊耶罵不絕賊紉其口猶罵可望怒刺其皮從踵至項其聲隱隱也思亦不屈死其時圖晉舉人段伯美呈貢諸生余繼善皆耿希哲及昆明孔思程皆起兵拒賊思程以從軍得官眾以其能武推以為長及定國兵至思程泛舟遁伯美因知州冷陽春知縣夏祖訓共城守定國攻破之伯美等皆死陽春石阡人祖訓嘉興人也

逸史曰或有問於余曰子於諸義旅之舉是無非歟余曰於君何如或曰是不知天命者耳昔者以全盛之世九重之尊四海之富山川之阻關塞之險荷戈戢弓而防衛者所在如

林然而一夫袒臂大呼千百成羣被襜褕持白挺望屋而食則外城為之晝閉其勢凌以蔓延攻城郭掠官寺屠鄉聚於是天子赫然震怒選徒命旅賢相制其謀良將奮其威健吏供其餉不受高爵重賞招致武健異能之士以制狂獗救黎元然而此蹶彼熾朝散暮聚喪師失國所在見告垂青紆紫華軒高蓋之徒委印綬奉符冊望風歸命長驅至京不三日而開門延賊帝后倉黃隕身尺組迨夫紫蓋南渡長江天塹猶足立國晉元宗高之業未艾也無何而元帥請命王師入關以方張之虐焰百萬之眾易於拉朽然後真人應運徐收大物命官置吏者定中原旌旗南指馬首倒戈前鋒

大興傅氏長恩閣鈔本

未抵於近郊戈舡未濟於橫流而君相逃竄臣民懼駭壺漿箠篋絡繹勞軍傳檄而定吳越之墟亦足見天命之有歸而厯數之難強矣乃諸臣者吹既灰之燼導將涸之波怒其螳臂以當雷車駭鳥合招亡命倚狡猾為謀臣仗戎卒為將帥使晏安之州里猝羅鋒刃積骸為邱流血成川宗黨戚姻駢首同盡累世蓄藏塗地無遺兵之所屯荆榛彌望哀哉棟三百年之休養生息以博虛名之一誤也且夫不知其無成而為之不智知其無成而驅父子弟以殉於僥倖之萬一不仁不仁不智之事君子諱焉而吾子猶矍列而紀述之毋乃獎亂乎余喟然而歎曰有是哉信如子之言則是靡爾不必奮迹於成旅箕子不必傷心於麥秀申胥秦庭之哭為妄田

單火牛之策為愚也而宜其然哉夫孝子不以父病疾而斥其醫貞婦不以夫亡而廢其孤蒙險而愈厲者忠臣之誼也犯難而不避者志士之烈也故曰歲寒知勁節板蕩識忠良且夫事有變易時有反覆有仍復國遜之三十九歲之久南陽佳氣發之一十八年之後非其臣民歌思舊德不忘先朝痛心故業含悲蓄憤淬礪以俟機感奮以赴會歷久不渝而後能成事哉而子乃以不智不仁目之則將奉君父如奕棋視宗社如傳舍覘顏蒙面以事仇者之皆智歟私家室保妻子戀利祿營爵位責人城社覆人宗族以博進取者之皆仁歟審如是則三綱將淪九法將斁禮樂崩壞詩書滅絕中國胥化為蠻貊人類變而為豺狼也豈得為宇宙哉南都之立

大興傅氏長恩閣鈔本



國也僅矣其小人之釀成禍敗者不足論至有平居高談名節號召徒黨自附清流忽焉喪志屈膝獻國而其忠義激發誓死不顧者乃在放逐之孤臣斥遠之下僚窮鄉絕谷布衣韋帶之士慷慨陳言流涕書檄而四方響應千里之遠如近共方社緇流羽士裹糧呈技重趄來赴事雖不成天地震動此皆志氣偉然嗚呼與天日並昭者也成敗利鈍又何計焉善乎趙襄子之言曰智伯已志無後其成臣猶為之親化此天下之義士也斯言也有三代之遺直焉嗚呼以土崩瓦解之秋而區區閩粵一隅支措名號者二十五年甚至濱海蠻島風帆浪楫保其冠裳數十載不變則皆諸義士風聲之所激也惜乎可紀者止此耳其他懷忠抱信名湮沒而不彰可勝歎哉後之君子續而傳之其必有乎吾言者矣

南疆逸史卷三十八

九

南疆逸史卷三十八

大興傅氏長恩閣鈔本

南疆逸史卷三十九

烏程溫睿臨撰

列傳第三十五

死事

江天一

畫網巾先生

陸宇燭

賀向峻

王延善

蔣爾恂

江天一字文石歙縣人與金文毅同起兵績溪被難者也父士潤湖廣某司巡檢獻賊破武昌拒賊自沈於江天一正直廉介家貧好學所為制舉文磊落宏肆屢困童子試年三十六見知邑令傅公始得補郡弟子員令故重天一嘗令來請事凡數年終不以私見是時天一貧甚所居瓦不完會姻戚有誑談事令急捕之夜懷金百二十詣天一求解天一愕然曰此言何為至於我哉亟揮之去性好結客士至者倒屣恐後赴友急不擇利害見踰禮法事面叱責不少貸與同邑閔遵古最善閔亦好義慷慨人也晚年益厭棄制舉業知天下將亂與金文毅用軍法團練鄉人子弟為虞變計點兵之掠徽也邑里大恐文毅遣天一拒之天一幃首攝弓矢夜率壯士馳數十里與賊兵戰祁門悉奪還所掠男女牛馬主兵者大怒劾奏文毅就逮天一草疏詣闕陳情天子悟事得白及金公起兵幕中諸侪客號知兵者以百數獨推重天一內外機事悉取決焉既被執天一亟走歸拜其祖母母及祖廟曰

大興傅氏長恩閣鈔本



吾首與金公舉事誼不可令獨公死連公及大呼我金翰林  
 參軍江天一也遂並執之時聞遵古方僑蕪湖天一道過之  
 突入其家從朱纓帶刀者一人遵古曰事至此奈何天曰  
 無他言今將往拜孝陵引頸受刃耳客聞者皆驚竄遂辭去  
 遵古俄攜酒饋至其所與天一坐飲帶刀者義之大呼曰君  
 無以武人鄙我我雅知忠義今世吾心服者史閣部黃總兵  
 金翰林與江君四人耳然我在坐子母乃有不盡之言因起  
 去呼二小卒伺門外遵古復與天一往謁金公痛飲悲歌門  
 外刀戟環列鐵聲鏗然遵古不顧也至江閣總督欲降之天  
 一曰我為若計不如殺我我不死必復起兵遂同遇害蕪湖  
 僧海明乞貸市公棺柩金公尸而斂之遵古與閻賈蕭倫往  
 收天一及陳繼滿吳國楨余元英之骸送歸其家吳余家無  
 人復買地葬之立碑識其處天一妻子將入官其弟子獻人  
 洪瀾字遠生以百金贖之市田給贍殮焉

南疆逸史卷三十一

逸史曰凡節烈之事非其生平積學行義者不能為以其養  
 之有素也余故傳天一而約略其行事雖微金公彼必有以  
 發之矣遵古篤義猶曰收古人也至如海明蕭倫與諸義士  
 素不相識而經營後事冒死不顧非三代遺民乎閻都魏禧  
 傳其事甚詳余不復叙著其姓氏云

畫網巾先生其姓氏邑里爵位不可得而稽也初與二僕潛  
 迹邵武光澤山寺中作苦傭食衣冠儼然久之漸露光澤防  
 將吳鎮掩捕之逮至邵武鎮將池鳳鳴詢其姓氏嘿不應鳳

大興傅氏長恩閣鈔本

鳴異之謂曰去爾網巾無以感眾足矣吾不汝殺也部卒因  
 視其中先生既索網巾不可得晨起盥櫛畢呼二僕曰取筆  
 墨來為我額上畫網巾僕問故先生曰衣冠傳自歷代惟網  
 巾我明祖創制也即死可忘明制乎於是二僕為先生畫網  
 巾畫已乃加冠二僕亦復交相畫軍中譁笑之共呼曰畫網  
 巾云久之金聲桓遺黨張自盛洪國玉曹大鎬李安民等結  
 寨山中號四大營時出劫掠庚寅夏大帥檄江閩合剿四營  
 潰池鳳鳴因詭稱先生為陣俘以獻總督揚名高見其額所  
 畫笑置不問也極車至泰園欲諭降之先生因謂揚曰舊識  
 王之綱就彼決之可乎揚喜遣詣之綱之綱愕然先生曰吾  
 固不識公也特從公索死耳之綱因窮詰其縣邑姓氏甚苦

南疆逸史卷三十一

先生乃喟然曰吾忠未報國留姓名則辱國智不保家留姓  
 名則辱家危不致身留姓名則辱身吾自諱久矣汝何故問  
 為若曹呼我為畫巾即我姓名矣之綱抗聲謂之曰天下大  
 定一人強死何濟且改制易服王章也何不雞髮以全汝生  
 先生顧而唾之曰賊奴我網巾且不忍去况髮乎死矣無多  
 言之網大怒令先斬二僕羣卒碎之二僕噴目叱曰我豈畏  
 死者顧死亦有禮當辭我主人於是向先生叩頭曰奴先往  
 泉下掃除怡然就刃之網乃好言慰先生曰先生豈有所負  
 不然留姓名照干載也何堅自晦先生曰吾何負負明耳一  
 等不扞束手就畫與婢妾等可以姓氏易節烈名哉乃出袖  
 中詩一卷擲於地又以白金一封付刑者挺然受刃於泰園

大興傅氏長恩閣鈔本



之杉津觀者見其畫網中斑斑額上無不泣下諸生謝韓瑛  
之松窠山題曰畫網中先生之墓歲時祀之四營既破所俘  
獻者多有文秀嚴毅願盼偉然至死不自言姓氏者豈亦先  
生之流亞與並其軼事而失之可恨也

逸史曰明之死事者衆矣未有若先生之奇者觀其義化二  
僕即生平之學術可想見矣彼茲殺先生者皆庸明之顯爵  
者也二僕且得而唾之矣悲夫

陸宇燭字周明鄞縣人父世科大理寺卿少與錢司馬同學  
慷慨有大志喜任依南北之變士大夫亡命走江湖者聞宇  
燭名多來就之無論識與不識皆館而禮之食客常數千百  
人錢司馬奉魯王監國防守江上宇燭左右其間王航海諸

臣芟舍從之風帆浪楫栖遯島嶼之上得不遺乏之以內聯  
義士為之囊橐而宇燭實為之魁癸卯為降卒所誣捕入省  
獄獄不具脫其械未至寓而卒宇燭以好事破其家既死家  
人掘掘其室於亂書櫃中得布囊發之則赫然人頭也其弟  
春明識其面目奉之而哭曰此故少司馬篤菴王公頭也篤  
菴名翊起兵四明山魯王就加兵部左侍郎既敗梟頭於甬  
之城闕宇燭每過之徘徊其下思收葬之一夕有人入室叩  
首而泣者問之曰余漁人毛明山也向以卒伍事王公今不  
勝故主之感公每停驂王公頭下亦有意乎因相與流涕而  
詣江子雲計所以收其頭者江故錢司馬與宇燭交善會中  
秋州人習就渡舟楫如雲士女襟帶子雲紅笠握刀從者十

大興傅氏長恩閣鈔本

餘人登城邀戰至梟頭所問守者曰孰戴此頭也卒以司馬  
對子雲佯怒曰嘻吾怨家也亦有是日乎拔刀擊之繩斷墮  
地宇燭明山已豫立城下明山拾頭囊裏之宇燭以身蔽明  
山當是時龍舟噪甚人無回面易視者得襟傳人中去宇燭  
得頭祀之書室蓋十二年矣而家人無知者至是明春始積  
而瘞之嗟乎宇燭之義奇矣獨怪王公死已十二年而其面  
目猶可識豈忠義之魄風日不得而敗壞耶即此一事宇燭  
可傳已

賀向峻字葵忱丹陽人補博士弟子年少負奇氣豪邁不羈  
與其友汪參最善參字中子能騎射舞稍而向峻喜擊劍兩  
人念天下將有變愈任俠結客偵刺時事聞政令不便輒指  
斥責人嚼齒罵曰若居高官享厚祿奈何壞天下至是與其  
客浮白醉呼相與慷慨流涕甲申之變參在京師客周鍾所  
參故鍾門人也和樂進鍾曰先生負盛名不可死不國亦不  
過今日死鍾謝曰生幸教我甚善姑徐之參視鍾究無意引  
決投杯罵曰吾乃與賊臣為伍即變服遁歸未幾鍾果以從  
逆伏法參與向峻時麻衣繩履傍徨草澤間或相持慟哭  
及南都擁立馬阮亂政向峻歎曰天下事尚可為令賀某得  
攝尺寸柄當整殘疆以冀中興今若此吾知大江以南非淨  
土矣明年五月金陵不守披髮狂走數日與汪參怙首負劍  
持稍率壯士十餘人馳至大丕山旬日聚眾千人是時  
王師渡江郡縣皆傳檄下仍故吏易服色而已無他兵以守

大興傅氏長恩閣鈔本



也以故吳越之壤揭竿者羣起然皆驅市人而戰往往不陣而敗向峻襲金壇破之無何

大兵至主兵者皇惑向峻為畫計策不用或勸之去曰吾與共舉事者棄之不義操甲守城城破被執見殺年僅十九參戰而免復收其散卒搏戰城外殺傷過當至力盡猶下馬步戰手格殺四五人重創死

逸史曰余叙次義兵死事諸臣詳矣後乃得賀汪事向峻年未弱冠或疑傳者之非真昔孫策定江東死時年十七向峻雖非其人然不可謂天下無英才也自科舉法行士非文詞不進啞言跣步以為儒雅而個儻奇偉之士多淪於草野發憤自奮不量力以死悲夫

何遜逸史卷三十一

六

王延善保定新城諸生性慷慨尚義見天下已亂散萬金產結客生三子長曰餘格次曰餘佑季曰餘嚴餘佑出後其叔建善建善以庚辰特用嘗知山西臨縣及河南魯山關賊之陷京師也延善率其子弟與魏縣馬魯起兵討之賊移檄遠近連克雄新城容城三縣擒偽官郝丕績等數人斬之勢大振會賊敗兵未已

本朝定鼎或之京師告變逮入獄餘恪謂其弟餘嚴曰我父以義死子不可不從然陷我父子者仇也必報之若壯可復仇我往死乃赴京大呼我起義生員王某長子也遂與父俱死燕市餘嚴別率壯士入所告者家殲其老幼男婦三十口當事者義之得無究餘佑乃奉其父建善隱之易五公山所

大興傅氏長恩閣鈔本

稱五公山人也山人字介祺幼恢岸有大志受業於容城孫徵君奇逢定興杜紫峯學無所不究尤務實用少從其父在兵間通曉兵法善騎射擊刺多弩無虛發嘗與友人談忠孝大節感慨節烈目炯炯如電鬚戟張蹲身一躍丈許觀者辟易噴噴曰王先生命世才也晚而名愈高遠近就學者數百人縉紳豪士往往構講堂具安車迎之山人幅巾鶴氅往來上谷瀛海嵩岱間兒童野夫皆知名氏見其過隨而觀之問王先生無恙山人為停車問勞而去家貧四方士到門典衣剝薦接之無怠府縣長吏有饋輒不受謁不見亦不報謝著萬勝車圖說一卷兵民經絡圖一卷諸葛八陣圖一卷十三刀法一卷又輯古人經世事為居諸篇十卷湧幢草三十卷

何遜逸史卷三十一

七

詩文集三十二卷康熙甲子正月率年七十門人私諡曰文節先生  
逸史曰余友孝廉王源嘗稱山人所著書為諸葛流亞而惜其才之不用嗟乎彼其父兄以義死豈肯復為出世蘊其所學懷不能已著書以自見傷已然使山人果屈節豈世能用之哉者則不如老死山澤而書永傳也

將爾恂字篤生保定蠡縣諸生戶部主事範化子也崇禎戊寅畿南被兵範化死馬爾恂方十餘歲痛哭呼天誓報父仇畫父像已帶劍待其旁朝夕泣拜及長多力善騎射技勇絕人嘗道遇賊四人劫婦女衣叱而鞭之其魁恚憤其出縱五百騎邀之途時爾恂方從兩騎迎其兄女聞有賊分一騎護

大興傅氏長恩閣鈔本



其女入村自挾一騎殺了注矢躍馬大呼連發二矢殪其前行二人賊眾驚潰其魁呼曰我非敢害公子也愿請前四人罪狀爾恂大罵數之魁謝去徐按轡護女而歸又有土豪欲與爾恂為難爾恂陽謝之大會其眾置酒酒酣拔刀起舞立斬三人於座上眾皆服乞命復邀之坐盡歡而罷其豪傑如此甲申之亂益散家財結死士備非常每念君父之仇慷慨悲歌教獻泣下山東人王道士者有異術能前知羣盜服馬請以為魁道士曰我不能魁爾曾也顧亦知未見可魁者眾曰聞蔣公子常願舉事蓋投諸道士曰善因與其渠數人謁爾恂當是時畿輔初定民多流亡而所在官吏貪虐爾恂憤惋形於詞色蓋縣知縣某銜之將害焉爾恂避中野於鄉亭偶遇汎卒自言嘗殺蔣某則其父也爾恂驚陰質其姓氏欲起眾殺之及歸而王道士適到門望見爾恂自督秀顏俛氣獄獄則大喜前述與眾推戴意爾恂陰計曰盜無能為也然吾欲誅虐吏復父仇非此機不可乃許之與為期夜半開門率其徒入殺知縣捕汎卒磔而祭其父遠近聞之以為蔣公子起義也旬日間聚而應者二萬人東破河間將入山東京師發兵追之戰敗眾潰以數十騎遁去至河側謂其騎曰我報父仇已矣若等烏合不足有為我且死若亦各歸田毋再聚自取夷滅遠躍入水眾救之不獲當事聞公子死眾已散且變由縣官起不窮其獄公子入水死不久之致書所親曰吾父仇已報無所恨天下事大顧同事非其人是以敗也今

大興傅氏長恩閣鈔本

長往矣後遂不知所終  
逸史曰蔣生事不足錄獨其借盜兵報仇既敗而散其眾以遁似有智謀者嗚呼今之熟視君父之仇而瀟然以老死者眾矣

南疆逸史卷三十九

南疆逸史卷三十九

大興傅氏長恩閣鈔本



南疆逸史卷四十

烏程溫睿臨撰

列傳第三十六

隱避

嗚呼南渡之後諸臣有艱難盡瘁險阻不避以力扶衰運者有臨危抗節萬死而不悔者余既章章詳其事業矣其或晦迹肥遯潛山澤混緇素高風峻節邈不可追而行事泯沒然其不負所事西山義士之風尚在也而已有舉其姓名而人未之聞者噫可惜也傳曰身將隱焉用文之是求顯也夫其人既已隱忍懼禍則常恐姓氏之落人間又安得而傳之且余所見庚辰進士黃周星字九烟官主事國變隱居湖州之得溪老屋三間性高亢與其妻女操作佐食人日詩文就質者為設酒餚亦不辭稍忤其意則面加叱責遇富貴者則愈倨人亦憚見之孤行一意至屢空不介意一日慟哭於野赴水死又有癸未進士李長祥字研齋四川遂寧人選庶吉士嘗日御史隨魯監國入閩閩陷隱紹興山中當事物色之後移常州總督郎廷佐召禮聘焉長祥乃出千金聘金陵美姬姬工詩善畫竹梳高髻拖百折長裙做古漢宮妝時號中山秀才者侍婢名墨池亦長祥日擁姬居高樓作長夜飲即聞之召為魚他也居數年忽棄去不知所終嗚呼鴻飛冥冥弋者何篡以兩先生之蹤迹觀之則天下之大其晦迹而余所不及見且聞者多矣求之傳紀而文字殘缺傳者寥寥

大興傅氏長恩閣鈔本

明史所紀南京不守其變者為僧者光祿寺卿華亭許譽卿少卿江都姚思孝給事中山陽陳啟新御史樂安成勇數人而已今敘其稍有事實者存於篇

姜 琛弟瑛附

葉廷秀

顧 朱

張利民

于 穎

魏公韓王一者

張廷賓

周齊會

林必遠

余增遠

方以智

劉永錫

姜琛字如農山東萊陽人崇禎辛未進士由儀真知縣擢禮科給事中言事得罪莊烈帝怒甚下鎮撫司欲置之死而廷臣申救者衆杖之百遣戍宣州衛事具明史宏光立赦復故官因父憂不赴流寓吳門自稱宣川衛老兵弟瑛字如須庚辰進士官行人其署有題名碑崔呈秀阮大鍼與魏大中並列其上立奏請削去之瑛之被杖也昏絕不知人瑛含溺吐沫口咽之得甦及父死於賊上書請身繫獄而釋瑛歸治喪不許乃號泣奔喪歸奉母避亂走蘇州阮大鍼得志怒瑛兄弟欲殺之瑛避地徽州嘗絕食樵子宋心老以菜羹啖之或徒步數十里至吳孝廉家得一飽孝廉亦高節士也因祝髮於黃山而自號敬亭山人瑛變姓名避至圖波避迹天台雁蕩間兄弟並不與世人接瑛有子安節實節才而文亦不令進取後聞山東平母欲歸瑛扶母歸萊陽山東巡撫聞其

大興傅氏長恩閣鈔本



名檄郡縣招致之塚故墜馬召醫昇竹篾因見使者使者歸報塚即夜馳還江南癸丑夏疾疾呼二子謂曰吾受命謫戍會遭世變流離異鄉生不能守墳墓死不能正邱首今當待盡宣州因誌先帝生全之恩既數日疾革曰吾不能行矣死必埋骨敬亭之麓年六十七子如其言所著有正氣集傳既集敬亭紀事摘謬藏於家塚後亦存於吳門云

逸史曰懷宗之明察非亡國主也惟其輕折辱臣下大者誅夷小者杖遣於是剛直果敢任事之士皆自挫而在位者率依諛偷合苟容全妻子保富貴之臣因致寇盜縱橫畏縮不能禦賊至三日開門迎附豈不可歎哉熊羆之獄執其成心久而不化及李建泰出師帝御門推轂瀕行建泰頓首因二人請乃得出獄未二旬而國亡傳曰天子而化匹夫懼者甚衆矣此非衰亡之象乎塚至死不忘故主之命可謂純臣矣

葉廷秀號澗山濮州人天啟乙丑進士受業劉宗周造詣純篤宗周門人以廷秀為冠崇禎中官主事疏請終養居喪盡禮保舉法行有列其名者辭不赴除服入京抗疏救黃道周帝怒杖之百道成福建然廷秀實未識道周也特重其學行且既遭斥辱處之恬然道周深服其有養南渡召為吏部主事侍郎解學龍薦道周因及廷秀帝命以僉都御史用馬士英惡其剛直但授光祿少卿唐王立召拜左僉都御史進兵部右侍郎闖亡去為僧匿迹山寺其徒問姓名終不言及疾亟取筆書示之擲筆而逝

大興傅氏長恩閣鈔本

顧朱字自公浙江石門人崇禎癸未進士年甫踰冠才名鬱然士子爭誦其文初釋褐倪元璐劉宗周兩公深器之曰子誠異士惜所遇非時矣甲申宏光立謁選以行人請餉兩浙時馬阮亂政士大夫營私植黨忘其國之危也或謂朱曰子以京員督理鄉邦畫錦之榮也錢穀在握蓋藉以豐殖其家朱謝曰士人讀書必以忠孝為本禮義為閑國家多難吾敢營寵利哉子休矣毋污吾耳力清夙弊無敢以私謁者惟喜文士所至郡縣輒課士簡其秀異者移學使補博士弟子員後多為名士者乙酉南都潰魯王監國紹興奉命召起餘姚大學士方逢年又之義烏召兵部尚書張國維逢年在家謁三上乃得見謝曰老臣力衰恐不足辱寵命朱前曰軍府草創非公無以屬大事者且王命敦促公無拒也逢年乃許諾而國維聞使命至闔門降階執朱手向之慟哭曰君父在難臣敢辭瘁朱曰向之方輔家三日乃得見既見復三辭朱再三陳請乃受命今公何任之勇也國維曰吁此承平大臣奉召體也今何時乃循故事且方公卒輔也余戎政也金革無避何濡遲之為朱因從客問曰事有濟乎國維曰難然則如之何國維曰吾受國重寄義在必死子筮仕日淺尚可隱避此地有某山避世桃源也他日蓋以下居其明年越城又潰監國航海朱不及從棄妻子自姚江海圍紆迴山谷烟燧數百里伏尸枕藉冒險遠涉至海門無舟可渡還棹乾溪懷慨欲赴死時其父在家老矣謂其長子曰汝弟且殉國吾誰

大興傅氏長恩閣鈔本



與養昔宋亡謝登山以親老不死汝蓋以我命召之未得書徘徊終夕喟然曰張司馬命我矣吾何忍棄我親也乃挈其妻子歸布衣蔬食杜門不出其後同年陳名夏杜榮立德入仕

本朝守顯達致書幣勸之出力辭逐幣有司歲時致問不為答有以事請者亦不應家愈窮空作百貧歌以自遺事父及繼母撫諸弟孝友稱舉主李立齋歿於舟山為經紀其喪載其孀孤歸字養之二子既長為治裝而歸之楚喜讀經作詩禮解為子弟訓易皆有獨得晚尤邃於春秋以為左氏親炙聖人其旨真後之迷者惟晦庵得其正因作春秋本義以折衷羣說云年四十餘遭其父喪哀毀如禮服除遽卒

逸史曰觀行人之召方張二公可以定其人矣國亡君寵海

內土崩而猶守承平故習以自尊大此宜有君國在其意中乃欲藉以濟變哉烈矣張公行人之終身不出蓋亦師其遺訓也而逢年卒以偽降訛悲夫行人子鐸余姊婿也官庶吉士改侍御史陞大理寺丞致任孫濂方登己丑進士天之報行人者於其後人行人之嘉遯愈光矣

張利民字能因侯官人崇禎庚辰進士知桐城縣張獻忠來攻登陴守禦以忠義激勸將士執所佩刀殺白雞以血洒地曰諸公有二心者視彼又折矢誓曰利名今日藉諸公力堅守有功不以上聞者有如此矢將士皆感泣獻忠百計攻之不克賴黃得功援師至城獲全治行最擢戶科給事中晚被

大興傅氏長恩閣鈔本

縉入山自稱田中和尚其時遺老為僧者甚眾武進則封開府知府薛家號米堆永嘉則翰林編修林增志疏法幢平湖則吉水知縣沈中柱號無淨皆以進士起家著聲績者也于穎字瀛長金壇人辛未進士累工部員外郎知西安府以事削籍起工部郎中知紹興府監國時陞按察司副使分巡

魏公韓字一韓號雲庵黃岡人天啟乙丑進士知句容縣累

官寶坻巡撫國變未之任隱居縣西以湖中漁臺築園聚宗人居焉圃北有問青樓朔望登樓北面九拜年九十餘髮脫不除韋中藻有過問青樓詩青天不答累相問皓首終隨漢臘歸蓋知其志矣其同縣舉人工一蕭字子雲乙酉後寄寓武中冒寒山寺山臨大江山崖有猴兒洞人迹罕至每月明江靜獨往洞中大哭漁舟過其下視之則子雲也可悲也夫張廷賓字容卿餘姚人天啟甲子舉人教諭鄞縣南都除望江令未赴丙戌兵亂姚江書院師弟皆散廷賓獨入院中不去事平學徒稍稍集學會再舉廷賓力也意忽忽不忘故鄉乃之四明雪竇為僧疏道巖東南高蹈之士多歸之架上薛陳儒釋書人莫測其產際年八十八卒壬戌歲也周齊曾字惟一鄞縣人性高介少為諸生治經書悉屏棄注

大興傅氏長恩閣鈔本



疏作文行所獨得亦不蹈襲前輩大家丙子舉於鄉癸未成進士出太常卿吳麟徵之門除廣東順德令做古社倉法置義田以備早潦又立弓箭社集間里丁壯教之擊刺盜發輒捕獲一縣稱神明攝篆香山縣故有黎種隔以海巡按御史入土官賄許渡海葬內地齊曾曰若以則披黎以縣土持不可隆武帝立於閩召舊輔何吾騶入直吾騶香山人也蒼頭盧兒憑勢豪橫齊曾痛懲之吾騶移書請讓齊曾歎曰國家禍亂至此區區閩粵一隅不令長吏撫循其民猶仍故習是夫也必敗國吾不忍城社之及禍也拂衣歸監司留之不可歸而江東已失守徬徨號泣入剡源架屋林壑深處號曰囊雲庵盡去其髮為髮塚銘曰惟松有聲可以無哭惟蘊有露可以無淚惟鳥石依依可以無弔客因自髮號無髮居士草衣糲食隱居二十餘年性耐勞苦搜奇木為養和竹根為爐自削製手婆娑撫弄見者皆尚其風致同年生為海道招以書謝不往曰孤雲來去朝不知暮宿所故人咫尺舉目有山河之異母相溷為也同年必欲見之值其母喪往弔馬一叩首謝起避去終不交一言是時紳士之隱於禪者若法幢增林志漁山熊元關無可智方山皆往拂卓錫推鼓上堂稱法嗣齊曾既僧服雲寶石老人欲傳以法齊曾笑曰我僧也乎哉辛亥三月卒年六十九士人諡曰貞靖先生以誌其非禪也有詩文數卷而上李鄴嗣敘之

大興傅氏長恩閣鈔本

知識以與富貴者日接是安得謂之隱哉若貞靖先生者可師矣  
林必達字非闇窗波鄞縣人也宋吏部尚書寶之裔自莆田徙焉登崇禎癸未進士授行人給假歸甫抵浙而京師變聞慟哭幾絕宏光立仍故官命主貴州試道梗不行魯王監國副都督陳謙使於閩隆武以表詞倨殺陳謙而必達留天興開科以之分校士絕請託拒賂遺未幾閩士訴所取士不公上親試之黜紙謬者主司同考多得罪而獨賢必達擢監察御史督學閩南  
大兵入主帥以按察使招之必達夜浮海遁歸會母亡哀毀骨立奉其父居其弟必遠友愛子女婚嫁皆出其力丁亥以遺逸薦有司敦逼必達泣然曰吾宜死國久矣所以隱忍者以老父也敢以新命自汙哉與諸逸民徐霜皋李果堂錢蟄庵高隱學味柳堂輩為社會時或狂歌痛哭先是其妻卒於金陵富商有願予女者資數萬拒不受有同年生欲予金資之仕不應四方士饋遺者受而散諸宗親故終身窮空一子賢而早歿撫其孫立成有曾孫矣又相繼歿時其父尚在顧而哀之必達啟曰兒有弟弟孫即兒孫也何悲焉蓋以是慰其父也父年最高九十五而亡必達年七十餘矣天泣哀瘠如禮自遺老零落杜門不復出閭為詩既成輒焚棄故存者不百篇里中後化北驚萬京經官京師於其年九十徵諸名士詩章贈之進必達顧之歎曰吾絕人事久矣况名乎濱死

大興傅氏長恩閣鈔本



孤臣有知我者取以銘墓焉又三年而卒戊子九月也自銘  
莊曰萬<sub>麻</sub>遺民不作佛事其孫塔謝德寬為之狀云

余增遠字謙貞兵部尚書余煌弟也崇禎癸未進士知寶應  
縣劉澤清鎮淮安勒有司庭謁增遠不屈投劾歸監國特起  
禮部主事進郎中事敗避居村墅草屋三間躬親農圃有同  
年生為監司求見不獲一日屏駒從直詣其廬增遠僵卧不  
起曰多病不能為禮監司執手勞問甫出門則已荷鉏灌園  
矣隱居二十四年未嘗入城市年六十五卒

方以智字密之桐城人父孔昭湖廣巡撫以智舉崇禎庚辰  
進士授翰林院簡討少美姿爽聰穎絕倫書無所不讀為人  
風流自喜及語忠孝大節慷慨如初入翰林而孔昭為楊嗣

昌所誣下詔獄以智伏闕訟冤帝不聽乃刺血書疏候公卿  
入朝叩頭乞達跪長安門者二年帝聞而憐之孔昭得遣戍  
選為定王講讀官十七年春召見德政殿以智陳天下大計

帝屢稱善及都城陷被賊擄掠乘間脫歸阮大鍼與方氏父  
子不協至是用事使人奏以智降賊故殺之乃變姓名避之  
嶺南已而南都覆唐王立於福州召復故官不赴及永明王  
立知以智在德慶州起官中允進少詹事再進禮部尚書兼  
東閣大學士召入輔政不赴久之復召辭益力轉側蠻獠洞  
壑間艱苦備至尋薙髮為僧號無可

大兵陷桂林執見馬帥蛟麟以智跌坐曰十召不出不忠家  
有老親不能養不孝分當死馬帥令作書招陳邦傳以智厲

大興傅氏長恩閣鈔本

聲曰我豈招人降者帥知不可屈乃聽之去乙未奔父喪廬  
墓三年又十餘年而卒所撰通雅及浮山前後集凡數十卷  
劉永錫字欽爾魏縣舉人選長州儒教學諭署崇明縣事吏  
治精敏庭無留獄亂後不歸隱居相城有大吏強之仕袒楊  
疾視曰我中原男子年二十渡漳河登大徑躍馬鳴鞘兩河  
豪傑誰不知我奈何欲見辱耶取劍欲自剄門下士抱持之  
得解既而妻子相繼餓死永錫亦旋歿弟子徐昆陳三島等  
經紀其喪葬之虎邱

南疆逸史卷四十

大興傅氏長恩閣鈔本



南疆逸史卷四十一

烏程溫睿臨撰

列傳第三十七

隱遊

張鹿微

鄭龍采

費經虞

熊啟宇

胡正言

朱議濤

邱上儀

一壺先生

錢老人

楊正經

張鹿微字瑞星應天人都督可大子崇禎朝以世勳官錦衣衛儀正千戶煤山之變殲於西華門百官無至者鹿微獨縋

服哭臨守梓宮不去護喪天壽山微服南遊宏光即位復舊

官陞指揮使馬阮亂政鹿微於城南建松風閣將歸隱馬大

鉞欲殺周饒雷縉祚鹿微不可故獄久不決其後羅織復社

諸生將盡殺之縉騎四出先執陳貞慧吳應箕於獄鹿微與

鎮撫司馮可宗會鞠語可宗曰此皆志節之士有何罪而拷

問得不加刑左兵南下乃陰縱之挂冠入棲霞白雲觀為道

士更名怡自號白雲道者明亡終身素衣冠曰先帝雖未報

服何可除山居鈔書著述甚富時往來松風閣望故宮闕泣

然流涕年九十三而歿

鄭龍采字聖昭歸安人天啟辛酉舉於鄉於同年烏程丁永

鑑交最契流連詩酒日夕不捲永鑑好百里北冶遊而龍采

歸遂祝髮入卞山不復與聞世事詩有高密堂集

費經虞字仲若新繁人早孤事母孝常割臂療其疾好學敦

行川里重之崇禎己卯舉於鄉十七年正月授昆明知縣有

江西人選什邡典史攜幼婦偕行次沅州而典史卒經虞出

私財棺殮之婦無所歸願適經虞不可擇士人嫁之而去明

平土酋吾必奎賊其徒數百人皆當誅經虞察之皆良民繫

縛饑困氣息僅屬乃釋其縛居之廡下煮糜哺之寢以蓐草

夜具牒白其冤上官屢訊執如初乃罪十二人而釋其餘給

資遣還鄉里其人歡舞叩頭去沙定洲擾雲南遂黔國公羣

僚憚其威兇獨經虞與之抗禮又明年遷雲南同知是時蜀中大亂經虞鄉邑已殘毀而滇中復亂意忽不樂仕投牒乞歸巡撫吳兆元巡按羅國瓚不許具薦為廣西知府經虞力辭不聽又明年四月藉髮以示不返乃聽之甫出境而大盜孫可望入滇流寓雅州轉側入峽播遷沔漢之間兵戈饑饉瀕於危難者十年乃東遊家於揚州杜門著述揚之人罕見其面有毛詩廣義三十卷字學十卷雅論三十卷卒年七十三門人私諡曰孝貞子密隱居博學有父風

熊啟宇字六開南昌人由貢生崇禎十三年時用為臨安府推官累遷兵備副使仍蒞臨安孫可望入寇啟宇被執謾罵

大興傅氏長恩閣鈔本

大興傅氏長恩閣鈔本



不屈賊義而釋之賊所至屠戮橫尸數十萬啟宇為起大塚  
燭而瘞之歲饑民絕食發粟療之兩月獲全者無算士民為  
立祠後隱居不出不知所終

胡正言字曰從休[圖]人徙上元少穎悟博學能文精究六書  
其所募金石古文大小篆推重一時為國子監上舍生南京  
禮部檄令纂輯詔制全書校刊欽頒小學表忠記諸書以勞  
咨銓部當授翰林院職未赴而京師陷南都倉卒立君時尚  
寶諸璽悉淪於賊詔誥待璽以行署禮部事侍郎呂大器言  
於朝曰胡正言博雅工篆法可令督治立遣使召赴工部考  
古式督工范金為之首成廣運之寶繼乃購大玉開局彫鏤  
龍文螭紐鑄皇帝之寶寶成正言又撰大寶箴一疏藉寶以  
獻其略曰祖宗大寶傳歷永世自天啟中宦孽竊弄寶幾墜  
地先帝聖明繼統拳拳奉持十有七年憂勤不息不幸淪喪  
光啟陛下易曰聖人之大寶曰位可以守位曰仁惟陛下祈  
天永命以仁為寶克贊中興執仇雪恥繼服舊物則大寶永  
永與天無極詩曰天難諶斯命不易哉守寶之道在是而已  
疏上詔授武英殿中書舍人正言曰我豈以執博一官哉辭  
不受而後國事日亂正言絕不談世務及南都亡屏居一樓  
足不履地者三十年年九十一無疾而逝  
逸史曰當金陵之建士大夫奔走勢要如鶩雖自號東林老  
宿不難反顏攻正人以冀馬阮之憐而收之其後卒獻國以  
自媚正言誠官中書得日與樞輔接席豈非趨名位者一機

大興傅氏長恩閣鈔本

哉而冥冥然不顧[圖]屏居守正而以窮死其抱歲寒之節者  
幾夫貪名敗檢之夫叢集於上而貞堅直諫者泯沒以老此  
世之所以終否也

朱議霽字用霖[圖]藩支子裔也襲奉國中慰家南昌父統鎮  
崇禎丁丑進士議霽幼聰慧萬元吉與統鎮同年嘗過其家  
議霽時七歲與元吉奕指揮攻殺得勝乃已元吉大奇之統  
鎮知江夏縣縣固剽疏難治議霽少年已得佐其父財賦出  
納悉關其手老胥搥服毫髮不得侵欺已而父卒官推官某  
素與之隙以其在任時嘗修城隍耗金十萬謀取其藉欲從  
中有所劫治老胥匿其藉大索不得議霽與其友諸生張若  
仲日夜窮思所出入各條記合之十數萬金無少差疏冊報  
老胥及推官驚以為神父喪乃得歸然自是得嘔血疾議霽  
性豪邁見天下將亂愈輕財結客招致外方異人士之有技  
勇精擊刺者皆館之左良玉之內犯也議霽與九江毛珏任  
濟世謀與其容之壯武者將柯陳兵過之九江與當事議不  
合散去九江隨破及金聲桓入南昌議霽曰大亂至矣坐守  
田廬以待誅夷乎立挈妻子走建昌已乃依[圖]都魏禧結廬  
翠微峯變姓名為林確齋既苦貧種茶冠石親荷鋤灌植弟  
子皆負擔以從所製茶高妙遠近號曰林茶晚工詩善二王  
草法雖居山中求書者不絕也年六十一而卒同時有八大  
山人者亦南昌宗室也補縣諸生國變後棄家為浮屠奉新  
山中居數年精其法陞座稱宗師者二十年臨川令聞其名

大興傅氏長恩閣鈔本



延至署歲餘忽不自得陽狂走會城被葛布袍歌於市中忽大笑已而痛哭人莫測也久之留止其姪家人喜水墨畫花竹怪石蘆雁汀鳥儵然有出塵之姿草書亦怪偉人得之爭藏弄以為寶然遇貴顯者則閉拒不肯畫雖以數金易一石亦不可得持綾絹至直受之曰此增我穢材貧士山僧置酒招之飲二升輒醉後潑墨淋漓雖數十萬幅不厭已而閉口不復言人至則掌書啞字示之而喜飲愈甚人饋之酒持醵笑不休醉復欷歔泣下其他文字皆古雅幽澹然秘不示人

逸史曰明季宗室幾百萬所在暴橫恣為非法而在南昌者尤甚民間號之曰麀神及遭闖獻之難所暴屠戮亦幾盡矣

此亦盈虛之數天道好還之驗也而中尉獨能以禮自持既懼大故隱居自力易姓以避患宜非宗室之賢至山人之佯狂其行愈踈而其志愈可悲矣吾是以附諸列傳焉  
邱上儀字維正武進人由武科進士官海鹽遊擊雖在軍旅恂恂若文士雅歌高會酒酣問一賦詩居官甚廉或告之曰將者知信仁勇嚴不聞以廉取一介何傷笑弗答也經亂隱居躬耕紫雲山麓有盜劫行舟上儀發弓射之百步外中其目盜乃遁舟人造謝不見又嘗負薪三百助行山中汛兵欲奪之盡為所縛兵乞哀縱之去海圍祝洵文集隱君子十四人計其齒盈千齡曰千齡社上儀與馬席上詩或上儀擅場其高風可愧明季諸名士矣

大興傅氏長恩閣鈔本

一壺先生者不知其姓名亦不知何許人衣破衣戴角巾伴狂自放嘗往來登萊之間愛勞山山水輒居數載去久之復來其蹤迹皆不可得而知也好飲酒每行以酒一壺自隨故人稱之曰一壺先生知之者飲以酒即留宿其家間一讀書輒欷歔流涕而罷往往不能竟讀也與即墨黃生萊陽李生者善兩生知其非常人皆敬事之或就先生宿或延先生至其家然先生對此兩人每瞠目無語輒曰行酒來余為生痛飲兩生度其胸臆中有不平之思而外自放於酒嘗從客叩之不答一日李生乘馬山行望見桃花數十株盛開臨深溪一人獨坐樹下心度之曰其一壺先生乎比至果是也方提壺飲酒下馬與先生同飲醉而辭去先生蹤迹既無定或留久之乃去去不知所之已而又來歲壬戌去即墨久矣忽又來居一僧舍其素與往來者視之見容邈憔悴神氣惘恍問其所自來不答每夜半即放聲哭哭竟夜閱數日乃自縊錢老人不知其名字里居自言江浙間人以歲貢為永廨監軍道遇黃鶴山人於滇欲借之入山山人曰君用世之心太重世緣未忘何能修道後二十年有湖州進士嚴曾所者與君相遇乃君歸宿之所也及永廨亡錢問關至浙江衢州府寓居江山縣而嚴曾所於丁未成進士其鄉試舉主江山令也庚戌至縣謁其師錢梓與相見問曰君為嚴曾所乎嚴訝之老人具以山人之言告時己年八十矣其明年扁舟竟至長興嚴館於其家日膳雜一隻優遊十月而卒檢其囊有蠅

大興傅氏長恩閣鈔本



頭小楷書數冊首載晉王導傳以其中與佐命也又著論以秦檜為有功於南宋自言嘗上書翟稼軒勉以謝東山事業蓋明之遺老也而不肯自留其名悲夫來時有一蒼頭老人歿去為頭陀名白眉云

酉陽楊正經通音律善鼓琴代父為宣慰使崇禎二年調兵入援立功山海關宣樂諸城既復正經上鏡歌十曲帝嘉其聲調雄麗使定郊廟樂章嘗琴便殿為太古聲帝稱為過於師襄因官太常賜琴二甲申之變正經抱賜琴亡匿淮陰祝髮為僧布衲芒屨作西方風木二捺寄思君親吳越遺士聞而悲之先是上有御琴名翔鳳既亂流入民間濟南李生購之歸正經每歲先帝忌辰日輒從淮泗至李氏拂拭御琴設玉座拜奠如禮會南海屈大均至請正經鼓琴正經奉御琴不敢彈乃陳賜琴伏拜鼓一再行敘寫家國破亡之故變徵哀愴驚颺驟起林葉飛落聽者皆泣下大均為作御琴記留一月別去其後不知所終

南疆逸史卷四十一

大興傅氏長恩閣鈔本

南疆逸史卷四十二

烏程溫睿臨撰

列傳第三十八

逸士

李孔昭

李安世

萬泰

汪澗

邵泰清

嚴書開

張次仲

李天植

徐枋

張來鳳

張中發

謝遠

巢鳴盛

包捷

王介之

王夫之

張若義

徐復儀

李孔昭字光四蘇州人少負雋才有文名壬午舉於鄉見天下已亂不願試禮部友人強之則曰吾文入試必售策名吏部則王身也何以報國已就試果中式歎曰天下事不可為吾能掌擎日月乎古來仕未受祿猶謂之士可以潔身遂不廷對歸盡賣田宅遣僮僕挈妻子奉母入盤山結茅以居親鄰勸阻之不顧明年三月而國亡縉紳或死或降無得全者然後知其先機也布袍草履採樵日給痛念先帝築土為壇日哭臨其下服練經者三年歲時必祭焚紙錢焉春秋佳日或黃冠徧遊山寺獨吟賦詩人莫測也久之乃鏡傳有李進

大興傅氏長恩閣鈔本



士避地云妻早卒不復娶玉田江山秀其同年也往訪之翦  
蔬設食一童子進其食已江問郎君何在指童子曰此是也  
命之拜江愴然為出涕孔昭怡如此也有時風雪絕欣見母  
饑輒伏地痛哭母感動忘其貧山中人見者皆泣有孝廉某  
將赴公車既而曰我出郭門一步何面目復見李光四哉止  
不復去其感人如此當是時

大清定鼎勳輔秦晉齊魯次第入版圖

世祖隆禮明士大夫招致即授顯秩士之匿迹山澤者咸出  
孔昭同年生布列朝內皆欲引以自助而孔昭愈避匿巡撫  
宋權遣使致禮幣使者入山逢負薪者問曰李進士家何在  
以手指示之揭擔去及門不得入訪之鄰叟叟曰嘻若所見

南疆逸史卷四十一

山口負薪者即是也欲追之不及明日再往則室已虛矣  
按御史陳某疏薦於

朝有司物色之不知所往翰林學士梁清標以事至蘇門入  
盤山求一見孔昭先期遁留數日卒不出清標歎息寄詩於  
僧寺而去久之北海富人某賢而好士愿以重禮迎至家塾  
辭不可富人曰某非敢以課子潤先生也敬先生學行令弟  
子曰侍左右瞻動止聽議論以為矜式且先生苦形勞神而  
甘旨不給太夫人老矣某愿進私財以備朝夕之需可乎孔  
昭見其誠白母就之日與學者講濂洛之旨旁及禮樂兵刑  
術數之書嘗曰吾少讀書志在輔治天下不意出遭離亂習  
隱盤谷想給養母志荒學落諸君勉之學宜以時世為廢興

大興傅氏長恩閣鈔本

哉終不及科舉之業未幾母亡哀毀嘔血竟得疾以卒庚子  
正月七日也年四十八子稷亦好學能承其志  
逸史曰余敘次隱避諸君子而在西北者絕少已乃得真定  
梁相國所為李進士傳讀之而驚嗟乎此真隱者矣名可得  
而聞身不可得而見其梅子真蘇雲卿之流啞歎真定之言  
云爾余無以易之

李安世字泰若餘姚人父樂承天府推官以抗直守禮忤  
按御史自劾歸疏理學名儒安世外和內剛有遠識萬曆乙  
卯舉於鄉十上公車及崇禎癸未以泗州學正給由北上年  
六十矣鄰舟有少年生甚都雅問之則楚士赴禮部試者也  
少年曰應舉以求第也君十上而不收得無所業文誤之乎

南疆逸史卷四十一

試觀所習安世因出行卷視之笑曰若爾安得售舉而投之  
水安世老翁宿素以文知名至是為少年所呵瞿然自失下  
拜愿受教少年乃授文三十首曰業此售矣緣道疾讀未終  
卷及試果得第遍訪少年所在終不見問之楚人亦不知也  
於是人謂神授云既廷對當得官慨然語其弟建曰吾驗之  
大勢察之人情會見都邑慶鹿遊矣廟堂之上怡怡如燕雀  
之巢幕而不虞勢之將顛已矣吾與汝速歸猶免於難乃以  
歲除促駕出都歸而杜門不出明年三月京師陷南渡不謁  
選魯王監國以吏科給事中召不拜順治中有同年生來守  
郡數訪問之稱疾不見守一日屏騎從深入其廬堅卧不起  
守造榻前見敝帷布被蕭然若寒士歎曰君何自苦乃爾

大興傅氏長恩閣鈔本



聖朝方懸高爵網羅山林士君可強起乎不答曰吾力猶足  
瞻君亦不答臨去乃曰老疾不能斷客君其恕之守數息曰  
不圖今日見真高士終不報謝既老禮容不棄見子弟無情  
容風骨峻整嘗遊吳山疾趨躡其頂願見少年扶掖不能前  
為之笑晚製一舟攜書卷釣竿往來藍溪自號藍溪釣叟年  
九十卒弟盛世字生虞庚午舉人授青豐知縣有能名忽夢  
其父朝服至呼曰兒速歸驚悟次日解綬辭上司民固留之  
不可行未抵里流賊破其縣攝篆者闔門殲焉國變與安世  
偕隱

逸史曰余聞諸邑人閩未孩曰崇禎庚辰先賢忠公司理嘗  
語以三年國且亡未孩曰然則公何尚應舉也司理曰為人

尚書通志卷四十二

四

臣子自有職分不濟則以死繼之我敢避難乎今觀二李公  
名既成矣子然高蹈而司理湛身以殉難各行所志其於識  
時變明去就一也嗟然大節不欺其志豈以仕宦為利祿妻  
子計哉嗚呼明此義者可以仕可以隱矣

萬泰字履安其先定遠人國珍從明太祖起兵賜名斌北征  
戰沒贈明威將軍子孫世襲圖波衛指揮遂為圖波人七傳  
而為萬表泰曾祖也官南京中軍都督同知雖武臣而好讀  
書談道時推理學名臣至泰遂之以文顯舉崇禎丙子鄉試  
為浙東名士之冠當是時東南文士方以社會相標榜吳中  
為最甚而每慕浙人獨泰內剛潔外和易諸士樂就親之魯  
王監國授泰戶部主事泰不受職而任圖波勸分之餉以給

大興傅氏長恩閣鈔本

義師監國既入海遂辭公車不復應世事間一出游則與遺  
老高士聚於野店僧寮問閨戶而語侍者但聞其嗟歎聲友  
人高中丞黃晦未嘗以事繫獄泰聞之慨然曰吾不出獄不  
解也為至會城以奇計出之人莫測也其後扁舟游粵東返  
棹有同年生毛沂染疫將死同舟皆欲棄之泰獨收載親其  
藥裏泝得生而泰以病至九江疾革喟然曰此行得水坑石  
數片娘子香數瓣未及把玩遽爾緣絕此為恨事隨行者問  
之家事不答丁酉十月也年六十子八人皆才而好學季子  
斯同尤精於史康熙己未開局修明史竟山徐司寇延之入  
京以史事屬之未畢而卒與余善

尚書通志卷四十二

上

未聘婦也里富人欲女女以千金泯不許而錢太守以女字  
之既成禮泯從容謂之曰吾本寒儒得聯姻貴室所望知義  
理孝事姑嫜和妯娌足矣侈簪珥綺繡之飾毋庸也錢是於  
是去服飾屏侍婢以疏布親操作南都既亡奉其母入天台  
海上師起羣盜滿山復返錢塘僑寓北郭自是不復入城市  
嘗獨身提藥囊往來山谷宿食無定處母老思得泯一見泯  
聞來定省然泯自能來家人欲往迹之即不可得妻家欲強  
泯試禮部出千金視泯妻曰能歡夫子駕則卑汝對曰吾夫  
子不可勸吾亦不愛此金也當事或饋金為壽不得却則坎  
而埋之里貴人請墓銘饋百金拒弗許當是時湖上有三高  
士皆孝廉之不赴公車者而泯尤峻介監司盧某聞其名欲

大興傅氏長恩閣鈔本



見之一日值風於僧舍問汪孝廉何在風應曰適在此今已去矣監司愴然不知應者之即泐也已乃遣人遍殷勤於三高士者置酒湖舫以世外之禮相見其二人幅巾抗禮監司相得甚歡獨泐不至已知其在孤山故舟就之則排牆遁去其後出遊匡廬黃山白岳所至與異人高士交晚好道能數日不食飲有投黃白術者試之驗尋棄去教以驅役鬼神亦驗而棄之年四十有八病痰咳一日晨起視日曰可矣書五言詩十句投筆就寢而逝與四明黃宗義圖都魏禧交最厚宗義誌其墓曰泐遇好友飲酒一斗不亂氣象瀟灑塵事了不關懷然夜觀乾象畫習壬遁知其耿耿者猶未下也魏禧曰泐與余往來談甚多不能記於當世蓋熱中人也

尚書逸史卷四十一

逸史曰余觀壽民秦泐三人者此語似當在此卷中皆具

用世才既與世忤遂晦迹圖窮餓終身不肯稍變其節彼其於大者不試而姑小示其異而世即其小者以傳道而奇之究未知此三人也悲夫

邵泰清字以規仁和人性狷潔不苟言笑家居以孝友聞大母病嘗蠶天愿以身代病良已兄容粵東或言己亡泰清日夜號泣目為失明歲餘得兄書言無恙則大喜目明如初人以為孝友所感崇禎癸酉舉於鄉其座主武進王章也甲申三月章為御史巡城京師破章遇賊大罵賊攢樂刺之死泰清聞變慟哭累月己乃聞章死斷木書章神主設於寢朝夕焚香歲時陳脯果以祭酌酒而哭往往失聲如是者三十年

大興傅氏長恩閣鈔本

乙酉後屏迹不入城市布袍草履隱西湖之呼猿洞有同年生寄千金於其家人無知者其人死泰清走數百里訪其子而還之年七十八歲所著有忠孝見聞錄甲子紀言若干卷逸史曰泰清非悲其師悲其身之不得如章之殉國也而一時之醜顏負國者獨何人哉

嚴書開字三求湖州歸安人也父爾珪廣東參政書開幼警敏八歲能屬文參政攜之宦游所至交其名士弱冠舉崇禎癸酉鄉試座師汪文烈偉也後十年而國變偉殉節書開聞之慟哭將往經紀其家會丁母憂居喪愈哀毀服除乃走三千里抵昌平哭觀莊烈帝陵盡哀日翌判牲祭文列於陵旁又哭守陵校尉王鴻羽歎曰咫尺京師都明之貴人達官無

尚書逸史卷四十一

一停驂者子何人乃哀若是義士義士州人聚觀者亦歎息泣下既歸杜門不復應公車與里遺老三四人為問道社研濂洛之旨旁及兵刑財穀屯田水利諸經濟學可裨世用者慨然欲著書傳後然若多病不果溧陽陳名夏合肥龔鼎孳皆書開同年友入仕

本朝方貴顯知書開材遺書勸之出將薦之書開堅拒焉性孝友參政嘗卧病百藥弗效沈思曰其殆中身盡乎即裹糧踰五嶺求靈草符徑山澤無所得號泣於道恍惚人有告以九華山者返至九華遇異人授以方父疾果愈撫庶弟如子歲凶出家財三千金為縣輸通賦做范莊義田贍族人之貧者至今不廢或亥間海上師起邑中大姓為羣不逞所持輒

大興傅氏長恩閣鈔本



証其通海甚者詳夷窺塞外書開家故饒裕生是大因縣令因強之就試宗人或怖之曰子不出禍且及宗書開數曰繪繼通野鴻鵠安翔且奉先人遺體可令之祀也耶乃赴甲辰會試未畢事即移疾歸學士葉方謫得其五策奇之曰此真通知古今老宿也時甫變取士制廢經義用策論主司欲以冠多士及次場文不至歎息累日然猶刻其文為程式頒之天下書開晚愈自悔結廬皋亭山人衲子相攜徘徊澗壑往往經歲不歸自號逸山卒年六十有逸山文集十二卷最愛韓昌黎文手評數十部故其古文道健有法然弗輕為人作也

逸史曰古之高士有司式其虛今之高士問巷小民得刳制之以對其節而欲望士知忠義敦禮讓其可得乎逸山與余叔履庵諸外兄弟也嘗避地余里故得而備論之

張次仲字元岵海鹽人八歲割股以療母疾及為諸生撫按欲旌之次仲曰童幼無知可以之沽名耶父與亭父訟逮治御史次仲偕父坐獄於庭父不勝將杖次仲甫請代御史曰何與汝邪流涕對曰父子之情明府自伸法某自盡子道耳御史義之為罷訟舉天啟辛酉鄉薦居鄉耿介不以一積干有司同學以御史行部次仲問曰子何道以稱職同學曰當今事何能為且因循去耳次仲怫然曰天下事敗於因循久矣非所望於子也嘗因郡中崇雨語士大夫曰二月以來無日不雲無日不雷而雨終不至諸君知其故乎天憐斯民

大興傅氏長恩閣鈔本

且雨天疾紳士又不雨徘徊兩岐詩所謂天之方蹶也聞者咋舌國變閉門書不復出與同邑朱朝瑛俱以經學為學者所宗朝瑛字美之崇禎庚辰進士嘗知荏德縣遭亂棄官不仕受業於閩黃忠烈石齋忠烈達於易作易歷以推古今世運之治亂無不昭今世莫能究其旨獨朝瑛投之既窮老與次仲貫穿諸經各張其說亦時相攻難朝瑛所著有五經略記彙庵襟述次仲有易經玩辭困學記待軒文集皆傳於世里人陳之遊仕

本朝既執政薦之命有司具駕次仲不行有却聘書世以方謝材得之書焉卒年八十八夫不沾沾隱遊為高而纂輯經學名在儒林斯人也隱而顯矣

李天植字潛夫登崇禎癸酉賢書國變後隱居海鹽之乍浦龍湫山秃頂披緇衣二十七年不見人家酷貧無子又病疝氣日仰臥讀書常累日絕炊爨如也無僮婢獨老妻在室顏然相對辛亥元月江西魏禧至浙聞其名因其里人周雲球訪之時年已八十二矣且贖於粉版作教使客亦書所言相酬答且曰身避海濱無從知識天下賢豪君來此得交幾何人禧具疏所友姓氏及自道出處潛夫視之而泣出所著作示之視其几秃筆敗墨空無有也禧乃檢篋中得筆二管墨一笏贈之且以白金五星進曰以其十日糧拒不受五反禧曰是非盜跖樹也乃受之不能飯客雲球攜酒饋往同飯酒泣而別曰吾終古不復見子矣禧語雲球欲聯數同志欲扶

大興傅氏長恩閣鈔本



月供月致米五斗銀五星俟其考終則人出一金礦之雲球  
往致禧意潛夫不可堅謝之及明年三月而卒所著有屋園  
山游諸集魏禧曰嗟乎潛夫身為孝廉四十年使肯拔其才  
干當世何必不富貴即志求取豈無故舊仕宦足給其欲亦  
何至貧困乃以老且死而不悔也禧之欲為扶月供也以語  
徐昭法材材曰李先生不食他食君力所不及聽其餓死可  
耳後聞其堅謝也曰吾淺之為大夫也

徐材字昭法長洲少詹事沂之子也少負才名善書畫崇禎  
壬午舉於鄉乙酉江南不守沂將死材日號泣於側曰大人  
義不可不殉國兒何忍視父死沂曰汝未仕可無從死殮吾  
骨入山可也既葬乃攜家隱靈巖山布衣草笠終身不入城

市然其名愈高督撫藩臬之莅蘇者往往愿與之交遣使持  
書幣往聘拒不納其後睢州湯斌撫蘇愈欽其節屏騎從從  
一吏徒步入山候之三往卒不見布席拜門而去斌固名儒  
其撫蘇也以德化民治行為數十年所未有而材不肯一屈  
節由是人愈高材之行而歎撫軍之能禮賢也時絕糧則遣  
僕持畫幅易粟於鄉農農知其畫貴重輒得善賈貴胄世家  
或以金往購則叱去不與督學副使劉果按吳謂教諭姚文  
焱曰邑有高士可聽其閉門餓死邪解囊金餉之及叩門一  
婢出應從門隙中窺見輿從踉蹌奔入不復出文焱候至暮  
乃歸蘇人為作閉門行樂府以紀其事

逸史曰余聞昭法居窮山有盜嘗入其室材曰吁汝猶未諒

大興傅氏長恩閣鈔本

我邪盜曰君幣聘嘗至門圍無餘積材曰余不受也燭灼之  
至爛體類鄰僧有善樂得不死先是江西有新建徐世溥者  
字巨源父良彥工部侍郎世溥名家子好學能詩文名傾一  
時吳楚諸名士若艾南英劉宗伯等皆相結納及國變避居  
山中巡按御史將薦起之遣郡推官持禮幣迎焉世溥却之  
譚去盜踵至曰金幣安在世溥辭無有盜怒炙之至死嗚呼  
人患無名而世溥以名殺其身昭法亦幾殆甚矣名之為累  
也必若古之蘇雲卿之屬者斯為真隱也

張平鳳字公儀真定晉人崇禎中舉於鄉甲申京師陷畿  
南降附偽詔舉人詣京投職而來鳳與祁州刁包皆不應真  
定偽知府某劾來鳳抗詔自成曰是有大志者遣使以防禦

使徵用防禦使者偽職位知府上偽知府懼借使奉詔至縣  
來鳳不出及門又不出偽使數語家人勸之及堂來鳳被髮  
徒跣出罵曰汝賊也何為入吾室我大明孝廉恨不寸磔狗  
賊報皇帝仇豈為爾屈批二人頰仆地辱偽詔碎裂之大呼  
殺賊二人驚悸捧頭竄自成大怒檻車徵之會賊敗己乃未  
幾又以不韋髮幾被收母流涕謂曰汝一諸生不審大勢將  
禍我耶不得已聽許遂陽狂謝人事易名起鴻與門生趙琰  
屏居田野趙琰者安肅人有奇志事繼母至孝既學於鳳甫  
五日請歸來鳳曰嘻何遽耶琰有老母不敢久違曰然則姑  
留五日送子歸耳五日以其母與妻忽至則來鳳遣迎之也  
琰泣且拜來鳳乃割田宅養之與之砥礪經世之學來鳳既

大興傅氏長恩閣鈔本



博學高邁而瑛亦慷慨自負不屑屑應舉於試兩人相得甚歡其後瑛病來鳳往視進見所居有白氣起如虹驚曰趙生死矣此其徵也疾驅至門而瑛果死家人告曰死時口吐白氣衝屋上來鳳哭而撫之曰嗟乎趙生已矣吾復誰與言乎遂鬱鬱至病而死刁包字蒙吉己卯舉人

逸史曰賊入京時亦以爵祿餌士士之為所污者何限而來鳳獨奮罵拳擊使者壯哉烈矣使賊未敗身必屠戮豈有悔哉此其節過於漢之龔勝也使明之臣子皆抱是節賊何至入京悲夫

張中發字自志杭州人與汪溥同舉於鄉邈都雅疎眉脩髯幼時父課之學每早命題構文成則許盥而食以為常終歲率得文三百五六十首國變移居山野不復出以醫活人有司脅之就試不得已至彭義門而返西湖三高士皆孝廉之避世者中發其一也督學使者欲見之不可向其出要於路輒避去乃復設醮湖上以詩請禮無一至者妻死弗娶嘗閉戶默坐以壽終

謝遜字彙先宜興舉人國變杜門不出種菜一畦陳檢討維崧寄之詩曰半畝牛宮繞菜田鉏畦汲水獨悠然芒鞋一網千金值不踏城中二十年

巢鳴盛字端明嘉興人丙子舉人國亡隱居絕迹城市時都蔬四起家為所掠愈窮空於繞屋種飽大小凡十餘種長如雞頸纖若蜂腰杯杓之外室中所需器血莫非飽者遠近爭

大興傅氏長恩閣鈔本

做之今攜李乾樽盛行使始於孝廉也時孝廉避世者猶間賓客獨鳴盛一不與世接故其名尤高

包捷字鶯幾吳江人壬午舉於鄉孫兆奎之起兵而死也捷往哭之及吳易遇害陳尸不收捷聞往棺殮焉為位而祭避地穹隆山灌園自給往來者惟徐材諸高人詩悲涼慷慨有西山集

王介之字 弟夫之字而農衡陽人也崇禎己卯壬午兩入聯舉於鄉國變適迹深山皆不難髮壬寅後有以介之遠制告者總督羅某召訊勸之難髮不應背公堂而坐羅不得已令左右持之剪其髮放還有老卒遇之大慟介之歸鬱鬱死而夫之得免年八十餘方卒癸酉歲也吳逆僭號命偽巡撫李子受訪明遺老以書幣聘夫之出授以職不可強之再三終以老辭詩文艱澀不可解二子力耕能孝廉故得完節云

張若義字吳東華亭人崇禎癸未進士甲申後潛身家廢破屋數椽躬自灌園秀水朱彝尊嘗訪之郊西荷鉏戴笠相揖於紫瓜白苧之間與處士吳騏善暇輒相酬倡其同年進士上虞徐復儀字漢官兩都既覆哭泣失志所居下管山中日夕買買環山行幾忘寢食也竟投崖落深谷死聞者哀之

南疆逸史卷四十二

大興傅氏長恩閣鈔本



列傳第三十九

逸士

孫奇逢

黃宗羲

李顥

王宏撰

張岱

談遷

施博

劉洵

陳恭尹

孫奇逢字啟泰號鍾元保定容城人年十七舉於鄉萬曆庚子也與定興鹿忠節公善繼友兩家相去十里寒暑過從討論經術研究濂洛諸子宗旨不為詞章訓詁之學居父母喪與弟盧巖六年巡按御史旌其閭天啟中左光斗魏大中周順昌以劾逆奄被逮皆奇逢友也時善繼方贊閣部孫承宗軍於榆關奇逢遣弟奇彥上書孫公曰左魏諸君邦之損也橫被奇禍舉朝扼腕而曾無救援者昔盧柟莽男子耳謝榛以布衣行哭於燕市曰諸君今不為盧生地乃從千載載下哀湘而弔賈乎李夢陽在獄何大復致書楊文襄求一援手康海至不自愛其名今左魏之品可方夢陽非盧柟所敢望奇逢一介書生無由負斧鑕訖闕下尚慙謝榛閣下名位比肩文襄豈至出康海下乎孫公得書心動即疏請入朝面陳軍事將為申救忠賢聞謂與晉陽之甲大懼夜繞御床而泣

馳詔止之時誣諸君皆有贓酷刑以追不能應奇逢與鹿太公及其友張果中倡率醜金助畿士皆愿輸得數千金挾入京而諸人相繼拷死乃經紀其喪殯當是時奄黨邏校士衛巷皆滿士大夫觸手糜爛親故隕戶而奇逢慷慨廉顧禍亦卒弗之及孫公高其義識其才欲奏為職方郎中與共事奇逢顧時不可為自陳愿老公車烈皇帝立廷臣交薦辭不就崇禎九年容城被圍率宗人鄉戶助城守城賴以完優詔褒嘉南京兵部尚書范景文聘贊畫軍務亦辭不赴流寇日熾將逼畿輔奇逢攜家避地易州五公山斬茅雙峯宗姻門生依以保者數百家練兵勇節軍實申期約輯奸究暇則講詩習禮修喪昏冠祭儀節四方搶攘獨山中弦歌俎豆不廢賊聞相戒莫敢犯者時以方田子春無終山焉國變後聞蘇門山泉石幽勝復移家築山堂靜坐玩易象教子孫勤穡給食門人負笈來者隨所指孜孜授命其學以慎獨為宗於人倫日用間體認天理嘗言後生非復躬行惟勝口說徒增藩籬於道無補夫喜怒哀樂中節視聽言動合禮子臣弟友盡分此終身行之不盡者故其學與年進老而愈密人無長少貴賤咸接以誠道行於州里鄉黨耕夫牧豎皆知敬愛每春酒熟百花成故村鄰爭遣車驢迎至其家兒童歡喜曰我先生來也年九十二卒士大夫致弔者屬路列祀百泉書院容城夏峯皆立專祠子孫遵其教或有禮法孫淦壬戌進士中書舍人善鼓琴能承家業學晚年亦高尚不出門人最著者

大興傅氏長恩閣鈔本

大興傅氏長恩閣鈔本



睢州揚斌海內稱徵君或稱夏峯先生

逸史曰逸哉徵君也世亂不汙世清不激屢徵不起山居講學追蹤河汾王氏焉徵君雖逸乎其所漸被者遠矣

黃宗義字太冲餘姚人忠端公尊素長子也尊素以劾魏忠賢死詔獄烈皇帝立忠伏賢誅宗義時年十九入京草疏頌

冤得賜祭葬贈官錄後再疏請誅曹欽臣李實二人受忠賢指論尊素而為大理考問者許顯純也及廷鞫宗義袖長錐

與對簿顯純訐考定皇后外甥律有議親宗義曰顯純與忠賢謀篡宜顯戮高煦宸濠親王尚不免何況外戚以錐錐顯

純血流被體卒誅顯純流其妻子又與同難諸子華殺獄卒顏紫葉文仲李實辨原疏不自己出忠賢取空本填寫耳故

墨在硃上屬所親行賄三千金宗義首陳所賄大聲曰墨在硃上賄成也復用錐錐實當是時宗義志氣憤發不惜一死

報仇觀者皆裂皆變容賴天子仁聖憐忠臣遺孤成其志由是孝義之名震天下四方皆願交焉南都阮大鍼用事將起

黨獄宗義幾得禍魯王監國授兵部職方司主事遷御史累陞左副都御史及師潰奉其母夫人姚避居萬山中絕口饑

復事曰有老母在敢以俠名累吾母耶宗義少好學自謂以魯得年二十二讀二十一史日限丹鉛一本後逢難流離舟

車菲店之內手不去編寒夜鈔書必連雞唱暑則穴惟通光以避蚊蚋受忠端命執贛劉戡山然竟崇禎世詩文盟會交

遊聲氣去其半至是避地山居乃大啟戡山書深研默究以

大興傅氏長恩閣鈔本

為其學集有宋以後諸儒之大成作劉子行狀要其指歸之精微由是言劉氏學者皆宗之又工文詞泛濫諸子百家及名賢古文詩歌無不鏡然欲與之並四方碑版志傳記序求文者自遠方來旁及天官星厯勾股壬遁無不兼精東南文士翕然附從皆稱黃門弟子丁未舉證人書院講會於郡城戊申移席園波甬上遂有講經會先後主海園紹興講席所造就士湛深經術其最著者陳紫芝陳錫嘏鄭梁范光陽等皆登甲第顯仕於

朝及布衣萬斯大斯同昌明師學廷臣慕其名皆願其出己未以博學鴻詞徵甲申以特舉遺獻薦皆以老病辭有司承詔取所撰述闡明史者繕寫以進宣付史館是時宗義年幾

八十矣自為生壙於先公墓旁設石床一石几一諭以死之次日昇至石床藉綉履食不用棺槨不作佛事諸鼓吹巫覡

銘旌帛紙錢紙幡概不用以生平所著書積置石几上又恐子孫不從作黎州末命一篇歲乙亥七月卒年八十六百家

遵末命葬安化山門人鄭梁誌墓銘塞壙門立石覆土焉其講明儒學有孟子師說明儒學案吾悔集喪服制在仕也有

行朝錄汰存錄思舊錄海外慟哭記舟山記閩西臺慟哭記注其山居有四明山志台巖記遊巨廬行脚錄今水經其星

厯有春秋日食厯按時厯故大統厯假如回回厯假如西洋新法假如律呂新義氣運算法納甲結音其選輯有明文彙

文海明夷待訪錄宋史補遺姚江文略姚江逸詩姚江瑣事

大興傅氏長恩閣鈔本



黃氏家譜冬青引其文集有南雷文定蜀山集南雷詩厯皆有成書不下百種友人私諡文孝先生先是忠瑞被難封翁太僕鯤溟公在堂宗義事祖盡孝撫四弟於幼孤咸成立仲宗炎晦木季宗會澤望並有才名庚寅晦木以告變拘將罹大辟宗義行冰雪中十指皆血求救於馮君道濟明得珠百顆獻大帥得釋其氣行如此叔葆素子木正亦志節士隱居注易終身冠髮不改一門羣從自承家學他姓罕比焉

塾屋李顯字仲孚好學篤行關西學者宗師之康熙乙未以博學宏詞徵不赴後

駕西巡入關

諭督撫徵召見以篤疾辭

朝廷嘉其志弗強也

御書匾額上疏陳謝文詞極野侍臣見者竊笑之竟以自全年八十餘終於家子孫守其誠力耕自給無應舉者學者稱二曲先生時關中與顯並徵者有華陰王宏撰字山史父兵部侍郎死難宏撰隱居華山讀書自勵聞博學宏詞之徵挈家避之江南八年始歸始宏撰與李因篤天生同學趣好甚密及因篤就徵遂與之絕關西為之謠曰天旱山高生沈史標卒年七十五

山陰張岱字宗子左諭德元忤曾孫也長於史學丙戌後屏居卧龍山之仙室短簷頽壁終日兀坐輯有明一代紀傳既

大興傅氏長恩閣鈔本

成名曰石匱藏書豐潤谷應泰督學浙江聞其名禮聘之不往以五百金購其書慨然曰是固當公之谷君知文獻者得其人矣岱衣冠輯讀猶見前輩風範年八十八卒同時海國談遷亦好史學明於古今治亂以明末有史尤注意明之典章文物以為革除泰陵之事紀載失實而神熹兩朝東華者皆從奄之舍人思陵十七年事變多故國亡亦滅於是輯十五朝之實錄披崇禎邸報補闕遺正紕繆以編年體自成一書名曰國權夜有盜入其室盡發藏稿以去蓋士人欲竊其書憑藉為己有也遷慨然曰吾手尚在國遂已乎從嘉善錢相國士升家借書復成之陽城張太宰慎言膠州高相國宏圖皆以遷為奇士折節下之在南都欲薦入史館不果亡

何二公相繼野死遷棄諸生走昌平哭思陵將西哭慎言於陽城未至而卒丙申歲也谷應泰既購張岱紀傳復得遷國推因集文士輯明史紀事本末蓋兩家體裁較他稗史獨完具而岱遷於君臣朋友之間天性篤至其著書也微實覆載不矜奇門文以作者自居故儒林尚之

嘉興施博字約庵研精理學以知明處當為慎獨切要功夫與餘姚黃宗義善有往復論學書而慕孫徵君奇逢之為人嘗曰劉武山吾師乎然未嘗執贄其門也乙酉後常寓宿東塔寺終身儒冠博袖晚乃講學放鶴洲引接後進有舉成宏名臣諸奏疏請正者博即下拜曰朴老衰愚無志當世君能為世道留意追蹤前賢甚善幸厚自愛蓋其故國之思耿耿



不忘也悲夫

山陰劉灼字伯經都御史宗周子也宗周歷仕京師灼每隨侍其學多得之庭訓能承其志節宗周絕粒灼伏庭下悲泣及喪哀毀二十年坐臥戴山小樓不復出父故時門生屬吏有官紹興者餽遺俱不受縉紳士請與講會亦不往癸卯卒令四子毋應科舉同門私諡貞孝先生  
順德陳恭尹字元孝父邦彥既以起兵死義恭尹走增城父友湛粹破千金匿之更名鞠事匱乃復名焉博學能文章痛父志終身不出而名甚高粵東有大家皆以文名而恭尹父子忠孝為不之愧云

南疆逸史卷四十三

大興傅氏長恩閣鈔本

南疆逸史卷四十四

烏程溫睿臨撰

列傳第四十

逸士

沈壽民

劉城

張拱乾

楊湛露

魏禧

李標

王翊

張白牛

陳貞慧

呂章成

陶復

陳洪綬

鄭鉉

朱之瑛

朱兆殷

葉振名

韓位

嚴璋

沈壽民字眉生號耕巖宣城人也當莊烈帝時中原盜賊充斥而疆事日亟廷臣多樹黨營私爭門戶相水火無一人肯為上分憂者上愈厭薄之思羅山澤之士不次擢用丙子乃詔復保舉之制而應天巡撫張國維以壽民應詔壽民通知古今大略嘗感慨時事及公車徵至而楊嗣昌方奪情起視事中樞壽民慨然曰事有大於此者乎乃具疏劾之通政司張紹先不敢奏壽民遺之書曰無使並獲罪執事紹先不得已請上裁嗣昌亦惶恐待罪疏入留中不報黃道周歎曰此何等事在朝者不言而草野言之吾輩愧死矣於是臺省何

大興傅氏長恩閣鈔本



指錢增林蘭友及翰林劉同升趙士春相繼劾嗣昌最後而  
道周亦以此報罷自是不復應舉與宜興周德讀書茅山阮  
天下亦以此報罷自是不復應舉與宜興周德讀書茅山阮  
大鍼在南京為任俠以新聲高會招徠文士思以起用壽民  
惡之其劾嗣昌也並及大鍼於是顧景吳應真推壽民意出  
南都防亂揭合諸名士以攻之大鍼大懼閉門謝客然恨甚  
未有以發也及甲申南都建大鍼復得志乃先論殺周德欲  
次第按揭中姓氏誅之以壽民為首壽民變姓名入金華山  
中會國亡事解遂不及採藜藿充食有知而餉之者謝不及  
受曰士不窮無以見義不奇窮無以明操守守尉守朱元錫遺  
以金受而度置壁中二年不發視溧陽陳名夏與壽民交名

夏仕

本朝入內閣將特疏為壽民使人寓書壽民壽民對使焚之  
答書曰冀勝謝材得智非不若皋羽所南卒以頂厥軀者緣  
多此物色耳凡今之欲徵僕薦僕者直欲死僕者也名夏乃  
止乙未始返故廬田園已半為人侵占或請直之官曰身既  
隱矣焉用直為當事聞其名候之不見或伺之半道壽民望  
見冠蓋輒遁去乙卯五月厲疾門人吳肅公侍壽民命之書  
曰以此心還天地以此身還父母以此學還孔孟語畢而卒  
年六十九所著有閒道錄壽民性雖孤峭然其少時慷慨重  
然諾薦篤友誼自言才疎意廣甲申以前貸金至六百皆急  
朋友之急也

大興傅氏長恩閣鈔本

劉城字伯宗貴池人少負偉才與吳應箕齊名史可法開府  
安慶深重慶器之每大事諮訪焉崇禎丙子詔大夫保舉天  
下才智傑出之士與科甲並用江西布政使張秉文以城應  
詔既至銓司議以知州用城輒移疾歸其友人曰今國勢搶  
攘主上旁求俊乂搜及山澤藉以拯難子抱匡世材乃將試  
而復藏乎數曰進士勢積重久矣我非甲科一旦出而與之  
爭衡徒自困耳即任事且有出而掣吾肘者何以副主上  
之知哉若夫言利以刺民齟齬用事大臣以得當人主博一  
官我又恥而不為也蓋指給事中陳啟新云歸而名愈高及  
江南建國廷議分江北地為四鎮駐黃得功高傑劉良佐劉  
澤清等軍城間之慮然曰禍始此矣亟上書可法曰四鎮多  
桀驁不臣或起降盜非懷忠義朝廷亦非素以恩德撫循也  
主弱必叛敵強則降主敵皆弱則專制自為互相吞併干戈  
起於肘腋敵未至而先自敗矣公之出也名雖督師實不容  
於朝且既無老成宿將挾以俱行何以彈壓四鎮而收其用  
根本不固而恃四人者防江是使狼守門虎來未必能拒而  
主人先不得動足後必悔之其後四鎮果跋扈不可制可法  
慨然謂幕客應廷吉曰國事決裂至此揆厥所由當戮四人  
以為大臣誤國者之戒昔之廷議封四鎮者高啟齊也贊成  
之者姜燕及馬瑤草也依違其間無所救正者余也惟劉伯  
宗嘗予我書預言之吾愧伯宗多矣城見馬阮擅政知必敗  
杜門不出及江南亡吳應箕以起兵死難愈憤恨不自聊傍

大興傅氏長恩閣鈔本



隄山澤未幾竟卒

逸史曰當時保舉亦多得士惜未盡登廊廟也或試之州縣沈於下僚故卓然可觀者鮮若劉生者用世才也而迄無所試以悲死夫

張拱乾字九臨吳江人少沈潛好學為諸生有名太倉張溥張采松江陳子龍夏允彝方結應社幾社以招致四方能文士而吳江獨推重吳翀計名沈應瑞張起及拱乾為之冠南都建國阮大鍼報風怨疏參復社指為黨人拱乾與沈壽民張名烈皆緹騎逮問會國亡事得解雜髮令下拱乾與其父君美不奉制為鎮將吳某所捕繫時同繫者四十餘人以次受戮次及拱乾父子吳帥忽沈思曰吾稔此人三吳才士也

杖而釋之拱乾乃剪髮為冠日誦道德經杜門不出溧陽陳名夏在政府雅知拱乾言於

朝以中書舍人召不就作荀或田疇二論以見志部使者聞其名請見皆不報戊戌己亥間海烽不靖江浙富室多為人告密填半戶流塞外者不可勝數故家鉅族莫自保其命拱乾喟然流涕愈屏絕交遊生卧一小樓頗曰獨倚親戚見其匱乏饋之米則受進以金幣不顧也為文初學昌黎晚喜止齋同甫之文曰吾才小苦拘檢非此不足以拓心也年七十

四而卒無子鄉人私謚貞毅先生  
楊湛露字燕侯宜興人兒時嬉戲拾炭畫張桓侯像絕肖人奇之及長遂通五經書史百家與星厯陰陽卜筮之書靡不

大興傅氏長恩閣鈔本

研究弱冠餼於庠有盛名遂為教授大師弟子著籍者數千百人周延儒之再相也重其名欲延致賓館辭不赴所親勸之曰公勢欲傾天下吹氣為雲噓氣為雨子誠班東閣公卿皆日接席此功名之會也何辭之遽笑不答及延儒敗諸客親密者皆得罪人始服其高識年四十以明經當貢禮部會甲申國變遂棄去不顧南京不守散遣生徒歸掃除一空終日危坐意有所觸則走荒蹊曠野中撫膺長號家人掖之然後得還蘇撫檄郡縣講學曰得賢而有文者以主講席縣皆推重湛露守令遣博士自家迎之湛露矐矐曰諸君何學之講耶言已涕泗橫流博士咋舌還不敢復強揚閣部廷麟官翰林時嘗謁其師盧司馬過宜興讀湛露文奇之命駕到門

不肯見及閣部贛州死難則為位而哭之曰吾重知己也晚喜導引五禽之術然家益貧往往日宴未炊處之怡然縣官賜民年八十以上粟帛吏送至門辭不受年九十而終

魏禧字冰叔贛之臨都人與其兄禧弟禮並能文章而禧尤知名世稱三魏云為諸生試輒冠其普及甲申之變禧聞號慟從博士後日哭臨縣廷居則憤惋叱咤謀從曾給事應遴起兵誅賊不果已而謝諸生服隱居教授方流賊之熾也禧都獨遠冠禧謂其兄弟曰不可恃也倘猝至如老親何距都四十里金精山有翠微峯四面削起百餘丈中徑折自山根至頂若匠劈然緣圻鑿磴道梯而上出其上穴如甕口禧往相度笑曰是可避世因結廬其上移家居焉於甕口置閘

大興傅氏長恩閣鈔本



為守望士友稍稍依之而南昌彭士望而確林齋樂平王剛  
福清林全春廣濟舒益與禧姊婿邱維屏偕至閒居講易讀  
史學者所謂易堂諸子是也其後數年土寇大起圖都諸豪  
家悉被略而翠微獨完禧有才智善學畫理勢家肆居力為  
古文辭凌厲雄健不屑屑撫擬前人好左氏春秋及蘇洵文  
遇忠孝節烈事則益感慨激昂摹寫淋漓其議論偉如也年  
四十乃出游涉江踰淮抵吳越間有隱逸士不憚千里造訪  
於吳門交徐材金俊民西陵交汪胤泮乍浦交李天植常熟  
交顧祖禹毘陵交惲日初楊瑀方外交藥地橋木皆遺民也  
禧名既高會

中朝舉博學宏詞科有以禧薦者辭不就郡守縣令督促既  
道不得已昇至南昌固稱病篤撫軍某親往候之禧絮被蒙  
頭卧數息而去又二年卒於儀真舟次年五十七有文集二  
十二卷詩集八卷左傳經世若干卷時以博學鴻詞徵者凡  
百餘人獨禧與盤屋人李翹不豐翹字中孚以道學著聞中  
或曰此易堂諸子以逸民也往往感慨重然諾立義聲公卿  
間子何獨取於禧嗚呼此乃所以為逸民也夫虞仲太王子  
受封有爵土柳下惠為士師而孔子皆以逸民稱之況禧之  
高節也與禧兄祥字伯子負經濟大略戊午楚亂大帥聘往  
賊營說賊將降為所殺人尤惜之要之有易堂之學而後可  
逸也已

大興傅氏長恩閣鈔本

部史可法辟為記室見事不可為乃辭歸與庶吉士魏學連  
子一友善學連公車北上標往送之謂標曰余夢斜塘見茫  
茫一片土無復雜物桑麻行後得毋有變乎標戲曰君且富  
貴宜目中無人耳甲申學連死京師表還經斜塘標撫棺慟  
哭曰子一果妖夢是踐耶執紼者無不流涕及史公殉節揚  
州渡江會葬其衣冠於梅花嶺歸而繞屋皆種梅賦詩三十  
首自比謝參軍翺之於文信國云

王相字介人嘉興布衣好學工詩旁精詞曲啟禎之間大雅  
不作毅然以起衰自任而知者寥寥惟平湖陸職方嗣端心  
賞之嘗造訪焉值湖滌硯河濱僕人問相所在答曰我是也  
躍登舟隨以行家人不知也遍遊苕雪踰年乃反陳子龍司  
理紹興相往投謁子龍方置酒送客延入座賦詩前路夕陽  
外行人春草中之句子龍大稱譽為序其詩詞遺亂所居不  
戒於火惟餘小屋三間一拱婦孺一吟詠其中而介愈甚有  
故人官府察者造之不見尋卒於京口無子人咸惜之  
張白牛失其名字存壬錢塘諸生少不慧七歲時自家塾出  
遇一道人揖之道人曰童子知禮命拾瓦礫置掌中俄成七  
級浮屠金色炫目大驚吐舌道人即以手曳其舌長數寸其  
母怪之使婢問道人道曰能使復故否道人曰舌長心剛能讀  
書何傷母素好施因留道人食贈布二匹銀半兩道人食畢  
納銀布袖中索大紙覆几而出以小函授張曰他年汝父歸  
以授之遂去僕微解去紙則飯羹銀布宛然在也張自是聰

大興傅氏長恩閣鈔本



敏日記數千言長愈好學為文奇古十五冠童子試後試輒高等名傾一時及父御史謝事歸病將死啟向所留函則藥方也服之而愈鼎革後棄諸生服避居留下賣卜自給足迹不入城破屋二間敗几缺足穴壁倚之以讀書邀蒼古亂聲如洪鐘日吟詩經史之外釋道三藏皆誦冬衣一徹芒屨服砒霜問之則聊以禦寒親友饋遺悉不受李霖臣嘗見之舌能果敢及額也後不知所終

陳貞慧字廷生宜興人都御史于廷子也性孝謹無疾言遽色而才氣豐溢于廷甚愛之周廷儒在朝與于廷不相能及為相欲脩怨於遺孤而聞貞慧才知不可辱則為好語慰藉之貞慧不屈也徵士沈壽民及禮部主事周鍾讀書茅山共

持清議裁量公卿貞慧與諸名士責池吳應箕邑山張自烈歸德侯方域宣城梅朗三蕪湖沈崐銅餘姚黃宗義如皋冒辟疆翕然應之阮大鍼在南京蓄妓樂以新聲高會收召黨與利天下有事而行其裨闡壽民疏劾楊嗣昌亦及之陳貞慧乃與諸士謀推壽民意出南都防亂揭合攻其舉金陵廣業社也酒酣接席引繩批根以為笑樂大鍼恨甚及馬阮用事間周鍾降賊還先收鍾鍾入詔獄乃作蝗蝻錄羅織復社諸士以壽民貞慧為首欲大起黨錮緹騎四出諸士多亡命而貞慧被縛下鎮撫會國亡得解貞慧自是日夕悲哀埋身土室不入城市竟十餘年五十三而卒黃宗義銘其葬曰嗚呼是為宏光黨人之墓後人過之尚避其風雨其推隆如

大興傅氏長恩閣鈔本

此  
餘姚呂章成字裁之大學士本曾孫也博學古文國變歎曰吾先世受恩三朝學不可廢今學成知無所用何名其藏書之室曰蓼園曰余集於蓼難誰謂茶苦者冬服毡中夏或散髮每讀書臨文至三月十九之事未嘗不閣筆輟卷流涕太息也改輯周興嗣千字文紀有明一代詞核而義嚴士大夫多傳抄之

會稽陶復字克幾九歲在塾聞烈皇帝殉社稷即閉戶哭泣不能止母兄怪問之對曰普天之下莫非王土復雖幼君父同也若何不哭痛及長力學絕意進取授徒自給竟五十年大布之衣卒友人私諡貞安

陳宏綬字章侯諸暨人工於畫宗禎閱與北平崔青刳齊名疏南陳北崔土木形骸垢面敝衣不事脩飾惟喜精筆佳墨日作大書一紙楷書一紙閱漢書二頁既已即揮去取酒放飲醉輒罵當路諸公顧獨敬畏劉蕺山間其語音即卻步自欲蕺山亦喜與之語謂曰章侯聊復飲乎及蕺山沒懸其遺像朝夕禮焉自題其像之曰浪得虛名山鬼竊笑國亡不死不忠不孝晚歲遇田雄於坐使酒大罵雄錯愕不敢犯也著僧服稱老蓮天下因呼陳老蓮云  
鄭鉉字玄子錢塘諸生崇禎中四方文社甚盛而抗有讀書社以文章氣節相期張岐然注浩虞宗攻馮恂及鉉皆與焉當時稱岐然力學宗政孝友宗深沈而鉉卓犖嘗與吳應箕

大興傅氏長恩閣鈔本



黃宗義沈壽民等會於西湖日夜棹湖舫論古今各持意見不下則聲沸水然各相引重國變社士皆散岷然更名濟義浩名濟月逃之僧鉉謂其子淵曰梅漢福變姓吳門末謝期不返河社皆有子而棄不復顧我欲為梅謝之事汝毋蹤我為遂去不知所之久之淵聞父在上栢山中尋之莫遇餘姚韓貞武文俠士也嘗入海往來上栢宗義疑其知鉉所在私問之亦未見或曰鉉糾烏合死義也淵字元澄痛其父縱酒而卒

朱之嶼字楚嶼餘姚人嘗為黃斌卿記室斌卿死浮海之日本已師長琦王留客以書達東京大將軍許發罪囚三千之嶼以不發兵而用罪人身入東京而陳方略聞海師潰乃留

南疆逸史卷四十四

東京自國王以下咸師奉之為建學設四科闡良知之教日本於是始有學國人稱為朱夫子諸王以其遠客納侍女十二人竟不一御縣人張如皋自長琦島還傳其事其孫浮海往省白迎致之意歎曰此雖異域猶得守衣冠者卒不肯歸在日本四十年終而葬焉

逸史曰昔管竄避地遼東後世獨傳述之况潔身入海外者歟夫侏儒卉服之人而能使人主尊崇學術飭傳館致隆禮焉必其材智有過人者而肯舍所崇奉之地以返於故棄窮困之鄉乎然其志亦可悲矣

山陰朱兆殷字夏夫少與張司馬煌言友善負材略明季武備廢弛兩人共謁紹興知府于穎勸穎招募材勇東南當有

大興傅氏長恩閣鈔本

反側者未幾東陽許都果起連破數縣郡以有備得不動由是知名及司馬從魯王北設戮力兵間襄其事後潰入海送至沙埕而還甲辰司馬被害葬南屏山北殷每春秋搗雞酒哭奠年八十餘而終其同縣葉振名字介始亦司馬友也家貧奉母至孝丙戌後妻死不娶居壞室書心喪謝客於外扉實無喪也友至藉鄰火煮栢葉代茗飲餽啖友不廢酒友不飲則自盡之壁柱所標大約以死為樂擇死之最著者首述雷行道上穆穆如無人司馬死振名登越王臺陳酒銷為文六千五百餘言哭而祭天下聞其風而義之死時六十八無子友人王某殯之云

南疆逸史卷四十四

宛平韓位字參夫嘗從高攀龍講學著道統錄甲申之難潛自宣武門出至南京明年南京不守留其二子清涼山麓遂浮海去長子更名田字耕良次子更名留字石耕留痛其父四十不娶從寄食所攜止一琴然所善南昌王子一金陵龔柴文闡中王築夫亦未聞留嘗鼓琴也辛丑秋送屈大均於秀水為鼓一再行悽然別去其冬病卒兄田乞貸殮焉常熟嚴璋字伯王大學士訥孫也始為岐陽王賓客後入何騰蛟瞿式耜幕府翟何沒攜家隱種人洞嘗一省母還里後竟入洞不知所終嗚呼若二君者真可謂避世也已

南疆逸史卷四十四

大興傅氏長恩閣鈔本



南疆逸史卷四十五

烏程溫睿臨撰

列傳第四十一

義士

嗚呼學校王政之本也學校盛而人材出天下可長治矣有明學校比隆漢宋其養士也抑又過之故名卿碩士往往出其中然其季也植黨營私以敗國亡家者亦皆學校者出也豈盛於前而衰於後乎非也世道否小人進君子伏故南都之亡仗節死義者縉紳中不多見而閭巷之士乃捐軀而不顧嗚呼身為儒生無官守之責君臣之分未定也而慷慨以殉彼獨何心哉不負我學而已矣有國家者可不重士乎作

義士傳

盧涇材等

高孝纘

王士琇

史可法之開府揚州也首設禮賢館以招士其後同可法死者十九人其可紀者長洲盧涇材字渭生崑山歸詔字爾德嘉定張涵字凝之桐城胡如姓如瑾山陽何臨皆禮賢館士也涇材於可法出鎮時率太學諸生上疏言宋出李綱於外二帝終至北轅可法不宜出人以有陳東之風及大兵圍城堅守鈔關投河死詔守南門死涵微餉還城將陷入北門被殺如姓以下皆戰死

高孝纘王士琇皆江都諸生也城破孝纘衣藍衫書其上曰

大興傅氏長恩閣鈔本

首陽之志睢陽之氣不二其心古今一致從容至學宮自縊於先師座前士琇閉門設莊烈帝神主於堂與其弟同死

吳可箕

潘履素

黃金璽

大兵入南都新安吳可箕字豹生才讀書太學約同學生上書豫王申繼絕之義無有應者乃感憤流涕置酒別親知繼於雞鳴山題詩布袍曰寒遇逃君臣臨危欲保身操心死國難不作兩朝人江右詩人潘履素時在城先一日自刎有武舉黃金璽者字士彰江甯人性豪任俠

大兵至將集士人守禦鄰里尼之金璽拍膺大哭焚書告天地臨絕大署於壁曰大明武舉黃某一死以愧為人臣懷二

心者嗚呼我不知其時錢謙益趙之龍亦曾見之否也

韓默

饒餘

張東純

趙景麟

徐爾毅

鄧雲程

吳古懷

韓默字又適臨汾人父賈於揚因家焉默補博士弟子員甚有名又善書史可法知其才延至軍門欲官之辭不可城破語其妻蕭氏曰吾受知史閣部不可不死義若等自為計易巾服投井死妻謂子彥超曰汝長子當隨父左右彥超曰諾亦投井蕭結纒於梁命長女先縊視其絕挽幼子乳之既已投老嫗辛氏頓首曰韓氏惟此一塊肉如不存韓氏之鬼錢

大興傅氏長恩閣鈔本



矣善存之汝義也我夫婦死不恨老姬號泣負兒去蕭氏乃  
縊姬抱兒畫伏積尸下祝曰韓氏有後汝勿啼兒果勿啼夜  
至江灘馬家莊傭工拾麥以穗啖兒得不死越一年居人浚  
井出點尸面如生家人伏尸哭左鼻忽出血人咸異之棺殮  
焉

諸生饒餘字吉人生平孝友家貧親死葬盡禮每讀書至夜  
分則哭哭已復讀聞京師破憤不欲生至是竟自縊他若汪  
應坤子餘王廷佩廷璉呂蒙齊金璣邵伯張映發劉應遠皆  
諸生之抗節死者然僅留姓名而已

張東純字不二舍山人為諸生甚有名常曰士所自立者  
忠孝耳才華其末也乙酉江南亡慟哭不食友人遺書勸之

南疆逸史卷四十五

三

秉純報曰髮膚受之父母不全歸則不孝中服太祖制也不  
遵守則不忠忠孝既虧何顏視息人世哉且吾非為名也名  
如畫地作餅不可啖也如以為無益則古來國破君亡忠臣  
義士往往碎首捐軀豈必有濟於事哉延至五十四日乃瞑  
踰月妻劉氏亦以哭其夫死

趙景麟字天生鄞縣人也為人誠懇貧不忘取子恆閉戶讀  
書人罕見之丙戌六月江東不守景麟謂其家人曰吾平生  
無不了事惟貸某友金使以吾貧不責償也然吾負之獨不  
愧於心乎茫茫泉路抱此愧心事不可乃質田持金還友人  
友人曰子貧且無庸却不受景麟曰子視吾豈負人者即不  
負而空受子惠終身不報我何以瞑遂別襤衫方巾往文廟

大興傅氏長恩閣鈔本

慟哭懷恩試草不自沈於江江深湍急救者莫及越日浮尸  
氣已絕而目尚瞬鄉人聚觀不知姓名也友人非者頗訝其  
語持金往訪之道江灘見其尸大號曰此吾友趙天生也因  
述還金事途人皆泣急往報其家昇之歸或曰吁我昨日見  
冠服而哭文廟者是也是以義而死國矣撫之而瞑

逸史曰許瑛王毓耆皆以諸生殉國瑛贈蔭賜祠毓耆以名  
高人爭談其事而趙生無聞焉則以生長窮巷無交遊之助  
也然其死義則一也

徐爾毅字似之吏部尚書石麒兄子也石麒無子撫馬嗣幼  
端凝喜談忠孝尚書之殉義也家人倉卒藏積中城既屠人  
迹斷絕越二十五日爾毅疏哭入城求父尸顏色猶未敗昇

南疆逸史卷四十五

四

至楊林村舍殮之甫畢兵大至求潰散爾毅守棺不去兵士  
露刃睨之爾毅抗聲曰我父在此我豈爾避父為忠臣我為  
孝子我何畏死耶主兵者曰犯忠孝不祥相率去陸武聞石  
麒死節遣使授爾毅太僕少卿及吳勝兆獄詞連爾毅與嘉  
善錢梅松江夏完淳同被逮死於金陵爾毅之在獄也以書  
與其繼室孫氏訣孫氏得書微笑侍婢曰即得歸耶孫氏曰  
非也徐郎去時我已辨一死冀其歸故忍須臾今既來訣則  
含笑入地耳夜分家人咸寢啟戶抱所生三歲兒赴水死尸  
植立水中子猶在懷也梅妻徐氏亦自沈完淳梅壻也具夏  
允葬傳

逸史曰嗚呼徐氏忠孝節烈萃於一門豈不偉哉嘉興古秀

大興傅氏長恩閣鈔本



州田土饒沃江山明麗重以三百年之德澤嗚呼豈一日之積哉徐氏為不負此土矣

鄧雲程字扶風黃岡諸生性懇直膽力過人當明之季流賊披猖而廷臣交爭門戶慎枝貪黷將帥異懦果縮郡縣長吏望賊奔竄雲程時撫膺流涕曰至此乎聞朝貴穢行則榜之通衢曰今禍敗至是非若曹行事所致耶或尼之曰君必賈禍雲程曰彼方尋恩仇於儕輩奚暇及我且我榜非金珠也彼必不獲取由是以狂名及賊將逼黃川遊騎至外郭守令懼甚召與計事雲程曰賊蔓延天下十餘年矣公等平日備禦云何今乃欲張空拳扞強寇誰復應者惟不肖此軀在愿為國家馳驅不敢愛死惟公命守令壯其語然四顧無兵也

南編卷之四十一

五

雲程慨然脫儒衣冠被甲戴兜鍪持鐵鎗重四十鎊獨身繞城出規賊馳城四遊三晝夜賊謀者見之語賊曰城中有勇士持大鐵鎗前來矚我得無設伏以誘賊昨去雲程既不得一當賊而當時亦無真知其才引之軍旅間者愈憤悶悲叱及聞京師陷烈皇帝凶信比望號踊嘔血數升遂棄家狂走荒郊慟哭竟死於洛南之橫谿

逸史曰懷宗求賢若渴而材勇若雲程者欲身一試卒不可得既挺身出扞賊賊聞名且遁有司猶未之薦刺也嗚呼豈不足膺蔽賢之罪哉然雲程閭巷一儒生非有民社之責而睠懷君國侷僚以死使其得位則節烈必不在諸君子之後矣乃至今無道其姓氏者余故亟表之

大興傅氏長恩閣鈔本

吳古懷字弗如高涇人年二十二始折節讀書師事同里邢孟貞農興手一編至子夜弗輟父母禁之乃居僧舍下惟嘿誦主僧窺之笑曰居士盜書讀耶居數年學大成補邑庠生見天下將亂曰士不可不知兵乃習孫吳兵法著將論兵論數篇既而曰此陳言也施之今謬矣且夫不食習地形而謀兵者兵家所忌也目不覩山川險要而稱引屯戍習陳圖一且用之能無敗乃公事哉乃以百金市一驪屏僕從僕被出游日馳三百里遍歷三關及甘肅固原置夏延綏宣大薊遼諸鎮躋巖阜踰高障歷視阨塞遇老校與邊卒輒買酒與席地坐飲詢其險阻要領及寇所常出沒之處道邊屯虛實軍伍整弛凡六年然後歸歎曰地形盡在吾目矣願用險何如

南編卷之四十一

六

耳著邊險圖說萬餘言曰使我得咎兵萬里持此可報天子矣當是時社會盛興古懷於與燕湖沈士柱貴池吳應箕宣城沈壽民梅朗三等皆稱莫逆交南都防亂揭古懷與馬阮大賊恨之刺骨南渡大賊得志將以鈎黨置獄盡殺諸名士壽民士柱等遠竄古懷迎士柱妻子屬家人善撫之而脫身入粵會江南不守歸遂棄儒服托迹甚與自號三湖散人時時走山顛水濱慟哭獨語人問瞳目不答及聞粵亡歎曰吾尚可食人世粟耶抽刀自刺血淋漓洒地諸子持之傳以藥而甦防守數月卒自縊時壬寅五月二十八日也子越彥字季舒有雋才守父志亦終身不應舉

逸史曰吳生豈不誠奇士哉當是時擁節越樹塵轟擅軍旅

大興傅氏長恩閣鈔本



之任者率慙怯無能口不談戰陳問以輿圖關塞茫如也故以戰則衄以守則潰馴致寇賊縱橫中原陸沈而吳生以儒生馳驅九邊口手指口畫使當時士大夫盡能若是豈有生而敗亡者哉然吳生卒不得一試其技此國家之不幸非獨為一士慨也迨夫滄桑既變而睽懷故國勿身以殉則又與夷齊爭烈矣

顧所受

王贊明

蘇州之破諸生顧所受死焉所受字性之長洲人幼穎異為邑令江盈科所賞十一歲補博士弟子員從管志道講學善交遊有盛名然性嚴重以禮義自守學者憚之稱為東湖先生先是甲申長洲諸生許琰聞變號數日語其二子曰汝事叔父如事我無缺孝敬又語其妻曰謹訓二子毋隳先業乃走福清觀題詩自縊道士見而解之遂還家胡日復自投胥江值潞王舟過援出問曰若有冤乎對曰否也國亡誰當殉國潞王驚問其姓名為之出涕贈以金不受乃送至家絕粒五日而死所愛聞者哭曰吾乃不能與君同死愧君多矣為之作傳及南京不守郡縣望風瓦解有議城守者眾輒毀其室所受方與其子講學慨然曰人心至此乎此皆不學故也不學則義理不明恃棄君父而不恤已矣我以一死存大義耳賦詩曰身是明朝老布衣眼看世界不勝悲從容死向宮墻地免死忠使魂棄濁渠遂往學宮自縊為學役所覺赴泮池死吳人謂之學校雙忠琰字玉重南都贈五經博士

大興傅氏長恩閣鈔本

邳州太學生王贊明字台輔奇士也莊烈帝復用奄人台輔章萬言書入京欲上而都城陷痛哭南還江南立國御史王變東平伯劉澤清高會睢園樂作台輔斬髮直入慷慨語曰海內板蕩此公等當膽斷指食不下咽時也而樂憂乎左右欲鞭之變曰狂生也命引去宏光亡台輔泣然流涕曰我誰氏之民也而可使食有他粟起視其廩曰此吾之所樹也畢此而死未晚丁亥某日粟盡集其鄰里鄉黨深衣幅巾大呼烈皇北向再拜自縊於象山之樹聚觀者無不痛哭是時有僧過之持麻鞭指台輔曰此尋常事也烏用是炫於人乎後數日渡河來者言石屋寺一僧縊死有麻鞭在側

祝淵

王毓者

潘集

周卜年

傅日炯

朱璋

倪文徵

謝泰際

劉宗周以講學倡東南弟子從之者數百人而與之殉義者首得祝淵王毓者祝淵字開美海人少有志操敦行義癸酉舉於鄉自以年少裹糧登山願僧舍讀書三年學大進十五年冬會試入都會都御史劉宗周方削籍溯抗疏曰憲臣懇直性成忠孝天授受祿以來疏食不繼清剛之節天下信之今四方多難百吏貪墨欲振風紀孰過宗周宗周以狂意而斥繼之者必洪浚宗周以褊執而斥繼之者必便捷洪浚便捷之夫何所不為將何以肅吏治拯民生哉伏乞收還成

大興傅氏長恩閣鈔本



命帝得疏不憚命禮部察議然淵未嘗識宗周也既得命往謁宗周曰子之為是舉也無所為而為之乎抑猶動於名心也淵爽然自失曰先生名滿天下恆恥不得列門下遂執贄為弟子明年隨宗周歸學山陰已而部議有詔逮治令詰主使者淵曰男兒死耳肯受人指使哉諸進士具疏救得出獄未幾都城陷南歸詣南京刑部請竟前事尚書諭止之馬士英亂政上書請誅奸輔通政屏不奏給事中陳子龍薦淵及貢生涂仲言為臺諫不聽仲言漳浦人前疏奏黃道周繫獄者也淵激烈慷慨自治刻勵太常寺少卿吳麟徵死難淵親為含殮扶其喪以歸有過則入室閉戶長跪竟日不起至流涕自搥其明年杭州失守淵方葬母趣工人畢事還家設祭將緇或曰子草莽臣可無死淵曰吾以上書為世指名名之所在則趨之害至則避之此市販智也吾不忍為逆死年三十五時宗周已絕粒二十日矣

王毓者字玄趾會稽諸生受業宗周之門然尚節氣於然諾時時放達博簋擊鞠與優人促膝操琴等鳴鳴而謳載山之門人或側目謂非其徒疑者不顧也天啟者中鄉人有黨奄者勢甚微毓者怒跳身而逐諸途其人語人曰某得罪於朝廷不得罪於非門非戶之秀才聞者笑之黃道周奉命祀宋六陵至會稽聞其名欲一見遇於鑑湖毓者方棹小舟與優童度曲亂葦間利舟而去終不與見道周為之悵然乙酉夏大兵入杭州官吏迎降毓者作致命篇揭通衢上言宗周曰

大興傅氏長恩閣鈔本

愿先生早自我毋為王炎午所弔其友趙廣生遇之疑者問曰子意若何廣生曰無有也不有淵明處士例乎毓者曰噫何言之易吾與若皆聲色中人久難自持不如速死之為得也乃招其素所與知者令伶人攜樂器至呈藝競灌酒酣而罷即持炬出門正衣冠自投柳橋下死時六月十二日也宗周臨終歎曰吾二十年講學僅得一王玄趾

潘某字子翔會稽人王毓者死為文祭之與友人痛飲約同死書於几上曰水清月白吾骨不黑袖石自沈渡東橋下其友負約集毋哭而誓之

周卜年字定夫山陰人聞變賦五歌見志挾所著詩文一卷詣友人不遇投海死父述之有遺文壓石底父哭曰兒死矣得從王潘諸君子後我何恨顧尸不可得父子情深傷如之何詰朝復往怒濤裏尸而上冠履不失葬南村

傅日炯諸暨諸生與其叔傅平公同師劉宗周國亡兩人相謂曰吾輩義當死然俱有老母在白於母許死乃死耳平公毋不許日炯母許之遂赴涓池死平公養其母終身

朱璋字鴻儒山陰人避亂梅里尖丙戌六月浙東兵潰眾皆窟伏璋痛哭不已書几曰此日而生歸全之謂何潛往深塘沈死年二十四時同邑范史字直亦負石投淵死

倪文徵字舜年山陰人為蒙師自給兼通醫術國亡市酒餉飲里中少年求辦一事眾諾之偕至叢墓命握坎自埋眾駭欲散文徵恚曰此何事可誤我乎眾止之曰死義也然某某

大興傅氏長恩閣鈔本



大官俱不死汝小醫何自苦文徵曰人各行有志幸成我一人曰然則可使土侵膚乎與之二缸以一埋坎中文徵跌坐其內以一覆而封之已聞內有扣聲衆發之笑曰一時有激固知其欲出也文徵曰不然我入時倉卒未審方位耳轉坐其內復命覆之密封其隙眾環坐竊聽微聞其聲踰三時始寂

謝奉臻字時稔定海人四川按察史渭之子也謝氏為定海豪宗奉臻與其兄泰階尤穎出少好學銳甚足不踰戶閭者數年間人贊翹以繁塞兩耳其勤如此為諸生不屑屑場屋之文知天下將亂則揣摩兵法時挾弓矢與村官健兒馳逐原野角勝負嘗著書一卷曰持此以遇聖主伊呂事業不難

致也然秘不示人乙酉之亂諸潰師航海者所遇驟突泰臻獨結其豪宗族賴以得完江東既亡入先師廟慟哭解巾服其於庭時泰臻退耕於海濱之柴樓與流寓徐乎遠等相與慷慨悲歌放浪詩酒而臻泰獨憤鬱遇人睨視不語忽忽如狂一日留書几上曰兒曹無容覓我以從我志遂去不知所之家人迹之則入天童山剪髮為頭陀跌坐灌莽中從此蹤迹不定或雪夜赤脚走數十里偃卧冰上或囊其所著書挂於項登高崖絕巘讀之讀已則嗚嗚哭采鳥吟生嘆之如是者四五年庚寅八月初六日蹈海而死年四十九泰階以前死數月矣

大興傅氏長恩閣鈔本

知千載下果有其人歟夫國初亡而死猶曰嚴潔也海宇承平人皆從化而抱其志不少挫豈非堅強磊落人哉謝君行事絕類宋皇甫東生東生者四明人性豪蕩宋亡乘小舟挂布帆載琴樽書籍釣具往來江湖至元丙子發憤痛哭蹈海而死惜乎謝君所著書不傳是亦屈子之離騷也

嚴于斌

劉孔和

嚴于斌字公定號定菴杭州人崇禎己卯副榜貢生廷試授知縣見天下亂不謁選歸以詩酒自娛歲祲出粟以拯鄉里大兵至杭州從總兵張嘉運起兵餘杭山中事敗被執推官某憐而舍之佯狂為頭陀作詩悲吟吟畢焚稿悲家忌及歲時祀先未嘗至家如是者五十年一夕忽至謂家人曰我且死死當以明巾服殮瘞疾數日而卒年七十九

劉孔和字節之長山人大學士鴻訓子性豪邁賊陷京師破產結客起兵長白山中有眾三千人擒斬偽令拘于軍繼聞大兵破賊乃率眾南下駐兵河北以屬劉澤清澤清武人不和書既開藩強作韻語示坐客孔和慷慨言曰國家舉淮東千里付足下未聞北發面一天而沾沾言詩即工何益國事矧未必工即澤清大恚推案起坐客皆震懼孔和不為動拂衣徐出澤清立遣壯士二十輩追及舟中拉殺之南都聞其兵至遣使投副總兵官則孔和已死三日矣

項嘉謨字向彤秀水人性為儻不羈能詩喜遊嘗渡河出塞縱觀名勝尋入閩登武夷曹學佺方輯十二代詩選見其詩

大興傅氏長恩閣鈔本



愛之亟錄入焉。西閨六月城破，未平生所著詩賦於懷，投天星河死。子翼，妾張從之，嘉謨性豪侈，中歲產落，然食必市肉，士林以純袴目之，不知其義烈能如此也。

沈士柱

沈士柱字崑，銅蕪湖諸生也。父御史某，善知人，嘗收豫章名士黎元寬、羅萬藻、吳甘來、甘來以忠顯。士柱童子時性聰敏，讀書十行俱下，師事南昌萬茂先，為詩古文詞，諸老師宿儒不能過也。與人交，恂恂若不見所能，酒後議論風發，聽者忘倦。懷宗時，大臣交薦，不就。徵宏光立，阮大猷大興黨人，獄士柱與周德為魁，德被殺而士柱走，良玉軍獲免。南京陷，破家結客，座上言兵者日嘗數十人。未以西通，李定國牽連被執，尋脫歸。丁酉，復被執，囚於南京者三年，作故宮詞以見志。己亥，鄭成功將寇攻金陵，慮士柱通海上，乃殺之。獄妻方氏不食死。妾汪氏、鮑氏俱自縊死。士柱獄中所著有土音集。

魏耕

魏耕字雪實，慈谿人。國變，棄諸生服，交豪俠士以起義，敗亡命江湖間。妻子滿獄，弗顧久之，會解僑寓吳興別鮮山，一名別鮮。晉沈頴聘避地處也，所居有渡曰息賢，遂以名其堂。與歸安錢縉曾為詩歌，一時吳越士人翕然宗之。又與張近道、朱士雅交善，近道好黃老，管商之術，見詩人輒嗤罵。士雅與耕論詩，張亦罵然。三人相得甚歡，耕間上書鄭成功，請乘南風入京口。己亥夏六月，成功果以戰艦千艘入江南，既而

大興傅氏長恩閣鈔本

師清頃之，耕復上書張煌言，備陳金陵虛實，請以舟師再舉。有孔孟文者，從成功至，主耕給其資用，孟文以縉曾饒富有，所求弗贖，於是以前所言上煌言書，告耕及縉曾，被執俱死於獄。妻子田宅沒官，其友祁班孫亦生戍，潘陽耕所著有息賢堂集，縉曾字允武，亦諸生，其詩清婉，綿麗悲涼，頗挫有晞髮之風。

楊太沖

新建諸生楊太沖字不盈，在庠無所知名，家貧賃屋以居。甲申，閩變，方侯母疾，夜私泣，泣至不可忍，母聞泣聲曰：必醫言我不可起也。問婦，婦謝曰：否。問太沖，太沖輒哽咽不能應。己南都立，帝少解，顏曰：有君矣。母亦良，愈始為言國變，母曰：幾令我疑死。乙酉，南都陷，其母已死，聞之即發狂，出門行，卜數十處，或謬曰：訛也。則喜曰：殆有之。則哭呼奈何。比歸，出袖中卦紙，言凶問，實者悉就燭燒之。越數日，葬母江外，金聲桓入湖，兵疑卜如初。金已泊吳鎮，鄰舍半走，空或曰：蓋自卜之易。太沖設筮，得明夷之謙，發書數曰：垂其翼矣。君子安所行乎？與其妻皆不食三日。金師入城，遂並縊於母之靈座前。左右相向而死，鼠銜祭果陳於前，卜者冀元初過之，驚曰：此楊不盈也。始卜國變，我數言告，今負子負子矣。為出資棺殮之，瘞於德勝門外。

大興傅氏長恩閣鈔本



殲焉則太冲猶良死也志義何嘗無益悲夫

龐延會

馮協颺

龐延會字天錫南海人曾祖高曲靖知府以理學著聲延會雅有經世志流寇蜂起遂棄章句周遊吳楚間久之返語人曰吾輩未知死所惟當見義弗避耳丙戌冬

大兵入廣州民皆雜髮延會正衣冠坐騎執之以致諸師帥以刃試之騎礪刃於項曰予我金延會曰汝金不可得吾義不可失請就死幼子時倬在側年甫十四請代父死騎義之將解其縛延會曰子代死孝也吾求死義也不可失吾義騎遂殺之時倬痛哭解衣覆父投井而死先是

尚書通考卷四十五

十一

曰聞敵兵將至吾父性剛必不降順吾當殉之恐不能久受師業耳師聞而異之既而果然事定家人得雙屨於井上引以出顏色如生

逸史曰時倬先幾智也代父仁也殉死勇也一舉而三善備焉勿殤可也

馮協颺字悅慶南海諸生廣西陷拜辭其父以死父曰當死公卿大夫受恩深矣猶有所待書生今何為者曰彼等烏知大義哭而入疾驅妻女入井而自懸於樹其母救之未殊且曰

大兵入室勤其父金帛不得殺之協颺慟哭曰吾縱不死於君固不死於父乎卒縊而死同里監生周書問之亦縊書字

大興傅氏長恩閣鈔本

州甫副史高登之孫而舉人夢鯉之子也

楊履圖

楊履圖字來一一作民漳海人貴州按察使楊聯芳之子十歲補書生不治博士業時走馬擊劍度曲徵歌自謂風流人豪甲申之變鄉有御史某者以事闕聞履圖率諸生懸幡抱鼓攻之其屋遂燬丙戌秋闈闈不戒與友洪思相持慟哭無何魯王至島由熊汝霖薦授兵科郎中辭不受上言官非臣志也臣今當以白屋明大義於天下而無所貪事成則殿下之功桑梓之福陰召募山十剋期應之萊陽宗琳者隆武間舉人也見履圖而流涕動言先王履圖壯之時嘗言於琳約舉事琳固細人謬為納結要金五百不遂夜袖書白於漳帥楊佐履圖被執謀問之不為屈呼曰我不愿為兩朝人耳佐曰若欲反耶對曰吾父老不能殺賊吾當任之非反也然則宋琳同若謀賊曰氣臣賊子安足與謀視琳在側若無賴也遂見殺年二十四其父抱其頭而哭之曰吾八十有四老臣且暮入地幸見是子為死吾不恨聞者皆為出涕所著有萊子集庸史

饒宇柎

溫奇哲

周必顯

其間又有流離兵刃之中而獨全孝義抗死不違更可尚也饒宇柎進賢諸生戊子七月奉其父兵部主事元珙避兵於鶴德宰元珙被執將加刃宇柎從道所急出請以身代父子

大興傅氏長恩閣鈔本



子並死溫奇梧州人乙酉賊攻城奉母及妹走高城中途相失奇梧至高城而母妹已他徙奇梧奔尋號泣求止之曰滿城皆賊何處可尋奇梧曰我得見母死無恨卒遇賊見殺其同邑周必顯字宗人乙酉十二月賊攻城父母年老不能行必顯曰仲弟無嗣季弟有子而釋宜去我有二子當護持父母有頃賊至索金燭其背其母泣殺受刃必顯執刀泣曰苟全我親我命奚恤賊勿聽碎腦決膽以死同邑諸生陳嘉容遇賊賊持刀向其母嘉容給以金母得脫賊怒殺之

薛大觀

嗚呼粵中之亡倉皇走絕塞從亡諸臣外文武吏皆俯首迎附其間能抗節不辱者少矣况未食其祿者總况其能率妻子從容以就義者歟夫南詔之墟漢唐所不賓今乃節義卓卓者如是高皇帝詩書道德之化洋溢蠻貊矣即一人豈為少歟次其傳如左

薛大觀字爾望昆明人為人尚義節重然諾取予不苟與子之瀚並以諸生有聲孫可望據雲南用其私人任俱為吏部禮部尚書干進者如市李定國以門客金維新掌銓政亦如之獨大觀父子夷然不屑城北有龍泉巖下臨黑龍潭大觀移家居焉及駕幸緬甸士大夫多從之大觀歎息曰不能背城一戰同死社稷願君臣走蠻邦以苟活不重可蓋矣願之瀚曰吾不惜七尺軀為天下明大義汝奉母以免之瀚曰大人死忠兒當死孝大觀曰嗟母在可無養即其母在旁顧之

大興傅氏長恩閣鈔本

瀚妻曰彼父子能死忠孝吾兩人獨不能死節義乎侍女方抱幼子問曰主人皆死何以處我我大觀曰爾能死甚善於是五人偕赴黑龍潭死次日諸尸相牽浮水上幼子在侍女懷中兩手堅抱如故也其次女已適人避兵山中相去數十里亦同日赴火死

南疆逸史卷四十五

逸史曰余於春日敘次死義諸君子未畢卷而報及冬月乃足成之忽陰風怒號飛霰將集慘慘然有鬼嘯嗥啼聲余懼然啟戶視之則澄月如水也嗚呼其諸君子之靈耶然則諸君子固赫赫如在也

大興傅氏長恩閣鈔本



列傳第四十二

義士

自古帝王之興改制度易服色民相與安之也及趙武靈王變服則父兄羣臣相諍於朝王至反覆辯論而已甚矣三代之禮樂入人深也勝國宗社既屋下令雜髮遂有違制以死者真可哀也錄其可知者其姓氏存而邑里行事不見者姑闕之

王若之

文震亨

文秉

殷獻臣

徐澳

項志實

陳宗道

張起生

王若之臨浙人某科進士歷官淮安參議制下不從強之曰留此見先帝耳戮於市

長洲文震亨字啟美大學士文肅公從弟也崇禎中官中書舍人喜鼓琴與太常寺丞雲陽楊懷玉會稽尹爾茂同入拱奉南都渡後寓居陽城間令自投於河家人救之絕粒六日而死遺言曰我保一髮下觀祖宗兒曹無墮先志文肅子秉字應符隱山中有証其與吳易通者逮至官秉不辨徐曰不取辱我父願就死臨刑賦詩曰三百年前舊姓文一心報國許誰為忠魂今夜歸何處明月灘頭吊白雲妻周氏順昌之

大興傅氏長恩閣鈔本

女亦殉其旁同縣諸生殷獻臣避兵荻溪城陷家人有雜髮往者見之號慟三日不食死

徐澳字瞻淇常熟諸生制下澳甚窮鄉間江陰師潰自知不免賦詩云不欲立名垂異代但求完節報先朝舍生取義非難事今日同心何寂寥閉戶自縊同庠項志實方食餅聞令墮餅於地絕吭而死

陳宗道字夷甫吳江人拔徒包山間北都變入淮以策干當事不用遂歸漕撫路振飛流寓洞庭宗道讓之曰此非公等偷閒時也制初下途遇剃髮者直前罵之為其黨所殺有醫士張起生見人皆羣制號慟而死

張文龍

嚴紹英

歐敬竹

石士鳳

張龍文字長霖常州諸生制下龍文避於鄉降將劉良佐屠掠村落見而執之龍文面數其罪為所殺既而悔曰吾枉殺一烈士具衣冠葬焉無錫諸生嚴紹英字與揚乙酉夏大兵至城無居人後家人入室則紹英縊矣視其遺筆不欲剃髮也

歐敬竹石士鳳皆武進市人也敬竹貧無生產浮寓城南為人修傘得百錢即獨飲市中醉則卷舌而歌市中人皆笑之大兵入境令下雜髮敬竹招隣人與飲之曰行與若訣若盡我一厄其妻從旁笑曰子休矣聞舊官皆作新官又安在子敬竹曰此而翁所以欲死也竟闔戶自縊死士鳳字仲翔略

大興傅氏長恩閣鈔本



識字無妻子有一僕聞敬竹死歎曰後之哉先是武進有忠義祠祀宋錢普陳昭王安節以下十三人皆宋末守常州城陷死節者士鳳自剪紙為位大書曰明布衣石士鳳之位納諸忠義祠位次十三人下歸市酒脯祭其先拜且哭語其僕曰吾曾以三金子鄰之鬻棺者我死汝以收吾骨令治酒餼邀鄰人痛飲竟日迨夜潛出赴忠義祠池中死比曉僕號哭於市曰主人死矣市人共往得其尸池畔殮焉嗚呼宋之亡也嘗等城守力盡卒皆不屈而死域內外死者百萬計而明已死者乃僅歐石兩市人兩人又皆可以不死而竟死悲夫

馬嘉

方國煥

馬嘉字六禮而門人壬午舉於鄉

大兵至境縊死於先祠題詩云今日衣裳從此裂好存吾髮見先君有羅田人方國煥者字孔文寓歙縣讀書兼習醫卜聞制下為其孫娶婦而後自縊曰哀年難雜髮留以見雙親

馬純仁

楊維嶽

許德溥

馬純仁字朴公六合諸生也乙酉六月純仁與同學江滙約同死關壯繆祠已而滙不至純仁作銘題於橋柱袖石投水死其後滙登第為湖廣知縣謁城隍廟儼若純仁坐殿上遂嘔血死

楊維嶽字五莫巢縣人也好讀書毅然自守以正嘗以文見知於郡守一日往謁富民有犯法守教維嶽為請可得金維

大興傅氏長恩閣鈔本

獄謝曰犯罪自有公法使此人無罪受其金不祥使當罪奈何以維嶽故捷公守法守益敬重之史可法巡撫淮陽維嶽曰此當代偉人也不可以不見徒步詣軍門可法一見奇之時可法以府庫虛耗軍資竭檄諭天下捐資救國維嶽奉檄泣曰國事如此何以家為即毀家以為士民倡而人皆無應者及聞京師陷北向號痛宏光立條列時務十三事未一歲南都復潰可法死揚州維嶽泣曰國家養士三百年以身殉國奈何獨一史公為文祭之而哭於庭家人攜粥食揮之去平日好飲酒亦却之

大兵至下令雜髮維嶽不肯人謂先生蓋避之維嶽曰避將何之吾死耳死耳其子對之泣維嶽曰小子吾平生讀書何事今得死所矣何泣焉作不髡永訣之詞不食七日衣冠拜先祠入室遂卒年五十六

許德溥字元博如皋人吏部員外郎直族子也意氣不倫於尚節義聞賊陷京師痛哭數日寢食俱廢後聞南都陷亦如之每獨居輒哭食必置崇禎錢於案上祭而後食雜髮令至不從一日刺四字於胸曰不愧本朝又刺八字於臂曰生為

明人死為明鬼有發其事者執見縣令不跪呵之曰若一布衣未嘗食祿利此何為答曰曾讀數行書不忍忘故國耳執送巡江御史亦不懸御史命逮其父乃跪曰吾為父屈耳御史義之免其父以德溥名聞臨刑亦直立不跪曰今日得見先帝吾事畢矣既死於衣帶中得詩曰非痴非醉亦非狂因

大興傅氏長恩閣鈔本



志君親字兩行一死甘心酬故主謂忠謂叛任雌黃

葉天章

鄒之奇

鄒欽堯

朱君正

葉天章一名尚高永嘉人佯狂不從令賦詩曰安得蟬蛸易  
生死猶存楚楚好衣裳上丁祭文廟天章入慟哭為文以祭  
其略曰嗚呼宗材猶在兮恨離離之彼黍稷膚致毀兮悲  
蓼之匪莪裸將堂上兮莫非先朝之彥奔走庶下兮又非  
誰非聖人之徒嗚呼藐藐余躬兮自分為能識君臣之媿  
悠悠 思兮 圖復作不知春秋之總姑 太守見其文執而  
答之下獄五月五日為絕命詩曰待斟蒲酒以先醉未浴蘭  
湯骨已香飲毒卒其同邑諸生鄒之琦與瑞安諸生鄒欽堯  
皆素以名節自許制下之琦曰嗟乎孝經言之矣聖有名訓  
今可爾耶遂赴水欽堯亦沈於歐江

朱君正字子性浦江諸生壬午東陽許都反其偽官吳登至  
浦城欲謁孔廟君正曰吾先聖禮義堂肯容賊入耶挾匕首  
將往刺之至聞不敢入金華破制下士大夫有遠匿深山者  
歎曰死則死耳何匿為夜入明倫堂自縊

曾和應

劉泰北

李應開

魏殷臣

胡從治

李逢月

王拳石

陳一湛

盛名世

大興傅氏長恩閣鈔本

曾和應字鳳山臨川諸生廣東按察使棟之子吏部郎亨應  
之弟亨應起兵死和應奉父入朝閩丙戌閩賊之肇慶是冬  
肇慶復潰令下和應曰吾死矣髮不可毀毀之何以見先兄  
於地下乎遂整衣冠拜別其父投井死

劉泰北字方公李應開字翔卿魏殷臣字六若皆圖都人也  
北都之變泰北痛哭賣衣為資刊討賊檄文遍謁當事請復  
仇卒無所合乃徙居釣峯丙戌降兵過其地鄉人盡走泰北  
獨戴冠大袖當戶而立兵叱曰汝何人曰吾大明庠生也曰  
何不雜髮泰北曰此汝輩事可及我耶遂攢刃殺之應開亦  
棄儒服結客士之落拓不得志者多歸之於是得換聲鎮將  
知其狀辛卯掩捕繫縣獄召所知告曰李生未嘗抗兵速難  
髮即貸死所知以告應開慨然曰諸君愛吾誠厚吾非不自  
愛人生旦暮等死耳顧宛轉求生他日不自立死碌碌中悔  
晚矣數日定讞應開路地坐鎮將呵曰汝何為作賊應開曰  
未也鎮將曰非賊何遠制應開曰汝賊耳反嗔我耶鎮將大  
怒立牽出殺之殷臣於城之被兵也獨不肯出及城破錄尸  
者見其髮如故

胡從治字貞之南昌人故御史 孫以歲貢授永圖學  
訓導丙戌楚將張先璧師駐永圖重其才委署縣事或兵轉  
餉軍民便之張還從治歸南昌戊子

大兵掠謝埠從治猝於遇騎見其偉衣冠前索金無以應騎  
怒從治亦大罵瀕行至己門投沼中死子大年承圖從蓋

大興傅氏長恩閣鈔本



總兵守禦被執亦不屈死

李逢月字凌虛雋都舉人額陷後保髮入山巡按董學成逼之見不肯數曰吾何以生為扼吭死責漢人王光寵字起議令下不從為營將胡聲亮所執謂第去髮可殺用光寵指曰不能守此不足明志傷額死

龍泉武舉王琴石遇

大兵為所獲從索金貝出一盒投之曰吾所寶者此而已發視生中襖衫也兵怒拳石曰求速死者為此所見殺陳一湛字劍叔丙戌當歲薦不應值兵至衣冠自縊

盛名世者不知何許人或曰高皇帝孫戊子正月俘自饒信間高冠濶袖容貌甚都會訊不屈而死

林化熙

林應星

林說

紀文疇

趙卯

劉國祚等

林化熙字暉如福清人隆武授國子監博士福山陷避之海口鎮海口破見獲帥欲降之曰吾聞海上周鶴芝脅人留髮汝乃為所脅耶化熙立而笑曰人生髮膚不能自主而受脅於人耶若可脅而留今日亦從脅而刺乎帥怒使戮於市過行朝門趨入不去乃謂行刑者曰吾明之通臣也當死於是口占曰吾頭戴吾髮吾髮表吾心一死還天地名義終古欽書者欲飲為化熙命改之乃就刑其同宗林應星字永瞻林說字傳公兩人皆舉於鄉應星為漳平教諭制下自縊說

大興傅氏長恩閣鈔本

逃於山中七日不食而死自誌其墓

同安諸生紀文疇字南書隆武徵為待詔闕亡以下奉制被殺其子許國字石清壬午舉人時方籍其家有勸其祝髮者曰家可無籍許國曰吾不以千金之產而易一髮也

閩縣人趙卯者市人也丙戌九月

大兵入閩士民皆從制卯見之撫掌大笑人曰子能保汝髮耶保而髮且喪而頸二者孰重卯曰吾自有術焉保我髮且保吾頸汝不知也乃市酒肉侍其父母歡飲三子在側酒酣歎曰髮膚受之父母今將去之敢忘養育恩耶拜其父母亦令三子拜已乃曰明日除之未晚已見父母寢謂其子曰子我筆硯爾先寢中夜俟家人咸寢大書於壁曰男子趙卯不肯雜髮死投筆自縊家人知而解之不及矣

劉國祚永春參將城破匿民間當事懸制通衢國祚往碎之見殺其餘以導制先後被殺者不可勝紀或有姓名可稽而

行事已軼者今不書北直隸則順天趙良玉徐清蓮化張棟隆沙河段煥然保定黨國賓趙高明真定趙治國宣府張守英等山東則張從仁韓清辛見國林太僕丁焯然諸生田逢收濟甯王進蒲臺彭進常登萊劉恆王景明等山西則趙體富劉見龍喬一洪李鳳紳于奮飛諸生孔如美崇光國王登進卿官賀孟飛朔州岳成材柳玉首郭鳳林郭見等陝西則單允昌王耀祖甘肅諸生呂可興等河南則諸生高廷寶江南則金陵陳士遠鳳陽劉倫劉鎮劉登仕壽州諸生謝一魯

大興傅氏長恩閣鈔本



揚州戴學一牛應時胡應科靖江瞿士元宜興諸生盧象同  
字同人邵太宣太李有喬崑山陸幼安顧鐵近金壇木工湯  
士鰲等浙江則會稽茹明煥湖廣則楊六美張贊士張仲器  
揚學易江西則鄒賢科諸生田時稔此皆姓名可稽者也惜  
乎其人之生平軼矣

南疆逸史卷四十六

大興傅氏長恩閣鈔本

南疆逸史卷四十七

列傳第四十三

烏程溫睿臨撰

義士

嗚呼甲申之禍天崩地塌傳聞烈皇帝大行昇至東華門賊  
殮以柳棺覆以蓬殿老宮監三四人坐其旁諸臣皇皇然方  
投揭報名翹足新命梓宮咫尺無一人往謁甚者揚揚得意  
揮鞭疾驅過之會不足當一睨者及渴葬田貴妃墓而職其  
勞者僅一吏目趙一桂諸生孫繁祉等出家財供啟隧覆土  
費不重可哀也歟為附諸人姓名於義士之末而思陵事亦  
有所考焉

趙一桂

孫繁祉附等

趙一桂者不知其邑里崇禎甲申三月以省祭官署平昌州  
史目營葬思陵事竣列其狀申州略曰職於三月二十五日  
奉順天府為官李檄昌平州官吏即動帑銀僱夫穿田妃壙  
葬先帝及周后四月戊午朔職用夫二十名舉先帝梓宮夫  
十六名舉周后梓宮至州越三日庚申發引翌日辛酉下窆  
時會州庫如洗又葬日促監葬官為禮部主事許作梅河南  
從陝西改陝西禮部行人屬束手無策職與義士孫繁祉劉汝樸等  
十人斂錢三百四十千僦夫穿故妃壙方中羨道長十三丈  
五尺廣一丈深三丈五尺督工四晝夜至四日寅時羨道開  
通始見壙宮石門工匠以柩子鑰匙啟門入享殿三間陳祭

大興傅氏長恩閣鈔本



器中設石案一懸萬壽燈二旁列紅紫錦綺繪幣五色具左右列侍宮嬪生存所用器物襲衣奩具皆貯以木筭殊紅之左旁石牀一牀上疊瓊瑜五彩龍鳳金襴龍枕又啟中美門內大殿九間正中石牀高一尺五寸濶一丈陳設衾褥如前殿田妃棺槨厝其上申時帝后梓宮至陵亭簾棚陳牲牲菜盛金銀紙幣祭品率眾伏謁哭盡哀奉梓宮下職躬領夫役奉移田妃柩於石牀右次奉周皇后於石牀左然後奉安先帝梓宮居中田妃葬於無事之日棺槨如制職見先帝有棺無槨遂移田妃柩用之梓宮前各設香案祭品職手燃萬年燈度不滅久之事畢掩中美門外美門復土如地平初六日癸亥又率諸人祭奠號哭震天者移時呼集西山口居民百餘人每土起塚又築牆高五尺有奇云

南疆遠史卷四十七

三

本朝定鼎攝政王遣使巡視建陵殿三間繚以周垣設守陵戶故主陵寢樵牧雖三代開國無以加矣余讀李清南渡錄載陳洪範北使歸奏思陵事其言不詳又云內官黃高監視啟本土州以官戶部主事孟某及知州某襄事野史又載襄城伯李國禎獨往送大行葬禮今一柱所列狀中皆無之則其言妄也襄城果送葬則何待繫社等歟則知州果襄事史目何以申狀具報哉竊計一時斂手諸人皆義士不敢略謹條繫之如左孫繁社州學生捐錢五十千耆民劉汝樸錢五十千白紳錢三十千徐魁錢三十千李某錢五十千鄧科錢五十千趙永健錢二十千劉應元錢二十千楊道錢二十千

大興傅氏長恩閣鈔本

王政行錢二十千合三百四十千

逸史曰當其時明之遺臣滿朝也而趙一柱胥吏末員孫繁社劉汝樸等草莽布衣相率斂財營葬奠醊號哭令諸臣聞之不當咋舌愧死入地哉嗚呼驪山之役侈費極千古乃工未畢而項羽發之牧羊兒燻之思陵雖未及備天子禮而遺民考妣之戴勝於羽衛焉則仁異暴之分遠絕矣

嗚呼懷宗之太子二王堯逝不明於南北皆有偽太子事其至南都者發自鴻臚寺少卿高夢箕夢箕杭州人有僕穆虎自北來遇一稚子於逆旅視其衷服龍文也大驚詰之則曰我先帝太子也虎因挾與俱至郊望孝陵伏地而哭見夢箕語及帝后則長號夢箕信之館之家已乃送之浙東而外人頗有知者夢箕不能隱憂於朝上命內侍馮進朝逆之及之紹興三月甲申朔至京駐興善寺而百官往謁都人士喜躍謂上未有子且以為嗣上遣太監李永芳盧九德審視還報夜五鼓移入錦衣衛掌衛事都督同知馮可宗叩舍翌日上御武英殿命九卿以下咸往視少詹事方拱乾中允劉宗正李景濂前東宮講官也太子見拱乾呼曰方先生無恙乎餘則不識問以講讀何所則以端敬殿為文華門習何事則以孝經為詩經所答多不符兵科給事中戴英進曰先帝十六年冬御中左門親鞠吳昌時太子在旁憶之乎不對通政使楊維垣揚言曰故駙馬都尉王昺姪孫王之明貌似太子曾侍東宮家破南奔得無是乎於是眾襍然曰王之明也然

南疆遠史卷四十七

三

大興傅氏長恩閣鈔本



未堅決大學士王鐸直前叱曰偽送中城獄并執說夢其是時又有童氏者自稱上故妃河南巡按御史陳潛夫具儀衛送至京上大怒下錦衣獄民間譁言馬上英王鐸將殺太子以媚上黃得功疏言先帝子即皇上子乞保留以謝天下上不得已命養之獄中勿加刑劉良佐疏言太子童氏二事謂上為羣臣所欺將使天理滅絕上報曰朕於先帝無纖芥之嫌因宗社無寄從羣臣之請勉承重寄豈有利天下之心忍加毒痛於其血膚至於舉朝文武皆先帝舊臣誰不如卿肯昧本心害其子朕夫妻之情又豈羣臣所能欺蔽但太祖之天潢先帝之遺體不可以異姓頑童淆亂宗祏官聞風化所關豈容妖婦闖入國有大綱朕不得私卿毋妄聽妖說猥生疑議因命法司先將讞詞宣示中外以釋羣疑然而流言愈甚左藩因之稱兵而國以亡上之如太平也京城百姓破獄出太子奉之入朝啟王鐸於途拔其鬚且盡三日豫王入城指太子語百官曰此真太子也汝等何故殺之及宏光至命坐於太子下九月偕北明年五月同遇害或曰此本朝諜也之以搖動人心而南中自不悟耳北太子事惟錢主事以為真卒被禍然既死而昭報如響豈果真耶夫成方遂王郎之事古也有之其真其偽莫敢辨晰獨鳳覽忠義奮發可諒天地銜冤以死宜其能為厲也彼奸回不道者其亦觀之而神驚骨戰也夫次其事如左

錢鳳覽

大興傅氏長恩閣鈔本

錢鳳覽字子瑞山陰人大學士象坤孫也美姿貌年少有奇志以門蔭授中書舍人值東宮講讀陞刑部主事本朝仍故官懷宗之殉社稷也命太子走后父周奎所奎降入賊軍中賊敗或言太子二王以出有見之蘆溝橋者青袍乘馬道旁人爭投以果餌其後不知所往甲申冬十月復出詣奎先是懷宗手刃長公主公主以手承劍傷臂撲地內侍負至奎家養之及是見太子相持而哭奎懼禍逐太子出傍徨門外邏者縛送朝堂攝政王集廷臣辨之皆言其詐鳳覽慨然曰先帝太子吾嘗識之此是也可以畏死而不言乎此且死而存故主之孤我不恨即上疏力明其是越日會審於刑部召周奎識視太子一見呼奎因迷奎家事甚悉奎佯不識曰偽也鳳覽怒高聲叱之唾其面王復召大學士謝陞視之曰太子此虛今無之且身大聲宏非真也鳳覽憤甚執手詈陞時長安人觀者數萬人有十八人者是鳳覽言見鳳覽詈陞亦大噪王乃怒曰爾何從識太子但不忘故主心可原耳今廷辱大臣敬爾故主獨不當敬故主之臣乎陞故宰相也奈何辱之立絞殺鳳覽及十八人者於市鳳覽臨刑語家人曰歸語主母多焚紙筆我將上訴於帝及殮面如生有微笑容數日陞晨入朝見鳳覽於朝門拱手呼曰錢先生也已仆地七竅流血扶至寓即死太子亦繫於獄南都聞之贈太僕寺少卿諡忠毅夫人王氏扶柩南還家奴以其少出謾語將竊資以逃至山東羣奴忽手足如掌呼號顛越一點奴自

大興傅氏長恩閣鈔本



搏流血滿地大言曰奴欺我死事主母無禮某日出某語某日作某狀我具見之今日先殺此奴以儆眾羣奴大驚叩頭乞哀逆旅見者皆長跪為請久之乃曰姑賞其死送吾歸再究耳呼夫人曰言我得請於帝命磔周奎矣汝有身本女也帝憐我忠易為男宜名曰遺忠其後周奎家居一日忽驚呼曰錢爺至起叩頭呼服罪應貸死俄而身肉寸寸裂飛血如磔者肉墮落哀號數日竟死王夫人果生男宗人或利其貨謀殺孤誘之泗水將滅項有丈夫掖以登岸撫之曰吾汝父也勿怖將擲宗人於河驚竄匿病幾死孤自是得全夫人新建伯守仁五世孫父業浩兵部尚書也通經史善屬文能教其子世其家學云長公主於順治八年

世祖命訪故駙馬山東周某其禮下降登贈半公主賜第於京城之彰義門用舊奄守門踰年公主薨駙馬流落塞外而部府亦毀矣

逸史曰凡士之仕本朝者例不載鳳覽盡忠故太子是以其末順治十六年又有金華人張楷自稱皇四子朱慈英至河南柘城見獲送京師伏法汪琬編修載其事

附 三營卒

僧丹竹

趙廷瑞

熊國本

鄧貴

宜黃榜人

曹來盛

大興傅氏長恩閣鈔本

南都之亡也提督曹存性有標下卒死之乙酉五月大軍至南京屯洪武門外存性將往乞降卒為前馬顧問曰今日之事何如存性曰降耳卒曰公降吾不降也存性曰汝儕小人何知弗復言卒大呼曰吾真不降也拊膺大慟投中河橋死或曰南京失守

大軍索降者職名甚厲安遠侯柳昌祚倉皇懼不及一隸卒哭止之曰侯世受國恩此行且緩愿自愛昌祚叱之者三卒牽衣止之昌祚怒手批其頰至中河橋卒曰侯不聽吾吾死矣仰天擗踊投河死而先是

大軍至河南河南副總兵丁啟光單騎迎降有家丁控馬不使前曰將軍兄弟受國家重寄不能殺敵反迎之何以為顏弗聽家丁遂投河死

逸史曰春秋時士多仕於卿大夫家亦有與之同陞者秦漢而下竟稱奴僕矣故士恥失身焉惟邊將多起麾下壯丁因功得官此中宜有賢者之三人者其皆烈士足以愧其主矣雲林僧丹竹者潘姓名鳴鳳安仁人少好技擊以武藝為邑教師羅川王之起兵也招勇士健者得三十六人以為將丹竹與馬王双走從揚司馬一日謀知王得仁出軍樂安撫州城虛司馬輕兵襲之丹竹與往得仁甫出西門奔與遇丹竹以步逐馬戰中得仁面疾驅得免以是甚畏其名其後金聲桓過安仁聞丹竹病以為可縛遣九騎往丹竹知之力疾起招壯士十餘人前行金騎方飲肆中丹竹獨身往佐飲甚歡

大興傅氏長恩閣鈔本



騎士顧問丹竹所在猝從坐起曰欲得之乎我見也騎士倉皇走丹竹手刃二十人餘七人上馬奔遇壯士於隘獲三騎前逐之又獲三騎餘一騎逸報聲桓共相駭歎及金兵破黃閣部於廣信載所獲沿江下丹竹偵知之率所部邀於路置椿水中舟行碍步卒拔長鎗火箭逐之金兵棄舟走陸悉得函還以分壯士無私馬士皆悅從部萬人進而隸之營不中選令歸農故其兵獨精健其後大兵自信入閩丹竹從三五壯士擊其散騎忽大隊至力戰不支馬蹶被獲大罵而從

趙廷瑞顯縣人為縣從事性孝友善醫丙戌顯圍急朝夕佐吏調發士馬散軍餉督鄉勇戰守與其友王玄陞拮据弗懈

嘗從容語人曰吾雖刀筆吏然事上官久沾朝廷升斗稱起家已萬金若城陷當以死報及城破投後園池王玄陞亦父子巷戰死

熊國本福建人以織工寓贛贛義士之城守也捕血盟熊與馬已列名載書而同盟恥與之伍削其名然墨痕未盡湮也國本聞之憤曰大丈夫當自立圖必因人成事盡出所積募士卒治兵器械獨成一旅贛陷諸士鳥獸散大帥按師書名捕國本獨在執見令故明孝廉也謂曰若織人耳何舉義為國本抗聲曰我織人不應為義汝舉人顧應為不義耶令志甚殺之

鄧貴臨川石匠也戊子春揭司馬兵起貴棄其業從馬署都

司時以空名號召應募者往往署參遊最下乃都守而貴顧自安諸弁多作氣勢凌暴里中遇敵則望風竄棄所事勿顧而貴每師行草履負擔左右不少離諸前行者肉食美饌貴以從司馬役僅飽蔬糲而意固泊如自謂行在出援江西崎嶇跋涉大小十數戰亦數十死諸士或降或亡而貴顧無恙顧弱不任戰無功可錄貴亦弗之言司馬嘉其勞陞署參將及辛卯司馬見獲諸從者多逃貴獨隨行不去司馬顧謂曰我死分也汝何為者貴泣曰公生為忠義死必為神千秋萬世下愿得貌像公側耳竟從死建圖市

宜黃榜人者姓名未嘗詳益王之敗也同事司理史繼鰲周損俱受縛屬榜人載之下榜人心傷二公陰送之比解卒覺則無及矣亦逸去榜人乃反接舟順流下過半里許大呼救命邏者獲而詰之榜人曰賊殺卒而縛我又欲殺我我呼而逸吾幾死矣邏者執見帥展轉拷訊終不言遂見殺

曹來盛曹觀光之僕也觀光以起兵其子曹岱曹脩見收來盛時年十數齡哀其主僅二子不忍見其斷首戮重賄捕者愿以己代捕者義而許之遂與岱相認為兄弟焉觀獄數月人無知者戊子三月金王兵攻贛高帥盡殺義士之留獄者來盛與其主岱並死東市

南疆逸史卷四十七

大興傅氏長恩閣鈔本

南疆逸史卷四十七



南疆逸史卷四十八

烏程溫春臨撰

列傳第四十四

宗藩

嗚呼明制之於天潢可謂厚矣歲時皆有常儀冠聚妻必告別有賜予生子女則請名自神宗倦勤中官禮曹事必以賄請於是終始有白首不得婚娶命名者矣其後本支愈繁行遍天下幾百萬貧乏者暴橫於鄉里百姓患苦之有司莫能制迨遭闖獻之禍屠戮幾盡焉其有流竄他方義士奉之以建號者亦不忍沒然餘迹零落百不存一其可考者具如左

益王某

永園王由德

羅川王某

嘉興王某

瑞昌王孫統級

靖王術桂

江西藩封凡三而益王府憲宗子也稱親屬世守法稱賢王傳至今王軼其名甲申國變王年少不敢興兵入援乙酉南都復陷金聲桓降於

清統兵入江西將迫河東諸紳士勸王舉兵王素好士士多歸之顧仁柔不任兵兵起以永園王典兵事兵未集而清副將王體忠至時河南有保園王者避亂來歸豪健能言兵王倚信之閏六月命與巡道夏萬亨提兵拒體忠至撫州師潰先是雲南有勤王之師往南都至江西聞南都陷遂巡將還王聞其師皆乘象驍勇遣使招拒體忠戰初合滇師善

大興傳氏長恩閣鈔本

用鎗衝其騎體忠幾不支乃放毒烟象不能前然未敗也比再合而保園王貳於

清從陣發火後箭傷象象總趙某死焉遂敗王出奔宦者李祥率十餘人從之及其二子走祈塘入浩蕩蒼祝髮為僧鄉人見其邈偉疑之賴曹山僧指為故人而免踰月聞思文帝即位於閩間道入謁得承王疏居興化閩陷被執為李成棟所害二子逃戎子王得仁內附求得其一將奉監國後金王賊莫知所終保園王至贛州為贛都司所殺

永園王者名由德字冠寰益敬王第八子為益府宗正沈靜有志略益王舉兵募集徵發一切倚王而辦王幕賓曹子鉞贛州諸生也王推重之時引入帷幄參密議建昌陷王出奔

永園王及諸郡王皆奔後避地園都大函鄉日夕悲號至失聲其地有蕭姓者家豪於資二子能武好義挾見王之悲也疑焉王告之故且語以圖後舉蕭教之入粵招開羅總兵因厚資裝導王入粵止開羅總兵蕭升山寨先是山岩人或夢日臨門且詢來客乃永園王也大喜厚款之語及借兵興復卜於神吉乃許之蕭與其黨謝之良簡若中兵得可十萬人率之出湖東遂復建昌乘勝復撫州又前後進賢縣兵銳甚清兵駐省城者聞之大恐皆攜家登州舟為遁計軍威大振而粵中聞之頗有疑之者或遂欲取王為獻王孤軍無繼兵無見糧謝之良破進賢不能守還屯撫州

大興傳氏長恩閣鈔本



清副將王得仁來攻相持一月食盡還建昌謝之良先驅  
蕭升斷後且戰且走王病痺不能驅為敵所執長子慈營與  
馬丙戌正月七日撤車赴燕三月朔至蘆溝橋遇害慈營妻  
彭氏能軍未敗先率其屬至汀州曾子誠被獲留得仁營謝  
之良與蕭升俱還山寨或曰被執不屈死彭夫人聞夫難引  
兵屯[圖]都界山中戰守踰年獲絕被獲郡守義之令待命於  
王妃之弟李指揮家戊子金王之內附夫人使客引其子和  
歸建昌曰勉之忠孝紹宗汝責也己丑二月四日有司賫紅  
羅七尺至慨然曰吾得死所矣沐浴更衣裂紅羅自縊

益羅川郡王者亦不詳其名字從王起兵保[圖]王用事王策  
其人巨測然未敢誅也將別舉事就臨川諸生萬春謀之春

南疆逸史卷四八

辭以有老母不許問曰孰堪將者春薦東鄉人父命新王即  
介春往見命新許諾遂以書約閩部揭重熙吏部曾亨應及  
諸紳士同日起兵乃詣孝廉父南英南英欣然迎入留計事  
月餘遂募集劉名琦僧丹竹楊猶龍等三十六人誓師南英  
家得義勇可七八千人自為一軍其秋建昌陷益王適王歡  
悼久之令命新等提兵自金谿襲復撫州秋毫無犯民大悅  
清帥聞撫州破濟師來爭命新北拒而建昌兵又至營於黃  
太渡王腹背受敵議遣兵敵兵躡之王入金谿山索民車得  
三百兩塞山險敵不能進王得全軍還東鄉已永[圖]王招粵  
兵克復撫州建昌勢益振與王約分道下江西省會粵兵與  
王兵爭舍起而鬪王出聞止之為矢所傷竟死永[圖]王聞之

大興傳代長恩閣鈔本

大慟兵潰南英入閩命新諸人或從永[圖]或從黃閣部或從  
揭部院云

淮府嘉興郡王者本封於饒饒破流寓都昌譚家埠丙戌秋  
閩亡諸紳士奉以舉義其邑人石光龍僧了空等為將時歲  
大禳一呼而集者萬人石故黠而悍人呼石黑子善於馬上  
使烏鎗百步三發發必洞洵穿札

清帥調南康將朱文美合饒州將討之戰敗文美還都昌縣  
黑子曰集萬人負板舁雲梯譚而前欲以恫喝之使下比至  
城則氣索矣

清出十數騎躡之崩奔相屬萬眾立潰乃使南康諸生吳江  
入王營告以待後舉黑子信之偽降王走湖口渡江而西見

南疆逸史卷四八

獲遂遇害黑子復率眾出沒湖彭東建閩  
大兵乘其醉宵攻之黑子戰死  
朱統級字德祥瑞昌王孫也性豪暴里中少年多歸焉西  
金聲樞入江西王孫棄家走廣信號召諸客與金玉相角饒  
信聞金玉兵聞其威名憚之不取戰丁亥冬間行歸南昌為  
偵卒所執見  
清巡撫章於天不跪章詰之厲聲曰我帝室宗藩豈為汝屈  
哉章竟釋不殺戊子金王內附王孫募兵廣信應其夏  
大清帥譚泰攻江西王孫走[圖]州督將鄧雲龍入援鄧見  
大兵盛謀納款而王孫執藩王禮使雲龍戎服拜獻下鄧不  
能平執王孫以獻大罵而死

大興傳代長恩閣鈔本



國靖王術柱字天球號一元子明太祖九世孫遠王後長陽  
 郡王次弟也始受撫國將軍妃公安羅氏女崇禎壬午寇陷  
 荊州偕惠王及宗室避湖中宏光即位與長陽王入朝晉鎮  
 國將軍詔同長陽守浙之國海縣乙酉夏浙西郡邑盡陷長  
 陽攜家人閩王留國海會魯王監國封為長陽王隆武建號  
 王奉表稱賀王亦如之後聞其兄已襲遠王王具疏請以長  
 陽之號讓兄次子承之隆武不允改封靖國仍依監國督方  
 國安軍丙戌五月  
 大軍渡錢塘乃奔避國海乘舟出石浦監國亦由海門會舟  
 山十一月永勝伯鄭彩帥舟師北來因芝龍與隆武不洽知  
 粵川不守監國出奔故特來迎王與監國乘舟南下歲抄同  
 抵廈門而芝龍已歸款北行矣是時鄭鴻遠迎准王於軍中  
 請國靖監其師合芝龍子成功兵攻圓泉州經月不下鴻遠  
 乃載准王國靖王同至南澳會永歷稱帝王因入揭揚永歷  
 令居鴻遠軍中月就所居地方支膳銀五十兩戊子春命督  
 鴻遠成功師庚寅粵潰復與鴻遠旋閩處金門及成功取臺  
 灣王乃東渡而成功事王盡禮成功死投餐之典廢無衣食  
 業乃就竹港墾田數十甲鄭氏又從而征之悉索應募滋益  
 困既而靖海將軍施琅督水師討鄭氏王慨然謂同志曰臺  
 灣覆再無他往各自引決死見先帝吾分也癸亥六月  
 大兵攻澎湖二十六日鄭將劉國軒兵敗王謂勝妾曰吾帝  
 室宗支明朝已盡義無可往若等自為計妾侍皆進曰王能

大興傳氏長恩閣鈔本

盡節妾國夫身王存與存王亡與亡請賜尺帛王曰能如是  
 吾何求袁氏王氏秀姑梅姊荷姊俱冠弁被服出拜王亦拜  
 齊縊於堂乃宵欲印大書於堂曰自壬午賊陷荊州攜家南  
 下避亂閩海係其髮膚以至於今遭逢大難盡室全歸不負  
 高皇不負父母生事畢矣無愧無怍次日校役昇柩至王即  
 加翼善冠服四圍龍袍束玉帶佩印綬南向拜謝諸將卒士  
 民俱入拜王答拜書絕命詞結帛於梁麾手謝臺人遂經死  
 顏生如生時年六十有六越十日藁葬於鳳山縣長治里竹  
 滄與王妃羅氏合窆焉妾勝五棺埋於文賢里大林邊去王  
 墓三十里臺人表為五烈墓云王無嗣以益王裔宗之子儼  
 珍為後及歸  
 大清安置河南開封府杞縣  
 朱盛濃 議滌  
 盛澂 議澆  
 紹鯤 常巢  
 統綺 容蕩  
 朱盛濃字揚廷楚宗室也居江夏宏光時投池州推官及池  
 州失而盛濃避至石埭乙酉七月起兵復石埭又復東流遂  
 與池州大學生吳應其合兵攻池州不克乃分兵復建德八  
 月遇  
 大兵於大嶺戰頗利九月兵大至盛濃還守甲子嶺十月建  
 德東流相繼潰盛濃奔太湖依吳易敗走浙東隆武授御

大興傳氏長恩閣鈔本



史巡按廣信饒州兼視學政屢疏請入覲許之己聞汀州變乃走廣東永麻中為兵部右侍郎四年十一月扈駕赴潯州叛將陳邦傳縱兵大掠遇害

朱議漚南昌宗室也江西亂流寓西湖與宜興中書舍人盧象觀遇於逆旅一見語合入於忠肅祠相與論列慷慨流涕謀興復乙酉閏六月起兵茅山南京人朱君兆者常結城中豪傑以待變許為內應議漚從君兆入城而象觀營山中遣僧告君兆師期舉火以應僧至總督告變城中得為備舉火以詐象觀兵薄城下燒太平門鐵騎出而蹂躪之大敗因族君兆家議漚匿水竇中得逸出與象觀至宜興稍收士卒攻溧陽又敗象觀走太湖議漚不能軍時都司方明方拔廣德迎之入城義師多應之連破孝豐臨安國諸縣軍聲復振而開府於孝豐隆武間之冊封瑞昌王諸臣授職有差未幾大兵由徽州出破孝豐諸軍悉潰王走匿丹徒諸生喜正家山東吳儀之吳純之義士也渡江將迎王值名捕急遂遷鎮江蔣生家邏者猝至儀之挺身出曰我瑞昌王也王及純之得脫已而知其偽執喜正正不勝拷掠言王所在遣裨將從正捕王裨將不欲得王將近舉礮欲其驚走王而王適在田間正遙見而呼之乃見執十月十二日害於江丹徒諸生袁鍾宜與陳用卿金壇張景潮皆從王死義云

大興傅氏長恩閣鈔本

郎中王朝昇及禮部主事吳景宣等奉之起兵稱為通城王朝昇攝內事設五總以永新徐震海許燮等分將之初山中人或夢揭竿其地上書青潮二字而王之字適符與之符眾以為祥故多應之者撤至長興長興人奉箋稱賀乃遣許燮將千人會之以攻湖州七月二十八日克之命景宣與故太守王士舉守焉王入長興既而景宣棄湖州

大兵間道襲長興王還屯湖中已而走衛州明年八月三日遇害

朱議漚字潤生樂安王宗室也以宗貢生授句容知縣乙酉夏起兵其縣之茅山敗走入太湖與通城王合軍又敗入浙東隆武命為右僉都御史巡撫衛嚴二府明年衛州陷死之

朱紹鯤周定王之後封遂平王崇禎末流寇入河南王親禦之流天傷唇及腹宏光時上書請往河南招集鄉兵不許乙酉閏六月至松江與吳志蔡葵起兵志葵敗王入太湖依吳易易兵潰走呂國興營國興又降匿於嘉興王店明年十一月被獲害於江王志氣果敢言及國事輒悲憤流涕舉事無成人咸惜之

朱常巢蘄州人朱統錡南昌人皆明宗室也初史可法之巡撫安慶也檄山中之豪各築砦自守以禦流寇資以火器財賄於是潛山舒城英山霍山桐城太湖宿松皆有寨而蘄黃聞名寨四十八其山皆高峻插天出入仄徑僅可錯趾左右懸崖如谷無底其巔乃衍平饒水泉林木可居流民無歸者

大興傅氏長恩閣鈔本



往往挈妻子依阻其中寇不能至由此上接臨安汝[圖]名皆四百八十九西越武勝關達南陽以依於熊耳蓋田連山脊嶂未有間也乙酉夏四月左夢庚既降

大兵入守安慶諸寨多為明守不肯下奉常巢居太湖司空山寨稱荆王襲破太湖縣揚州人趙正拒宿松濤池屢挫大兵戊子春正月江西金聲桓來歸九江以東望風趨附寨長傳聘以數騎突入宿松縣收籍取印執縣丞遼大魁知縣孟暄走免張都督敗安慶道兵于殷葛山三月范大范二起桐城白雲寨是時

清巡撫李棲鳳遣兵備夏繼虞總兵卜從善黃鼎副將梁大用合兵剿諸寨常巢部將余垣以私屬三百人出降因誘執

常巢冬十月潛山余公亮聚眾千人拒英巢寨監生胡經文起兵拒橫山寨胡經文者屢有異志事覺亡命遊各山寨間交其豪常巢既執各若俱撤惟英山張福宸自明末拒山尖寨擁眾如故二范余公亮皆倚之而起經文尤善福宸因拒橫山以應公亮是歲永[圖]二年也統騎常自稱江西[圖]王之裔為人放誕好大言或言朱九風子

大兵破南昌峙吧渡江聞張福宸名潛至其寨不得通投徒自給繼乃微言我宗支也福宸知之即善護焉經文既立橫山寨公亮以百數人敗縣將李之培自是天堂埭口二十餘寨相繼蜂起經文謂福宸曰事可就也蓋立主帥乎於是迎統騎入潛山己丑春二月十四日奉統騎為石城王居飛旗

大興傳氏長恩閣鈔本

寨以永[圖]紀年造作符印各寨謁見以次拜官自郡縣監司撫按科道部院總鎮之屬或備他寨未有謁者以兵降之其授部院職者有傳夢弼傳謙之桂塘義堂和尚之屬皆佐統騎在諸寨為飛旗外衛於是統騎撫有二十四寨因聯絡新黃四十八寨其來謁者各受職有差文職則周損曹胤昌王燭胡玉良等武職則陳如密李有寶常近樓侯雲山劉奉宇陳元蕭新等凡千三百人來謁見云胡經文在從龍寨往來計事又遣遊擊胡勝進拒西關寨為飛旗聲援是時諸寨盤踞時出侵掠

清操江都御史李日允與其下謀曰天下大定我肘腋之間寇賊縱橫守土者之責也賊恃險阻深狎不可拔而可以計

取於是遣參將汪義遊擊袁誠等六人至潛山各賜銀梳而刻其文曰莫殺百姓又遣中軍孔國元守備趙越孫之秀生員林鳳集等各馳檄約曰降者不死且耕吾田而後其租諸寨見其檄詞溫潤且免征也咸心動既而有降者則賜銀牌錦衣綺服令互相誇耀日光度其且潰夏四月乃遣兵備道石鎮國率從善大用等二[圖]人至潛山而正文只見其合兵攻之破梅家寨殺其監軍葛修懋遊擊夏勝重等二十餘人白雲寨降進攻英窠圍之六旬破之獲其總兵孔文燦

遊擊王長余公亮奔城墻寨秋八月梁大用進克皖澗寨傳夢庚弼走馬園冬十一月將諸由水吼嶺進兵而武生余必壽等為嚮導旬日降者四一十八寨惟統騎尚守飛旗不下

大興傳氏長恩閣鈔本



進軍至湯池衙前攻圍之初十日縱火箭仰射寨中亂大用負載先登諸將繼之擒其監軍王坤基總兵儲伯仁石際可旗鼓汪託統錡從後關適馬園

大兵追至霍山界寶壽河執傳夢弼桂增義堂唐明勝等十餘人西關寨猶守不下二十五日石鎮國遣生員金承閣徐樂韶說降之余公亮亦出降統錡亡匿英山日先初得胡經丈胡玉良也不殺使招統錡以自贖明年春正月授以計初十日經丈於英山羊角河誘統錡來馬園執以歸諸寨悉平惟張福震獨守山寨十餘年後以糧盡偽出降有所圖事覺被殺諸寨既降日光慮餘眾復煽惑使推官黃敬璣賈銀二千兩牛五十四頭田粟三百五十八山募愿耕外鄉田者即以給之民皆出山乃遣縣丞常一敬入山伐竹木市其直充官稅以明持檄之約不欺也又使梁大用及知縣鄭通玄夷其險阻踰年乃令民還山復業者聽焉

朱容藩楚通城王支庶也素無賴為宗人所逐竄入左良玉軍中稱郡王引兵劫掠諸將皆惡之宏光既立容藩走南京賄馬士英請以鎮國將軍監楚營行至九江以志橫激軍變懼罪而逃時李自成敗於仄餘賊奔潰於楚容藩詣賊中說稱楚宗世子賊信之將立為王而容藩舉止乖異賊疑焉丙戌十月粵中建國容藩至行在奏言賊中情形甚悉內閣丁魁楚以其辨也謂為才薦掌宗人府事參與大政兵科程源者蜀人喜談兵見容藩與之結納因謂容藩曰川中賊勢雖

盛而諸將所擁兵亦不下數十萬朝廷誠假我兩人節越公督東北我督西南賊不足平也容藩喜具疏請之朝議乃加源太常寺少卿經理三省而改容藩為兵部右侍郎兼右僉都御史總督川東兵馬未行而

大兵破廣東上移駕桂林內閣呂大器丁魁楚皆奔隨駕者止懼式報一人容藩因覬覦入閣使給事中唐誠等上言上欲擁戴容藩即遂奪其敕印欲斬之容藩懼賂內侍龐天壽以求太后太后謂王由變亂以來宗室零落容藩罪不至死勿過求上乃赦之復其官丁亥正月容藩自楚入川程源由楚入黔自稱三省總督沿途費官分劄賊私狼藉四川巡撫錢邦芑廉得之四月具疏言狀上震怒削容藩職容藩乃由長州入永順司至施州衛得王光興兵二萬時光興新敗於鄖陽無所歸而容藩自稱楚世子天下兵馬副元帥光興諸將遂附焉檄召將川李占春余大海於夔州會

大兵方破成都載輜重由重慶下容藩命二將沂流擊之七月十一日遇於忠州之湖灘占春以輕舟直薄其營發火礮大兵亂棄舟走川北容藩愈強遂稱監國鑄副元帥印佩之改忠州為大定府門曰承運門稱所居為行宮設祭酒科道鴻臚寺等官擅封拜王光興李占春余大海楊朝桂譚宏譚文譚詣楊展馬應試等為侯伯以張京為兵部尚書程正典為四川總督朱運久為湖廣巡撫是時車駕越在廣西湖南

大興傳代長恩閣鈔本

大興傳代長恩閣鈔本



北方用兵朝廷聲問不通文武無主故容藩之志肆妄行莫  
 覺其偽也八月錢邦芑率王祥復遵義九月袁韜復重慶川  
 北總督李乾德率師會之十一月容藩率李占等至重慶與  
 乾德相見諷其擁戴已乾德不禮焉會冬至朝賀袁韜本起  
 賊伍不知禮與容藩齊班拜舞容藩怒命占春襲袁韜並殺  
 乾德而乾德善占候夜觀星象謂韜曰且有急兵韜因設備  
 乾德亦移帳於高埠及占春兵至舟中不見乾德乃大驚及  
 襲韜復不能勝至次日韜治兵與占春相攻容藩走梧州移  
 書邦芑請為兩營解紛邦芑怒遂復書數其潛踰之罪容藩  
 乃鑄錦江侯印以送王祥使以兵應占春戊子正月祥出兵  
 綦江與袁韜三戰不勝還屯南岸輕舟見容藩占春亦至王  
 祥有脅力猝起擒占春遇其舟命部將王朝興守之欲並其  
 眾朝興與占春同里私釋之占春夜踰城出王祥既失占春  
 戰復不勝二月還遵義韜亦走順慶占春還屯涪之平西壩  
 夔州臨江有天宇城甚險可守容藩以為己讖也改為天子  
 城率眾居之煽惑川東諸將士授爵無虛日土司蠻獠皆為  
 所動錢邦芑乃具疏劾之曰容藩首得罪朝廷卒蒙寬宥命  
 使湖南而乃假朝廷威靈籠絡將諸潛懷不軌偽造印信選  
 拔文武今歲六月臣巡川南見容藩所刊建制百官榜文其  
 自稱則曰予一人予小子如是而欲終守臣節不可得乎今  
 寇賊充斥干戈不息道途荒阻而兩川僻處西徼與行朝隔  
 絕蠻夷土司易動難撫且三年之間四易年號人情惶惑莫

大興傅氏長恩閣鈔本

知適從臣不憚艱苦往來深山大菁荒城敗壘中驅除虎豹  
 剪除荆棘招集殘黎宣布威德四川之地始知正朔所在今  
 聲教漸著法紀可行而容藩包藏禍心窺伺神器陽尊朝廷  
 陰行僭偽倘羽翼得成便有公孫于陽王建孟知祥之事臣  
 竊憤悶已移書告以大義傳檄楚督何騰蛟塔盾錫川督楊  
 喬然李乾德及各大鎮共謀叛逆毋或滋寇邦芑復封疏稿  
 達省錫盾得書即入川會容藩正色責之容藩曰車駕播遷  
 人惑順逆聊借名號彈壓之盾錫曰君自為逆何能禦眾若  
 再不悛則錢按撫率兵經前我截其後將川皆朝廷臣子誰  
 同君作賊者因切責附偽諸臣川東文武始知容藩名號之  
 偽各解散八月督師呂大器至涪州李占春謁見適容藩使  
 至期諸將會師大器見其職銜笑曰副元帥非親王太子不  
 能稱且今天子在何國可監此以反明矣爾等受其官爵不  
 懼同罪乎占春曰始陷不知悛為所惑今請討賊自贖占春  
 即帥舟師攻天宇城容藩拒戰不勝走夔州山中為土人所  
 擒獻斬之程源後為孫可望兵所尚書可望復入朝己亥  
 正月上入永昌程源危從不及以多資為蒙化山盜所殺

大興傅氏長恩閣鈔本

南疆逸史卷四十八



列傳第四十五

武臣

黃得功

高傑

乙邦才

劉肇基

莊子固

黃瑩

黃得功字虎山合肥人少執鞭役屬人年壯出關從大帥為健卒遂隸遼陽籍為人忠勇善騎射帥拔之帳前親軍戰輒冲鋒積功至遊擊入援山東陞參將旋充總兵得功每臨陣飲酒數斗深入敵營不顧生死利害人呼為黃闖子崇禎十

五年流寇陷廬鳳奉詔鎮定遠時獻賊潛匿英山太湖間得功以騎五千往攝之遇於石碑獻忠懼不戰走得功追及相去尺許欲生致之反為逸去乃收所掠男女萬餘人命各回鄉土以甲仗輜重歸朝廷尋又討平叛將劉超封靖南伯北京之變高傑劉良佐劉澤清俱避賊率兵南下高傑字英吾起羣盜為李自成親將自成出戰使守營與其妻邢氏通懼誅挾以降官軍從孫傳庭破賊於塚頭得陞總兵劉良佐字某總督朱大典部將也從護祖陵禦革左最後收永城亦有功劉澤清字鶴洲為山東總兵家在曹縣嘗一渡河救汴壁壘未成輒遁走將略無所長而好聲色喜權利賂遺權貴結納賓客嘗以科臣韓如愈見劾遣人刺殺之至是偕至江北

而傑軍尤暴悍沿途焚掠民居驚竄福王之立也馬士英顧與諸將結以脇制諸大臣由是諸將各居擁戴功王即大位史可法謀於朝請封四鎮一淮陽一鳳壽一徐泗一滁和而封傑興平伯鎮徐泗良佐廣昌伯鎮鳳壽澤清乘平伯鎮淮陽晉得功以侯鎮滁和俾畫疆以守勿妄有所越詔未行而高兵先驅至江浦乃遣職方主事萬元吉齎萬金渡江犒師告以戒兵聽命朝元吉遍歷諸營勉以大義願羣欲得揚州以寄家揚居天下膏腴富商巨室聚其中城守不聽入得功聞元吉言己戡軍惟傑尚剽掠揚城外江都進士鄭元勳喜遊俠自謂可居調停功具牛酒出勞高軍高大喜置酒酣飲陳所以欲居揚頓家口便征討耳非有他意與相要約元勳歸揚言於眾曰高帥之來教書召之也彼入城當鎮慰父老一無動何害眾曰高軍日屠膾人四郊暴骨如莽何謂無害元勳曰亦揚人自相害耳眾乃議曰元勳與高反賣吾城以市德梓其首鬻割之是時可法方以閣部出督師傑頗懼令其下分道坎壑所暴骸陞帳之日洒然變色而可法平易撲誠將士庭謁人人引見慰勞傑大喜浸視為易與以殺元勳為揚人罪請誅知府馬鳴騶可法不許奏以瓜州處傑而置得功儀真以牽制之劉澤清之抵淮安也過安東守將邱嘉選取其輜重匿不聞可法按部至諸將具橐鞬迎視高加恭謹願其兵徒虛卒不足用不如傑所部皆山陝勁卒經百戰可法以為經略中原非傑莫如共功也愈推誠以撫傑傑亦

大興傅氏長恩閣鈔本

大興傅氏長恩閣鈔本



愈親可法而傑方與得功相猜嫌會總兵黃嬰赴京過揚州慮為高軍所脇貽書得功求以兵迎得功素與嬰善因引輕騎三百往會之至土橋方緩帶尊食傑率精騎奔起襲之前集如雨得功突圍得出三百騎盡沒傑又別遣兵襲儀真又不克得功怒甚治兵欲攻之可法聞疾遣監軍萬元吉往解不聽得功方有母喪可法乃自至儀真入弔立而語之曰土橋之事無愚智皆知其不義今將軍以國故錫盛怒是歸其惡於高而將軍立名於天下也得功意解可法乃令傑出馬償得功而以千金為母賻於是乃己先是左都御史劉宗周聞傑澤清之欲以家屬寄江南也上言按以軍法皆可斬澤清見之怒上疏劾宗周且請賜劍繼又以四鎮公疏贊宗周罪其詞甚悖可法以詰得功等皆云不知其實出於澤清一人之手舉朝大駭而士英顧左右之當是時良佐最弱傑粗暴澤清則以依託馬阮遙執朝權獨得功不相附傑妻邢氏色美饒權智傑畏之邢見可法之出至誠調護之也勸傑傾心向可法傑乃進曰傑既以身許公而將士妻子暴露野次願終以揚城為請可法乃申勸揚民虛己館以舍之邢亦能嚴戢軍士士民安堵傑乃趨治裝北行九月師發大轟折丙洋礮無故自裂監紀應廷吉私謂人曰高公其不免乎睢州總兵許定國者年老矣嘗負其功不得封上書詆高為賊高憾甚至是聞傑將向開歸大懼傑過徐州又以馬士英指斬降盜程繼孔定國愈懼明年正月傑至睢州定國先數十里

大興傅氏長恩閣鈔本

跪馬首迎頓首請死且言定國目不知書倉皇中假手上書而代者誤入公名定國亦不知其何語願公毋以是為定國罪傑武人見其誣服且憐之聞設語以為信執其手約為兄弟定國乃盛張燈治具享傑飾美妹以待酒傑大營去城二十里率左右三百騎以往定國令其弟飲諸將於別宅人挾二伎優伶集生傑與從騎皆需醉夜半伏甲起盡殲三百騎傑奪他人刀猶格鬪而後就縛定國南向坐曰今竟何如傑大笑曰吾乃為登子所弄呼酒痛飲而死定國既殺傑即渡河歸降傑將李本身王之細屠睢旁二百里可法聞之大哭知中原之不能復圖也馳往撫定之而請以李本身為大將代統其眾三鎮聞傑死皆起至揚將分其軍馬士英不可曰彼有子元爵也待其長而還之乃如可法議而贈傑太子太保命其子襲封澤清於其間大治淮仰極壯麗取美人鐘鼓以充之於殮事勿問也匿邱磊之怨中以他罪卒致之死及四月國南侯左良玉反士英檄移得功蕪湖板子磯禦之而召良佐入衛

王師得長髮渡淮澤清逃得功再敗左兵進封晉靖國公王師既破揚州乘勝渡江上倉猝幸太平至得功營得功見上驚泣曰陛下死守京城以片紙召臣臣猶可率士卒以得一當奈何聽奸人之言輕棄社稷乎今進退無據臣營單薄其何以處陛下上俛首無語得功亟促兵前進而良佐澤清已詣軍降豫王即遣良佐追帝良佐潛結得功部將馬岱為

大興傅氏長恩閣鈔本



內應得功慶軍渡岱先斷浮橋兵溺死無算得功不知良佐  
已降猶就而計事流矢貫其喉乃大罵良佐良佐勸之降得  
功揮鞭自誓曰我黃將軍宜屈膝他人者哉請明日決一死  
戰次日將戰慶下進曰大事去已徒取修耳得功視諸將皆  
無鬪志撫膺大慟卸甲胄服冠帶北面再拜自刎時上在征  
南將軍翁之琪舟中裨將田雄掖之去關中贈得功泚水王  
諡忠烈之琪字元慎仁和人京師破之琪以守備從黃斌卿  
勤王至南京為總兵官禦左夢庚有功進左都督田雄掖上  
去之琪挽之不得躍入板子磯滯流以死有彭述性李金祿  
者皆隸誠意伯劉孔昭標下孔昭入海述性合家投水死金  
祿先沈其妻乃自沈述性九江金祿四川人

南疆逸史卷四九

乙邦才字奇山青州人崇禎末以隊長從監軍太監擊賊河  
南江北間主者未之奇也總兵黃得功與賊戰於霍山得功  
乘勝舍其大軍單騎前逐賊陷淖中賊圍之數重射殺得功  
所乘馬得功亦仰面射賊洞胸與之相持會天將暮餘二矢  
耳得功自必不免而邦才適自別道馳還登高望見之識  
其胄曰黃總兵也大呼復馳之賊散走得功乃拔於淖以出  
邦才授以己馬分糧中矢與之步從得功且走且反射凡射  
追騎十餘人始得及其大軍於是得功德邦才以語主者主  
者始奇之稍拔為標下材官是時有張銜者從總兵劉良佐  
亦以驍勇知名賊兵圍六安甚急總督馬士英率兵救之始  
至立斥其左右副將而疏於諸軍曰孰為乙邦才張銜者入

大興傅氏長恩閣鈔本

見兩人庭謁即牒補副將以其兵投之出文書曰為我入六  
安取州守狀以報兩人則應曰諾出簡壯士二百騎突貫賊  
陳遂入城周城而呼曰大軍至矣城中人大喜合謀兩人者  
促州守具食食已揮州守曰署狀急懷狀引騎圍出賊大  
驚而已知為邦才銜也皆止不敢追反命不失一騎時穎壽  
六安霍山諸州縣數被賊寇邦才大小十餘戰破圍陷陳俘  
斬無算主者或獲其功或移之他將者數矣同列為邦才不  
平時時諷之使言輒謝曰此吾眾不惜死耳吾一人何能為  
終還讓不自言也江南立國史可法出督師慮得邦才與銜  
俱以總兵官駐揚州未幾

南疆逸史卷四九

常從可法率家丁五十餘人巡行村落間猝遇賊眾懼欲亡  
去應奎大聲曰去安之勿怖死此命也連發二矢殪二賊賊  
還可法因拔用之每戰被白甲大書盡忠報國於背官總兵  
揚州破死之越十日面如生  
劉肇基字鼎維遼東人世襲指揮積功至南京左都督太子  
太保自請隸督師標下任後勦事揚州危急史可法檄各鎮  
兵無一至者肇基獨從白洋河疾馳入援過高郵不一見妻  
子入守北門發礮傷攻者無算城破巷戰而死其妻亦英毅  
有僕自揚州逃回言主死狀其妻慟哭畢即塔前推殺之以  
其背主也  
莊子固字憲伯崑山人隸遼陽籍年十三殺人亡命積軍功

大興傅氏長恩閣鈔本



為宣府參軍史可法薦授副總兵屯田歸德間募壯士七百餘人悉以赤心報國四字為號揚州被圍疾馳赴援三日夜而至城陷死之其時武臣同死者甚眾總兵則樓挺江雲龍馬守卿副將則李豫參將則李隆徐純仁馮國用陳光至陶國祚遊擊則李大忠孫開忠都司以下則姚懷龍解學會吳魁馮士富馮近仁孟容徐應城張小山段元范倉張應舉郭倉曹登元范泗范海王東樓等皆戰死樓挺字振揚金華人馬守卿池州人江雲龍李隆徐純仁俱揚州人陶國祚興化人李大忠應天人孫開忠高郵人此皆死揚州之難者也惜乎其行事軼矣

南渡畏四鎮之跋扈

卷四十九

逸史曰南渡畏四鎮之跋扈養之若驕子而以靖南與東平等相提而論此不知御將之道也夫澤清良佐安人耳傑雖粗暴其驍桀足賴焉若靖南之忠勇善戰一時宿將莫當也使立國之初不定分鎮之議茅土之封以俟策勳築壇授鉞拜得功為大將而以傑副之邦才之徒備偏裨焉傑畏得功其勢不得不聽傑聽而澤清良佐惟所指揮矣然後可法居中調度經略中原即未能迅掃河洛亦何至令敵人不血刃而飛渡也計不出此而照姬含忍使之自相猜嫌為穴中之鬪傷己且奉以擁戴名寸功未立榮膺五等貴極富溫遙制國命而小人者反借以為聲援其賊亡不瓦亦哉觀靖南告宏光之詞君子有餘慟焉嗚呼明之武臣若劉孔昭趙之龍等皆帶礪相承累世勳貴而險惡弄權賣國偷生苟無靖南

大興傅氏長恩閣鈔本

諸臣為武夫生色中憫且得而笑之矣

黃蜚字文麓南昌人本姓涂從其舅都督黃龍鎮遠陽龍有戰功死於疆無後以蜚襲蔭因姓焉官守備歷陞應天後軍府都督崇禎辛巳召對稱旨予譙賜金魚服及上方劍命援勦東北各師挂平魯將軍印出鎮天津山海登州遼陽等處甲申國變望闕慟哭南都建改鎮蕪湖乙酉四月左兵內犯命蜚統八路官軍禦之築石臺於板子磯旁兩岸架礮夾擊大敗左師於銅陵捷聞封鎮南伯及南都陷諸鎮相繼降蜚收軍往太湖謀恢復招降海寇顧三令協力屢敗大軍殺所署官吏及秋水落海艘不得進相距六七十里

南渡畏四鎮之跋扈

卷四十九

未死被執帥禮拜之不答諭降不聽指而罵帥怒斷兩臂罵愈厲剖其舌含血以噴乃腰斬於水西門乙酉九月五日也家屬死者百數十人參將涂旭初先三日不屈死

南疆逸史卷四十九

大興傅氏長恩閣鈔本



列傳第四十六

武臣

李元愷

焦璉

馮耀

李明忠

沐天波

李元愷字源白榆林人本孫姓而育於賈李成棟見而愛之養以為子因冒其姓成棟先世山西為官少從高傑以勇決聞及傑封興平伯成棟挂鎮徐將軍印守徐州傑為許定國所殺成棟以徐州降

清因從渡江破太湖吳志葵黃蜚兵投松江總兵以定福建由漳州與佟養甲入惠潮襲蘇觀生於廣州奪門而入執唐王聿錡與周益遠諸王俱殺之時丙戌十二月也明年正月分兵取南韶克肇慶下高雷廉三府渡海取瓊州親率兵向廣西襲梧州執大學士丁魁楚於岑溪殺之盡獲其資進攻平樂先驅至桂林會粵東兵起養甲遣人告急成棟遂遣師往返攻擊自春徂秋始獲定而廣西之平梧以及海北高雷廉等城俱復失屢被責問明年戊子春江西金聲桓王得仁來附密書約成棟初成棟恆念世受國恩降清非得已其在粵密閣中嘗奉高皇帝像禮拜焉每得粵中起義諸臣必禮待之及將刑為之咨嗟流涕其與養甲共事

大興傅氏長恩閣鈔本

也推鋒陷陣皆倚成棟養甲受成而已故威令抗行互為主客及奏功養甲投兩粵總督成棟得廣西總兵受教之日戎服趨走甚卑由是愈不平成棟有愛姬松江妓也揣知其意勸之舉事成棟撫几曰憐汝雲間眷屬耳姬曰丈夫作事戀妻子乎請先死尊前以成君志遂自刎成棟抱尸大哭曰我乃不及一婦人意遂決王得仁圍賴川急養甲趨成棟赴援成棟與署布政司袁彭年等密議於三層樓既定語養甲曰今出城數十步皆賊安能遠行計惟急改名號以安人心耳養甲愕然莫可誰何成棟遂下今用永曆年號改衣冠遣使奉表赴南圍一時大喜過望封成棟為廣昌侯養甲為襄城伯養甲懼禍盡以所部投成棟六月成棟使其將羅成耀以黃金一千白金十萬及絲絳舟楫迎上於南圍上幸肇慶拜成棟翼明大將軍進惠國公其子元愷以兵三千至遂為禁旅成棟反正之初小心謹畏以粵東郡縣吏皆養甲所置盡變易之先令藩某試其才能分正異二途上其冊於銓亦且曰以俟朝命吾不欲專也而中朝畏成棟悉如其奏是時人入有中興之望功名之士多自投來歸而大臣才智猥下經理無術不能因其來以驅策諸將反以大權盡投諸成棟建牙委篆動必咨之內則伺顏色於元愷先是陳邦傳封思恩侯子曾為錦衣衛至是成棟封公邦傳意不滿乃亦進邦傳為慶國公并封其中軍胡執恭為武康伯成棟聞之亦以其下杜永和閣可儀郝尚文羅成耀黃應傑楊大福張道瀛

大興傅氏長恩閣鈔本



等七人請封皆伯爵而元胤亦為錦衣侍衛掌絲綸房事元胤修整大雅喜與士大夫交袁彭年素負時望至是入朝為左都御史掌臺綱於是副都御史劉湘客吏科丁時魁兵科金堡戶科蒙正發等皆與之善持論侃侃專以尊主權別流品斥倖進為事遠近望而畏之因有五虎之目冬十月成棟攻贛州不克時

大兵已至南昌金聲桓召王得仁還救贛州守禦已固成棟至高進庫擊敗之還避南康十一月獲佟養甲問更以聞殺之己丑正月南昌破聲桓得仁俱死成棟方至信豐聞賊諸將欲拔營歸成棟不可會天大雨一夕成棟坐城樓召諸將計事則去者大半矣成棟慷慨涕零舉酒痛飲左右挽之上

高進庫之卷五十一

三

馬拔甲渡河馬蹶沈水死諸將全軍以還事聞贈夏國王諡武烈五月以杜永和為總督守廣州羅成耀守南韶加元胤單騎將軍封南陽伯領宿衛卒元胤雖侈而其治軍也猶得成棟遺法六月楊大福為亂於梧州元胤召至縊殺之明年正月朔

大兵至南雄羅成耀自韶州潰歸未幾走高州為亂元胤復以計殺之成棟歸國未久而死將士皆有離心賴元胤忠誠故人恃以少安及韶州破上西走梧州留元胤與馬吉翔等守肇慶初成棟父子之方寵也陳邦傳甚歎望又為金堡等所排威望日損東事急召之赴援非其意也顧藉以洩前憤而五虎交橫廷臣忌之邦傳既至戶部尚書吳貞毓兵部

大興傅氏長恩閣鈔本

侍郎程源印劾金堡等朋比誤國四人皆遣戍惟袁彭年先以憂去得免元胤在肇慶不能救也

大兵薄廣州杜永和於元胤弟建捷力戰禦之永和進為侯建捷封安肅伯廣州城三面臨水成棟復作兩翼傳於江外為礮臺引水繞之地險守固攻圍十閱月不能破杜永和謂敵破在旦夕援師至者皆却之邦傳挾三水因之觀望不進及冬偏將范承恩謀內應決礮臺之水

高進庫之卷五十一

四

大兵藉薪徑渡遂得礮臺返以內攻十一月二日城破屠之承恩降永和等由海道奔瓊州建捷突圍至肇慶邦傳等師俱潰於三水已而桂林亦破上如梧州將至南邦傳邀劫各官於藤江明年春元胤在肇慶其下必多謀叛者元胤與其弟謀曰勢必不支與其死於此不如死於主上之側因俱奔南伏地慟哭哀動左右會孫可望遣將殺內閣嚴起恆等元胤憤甚請出靈山收高雷之兵迎主入海至欽州之防域為土兵王勝堂所執送靖南王耿繼茂勸之降不屈命作書招永和元胤曰吾與杜將軍同繕兵海上我事不成已為身國乃欲敗人事耶繼茂曰將軍昔受國恩今來歸正非降將可比何介介乎元胤曰大哭曰昔不過帥府一親人耳今爵通侯司禁旅寵榮極矣寸功不立狼狽被擒何顏復生夫人以國事士遇我我負之不祥及五日聞永和以瓊州降乃慟哭日夜求死遂與弟建捷及前鋒將軍李用朝俱被害投尸海中建捷字敬赤真定人亦成棟子也為人沈深有略

大興傅氏長恩閣鈔本



善騎射前已登舟出海聞元盾被執復回願同死元盾三妾皆自殺

焦璉字瑞亭宣府人以勇力名未束髮見塞上有乘馬來者騰身而上推墮其人馳四五十里而還之以為笑樂從軍粵

中隸靖江王標下靖江之變璉式報知璉忠勇令執王反正永

同知桂將軍印令鎮廣西

清兵從樂平逼桂林璉自黃沙鎮率三百騎入援山水汛濫及馬腹士卒跋涉水道行百里夜半呼門而入平明

大兵薄城突騎數十入文昌門登城而射矢及留守署屋璉不及甲控弦射一大帥顛騎乃下城短刀接戰士卒猶不知

大兵之入方閉城門璉搏

清騎騎不得出復上城扶馬越城而下璉開門引騎直貫其營追奔二十里已而劉承清所遣援兵索餉大譁璉傷於流

矢

大兵開城中兵變復進攻璉裹創登陣礮矢無虛發夜令馬之騏以千人渡水東襲

大兵後天明璉開文昌門大戰

大兵敗走璉乘勝遂下陽朔平樂捷聞封新興侯十一月璉與郝永忠敗

大軍於全州

大軍還出楚於是璉駐平樂永忠駐興安永忠自受撫後暴

大興傳代長恩閣鈔本

橫不奉約永璉兵深嫉之式報曲為調和永忠乃稍為用及駐興安監軍兵部侍郎蕭琦詔附之琦者江西進士式報門生也為人儉壬居永忠營日夕求所以媚永忠者遂言桂林富饒留守殷厚戊子二月聲言

大兵且至擁眾批桂林巡撫于元燁請閉門弗納而蕭琦先入曲說式報納永忠比入城縱兵剽掠上倉卒西幸璉遣人

謂式報曰雖敵外逼奸究內開公疾出城璉且移師至桂林駐兵城外俟永忠外掠四面擊殺不數日賊可盡然以全

為保障梧為門戶協力守粵事可萬全式報以治兵相攻恐傷百姓不聽及式報送乘輿出永忠即入掠留守署城中烟

火蔽天何騰蛟方在永固聞變疾馳至璉亦自平樂統兵入亂始定三月二十二日

大兵聞兵變襲桂林式報與騰蛟命分三軍一軍出文昌門一軍出榕樹門一軍出北門戰未合璉奮臂顧左右曰奚須

三軍璉為諸軍破敵軍騎直入

大兵圍之天下如雨璉左右衝擊所向莫當

大兵合而復散者數矣撫粵將軍劉起蛟見璉被陷大呼馳入與璉會擊殺數百人而出

大兵始還璉亦將白責戰死焚其尸得箭鏃數升桂林再危賴璉力戰得全自是留守倚重焉趙印選胡一青王永祚者

滇將也先從督師楊廷麟守吉安贛州贛州破三人走湖南投何騰蛟騰蛟死楚地盡天三人相謂曰吾輩以勤王出滇

大興傳代長恩閣鈔本



依揚何兩閣部今皆死亡軍又新破不可復振將死封疆乎  
則吾無封疆責將就降乎則負出滇心聞桂林留守督師仁  
慈好事士可以共功蓋往歸之乃收殘兵得萬人走桂林已  
丑五月至式邦大喜遣使郊迎而滇軍部署不嚴璉部將趙  
興怒其橫攻之殺四百餘人式邦亟召與語曰國家危在旦  
夕諸將軍方當協力共扶社稷豈容私闕耶兩軍皆感泣璉  
遂斬趙興以謝滇將事得釋因封印選開國公一青興嗣侯  
永祚圖遠伯留之守桂林全州而調璉守陽朔璉鬱鬱不樂  
曰懼公驕客兵輕腹心璉死無地理骨矣八月劉起蛟出全  
州深入敗璉璉按軍法誅之然璉之所以取勝者以部下趙  
興劉起蛟白責固名將也自白責戰死興起蛟坐事誅焦營

南疆通文卷五十一

七

從此亦弱庚寅四月封宣國公十一月  
清兵逼桂林滇將俱逃式邦命追之不及城中空無一兵式  
邦歎曰吾死矣使焦將軍在吾安得至此遂被執將死遺書  
於璉曰敵兵羸弱城內空虛公可提兵以來此中興大計毋  
以我為念璉得書泣曰懼公遠我我倉猝不及救今公既  
死吾又誰與共功名長跪不已辛卯璉治兵五屯所五月兵  
潰過淨州鎮將陳邦傳素與璉有隙置酒誘執之斬其首令  
子會禹持獻孔有德以降李定國之克桂林也擒邦傳父子  
送行在伏誅  
馮耀字含五南海人世襲廣州後衛指揮後陞廣西寧印都  
司乙酉同總兵焦璉平靖江王陞富川副將永嗣即位以推

大興傳氏長恩閣鈔本

戴功陞總兵賜一品服俸庚寅二月廣州被圍權從上幸梧  
州欲使使宣諭平南靖南二王而難其人懼憚慨自請行既  
至廣州守將杜永和止勿往耀曰不往則欺君吾知君之不  
可欺不知敵之不可說也永和與諸將餞於鎮海樓耀年七  
十餘鬚髮皓然意氣凌厲引滿盡數斗謂諸將曰從此出郊  
一里至越王臺即異域矣吾老兵奮三寸之舌宣布天威但  
得丁零歸命亦何必蘇武生還哉緋衣玉帶導鼓吹旌旗而  
出既抵營宣教云立轉南中之甲旋為北伐之師侯爵可得  
也二王大怒耀厲聲呼責諭以大義二王皆壯之檄使還說  
耀不從以劍擬之忻然引領執刃者欲去其冠曰吾冠朝廷  
冠也頭可去冠不可去以手扶冠坐而受刃

南疆通文卷五十一

八

李明忠字蓋臣新建人初遊京師與豪俊交尚氣喜談兵烏  
帥毛文龍延致幕中甚尊禮之明忠時時從其部下虜孔有  
德耿仲明等飲酒酣歌晚視一時文龍死有德等疑懼東走  
邀明忠與俱明忠慷慨言曰吾中原人當歸中原異地富貴  
非吾所也單騎歸京師上書言方略不報宏光元年閣部史  
可法奏選奇才勇略之士如武進士例取三百二十人明忠  
居第一初授廣東山西副將尋陞梧總兵丙戌永圖監國故  
相蘇觀生立隆武弟聿鏞於廣州改元紹武明忠奉命從總  
督林佳鼎率師問罪兵敗佳鼎死明忠收殘兵而還庚寅以  
太子太傅都督高雷瓊軍務挂圖武將軍印封海康伯廣  
州既失靖南王子耿繼茂念明忠父友也遣使招之明忠斬

大興傳氏長恩閣鈔本



其使辛卯二月尚可喜遣其將徐成功率兵向高州明忠接戰於陽江圩洞橫總兵廣西趙印選以狼兵三千人來助徐兵連斬三柵以入進克電旬抵高州明忠走保博白山中副將王邦友黃魁馬進忠李光先監軍副使郭光祖吳人龍等俱降明忠勢益孤哀聚散亡走欽州之龍門島壬辰繼茂將攻瓊州駐兵海康先是總督杜永和及博興侯張月等以廣州失守走瓊州至是明忠欲往依之永和誘執以獻繼茂待以父執猶時時誘降許以通侯之爵明忠仰天笑曰嗟乎繼茂吾與汝父在皮島時肯降心北向今分藩開府豈足道哉吾明室遺臣力盡而死夫又何怨囚七日死之壬辰十月十日也

沐天波黔國昭靖王英十一世孫也崇禎三年父啟元薨天波襲封黔國公天波之受事也少小人於錫朋用事與其管事阮呈麟爭權讎於天波而殺之呈麟鎮靜老成府中惜之錫朋遂為參謀貪墨數以事侵土司其豪吾必登遂反調各土司兵征之沙定洲者安南土司沙源之子娶阿迷普名聲妻萬氏兼有兩家之衆定洲獲悍萬氏狡而淫素懷不軌願嘗以賄結錫朋錫朋親信之及奉調至而必全己先誅定洲因留會城不去都司阮酌嘉阮氏養子也自呈麟死懷疑懼及參將袁士宏張國用等皆與定洲交通欲為變黔國公滇久家富厚天波門下客負資被譴者每見定洲輒諍沐氏金寶以動之乙酉十二月朔遂入天波第焚掠時變起倉卒天

大興傅氏長恩閣鈔本

波周章甚錫朋勸之逃參謀周鼎諫曰公一走大事去矣何不令府兵拒賊錫朋曰此賊間也天波乃殺鼎而踰垣矣至西門守門參軍陳大經聞變已勤兵以待及見天波言曰公何故出諸土司眾將列營城外者合之可得數萬公下令調之討賊定洲釜底魚耳今一出城則眾無主士散不可復聚經願身先士卒為諸營倡天波不從將出城大經復攬轡涕泣而言曰戰而不勝走未晚也錫朋目天波天波殺經於門側而去母陳氏妻焦氏走城北普吉村相謂曰吾輩皆命婦不可為賊汙舉火自焚死府中軍校方率兵與定洲巷戰聞天波走乃散巡撫吳兆元閉署不出天波望救不得遂由楚維西奔永昌定洲追之至下關楊畏知拒楚雄傳檄討賊定洲乃回拒有黔府劫兆元令上章誣天波叛逆而已發兵討平宜代鎮雲南兆元不從則幽之外室奪其印以偽疏入告分兵攻州祿永命及石屏龍在田等在田昔奉命援楚隸總督熊文燦麾下與孫可望相識至是而知可望在黔使人問道迎可望告以滇亂曰假大義來討全省可定也可望乃詐稱黔國夫人弟焦侯復仇兵屠曲靖定洲方圍楚雄聞之與戰於草泥關大敗還入會城悉敵其所有遁歸阿迷滇人受沐氏世恩憐天波無罪見攻聞之惟恐其兵來之不速也及至始知為可望等殊失望楊畏知兵敗被執可望釋而禮之畏知說以共獎王室優禮黔國禁屠戮焚掠可望悉聽之以書告天波天波使其子忠獻來報可望加禮焉乃使劉文

大興傅氏長恩閣鈔本



秀借至永昌以天波歸雲南誅阮韵嘉與錫朋等明年李定國至河迷執定洲萬氏歸陳之天波具衣冠謝遂依可望以居可望等以勛舊禮待之不復假以事任也丁酉李定國自安隆奉上至雲南天波以世臣受寄心贊天波為人忠實有勇力既經患難慨然以身許國孫可望之內犯也使其將張勝間道襲雲南時定國等俱出禦而守城者為王尚禮可望私人也謀為內應天波覺誘之入朝以護衛兵守之天波素善流星鎗經亂每攜袖中是日恐左右有變出鎗舞縱橫擲擊觀者皆披靡尚禮俯伏歎曰吾為櫟中虎不復煩公逞神技也既而可望敗張勝擒定國凱歸論功白文選馬惟興馬寶等皆進爵次及天波天波辭曰吾世受國恩常懼無所報稱且今吾有何功濫膺爵秩乎天波知國事已去身死亡在旦暮而先人宗祀不可不繼乃使其子分贊各土司曰諸蠻吾先人所撫也魂可依焉汝倚婦翁猶不失淨土自沙酋之變焦夫人已殉節惟侍女夏氏歸母家得免剃髮為佛弟子天波歸重其節義使掌家政亦不復娶己亥春大兵至滇天波並棄夏氏獨身從上入緬甸夏氏縊兵亂死者相撐柱為鴉犬食血肉狼籍而夏氏屍無敢近者得復收葬咸以為節義所感云天波既行以二月二十六日抵暹木河緬人守關從官不得入上使天波先入宣諭緬兵聞黔國公來猶下馬羅拜晦至蠻溪天波與國舅王惟恭典璽監李崇貴謀曰蠻人異心事不可知也不若奉少主至茶山外可

大興傅氏長恩閣鈔本

以調度諸蠻主營上在內亦籍以為重使緬人無生心焉惟恭入言之后不可而止三月二日緬酋來迎者四舟從行文武別走陸道九百餘人馬稱是於是從官愈少十八日至井巨緬人自萬[匪]時絕貢職不通中國者八十年至是傳語所聞皆萬[匪]朝事而出神宗璽書今篆差一分以為偽天波出已印較之無差乃復居井巨月餘緬酋愈倍饋少從官無所得食天波與蒲縷王啟隆集樹下議曰緬待吾情日薄此豈可依以久居及今走戶獵二撤出孟養尚可圍存馬吉翔阻之計復不行及白文選等兵至亦為吉翔所却五月選緒經誅茅以居蠻俗以八月十五日為歲節屬國皆來朝欲天波至用蠻禮見以誇示外蠻使人來召天波不欲行吉翔強遣之既回慟哭曰前在井巨不聽吾言至有今日之辱吾不屈節則主在虎穴勢且上累嗚呼誰生厲階至今為梗吾何以告新耶庚子秋定國等兵又至緬又使人請天波往且賓主禮甚恭及定國兵敗出緬益無所畏矣辛丑五月緬酋弟莽猛白代立遣使索賀禮不能應至七月而有咒水之禍初緬人請從官過河議事吉翔令諸臣盡往天波疑有變不欲行上強之至則就宴酒數行伏甲起悉就縛天波出袖中鎗擊殺十餘人而死又發兵圍行宮誅其未行者頃之傳語曰母害皇上及沐國公不知天波已前死矣是時死者松滋王而下有四十二人而其先以病死及自縊者甚眾從行之文武盡矣天波三子其二先病卒獨忠顯在石屏隨其婦翁龍

大興傅氏長恩閣鈔本



世榮出降居雲南是年四月有梅道人者與張琦尹士鑑等謀起兵偽為忠顯書致南州祿昌賢事發琦等誅死忠顯度不免謂其妻龍氏曰吾且蹈不測汝姪已四月幸而生子無絕先人後乃令內臣滕九德僕白君愛引之出詐言進香東岳祠浮州至昆陽州遇新興勝飛龍龍蛟兄弟家忠顯赴逮以其使婢夏蓮冒龍氏真龍氏八月產一男名為神保及乙巳三月新興土酋王耀祖等謀奉神保起事以衣幣迎龍氏母子入山移檄諸蠻數日戰不利遷之法冲白乃家又令白君愛別藏神保於滕氏吳三桂窮搜獲之解京忠顯先在京尚無恙至是並逮訊焉嗚呼天波寄掌上司志亦苦矣而卒不保宣天之故欲絕其嗣耶曰沐氏自黔南王開國以來凡二王一侯一伯九國公四都督富極貴溢諸勳莫與比焉天道惡盈故後嗣卒罹此禍然以天沐之忠義而不得免焉而亂賊之裔且繁衍累世亦獨何哉

逸史曰粵中之武臣多矣其可紀者祇此元膺之節烈璉之忠壯猶有黃靖南之風焉王祥楊展扞禦蜀疆雖非矢志為國然遺民得以保聚不至浮碎者展等之功不可泯也沐氏世鎮滇南不異尉陀之尊富而三百年之勳鎮殉國者止黔國一家差不負世臣之名若皆如劉孔昭趙之龍之徒二祖之靈能無恫哉

南疆逸史卷五十

大興傅氏長恩閣鈔本

南疆逸史卷五十一

烏程溫睿臨撰

列傳第四十七

武臣

曾英

王祥

楊展

王興

陳奇策

蕭國龍

曾英字彥侯閩之莆田人從父宦遊成都父段因家焉為人惆悵有材武喜赴人緩急行賈劍南致數千金以施與壯士士多歸向之號曾公子獻忠將犯蜀英與巡撫陳士奇有舊請獨將千人當賊不許而以全蜀兵使羌漢總兵趙光遠率之與賊戰大敗走漢中英復痛哭請兵士英不得已署英守備以土兵數百試之英盡散家貲市牛酒教練旬日士皆踴躍願効死會賊至瞿塘峽口號五十餘萬氣驕弗備英設伏擊殺賊阻險不得入與英對壘日夜挑戰英堅壁不出而多張疑兵於山谷每夜擊賊賊驚擾自相砍殺爭走上觸飛礮死者無算凡守六閱月救授不至英與戰而賊退至五里望川關賊追砍其頰傷英殺數人隻身遁去張獻忠遂入屠夔門雲陽抵萬縣悉驅人民沈之江復從梁山趨順慶所過喋血以人肉為糧長驅入成都當是時蜀人皆思英曰曾公子而在吾不至此獻忠大索英有僧某高其義烈遇之以千金資英召募旬日得萬餘人裹創出戰賊於魚腹浦收復

大興傅氏長恩閣鈔本



重慶時王祥起兵遵義揚展起捷為曹勛起黎州前大學士  
王應熊亦起兵縉素師出達州道馬乾署巡撫事傳檄討賊  
蜀紳前總督樊一衡前戶部郎中范文光舉人劉道貞或奉  
詔或承制出師前侍郎余思恂與前四道王芝瑞奉王應熊  
檄權宜措置兵食涪州道劉麟長往來主遊說袁韶武大定  
各以兵反正生誠譚宏譚詣巫山劉體純鄧都胡名道金堂  
姚玉林苑州王光興王有進呼九思各起兵討賊所謂夔門  
十三家兵也夔州亦不從賊賊所拒者僅成都保國慶順一  
路勢稍衰初賊去重慶不留一兵故英一鼓拔之復為國家  
守王祥移兵綦江相與特角兵威大振而英以李占春于大  
海為左右手前復重慶兵最雄獻忠聞之憤曰曾英不足畏

夔州匪志卷五十一

三

重慶要害地不可失命親將劉文秀率兵疾往占春迎戰于  
多功城與大海天擊文秀大敗賊他將攻嘉定者亦為占春  
大海所敗賊勢大阻英是時年二十有六玉貌錦袍戰輒先  
登陷陣躍馬揮鋼所向辟易而捕美鬚髮賊望見驚以為神  
眾至二十萬威名為遠近所服獻忠數不得逞謀下吳越而  
未果者以英為之首也會

清肅王兵下漢中獻忠將劉進忠以保國降王命士馬仰杖  
兼程以進獻忠方營於西充驢亭不設備鐵騎掩至獻忠被  
擒磔死可望等引兵乘潰合師攻英於重慶英倉卒不戰中  
矢投渝水死占春大海收殘卒二千奔涪州文秀遣其黨盧  
名世疾取涪州占春戰敗大海在忠州知力不支乃放舟出

大興傅氏長恩閣鈔本

夔州巫峽入楚或曰當可望敗走英乘其亂以全軍出壓之  
賊尚十餘萬爭路不得出除險遂與英殊死戰日暮大風雷  
雨軍俱奔英且戰且走甲重墮水而死時隆武元年某月也  
英部曲多歸晉王李定國軍中每言曾公子未嘗不流涕  
王祥綦江人為入勇悍既從軍守九圍子隘張獻忠亂蜀惟  
遵義一府未破督師王應熊及巡撫馬乾皆駁焉乃與監司  
劉麟長王芝瑞等傳檄討賊而苦兵少聞邑紳刁化神以鬼  
道募兵甚夥使涪將曾英襲取之英聞人與其部下涇陽李  
占春項城于大海等均以材武稱遂復重慶王祥聞亦起兵  
綦江相與特角應熊得祥甚喜奏為總兵官委任過於曾英  
及孫可望潰兵過重慶殺曾英破綦江由遵義入黔而祥等

夔州匪志卷五十一

三

走永固山中永固二年應熊率呂大器代為督師可望入雲  
南祥於永固赤水間收復餘兵與戰賊之眾亡者聚至數萬  
人進攻遵義復之因拒其郡遵義古播州地饒沃而深阻祥  
於其間撫流亡治屯田且耕且守蜀紳士避罪者多歸之戶  
口充實祥於是獨雄於諸鎮巡按御史錢邦芑上其狀詔封  
祥平寇伯祥甫得一郡未有平寇功也而封號遽與前曾英  
等一時以為榮李于等勿服也會袁韶方與占春爭長治兵  
相攻祥惡占春之強思與韶合一日誘占春計事伏兵執之  
占春殺守者而逃於是諸鎮日尋干戈矣是時蜀中北逼  
大兵南畏孫寇諸鎮惴惴守土不暇顧不覺悟反相殺賊是  
以皆底於敗先是總兵皮熊者從巡撫范鎮守貴州孫可望

大興傅氏長恩閣鈔本



之入寇也熊不能禦敗於烏江走平越其後自平越收兵復貴州破土賊藍二等以功封定番伯至是遵義饑祥赴黔告額熊不與遣郡卒奪其資祥怒舉兵攻熊不勝而還熊因奏祥不奉天子詔有兵不以禦寇而擅侵內地是賊也請約諸鎮會計諸鎮處荒殘境美遵義殷富思劫之久矣見其機大喜各率兵攻祥大小十餘戰不能克祥使人聯和皆罷去惟黔兵深入相持月餘兵老乏食熊子又英年少不習軍士卒氣益衰乃引軍引祥悉銳乘之熊兵大潰死烏江者三萬餘人祥亦上疏自理上乃使使和解之會盟於烏江罷兵脩好於是思南銅仁涪潭諸郡邑皆歸降祥盡禮於蜀紳蜀人之仕中朝者皆言祥雄武皆大用乃進封祥忠國公熊亦進封匡國公亦藉以為西藩障滇寇焉孫可望既而請王封不得而怒庚寅春使李定國白文選大出兵由雲南趨貴州及熊度不能支遣使請盟不許走清浪衛總督范鎮入臣於可望可望遂拒有黔中地皮熊徵土司兵三萬出平越復為馮雙禮所敗乃入烏羅司文選追執之釋不殺其秋文選將三千人赴永[圖]將攻王祥守將侯天錫迎降詐以危言報祥曰滇兵二十萬已度烏江來矣不如先期避之祥懼召諸將與謀將軍李定者驍勇敢戰眾服之定曰二三年來操戈同室雖捷亦恥今發兵討賊復有何疑勝則國之福也不勝不失為忠義鬼定願率死士為前驅祥猶豫不決私計自真安州入彭水拒險守隘引李于為助猶足自立乃裹其幣帛金寶

大興傅氏長恩閣鈔本

作竹夾三十背使牙將負之先行定頓足歎曰百戰基業寇未至先自敗鼠子何足計大事乎將士多送款於可望可望疾發兵掩擊之祥倉卒夜走牙將之負資者先逃比曉並失妻子從者僅百餘騎追者至祥率數十人持短刀戰殺百餘人力盡自刎死明年可望下涪州李占春戰敗與于大海俱入楚降皮熊有塔張默為水西宣慰司安坤師可望賊熊往依馮壬寅吳三桂破水西坤敗並執熊及默熊年已八十餘矣抗節大罵絕食四十日而死滇人哀而殯之揚展嘉定州人崇禎辛未武進士為川鎮中軍成都之亡諸將皆被執將斬履有力善泗水夜並脫其縛入江中逸至嘉定見會英等起兵展亦入隄為殺偽令以起事州人開門納之時蜀地殘破歲復大饑

大兵既誅獻忠不能留諸舊將稍稍出收復保聚嘉定近省而險履復善於撫眾遺民及潰賊相率歸之眾至數萬人先是張獻忠之去成都也輦金銀沈諸江有知其處者以告展使其壯士乘巨筏探求之數日獲大銀以巨萬計時斗米三十金流茅戴道展乃遣使百輩赴黔楚告饗前後得米數十萬石自鄉先生以及弟子員具贍資送其家農民給牛種口食使擇田而耕壯而願從戎者補五月與米銀使操兵戰百工雜流各以其藝就食孤貧無告者康之蜀民賴以全活者甚眾是年秋大獲士庶始有更生之望愛展如父母蜀人走四方者迷展慈愛未嘗不流涕也而展亦以是雄視諸鎮粵

大興傅氏長恩閣鈔本



中聞之封侯華陽伯得錫予視他鎮有加永熙二年也展既地廣兵眾然性矜尚文雅不務攻戰又泛愛不擇人至引賊自助卒為袁韜武大定所殺袁韜獻忠別部也出沒川東北山谷間其黨十三家號姚黃賊所過焚殺與獻忠等王應熊招降之授副將使守順慶武大定有材武見稱肆總督孫傳庭標下及國變與孫守法聚眾南山中

大兵至戰敗走與安守法死大定入蜀歸於巡撫李乾德令與袁韜攻入佛圍關守重慶未幾袁韜與占春爭長治兵相攻而重慶兵多食少乾德乃遣人說展與合兵展大喜與袁武約為兄弟居之樓為給供資裝日相望於道久之不能無忌也而展與占春故交好通問如初袁武大定望乾德屢調

展經營西北展不能聽乾德遂謂展慢己而袁武驍勇足恃袁武心艷展資知展失乾德助益曲意事乾德遂共謀殺展並其眾會袁韜生長展親賈金幣上壽並以牛酒犒師袁武治酒高會展以甲士五百人長刀自衛甫入重門問犒五百人酒醉而殲焉坐上擒展囚之別室尋殺之諸之欲圖展也其妻流涕諫曰我軍流離饑凍非楊公眾且散矣負人大功鬼神且有冥誅必不可勿聽乃陰遣人告展展勿信故及於難及展死諸妻亦自縊諸發兵圍嘉定諸將奉展妻及子景新嬰城守久之城中饑困諸鎮發兵救嘉定皆敗去於是內應者以城降其妻縊景新北走而展士馬財賦盡歸諸大定矣眾論俱不直李乾德朝廷下詔切責乾德問展死狀兩營

大興傅氏長恩閣鈔本

分展財不及乾德乾德亦悔恨庚寅孫可望拒黔將寇蜀乃為展訟冤聲乾德及袁武等罪遣兩軍王自奇將一軍由川南進別遣精甲萬人由滇渡金沙江踰大小象嶺過大渡河出黎州以襲其後劉文秀將之袁武不知也方悉力戰於州南月餘文秀兵徑入嘉定袁武還師以禦王自奇尾擊之遂就擒乾德沈水死

王興宇電輝恩平人以殺讎亡命易姓名蕭嘉音為人短小精悍任俠好死得諸惡少死力會御史連城壁兵至新興與眾疑而擊之殺五百餘人城壁厲聲責以大義興聞之大驚曰此朝廷繡衣使者若輩無知至此奈何乃單騎造城壁伏地請謝罪遂迎城壁至其營張樂設飲三日剝血為誓會有

他盜謝家者要掠高雷運餉數萬興執家斬之獲餉直詣撫軍撫軍異其事授以官由是興以勤王為任城壁疏聞於隆武授副總兵命城壁監其軍而鎮守陽江陽春兩縣丙戌冬唐王聿錚僭立密使人說興西出梧棲擊三營許酬封爵興以大義拒之廣州陷還保恩平山中修養甲以書招降弗聽遣兵合攻興伏而敗之殲其將焉遂入恩平養甲謀使朱厘熟黎從合浦西走南甯促永甯興知之出攻羅定陽春以制其後而乘間襲復陽江隨攻電白無日不與大兵戰大軍苦之戊子李成棟來降上在肇慶城壁上其功詔興入朝晉都督總兵官賜蟒玉還守陽春陽江恩平開平四縣庚寅春廣州被圍以興挂虎賁將軍印率兵同衛臣馬

大興傅氏長恩閣鈔本



吉翔李元省等赴援興次三水道遇

大軍斬獲百餘人奪餉數萬上之戶部廣州守將杜永和忌之過弗使前廣州再陷興運至陽江會永和亦至舟資器仗盡為所奪乃率眾入白泥砦尚可善耿繼茂二王招之興斬使焚書已復書曰朝廷用我以名我報朝廷以實朝廷用我以實我報朝廷以名今尺寸之土朝廷之名實在焉必死以爭之

大軍攻之踰兩旬力懈興以五百人分伏斬級千餘得馬騾數百甲午五月復廣衛城殺其將張登榮八月九日李定國兵下高涼興為前鋒旁收諸縣從攻新會先登定國賊績興乃駐軍文安築壘建倉廩為持久計宗藩唐王聿錡即王邸

城新安及縉紳朝士多在依之興一遇以禮資給咸豐殺婚者為出羔雁欲去者為具行李時上在雲南海上出入詔使興為東道主又數使姪懋功與黃珏假道交趾貢金銀布幣諸物十三年春可喜發兵五萬攻之以巨礮壞壘百丈墟附將登興抵濠而伏奪火石飛龍石擊死精騎七千餘人又陰毒四山水草密布竹簽蕪藜士馬飲者踐者多傷脹蹄潰相持三月海陵將軍陳奇策帥師來援解去蠟表告捷加興縣伯丁酉境內薦饑興發糧儲以賑

大兵乘窘驅民夫十萬水陸合攻文安地窪下四際滴水罔繼傾陷難以馳驟遂張兩翼為寬圍遠斷出入欲以坐困之久之城食盡興令兵民散出就食時升米二千錢一鼠錢

大興傳氏長恩閣鈔本

百丈雖餓無去者興私謂其弟曰城可恃而食不支天也我終不降弟善撫諸孤以續先祀吾死且不朽乃密斷大棺一具藏之戊戌八月城將陷可喜使使來招望日之夕興命將士嚴守陣與妻張氏朝服及諸妾北拜謝恩置酒相訣張氏與妾十五人皆自縊興舉火自焚比燒

之時興年四十五是役也

大軍將帥死者三十餘人喪兵數萬馬五百七十餘匹圍凡十有三月可喜義之迎喪葬於廣州之河南懋功以參將固守文安文安既陷與監軍副使黃珏總兵鄭球參將李玉分拒隔水南廳上下兩川相為聲援庚子七月隔水南廳亦陷

懋功走雲南中道被執死之珏字磊嶙新會人初奉其父兵部尚書公輔起兵新會殺知縣戰敗匿山中久之潛詣永廉授兵部司務從定國軍理餉有方後入文安答數為興奏事貢御物著有勤勞玉聞人興戎旂親將數有戰功全髮不屈死

陳奇策字鴻碩南海人初由邑掾為遊擊羅明受記室從至贛州總督萬元吉授以守備廣州之陷修養甲得之使管肇慶水師從李成棟來歸仍守羚羊峽口戊子冬上謀誅養甲陰令奇策於楊柳沙擒殺之庚寅廣州被圍奇策帥師舟赴援與諸軍皆會山水為杜永和所阻不得進廣州陷奇策還拒下川數往來虎門洋嶼之間出奇邀

大興傳氏長恩閣鈔本



大軍屢有首功晉海陵將軍榮已春李定國兵臨肇慶分攻四會廣圍並克之奇策率兵接戰應直抵山水渡軍以赴廣州

大軍以戈船扼大路峽口而奇策攻之斬級千餘還下川定國解去甲午定國復至攻下高雷廉三郡嶺西盡復九月進圍新會奇策帥舟師先

大軍襲擊斬將益一鯨於江門焚其大艦數十又擒副將梁大刀檻致軍前定國大喜使為舟師都統毛江門柵築礮臺以絕聲援

大軍窘甚城中兵民相食會救至定國戰敗仍還下川先是高州之戰

清總兵郭虎敗走高明以眾三千降定國分置奇策舟中虎潛逸去奇策命諸軍圍殲其眾廣鹿劉良興來攻奇策設伏擒之全軍皆沒丙申

大兵攻文安寨奇策往救轉圍下川大戰七日以西洋礮擊傷數百人

大軍還走奇策念下川地小雖與隔水南廳海陵諸寨交通然密近

大軍終難以一鄉抗兩王全省之力聞靖氛將軍鄧耀拒海欽州之龍門島孤懸海外界接粵西隣交趾通滇南恩與耀合兵西附定國東通成功以張聲勢彼雖強盛終不能直泛巨海千里之外以爭此蕞爾因移師與耀合耀高州人隸海

大興傅氏長恩閣鈔本

康侯李明志麾下明忠死耀將遺眾保牙山牙山陷乃走龍門龍門雖邊裔絕島獨存明朔衣冠避難者多依之郡藩宗室部曹監司守令以下恆數十人定國既敗餘兵多走島上軍聲日振裝船繕甲煮海毛田以為恢復之計奇策初至耀甚喜為治營具資儲約為婚姻久之嫌疑勿能和協耀乃具舟送奇策往上思舟州道出南廣國公賀九儀素聞奇策名待以客禮使鎮永淳將聯絡土司出復欽州會

大軍攻雲南九儀往援奇策以孤軍難支仍返上思入十萬山中欲走交趾

清總兵栗養志襲之倉卒交鋒士卒疲餓數百人同日戰死無一降者部將數十人與錦衣衛指揮俞事葉英欽州知州

陳首功皆死奇策被執至肇慶總兵董某邀見執禮甚恭二王亦優待之奇策殊不為禮在獄一年每日衣冠端坐臨命知府具棺衾祭物乃迎之出奇策方巾白袍雍容步履索胡床踞坐笑而受刃傾城感歎私焚楮帛莫之庚子五月也英

南昌人字千元首功字此生建圍人武進士

蕭國龍字沛卿陽江人初為虎賁將軍王興副將從興攻復州縣視師閩郭之奇疏其功授驃騎將軍李定國師至國龍請為前鋒力攻新會不克既還奉命鎮永豐若與文安特角己亥春秋文安陷永豐被圍國龍以眾寡不敵佯降我師既還遂約水陸義士亨峒陳奇新白頭胡洪彪舊海胡周祥古城勞奏雷門奇雄雙水鐘良等同起可喜大發水陸

大興傅氏長恩閣鈔本



兵遣由上下川陡門海陵分路夾攻遂薄永豐相持兩月官軍監發火礮益馬步數千濟師先攻田顯萌諸將孤其外援奮戰兩晝夜遂陷國龍焚其家以餘兵保礮臺或勸之降曰虎賁不得有文安國龍豈得有永豐哉天亡文安所以亡永豐也今以永豐並文安以國龍並虎賁天之所亡我者不亡矣吾妻子已焚亦以並虎賁之妻妾十有五人也虎賁其望我矣其弟國麟中箭死國龍遂赴水死中軍余達子被執不屈拉其皮以死一時之羽翼者若陳奇新洪彪周祥勞奏三龍黃浦之夏應昌雙水之梁逢泰梁國炳武定屯之王尚忠雙龍之節允元錢岡謝邊若之何亞武與上下官田之杜健團練者卒戰沒無遺明兵死者前後二千四百餘被執二百餘蓋高肇兩郡接壤地奧山深而兵得因緣屯聚其諸士民不削髮者亦往往乘間相依云

南疆逸史卷五十一

大興傅氏長恩閣鈔本

南疆逸史卷五十二  
烏程溫睿臨撰  
列傳第四十八  
武臣  
李定國  
劉文秀  
李定國延安人少與孫可望劉文秀艾能奇俱從張獻忠為盜獻忠兒畜之因冒其姓獻忠僭號於蜀置四將軍可望曰平東文秀曰撫南能奇曰定北而定國則安西也獻忠死可望等潰至重慶殺會英南走綦江入貴州破定番四人相與謀曰明德入人心久矣李闖入京稱帝而不終今蜀事又不成是天未厭明德也我等何可終踵敗轍蓋相與反正扶明洗去賊名乎乃惟壇而盟復本姓尊可望受約束聞黔國公為沙定洲所逐詐稱焦夫人弟所請兵為黔國公復仇破曲靖至楚雄賊楊畏知釋而禮之畏知說以止淫掠禁屠戮招沐天波歸賓禮士大夫聽朝廷命可望乃許之發兵擒沙定洲略定迤東西是時永曆帝新立國受兵故可望等得於旬月間扼有滇黔二省入居雲南兵勢大振故御史任傑滇人也倡義稱可望為國主設六部鑄興朝通寶錢以干支紀年可望大悅羣賊本起等夷以一時無主推相統屬非心服也定國尤崛強心非任傑議每事相抵牾可望怒因他事執定國於演武場杖之百既復起持定國而哭曰吾以大義辱吾弟願弟改心共濟大事勿相戕也定國再拜謝由是恨可望

大興傅氏長恩閣鈔本



己丑畏知說可望歸朝受封爵庶可服求可望因遣畏知奉表請王封廷臣執不與久之始封可望景國公賜名朝宗封定國康侯名如堵文秀置侯名若錡能奇某侯名時泰遣大理卿趙昱往滇而澤鎮中軍胡執恭己先矯詔封可望秦王可望大喜儼然以秦王臨其下矣畏知還始知其偽恥之復遣御史瞿鳴豐入朝欲實得秦王封而遂以兵威挾制朝廷大學士嚴起恆等執議如故可望恨甚辛卯遣部將賀九儀賊殺起恆等於南甯上下震駭是時粵東西已失瞿何諸公皆死陳邦傳等出降國事愈不支乃真封可望為秦王可望既受其封迎上入安隆府以兵守之歲給銀八千米百石而已錦衣衛馬吉翔內侍龐天壽私通款可望議受禪可望度眾心未附而止乃駐貴州大造宮殿署百官以明臣雷躡龍范鎮任傑程源龔彝朱運久張重任方于宣等為宰相九卿科道翰林等官躡龍等皆起家進士受朝廷顯秩至是皆導可望以僭逆而方于宣尤指諛為可望起朝儀易印章立四廟制鹵簿九奏萬舞之樂其僭偽史稱獻忠太祖頌為湯武而指懷宗為桀紂可望覽之曰是亦太甚于宣曰不如是不足以紀開創之勳聞者駭焉上之未入安隆也可望襲執皮熊殺王祥而張先璧馬進忠等皆由雲南入黔歸可望兵至是由遵義北擊于大海李占春於重慶敗之遂有川東而遣王自奇劉文秀分道取黎州及嘉定走袁鼐擒武大定而留兵守川西其明年壬辰

大興傅氏長恩閣鈔本

大兵入蜀白文選遁回雲南可望乃使李定國馮雙禮由黎平出靖州馬進忠由鎮遠出袁州沅會於武岡以圖桂林步騎八萬劉文秀與張先璧由永寧取敘州白文選由遵義取重慶會於嘉定以圖成都步騎五萬疏請封定國為西蜀王文秀南康王時能奇己前死餘各加公侯五月定國進攻靖沅武岡皆下之由西延大埠疾趨廣西遂陷桂林孔有德自焚死執陳邦傳等送貴州劉文秀白文選亦陷敘州重慶大兵還救文秀全軍俱覆可望奪其王爵命回守雲南九月定國北取永川衡州楚粵之間舊將胡一青趙印選馬寶曹志建等屯聚粵西山谷間皆相率來歸民間亦多囑聚以應之不復受可望節制可望怒乃自至沅州使白選文張虎攻陷辰州殺總兵徐勇湖南猝不意兵至郡縣皆奔潰十一月三日定國與大兵戰於衡州城下不利會主帥遇伏死定國得收兵還屯武岡可望聞其敗將因以為罪而殺之召至沅州計事定國辭不行明年春徑回廣西可望愈怒自率兵追之大兵聞可望退進兵寶慶與可望遇於花街子望見可望龍旂盡銳攻之殺傷相當可望忽還諸營見龍營走遂潰惟馮雙禮一軍不動大兵營衡州之失亦不追各引還以武賢之間為界上時在安隆困甚聞定國拒有廣西忠勇且與可望有隙與大學王吳貞毓等十八人謀密召定國入衛以制可望許封晉王賜

大興傅氏長恩閣鈔本



以屏翰親臣圖章遣使飭諭定國情辭哀切定國讀之感泣軍中皆流涕願念兄事可望久且其兵尚強未可輕舉也可望聞之遣將至安隆盡殺與謀者以定國方將兵在外益厚撫其妻子冀收其用定國亦防可望襲之出兵由賓州南掠廉雷五月陷高州及陽春陽江思平諸邑進圍新會明年大兵合擊之定國敗走還守南<sub>圖</sub>劉文秀在雲南詔召為大招討都督督諸軍出師東伐文秀具疏辭不許乃出按沅靖諸營慰勞軍吏十日而罪文秀於諸人稍恭順慕文足親禮儒士嘗曰皇帝猶佛也吾儕當構玉宇安之乙未十二月可望聞定國在南<sub>圖</sub>勢不振遣總兵張明志關有才等襲之定國大懼記室金維新曰王無患焉明志等雖盛皆王舊部卒必不敢相敵今我疾引兵從間道出其後彼必驚潰我乘勝入安隆迎天子入雲南大勢在我秦王無如我何也定國然之內申春二月率其將高文貴自歸朝趨田川出關有才軍後猝乘之有才跳身軍士悉降定國疾走安隆可望偵知之亦遣白文選至安隆移上入黔太后聞之哭從官皆哭文選不忍乃還行以俟定國數日李定國至即奉上由安南衛西入雲南可望遣兵邀之定國已抵曲靖時文秀與王尚禮王自奇同守滇文秀亦素怨可望聞定國將至伴與尚禮守城而私以數騎馳進定國曰我輩以秦王為董卓尤恐卓後復有曹瞞定國指天誓文秀與定國文選同奉上入雲南居可望府中封定國晉王文秀蜀王文選鞏國公餘將吏俱陞賞

大興傳氏長恩閣鈔本

有差使文選還慰可望可望辱文選兵然以妻子在滇未敢公為逆也復遣文選入朝與定國議和明年五月上使張虎送可望妻子赴貴州張虎可望私人也定國欲遠之故遣之去臨行上召見勞之曰秦晉和好藉卿之力還當爵卿以公因拔金簪賜之曰以是為信虎至黔即勸可望內犯且曰上命以金簪利國主可望既無內顧憂又聞虎言方于宣等復贊之遂發兵反是時廷臣大半仕於可望者而可望腹心將王尚禮亦在滇與龔彝彝等許為內應諸鎮從定國者皆傷殘之卒而文秀所留滇兵亦少然人心不直可望馬進忠馬維興馬寶以同姓相密又與白文選交皆密謀助定國而可望不知也諸將先從容說可望使還文選兵可望信之八月朔乃以文選為征逆招討大將軍總統諸將前行馬寶為先鋒自率大軍隨其後合兵十四萬人馮雙禮守貴州馬進忠以病留安順定國文秀亦自將至三岔拒之八月朔可望王爵九月朔可望至交水列三十六營去曲靖三十里定國文秀相顧失色文秀欲走交趾避之定國欲由沅江景東取土司議未決初四日文選營抵三岔輕騎奔定國軍具言人心內向可一戰走也定國大喜請封文選為鞏昌王可望聞變欲還馬寶佯怒曰吾乃為跋賊所欺要當手縛之生食其肉文選為賊時常戰傷足故云乃遣曰一人去何足重輕而以廢大事耶可望乃止曰兩酋齊出會城必虛令寶與張勝武大定選精騎七千間道襲雲南而身與定國決戰寶陰告定

大興傳氏長恩閣鈔本



國促令速戰而身徐行使城中得為備十九日定國會戰兵  
既交文秀騎將李本高馬蹶被殺文秀欲還文選怒曰張勝  
已前往吾若還腹背受敵蹂為肉泥與其死於走孰若死於  
陣乎率所部五千馳之馬惟興勒兵不動開陣以迎文選合  
軍反攻可望在高阜見之大驚曰諸將皆叛乎遂走定國率  
諸營乘其後可望大敗奔貴州定國令文秀追可望而身還  
師張勝至雲南王尚禮已為沐天波所拘不得發勝知有備  
又聞可望已敗馳還至揮水塘遇定國兵殊死戰馬寶倒戈  
促之遂被擒十月可望至貴州馮雙禮誅之言追兵將至  
可望入城繫妻子北走雙禮斷後盡掩其子女輜重至偏橋  
隨行只二十餘人所過鎮將皆閉門不納乃走長沙降於經  
略論功封雙禮慶陽王進忠漢陽王惟興寶等封國公其黨  
附可望者皆降級誅張勝張虎王尚禮自縊於是定國與文  
秀並居雲南而事權專歸定國定國素以勇猛稱其出兵楚  
粵也連陷十數城害兩王子其黨益嚴憚之定國性抗直與  
人無私曲回滇橋可望失事上盡禮進奉極豐不以威凌士  
類人以此多之然計慮善畫不及可望既柄國任用記室金  
維新官至吏部右侍郎馬吉翔復以諂佞入內閣羣小爭趨  
之舊人失職多怨望於是王自奇關有才等相率叛誅戮頻  
行勢亦漸衰矣可望既降封為義王欽藉

大興傅氏長恩閣鈔本

關初定國所收可望諸軍謂之新軍而已所部謂之新舊軍  
賞資獨握趙印選胡一青滇宿將也亦罷不用以故新軍  
不附及

大兵至盡還守四月二十四日文秀病卒貴州陷  
大兵遂入雲南七月定國受黃鉞與馮雙禮等守盤江拒雜  
公背文選將四萬人守七星關其冬蜀兵出遵義由水西入  
烏撒文選懼棄關走露益而廣西土司之降  
大兵者導以入安隆襲盤江之後定國拒戰於羅茨凉水井  
連敗遂遁走永昌報至上出走己亥春三月  
大兵陷雲南鎮將胡一青等降上至永昌下詔罪己定國還  
黃鉞待罪自請削秩不許二月文選敗於玉龍關上入緬甸

定國伏兵於磨盤山磨盤山者越潞江二十里山谷峻險林  
木茂密仄徑屈曲僅容單騎

大兵窮追二十里不見一兵以為定國已去遠矣及過潞江  
前馳遇伏不利有俘卒洩定國謀乃分精甲先踈伏卒定國  
出兵大戰不能勝走至銅壁關結營招聚散亡使高允臣先  
馳報上為緬人所殺不得達定國率眾駐孟定土府磨盤山  
之戰定國本期文選前後夾擊而又選自龍關敗後由沙木  
河出右甸鎮康道遠不及與戰至是聞文選在木邦定國移  
兵南島與之會見文選而相尤文選不悅及議所向定國曰  
緬小邦也猝見大軍必驚懼懼而思逞必拒戰戰則是與彼  
為讎也何以托我主不如擇近境險要地休兵息士脩軍實

大興傅氏長恩閣鈔本



招潰敗兩軍相為犄角而緬外憚吾軍必不敢無禮於主上矣且雲南瘴暑敵騎不敢久駐及其敵也可結連諸土司以為後圖文選曰主上望援久矣若俱在外則在內者何所恃不如我入護主王任外事遂行由錫箔唐盤入緬定國知文選之不和也亦移屯猛緬數月兵稍聚沅江土司那崙與降將朱養恩許名臣高應鳳等起兵謀應定國吳三桂移兵滅之定國方與孟良構兵勿能救也定國勢已敗見其黨多降益懷猜忌賀九儀自南園間道來孟良三桂拘其妻子以招之事覺定國伏甲召九儀飲執而杖殺之散其兵皆怒裨將何起龍率之入滇降白文選批雍會江使人先諭緬使者被殺文選怒因渡江擊之大敗緬眾緬人偽約和而陰召兵兵既集以巨礮擊文選營文選不能支良糧遺面見定國李定國曰惜乎前不用吾言今仇怨已結在彼者危矣乃與文選俱發自孟良分道入緬定國由左文選由右時庚子九月也期與冬會於洞武道乏糧士馬死亡大半定國至洞武見沿江船議遣別將分兵渡江赴藉徑迎上而自率師攻阿瓦以制緬使不得出師爭新統武曰我兵少分之力愈弱不如全軍攻緬破必送主上至軍求和乃進師敗緬兵於瑞羊岳阿瓦緬王城也三面阻江一面通陸自文選兵至後並鑿之引水自湖留提三匝置木城其上定國抵南噶喇江為浮橋以濟使人諭曰苟送上出我則罷兵緬首不應辛丑二月乃進屯洞泊離緬城八十里文選屯象腿離緬城百十里緬

大興傅氏長恩閣鈔本

人先守木城及西軍未逼乃更於外立木城出兵以守明日兵復立前更立木城如是數四漸逼定國營乃大出兵與定國戰驅象為前隊定國戰不利文選赴之兩軍合擊大敗緬兵然暑盛士馬渴不能追緬仍入城以守定國優禮所俘緬酋令還諭送上出緬酋計曰彼兵疲食盡無奈我何不如留天子以為市終不聽乃謀渡江向藉徑前洞武船皆已藏匿使部卒入山伐木造船復使人守江橋其下饑疲自相攻殺遂散定國計亦窮至八月亦有兀水之禍從官盡死上亦幾不免定國聞之以十六舟渡江擊緬不勝覆五舟乃與白文選俱引還洞武至黑門坎文選軍在後其下勸之出降且曰晉王不可信不見賀九儀乎文選乃引而北定國覺之使其子嗣興隨文選以觀去向文選部下勒兵將戰定國遂使召嗣興還曰吾昔同事者數十人今皆盡矣存者吾與白文選耳何忍更相殘且彼既背主他出欲自為計念已絕矣吾所以使爾隨之者冀其生悔心或可併力今大義已乖任彼所之吾自盡吾事耳遂率所部東向九龍江而進而文選卒降於三桂至十二月緬人獻永曆帝於軍前定國在九龍江聞報乘走景線壬寅五月至孟臘車里國境也三桂恐其走交趾遣提督張勇追之而定國已病乃置醢自送平生所為且曰如天已絕明命尚逢子死毋徒苦軍士未幾而帝崩問至定國慟哭發表命軍士編素然病愈不支六月二十七日卒於軍其部將新統武亦死餘皆散子嗣興不能軍八月亦自

大興傅氏長恩閣鈔本



慢怯降與劉文秀子震父能奇子承業俱入京受封焉

大兵之入雲南也諸將封公侯者多降惟竇名望戰死

逸史曰昔者管仲遇盜取二人馬上以為公臣其後晉之戴

淵卒為忠義至於草昧之際自盜賊奮為名臣者不可勝數

由此觀之草澤何嘗無奇材哉明之末也以科目節制天下

士士之俊雄桀驁不能自致富貴者皆起為賊魁既以毒痛

天下濁亂神州矣迨其歸附又不能善撫而用之夫可望始

之請王封其志何嘗不願為國用而庸臣必阻格之以激其

怒而肆其噬諸諛趨勢利者反導之以僭逆考其人皆出

自科甲自附於儒雅者也天厭其惡定國起而反之尊主禮

士足以有為矣而朝無忠直奸諛復出而任事迄於不振然

其流離變節之中不忘故主至於顛天自述其志亦足悲矣

以視夫標榜聲華賣國以偷生者論世之士將何所取哉然

則盜賊猶賢於甲科之標榜者也

南疆逸史卷五十二

十

南疆逸史卷五十二

大興傅氏長恩閣鈔本

南疆逸史卷五十三

烏程溫睿臨撰

列傳第四十九

武臣

荆本徹

賀君堯

黃斌卿

鄭遵謙

鄭彩

阮進

周鶴芝

荆本徹疏大徹丹陽人也甲戌進士累官下江監軍道南都之變悉以家財募士己而總兵吳志葵起兵吳淞本徹引兵會之立義陽王監國志葵攻蘇州本徹留輔王志葵敗

南疆逸史卷五十三

一

清帥追至吳淞本徹率麾下力戰不勝走崇明護義陽王入

浙東因留定海丙戌還屯舟山小沙嶼本徹本不能軍軍無

紀律所至擾民時黃斌卿在舟山忌本徹之逼未敢發本徹

賤買民米穀民訐於斌卿斌卿故曰我無如之何也然汝良

苦與之酒食好言遣之民愈德斌卿斌卿乃密緘民詞送本

徹以激怒之本徹不察召答其民民益怒久之斌卿知民

可用乃召各寨大姓諭之曰荆某虐汝久矣我不能制者以

皆王臣也今聞且降

清將引兵大掠舟山擄若子女而以丁男充行伍行伍有日

矣若之何大姓大怖叩頭曰唯公所命於是歸以其言遍告

百姓人思逞志皆曰黃公生我我何敢不出死力斌卿乃起

大興傅氏長恩閣鈔本



師合民兵共攻之本徽將士善騎射無不一當百戰三日夜  
斌卿欲還有叛將投斌卿者告曰火藥已盡馬力竭矣鼓之  
必克斌卿因急攻師遂潰父子兄弟皆遇害夫人以老獲免  
斌卿使人送之內地其同邑人賀君堯亦為斌卿所戕  
賀君堯字淳宇崇禎末年為溫州參將加都督銜思文即位  
挂忠威將軍印其在溫州不戢軍有庠士見忤君堯召辱之  
諸生大搦令軍士露刃逐諸生有傷者崑山顧錫時以大學  
士召方渡海入覲欲劾其事一夕盜殺之江心寺人以為君  
堯所使也眾議愈不服丙戌夏

清兵破溫君堯走海與巡撫盧若騰同棲鎮下關士卒俱散  
平夷侯周鶴芝故標將也迎之入營九月同入關至海壇山

南疆逸史卷五十三

部將歐興為招募洋船得五千餘艘丁亥春護尚書張肯堂  
入浙止溫之玉瑤山其故治也傍海有漁稅萬金初夏漁盛  
輕重稅之所獲愈贏而半為歐興侵蝕君堯怒籍其舟與恨  
將至舟山以書約黃斌卿令圖之斌卿遣劇賊王大用林隆  
來迎因擊殺之盡並其船二子光禧光祚勇而有父皆沒全  
家死者百口

黃斌卿興化衛人也小字虎癡有智術通文墨善談論父為  
北方丞斌卿侍行遇流賊父見害斌卿因容避與妓劉氏狎  
資用乏絕後以恩例當授把總劉氏罄其囊以助乃得之任  
陞舟山參將而劉氏為其妻妬死累官江北總兵南都之亡  
解兵道歸隆武即位斌卿進千金助軍上言舟山為海山巨

大興傅氏長恩閣鈔本

鎮番船往來饒魚鹽之利西運越郡北窺長江此進取之地  
也上喜之封為肅虜伯賜劍印命鎮屯舟山得便宜從事斌  
卿乃集將佐顧乃德朱國泰朱壽劉國勳等造戰艦積糗糧  
整立軍營又上疏乞鶴芝以自副芝至為人延納士人招徠  
商旅斌卿怯於大敵而勇於害其同類嘗出師攻崇明戰敗  
以周瑞救得還丙戌正月朱國泰敗沒於清村六月浙東陷  
魯王遁入海靖夷侯王之仁父子率舟師來歸斌卿誘擊之  
並其眾又敗之仁將張國柱國柱者劉澤清部將也澤清既  
降國柱率所部走定海投之仁之仁而任之及之仁敗沒國  
柱來爭舟山兵多北人號驍勇斌卿自度不能敵令百姓城  
守而出洋與決水戰三日夜不能當賴阮進助因大破國柱  
先是張名振危魯王出海至舟山斌卿不納漂泊外洋國柱  
既敗乃劫王妃張氏北去斌卿得其船百艘又奪義師將胡  
來貢輜重襲殺監軍御史判本徽於是拒舟山為持久計語  
其左右曰舟山懸絕海外不患敵至我保聚訓練以待時亦  
足立國限民年十五以上充鄉兵夫死者妻嫁田入官年六  
十無子收其財產別給口糧初舟山田半屬內地至是大戶  
不敢渡海盡藉為官田總計官田官居其二民居其一斌卿  
意欲盡收之如土司法為不侵不叛之島夷而已丁亥春有  
兩王子來斌卿使人沈之海取其金帛數萬六月忠威伯賀  
君堯來歸又殺之得其船五十隆武出亡乃自署官屬設印  
綬生殺黜陟愈任意矣張名振之喪師而歸也斌卿每事侮

大興傅氏長恩閣鈔本



之遂去舟山而別營於南海平西將軍王朝先本王之仁部將斌卿劫之使守西洲渡兩人皆恨斌卿第妻擊在舟山未得間也已丑七月閩地盡陷張名振與阮進迎魯王於沙理至南田攻復健跳所以居之阮進軍饑告糴於斌卿斌卿不應進怒有標將王大振者富於財斌卿數侵之暹朝先所因說曰彼終不利於公公蓋先之朝先乃與名振阮進合兵將攻斌卿先聞於王王亦怒其不奉令也許之斌卿御下少思眾多不附阮進兵至遣將陸偉朱玖禦之數賊懼而求採於安昌王恭操大學士張肯堂上章待罪議請和曰彼此皆王臣諸帥不聽九月二十四日陸偉朱玖叛放舟出洋阮進疑斌卿逃縱兵大掠砍傷斌卿縛而沈之臨死見荆本微立其

旁二女從死子世爵名振塔也留名振軍中

逸史曰古人有言曰盜亦有道斌卿欲盜踞舟山乃拒魯王而不納害兩王子不忠滅荆監軍殺賀忠威不義強拒民田不仁侮定西拒蕩湖無禮畜叛臣為帥將不智無道甚矣夷滅不亦宜乎若諸人者本不足錄傳其事以為世戒耳鄭遵謙字履恭會稽人父之尹山西按察使會事遵謙少喜任俠輕財結客不為繩墨之士所禮與東陽許都為死友名妓金氏一見喜曰豪士也遂耦焉遵謙挑其侍婢金氏殺之諸不逞於遵謙者屬婢家訟於官繫金氏獄詞連遵謙遵謙不出對簿而散千金與金氏日酣飲狂狷中時松江陳子龍司理紹興許都馳謂之曰天下方有事公奈何多殺豪傑子

大興傅氏長恩閣鈔本

龍乃出之及許都作亂連陷數縣遵謙謀應之其父局其室不聽出

清兵渡江南都官屬皆逃奄人屈尚忠至紹興左都御史劉宗周曰凡逃官皆當斬也於是分守道于穎繁尚忠以待遵謙出勝殺之曰劉先生有言矣同謀起兵備亂及六月杭州不守紹興通判張懷以城降用為郡守又以彭萬里知會稽縣遵謙乃召故所知少年及郡將告曰天下事尚可為我欲舉義故何如眾曰唯公命是日集者數千人乃樹燹誓師收張懷及萬里斬之集縉紳議餉尚書商周祚姜逢元等皆至有以家貧辭者遵謙叱之曰若受高官厚祿數十年今國破君亡尚欲擁厚資安享耶驅將出斬之眾股栗乃聽命部署甫定其父從杭州納款雜髮歸見之大驚扶遵謙叩頭大哭曰汝幸貸老奴命毋使獲宗遵謙不顧絕裾去將迎楚宗室為王無何魯監國詔至乃遣子懋繩率副將吳明傑以兵三千迎王王至紹興命遵謙挂義興將軍印賜二品服江上設守謙遵謙訊小童十一月以功封義興伯時子龍亦起兵松江貽書曰僕真淮陰惡少年不識韓王孫監國軍事主於方國安王之仁兩人遵謙鬱鬱不得志日以聲色自娛明年六月師潰王航海隆武遣使召之至閩而帝蒙難漂泊久閩海久之王次長垣遵謙來謁王甚喜乃依鄭彩以居彩以同姓弟畜之使領陸兵於半田海中洋船皆統於彩遵謙強取二船資萬計由是交惡遵謙為人疏誕不能慮患大學士熊汝霖

甫定其父從杭州納款雜髮歸見之大驚扶遵謙叩頭大哭

資萬計由是交惡遵謙為人疏誕不能慮患大學士熊汝霖

大興傅氏長恩閣鈔本



見言遵謙不平形於辭色彩欲殺之乃偽捷命將吳輝輝扶傷就遵謙求書投鄭鴻遠遵謙入輝船送之被擒輝既擒遵謙而難於面之伏膺底不出遵謙呼曰汝鄭彩願養殺我豈出汝意而相避乎輝出遵謙乞隻雞孟黍天奠汝霖既畢赴海死金氏時在軍末草像鄭彩每饋食斬草人以侑彩聞之沈之海中江師之潰也其父之尹亦死

逸史曰遵謙之舉得矣而如違其父何曰是不可以責遵謙也何則其父己不義矣父不義而子違之於子乎何尤曰獨不可兩全乎曰可為遵謙者痛哭以諫父奉父以舉事則兩得矣然而必不能也明之紳士大約榮利祿趨聲勢私妻子是計耳國有君父之感家國之感乎哉故闖至則降闖獻至

則降獻一降不止則再其目義士皆怪物耳安得不怒其子哉曰降紳衆耳而之尹獨以子舉事死是非子殺父歟曰是不然當是時義旗四出孫愈事於餘姚張司馬於東陽朱總督於金華錢員外於鄞縣熊給事於紹興師徒雲集即微遵謙之尹能禁他人乎倘從而撓之負惡名而不免於死則不如聽謙道之為得也嗟乎遵謙雖性非忠義而名卒以是傳與夫華衣美食酣拳聲色以老而名湮沒者有異矣鄭彩芝龍族姪也劍眉長鬚儀狀魁碩有智略與諸將異鴻遠奉命守江彩亦以總兵官守采石隆武立遣守杉關封承勝伯後以兵敗降封恩宥伯丙戌秋魯王出海欲依黃斌帥斌帥不納漂泊外洋彩適至舟山遂奉王南入閩芝龍已降

大興傳氏長恩閣鈔本

北間彩護王屢書勸其執王自歸彩不聽丁亥進封建國公其弟鄭聯為定遠侯閩海舟皆出鄭氏門下自芝龍北去成功居南彩威名遂盛戊子奉王駐福州大學士劉中藻方復福州欲迎王彩與之忤反掠其地致百姓怨叛中藻敗沒後與王有隙己丑棄王南去王依阮進得適舟山庚寅與鄭成功構釁成功擊走之襲執其妻子成功祖母責其孫善遇之得釋還秋北至武環山欲爭平夷侯地相攻殺者累日後阮進助平夷彩遂敗走始閩安周瑞蕩胡阮進皆彩義子也平夷侯則稱門生者也是互相攻殺惟力是視矣彩漂泊海中無所適成功以書招之乃歸死於家云阮進號大橫閩之航工也嘗掠海上能以少擊眾熟諳水性張名振拔之使蒞水營浙東兵潰定海總兵張國柱駕樓船四百規取滄州黃斌帥求援於名振方出戰進率艘艘突入國柱營殿聲雷鉤波濤沸起而國柱大敗滄州人德之進加參將然斌帥為人猜嫌名振力出險不以為德反忌其威勢出己上說進使背名振進亦欲自為一軍乃取其二十艘資數萬移師琅琦丁亥正月魯王次中左所禡牙出師進以兵來會封蕩胡伯自是與名振抗衡矣八月從攻福州己丑夏閩地盡失進復與名振迎王沙垵取健跳所居之七月大兵圍健跳所名振城守將破危甚進率水營百餘艘自海外至城中聞之婦女皆踴躍出乘城鳴金擊鼓聲振天地田帥拔營去久之進軍中之食自念昔有保滄州功告糴於斌

大興傳氏長恩閣鈔本



卿不許張肯堂謂斌卿曰監國漂泊海中公不能奔問官守  
蕩胡昔有德於我今遺其請內負名義外樹強敵公不應後  
患乎不聽進遂與名振王朝先以王命討斌卿遂殺之辛卯  
大兵攻滄州進自海門返遇金帥於橫水洋以火球擲其舟  
風轉反擊進而進創甚投水死

周鶴芝字九玄福清人也曾祖某嘉靖中僉都御史芝饒機  
智有膽略善射少與周之夔林正亨同學後棄去射獵釣魚  
落拓遊四方已乃與番船賈人貿易齊輩聽其指揮久之遂  
劫掠為盜徒眾驍勇與劉香鄭芝虎齊名芝不殺人貨僅分  
其半海上謂之仁盜嘗微行歸家為有司迹捕繫獄三年賄  
吏得脫變姓名為盜如故年幾四十見天下將亂慨然語其

尚書通史卷五十三

屬曰大丈夫乘時立功及筋力尚壯當為朝廷用奈何作此  
不義事耶分財給之率就撫大吏請於朝授黃華關把總幾  
察商船乙酉秋思文帝加水軍都督副黃斌卿鎮舟山乃率  
其弟周瑞副將翁長盛劉順等列營與斌卿犄角時海上方  
苦斌卿之暴而芝禮賢下士通商旅來百貨人翕然歸之鶴  
芝少時嘗往來日本與撒斯瑪王結為父子日本三十六島  
島各一王以奉國主國主居東京擁虛位而已政令聽之大  
將軍撒斯瑪於諸島為最強與大將軍相親芝既熟日本故  
往來海中無不如意至是遣人至撒斯瑪新中國表亂願假  
一旅以濟軍大將軍慨然許以明年四月發兵三萬並給中  
華軍資器械自長琦島至東京三千餘里修橋道葺驛館以

大興傅氏長恩閣鈔本

待使臣鶴芝大喜益賂以珠璣玩好遣參將林嵩為使將  
發斌卿忌其功止之曰世宗朝倭患之中於南土者二十年  
至今老父猶畏其名今乃欲引賊入門耶芝怒而入闕加平  
海將軍六月尚書張肯堂將出師奏為前將軍會芝龍阻師  
乃悉以軍器火藥付鶴芝令先發七月進至沙埕時浙東已  
失魯王出走遂破蒲門所拒鎮下關謀取温州九月聞延平  
陷上遇害引兵南還福建既破鄭芝龍劫眾議降芝涕泣諫  
曰鶴芝海隅亡命耳無所顧惜尚不肯輕棄成業明公二十  
年威望播於海宇士卒精強府庫充實進可以挾明室成中  
興之功退則自王亦不失為一州主奈何信狙詐之言負名  
義入險地萬世基業墮於一旦為天下笑芝不忍見公之有

尚書通史卷五十三

此也請得効死於前以明不欺抽刀自刎芝龍起尊之後數  
月芝龍竟去丁亥三月克海口鎮東遣其義子林皋隨安昌  
王至日本乞師不得其要領而還四月鎮東復失參將林嵩  
毋總兵翁長盛趙收等敗沒嵩歸福建人收常熟人皆芝客  
也芝龍之降也嵩歸陳八不可勿聽收有勇力朱永祐使將  
見芝龍而刺之亦不果至是守鎮東收出戰所殺傷過當敵  
來愈眾遂不支戊子魯王封為平夷侯移鎮沙埕督師劉中  
藻之復福圍也兵甚盛芝以水師助之温台響應己丑中藻  
敗芝北拒王球三盤諸山開黃華關魯王駐滄州遙為聲援  
庚寅與其弟閩安侯瑞不和魯王命杭人吳明忠往解之構  
之愈甚瑞南依鄭彩而芝北依阮進助之攻瑞卒敗去辛卯

大興傅氏長恩閣鈔本



詔守羊羅等山以糧少為張名振所阻芝自是無經略四方之志矣後不知所終始鶴芝之乞師日本也見阻於斌卿其後御史馮京第謂斌卿曰前亂我邊者海盜耳今我乞師於王何害斌卿乃使其弟孝卿住京第往至長琦島其王方與西洋構兵甫戒嚴而京第至不得入京第朝服哭拜於舟撒斯瑪王聞之謂大將軍曰我不能恤中國亂而使其使臣哭於我國我之恥也會東京方遣官行命如中國之巡方者京第因致書乃得入館議發各島罪人以應京第先還日本致洪武錢數十萬孝卿留與諸官妓狎樂而忘歸其國輕之發師之意而怠己丑冬有僧湛微者自日本來為蕩胡伯阮進言之且曰師可得也而中國之聘薄彼國饒金帛未足動也

誠得普陀山慈聖李太后所賜藏金經為贄則兵必發進與定西侯張名振上疏監國復遣京第往以澄波將軍阮美為副王親賜宴十一月朔出普陀十日至五島山與長琦島相踞一程是夜大風黑浪兼天兩紅魚乘空上下船不知所往十二日見山航工驚曰此高麗界也轉帆而南又明日乃進長琦召通事諭以來旨其王聞之大喜已知船中有湛微則大驚始湛微之在日本也依南京寺住持如定為弟子如定通文墨國人重之湛微能不逮其師而狡獪多變乃別居膜泉島自行其惡札末署白金獅子尊者其流傳東京大將軍駭曰此必西洋人之為天主教者急捕之已知江西僧也乃逐之過海日本法不殺大唐僧有犯止於逐再往則戮及同

大興傳氏長恩閣鈔本

舟湛微欲以此自結於日本幸依中國使臣得不誅阮美於是知為所賣也遂載經而還湛微愧自投於水京第救之歸營進又欲殺之京第不可載往荒島然日本承平日久故老不見兵革本國且忘備豈能渡海為人復讎乎說者謂宋之亡也張世傑嘗遣使海外某國借兵陳宜中亦身至占城岷山既陷兩國之師同日至不戰而返芝等之舉何以異此忠臣義士計無復之不得已計功於萬一徒以利害相權者陋也

逸史曰鄭彩以下皆海盜也君子何取焉取其猶知王室且以芝龍之寵貴一旦棄其君而不顧况彩等乎之數人者非素有位於朝有職於身也倉猝招來相依不去及乎大數已失國統再絕魯王漂泊靡有定止彼逆臣者說以執王圖富貴而彩猶不忍不猶賢乎哉惜其奉主不終也進以死勤事芝乞師絕域其志皆可悲者嗟乎明臣之愧海盜者眾矣

大興傳氏長恩閣鈔本



南疆逸史卷五十四

烏程溫睿臨撰

列傳第五十

雜傳

鄭芝龍

芝虎

鴻達

成功

經

鄭芝龍字飛黃南安之石井人也長軀偉貌個儻善權變少  
隨大賈李習販日本習與同寢見巨人數十披甲持兵侍列  
心異之撫為義子為娶日本長崎王族女為妻芝龍既習遊  
海島因募壯士攻剽海中積資無算日本於海濱地列市數

十以居華人每百年則發兵盡殺之名曰洗街時其酋方奉  
將軍令以兵來有與芝龍厚者預告之芝龍得乘夜約親黨  
載妻子脫歸愈招徠羣盜有船數十眾數千天啟崇禎間率  
兵內犯征漳泉鄉村之稅不聽則屠之都督俞某往剿賊歸  
時武備單弱長吏畏聞盜而芝龍亦不攻城邑不殺官吏且  
以賄求撫巡撫沈猶龍為請於朝授浯銅營遊擊俾徵巡海  
防芝龍因家東石第宅宏麗綿綿數里朱欄錦帳金玉充牣  
嘗獻猶龍珊瑚二株高二尺餘貯以金盆攢珠龍蟠其上既  
就撫乃益縱其黨劫掠其間襲執之以報功黃緣兵部不十  
年累陞都督總兵官宏光立封為南安伯南都之亡也鴻達  
遇唐王於浙因奉之以入閩芝龍率文武將吏迎之水口驛

大興傅氏長恩閣鈔本

擁立為帝改元隆武以芝龍為太師平國公弟鴻達大將軍  
定國公芝豹澄濟伯彩建國公永勝伯族戚部將封侯伯者  
十餘人其挂印腰金侍御卿校盈列朝內內外大權盡歸芝  
龍隆武左右皆其私人矣芝龍自以太師欲首大臣班左都  
御史何楷爭之不得致仕歸芝龍使人中途截其耳隆武不  
能詰也大學士黃道周與芝龍議不合自請出督師芝龍僅  
給羸卒千人甫出關而潰道周被執芝龍本起羣盜無長計  
遠略既擁大權徒自責俗殺生殺予奪出己手亦不思為朝  
廷謀恢復襄中興隆武寢不能平乃議親征猝起幸延平將  
入贛而大學士張肯堂居守肯堂請發兵率自海入長江規  
取南京部署已定芝龍陰有異志奏阻其師

清大帥洪承疇芝龍鄉人也以書招之許以破關為王芝龍  
遂送款盡撤守關將士而隆武不知也九月  
王師長驅入福州遣騎至延平執帝后芝龍以封議未定還  
屯安海樓船尚五百艘使人私於貝勒自述據關不守之功  
以邀封且以擁立唐王為疑貝勒貽之書曰吾所以重將軍  
者正以將軍能立王也人臣事君苟有可為必竭其力及乎  
天命已去則幡然乘時以建不世功倘將軍前無所擁戴兵  
未至而先附我何所取重於將軍今兩粵未平藉將軍兵威  
以攝之已鑄閩廣總督印以待將軍將軍即至面商事宜芝  
龍得書大喜十一月劫諸將議降安昌王恭操侍郎朱永祐  
安南侯楊耿平夷侯周鶴芝定洋將軍辛一根武康將軍顧

大興傅氏長恩閣鈔本



乃德等皆以為不可更進諫弟芝豹子成功尤痛哭極諫而芝龍意已決單騎見貝勒乞降貝勒與握手甚歡折箭為誓芝龍賂遺不可勝計忽一夕拔營挾之北去從行者五百人皆拘置別營不得相見兵至安海淫掠成功母亦不免自縊死成功大恨用法剝腹滌腸以殮發喪起兵移師駐南灣芝龍至京師投精奇呢哈番順治十八年以子成功入犯芝龍交通為家人尹大器所首十月磔於市並其子世恩家口俱殲云

芝龍同母弟芝虎有勇力善鬪與芝龍剽掠海上時南安有苟慈惠安有劉香皆稱巨魁苟慈先亡劉恃眾不肯就撫之朝廷命芝龍討之戰於定海所一日芝龍兵且敗芝虎望見

香坐大舟指揮兵眾潛以小舟直入其陣躍登大舟欲擒之眾倉猝不敢阻香乃親接戰棄刃徒搏相持墮海皆死芝龍兵殊之遂並其眾人謂芝龍之強由芝虎所助云

鄭鴻逵字羽公芝龍異母弟也涉獵書傳無材能芝龍就撫鴻逵中庚辰武進士累官登州副總兵甲申宏光立朝議以舟師守江九月加鴻逵總兵官挂鎮海將軍印扼守江口鄭彩副之鴻逵乃自海道入江駐鎮江乙酉四月封為靖魯伯是時

大兵已破揚州別由老鶴河渡江鴻逵不能禦引師南下會唐王至杭遂擁至入閩閩六月與諸臣立為帝封定魯侯賜鐵券又晉封定國公帝本鴻逵所擁戴然畏其兄以大權盡

大興傅氏長恩閣鈔本

歸芝龍芝龍之恣肆亦不能有所匡正也上初即位即議親

征鴻逵上疏謂宜籌兵食商守戰先固內而後攘外上令廷

臣集議鴻逵曰王師一出宜圖萬全今兵少餉絀諸君何輕

言出師也何措曰宋岳武穆不嘗以五百騎破兀朮十萬師

乎宜在多哉鴻逵曰兀朮南侵勤王兵何止數十萬將則宗

澤韓世忠劉琦等皆元老宿將扼險守要而後武穆得以五

百騎出奇取勝非宋祇倚此五百人也黃道周曰當今四海

引領王師所至必軍食壺漿以迎何患無餉鴻逵曰史言壺

漿屬路以王師不擾民情傾向耳若藉為臨敵之餉豈不殆

哉及次日乃請獨對便殿既見上頓首流涕曰臣負陛下上

曰朕恨不旦暮謁孝陵卿何出此言鴻逵曰皇上臨御以來

未滿二旬召募選練百無未一備軍糈告匱何以圖敵上曰

卿所難在餉朕所難在無實心報國之人卿能為朕 何

患無餉鴻逵曰賦出於民今彈丸之地負山阻海耕稼既解

運頻賜予日有增加兵精竭矣通計八閩水陸官兵不能滿

萬留護宸宮居防禦郡邑無可徵調臣嚮統江上之師仰食

縣官自入閩來沿道散遣在麾下者不過三千人而臣家已

傾矣諸臣第欲責餉於臣兄弟臣身既許國何愛於家第一

困三千于家則富未足當周瑜數餐之飽兵費浩大恐非臣

一家所能任也上曰朕已詔蜀廣饋運矣鴻逵曰此所謂江

西之水救涸轍之魚也上不樂而罷及八月黃道周奉命出

關鴻逵不得已疏請師期王乃以鴻逵為御營左先鋒出浙

大興傅氏長恩閣鈔本



江鄭彩為御營方先鋒出江西築壇西郊擇日行推轂禮初時天氣晴明及受鉞大風雨壇上燭滅鴻逵出城馬蹶仆地逆而上疏曰昨者陳師鞠旅親授節鉞誠英髦盡節爪牙畢命之秋私謂神人允諧百靈効順乃不測風雲變生俄頃種燎之設蕩乎無遺柱礎之堅毀壞者屢雖臣等見危思奮赴難如歸亦願皇上遇災慮變省躬若墜上報曰昨者風雨清塵洗兵耳卿又何疑乃遣兵科嚴通主事諸若倬督之啟行其冬上幸建圖鴻逵駐兵關外不肯前上璽書切責曰平定二侯當為子孫計朕奉祖宗三尺法斷不敢以假人時大兵已破徽州鴻逵乃遣都督施福出開化林順出仙霞黃光輝出馬金嶺郭芝英出連嶺鄭亨出白濟鄭貞出二渡程應璠出仰山然所部不過千餘人或數百人耳及明年正月大清以偏師綴白濟連嶺而大兵攻馬金嶺黃光輝等敗回鴻逵退托仙霞關檄諸路回軍上聞大怒遣官封劄即軍中斬黃光輝鴻逵惶恐上疏謝械光輝至行在上乃赦之而鄭彩之出建昌也不與閩羅總合及撫州吉安相繼陷兵遂潰彩奔入關上聞之降彩恩宥伯命成功巡視諸關授為招討大將軍教自召募危駕西行鴻逵上疏切諫又馳赴行在面奏曰今王威不越於畿甸寇氣已逼於衽席乘輿遠播將欲何之且關封之外城邑蕭條就今敵騎未至輿馬之芻秣已乏若使克逆突加猘偷之凌

大興傅氏長恩閣鈔本

犯孰禦折衝何人轉輸誰任萬一至頓而頓已非回閩而閩亦異進退趨起為慮實深上嘿然因與成功指畫關門險要兵衛參署督師督餉之策而上決計出關鴻逵乃返軍及六月浙東陷魯王航海江上師悉潰行在大震有傳大兵長驅至者鴻逵徒跣疾行三日抵浦城偵者至則兵譁也事聞奪其爵時芝龍握重兵陰思納款鴻逵心非之而力不能救憤恨欲為僧還居安海福州破芝龍欲降鴻逵流涕諫曰宜有一門封拜受恩至重而反顏事讎者且自古降人必置京師保全有幾而望裂土受封耶芝龍不聽卒北去及成功起兵乃與之共事然軍事皆決於成功鴻逵受成而已其明年與成功合兵破泉州賊提督張國祚之師明年大兵來攻鴻逵航海入潮克揭陽而拒之與潮州守將郝尚文不能治兵相攻十二月大兵下廣州鴻逵棄揭陽歸敗馬得功入島之師無窮追縱之逸成功歸怒甚勿與相見鴻逵亦悔還泊白沙茶寨居焉其後大兵議撫海爵成功海澄公鴻逵奉化伯皆不奉詔至丁酉三月卒於金門鄭成功原名森字大木芝龍長子所娶夷女生於日本者也生時海上萬火齊明七歲始歸中國十五補安南博士弟子員為人英毅有大志丰儀峻整瞻視非常有金陵術士見之驚曰君骨相中封侯格非一科第者鴻逵擁立唐王為帝芝

大興傅氏長恩閣鈔本



龍引森進見帝奇其狀貌撫其背曰恨無一女配卿卿當盡忠吾家毋相忘也因賜姓名曰朱成功授為總統使招討大將軍儀同駙馬協理宗人府事時年二十二自是中外皆稱國姓芝龍既握重權兵民之事皆其關決而以擁立非己意與朝臣相狀帝每事裁抑寢以跋扈諷之出關不聽成功惟慷慨懷忠義心薄其父所為常侍使殿見帝鬱鬱不樂進曰皇上得無以臣父不盡忠耶帝嘿然成功頓首曰臣以死衛陛下也帝大喜進封忠孝伯及帝幸延平成功扈從芝龍將納款陰召之歸答曰父教子忠未聞教子貳也福州破芝龍納降成功與其叔芝豹慟哭諫不聽乃走金門江糾諸將之同者志結水寨上書其父曰我家本起草莽散法聚眾朝廷不加誅更賜爵命至於今上寵榮疊承閩門封拜以兒之不肖賜國姓掌玉璽界劍印視若肺腑即糜粃粉骨豈足上報哉今既不能匡君於難致宗社墮地何忍背恩求生反顏他事乎大人不顧大義不念宗祠投身虎口事未可知趙武伍員之事古人每圖其大者惟大人努力自愛無以成功為念父得書歎曰此兒不來海上之禍未艾也於是移家廈門使其叔芝鵬守之募兵南澳有眾三百人是時閩地盡失而海上素警鄭氏威名成功建牙舊將稍稍集在閩諸大臣曾櫻張肯堂朱永祐陳軾林塗等皆往依之丁亥春移泊鼓浪嶼與廈門相望廈門中左所也漳州金門所也皆隸同安環海稱兩島者也時兩島為建國公鄭彩定遠侯鄭聯所拒

而魯王別將平夷侯周鶴芝閩安侯周瑞定西侯張名振總兵阮美守舟山沙埕建國部將陳豹守南澳成功使張進守銅山所鄭香守石尾相為犄角彩奉魯王而成功自以閩臣聞永曆帝立於粵遂進奉其正朔其文移稱總統使招討大將軍罪臣成功之始治兵也有左右先鋒親丁鎮左右鎮樓船鎮以其父舊將分益之其後兵盛乃設中權後勁正兵遊兵殿兵鐵騎驍騎神器諸鎮其後勦護衛衝鋒水師戎旗各鎮皆有前後左右武營武鎮有水火金木土仁義禮智信諸號左右武衛左右虎衛皆親軍也提督總督總制皆大將也視諸將功罪而黜陟焉八月進攻海澄不克乃會建國攻泉州敗

清提督趙國祚之師追奔至城下殺溜石守將鮑應龍國祚嬰城拒守閩月漳兵來援解圍去戊子三月攻同安守將廉彪知縣張劬齋遁遂取之時海上蜂起之將皆來附而不習戰聞大兵將至悉驚竄乃留軍守同安而歸鴻遠亦航海入湖其秋大兵圍同安不能救全州覆遂屠其城是歲大饑告糶於粵已丑李成棟附於粵永曆詔至海上使其舟師取南都成功遣黃志高報命詔授兵部主事監成功軍其後成功入長江水詔旨也十月清漳浦守將王起偉來降引兵入其城遂進攻詔安不克漳

大興傳氏長恩閣鈔本

大興傳氏長恩閣鈔本



浦拔亦不守鴻遠之入潮也克揭陽而拒之粵將新泰伯郝尚文才守潮州與鴻遠不相能治兵相攻成功乃督兵入潮緣道誅割土寇起下惠來縣潮人黃如海說成功取潮陽庚寅正月師遂至縣令常翼鳳迎降命鎮將洪旭守之征其稅焉四月至揭陽敗郝尚文五月援師

清詔安將萬體來降引兵攻揭石衛為蘇利所敗六月攻潮州不克成功召軍吏計曰粵地遠吾得之不能守而兩島吾土也尚為建國兄弟所拒其將章雲飛暴虐我當治之乃嚴部署自揭陽揚帆八月十五夜抵廈門鄭聯方醉卧萬石巖巖距城東數里洞巖幽奇聯別墅在焉報至不得通詰朝酒醒來謁見成功握其手曰兄能以一軍見假乎聯倉猝知不

向續通史卷五十四

九

敵唯唯而已成功麾軍進眾不能動未幾置酒召聯伏甲殺之滅其屍遂並其軍將佐來附者仍其官軍遂以安成功之將至也而鄭彩知之議全軍出避聯不能從又不設備故及於難彩率所部航海不敢歸其後成功以書招之歸死於家云蘇利陷惠安縣十一月成功至潮陽時廣州被圍詔成功入援乃議鴻遠回守廈門而成功南下十二月大兵下廣州杜永和奔瓊州辛卯正月成功至南澳二月次白沙湖颶風大作不得進三月攻惠州下之鴻遠棄揭陽將歸未至清提督馬得功集兵攻廈門鄭芝鵬不能禦乘舟遁守高崎水師鎮阮引不戰而逃

大興傅氏長恩閣鈔本

大兵遂入島成功夫人董抱木主得民舟以脫前大學士曾櫻死焉甫數日而鴻遠兵至斷海道圍之得功欲還不得清巡撫張學聖遣人至安平割平國太夫人鴻遠不得已縱之逃成功聞報遽返師至則大悔恨以失地律誅芝鵬及阮引芝鵬成功叔也諸將股栗鴻遠亦悔還泊白沙築寨居焉左先鋒施琅之在南澳也不欲勤王成功令隨鴻遠歸及廈門之戰功最成功賜之金未還其兵也琅怒祝髮為僧成功執之殺守者而逃降於

大清清使守同安成功殺其父及弟顯五月率師入安溪賊漳鎮王邦俊之兵九月入漳浦邦俊來援復大破之十一月與

向續通史卷五十四

十

清提督馬名高戰於小盈嶺名高大敗僅以身免十二月漳浦守將陳堯策以城降遂下詔安平和二縣是歲舟山陷魯王航海名振周鶴芝阮進等皆來歸授水師鎮士辰五月取海澄守將楊世德陳堯策郝文興等皆降二月取長泰賊清將王進三月清總督陳錦率援師至又大破之四月遂圍漳州下漳屬邑五月大清將馬進寶一作來來援擊却之蔡鎮門激水灌城不克及十月大清固山金礦率滿漢軍至戰於古縣風盛所發礮箭皆反擊諸營潰散亡大將六人圍始解然城中食盡人相食枕藉

大興傅氏長恩閣鈔本



而死者百餘萬而成功亦久頓堅城師老糧匱守海澄癸巳三月回廈門遣定西侯張名振忠靖伯陳輝入長江四月大兵復攻海澄五月成功往禦之立堆堞間親受矢石左右皆死傷而成功諸將飲酒敵樓指揮自如一夕聞空礮發成功曰是將乘城矣勒兵持斧以待俄而外兵大呼乘城兵士舉斧砍之先登者皆死乃還提督甘輝復邀擊之河固山大敗夜遁成功遣其監督池士紳以蠟丸奏捷行在水廨使兵部主事萬年英封成功延平王成功拜表辭讓而請以破敵功封諸將於是封甘輝崇明伯黃廷永安伯萬禮建安伯郝文興祥符伯王奇秀慶都伯築海澄城積軍實馬張名振陳輝之入長江也焚糧艘奪戰艦舟至金山望祭孝陵金陵聞之震動時成功縱橫海上浙閩兩廣沿海郡縣多被兵官吏疲於奔命所至徵餉深山窮谷率不得免而本朝方用師粵中乃議使使撫之甲午五月使其父芝龍發書同朝使賈敦辭成功海澄公鴻遠奉化伯芝豹左都督使至成功宴之安平鎮辭以未有分地使復命乃議以福興漳泉四府指餉置兵九月朝命學士葉成格理事官阿山同其二弟渡舍陰舍以救至泉州二弟先至成功使往約先受詔而後離髮二使疑之成功與鴻遠遂不奉詔惟芝豹奉芝龍妻顏氏入京朝以撫事不成芝龍入高牆芝豹戍圖古塔十月遣輔明侯

大興傅氏長恩閣鈔本

林察閩安侯周瑞督水師戎旗鎮王奇秀左先鋒蘇茂統陸師南下勤王奉表至行在十二月襲漳州守將劉國軒開門納之知府慶星煒知縣周璉李奇生范進等皆降漳之屬邑悉附乘勝下泉州諸縣乙未正月林勝克仙遊縣二月設六官先是隆武之以總統命成功也許立武職至一品文職至六品至是地大兵眾乃設六官分理庶事以潘庚鍾一舉人昌為吏官兼攝戶官事鄭擊柱一舉人為禮官張光啟世為兵官程璠人為刑官馮澄世一舉人為工官設協理官一員左右都事各二員以常壽圖為察言司掌六察印設儲賢館以所試諸生及薦舉充之設育賢館以死事孤兒及公侯伯子弟充之改中左所為思明州以鄧會知州事奉監國魯王居金門凡宗室皆厚贖賓禮紳士王忠孝沈佺期郭貞一盧若騰率朝薦徐手遠等軍國大事諮而後行於是島上衣冠濟濟矣五月南征林察等班師以應援不及也成功怒降責有差以洪旭總督水師陳六御總制陸師北上張名振陳輝之師往會焉六月間朝命世子王帥師鎮閩召福興泉之兵回漳屬縣城悉墜之七月以甘輝為正都督王奇秀副之率二十餘鎮與洪旭諸軍並進因取糧溫台二府招降台州將馬信圖波將張鴻德九月遂攻舟山副將巴臣與降命陳六御守之召諸軍回丙申正月平南王尚可喜來復揭陽左先鋒蘇茂出師戰而敗亡二鎮將成功召茂殺之四月

大興傅氏長恩閣鈔本



大清貝子自泉州出師攻兩島成功遣陳澤林順舟師禦之  
大兵分攻白沙暴風起不克不還成功乃留輜重海澄遣前  
衝鎮黃梧守之六月大集舟師將以北掠未及發而梧以海  
澄降

大清賜爵海澄公遂發鄭氏祖墳誅其親黨成功遣甘輝進  
攻不勝入土城取蓄積而歸別將破閩安鎮逼福州不克掠  
溫台等郡八月

大清復取舟山陳六御死之夷城郭遷其居民六御陳  
九月築城於閩安鎮及羅星塔守焉十月禮官陳寶綸自泉  
州降

清十二月率師進連江羅源圖德諸縣

清將阿格商率兵來援追至護國嶺甘輝與戰於嶺下斬阿  
格商獲其全軍丁酉三月定國公鴻遠卒於金門成功自以  
海上年年用兵無功乃與魯王兵部侍郎張煌言謀大舉取  
南京七月令忠振伯洪旭守思明州自率諸鎮北發入浙海  
台州天台黃巖臨海諸郡縣皆迎降而

清閩督亦遣將破閩安鎮羅星塔乃回軍戊戌三月治兵屢  
門選勇士力勝五百勛者入親軍皆鐵甲衣持大刀佩弓  
矢時謂之鐵人因立鐵騎鎮焉五月進師水陸甲士五萬號  
十萬戈船千餘六月陷平陽瑞安諸縣七月舟抵羊山暴風  
覆舟五十餘沒八十餘人幼子從軍者皆溺羊山者山島羣  
羊乳其上然不可殺殺之則風濤立至又傳其下有龍聞

大興傅氏長恩閣鈔本

金鼓則驚起軍士李順言之成功不信鳴金烹羊烹未熟而  
禍作還泊舟山治戰艦令諸鎮分地休兵是歲  
大清入雲南永曆帝避於緬甸己亥四月復大舉北上六月  
入長江破瓜州時

清操江提督朱衣佐率遊擊左雲龍出城拒守左衝鎮周全  
斌揮兵涉水衝之守兵驚潰諸軍乘勝攻城遂入之殺左雲  
龍生擒朱衣佐翌日戰於銀山

大清復大敗江上屯守者皆潰遂下鎮江分兵守之進圍江  
圖謁孝陵成功之議攻金陵者也中提督甘輝進曰敵破膽  
矣我卷甲而趨乘其無備江圖一鼓可下矣否則分攻其外  
州縣以絕援兵城孤則難守若從水守風彼援兵集守具備

坐頓堅城非計也不從秋七月師次觀音門令諸軍分屯城  
外甘輝復進曰師老矣請速攻城又不許踰十日

清副將梁化鳳偵前軍無備夜開神策門突出兵毀牆通道  
全軍沒甘輝請即收軍堅壁成功後再戰布陣於觀音山之  
上下

大兵從山後馳擊之諸軍遠不能相接遂大敗成功墮水左  
右救之得逸去甘輝被執不屈見殺諸驍將戰馬成功收餘  
眾登州委輜重棄所守城郭趨長江是役也江浙大震而後  
煌言分兵巡上江所至望風附下四郡三十餘州縣皆設官  
置吏江西九江有舉義旗遙應者

大清松江提督馬進寶謀率兵來援會以成功驟勝而驕以

大興傅氏長恩閣鈔本



為指日可下不設備軍中奏樂士卒震醉故敗八月攻崇明不克九月回思明州立祠祀陣亡諸將焉其明年庚子正月大清乃遣達素為將軍入閩討之一軍出漳州一軍出同安又會廣東許龍蘇利升師軍容甚盛進攻廈門成功遣右虎衛陳鵬守高崎還同安鄭泰出浯與禦廣東諸將分守各與寨自率中軍次海門以禦大師五月初十日漳船乘風順流下成功按兵不動須臾畢至盡銳擊之閩安侯周瑞五府督陳堯策戰死陳輝舉火燒漳船而成功引巨艦衝之鄭泰出自浯與來夾攻

南疆逸史卷五十四

大兵欲還皆披重鎧陷泥淖中赴海死者十七八粵軍聞敗未至而旋成功按誅陳鵬以陳蟒代辛丑正月成功議取臺灣臺灣者荷蘭屬邑也其地在東南海中延亘數千里其土番雜處芝龍常耕屯其中嗣芝龍去紅夷入拒之蔡二城曰赤嵌曰王城與中國日本廣南互市成功兵既甚夷恐襲之遣其酋長貢方物通事何斌因說成功曰臺灣沃野四通外國橫絕大海足與中國抗衡誠得而有之進可戰退可守且進地圖陳其可取狀曰金厦臺灣門戶也公既有之矣金門外二百里為澎湖有山可泊舟公能奪澎湖一夕可抵臺灣成功大喜欲從之令貢使觀兵依山布陣十餘里甲兵數萬周全斌統騎士七千至皆依依金龍甲戈矛耀日軍威甚盛

大興傳氏長恩閣鈔本

夷使震懼至是議進兵諸將以為難成功不聽卒起師三月至澎湖前望鹿耳門水灣難入醜而禱神曰天苟祐明願大水助我俄而水驟漲其舟畢渡舉砲攻其城而紅夷出不意驚潰克赤嵌進圍王城及冬紅夷長揆一食盡出降送之歸國土番亦奉約束盡收其地是秋銅山守將郭儀蔡祿率眾降

南疆逸史卷五十四

清忠匡伯張進自焚死  
大清遂下遷海之令自遠至廣沿海居民移入內地設兵駐防成功聞之歎曰吾不東征得此土無所用武之地矣夫海濱輻輳上下數千里盡委而棄之而曰斥地委邊豈得計哉吾養鋒蓄銳徐以俟之耳自是立室宇廣城郭設七十二鎮以守之是歲緬人獻永曆帝明亡成功准天復故事仍稱永曆十五年間同安侯誅於京師中夜悲泣居常鬱悒壬寅春改臺灣為東都王城為安平鎮赤嵌為承天府以鄭首英為府尹立天興萬年二縣成功晚歲果於誅戮臺灣初闢水土不服而成功命諸將移家居焉皆遷延不行二月有諸忠勇侯陳豹懷異志遣周全斌執之豹鎮南澳十餘年數與許龍蘇利戰粵人畏之如虎全科遂入廣州降封慕化伯成功之入臺灣也留其子經守廈門淫於乳媪生子成功知之大怒使使封刀令鄭泰殺其母子泰不忍而諸將畏罪思推鄭泰為主以拒命執周全斌會成功已疾亟先是成功受永曆延平王之封而不稱至是服王服朝其諸將曰吾欲成大

大興傳氏長恩閣鈔本



事乃不能治家違問天下言訖而絕年三十九五月初八日也諸將以鄭襲護喪事遣人報思明六月鄭經嗣位稱嗣封世子成功用法嚴將士有功陞賞不踰時於失律也雖親將必詳故將帥用命士卒奮勇其在海上餉無常給分地掠取而已所得州縣征餉尤酷故旋得旋失其親信之將若洪旭林習山張進陳輝陳豹林察皆芝龍舊部也洪政楊才柯宸振甘輝王奇秀周全斌黃廷黃山陳魁張英揚祖林勝黃大振皆驍勇善鬪所向克捷而陳堯策郭文興黃廷中萬禮王起俸劉國軒皆拔之降將中為之盡力於死事之將優恤尤厚甫聞東土方欲基不拔之業而享年不永卒隕其緒悲夫經字玄之既嗣位釋周全斌以為五軍將陳永華為諮議參

南臺通文卷五十四

七

軍馮錫范為侍御十月率師至臺灣鄭襲與其姻黃昭蕭拱宸謀拒世子十一月朔黃昭會諸將攻世子營昭先至破營而入世子軍潰值大霧諸將踰期全斌率左右力禦之斬昭以徇露忽齊其眾驚擾倒戈以降經歸取蕭拱宸殺之餘釋不問待襲如初後襲亦歸命授世職焉癸卯正月經至廈門得鄭泰與黃昭往來狀初成功堯靖南王李總督遣人至鄭氏招撫泰請於經欲內附經曰吾將東諸軍善圖之泰使楊來嘉入京受命議照朝鮮例朝議不許來嘉歸報經愈疑泰懷二心泰不自安治兵金門經將襲之泰率所部航海其夏經遣蔡鳴雷慰留之且曰伯父前者不忍殺余余不忘大德浮言不足信今以伯父總制兩島余馬首欲東泰信之受其

大興傅氏長恩閣鈔本

印入謁經置酒伏甲執之數其罪叱於溫敦越日自縊死泰弟鳴駿與子續緒率船二百兵八千至泉州降封鳴駿連義侯續緒慕恩伯於是忠靖伯陳輝武衛楊富虎衛何義等相繼降

清將合謀會紅毛攻兩島馬十月李總督出同安提督馬得功出泉州黃梧施琅出海澄諸歸附者分隸焉經選死士二十艘會周全斌禦之泉州師先敗馬得功投水死而海澄同安之師齊入島經不能禦退守銅山遂棄兩島

大兵隳其城遷其民其地遂墟經之族屬將士流離死亡咸來歸於是眾心始換鎮營多懷異志兵甲辰正月軍乏糧周全斌欲襲洪旭軍不克入漳降黃廷繼之封全斌承恩伯廷

南臺通文卷五十四

六

慕義伯三月經回臺灣惟洪旭陳永華陳繩武洪錫范等翼之東行兩島既失諸將皆來新地改東都曰東寧天興萬年二縣為州置鳳山諸羅二縣課耕稼通魚鹽徵租賦稅丁庸興學校招商旅安撫土番向之憚行者今喜為樂土己酉洪旭卒以陳永華理庶務劉國軒督鎮兵是歲

朝命大臣明珠蔡毓榮至泉州遣興化知府慕天顏入臺灣招撫經遣柯平葉亨入朝議之會執政者更易格不行自是數年海上軍士得少休焉及甲寅春靖南王反遣使約經出師使歸言臺灣船不滿百兵不滿萬靖南意輕之經使柯平至福州靖南分地自戰可由是兵端遂起馮錫范劉國軒先率舟師至廈門五月

大興傅氏長恩閣鈔本



經留永華守臺灣自率諸將守思至明州使人請於靖南給地置軍以舟濟師耿王不答並禁其市易耿鄭交惡是時海澄公黃梧及總兵劉炎趙得勝劉進忠皆降耿黃梧死子芳度襲爵及耿王調諸將出關皆遷延不聽調相繼圯於經遂拒漳泉潮三郡以洪磊為吏官楊英為戶部鄭斌為禮官柯平為刑官楊賢為工官兵官缺置六科都事都吏察言司承宣司賓客等司陳永華為總制留守薛進忠劉國軒何祐許輝施福皆將親軍諸鎮將聽節制焉其贊畫機務皆繩武馮錫范主之繩武永華子也錫范澄世子也而兵既盛轉運不給乃以鄭省英為宣慰司督紳士富民之財以充之百姓計丁口月稅銀五分算及舟車鹽場閭閻騷然故終至於敗乙卯劉國軒率師至潮州規取屬縣未下者何祐大敗尚之信之師於鸞母山六月經圍漳州黃芳度之降也知不為經所容經召之入見不受命遂拒漳州經攻之十月其將吳淑出降芳度投井死出而廢其屍剖梧棺盡殺其將弁之家丙辰劉國軒取惠州五月取汀州遂下興化邵武諸府耿勢日蹙大兵遂平耿而經畫江拒守丁巳

大興傅氏長恩閣鈔本

鄭營以其臣為間降者以官品給銀由是降者日眾五軍施福性巧佞經寵任之日侍左右啟聖遺金二萬令執經以獻事泄經殺施福回臺灣乃遣興祚以騎兵巡海禁海艘不得泊岸提督萬正色以舟師自萬安鎮進啟聖親揭廈門守將悉潰遂失兩島五月東圖大雨雹承生子獸身人面四耳三目前二蹄向上七月陳永華卒先是永華畫坐見一人自稱行災使者衣冠甚偉欲借其署以居約三月去永華張樂燕之酬答甚久旁侍者不見也乃封閉其署至是病死十一月太白見西方長數丈辛酉正月經卒於承天府諸將議立嗣董太妃以克壘乳媪子收殺之令克壘嗣位年十二克壘錫范壻也故得立錫范遂專政六月董太妃薨其冬

大興傅氏長恩閣鈔本



連江楚東邀吳越收山海之利以自雄明之諸臣皆書生偷  
安必不與之攘大權明祚得延而鄭氏儼然如閩王矣豈不  
家國兩榮哉不此之務而包藏禍心開闢延敵以冀未然而  
請哀哉穿窬之志也其為菹醢不亦宜乎成功果毅忠諫感  
隆武一言之知圖違父志不肯負國樹牙窮島招致遺民跡  
其十餘間年喋血海疆鯨波為赤未始不為

聖世之蠹然而人猶諒之者以惓惓故國之思雖名號已絕  
奉朔勿替父老望之儼然十川三島以為此中大人馬因  
之擅兩島開臺灣豈非天錫忠貞令以一隅係天下之望哉  
惜乎天不假年實志以歿于孫驕淫遂感其祚傷已當其駕  
風帆統戈船乘潮直上破瓜州通采石謁孝陵傳檄吳楚天  
下震動事雖不成故老猶艷而稱之然則忠義之事亦何負  
於人哉

南疆逸史卷五十四

大興傅氏長恩閣鈔本

南疆逸史卷五十五

烏程溫睿臨撰

列傳第五十一

逆臣

金聲桓

金聲桓左良玉部將也以遠陽衛世職累陞淮徐總兵官隸  
左後隊宏光元年闖賊棄陝西東下左帥懼欲避寇而無名  
時朝廷皆亂馬阮用事猜忌諸鎮而傳聞太子北來且下獄  
欲殺之都人洶洶諸鎮皆憤上疏爭之左營胡以圖因獻計  
令良玉偽受太子手詔為壇而盟慟哭誓師部署三十六總  
兵而東以揀太子為名至九江即劫江督袁繼成以江西屬  
金聲桓會良玉死軍亂其子夢庚至蕪湖宏光帝已被執以  
其軍迎降豫王令率諸將入

朝獨聲桓不願北自請取江西以獻王許之乃與副將王體  
忠合兵還屯九江宣言  
清馬步二十餘萬旦夕至降者免屠巡撫曠昭解印逃諸郡  
縣望風奔竄聲桓至南昌諸生十餘人迎之入城與體忠分  
城而居金營於東王營於西署置官吏詳錄侵剽諸豪強富  
家體忠士馬強不誅掠聲桓忌之會雜髮命至三日有未應  
者聲桓說曰此王兵為梗也明日請體忠計事至則刺殺之  
王兵大擾攻金燒得勝門又燒章江門格關三日殺傷略相  
當王營私計潰散無主勢不能獨立聲桓知其情且戰且招

大興傅氏長恩閣鈔本



降之以其軍中旗牌官王得仁統其眾自是江西盡屬金兵矣聲桓自以不煩一卒傳檄而定定三府七十二州縣數千里地拱手以授

新朝功最高意且望封侯及上功而詔以聲桓為提督得仁為參將視舊官更貶兩人意大失望聲桓乃恣為荒暴大治帥府役夫萬人窮極壯麗明士紳家資中百金以上輒誣以反論殺之沒入財產江西人莫必其命先是隆武立以楊廷麟為相督師江西萬元吉為兵部尚書鎮贛州隆武既敗十月贛州破兩督師皆死諸嘗官閩脫歸者畏聲桓不敢出聲桓為人陰鷲不泄方南顧明微北甚

清盛欲待四方有起者而自立而北平有司愈推挫此兩人

得仁本起羣盜性躁怵不堪折辱則招致才士起宮觀立壇招致物怪役使丁甲以自發舒奮歌兒數十人私居服明衣冠張樂後堂令伶人演郭子儀韓世忠故事由此金王兩家怨聲稍稍聞自贛州之未破也萬元吉嘗遣間使說聲桓反正聲桓夜召與語致殷勤而諸歸客聞之知可以口舌動也各緣所知私覲兩人微言隆武未死揚萬尚在公誠能以江西歸者封萬戶侯聲桓信之後巡撫章于天至遇諸將愈倨日從索珍寶奇貨及旅見又獨與文吏割炙飲酒坐聲桓得仁堂下酒半顧而嘻笑曰汝欲反耶兩人失色媿其從騎七月得仁如建昌將發于天遣吏追其餉銀三十萬得仁大怒捉案呼曰我王流賊也大明皇帝為我通死豈畏汝耶聲桓如

大興傅氏長恩閣鈔本

虎吼目睛盡出乃杖吏三十曰此三十萬餉也聲桓聞之謂其客曰王家兒急矣客有黎士廬者自薦於聲桓曰獨我知隆武所在聲桓資以往居其間黎生夜袖鎮江侯惟新伯兩印以入及王剛印一刻精忠報國四字曰此隆武所賜也聲桓喜甚佩之八月得仁歸自建昌聲桓界以隆武印得仁曰

可矣聲桓曰吾聞烏金王新敗於何騰蛟已使人往覘至而議之及還乃言烏金不過小失利今且大破明兵於寶慶由是二人狐疑相伏己而巡按董來學亦覺金王謀反有端揚言欲上聞而索得仁歌兒海物得仁滋怒日夜閉諸匠為旗幟鞍甲煉火器戊子正月既望章于天如瑞州或告得仁巡撫且伏兵於瑞待詔至而擒公得仁乃於廿二日勒部全營

謁聲桓厲聲曰今日舉事亦死不舉事亦死等死且為公侯乎遂反城門不啟殺董來學捕逐諸官吏令兵民盡依明服式遣人擒章于天於江中迎宏光大學士姜曰廣與共事稱隆武四年聲桓自為豫國公得仁為建武侯建置都督巡撫司道府縣等官職以兩家私親屬吏朱登光黃人龍劉一鵬黃天雷吳尊周陳芳等為之而諸客首言明事者並不及惟陳天樂黎士廬林亮得部曹而已諸客既失望乃各自稱故街出所藏隆武刻付網羅山澤之士以自樹黨天雷有妹殊色得仁娶之故厚遇天雷天雷節折下士士多歸之建武之門幾傾豫國客聲桓弗善也而得仁大怒諸客嚮官聚眾恐其挽權乃定計逐客當此時金門下乃有一侯一伯一巡撫

大興傅氏長恩閣鈔本



兩御史三侍郎二十餘都督而諸自稱隆武郎中員外監紀者自陳天生以下皆控拮捩踉蹌出國門云已知隆武實死桂王立於廣東改元永曆乃詐為隆武禪詔更署永曆二年又謀求益王子以監國縉紳有識者見其舉事譚張皆相告勿出東道義師侍郎揭重熙詹詹事傅鼎銓等到城一日並引兵還城中獨姜太保在位助調兵食而已二月庚午得仁西征有胡澹者詣軍門說曰君侯擁精騎數十萬反清為明冠帶之倫莫不踴躍以望今下九江易如拉朽若乘破竹之勢以

南疆志卷之五十五

四

聞風響應大河南北其誰為清守此萬世一時也得仁異其言及破九江珍所函獲自部送還以其謀質之聲桓坐客皆曰此上策也若西取武漢連衡鄂襄與湖南何氏鼎足相望援此為中策萬一不然攻城破邑所過不留重為流賊此為下策若待永曆至而後北伐清兵猝至嬰城自守則無策也聲桓顧人龍曰策何宜從人龍曰三策皆非也不聞王之事乎昔袁濠反江西以不備贛州為贛撫王守仁所擒今高氏在贛奈何不慮聲桓心動立議伐贛三月丙辰出師步騎舳舻水陸三日不絕使使先賈卅印封高進庫進庫本無意圖及見書怒曰金皇帝耶乃來侯我且永曆何在使者不能答遂勒兵出戰聲桓使副

大興傅氏長恩閣鈔本

將白朝佐榮之曰戰酣來助朝佐追奔數十里徑至城下而大軍不繼朝佐即收軍歸武昌高得復入城守相持七十日四月十八日

大兵復取九江南昌懼城內外皆走五月辛未王師至石頭始議築城明日鐵騎滿兩山矣天聲震野聲桓兄金成功約降全光殺之盡撤城外屋廬不及者焚之火光燭天報至贛州聲桓秘之徐引師還十九日與清兵戰於北河敗之獲其大礮三遂全師入城郭天才屯於西岸六月二日得仁悉其精騎出攻壘兵未集大兵橫出擊之大敗於七里街

南疆志卷之五十五

七

王師雖勝而甚畏王名慮其襲之時夜驚曰王雜毛來也得仁生而顛二毛故云越十餘日竟城守莫敢出大將軍譚泰乃行營築土城掘濠溝驅所擄丁壯老弱助役遠伐山木發塚斲棺以為濠底濬暑蒸濕死者無慮十餘萬又起浮橋三所于章江廣袤七里章江故深險沒水置石下橋上更累木疊石以維舟當洄流湍激處死者數十萬當其在營新熱疫疫死者亦十七八圍漸逼諸將先後各托請援逸去郭天才五戰三勝見城中兵不出亦撤營遁而得仁方嬰武都司女為繼室錦騎溢路忽城外大礮飛震舉國狂走得仁驚自是酒荒日甚聲桓嘆恨而已諸將佐問事百無一應惟責姜太保號召四鄉義兵胡澹子太保書曰國中擁貔貅百萬不能出寸步日夜荒宴而眼穿外援自金氏入城賸剝富良誅鋤

大興傅氏長恩閣鈔本



貞烈宿怨遍四維矣夫載舊主稱宗國固忠臣義士風動之  
資也今獨陳九思孤軍百戰卒未嘗通聘幣其受命隆武揭  
司馬傳產事已厭其所為而去自餘不過羣盜假義名而行  
劫耳以當北兵如振落葉雖萬眾何益且即義士如雲前見  
者推折如此而欲使為金王出死力其誰聽之相國處重關  
不知所在白骨如邱陵人之不存兵於何有姜讀之嘿然宋  
奎光憂之以死勸背城一戰終不省城中米斗六金有狂僧  
自稱摩訶般若能以術解圍試之以米五斗給兵民自辰至  
酉合城露足以為神共推為國師國師令城中皆唵摩訶般  
若而縛葦炬數千人持一炬蒸其端縱馬大呼敵即破矣得  
仁覺其詐勒之則北來問也磔之是日並殺章于天罷姜太  
保以軍事付全鳴時啟視公私倉庫皆盡矣或曰此摩訶般  
若所攝也城中斗米八十金乃殺人而食至父子夫婦相牽  
就屠百姓皆願出城一戰而金王終望外援不許民乃轉為  
大清耳目然全鳴時善守而王氏火器精悍復相持數月明  
年正月十九日  
大兵以大礮擊城山谷皆震而城遂破姜太保死於御家池  
聲桓衣其銀甲赴水死得仁欲突圍三出三人不得前擊殺  
數百人卒被殺餘皆俱死於亂兵金王起事凡八月卒無成  
而士民死者數百萬人或咎姜太保之不智云  
逸史曰金王庸妄人也迹其始事值亡國之際假  
新朝之威傳檄而定不折一矢豈其智力哉其後乘民之疑

大興傅氏長恩閣鈔本

擁強兵拒名城使用策士之謀席卷以出即未能震動中原  
而長江上下必且響應粵中中興之機未必非一會也乃困  
守孤城坐待滅亡嗚呼江漢之間民之殲於左闞者眾矣而  
其餘孽乃復假義名以荼苦之非其分野之妖氛耶吾獨怪  
姜太保者南渡名臣也亦不量其無成而與庸妄人共事即  
有智者獻謀奇士設策而惘惘不省悲夫

大興傅氏長恩閣鈔本



南疆逸史卷五十六

烏程溫睿臨撰

列傳第五十二

姦佞

馬士英

阮大鍼

楊文驄

劉承胤

馬吉翔

馬士英號瑤草貴陽人萬曆末進士天啟中以郎中出知嚴州河南大同三府遷陽和道副使崇禎五年擢右僉都御史巡撫宣府之官甫一月鎮守太監王坤奏其擅取公帑以充賂遺坐遣戍尋流寓南京與同年生阮大鍼相結甚懽大鍼

者魏黨也由是望愈輕周延儒再相大鍼首以起復要之延儒以為難則曰士英我友也先之可乎延儒許之十五年六月鳳陽總督高斗光以失城逮治禮部侍郎王錫衮因薦士英延儒從中主之遂起兵部侍郎總督盧鳳等處軍務從戎籍起驟膺節越非其望也已乃知為大鍼所汲引愈德之在任擒誅叛將劉起悍禦流寇數有功甲申之變南京諸大臣會議立君未定而福王才至淮以金印償博進士英物色得之大鍼乃獻謀曰國才有難先立君者功高當今天下清議歸史君而君握重兵於外若不早圖將為人副莫若約黃得功劉良佐與之分功而招高傑劉澤清以佐之兵勢在我史君無能為也然後我與君左提右挈挾天子以令東南萬世

大興傅氏長恩閣鈔本

一時在此舉矣福王於序為最近何不先致意焉於是士英遣其私人謁王舟中具啟援立意發使諭四將皆許諾士英遂致書魏國公徐宏基言已傳諭將士奉福王且至南京亦使人約可法於浦口諸大臣倉卒不敢異議五月朔迎王監國未幾即大位改明年為宏光元年進士英東閣大學士兼兵部尚書總督如故士英聞大愾遂不待詔率重兵入朝士英之貽書可法勸立王也可法答書言王有五不可士英以其書鈐以鳳督印而藏之士英入可法動受其制及議遣出鎮司禮太監韓贊周言於眾曰馬相公宏才大略堪任督師史相公鎮靜一居守可也士英辭曰余積苦兵間久矣無能為也史先生撫安慶久著奇績揚淮民仰若父母馬督是師者非公而誰可法東西南北惟公所使吾豈敢受項踵不以宣力乎可法既出士英即入閣輔政仍掌兵部事權震中外尋論定策功加太子太師陰一子錦衣衛指揮僉事九月加少傅進建極殿十二月加少師明年二月加太保士英為人庸鄙貪黷本無智略初攬大權亦未敢遽與正人倍也自起用阮大鍼與廷臣相訾排由是兩人愈相比而亂政亟行上以迎立故深德之始終委任以迄於亡南都初建閣部皆宿德在位士英尚斂手而大鍼日夜謀起用士英亦欲引以自助乃先令劉孔昭等攻吏部尚書張慎言去之士英遂以大鍼知兵薦卒用中旨授兵部右侍郎大鍼既得志顯與正人敵士英悅其附己也甘心焉左良玉在先朝已跋扈至

大興傅氏長恩閣鈔本



是遣巡按御史黃澍入賀陰伺朝廷動靜澍挾良玉勢陸見日即面詰士英貪淫不法罪舉笏直擊其背曰願與奸臣同死士英大號呼上搖首不言澍出復具疏列士英十可斬上覽奏意頗動夜令贊周欲令士英避位士英大懼伴引疾而賂福邸舊奄田成張執中向上泣曰當迎立時舉朝皆附潞藩非馬相公陛下不得有今日夫人大功而負之不義且今廷臣孰肯為朝廷任事者馬公去陛下安得優遊自樂乎上嘿然即慰留士英士英亦畏良玉命澍還任然憾澍殊甚故錦衣衛劉僑者嘗遣戍及家居又降張獻忠澍在湖廣持之急乃走京師以赤金女樂賂士英許許澍自劾士英即復僑官削澍職己又募楚中尉朱盛濃言澍凌逼宗室立命逮之澍匿良玉軍聲言諸將欲下南京索餉因保株澍士英不得已免逮澍由是與良玉有隙士英乃以迎立異議排姜曰廣高宏圖呂大器卒與劉宗周徐石麒等俱去位士英愈無所憚內倚中官田成張執中輩向上意旨外則與勳臣劉孔昭朱國弼柳祚昌鎮將劉澤清劉良佐等相深結納而一聽大鍼計有所舉行薦劾則大鍼主其謀令其黨上章而士英承旨行之於是逆案諸人盡登啟事其死者亦予贈恤邪人穢夫盡起用事貴官鬻獄開助工事例令生童納金免試權及酒賄賂公行政日濁亂矣方是時

大興傅氏長恩閣鈔本

正人引兇黨為務初舉朝以起逆案諸士英士英稍自屈大鍼計之曰從逆諸臣自謂清流蓋攻之以闢其口士英欣然因疏糾從逆光時亨周鍾項煜及鍾從兄鍾以諸人皆附東林故重劾之其他大僚降賊者反不之及重賄入輒復其官故張縉彥以本兵首從賊及逃歸即授總督時敏王國琦等皆復故秩其刑賞顛倒如此

大清兵抵宿遷邳州未幾引還可法以聞士英見奏大笑謂坐客揚士聰曰此史公為防河將士敏功賞資地耳成且募所耗軍資例應稽察有違警則計部無以詰君以為敵誠至耶高傑監軍衛胤文窺士英旨因論督師可罷士英喜即擢胤文兵部右侍郎總督傑營士將以分其權時傑死軍無主可法方駐徐州撫定其軍及朝旨胤文將士怒皆去汎還大河不守

王師得長驅以進兵及偽太子事起都下洶洶謂士英等朋奸導上滅絕倫理諸避馬阮入良玉軍者且具言太子冤說良玉引兵救太子除君側之惡良玉已心動會士英方裁左兵餉於是大憾發兵東下移檄遠近數士英罪京師大震士英乃遣阮大鍼劉孔昭率禁兵禦之而檄江北鎮將黃得功劉良佐等兵從之而西並詔可法將兵入衛可法言北騎日逼淮兵不可違寸步臣願身入良玉營勸之勤王俟其不聽擊之未晚士英以可法將與良玉合軍愈怒嚴旨責之廷臣有言請無撤江北軍者士英於上前厲聲叱曰吾知若輩皆

大興傅氏長恩閣鈔本



左黨耳左逆至則若輩富貴置我君臣於何地我固死於北

兵不可死於良玉於是淮徐遂無備

大兵逼京城矣士英不知所出其黨陰謀逆款上乃猝起幸

太平士英亦奉其母走浙江京城遂潰士英之逃也率黔兵

四百詐言衛太后駕緣道淫掠廣德知州趙景和閉門不納

士英攻殺之至杭州欲奉潞王監國王不聽已而浙東設守

入閩閩亦不受國上賊大鉞說之俱出降已又思為內應具

奏於閩閩亡得其奏斬於延平之黥溪灘員勒曰我為天下

誅賊臣刺其皮而屍之

阮大鉞字圓海桐城人曾祖鸞嘉靖中為福建巡撫開倭寇

之亂者也大鉞機敏猾賊有才藻始舉進士授行人擢戶部

給事中以憂歸與同邑僉都御史左光斗善而越南星高攀

龍楊璉等鄙之以其躁妄使得志必敗國天啟四年大鉞當

遷吏科僉議以京察方行大鉞不可任將用魏大中

大鉞心恨陰結中璫得之自是附魏忠賢與其黨結為死友而仇視

大興傅氏長恩閣鈔本

之是年冬召為太常少卿其事忠賢也內甚親而外若遠之

每投刺輒厚賂閹人燬馬居數月復乞歸崇禎改元誅忠賢

大鉞草兩疏其一專劾崔魏其一以東林崔魏並提而論謂

七年之中亂政者前為東林後乃崔魏也駭示楊維垣令審

時勢而奏之時維垣方與編修倪元璐相刺排指言東林之

邪不在魏黨下得大鉞面大喜為投並論疏聞者咸切齒及

起光祿卿御史毛羽健即劾之以其頌美贊導列名逆案之

四等論贖徒為名民終莊烈帝世廢斥鬱鬱不得志然未嘗

一日忘仕宦也賂遺朝貴求所以滿刷者終無其術帝又明

察有以逆案薦者輒得罪大鉞無可奈何乃流寓南京治亭

臺園園畜聲妓以自娛已聞流寇日熾上不次用人則招納

遊俠談兵說劍覲以邊才召禮部主事周鏞方家居讀書茅

山間而惡之合復社諸名士移檄逐之曰此亂萌也留都重

地豈可使奸徒煽惑大鉞懼乃閉門謝客獨與馬士英深相

結往來甚密周延儒再召大鉞輦金要之維揚頓首流涕曰

大鉞已以身自託於公公奈何熟視大鉞之困阨而不一援

大興傅氏長恩閣鈔本



國乃以邊才薦且言諸臣定策之謀而大鉞啟焉其附瑞也亦無實迹遂命大鉞冠帶陞見大鉞上守江策陳三要兩合十四陳疏並自白孤忠被陷皆由東林於是舉朝大譁大學士姜曰廣高宏圖持其章乞下九卿科道集議侍郎呂大器大僕少卿萬元吉府丞郭維經大理丞詹兆恆給事中羅萬象陳子龍御史陳良弼王孫蕃米壽圖周元泰左光先郎中尹民興懷遠侯常廷齡等並言先帝欽定逆案不可擅改大鉞逆案巨魁必不可召士英為大鉞奏辨而歷詆曰廣等居月餘竟以中旨起大鉞兵部添註左侍郎左都御史劉宗周言魏瑞之毒大鉞其主使也即才果足用臣慮黨邪害正之才終病世道大鉞進還實係江左興亡之報成命不聽尋命

南疆逸史卷五十一

大興傅氏長恩閣鈔本

誅大悲而止大鉞雖以知兵薦顧問以軍事范如也一切邊警悉寢不奏而時時撓六部權任劉應賓為文選濁亂銓政以賄為選遂高下清卿要秩皆有定價再舉考選所擢給事御史悉其私人嘗欲罷撫按糾薦令輸金於官糾者免薦者予其謬誣如此江西副將陳麟鄧林奇以功當為總兵大鉞微其賄萬三千金不得終不給勅印諸白丁隸役輸重賄立躋大帥都人有職才賤如狗都督滿街走之謠初士英本德大鉞故排羣議而起之所言無不從及大鉞勢盛則結內奄徑取中旨勢且陵其上吏部尚書缺士英欲用張國維而大鉞先以投張捷士英愕然良久浸畏大鉞矣或曰今海內萌離瞻烏未定明公何苦乃爾大鉞曰古人不云乎日暮途遠吾故倒行而逆施之左兵內犯黃得功率師入援大鉞與劉孔昭等羅拜之得功曰拒寇吾職也諸君何為若此乎得功再敗左兵大鉞以為指使功再賜銀幣與朱大典俱加太子太保越日而上幸太平大鉞入見舟中上思幸浙命朱大典先行治兵大鉞因隨之入金華大典留與治軍事士民知者復撤逐之乃送方國安軍士英先在頗悔用大鉞以敗國而已亦流離無所容也相與齟齬大鉞乃陰通款於大軍為之間諜明年

南疆逸史卷五十二

大興傅氏長恩閣鈔本



大兵所過野無青草諸帥無所得食大賊出私財預餉廚傳所至羅列肥鮮邀諸帥適飲之諸帥訝其具也則應曰吾之用兵不測亦如此矣駐帳則執版唱歌以侑酒日歷諸帳人交歡以為常從攻仙霞關既抵關舍馬疾步上嶺從者聞其大呼雷公宥我項之僮仆在上已死矣空山無所得棺三日後以門扉往舁之則墳爛土出矣夫續祚未必為崇然思誅之必也大賊無于京城之潰也百姓聚焚士英大賊盧舍大賊歌姬甚盛皆為人所掠云

楊文驄字龍友貴陽人萬曆末舉於鄉崇禎時官江寧知縣御史詹兆恆劾其貪污方待訊而國變文驄娶士英女弟士英之議立福王也遣其甥鼎卿先往告王王時流竄困甚侍

衛蕭條布袍革帶資用乏絕鼎卿既見致士英意即市酒餉

九

與王酣飲王大樂與定布衣交既即位授錦衣衛指揮士英因起文驄兵部主事歷員外郎即中督監軍京口文驄薄有文藻頗善筆劄性好結客既得志愈益發舒諸有求於士英者多緣文驄以進公卿日滿其座其為人豪傑俠自喜推獎名士以自附於聲氣士亦以此稱焉鼎卿日愈寵倖近臣莫二其所奏請立獲俞旨雖士英不逮也以故父子氣焰赫然一時半載中鼎卿官至都督而又驄亦遷兵備副使分巡常鎮二府監大將鄭鴻逵鄭彩軍文驄移駐金山扼江而守築長垣以蔽礮石及

大興傳氏長恩閣鈔本

夫兵編竹木為筏縛葦為人持戈執燈黑夜亂流以渡南岸不知礮石叢發厥明視之筏多碎空無人以為果礮敵也日奏捷至士英大喜以是恬不為備初九日大霧彌江大兵乘霧潛濟舟已泊岸諸軍相顧驚駭文驄倉惶列陣甘露寺前

大兵畢登岸以鐵騎馳之悉潰走文驄率所部南還五日至蘇州聞南京失守豫王所遣安撫使黃家鼎且至蘇州吏民迎入城次日文驄令士卒為雜門役中猝起斬家鼎首以徇蘇之紳士方謀起兵已知為文驄軍至也大悅然文驄度蘇州不能守取庫金二十萬移軍入浙初隆武帝之自鳳陽得出也至鎮江與文驄遇相與交好及是帝至杭州使其子鼎

卿上謁帝喜曰吾故人也帝入閩嗣位遣使奉表稱賀鴻逵

一

又復推引之乃拜文驄兵部右侍郎兼右僉都御史提督軍務令駐軍處州恢復南京加鼎卿太子太保手詔獎其父子擬以大小吹士英敗國所至不容將因鼎卿以入閩鼎卿乃先上言稱引士英言士英遇難不忘國勸已舉兵陰扶社稷並言魯王監國非正己不受教印帝並手詔褒之及大兵渡錢塘文驄與魯王大學士田仰同遁至山島中軍士尚萬人無何與仰同遣卒載幣帛獻貝勒於道迎降貝勒受田幣而殺楊使者明日閱其兵令田兵居左楊兵居右各釋兵械馳田兵出以鐵騎圍楊兵而礮馬文驄父子皆死其監紀孫臨亦不屈死臨字式公桐城諸生兵部侍郎晉之弟為

大興傳氏長恩閣鈔本



人舉止風流文采動人後避難台州文驄招之入幕奏為職  
方主事遂與同難

劉承甫南京市人也有膂力酌酒無賴自號劉鐵棍應募為  
兵從征蠻獠累功至副總兵宏光既立何騰蛟總督楚中奏  
為總兵官令鎮武岡承甫本不知兵性剛愎以劉鐵棍之名  
動遠近騰蛟亦誤信之與為姻丙戌七月隆武封為定蠻伯  
愈驕蹇自恣兵科龔善選以冊封李赤心還過武岡承甫令  
兵辱之丁亥春正月李成棟陷肇慶永曆帝入桂林是時孫  
可望方自蜀潰入貴州而丁魁楚敗於岑溪見殺樂平亦不  
守桂林大恐會承甫兵至全州見疏迎駕司禮監王坤請上  
幸其營既入衛印劾王坤為弄權於眾中毆兵科劉堯珍以  
其譏訕大僕寺鄭達元達元承甫戚也錦衣衛指揮張同敞  
與御史傅作霖質之曰爾來迎駕而屢辱朝紳何也承甫不  
悅既見上佞侮無人臣禮御史瞿陽豐劾之次日承甫至朝  
謂御史楊喬然曰汝為憲長而言官輕率妄言汝不能禁  
何以表率以拳揮之喬然怒與之爭至裂官帶眾救之乃解  
喬然鳴豐具疏請罪杜門不出承甫乃分三千人授桂林自  
奉上幸武岡以岷府為行宮進封武岡侯承甫請封錦衣衛  
指揮馬吉翔郭承吳履雲從皆為伯薦其姻鄭達元為兵部  
右侍郎以劉遠生為太僕寺卿劉湘容為右諭德主事劉鼎  
為御史萃士劉魯生為編修四人皆以劉姓與承甫為兄弟  
者也故得擢承甫自恃兵盛挾制朝廷驕橫日甚而羣臣畏

大興傅氏長恩閣鈔本

其剛暴爭詬之以自固文章頌功德乃封興國公加上柱國  
賜上方劍蟒玉督師大學士何騰蛟聞承甫之專恣也怒承  
甫向為騰蛟部將趨走麾下至是挾上以自重忌騰蛟威權  
出己上思奪其兵柄請改騰蛟戶部尚書專理糧餉上不許  
會騰蛟朝行在承甫遣人諷騰蛟總督師杖印騰蛟不可承  
甫自至索之騰蛟曰豈有旨耶此何事可以私授承甫曰今  
督師非我莫能為也騰蛟曰吾所統諸將惟張先壁最弱汝  
尚不能制何況郝永忠諸人耶汝能制先壁則我且讓汝承  
甫語塞而還乃伏干駒於道中將俟其行殺之騰蛟偵知之  
請於上以趙印選胡一青兩營為督標既而辭朝上賜金幣  
救廷臣鄭毅騰蛟稱疾不行駐城外荒寺忽一日率兩營夜  
發盡殲其伏騎承甫諱之不敢言而張先壁方自江西潰入  
楚駐兵武岡不去承甫出與戰屢敗相持月餘上遣兵部主  
事龍之沐持節往解之先壁乃還駐沅州七月督師堵胤錫  
疏劾承甫請率高李諸將營出江西承甫始懼請上加賞錫  
兵部尚書賜上方劍以慰之上乃召商邱伯侯性入衛先是  
性以左都督開藩古坭承甫啣其不附已誣以通款李成棟  
將召而殺之而性方大破李兵於大藤峽口捷聞並上成棟  
誘降書上大喜立封商邱伯侯性聖皇太后賜其母田氏珠  
冠鳳袍內侍李國泰囑使者曰太母親解所御袍勿落他人  
手田氏得之心動捫袍帶得寸絨曰承甫惡甚操卓朕女子  
日坐湯火卿其念之田氏慟哭趨性將兵入衛八月

大興傅氏長恩閣鈔本



大兵破常德留守瞿式邦請駕還桂林上召承胤問之承胤茫然無以應但曰我兵眾必不敢至越數日警報至承胤密議奉款上覺之與大學士吳柄議由古坭走柳州丙戌承胤與岷王出降馬吉翔謝復榮奉上及兩宮斬關出復榮請上疾馳而身以五百騎斷後力戰偕死追兵益急鳴鏑相聞會侯性兵奄至奉上次靖州乃得免於難承胤既降移之武昌十一月其部將陳友龍叛主帥疑承胤與之通謀明年四月以兵圍其營盡誅之數萬人無一免者

馬吉翔北京市人也綱云四川性便黠巧佞粗通文墨往來內侍門下得其歡心高起潛出為監軍吉翔隨至軍後都司起潛之惡皆吉翔啟之後調守廣東乙酉思文帝在閩吉翔部送粵餉赴行在自陳本錦衣世職遂陞錦衣衛會書時典籍最佚莫之致也奉使楚中詣附諸將軍功奏報必竄名其中累陞安東副總兵官粵中立國又營求諸勳戚附擁戴功陞指揮使內交宜暨外結諸鎮因得在上左右劉承胤之奉上至武岡也吉翔復附之承胤請封吉翔為伯御史毛壽登曰金吾非邊鎮比也且吉翔無矢石功何得驟進五等吉翔怒疑出劉湘容指也遣飛語以激怒承胤請於上將廷杖壽登湘容以廷臣申救而止及八月武岡破承胤降吉翔奉上幸靖州十二月上自象州欲往南圖兵戈充斥道路荒阻文武諸臣皆微服行吉翔傍御舟褰裳涉水挽曳上下上見之渾涕卒與嚴起恆危駕溯十八灘還桂林流離艱苦風雨

大興傅氏長恩閣鈔本

不避取為小勤以媚於上上愛之進封文安侯入內閣掌絲綉房事尚司票擬雖瞿式邦不能比其親信也庚寅正月廢關失守上倉卒幸梧州命吉翔與李元胤留守肇慶四月督兵與陳邦傳援廣州駐山三水觀望不敢進九月與大兵戰於清遠峽敗績元胤奔於行在十一月廣州破上幸南圖吉翔乘破船至三水追至上所破船吉翔所獻以備緩急者也時百官奔走者饑凍無人色吉翔獻四千金以供賜給吉翔歷事既久結納日侍媚入宮禁凡內庭舉動必預知之先意迎合於是上及太后皆深信之以為忠勤命掌戎政不知持諂諛之才耳其心叵測也及孫可望既入雲南揚畏知勸之勤王可望回以兵威逼制朝廷協王封廷議久不許可望乃遣總兵曹延生胡正國率兵六百人至南圖名為入衛實向朝廷動靜吉翔已通款可望私謂管營勇衛營內監胤天壽曰今朝廷日微而秦王勢愈隆甚殆天啟也我輩早自結納富貴可延蓋與延生正國結兄弟歡彼秦王腹心也天壽然之強與二人盟盟畢吉翔曰秦王功德兼隆天命已歸我意欲令主上行授禪事兩公為我先達誠乎延生正國雖武人性實忠義聞之愕然曰此國家大事公何易言且我軍官也軍事得啟之其他不敢聞命吉翔天壽乃私設可望可望知中外人心未服亦未之許也而延生正國素善大學士吳貞毓具以吉翔言告之且曰公大臣也安危係焉宜勸上駐廣西境係屬人心號召遠近以阻奸謀吉翔偵知其語

大興傅氏長恩閣鈔本



報可望曰事且成而為貞毓所阻壬辰二月可望遣兵迎駕至黔改安隆所為安龍府居之安龍在萬山中羣蠻雜處俗荒陋市物無所得茅茨土庫文武隨從者四五十人而已而可望自居貴州省城造宮殿設百官挾制朝廷不順者殺之吉翔愈益附可望憚貞毓之正陰嗾其黨冷孟莊吳象鉉方祚亨文章劾貞毓欲去之賴上素知其忠奏罷不行吉翔乃欲假可望令以內外事專委己與天壽羣臣不敢不聽聽則受禪事兩人可主也而難於宣示中外令相應遣其門生郭璘說武選司主事胡士瑞曰主上大勢去矣公等遲留無非為爵祿地耳惟智者能先時夫棄危主輔新朝先時之道也愚觀天命已歸秦王秦王甚重馬公以大事任屬之公宣布此意於在廷上下協和行授禪事擁戴之勳非公而誰士瑞厲聲叱曰汝病狂喪心欺妄朝廷遂謂士大夫無人耶璘慙而還郎中古其品者善畫有名吉翔復遣璘持白綾令畫堯舜禪受圖其品怒不肯吉翔報可望可望鎖其品去杖殺之六月可望劄諭天壽吉翔令掌內外機務如吉翔指中外惶懼給事中徐極員外郎林青陽蔡紬主事胡士瑞張錫相謂曰二人曩在楚粵竊弄威柄致鑿輿播邊今不悔禍外附賊臣一人孤立百爾寒心我輩畏縮不言將莽操之禍生於旦夕各具疏劾之章三上二人奸始露上大怒欲究治之二人懼入宮求太后得免由是深怨極等欲以事誅之矣上寢不能堪私與貞毓等議將召李定國入衛密具教遣使諭定國

大興傳代長恩閣鈔本

畏吉翔知之遣往祭興陵因留守南園吉翔已疑聞其事未審也會劉謙新自定國營至南園不知吉翔之不與謀具以告吉翔大驚遣其弟雄飛疾報可望可望大怒甲午正月遣鄭國至南園即訊吉翔徐極等知事露復交章劾吉翔天壽乞上所誅遂以絕奸萌天壽懼與馬雄飛奔見可望具言與謀者姓氏而十八人之獄成矣語在吳貞毓傳方獄之急也鄭國至行朝擒十八人者酷刑訊之吉翔以頭觸貞毓者再襲定國者敗於歸朝土司定國疾驅安龍丙申三月扈駕入雲南命新統武執吉翔及其家屬數十人將奉詔誅之吉翔日夜詢統武及定國所親信金維新龔銘兩人悅言於定國稱吉翔之才為之訟寃定國召見吉翔吉翔頓首盛稱定國功高千古無兩諫之不容口定國武人慙直聞其言則大喜而維新銘又交口譽之且曰吉翔朝廷舊人今既歸誠若在閣必與我相應定國以為然薦吉翔入閣辦事吉翔外挾定國勢以制朝廷內假朝廷寵以動晉王於是內外大權復歸吉翔上亦無如之何矣明年丁酉八月可望反大出師攻雲南其下叛之與定國戰而敗走長沙降於洪承疇定國上疏請贈諡十八人者立廟安龍而昔日與事未死諸臣周官裝廷謨許詔亮金簡等復劾吉翔然吉翔新與金維新明比竊政定國聽其盡惑奸黨布列識者知國事不可為矣其明年戊戌孫可望導

大興傳代長恩閣鈔本



大兵入雲南定國不能禦己亥二月上發永昌將入緬甸時  
 尾駕者惟勒統武兵而將軍楊武馳言追兵且逼吉翔輜重  
 甚盛慮為所劫促駕即行羣臣妻子不及顧貴人宮嬪相失  
 者大半惟吉翔之資裝無所損至緬界緬人請從者釋兵器  
 沐天波不可吉翔即傳令釋之由是為緬人所制上在并巨  
 緬人供奉日衰天波將奉上走戶臘撤孟良諸地吉翔復持  
 之而止緬人忌外兵之迎駕者吉翔即與守關官救曰朕已  
 航海入閩有官兵至即殺之內外隔絕勢愈困矣其秋上病  
 足日呻吟而諸臣日縱飲中秋之夕吉翔與內侍李國泰飲  
 王皇親家召伶人黎應祥使歌應祥泣曰今何時而尚為此  
 樂乎且此去宮門不遠上體不安宜宜驚動吉翔以其語切  
 鞭之時諸大臣多短衣跣足入緬婦市中席地號哭蔬果至  
 則纂取之緬人相謂曰天朝大臣重動如此安得不亡九月  
 緬人進稻命給從官之貧者吉翔私之都督鄧凱署之於朝  
 曰老賊生死未知尚欲營私圖升斗利耶吉翔令僕仆之傷  
 足三年不能起因得免咒水之難其明年庚子定國白文選  
 屢敗緬兵吉翔慮出險後諸臣攻其短也諸臣擢以牢籠之  
 於是營求者紛紛不得則至銓堂肆罵吏部尚書鄧士廉尤  
 諂事吉翔以冀他日入相久之諸臣困乏有三日不舉火者  
 吉翔擁厚貲不肯給請於上上無以應乃擲皇帝之寶於其  
 地吉翔取而碎之以給諸臣鄧凱獨泣而不受私歎曰不祥  
 也其明年定國愈進兵攻緬緬酋長弒兄自立遣人邀諸臣

大興傅氏長恩閣鈔本

往飲咒水吉翔令盡行至則圍而殺之自松滋王而下凡四  
 十二人吉翔與焉十二月緬人送上如  
 大軍明年壬寅四月蒙難明自此遂亡  
 逸史曰甚哉世之否也人材遠不逮古非獨君子避焉即小  
 人亦避之矣何則古之奸回敗國者皆智術深險財略橫出  
 雖明君察相往往受其熒惑而不之悟其行事亦足以愚一  
 時士大夫者如唐宋之李林甫盧杞蔡京蔡攸之徒是已今  
 自士英大鉞以下諸人直庸鄙淺陋狙獍之夫且遭逢亂世  
 挾柔剛之主嗜財貪勢樹怨叢詬昏蔽督眩甘心禍敗非有  
 能剗制奸雄籠牢材智之術也故林甫能制祿山而馬阮不  
 能駕四鎮蔡檜能和金人而馬阮不能弭  
 天討即其同文之獄黨人之碑彼能生殺惟己而此不能治  
 一黃湖反令馳檄入討也及夫內寇外警烽火日遠三尺童  
 子亦知亡在旦夕而廟堂猶泄泄焉賞功拜爵宴然自娛至  
 魚爛土崩身家俱隕而後已承庸吉翔愈鄙下不足言悲夫  
 彼固庸奴也而親之信之以國事委之者又何人哉然則後  
 之小人固李蔡之徒所不屑與為伍者也

南疆逸史卷五十六終

大興傅氏長恩閣鈔本







本朝節錄正統成化 陳濟生忠節錄戴笠殉國彙編則堂  
 止其子古紀續成化 紀骨香集 凡此女子者舊集後紀 發潛錄趙庚殉節諸臣傳  
 徐興本朝生氣錄今種四朝成仁錄黃容忠烈編鄭亦鄒明  
 季遂志錄趙哲士三續表忠記葛世振昭忠錄任暉表忠紀  
 錄略某國陽紀略丹忠錄南忠紀實明末忠節列傳其專紀  
 魯藩事者則有周齊曾魯春秋章全社魯監國宰臣卿寺年  
 表潘居貞甬東餘氣錄張煌言北征紀略徐方烈湖東紀略  
 閩及中海島閩歷於類今魯史余增遠魯歷總百一十餘種  
 合原本書目凡百六十餘家又諸明史定本及諸通紀編年  
 約有百餘家以暨故老遺民之奏疏文集私家牒稗官小  
 說又不下二百家而山經地志之書不在是數及今羣籍具  
 存取而甄綜攷其同異刪其紕繆拾其佚遺補其缺略以分  
 注於紀傳之下俾之王播遷之慘外無漏跡而後世有國者  
 覽之亦足以為殷鑒矣吾宗拙園精熟故明史事向予假是  
 書爰跋此以貽之冀其博采掌故銳意編摩汗青有日子雖  
 構昧猶能預於校讎之役拙園勉旃昭陽赤舊若修病之  
 月小玲瓏山樵鳳苞書  
 附錄逸史凡例一則  
 野史中有兼紀三朝事者吳偉業綏寇紀略鄒游明季遺  
 聞是也有紀國變及南渡事者夏允彝幸存錄又秉甲乙  
 事案許重熙甲乙稟略李清三垣筆記是也有專紀宏光  
 事者顧炎武聖安本紀黃宗義宏光實略李清南渡略是

大興傅氏長恩閣鈔本

也有兼紀隆永兩朝事者黃宗義行朝略錄錢秉鑑所知  
 錄羅昌文天南逸史劉湘客行在陽秋是也有專紀隆武  
 事者閩人思文大紀是也有專紀永曆事者沈佳存信編  
 魯可藻嶺表紀年劉湘客揚在恭母違家郡紀事馮魁劫  
 灰錄某南粵新書粵事紀略鄧凱滇緬紀聞滇緬日記是  
 也有專紀一人一事者應廷吉青燐屑史德威維揚殉節  
 始末袁繼成靖江紀事某北使記康苑生庚事始末某顛  
 州乙丙紀略某江人事記徐世溥江變紀略章曠楚事紀  
 略沈荀蔚蜀難敘略楊在朱容藩亂蜀始末武岡播遷始  
 末孫可望費王始末犯闕始末安隆紀事鄧凱遺忠錄求  
 野錄是也有專紀魯監國事者黃宗義魯紀年四明山塞  
 記舟山興廢記日本乞師記馮京第浮海記鮑澤甲子紀  
 略陳睿思閩海見聞紀略阮疇生海上見聞錄是也共四  
 十餘種其間紀載有詳略年月有先後是非有異同毀譽  
 有彼此迥取萬子季野明末諸傳及徐閣學明季忠烈紀  
 實合而訂之正其紕繆刪其繁蕪補其所闕撰其未備以  
 成是編其他未見之書尚俟再考然大略具是矣  
 案贛州乙丙紀略雪水易學寶讓黃宗義宏光實錄一名  
 宏光實錄鈔又名宏光紀年行朝錄本隆武紀年永曆紀  
 年二書而合僅者舟山興廢記一名舟山紀聞閩人思文  
 大紀一名三山野錄  
 又案結埼序外集題天南逸史云是書殆瞿留守族人所

大興傅氏長恩閣鈔本



為故多稱先太師又間稱稼軒而述留守之言稱之為弟  
 又言在留守幕府為之理錢局事則亦嘗仕於桂矣而予  
 考庚寅桂林百官簿無其人也其日稱是年圖入蜀不果  
 又往來恭城頗與永國公曹志建善且自言乙酉幾死於  
 磨世勳則是預於太湖集師之役者也嶺表紀年曰乙丑  
 守輔羅武邦同族羅共美到粵亦海上來也明年題授行  
 人則是書殆即其所作其志留守身後事有御史姚  
 端有楊藝有楊美浮屠清凝今明史但有楊藝耳可采以  
 補其闕予謂謝山以為羅某所撰近是西園誤為以羅昌  
 文紕繆殊甚書中述留守言稱為弟豈不知昌文乃稼軒  
 孫非稼軒弟子昌文自有粵中紀事及粵行記方簡討密  
 之題其後云我讀粵行記長歌三四闕此事入青史金石  
 可以鑒中興賴留守功高齊業薛浮海來公孫公孫洵人  
 傑自從撫粵軍邦家悲托控卷地騰風波陵谷變凹凸五  
 載田園傾支措餘空室者親代父母望雲眼可扶伶仃一  
 書生艱難愁蹙躡孤身萬餘里出門何其決戊子臘月朔  
 從此負羈絀適有美華其舟相提挈吹簫算資斧囊不滿  
 三鈔南屏叩老僧傾囊倒行襟蒿頃銳脫綠林天台遭雨  
 雪兩足凍入髓五更猶懷列東黑衝毒霧夜飯裹麥糲十  
 日見甌城旅舍相逢賢同盟秋越屋先已過東澗接得高  
 堂信回顧心恨恨劉君歸取資拾薪農自熱且復畏關津  
 縮首苦日賜喜遇新安商吟沫扶孤子因入沙堤關里巷

大興傅氏長恩閣鈔本

佩巾拂便附安海殺火島望中幾掩霧指高州音塵海外  
 外截石并復開帆黑洋風颭颭波濤撼天地喧阗心膽裂  
 悲歎驚蛟龍泪影歎魚鼈河北真望洋海賦信磯洳幼安  
 能從容恭祖免蹉跎仗底東北風正袂我漂瀛得泊吳川  
 港陸程有前轍五日至蒼梧翹首鶴鳴堙見船叩郡守探  
 札白藩某訖言桂林省烽燧正侵軼趙子請先行邸齋息  
 疲茶翼日繡衣請藍縷差响响始睹王父書綢繆桑土徽  
 整衣雀帽楫水漲溢墜埒一夜三十丈閩市湮樵樵突擁  
 控弦兵洶湧如草竊蛇豕蕩神州茶毒存餘孽避敵向封  
 川徒步猛趨蹶小道通臨賀奔檣伴棲堞荒村久畏兵荼  
 劑半局鑄盛暑喘炎日雨汗雜流歎乃抵昭江即重趺力  
 已竭桂林間孫來倚門望日眈大母更焦愁病中數驚瞞  
 宣謂在大墟遂此先永訣聞言仰天號奔馳探前跌既至  
 拜王父齊哀而麻經干涕復萬語左右助嗚咽援筆敘其  
 事中間甚曲折我歎公孫來春秋大書揭此事敬昌文以  
 戊子臘月自吳赴粵己丑祖暑始抵桂林與嶺表紀年所  
 云己丑履共美到粵亦海上來書年相合共美履純仁元  
 初子也見東澗元初墓志銘中謂其取友曰履汝說星卿  
 所由留守稱之為弟耳明天南逸史出自共美所纂夫復  
 何疑  
 又案謝山題嶺表紀年云是書未知出何人之手似有憾  
 於稼軒與別山者其謂稼軒僕周又顧成之橫至比之江

大興傅氏長恩閣鈔本



陵之游七嶺外大臣惟於元暉魯可藻不為之屈餘雖別  
 山不能免周文死顧成官至錦衣僉事後為稼軒孫昌文  
 縊殺之於桂林稼軒不應至此別山亦不應至此又言別  
 山為與元暉爭為督師激怒稼軒收回成命果爾別山非  
 貞士也又言稼軒亦標榜五虎不免勳鎮習氣疑出自愛  
 憎之口明季野史家極難信以二公之大節可保其無此  
 然士大夫亦不可不以此為戒也再題云魯尚書可藻在  
 桂王蓋章曠之亞而出堵脣錫之上事去潔身不辱亦難  
 能也明史不為立國傳乃闕事嶺表紀年載其於己丑冬  
 疏請召錄諸賢時則楊廷樞已殉節贈侍讀而召張自烈  
 為檢討且以沈壽民劉城康范生為給事中杜如蘭金光  
 多為禮兵二部郎張之升金光更為行人當此患患而以  
 搜羅遺逸為事亦見有明三百年養士善政不替也明史  
 楊廷樞傳亦失載紀年歷訊稼軒則作者必與稼軒不相  
 能可知哂國圍以為魯可藻所迂非也考可藻與稼軒悉  
 心協力共守桂林焦璉數為文官如此我能滅此朝食者  
 也可藻自署總制兩廣銜稼軒曰方今武臣多自署督鎮  
 妄自尊大貽笑遠人君奈何亦效此果欲兼撫蓋令子代  
 君請乎可藻遜謝之即此二事可知可藻斷不毀稼軒紀  
 年之書必不出自可藻手也決矣稼軒手評金道隱嶺海  
 焚餘擊節歎賞及五虎之賦也七疏申救又具密揭封進  
 呈 王太后其袒護至矣然不必為稼軒諱也謝山於明

大興傅氏長恩閣鈔本

末諸王事如數家珍而獨於稼軒之比五虎猶未之或知  
 也何與甚矣菴史之難也哂國譚可藻傳載其建議勸學  
 又請卹周鑑雷煥祚鄭元勳諸人獨不及召錄諸賢一疏  
 亦其疎也因錄謝山跋語以補之著雍孰辨病月辛卯

尚維述之跋

大興傅氏長恩閣鈔本



其二

注史之法以劉昭裴松之二家為極軌  
 國朝徐氏炯之五代史記注厲民鴉之遺史拾遺抗氏世駿  
 之北齊書疏證金史補闕皆仿而為之者抗氏又有陳壽三  
 國志補注增益松之所未備而徐氏補三臣傳於死事似更  
 為劉裴二家通其例矣溫孝廉逸史一編予病其太簡因屬  
 吾宗拙園討論羣書考參互審草創具注而覆閱體例更嫌  
 其有未善者后妃皇子不立專傳附於紀略之末前史例有  
 之因時制宜可也而列傳不分立儒林孝友文苑隱逸獨行  
 方杖等目則曰人數無多未由分晰僅以隱逸一傳概之愚  
 竊以為不然夫鼎革之際士人出處之節固尚論者之所先  
 然不有不專以隱逸一節標著者乎則列傳不可以不分立  
 宜從其重者而特書之也當此之時儒林大有其人矣若孫  
 奇逢夏峯張履祥楊國顯炎武亭林黃宗義黎州諸公是也  
 不分立惡乎可原編二人孝友亦大有其人矣若嚴書開三  
 求姜廷梧桐音黃向堅端木劉龍光蔘蕭諸公是也不分立  
 惡乎可美原編文苑亦大有其人也矣若王獻定于一魏  
 禧叔子韓洽君望董說若雨諸君是也不分立惡乎可董三  
 編又若王鴻羽楊大器曾堯昶李潛蛟魏允禧楊宗羅收  
 楊藝程觀生盧之頤李無垢諸人入之附傳則不詳則之遺  
 民亦不類則不分傳獨行方杖又惡乎可魏楊羅程盧二至  
 於列女之傳史家例不得闕於時慷慨而死者有左羅石之

大興傅氏長恩閣鈔本

母徐錢田間之妻方從容而死者有朱若與之妻趙顯亭林  
 之母王泉然為中饋首其他難以撰指數矣搜采雖貞此傳  
 之不可不補也志以鋪政體表以譜年爵於時可攷其詳實  
 者為歷為兵為食貨志分而三為宰輔為七卿為封爵為職  
 方表分而四此志表之不可不補也餘如傳則四夷外國志  
 則禮樂刑法表則公主宗藩之類均不可補何也疆陽餘閭  
 遷徙流離國偏而祚短聲教不聞遠託經制無暇修明百年  
 以後載筆者又何從摭實乎噫略則注之明白頭記之序也  
 闕則補之品酌事理之條也若斯之科萬代一準然作者業  
 肇始而未備述者或續末而不終任情而失正予滋懼焉如  
 謂以騰褒貶故相繩墨則吾宜敢病月既望

大興傅氏長恩閣鈔本



其三

案是編體例之未善其小焉者也其大者政廷謫字  
 茲則又不可以不辨劉黃諸殉節傳敘列公侯迎降者二十  
 人而懷遠侯常延齡與焉是誣也乃其失之大者政廷謫字  
 喬石號蒼谷開平王遇春十二世孫世孫考十四仇爽有大志  
 既襲封官南京錦衣衛指揮使遇事敢言崇禎中嘗條陳時  
 政疏十二上帝深嘉歎時姜瑛熊開元以劾周延儒下獄抗  
 章請釋二臣又致書於延儒以文彥博救唐介故事相激勸  
 朝論建之福藩建國復劫馬阮亂政之罪不報即挂冠去云  
 去為蒼谷乙酉後與夫人徐氏中山上公之季女種菜於桂林  
 金陵湖墅偕隱食貧處之晏如死無以為殮友人白大生胡  
 星卿贈金贈賻乃克葬乾隆初載裔孫執桓乞詩於諸名士  
 競賦開平王孫種菜歌以美之厲徵君焉所云可憫一紙鈔  
 姦疏却裏長街賣菜錢是也夫喬石之志操當與徐逸度劉  
 雪舫合傳而乃等於崩角稽首之流紀載之失實莫此為甚  
 嗚呼滄海瓜疇故侯飄泊相逢寶珠流涕誰憐其不至道困  
 若而乞為奴者幾希而哀節不渝如徐常數君子實史冊所  
 罕見鍾阜泰壇亦為生色逸度即世所稱遂初老人者仁和  
 吳處士穎芳嘗為撰傳其略曰老人李氏南名字曰逸度遂  
 初其號也家金陵  
 國初平抗隱於東郭之良山賣藥自給卒年八十有五始老  
 人悔跡匿名棄家遠避為挾崑山李氏子同竄以伯季呼故

大興傅氏長恩閣鈔本

姓李南故名南然作真姓名疾革時子嘉錫跪請宗姓所  
 自及名字瞋目叱之終不言故其子孫惜不知自何氏也老  
 人不與世接往來遺民伏老徐堅石施蕙農數人而已穎芳  
 得見金翁厚餘徐堅石弟子也聞之于師云老人是徐中山  
 後人先人復系于外家呂氏官韶州司馬遶國難聞闕至此  
 詩歌抑塞磊落可嗟可泣多不存其存者楚歸吟一卷村居  
 漫興一卷前後梅花二百詠逸度事他無所見微處士誤傳  
 亦將泯沒矣雪舫名文照即所謂新樂小侯者附見魏氏禧  
 王氏源兩家新樂侯傳中固喬石之誣牽連而及欲使誤事  
 者知攷核之不可以已也雖然考廉雅具史才頗能裁斷其  
 誣喬石也良由惑于野史傳聞之謠未暇審而質實爾論  
 者慎勿以一事之失而概疑之也余月癸亥朔  
 林評事荔堂時理西氣錄專紀四明殉節之士故又名甫  
 東正氣錄蓋與徐監紀霜華風垣高員外隱學字泰共為  
 之荔堂別有甲申己復丹史見全氏結埼集中又載吳少  
 保樂稚姓梅山叢說文史全此山先生疏景序云開  
 國時瑞公之今亦不備海以未之史則者非也甚修此  
 無日快凡二十冊每冊約百餘出金處士歐陽修後  
 年多誤傳藏為年歲月未上金文將舊本記  
 亦從七指君子之指南錄臨海編也博乎黃金二先生均  
 未之馮侍郎單路京弟中興子二論華簡討默農夏對簿  
 錄全做君北空台梓里諸志傳略無名氏海上遂志錄  
 使臣碧血錄南都雜志定園疑珠諸書王文簡池北偶談

大興傅氏長恩閣鈔本



載宏光大事記一作是是皆殘明之史料也錄以補前後

兩跋之闕

錢東登田間詩集湖墅種菜歌

金陵城東湖墅村中有隱者開平孫通侯甲第今已矣意

氣豪華無復存開平去今凡幾代五王之後惟君在往昔

爭言故侯瓜如今獨數湖墅菜問誰種菜滿畦新一家生

計只三人終歲把鋤菜畦裏婦能炊飯兒負薪為君婦亦

太辛苦嬌貴當年誰比數羅如賜出小侯妻珠翠裏成上

公女都人猶記嫁時裝如雲妾膝爛生光臺前照鏡輪梳

簪架上薰水派管香一朝散去竟何有相對惟餘雙白首

早從府內厭笙歌還向村中操井臼村中井臼倚柴扉賣

菜還愁終歲飢長夜不肯然薪坐十指侵寒綻故衣東川

子孫公主裔妻孥行深心常愧聞說君婦盡傷情無心更

擬求奴婢

胡星卿茅屋歌

向鷺洲接大江濱牧馬兒來動成羣先生避世何處去合

家住近公主墳茅屋三間倚墳脚門戶散斜草繩縛藤外

時聞樵婦喧樹下每有漁船泊先生田無一石租餬口只

賴青囊書春深婦子競鋤菜水落弟兄公養魚可憐茅屋

多年破五柳陰中留客坐風雨淹旬不出門先生高臥舉

家餓先生本是公主孫當年駙馬最承恩別象門西起府

第至今墓址宛然存府墓荒去墳園冷細雨寒花空滿嶺

大興傅氏長恩閣鈔本

洗菜猶傳金水橋灌畦爭汲琉璃井東川戰功晚始酬  
馬還家少主優嗜難師來家已破子孫拔失東川侯奪爵  
猶如主國疏上書乞恩無不報下降開在高帝年間安尚  
睹英宗詔詔書累朝墨有光龍箋寶篆枕中藏主家法物  
一朝盡撲素惟留駙馬林駙馬之林樸如此想見國初俗  
不侈當時賜出椒房宮如今鎖在茅屋裏茅屋相看幾度  
春終年抱膝不知貧叩門半是先朝爵失路時憐帝室親  
先朝帝室復誰在茅屋棲遲人弗怪君不見開平王孫懷  
遠侯妻子負薪身種菜

厲鴉樊樹山房續集開平王孫種菜歌并序

常延齡字喬若疏蒼谷開平王遇春十二世孫襲封懷遠

侯官南京錦衣衛指揮使有賢行曾疏勸馬阮鼎革復與

夫人徐氏中山上公之愛女種菜於金陵湖墅喬孫執桓

乞詩

高皇初定江南日采石磯頭功第一橫行十萬常將軍帶

礪河山永無失滄桑抱節有賢孫鍾阜秋青入淚痕飄零

大樹不復見憔悴故侯安足論中山同志深閨婦曲折天

吳移舊壘誰知借隱灌園人俱為異姓分茅後幾棧荒畦

非賜田晚菘早韭資寒泉可憐一紙鋤森疏却裏長街賣

菜錢歸來偃仰棲衡宇猶勝貂蟬與卑伍鳳臺園裏鬼迷

花雞鳴廟前孤嘯雨漫向金陵市夕曛百年寂寂但孤墳

籬邊尚發東風菜一任空原野火焚

大興傅氏長恩閣鈔本



其四

明末南都之亡亡於左良玉之內犯福京之亡亡於鄭芝龍之通款漢中之亡亡於孫可望之迎降之三人者南疆興亡之一大關鍵也均宜置諸叛臣之列逸史則以芝龍寇鄭成功傳首以可望附李定國傳中當矣而獨不為良玉立傳何也莊烈愍皇帝君臨天下十七年而內閣宰輔至五十人才諸漢武五十四年間為相者十三人殆不啻十倍過之焉國變之後在朝在野存者十有九人南北死難者三冠蓋文儒為賊擄掠死者四方兵燹印命入仕 本朝者二建泰李起兵保鄉邦者一王應 詐降者一才 仕閩粵者三 各備 黃士而家居終老者五運 錢士升 范 復 粹 五人中 機山之 玟在

王師未下金陵時猶是趙家土也無愧完人若興化之自命則曰遠追倣箕狂遊之跡終矢冀謝卧病之心懷守歲寒歸親君父又曰以谿堂為大容騰薪為禮雪冠履為漢節其志行雖未必盡然視香山順德迴不侔矣逸史則錄何黃而遺錢吳何也史閣却之開府揚州也禮賢館之士有桐城蔣臣一個長興李令哲霜回歸德侯方巖叔岱烏程韓輝祖茂貽若而人瞿留守之駐桂林何督師之駐長沙兩公幕下有吉州施明 名 偉長益陽郭良史野臣長洲史紀言伯顧錢塘潘問奇雲容臨山倪國錦玉成若而人或綜核軍儲或經營戰守或畫控荆襄扼鞏洛之謀或建收山東取河南之策或捍禦圍城共保巖疆者四載或監制降將議分雄鎮者十

大興傅氏長恩閣鈔本

十三既而天命已移人謀渺濟三公則殺身以成仁諸君亦潛蹤汐社警操谷音宵有殊於西臺慟哭之謝參軍北向生祭之王上舍哉而逸史概未撰著於編則又何也佐督師之經略南楚者章堵二公而外長沙陶汝震仲調宿松張鳳蕭成赤吳江吳晉錫茲受其亞也崎嶇衛永轉戰湖湘揮曰日之戈拔衝星之劍師中盡瘁與南北兩院略同而逸史則并其姓氏而軼之則又何也甲乙之際大河以北建義撲者雲集警疎長山則劉孔和掖縣則趙哲文文登則滿之章難澤則殷淵上谷則周永憲海州則謝陞沛縣則閻爾梅是皆臨江節士扶風豪士一流人事未可以成敗論者君子取其志焉可爾而逸史僅於凌軻傳附見陸名於義士傳述孔和事餘更無片語齒及之抑又何也他若志殉節節漏去洪復府祖烈蔣都督若來敵降臣竄入顧鎮遠鳴郊唐左都世濟記義兵則不敷周耀始等錄宗潢則不及朱誼泮輩以至蘇門三賢海虞三義而冷五君中吳四文學四明六狂生之類眈眈在人耳目者遺脫尚多又何論行遊之臣蹈海之士之失編者不可枚數乎夫三藩之載紀煩繁就予所見者而論無論其是書之詳具而猶有遺憾若此甚矣史才之難也南豐曾氏之言曰史不得其人雖有殊功偉德非常之跡將闡而不彰鬱而不發而檇杭菟瑣吞回凶惡之形可幸而掩也非所謂黑白不當律呂失次者邪故予跋是書不憚再三甘冒辭費之譏者要皆以曾氏斯論為準則誠以作史之程必欲垂萬

大興傅氏長恩閣鈔本



世之法戒不得執一己之是非也况乎明之南疆國統數更  
史氏放逸不及今論次後數十百年文獻無徵使操筆削之  
權者將何所取信邪發潛誅姦補苴罅漏是所望於吾黨之  
君子昭陽乾月之晦

南疆逸史跋

五

大興傅氏長恩閣鈔本

其五

三藩之野記余嫌逸史採摭未備既一一核其目羸入第一  
跋中年來流覽羣書核諸見聞所及又以知前跋之挂漏猶  
多也今續為臚列以補之曰三朝備要部曰三朝詔令曰三  
藩總記詳元曰三藩遺事明曰三王紀載此曰野史亭臚錄  
紅應曰明末閩錄胡氏曰明季閩歷地元曰殘明冊府拾遺  
桂邦曰殘明書釋曰樵史代名此皆合紀三藩者也曰光武  
紀年組曰乙丙時事燦曰南福兩京實錄浙曰餘燼前錄  
此皆兼紀福唐二藩者也曰中興金鑑張應曰中興時政鏡  
鏡曰白雲述孫氏曰山陽錄陳貞慧蓋用漢獻事曰聖安書  
法箴曰聖安北狩事跡氏名此皆專紀福藩者也曰閩粵外  
史毅曰閩廣遺聞魏氏曰隆永編年早曰隆永兩朝統紀鄭  
元曰隆永兩朝奏議略氏名此皆兼紀唐桂二藩者也曰浙  
閩交惡事略曰江東爭詔錄氏名此皆兼紀唐粵二藩者也  
曰閩小史此應曰思文紀略戴曰福京遺事氏名曰紹宗實  
錄永應曰唐王始末氏名此皆專紀唐藩者也曰粵漢小史  
沈應曰粵漢播遷錄元氏名曰滇黔逸事氏名曰滇南外史明  
氏名曰黔史氏名曰餘燼後錄之氏名曰行在陽秋氏名曰殘  
明紀事氏名曰一作大明紀事氏名曰行在陽秋氏名曰殘  
藩者也曰海外慟哭記氏名曰翼卷遺史氏名曰魯春  
秋戴氏名曰雪交亭錄氏名曰井中錄氏名曰閩變錄  
朱金曰江東閩位記氏名曰滄田錄氏名曰舟山紀略氏名

大興傅氏長恩閣鈔本



此皆專紀魯藩者也曰福王猛法攻周朱曰甲乙義師始末  
 詳雲曰蜀亂紀略費曰贛州失事曰紹武爭立曰沙定洲  
 紀亂曰賜姓始末宗曰南楚撫賊記李曰楚事略郭曰  
 粵中紀事文曰東甯紀年沈曰東甯紀年續元曰翁洲  
 寓公詩小傳全曰揚州殉節紀略沈此皆專紀一人一  
 事者也曰忠孝見聞錄曰甲子紀略秦曰丙丁雜志曹  
 曰思舊錄曰三閩志略董曰徐生錄張曰見聞實  
 錄山曰乙丙日記武曰碩果錄沈曰正氣錄凡二  
 錄山曰破夢閒談沈曰忠烈傳陳曰雲集錄林  
 時理一曰破夢閒談沈曰忠烈傳陳曰雲集錄林  
 舟車所通足跡皆至計二十餘年歷死事忠臣六士得四  
 六百餘人通婦烈女在外披其事實作忠烈傳六士得四  
 成錄上之文錄馮瑞宗師文是傳志烈五十一身去曰明遺  
 惟存姓名錄五卷蓋曰錄也

民所知傳米曰金陵小史曰殷頑錄曰大事紀曰山中見  
 聞錄曰北樓日記曰野老漫錄曰夢華潭客談曰乙丙識小  
 錄曰龍溪紀年曰劫末記曰偷生私記曰虛墟雜言曰菜園  
 舊話曰蕉園錄餘曰舊京紀聞十名氏此皆雜記時事或  
 專錄殉難或兼及逸民者也曰平寇志孫曰寇事編年戴  
 曰甲申雜記氏曰崇禎五十輔臣傳沈曰崇禎四十九閣  
 臣傳吳曰崇禎閣臣行略陳此皆牽連而及三藩者也曰  
 宏光大統歷元曰東武四先歷曰永歷大統歷書曰魯監國  
 大統歷此皆歷志之所取材者也曰南京檮紳錄凡三中  
 二秋冬乙曰福京檮紳錄便名行在檮紳凡二隆武乙一商  
 西一春乙曰福京檮紳錄便名行在檮紳凡二隆武乙一商  
 曰行在檮紳錄凡三十有五永歷丁夏庚三秋冬乙一商

大興傅氏長恩閣鈔本

此皆專紀魯藩者也曰福王猛法攻周朱曰甲乙義師始末  
 詳雲曰蜀亂紀略費曰贛州失事曰紹武爭立曰沙定洲  
 紀亂曰賜姓始末宗曰南楚撫賊記李曰楚事略郭曰  
 粵中紀事文曰東甯紀年沈曰東甯紀年續元曰翁洲  
 寓公詩小傳全曰揚州殉節紀略沈此皆專紀一人一  
 事者也曰忠孝見聞錄曰甲子紀略秦曰丙丁雜志曹  
 曰思舊錄曰三閩志略董曰徐生錄張曰見聞實  
 錄山曰乙丙日記武曰碩果錄沈曰正氣錄凡二  
 錄山曰破夢閒談沈曰忠烈傳陳曰雲集錄林  
 時理一曰破夢閒談沈曰忠烈傳陳曰雲集錄林  
 舟車所通足跡皆至計二十餘年歷死事忠臣六士得四  
 六百餘人通婦烈女在外披其事實作忠烈傳六士得四  
 成錄上之文錄馮瑞宗師文是傳志烈五十一身去曰明遺  
 惟存姓名錄五卷蓋曰錄也

民所知傳米曰金陵小史曰殷頑錄曰大事紀曰山中見  
 聞錄曰北樓日記曰野老漫錄曰夢華潭客談曰乙丙識小  
 錄曰龍溪紀年曰劫末記曰偷生私記曰虛墟雜言曰菜園  
 舊話曰蕉園錄餘曰舊京紀聞十名氏此皆雜記時事或  
 專錄殉難或兼及逸民者也曰平寇志孫曰寇事編年戴  
 曰甲申雜記氏曰崇禎五十輔臣傳沈曰崇禎四十九閣  
 臣傳吳曰崇禎閣臣行略陳此皆牽連而及三藩者也曰  
 宏光大統歷元曰東武四先歷曰永歷大統歷書曰魯監國  
 大統歷此皆歷志之所取材者也曰南京檮紳錄凡三中  
 二秋冬乙曰福京檮紳錄便名行在檮紳凡二隆武乙一商  
 西一春乙曰福京檮紳錄便名行在檮紳凡二隆武乙一商  
 曰行在檮紳錄凡三十有五永歷丁夏庚三秋冬乙一商

大興傅氏長恩閣鈔本



其六

故明勳臣六王之裔世襲公侯咸與國相終始迨其亡也殉  
 難者止黔甯沐氏一家耳可謂不負世臣矣若中山徐允恭  
 宏爵開平常應峻岐陽李祖述甯河鄧文郁東甌湯國祚之  
 徒當豫王之下金陵也爭先迎降雖曰識天命之有在抑何  
 棄故國若敝屣邪夫以盟白馬誓丹書之世胄三百年來長  
 保分玉之封永絕耐金之罰一旦為王銜壁右族投戈龍種  
 無歸嘉沙頓化豈不哀哉而况陪京賜葬密邇考陵劍舄衣  
 冠月游如昨彼允恭輩履寢園之霜露懷草昧之風雲曾不  
 聞激發孤憤而低首下心苟且偷活真視然人而者也後之  
 振旅金山望陵遙拜而三軍皆慟哭者獨何人哉吾知明祖  
 在天之靈與五王者必痛心感額不願有是臣不願有是孫  
 也然而五王之後莫謂竟無人也余嘗表章常廷齡徐南矣  
 近復搜攷遺文更得徐宏基仁壽李昇李錫詐錫貢鄧文昌  
 湯南金常元亮數人皆不愧故家喬木者也宏基崇禎中襲  
 封魏國公甲中之變南都諸臣迎立福王足議于其家明年  
 金陵失守宏基率妻子避跡吳江之趙回袁進士世奇家貌  
 魁岸鬚長過腹骨節珊珊然日與村童牧豎倘佯阡陌以為樂  
 世奇迂生不識時務每以匡復相勸且稱其位隆望重舉事  
 必成宏基心動遂樹幟招兵而糧不繼乃建勸餉之策勸諭  
 村莊富戶時有陸醇儒者家富而豪其弟某同客過鄰村宏  
 基遣人要致之坐廳事抑之拜跪諭以助餉堅不從宏基拘

南疆逸史

三

大興傅氏長恩閣鈔本

之暗室中困苦之客脫歸報聘儒儒恨甚懸重賞集兵應  
 者屬至會吳淞總兵黃蜚敗死其部將田勝嘉收集散亡排  
 徊湖泖間醇儒以重幣乞兵于田得三百人以乘遂乘夜發  
 先令健僕登袁屋入囚室掖其弟出乃帥兵進攻盡拘徐袁  
 家屬殺而投之湖并湖郡紳士避跡于袁者悉被難宏基持  
 予出投分湖葉氏葉氏懼禍縛而致之陸陸控之柳樹令軍  
 士集烏槍擊斃之其子年十五方被圍時登屋發三矢殪三  
 人已而被執亦叢射而死田陸籍袁家資裝兩巨艦以去  
 吳江縣志云明史徐達傳宏基卒臨在武子文爵嗣又而都  
 播紳錄甲中狀宏基守備南京乙酉春無其名疑大事也所  
 甲乙其師始末並載此事云宏基在兩都時與馬阮作逆  
 此則文爵嗣公事云云明王賜宏基為福海也又按吳傳業  
 元紀星未刻編度測沈卷中云宏基宏宏基有從子曰仁壽  
 從魯王于台州王監國紹興以功封定南伯江上師潰虜王  
 入海丙申倚孫名振攻崇明戰于海島敗績與劉永錫同日  
 死永錫世稱郡離公子大成十五世孫孔昭子也死時年十  
 七昇字東君岐陽王十七世孫短小精悍善騎射善吟詩官  
 某軍都督同知年才十四甲申春闈賊逼畿輔南京兵部尚  
 書史可法移檄諸鎮勸王昇請于可法曰君父之難臣子恨  
 不能奮飛赴救昇願為前軍疾馳抗賊鋒得五百人足矣可  
 法壯其言以童子也未之許翼日大閱軍營昇擊強弩發九  
 矢皆中的可法益壯之會援師未集而北都陷福藩立誠意  
 伯孔昭與馬阮毗倚殘害苦類昇積憤一日遇孔昭于道殺

南疆逸史

三

大興傅氏長恩閣鈔本



手唾墨孔昭大恨上章勅罷之昇乃往參可法軍事以勞瘁得嘔血疾歸養於家明年南都下亡走天台為僧丙戌浙東又下痛哭發狂而卒嘗賦詩云徒聞絳紀離湘水旋見青衣出洛陽又天下猶懸唐日月海中莫恃漢金湯蓋傷福藩北去監國入海也錫祚亦岐陽王裔與弟錫貢並以武勇聞庚寅偕詣魯王于舟山王命佐阮進守螺頭門 大兵三路下渝州進遇之橫水洋以火球趙道敵舟反風轉擊進西面創甚錫祚趨救亦被創同赴水死舟山城破錫貢帥兵巷戰馬蹶被獲斬于四明文昌字汝言文都弟也南渡時任後軍右都督左兵東下馬士英盡撤防河諸軍以禦文昌詣中書堂爭之反覆陳利害大計士英語屈厲聲曰公勲臣無預國家

大事文昌歎息而出遂棄官隱于織山之天開巖留都既亡聞唐王立於閩航海赴閩王嘉之命襲封定遠侯加中府屢疏請王出關恢復王優旨答之扼于鄭氏不能用也未幾王幸建甯文昌與大學士曾櫻留守福京 大兵入景甯關櫻出走依鄭成功于廈門文昌慷慨絕吭死時年十九妻徐即宏基女少文昌二歲先仰藥卒時將死謂文昌曰君毋自辱妾請先於地下待君閩人哀之合葬于城北芙蓉山南金字廷獻允勳九世孫于甯河王為十三世也崇禎末官南京指揮使折節讀書假中山王徐氏西園居焉招邀名流為吟社有承平王孫之風福王監國或以將才薦南金見馬阮亂政知江南必不守堅辭歸隱于都梁國變後不與世接力耕自

大興傅氏長恩閣鈔本

瞻與常元亮為詩友元亮字亦陶開平王後也大雪中元亮往訪之草履三楹穿漏洩雲南金危坐一角不滲處哦詩自如兩人清談竟日燃糠煨芋各食一甌而別戊戌永明王遊入緬甸南金聞之絕粒卒復數年元亮以鄭成功已亥長江之役無功而還將赴東甯說成功復舉訣妻子誓墳墓微行至浙右臨湫乍二海口覓渡不得轉至甬東復不得渡憤絕遂蹈海死嗚呼世勲之家與國存亡誼無更事他姓宏基諸君皆能致命遂志不忝前人為五王一洒其辱雖與日月爭光可也昔人謂褚彥回曰人笑褚公至今齒冷則凡甘為臣僕者尚少知愧哉噫梅家單閼月已卯

大事文昌歎息而出遂棄官隱于織山之天開巖留都既亡聞唐王立於閩航海赴閩王嘉之命襲封定遠侯加中府屢疏請王出關恢復王優旨答之扼于鄭氏不能用也未幾王幸建甯文昌與大學士曾櫻留守福京 大兵入景甯關櫻出走依鄭成功于廈門文昌慷慨絕吭死時年十九妻徐即宏基女少文昌二歲先仰藥卒時將死謂文昌曰君毋自辱妾請先於地下待君閩人哀之合葬于城北芙蓉山南金字廷獻允勳九世孫于甯河王為十三世也崇禎末官南京指揮使折節讀書假中山王徐氏西園居焉招邀名流為吟社有承平王孫之風福王監國或以將才薦南金見馬阮亂政知江南必不守堅辭歸隱于都梁國變後不與世接力耕自

大興傅氏長恩閣鈔本



自古宮壺之肅雖未有過於勝國者也嬌媛之殉烈亦未有過於勝國者也三代尚矣秦漢而運邨耶鼓瑟則嬌嬈祈年太液吹笙則蹋歌溫室南風孌于小吏獻容辱于葦庭楊花入闈之謠醜鄰鳴刺桑條回波之樂蒙視龍聲齊魏周中宮重婚醜姑安齊肅貴主三嫁齋于金輪叢塵聚之惡玉環纒魚網之羞斯皆所謂中冓之言不可道者也迨夫大水造邦頗脩宮教然而納祀像之俘嬖幸提鞮之降后適情任欲輕禮弛防蓋亦損穢君德焉卒也二聖低首於青城三宮屈心於紫蓋而帝姬御妾半入金源掖庭霞披孟嬋盡歸薛禪惟聞天道好還豈不信哉明之有天下三百年列辟鮮專房之

南疆逸史跋

室

溺後宮無預政之嫌御已有度險謁不行若萬貴妃劉夫人鄭貴妃李選侍之流雖寵冠當時而權無私授以方開與女戎不大相什伯也乎然則一朝之家法屢矣二祖之貽謀遠矣故甲申三月之變孝哀孝烈二皇后與妃侍十數宮女二百餘人同殉國難嗚呼鐵騎攻都紹璫揮盜帝后相持倉皇引決血滿金妃屍積瑤池流觀往籍紀亡國者無聞焉爾其後諸藩僭號南疆流離瑣尾而官府之中整釐婦制則前徵猶未沫也及際太后北去渡淮水太后同開奮躍陸急湍死是年唐王立於闕未及莽王幸汀州曾后從王將逃贛命后先發甫出城西門遇王師猝至后急投水死先是杭州既降之明年江上師潰魯王欲奔台州趣元妃張氏偕行妃再

大興傅氏長恩閣鈔本

拜辭回勿以妾故為王累碎瓷盤自剄死元紀張氏與世子由定海而出總兵張國柱劫去其元紀張氏與世子由定海而出總兵張國柱劫去其大清紀碑記與世子由定海而出總兵張國柱劫去其年知所見又云或傳此而者為官填司代而後見其紀書諸書皆作此解王監國復冊立陳氏為妃復五年舟山而死當得其貴從之城破妃亦赴官井死者十三人元陳氏監國紀年作陳氏謂即交書皆作陳氏又後十一年永明王被難于崑崙明馬太后與王后自漢入燕行過黃茅輝兩后推於相望噤不得語同時扼吭死又改借諸妃同殉者計其麗雖未及北都之夥顧于哀烈二后有光焉始永明王之受制于孫可望也寄坐安隆名擁虛位實類幽囚六年十一月有杖殺坤甯宮常在郭良璞一事常在宮女官斬其階下大安隆行宮局隘在

南疆逸史跋

室

寺宮人分班宿衛餘盡寓居於外良璞故奄夏國祥之對飲也年十九蘭嬰捷敏雅擅三絕能擊劍走馬在安隆與巴東王妃善可望私人張應科一日窺見良璞心好焉乃移居近巴東王第晨夕致殷勤甚締于王王亦雁就應科王妃亦出見呼妃曰嫂又甚致尊禮因得通于良璞久之事覺王命杖良璞死并殺內監李定國賜已東王與妃悉自裁王畏可望特下璽書一通與言應科事可望第令杖應科于朝門之外當是時黃屋飄蕭翠華零落濮鉛劍荔之間木欄竹棧則王后之華闕矣土銜蘆簾則次舍之采飾矣筠醬藤酒則天厨之玉食矣桂布寶幃則尚方之家服矣螢花犴鳥則上林之春色矣露犬紋牛則法乘之鈞駟矣棹槍架弩則大駕之鹵

大興傅氏長恩閣鈔本



簿矣播越之慘已如此而官令之肅猶如彼則有明一代禁  
中惟簿脩祚席辨始之罔或伏蕩又誰得致疑于燕歸龍帳  
之春犬吠羊車之影也哉逸史惟詳曾后餘並沒而不書何  
以昭信史若諸妃者皆當大書于紀略中否則別立后妃傳  
以章之而附書良璞之事垂為炯鑑焉亦庶乎其可也端蒙  
夏安室病之月壬子朔五日丙辰

續修四庫全書

史

大興傅氏長恩閣鈔本

其八

嗚呼迂闊庸鄙之儒可與謀國是也與哉其才似宏而滿其  
識似卑而陋其量似涵而隘其學似正而曲其守似謹而放  
率堅僻之性肆殘忍之心披驕矜之氣聘拘執之論遇事而  
發不曰證史鑑則曰援經義不曰式古訓則曰法祖制是故  
明君為之眩瞶其是非智士莫能洞燭其禍詭若斯人者幸  
而當昇平之世置散投閒奉禮備職焉可也即有建白尚無  
大害爾不幸而值世運屯否國勢傾危復使之策高足據要  
津不審經權不規時勢無因之強聒自詡敢言有意之誇張  
輒矜盡瘁則其禍中于國有不可收拾者若桂藩諸臣之  
阻孫可望之封王是已當永曆三年可望之內附請封以楊

續修四庫全書

史

文烈說之而來也舉朝言本朝無異姓封王者三百年定制  
不宜壞自今日創之者金堡也主之者嚴起恒也助之者文  
安之也善乎文烈之言曰國危矣不以虛名招徠之而自樹  
敵予且彼固巨盜也嚮者毒痛海內宗社為墟今一旦向義  
豈朝廷威德所能制乎蓋列聖神靈陰啟之也若因其來明  
示以異等之恩彼必踴躍聽命度幾收用于萬一奈何聽一  
二腐儒之言坐失大計夫法有因革勢有變易今土宇非昔  
百務墮壞區區議封猶必執法耶及宗室朱議叅勅堡把持  
誤國文烈又曰噫朱君誤矣給事爭之朝廷予之使滇歸恩  
主上而憚中國之有人懷德畏威不兩得乎文烈斯言真通  
達國體者也惜乎諸人衰如充耳皆莫之省僅議封景圖公

大興傅氏長恩閣鈔本



賜名朝宗而堵允錫胡執恭皆矯詔封為平遠王封為秦王  
可望意在必得秦封明年封可望冀王復不受而使賀九儀  
等統兵入衛賊殺起恒及楊鼎和劉克珍吳霖孫再述諸人  
皆不予秦封者于是始真封可望為秦王又明年王暉安陸  
夫歲造關銷銀米冊報可望大書皇帝一員月支若干皇后  
一口月支若干虎落蛇鄉苟延殘喘得非議封之堅執有以  
致與不然如文烈言彼雖盜未必不受命感恩克終臣節何  
至萌莽卓之志放僅況之謀哉且諸人獨不聞唐德宗幸梁  
州陸宣公之請撫李楚琳乎楚琳已殺張繼叛附朱泚及奉  
天圓解遣使入貢德宗不得已除鳳翔節度使而心惡之羣  
臣又言若不提防恐生窺伺由是楚琳使者數輩至留之不  
遣宣公上狀略曰乘輿未復大慈猶存勤王之師悉在畿內  
急宣速告唇舌是爭商嶺則道迂且遙駱谷復為賊所扼僅  
通王命惟在褒斜北路若又阻難南北遂將夏絕倘或楚琳  
發憾公肆猖狂南塞要衝東延巨猾則我咽喉梗而心膂分  
矣且楚琳本懷惟惡是務今能兩端顧望乃是天誘其衷故  
通歸塗將濟大業又曰自昔能建奇功或拯危厄未必皆是  
絮矩之士溫良之徒驅駕馴擾惟在所馭朝稱允悖夕謂忠  
純始為寇仇終作卿相知陳平無行而不棄忿韓信自王而  
遂封此漢祖所以恢帝業也置射鈞之賊而任其才釋新祛  
之怨以免于難此桓文所以宏伯功也然則當事之要雖罪  
惡不得不容適時之宜雖仇讐不得不用慎勿納豎儒小忠

大興傅氏長恩閣鈔本

以虧挽興復大計德宗覽狀釋然悟善待使者優詔存慰之  
卒底中興故史言德宗克平寇亂不惟神武之功爪牙宣力  
亦資文德腹心之助可望之事與楚琳約略相類諸人何無  
見及此與故德宗之臣有一宣公其人者則足以匡復社稷  
桂藩之臣無一宣公其人者則不足以偏據滇黔夫非桂藩  
之才智不若德宗也逸史論曰小人之敗國人知之庸臣之  
敗國則雖賢智不能救以其託詞似正而貽患於後也噫蓋  
之矣雖然起恆安之諸人不足責吾復不能不致歎于瞿文  
忠留守也病月被還後十日甲子

大興傅氏長恩閣鈔本







讀梅村宮詹詩有感書後四首序云余觀楊孟載論李  
義山無題詩以為音調清婉雖極其穠麗皆托臣不忘君  
之意因以深悟風人之旨若韓致光遺唐末造流離關越  
縱浪香斂蓋亦起興比物申寫托寄非猶夫小夫浪子沈  
酒流連之云也頃讀梅村宮詹詩見其聲律妍秀風  
懷悱惻於歌禾賦麥之時為題柳看桃之作旁皇吟賞竊  
有義山致光之遺恨焉雨窗無但接筆屬和秋菴寒蟬吟  
噪咽嘶詎堪與問關上下之音希風說響乎河上之歌聽  
者將同病相憐抑或以為同林各夢而驟然一笑也時歲  
在庚寅元冥之小月二十有五曰梅村集中豔詩皆  
庚寅以後之作悉有本事可攷亦無故國之感東澗所讀

南疆逸史跋

卷

之詩已佚矣其云同林各夢東澗陪京梅村思北都與  
第一章云上林珠樹集啼鳥阿閣斜陽下碧梧博局不成  
翰白帝聘錢無藉黃姑投壺玉女知天笑竊藥垣娥為  
月孤悽斷禁垣芳草地滴殘清淚到藤燕箋曰此章指福  
王采選淑女事按史甲申八月庚寅命選淑女十月丙寅  
命杭州選淑女乙酉二月甲寅朔命嘉興紹興選淑女四  
月丁卯選淑女於元暉殿先於二月乙丑命蘇州織造造  
大婚冠服未至婚期而南都下王北去矣此詩所以作也  
上林珠樹鸞鳳所棲今乃集啼鳥矣喻小人之當國猶音  
頌所云翩彼飛鵝集於泮林也蓋謂馬阮輩阿閣碧梧宜  
如卷阿所云梧桐生矣于彼朝陽者方是聖朝氣象今乃

大興傅氏長恩閣鈔本

斜陽下之喻國之將亡當時陪京岌岌之勢一言寫盡博  
局不成謂通問使被尋和議已廢而安能道 本朝之南  
下王於此當嘗膽卧薪徐圖恢復而惟以中宮未正急於  
采選不亦侯乎然王雖偏安南服猶奉正朔故曰無藉黃  
聘錢也玉女謂中山上公之女備中宮之選者故云投壺  
知天笑也垣娥謂王故妃童氏南來王以為假下錦衣衛  
獄故云竊藥為月孤也曾未幾時而王遜大平矣禁垣之  
地鞠為茂草彼故人新人靡蕪之詠可不作也祇令亡國  
遺臣對之而頂涕耳箋又曰來元成南行載筆云據邸報  
欽天監奏奉旨淑女六人在于十月初十日午時送進選  
擇還宜博訪細選以光大典司禮監奏奉旨淑女一特乏

南疆逸史跋

卷

人在於杭州等處選擇前旨所云六女者嬪御之類後二  
旨則淑女也而江浙之地騷然矣南京選定七十人內擇  
一阮淑女浙江所選五人內擇一王淑女又輩下一周淑  
女其父黃練自獻亦擇取之三宮已定六禮未成於西華  
門外設麻供奉懸練於門每日女奴演習練與於路禮官  
方擇日大婚而擊鼓動地驚破霓裳羽衣矣初十日傳旨  
三淑女放歸母家梅村聽女道士下玉京彈琴歌云玉京  
與我南京中過家近大功坊底路小院青樓大道邊對門  
恰是中山住中山有女嬌無雙清眸皓齒垂明璫曾因內  
宴值歌舞坐中瞥見塗鴉黃問年十六尚未嫁知音識曲  
彈清商歸來女伴洗紅妝枉將絕伎務平康如此才足當

大興傅氏長恩閣鈔本



侯王萬事舍皇在南渡大家幾日能柱梧詔書忽下選娥  
眉細馬輕車不知數中山好女光裏回一時粉黛無人顧  
豔色知為天下傳高門愁被旁人妬盡道當前黃屋尊誰  
知早被紅顏誤南內方看起桂宮北兵早已臨瓜步聞道  
君王走玉聽積車不用聘昭容幸逢身入陳宮裏恰早名  
填代籍中依稀記得和與阮同時亦中三宮選可憐俱未  
識君王軍府鈔名被驅遣漫詠臨春瓊樹篇玉顏零落委  
花鈿當時錯怨韓擒虎張孔承恩已十年但教一日見天  
子玉兒甘為東昏死羊車望幸阿誰知青塚淒涼竟如此  
又過錦陀林玉京道人墓詩序云玉京忽至取所攜琴為  
生一鼓再行泣然曰吾在秦淮見中山政第有女絕世名

南唐史記

五

在南內選擇中未入宮而亂作軍府以一鞭驅之去吾儕  
淪落分也又復誰怨乎坐客皆為流涕按此與南行載筆  
所記大異惟所云阮淑女同爾都意玉女正指中山上公  
之女他常女子不敢當此故箋據梅村詩也第二章云靈  
璫森沈宮扇迴屬車聽鞭服輕雷江長海闊欺魚素地老  
天荒信鳩媒袖上唾看成紺碧懷中泣忍化瓊瑰可憐銀  
燭風前淚留取胡僧認劫灰箋曰此章指福王如北京也  
靈璫森沈言君既出亡皇居帝闕聞其無人平時扇影開  
闔得瞻龍顏者今安在哉惟聞殷雷之響起疑象君王之  
車音爾原所以致此禍者由於和議不成如通問副使陳  
洪範翰款 本朝復縱南歸所謂欺魚素也江長海濶則

大興傅氏長恩閣鈔本

疊陳自生亦由於宵小場蔽如馬阮表裏作姦而王偏任  
之所謂信鳩媒也地老天荒則悔恨何極又曰雄之扶王  
降也劉良佐劉澤清爭以為功無異趙家姊妹之爭寵故  
以唾袖為比乙酉九月王北去明年五月與潞王等皆被  
害故以聲伯瓊瑰之占為比言欲歸不得也嗟乎故宮燭  
淚已付劫灰誰復問胡僧辨之乎第三章云摘鼓吹蕭罷  
後庭書惟別殿冷流螢宮衣蛛蝶晨風舉畫帳梅花夜月  
停銜壁金缸憐倚花翻階紅藥笑娉婷水天閒話天家事  
傳與人間總淚零自註雙水梅帳皆寓天寶近事箋曰此  
章言福王不遁聲色與長干塔光集中一年天子小朝廷  
一首意同首言王無音樂次言無妃嬪之娛三言宮中衣

南唐史記

六

履之陋四言王服御之儉五六以漢唐之奢侈作襯末聯  
天家事三字使微者顯之并上二章亦收拾在內矣蝶水  
喻水之激者如蝶之翻飛猶所謂衣如縣鶉者衣如雞栖  
者又所謂鳳尾衫者注引明皇雙章大非梅帳即梅花紙  
帳也第四章云銀漢依然戒玉清竹宮香爐露盤傾石碑  
含口誰能語棋局中心自不平袂日更水成故事秋風航  
扇又前生寒窗擁髻悲啼夜暮雨殘燈滅此情箋曰東澗  
別抱琵琶不能自諱故以梁玉清之奔太白自比銀漢依  
然戒者言為 本朝所羈繫如玉清謫北斗下當春也竹  
宮爐露盤傾言國亡久矣於是口不能言則如銜石碑也  
心不能平則如彈棋局也袂日句言宏光時王之寵已如

大興傅氏長恩閣鈔本







其十

王師之既定江南也三吳之舉義旗者遠屯蟻聚自京口以至餘杭在在長吏以應而雲間夏吏部瓊公出一奇計令一軍據蘇州以斷首尾一軍破杭城聯絡越中六家軍一軍截沿海之列戍者一軍直搗金陵飛檄九江以窺豫章復伺餘兵勢窮渡江而北半濟而擊之趙期同發計定而事不集蓋天命有歸謀雖善其易以濟往余借書于董上舍傳相梅閣得施世傑西戍雜記中載義士之籌畫如瓊公者尚有五六人上舍歿後遺書盡遺於西湖別墅今不可復問余求雜記十餘年不得再睹竊恐世無傳本矣惜乎諸公之奇策亦遂沈湮未得附諸瓊公之末以傳也世傑著述有丹桂樓雜

南唐雜記

記

製二十六種雜記其一也惟孫烈士傳猶有繕寫者其深識時勢明于兵機議論卓犖足補死事諸臣傳之闕今錄于右其略曰 國朝順治元年定鼎燕都洪河以北秦晉諸郡咸入版圖乃命豫王轉西征之銳卒回旗東指定山東略河南二年遂屠廣陵自儀真渡江下陪京破太平豫王留守金陵遣貝勒王統水陸兵由蘇州定浙西時 大兵南渡勢如風雨蘇州既下我邑葉令嶠素官走縣丞朱廷佐迎降衆庶紛然歸命恐後而舉人孫兆奎者素懷殉國之心奮不顧難與職方吳易倡義興復散家財募水卒旬日間得三千餘人遂推易為主盟而奎佐之于六月朔起兵湖中傳檄遠近廣樹聲援于是雲間沈猶龍崑山顧錫時秀水陳謨平湖倪長圩

大興傅氏長恩閣鈔本

等皆同時起兵魯王監國浙東奎等遙受其節制自京口至餘杭八百餘里東西颯動所在雲起吟嘯四顧舳舻而集皆奎等為倡也先是議者以為天下之勢始于北而終於南一氣之運建于子而屈于午 本朝起于遼左賜西虜逐土蠻并高麗五邊為一明自神宗以來竭中華全力謀臣武士之略僅能支柱今已據幽都形勝之地跨燕趙雲騎之鄉邊郡寇混南北其國內固其勢外成其精兵突騎所當必破江南所恃惟在水戰而大眾深入擅湖山之利諸險要悉為所守舟楫無所用其長奇智無所運其權時勢如此而欲圖功難矣奎曰我豈不知國家大勢不在江南戎馬至此而欲禦之無異浮步于牛蹄行兵于井底但恨神州陸沈兩都茂草在

南唐雜記

記

北諸臣死節寥寥在南諸臣義聲寂寂以養士三百年之天下一朝至此誠可憤也我故欲身殉之一以救義士之氣一以羞懦夫之類上不負列宗累世之厚澤下不負男子平生之壯志其成與否聽之而已遂整軍而行閏六月攻下邑城廷佐被殺進薄郡城內外大擾會明將吳志葵亦聲言來攻其前鋒魯瑟若集舟數千突門先進縱火焚公署城中居民號呼相應火光接天易軍在後侍郎李廷齡中丞土國寶止有騎兵千餘悉退于城東南隅登盤門瑞光寺浮屠以觀外來兵勢相與謀曰近因雜髮之令攻外兵得以乘其釁然敵雖眾非有謀士施將馬騎健卒不過烏合乘時擄掠擊前則後不支擊右則左不應今人眾而靠是無紀律穿城而進有

大興傅氏長恩閣鈔本



輕我心當權飲戊卒避其銳氣埃過日中其氣必怠忽選精騎蹂而躡之破其前鋒餘皆潰散不足慮也乃秣馬蓐食厲兵以待良久見外兵各棄兵仗持運財物乃遣兵百餘出盤門環城而轉多張旗幟為疑兵揚言江甯救兵將至外兵紛紛漸退城外先以輕兵挑之眾遂亂因縱虎騎夾擊天發如雨大破之乘勝逐北殺千餘人前所遣騎又突至閭門截殺眾爭赴船涕聲如雷悉皆奔散城中民震懼復閉門城守易軍亦退離城數十里于邑之大漾立營往來為游兵嘗敗大兵于五龍橋時有浙東人李九成假名建義戰艦千艘宵晝劫掠民罹其害兆奎與湯密謀殲之偽與結好以弛其備約以某日兩軍合營眾以軍形羸弱大敵方強不宜自翦羽

南疆逸史

三

翼奎曰不然今日之勢正如寸刃拂鱗空拳搏虎所持以疏令人眾者惟此區區之信義耳縱彼焚劫且假我為名則所在之民誰非寇仇是敵未至先自敗也于是密約鄉之豪傑為內應八月初七日遣驍將許某統十三艘撲討先是有黑氣如長堤當九成營而隕北風大起塵埃障天未幾復大霧咫尺不見人兵已漸逼九成營李眾咸喜以謂吳兵來合營也俄而礮聲忽起兵已四集李眾大潰九成衝圍欲西走北麻鄉兵已塞其前李兵大驚棄仗受縛遂斬九成于爛路所俘婦女皆遣還又有參將楊應泰大掠于簡村日俘良民婦女遺黎怨憤兆奎統舟師往先偽引兵退應泰喜縱酒解嚴奎現知其無備遂潛回軍乘夜襲擊大破之斬應泰俘其眾

時起事諸人或潛行澤國嘯聚水鄉未嘗見大敵擁一二人志氣盈溢自以黃金橫帶列土分茅指日可竣緣是人無戰心兵至衝散甚有自相連貳而潰者惟奎整輯戎卒戎無侵掠眾頗效命已而貝勒王留內院張存仁守臨安以拒浙東兵自將步騎十餘萬鼓行而東遂自崇德進攻嘉興易軍探者遙見紅蓋映日旌旗蔽天勢如長蛇橫直數十里拔圍共城礮聲不絕甫一晝夜城遂破復分兵攻下旁郡邑咸攻兵固守貝勒王振旅還京行至八斤兆奎等以神槍來擊頗有傷者又明將黃瑩兵卒數萬在太湖中其軍勢較諸營最強乍前乍却以觀世事奎勸湯致書于瑩欲與合而瑩已由吳淞江屯泖湖欲出雲間合沈猶龍軍李廷鈴將八百騎自

南疆逸史

三

蘇州追殺松江李成棟復將舟師合戰瑩軍大潰遂擒瑩餘軍悉降江甯以南錢唐以北惟湯兆奎一軍而已七月二十日嘉興總鎮李遇春兵五十四艘過吳江自平望至白龍橋列陣三十里湯與奎兆奎來擊會陳湖沈某適至吳沈兩軍相為犄角遇春兵敗而退未幾吳提督勝兆軍至與戰互有勝負兆奎留湯守營自卒銳卒伏蘆葦中俟時 大兵過之為所襲殺甚眾勝兆回軍湯眾皆醜酒相賀而兆奎戒其眾謹備無怠蓋知勝兆之將大集兵一舉而撲滅也俄而勝兆合四郡兵至石橋橋諸港路皆斷絕湯軍無見糧營中震愕勸走海奎曰今四圍皆兵即欲走海其可至乎事之不捷我當橫尸水上遂其以身許國之志豈能竄伏海洋苟求存活



邪琴明 大兵鱗集八面環攻礮火雷飛箭如雨注會陰雨  
連旬易營濼滯舉礮礮不震持弓引絃解奎往來奇戰自寅  
至午 大兵益多易寨內潰自相擊殺赴水者不可悉數奎  
見勢不可為乃與父訣先沈妻子于河視其死而後自溺父  
死于兵易服與驍騎數人乘小船南走父亦遇害餘兵悉  
為 大兵所俘八月二十二日事也自六月起至此未三月  
而敗奎溺水氣未絕為兵所縛至蘇州土國寶欲降之不屈  
遂解赴江甯見內院洪承疇兆奎厲聲詰之曰先帝時聞督  
師洪承疇死親祭而哭之今又一洪承疇一人邪二人邪承  
疇無以應曰汝無問一人兩人也汝自為一人事耳驅出殺  
之兆奎臨刑賦詩顏色不變時年三十九易于明年復聚潰  
散起兵至嘉善見執死于杭州世傑字漢三一守賓王吳江  
人明諸生也丹桂樓雜製雖散佚覽其目多兵家言蓋又慨  
論時事蓋留心有用之學者嘉慶二年疆圉大荒落九月望  
日

或傳孫孝廉兵敗執至白下經略洪承疇與之有舊問曰  
先生在兵間審知揚州閣部史公果死耶抑未死耶孝廉  
答曰經略從北來審知故松山殉難督師洪公果死耶抑  
未死耶承疇大恚呼麾下驅出斬之與施傳異附錄此以  
于此以備參攷病月載生筆又記

大興傅氏長恩閣鈔本

其十一

鄧全庶常謝山撰推官温令璜傳曰予嘗與明史局諸君言  
謂明宰相中江夏賀公逢聖高陽孫公承宗多子弟從死不  
論而以世臣死國事者崑山顧文康公鼎臣曾孫延安推官  
咸正錢唐知縣咸建暨弟舉人咸受推官之子天遠天遵江  
陵張文忠公居正孫侍郎同敬蒲川韓公塘從孫厯城知縣  
承宣青州兵道招宣餘姚孫文恭公如游孫相國嘉績長山  
劉公鴻訓子都督孔和嘉善錢公士升子吏部棟長洲文文  
肅公震孟弟舍人震亨子乘鳴呼咸矣烏程體仁有推官亦  
宰相家兒也華亭徐文貞公階族孫中丞孚遠亦與從亡完  
節終于海上而温公之死猶足為其相君一洗門戶之玷是  
皆唐宰相世系表所遺也又譔明翰林院檢討蕪兵科給事  
中箕仲錢公世詞歷敘世臣殉難者視推官傳更備其白鉛  
山費文憲宏家有曾謀太倉王文肅公錫爵家有湛有清秀  
水朱文恪公國祚家有定東阿于文定公慎行家有元暉  
宣城邱氏瑜有之陶而于華亭益之以念祖于江陵益之以  
允脩于嘉善益之以耕又曰吾郡錢忠介公肅樂諸弟相繼  
死國者三簡討肅範其第五弟也殉于福安其第九弟盤紀  
推官肅典殉于鄞其第七弟職方主事肅遵亡命伴狂死于  
崑山庶常之屬述可謂詳矣然恨尚有關者南昌之破也新  
建姜公曰廣投僕家池死闔門畢殉浙東既下金華朱公大  
典全家自焚而南海陳文忠公子壯子上庸起兵九江村戰

大興傅氏長恩閣鈔本



歿于陣崑山朱文靖公天麟子行人斗垣死于孫可望犯關  
余同里朱文肅公國禎孫後軍都督府都事繼如殉甲申  
聞賊之難又諸孫某乙酉起兵南潯帥其眾數千北拒王師  
尋敗受執語不屈大帥斷其喉殉友人潛抱屍以楮封其喉  
而飲之歸其家妻某氏一慟而絕既蘇日痛哭斷腸死噫諸  
君繫馬埋輪沈淵伏劍均無負膏梁之元胃不得以瑣瑣任  
子卑之也西園孝廉世居輯里去文肅家不數里其作史詩  
時去昂華未五六年而纂東南死事傳於鄉曲之忠義亦  
多滲漏何歟良由我州自莊廷鑑私續文肅史概事發織染  
數郡人士莊又文肅之鄰也嗣後遺臣逸老動色相戒莫敢  
有紀錄之者以故文獻無徵舊聞放失可嘆也朱生事余得

詞種述史跋

聖

之鄭氏元慶湖錄五行政中鄭氏錄惜也逸其名雖然其名  
逸而其人自磊落軒輊于宇宙間蓋以扶天綱而立人紀者  
昔年道過吳淞江有土人同舟告余曰君之鄉有朱少師之  
孫某 國初舉義旗屯兵于此與 大軍轉戰于白龍橋北  
兵敗死難其名云何余謝不敏恥未能傳比鄰義士之名焉  
是時殘照在空水天混一慨然想見異軍蒼頭特起船艦兩  
集旌旗星羅雷奔轟鼓風檣閃爍支撐拒回既墜之日嗟  
已墟之灰壯哉生也鬼雄魄毅長在大虛彷彿有雲車霓裳  
獵獵然從空而下為之酌酒船舂以弔之噫事往百餘年矣  
覺其人慄慄猶有生氣若彼陳演謝陸李連忝魏藻德之徒  
名入史冊亦克壽世于無窮然而人皆不屑齒其名即偶為

其名而唾罵隨之不啻狗彘然嗚呼悽矣著雍救病月十九  
日癸未明日立夏書於菰城東成里寓舍魚計亭上  
魯藩事跡莫詳于朱史其核于謝山結埼亭集內外編何  
啻一部魯春秋又聞及三藩其詞慷慨淋漓過于朱史似  
出鄧元薦謝臯羽鄭所南一流手筆而謝山固奎章閣中  
人物也乃亦有此種文字異哉兩集皆未付雕

詞種述史跋

聖

大興傅氏長恩閣鈔本

大興傅氏長恩閣鈔本



其十二

乾隆四十年閏十月二十四日

上諭曰前據各省查送應燬書籍內有朱璘明紀輯略一種朕詳加披閱其中敘及明季事實俱稱本朝為大清並恭戴我

太祖高皇帝廟號其詞尚屬敬順並無誕妄不經字句本可無庸燬禁外省所以一體查燬者祇緣從前浙江省因此書附記明末三王年號奏請銷燬曾經允行嗣因評纂通鑑輯覽儒臣於本朝定鼎後即削去福王事實朕以歷朝嬗代之際進退予奪關係萬世至公必須斟酌持平權衡始能允協若前代偏私曲徇之陋習朕實不以為然如明之末造李自

成既陷京師江左遺臣相與迎立福王國存宗社其時江山

半壁疆域可憑使福王果能立國自強則一綫綿延未嘗不

可比於宋高宗之建炎南渡特因荒淫孱弱若若臣相率為燕雀之處堂弄至自貽顛覆而偏安之規模未失不可遽以國亡之例絕之特命於甲申以後附紀福王年號仍從分注之例而提綱則書明字以別之直至蕪湖被執始大書明亡並於批閱時一一詳闡其說蓋所以折衷至是務合乎人心天理之公以垂示天下後世也至于唐王桂王遁跡閩滇苟延殘喘不復成其為國正與宋末昞昞二王之流離海島者相類自不得等於福王之例是以輯覽內未經載入但思二王為明室宗支與異姓傳竊者不同本非偽託且其始末雖

大興傅氏長恩閣鈔本

無足道而稱尊擅號首尾十有餘年事跡亦多有可攷與其聽不知者私相傳述轉致失實無稽又何如為之約舉大凡俾知當日邊隅偷息不過若是之窮蹙無成更可以正傳聞之偽異又若其下諸臣當時因其拒拒王師率多以偽官為目然其間如白文選李定國等本獻賊義子反側無常彼在明已合稱賊稱偽自當準春秋書盜之例又如金堡等之五虎橫行把持國事者亦為無足齒錄若其他各為其主守節不屈以致隕首捐軀者實不一而足較宋之文天祥陸秀夫實相掣鬚雖開創之初兵威迅掃不得行抗命之誅而諸人項尾間闕有死無二在人臣忠於所事之義實為無愧迄今日久論定朕方深為嘉予不欲令其湮沒無傳即使載筆

有體亦不妨於事涉二王者書之為彼以稍存內外之別而

其臣則書為某王之某概不必斥之為偽也著交四庫全書

館總裁將唐桂二王本末撮敘梗概並將當時死事諸臣姓名事蹟逐一登載於次成帙具稿繕進呈候朕裁定後即刊附通鑑輯覽之末俾論史者正名核實共知朕大中至正無一毫偏倚之私而表微闡幽益稱朕宏獎節義之意所有明紀輯略一書不必禁燬並將此通諭知之是年十一月初十日

大興傅氏長恩閣鈔本



二十人

特恩賜諡仰見

聖度如天軫恤遺忠實為亘古曠典第當時僅據傳聞未暇  
編為搜訪故得遺表章者止有此數迨久而遺事漸彰復經  
論定今明史所載可攷而知也至若史可法之支撐殘局力  
矢孤忠終蹈一死以殉又如劉宗周黃道周等之立朝蹇諤  
抵觸險壬及遭際時難臨危授命均足稱一代完人為表揚  
所當及其他或死守城池或身隕行陳與夫俘擒駢慘視死  
如歸者爾時王旅徂征自不得不申法令以明順逆而事後  
平情而論若而人者皆無愧於疾風勁草即自盡以全名節  
其心亦並可矜憐雖福王不過倉卒偏安唐桂二王并且流

南疆逸史

卷

雖竄跡已不復成其為國而諸人若苦相從舍生取義各能  
忠於所事亦豈可令其湮沒不彰自宜稽攷史書一體旌  
其或諸生韋布及不知姓名之流並能慷慨輕生者茲謹  
難於概及亦當令俎豆其鄉以昭軫慰恭讀我

太祖實錄載薩爾湖之戰明楊錫等集兵二十萬四路分出

侵我興京我

太祖

太宗及貝勒大臣等統勁旅數十戰戮明兵過半一時良將  
如劉綎杜松等皆沒於陣近曾親製書事一篇用揚

祖烈而示傳信惟時

王業肇基其抗我顏行者原當多為獮薶然跡其冒鎗樓

大興傅氏長恩閣鈔本

南疆逸史 跋

五〇三

竭忠效命未嘗不為嘉憫又若明社將移孫承宗盧象昇等  
之抵拒王師身膏原野而周遇吉蔡懋德孫傳庭等以闕獻  
蹂躪禦賊七身慷慨猶有生氣總由明政不綱自萬曆以至  
崇禎權姦接踵閹豎橫行遂至黑白混淆忠良泯滅每為之  
切齒不平福王時雖聞有追諡之人而去取未公亦無足為  
重朕惟以大公至正為衡凡明季殉節諸臣既能為國行忠  
優獎實同一視至錢謙益之自胡清流視頽降附及金堡屈  
大均輩之倖生畏死說託縹流均屬喪心無恥若輩果能死  
節則今日亦當在予旌之列乃既不能舍命而猶假語言文  
字以自圖掩飾其偷生是必當明斥其進退無據之非以隱  
殛其冥漠不靈之魄一衰一敗聚斂昭然使天下萬世共知

南疆逸史

卷

朕準情酌理而公好惡以是植綱常即以是示彰瘅所有應  
諡之人並查明史及輯覽所載遵照

世祖時之例仍其原官予以諡號其如何分別足諡之處著

大學士九卿京堂翰詹科道集議以聞外史氏曰恭錄

敕書敬懷

聖天子湛恩公溥章被無私微顯闡幽成義類即孔子作  
春秋之旨也夫典午之朝志三國者不聞易黃初為章武也  
天水之世記五代者不聞易開平為天祐也景炎祥興之建  
號殘元碑之不聞與至元並紀也至於易代褒崇之典曠古  
希有沈約撰宋書疑立袁粲傳齊主曰粲自是宋室忠臣文  
信國死於柴市奇溫世祖臨朝嘆曰文丞相好男子不肯為

大興傅氏長恩閣鈔本



我用明太祖亦嘗嗟惜王保保為奇男子若此者史已僅見然不過咨嗟其忠義而已即聞有贈官追諡如唐太宗之於堯君素宋太祖之於韓通亦不過偶及一二而已又若以宋仁宗之寬厚以歐陽永叔之操史筆尚不為周三臣立傳見譏於劉貢父其他則又何說是故存偏安之閭統錄死事之遺臣大公至正天地為心立萬世史法之極伊古以來未有如我

太上皇帝者今夫抗王師逆天命為亡國之義士即真主之頑民雖復齒錄之者矧去今更百三十年乎一旦扶之塵埋委翳之中或子謚或祔祠又輯為勝朝殉國諸臣錄以褒之則所以為忠義勸者至矣今夫攀龍躡鳳真為新朝之佐命即故國之降臣昔日申丹粉白以為羈縻尚主請昏以餌歸附今猶有世襲罔替者一旦雷霆斧鉞之加或刑誅或奪爵又哀為貳臣傳以愧之則所以為叛逆警者嚴矣謹錄諭旨二通於右將以冠逸史之簡端蓋不第如太史公所謂文辭爛然可觀者已嘉慶三年余月乙未朔識於孤城學博依齋時自東成里移寓之第五日也

大興傅氏長恩閣鈔本

大興傅氏長恩閣鈔本





# 小腆紀傳

補遺附刊

光緒丁亥孟夏刊於金陵孫祿增署崇

小腆紀傳跋

跋

昔先大夫作小腆紀年既成而作紀傳謂紀年一書綱目之義凡明季衰亂及諸臣賢否固在在可攷然讀遷固之史其人其事必綜其生平言行各子紀傳令觀者得悉其畢生之善惡此史家之例而先大夫紀傳之所由作也維時出守福甯城氛告警登埤盡瘁遺命深以此書不克成爲憾迨兄承禧筮仕閩中理繁治劇爲政務所迫承祖從節泰西鞅掌奔走迄無定日雖無忘先志而皆未逮弟承禮在閩珍什遺稿於公餘暇日輒出是書釐次與仁和魏君錫曾參校編次得六十五卷繕爲定本弟承禮復搜遺蒐逸博采羣書凡先大夫未及錄者作紀傳補遺若干卷亦本先大夫作書之旨其間或俟編次或俟攷正多未脫稿其已訂正者凡五卷甲申冬承祖奉命出使日本函商於兄承禧謹出紀傳命工人梓成因令補遺之已成者附刊於後蓋不敢忘先大夫作書之本心並以勗弟承禮續述之篤志云爾

光緒十三年歲在丁亥冬十二月男承祖謹識

金陵王佑之刊刻



小腆紀傳目錄
前翰林院檢討加詹事府贊善銜六合徐勳撰
紀七
列傳五十八
凡六十五卷
卷第一
紀第一
宏光上
卷第二
紀第二
宏光下
卷第三
小腆紀傳目錄
紀第三
隆武 <small>紹武</small>
卷第四
紀第四
永曆上
卷第五
紀第五
永曆中
卷第六
紀第六
永曆下

卷第七
紀第七
監國魯王
卷第八
列傳第一
后妃
宏光柳太后
李后 <small>童氏</small>
隆武毛太后
永曆王太后
王后 <small>吉王妃 松滋王妃</small>
魯監國張前妃 <small>宮嬪周氏</small>
張元妃 <small>義陽王妃等 朱氏</small>
卷第九
列傳第二
宗藩
蜀王至澍 <small>太平王至淦</small>
襄王常澄
崇王慈煥
吉王慈燿 <small>松滋王妃 岷王妃 子某</small>
榮王由楨
潞王常潞
瑞王常浩
義陽王朝墀
東安王盛蕙
德陽王至濬
延長王謙錡
甯靖王術桂
光澤王儼鐵
巴東王某



弋陽王某	石泉王聿鈞
德化王慈燧	新昌王某
鄧西王常潮	貴溪王常澁
<small>永西王某 興安王某</small>	崇陽王某
靖江王亨嘉	<small>奉國將軍輝奎</small>
敬鏞	誼斗
<small>俊浙</small>	企銳
敏濛	壽鉢
奉鈞	帥欽
<small>兄弟某</small>	常采
議泥	統鎮
<small>議漆</small>	
山樸	
容藩	
<small>謀烈</small>	
卷第十	
小腆紀傳	目錄
列傳第三	三
史可法	
<small>應廷吉</small>	
卷第十一	
列傳第四	
高宏圖	姜日廣
卷第十二	
列傳第五	
張慎言	徐石麒
<small>子履旋</small>	<small>子爾毅</small>
張有譽	解學龍
練國事	
卷第十三	

列傳第六	劉宗周
	<small>子洵</small>
卷第十四	
列傳第七	章正宸
	羅萬象
	<small>王孫蕃 左光先</small>
	李樸
	李清
	李可聘
	<small>姚思孝</small>
	錢敬忠
卷第十五	
列傳第八	左懋第
	袁繼咸
	<small>張亮</small>
小腆紀傳	目錄
列傳第十六	祁彪佳
	<small>子理孫 吳伯默</small>
	班孫
列傳第九	高倬
	<small>何應瑞</small>
	劉成治
	吳嘉培
	陳龍正
卷第十七	
列傳第十	張伯鯨
	徐汧
	王瑞梅
	<small>葉尙高等</small>
	夏允彝
	<small>兄之旭 子完潛</small>



林逢經 弟逢平等

李魯 鄒宗善 李世輔

卷第十八

列傳第十一

楊文驄

衛眉文

吳爾燠

傅鼎銓 徐敬時

張家玉 安宏猷等

卷第十九

列傳第十二

周鏞 弟鍾 光時亨

武棟 煜

雷續祚

邱磊 補

陳謙 子六御 傳關

卷第二十

小腆紀傳

目錄

五

列傳第十三

徐宏基 從子仁爵

李昇 族人錫祚 錫貢

鄧文昌

常延齡 常元亮 湯南金

劉永錫

劉文昭

沐天波

卷第二十一

列傳第十四

黃得功 翁之琪 杜文煥

高傑

劉洪起

孫守法 王光恩等

卷第二十二

列傳第十五

劉肇基 乙邦才 莊子固等 魯之瑛 蔡祥 徐福

周之藩 閔時 林深

卷第二十三

列傳第十六

黃道周 趙士超等 王加封

卷第二十四

列傳第十七

蔣德璟 曾櫻

路振飛 子澤溥 朱繼祚 湯廷芬 林世衞

熊開元 林增志 方以智 徐人龍 子咸清

卷第二十五

小腆紀傳

目錄

六

列傳第十八

傅冠 顧錫疇

楊廷麟 彭期生 吳世安 蘇觀生 梁朝鍾

卷第二十六

列傳第十九

曹學佺 胡上琛 張兆鳳 李國英

何楷 姜一洪 熊緯 徐復儀

卷第二十七

列傳第二十

萬元吉 楊文薦 唐周慈 郭維經 子應銓 應銜

劉同升 黎遂球 朱永盛等 應煜 姚奇胤



揭重熙 張自盛 曹大鏞 洪國玉 李安民等

卷第二十八

列傳第二十一

瞿式耜 徐高

卷第二十九

列傳第二十二

陳子壯 麥而炫 朱貫蓮 何騰蛟 楊某等 楊鴻 鴻弟鶉

堵胤錫

卷第三十

列傳第二十三

王應熊 呂大器 子潛

小腆紀傳 目錄

文安之

卷第三十一

列傳第二十四

吳炳 侯偉時等 嚴起恆 楊鼎和等 張載述 王錫袞

朱天麟

吳貞毓 張璠等 郭之奇 楊祥

卷第三十二

列傳第二十五

劉遠生 陳純來 毛鳳池 錢邦芑 程源 龔彝 張時規 吳德操

劉湘容 金堡

高勛 金簡 李如月

任國璽

卷第三十三

列傳第二十六

傅作霖 李若星

張同儼 于元燧 程岫

米壽圖 耿廷錄

郭承汾 許蓋忠 張孝起

洪消菴

卷第三十四

列傳第二十七 補

陳士奇 陳錫 王行儉 顧景 龍文光 劉佳允

小腆紀傳 目錄

劉之渤 馬乾

李乾德 弟升德 樊一衡

范文光 詹天顏

卷第三十五

列傳第二十八

秦良玉 楊之明 補

馬京 弟亭等 龍在田

祿永命 王克猷 那嵩 子燾

龍吉兆 弟吉佐

卷第三十六

列傳第二十九



李元膺 <small>李建捷 王承恩</small>	焦璉 <small>劉起蛟等 朱閔如</small>
趙印選 <small>胡一青等</small>	侯性 <small>謝復榮 王景熙</small>
曾英 <small>李占春 傳闕</small>	楊展 <small>袁韜 武大定</small>
王祥 <small>傳闕</small>	皮熊 <small>傳闕</small>
王興	
卷第三十七	
列傳第三十	
李定國 <small>白文選</small>	劉文秀
卷第三十八	
列傳第三十一	
朱成功 <small>子經 叔鴻達</small>	孫克壘 克瑛
小腆紀傳 <small>目錄</small>	九
卷第三十九	
列傳第三十二	
張國維	朱大典 <small>傳 吳邦璿 巖等</small>
劉中藻 <small>連邦琪等</small>	
卷第四十	
列傳第三十三	
孫嘉績 <small>補</small>	熊汝霖 <small>俞元良 陳希友</small>
錢肅樂 <small>弟肅範 肅緒 肅遜 肅典 從弟光緒</small>	
沈宸荃	張肯堂 <small>蘇兆元 汝應元</small>
卷第四十一	
列傳第三十四	

于穎	莊元辰 <small>王玉藻</small>
董守諭 <small>邵之詹</small>	王正中
徐孚遠	陳士京
卷第四十二	
列傳第三十五	
余煌	王思任
陳函輝	陳潛夫
吳從魯	何宏仁 <small>傳 日炯</small>
高岱 <small>子朗</small>	葉汝葭
謝震龍 <small>楊守程 倪文徵 楊雲門 八十九等</small>	朱瑋 方炯
李山	劉穆 <small>子肇勛 肇勳等</small>
小腆紀傳 <small>目錄</small>	十
張國紀	
卷第四十三	
列傳第三十六	
吳鍾巒 <small>子福之</small>	李向中
朱永祐	董志甯 <small>朱養時 鄭遵儉等 劉世勳 補</small>
沈履祥	
卷第四十四	
列傳第三十七	
陳子龍	沈廷揚 <small>沈始元等</small>
林汝翥 <small>林奎 陳世亨 葉子器</small>	張煌言 <small>羅子木等</small>
卷第四十五	



列傳第三十八

王之仁 子鳴謙

張鵬翼 弟鵬飛 季熊

張名振 楊復葵

王朝先

阮進 阮駿

周鶴芝 弟瑞

鄭遵謙 鄭彩

卷第四十六

列傳第三十九

義師一

凌 駟 從子潤生 馬元駟 謝 陸

沈 迅 弟迓 劉孔和

殷 淵 宋湯齊 郭 疋 吳 易 弟孫兆奎 弟自炳 弟自微

小腆紀傳

目錄

十一

華 飛 遠 吳 陸 世 鎰 趙 汝 珪 吳 志 鑑 周 源 瑞

張 安 遠 朱 日 趙 略 文 周 志 翰 任 陳 坦 公

徐 志 斌 李 伯 含 虛 象 觀 毛 重 泰 同 陳 方 坦 明

潘 文 麟 閣 應 元 馮 厚 敦 等 許 用 德

黃 毓 祺 徐 趨 顧 杲 巢 之 梁 謀 等 張 龍 文

沈 猶 龍 陸 明 永 等 李 待 問 周 室 瑜 陳 大 任 等 陶 某 文

王 湛 魏 虎 臣 醜 蔡 仲 昭 侯 炯 曾 弟 岐 曾 元 潔

黃 醜 耀 弟 淵 耀 等 麻 三 衡 金 聲 姜 孟 卿 等

邱 祖 德 吳 壽 堯 等 尹 民 興 吳 漢 超 弟 漢 超 弟 鼎 言

吳 應 箕 龐 昌 肩 裴 君 量 謝 琢 錢 國 華 弟 鼎 言

周 損 傅 夢 鼎 長 傅 謙 之 王 鼎 馮 侯 應 龍 弟 鼎 言

李 虞 夔 子 宏 萬 練 等

卷第四十七

列傳第四十

義師二

錢 棟 錢 應 金 枏 屠 象 美 鄭 宗 彝 弟 宗 琦

姚 志 倬 方 元 章 項 嘉 謨 張 翹 王 士 麟 等

李 長 祥 章 有 功 馮 京 第

王 翊 王 江 張 夢 錫

陸 宇 燭 弟 宇 燦 華 夏 謝 寅 生

王 家 勤 楊 文 琦 弟 文 琦 文 瓚

杜 懋 俊 施 邦 珩 屠 獻 宸 董 德 欽 李 文 纘

卷第四十八

小腆紀傳

目錄

十二

列傳第四十一

義師三

陳 泰 來 劉 詔 新 等 倪 大 顯 曾 亨 應 弟 和 應 子 筠

劉 士 楨 郭 賢 龍 鄒 文 鼎 胡 定 海 揭 一 柱 新

胡 夢 泰 萬 文 英 等 唐 倜 余 應 桂 子 顯 臨 吳 江

弟 徹 哲 蔡 楓 光 弟 奎 光 郭 天 才 朱 學 熙 陳 嘉 謨

陳 邦 彥 彭 常 燦 陳 嘉 謨

卷第四十九

列傳第四十二

忠義一

何 剛

任 民 育 曲 從 直 王 纘 爵 周 志 畏 羅 伏 龍



楊振熙等 高孝續等	文震亨 蘇州儒士等	陸培	王道焜	顧成建 兄咸正 弟咸受 唐白綵 從子階豫	王佐才 項志甯等	吳之藩	溫璜	侯承祖 子世祿	王景亮 伍經正 鄧巖忠	葉向榮	倪懋熹 族人元楷	李桐 子文景 文昱	鄭為虹 黃大鵬 洪祖烈等	王士和	傅雲龍 金麗澤 徐世名	洪有楨	毛協恭 補	郭符甲 諸葛斌	葉翼雲 弟翼俊 陳鼎	楊廷樞	劉曙	華允誠 從孫尙濂	小廉紀傳 目錄 十三	卷第五十 列傳第四十三	忠義二	夏萬亨	王養正 王域 劉允浩	李時興 高飛聲	梁于浚	李翱	周定仍 補	涂伯昌 子先春	霍子衡 子應蘭 應荃	廖翰標 梁萬爵	巫如衡 子學展	陳象明 蕭孟 李與璋	邱式杼 補	唐誼 補	田闢 補
--------------	--------------	----	-----	----------------------------	-------------	-----	----	------------	----------------	-----	-------------	--------------	-----------------	-----	----------------	-----	----------	------------	---------------	-----	----	-------------	------------------	----------------	-----	-----	---------------	------------	-----	----	----------	------------	---------------	------------	------------	---------------	----------	---------	---------

鄭雲錦 王道光	吳錫玉 項克善 邱嵩成 啓彭永春 徐可行	徐永泰	王喬棟	周二南 俞一麟 吳愉 周侯	張繼孟 陳其赤 張孔教 洪業嘉	劉士斗 趙嘉焯等	王勵精 顧允選 方堯相	胡恆 徐孔徒 朱萬春	朱儀 黃秦民 湯艾吾鼎	姚思孝 鄭夢眉 王起菽	楊國柱 卜大經等 吳獻棻	尹伸 王源等	董克治 蔣世鉉 梁士驥	雷應奇 通江童子 樊明善 陳懷西 馬孫	李含乙 李光先 王 蕪 王爾讀 黎應大	熊兆柱 李師武 劉道貞 余 飛 陳登 高其勤	魚嘉鵬等 向成功	王承憲 弟承瑛 高其勤	高士傑 段見錦等 張耀 吳子驥等	曾益 顧人龍 曾異撰 程玉成	羅國嶽 焦潤生 夏衍虞 席上珍 金世鼎 何思	徐道興 楊于陸 王運開 弟運閔 劉廷標 子之謙	黃應運	卷第五十一 列傳第四十四	忠義三	卷第五十二 列傳第四十五
------------	-------------------------	-----	-----	------------------	--------------------	-------------	----------------	---------------	----------------	----------------	-----------------	-----------	----------------	------------------------	------------------------	------------------------------	-------------	----------------	---------------------	-------------------	---------------------------	-------------------------------	-----	-----------------	-----	-----------------



義士

馬純仁 嚴紹賢

王台輔 樓寺僧

許德溥 王解卒

祝淵

王毓著 潘集 周卜年

徐啓睿

沈齊賢

趙景馨

張樾

鄧思銘 楊應和

徐英 陳泰

楊履園 李士載

畫網巾先生

鄺露

殷國楨

胡澹

劉永錫

魏耕 王寅生

群大觀

吳炎 潘禮章

小腆紀傳 目錄

卷第五十三

列傳第四十六

儒林一

顧炎武 弟紆 葉奔荃

黃宗羲

陸世儀

張履祥 吳蕃昌

王建常

傅山 子眉 胡庭

孫奇逢

李容

王夫之 兄介之 劉惟贊

唐端笏 孫雙穀

朱鶴齡 陳啓源

卷第五十四

列傳第四十七

儒林二

陳瑚

應搗謙

沈昀

徐芳聲 蔡仲光 仲光從弟宜之

黃宗炎 弟宗會

王錫闡 補

卷第五十五

列傳第四十八

文苑

艾南英 章世純 羅萬藻

張采

李世熊

紀文疇 子許國 保國

錢秉鑑 嚴煒

王宏撰

徐夜

屈大均 陳恭尹

小腆紀傳 目錄

卷第五十六

列傳第四十九

遺臣一

孔貞運 賈必選

吳牲

王心一 申紹芳 黃孔昭

沈之瑛 陸坦

許譽卿 陳啓新 倪嘉慶

孫自脩 孫宗岱

錢龍錫 陳濟生 李延呈

方震孺

方孔昭 周岐 李延呈

鄭三俊 金光辰 黃正富

葉廷秀 成勇

范復粹 袁瑩 凌世韶

姜採 弟核 兄折

陳奇瑜 丁啓睿

李長庚

周堪廣 文士昂 陳所聞 羅其鼎 陳五聚



卷第五十七  
 羅楨 張聖域  
 米助國 余鵬翔 于斯力  
 郭都賢 楊山松 陶汝奇 劉瑄  
 潘應斗 鄒統魯 管嗣裘

遺臣二

列傳第五十

錢士升 高承延 鈕應斗 朱治憫 吳 鈕  
 高斗樞 子宇泰 周元懋 從兄元初 鄭龍采  
 林時對 陸 寶 馮元颺 弟崇倫 補 蕭士偉  
 熊明遇 李汝璈 易應昌 范爾選 蕭士偉  
 黃景昉 王觀光 莊龍獻 余 鳳 林衍培  
 張利民 李躍龍 楊瑞鳳 謝國瑄

小腆紀傳

目錄

十七

王志道 張若化 弟若仲 子士楷  
 林蘭友 唐顯悅 許 璟 盧若騰 郭貞一 沈任期  
 葉期演 葉啓葵 林志遠  
 王忠孝 張正聲 蔡國光 劉子葵  
 沈光文 姚翼明 程應璠 陳瑞龍 萬年英  
 陳駿音 齊价人等 楊永言 張應星

卷第五十八

列傳第五十一

逸民

徐逸度 黃周星 王映鐘 張 弘 卓爾堪  
 徐 枋 顧與治 紀 映 鐘 張 弘 卓爾堪  
 徐 枋 顧與治 紀 映 鐘 張 弘 卓爾堪  
 徐 枋 顧與治 紀 映 鐘 張 弘 卓爾堪

陳三島 包 壯 吳宗潛  
 吳宗漢 吳宗泌 顧有孝  
 歸 莊 顧 蘭 朱明德 楊 錫 毛 晉  
 陸慶臻 王光承 朱明德 朱明錫 張若義  
 謝 遴 紙衣翁

趙士喆 趙士完 張光啓 崔子忠 董 樵

一壺先生 吳道行 方道升 子 愷

郭金臺 蔣之榮 朱之宣 李國相 郭履 劉象賢  
 陳三績 鄧林材 瞿龍躍 陸 圻 周士儀

汪 瀾 補 唐之正 施 圻 徐繼恩

巢鳴盛 譚貞良 褚連時 吳統持 沈 起  
 王 翊 馮延年 俞汝言 蔣之翹

李 標

李天植 陸啓法

小腆紀傳

目錄

十八

周之濬 張應龍 董 瑒 趙 確 張應煜  
 戴 易 張宗觀 張成義 陳洪綬 確 葉敦良  
 邵以貫 呂章成 周 容 楊秉紘  
 周 西 范 路 駱國挺 朱金芝  
 林 法 曾燦恆 楊維熊 陳發 蔡又新  
 鄭 郊 劉堯章 鄭 吳 朱國漢 丁之賢  
 阮文錫 林 章 莊 潛 洪承峻  
 涂伯案 陳顯 葉后 張士樞 洪 思 王仍格  
 程之正 黃 駿 李茂春 林 邁 佳 陳國顯

邱 義

卷第五十九

列傳第五十二



方外

晞容海明

邳州石屋僧

項缸景嘯

丹竹

德宗

南獄和上

道源函可

壽髡殘傳良大成

桑山人

陳仙者

松仙清凝上人

狗皮道人銅袍道人等

卷第六十

列傳第五十三

列女

徐夫人

緜州劉氏四烈婦新津袁氏等

小腆紀傳

目錄

十九

樞為陳氏二女仁壽辜氏

敘州婦女納溪二王氏等

劉氏馬氏等

馬氏

侯氏劉氏等

張氏

劉氏

江都程氏六烈

江都孫氏婦女張氏薛氏

田氏

劉氏

陶氏

于氏

黃道宏妻

王氏

方氏

顧炎武母王氏

香娘草衣道人

隱隱

葛嫩

劉淑英

畢發文

賈氏

沈氏

劉氏

徐氏

謝氏

商夫人仲商夫人

沈雲英

項淑美王氏

烈婦錢氏沈氏

三孟氏

潘氏

俞沈氏

余氏倪氏

李陳氏周氏

張氏俞氏等

余氏

甬上四烈婦

烈女王氏

金四姐

方氏周氏等

李氏

文鸞

小腆紀傳

目錄

三十

鮑氏

史八夫人

番禺李氏許氏

夏氏

郭純貞

董夫人子經妻唐夫人

陳夫人

鄭氏

黃棄娘

鄭宜娘

四葉氏

義娘楊氏陳氏

卷第六十一

列傳第五十四

宦官

韓贊周盧九德

李國輔

高起潛

王坤



龐天壽 傳闕

夏國祥 傳闕

張福祿 全為國傳闕

卷第六十二

列傳第五十五

姦臣

馬士英 張捷等

阮大鍼 楊維垣

劉孔昭 傳闕

李沾 張孫振等傳闕

馬吉翔 傳闕

卷第六十三

列傳第五十六

貳臣

小腆紀傳

目錄

二十一

方逢年 彭遇鳳

方國安 傳闕

鄭芝龍 陳於鼎

何吾騶 黃士俊

丁魁楚 補

王化澄 傳闕

袁彭年 曹上瑞

耿獻忠 洪天權等

卷第六十四

列傳第五十七

逆臣一

左良玉

劉澤清 劉良佐

沙定洲

黃斌卿

卷第六十五

列傳第五十八

逆臣二

李成棟

金聲桓 王得仁

劉承胤

陳邦傳 傳闕

孫可望 張虎 王自奇

張勝 王尚禮 方于宣 朱運久

右小腆紀傳六十五卷先大夫晚年未成之書今

謹編目鈔定者也先大夫以道光庚戌充

實錄館纂修官恭讀

列聖實錄遊

純廟分注明福王年號撮敘唐桂二王本末之論為小

腆紀年二十卷更采舊聞著為是書彼以年經此

以人緯縱經橫緯職志左班東南寇盜初捍桑梓

小腆紀傳

目錄

二十二

迨守福甯登陴盡瘁疾彌留命兩兄暨承禮日余

半生精力盡此二書而紀年刊成方識譌舛紀傳

舛舛什一舊得稗乘遭亂散亡某人某事雖復省

憶時地貫秩無徵不信今天不假年齋志黃壤吾

非談處庸遂賈若輩以遷固邪然小子識之矣承

禮泣承遺命念茲事體大逡巡有年大興傳君以

禮故熟於明季掌故者皆讀紀年知有紀傳介仁

和魏君錫曾來索副本承禮以原鈔有標目無卷

次又字句失備間有譌奪迺盡發手彙清本與魏

君參互校勘而時吝疑義於傳君不揣僭妄釐次

如右募書人繕為定本閱兩載始竟事其中義類



悉依舊稟而少加變通舊立微者戮辱二傳篇目  
寥寥難以分帙則附於義師貳臣如大臣陳士奇  
等武臣邱磊等土司楊之明等宦官龐天壽等姦  
臣劉孔昭等貳臣方國安等逆臣劉澤清等原稟  
勵存其目問取紀年中事實賅備者聯綴爲傳注  
補字以別之或始末不完雖見他書未敢屢引則  
注傳闕二字從其慎也又清本史可法高宏圖姜  
曰廣徐石麒高倬顧錫疇邱祖德各傳謹載  
本朝賜諡他皆闕如今遵

欽定勝朝諸臣殉節錄次第增補俾體例歸畫一也  
夫有明南渡後紀事之書不下三百餘種類皆分

小腆紀傳

目錄

二十三

輯見聞偏舉時地惟溫氏睿臨南疆逸史李氏瑤  
釋史勘本摭遺綜括三藩較爲完備顧溫書蠹具  
體裁病於太簡李書紀次無法詳略失中論者謂  
先公之作會萃羣編訂講求是簡而該詳而有體  
非夫溫李同年可語然承禮追維治命欲若不足  
又披傅氏藏書遺聞軼事頗尋端緒蓋臣誼士盛  
著風烈若復甄綜散亡倣裴松之注三國志例補  
紀傳所未及別爲志表無闕史裁則於當日事勢  
瞭若觀火先人未竟之志庶少慰也幼遭不造長  
復失學文采不足以耀無窮學識不足以繼往古  
惟此六十五卷之書鈔綴成帙尙賴傅君講求魏

君儲校之力小子涉川其無津涯況乎不朽之事  
名山之業羅故國之文獻成一家之述作龍門扶  
風繫豈異人瞻印前修逸絕攀躋覆誦斯編滋益  
舉戾者矣  
同治八年歲在己巳長至節後一日男承禮謹識

小腆紀傳目錄終

小腆紀傳

目錄

二十四



小腆紀傳卷第一

前翰林院檢討加詹事府贊善銜六合徐燕

紀第一

宏光上

宏光帝神宗之孫福恭王之長子也諱由崧母鄒妃初封德昌王進封世子崇禎十四年辛巳春正月闖賊陷河南恭王遇害世子走懷慶癸未秋七月嗣封福王思宗手擇宮中玉帶賜之甲申二月壬戌懷慶陷王走衛輝與母妃鄒氏相失翠內侍常應俊等數人與潞王常涉避至淮上依淮撫路振飛三月北京陷四月己巳凶問至南京時參贊機務兵部尙書史可法督師勤王在浦口諸大臣議立君倉卒未有所屬

小腆紀傳

卷一

前侍郎錢謙益兵備僉事雷縉祚入說兵部侍郎呂大器言福王立將修葺三案大器遂與都御史張慎言詹事姜曰廣移牒可法言福王有不孝虐下干預有司不讀書貪淫酗酒七不可立潞王賢明可定大計可法即身還南京而鳳陽總督馬士英欲居擁戴功結靖南伯黃得功暨高傑劉澤清劉良佐等移書諸大臣謂以序以賢無如福王責可法當主其議發兵擁王至儀徵甲申南京守備魏國公徐宏基提督操江誠意伯劉孔昭尙書高宏圖程註南京守備司禮監韓贊周及慎言大器曰廣集議於朝大器時典禮兵兩部後至頓筆不肯下給事中李沾厲聲曰禮莫重於尊君兵莫先於衛王眾議僉同公獨持異沾請得以頸血濺公衣矣劉孔昭亦

晉大器不得出言搖惑大器不敢復言乃以福王告廟乙酉宏基等具啟迎於儀徵丙戌王舟次觀音門丁亥百官迎見於龍江關王素衣角帶哭五月戊子朔王乘馬自三山門入至孝陵從臣請自東門御路入王遜避自西門入至饗殿禮畢謁懿文太子陵自朝陽門入東華門步行謁奉先殿出西華門駐蹕於內守備府爲行宮百官進見王赧然欲避史可法言殿下宜正受又陳戰守大計謂當素服郊次發師討罪示天下以必報讐之義王唯唯不能答先一日有兩黃星夾日而趨是日五色雲見己丑百官謁王於行宮靈壁侯湯國祚許戶部措餉不時其言憤絮太監韓贊周叱之起呂大器曰此非對君體御史祁彪佳言綱紀法度爲立國之本李沾

小腆紀傳

卷一

二

亦言朝班宜肅羣臣勸進箋再上王許監國庚寅王行告天禮祝文飄入雲霄眾異之升殿百官行四拜禮徐宏基跪進監國寶百官再行四拜禮乃退發大行皇帝喪大赦天下其新加練餉及崇禎十二年以後一切雜派並各項錢糧十四年以前實欠在民者悉免之以張慎言爲吏部尙書王辰以史可法爲東閣大學士兼兵部尙書高宏圖爲東閣大學士兼禮部尙書並入閣辦事馬士英爲東閣大學士兼兵部尙書都察院右都御史仍總督鳳陽等處軍務發銀萬兩命兵部郎中萬元吉往犒得功等軍癸巳爲大行皇帝舉喪哭臨甲午以姜曰廣爲東閣大學士兼禮部尙書前禮部尙書王鐸爲東閣大學士並入閣辦事曰廣辭改禮部左侍郎入直



以工部右侍郎周堪廣爲戶部尙書起劉宗周爲都察院左都御史以呂大器爲吏部左侍郎是日衡王起兵誅閩賊僞官於青州乙未命御史祁彪佳安撫江南江督袁繼咸入援設防江水師復操江總督文臣協理楚撫何騰蛟奏恢復隨州史可法請罷南京守備參贊各銜依北都舊制設京營等官罷錦衣衛兩鎮撫官請分江北爲四鎮以劉澤清高傑劉良佐黃得功分轄之澤清轄淮海淮安山陽清河桃源宿遷海州沛縣贛榆鹽城安東邳州睢甯十一州縣隸之經理山東一路傑轄徐泗駐泗州以徐州蕭縣碭山豐縣沛縣泗州盱眙五河虹縣靈璧宿州蒙城亳州懷遠十四州縣隸之經理開歸一路良佐轄鳳壽駐臨淮以鳳陽臨淮穎上

小腆紀傳

卷一

三

穎州壽州太和定遠六安霍邱九州縣隸之經理陳杞一路得功轄滁和駐廬州以滁州和州全椒來安含山江浦六合台肥巢縣無爲州十一州縣隸之經理光固一路各設監軍一員一切軍民聽統轄州縣有司聽節制營衛原存舊兵聽歸併整理荒蕪田土聽開墾山澤有利聽開採仍許各於境內招商收稅以供軍前買馬制器之用每鎮額兵三萬人歲供本色米二十萬折色銀四十萬聽各鎮自行徵取設督師於揚州節制諸鎮罷鳳陽總兵官改置副將設九江京口兩鎮以操江總督協理之詔並舉行丙申馬士英率兵入朝戊戌羣臣勸進箋三上王許之禮部請祀地祇命侯祭天一並舉行命瑞王常浩居重慶己亥修奉先殿命御史陳丹衷宣

諭江北大學士史可法自請督師江北詔以便宜行事各鎮并聽節制庚子命兵部尙書張國維以原官回部協理京營戎政以原任刑部尙書徐石麒爲都察院右都御史以總兵官鄭鴻逵鎮九江黃蜚鎮京口辛丑兵部主事凌駟起兵東昌討賊闖賊陷雞澤諸生殷淵死之王寅王卽皇帝位改元宏光詔曰我國家受天鴻祚奕世滋昌保大定功重熙累洽自高皇帝龍飛奠鼎而已卜無疆之歷矣朕嗣守藩服播遷江淮羣臣百姓共推繼序跋涉來迎請正位號予暫允監國攝理萬幾乃累箋勸進拒辭弗獲謹於五月十五日祇告天地宗廟卽皇帝位於南都猥以藐躬荷茲神器惟我大行皇帝英明振古勤儉造邦殫宵旰以經營希蕩平之績效乃漢

小腆紀傳

卷一

四

池盜弄鐘震驚燕畿掃地以蒙塵龍馭賓天而上陟三靈共憤萬姓同讐朕涼德弗勝遺弓抱痛敢辭薪膽之瘁誓圖存敵之功尙賴親賢戮力助勤助予敵愾其以明年爲宏光元年與民更始大赦天下加在京文武官一級無級可加者進勳階一級給新銜誥命督撫監司守令給見任官銜誥命補諡蔭前朝大臣之有勞績品行者存問在籍閣臣六部堂官遣配及閒住者復原職三品以下情可原者採訪酌用諸藩流寓者撫按善爲安置宗室在南京者按時給糧公侯伯常祿往日本折三七關支或中半兼支者俱於折色中給本色一半石折銀七錢以示厚意王公子孫各蔭一子入監讀書七十以上年高有德者給冠帶細民量給膳米忠義殉難



者蔭謚建祠舉人副榜廩貢監生不得過抑以塞賢路山林  
草澤有奇才異能堪以匡時禦亂者從公保舉試驗罔效者  
舉主連坐北直山東河南山西陝西遼東文武官生不能從  
賊在南者文官吏部察明推陞赴用其生員寄應天府學考  
試其武弁赴部驗明寄俸在京各衛陷賊各官有能返邪歸  
正者寬其前罪殺賊自効者以軍功論免宏光元年糧十分  
之一北直山西陝西全免五年山東河南三年江北湖廣獨  
十分之五江西四川十分之三其折漕稅契及上供柴炭派  
擾商民者一切釐革詔到日星速頒行匿隱支飾者訪明究  
問於戲宏濟艱難用宜九伐平邦之政覃敷闡澤並沛三驅  
解網之仁新綉煥頒前徽益懋布告天下咸使聞知是日降

小腆紀傳 卷十 五

賊少詹事項煜逃歸混入朝班眾逐之以太監韓贊周管司  
禮監事盧九德為司禮秉筆提督京營癸卯馬士英入閣佐  
理仍掌兵部尚書事以顧錫疇為禮部尚書分應天蘇淞為  
二巡撫以左懋第為都察院右僉都御史巡撫應天甲辰命  
忻城伯趙之龍總督京營戎政命戶部速輓漕粟以濟軍糈  
淮撫路振飛罷起田仰代之進黃得功為靖南侯左良玉為  
甯南侯各蔭子錦衣衛正千戶高傑與平伯劉澤清東平伯  
劉良佐廣昌伯加馬士英太子太師蔭一子錦衣衛指揮僉  
事乙巳以祁彪佳為都察院右僉都御史巡撫蘇淞祭告先  
福王太妃於行宮遣徐宏基祭孝陵告即位命參將王之綱  
迎母妃於河南郭家寨前督師丁啟睿擒送河南偽官加啟

睿太子少保兵部尚書是日史可法陸辭給銀二十萬兩以  
總兵劉肇基于永綬李棲鳳卜從善金聲桓等兵隸之諸生  
陳方策盧渭疏留可法曰淮揚門戶也京師堂奧也門戶有  
入而堂奧無人可乎不聽丁未張慎言疏薦舊輔吳姓原任  
吏部尚書鄭三俊命姓陞見詔封疆失事各官不許起用已  
西以萬元吉為太僕寺少卿監理江北軍務漕運總督路振  
飛擊敗賊將董學禮兵獲降臣武愨是日我  
大清兵破闖賊於真定闖賊走平陽尋走韓城庚戌劉孔昭  
許奏張慎言薦吳姓謀國且定策時有二心高宏圖姜曰廣  
並乞退上兩解之設勇衛營以太監李國輔監督命史可法  
遣官訪大行皇帝梓宮併太子三王壬子晉徐宏基湯國祚

小腆紀傳 卷十 本

柳祚昌劉孔昭方一元焦夢熊等官銜子蔭子司禮監太監  
韓贊周盧九德各弟姪一人錦衣衛指揮僉事徐宏基疏薦  
原任兵部尚書熊明遇等報聞詔卹北都殉難諸臣是日揚  
州進士鄭元勳以款高傑軍為州人所殺癸丑復蔭劉澤清  
子錦衣衛千戶申寅命史可法祭泗鳳陵左良玉祭顯陵乙  
卯封吳三桂為薊國公起陳子壯為禮部尚書掌詹事府事  
命江淮賑恤南歸難民太常少卿李沾劾吏部左侍郎呂大  
器定策時懷二心命不必深求丙辰命議河督黃希憲齊撫  
邱祖德晉撫郭景昌私逃罪是月我  
大清兵取河北山東六月丁巳朔日有食之命禮部鑄國璽  
刑部主事錢敬忠疏陳時事報聞大學士高宏圖自請江干



督漕許之命補記注侍班官戊午上大行皇帝尊諡曰紹天  
釋道剛明恪儉揆文奮武敦仁懋孝烈皇帝廟號思宗大行  
皇后曰孝節貞肅淵恭莊毅奉天靖聖烈皇后追尊皇祖妣  
貴妃鄭氏曰孝甯溫穆莊惠慈懿憲天裕聖太皇太后追尊  
皇考福恭王曰貞純肅哲聖敬仁懿恭皇帝皇妣姚氏曰孝  
誠端惠慈順貞穆皇太后遙上皇生母鄒氏尊號曰恪貞仁  
壽皇太后追諡元如黃氏曰孝哲懿莊溫貞仁靖皇后繼妃  
李氏曰孝義端仁肅明貞潔皇后庚申頒河北山東詔壬戌  
召逆案阮大鍼冠帶陞見戶科左給事中羅萬象御史王孫  
蕃陳良弼大理寺丞詹兆恆應天府丞郭維懷遠侯常延  
齡等交章諫宏圖請九卿議與士英忤曰廣以中旨用人爭

小腆紀傳

卷一

七

之不得各疏求去不許呂大器劾士英賣官鬻爵罪不聽劉  
良佐率兵攻臨淮不克移駐壽州兵科給事中陳子龍疏請  
兵部主事何剛練水師從之命議殉難從逆諸臣功罪甲子  
獻賊陷涪州乙丑命惠王常潤移居肇慶吉王  
起錢謙益爲禮部尚書協理詹事府事吏部尚書張慎言罷  
禮部請立中宮詔以列聖先帝之警未報不許命萬元吉再  
往揚州六合調輯軍民己巳以吳志葵鎮守吳淞劉澤清來  
朝疏糾呂大器雷縉祚薦張捷鄒之麟張孫振劉光斗等未  
幾大器罷癸酉詹兆恆進欽定逆案馬士英亦於是日進三  
朝要典乙亥追復懿文皇太子廟號興宗孝康皇帝妃常氏  
諡孝康皇后追崇建文帝諡曰嗣天章道誠懿淵恭觀文揚

武克純篤孝讓皇帝廟號惠宗后馬氏曰孝愍溫貞哲睿肅  
烈襄天弼聖讓皇后追崇恭仁康定景皇帝諡曰符天建道  
恭仁康定隆文布武顯德崇孝景皇帝廟號代宗貞惠安和  
景皇后汪氏曰孝淵肅懿貞惠安和輔天恭聖景皇后丁丑  
左懋第疏請北行獻賊陷重慶瑞王常浩並原任巡撫陳士  
奇等皆遇害贈死難沐陽知縣劉士燦山東僉事巡按湖廣  
御史黃澍入賀面糾馬士英罪士英免尋復令視事戊寅封  
福府千戶常應俊爲襄衛伯世襲己卯趙之龍糾高宏圖議  
思宗廟號之失請改正詔仍舊庚辰以徐石麒爲吏部尚書  
何應瑞爲工部尚書京口兵閱詔督師核治嗣後兵將調集  
聽本處撫臣節制辛巳命王變爲都察院右僉都御史巡撫

小腆紀傳

卷一

八

山東壬午顧錫嘯請追諡文震孟等而奪溫體仁諡並從之  
癸未我  
大清兵取德州前大學士謝陞御史趙繼鼎盧世淮迎降甲  
申以邱磊爲山東總兵官贈死事原任吏部員外郎程良箴  
光祿寺少卿舉人劉申錫知州生員楊之金教授祠名義烈  
以黃斌卿防禦京口調鄭芝龍兵六千入衛乙酉命魯王以  
海暫駐處州崇王  
以下於奉先殿以大行皇帝皇后祔祭加張慎言程註太子  
太保子蔭丁亥給事中章正宸疏陳時事建甯知縣蔣芬自  
請勤王俱不報庚寅以左懋第爲兵部右侍郎兼都察院右  
僉都御史經理河北聯絡關東軍務馬紹愉爲太僕寺少卿



兼兵部職方司郎中加陳洪範太子太保齎白金十萬兩金千兩緞絹萬匹出使於我

大清金聲桓駐防揚州壬辰定守護鳳陵戍兵五千人以劉之勃為都察院右僉都御史巡撫四川甲午以六等定從逆諸臣罪其大逆凌遲處死者五條凡從賊攻陷京師及為賊毀宗社易門榜者凡倡率勸進及為賊草偽詔者凡部院詹事翰林三品以上大臣從賊受偽命而親信用事者凡文武封疆大吏如督撫總兵降賊者凡京堂科道部屬等官為賊畫策規取地方者以上如本犯不歸歸而又逃悉收繫其妻子籍沒其家產其斬決不待時者三條凡四品京堂及翰詹科道受賊偽命居要地比原職加崇者凡方面分巡分守知

小腆紀傳

卷一

九

府等官降賊者凡文武封疆大吏間變先逃者其絞者六條凡獻玉帛獻子女以媚賊求免者凡內外衙門官僅受偽命者凡在巡方及布按三司分巡分守知府等官遇變而逃者凡被賊拷掠不能自決仍受偽命者凡受偽命而為賊疎遠者凡管屯管河權關督餉等官雖無封疆之守而棄職潛逃者其流者二條凡內閣重臣及部院等三品以上詹事翰林五品以上即不從賊而偷生潛逃者凡既受偽命復自疎遠見賊未敗而脫身南還者以上斬絞流共十一則如各犯認罪自投擬減本罪一等如遁歸匿形蓄謀叵測照本罪加一等仍收繫其親屬其徒者二條凡候考候選即無官守即未受偽命而浮沈賊中賊奔乃還者凡遇賊變為賊脅留而未

受偽命者其杖者一條凡為賊所拘未受偽官而乘間先歸者詔曰北都淪喪帝后升遐巷戰死節者遂無一人且反面事讐甘心降賊為之指斥先帝規并海宇人心已喪法紀何存所奏既已會議允當並先奪職其絞罪以上法司行撫按官逮解來京候訊流罪以下撫按官依律訊處具奏其有身雖陷賊能改圖歸正擒殺賊首及以兵馬城池來歸或為內應克立大功或為內間效忠本朝者仍從優陞賞不用此例論擒解河南偽官功加義勇李際遇劉洪起總兵官以六科員缺命將中行評博推知等官俱減俸行取丁酉依舊制為五軍神樞神機三大營杜宏域等六人分統之劉宗周疏劾馬士英等優詔答之戊戌士英乞休不允劉澤清劉良佐疏

小腆紀傳

卷一

十

許宗周論曰昔漢宣起於艱難魏丙合志唐肅興於靈武李郭同心今者祖分左右口構元黃天下事不堪再壞諸臣各宜和衷集事息競圖功庶幾君臣之間禮全終始庚子擢開封推官陳潛夫為御史巡按河南癸卯淮揚巡撫王變以皇太子及二王皆遇害間甲辰蔭福府內臣屈尚忠田成張執中等弟姪各都督同知世襲錦衣衛指揮使奪溫體仁官蔭己酉內批以張有譽為戶部尚書高宏圖等爭之不聽辛亥釋高牆罪宗前唐王聿鍵等三百餘人時羣臣紛爭日甚朱國瀾劉孔昭條陳新政有吏部用人必勸臣商權各部行政必勸臣面定之語又請增設家丁營將戶部給糧上亦厭之壬子諭曰朕遭百六之運車書間阻方資羣策旋軫故都乃



文武之交爭致異同之日甚先皇帝神資獨斷彙納眾流天  
不降康咎豈在上爾諸臣尙鑒於前車精白乃心匡復王室  
若水火不化戈矛轉輿天下事不堪再壞且視朕爲何如主  
祖宗成憲弗尙姑息各宜欽承朕言不再改正閣臣尙書  
兼大學士舉經筵高宏圖等請建中宮諭俟母后回鑾日行  
乙卯宏圖乞休不允請召還史可法亦不報是月萬元吉奏  
大清兵南征八月丙辰朔日有食之丁巳親祀先師孔子以  
楊鶚爲兵部右侍郎兼都察院右僉都御史總督川湖雲貴  
廣西軍務命惠王常潤居廣信劉澤清疏劾劉宗周候考宗  
室朱統額許姜曰廣通政使劉士楨禮科袁彭年疏糾統額  
罪不報庚申加史可法少保兼太子太保武英殿大學士高

小腆紀傳

卷一

十一

宏圖太子少師文淵閣大學士姜曰廣太子少保文淵閣大  
學士馬士英太子太師武英殿大學士王鐸太子少保文淵  
閣大學士子蔭有差壬戌以賀世壽爲戶部尙書兼都察院  
右僉都御史總督倉場復東廠給事中袁彭年疏爭降浙江  
按察司照磨起前蒞督丁魁楚兵部右侍郎兼都察院右僉  
都御史總督河南湖廣軍務巡撫承德襄陽等處甲子獻賊  
陷成都蜀王至澍及如邱氏以下皆遇害撫臣龍文光劉之  
勃道臣劉士斗等皆死之連陷崇慶新津漢彭什邡縣縣竹  
仁壽汶川九州縣知崇慶州王勵精知仁壽縣劉三策死之  
詳忠義傳乙丑卹殉難湖廣舉人陳萬策李開先等丁卯逮  
降賊臣光時亨周鍾項煜辛未太后至南京壬申起樊一蕪

爲兵部右侍郎兼都察院右僉都御史總督川陝軍務起僉  
事越其杰爲都察院右僉都御史巡撫河南兼轄潁亳二州  
軍務癸酉命修西宮之西園第一所爲皇太后宮乙亥命吏  
部察才品堪用者發督輔軍前補地方官內批以張捷爲吏  
部左侍郎丙子下降賊臣光時亨等於獄逮前按察司僉事  
雷縝祚禮部員外郎周鏞丁丑封太后弟鄒存義爲大興伯  
世襲贈吳三桂父勳遼國公母祖氏遼國夫人卹死節生員  
許琰戊寅命王永吉戴罪督山東軍務庚辰命選淑女內官  
科道交章諫不聽辛巳賜北京死節諸臣范景文等贈諡立  
廟於雞鳴山賜額旌忠壬午改前大學士王應熊爲兵部尙  
書總督川廣雲貴等處專辦蜀寇賜尙方劍便宜行事封總

小腆紀傳

卷一

十二

兵鄭芝龍爲南安伯命停薦舉禁非言官而上疏者癸未革  
楚撫王揚基任聽勸乙酉內批以阮大鍼爲兵部添註右侍  
郎巡閱江防劉宗周劾奏不聽是月我  
大清兵大敗闖賊於府谷九月丙戌朔高傑以兵襲黃得功  
於儀真史可法和解之浙江奉化布衣方翼明疏劾馬士英  
下之獄戊子復前蒞督趙光忭官己丑纂修玉牒恤湖廣殉  
難諸臣許文岐蔡道憲等高傑請瓜洲秦興邵伯鹽稅助軍  
許之命張成福以都督僉事充山東河北總兵官庚寅裁各  
省布政司右布政使辛卯御經筵命撰起居注癸巳逮御史  
黃樹不至大學士姜曰廣罷命修思宗實錄甲午左都御史  
劉宗周罷給事中熊汝霖疏陳時事奪俸三月命黃斌卿移



屯九江黃蜚屯蕪湖采石鄭鴻逵屯鎮江丙申以王之綱充總兵官掛蕩寇將軍印鎮守河南命御史凌馴聯絡河南北直丁酉敘江北文武多年戰功加士英少傅仍兼太子太師建極殿大學士蔭一子錦衣衛指揮僉事世襲戊戌謚前大學士孫承宗文忠太常寺少卿鹿繼善忠節賜祠忠烈以王濬為都察院右僉都御史巡撫登萊以牟文綬充總兵官鎮守荊州命黃得功移駐廬州以防桐院偕劉良佐合營進復黃汝高傑移駐徐州進復開歸追補建文死節諸臣方孝孺等贈謚立祠甲辰追贈開國名臣及正德諫臣天啟慘死諸臣有差以吏部右侍郎黃道周為禮部尚書掌詹事府事左良玉子夢庚掛平賊將軍印合童生輸銀免府州縣試禁擅立官戶給河南巡撫越其杰銀十五萬兩令募兵屯田丙午稱恭皇帝陵曰熙陵命丁魁楚另用何騰蛟仍舊職庚戌開佐工事例辛亥以東陽許都餘黨復亂奪巡撫黃鳴俊官逮前巡按御史左光先再賞定策功加李沾左都御史革侍郎呂大器職進封朱國弼保國公停宗室換授論吏兵二部量用北來官壬子再命刑部逮問黃澍亦不至甲寅以李成棟鎮守徐州吏部尚書徐石麒罷是月高傑率兵赴鎮

小腆紀傳

卷一

十三

小腆紀傳卷第一終

男承禮編輯

仁和魏錫曾參校  
會稽梁繼元覆校

小腆紀傳卷第二

前翰林院檢討加詹事府贊善銜六合徐鼎撰

紀第二

宏光下

順治元年冬十月乙卯朔我

大清世祖章皇帝定鼎燕京是日明鑄宏光通寶錢以總兵官鄭芝龍鎮守福建羅聯芳鎮守貴州丁巳錢謙益疏薦蔡奕琛頌馬士英功兼雪逆案阮大鍼楊維垣賈繼春吳孔嘉房壯麗呂純如等冤己未以降賊臣張縉彥總督北直山西河南河北軍務黃國琦為監軍施鳳儀行鹽揚州給事中李維樾胡時亨各疏糾之不聽大學士高宏圖罷甲子鳳陽地

小腆紀傳

卷二

一

震丙寅再震誠意伯劉孔昭弒其祖母胡氏遣太監孫元德往浙閩督催錢糧加湖廣巡撫何騰蛟兵部右侍郎巡撫全省癸酉命丁魁楚以原官總督兩廣軍務復景帝母吳氏為皇太后謚曰孝翼溫惠淑慎慈仁匡天錫聖皇太后復惠宗弟允熲吳王謚悼允煜衡王謚愍允熙徐王改謚哀長子文奎曰恭愍皇太子少子文圭追封原王謚懷公主駙馬復舊號命左春坊衛胤文以原官兼兵科給事中監高傑軍甲戌內批以張捷為吏部尚書蔡奕琛為吏部右侍郎楊維垣為通政使乙亥以張秉貞為都察院右僉都御史巡撫浙江丙子命以來年正月合祀天地於南郊馬士英請戶部給直省印單凡贖緩自杖以上解部充餉從之丁丑命王永吉暫駐



河上料理戰守以解學龍爲刑部尙書阮大鍼疏糾雷縝祚命殿訊戊寅加左良玉太子太傅壬午停今年決囚子秦楚殉難諸臣祭葬有差定江北督撫四鎮額兵三萬楚撫額兵一萬京營額兵一萬五千癸未太白晝見以劉安行爲都察院右僉都御史提督南直浙江沿海諸稅劉若金爲都察院右僉都御史提督閩廣沿海諸稅俱兼理海防是月漳州賊犯汀州把總林深鄭雄戰死尋破雲霄官軍討之走大埔十一月戊子西宮成賜名慈禧殿桂王常瀛薨己丑鳳陽皇陵災松柏皆燼庚寅開屯海中玉環諸山命前唐王聿鍵居平樂辛卯始令生員納銀入貢下登萊總兵邱磊於淮安獄殺之劉澤清請寄流寓諸生於淮安府學從之癸巳左良玉奏

小腆紀傳

卷二

二

華容石首之捷命魯王以海居台州甲午我

大清兵取海州乙未端門外火是日我

大清兵攻邳州丙申史可法遣兵復宿遷進援邳州琉球世子尙賢入貢丁酉蘇淞巡撫祁彪佳罷己亥劉澤清請分汛防河自安東至徐州屬王燮田仰王永吉蕭錫屬督輔開歸屬越其杰從之庚子獻賊僭稱帝於成都連陷旁郡縣事詳忠義列傳以李永茂爲都察院右僉都御史巡撫南贛丁未以張鳳翔爲兵部尙書兼都察院右副都御史巡撫蘇淞盧若騰爲都察院右僉都御史督理江北屯田巡撫廬鳳太監高起潛提督江北兵馬糧餉是日淮安地震己酉九江總兵黃斌卿偵知左良玉難制請改駐皖池從之山西道御史沈

宸荃劾張縉彥王永吉何謙邱祖德黃希憲魯化龍輕棄封疆罪命逮謙等宥縉彥永吉勿問庚戌命許定國鎮守開封河雒始榷酒稅辛亥高傑疏薦吳姓鄭三俊金光辰姜採熊開元金聲等報聞監下江軍職方司郎中楊文聰請於金山圖山築城從之劉澤清薦降賊臣時敏開屯海上蘇京駐廟瀋防海從之自五月至於是月不雨河流竭太湖可涉入百年來所未有也時邊警日逼上深居禁中惟漁幼女縱酒演劇工役不已宴資不貲佃練湖放洋舶鹽場蘆洲之課搜括殆盡內則張執中田成外則阮大鍼楊維垣比周固寵政以賄成癸丑上不豫幾殆輔臣入候起居與羣閣竊私語外庭莫敢詰或榜門笑罵羣小亦莫之恠也十二月乙卯朔我

小腆紀傳

卷二

三

大清兵下河南許定國李際遇已潛約降而舉朝莫之知也命荆王居九江府加兵部侍郎練國事尙書仍蒞侍郎事丁巳進劉孔昭劉澤清皆爲侯孔昭辭許之禁巡按御史訪擊辛酉命何騰蛟以原官總督川湖雲貴廣西等處專理恢勦召楊鶴回部我

大清兵圍邳州凡三日癸亥定勇衛營額萬五千人甲子敕程世昌兼督上江糧務丙寅改諡孝宗皇后張氏曰孝成靖肅莊慈哲懿扶天贊聖敬皇后我  
大清兵入河南府總兵李際遇降戊辰以高斗樞爲都察院右僉都御史巡撫湖廣己巳行稅契法楊維垣追論三朝黨局上曰宵人躁競不難矯誣君父以逞其私王之采等已經



大赦姑不究三朝要典民間尚有存者禮部訪求送史館以存列聖忠孝之實被罪諸臣吏部察明分別復職於是已死之劉廷元等二十人于謚蔭祭葬未死之王紹徽等十三人原官起用尋逆案編修吳孔嘉言要典宜列當日奏議以存實刪去附和命下所司刪定我

大清留使臣左懋第馬紹愉縱陳洪範南歸和議不成有顯僧大悲至京自稱齊王又稱潞王下鎮撫司勘訊壬申加馬士英少師禁各官薦舉命王永吉專防江北張縉彥專防河南縉彥定諸將汛地王之綱自永城至甯陵許定國自甯陵至蘭陽劉洪起自祥符至汜水癸酉復降賊臣左春坊韓四維原官給事中戴英劾之命改別衙門甲戌命史可法會兵

小腆紀傳 卷二

四

援邳州乙亥追封于謙為臨安伯遣官致祭丁丑開文武職官誥命事例戊寅我

大清兵自孟津縣渡河張縉彥等走沈邱命高傑進屯歸德以備之敘鄖陽固守功加陞巡撫前按察使高斗樞都察院右副都御史辛巳罷南郊改於明年冬至御史沈宸荃疏諫不聽壬午以瞿式耜為都察院右僉都御史巡撫廣西馬體乾為都察院右僉都御史巡撫四川癸未馬士英請權酷從之左良玉奏復公安豐沛賊程繼孔迎高傑於河傑斬以徇論功加太子少傅以賈登聯為四川總兵官是日布衣何光顯上書乞誅馬士英劉孔昭詔戮光顯於市甲申上御輿甯宮我

大清順治二年乙酉春正月乙酉朔日有食之是日大雪上在南京稱宏光元年免朝賀庚寅以新殿推恩加史可法太師兼太子太師建極殿大學士馬士英少師兼太子太師中極殿大學士王鐸少保兼太子太保武英殿大學士于蔭以士英掌文淵閣印充首輔辦事可法辭太師許之壬辰立春流星入紫微垣癸巳大雷電兩雷命黃得功劉良佐進屯穎毫皆受命不行高傑提兵直抵關雒進據虎牢乙未解學龍再上從逆諸臣罪案兼請停刑許之是日許定國誘殺興平伯高傑於睢州丙申傑部將攻睢州定國遂叛降於我

大清戊戌禁宗室入京朝見壬寅命在京諸臣自陳癸卯以吏部左侍郎蔡奕琛兼東閣大學士入閣辦事甲辰命刪定

小腆紀傳 卷二

五

三朝要典乙巳朱國弼張孫振劾解學龍黨從逆奪學龍職召前都察院左都御史唐世濟以原官管右都御史事庚戌命武臣自公侯伯以下非賜肩輿並騎馬坐蟒斗牛非奉賜麒麟白澤非動爵不許借用辛亥加監軍侍講衛胤文兵部右侍郎總督高傑標下鎮將兵馬經略開歸兵部尚書張國維乞歸省許之是月我

大清兵取西安李自成走襄陽二月乙卯命清釐濫冒勳衛丙辰以王驥為都察院右副都御史巡撫湖廣戊午以高倬為刑部尚書以阮大鍼為兵部尚書兼都察院左副都御史協理部事仍巡視江防命太監李國輔開採雲霧山給事中吳适疏諫不聽尋報罷巡按浙江御史彭遇颺為民所逐命



改調淮揚加鹽課引五分甲子諡思宗皇太子曰獻愍定王  
曰哀永王曰悼乙丑遣黃道周祭告禹陵史可法請用高傑  
部將李本身爲提督不許黃得功引兵趨揚州遣盧九德宣  
諭解之曰大臣當先國事而後私讎黃得功若向揚州使高  
營將士棄汎而東敵人躡之南下誰執其咎朕於諸藩恩禮  
有加諸藩亦當恪守臣節勿輕舉以誤國家得功不得已引  
還裁九江額餉六萬總督袁繼咸爭之不聽請罷亦弗許丙  
寅命於蘇州織造大婚冠服張孫振奏劾禮部尙書顧錫疇  
並論奪溫體仁諡事丁卯錫疇罷蔭方孝孺裔孫五經博士  
前山西殉難巡撫蔡懋德子方燿疏請卹典不許贈伏法太  
監劉元斌王裕民祭葬于逆案徐大化徐景濂劉廷元等卹

小腆紀傳

卷二

六

典癸酉撤高傑兵回命劉良佐防歸德遣太監高起潛安撫  
傑營將士駐揚州時武臣借口助餉往往破人產延陵朱一  
馮者已革巡撫也富而吝里人訴之上以一馮身爲大臣多  
藏厚亡大喪縉紳之體命察其田產又諭部臣曰捐助原聽  
民樂輸抄沒乃朝廷偶行豈刁民獻媚之事宗藩勳戚須敬  
禮士大夫與地方相交不得非法罔利癸酉欽天監奏日月  
色甚赤上曰是何分野何無占候其訪術者舉用甲戌進蔡  
奕琛禮部尙書兼文淵閣大學士乙亥追封弟由桀頴王諡  
曰冲丙子改上思宗廟號曰毅宗封慈煥崇王贈死事武臣  
沈壽崇知府王行儉知縣李允在等官蔭丁丑止滇黔援兵  
御史袁宏勳疏攻袁繼咸左良玉救之併言要典宜焚上諭

曰此朕家事列聖父子兄弟之間數十年無纖毫間言諸臣  
妄興誣構卿一細閱亦當倍增悲憤但與見在廷臣無關悉  
從寬宥不必疑猜戊寅李自成走承天己卯鑄各衙門印去  
南京字是月闖賊復犯鄖陽守將王光恩禦卻之三月乙酉  
僧大悲伏誅丁亥命王永吉帶撫淮安衛肅文兼撫徐揚復  
溫體仁諡蔭召勳臣朱國弼等閣臣馬士英等翰林劉正宗  
等入見武英殿面諭同府部九卿科道辨驗北來太子眞僞  
日午羣臣奏係故駙馬都尉王昺姪孫王之明曾侍衛東宮  
家破南奔鴻臚少卿高夢箕家丁穆虎教之詐稱太子乃下  
中城兵馬司獄卽擢楊維垣爲都察院左副都御史戊子以  
太監喬上總理兩淮鹽課己丑我

小腆紀傳

卷二

七

大清兵取郟城又取西平闖賊逼承天左良玉遣使告急命  
督臣何騰蛟禦之辛卯我  
大清兵取上蔡壬辰以耿廷錄爲都察院右僉都御史巡撫  
四川命百官會審北來太子於午門外闖賊寇潛江河南有  
婦人童氏自稱王邸元妃巡按御史陳潛夫具儀從送至京  
上怒下童氏錦衣衛獄並逮潛夫癸巳遙祭諸陵乙未阮大  
鍼薦馬士英之子錫爲京營總兵官戊戌命黃斌卿以原官  
掛征蠻將軍印鎮守廣西方國安掛鎮南將軍印充總兵官  
駐防池口己亥徙崇王慈煥居福州上懿安皇后諡曰孝哀  
慈靖恭惠溫貞偕天協聖哲皇后更恭皇帝諡曰孝皇帝命  
黃得功移鎮廬州與劉良佐合力防禦壬寅思宗忌日上於



宮中舉哀百官於太平門外設壇遙祭以東宮二王附癸卯命三法司覆審北來太子等黃得功劉良佐左良玉何騰蛟袁繼成各疏論北來太子事良佐疏兼及童氏事言上為羣臣所欺將使天倫絕滅上曰朕元妃黃氏先朝冊封不幸天逝繼妃李氏又已殉難登極之初即追封后號詔示海內卿為大臣豈不聞知童氏不知何處妖婦詐冒朕妃朕初為郡王有何東西二妃據供是邵陵王宮人尚未悉真偽王之明是嚇馬王舅之姪孫避難南來高夢箕家丁穆虎教令冒認東宮正在嚴究若果真實朕於夫妻伯姪之間豈無天性况宮媵相從患難者頗多朕於先帝無纖芥之嫌因宗社無主不得已從羣臣之請勉承重寄豈有利天下之心忍加毒害

小腆紀傳

卷二

八

於其血脉至於舉朝文武誰非先帝舊臣誰不如卿肯昧心至此朕夫妻之情又豈羣臣所能欺蔽但太祖之天潢先帝之遺體不可以異姓頑童瀆亂宗祏宮闈風化所關豈容妖婦闖入國有大綱法有常刑卿不得妄聽妖詭猥生疑議因命法司將二案審明情節傳示中外以釋羣疑時流言益甚史可法疏請召對以息羣讞上諭止之封外戚黃九鼎為維中伯加朱大典兵部尚書兼右副都御史巡撫應天乙巳我大清兵取歸德巡按御史凌駟及其從子潤生死之丁未許罪廢諸臣輸銀復官戊申左良玉舉兵反焚武昌東下己酉以錢繼登為都察院右僉都御史總理兩淮鹽法兼督江防罷巡鹽御史壬子我

大清兵取潁州復取太和縣王永吉請飭史可法衛胤文共保徐州士英不聽加李本身太子太保左都督遣使冊封琉球國王是月川省督師王應熊總督樊一禩攝巡撫馬乾參政劉燾長副將曾英朱化龍同知詹天顏宗室進士朱奉鈔舉人鄭延爵武進士楊展士司楊之明馬京馬亭各起兵討獻賊收復州縣獻賊乃大殺四川紳士及其偽官夏四月癸丑朔御史畢士臣奏孟夏時享太廟陪祀官多不至者以左兵東下命史可法督諸軍渡江入援丙辰左良玉兵陷九江尋死其子夢庚自稱留後命阮大鍼劉孔昭帥師禦之左夢庚兵陷建德戊午陷彭澤己未陷東流命阮大鍼會同黃得功堵勒庚申光時亨周鍾武傑伏誅同日賜周鍾爵祚自

小腆紀傳

卷二

九

盡辛酉黃得功駐兵荻港是日我大清兵自歸德分道南下總兵李成棟潛遂入徐州壬戌封常澄為襄王居汀州黃斌卿敗左兵於銅陵乙丑左夢庚兵陷安慶是日我大清兵取泗州丙寅渡淮史可法退保揚州連章告急言上游不過欲除君側之奸未敢與君父為難北兵一至則宗社可虞大理寺卿趙思孝工科吳希哲請備淮揚上諭士英曰良玉雖不應與兵然看他本上原不曾反淮揚急則赴士英釋指諸臣曰此皆良玉死黨為游說我君臣當不丁死良玉手上無如何也時高營將兵掠舟渡江我



大清丁卯選淑女於元暉殿京師女七十人中阮姓一人浙女五十人中王姓一人戊辰命潞王常潯移駐湖州周王恭枏移駐江西廣東己巳以劉洪起為提督汝甯開封等處總兵官時河南蕞失洪起獨支持光黃間庚午命王永吉總督防河錢繼登兼撫揚州左夢庚兵至池州王申詔察左良玉罪狀總兵鄭鴻逵奏破高傑營亂兵於江中我大清兵圍揚州劉澤清假入拔大掠而東丙子以霍達為都察院右僉都御史巡撫蘇松丁丑我大清兵克揚州督師兵部尚書大學士史可法揚州知府任民育等死之甘肅團練總兵官劉肇基及原任兵部右侍郎張伯鯨等俱遇害總督兵部侍郎衛胤文監紀主事何剛先

小腆紀傳

卷二

十

後赴水死詳忠義傳戊寅召對羣臣王鐸猶請經筵講期五月壬午朔以李彬為都察院右僉都御史巡撫河南癸未移惠王常潤於嘉興黃得功擊左夢庚於坂子磯敗之丙戌進封黃得功靖國公世襲丁亥封鄭鴻逵為靖國伯以楊文驄為都察院右僉都御史巡撫常鎮時士英與韓贊周盧九德議各門下開辰開午閉戊子集清議堂議事預坐者十六人馬士英王鐸蔡奕琛陳于鼎張捷陳照張有譽錢謙益李喬李沾唐世濟楊維垣秦鏗張孫振錢增趙之龍各竊竊偶語百官皆不得與是日豈晦大風雨人心洶洶我大清兵取瓜州門欄卓椅結大筏燃燈燭施號砲亂流而下南岸以為北騎渡江也礮石擊之日奏捷轅門鼓角震天京

口民牛酒犒勞歡舞騰發己丑夜大霧我大清兵從坎壘橋狹流輕舟飛渡庚寅黎明升高阜設亭幃擊鼓吹螺我

大清兵開闢放舟破江而南諸軍始覺倉皇列陣甘露寺鐵騎衝之悉潰文驄走蘇州鴻逵與鄭彩等入海我

大清兵遂取鎮江辛卯都中各城閉門上集內官問計韓贊

周曰兵力單弱守和無一可者不若親征濟則可以保社稷

不濟亦可以全身上不聽集梨園子弟雜坐酣飲漏二鼓內

官數十人跨馬出通濟門贊周從之文武百官無知者宮娥

女優雜沓西華門外味爽劉孔昭斬關走太平王辰馬士英

挾太后出奔杭州兵民擁立北來太子於武英殿殿王鐸幾

小腆紀傳

卷二

十一

死癸巳上至太平劉孔昭不納走蕪湖總兵黃斌卿已遁上

匿黃得功麾下總兵翁之琪舟中往就得功營倉卒無璽以

幅紙書官銜姓名命阮大鍼朱大典兼東閣大學士督師以

揚州府同知李繼晟為右僉都御史巡撫安慶是日總督京

營忻城伯趙之龍具表迎降丙申我

大清兵營於城北大學士蔡奕琛王鐸禮部尚書錢謙益暨

勳戚文武皆降大臣殉難者刑部尚書高倬自縊死工部尚

書何應瑞自縊不死復自刎為其子所持終事不可考吏部

尚書張捷微行至雞鳴寺以佛幡自縊死或曰捷聞百姓毆

王鐸懼禍及自裁也左副都御史楊維垣偕其妾朱氏孔氏

自縊死或曰維垣蹙二妾死置三棺中題楊某之柩而蔽其



下夜遁至秣陵關為怨家所殺禮部主事黃端伯戶部郎中劉成治主事吳嘉楨中書舍人龔廷祥欽天監博士陳于階監生吳可箕等皆死之上將幸杭州命朱大典方國安以部兵先發得功斷後未發而叛將劉良佐引追兵至得功自刎死良佐麾軍劫其營將士倉卒謀渡而浮橋鎖忽斷中軍翁之琪投江死左協總兵田雄入上舟負上與右協總兵馬得功出降丙午良佐挾上至南京以無幔小轎入城首蒙帕衣藍布衣油扇掩面百姓夾路唾罵投瓦礫乘馬至內守備府見我豫王叩頭豫王宴之靈璧侯府坐北來太子下趙之龍暨禮部八人與宴豫王問北來太子事上不答豫王又曰我兵尚在揚州汝何便走自主之邪抑人教之邪汗流浹背俯

小腆紀傳 卷二

十二

首無言終席拘於江甯縣九月甲寅北去隆武帝立遙上尊號曰聖安皇帝明年五月殂於北京永曆帝上諡曰安宗簡皇帝

小腆紀傳卷第二終

男承禮 編輯

仁和魏錫曾參校  
會稽梁繼元覆校

小腆紀傳卷第三

前翰林院檢討加詹事府贊善銜六合徐蕭譔

紀第三

隆武 附紹武

隆武帝太祖九世孫也諱聿鍵小字長壽其先唐定王極太祖第二十三子封南陽父器墟唐世子母毛氏祖端王碩曠或於嬖妾欲立其愛子囚世子於承奉司王時年十二歲亦從之讀書識大義處患難而意氣不挫年二十有八尚未請名世子為其弟毒死端王諱之分守道陳奇瑜知府王之桂謂之曰世子薨逝不明又不立其子事且露端王懼請名立為世孫崇禎五年壬申端王薨王嗣位年三十一矣選妃曾

小腆紀傳 卷三

十一

氏諸生曾文彥女七年甲戌流寇入河南南陽當其衝城庫薄王捐千金修築知府陳俊豪弗授工王以為言詔逮俊豪下獄已又援潞王例乞增兵三千人以陳永福為參將領之不許八年冬賊再犯南陽上疏言臣府護衛一千二百人近制以其半為汴梁班軍給撫臣策使惟明詔念郡城單弱臣困扼以全軍見還思宗報之曰南陽番軍班直祖制已久朕不敢變時海內多故思宗思廣羅賢俊召見宗人遴才擢官以通宗祿之窮發金匱書得高皇帝制曰宗室子孫入為中朝官者得以其階換於是下詔援祖訓郡王子孫文武堪用者考驗授職禮部右侍郎陳子壯執不可王歷引前代故事詆之援據經傳皆有本王好尊宗藩體統總督盧象昇過南



賜不朝劾奏之又所建請多與廷臣相抵牾思宗亦不之善也九年秋八月京師戒嚴王率護軍勤王又殺其兩叔汝南道周以興止之不聽至裕州巡按御史楊繩武以聞下旨切責會前鋒值寇亡其內豎二人乃返國十一月下部議給事中馮可賓鍾珩議廢爲庶人安置鳳陽高牆押發官同知張有度欲以檻車行王自裁不殊至鳳陽陵奄索賄不得用祖制墩鎖法以困苦之王病幾殆曾妃割股以進始愈有司廩祿不時資用乏絕時有望氣者以高牆中有天子氣言於淮撫路振飛振飛假賑罪宗入牆見王心異之因言吏虐狀振飛疏請加恩罪宗置吏無狀者石應詔於法會南都立大赦出高牆禮部請復故爵不許命徙居廣西之平樂府乙酉五

小腆紀傳

卷三

二

月行抵杭州而南都已覆王勸潞王監國不聽時鎮江總兵鄭鴻逵鄭彩自京口戶部郎中蘇觀生自南都胥會於杭達彩與王語及國難沾泣襟袂二人奇之令副將江美龍鄭升衛入關既聞杭州降二人全師回閩與巡撫張肯堂等議奉王監國六月甲戌次浦城閩六月癸未各官迎謁於水口驛南安伯鄭芝龍禮部尙書黃道周及肯堂三上箋勸進王出御用銀百五十兩葺行宮令勿擾民丁亥監國福州建行在太廟社稷諭曰孤聞漢室再墜大統猶繫人心唐宗三失長安不改舊物豈獨其風俗醇固不忘累世之澤哉亦其忠義感憤豪傑相激使之然也孤少遭多難勉事詩書長痛妖氛遂親戎旅亦以我太祖驅除羣雄功在百姓而勅敵驚然睥

睨神器爲子孫者誠不忍守文自命坐視其陵遲也二十年來狂寇驚孤未嘗兼味而食重席而處比方二載兩京繼陷天下藩服委身奔竄孤中夜臥起垂涕縱橫誠得少康一旅之師周平晉鄭之助躬率天下以授彤弓豈板蕩哉今幸南安芝龍定鹵鴻逵二大將軍志切恢復共賦無衣一二文臣以春陵瑯琊之義過相推戴登壇讀誓感動路人嗚呼昔光武昭烈皆起布衣所遭絕續與大敵爲讎而能正言舉義躬承舊業况今神器乍傾天命未改孤以藩服感憤間關逢諸豪傑應卽投袂知明赫之際神人叶謨上天所眷顧我太祖紹其子孫猶未艾也書曰與治同道罔不興傳曰多助之至天下順之得道者多助自閩六月初二日監國伊始一切

小腆紀傳

卷三

三

民間利病許賢達條陳孤將悉與維新總其道揆副海內喁喁之意焉鴻逵欲早正位以繫人心諸大臣言監國名正出關尺寸建號未遲侍郎李長倩有急出關緩正位示監國以無富天下之心疏芝龍亦固爭以爲不可惟鴻逵曰不正位無以厭眾心以杜後起遂定議丁未祭告天地祖宗卽皇帝位於南郊以福建爲福京福州爲天興府布政司爲行殿大赦改元隆武追尊皇考爲皇帝妣爲皇后遙上宏光帝尊號曰聖安皇帝詔曰朕以天步多艱遭家未造憂勞監國又閱月於茲矣天下勤王之師旣已漸集向義之心亦以漸起匡復之謀漸有次第朕方親從行間鼓舞率勵以觀厥成而文武臣僚咸稱萃渙之義貴於立君寵綏之方本乎天作時哉



不可失天命靡不勝朕自缺然未有不續以仰對上帝克慰祖宗而臨安息嚮導讓無期大小汎汎如河中之水朕敢不龜勉以慰眾志而副羣望朕稽載籍漢光武聞子嬰之信以六月卽位鄯南卽以是年爲建武元年昭烈聞山陽之信以四月卽位漢中卽以是年爲章武元年艱危之中豈利大寶亦惟是興義執言繫我臣庶之故也以今揆古卽以是年爲隆武元年其承天翊運定難功臣悉以次第進爵分茅胙土其翊運宣猷守正文臣亦以次第進級孝秀耆宿軍民人等俱依前諭優給所在山川鬼神除淫祠外皆遣官祭告以示朕續稽爲天下請命之意焉進芝龍鴻達爵爲侯封鄭芝豹澄濟伯鄭彩永勝伯賜號奉天翊運中興宣力定難守正功

小腆紀傳 卷三

四

臣以黃道周爲吏部尙書武英殿大學士蘇觀生爲吏部右侍郎兼東閣大學士張肯堂爲兵部尙書何楷爲戶部尙書周應期爲刑部尙書鄭瑄爲工部尙書曹學佺爲禮部尙書兼蘭臺館學士召舊輔何吾驕蔣德璟黃景昉姜日廣吳牲高宏圖起朱繼祚林欲楫路振飛曾櫻熊開元黃鳴俊林增志李先春陳洪謐等入閣上少遭患難慨然以復讐雪恥爲務布衣蔬食不御酒肉敕司禮監行宮不得以金玉玩好陳設器用瓷錫帷幄衾褥皆布帛後宮無嬪御執事三十人而已芝龍進美女十人留之而絕不御中宮懿旨選女廚十人上以爲擾民不許素好讀書博通典故手撰三詔與魯監國書羣臣皆莫能及感振飛舊恩募能致者賞千金給五品秩

振飛至拜太子太保吏兵二部尙書文淵閣大學士官其子太平爲兵部員外卽開儲賢館定十二科取士以觀生領之受鄭芝龍子鄭森才賜國姓改名成功命提督禁旅以駙馬都尉體統行事卽延平王也是時宗室諸王流竄南方臣民奉之建義者浙東張國維朱大典孫嘉績等奉魯王以海監國於紹興秋七月江西布政使夏萬亨分巡道王養正奉益王由本起兵建昌不克萬亨等皆死之巡撫田仰監軍道荆本澈總兵張士儀奉義陽王朝墀駐崇明沙刑部郎中王期昇長興縣民金有鑑奉通城王盛激起兵復湖州中書舍人盧象觀奉宗室盛瀝起兵攻南京事敗皆亡入太湖與吳易等相應他則江西吏部主事曾亨應揭重熙起兵撫州左庶

小腆紀傳 卷三

五

子楊廷麟左中允劉同升起兵贛州通政使劉士楨起兵信豐前汜水縣知縣胡定海起兵德興瀘溪知縣張載述諸生魏一柱又德化諸生李含初德安郭賢操各起兵拒守定海舍初尋敗死所謂江右義師也道遠或不能達行在惟贛州事聞上手詔嘉獎擢廷麟吏部右侍郎同升國子監祭酒時江以南義師亦林立太湖則職方主事吳易舉人孫兆奎爲倡諸生陸世鎬沈自炳沈自駒等應之江陰則典史閻應元陳明遇爲主貢生黃毓祺生員徐趨應之松江則前兵部侍郎沈猶龍給事中陳子龍中書李待問前羅源知縣章簡起兵與水師吳志葵黃蜚相應崑山則舉人周室瑜貢生朱集璜陳大任殺投降之縣丞閻茂才奉總兵王佐才拒守前邑



令楊永言與諸生吳其沆陶斌歸莊顧炎武起兵應之嘉定則進士黃醇耀舉人張錫眉教諭龔用圓諸生馬元調夏雲蛟唐全昌率前左通政侯嗣曾拒守休甯則御史金聲諸生江天一爲倡推官溫璜轉餉應之而前山東巡撫邱祖德與舉人錢龍文生員麻三衡沈壽堯起兵攻甯國前職方郎中尹民興與生員趙初浣吳漢超起兵守涇縣貴池副榜吳應箕起兵復建德東流與聳天一相援應浙西則翰林屠象美郎中錢棟生員鄭宗彝起兵嘉興參將方元章副將姚志倬張起芬起兵復餘杭其舉義大都與上監國相前後道遠或聞或不聞皆遙授總督義師銜或敕使將命是月崑山陷佐才室瑜集璜大任其沆城死之攻甯國不克壽堯死之嘉興

小腆紀傳 卷三

六

陷前吏部尙書徐石麒暨象美棟宗彝死之餘杭敗元章死之嘉定陷峒曾醇耀以下皆死之華陽山寨陷祖德死之稽亭山寨陷三衡及諸生吳太平等七家皆死之又前青陽知縣麗昌庠太倉生員王湛無錫生員顧杲等甫謀起兵而已敗死或事聞褒卹或不及聞者具詳列傳又川省千總周鼎昌義民余飛等亦起兵拒獻賊賊怒大殺成都所屬人邱蒲數百里蕩爲血肉場詳蜀難忠義傳鄭芝龍集廷臣議戰守事宜仙霞關外宜守者百七十處應設守兵若干其戰兵以今冬簡練明春出關一出浙東一出江右計兵二十餘萬餉不支其半乃請於兩稅正供預借一年令羣臣捐俸勸紳士輸助察府縣歷年積穀銀兩未解者悉催赴行在官吏督征

閩里騷然芝龍請清理寺田可得餉八十萬上不許戶部侍郎李長倩請廣開事例從之於是廝養隸卒皆得給劄投官猶苦餉不足廷臣日請出關芝龍殊不欲行黃道周自請以師相募兵江西連楊廷麟何騰蛟爲進取計遂於是月辛未率門人子弟千人以行八月乙酉頒祖訓於廷臣庚寅命肅鹵伯黃斌卿鎮舟山壬辰冊妃曾氏爲皇后封后父曾文彥爲吉水伯癸巳郊祀上帝於南郊鄭芝龍鄭鴻逵稱疾不從尙書何楷劾之上嘉楷命掌都察院事行保甲法定錦衣衛軍制設中前後左右五所每百戶爲一威所八威所爲一禁軍時兵事皆掌於鄭氏芝龍知不出關無以弭眾議乃請以鴻逵出浙東彩出江西各擁兵數千號數萬既出關託侯餉

小腆紀傳 卷三

七

不行鴻逵駐仙陽鎮惡上書言事者嚴禁仙霞關不聽四方儒生入彩行百里而還稱餉缺留如故是月靖江王亨嘉僭號桂林執巡撫羅式邦幽之兩廣總督丁魁楚遣參將陳邦傳往討式相潛與合謀擒亨嘉並其黨檻送福京 我大清兵克江西之峽江守將鄧武泰死之克袁州同知攝府事李時興死之克吉安遂取萬安殺巡撫曠昭知縣梁于溪死之襲臨川曾亨應死之克江南之松江沈猶龍李待問章簡死之克江陰閻應元陳明遇死之克金山衛指揮侯承祖死之太湖吳易孫兆奎既敗浙寇李九成軍敗我師於白龍橋軍甚盛俄降將吳勝兆合四郡兵至西山盧象觀與中書葛麟總兵毛重泰陳坦公俱戰死乘勝追易八面環攻易軍



大潰兆奎及沈自炳等死之別部總兵李某生員任源遂吳福之徐安遠全軍覆沒又魏國公徐宏基及幼子文爵避難吳江亦以起義不克死江南義師遂不振惟浙東張國維等能張其軍具詳魯紀傳不具錄九月甲寅我

大清豫親王多鐸以宏光帝北還時闖賊李自成已死其眾無所歸推其兄子李錦為主同自成妻高氏乞降於督師何騰蛟騰蛟檄道臣堵胤錫往受之一時增兵十餘萬上大喜告廟進騰蛟大學士封定興伯胤錫右副都御史巡撫湖南降將皆授總兵官賜錦名赤心高氏弟一功名必正號其營為忠貞營已而糧不繼降者稍稍散去高李十三部就食施州衛其餘郝搖旗馬進忠王進才張光翠袁應第牛萬才張

小腆紀傳 卷三

八

先壁等十餘營悉隸騰蛟麾下召在籍吏部主事夏允彝為翰林院侍讀兼給事中未受命卒召舉人郭金臺諸生顧炎武為職方郎中李世熊為翰林院博士俱辭不至是月江南徽甯事急黃道周疏乞師乞餉為鄭芝龍所阻涇縣陷趙初浣死之績溪陷金聲江天一死之連陷徽州溫璜死之池州潰吳應箕死之惟吳易出沒太湖吳漢超收邱祖德之遺眾與當塗徐淮聚眾華陽黃毓祺徐趨匿淮上崛起未即下上加易毓祺兵部尚書總督義師賜敕印繼起者有廣德州太學生吳源長民人裘君量起兵梭子山復州城副將錢國華生員謝琢起兵溧陽遙奉瑞昌王盛懋淮安人王翹林穆鼎吉鼎言等奉新昌王起兵雲台山復鹽城興化都司鄭

某生員司石磐與相應和我

大清命降臣洪承疇駐南京土國寶駐蘇州相機勦捕諸義師先後崩潰不能有所為冬十月科臣劉中藻頌詔浙東浙東不納於是閩浙水火矣上以貪吏虐民誅建陽知縣施燦邵武知府吳爇煒推官朱健人稍憐恐原任兵部郎中王期昇御史彭遇慶至行在上加期昇總督遇慶僉都御史大學士路振飛曾櫻封還內降謂遇慶依附馬士英期昇在太湖派餉苛虐歛怨取敗不可用上乃止初汀贛間有峒賊數萬號四營頭左營張安者最強楊廷麟劉同升等招之復撫州又復臨江於是廷麟等請上出江右何騰蛟請出湖南浙中諸將請幸衢州原任臨清知州金堡陛見言騰蛟可恃芝龍

小腆紀傳 卷三

九

不可恃急宜棄閩幸楚上大喜即授堡兵科給事中決意出贛州幸長沙遣大學士蘇觀生先赴南安募兵十一月命修思宗實錄幸太學下詔親征以唐王聿劍鄧王鼎器監國首輔何吾騶隨營曾櫻鄭芝龍留守司轉餉吳震文為隨營兵部侍郎王觀光為隨營戶部侍郎鄭鴻達為御營左先鋒出浙江鄭彩為御營右先鋒出江西先期類於上帝禋於太廟禱於社稷駕幸西郊行推轂禮為壇設高皇帝烈皇帝位御翼善冠詣壇所百官陪位武臣戎服聽事上皮弁升壇拜謁立於神位西南面御營先鋒北面跪兵部授鉞上東向揖之賜錢光祿寺授爵御營先鋒跪受爵誠勞畢謝恩出率將士跪壇下上甲冑誓師乃鳴金鼓揚旌而出當授鉞時風雨晦



冥壇上燭盡滅神位皆仆鴻遠出城馬蹶踏地識者知其不祥焉是月陝西都督同知孫守法起兵復鳳翔進攻西安不克十二月甲申上發福京遣錦衣衛康永甯乞師於安南國江西巡撫劉同升卒以總督萬元吉兼巡撫事壬寅督師黃道周敗績於婺源被執我

大清兵克撫州知府高飛聲死之右僉都御史陳泰來起兵復上高新昌甯州萬載進攻撫州敗績死之是月雲南土司沙定洲作亂黔國公沐天波走楚雄連陷旁郡詳滇黔難忠義傳我

大清順治三年丙戌春正月己酉朔上在建甯稱隆武二年以三大罪自責不受朝賀交吐日本國遣使入貢廣東布政

小腆紀傳

卷二

十

使湯來賀解餉至行在擢戶部右侍郎馬士英自浙東叩關求入朝諭守關將士勿納士英七疏自理不許鄭芝龍方國安合疏薦之命充爲軍前辦事官俟恢復杭州復職浙東魯監國遣柯夏卿曹維才來聘上賜監國手敕曰朕無子王爲皇太姪朕有天下終致於王同心戮力共拜孝陵命取浙東所用職官盡列朝籍不分彼此加夏卿兵部尚書維才光祿寺少卿又命僉都御史陸清源解餉十萬稿浙東江防諸軍方國安兵譁奪餉殺清源自是閩浙釁益深或曰馬士英部將趙體元殺之也何騰蛟會師湘陰忠貞營李赤心遇大清兵而敗諸鎮兵遂不進授丹徒諸生錢邦芑爲御史大學士熊開元爭之改兵部司務尋復授御史開元遂乞罷以

蘇觀生兼吏兵二部尚書行在文淵閣大學士賜尙方劍便宜行事上御門賜銀印曰瞻奉南北山陵安集軍民文武官授方士蔡鼎爲軍師是月癸亥福京大雷電甲子雨雹大如斗晝晦不相見浙西金有鑑再攻長興敗死沙賊寇楚雄游擊王承憲敗死金滄副使楊長知悉力禦之分兵陷武定參將高其勳死之陷大理指揮陳禎死之陷太和縣丞王士傑教授段見錦經歷楊明盛前同知蕭時顯舉人高拱極等死之陷通海典史單國祚死之四川眉州義民陳登嶧起兵破獻賊於醴泉河二月馬膺嶺兵變命路振飛往浦城安撫丁亥大雨雹晝晦不相見詔寬逆案之禁上曰北京陷於東林南京亡於魏黨厥罪惟均其黨附概予洗濯以觀後效廣西

小腆紀傳

卷三

十一

有僧自稱宏光帝貴州撫臣俞思恂以聞詔議迎請廷臣曰卽眞宏光甫經失國有尊奉而無迎請審知其僞下獄誅之尋有木堅李之秀者自稱原任兩司召對以原官補用發覺伏誅亨嘉俘至行在下諸王議廢爲庶人以幽死其黨推官顧奕總兵楊國威等皆伏誅封丁魁楚平粵伯加瞿式耜兵部侍郎式耜辭不許以晏日曙巡撫廣西鎮國將軍常采起兵蘄州敗績死之封孫守法武大定爵爲伯三月戊申朔督師大學士黃道周殉節南京事聞輟朝哭贈文明伯時江楚迎駕疏相繼至上決意出汀入贛與湖南爲聲援鄭芝龍不欲上行使軍民數萬人遮道號呼擁駕不得前芝龍因表請回天興上不得已駐延平以府署爲行宮封朱成功爲忠孝



伯掛招討大將軍印命前大學士傅冠總理湖南勦撫事冠  
十二疏乞罷許之左都御史張肯堂疏請北征詔加少保賜  
尙方劍便宜行事實無一兵也尋兵科給事中徐孚遠自松  
江航海至上水師合戰議請以水師千人由海道與浙東陸  
師會於金陵詔進肯堂大學士以太常卿朱永祐吏部郎中  
趙玉成兵科給事中徐孚遠蘇州推官周之夔爲參軍以平  
海將軍周鶴芝將前軍定洋將軍辛一根將中軍樓船將軍  
林習將後軍行有日矣鄭芝龍尼之不克行我

大清兵克奉鄉監軍道許文龍死之辛未克吉安職方主事  
郭銀死之萬元吉退保贛州是月四川參將楊展復川南諸  
州縣督師王應熊總督樊一蘅乃檄諸路兵討獻賊賊大殺  
小騰紀傳 卷三 十三

遺民率眾東下展逆戰於江口大破之賊走還成都夏四月  
庚辰萬壽節不受賀命禮臣追復建文年號立忠臣方孝孺  
祠鄭彩棄廣信奔入杉關我

大清兵遂克撫州永甯王慈炎死之報至舉朝震驚詔削彩  
職戴罪圖功我

大清兵克鉛山兵科給事中胡夢泰兵部員外郎萬文英主  
事唐偈死之克新城知縣李翔死之五月丙午朔我

大清兵進逼贛州巡撫劉廣胤戰敗被執楊廷麟萬元吉悉  
力固守擢兵科給事中揭重熙爲僉都御史巡撫江西加吏  
部尙書郭維經總督湖南北江西廣東浙江福建軍務銜募  
兵援贛州擢湖廣監軍道章曠爲右僉都御史巡撫湖北琉

球國入貢廷試貢生取萬荆等十二人爲萃士照庶吉士例  
送翰林院教習先是魯監國遣都督陳謙入閩久駐衢州自  
云魯已爵爲侯邀封爵上命取侯印爲驗謙齎印至行在御  
史錢邦芭請誅之芝龍亟入朝請以官贖不得命由是益萌  
異志乙丑天狗星隕是月壬申浙東江上兵潰方國安劫魯  
監國走紹興肅鹵侯黃斌卿殺監軍道荆本澈太湖諸生張  
飛遠襲金山衛不克六月開科取士命流寓諸生皆入試廣  
額七十名以編修劉以修閔肅充主考官舉人葉瓊等百七  
十五人有許士以賄進者命覆試落四名逮同考推官王三  
俊下獄追賊温州總兵賀君堯殺前大學士顧錫疇以元子  
誕生大赦進諸臣爵錢邦芭疏諫不聽釋僉都御史田闢於

小騰紀傳 卷三 十三

獄前南贛巡撫李永茂遣粵兵五千援贛戰於李家山圍暫  
解粵兵退守南康時贛城堅守已久上諭獎賜名忠誠府加  
楊文薦右僉都御史偕郭維經出閩援贛與楊廷麟萬元吉  
爲協守計既而浙東報至我

大清兵以是月一日渡錢塘江魯監國航海去連陷紹興東  
陽金華衢州嚴州張國維朱大典等皆死詳魯紀傳鴻達駐  
關外聞警徒跣疾行三日抵浦城事聞削鴻達爵芝龍時已  
通款於洪承疇託言海寇至撤兵回安海守關將士皆隨去  
仙霞嶺空無一人惟所遣守關文臣及內官數人偵探報聞  
而已是月我

大清兵復定陝西孫守法所得州縣復失聲勢寢衰退保五



郎山武大定敗於興安遁入蜀太湖義師潰忠義伯兵部尚書吳易被執至杭州不屈死之江東義師略盡矣七月己巳上御門內侍捧小匣置御前諭羣臣曰朕本無利天下心以勤輔擁戴不得已勉徇羣策浣衣糲食有何人君之樂朝夕乾惕恐負重付豈意諸臣已變初志昨巡閱之使得爾等出關迎降書二百餘封今俱在此朕不欲知其姓名也今命錦衣衛焚之午門爾諸臣有名者尙洗心滌慮倘能竭節奉公不渝終始是所望也上長身豐頤聲如洪鐘聞者悚息於是擇日赴贛州時楚督何騰蛟遣郝永忠將兵奉迎甫抵韶州而我

大清兵已過衢州矣是月獻賊毀成都走川北八月甲午上

小腆紀傳

卷三

十四

知仙霞不可守決意幸贛自延平出奔宮眷皆騎猶載書十餘篋以從從者輔臣何吾騶朱繼祚黃鳴俊數人而已乙未

大清兵入仙霞關守浦城御史鄭爲虹給事中黃大鵬死之

丁酉取延平知府王士和死之我貝勒既克延平詢知上由

汀州趨江右乃親統

大兵取福京而分遣降將李成棟引兵追上是日上發順昌

聞追兵已至劍津倉卒就道妃媵有一騎而三人者福清伯

周之藩給事中熊緯將兵五百人隨扈庚子抵汀州明日五

鼓有數十騎稱扈蹕者突入行宮之藩緯皆鬪死上與曾后

遇害於汀州府之大堂或曰遇害於福京后投九龍潭死亦

曰死於建甯或又曰建甯代死者爲唐王聿錞汀州代死者爲張致遠上實未死後朱成功屯兵鼓浪嶼有遣使存問諸臣者云爲僧於五指山然亦莫別眞僞也殉難可紀者自之藩緯外文臣則戶部尚書姜一洪編修徐復儀御史王國翰艾南英郎中賴垓武臣則總兵胡上琛百戶閔時或追扈力竭死或聞難自盡死福京殉難者禮部尚書曹學佺定遠侯鄧文昌中書舍人鄭羽儀其最著者也時廣信亦破巡撫周定仍副使胡奇偉同知胡甲桂死之降臣馬士英阮大鍼方逢年方國安爲我

大清貝勒勒克德渾所誅總督江西義師僉都御史揭重熙翰林院檢討傅鼎銓謀援福京不及重熙次王洞鼎銓次樂

小腆紀傳

卷三

十五

安九月上杭人執職方主事李魯以降於我

大清魯不屈死之前大學士蔣德璟卒於泉州冬十月贛城

聞汀州之訃全城氣索丙子城破楊廷麟萬元吉郭維經楊

文薦等皆死之詳見列傳永曆帝立遙上尊號曰思文皇帝

丁酉春上諭曰紹宗襄皇帝

紹武諱聿鏞隆武帝之第四弟也隆武改元封唐王以主唐

祀丙戌閩敗浮海至廣州鎮將林察迎之時兩廣總督丁魁

楚已奉永曆帝監國肇慶故大學士蘇觀生自南安遣主事

陳邦彥奉表勸進貽魁楚書欲與共推戴事魁楚拒之觀生

乃自南韶旋師廣州有番禺梁朝鍾南海關捷先倡兄終弟

及議觀生遂與舊輔何吾騶侍郎王應華曾道唯布政使顧



元鏡以十一月癸卯朔擁王監國丁未立為皇帝稱號紹武以都司署為行宮封觀生為建明伯進吾騶等秩旋與應華等並拜東閣大學士分掌諸部軍國事則觀生掌之按日舉行幸學大閱郊天祭地諸鉅典一月覃恩數次舉朝無三品以下官凡宮室服御兩簿倉卒不辦通國奔走夜中如白晝至有假冠服於優伶者市人傳以為笑永曆帝聞王已建號命給事中彭耀主事陳嘉謨齎詔至廣州諭止復召見陳邦彥於舟中令齋救繼至耀嘉謨語不遜王怒殺之邦彥聞之不敢入遣人以教授觀生觀生頗不自安而事已不可中止乃命番禺人陳際泰督師拒桂兵於三水為桂總督林佳鼎所敗十二月甲戌佳鼎乘勝至三山口唐總兵林察遣海盜

小腆紀傳

卷三

十七

詐降乘風縱火桂僉事夏四敷赴水死桂總兵李明忠急以所部登岸列營泥淖深三尺人馬盡陷明忠以三十騎走免肇慶大震唐桂方相持未下而降將李成棟率

大清兵已自閩入廣惠潮望風下用兩府印移牒廣州報平安觀生信之不為備當是時廣州陸寇有花山寨水寇有石徐馬鄭四姓觀生皆撫而用之授以總兵官顧桀驚不能聽節制白晝殺人市中懸其腸於貴官之門以示威莫敢問者七門之外號令不行十五日丁亥王方閱射百官朝服行禮

俄報

大清兵已逼觀生以為妄言或眾已自東門入始召兵登城戰倉卒不能集城遂陷王急易服踰垣匿王應華家俄為追

騎所獲安置東察院饋之食不食曰我若飲汝一勺水何以見先人於地下遂投縋死周益遠等二十四王俱遇害觀生及太僕寺卿霍子衡國子監祭酒梁朝鍾行人梁萬爵死之吾騶等皆降

小腆紀傳

卷三

十七

小腆紀傳卷第三終

男承禮編輯

仁和魏錫曾參校  
會稽梁繼元覆校



小腆紀傳卷第四

前翰林院檢討加詹事府贊善銜六合徐爾  
紀第四

永歷上

永歷帝神宗之孫桂端王常瀛少子也諱由榔崇禎九年封  
永明王十六年張獻忠陷衡州王由永州入粵西為賊所執  
繫道州征蠻將軍楊國威遣部將焦璉攀城破械出之王病  
不能行馳負王趨渡河獲免南都之亡也廣東在籍尙書陳  
子壯將奉端王監國會隆武帝立議遂寢端王薨於蒼梧長  
子安仁王由櫻襲封居肇慶病篤召巡撫瞿式耜入屬以王  
自言為再生伽藍弟亦羅漢先生好輔之安仁王薨隆武帝

小腆紀傳

卷四

以王襲封詔中有天下王之天下語又嘗語羣臣曰永明王  
神宗嫡孫統系最正朕無子後當屬諸隆武二年丙戌八月  
駕陷汀州變聞總督丁魁楚暨式耜與巡按御史王化澄鄭  
封知府朱治澗錦衣衛僉事馬吉翔太監龐天壽等議監國  
而舊臣呂大器李永茂晏日曙湯來賀董天閔周鼎翰方以  
智林佳鼎程源等先後至僉謂王統系正賢而當立乃以冬  
十月十四日丙戌監國肇慶祭告天地宗廟以府署為行在  
頒詔楚滇黔蜀以魁楚為東閣大學士兼戎政尙書大器為  
東閣大學士兼兵部尙書式耜以大學士兼吏部右侍郎永  
茂請終制化澄以下進爵有差封狼兵帥李明忠為武靖伯  
壬辰湖廣督師何騰蛟巡撫堵胤錫奉表勸進以馬吉翔郭

承吳巖雲從吳繼嗣為錦衣衛使以前太監王坤為司禮監  
秉筆太監進定蠻伯劉承胤爵為侯鎮寶慶是月我

大清兵取興化知府劉永祚死之取漳州漳南道傅雲龍知  
府金麗澤知縣涂世名死之十一月癸卯朔日有食之聞贛  
州報丁魁楚王坤奉王奔梧州瞿式耜止之不聽丁未前大  
學士蘇觀生奉唐王聿錫稱帝於廣州事聞魁楚謂不即位  
無以厭人心而號召天下奉王以甲寅日還肇慶以十八日  
庚申即皇帝位仍稱隆武二年以明年為永歷元年大赦天  
下是日和風旭日有五色大鳥從南來集殿上士民歡呼謂  
中興可卜追尊皇考桂端王曰端皇帝尊繼母太妃王氏為  
慈甯皇太后生母馬氏為皇太妃冊妃王氏為皇后隆武

小腆紀傳

卷四

尊號曰思文皇帝后曰思文皇后封太后弟王國璽武靖伯  
太妃姪馬九功鎮遠伯后父王略長洲伯進督師何騰蛟為  
武英殿大學士加太子太保以瞿式耜為文淵閣大學士以  
朱容藩掌宗人府事命兵科給事中彭耀主事陳嘉謨宣諭  
廣州為蘇觀生所殺乃以兵部右侍郎林佳鼎督師三水以  
拒廣州兵加陳子壯中樞殿大學士兼兵部尙書節制兩廣  
江西福建湖廣軍務時子壯居廣州之九江郵陰致書瞿式  
耜請兵東向故有是命癸亥前大學士傅冠被執至汀州不  
屈死之庚午李明忠敗廣州兵於三水是月丁巳鄭芝龍降  
於我

大清丙寅鄭彩奉監國魯王次中左所尋改次長垣詳魯紀



傳不具錄十二月癸酉朔招討大將軍忠孝伯朱成功起兵海上甲戌林佳鼎與廣州兵戰於三山口敗績內批以王化澄為兵部右侍郎代佳鼎督師尋代呂大器為尚書起復李永茂為東閣大學士知經筵永茂與太監王坤不合辭官去坤復疏薦海內人望數十人給事中劉肅疏論之御史童琳亦劾都御史周光夏私亂臺規上怒奪肅官下琳廷杖罷式

和力持之得寢丁亥降將李成棟以我

大清兵入廣州聿錡及蘇觀生皆自殺報至瞿式耜請守峽

口不從丁酉上奔梧州以朱治澗為兩廣總督守肇慶是月

江陰黃毓祺徐趨起兵襲縣城不克趨死之我

大清肅親王豪格誅獻賊於鳳凰山其餘黨孫可旺等陷佛

小腆紀傳 卷四

圖關平蜀侯曾英死之我兵取重慶巡撫馬乾死之我

大清順治四年丁亥春正月癸卯朔上在梧州稱永曆元年

戊午李成棟以我

大清兵取肇慶朱治澗棄城走上奔平樂瞿式耜從丁魁楚

王化澄李永茂晏日曙皆棄上去會前都御史張家玉舉人

韓如璜起兵復東莞與兵科給事中陳邦彥合兵攻廣州我

總督佟養甲呼成棟還救式耜乃奉上由平樂如桂林加式

耜太子太保遣使趣何騰蛟入衛乙丑我

大清兵取高州雷州廉州辛未取梧州巡撫曹燧降副使陳

象明蒼梧縣丞巫如衡死之取平樂布政使耿獻忠降取潯

州武靖伯李明忠降朱容藩以罪削職尋復之是月丁魁楚

為李成棟所殺孫守法退屯石子城孫可旺陷邊義二月召前大學士王錫袞前禮部尚書文安之入閣周堪廣為戶部尚書郭都賢為兵部尚書道阻皆不至以翰林學士方以智為東閣大學士劉遠生為刑部尚書壬午月掩歲星於東井陳邦彥復順德定蠻侯劉承胤以兵入衛駐全州丙戌上幸全州式耜疏止之不聽進式耜文淵閣大學士兼吏兵二部尚書留守桂林以焦璉兵隸之進承胤為安國公命思恩侯陳邦傳守昭平以禮部右侍郎吳炳兼東閣大學士入閣辦事丙申我

大清兵取長沙何騰蛟檄諸鎮赴援不至走衡州我兵遂取

湘陰守將王進才大掠而遁是月孫守法退守石龍谷孫可

旺陷貴陽布政使張耀死之陷定番僉事曾益死之陷永甯

知州曾異撰死之三月甲辰順德復陷陳邦彥退據下江門

戊申瀏陽伯董英降於我

大清乙卯我

大清兵攻桂林留守瞿式耜率焦璉禦卻之劉承胤遣兵赴

援至則我師已退因留助守戊午張家玉再復東莞己未兵

部尚書詹兆恆自懷玉山出攻開化敗績死之是月孫守法

復甯州拔興安之喬麥山石屏副將龍在田苦沙寇之亂乃

乞師於孫可旺可旺始入雲南既敗沙賊於革泥關遂屠曲

靖巡按羅國瓛僉都御史朱壽琳知府焦潤生推官夏衍虞

死之陷南甯知縣陳六奇死之陷廣通在籍同知張朝綱闖

州



門死之陷姚州知州何思舉人席上珍金世鼎死之陷武定  
同知楊于陸死之陷師宗署知州徐道興死之進逼楚雄舉  
人杜天楨死之巡撫楊畏知拒之於祿豐可旺願受約大理  
及迤西八郡得免於禍可旺移檄永昌迎沐天波歸省垣索  
道府印署金騰道王運開署知府劉廷標不屈死別部李定  
國掠河西在籍巡撫耿廷錄死之陷晉甯知州冷陽春呈貢  
知縣夏祖訓舉人段伯美諸生余繼善耿希哲等死之江川  
夏四月江西大旱壬申朔進張家玉兵部尙書兼副都御史  
提督嶺東軍務聯絡漳湖癸酉我

大清兵取衡山乙亥我

小腆紀傳

卷四

五

大清兵取瓊州封錦衣衛指揮馬吉翔郭承吳嚴雲從等爲  
伯御史毛壽登爭之吉翔怒激劉承胤脅上下壽登及劉湘  
客吳德操萬六吉廷杖承胤又伴爲申救得免皆奪職遂劫  
上如武岡政事皆決於承胤矣太常寺卿潘應斗棄官去是  
月陝西興安陷伯孫守法死之辛巳降將孔有德耿仲  
明尙可喜以我  
大清兵分道取湖廣癸未取衡州殺黃朝宣甲申白虹貫日  
我兵取永州王允成走辰州馬進忠走沅州盧鼎郝永忠走  
道州時湖南州縣瓦解督師何騰蛟還駐白牙市兵部右侍  
郎章曠還駐東安太常寺少卿程源以罪削職丙戌降將吳  
勝兆謀叛我

大清以松江歸監國魯王事覺爲洪承疇所誅戶部侍郎沈  
廷揚兵部侍郎左都御史陳子龍死之詳魯紀傳降將王光  
泰亦於是月以襄陽叛我

大清來歸進踞鄖陽事聞封鎮武伯朱成功復海澄五月福  
建江西大水辛丑朔新安陷庚戌揚州地震甲寅改武岡州  
爲奉天府以周鼎瀚爲東閣大學士同劉承胤入直以貴州  
總督李若星爲吏部尙書甲子常德陷承胤援桂林兵與焦  
璉兵主客不和擊傷璉大掠城中而去瞿式耜檄誅首惡二  
十餘人劾承胤馭兵無狀璉兵亦出城赴黃沙鎮我  
大清聞亂復攻桂林璉還桂林與

大清兵連戰城下卻之戊辰和平陷知縣李信死之論保桂

小腆紀傳

卷四

六

林功晉瞿式耜少師兼太子太師封臨桂伯焦璉新興伯擢  
巡按廣西御史魯可藻爲巡撫副將周金湯復永州是月劉  
承胤以長沙失守奏解何騰蛟兵柄上不許遣中使召騰蛟  
入朝計事以雲南總兵趙印選胡一青兵隸之六月庚午朔  
騰蛟朝行在陞辭賜銀幣命廷臣饑之郊承胤伏甲襲之不  
克堵胤錫疏劾承胤而總兵張先壁自江西擁潰兵入楚劾  
承胤專權請以兵入朝高必正李赤心亦請就食湖南承胤  
懼乃請命騰蛟駐衡州督師加胤錫東閣大學士賜尙方劍  
駐長沙時衡州長沙俱失二臣但擁虛號而已湖南流寇曹  
志建王朝俊以其眾降賜爵侯伯有差秋七月甲辰陳子壯  
會陳邦彥共攻廣州敗績子壯走還九江邨邦彥奔三水兵



部右侍郎湖南巡撫章曠卒於軍前福建提學道毛協恭被執於建甯不屈死之是月朱容藩僭監國就於四川初容藩由辰州入施州衛假稱楚世子天下兵馬副元帥又以李占春于大海兵敗我

大清兵於萬縣之湖灘遂稱監國時干戈阻道文告不通川中諸將不知其偽也八月己巳朔以戶部侍郎嚴起恆為東閣大學士時清遠指揮白常燦以城迎邦彥御史麥而炫起兵復高明迎子壯入守之李成棟往來追擊不能西顧於是焦璉以其間復陽朔平樂陳邦復梧州縣丞徐定國復懷集全粵少定方擇日迎駕返桂林而我

大清兵克寶慶辛卯進逼奉天劉承胤舉城降大學士吳炳小腆紀傳 卷四 七

兵部尚書傅作霖死之商邱伯侯性部將謝復榮借馬吉翔奉上及三宮走靖州復榮戰死性與太監龐天壽將兵追扈於古泥關上乃由通道縣入蠻境達柳州晉性祥符侯天壽掌司禮監印我

大清兵取沅州偏沅巡撫傅上瑞迎降前貴陽巡撫米壽圖死之克黎平總兵蕭應死之時高明亦陷督師東閣大學士陳子壯御史麥而炫主事朱實蓮皆死之是月朱成功會師泉州之桃花山在籍御史沈佺期等起兵應之進攻泉州不克九月己亥朔上次靖州我

大清兵克清遠兵科給事中陳邦彥指揮白常燦生員朱學熙死之是月川北總督李乾德以袁韜兵復重慶前南昌知

縣劉曙被執至南京不屈死之冬十月戊辰朔上如柳州瞿式耜連疏請還蹕桂林上諭曰西陲朕根本地先生竭力守此異日國家再造先生功實多辛未太白經天丁丑土司覃鳴珂與守道龍文明聞於柳州文明走鳴珂大掠矢及上舟上倉卒奔象州兵部尚書張家玉與李成棟戰於增城敗績死之降將耿仲明以我

大清兵取永州遂取全州守將王允成唐文曜守道馬鳴鸞皆降克辰州榮王由楨死之克黔陽閩部李若符翰林院待詔邱式耜死之是月監國魯王頒監國三年戊子大統歷於海上朱成功未聞粵中即位詔又不欲奉魯監國乃頒隆武四年戊子大統歷於海上於是海上有二朔矣十一月戊戌小腆紀傳 卷四 八

朔上在象州我 大清兵進逼全州何騰蛟督諸軍禦卻之逼梧州上走南甯

道阻不果乃命王化澄吳貞毓龐天壽護三宮前往而與馬吉翔遡十八灘返桂林是月容藩使李占春襲袁韜營不克王祥復以其眾與韜戰亦不克時容藩欲立威總督李乾德亦挾詐翦除異己川事益壞十二月丁卯朔日有食之己巳上至桂林自幸柳幸象票擬皆錦衣衛馬吉翔主之式耜勸上攬大權明賞罰親正人上嘉納之初湖南失陷郝永忠盧鼎趙印選之眾還入桂林人情惶駭式耜與督師何騰蛟大學士嚴起恆御史劉湘客議分地給諸將俾各自為守全州之役騰蛟集諸將誓神前分道出戰大敗我師連營亘三百



里軍聲頗振而諸將主客不和比騰蛟出屯永福而焦璉走平樂郝永忠壁興安式耜騰蛟亦無如何也是月鄞縣華夏屠獻宸王家勤等謀以甯波歸監國魯王不克所謂五君子翻城之獄也詳魯紀傳我

大清順治五年戊子春正月丁酉朔上在桂林稱永曆二年以百官星散免朝賀遣大理寺評事朱宿垣諭廣西左右兩江及雲南土司勤王論全州戰功晉何騰蛟定興侯太師上柱國兼兵部尚書趙印選新甯伯胡一青興甯伯焦璉新興侯周金湯熊兆佐馬養麟等掛印有差論川省收復州縣功晉樊一蘅太子太傅戶兵二部尚書擢巡按御史錢邦芑石僉都御史巡撫四川封楊展華陽伯王祥棊江伯諸將晉爵

小腆紀傳

卷四

九

有差又川將趙榮貴以保甯來歸封定隨侯監軍僉事詹天顏奏復龍安茂州擢天顏巡撫順慶潼縣以總兵皮勛守平溪是月癸亥降將金聲桓借其黨王得仁以南昌叛我

大清來歸二月鳳陽地震我  
大清兵攻平溪總兵吳尙慮等死之克永甯寨貴溪王常澁總兵項登韋死之克黎平寨奉國將軍暉奎死之丁亥郝永忠敗績於興安自靈川入桂林大掠上走南甯遂劫瞿式耜出城日中滇營兵入城大掠詔何騰蛟入援我

大清兵遂乘之取全州中書舍人周震守備孟泰皆死之克興安之巖關總兵某某皆死之辛巳鎮江地震辛卯白虹貫日是月王得仁克九江尋引還會金聲桓攻贛州三月丙申

朔瞿式耜何騰蛟入於桂林焦璉周金湯熊兆佐胡一青先後統兵至軍勢復振乙巳上如南甯命嚴起恆王化澄人閣起恆兼吏部尚書龐天壽掌司禮監加南甯守道趙臺巡撫銜其餘隨駕者馬吉翔暨兵部尚書蕭琦科臣許兆進吳其濤尹三聘洪玉鼎洪士彭數人而已時君臣資斧乏絕嚴起恆懸示通衢廣為開選二十四土州檳榔鹽布諸貢及土樂戶皆註仕籍假府學明倫堂為公座蒞任地旗幟軒蓋僂僂磬折日以百數贊禮生為之驕貴安南國遣使入貢丁巳我大清聞郝永忠之亂以

大兵直抵桂林北門何騰蛟督焦璉周金湯熊兆佐胡一青分門出戰大敗之乃列營榕江進荆江伯張先壁為侯我

小腆紀傳

卷四

十

大清以江西亂引兵北還式耜乃檄諸鎮復全州巡撫魯可藻復梧州疏達行在候天子三宮起居上聞式耜無恙大喜璽書褒美賜紗段銀兩周鼎瀚免以禮部侍郎朱天麟為尙書尋進東閣大學士陳邦傳自請世守廣西不許進呂大器少傅代王應熊督師賜尙方劍便宜行事是月前兵部尚書周損知府傅夢鼎典史傅謙之等奉石城王統錡起兵六安佃人米喇印丁國棟奉延長王識鏞起兵蘭州皆不克死之夏月明閏三月丙寅朔元子慈烜生冊為太子大赦瞿式耜進八箴乙亥降將李成棟以廣東叛我  
大清來歸遣洪天擢潘曾緯李綺齋奏赴南甯迎駕時陳邦傳與趙臺相讐殺行在人心皇皇乍聞成棟來歸驚疑百端



天擢等力陳成棟忠誠且述江西金聲桓事甚悉人心始安  
召前四川巡撫毛芝瑞為吏部左侍郎未至卒是月前吏部  
員外郎華允誠被執至南京不屈死之閏四月明四月乙未  
朔遣吏部侍郎吳貞毓祥符侯侯性勞李成棟軍封成棟惠  
國公佟養甲襄平伯杜永和江甯伯羅成耀寶豐伯董方策  
宣平伯郝尚久新泰伯張月博興伯閔可義武陟伯加齋奏  
速駕之沈原渭為副都御史於是羣臣伏處者爭出又有考  
貢之旨能握管書字者投呈就試章服錯亂漫無等威五月  
乙丑朔日有食之何騰蛟復全州降將陳友龍復以武岡州  
來歸我

大清兵逼南昌金聲桓王得仁自贛州引還既入城我兵樂  
小廉紀傳 卷四 十一

長圍守之遂大困是月朱成功復同安六月甲午朔有流星  
入於箕尾封金聲桓豫國公王得仁建武侯初聲桓歸明半  
年尚稱隆武四年有舊臣至述閩陷廣立之詳始改稱永曆  
遣人間道齋佛經置密疏其中赴南甯輸款表自署豫國公  
詔改封昌國聲桓頗鞅鞅致書朝臣請還故封久之始如所  
請甲辰上幸潯州陳邦傳以世守廣西要請乃封邦傳慶國  
公以再復湖南州縣晉馬進忠王進才李赤心高必正爵為  
公秋七月甲子朔上次梧州謁興陵成棟使部將羅成耀將  
兵迎駕八月癸巳朔上還肇慶以成棟為翊明大將軍其養  
子元胤為錦衣衛指揮使曹燧為兵部尚書耿獻忠為工部  
尚書袁彭年為都察院左都御史召瞿式耜入閣辭不至甲

辰命成棟攻贛州以救南昌盜殺兵部右侍郎劉季鏞前大  
學士路振飛航海朝於行在是月督師呂大器討朱容藩誅  
之我

大清兵克同安朱成功部將邱縉林壯猷金作裕知縣葉翼  
雲教諭陳鼎皆死之成功遣前中書舍人江于燦黃志高奉  
表行在九月癸亥有火星自東隕有聲壬午何騰蛟復永州  
遂復衡州是月前洧川知縣王燭復廬州再攻霍山不克冬  
十月監軍御史余繼起職方主事李甲春復寶慶馬進忠復  
常德堵胤錫招李赤心於夔州令進忠以常德讓之進忠怒  
大掠走武岡王進才亦棄寶慶走既赤心至常德不入引兵  
走長沙諸營皆潰湖南新復州縣為之一空楚事始不可為

小廉紀傳 卷四 十一

矣丁巳李成棟之師潰於贛州城下封朱成功為威遠侯十  
一月佟養甲伏誅以李元胤署吏部尚書堵胤錫率李赤心  
等敗降將線國安於湘潭遂復益陽湘潭湘鄉衡山等縣進  
圍長沙弗克是時南昌圍急成棟駐信豐勢不復振總督義  
師兵部尚書揭重熙侍郎傅鼎銓前督師余應桂前工部侍  
郎劉士楨九江生員金志遠僧了悟建昌人孔徹元徹哲兄  
弟蔡觀光各起兵援南昌先後敗死陝西自孫守法死後義  
旅散亡會降將姜瓖以大同叛我

大清來歸在籍鄉官萬練劉遷王永強皆舉兵應瓖練踞偏  
關復甯武岢嵐保德遷略雁門關及代州繁峙五臺等縣永  
強據榆林窺西安於是前甯夏巡撫李虞夔起兵平陸克潼



關及蒲解二州十二月辛卯朔我

大清兵援長沙李赤心大掠湘潭而遁召弋陽王某於建陽山中不至我

大清順治六年己丑春正月庚申朔上在肇慶稱永歷三年是日大雷雨風雹免朝賀丁卯李成棟殺宣忠伯王承恩尋殺大學士朱由棖壬申朱天麟罷召黃士俊何吾騶入閣戊寅我

大清兵克南昌金聲桓王得仁伏誅前大學士姜曰廣死之江西全省復陷庚辰陷湘潭督師定興侯何騰蛟死之丁亥定隨侯趙榮貴與我

大清兵戰於龍安栢峪口敗績死之是月我兵之在桐院者

小腆紀傳

卷四

十三

克舒城潛山諸寨侯應龍等死之二月庚寅朔張先壁攻辰州不克甲寅長沙復陷乙卯成棟之兵潰於信豐溺死初江廣反正楚軍奏捷中外謂興復可期一朝崩潰舉朝大駭至有冒雨逃者贈騰蛟中湘王諡忠烈成棟甯夏王聲桓南昌王設壇致祭三月丙寅以杜永和為兩廣總督守廣州羅成耀兼巡撫銜守南雄賜瞿式耜彤弓鐵鉞督視江楚各省軍馬李赤心軍潰於茶陵大掠衡永郴桂走廣西堵胤錫以胡一青趙印選兵守衡州是月揭重熙招江西故將張自盛洪國玉曹大鎬李安民四營兵駐甯都石城間傅鼎銓亦合浙東徐孝伯軍駐徐博圖復江西朱成功屯兵分水關圖復惠潮江陰黃毓祺被執至南京不屈死之夏四月太白入月堵

胤錫敗績於衡州之草橋走龍虎關守將曹志建襲之胤錫

走梧州是月孫可望遣雲南巡撫楊長知兵部郎中龔彝奉

表乞封王爵乃封可望景國公賜名朝宗劉文秀李定國為

列侯加長知兵部尚書彝兵部侍郎偕大理卿趙昱衍命入

雲南五月以兵部侍郎張同儔總督軍務盜殺兵部侍郎程

响於界口趙印選胡一青王永祚率所部至桂林隸瞿式耜

晉印選開國公一青興甯侯永祚甯遠伯分守桂林全州是

為滇營既以部眾多劫掠焦璉部將趙興惡而攻之殺滇兵

四五人幾大閱璉不得已斬興以謝滇營事得釋六月己丑

朔袁彭年免甲辰堵胤錫自梧州朝於行在加文淵閣大學

士封光化伯命督師梧州節制忠貞忠武忠開諸營秋七月

小腆紀傳

卷四

十四

胤錫承制封孫可望為平遠王可望不受瞿式耜疏劾己革

巡撫魯可藻不守制以南雄固守遣內侍齎救獎武陟伯閔

可義誅副將楊大甫焦璉趙印選遣兵圍永州我

大清兵復取永甯州胡一青還守榕江瞿式耜檄一青進屯

全州廷臣集議慈甯宮發餉萬兩給式耜晉封朱成功為廣

平公八月焦璉部將劉起蛟敗績於興安是月李乾德殺華

陽伯楊展九月陳邦傅部將曾海虎劫監軍御史毛壽登於

途式耜檄誅之是月陝西平陸山寨陷前僉都御史甯夏巡

撫李虞夔及其子宏皆死之冬十月我

大清兵攻道州曹志建禦卻之己丑馬進忠復武岡尋復寶

慶靖州庚關陷羅成耀不敢進次於韶州何吾騶王化澄罷



始命閣臣擬旨於文華殿封皮熊為匡國公鎮守貴州王祥為忠國公鎮守雲南以備孫可望也是月監國魯王入於舟山十一月丙辰朔我

大清兵克延平之將軍寨德化王慈燧死之降將孔有德自將救永州分兵敗巡撫鄭愛於燕子窩愛與副將陳勝彭昌高勝談玉等皆戰死辛巳督師大學士堵胤錫卒於潯州十二月丙申王永祚敗績於永州張同敞檄楊國棟駐全州戊申以史館乏員上親試士取劉蒞錢秉鐙楊在李來吳龍楨姚子壯涂宏猷楊致和八人授庶吉士封李建捷為安肅伯

小腆紀傳

卷四

十五

小腆紀傳卷第四終

男承禮編輯  
仁和魏錫曾參校  
會稽梁繼元覆校

小腆紀傳卷第五

前翰林院檢討加詹事府贊善銜六合徐肅謀

紀第五

永歷中

我

大清順治七年庚寅春正月乙卯朔上在肇慶稱永歷四年晉李元胤車騎將軍爵南陽伯固辭不許丁巳南雄陷守將武陟伯閔可義死之羅成燧棄韶州走尋伏誅辛酉上出奔命元胤督理各營軍務留守肇慶戊辰我

大清兵至韶州南澳總兵吳六奇降進逼廣州杜永和自虎門入城固守庚辰上至梧州黃士俊罷召朱天麟入直命陳

小腆紀傳

卷五

十六

邦傅高必正會兵援廣州二月丁亥給事中丁時魁金堡蒙正發翰林院侍讀劉湘客以罪下獄尋遣戍戊戌武岡復陷奉天總督劉祿監軍御史毛養登死之馬進忠退保靖州己酉我

大清兵攻廣州叛將羅守誠伏誅博興伯張月安肅伯李建捷總兵吳文獻等力戰不下是月惠州總兵黃應傑巡道李士璉知府林宗京執趙王由棧及郡王十三人以叛降於我大清江西甯都陷監察御史涂伯昌兵部員外郎彭錕死之鳳陽義師潰總督兵部尚書王燾死之三月己未卯刻日赤如血龍虎關陷總兵向明高姚得仁戰死曹志建奔權陽推官唐誼被執不屈死之夏四月彬州陷巡撫黃順祖總兵林



國瑞死之召王化澄入閣嚴起恆自劾去五月鄖國公高必正興平侯黨守素南陽伯李元胤朝於行在乃復召起恆入閣改金堡於近地科臣張孝起李用楫與御史廖永亨互訐詔中書科非軍國大事本章不許封進以兵部左侍郎萬翎掌尙書事起復魯可藻爲兵部侍郎陳邦傳龔高必正營必正西走時廣州圍愈急安定伯馬寶龔清遠以救之戰敗李元胤馬吉翔駐兵三水不敢進部臣束手無策惟晉封杜永和等爵爲侯以慰勞之又晉焦璉宣國公胡一青衛國公曹志建保國公六月文安之朝於行在命入閣辦事是月朱成功討碣石總兵蘇利不克旋師圍潮州我

大清兵復取雲霄詔安進攻盤陀嶺成功部將柯宸樞戰死

小腆紀傳 卷五

二

遂解圍軍於潮陽秋八月孫可望復遣使行在以不改號請付廷臣集議是月朱成功襲殺鄭聯取廈門遂取金門九月瀧陽陷知縣李遇昇死之曹志建奔恭城馬進忠走武岡山中桂林大震連陷全州趙印選胡一青王永祚退入桂林於是榕江遂成空壁莫有堵禦者是月孫可望由雲南東襲貴州皮能走清浪衛追執之襲平越僉都御史巡撫郭承汾威清道黃應運總兵姚某劉某等皆死之分遣其將劉文秀取四川忠國公王祥迎戰烏江敗績死之改建昌衛前長沙知縣高明死之陷黎州土千戶馬亭李華宇等死之陷榮經知縣黃儒死之屯洪雅之天生城義民余飛死之冬十月辛巳朔日有食之嚴起恆疏請修省是月朱成功取銅山南澳閩

交諸島十一月辛亥我

大清兵克廣州杜永和走瓊州甲寅入興安之嚴關諸軍皆潰遂入桂林督師大學士瞿式耜江廣總督張同敵死之己未上奔潯州陳邦傳叛劫從官於藤江部郎潘駿觀董英許玉鳳被賊王化澄曼清走北流嚴起恆馬吉翔李元胤追扈及於南甯從官饑凍無人色乃括行橐並吉翔所獻四千金散給之趙印選胡一青之師駐濱州化澄暨戶部尙書童天閱降於我

大清十二月明閏十一月擢兵科給事中張孝起爲副都御史巡撫南甯遣編修劉蒞封孫可望爲冀王猶不受高必正李來亨之眾走川東朱成功奉詔率舟師南下勤王我

小腆紀傳 卷五

三

大清順治八年辛卯春正月明永歷四年十二月己酉朔加大學士文安之太子太保兼吏兵二部尙書總督川湖軍務齋敕進王光興等十六營爵皆公侯孫可望邀之都勻奪諸將敕印安之走貴州二月己卯朔明永歷五年正月朔上在南甯以國家多難免朝賀閏二月明二月癸亥梧州陷癸酉柳州陷孫可望遣兵至南甯殺大學士嚴起恆尙書楊鼎和給事中劉堯珍吳霖張載述乃封可望爲秦王可望尋殺東閣大學士楊畏知是月朱成功師次平海衛我大清遣降將馬得功襲破廈門守將鄭芝莞遁前東閣大學士曾櫻死之三月提督李明忠之師潰於岢口高州陷夏四月丁未朔朱成功復取廈門戊午太后王氏殂於田州是月



兵部右侍郎傅鼎銓被執於廣信不屈死之五月葬太后於南甯上尊諡曰孝正莊翼康聖皇太后尋下詔曰頃以大行皇太后喪憂戚之中不遑視事今值服除當與大臣商決政事即傳工部修中極殿翰林院舉堪任日講記注員名以二十七日舉行孫可望疏請移蹕雲南召廷臣集議朱天麟謂當如所請以堅可望擁戴之心吳貞毓力持不可議遂寢天麟自請經略左右兩江許之是月朱成功攻漳浦總督江西義師兵部尚書揭重熙被執於貴溪之百丈礮不屈死之星子生員吳江兵潰前督師余應桂死之於是江右義師略盡矣秋八月贈瞿式耜粵國公張同敞江陵伯九月陳邦傳誘殺宣國公焦璉率潯州總兵李時方有聲等以叛降於我

小腆紀傳

卷五

四

大清尋陷平樂左軍都督朱閔如死之襲清遠衛指揮白常燦死之壬寅間潯州報上發南甯是月丙子舟山亡監國魯王航於海朱成功復攻漳浦冬十月上旬次新甯冊尊生母馬太妃為昭聖仁壽皇太后立子慈烜為皇太子是月劉文秀取嘉定袁翰武大定降總督李乾德自殺我大清兵取眉州向成功死之李占春與劉文秀戰敗于大海遂以所部降於我  
大清十一月李元楨疏請駐防城不許是月朱成功與我大清兵戰於小盈嶺十二月甲辰朔我大清兵取濱州庚戌取南甯趙印選胡一青敗走報至上由水道走土司抵瀨湍二將報我兵相距纔百里上下失色從

官多散去乃舍舟從陸盡焚龍舟重器而行已次羅江追騎相去纔一舍會日晡引去乃少安徑由安平下雷歸順一路進發諸蠻供糧餉並從官夫役甚給孫可望亦以既受秦封遣其將狄三品陳國能高文貴率兵三千迎扈疏請移蹕安隆許之是月故少傅朱國楨之孫某起兵湖州之南潯鎮敗死朱成功取漳浦我

大清順治九年壬辰春正月癸酉朔上龍英稱永曆六年乙亥次飯朝留九日始發甲申次富川乙酉次沙斗丙戌次西洋江丁亥次寶月關戊子次廣南孫可望再遣總兵王愛秀奉表至丁酉發廣南次重卜戊戌次晒利己亥次鼎貴庚子次加蒲辛丑次那羊壬寅次姪堂是月監國魯王次於厦

小腆紀傳

卷五

五

門朱成功取海澄二月戊申上至安隆所改名安龍府遣太常寺卿吳之俊齎璽書至滇我大清兵入欽州趙印選棄城走杜永和以瓊州降是月我大清命降將吳三桂取四川孔有德取貴州嘉定陷川南巡撫范文光死之三月壬申朔建行在太廟己卯湖北大風霍亂晝晦孫可望疏請遣李定國出楚征鹵將軍馮雙禮副之拒孔有德步騎八萬由武岡出全州以攻桂林遭劉文秀入蜀討鹵將軍王復臣副之拒吳三桂步騎六萬分出敘州重慶以攻成都是月朱成功與我大清兵戰於江東橋我兵退守泉州成功遂復長泰進攻漳州夏四月吳三桂由佛圖關連取重慶敘州提學道任佩茲



降時劉文秀兵未至白文選王復臣退守永甯五月德州大雨雹大者如瓜殺三人沈漕舟一南陽侯李元肩安肅伯李建捷被執至廣州不屈死之李定國復靖州進攻湖南六月張先璧馬進忠朝於行在晉先璧沅國公進忠鄂國公是月吳三桂取石泉川北巡撫詹天顏死之秋七月庚午朔李定國復寶慶辛未復全州與我

大清兵戰於嚴關孔有德走桂林癸酉攻拔之有德自殺執叛將陳邦傳父子送貴陽伏誅庚辰復永州是日黃霧四塞劉文秀取敘州吳三桂走蘇州進拔重慶論恢復川楚功封李定國爲西甯王劉文秀爲南康王馮雙禮爲興國侯孫可望殺山東道御史李如月八月大學士朱天麟卒於廣南九

小腆紀傳

卷五

六

月博興侯張月執提督李明忠以叛降於我

大清我兵遂復取梧州川陝總督樊一蘅卒是月朱成功敗績於九龍江解漳州圍退屯古縣冬十月劉文秀進攻保甯敗績討鹵將軍王復臣死之文秀還雲南罷職閒住時可望怠定國而文秀又見廢諸將始有怨心我

大清兵敗朱成功於古縣成功退屯海澄十一月辛巳李定國復衡州孫可望駐沅州遣白文選攻辰州拔之殺降將徐勇丁亥我

大清敬謹親王尼堪奉命征楚粵抵湘潭馬進忠走寶慶我兵復取衡州李定國敗走尼堪追之歿於陣定國乃屯兵武岡時上在安龍日益窮促將吏罕人臣禮馬吉翔掌戎政麗

天壽督勇衛營謀逼上禪位可望惡大學士吳貞毓之不附已也嫉其黨冷孟鉅吳象鉉方祚亨交章劾之上知貞毓忠寢不行吉翔陰教可望劄諭吉翔天壽內外機務歸戎政勇衛兩衙門中外惶懼於是御史胡士瑞與吏科給事中徐極兵部員外林青陽主事張鐫工部員外蔡績連章發其奸上怒兩人求救於太后以免可望又自設內閣六部官鑄八疊印盡易舊印立太廟享太祖高皇帝主於中張獻忠主於左而右則可望祖父也擬國號曰後明上聞之益憂懼密謂中官張福祿全爲國曰聞西甯王李定國已定廣西俘叛逆軍聲丕振出朕於險者必此人也欲下一敕令統兵入衛若等能密圖否二人言徐極林青陽張鐫蔡績胡士瑞可與謀趣

小腆紀傳

卷五

七

告之皆諾以白貞毓青陽請行乃令佯乞假歸葬屬員外蔣乾昌撰敕主事朱東旦書之福祿等持入用寶青陽即日問道齋敕行故吉翔輩不之知也是月常在郭氏以罪誅賜巴東王某聲如某氏自盡十二月藤縣復陷總兵羅超死之平樂陷守將彭俊死之封莫宗文爲安仁伯是歲可望殺宗室之在貴州者我

大清順治十年癸巳春正月戊辰朔上在安龍稱永曆七年二月我

大清貝勒屯齊復取永州李定國敗走龍虎關孫可望謀襲之定國走廣西廉州復陷守道王道光死之三月楊國棟莫宗文合兵攻常德不克可望自將追定國不及與我



大清兵過於寶慶大敗走峒口我

大清兵亦引還是月魯王以海自去監國號其將定西侯張名振以朱成功之師入長江被京口還駐崇明夏四月降將郝尙久以湖州叛我

大清來歸五月封楊時清征定侯我

大清兵攻海澄朱成功禦卻之六月上以林青陽久未還將擇使往促吳貞毓舉翰林孔目周官以對都督鄭允元曰假事出吉翔於外庶有濟也上乃命吉翔往梧州謁祭輿陵而

密遣周官齎敕詣定國官涕泣受命封朱成功為漳國公閏

六月李定國攻肇慶敗績退駐柳州總兵周金湯復遂溪秋七月李定國再攻桂林不克孫可望聞定國之敗也遣馮雙

小腆紀傳 卷五

八

禮襲之遇伏而敗九月我

大清兵克潮州郝尙久伏誅朱成功遣兵救之不及冬十月吳川復陷陳彝典陳其策死之十二月郴州復陷巡撫朱俊臣死之馬吉翔奉命祭陵途次微聞密敕事屬其弟雄飛出

家貨賂提塘王愛秀求援時吉翔黨與布列上孤立自危乃以臺省員缺飭部考選於月之二十四日臨軒親試授蔣乾

昌李元開簡討張鑑給事中李順胡士瑞御史楊鍾徐極等亦以資深加秩羣小益危懼吉翔愛秀白可望可望疑吉翔

亦與謀遣鄭國往南甯偵之吉翔證青陽周官事甚亟於是徐極楊鍾趙廣禹蔡續張鑑李順胡士瑞交章劾吉翔欺君

賣國天壽表裏為奸上敕廷臣議罪天壽懼與雄飛走貴陽

我

大清順治十一年甲午春正月壬辰朔上在安龍稱永曆八年改雲南為雲興府辰州為沅興府沅州為黔興府孫可望疏請以劉文秀為大招討都督諸軍東伐文秀辭強起之是月江西廣信九仙山寨陷進士徐敬時等死之前監國魯王移居南澳張名振復以舟師入長江望祭孝陵朱成功遣兵攻崇明敗績仁武伯平原將軍姚志倬定南伯徐仁爵死之二月開科取士四十人四川熊渭第一授庶吉士餘授知縣教職有差李定國復高州降將張月復叛

大清來歸孫可望既聞密敕事使鄭國械馬吉翔至安龍與諸臣面質挾吳貞毓入文華殿脅上索主謀者上不敢質言

小腆紀傳 卷五

九

謂必外人假敕實所為國怒目出與龐天壽至朝房械貞毓并刑科給事中張鑑中軍都督府左都督鄭允元大理寺丞林鍾太僕寺少卿趙廣禹翰林院檢討蔣乾昌李元開吏科給事中徐極江西道御史周允吉廣西道御史宗室議泥福建道御史胡士瑞兵部郎中朱東旦工部郎中蔡續內閣中書易士佳吏部員外郎直誥敕房事任斗墟等十四人繫私室中官張福祿全為國愬於太后求救天壽直入擒二人於坤甯宮外太后與后稍問之天壽怒訶徑出冷孟鉅朱企鏞蒲縵宋德亮逼上速具主名上大悲憤曰汝等逼朕認出朕知是誰翌日以次拷鑑等諸臣不勝楚皆自承國又問皇上知否縵大聲曰未經奏明乃復收繫以欺君誤國盜竄矯詔



爲罪報可望可望請上親裁上無如何下廷議吏部侍郎張  
佐辰刑部主事蔣御職票旨以鑄福祿爲國三人爲首凌遲  
餘爲從斬貞毓以大臣賜絞吉翔天壽謂后必知情將廢之  
喉主事蕭尹陳往古廢后事上不許事得已可望憾定國益  
深定國亦慮可望襲已出掠雷廉以避之夏四月定國復羅  
定新興石城電白陽江陽春等縣六月攻梧州冬十月圍廣  
州十一月改都康萬承安平龍安諸州爲府是月朱成功奉  
表行在遣兵援李定國於廣東十二月我

大清命降將尙可喜耿繼茂援廣州定國敗走尋攻擊慶不  
克是月朱成功取漳州我

大清順治十二年乙未春正月丙戌朔上在安龍稱永歷九

小腆紀傳

卷五

十

年是月朱成功取仙遊自置官屬於中左所改日思明州二  
月江南地震李定國自高州退入南甯劉文秀駐兵川南夏  
五月劉文秀攻常德敗績是月張名振復舟山六月江南地  
震朱成功復揭陽遂復普甯我  
大清命鄭親王世子濟度率師平海朱成功墮安平鎮及漳  
州府惠安同安南安三縣城回師廈門冬十一月魯太師定  
西侯張名振卒是歲上在安龍塗葦薄以處日食脫粟守將  
承孫可望意更相凌逼挾彈騎馬直入宮門文吏乘輿過殿  
呵之不下仍改安龍爲安隆歲造開銷銀米冊報可望稱皇  
帝一員月支若干皇后一口月支若干上亦隱忍之苟延殘  
喘而已我

大清順治十三年丙申春正月庚辰朔上在安龍稱永歷十  
年時李定國駐兵南甯衰弱不振孫可望遣總兵張明志關  
有才襲之定國用中書金維新曹延生計從田州小路出不  
意敗明志等軍降其眾三千人遂進趨安龍二月壬子舟山  
城哭三月孫可望聞田州之敗知李定國必至安龍令白文  
選將兵迎上入貴州太后聞之哭從官皆哭文選見之心動  
度定國軍且至陰留候之至則與連和奉上由安南衛走雲  
南抵曲靖時守滇者劉文秀也亦怨可望因借扈入省垣沐  
天波迎駕馬龍驛上居可望第改雲南府爲滇都論迎扈功  
封定國爲晉王文秀爲蜀王文選爲鞏國公王尙禮爲保國  
公王自奇爲夔國公賀九儀爲保康侯張虎爲醴化伯餘進

小腆紀傳

卷五

十一

職有差自尙禮以下皆可望心腹不爲上用者以其在雲南  
且擁重兵故並封焉以金維新爲行在吏部侍郎兼左都御  
史龔銘爲行在兵部侍郎加黔國公沐天波柱國少師命馬  
吉翔入閣辦事如故初定國命靳統武執吉翔將請詔治罪  
吉翔則日夜媚統武及維新銘因得媚於定國定國信之因  
疏薦入閣辦事上不得已從之又雷躍龍扶綱張佐辰王應  
龍龔彝皆可望黨也上欲安可望心以躍龍綱爲大學士佐  
辰吏部尙書應龍工部尙書彝戶部左侍郎遣白文選回貴  
陽慰諭可望夏四月我

大清兵攻廈門復攻金門朱成功禦卻之秋七月義甯伯龍  
韜駐柳州以應李定國尋敗死是月朱成功復闖安進攻福



州敗績八月我

大清兵復取舟山守將魯英義伯阮駿總督陳六御總兵張晉爵太常卿陳九徵副使俞師範誠意伯裔孫劉永錫皆死之前魯戶部主事王江復起兵四明山敗績死之九月辰州復陷冬十月夔州巡撫鄧希明總兵張元凱降於我

大清十二月朱成功攻羅源甯德戰於護國嶺我梅勒章京阿克襄歿於陣我

大清順治十四年丁酉春正月甲辰朔上在滇都稱永曆十一年是月朱成功攻溫州二月甲申皇子出閣講學三月定

簡皇帝后曰簡皇后隆武帝諡曰紹宗襄皇帝后曰襄皇后

小腆紀傳

卷五

十一

皇考端皇帝諡曰禮宗端皇帝皇嫡母王氏曰端皇后下詔

大赦是月朱成功部將施舉敗績於定海關死之五月遣張虎送孫可望妻孥還貴州時可望日夜謀犯關上欲歸其妻

孥以安之王尚禮王自奇張虎皆可望心腹而虎奸黠尤用事自以位在諸人下甚怏怏白文選謂李定國劉文秀曰今

尚禮自奇擁重兵在輦轂下虎尤詭日伺左右禍且不測今與可望議和必皇上親遣虎行乃無反覆耳上召虎至後殿

拔頭上金簪賜之曰和議成卿功不朽必賜公爵此簪賜卿為信見簪如見朕也虎至貴陽則搆之益甚適上又命文選

與議和可望拘留之奪其兵而遣偽通政司朱運久入滇詭議和實與自奇尚禮謀內應也前時四川巡撫錢邦芑被拘大

興寺可望之偽兵部尚書程源偽都察院鄭逢元部將馬寶

馬維興馬進忠皆朝廷舊人願効忠邦芑教源逢元謂可望曰使功莫如使過將才無出文選右者可望然之秋八月以

文選為大總統馬寶為先鋒合兵十四萬入滇十八日渡盤江九月抵交水列三十六營去曲靖三十里定國文秀眾纔

數千人相顧失色文秀議走交阯定國欲由沅江景東取土司躊躇兩日不能決忽文選率所部拔營逃至曲靖單騎走

雲南見定國文秀於朝言請將內應狀宜速出戰言畢即上馬馳文秀率部三昇賀九儀胡一青趙印選吳子金李本高

之師赴之可望見文選逃欲退師馬寶懼謀洩大言曰我眾十倍於彼以一人為進退豈我輩非人乎可望乃遣寶與心

小腆紀傳

卷五

十一

腹曉將張勝別將鐵騎七千間道夜襲雲南殺中書科中書

朱斗垣於道寶夜遣人定國營言之皆大驚遂拔寨出戰文選率所部直冲馬維興營維興開營納之合兵繞可望陣後

定國文秀麾兵大進諸營皆歡呼迎晉王所向瓦解定國乃命文秀文選追可望而自還師救雲南先是王自奇在楚雄

醉後殺定國營將而懼引其眾渡瀾滄江據永昌去雲南二千餘里以故可望入滇時不相聞王尚禮將內應沐天波以

兵守之不得發張勝至金馬碧鷄坊下見交水報捷旗大驚拔營去回至渾水塘遇定國列陣死戰定國幾不支馬寶於

陣後連發大礮勝遂潰走益州部將李承爵誘而縛之解雲南告廟獻俘與其黨趙珣皆伏誅尚禮聞勝敗自縊死可望



逃至貴州從騎纔十餘人追且至狼狽走長沙冬十月乞降於我

大清論反正功晉白文選鞏昌王馬雙禮慶陽王馬進忠漢陽王馬維興敘國公賀九儀廣國公馬寶淮國公餘進侯伯有差論黨逆罪誅醜化伯張虎降荆江伯張光翠德安侯狄三品岐山伯王會等爵程源鄭逢元等降級有差十一月追贈安龍死難大學士吳貞毓以下十八人謚蔭有差遣祭立廟十二月復南甯

小腆紀傳 卷五

十四

小腆紀傳卷第五終

男承禮 編輯

仁和魏錫曾參校  
會稽梁繼元覆校

小腆紀傳卷第六

前翰林院檢討加詹事府贊善銜六合徐肅撰

紀第六

永歷下

我

大清順治十五年戊戌春正月戊戌朔上在滇都稱永歷十二年遣漳平伯周金湯冊封朱成功為延平王招討大將軍賜尚方劍便宜行事並封其部將王秀奇祥符伯馬信建威伯甘輝崇明伯黃廷永安伯萬禮建安伯陳輝忠靖伯洪旭忠振伯郝文興慶都伯餘拜爵有差授魯兵部右侍郎張煌言為兵部左侍郎兼翰林院學士魯左僉都御史徐孚遠為

小腆紀傳 卷六

十五

左副都御史以程源為禮部尚書錢邦芭掌都察院事橫州再陷知州鄭雲錦死之二月我

大清命貝子洛託都督卓布泰偕降臣洪承疇吳三桂線國安將兵分楚蜀粵三路取雲貴李定國遣劉正國楊武等分守四川之三陂紅關馬進忠駐貴州三月吳三桂兵至合州重慶總兵杜子香棄城走王自奇關有才據永昌反李定國自將討平之用是及援貴州貝子洛託至貴陽馬進忠棄城遁巡撫冷孟鉅死之庚辰吳三桂兵至三陂劉正國走遵義遂陷庚寅大招討蜀王劉文秀卒五月吳三桂敗楊武於開州之倒流水興甯伯王興水西宣慰使安坤西陽宣慰使冉奇鑑蘭州宣慰使奢保受降秋七月丙申朔命李定國為



招討大元帥賜黃鉞大學士文安之督川東諸軍襲重慶不克是月朱成功張煌言會師大舉北伐以援滇次羊山颶風作旋師舟山八月授前江西總兵鄧凱為隨扈總兵九月朱成功取象山冬十月我

大清信郡王鐸尼會三路兵於平越之楊老堡李定國使馮雙禮扼雞公背以拒中路張先璧扼南盤江之黃草壩拒東路自守北盤江之鐵索橋圖復貴州別遣白文選出西路率眾四萬守七星關抵生界立營若欲攻遵義者以牽制三桂之師先是三桂駐遵義信郡王駐武陵卓布泰駐獨山州惟洛託一軍駐貴陽大眾未集其勢可乘定國遂巡觀望比楊老堡戒期定國始悉眾出拒而事機已不可為矣先由中路

小腆紀傳 卷六

二

出關嶺東路告急乃移師黃草壩久之踰石關營於炎遮河而中路雞公背之絕頂糧少運艱士不宿飽右路之生界孤懸滇蜀之表聲援不及識者俱以為憂十二月甲子吳三桂兵出遵義由水西趨天生橋入烏撒文選棄七星關走可渡橋守橋之馬寶亦奔文選乃焚橋走霑益其廣西卓布泰一軍至盤江之羅顏渡扼險不得渡得泗城土司岑繼祿為嚮導由間道入安龍懷仁侯吳子聖禦之敗績我軍取船以濟定國聞之以兵三萬人倍道趨戰於炎遮河

大清兵初戰不利詰朝悉師壓其營而陣南兵鎗礮北兵弓矢回中不決忽大風北來礮火及茅葦野燎滔天  
大清兵乘火馳射兵火俱烈定國驚懼棄營保北盤江我廣

西兵遂由普安州入滇而信郡王中路兵亦潰馮雙禮於雞公背追至北盤江諸將北走不相顧定國焚鐵索橋而遁大清兵以浮橋濟師遂抵曲靖知府蓋世祿降定國奔還雲南請上出幸丙子召廷臣集議劉文秀之部將陳建舉文秀遣表請上幸蜀太僕寺正卿辜延泰亦請幸蜀開荒屯練中書金公趾極言入蜀之不利定國曰蕞爾建昌何當十萬人之至不如入湖南之峒烏車里里角諸蠻不相統攝我今臨之必無所拒安蹕峒內諸將設禦於峒口勝則六詔復為我有不勝則入交趾召針羅諸船航海至廈門與延平王合師進討難之者曰

小腆紀傳 卷六

三

清兵乘勝踰黃草壩則臨沅廣南道路中斷且喪敗之餘焉能整兵以迎方張之敵乎黔國公沐天波曰自迤西達緬甸其地糧糗可資出邊則荒遠無際萬一追勢稍緩據大理兩關之險猶不失為蒙殺也馬吉翔李國泰咸是天波議定國泣請留太子督師以牽制緬甸上猶豫不忍明日發滇都定國以大兵殿後國勢既搖人心思叛艾能奇之子承業糾狄三賧等以驍卒伏大寺中謀劫定國而北定國嚴隊西走承業等不敢發百官扈從男婦馬步數十萬人日行不過三十里兵士乏食取之民間所在逃避御前供頓缺庶僚貧病雜次不前從古乘輿奔播未有若此之艱難者我

大清順治十六年己亥春正月癸巳朔上次永平稱永歷十三年乙未我



大清兵取滇都衛國公胡一青提學道徐心箴光祿寺少卿黃復生提督劉之扶土司龍世榮等降戶部主事劉之謙不屈死之丙申上駐永昌下詔罪己李定國還黃箴自請削秩上曰是國之禍王何罪焉不許是月川東譚宏譚詣殺譚文以叛降於我

大清二月明閏正月辛未總兵王國勛敗績於普洱丙子白文選與張先壁陳勝之師皆敗績於玉龍關文選由沙木和走右甸尋走鎮康入木邦丁丑聞玉龍關之敗定國使總兵靳統武以兵四千扈上入騰越沐天波馬吉翔隨行文武官尙四百餘人已卯上至騰越辛巳定國渡潞江江不甚寬而水勢洶惡每歲清明至霜降有青草瘴雖土人亦惡之過江

小腆紀傳

卷六

四

二十里有磨盤山鳥道窈屈曲僅通一騎定國度之  
大清兵累勝窮追必不戒設柵數重三伏以待之秦安伯竇民望爲初伏廣昌侯高文貴爲二伏總兵王璽爲三伏每伏兵二千約俟

大清兵度山巔號礮起首尾橫突截攻必無一騎返而吳三桂之追自文選至瀾滄江也編筏而渡再渡路江逐北數百里無一夫守拒謂定國遠竄不復慮隊伍散亂上山者已萬有二千人忽大理寺卿盧桂生來降泄其計三桂則大驚時前驅已入二伏急傳令舍騎而步以礮發其伏叢莽中矢礮雨下民望不得已舉礮出戰三伏亦發礮趨下救之自卯迄午短兵相接僵屍如堵牆民望血戰不已鎗彈穿脅過戰如

故持刀潰圍走不數里血湧仆地死定國坐山巔聞號礮失序大驚忽飛礮落其前擊土滿面乃奔明兵死林箐者三之一鏖戰死者亦三之一王璽陣歿而

大清亦亡都統以下十餘人喪精卒數千追至騰越西百二十里中原界盡矣諸軍初猶踞險守聞定國走乃夜遁我大清亦懲是役之權不測不復窮追矣壬午上自騰越出奔時李國泰馬吉翔輜重甚厚越上乘夜走南甸上南行二日尙未知磨盤之敗也二十四日野次未定忽總兵楊武至言定國遠逃追者將及上遂接浙踉蹌行昏黑迷路大谷中羣臣妻子不相顧亂兵乘機劫掠火光燭天驚擾奔馳及天明仍在故處也而貴人宮女已失去過半扈將平陽侯孫崇雅

小腆紀傳

卷六

五

劫殺尤烈上以從臣多叛決意入緬甸遂出鐵壁關戊子抵囊不河是爲緬境上命沐天波諭之緬人奉迎具表如常儀請從官勿佩戎器馬吉翔還傳旨從之從臣皆諫不聽晦日至蠻漢土司思絲迎入城執禮甚恭時沐天波與外戚華亭侯王維恭典璽李崇貴謀擁太子入關由茶山出鶴麗調度各營爲聲援王后不可乃不果行是月雅州伯高承恩率諸土司斂兵拒守昆明諸生薛大觀舉家赴水死三月明二月壬辰朔上抵緬甸之大金沙江緬人以四舟迎上從官自覓江舟隨行者六百四十餘人陸行者自故岷王子而下九百餘人期會於緬初定國潞江之敗求上所在則上西行去騰越已百里念君臣俱死無益問白文選在木邦就之謀再舉



文選以上左右無重兵請身自捍衛意不合定國引所部從孟定府過耿馬抵猛緬各營潰兵陸續集勢稍振文選以兵抵阿瓦城已酉上駐井梗緬人報明兵四集請救阻之從官會御舟前議所使總兵鄧凱行人任國璽請行馬吉翔恐二臣暴其罪惡陰尼之不果文選不得命與緬人戰不勝走孟良緬酋來邀大臣過河議事命吉翔弟雄飛與御史鄔昌琦往緬人問神宗時事二臣不能答用是益見輕侮閏三月明三月黔國公沐天波綏甯伯滿纓總兵王啟隆謀奉上走護臘撒孟良入李定國軍吉翔阻之亦不果從臣陸行者不知其之向在井梗也竟抵阿瓦城緬人疑其有陰圖也發兵圍之總兵潘世榮降於緬通政使朱璽金中軍姜承得自縊死

小勝紀傳 卷六

本

副總兵高陞千戶謝安祚向鼎忠范存禮温如珍李勝劉興隆段忠皆被殺餘安置遠方久之無存焉惟岷王子等八十人流入暹羅國是月吳三桂兵至姚安大學士張佐辰尙書孫順侍郎萬年策翰林劉蒞布政司宋企鏜等皆降又有少卿劉泌兵科胡顯等一百五十九人先後降還至雲南大學士扶綱侍郎尹三聘淮國公馬寶敘國公馬維興武靖侯王國璽懷仁侯吳子聖宜川伯高啟隆公安伯李如碧降延長伯朱養恩總兵龍贊陽以嘉定州降德安侯狄三品執慶陽王馮雙禮以降夏四月咸陽侯祁三昇以兵迎上緬人請救止之吉翔請遣錦衣衛丁調鼎考功司楊生芳往三昇痛哭撤師阿瓦城緬酋所居也有地名者梗即大鷓鴣城舊地也

界大金沙小盈沙之間地饒而險緬人自祁三昇奉救止師之後知上威令尙行慮後得罪乃優奉之爲緩急自救之策且以阻內外聲聞於初四日甲子遣其都官備龍舟鼓樂迎上於井梗乙丑移蹕丁卯至阿瓦城距河止焉戊辰陸行五六里至者梗草廬十餘間上居之編竹爲城守兵百餘人從臣自備竹木結宇而聚處焉緬婦來貿易者雜沓如市從臣久亦習之屏禮貌短衣跣足闌入緬婦隊中踞地喧笑呼盧縱酒緬人頗哂之是月癸酉朱成功張煌言復會師大舉北上以援滇六月我

小勝紀傳 卷六

七

大清兵取馬湖敘州提督陳希賢降取成都總兵趙友鄔御史龐之泳主事賀奇等皆降雅州伯高承恩爲其弟承裔所殺是月丙午朱成功攻瓜洲克之癸丑克鎮江秋七月張煌言徇江南北府州縣下二十九城壬午成功敗績於江甯崇明伯甘輝等死之退攻崇明不克煌言亦敗於銅陵尋皆入海所復府州縣皆復歸於我  
大清八月緬酋以中秋日張會享羣蠻來招沐天波渡河並索禮物上欲爲好於酋命天波往至則脅令白衣椎髻跣足領諸海郡熨夷酋而拜天波不得已從之九月緬人進新稍頗諸從官冬十月戊子朔頒歷於緬甸是月李定國移營孟連承制加土司勳爵孟良之女酋某爲梗誅之據其城川將郝承裔王友進皆降於我  
大清十一月癸亥沅江陷總督銜土知府那嵩死之十二月



白文選移軍猛塚我

大清順治十七年庚子春正月丁巳朔上在緬甸之者梗稱  
永歷十四年德陽王至瀋自交吐降於我

大清三月大學士方端士頴國公楊武亦降李定國部將廣  
國公賀九儀將降事洩定國誅之是月張煌言駐軍林門尋  
移駐桃渚夏四月白文選移軍景線五月甲子我

大清兵攻廈門朱成功禦卻之誅叛將陳鵬秋七月白文選  
由木邦舉兵薄阿瓦阿瓦有新舊二城上居舊城之者梗而  
緬酋自居於新城文選假道奉迎不得乃急攻新城緬人招  
沐天波過河救止之始知諸將臨緬迎駕疏至三十餘道從  
臣無以出險爲念者第草敕令毋進兵文選曰蠻人不足信

小腆紀傳

卷六

本

也急攻新城垂克矣緬人給之日三日後出新城讓上文選  
信之卻兵十里城中得固備攻之反爲所敗望鷓鴣城痛哭  
而去八月降將郝承裔復以雅州叛

大清來歸時舉朝醉夢招權納賄如平時馬吉翔請以湖廣  
道御史鄧昌琦掌六科烏撒知府王祖望以醫中宮疾授禮  
部主客司行人任國璽謀轉江西道國璽又與太常寺博士  
鄧居詔相計上欲面質之不果惟吉翔傳旨云鄧某當學好  
而已庶僚之貧者饑寒藍縷大臣有三日不舉火者馬吉翔  
李國泰以語激上上擲皇帝之寶令碎之以給從臣典璽太  
監李國用叩頭不奉詔吉翔國泰竟鑿以分餉擁貨自贖不  
顧也蒲縵大開賭肆晝夜呼盧上焚其居縵賭如故華亭侯

王維恭與楊太監拳毆喧譁聲徹內外用是緬人益輕之是

秋九月太白經天凡十有五旬我

大清順治十八年辛丑春正月辛亥朔上在者梗稱永歷十  
五年丁巳我

大清世祖章皇帝崩己未

聖祖仁皇帝卽皇帝位以明年爲康熙元年時李定國據孟  
艮地饒魚稻諸將稍集軍聲復振白文選居木邦之南甸相  
去二千里不相聞也既攻緬不克知定國取孟艮並有賀九  
儀之眾移書責以大義定國遂全師而西中途遇文選購緬  
人密奏上速計且曰臣等兵不敢深入者激則生內變也諭  
令扈送出險方爲上策何諸臣泄泄不以爲意也璽書慰勞

小腆紀傳

卷六

九

文選造浮橋迎蹕距行在纔六七十里緬人斷其橋計不行  
乃刑牲歃血誓必克緬緬酋拔其豪邊牙鮮邊牙傑爲大將  
集兵十五萬過於錫箔江巨象千餘夾以鎗礮陣橫二十里  
鳴鼓震天呼噪而進定國文選兵不及十一且戎器耗散惟  
操長刀手架白楮以鬪定國前隊稍卻文選警眾橫截之緬  
兵大敗僂死萬計邊牙傑死於陣而邊牙鮮猶收餘眾柵大  
榕樹林中蔭翳百里鳴鼓竟夜如列陣曉視之則已走空無  
一人遂渡錫箔江既濟乃謀渡大金沙江焉咸陽侯祁三昇  
與定國不和走戶臘吳三桂招之遂率孟津伯魏勇總兵劉  
芝林王有功邵文魁等降馬乃陷土司龍吉兆龍吉佐死之  
三月錦衣衛趙明鑑謀誅馬吉翔李國泰奉太子出緬甸不



克是月朱成功進兵臺灣克赤嵌城夏四月定國等臨大金  
沙江諭緬人假道入覲弁責其象馬糧糗爲入邊之計緬人  
不從盡燒其江船據險設礮以守定國等糧少氣沮緬中耆  
老曰從此而北至鬼窟山有大芭蕉林伐之作筏則可渡上  
流有大居江地饒材木居民數百家燒鑛冶鐵舟可立具也  
定國從之令都督丁仲柳浮蕉爲梁設廠造船緬人偵知船  
工將竣以正兵綴定國而別遣奇兵搗船廠仲柳棄船走船  
悉被焚時軍中挈眷行老幼纍纍疫作軍餓死亡相繼不得  
已議還軍孟艮或曰緬中瘴癘夏秋爲甚加以千里無烟人  
何以濟孟艮不可得而返矣西南海上有地高涼產魚稻月  
餘可至盍往諸從之行至亦渺賴山下山亘數百里登岸一

小腆紀傳

卷六

十一

覽竟西南大海遂駐軍焉五月御史任國璽禮部主事王祖  
望太常寺博士鄧居詔疏劾馬吉翔李國泰不報緬人罹兵  
火之厄懟其酋酋弟莽猛白守景邁景線引蠻眾五萬人入  
援大出金帛犒眾諸蠻遂歸心焉會吳三桂檄緬人獻上自  
効眾欲從之而酋不可莽猛白因眾怒縛酋篋輿中投之江  
而自立爲緬王來索賀禮且言供給之勞茫無以應於是咒  
水之禍作矣秋七月十六日緬人來進當事大臣渡河辭不  
行踰二日緬使再至曰慮諸君立心不好請飲咒水令諸君  
得自便貿易否則我國安能久奉芻粟邪沐天波欲辭焉馬  
吉翔李國泰曰蠻俗敬鬼重誓可往也乃行日向午緬人以  
兵圍行帳呼諸臣出諸臣倉卒無寸兵可持又慮震驚宮闈

不得已相將並出則縛而駢殺之上聞與中宮將自縊總  
兵鄧凱以足疾免於行與內侍之僅存者勸上曰上死固當  
如國母年高何且既亡社稷又棄太后後世其謂皇上何乃  
止已而緬人入宮搜財帛貴人宮女及諸臣妻縊於樹者纍  
纍如瓜果上與太后以下二十五人聚一小屋中如待決之  
囚忽通事引一緬官大呼曰毋得驚害皇帝及沐國公麾其  
眾移上於沐天波之室大小存三百四十餘人樓居聚哭聲  
聞一二里外寺僧哀之進以粗糲上驚悸成疾緬人慮上死  
且無以致詞三桂乃汎潔行宮迎上復入居之貢衣被錦布  
什物曰我小邦王子無他意無介介也諸臣之被戕者自松  
滋王某以下沐天波馬吉翔王維恭魏豹馬雄飛王啟隆蒲

小腆紀傳

卷六

十一

纓王自京翼勳陳謙吳承爵安朝柱任子信張拱極劉相宋  
宗宰劉廣寅宋國柱丁調鼎文臣鄧士廉楊在鄧昌琦鄧居  
詔任國璽王祖望裴廷謨楊生芳潘璜齊應選郭璘張崇伯  
內監李國泰李茂芳楊宗華楊強益李崇貴沈猶龍周某盧  
某曹某等凡四十二人自縊死者吉王慈燿偕其妃某氏貴  
人楊氏劉氏松滋王如某氏總兵姚文相黃華宇熊相賢馬  
寶二差官錦衣衛趙明鑑王大雄王國相吳承允朱文魁吳  
千戶鄭文遠李旣白凌雲嚴麻子尹襄宗臣朱議漆凡二十  
二人婦女死者不具錄餘皆先後被屠惟鄧凱生還述其狀  
焉是月朱成功部將郭義蔡祿劫忠匡伯張進以叛降於我  
大清進死之八月李定國白文選次桐塢以十六舟攻緬緬



人鑿沈其五張國用趙得勝以賀九儀之死也銜定國謂文選曰王毋爲九儀之續挾文選入山據險自保定國不得已引餘兵三千還孟良其部將吳三省誅叛將唐宗堯駐軍耿馬九月吳三桂以我

大清兵追上於緬甸凡滿漢土司兵及降卒七萬五千并炊汲餘丁凡十萬人由大理騰越出邊三桂與定西將軍愛星阿將五萬人出南甸隴川猛卯分兵二萬命總兵馬甯王輔臣馬寶將之出姚開張國用趙得勝之挾文選北走也路過耿馬文選見吳三省不言而涕出三省察有變因言雲南軍降者皆怨恨不得所人心思明甚於往日張趙復心動與三省合屯於錫箔江閩

小腆紀傳

卷六

十一

大清兵至木邦文選遣副將馮國恩偵之被獲軍情盡洩三桂選前鋒疾馳三百里至江濱文選毀橋走茶山三桂慮其窺木邦後路乃自與愛星阿結筏渡江而令馬寶分兵追文選及於孟養單騎赴文選營說之乃降宮嬪某氏死之十二月丙午朔三桂駐兵緬甸之舊晚坡上貽書責之曰將軍新朝之勳臣舊朝之重鎮也世膺爵秩藩封外疆烈皇帝之於將軍可謂甚厚詎意國遭不造闖賊肆惡突入我京城殄滅我社稷逼死我先帝殺戮我人民將軍志興楚國飲泣秦庭縞素誓師提兵問罪當日之本衷原未泯也奈何憑藉大國狐假虎威外施復讐之虛名陰作新朝之佐命逆賊授首之後而南方一帶土宇非復先朝有也南方諸臣不忍宗社之

顛覆迎立南陽何圖枕席未安干戈猝至宏光殄祀隆武就誅僕於此時幾不欲生猶暇爲宗社計乎諸臣強之再三謬承先緒自是以來一戰而楚地失再戰而東粵亡流離驚竄不可勝數幸李定國迎僕於貴州接僕於南安自謂與人無患與世無爭矣而將軍忘君父之大德圖開創之豐功督師入滇覆我巢穴僕由是渡沙漠聊借緬人以固吾圍山遙水遠言笑誰歡祇益悲矣既失世守之河山苟全性命於蠻服亦自幸耳乃將軍不避艱險請命遠來提數十萬之眾窮追逆旅之身何視天下之不廣哉豈天覆地載之中獨不容僕一人乎抑封王錫爵之後猶欲殲僕以邀功乎第思高皇帝櫛風沐雨之天下猶不能貽留片地以爲將軍建功之所將

小腆紀傳

卷六

十三

軍既毀我室又欲取我子讀鴟鴞之章能不慘然心惻乎將軍猶是世祿之裔卽不爲僕憐獨不念先帝乎卽不念先帝獨不念二祖列宗乎卽不念二祖列宗獨不念己之祖若父乎不知大清何恩何德於將軍僕又何讐何怨於將軍也將軍自以爲智而適成其愚自以爲厚而反覺其薄奕禩而下史有傳書有載當以將軍爲何如人也僕今者兵衰力弱煢煢孑立區區之命懸於將軍之手矣如必欲僕首領則雖粉身碎骨血濺蒿萊所不敢辭若其轉禍爲福或以還方寸土仍存三恪更非敢望倘得與太平草木同霑雨露於聖朝僕縱有億萬之眾亦付於將軍惟將軍是命將軍臣事



大清亦可謂不忘故主之血食不負先帝之大德也惟冀裁之戊申未刻緬人給上以定國兵至卽昇上暨太后中宮以行後宮號哭震天步從五里許渡河已昏黃不辨徑路有貢上登岸者問之則平西王前鋒高得捷也上入三桂營南面坐達旦三桂標下官入見者猶跪拜如禮頃之三桂入長揖上問爲誰三桂噤不能對再問之不覺膝之屈也問之數四始稱名以對上切責良久歎曰今亦已矣朕本北人欲還見十二陵而死爾能任之乎對曰能上麾之出三桂伏地不能起左右挽之出面如死灰汗浹背自是不復見越日鄧凱匍匐帳前曰事至此皇上當行一烈事使老臣得其死所上曰有太后在吳某世受國恩未必毒及我母子也初九日甲寅

小腆紀傳 卷六

十四

三桂擁上北旋是月朱成功取臺灣張煌言駐師福建之沙關我

大清聖祖仁皇帝康熙元年壬寅春三月丙戌吳三桂以上還雲南居故都督府嚴兵守之夏四月戊午輦上及太子出以弓弦絞於市太子年十二大罵曰黠賊我朝何負於汝我父子何讐於汝乃至此邪上豐頤偉幹貌似神宗性惡繁華不飲酒無聲色玩好不甚學而喜講忠義事事兩宮盡孝死之日大風雷電交作空中有二龍蜿蜒而逝軍民無不悲悼者叢葬於雲南郡城之北門外或曰死於貴陽藁葬焉兩宮皆北上殂於道沅江總兵皮熊被執不屈死鄧凱入昆陽普照寺爲僧是歲夏五月招討大將軍延平郡王朱成功卒

六月招討大元帥晉王李定國卒明亡

小腆紀傳卷第六終

小腆紀傳 卷六

十五

男承禮編輯  
仁和魏錫曾參校  
會稽梁繼元覆校



小腆紀傳卷第七

前翰林院檢討加詹事府贊善銜六合徐鼎撰

紀第七

監國魯王

王諱以海太祖十世孫魯肅王壽鏞之第五子也兄以派以長子襲封崇禎六年七月封為鎮國將軍十五年

大清兵攻兗州城破以派自縊王年幼詭稱魯王牧兒見兵入王邸皆忽流淚怪而察之知為王刃之三皆不中駭曰汝大有福我不殺汝乃舍去十七年春二月甲戌嗣魯王位北都之變諸王皆南下乙酉夏四月宏光帝命移駐台州五月南都不守六月浙中路王亦降閏六月己丑九江道僉事孫

小腆紀傳卷七

卷七

十一

嘉績吏科都給事中熊汝霖同起兵於餘姚其明日諸生鄭遵謙應之紹興襲殺我招撫使於江上兵部尚書張國維起兵東陽又明日刑部員外郎錢肅樂起兵於鄞以是月十八日遣舉人張煌言奉箋赴台請王監國同時以兵以餉來歸者總兵王之仁自定海黃斌卿遣將自舟山張名振自石浦沈宸荃馮元颺亦應之慈谿聲勢震興二十八日再奉箋勸進國維與宋之溥陳函輝柯夏卿等亦具表迎王即日移駐紹興以分守署為行在途中加錢肅樂太僕寺少卿授張煌言為行人尋進肅樂右僉都御史加督師銜以張國維朱大典宋之溥為東閣大學士國維督師江上大興鎮守金華之溥司票擬未幾召舊輔方逢年入直宋之溥罷起章正宸為

戶部左侍郎行吏部事李占春戶部尚書王思任禮部尚書

余煌兵部尚書張文郁工部尚書陳函輝詹事府少詹事擢

陳潛夫為太僕寺少卿尋改大理寺卿列兵江上盡地戍守

總兵方國安自浙西來駐守七條沙王之仁守西興鄭遵謙

守小暨孫嘉績熊汝霖錢肅樂分守滙海嘉績汝霖等亦加

僉都御史督師銜進國安鎮東侯之仁武甯伯秋七月會師

西興張國維復富陽封其子世鳳為將軍命姚志倬守分水

江上兵每日尊食鳴鼓登陸搏戰日中復轉舵還戍率為常

八月國維復於潛兵部尚書田仰從海道至留為東閣大學

士賜張煌言進士加翰林院編修典制詰九月兵部主事攝

餘姚知縣王正中表進監國大統歷宣付史館冬十月壬辰

與

小腆紀傳

卷七

十一

大清兵戰於江上方國安嚴陣以待張國維錢肅樂等率所部翼後前鋒副將鍾鼎新用火攻首先擊殺緋衣大將一諸將呂宗忠王國斌趙天祥各斬數十級直抵張灣奪獲軍械歸連陣十日諸軍皆有功第七戰尤捷追至草橋門下會大風雨弓矢各不能發而退時浙西諸路義旗四起蘇松嘉湖列營數百杭州孤懸危甚說者謂王初起江上適有浙西首尾相應之勢惜坐失此會也未幾分地分餉之議起統計浙東地丁正餉六十餘萬盡予正兵正兵者方王之眾也義兵則取給於義餉富戶樂輸之款也交爭之不能平而國安尤暴橫已正兵並取義餉致義兵無所仰給錢肅樂屢疏入告



王不能問但敘其十捷功加右副都御史具疏辭且言臣今不入杭誓不再受一官不許是時隆武帝立於閩中遣兵科給事中劉中藻頒詔於越將吏恒或謠稱將避返台州張國維亟馳還令勿宣詔與熊汝霖議以唐魯同宗無親疏之別義兵同舉無先後之分惟成功者帝耳若一稱臣則江上諸將須聽命於閩如王之號令何錢肅樂朱大典謂宜權稱皇太姪報命大敵在前未可先離同姓議大不合然卒如國維指具疏以報於是閩浙水火矣行人張煌言自請充使赴閩釋二國之嫌從之以內臣客鳳儀李國輔兼制軍餉餉更不可問十一月進方國安荆國公王之仁武甯侯封鄭遵謙義興伯王勞軍江上駐劄西興築壇拜方國安為帥命各營僉

小腆紀傳

卷七

三

聽節制初義兵派支鄞奉二縣義餉至是國安檄縣不準應給致絕糧四十餘日行乞於道徒以肅樂忠義相激無敢叛者時馬士英竄入方國安軍中阮大鍼亦踵至請朝見不許十二月王回紹興以降臣謝三賓為禮部尙書入閣辦事從戚臣張國俊之請也國俊納三賓賄外倚方王勢內通客李二奄與馬阮相呼應遂表裏作奸王之仁上疏言義師初起人人有直下黃龍之志乃一敗後遂欲以錢塘為鴻溝天下事尙何忍言臣願率所部沈船決一死戰今日欲死猶及於戰他日即死恐不能戰也不報錢肅樂疏陳利害言國有十亡無一存民有十死無一生王深然之而無若強帥何尋加肅樂兵部右侍郎再疏辭不許命以王正中所進黃宗羲監

國魯元年丙戌大統歷頒行民間鑄大明通寶錢太常寺卿莊元辰乞罷許之我

大清順治三年丙戌春正月己酉朔王在紹興稱監國元年以柯夏卿曹維才為使奉書閩中二月錄黃宗羲造歷從軍功授兵部職方司主事張國柱掠餘姚其黨張邦甯掠慈谿國柱劉澤清部將也初航海依王之仁子鎮倭將軍鳴謙於定海有弓箭手五百人劫鳴謙入內地行朝震恐署以將軍始退總兵陳梧敗於嘉興掠餘姚攝令王正中遣卒擊殺之三月丙寅思宗大祥王於朝堂哭臨三軍縞素一日謀言大清兵由海道來移錢肅樂守海口久之無所得餉乃與孫嘉績連名請以兵歸開遠伯吳凱而身並從軍自效王溫旨

小腆紀傳

卷七

四

慰留諸帥嫉甚誣其貳於閩遣客刺之肅樂乃棄軍拜表以行表言臣披髮入山永與世辭請賜偵迹必不入閩自取殄滅王賊歎自降旨令往海上借黃斌卿張名振等作窺吳計我

大清兵入錢塘江張國維王之仁率師拒戰東南風作之仁揚帆奮鬪我

大清兵觸之舟多碎鄭遵謙獲鐵甲八百餘副張國維乘勝渡江圍杭州不克而還閩中犒師僉都御史陸清源為方國安部兵所殺命張國維分兵備閩余煌督師江上夏四月我大清兵以巨礮擊方國安營廚竈盡破國安歎曰此天奪我食也遂有投閩意王正中率眾渡海鹽復澈浦城五月加孫



嘉績熊汝霖東閣大學士督師如故而眾心已渙兩人又不  
諸於軍乃以眾付黃宗羲王正中領之合師三千尙寶卿朱  
大定大理卿陳潛夫兵部主事吳乃武查繼佐各募數百人  
來附出海劄壇山將襲海甯聞江上兵潰皆散去壬申國安  
拔營走紹興劫王南行鄭遵謙入於海張國維振旅追扈時  
夏旱水涸有浴於江者我軍驅馬試之不及腹潮數日不至  
詫爲神助六月丙子朔以數十騎過江列戍驚潰我  
大清兵遂畢渡馬士英銜弗納之怨說方國安獻王以降乃  
遣人守王守者病王得脫亟趨海門航海去令保定伯毛有  
倫扈王妃張氏世子出定海張國維退守東陽我  
大清兵取紹興禮部尙書王思任絕粒死兵部尙書余煌衣

小腆紀傳

卷七

五

冠赴水死禮部侍郎陳函輝大理寺卿陳潛夫通政使吳從  
魯主事業汝菴高岱故山西僉事鄭之尹皆死之故太常博  
士李山於吳中絕粒死御史何宏仁追至關山嶺投崖死或  
曰爲僧去主事謝震龍被執抗言死又潭頭守將劉穆都督  
同知張國紀不屈死士民詳列傳義烏破大學士張國維死  
之武甯侯王之仁入海沈其妻孥乃由松江轉至南京抗言  
死大學士朱大典守金華不下馬阮導兵破之屠其城大典  
發火藥自焚死全家俱殉衢州陷知府伍經正推官鄧巖忠  
守將張鵬翼江山知縣方召俱死之自金衢陷全閩無一夫  
之拒矣王之出海也石浦富平將軍張名振棄其地以舟師  
來扈至舟山黃斌卿不納毛有倫扈王妃張氏及世子出海

叛將張國柱劫之北去妃死之時隆武帝已殂永勝伯鄭彩  
以其軍入海奉王入閩冬十月丁酉王發舟山十一月丙寅  
次中左所卽廈門也鄭芝龍已投誠密令彩執王歸命彩不  
可乃匿王以南夷貌類者服王冠服居舟中謂守者曰苟事  
急則縊以示之既成功起兵海上亦駐廈門意不欲奉王稱  
明年爲隆武三年於是鄭彩奉王改次長垣我  
大清順治四年丁亥春正月癸卯朔王在長垣稱監國二年

以熊汝霖爲東閣大學士加張煌言右僉都御史辛未王禡  
牙誓師提督楊耿總兵鄭聯皆以兵來會進鄭彩建國公張  
名振定西侯楊耿同安伯鄭聯定遠伯周瑞閩安伯周鶴芝  
平彝伯阮進蕩湖伯鶴芝復海口以參謀林霽舞總兵趙牧

小腆紀傳

卷七

六

爲守時故尙書張肯堂募兵海上王貽書招之前僉都御史  
金衢巡撫劉中藻以眾來歸授爲兵部尙書兼東閣大學士  
二月壬申朔襲海澄圍其城癸酉攻漳州總兵陳國祚戰死  
甲戌我

大清兵救海澄退入於海丙子閩人洪有楨起兵復漳浦守  
之己卯遣兵攻福州尋攻興化癸巳攻福清俱不克三月己  
未周鶴芝攻閩安夏四月漳浦復陷洪有楨死之卽西王常  
潮復建甯其裨將王祁復邵武是月降將吳勝兆謀以松江  
叛我

大清來歸事覺伏誅戶部侍郎沈廷揚兵部侍郎陳子龍兵  
科給事中楊廷樞等死之五月壬戌鄭彩復長樂時海口復



失林箭舞趙牧死之周鶴芝退守火燒嶼六月攻漳州不利  
 錢肅樂來親王大喜授兵部尚書秋七月王親戎次長垣會  
 鄭彩周瑞周鶴芝阮進之師攻福州敗績八月丙戌襲連江  
 冬十月長樂永福閩清皆下羅源知縣朱丕承甯德知縣錢  
 楷皆以城來歸以馬思理為東閣大學士林正亨為戶部尚  
 書沈宸荃為工部尚書劉沂春為右副都御史吳鍾巒為通  
 政使余颺為左都御史林崑吏科給事中黃賓吏部考功司  
 郎中大學士劉中藻起兵福安攻福甯州守將涂登華降以  
 尚寶卿李向中巡撫其地辛未鄧藩審理陳世亨以一旅復  
 瑞安援兵不繼被執不屈死吏部文選司員外郎林奎兵部  
 右侍郎林汝鸞起兵攻福清戰敗皆死之是月頒監國三年

小腆紀傳

卷七

七

大統歷於海上時朱成功亦頌隆武四年戊子歷於是海上  
 有二朔矣十二月鄞縣華夏屠獻宸王家勤楊文琦董德欽  
 杜懋俊施邦炳謀襲甯波不克死之我

大清順治五年戊子春正月丁酉朔王在閩安鎮稱監國三  
 年楊耿朱繼祚襲興化我分巡道彭遇颺故南都御史也伺  
 其守將出戰乃登陣盡易明幟守將不敢入城遂下癸丑鄭  
 彩殺大學士熊汝霖及義興伯鄭遵謙二月以錢肅樂為東  
 閣大學士力辭弗許時鄭彩橫專朝政諸鎮皆惡之肅樂日  
 中繫船王舟之次票擬章奏封進後即解維別去每入見即  
 流涕不止王亦泫然江西金聲桓都將郭天才以兵來歸封  
 忠勤伯三月職方主事王翊復起兵四明山自王入閩先後

克獲建甯邵武興化福甯三府一州及漳浦海澄連江長樂  
 等二十七縣溫台響應軍聲頗振至是我

大清調兩廣江浙之兵三路進討所得府縣破失迨盡僅存  
 甯德福安兩邑而已興化破大學士朱繼祚參政湯芬給事  
 中林崑知縣都廷諫死之建甯破鄧西王常潮及守將王祁  
 死之永福長樂間鄉宦士庶亦多殉義者夏六月戊戌兵部  
 尚書大學士錢肅樂卒王聞震悼報朝賜祭子諡蔭冬十月  
 馬思理卒以沈宸荃劉沂春為東閣大學士我

大清順治六年己丑春正月庚申朔王次沙埕稱監國四年  
 三月甯德破夏四月福安破兵部尚書大學士劉中藻衣冠  
 坐堂上為文自祭服金屑死翰林院簡討兵科給事中錢肅

小腆紀傳

卷七

八

範被執不屈死閩地悉陷六月定西侯張名振復健跳所遣  
 使迎王秋七月壬戌王復入浙次健跳所鄭彩棄王去從者  
 大學士沈宸荃劉沂春禮部尚書吳鍾巒兵部侍郎李向中  
 戶部侍郎孫延齡左副都御史黃宗義兵部職方司郎中朱  
 養時戶部主事林瑛及右僉都御史張煌言等每日朝於水  
 殿中山王後徐仁爵以扈從功封定南伯壬午我

大清兵圍健跳所阮進以樓船至遂解去封王朝先為平西  
 伯朝先初同張國柱王鳴謙出海黃斌卿留之部下不以事  
 任朝先請徇海邊劄奉化之鹿頭鎮遂有眾數千八月壬辰  
 世子生九月丁酉張名振阮進王朝先合兵討黃斌卿誅之  
 冬十月乙巳王駐舟山太保沈宸荃以疾請罷劉沂春還閩



以前吏部尚書張肯堂爲東閣大學士李向中爲兵部尚書  
朱永祐爲工部尚書兼吏部侍郎孫延齡爲戶部尚書召僉  
都御史張煌言爲兵部右侍郎李長祥爲兵部左侍郎擢給  
事中徐孚遠爲左僉都御史御史王翊爲右僉都御史皆結  
寨浙東朝行在也十一月遣澄波將軍阮美乞師日本國不  
得請而返我

大清順治七年庚寅春正月乙卯朔王在舟山稱監國五年  
岐陽王後李錫祚暨弟錫貢航海來朝命佐阮進軍守螺頭  
門秋九月周瑞周鶴芝以樓船三百餘艘分屯溫之三盤爲  
犄角四明山寨破兵部右侍郎王翊以其眾入海侍郎馮京  
第爲叛將王昇所殺大皎山寨破御史張夢錫死之冬十月

小腆紀傳

卷七

九

辛巳朔日有食之我

大清順治八年辛卯春二月己卯朔監國六年正月王在舟  
山我聞二月明二月乙卯張名振殺平西伯王朝先其部將  
張濟明走降於我

大清舟山虛實盡洩我總督陳錦始決計大舉矣秋七月降  
將張天祿出崇安分水關馬進寶出台州海門陳錦總督全  
師出定海御史沈履祥督餉台州被執死舟山聞警王會諸  
將議堵禦之策阮進獨當蛟關張名振督總兵張晉爵葉有  
成馬龍英義將軍阮美阮驥邊南師張煌言阮駿率總兵顧  
忠羅蘊章鮑國祥阮驛鄭麟都督僉事李英傑斷北洋都督  
僉事任麟爲監督留定西中軍金允彥巡城主事邱元吉安

洋將軍劉世勳中鎮馬泰三標營守城已王搆世子欲登舟  
名振不得已奉王搆吳淞以牽制我師張肯堂以兵六千留  
守舟山八月辛酉我

大清兵試舟海口肯堂令阮進以三舟突陣奪樓船一戰艦  
十餘獲十一人縱之還丙寅大霧瀾漫咫尺莫覩頃之我  
大清兵悉抵螺頭門守陣者方覺進還師遇之橫水洋以火  
毬擲敵舟風反轉擊進面爛焉李錫祚救之亦被創師燬力  
竭同投水死安洋將軍劉世勳左都督張名揚統精兵五百  
義勇數千背城奮戰殺傷過當會城中火藥盡中軍金允彥  
主事邱元吉跳城降城中櫛其子而呼名振還救我

小腆紀傳

卷七

十

諸軍力竭城遂陷世勳巷戰盡箭死岐陽李錫貢短兵巷戰  
馬蹶被執不屈死名揚卽名振弟抱母范自焚死太傅吏部  
尚書留守大學士張肯堂闔門二十餘人及其門下士禮部  
主事蘇兆人兵部尚書李向中禮部尚書吳鍾繼工部尚書  
朱永祐通政使鄭遵儉給事中董志甯郎中朱養時主事林  
瑛江用楫董元李開國顧珍顧宗堯顧所正戴仲明參謀顧  
明楫諸生林世英俱死之錦衣衛指揮王朝相護王妃張氏  
貴嬪張氏義陽王妃杜氏投諸井以巨石覆之乃自刎太監  
劉潮等從死者十有八人事後

大清兵相謂曰我軍南下所不易拔者江陰涇縣合舟山而  
三耳名振之還救也會師火燒門離城六十里候潮長進發



突見城中煙燄蔽天知不可救乃解維去尋與大學士沈宸  
荃兵部左侍郎張煌言扈王再入閩次廈門從官有侍郎曹  
從龍太常卿任廷貴太僕卿沈文光副使馬星俞圖南少司  
馬蔡登昌任穎眉主事傅啟芳錢肅遴陳蓋卿張斌葉時茂  
林泌侍讀崔相中書邱子章賜蟒玉侍郎張冲符行人張吉  
生張伯玉總兵張子先錦衣衛楊燦內官陳進忠劉玉張晉  
李國輔劉文俊等數十人朱成功以宗人府宗正禮見王贊  
千金紬緞百端安插從官饋月餼後有譜王於成功者成功  
禮儀漸疏癸巳三月王自去監國號甲午移南澳己亥秋永  
歷帝手敕命王仍監國而成功不欲遷王澎湖尋悔之迎歸  
金門供給如初泊至永歷帝就俘成功亦卒閩南遺臣猶欲

小腆紀傳

卷七

十一

再奉王監國貽書張煌言鄭經謀會師大舉會臺灣多事不  
果王寅冬十一月辛卯王殂於臺灣諸舊臣禮葬之

小腆紀傳卷第七終

男承禮 編輯

仁和魏錫曾參校  
會稽梁繼元覆校

小腆紀傳卷第八

前翰林院檢討加詹事府贊善銜六合徐鼎

列傳第一

后妃

宏光鄒太后

黃后

李后 童氏

隆武毛太后

曾后

永歷王太后

馬太后

王后 吉王妃  
松滋王妃

宮嬪某氏

魯監國張前妃 宮嬪周氏  
張元妃 義陽王妃等  
朱氏

宏光鄒太后京師人福恭王之次妃宏光帝之生母也崇禎

小腆紀傳

卷八

一

辛巳闖賊陷河南恭王遇害太后與上走懷慶甲申二月壬  
戌夜懷慶陷太后出東門與上相失轉徙兵間五月南都立  
諭參將王之綱迎之河南郭家寨秋七月遙上尊號曰恪貞  
仁壽皇太后八月戊辰至南京修西宮之西園第一所為太  
后宮封太后弟存義大興伯又諭工部括萬金充賞明年南  
都陷馬士英以黔兵四百人奉太后渡江將入浙逕廣德知  
州趙景和曰彼不奉君而奉母后詐也拒不納士英攻破之  
迂道至安吉知州黃翼聖肅迎道左巡撫張秉貞檄問真偽  
翼聖曰閣部既真恐太后亦非偽秉貞備法駕以總兵府為  
行宮潞王及羣臣往朝太后服赭一紫衣宮女侍傳命用在  
籍諸臣尋劉宗周熊汝霖入見面糾士英黃道周亦疏請誅



之太后覽表歎歎無一語尋走紹興路王降挾太后與俱渡淮水躍入水中死或曰入浙者僞也上之被拘江甯縣也太

后與妃金氏同居一室被驅以北渡淮乘間投水死

黃后李后不詳何處人宏光帝之爲郡王也娶黃妃早卒爲

世子娶李妃洛陽之變死焉童氏者河南人襲封後納爲妃

與鄒太后逃之尉氏將依其族人童尙宣不得展轉逆旅間

無何上亦至就邸中相依生一子及上下下氏與太后散去

不相顧上卽位追諡黃妃曰孝哲懿莊溫貞仁靖皇后李妃

曰孝義端仁肅明貞潔皇后遣官齋詔迎太后顧不及童氏

巡按御史陳潛夫奏妃故在庶吉士吳爾壘亦附疏白之弗

召氏乃詣巡撫越其杰自陳其杰商之劉良佐具儀從送至

小腆紀傳

卷八

二

南京上大怒不見訶爲妖婦下錦衣衛獄氏在獄自書入宮

月日相離情事甚悉都督馮可宗以聞上擲不視命嚴刑拷

之可宗辭改命屈尙忠竟其獄氏徒跣呼號宛轉不三日死

上遷怒於潛夫爾壘並逮治時又有北來太子之獄良佐疏

言上爲羣臣所欺將使天倫絕滅諭曰朕元妃黃氏繼妃李

氏追封皇后詔示海內卿爲大臣豈不聞知童氏不知何處

妖婦宮闈風化所關豈容闖入更封黃后賊九鼎爲維中伯

以示意究亦莫識怒氏之由也

隆武嫡母毛氏卽位後追尊曰皇后所生母則不可問汀州

之變百姓收帝后及羣屍葬於羅漢嶺勒碑曰隆武母后光

華太姬諱英忠烈徐娘娘之墓或上生母歎蓋上好執古義

無冊尊所生事故紀載莫得而傳也

曾后南陽人諸生曾文彥女崇禎五年隆武帝襲位年已三

十有一后年十九選入宮頗知書禮任內政上甚暱之九年

秋京師戒嚴上以擅發護軍勤王得罪廢庶人安置鳳陽高

牆病瀕死恐醫藥有詐不與飲入夜默禱於天剝股肉進

之上愈後始聞遂更相憐愛南都立以赦命徙廣西之平樂

乙酉夏抵浙而南都覆后勸上爲自立計卽位冊爲后封文

彥吉水伯命婦入朝太和殿僉有所資上性儉宮中屏去金

玉錦繡幃幕衾褥率以大布爲之不列嬪御僅執事二十餘

輩而已后旣素能理事至是頗與外政凡批閱章奏多所參

駁每臨朝則垂簾座後以共聽斷總憲張肯堂疏言垂簾非

小腆紀傳

卷八

三

聖世所宜后大恚肯堂以是見疏說者謂上有英察之譽而

溺於內愛有以知其不能成功也是冬十二月上親戎由水

道進后從幸密言鄭氏不可倚請依何騰蛟芝龍阻之不果

移駐延平丙戌夏六月后生元子八月我

大清兵渡仙霞嶺丁酉上出奔命后先發宮眷皆騎從庚子

抵汀州辛丑黎明福清伯周之藩朝行在聞上與后角口聲

之藩歎曰此何時而角口乎敵兵至且奈何俄十餘騎突入

行宮並就執行至九龍潭后赴水死或曰與上被害汀州之

府大堂永歷帝立遙上號曰思文皇后已加諡曰孝毅襄皇

后

永歷王太后湖廣人桂端王繼妃永歷帝之嫡母也性慈惠



通大體上嗣桂王封進太妃丙戌秋九月粵東聞汀州之變  
總督丁魁楚巡撫瞿式耜等議奉上監國太妃曰兒非治世  
才何苦以一朝虛號塗炭生民南中閩中可鑒也又告諸大  
臣曰諸臣何患無君願更擇可者羣臣固請乃許之十一月  
聞韓州之變上倉卒幸梧州太妃呼省臣李用楫臺臣程源  
訶其棄逃無固志諸臣皆伏地引罪上尋還肇慶卽位上太  
妃尊號曰慈寧皇太后自是流離奔播錦衣衛馬吉翔管扈  
從五虎之攻吉翔也太后以吉翔扞禦之勞為緩頰金堡駁  
御史呂爾嶼疏遠有昌宗之寵方新仁傑之袍何在云云太  
后因是大惡五虎袁彭年丁母憂戀位不守制太后宣敕問  
不守制是何朝祖訓彭年窘甚乃避位金堡亦於庚寅二月

小腆紀傳

卷八

四

獲重譴堡有直聲五月高必正黨守素李元胤朝梧州行在  
合辭為請太后垂簾上東向召三帥入對太后曰卿莫認金  
堡為好人只滇封一事豈非誤國諸臣不敢對而堡亦量移  
戍地辛卯夏四月殂於田州五月葬南甯上尊諡曰孝正莊  
翼康聖皇太后

馬太后永歷帝生母也家世不可詳上卽位尊為皇太妃兄  
之子九功封鎮遠伯辛卯四月王太后殂是冬十月辛亥冊  
尊為太皇上徽號曰昭聖仁壽皇太后生平極流離奔播之  
厄後為緬人執送吳三桂軍吏押發赴燕行次黃茆驛與王  
后推輪相望彼此禁不得語而各以手示乃同時扼吭以死  
王后吳人父略嘗為粵中郡守遂家焉后素閑靜為永明王

妃侍兩宮能盡敬禮總持內政丙戌冬十一月冊立為后略  
封長洲伯丁亥上駐武岡秋七月我

大清兵破寶慶直趨奉天城下錦衣衛指揮文安伯馬吉翔  
奉太后及后斬關夜逃由水道馳入蠻境會天淫雨宮女內  
豎皆踉蹌泥淖中飢餓無人色而后則夷然也戊子春駐南  
甯閏三月子慈烜生后出大赦初我

大清兵攻桂林后嘗發內儲銀餉軍不足則資以簪珥之屬  
留守大學士瞿式耜妻邵氏亦出金珠為助時謂中宮之賢  
有以召之也及入安隆土銜蘆簾幾不蔽風雨浣衣羅食倍  
歷有生之厄密敕之獄內臣張福祿全為國愬於馬太后求  
救麗天壽等直入宮門禽二人於坤甯宮外太后與后稍問

小腆紀傳

卷八

五

之天壽怒目訶之獄既具吉翔天壽益思所以媚孫可望以  
為事涉內官后必知情宜廢之以截後禍令其黨主事蕭尹  
具疏密陳古來后妃不道諸廢立事后乃泣懇上前曰不虞  
漢家末世之風見於今日也上留中寢之泊入緬輒以病自  
哀咒水禍作每問諸家眷屬之自盡者泣謂嬪侍曰吾非不  
能為此顧以太后在恐重傷上心也尋為緬人所獻中塗與  
馬太后同扼吭死又有吉王妃某氏松滋王妃某氏於咒水  
禍作時自經死從臣妻女詳列女傳

某嬪者永歷帝之宮嬪也由安隆入緬與上相失入白文選  
營中端謹持禮文選甚致敬焉比文選降將挾以北走嬪聞  
之急自散髻以髮結喉死



魯監國前妃張氏會稽人早歲入宮王監國後冊爲妃生世子父國俊攬權納賄嘗受鄧降人謝三寶金萬兩魯監國必致三寶於樞要而後已妃聞之脫簪待罪監國慰之以免及江上師潰命保定伯毛有倫扈宮眷及世子出海妃再拜辭曰勿以妾故爲王累遂手碎磁盤自剄死或曰被劫北去中途自剄死宮嬪周氏亦自刎

張元妃鄞人魯監國入舟山後冊立初以丙戌春入宮次於會稽張妃主內政毛有倫之奉命扈宮眷世子自蛟關出海也期會於舟山道逢定海總兵張國柱亂兵殺掠劫宮嬪諸內人去有倫全軍歸命時妃在副舟中急令舟人鼓棹突前追兵不及伏荒島數日飄泊至舟山而監國已入閩旁皇無

小腆紀傳

卷八

木

所歸吏部尙書張肯堂遣官護之得達長垣監國見之流涕始進冊爲元妃在海上者三年風帆浪楫莫副山河之容己丑黃斌卿伏誅始復入舟山先是會稽張妃父國俊豫事妃歎曰是何國家是何勳戚而尙欲爾爾乎至是親族有至者悉遣之嘗遣使中土寄書訊其女兒歷敘蛟關之掠長垣之困琅琦之潰健跳之圍操尺組而待命者不知凡幾鬼火以當庭燎黃葉以充葛藟猿鳴龍嘯以擬晨雞苟延餘息終擬一死以完皎然之軀辛卯秋

大清兵以三道入海監國謂蛟關未能猝渡親帥師出搗吳淞蕩湖伯阮進敗死兵臨城下安洋將軍劉世勳議分兵送宮眷出然後背城一戰妃傳諭辭曰將軍意良厚然螭難鯨

背之間懼爲姦人所賣則張妃之續也願得死此淨土諸臣乃止城陷妃整簪服北向拜謝投井死義陽王妃杜氏宮娥張氏並從之錦衣指揮王相內臣劉湖共掌宮事歎曰真國母也豈可使其遺骸爲亂兵所窺相與昇巨石填之卽共刎其旁旣而監國諡爲貞妃封其井立碑以祀

朱氏魯王女也適南安儒士鄭哲飛哲飛歿扶姑挈子女依父家後乃渡臺灣依甯靖王術桂五妃之死也氏欲從之甯靖王曰姑存子幼汝何可死氏涕泣奉姑移居忍饑盡養年八十餘卒

小腆紀傳

卷八

七

小腆紀傳卷第八終

男承禮 編輯

仁和魏錫曾參校  
會稽榮維元覆校



小腆紀傳卷第九

列傳第二

前翰林院檢討加詹事府贊善銜六合徐肅謨

宗藩

蜀王至澍 太平王至漾

襄王常澄

崇王慈燿

吉王慈燿 松滋王其岷王子某

榮王由楨

潞王常芳

瑞王常浩

義陽王朝墀

東安王盛浪

德陽王至濬

延長王謙鏞

甯靖王術桂

光澤王儼鐵

巴東王某

小腆紀傳卷九

弋陽王某

石泉王聿銘

德化王慈燿

新昌王某

鄧西王常潮

永西王某與安王某

貴溪王常澎

靖江王亨嘉

嗣王亨歆

崇陽王某 奉國將軍輝李

敬鏞

誼斗 企鈺

敬濛 俊浙

壽鏞

奉鈔 兄弟某

帥欽

議混 議漆

常采

由楨

統額

容藩 謀烈

蜀王至澍蜀獻王後太祖十世孫也世傳獻王得鴻寶之書

於內府子孫善黃白術故蜀府最稱富崇禎甲申賊氛既逼巡按劉之渤同知方堯相請至澍出貲募士設守以祖制不典兵辭知成都縣吳繼善上書曰高皇帝眾建藩輔替置繡錯數年以來路命亡氏失其國家此數王者非真有敗德失道見絕於天也直以擁富貴之賞狃便安之計為賊所利而不思自全此非殿下前車之鑒乎今楚氛日惡秦關失守曹闕姚黃陸梁左右殿下付之悠悠而不恤夫全蜀之險在邊不在腹若設重戍於夔門劍閣誠足自固否則黃牛白帝亦屬夷庚黑水陽平更多歧徑迺欲坐守門庭謂為設險不可解者一也往者藹酋撲滅獻賊逃遁只以藹兵力有虧獻地利不習今日荆襄撤其藩籬秦隴寒其唇齒揣量賊情益無

小腆紀傳卷九

顧忌而欲援引前事冀倖將來不可解者二也至於錦城之固不及秦關白水之險豈踰湘漢此可恃以無虞彼何為而失守且城如孤注救援先窮時及嚴冬長驅尤易累卵不足喻其危屠火不足明其急而猶事世泄以幸苟免不可解者三也為殿下計宜召境內各官諮謀議發帑金以贖成卒散朽粟以慰飢民出明禁以絕廝養蒼頭蠲積逋以免流離溝壑募民兵以守隘結籜目以資援政教內修聲勢外振則可易危為安轉禍為福苟或不然蜀事誠莫知所終竊為殿下危之至澍不能用而謀遷於滇之渤持不可內江王至沂與之渤爭乃以六月十三日啓行守門卒洶洶輜重有被掠者乃止城中一日數驚火藥局災雷震寢殿大雨雹至澍



始懼出財募勇三日無應之者城陷與弟太平王至深妃邱氏宮人素馨等投井死之渤等另有傳

襄王常澄襄忠王翊銘之嫡次子仁宗八世孫也初封福清王崇禎十四年獻賊陷襄陽翊銘暨長子某同遇害乙酉四月始襲封命居汀州或曰命居九江終事不可詳

崇王慈燿崇王由橫之次子英宗八世孫也崇禎壬午闖賊陷汝甯掠由橫及世子慈輝妃嬪以行甲申春慈燿偕諸王南奔命居温州乙酉二月襲封命居福州終事不可詳

吉王慈燿吉貞王之子英宗八世孫也甲申南都立六月貞王薨於淮安舟次慈燿以聞命於安吉孝豐卜葬冬十月命慈燿嗣封南都亡轉徙閩粵永曆帝之入緬也慈燿與遼藩

小腆紀傳 卷九 三  
松滋王某及岷王子從焉咒水之禍慈燿偕妃某氏貴人楊氏劉氏自縊死岷王子流入暹羅國

榮王由楨蓋榮憲王由枏兄弟行憲宗七世孫也襲封時日不可詳永曆元年八月武岡之變楚中諸臣不知乘輿所在督師堵盾錫議奉由楨建號於辰州寓書前閣臣熊開元以元輔相期開元不可乃止是冬十月辰州陷由楨逃之苗洞被獲死之

潞王常澆潞簡王翊鏐之子穆宗孫也萬曆四十二年翊鏐薨常澆幼母如李氏理藩事四十六年襲封崇禎中流賊擾秦晉常澆告急言衛輝城卑土惡請選護衛三千人捐歲入萬金資餉不煩司農帝嘉之尋以盜發王妃塚上言賊蔓延

及江北鳳泗陵寢可虞時諸王能急國難者惟潞周二王云

甲申二月衛輝陷南奔流寓於杭州常澆工書畫古玩通釋典號潞佛子雖有賢聲實非戡亂才南都之議立君也呂

大器張慎言姜曰廣錢謙益等慮宏光帝立且修毀三案僉謂常澆賢明可定大計宏光帝既立馬阮輒以是齟齬異己常澆初至杭州海甯百姓誦鄉官陳之遴於撫按常澆偶與

眾語及之之遴懼巡按御史彭遇颺以括餉爲士民所逐調淮揚思所以自媚會之遴起原官與遇颺同入對因言定策之初大臣意在潞王省會非所宜居常澆亦自危疏請僻靜

一郡乙酉夏四月左兵逼乃移周魯二藩於江西廣東而命常澆居湖州未行而南都陷馬士英奉太后至杭州常澆入小腆紀傳 卷九 四

見諸臣請監國不受太后泣且拜之終不受而與巡撫張秉貞總兵陳洪範迎降秋九月

大清兵挾宏光帝暨常澆北旋明年五月同遇害隆武帝追諡曰閔王

瑞王常浩神宗第五子萬曆二十九年與福惠桂三王同封年二十五尙未選婚羣臣交章言不報而日索部帑爲婚費

贏十八萬且言冠服不能備天啓七年之藩漢中常浩性佞佛不近女色丞監以下皆化之吳民有解瑞府糧者必厚給使歸崇禎時上書言臣託先帝骨月獲奉西藩未期年而寇



秦州楚賊上興安六月遂犯郡界幸諸將憑江力拒臣在萬山絕谷中賊四面至覆亡無日臣肺腑至親藩封最僻而於寇盜至迫惟陛下哀憐既而寇逼秦中將吏不能救乞授於蜀總兵侯良柱援之遂自漢中奔重慶隴西士大夫多從之關南道陳繼與焉甲申六月重慶陷遇害方常浩之就執也雷忽震張獻忠曰若再雷者釋之已而竟不免眾見常浩乘白氣冉冉而沒或謂之兵解云

義陽王朝暉周藩裔也甲申南都立命駐太倉州乙酉夏南都陷總兵黃蜚監軍道荆本澈等以舟師奉之駐崇明沙蜚降本澈死朝暉依朱成功於廈門戊戌七月從成功北征駐羊山舟覆溺死本澈另有傳

小腆紀傳

卷九

五

東安王盛浪者楚藩裔也襲封不可詳永曆帝入滇盛浪竄川東癸卯冬劉體純郝永忠袁宗第等敗死盛浪被獲於小尖寨亦死

德陽王至濬蜀藩裔嘉靖中國除至濬襲封事不可詳永曆帝入緬後至濬與太監王應遴匿交趾之高平而是時安南都統使莫敬耀已入貢於我大清勢益孤危遂出降

延長王識鏞肅藩裔太祖九世孫也襲封時日不可詳國變後流落西陲戊子三月戊午有狗人米喇印丁國棟據蘭州擁識鏞為主降將孟喬芳張勇會師擊敗之是年五月識鏞被擒於馬家坪死之

甯靖王術桂字天球太祖八世孫遠藩長陽郡王術雅之弟也初授輔國將軍崇禎壬午流寇陷荊州隨惠王常潤避兵湖中宏光時晉鎮國將軍同長陽王守甯海南都亡長陽王入閩有傳其死者魯監國以術桂襲封隆武帝封亦如之後聞其兄尙存已襲遼王術桂疏請以長陽之封讓兄次子隆武帝不許改封甯靖王仍依魯監國督方國安軍丙戌五月我

大清兵渡錢塘江術桂航海至石浦監國亦自海門來同至舟山歲杪抵廈門是時鄭芝龍已歸命我朝鄭鴻逵迎准王於軍中留術桂監其師合朱成功之兵圍泉州不克鴻逵載准王與術桂至南澳朝永曆帝於肇慶戊

小腆紀傳

卷九

六

子春命督鴻逵成功師就所在地方月支贍銀五十兩庚寅冬粵事又潰乃與鴻逵旋金門及成功取臺灣術桂輒東渡就竹滬墾田數十甲以自贍元妃羅氏卒葬焉術桂為人美髯宏聲善書翰喜佩劍沈勇寡言兵民咸尊禮之聞澎湖之敗歎曰主幼臣強將驕兵悍不知託足何所矣既聞劉國軒議降曰是吾歸報高皇之日矣分其田賞佃人舍府舍為佛寺召姬媵袁氏王氏秀姑荷姐梅姐五人曰我死期至汝輩自便咸對曰王全節妾豈失身乎請先賜尺帛死隨王所術桂曰善哉備六棺沐浴更衣環坐歡飲五人起自縊術桂為殮畢冠服辭交遊耆老入而北面向東再拜援筆書曰自壬午流賊陷荊州攜家南下甲申避亂閩海總為幾莖頭髮保



全遺體遠滯外國今已四十餘年歲六十有二時逢大難全髮冠裳歸報高皇生事畢矣無愧無作又題一絕云艱辛避海外總爲幾莖髮於今事已畢祖宗應容納投縋死葬於鳳山縣之竹漚自衛桂死而魯監國之子桓瀘溪王慈曠巴東王江樂安王俊舒城王著奉南王嬉益王宗室鎬皆詣大清繳冊降

光澤王儼鐵遼藩裔太祖九世孫也有術搆者於萬曆三十四年襲封儼鐵蓋其子也永曆帝入緬後與總兵楊祥亡入交阯交人執送廣西遇害祥另有傳

巴東王某遼藩裔名不可詳永曆六年壬辰從幸安隆時行宮庫隘奄寺宮人假館於外分班宿衛常在郭氏名良璞故

小腆紀傳

卷九

七

奄夏國祥之對食也年十九妍麗捷敏能擊劍走馬王如某氏與之善有張應科者孫可望之私人也窺見良璞心好之移居近王第晨夕致殷勤王亦暱就之應科呼王如爲嫂因得通於良璞事覺上命杖殺良璞併內監李安國賜王與妃悉自裁

弋陽王某者甯藩裔萬曆中以無子除某襲封事不可詳國變後避亂建陽山中土人擁戴之建陽從英德之滄光厥遡流而上爲陽山縣爲連州爲連山縣達於湖廣地皆深林峭壁人善用礮以背負之發輒命中李成棟屢攻不克歸明後遣科臣洪士鵬往亦不得入宣忠伯王承恩請行命齋救往遇王於陽山其眾皆居奇自恣不聽王赴闕標下彭鳴京鍾

某羅某願統眾隨承恩自效亦不果

石泉王聿鎔唐藩裔蓋隆武時所封也永曆帝入滇時聿鎔竄巴蜀王寅四月敘州馬湖陷死之

德化王慈熾吉藩裔英宗八世孫也襲封事不可詳戊子己丑間魯監國所復福建地盡失惟延漳汀三府界連江右而延平所屬又在萬山中我

大清兵逞慈熾乃踞將軍寨連破大田龍溪順昌將樂己丑十一月丙辰朔我

大清兵克其寨慈熾死之其兵部尙書羅南生等皆降

新昌王某徽藩裔也名不可詳乙酉秋淮安人王翹林繆鼎吉鼎言兄弟奉之起兵海中雲台山後被殺於淮南見鼎吉

小腆紀傳

卷九

八

鼎言傳

鄖西王常潮益宣王之庶子憲宗五世孫也永曆元年丁亥四月起兵復建甯其將王祁復邵武明年三月城破常潮與祁皆死之同時有永西王德化王興安王者名不可詳與瀘溪貢生魏一柱亦與攻克建甯之役永西德化皆死之興安以先事出獲免

貴溪王常滌榮藩裔憲宗五世孫也丁亥冬永曆帝自象州返蹕桂林榮王亦遇害辰州常滌與總兵項登章擁餘眾據永甯山寨攻沅州明年二月寨破皆死之

靖江王亨嘉太祖嫡兄南昌王興隆之裔也初亨嘉以庶子襲封其嫡借宗人疏許之歷天啓崇禎兩朝獄未具亨嘉厚



賂朝貴得直而下許者於獄宏光元年表賀登極因劾奏永  
 金連三州為土賊所據撫按匿不聞狀遂竊據三州駐桂林  
 及南都陷亨嘉睥睨神器以其黨總兵楊國威為大將軍推  
 官顧奔為吏科給事中臬司曹進等俯首聽命檄廣西左右  
 兩江土狼四十五洞標勇自稱監國隆武帝詔至不受舉兵  
 而東事敗械至福州廢為庶人以幽死黨與皆伏誅詳瞿式  
 耜傳亨歿蓋亨嘉兄弟行襲封時日不可詳永歷元年冬十  
 二月自象州返蹕桂林亨歿借留守瞿式耜迎於郊四年冬  
 十一月桂林破亨歿棄城走世子某暨長史李某縊於宮中  
 崇陽王某名系不可詳蓋南渡後所封也戊子二月率苗兵  
 十二營攻黎平為降將陳友龍所敗諸營俱潰獨興化土司

小腆紀傳

卷九

九

迎奉國將軍暉奎入寨以兵千人拒守寨破暉奎死之  
 敬鎮字季量秦藩裔太祖九世孫也有自吟亭詩草  
 誼斗字子斗亦秦藩裔太祖十世孫也才情橫溢富平李因  
 篤亟稱之華陰王宏撰交誼斗於青門顧炎武聞而訪之誼  
 斗已歿子存杠出所著述以見炎武為序之時有青門七子  
 者皆宗室之賢誼斗其一也六子不可攷存杠後人冒姓楊  
 氏又岷藩裔金銳改名金尤有詩集皆革除後懼禍變易  
 敏濛字龍澤晉藩慶成府鎮國將軍太祖十世孫也闖賊之  
 亂罵賊死中尉敏汧蓋其兄弟行顧炎武訪之汾州陽城里  
 又有中尉俊漸者代藩宗人炎武嘗攷其世次於孝宗為昆  
 季云

壽鉢魯藩裔太祖九世孫家兗州崇禎中官雲南通判有聲  
 績永歷帝擢為右僉都御史使募兵值沙定洲作亂兵不克  
 集既孫可望至壽鉢知不免張摩蓋往見之行三揖禮曰謝  
 將軍不殺不掠之恩裔之降不從繫他所題詩壁上或以報  
 可望遂遇害

奉鉅蜀藩裔由進士歷御史劾督師丁啓睿請疏為時所稱  
 乙酉三月偕天全六番招討使楊之明起兵拒獻賊敗績死  
 之又兄弟某者名不可詳甲申八月賊陷成都大搜藩宗兄  
 弟投水死妻李氏姊妹而姊妹也聯袂投江死

帥徽慶藩裔太祖九世孫也崇禎末官香河知縣甲申三月  
 北都陷棄官走偽防禦使囚之德州貢生馬元駮生員謝陞

小腆紀傳

卷九

十

之誅偽官也奉帥欽權稱濟王移告遠近兗青登萊皆堅壁  
 自守是年六月我  
 大清兵下德州前大學士謝陞以帥欽降授知州時又有衡  
 王某者誅偽官於青州請徙內地終事不可考  
 議泥議漆二人甯藩裔太祖十世孫議泥官廣西道御史孫  
 可望之請王封也給事中金堡七疏爭之舉朝方畏五虎勢  
 莫敢異同議泥獨劾堡把持誤國後與於密敕之獄安龍十  
 八先生之一也議漆死於緬人咒水之禍  
 常采襄藩樊山王翊鈺之次子仁宗八世孫也封鎮國將軍  
 張獻忠之破襄陽也常采挈家人一夕遁丙戌春歸朔州與  
 英山男子王六姊起兵斗方碧兵敗死之



由樞不知何王裔以宗室中崇禎壬午舉人為廣東教諭隆武丙戌充鄉試同考官歷官翰林院侍讀永曆帝還駐肇慶擢大學士命入閣李成棟忌之誣以他罪捕繫獄中殺之

統鎮者甯藩建安王府鎮國中尉宏光帝立謁南都吏部候考馬阮之謀遂姜曰廣劉宗周也知統鎮無賴大鉞自為疏使上之疏言曰廣定策時有異志詞連史可法張慎言呂大器等疏入高宏圖稟擬究治上坐內殿召輔臣入厲聲曰統鎮吾一家何重擬也踰二日統鎮復疏劾曰廣五大罪一引用東林死黨鄭三俊吳甡等把持朝政以劉士楨為通政沮遏章奏以王重為文選廣植私人二令楊廷麟出劇盜於獄交聯江河大俠與水陸姦弁日窺南都聲息非謀劫遷則謀

小腆紀傳 卷九 十一

別戴三庇從賊諸臣四納賄五姦媼請并士楨重廷麟及劉宗周陳必謙周鑣雷縝祚俱置之理舉朝大駭通政司劉士楨禮科袁彭年劾統鎮誣詆大臣且不由通政司由何徑竇直達御前不聽曰廣宗周既去位以統鎮為行人司行人統鎮不悅語人曰須還我總憲尋許御史周燦命不究蓋上亦厭薄之或曰統鎮既劾曰廣而大鉞不滿意復募建安王統為之再疏劾者非統鎮也

容藩楚藩裔無賴不齒於王府逃入左良玉軍中冒稱郡王諸將惡之走南都賄馬士英請以鎮國將軍監督楚營幾激變已闖賊餘黨入楚復入賊中稱楚王世子賊大喜欲立為王既疑其詐也乃止丙戌冬十一月永曆帝立赴行在言賊

中情形甚悉丁魁楚信之薦於朝命掌宗人府事兵科程源者四川人也與容藩交甚權謂之曰川中諸將兵不下數十萬吾兩人各請總督之職公督東北我督西南賊不足平也容藩喜具疏請之加源太常寺少卿經理三省容藩為兵部右侍郎兼右僉都御史總督川東軍務及上移蹕桂林容藩覬覦入閣受命不即行私屬給事中唐誠疏劾丁魁楚私逃謂魁從單弱如容藩程源皆係擁戴重臣不宜出外上素惡容藩怒曰爾等又欲擁戴容藩邪削容藩職將誅之容藩賂內監龐天壽言之太后謂上曰變亂以來宗室凋零容藩罪不至死毋過求乃赦之復其官容藩遂由辰州至施州衛入四川假稱楚王世子天下兵馬副元帥適鄖陽守將王光興

小腆紀傳 卷九 十二

為我

大清兵所敗無所歸不知其偽也以其眾二萬人附之李占春于大海兩將亦附焉我

大清兵由重慶順流下丁亥秋七月容藩命占春大海截擊於萬縣之湖灘我

大清兵失利走川北容藩得三營兵益恣肆遂稱監國鑄副元帥金印佩之改忠州為大定府號府門為承運門稱所居為行宮設祭酒科道鴻臚寺等官封王光興李占春于大海楊朝柱譚宏譚文譚請楊展馬應試為侯伯以張京為兵部尚書程正典為四川總督朱運久為湖廣巡撫冬十一月容藩率李占春至重慶會李乾德諷其推戴已乾德若不解者



而禮復不相下適長至行朝賀禮袁韜自賊中出素不知禮與容藩同班拜舞容藩怒占春尤不平容藩命占春襲韜不克夔州臨江有天字城容藩改為天子城以為己讖部眾數千居之封石砭酉陽土官為伯掛將軍印廝養蠻獠授監軍總兵之職時干戈阻道文告不通諸將士多為所惑競往歸焉川撫錢邦芑疏劾之傳檄各大鎮封稿達之堵盾錫期共藩曰聖駕播遷川中不知順逆聊假名號彈壓之耳盾錫訶之曰公身自為逆何能服叛逆乎公再不悛錢公率兵下吾截其後川將皆朝廷臣子誰為公作賊者川東文武始知容藩名號之偽多解散者督師呂大器至涪州李占春來謁適

小腆紀傳

卷九

十三

容藩有牌至大器視其銜笑曰副元師非親王太子不敢稱天子在上何國可監此人反叛明矣爾等受其官必不免占春曰討叛以贖罪若何大器許之占春整師至天字城容藩敗走夔州匿草舍中為土人擒獻斬之川東悉平同時有謀烈者甯藩裔構堵盾錫於龍虎關守將曹志建幾激變見盾錫傳

論曰明南渡後宗室諸王事至舛駁不可記

國史載順治三年洪承疇奏生擒樊山王朱常炎瑞昌王朱誼泐博洛奏克金衢斬蜀王朱盛濃樂安王朱誼石四年二月博洛奏擒周王肖象益王思恢五年二月浙督陳錦奏擒榮王朱有楨子松於苗洞又擒南威王朱寅衛此類不下百

餘事核之世表二十字之次及遺臣紀述其國其人百無一合其尤甚者四年十一月漕督楊某奏擒義王朱尚孔有德奏克寶慶殺魯王朱鼎兆及永歷太子朱爾珠烏有子虛不可究詰蓋軍士貪俘馘之功露布沿謫傳之字焜火同焚涇源孰別情事然也列傳之作將何從哉蓋嘗觀祭神官家書參互推撫略可得而言焉南都初建適有潞藩之議赧王杯弓懷懼羹齋是吹始停換授繼禁入京周魯寓居浙東旋命遣徙遂安請團鄉勇亦不允行幾幾如陳思王之所云矣然遼藩除於隆慶西鄂除於正德懸絕幾百年何自有台州甯國之命豈登極之新恩抑納賄之冒襲王政不綱濫恩錯出矣南都既亡閩粵繼立國勢十去八九譜牒百無二三周益

小腆紀傳

卷九

十四

遼二十四王死於廣省由棧十有三人死於惠州孫賊芟之貴陽緬首殲之咒水迫臺灣鄭氏之亡而宗盟訖矣然而江東父老共扶琅琊南陽諸將樂推更始如朝墀識鏘諸人蓋皆中山帝裔殊於小者王郎熏穴之求孤忠林立又况甯靖之死忠如北地誼泐之存賢於孟頫聽其埋蝕潛德何光爰綜賢愚作宗藩列傳嗟乎葛藟失庇苞稂其寒悠悠蒼天殷鑒不遠有國者可忽乎哉

小腆紀傳卷第九終

男承禮編輯  
仁和魏錫曾參校  
會稽梁繼元覆校



小腆紀傳卷第十

前翰林院檢討加詹事府贊善銜六合徐肅撰

列傳第三

史可法 應廷吉

史可法字憲之號道鄰大興籍河南祥符人也世為錦衣衛百戶母尹氏夢文天祥而生可法短小精悍面黑目爍爍有光左光斗視學京畿決為非常人舉崇禎戊辰進士授西安府推官遷戶部主事歷員外郎郎中八年以戶科都給事中遷右參議分守池州太平其秋總理侍郎盧象昇大舉討賊改副使分巡安慶池州監江北諸軍賊再犯安慶可法連營堵勦且戰且無賊去則下馬坐積屍上計賊出沒及身所歷

小腆紀傳

卷十

十

州邑破陷長吏逃死狀草奏以聞復上馬馳行每數月不就寢使將士更休而自坐幄幕外擇健卒十人二人蹲踞而背倚之漏鼓移則番代每寒夜起振衣裳冰霜鏗然有聲士未飽不先食未授衣不先衣以故得士死力既象昇改督宣大王家禎熊文燦先後督師賊益狂逞南都震驚十年七月擢可法右僉都御史巡撫安慶廬州池州太平四府及河南之光州光山固始羅田湖廣之蘄州廣濟黃梅江西之德化湖口諸縣提督軍務屢挫賊鋒賊酋老獬遁入山順天王乞降十二年夏以父憂去服闋起戶部右侍郎兼右僉都御史代朱大典總督漕運巡撫鳳陽淮安揚州劾罷督糧道三人增設漕儲道一人大濬南河釐剔蠹弊吏部尚書李日宣等

言可法文武才漕事方亟宜俟報竣召用蓋時有易可法為

鳳陽總督之議也既乃開屯田招流亡繕城郭訪賢豪而咨以軍政江淮南北屹然稱重鎮崇禎帝嘉其能凡所奏悉報可已而賊連破荆襄承天蔓延河南山東可法屯師淮上賊望見旗幟即遁去尋欲召為兵部尚書檢討汪偉曰有可法淮揚以安無可法江南必危且留之以係東南望十六年迺拜南京兵部尚書參贊機務南都武備久弛奏行更新八事京營之有籍無兵者按去之十七年夏四月朔聞賊犯闕乃與戶部尚書高宏圖等誓告天地馳檄勸王渡江抵浦口聞北京已陷諸將請先擇君以定南都時福周潞崇諸王俱南來而福王由崧最親都御史張慎言詹事姜曰廣移牒言福

小腆紀傳

卷十

二

王有不孝虐下干預有司不讀書貪淫酗酒七不可立潞王賢明可定大計馬士英亦遣其私人傳語謂立君以賢倫序不宜固泥可法信之即答以七不可立之說身還南京士英欲居擁戴功既得可法移文即結靖南伯黃得功暨高傑劉澤清劉良佐等移書諸大臣謂以序以賢無如福王責可法當主其議發兵擁王至儀徵可法始知為士英所賣倉卒奉宏光帝於五月初三日庚寅監國進東閣大學士兼兵部尚書與高宏圖同入直馬士英仍督鳳陽方廷推時劉孔昭攘臂欲入閣可法曰本朝無勛臣入閣例孔昭勃然曰即我不可馬士英有何不可又議起廢眾推鄭三俊劉宗周徐石麒孔昭特舉阮大鍼可法曰此先帝欽定逆案毋庸議自是始



構怨焉可法念高黃二劉之眾未盡爲國用寓書士英言今日之事非可法與公誰任之者合疏請分江北爲四鎮以傑得功澤清良佐分統之立督師於揚州節制諸鎮又請裁去南京內外守備參贊各衙依北京舊制設京營府衛簡精壯募義勇以實之侍衛錦衣鑾儀諸司所隸軍役當多事之日悉宜入伍操練毋坐耗錢糧至錦衣鎮撫司官不必備亦所以杜告密節繁費收人心於新政有裨者也又言操江舊兵單弱請增設九江京口兩鎮文臣二人協理戎政上並從之是時士英旦夕冀入閣聞仍督鳳陽之命則大怒密以七不可立之書呈上而擁兵江干上疏勸進既至京謂可法曰我馭軍寬頗擾於民公威名著淮上公誠能經營於外我居中

小腆紀傳 卷十

三

帥以聽命當無不濟者可法知勢不兩立乃曰居者守行者禦政辭難乎遂請行京師士民譁曰何乃奪我史公太學生陳方策諸生盧涓疏言淮揚門戶也京師堂奧也門戶有人而堂奧無人可乎不聽壬寅上卽皇帝位乙巳可法陞辭加太子太保兵部尙書武英殿大學士命百官郊餞給銀二十萬兩可法請以總兵劉肇基李棲鳳于永綬下從善金聲桓隨征薦舉人李蓮主事何剛軍前監紀從之又請發銅甲銅鍋倭刀團牌紅夷礮併色絹白布一應軍需詔戶部卽給可法既出孔昭益無顧忌結勳臣計吏部尙書張慎言於朝可法歎曰黨禍起矣因疏曰先帝用人原無成心傳宗龍孫傳庭起自孽囚張鳳翔袁繼威馬士英起自成籍當吳姓奉命

南征以候唐通兵不至遲則過之所可原者卽諸臣以爲不可亦須平心入告何至痛哭喧呼滅絕法紀使驕將悍卒聞之不益輕朝廷長禍亂邪昔主辱而臣死今主亡而臣生凡在臣工誰能無罪國難之作勳臣之殉國者誰文臣固多誤國武臣豈盡矢忠若各執成見文武水火國家朋黨之禍自此開人才向用之途自此塞臣不願諸臣存此見也尋奉命祭告祖陵祭畢因上疏曰臣伏見二陵松楸如故佳氣鬱鬱知萬年靈祚之方未艾也惟是北顧神州山河頓異感痛填膺不能已已連歲鳳泗之間災異迭見天鼓一月數鳴地且三震以致今春罹茲大禍先帝躬神明之質敬天法祖勤政愛民一十七年有如一日尙不免身殉社稷抱恨千古天命

小腆紀傳 卷十

四

之難諶而地靈之不足恃於此可見陛下踐祚之始祗謁孝陵哭泣盡哀道路感動若使躬謁二陵親見鳳泗境中萬井悲風千里赤地蒿萊極目雞犬無聲湯沐遺黎死亡殆盡其嗚咽悲憤又不知何如也伏願陛下堅此一心慎終始如察天人相與之故考祖宗靈爽之依處深宮廣廈則思東北諸陵魂魄之未安享玉食大庖則思東北諸陵受籙則念先帝之臨淵集木何以忽遭危亡早朝晏罷則念先帝之克勤克儉何以卒隳大業戰兢惕厲無敢刻忘則二祖列宗在天之靈必爲請命上帝默相陛下光復中興若憂慮東南不思遠略濫恩施開告密賢奸無辨威斷不靈老成激而投簪豪傑因之裹足竊恐祖宗怨恫天命潛移東南



一隅猶未可晏然自保也上嘉答之六月闖賊西遁山東河南郡縣多據寨自保殺偽官而我

大清兵已定北京傳檄四方可法請速遣使北行頒發監國登極各詔使中原知南國有召從之時四鎮爭欲駐揚州高傑尤暴橫進士鄭元勳議納傑以釋怨爲州人所殺傑怒攻城知府馬鳴騷推官湯來賀拒守市月命可法往解之傑素憚可法趣其下宵取暴骨而埋之入帳灑然變色可法故示以坦易偏裨而下召見慰勞因責傑曰將軍之所以貴顯者以有君命也如不奉詔而妄冀非屬之地則諸軍與揚州之民皆得彎弓而射將軍矣傑色沮然浸易可法以元勳死無罪請誅首惡納其兵不許則止可法於其軍屏其左右易所

小腆紀傳

卷十

五

親信者杖刀侍側可法談笑不爲動徐草奏以瓜州予之曰鎮臣在瓜臣在揚調停於兵民之間釋其猜嫌同歸於好又疏言高兵之南下也初到不無騷擾及鎮臣斬數十人以徇地方官民可以諒矣乃撫臣黃家瑞漫無主張道臣馬鳴騷一味徇聽百姓日守河邊草際取零兵殺之用是覺不可解鄉紳鄭元勳親到高營所以爲百姓而百姓乘元勳一言之誤殺之撫臣坐次碎其身首撫臣威令之謂何罵兵殺兵以爲愛民而不知適以害民臣於二臣不能無憾乞察首惡一重創之庶綱常不至盡壞上諭部院議處而揚州士民詣闕保任撫道上乃優詔恕之時劉澤清亦大掠淮上劉良佐至臨淮士民張羽民等亦拒不納可法以次按部皆聽命視

傑加謹可法遂開府揚州設禮賢館招徠智謀之士及通天文陰符遁甲術者糜餼之以監紀應廷吉主其事募士得勝鎧甲者百餘人時士英亦未敢爲難凡請餉則屬戶部多方應之用是諸鎮益和秋七月大學士宏圖乞休請召可法入直不許我

大清攝政睿親王聞南都立君貽可法書責以春秋不討賊新君不書卽位之義諭令削號稱藩可法表上其書勸上爲自強計卽自具答書曰南中向接好音法隨遣使問訊吳大將軍未敢遽通左右非委隆誼於草莽也誠以大夫無私交春秋之義今倥偬之際忽奉琬琰之章真不啻從天而降也循讀再三殷殷致意若以逆賊尙稽天討煩貴國憂法且感

小腆紀傳

卷十

六

且愧懼左右不察謂南中臣民偷安江左竟忘君父之讐敬爲貴國一詳陳之我大行皇帝敬天法祖勤政愛民真堯舜之主也以庸臣誤國致有三月十九日之事法待罪南樞救援莫及師次淮上凶問遂來地坼天崩山枯海泣嗟乎人孰無君雖肆法於市朝以爲泄泄者之戒亦奚足謝先皇帝於地下哉爾時南中臣民哀慟如喪考妣無不拊膺切齒欲悉東南之甲立翦凶讐而二三老臣謂國破君亡宗社爲重相與迎立今上以係中外之心今上非他神宗之孫光宗猶子而大行皇帝之兄也名正言順天與人歸五月朔日駕臨南都萬姓夾道歡呼聲聞數里羣臣勸進今上悲不自勝讓再讓三僅允監國迨臣民伏闕屢請始以十五日正位南都從



前鳳集河清瑞應非一卽告廟之日紫氣如蓋祝文升霄萬目共瞻欣傳盛事大江湧出枏梓數十萬章助修宮殿豈非天意也哉越數日遂命法視師江北克日西征忽傳我大將軍吳三桂借兵貴國破走逆成爲我先皇帝發喪成禮掃清宮闕撫輯羣黎且罷薙髮之令示不忘本朝此等舉動振古鑠今凡爲大明臣子無不長跪北向頂禮加額豈但如明諭所云感恩圖報已乎謹於八月繕治筐篚遣使犒師兼欲請命鴻裁連兵西討是以王師旣發復次江淮乃辱明誨引春秋大義來相詰責善哉言乎然此爲列國君薨世子應立有賊未討不忍死其君者立說耳若夫天下其主身殉社稷青宮皇子慘變非常而猶拘牽不卽位之文坐昧大一統之義

小腆紀傳

卷十

七

中原鼎沸倉卒出師將何以維繫人心號召忠義紫陽綱目踵事春秋其間特書如莽移漢鼎光武中興丕廢山陽昭烈踐祚懷愍亡國晉元嗣基徽欽蒙塵宋高續統是皆於國讐未翦之日亟正位號綱目未嘗斥爲自立率以正統予之甚至如元宗幸蜀太子卽位靈武議者疵之亦未嘗不許以行權幸其光復舊物也本朝傳世十六正統相承自治冠帶之族繼絕存亡仁風遐被貴國昔在先朝夙膺封號後以小人構讐致啓兵端先帝深痛疾之旋加誅戮此殿下之所知也今痛心本朝之難驅除亂逆可謂大義復著於春秋矣若乘我國運中微一旦視同割據轉欲移師東下而以前導命元兇義利兼收恩讐倏忽獎亂賊而長寇讐此不惟孤本朝借

力復讐之心亦甚違殿下仗義扶危之初志矣昔契丹和宋止歲輸以金繒回紇助唐原不利其土地况貴國篤念世好兵以義動萬代瞻仰在此一舉若乃乘我蒙難棄好崇讐規此幅員爲德不卒是以義始而以利終爲賊人所竊笑也貴國豈其然乎往者先帝軫念潢池不忍盡戮勦撫互用貽誤至今今上天縱英武刻刻以復讐爲念廟堂之上和衷體國介冑之士飲泣枕戈忠義兵民願爲國死竊以天亡逆闖當不越於斯時矣語曰樹德務滋除惡務盡今逆賊未伏天誅謀知捲土西秦方圖報復此不獨本朝不共戴天之恨抑亦貴國除惡未盡之憂伏乞堅同讐之誼全始終之德合師進討問罪秦中共梟逆賊之首以洩敷天之忿則貴國義問昭

小腆紀傳

卷十

八

耀千秋本朝圖報惟力是視從此兩國世通盟好傳之無窮不亦休乎至於牛耳之盟本朝使臣久已在道不日抵燕奉盤盂從事矣法北望陵廟無涕可揮身陷大戮罪應萬死所以不卽從先帝於地下者實爲社稷之故傳曰竭股肱之力繼之以忠貞法處今日鞠躬致命克盡臣節而已卽日獎率三軍長驅渡河以窮狐兔之窟光復神州以報今上及大行皇帝之恩貴國卽有他命弗敢與聞惟殿下實昭鑒之八月可法疏曰國家設四藩於江北非爲江左偏安計也將欲定根基養氣力北則爲恢復神州之計西則爲澄清關陝之圖一舉而遂歸全盛耳聖明在上忠義在人君父之讐恥特深海宇之羣心競奮乘時大舉掃蕩可期特所慮者兵戈擾攘



之中不復有百姓耳無百姓何利於有疆土故此時擇吏不緩於擇將而救亂莫先於救民所謂得一賢守如得勝兵萬人得一賢令如得勝兵三千人正今日之謂也前此北都未破求牧方殷非不有破格之陞除何曾收得人之實效地有難易缺有炎冷兵荒破殘之區卒舉而授之庸人此豈白面書生所能勝任目今人才告乏東南缺員安能復填西北之缺則銓選法窮安得不改爲徵辟往時保舉多係慕羶故捷足蠅營真才裹足今西北則危地也危則人人思避而真從君父起念者乃始投袂相從宜令撫按司道及九卿科道各舉才膽過人堪拯危亂者一人赴臣軍前效用酌補守令缺員二年考滿平陞善地三年考選優擢京曹有靖亂恢復功

小腆紀傳

卷十

九

能殊異者立以節鉞京堂用示酬勸再如江北山東河南一帶有能保護地方爲民推服者卽係桑梓之邦亦可權宜徑用總求天恩破格假臣便宜決不敢濫用匪人自誤進取也從之初可法慮高傑跋扈移黃得功於儀徵防之九月朔傑搆兵士橋得功憤欲報之將大閱可法調劑始解因巡閱澤清良佐軍虛夸不足用惟傑所統四萬人皆山陝勁卒念其人雖暴抗然慷慨識機變可說而動乃與傑往復論事多所獎借傑心動傑妻邢氏見可法出至誠乃亦勸傑傾心可法喜曰吾事集矣乃命王相業監其軍李成棟賀大成王之綱李本深胡茂楨爲大將曰速驅之可以專制河南傑以野次爲辭請入居揚州紳民震動可法自遷於東偏行署以督

府爲之舍邢氏約其兵聽節制始安堵將進兵河南朝議以款使方行命暫止時陷賊諸臣南還可法言諸臣原籍北土者宜令投呈吏兵二部註名錄用否則絕其南歸之心又言北都之變凡屬臣子皆有罪若在北者始應從死豈在南者獨非人臣卽臣可法謬典南樞臣士英叨任鳳督未能悉東南兵甲疾趨北援鎮臣澤清傑以兵力不支折而南走是首應重論者臣等罪也乃因聖明繼續斧鉞未加恩榮疊被而獨於在北諸臣毛舉而繫繩之豈散秩閒曹責反重於南樞鳳督乎宜摘罪狀顯著者重懲示儆若僞命未污身被刑辱皆當姑置不問其逃避北方徘徊後至者許戴罪討賊赴臣軍前効力從之旣高傑率所部北駐徐州可法進駐清江浦

小腆紀傳

卷十

十

奏以李成棟爲徐州總兵官賀大成爲藩標先鋒總兵官陸遜之爲大梁屯田僉事胡斬忠知睢州冷時中爲開封通判李長康爲開封推官以經略中原命標下總兵李世春駐泗州張夫祿駐瓜州許大成領忠貫營李棲鳳駐睢甯劉肇基駐高家集張士儀駐王家樓沈通明駐白洋河馬應魁爲中軍副將翟天葵陶匡明爲旗鼓在一誠爲參將以分任防河副使黃鉉主事何剛知縣吳道正分理糧餉知縣應廷吉爲軍前監紀又與諸鎮分汎地聽自擇便利其王家營而北至宿遷最衝要可法自任之緣河南岸築壘焉以高傑方刻期進取爲請餉於朝而馬士英以鎮將與可法協爲不利已陰裁抑之可法因疏言臣皇皇渡江豈直調和四鎮哉朝廷之



設四鎮豈直江北數郡哉高傑請進取開歸直搗關洛其志甚銳臣於六月請糧今九月矣豈有不食之卒可以殺賊乎士英益靳之不發數詔趣出師可法舉示四鎮皆曰不能給我餉而責我戰乎由是坐困既而阮大鍼遷兵部尙書高姜諸賢相繼去位可法乃上言近來人才日耗仕路日消由名心勝而實業不修議論多而成功絕少遇清卿台省則曰謀猷經濟非其人不可遇錢穀之任則曰此危地何為困我此推彼卸始付庸人倏用倏更有同兒戲即偶出特簡亦必百計求全非託病則棄官曾無為國家實心任事者以致敗壞至此今事勢更非昔比必專主討賊復營舍籌兵籌餉無議論舍治兵治餉無人才有摭拾浮談巧營華要者罰無赦停

小腆紀傳

卷十

十一

不急之官罷不急之務俾大小臣工併力恢復則中興之業可成上優獎之而不能行又言欲用大鍼者以才爭大鍼者以逆案也大鍼即可用何必罪爭者即不可用當採羣議何至以一人壞天下事乎不聽冬十一月戊子舟抵鶴鎮謀報我兵入宿遷遣總兵劉肇基李棲鳳往援越數日我兵圍邳州軍於城北肇基棲鳳進軍城南相持半月各引去已而報至南都士英大笑時楊士聰在坐驚問何為士英曰君以為誠有是事邪此史道鄰妙用也歲將暮矣將吏例應敘功錢糧例應銷算為敘功銷算地也高傑既渡泗水所部王之綱前驅薄睢陽可法亦移營進次河上建勳誓師而朝政大亂所奏請多中格并鎧仗芻糧皆不至復上疏曰自三月以來

陵廟荒蕪山河鼎沸大警在目一矢未加臣備員督師死不塞責晉之末也其君臣日圖中原而僅保江左宋之季也其君臣盡力楚蜀而僅固臨安蓋偏安者恢復之退步未有志在偏安而遠能自立者也大變之初君臣灑泣土庶悲哀痛憤相承猶有朝氣今則兵驕餉屈文恬武嬉頓成暮氣矣屢得北來塘報皆言

清必南窺水則廣調號船陸則分布精銳黃河以北悉為清有而我河上之防百未料理人心不肅威令不行復讐之師不聞及關陝討賊之詔不聞達燕齊晏然以不共戴天之讐置諸膜外遂使北朝翻得以僭逆加我讐我使臣蹂我近境是和議斷斷不成也一旦寇為

小腆紀傳

卷十

十二

清併必以全力南侵即使寇勢鴟張足以相扼必轉與清合先犯東南宗社安危決於此日今即庫宮室非飲食營膳臥薪破釜沈舟尚虞無救况臣觀廟堂之規畫百執事之經營尚有未盡然者乎夫將之所以能克敵者氣也君之所以能馭將者志也廟堂之志不奮則行間之氣不張夏之少康不忘逃出自竇之志漢之光武不忘蕪蕪熟薪之時臣願皇上之為少康光武不願左右贊御之臣以晉元宋高之說進也憶臣初迎聖駕時陛下言及先帝則泣下沾襟恭謁孝陵則淚痕滿袖皇天后土寶式靈臨曾幾何時頓忘斯志先帝以聖明罹慘禍此千古以來所未有之變也先帝待臣以禮馭將以恩國家變出非常在北諸臣死節者寥寥在南諸



臣討賊者寥寥此千古以來未有之恥也庶民之家父兄被殺尙思穴脰斷胸得而甘心况在朝廷顧可膜置以臣仰窺聖德俯察人情似有初而鮮終改德而見怨以

清之強若彼而我之弱如此以

清之能行仁政若彼而我之漸失人心若此臣恐恢復之無期而偏安未可保也今宜速發討賊之詔嚴責臣與諸鎮悉簡精銳直指秦關懸上賞以待有功假便宜而責成效絲綸之布痛切淋漓庶海內忠臣義士聞風感激必有投袂而起者矣國家遭此大故陛下嗣登大寶原與前代不同諸臣但有罪之當誅曾無功之足錄幸免斧鑕已爲大幸臣於陛下登極詔臺刪去加恩一條不意頒發之日仍復開載貽笑敵

小腆紀傳

卷十

十一

人今復恩外加恩紛紛陳乞貂璫滿座保傅游加名器之濫於斯爲極似宜稍加慎重以待有功庶使戮力行間者有所激勵至兵行討賊最苦無糧搜括不可行勸輸亦難繼宜將內庫一切催解湊濟軍需其餘不急之工役可已之繁費一切報罷朝夕之晏盱左右之貢獻一切謝絕卽事關典禮萬不容廢亦宜概從儉約蓋盜賊一日不滅海宇一日不甯卽有深宮曲房豈能晏處卽有錦衣玉食豈能安享此時一舉一動皆人情向背所關鄰國窺伺所及必陛下早作夜思念祖宗之鴻業復先帝之深警振舉朝之精神萃四方之物力以併於選將練兵之一事庶乎人心可鼓天意可回耳臣待罪戎行不宜復預朝政然安內實攘外之本故敢痛切直陳

唯陛下留意上優詔答之十二月甲戌我

大清兵至夏鎮別由濟甯南渡高傑劉澤清告急而得功良佐不願爲後繼可法疏言北使之旋和議已無成矣向以全力禦寇而不足今復分以禦北矣唐宋門戶之禍與國始終以意氣相激化成恩讐有心之士方以爲危身之場而無識之人轉以爲快意之計孰有甚於戕我君父覆我邦家者不此之讐而修睚眦之微是之謂不知類矣先帝之待諸鎮何如厚恩皇上之封諸鎮何如隆遇諸臣之不能救難何如罪過釋此不問而日尋干戈於心忍乎和不成惟有戰戰非諸將之事而誰事乎聞外視廟堂廟堂視皇上尤望深思痛憤無然泄沓古人言不本人情何由恢復今之人情亦大可見

小腆紀傳

卷十

十四

矣已我濟甯兵從廟灣薄邳宿彰德衛輝兵從孟津東渡逼歸徐可法飛章告急言我與北軍僅隔一河耳今已渡河長驅而來旦夕不保乞多給軍餉移得功良佐軍駐潁亳以傑守歸徐戮力同心無分畛域臣猶恐東南半壁未能高枕也明年宏光改元春正月庚寅以新殿推恩加太子太師進建極殿大學士辭不受時大風雪自臘迄春糧餉不前遣幕客四出召集躬自儉苦而入不敷出乃以戶部主事施鳳儀行鹽揚州以周某爲理餉總兵與販米豆而上下爲奸利不入官前後疏凡數十上每繕疏循環誦嗚咽不自勝幕下士皆爲飲泣而上方耽樂聲色馬阮爭門戶於出師聚餉未暇及也會前中允衛胤文自賊中南歸高傑以同鄉故留監己



軍聞朝嚴從逆之罪欲媚士英以自解疏言國家兵事問鎮臣糧餉問部臣督師贅疣也可法浪得名耳當置居內員備顧問勿令久當津要爲也可法因上疏乞罷且曰肩文謂臣贅疣應去臣討賊未効妄冀還朝臣雖至愚計不出此願膺簡命之重臣何自安上切責肩文而諭可法盡職然士英心竊喜之既而睢州變聞傑兵倉卒未有所屬互相雄長可法馳至徐州擐甲戴弁坐以待旦召諸將歃血盟立傑子元爵爲世子甥總兵李本深爲提督爲請卹於朝一軍帖然士英聞可法得傑軍心弗善也擢肩文爲兵部右侍郎總督興平營將士兵馬經略開歸將士憤懣不平於肩文莅任日無一人至者可法再三慰諭之若忘其曾劾己者傑軍士益以此

小腆紀傳

卷十

十五

歸可法卽肩文亦心折焉而得功聞傑死則引兵趨揚州可法自徐州馳還說而罷之本深等聞報已棄汎奔還提督之命又久不下將士無固志我兵自大梁以南如入無人之境破蒙城逼淮徐江南震恐乃詔從可法議以本深爲左都督領興平諸將可法疏云臣受命督師無日不以國事爲念而人情難協事局紛更睢州大變之後又有維揚之擾外侮未禦內讐方深擁節制之虛名負封疆之大罪竊自悲也夏四月朔淮南告警可法將移鎮泗州護祖陵命幕僚載輜重先行會左良玉犯關上手詔可法督諸軍入援可法言北兵日逼請留諸軍迎敵親往諭良玉要與俱西有功則割地王之勿聽而後擊之詔書切責乃合諸軍倍道抵浦口將入朝面

陳而我兵已入亳州詔還師北禦馳至天長檄諸將救盱眙單騎先進不避風雨忽報盱眙已降援將侯方巖全軍敗沒晝夜兼行抵泗州守將李遇春已舉城叛可法一日夜冒雨奔回揚州尙未食而城中闕傳許定國領北兵至將殲高氏以絕冤讐是夜五鼓高兵斬關出奔泰州牲畜舟楫爲之一空戊辰監餉郎中黃日芳檄川將胡尙友韓尙良領所部駐茱萸灣應廷吉帥移泗諸軍屯瓦窰鋪以爲犄角己巳主事何剛以忠貫營兵來會方午食而北哨突至射殺廷吉家丁眾大駭川將遇之斬七級會南風大作諸軍復退屯邵伯湖乃閉門堅守總兵劉肇基請乘北兵未集背城一戰可法謂銳氣不可輕試宜養全鋒以待其弊我兵以紅夷礮攻城鉛

小腆紀傳

卷十

十六

彈大者如礮礮墮不能修我豫王命李遇春持檄抵城下可法數其罪遇春日公忠義聞華夏而不見信於朝死何益也可法趣矢射之復令鄉民持書至守者引之入撻守者人與書俱投於水豫王愈欲生致之麾諸軍姑緩攻既知其不可攻始急而總兵李棲鳳監軍道高岐鳳已有異志以危詞劫可法可法正色拒之曰此我死所公等何爲欲圖富貴請自便也二人夜拔營偕川將胡尙友韓尙良北去城中勢益孤可法乃爲書辭母及妻與伯叔兄弟呼部將史德威訣曰我無子汝爲我嗣以奉吾母我不負國汝毋負我我死當葬我於高皇帝側其或不能梅花嶺可也二十五日丁丑擐甲登陣忽報黃蜚兵到入則反戈殺人始知爲我兵所給巨礮摧



西北隅崩聲如雷城遂陷可法自刎不殊莊子固許謹共抱持之亂兵至擁之下城而謹與子固已中飛矢死可法大呼曰我史督師也眾驚愕執赴新城樓上豫王勸之降可法厲聲曰吾意早決城亡與亡乃就刑死旬日而南都亡可法初以翊戴功加少保兼太子太保以太后至加少傅兼太子太傅敘江北戰功加少師兼太子太師禽劇盜程繼孔功加太傅皆力辭不允後以殿工成加太師力辭乃允可法督師幾一年行不張蓋食不重味夏不簟冬不裘年四十無子妻欲爲置妾可法曰王事方殷敢戀兒女私乎遂無子軍中值歲除封印南北文移交至手自批答夜三鼓謂軍吏曰今夕除夕也索酒試飲酒未至復呼曰禮賢館諸秀才當共飲顧夜

小腆紀傳

卷十

七

已半可齋酒資分餽之吏往乃獨酌庖人報日中饗士肉已盡乃索鹽豉下之可法素善飲數斗不亂軍興以來竟絕飲不解衣就寢者七閱月矣當夕滿酌微醺隱几臥將旦僚吏畢集軍門外門未啓軍吏遙謂曰相公方隱几臥奈何知府任民育曰相公此夕臥不易得也勿驚之戒鼓人更擊四鼓可法寤天已曙大驚聞鼓聲怒曰何敢亂吾軍法傳令縛鼓人斬之諸將士長跪言相公久勞苦始得一夕暇不忍相驚故亂鼓聲以待此知府意也可法意解亟具盥漱啓門文武北向賀畢將吏上謁民育更前請罪可法曰公固愛我奈何以私愛變常法乃赦鼓人然自是不復隱几臥矣後以事益充監軍郎中黃日芳敏練欲留之同舟辭曰日芳老矣豈能

久侍公公亦宜節勞發書走檄僚士優爲徵兵問餉有司專責何必晝夜損神躬親庶務乎且兵殺機也當以樂意行之將死官也須以生氣出之汾陽所謂生氣滿前也可法笑不答死後而四方起兵者多冒其名以號召故或誤傳可法不死云弟可程癸未進士選庶吉士北都之變不能死賊退南歸可法請下吏朝廷以可法故令家居養母後流寓金陵閱四十年而卒史德威之被執也我豫王勸之仕誓不屈命釋之以保忠臣之後歸覓可法屍不可辨具衣冠葬之梅花嶺賃一室磨麵自給有叩以往事者慟哭而已或號德威爲押住俗呼養子爲押住也隆武時贈可法太師諡忠靖我朝賜專諡曰忠正

小腆紀傳

卷十

七

應廷吉字紫臣鄞縣人天啓丁卯進士授礪山知縣史可法督師揚州御史左光先薦其才擢淮安府推官赴軍前爲監紀與黃日芳陸遜之劉湘客張鐸紀允明等並事幕府一時稱得人廷吉精天文用勾股三式之學可法倚之先是丁丑計偕至宣武門見一白雉羽毛鮮好啄距純赤重四十觔闕觀莫識廷吉慘然曰此鷲也見則亡國癸未六月露坐陰雲驟合雷電并作有火星出聲如爆廷吉日天元玉厯所謂電中聚火也君絕世亂此殆是乎可法按部至淮升帳有旋風從東南起吹折牙旗轉至丹墀下命占之曰風從月德方來是本日貴人時當有貴人奉王命至者風勢飄忽旋轉其事爲爭音屬徵象爲火數居四二十日內當有爭鬪之事近地



則虞火災損六畜越三日城北隅火燬民舍傷一騾匝月而有土橋之變中官以朝命至悉如其占淮陰紫霄觀皂莢樹問產物如飴色黃味美人以為甘露廷吉曰此爵饒也白者甘露黃者爵饒所見之地期年易王時可法銳意經略河南日芳遜之輩私問曰閣部志勤矣於君意何如廷吉曰明年太乙在震角亢司垣始擊掩壽星之次法當蹶上將天下事無可為也意者先試之山左乎士民翹首王師如時雨焉若旌旗旅進豪傑必有響應者及高傑將行誓師祭旗忽風起驟折西洋雲無故裂十月十四日登舟廷吉曰此俗稱月忌日又為十惡大敗高帥其不免乎明年正月傑果為許定國所戕可法議修屯政欲遣遜之屯開歸廷吉屯邳宿廷吉曰

小腆紀傳

卷十

十九

國家故有屯軍世受業為恆產矣安所得閒田而屯哉且田之所獲既入官軍有司常賦又將何出聞諸生有願輸牛百頭麥五百石以博縣令者此面欺耳及河防戒嚴令秦士奇沿岸築土墩駐礮廷吉曰無益也黃河沙岸其性虛浮水至即汜安架礮為議乃格是冬紫微垣諸星皆暗可法夜召廷吉曰垣星失耀奈何曰上相獨明可法愴然曰輔弼皆暗上相其獨生乎及左兵東下上手書召可法亟問廷吉曰君所言淮陰安堵終不被兵人能言之第謂夏至後南都多事果何所見對曰今歲太乙陽局鎮坤二宮始擊關提主大將凶客參將發且文昌與太陰併凶禍有不可言者夏至後更換陰局大事去矣可法歛歔久之因出書示之曰君言不信猶

可信則天也以軍事付廷吉越三日督諸軍赴泗州過山陽劉澤清遣人取軍器火藥餉銀廷吉不與退屯高郵大清兵破盱眙可法還揚州立召廷吉督餉至浦口已而又令率軍回揚屯天長廷吉曰閣部方寸亂矣豈有千里之程一日三調警急頻仍揚且有內變急入城坐守南門可法又令移取泗餉是夜絕城出明日城陷得免於難可法之築禮賢館也招四方才智及下僚有才被棄者悉舉任用命廷吉董其事時方士雲集廷吉曰是皆躍治之士坐談有餘無裨實用當此財匱而月給不貲盍且散遣之別選真才乎可法曰吾將以禮為羅冀收什一於千百耳行之數月迄無拔萃破格之選於是稍稍引去可法將移鎮泗州護祖陵謂廷吉

小腆紀傳

卷十

二十

曰諸生從事防河積苦既久今又趨泗是重勞也君其品定量授一官酬之四月二日發策試士拔取長洲廬涓山歸昭等二十餘人擬授通判推官知縣甫二旬而揚州城陷渭字渭生方以歲貢自當得官不受職監守鈔關投河死昭分守西門死同時死者書記顧起龍龔之厚陸曉唐經世家人史書等共十九人焉

男承禮 編輯

仁和魏錫曾參校  
會稽梁繼元覆校

小腆紀傳卷第十終



小腆紀傳卷第十一

前翰林院檢討加詹事府贊善銜六合徐鼎撰

列傳第四

高宏圖

姜曰廣

高宏圖字研文膠州人萬歷庚戌進士授中書舍人擢御史天啟元年陳時政八患並請用鄒元標趙南星尋與同官張慎言交章論救賈繼春忤旨停俸出按陝西誅姦民扇亂者吏治澄清因題薦屬吏為南星所糾心銜之是時東林齊楚宣浙之黨互相詆誹宏圖無所附麗及楊漣魏大中之獄起乃上疏力詆南星微言忠賢過當且引漢元帝乘船事又諫毋出東郊而魏忠賢方導遊幸矯旨以抗沮切責之名以此

小腆紀傳

卷十一

高既乃乞歸令閒住思宗即位起故官擢太僕少卿逾年遷左僉都御史轉左副都御史晉工部右侍郎時中官張彝憲受敕總戶工二部事宏圖恥與並坐七疏爭之不得乃於彝憲到任前兩日操公坐椅卓以不乾之漆彝憲不得已於川堂後座無陪侍宏圖遂罷家居十年不起言者交薦帝聞其佐膠州城守功召至闕詒以時事補南京兵部右侍郎就遷戶部尚書十七年闖賊犯闕史可法謀勤王宏圖轉芻粟浮江入淮以濟師方發而北都囚問至南都大臣議所立可法謂非英主不足以定亂宏圖與姜曰廣呂大器佐之會福王稱號以宏圖物望所屬改禮部尚書東閣大學士與可法並入直宏圖因請移蹕中都進山東以示大舉討賊疏陳新政

八事一宣義問請聲逆賊之罪鼓發忠義一勤聖學請不俟

釋服日御經筵一設記注請召詞臣入侍日記言動一陸親

藩請如先朝踐極故事遣官齋醴書慰問一議廟祀請權祔

列聖神主於奉先殿仍於孝陵側望祀列聖山陵一嚴章奏

請禁姦宄小人借端脫罪一收人心請蠲江北河南山東田

租勿使賊徒藉口一擇詔使請遣官招諭朝鮮示牽制之勢

並褒納焉未幾廷議起廢張慎言舉吳姓鄭三俊馬士英黨

誠意伯劉孔昭率諸勳臣叱慎言於朝目為奸邪聲振殿陛

宏圖曰文武各有所司即文臣中各部不得侵吏部之權武

臣何得越職相爭且姓與三俊三朝遺老清望在人孔昭妄

思侵害非其黨者目為奸臣忝在政府宸陛之嚴化為訟庭

小腆紀傳

卷十一

愧死無地乞賜斥罷不許既而士英疏薦阮大鍼宏圖持之士英曰我既犯人言豈敢相累因自擬旨命假冠帶來京陛見大鍼既見疏陳江防要害娓娓可聽將退士英奏曰大鍼名在丹書非其罪也人誣之耳大鍼因奏向日冤陷狀引宏圖為證以宏圖素不附東林必不忌己也宏圖曰大鍼頃者陳說兵事臣不知兵無所參駁若其起用關係非細昔崔魏亂政風教墮地先帝首鋤大惡定逆案一書以遏羣邪大鍼與焉臣不知其果知兵與否但以先帝明鑒豈容擅改即如士英奏乞下羣臣集議以彰公論則大鍼用亦光明士英憤然曰臣薦大鍼非受賄也何不光明之有宏圖曰何必受賄但一付廷議國人皆曰賢用之可也出即具疏乞罷上慰留



之而大鉞卒起爲兵部侍郎宏圖則漸不安其位矣左懋第  
之北使也宏圖奏事宜曰一山陵宜選日改葬聞梓宮今葬  
田貴妃墓應在天壽山特立陵寢一分地不得侵及關內一  
歲幣宜量增十之三一國書宜如古可汗之稱一使禮宜遵  
會典不應屈膝以致辱命後議簡用中官督畿輔浙閩糧餉  
復設東廠宏圖皆力爭之己用中旨傳陞戶部侍郎張有譽  
爲尙書宏圖謂其端不可開封還詔書又請召還史可法入  
直士英愈怒矯旨切責因力求去秋八月加太子少師改戶  
部尙書文淵閣大學士太后至進太子太保冬十月致仕宏  
圖在閣士英尙不敢肆及其去遂無忌時山東已失宏圖無  
家可歸挈一少子至吳久之入浙居紹興人乞一面不可得

小腆紀傳

卷十一

三

日惟一餐祈死既聞蕪湖敗劉宗周熊汝霖議發羅木營兵  
奉潞藩拒守宏圖歎曰天之喪明若稽夫徒苦江東父老復  
何益吾籌之熟矣乃託其子於門客海昌談遷攜之去絕粒  
死浙東監國贈太師諡文忠我

朝賜專諡曰忠直

姜曰廣字居之新建人萬歷己未進士改庶吉士授編修天  
啟六年出使朝鮮不攜一錢歸朝鮮人爲之立碑還陳海國  
情形有裨軍國者八事明年魏忠賢柄國以東林削籍崇禎  
初起右中允積官至吏部右侍郎坐事左遷南京太常寺卿  
引疾去後以薦擢詹事掌南京翰林院宏光帝之立也廷推  
閣臣以曰廣曾有異議不用既詞臣以王鐸陳子壯黃道周

名上而曰廣居首乃改禮部右侍郎兼東閣大學士與宏圖  
協心輔政將以次漸引正人而馬士英銳意欲用阮大鉞曰  
廣力沮之爲所疾因抗疏乞休曰前者文武紛競自慚無術  
調和近而逆案掀翻又愧無能寢息遂使先帝十七年之定  
力頓付逝波皇上數日前之精神竟同反汗梓宮未冷增龍  
馭之淒涼制墨未乾賊四方之觀聽惜哉維新遂有此舉但  
恐忠臣衰足志士灰心臣遭遇聖明備員政府不能扶危持  
顛有負生平必待羣言交責始求罷斥良亦晚矣夫祖宗會  
推之典行之萬世者也昨日大鉞之起竟出內傳夫糾封墨  
赦種種覆轍史冊昭然臣觀先帝之善政雖多而以堅持逆  
案爲盛美先帝之害政間有而以頻出口宜爲亂階用閣臣

小腆紀傳

卷十一

四

以內傳用部臣勳臣以內傳選大將選言官以內傳所得閣  
臣則淫貪巧猾之周延儒逢君浚民姦險刻毒之溫體仁楊  
嗣昌偷生從賊之魏藻德所得部臣則陰邪貪狡之王永光  
陳新甲所得勳臣則力沮南遷盡撤守禦狂釋之李國楨所  
得大將則紈袴支離之王樸倪寵輩所得言官則貪橫無賴  
之史莖陳啟新凡此皆力排眾議簡自中旨者也其後效亦  
可觀矣陛下亦知內傳之故乎總緣鄙夫熱心仕進一見擯  
於公論遂乞哀於內廷見其可憫之狀聽其一面之詞不能  
無動者亦人情也而外廷口談清議之人亦有貪婪敗類之  
事授之口實得以反唇而內廷攻之者盡皆如此也問其事  
情密聞於上及得上之意旨則又轉而授之於是別創新法



令之面試平臺祇須一語投機也夫立談取官同登場之戲劇下殿意得類贏勝之販夫天下事從此不可爲矣臣昔痛心此事亦於講義敷陳小人何知求進而已陰奪會推之柄陽避中旨之名此豈可爲訓哉先帝一誤皇上豈堪再談天威在上密勿深嚴臣安得事事爭之但願深宮有暇時取大舉行義資治通鑑視之周宣漢光何以復還前烈晉元宋高何以終狃偏安武侯之出師何惓惓於親君子遠小人李綱之禦敵何切切以信君子勿比小人必能發聖心之天明破邪說於先覺然後國恥可得雪中興可得期也臣待罪綸扉朝廷未肅風俗未醇兵民之危疑未解江河之備禦全疎半壁東南有同幕燕就死無地終夜拊膺而責臣者叢至矣苟

小腆紀傳

卷十一

其

好盡言終蹈不測之禍聊取充位又來鮮恥之譏鬱鬱居此臣今誠病恐他日求病而死亦不可得耳疏入上溫旨慰留而士英大鍼大慍陰喉朱國弼劉孔昭以誹謗先帝誣贓忠臣李國楨爲辭交章攻之時議復設廠衛曰廣力持不可言緝事不除宗社且不可知何廠之有會蘇松巡撫郝彪佳亦上疏力諫曰廣擬旨俞之且具疏力爭上改命五城御史察訪士英念曰廣不去己終不得肆志乃使大鍼爲疏令宗室朱統鑽上之言從賊之輩皆曰廣私人定策時又懷異志不可爲相旋又劾曰廣五大罪詞甚醜穢疏不由通政司上禮科袁彭年通政使劉士楨糾之俱不問曰廣被誣曠求罷益力以太后至加太子太保至九月得請陞辭日上御殿羣臣

陪列曰廣曰微臣觸忤權奸自應萬死聖恩廣大猶許歸田士英勃然曰我爲權奸汝且老而賊矣卽叩頭言臣從滿朝異議中擁戴皇上願以犬馬餘生歸老貴陽避賢路如陛下留臣臣亦但多一死曰廣叱之曰擁戴是人臣居功地邪士英曰汝謀立潞藩功安在上溫語解之旣出復於朝門相詬罵曰廣骨鯁廉介有古大臣風扼於奸邪士論惜之南京亡後二年而降將金聲桓借其黨王得仁以南昌叛我大清歸永歷帝曰廣方家居聲桓得仁以其人望也奉爲盟主資號召曰廣書生不知兵我

小腆紀傳

卷十一

六

阮阱耳曰廣不聽一日夜檄數十至得仁不得已還南昌旣糧盡援絕聲桓日責曰廣遣客出城號召容胡澹辭不行而殷國楨等被執死遂坐困初曰廣將應金王而出也使人邀隱士漢儒裔與俱裔力辭旣受事又邀致之乃入謁曰廣問事當若何不答固問之則曰明之所以失天下者非左與闖邪金則左孽王乃闖枝公與侯安所授之哉十月間年號兩易名雖歸明實叛

清耳今擅除爵殺人筦刑權若明有主而不待命是僭也不奉隆承而爲之是僞也僭與僞春秋所不許而公與之同事後世且以公爲何如人今兩人內相猜忌公能親於建武之與豫國乎能則攬其兵柄退稱督輔縞素待罪以告天下令



其慚而聽我竭心力為之不濟則死不能則引身而退歸耕  
浞水之陽毋從叛亂夫人居美名天造所惡也日廣沈吟無  
以答後在圍城中徘徊太息思其言而悔不能用也永曆三  
年正月戊寅城潰聲桓得仁自殺日廣作絕命歌六章投僕  
家池死一家從死三十餘人我  
朝賜專諡曰忠確

小腆紀傳

卷十一

七

小腆紀傳卷第十一終

男承 禮 編輯  
仁和魏錫曾參校  
會稽梁繼元覆校

小腆紀傳卷第十二

前翰林院檢討加詹事府贊善銜六合徐燕

列傳第五

張慎言 子履庭

徐石麒 子爾毅

張有譽

解學龍

練國事

張慎言字金銘陽城人萬歷庚戌進士天啟時除壽張知縣  
有能聲調繁曹縣泰昌時擢御史持議侃侃為馮銓所陷編  
戍肅州崇禎初起故官累遷太常卿刑部右侍郎改南京吏  
部尚書掌右都御史事南都官名吏隱政事皆決於北慎言  
雖位冢宰從眾僉名而已南都建國以慎言宿德重望命專

小腆紀傳

卷十二

十

理部事慎言上中興八議一曰議節制淮安鳳廬荆襄為鎖  
鑰重地自寇盜充斥城郭荒殘宜申命鎮撫大臣分戍增保  
扼守險要東西關閘首尾相援添戰艦於江淮之間郡縣積  
穀為倉卒轉運之資二曰議屏藩諸王流離南竄宜擇浙東  
名山郡邑及閩粵間暫居焉其府第之護衛官屬暫從節省  
三曰議開屯江北地廣今為畿輔若招集流離開立屯田擇  
其邑之豪以百夫屯為百夫長千夫屯為千夫長連其什伍  
教之兵陣亦強富之一策也四曰議招徠河北淪陷有能誅  
擒偽官者賞五曰議寬宥諸臣陷賊事非得已家屬在南企  
望歸正不宜以風聞苛議堅其從賊之想至若自拔來歸宜  
隨才錄用不當概以死責六曰議褒卹忠烈之臣如范景文



倪元璐李邦華等傳聞確者宜贈卹以慰幽魂次第詳核勿有所遺七日議銓敘起廢之條不可不慎逆案無容更議其在成籍廢居者一從清論不撓毀譽八日議漕卒北漕萬有餘旗花工挽夫實繁有徒今漕登近地此十餘萬人無室無鄉遊食不已爲患非細安輯宜亟也俱嘉納之會銓曹乏員以主事王重近在金壇可立致奏起爲文選司郎中吏科李沾持不可慎言卒起之由是有隙未幾大起廢籍慎言薦吳牲鄭三俊牲故大學士崇禎時督師以逗遛遣戍者時阮大鍼方謀起用而詔款有逆案不得輕議之文慎言秉銓持正度不可進言誠意伯劉孔昭故與大鍼善因置酒約諸勛臣趙之龍等欲廷許慎言以起釁次日朝罷羣訴於廷指慎言

小腆紀傳

卷十二

二

及牲爲奸那叱咤聲徹殿陛慎言立班不辯孔昭遂拔刀聲言殺此老奸慎言於叢人中展轉相避班行大亂司禮太監韓贊周從殿上大聲叱之曰從古無此朝儀孔昭始約刀伏地痛哭謂慎言舉用文臣不及武臣鬻爭不已上曰文武各宜和衷何得偏競乃出復具疏極詆三俊且謂慎言當立立時阻難肆辨懷二心且多欺蔽罪狀乞寢牲陛見之命慎言疏辨因乞休給事中羅萬象王孫蕃各疏劾孔昭高宏圖等亦以不能戢和文武乞休上柔置不問但慰留宏圖慎言而已慎言四疏乞罷乃得請齋銀幣給應得誥命恩蔭慎言固辭其表有云先帝山陵未卜而臣之祖父先受絲綸青宮皇子安在而臣之子孫妄叨恩蔭况風塵不定逐虎驅狼回首

長安諸陵松楸麥稷諸臣何以爲心而猶侈口論功乎秋七月加太子太保蔭一子自慎言罷徐石麒亦繼去大鍼乃起其黨張捷爲之於是銓政不可問矣時山西盡陷慎言無家可歸流寓蕪湖宣城間孤孫問關來依曰祖孫相聚足矣南都亡鬱鬱疽發背戒勿藥卒年六十九子履旋壬午舉人賊之陷陽城也歎曰吾父決不爲亂臣吾豈爲賊子遂投崖死事聞贈御史

小腆紀傳

卷十二

三

多深文石麒多所平反而於兵部尙書陳新甲之獄朝士多方營救石麒謂新甲陷邊城四腹城七十二陷親藩七失誤軍機當斬尋擢本部尙書最後以熊姜之獄忤旨落職歸李明睿之倡議南遷也廷臣不能決石麒聞而歎曰膠柱死守亦非臣子愛君父之道苟翠華南幸各鎮撫之兵騰勇奮發以謀恢復亦不爲無策也倘觀望狐疑至求遷不得尙忍言哉爲文檄同志起義兵北首赴難而北都函問至矣南都立以右都御史起諸家未至改吏部尙書再疏辭舉鄭三俊自代不許乃入朝陳省庶官慎破格行久任重名器嚴起廢明保舉交堂廉七事皆褻納之石麒剛方清介與人言移曰不倦而不可干以私中官田成輩請屬拒不應馬士英阮大鍼



植黨樹私權傾中外石麒以法裁之士英欲得侯封諷司禮監韓贊周入言之石麒奏曰世宗以外藩入繼將封輔臣伯爵楊廷和蔣冕謙不受今國恥未雪諸臣列土自榮不愧廷和等邪且俟海內清晏議之未晚又言恭王殉難先帝尙遣一勛臣一黃門一內侍審唁具殮今先帝梓宮何處封樹若何僅遣一健兒應故事則羣臣之悲思大行祇具文耳士英惡之御史黃耳鼎陸朗有物議石麒以年例出之朗賄奄人內傳留用石麒發朗內通之罪朗耳鼎亦疏訐石麒枉殺陳新甲以敗和局士英助之石麒益憤乃歷陳自有東事以來主款之誤且言先帝之誅陳新甲也曰陷我七親藩七藩之中恭皇帝居一焉皇上忘之乎因引疾乞休士英擬嚴旨上

小腆紀傳

卷十二

四

不許命馳驛去尋以登極恩加太子太保南都亡石麒移居城外扁舟水宿既聞城不可守呼於城下曰吾大臣不可野死當與城俱絕之入朝服自經死先是石麒致仕歸築堂榜曰可經人莫解及其死是堂也始知其素志云隆武時賜諡忠襄我

朝賜專諡曰忠懿妻孫氏赴水死子爾毅字似之與於丁亥吳勝兆之事被執無撓詞遂遇害又徐成徐錦祖敏李升四人皆石麒僕也成老矣錦年少石麒之絕城殉難也成欲先登錦止之曰君老矣成怒曰童子何知謂我老邪俱絕入石麒自經死成與錦從死城外二僕祖敏李升聞之亦自經死

張有譽字難譽江陰人天啟壬戌進士以戶部主事權稅蕪湖力持清操崇禎中出為饒州知府累遷江西督糧副使四川按察使俱有惠政吏部尙書鄭三俊舉天下廉能方面官五人以有譽為首帝書其名於屏擢南京戶部右侍郎兼右僉都御史總督糧儲抵任則宏光帝立矣內官張執中收白糧勒鋪墊費踰舊例杖斃解戶有譽收其胥役送獄疏論之執中稍斂嘗因召對言統計一年經費須千餘萬今所入僅八百萬惟有裁冗兵節冗食汰冗費願聖明躬行節儉為天下先既馬士英銳意起阮大鍼而廷臣持之急思以中旨用之難以發端以有譽人望也傳旨為戶部尙書高宏圖謂有譽才望堪用而內傳不可開封還詔旨羣臣亦交章論奏不

小腆紀傳

卷十二

五

聽自是傳陸紛然矣尋加太子太保時四鎮各需餉二十萬有譽計無所出至嘔血連疏乞歸不允明年五月南京失守有譽奔武康久之旋里年八十一而終或曰為僧於蘇州之靈巖

解學龍字石帆興化人萬歷己丑進士歷金華東昌二府推官擢刑科給事中魏忠賢亂政以東林削籍崇禎中累遷太僕卿疏言遠左額兵舊九萬四千有奇歲餉四十餘萬耳今關上兵只十餘萬人而月餉乃至二十二萬遺兵盡潰關門不得不募新兵薊鎮則舊有額兵乃亦行召募舊兵以其餉厚竄入新營而舊額依然如故其為漏卮可勝言哉國初定文職五千四百有奇武職二萬八千有奇神祖時文增至一



萬六千餘員武增至八萬二千餘員矣今日不知又增幾倍  
主爵者誠肯悉心計度冗者汰之歲可得餉數十萬裁冗吏  
核曠卒俾衛所應龍子弟襲爵而不給俸又可得數十萬從  
來國強莫若民富民富莫若多粟亦嘗取京邊之米較其出  
入而推其損益乎夫京邊之米一石其輸自民間則非一石  
也以民之費與國之收衷之不啻三倍是國之一民之三也  
今關餉一斛抵銀四錢迨以易錢則好米不過百文惡者才  
三四十文又其下者則腐臭而不可食以國之費與兵之食  
衷之不啻二倍是兵之一國之三矣民費其六而兵食其一  
民病矣而兵亦未嘗利也况漕卒官司展轉相欺而米已化  
為糠粃沙土兼溫熱所蒸色味俱變食不下咽是又化有用

小腆紀傳

卷十二

六

之六為無用之一矣然則如之何臣以為莫如修屯政屯政  
修則地闢而民有樂土粟積而民有固志昔吳璘守天水經  
營屯事縱橫鑿渠絲亘不絕名曰地網敵騎不能逞今略倣  
其制溝塗之界樹土所宜小可獲薪果之饒大可得控扼之  
利敵雖強何所施乎帝善其言下所司議之然竟中格尋以  
僉都御史巡撫江西擢南京兵部右侍郎未赴適黃道周得  
罪學龍於薦舉屬吏推引及之帝怒逮詔獄杖八十遣戍十  
七年五月南都立起故官擢刑部尙書六等治從賊諸臣罪  
學龍定擬上馬士英擬旨詰責令再議學龍仍執前議時馬  
阮必欲殺周鍾而學龍欲緩其死乃謀之次輔王鐸乘士英  
注籍上之且請停刑鐸即擬俞旨士英怒之大鉞暨其黨張

捷楊維垣聲言欲劾學龍學龍遂引疾大鉞復嗾保國公朱  
國弼御史張孫振詆學龍曲庇行私削籍歸久之卒於家  
練國事字君豫永城人萬歷丙辰進士由知縣徵授御史有  
直聲奄黨趙興邦劾之削籍崇禎元年擢太僕少卿進右僉  
都御史巡撫陝西破點燈子於中部又破別部於宜君雒川  
降其魁李應龍尋以所部失事戴罪自贖已總督陳奇瑜誤  
信賊降諸軍勿擊賊出險大掠乃委罪國事以自解國事疏  
辯而事已不可救乃逮下獄九年正月遣戍廣西久之敘前  
功赦還復冠帶南都立召為戶部左侍郎改兵部尋加尙書  
仍莅侍郎事在位無所匡救明年二月致仕未幾卒

小腆紀傳

卷十二

七

小腆紀傳卷第十二終

男承禮編輯

仁和魏錫曾參校  
會稽梁繼元覆校



小腆紀傳卷第十三

前翰林院檢討加詹事府贊善銜六合徐肅撰

列傳第六

劉宗周 子為

劉宗周字啟東號念臺山陰人學者所稱蕺山先生也父坡為諸生母章氏妊五月而坡亡既生宗周家酷貧攜之育外家後宗周大父老疾歸事之析薪汲水持藥糜然體辱甚母憂念成疾萬歷辛丑宗周成進士母卒於家宗周奔喪為聖室中門外日夜哭泣其中服闋選人請終養大父母居七年始赴補時中朝有崑黨宣黨與東林為難乃上言東林願憲成講學處高攀龍劉永澄姜士昌劉元珍皆賢人于玉立

小腆紀傳

卷十三

十一

于元薦亦皎然不欺其志有國士風是故摘流品可也爭意見不可攻東林可也黨崑宣必不可於是黨人大譁宗周乃告歸天啟元年起儀制主事抗疏極詆魏進忠謂進忠導皇上馳射戲劇而奉聖夫人客氏出入自由無以閑內外且一舉逐三諫臣罰一人皆出中旨左右將日進鷹犬聲色指鹿為馬生殺子奪制國家大命今東西方用兵奈何以天下委閹豎哉進忠即忠賢也尋請戮崔文昇以正弒君之罪戮盧受以正交私之罪戮楊鎬李如楨李維翰鄭之范以正喪師失地之罪戮高出胡嘉棟康應乾牛維曜劉國縉傅國以正棄城逃潰之罪急起李三才為兵部尚書錄用清議名賢丁元薦李朴等諍臣楊漣劉重慶等以作仗節徇義之氣詔切

責之累遷光祿寺丞尚寶太僕少卿移疾歸四年起右通政復固辭忠賢惡之削其籍崇禎元年召為順天府尹屢論時政帝迂其言而歎為忠歷官至都察院左都御史竟以請釋熊姜之獄忤旨斥為民年已六十有四歸二年而京師陷宗周徒步荷戈詣杭州以發喪討賊責巡撫黃鳴駿鳴駿曰哀詔未至當靜以鎮之宗周勃然曰君父變出非常公專闕外不思枕戈泣血激勵同讐顧藉口鎮靜作逃避計邪鳴駿唯唯明日復趨之則曰發喪必待哀詔宗周曰嘻此何時也安得哀詔哉既發喪問師期則曰甲仗未具宗周歎曰烏足與有為哉乃與前侍郎朱大典前給事中章正宸熊汝霖召募義旅將發而宏光帝立宗周起故官宗周以大讐未報不敢

小腆紀傳

卷十三

十二

受職自稱草莽孤臣言今日宗社大計舍討賊復讐無以表陛下渡江之心非毅然決策親征亦無以作天下忠臣義士之氣至討賊次第一日據形勢以規進取江左非偏安之業請進而圖江北今淮安鳳陽安慶襄陽等處雖各立重鎮尤當重在鳳陽而駐以陛下親征之師中都固天下之樞也東扼淮徐北控豫州西顧荆襄而南去金陵亦不遠以此漸恢漸進秦晉燕齊當必響應兼開一面之網聽其殺賊自效賊勢益孤賊黨日盡矣一日重屏藩以資彈壓地方之見賊而逃也總由督撫非才不能彈壓遠不具論即如淮揚數百里之間兩節鉞不能禦亂賊之南下致淮北一塊土拱手而授之賊尤可恨者路振飛坐守淮城以家眷浮舟於遠地是倡



之逃也於是鎮臣劉澤清高傑遂相率有家眷寄江南之說尤而效之又何誅也按軍法臨陣脫逃者斬臣謂一撫二鎮皆可斬也一日慎爵賞以肅軍情今天下兵事不競極矣將悍兵驕已非一日今請陛下親征所至亟問士卒甘苦而身與共之乃得漸資騰飽徐張撻伐一面分別各帥之封賞孰應孰濫輕則量收侯爵重則并奪伯爵軍功既核軍法益伸左之右之無不用命夫以左帥恢復焉而封高劉敗逃也而亦封又誰爲不封者武臣既濫文臣隨之外廷既濫中樞從之臣恐天下聞而解體也一日覈舊官以立臣紀燕京既破有受僞官而逃者有在封守而逃者有在使命而逃者於法皆在不赦急宜分別定罪至於僞命南下徘徊於順逆之間

小腆紀傳

卷十三

三

者實繁有徒尤當顯示誅絕行此數者於討賊復讐之法亦略具是矣若夫邦本之計貪官當逮酷吏當誅循良卓異當破格旌異則有安撫之使在而臣更有不忍言者當此國破君亡之際普天臣子皆當致死幸而不死反膺陞級能無益增天譴除濫典不宜概行一切大小銓除仍請暫稱行在少存臣子負罪引慝之誠又疏言賊兵入秦踰晉直逼京師大江以南固安然無恙也而二三督撫曾不聞遣一人一騎北進以壯聲援賊遂得長驅犯闕坐視君父危亡而不之救則封疆諸臣之宜誅者一既而大行之凶問確矣敷天痛憤奮戈而起決一戰以贖前愆又當不俟朝食而方且仰聲息於南中爭言固圉之事卸兵權於閩外首圖定策之功安坐地

方不移一步則封疆諸臣之宜誅者二然猶或曰事無稟承迨新朝既立自應立遣北伐之師不然而亟馳一介使齎蠟丸間道北進或檄燕中父老起塞上名王共激警恥哭九廟安梓宮訪諸王更不然則亟起閩帥鄭芝龍以海師直搗燕都令九邊督鎮卷甲銜枚出其不意合謀共奮事或可幾而諸臣又不出此紛紛制作盡屬體面僅令吳鎮諸臣一奏燕京之捷將置我南中面目於何地則舉朝謀國不忠之宜誅者三而更有難解者先帝升遐頒行喪詔而遲滯日久距今月餘未至臣鄉在浙如此遠省可知時移事換舛謬錯出卽成服祇成名色是先帝終無服於天下也則今日典禮諸臣之宜誅者四至罪廢諸臣量從昭雪自應援先帝遺詔而及

小腆紀傳

卷十三

四

之乃概用新恩卽先帝誅璫鐵案詔書蒙混勢必彪虎之類盡從平反而後已君父一也三年無改之謂何嗟乎已矣先帝十七年之憂勤念念可以對皇天泣后土一旦身殉社稷罹古今未有之慘而食報於臣工乃如此之薄仰惟陛下再發哀痛之詔立興問罪之師請自中外諸臣之不職者始詔報曰親統六師光復舊物嚴文武惟怯之大法激臣子忠義之良心慎新爵劾舊官朕拜昌言宣付史館中外爲之悚動是時宗周本無意於出謂朝中黨禍方興何暇圖賊而一時奸人雖不利宗周又恥不能致之急其一出及方出而彈劾踵至不少假借由是羣小側目宗周既連疏請告不得命乃抗疏劾馬士英曰陛下龍飛淮甸天寶子之乃有扈蹕微勞



入內閣進中樞官銜世蔭晏然當之不疑者非士英乎於是李沾侈言定策挑激廷臣矣劉孔昭以功賞不均發憤豕臣朝端譁然聚訟而羣陰且翩翩起矣借知兵之名則逆案可以燃灰寬反正之路則逃臣可以汲引而閣部諸臣且次第言去矣中朝之黨論方興何暇圖河北之賊立國之本紀已疏何以言匡攘之略高傑一逃將也而奉若驕子浸有尾大之憂淮揚失事不難譴撫臣道臣以謝之安得不長其桀傲則亦恃士英卵翼也劉黃諸將各有汛地而置若奕棋洵洵為連雞之勢至分割江北四鎮以慰之安得不啟其雄心則皆傑一人倡之也京營自祖宗以來皆勳臣為政樞貳佐之陛下立國伊始而有內臣盧九德之命則士英有不得辭其

小腆紀傳

卷十三

五

責者總之兵戈盜賊皆從小人氣類感召而生而小人與奄豎又往往相表裏自古未有奄官用事而將帥能樹功於域外者惟陛下辨陰陽消長之幾出土英仍督鳳陽聯絡諸鎮決用兵之策史可法即不還中樞亦當自淮而北歷河以南別開幕府與士英相犄角京營提督獨斷廢之書之史冊為宏光第一美政上優詔答之而促其速入士英益怒佯具疏辭位且揚言於朝曰劉公自稱草莽孤臣不書新命是明示不臣也吏部候考宗室朱統鑣言宗周請移蹕鳳陽鳳陽高牆所在蓋欲以罪宗處皇上而與史可法擁立潞王其兵已伏丹陽宜急備是時黃鳴駿入覲兵抵京口與防江兵相擊闕士英聞之而信亦震恐澤清初倚東林極重宗周至是恨

甚具疏痛詆言宗周勸往鳳陽為謀不忠料事不智抗疏稱孤臣無禮陰撓恢復不義欲誅臣等激變士心召生靈之禍不仁疏未下復草一疏並著黃得功高傑劉良佐名上之詞連姜曰廣吳姓請正以謀危君父之罪舉朝大駭高宏圖言於上傳諭曰昔漢宣起於艱難魏丙合志唐肅興於靈武李郭同心今者袒分左右口構元黃天下事不堪再壞諸臣各宜和衷集事息競圖功庶幾君臣之間禮全終始宗周不得已受命方宗周之在丹陽僧舍也澤清遣刺客數輩迹之見其正容危坐不忍加害以七月十八日入朝仍居蕭寺士英不使入對給事中陳子龍以為言不省既視事即引董仲舒言請正心以正朝廷給事中袁彭年以爭復設東廠被謫宗

小腆紀傳

卷十三

六

周言其冤及中旨起阮大鍼又言魏大中死於詔獄實大鍼主使祖宗故事大僚必廷推迺者中旨屢降司農之後繼以少宰而大鍼又為司馬其墨敕斜封之漸有不待問者大鍼進退實係江左興亡乞寢命不報乃乞休許之臨行復疏陳五事一曰修聖政毋以近娛忽遠猷國家不幸遭此大變今紛紛制作似不復有中原志者土木崇矣珍奇集矣俳優雜劇陳矣內豎充庭金吾滿座戚晚駢闐矣讒夫昌言路阨官常亂矣所謂狃近娛而忽遠猷也一曰振王綱勿以主恩傷臣紀自陛下即位中外臣工不日從龍則曰佐命一推恩近侍則左右因而秉權再推恩大臣則閣部可以兼柄三推恩勳舊則陳乞至今未已四推恩武弁則疆場視同兒戲表裏



呼應動有藐視朝廷之心彼此雄長即爲犯上無等之習禮樂征伐漸不自天子出所謂褻主恩而傷臣紀也一日明國是母以邪鋒危正氣朋黨之說小人以加君子釀國家空虛之禍先帝未造可鑒也今更爲一元惡稱冤至諸君子後先死於黨死於殉國者若有餘戮揆厥所由止以一人進用起無限風波動引三朝故事排抑舊人私交重君父輕身自樹黨而坐他人以黨所謂長邪鋒而危正氣也一日端治術毋以刑名先教化先帝頗尙刑名而殺機先動於溫體仁殺運日開怨毒滿天下近如貪吏之誅不經提問遽科罪名未科罪名先追贓罰又職方戎政之奸弊道路噴有煩言雖衛臣有不敢問者則厥衛之設何爲徒令人主虧主德傷治體所

小腆紀傳

卷十三

七

謂急刑名而忘教化也一日固邦本毋以外釁釀內憂前者淮揚告變未幾而高黃二鎮又治兵相攻四鎮領兵各三萬不用以殺敵而自相屠戮又日煩朝廷講和今日遣一使明日遣一使何爲者夫以十二萬不殺敵之兵索十二萬不殺敵之餉亦必窮之術耳若不稍裁抑惟加派橫征蓄一二蒼鷹乳虎之有司以天下殉之足矣所謂積外釁而釀內憂也上優詔報聞宗周以宿儒重望爲海內清流領袖既出都門都人士聚觀歎息知南都之不可有爲也明年五月南都不守宗周與熊汝霖謀起義不克及杭州不守推案慟哭曰此吾正命之時也門人張應煜曰此降城也非先生死所宗周瞿然遽出城有勅以文謝故事者宗周曰北都之變不死者

身在田間留以俟後王也南都之變主上自棄其社稷僕在懸車尙曰可以死可以無死今吾越又降區區老臣尙何之世豈有逃生之御史大夫哉扁舟辭墓躍入西洋港水淺不得死舟人扶出勺水不下者十三日與門人問答如平時以閏六月八日死宗周通籍四十年而立朝僅四年潛心理學以慎獨爲本以知天爲歸而本之敬誠作人譜以授學者立證人社做古小學日會講其中著第一義說聖學宗要獨證篇說者謂明之大儒推薛胡陳王而宗周似勝之所傳有劉子全書百餘卷及他著述二十餘種家居恆服紫花布士大夫效之布爲長價崇禎帝嘗賜敕云蔬食菜羹三月不知肉味敝衣羸馬廿年猶是書生蓋實語也我

小腆紀傳

卷十三

八

朝賜專諡曰忠介子灼字伯繩奉父書避兵蕺山之麓自號遜齋嘗撰禮經考次一編首夏小正而附月令帝王所以治歷明時也次丹書而附王制正己以正朝廷百官萬民也於是原禮之所由起而次禮運焉推禮之行於事而次禮器焉驗樂之所以成而次樂記焉然後述孔子之言而次哀公問次燕居閒居坊記表記爾乃設爲祀典次以祭法祭義祭統大傳施於喪葬次以喪大記喪服小記雜記申以曾子問檀弓奔喪問喪終之間傳三年問喪服四制而喪禮無遺矣君子嘗服深衣雅歌投壺不可不講也則次以深衣投壺男女冠笄婚姻所有事也則次以冠義昏義推而鄉飲酒義射義燕義聘義合三十篇謂之經禮別分曲禮少儀內則玉藻文



王世子學記七篇謂之曲禮蓋皆宗周遺教也山居不雜髮數為邏者所阨與父門人張之璿披緇興福寺少定則又還家卒門人私諡之曰貞孝

男承禮編輯  
仁和魏錫曾參校  
會稽梁繼元覆校

小腆紀傳卷第十三終

小腆紀傳卷十三

九

小腆紀傳卷第十四

前翰林院檢討加詹事府贊善銜六合徐爾謙

列傳第七

章正宸

羅萬象 王孫蕃左光先

吳适

李模

喬可聘

姚思孝

李清

錢敬忠

章正宸字羽侯號格菴會稽人從學同里劉宗周早以學行著登崇禎辛未進士選庶吉士溫體仁招之不往改禮科給事中王應熊與戚畹通內傳入閣廷臣莫敢諫正宸抗疏曰豈有枚卜不傳奉者在皇上出此必謂特用易感恩卻眾議

小腆紀傳卷十四

一

則絕窺伺顧天下未有不順人情而可以有濟者也夫應熊亦謂非人情故不可用夫徇情與順情名同而實異振作與操作事近而用殊今廷臣縱乏人奈何使傲狠之夫贊平成之治哉帝大怒下詔獄鎮撫曰新進妄言耳無他肺腸正宸仰面曰新進直言則有之未妄也科臣同力救之止革職及賊犯鳳陵帝怒應熊曲庇鳳撫廷臣遽以正宸薦體仁抑之應熊敗議起廢吏部條上百餘員帝曰中何以無正宸邪親筆取十二人而乙名其間正宸甫復官即疏謝愿言左右茸鬪宰執上下惜身家保祿位關通內侍名為線索其言不可信帝親標其疏令通行嚴飭於是閣臣內官咸切齒西廠中官專橫羅織人罪公卿以下仰鼻息倖苟免京師無賴子弟



竄身入籍白鞵帶刀攬市井金錢每一符下郡縣無不滅門者正宸疏陳帝心動殊筆勒西厥字付閣票旨閣臣懼瑤責擬以不合三上三改尋罷厥其鄉舉時主試姚明恭嘗以鄉人謀官吏部爲屬力卻之故輔周延儒會試座師也朝議起用正宸曰不聞處爲志乎延儒聞而大憾旋掌吏科而延儒適入壬午元旦朝賀畢宣延儒上殿帝東嚮指稱先生曰先生其輔朕將端冕以求正宸遂驩呼入頌聖德且責閣臣以報稱累數千言帝歎賞稱漢子而延儒見疏大驚曰是劫我也嘗過其居執手曰朝廷事大家可爲何必執意見以與物件正宸曰正宸亦惟視大家事故不敢徇私延儒色變舊輔馮銓延儒姻家將復以冠帶正宸復爭之延儒大怒曰

小腆紀傳

卷十四

二

聞公戰老成引遁矣不聞敵愾諸生捲堂矣不聞請纆如此而曰與朝氣象臣雖愚知其未也今惟有進取爲第一義進取不銳則守禦必不堅比者河北山左忠義響應各結營寨多殺僞官爲朝廷効死力不及今電掣星馳倡義伸討是靡天下之氣而坐失事機也宜急檄四鎮渡河聯絡河北山東諸路齊心協力互爲聲援使兩京路通而後塞井陘絕孟津據武關以攻隴右恐賊不難旦夕殄也陛下宜縞素誓師蹕蹕准上聲靈所及人切同警虎豹豺獠勇憤百倍今部院寺司各署不稱行在而工作煩興議者已占陛下志圖偏安天下事變皆生意外將何以待之宜嚴敕諸大臣速簡爾車徒某舊額某新增水幾何陸幾何速備爾芻糗幾何本幾何折

小腆紀傳

卷十四

三

我固無師生已而欲我無姻親邪既而推舉閣臣欲驟用魏藻德召中左門語不合延儒譖之曰正宸與尙書李日宣等把持枚卜罪不赦次日召平臺賜食羣臣叩頭訖帝呼日宣正宸及左都御史房可壯侍郎宋汝政等大詬之叱衛士掉頭視衣冠縛出午門候處分漏下傳付法司拷訊內奄捕諸家奴之送察館者爲詞察獄情贖具擬杖贖中旨加日宣等遣戍正宸遂編管均州甲申三月太常吳麟徵遷掌科薦以自代命甫下而京師陷借劉宗周號哭荷戈趨浙撫黃鳴駿發喪出師鳴駿謝之乃出召募義旅將發而宏光帝立召復故官疏言今日江左形勢視晉宋爲更難當事者泄泄偷息處堂自娛兩月以來聞文吏錫鞶矣不聞獻馘武臣私鬪矣不

主幾費客幾費選爾將帥某堪監礮某堪分閫審爾形勢某地建鎮某地設堡某處埋伏某處出奇修爾干戈繕爾城塹進寸則寸進尺則尺阨險處要大勢已得天下大矣不患無人臣未見張岳韓劉之傑不應運而出也上不能用馬士英欲以中旨起阮大鍼先內傳張有譽爲戶部尙書正宸封還詔書以有譽雖賢而傳陞之弊必不可啟抗疏力爭旋安遠侯柳祚昌受士英旨薦用大鍼正宸又力爭且曰朝廷如此舉動邸報流傳見臣姓名尙挂仕版必相顧駭愕謂負掖垣職掌萬死何辭乞放臣歸里正宸清嚴方正爲清流所倚賴同官沈允培常言章君不特怒時可畏卽笑時亦可畏也士英輩忌之甚轉爲大理寺丞寶奪其言路也已見國事日非



乞假歸魯王監國起吏部左侍郎不受仍署舊官明年起兵事敗溺水不死自經又不死遂以僧服遁不知所終

羅萬象崇禎末官南戶科給事中宏光時勳臣劉孔昭許吏部尚書張慎言於朝慎言立班不辨萬象爭之曰慎言生平具在安得目為奸邪朝罷即疏言首膺封爵者四鎮也新改京營又加二鎮銜何嘗不用武臣年來封疆失事之法先帝多寬武臣武臣報先帝者安在祖制以票擬歸閣臣以參駁歸言官不問委勳臣以糾劾也使勳臣得兼糾劾文臣可勝逐哉尋命太監王肇基督催閩浙金花銀肇基即崇禎時監視宣大之王坤也萬象疏論之肇基即辭止已馬士英薦沉大鍼令冠帶陛見萬象言輔臣薦用大鍼或以愧世無知兵

小腆紀傳

卷十四

四

者然大鍼實未知兵恐燕子箋春燈謎即枕上之陰符而袖中之黃石也伏望許其陛見以成輔臣吐握之意禁其復用以杜邪人覬覦之端時御史王孫蕃亦疏劾孔昭大鍼有直聲久之忽自言定策功為孔昭所駁論者鄙之南都亡俱不知所終

左光先桐城人光斗弟也崇禎時以御史巡按浙江與平許都之亂宏光時阮大鍼冠帶陛見光先疏言大鍼線索逆黨殺臣兄光斗及魏大中楊漣士英云冒罪特舉明知無復有罪之者矣皇上忍改先帝之政臣忍忘不共之讐邪既而許都餘黨復亂大鍼黨乃以光先激變逮問光先間行走徽嶺縱綺索不得乃止不知所終

吳适字幼洪號靜齋長洲人崇禎丁丑進士以知縣行取南都立官戶科給事中疏言維新五事一曰信詔旨朝廷之有絲綸所以彰示臣民俾知遵守邇因事變錯出前後懸殊用人之途始慎而繼以雜誅逆之典初嚴而終以寬禁陳乞矣而矜功誦冤者章日上重得賞矣而請蔭乞封者望日奢鎮帥屢責進取而逡巡不前軍需頻督轉輸而庚癸如故欲期畫一宜重王言一曰核人才人才為治道所從出頃者典籍無稽錢神有徑人思躍治初任輒冀清華官多借題行間每增監紀矐逐之謀愈切卸擔之術偏工起廢而薰蕕並進懸缺則暮夜是求以致薦牘日廣啟事日登今後求才務寬用人務覈甯重嚴於始進毋遺恨於僉輟一曰儲邊才將帥之

小腆紀傳

卷十四

五

略豈必盡出武途如唐之節度使文武兼用內外互遷請飭中外蓬華之彥非韜鈴之略勿講辟舉之選非軍旅之才勿登技勇騎射日日講求其激同讐以振積懦一曰伸國法陷北諸臣已有定案但恐此輩輦金求翻既以寬其不死者昭皇上之浩蕩尤當以絕其覬用者明臣子之大防一曰明言責祖宗設立六垣與六部相表裏是故糾彈之外復有抄參倘掖垣僅取充位則白簡只貴空懸抄發本章一胥吏事豈先王設官意哉望陛下亟進讜言見諸施行毋批答徒勤而實効罔著又疏言國恥未雪陵寢成墟豫東之收復無期楚蜀之摧殘頻甚又况畿南各省到處旱災兼之臣鄰消長多虞將帥元黃構戮伏惟陛下始終兢惕兼倣祖制早午晚三



朝勤御經筵而親儒臣尙茅茨而省工作嚴爵賞而重名器諸凡無藝之征一槩報罷被災之地確覈酌緩墨吏必懲盡膏必殛根本之計孰大於此尋又疏請定期日講俾博聞有濟之臣朝夕左右舉行午朝俾閣部大臣以及台垣散秩咸得躬膺清問卽於披對之餘採疾苦以疏民隱核功罪以勸疆臣明是非以黜邪佞及姜曰廣劉宗周去位适又抗疏言曰廣宗周歷事五朝忠心亮節久而彌勁應亟賜留疏入皆不聽有上書言開化德興雲霧山可開採助國者太監李國輔具疏請往适疏言雲霧山卽封禁山北通徽池南連入閩東抵衢嚴西界信州唐宋以來每爲盜藪其間深谷窮淵虎狼接迹險阻極目無徑可攀且地接祖陵龍脈爲神京右臂

小腆紀傳

卷十四

本

歷朝禁止樵牧封禁所由名也英宗初年遣官採木於是地方棍徒互相煽惑攘奪小民兼多內外官屬供億之費數邑坐困民不聊生近山良民遂鳥獸散大盜鄧茂七等聚眾數萬藉以爲窟合四省兵力討之十四年乃戡定奉旨照舊封禁往禍可鑒也臣竊以界通四省境地相歧內阻峻嶺外多絕谷懸延重巒筆路崎嶇封禁既久開鑿維艱不便一林莽高深重嶂巖峰毒蛇猛獸生育繁滋一旦開伐奔突狂噬傷人必多不便二邃深幽奧迥絕恆區水不通舟陸難移運不便三乘傳驛騷有司困於供億誰籌正賦且吏胥假公行私何所不至而力田小民棄本逐末消磨歲月土田有荒蕪之慮力役多死亡之憂不便四興朝舉動天下仰望以卜安危

今以無益有害之事而特遣重臣搖動人心傾危四省垂之青史貽譏後世不便五遠邇傳聞必且蜂屯蟻聚競營巢穴居奇召禍約束無方是使盜賊復生而殺戮再見不便六况臣訊之父老僉云此山地連陵寢自正統初開伐致傷地脈釀土木之難洩山川靈氣不使七舉此數端有害無利伏惟陛下採擇國輔亦疏請中撤俱不許馳視如适言報罷時橋城伯趙之龍薦陳爾翼适抄參爾翼頌魏忠賢薦崔呈秀不可用之龍再疏爭之适言祖制科臣專封駁之權未聞動爵參駁正之司勳臣黨邪求勝不幾背明旨而蔑祖訓乎尋安遠侯柳祚昌薦程士達督理京營适抄參祚昌非有標營之責何得侵樞戎職奪銓部權懷慶知府郭儀鳳疏言掛冠

小腆紀傳

卷十四

七

勤王且誣巡撫方震孺貪狀适駁參郡守無勤王之例掛冠非入援之名儀鳳不候憲檄非奉明綸擅離職守飾詞妄瀆察撫臣清執有素儀鳳穢迹著聞必懼題參先行反噬自應嚴究以杜刁風光祿寺署丞張星疏求考選科道适參星以縣令躁進掛察典不惟清華望斷亦已仕進階絕無端幻想欺君實甚中書舍人張鍾齡以監軍請給部銜适參職方何官監軍何事若果報國有心何官不可自效藉口贊畫輒請高銜躁進尤甚保定侯勳衛梁世烈請襲爵适參國難以來雖王侯重臣悉罹鋒刃而其間脫身圖存埋名溷俗者固亦不乏該勳何以逆料其家之必殲而忍以子嗣乎萬一本宗匹馬來歸將奪諸該勳而授之乎抑姑仍之且兩封乎該勳



世受國恩誠恢復有志何難倡諸勳舊破家從軍上為先帝復營下為諸勳雪恥爾時訪問本支有無存否然後請諸朝命光復祖爵不亦休乎昔李晟收復長安令軍中五日內不得輒通家信今長安未復非諸臣問家之日也尋遂安伯勳衛陳濬請襲适又參自都邑變遷山河阻絕世次無憑單詞莫信該勳一請再請視五等之封同土塊之乞將與茶傭都督一醉告身可以乘時拾芥而擄取乎适於疏劾抄參不少假借而部臣竟置不理旋駁旋用於是職掌掃地矣迨左兵犯關适疏參總兵牟文綬縱兵譁掠致建德東流摧陷方國安於銅陵西關及南陵城外聚兵攻擊赤子何辜遭此塗炭此與叛逆何異蔡奕琛票旨切責謂适巧為左良玉出脫下

小腆紀傳

卷十四

八

之獄張孫振言适為東林嫡派復社渠魁宜速正兩觀之誅會南都亡适乃遁去不知所終

李模字子木太倉州人承禮謹案原稿一本用南疆釋史本傳作吳縣人按紀年亦作吳縣人

天啟乙丑進士知東莞縣有聲行取御史以巡按真定劾分

守中官謫南京國子監典籍宏光時勳臣以翊戴功交關於

朝尋進階蔭子內監韓贊周盧九德與焉模疏曰今日諸臣

能刻刻認先帝之罪臣方能紀常勒齒蔚為陛下之功臣日

者廟廷之爭幾成鬧市傳聞遐邇不免輕視朝廷原擁立之

事皇上不以得位為利諸臣何敢以定策為名甚至侯伯之

封輕加鎮將夫鎮將事先帝未收桑榆之效事陛下未彰汗

馬之績按其實亦在戴罪之科而予之定策勳其何以安倘

謂勳進有意足當夾輔抑以助勉敵愾無嫌溢稱然而名實之辨何容輕假夫建武之鄧禹猶慙受任無功唐肅宗之郭子儀尚自詣闕請貶願諸大臣立志倡率中外力圖贖罪必大慰先帝殉國之靈庶堪膺陛下延世之賞一槩勳爵俱應辭免以明臣誼至於絲綸有體勿因大僚而過繁拜下宜嚴勿因泰交而稍越繁縷可惜勿因近侍而稍寬然後綱維不墮而威福日隆也疏入報聞尋復為河南道御史馬阮亂政歎曰事不可為矣請告歸里居三十餘年而終

喬可聘字君徵寶應人天啟壬戌進士官御史崇禎時出按

浙江行部至金華水漲舟阻索挽夫不得蘭溪知縣盛王贊

持手版立雨中大聲曰村民方事東作縣令請以身代役可

小腆紀傳

卷十四

九

聘立乘肩輿冒雨去而薦縣令於朝時人兩賢之尋以屬吏

坐贓敗貶三秩南渡起故官掌河南道事疏陳宜罷廠衛停

燕飲不省御史黃耳鼎外遷疏詆都御史劉宗周牽連朝士

甚眾可聘言宗周正色立朝實社稷臣耳鼎厭外轉盡誣善

類以暢己私非人臣也請以耳鼎所轉官換臣為之事乃止

御史黃澍之面劾馬士英也士英銜之入骨而澍按湖廣有

穢聲故錦衣衛劉僑希士英指訐之章下法司宗周怒僑將

救澍可聘曰僑希時相指固也而澍貪亦有跡請行巡撫何

騰蛟覈奏時謂得體宗周初劾臺臣從賊者三十三人及李

沾代事欲翻其議可聘抗不可其在臺班與掌科章正宸持

論侃侃羣小憚之乃起戍籍張孫振為河南道孫振貪橫與



馬阮比陵厲出沾上凡壞法亂紀事爭先爲之臺綱始掃地矣左良玉犯闕士英盡撤江北兵以禦時我

大清兵日逼可聘與大理少卿姚思孝御史成友廉合疏乞留江北兵固守淮揚控扼頹壽命劉良佐還鎮士英於御前戰手詈之舉朝氣懾南都亡歸老於家

姚思孝字永言江都人崇禎戊辰進士改庶吉士授給事中  
以言事忤旨謫江西布政司照磨遷南京助教陞太僕寺丞  
宏光時轉光祿少卿再轉大理少卿阮大鍼之構僧大悲獄  
也思孝在五十三參中獄成未上左良玉犯闕馬士英調黃  
得功劉良佐禦之淮揚空虛我

大清兵乘之南下上召對羣臣思孝與尙寶卿李之椿御史  
喬可聘工科吳希哲合詞請備淮揚上意然之而士英厲聲  
謂皆良玉死黨爲遊說不可聽議遂罷後爲僧終

李清宇映碧揚州興化人大學士春芳五世孫禮部尙書思  
誠之孫也舉崇禎辛未進士授甯波府推官擢刑科給事中  
請宥績溪李世選假赦之獄遷工科左給事中出封淮南會

國變復命南京進本科都給事中上言陛下自中州播遷後  
櫛風沐雨備極辛苦漢光武之不忘麥飯豆粥唐太宗之不  
忘質衣餼舍皆從安樂憶艱難以勵儉也陛下亦宜持此自  
勵則安不忘危侈源塞矣否則奢用必至多藏多藏必至厚  
斂厚斂必至煩刑恐全盛之天下膏血亦殫况今日乎乞申  
飭內外廢無用之金玉罷不時之傳奉勿謂奢小而爲之勿

小腆紀傳

卷十四

十一

謂儉小而不爲則宗社幸甚臣民幸甚又言當今各鎮自爲  
守土計增設兵馬需求器械曾不念司農之艱各監局辟爲  
御用計增索金錢務求華靡曾不顧司空之匱公私交困何  
以應之乞敕各部察現徵之數通行會計量入爲出皆報聞  
是時廟堂但修文法節太平無復有報讐討賊之志而清於  
其詞亦請追諡開國名臣武熹兩朝忠諫諸臣加成祖朝姦  
諛大臣胡廣陳瑛等惡諡更請追封馮勝傅友德爲王賜之  
別廟奉孝宗爲不祧之宗不聽北都之陷鎮遠侯顧肇迹等  
十五人爲賊所殺勳臣朱國弼等請如殉難例贈蔭廟祭清  
言肇迹等或禁或拷半膏賊刃非殉難也同時文臣如內閣

小腆紀傳

卷十四

十一

邱瑜方岳貢等何嘗不以拷禁死而褒譏相半祠祭猶懸何  
獨文武異施乃已又請裁宮中獸炭歲省費一千八百餘金  
議者謂時政雖亂言官尙有權借所爭者細無裨大計也清  
在省中號爲清正嘗陳內治之說引規時事言子胥之揣句  
踐曰爲人能辛苦何謂辛苦毋荒於燕鷺毋荒於瓊宮瑤臺  
南金和寶是也明年二月晉大理寺卿請改思宗廟號修實  
錄及惠宗實錄並允之四月遣祭南嶽南都亡歸隱於家以  
著述自娛閱四十年乃卒

錢敬忠字孝直鄞縣人萬曆己未進士臨江知府若賡子若  
賡初官禮部論選如事得罪神宗幾不免既出守以會勘張  
居正所陷故御史狀權貴誣爲酷吏詔置之死法司申救不



得臨江士民數千人連年赴闕亦不得聞臣請緩決遂長繫獄者三十有七年若廣三子皆授經於獄下獄時敬忠祇一歲既成進士不赴大對爲文誓墓省父還具疏籲冤至千萬言會熹宗新卽位厥臣尼之乃自囚服泣血跪午門前丐閣部諸臣轉請江右人之在官者徐良彥姜曰廣吳士元輩爲出公揭同榜生姚希孟孔開運陳子壯等亦力與當道謀刑部尙書鄒元標促議以入得旨汝不負父將來必不負朕准將若廣免死放還鄉里遂馳赴江西奉父歸浙壬戌補奉天對謁選授刑部主事尋以憂歸瑄禍熾服闋不起座師馮銓招之絕不往後南都御史沈希韶疏言敬忠泣血長安精誠上通帝座馮銓炙手可熱而不肯一爲俯首如水不波宜亟

小腆紀傳

卷十四

十一

加擢用以重學使銓衡之選詔起原官會以母田氏病乞休奉母幾二十年再補原官出知甯國府己罷還崇禎十七年五月南都立敬忠以六月朔上疏凡千數百言略曰皇上所親遊之難與三月十九日爲開闢未有之變纔一念及則踏地踟天行屍走肉不覺魄已離魂生不如死獨念國破君亡雖陵寢震驚鐘簾非故而皇上淵躍天飛依然有君則自監國以來登基以後皇上一大事因緣朝野一正經題目除卻討賊復讐外更無與爲第二義者今觀舉朝諸臣似以三月十九事亦未爲地覆天翻千古非常之奇變也如以爲奇變當必有洗胃刮腸一番痛心之設施乃兩月來立綱陳紀張官置吏亦既濟濟彬彬章滿公車言滿朝聽而討賊復讐一

事未聞有痛哭流涕爲皇上一贊決者亦未見有單肩赤脊爲皇上一亟圖者臣不敢深言亦不忍深言百年以來功利之毒淪入骨髓已成膏肓乃有書破萬卷官躋一品未識君父二字者致有今日以今日世道人心恢復大事諸臣已不足恃獨有皇上不共戴天一念果可徹地通天反風卻日決不愁神靈不護詞羣力不輻輳也臣味死請我皇上無煩再計不俟終朝推瞿然失席之情挺身蹶起效素服哭郊之事灑淚誓師懸詔國門布告天下親率敢死之士一往無前滅此朝食四海之內義稱臣子者蠲賞賈勇以佐軍現有職司者練兵轉餉而接濟萬事不理單刀直入卽有謂萬乘之孝與匹夫不同孤注之危非萬全良策者彼雖陳議甚高吾思

小腆紀傳

卷十四

十三

吾父不能顧矣卽今殘破地方姑置弗論其未經兵火者南直十數郡外江浙閩廣皆雄藩也誠早以訓練轉輸專責之師帥之任十數萬子弟兵數百萬糧草何慮不首尾接應只須掀翻格套使鞠鬱盡舒寬假便宜合膽智畢吐庶幾真才爲我作使若復一瓢眾興十羊九牧徒相與蒿目而憂無兵無餉真是向飯糶邊愁餓死耳在事諸臣必詆臣腐儒不諳時務不曰祖宗社稷爲重必曰輕舉躁動爲殃臣亦敢不謂然獨恨功利之毒自銅錮人聽其所言洋洋至理捫心自揣或非本懷從來誤人家國貽羞千載何嘗不據一面之理唯願皇上存敵蹤草芥之心不緩被髮纓冠之舉思伍員夜泣之悲早決枕戈待旦之計除兇雪恥遠跡康宣抑亦懼亂賊



扶綱常正人心息邪說否則無父無君不知其所終矣得旨  
 錢敬忠有何異謀可足兵食著再奏敬忠溯典引經復得千  
 數百言再上之報聞已又陳第三疏備論齊魯重輕之勢且  
 云廟堂諸老非有張良之智裴度之忠李德裕之才與識不  
 過以定策而枋國耳昔者楚漢之爭勢重在楚不在漢比三  
 老董公遮說義帝之喪發而天下大勢盡歸重於劉楚漢輕  
 重之勢亦即今日我與賊及廷臣諸鎮輕重之勢漢高能早  
 握其機以成帝業此我今日君臣所當共念者也晉欒卻殺  
 厲公立十四齡之悼公勢在欒卻已悼公召羣大夫誓之稽  
 首唯命而晉勢得盡歸於公夫悼公能早握其機以致中興  
 此又我皇上今日所當獨念者也舍此一著何言宗祏百年  
 小腆紀傳 卷十四 十四  
 即欲爲皇上圖一身亦無計矣何言恢復一統即欲爲皇上  
 保半壁亦無計矣蓋皇上一失此機則浸假而移於柄臣落  
 於雄鎮且浸假而倒授於賊今登萊等處未睹詔書猶爲我  
 大明堅守民之思漢可知乃當事諸臣四顧躊躇動憂兵食  
 且鯁鯁乎奇謀異計借箸以籌此機一失此勢不問天下事  
 未知稅駕偏安且不可得臣從此不復敢言矣敬忠連上三  
 疏待命逾月而馬士英輩以其累瀆終不上遂怏怏失志歸  
 自稱崇禎遺臣臥病不出次年我  
 大清兵渡江敬忠病甚每索邸抄讀之撫膺慟哭自歎其不  
 幸而言中也乃勿藥以六月望後一日卒生平喜聚書終日  
 丹黃不倦手批書至數千卷子二光緒昭繡光緒自有傳

小腆紀傳卷第十四終	小腆紀傳 卷十四	十五									
男承禮編輯	仁和魏錫曾參校	會稽梁繼元覆校									



小腆紀傳卷第十五

前翰林院檢討加詹事府贊善銜六合徐肅撰

列傳第八

左懋第

袁繼成 張亮

祁彪佳 子理孫 吳伯駉 班孫

左懋第字仲及號蘿石萊陽人崇禎辛未進士為韓城知縣有聲父喪三年不入內事母盡孝擢戶科給事中庚辰大旱請賑畿南天果雨十七年春奉命督兵湖襄聞變誓師而北會南京建號入見流涕陳中興大計命以右僉都御史巡撫應天時我

大清兵屢破闖賊朝議遣使通好并冊封吳三桂而難其人

小腆紀傳 卷十五

懋第以母喪請終制不許因請使北詔加兵部右侍郎兼僉都御史與左都督陳洪範太僕寺少卿兼職方司郎中馬紹愉偕往而令懋第經理河北聯絡關東軍務紹愉崇禎時與陳新甲通款事於我

朝為懋第劾罷者也懋第疏言臣此行致祭先帝后梓宮訪求東宮二王蹤跡誼不敢辭但經理通和兩事也如欲用臣經理則乞命洪範紹愉出使而假臣一旅偕山東撫臣收拾山東以待如用臣與洪範北行則去臣河北經理之銜而罷紹愉勿遣皆不許臨行又言臣此行生死未知敢願以辭闕之身効一言臣所望者恢復而近日朝政似少恢復之氣望陛下時時以先帝之警北都之恥為念瞻高皇之弓劍則念

成祖列宗之陵寢見有離黍之傷撫江左之遺民則念河北山東之版圖不免陸沈之禍更望嚴諭諸臣整頓士馬勿以臣北行為議和必成勿以和成為足恃必能渡河而戰始能扼河而守必能扼河而守始能畫江而安又言先帝殉難臣少由諫諍臣少也遠如幽燕之地勿以在遠而忘近如汲真之流勿以逆耳而棄惟陛下察之眾聽其言齎金千兩銀十萬兩幣數萬端吏卒三千人護行時史可法駐泗州與懋第相見謂曰經理具文耳通和詔旨也公宜疾行無留以故所至豪傑稽首願效驅策者皆不敢用慰遣而已八月渡河次滄州聞吳三桂已改封平西王乃遣使以策命先授三桂喻來意三桂不發書緘冊上攝政王王怒十月至張家灣令以

小腆紀傳 卷十五

百人入授四夷館洪範無言懋第曰夷館授我是以屬國見待也我必不入爭之再四乃改鴻臚寺且遣官騎迎之建旄乘車肅隊而入懋第斬纓大經迎者訝曰吉禮也而凶服將之可乎懋第曰國喪也並有母喪國喪臣所同母喪所獨也迎者不能詰十四日戊辰我內院大學士剛林至戎服佩刀坐堂上責朝見懋第欲以客禮反覆折辨聲色俱厲洪範紹愉俱懼然色變乃曰此大事非一日可決姑徐之剛林出明日索國書懋第不答以所齎金幣及陵工之犒先之時我朝初定中原中朝故事猶未深晰所往復辨論者皆諸降臣之指而懋第慷慨不撓剛林歎曰此中國奇男子也厚為客禮待之懋第既不得謁陵乃陳太牢於寺廳率將士喪服三







州窺賊所向會吳姓得罪又改屯田以呂大器代之與良王不睦軍中大閱帝曰今日袁明日呂諸臣何紛紛也乃復以繼成代大器京師陷史可法遣人約勤王繼成違率師至安慶而福王監國詔至繼成慮良王左右無正人必生異議亟致書言福王倫序之正邀同入朝良王得詔果不拜聞繼成言開讀如禮既晉四鎮伯爵繼成入見面陳封爵以勸有功無功而伯則有功者不勸跋扈而伯則跋扈者愈多上深然之繼成又言皇上即位之初雖以恩澤收人心尤當以紀綱肅眾志蓋君德剛毅為先不可使太阿倒持竊慮冬春之間淮上未必無事臣雖願奉六龍為澶淵之行上有難色閣臣姜曰廣在側曰所言非遠為此事要不可不存此心又詣

小廉紀傳

卷十五

五

楊前密奏曰左良玉雖無異圖然所部多降將陛下初登大寶人心危疑意外不可不防臣當馳還汛地上是之繼成赴閩責史可法不當封高傑等疏陳致治守邦大計言金陵之界限在大江而淮南江北為之屏蔽金陵之咽喉在潯陽而湖南襄樊為之門戶今淮南江北無恙也叛將潰兵盤踞其間小民嗷然喪其樂生之心此不可不加意措置湖南新經喪亂千里蒿萊宜遣重臣撫治選補廉吏緝和難民招徠商賈通巴蜀黔粵之貨襄陽為古今必爭之地必設重鎮重鎮必宿兵兵必責餉修城置器諸費不貲皆不可不早也夫襄樊守則可由宛葉以圖關中淮南江北守則可由歸德以圖河南亦可由彭城以圖河北攻守之大勢如此也又言致

治必先得人高宗知李綱趙鼎之賢而不能信用而不能信而以汪伯彥黃潛善秦檜湯思退諸小人參之以致主勢日卑親恥不雪其得偏安一隅猶幸耳國難雖殷老成未謝以臣所知若劉宗周吳姓黃道周楊廷麟葉廷秀諸人著名先朝至今思其議論於後之禍敗灼如著龜使先帝早用其言豈有今日馬士英以為刺己深恨之會湖廣巡按御史黃澍監良玉軍挾其勢劾士英罪可斬士英遣緹騎逮之澍乃諷將士譁繼成為留江漕十萬石餉十三萬金給之且代澍申理劉澤清之誣奏姜曰廣也繼成又馳疏申辨士英愈怒欲敗壞其事凡所陳奏及題用監司郡縣官悉停寢而阮大鍼在兵部於繼成奏調部將必俟行賄方給敕印由是諸將愈

小廉紀傳

卷十五

六

解體先是楚將楊國棟張先璧黃朝宣等潰兵數萬人劫掠斬黃間繼成陰以恩撫之使無為良玉用疏請湖南總督速蒞任收士卒心而士英不聽令良玉鎮全楚良玉得盡收先璧等軍勢愈張繼成貽書朝臣左兵不可不備宜稍加督撫權示相維勢士英終不省繼成乃因賀元旦上疏曰元朔者人臣拜手稱觴之日陛下當以為嘗膽臥薪之時念大恥未雪宜以周宣之未央問夜為法以晚近長夜之飲角觥之戲為戒省土木之工節浮淫之費儆諭臣工後私鬪而急公讐臣每歎三十年來徒以三案葛藤不已要典一書先帝已經焚毀何必復理其說書未進亟廢之書已進亟毀之至王者代興從古亦多異同平勃迎立漢文不聞窮治朱虛之過房



杜決策秦郎不聞力究魏徵之非固其君豁達大度亦其大臣公忠善謀翊贊其美請再下寬大之詔解圍扉疑人之囚斷草野株連之案上降旨俞其言而士英等方以要典排善類益不喜裁其餉六萬軍中有怨言繼成爭之不得因力求罷又不許黃澍再被逮不至袁宏勳因劾繼成庇護三案公然忤逆繼成疏辨上曰袁繼成身任封疆自有本等職業不必藉題尋釁會繼成議造戰艦檄九江僉事葉士彥於江流截買材木士彥家蕪湖與諸商暱封還其檄繼成恥令不行疏劾士彥士彥同年御史黃耳鼎亦劾繼成疏中有繼成心腹將校勸良玉立他宗良玉不從之語蓋欲搆繼成於良玉也而良玉常以不拜監國詔自疑聞耳鼎疏中語益懼因上

小腆紀傳

卷十五

七

疏明與繼成無隙耳鼎受人指使且言要典宜再焚上諭解之由是羣小益銜繼成將召入害之推爲刑部右侍郎上曰彼地須繼成耳不允又推爲戶部右侍郎上慮無以牽制良玉亦不許已而有北來太子事繼成疏言太子居移氣養移體必非外間兒童所能假襲王昺原係貴族高陽未聞屠害何事隻身流轉到南既走紹興於朝廷有何關係遣人蹤跡召來望陛下勿信偏詞使一人免向隅之悲則宇宙享蕩平之福矣又疏言東宮眞僞亦非臣所能臆揣眞則望行良玉言假則請多召東宮舊臣識認以釋中外之疑疏未達而良玉軍已東下矣初繼成聞闖賊南渡令其部將郝效忠鄧林奇等守九江自統副將汪碩畫李士元等援吉安甫登舟而

左兵至復還士民泣言我兵不及十之三激之禍且不測且令諸將斂兵入守繼成曰入城示之弱不可良玉抵北岸晝來願一握手爲別繼成至其舟言及太子事良玉大哭袖出太子密諭集諸將盟繼成正色曰先帝舊德不可忘今上新恩亦不可負密諭從何來公今以檄行之是讐國也請改爲疏良玉不得已約不破城駐軍候旨繼成歸集諸將城樓涕泣曰兵諫非正也晉陽之甲春秋所惡我可同亂乎當與諸君城守以俟朝命而兩營諸將有相通者左營募入縱火袁營張世勳郝効忠夜半斬關出繼成冠帶欲自盡黃澍入泣拜曰甯南無異圖公以死激成之大事去矣副將李士春亦密白繼成隱忍到前途王文成之事可成也繼成乃止出城

小腆紀傳

卷十五

八

欲面責之而良玉病革尋死乃勸其子夢庚旋師不聽則已與黃澍輸款於我  
大清矣繼成遣人語部將鄧林奇汪碩畫李士元等毋爲不忠林奇等避湖中遣逆繼成而繼成爲郝效忠所給赴其軍劫之北去軍中自銘曰死事也易成事也難爲嬰弗克爲白維艱張死匪先許死匪後臣心靡他靖獻我后抵大勝關我豫王傳語袁總督隨行與以大官作又自銘曰大官好作大節難移成仁取義前訓是依文山袁山仰止庶幾袁山繼成自號也見豫王長揖不拜爲設宴不飲亦不言在道自縊不死絕粒八日又不死入京就館內院學士剛林勸之朝且曰朝廷爲明討賊今賊未絕君入仕可爲明帝報讐繼成曰討



賊新朝之惠也今宏光何在而臣子圖富貴乎剛林又言宏光不道事曰君父之過臣子何敢知乃改館進卒守之幅巾衲衣兀坐讀書終不雜髮明年六月二十四日出至菜市就刑曰吾得死所矣年四十九鄉人李元鼎爲我兵部右侍郎收其骸骨歸袁州子一藻不仕亦早卒我

朝賜專諡曰忠毅

張亮四川人崇禎某科舉人歷官榆林兵備參議有能聲薦改安廬兵備討賊有功擢右僉都御史巡撫其地南都立亮疏言南北只隔一河賊若從山東來則淮徐據黃河之險我能守之若從河南來則無險可守今茫無稽察致壘斷者飽載而販於賊巢濱河者所司何事而疎玩若此哉乞飭嚴加

小腆紀傳

卷十五

九

盤詰販賣者治以通賊之罪又言賊勢可圖請解職視賊所向督兵進討而馬士英意殊不在賊詔亮還任明年四月左夢庚陷安慶被執挾與俱北乘間赴水死我

朝賜通諡曰忠節

祁彪佳字幼文一字宏吉又號虎子山陰人年十七舉於鄉又四年成天啓壬戌進士授興化府推官吏易其年少操土音侮之彪佳買二嬴婢密詢之浹旬升廳事遍召諸吏聲其罪眾驚以爲神故事巡按御史率倚推官爲耳目其胥吏奸惡無問者彪佳倡議訪犯先從推官左右始人服其公政績大著遭父喪去職崇禎初擢福建道御史進封事略云凡文武內外大小諸臣必使之安其位而後盡其心邇來六卿九

列之長詰責時聞引罪日見因而周章急遽救過不遑竊恐當事諸臣休於嚴旨冀以迎合揣摩善保名位臣所慮於大臣者此也人才中下參半藉上感發其忠義鼓舞以功名今司道有司或欽案之累由人或錢穀之輸不足降級住俸十居二三必至苟且支吾急功赴名之心不勝其掩罪匿瑕之念臣所慮於羣臣者此也陛下聞鼓擊而思將帥之臣倘得眞英雄卽推轂設壇夫豈爲過或獎拔之術未盡則冒濫之實將萌臣所慮於武臣者此也陛下深懲情竄特遣內臣撫按之事多令監視正恐同罪同功反使互蒙互蔽開水火之端其患顯啓交結之漸其患深臣所慮於內臣者此也忤旨切責軍興上合籌天下全局疏帝善之下所司出按蘇松宜

小腆紀傳

卷十五

十

與翰林陳于鼎陳于泰暴於其鄉民乃聚焚其廬發其祖墓併及首輔周延儒祖墓洵洵不散彪佳單騎往捕治如法而於延儒無所徇延儒憾之吳中姦民結黨立天主名號橫行鄉里有司不能制彪佳廉得其魁四人召紳士父老會鞠城隍廟杖殺之民大稱快表禮郡中清修之士歸子慕朱升宣張基等奉羊酒鼓吹騎從到門以見並疏其學行於朝請授翰林院待詔士林以爲盛事既而回道考覈延儒風主考者鐫一級帝察其無罪祇令降俸尋請終養歸從劉宗周遊其學益進家居九年母服闋召掌河南道事請留宗周表率百官又以京察不當面斥吳昌時於朝十六年佐大計絕請謁尋以刷卷南畿乞休不允便道還家聞京師陷慟哭赴南都



福王至羣議援宋高宗故事立爲兵馬大元帥彪佳曰今與宋不同宋時徵欽固在也今海內無主盍如景泰稱制監國議乃定首陳紀綱法度爲立國之本次及發號用人二事又疏陳致治大本語甚剴切王嘉納之五月三日王監國俄有傳登極者蓋呂大器以異議懼禍請登極以自媚也彪佳曰監國名甚正遽登極何以服人心謝江北將士且今日監國明日卽位事同兒戲宜待發喪除服議之乃止高傑掠揚州士民奔避無賴者乘間剽奪廷議彪佳按吳有威望命往宣諭斬倡亂者數人宣布赦文甄別有可減否一方遂安六月遷大理寺丞轉右僉都御史巡撫蘇松先是北京之變諸生檄討其搢紳授僞職者姦人因之以爲利蘇州詹事項煜大

小腆紀傳

卷十五

十一

理寺正錢位坤通政司參議宋學顯禮部員外郎湯有慶四家蕩洗無遺又焚常熟給事中時敏家三代四棺俱毀彪佳奏民情騷動借名義憤與其振之使懼不如威之使服國法旣伸人心自正宜將從逆諸臣先行處治使士庶無所藉口則焚掠之徒可加等治許之彪佳復榜諸衛曰叛逆不可名忠義不可矜毋藉鋤逆報私怨毋假勤王造禍亂未幾嘉定華生家奴客句合他家奴及羣不逞近萬人突起劫奪各暴其主且踞坐索身券縛而杖之彪佳捕斬數人餘盡掩諸獄令曰有原主來保者得贖死於是諸奴搏頰行句原主以免因募士爲蒼頭軍尋詔復設廠衛緝事官彪佳上言洪武初官民有犯或收繫錦衣衛當事者因非法凌虐高皇帝乃於

二十年焚其刑具送囚刑部是祖制原無詔獄也後以鍛鍊爲工羅織爲事雖朝廷爪牙實權臣鷹狗舉朝知其枉而法司無敢雪慘酷等於來周平反從無徐杜此詔獄之弊也永樂間設立東廠始開告密無籍兇徒投爲廝養誣告遍及善良赤手立致鉅萬招承多出於拷掠怨憤充塞於京畿欲絕苞苴而苞苴彌盛欲清姦宄而姦宄益多此緝事之弊也若夫刑不上大夫祖宗忠厚立國之本及逆瑾用事始去衣受杖刑章不歸司敗撲責多及直臣本無可殺之罪乃加必死之刑血濺玉階肉飛金陛班行削色氣短神搖卽卹錄隨頒已魂驚骨削矣朝廷徒受復諫之名天下反歸忠直之譽此廷杖之弊也三者弊政當永行禁革疏入羣奄共撓之大學

小腆紀傳

卷十五

十二

士姜曰廣力爭之乃命五城御史察訪不設緝事官督輔部將于永綬劉肇基陳可立張應夢領馬兵千人駐防京口浙江入衛都司黃之奎亦部水陸兵三四千戍其地馬兵以賤值糶小兒爪傷兒額浙兵不平縛馬兵而投之江馬兵大恨馳馬來闕浙營守備李大開訶之不下大開抽矢射數人馬兵遂大闕射殺大開恣焚掠死者四百人譁而曰四鎮以殺槍封伯吾何憚不爲警殺哉彪佳聞之擐甲馳往永綬等遁去疏劾四將罪卹難民民大悅自是兵將調集聽本處撫臣節制著爲令焉時高傑劉澤清開藩江北顧未嘗忘情江南也憚彪佳威望以書通問彪佳報書感以大義自是無一卒渡江者傑駐瓜洲嘗以書尅期會於大觀樓意彪佳文士畏



縮必不敢輕渡江至期風大作彪佳掉小舟從小吏數人出沒波浪中須臾泊岸傑大駭異撤兵衛下拜曰不意公之勇亦如是也彪佳披肝膈勉以共獎王室慷慨流涕傑曰傑聞人多矣如公者甘為之死公一日在吳傑一日逆公約矣張廷驪飲而別馬士英輩嫉彪佳甚喉私人朱統鎮劾之御史張孫振希士英旨亦劾彪佳謂初沮登極者立潞王也彪佳乃移疾去吳民泣而送之遂隱於雲門山明年南都不守我貝勒以貂裘聘之因絕粒妻商氏慮其死防守之乃給之曰此非詞命所能卻當身至杭辭以疾耳家人信之閏六月四日至寓園與其友祝山人飲至夜分攜燭書几上曰圖功為其難潔身為其易吾為其易者聊存潔身志含笑入九泉浩

小腆紀傳

卷十五

十三

然留天地又書曰已治棺寄戴山戒珠寺可取斂我投梅花閣下淺水中端坐死年四十有四隆武時贈少保兵部尚書諡忠敏我

朝賜專諡曰忠惠妻商氏另有傳子理孫班孫

班孫字奕喜小字季郎其兄曰理孫字奕慶以大功兄弟次其行故世呼曰祁氏五六兩公子班孫生時母商氏夢一老衲入室生有美姿白如瓠而雙足重趺日行數百里無倦又時時喜踟躕坐彪佳盡節未二旬東江兵起其羣從之長曰鴻孫者嘗與彪佳同學劉宗周門下將兵江上莫有申從父志於是理孫班孫罄家餉之與黃氏世忠營勒事敗鴻孫走死班孫之婦翁朱兆宣者故總督燮元公子也戒班孫曰勿

更從事焦原矣弗聽祁氏談生堂藏書甲江浙其諸子尤豪憲結客泊二子兄弟自任以故國之喬木雖屠沽販豎有一技長亦兼收並蓄家居山陰之梅墅其園亭在寓山後壁大隧莫能詰慈谿布衣魏耕者狂走四方思得一當二子與稱莫逆耕酒色有奇癖禮法之士莫敢許而二子獨以忠義故曲奉之每至則盛陳越酒呼若邪谿娃以薦客又發故藏王遁劍術編遍約同里朱稚張宗觀輩密謀大計壬寅耕蠟書通海事發捕者曰茗上耕婦家梅墅耕死友官兵亟發果得耕遂併縛二子去兄弟爭承其獄友人納賂宥其兄以班孫遣戍遠左理孫竟以痛弟鬱鬱死丁巳班孫脫身歸里社中漸物色之乃祝髮於吳之堯峯尋主毗陵馬鞍山寺稱呪林

小腆紀傳

卷十五

十四

明大師士大夫相傳曰是何浮屠氏但憲議論古今每及先朝則掩面哭然終莫有知之者嘗於曲盤座上摩其足喟然發難曰使我因此間者汝耳癸丑冬十月旬又一日忽沐浴竟曳杖繞堂走曰我將西歸也入暮踟躕坐垂眉久之既復張目周視又久而後逝發其篋有所著東行風俗記紫芝軒集且得遺教欲歸耐人始知為山陰祁氏子之自關外來者遂如其教歸葬焉

吳伯默字志訥泰順人個儻尚義才智過人商於蘇甲申三月聞國變傾裝助軍効力行間巡撫祁彪佳授太倉營千總奉檄教倉頭軍戰法江蘇破不知所終泰順林用霖增補



小腆紀傳卷第十六

前翰林院檢討加詹事府贊善銜六合徐鼎

列傳第九

高倬 何應瑞

劉成治

黃端伯

吳嘉胤

龔廷祥

陳龍正

陳于階

葛微奇等  
吳可箕等

高倬字枝樓忠州人天啟乙丑進士崇禎初以知縣入為御  
史劄督曹文衡與總監鄧希詔相奏許倬言宜撤希詔安文  
衡心若文衡不足任宜更置勿使中官參之疏入貶一秩尋  
以草場火坐巡視不謹下吏逾年釋歸起上林署丞遷大理

小腆紀傳

卷十六

右寺副十一年五月火星逆行倬請疏刑部積案累遷南京  
太僕寺卿十六年二月擢右僉都御史提督操江其秋操江  
改任武臣劉孔昭召倬別用未赴而北都陷宏光帝立改工  
部右侍郎御用監內官請置龍鳳几榻諸器及宮殿陳設寶  
玩金玉計費數十萬光祿寺請辦御用器至萬五千七百有  
奇倬上言國家草創民愁財匱宜力行節儉為天下先昔衛  
之亡也文公大布之衣大帛之冠通商務農故能立國今百  
萬之師嗷嗷待哺司農無以應之致歟望掠食即君臣縞素  
示以匱乏彼未必信也而乃雕鏤華彩欲飾美觀乎不納既  
解學龍被劾削職擢為刑部尚書南都守投縊死我  
朝賜通諡曰忠節

小腆紀傳卷第十五終

小腆紀傳

卷十五

十五

男承禮編輯  
仁和魏錫曾參校  
會稽梁繼元覆校



何應瑞出身籍貫不可詳崇禎時官南太常寺卿南都以與擁戴功擢工部右侍郎晉尙書其年八月太后至自河南諭部臣修行宮備賞賜應瑞與侍郎高倬合疏言點金無術懇祈崇儉不納南都陷自縊不死復自刎爲其子所持不知所終

劉成治字廣如漢陽人崇禎甲戌進士以知縣補國子監助教宏光時歷陞戶部郎中趙之龍將出降入戶部封庫成治拳毆之之龍走免問豫王命百官謁見寅往午歸慨然曰國家養士三百年無一忠義以報朝廷邪題壁曰鍾山之氣赫赫洋洋歸於帝側保此冠裳自縊死我

朝賜通諡曰節愍

小腆紀傳

卷十六

二

黃端伯字元公新城人崇禎戊辰進士雜治儒墨百家之學性冲淡夸曠虛懷下士官甯波杭州推官每出則諸生以經史文藝及語錄禪旨金丹符籙哀然競進者恆數百人端伯應接從容莫不厭服而去治行報最徵入京以憂歸乃屏棄一切潛心儒學少時自署印文曰海岸道人至是改其篆曰忠孝廉節之章益王居建昌與鄭芝龍結姻勢橫甚端伯疏論之益王亦劾端伯離間親藩及出妻醜酒事有詔候勘端伯乃避跡廬山宏光時大學士姜曰廣薦起之授禮部儀制主事南京覆或曰公如老衲盍浮沈山野端伯曰臨難苟免先聖訓也我豈藉口釋氏以苟活乎百官迎降端伯獨不赴從者固請乃書一帖與之曰大明忠臣黃端伯豫王命趣召

之兵往先捶其妾端伯毅然不顧曰殺即殺耳我不投謁也繫之去方巾不冠亦不拜王甚重之授以職不可以方外禮亦不可王問宏光何君曰聖君問何以指昏爲聖曰子不言父過問馬士英何相曰賢相問何指奸爲賢曰不降即賢遂下獄臨刑詩曰問我安身處刀山是道場一卒左刃之手顛棄刀走一卒右刃之亦顛棄刀走端伯厲聲曰吾心不死頭不可斷盡刺吾心卒如之而絕一僕拱立其側揮之不去亦見殺魯王贈太常卿諡忠節我

朝賜通諡曰烈愍

吳嘉胤字繩如松江華亭人天啟甲子舉於鄉歷官戶部主事管理新餉奉使至丹陽聞變亟馳還從者曰往則投死耳

小腆紀傳

卷十六

三

幸而不遇難且歸爲後圖嘉胤曰是何言歟君亡則率士皆非明有也我歸欲安之止車城外報恩寺上書求存明社稷不報冠服自縊於方正學祠一僕欲解之一僕曰嗟乎主人有成言矣解之必不聽不如已也此僕亦從死我

朝賜通諡曰節愍

龔廷祥字伯興無錫人馬世奇門人也崇禎癸未進士宏光帝立廷祥不欲出既念母老冀得誥命以榮之乃赴選授中書舍人乙酉四月命始下旬日間揚州不守南都覆慟哭曰吾固知國祚必移而不意如是其速也吾豈背恩乎遺書戒其子善事祖母詣文廟肅衣冠拜孔子訖大呼曰吾不負師友馬君常劉港六也自投武定橋下死我



朝賜通諡曰節愍

陳龍正字惕龍嘉善人為高攀龍弟子崇禎甲戌進士授中書舍人十一年五月熒惑守心十二年十月彗星見冬至大雷電雨雹十三年二月京師大風天黃日青龍正皆應詔條奏大旨在聽言用人又請墾荒時中原殘破有田不得耕龍正據常理言之給事中黃雲師御史黃澍遂詆為偽學帝不問御史葉紹容謂堪任督輔主事趙奕昌舉為真賢才亦不用久之遷南京國子監丞宏光時用為祠祭員外郎南都陷絕粒死或曰病死

陳于階字詹一上海人嘗從大學士徐光啟學歷法薦授欽天監五官挈壺正南渡令督造火器及

小腆紀傳 卷十六

四

大清兵至歎曰吾微員也可以無死然他日何以見徐公哉遂自經於天主堂我

朝賜通諡曰節愍又有葛徵奇官光祿卿劉光弼官戶部郎中劉萬春官禮部郎中陳燠官中書舍人皆死於南都之難者詳不可聞徵奇字無奇海南人崇禎戊辰進士士民死者則吳可箕國子監生休甯人寄居南都宏光帝出走乃題詩衣襟自縊於雞鳴山之關壯繆祠黃金璽江甯武舉人題壁自經死陳士達布衣也投水死跡最奇者則投秦淮河之馮小瑞題詩百川橋之乞兒也詩曰三百年來養士朝如何文武盡皆逃綱常留在卑田院乞丐羞存命一條

小腆紀傳卷第十六終

小腆紀傳 卷十六

五

男承禮編輯  
仁和魏錫曾參校  
合稽梁繼元覆校



小腆紀傳卷第十七

前翰林院檢討加詹事府贊善銜六合徐鼎撰

列傳第十

張伯鯨

徐汧

王瑞柟 葉尙高等

夏允彝 兄之旭子完醜

林逢經 第逢平等

李魯 第宗善李世輔

張伯鯨字繩海江都人萬曆丙辰進士歷知會稽歸安鄞三縣事內遷戶部主事出督延甯二鎮軍備自黃甫川西抵甯夏千二百里不產五穀賀蘭山沿黃河漢唐二渠東抵花馬池皆沃土而荒蕪甚伯鯨疏陳其狀為通商惠工轉粟麥倣邊商中鹽意立官市法以招之軍民稱便延綏盜起擢兵備

小腆紀傳卷十七

十

僉事轄榆林中路擊破賀思賢巡撫陳奇瑜上其功擢右參政仍視兵備事七年春奇瑜遷總督擢伯鯨為右僉都御史代之擊破插漢部及套寇明年以事罷十一年起戶部侍郎駐襄陽理兵餉坐餉不至貶秩十五年擢兵部添設左侍郎攝行尚書事召對萬歲山步行中寒足疾作伏地不能起帝命中官扶出之遂乞休南渡後家居不出左兵起馬士英盡撤江北兵以禦伯鯨歎曰天下事不可為矣揚州受圍與當事分城堅守城破身被數創死妻楊氏子婦郝氏俱從死我朝賜通諡曰忠節

徐汧字九一號勿齋長洲人為諸生有時譽天啓中魏大中

周順昌先後就逮汧與里人楊廷樞歛金資其行順昌歎曰

國家養士三百年如徐生真歲寒松柏也成崇禎戊辰進士選庶吉士授檢討遷右諭德黃道周疏救錢龍錫貶官倪元潞請代謫不允汧力頌道周元潞賢自請借斥罷忤旨切責乞假歸久之還朝遷右庶子充日講官尋奉使江西封益藩便道旋里周延儒之再相也招之不應久之始行抵鎮江聞京師陷一慟幾絕汧雅好交遊蓄聲伎至是悉屏去獨居一室南都立起少詹事汧以國破君亡臣子不當叨位具疏固辭移書當事言今日賢奸之辨不可不嚴而異同之見不可不化在諸君以君民為心以職掌為務耳其忠君愛民清白乃心者君子也否則小人修職就業竭節在公者君子也否則小人執以為衡流品明澄敘當矣豈必挾異同哉先帝十

小腆紀傳卷十七

十一

七年之中憂勤乾惕有如一日卒使海內鼎沸社稷邱墟良由頻年來是非混淆士大夫精神智慮不為君民不念職掌乃至膜視主上委身寇仇豈不痛哉禍及君國身亦隨之然則朋黨相傾亦何利之有今喪敗之餘人思危懼宜戒前事勿蹈覆轍尊耿介特立之人尙悃愾無華之士並建賢哲明試以功未有人心不正而能支撐傾側者也既就職即陳時政七事曰辨人才課職業敦寅恭勵廉恥核名實納忠諫破情面復惓惓以化恩讐去偏黨為言安遠侯柳祚昌希馬阮指疏攻之皆前者潞藩在京口汧朝服以謁自侍東林巨魁與復社諸奸張采華允成楊廷樞顧杲等狼狽相倚陛下定鼎金陵彼公然為討金陵檄所云中原逐鹿南國指馬是為



何語乞置於理幸士英不欲與大獄寢其奏乃移疾歸南都  
不守謂二子曰國事不支吾死迫矣出居邨舍聞蘇州不守  
夜自縊僕救之甦其友朱薇曰公大臣也野死可乎汧曰郡  
城非吾土也我何家之有肅衣冠北向稽首投虎邱之新塘  
橋死時乙酉閏六月十一日也閱三日顏色如生一老僕隨  
之死我

朝賜通諡曰忠節長子枋另有傳

王瑞柵字聖木永嘉人天啓乙丑進士授蘇州推官兼理兌  
運軍民交兌恆相軋啓覺瑞柵調劑得宜歲省浮費三萬金  
上官爲勒石著令尋改河間推官入爲工部主事轉兵部職  
方員外郎擢鄖襄兵備僉事會張獻忠據穀城乞撫總理熊

小腆紀傳

卷十七

三

文燦許之瑞柵以爲非計謀於巡按林銘球總兵官左良玉  
將俟其至執之文燦固以爲不可瑞柵言賊以撫愚我我豈  
可以撫自愚文燦恚以爲撓撫局瑞柵曰非撓撫實濟撫也  
今良玉等力能辦賊南漳費一選光化周士鳳四面分防皆  
爲勁敵當召布於穀城近郊下令會勦夫賊未創而遽撫彼  
將無所懼惟示之以必勦之勢乃心折不敢貳否則玩而嘗  
我我何以制其變也文燦不從瑞柵知事必敗亟陳隨征歸  
農解散三策又不從乃自爲檄諭獻忠獻忠恃文燦庇己不  
聽瑞柵曰天下事可知矣繼而羣盜混世王整世王託天王  
小秦王過天星逼處均房間復乞撫文燦又力持之瑞柵曰  
爭撫必墮賊計且倉卒間前後受撫鄖襄爲賊藪矣明年獻

忠果反瑞柵已以憂去獻忠留書於壁言己之叛總理便然  
列上官姓名及取賄歲月多寡於下題其末曰不受獻忠錢  
者鄖襄道王瑞柵一人耳由是名大著南都立授太僕寺少  
卿極陳有司虐民狀旋告歸隆武帝召赴福建仍故官督理  
兵餉未幾閩地全失溫州亦不守避之山中丁亥五月十五  
爲瑞柵生日從容拜家廟置酒高會良久不出則縊死寢室  
矣遺命五日而殮及有司驗視怡五日云我

朝賜通諡曰忠節同時諸生葉尙高於上丁釋奠日倚廟柱  
嘗當事鞭垂下獄死鄒欽堯鄒之琦俱赴水死

夏允彝字彝仲華亭人弱冠舉於鄉博學工屬文長洲楊廷  
樞太倉張溥等結復社允彝與同邑陳子龍何剛徐孚遠輩

小腆紀傳

卷十七

四

亦結幾社相應和名重海內崇禎丁丑與子龍同成進士授  
長樂知縣善決事他郡邑疑獄不能決者上官多下長樂居  
五年邑大治吏部尙書鄭三俊薦天下廉能知縣七人允彝  
爲首大臣方岳貢等亦力稱之將特擢丁母憂歸北都亡走  
謁尙書史可法謀興復宏光帝立乃還是年五月擢吏部考  
功主事疏請終制馬阮重其名屢招之不赴服闋猶不起而  
御史徐復陽者故逆案中人希馬阮意劾允彝與其同官文  
德翼居喪授職以兩人皆東林也兩人實未之官無可罪吏  
部尙書張捷遂議貶秩調用時論爲之不平乙酉八月我  
大清安撫官入郡允彝投之書曰  
大清革命萬物維新故明廢臣理應芟除其何所逃死顧有



一言爲

盛朝陳之昔金人渡江下三吳抵溫甯還師以授宋高卽中原之地亦舉以授張邦昌劉豫者誠以南土庫溼多疫海險江深毒蛇匝地聚蚊若雷嘔吐霍亂以時而發凡同居中國北人之吏於南者猶以爲病況自塞外來邪昔蒙古之爲南吏者以三月至九月歸一切吏治惟中土人是問其賦稅漕糧盡由海運未及八十年而吳浙劇寇蝟毛以起江南大亂河北瓦解是江南爲元累不爲元利矣向使割江南以予宋歲輦金緡以實北地則元之疆場正未艾也今爲

盛朝計明之支系綴若懸絲莫若以淮河爲界存其宗社則可收千百世興滅繼絕之功責其歲幣亦可獲數萬里盟主

小腆紀傳

卷十七

五

睦鄰之利於名甚隆於利可久惟執事裁之書人不報總兵吳志葵起兵吳淞允夔入其軍爲之飛書走檄四方響應然皆文士不知兵迄無成松江破或說之入海趨閩允夔曰我昔吏閩閩中八郡咸德我今往圖再舉策固善然舉事一不當而遞以求生何以示後世哉不如死也嘉定侯峒曾遇害允夔經紀其喪歸聞徐石麒黃醅耀徐汧之死也欲自經其兄之旭諷投方外允夔曰是多方求活耳乃作絕命詞自沈松塘死越三日黃道周奉隆武帝命以翰林侍讀兼給事中召至則方殞矣使者哭而去贈左春坊左庶子諡文忠所著有幸存錄爲絕筆之旭字元初爲邑貢生有聲丁亥四月與於陳子龍之獄官兵捕之縊死文廟復聖顏子位旁遺令云

余自舍弟殉節卽欲借死彼以孤寡見託未忍也然不向城市坐者兩年於茲矣今日吳鎮効忠一時趨附幾事不密變且中作搜求餘黨坐以叛名嗟乎新朝之所謂叛乃故國之所謂忠也夫何傷哉余幼讀聖賢書今死聖賢地夫亦死於聖賢之教非死於法也其詩曰嗟予薄祜少遭不造皇路多虞撫膺思報穰穰國人藩之垣之惴惴縲絏抗章白之余一介儒曾壽天顏歲寒之義至死勿遷仲也懷沙身無貶屈惜哉卧子何不早決故君曰逝故友云亡吾將安歸敬附首陽從容自引魯璧踏踏遐哉尼父余敢對揚子完醅字存古七歲能詩文年十三擬庾信大哀賦才藻橫逸魯監國授中書舍人監國航海完醅拜表慰問爲遷者所得亦以子龍事下

小腆紀傳

卷十七

六

獄賦絕命詩遺母與婦臨刑神色不變年甫十八我朝賜允夔通諡曰忠節完清節愍林逢經字守一逢平字守衡閩之長樂人兄弟切劘相師友以文雄一時逢經性剛急或面摘人過逢平性冲和閩中建立文社八郡人士悉集西湖之荷亭二林領袖之從逢平問難者數十人從逢經十數人而已時以伯醅伊川事擬之兄弟皆執贄黃道周門下道周當國薦逢經補中書舍人累轉翰林院檢討修威宗實錄逢平爲兵部司務道周殉節金陵逢經請出使覓其齒髮或難之逢經曰若得營厝三尺使忠魂時望孝陵吾卽殉師何憾哉已聞南都有收葬道周者乃已聞敗披緇入山除夜賦詩曰已拚身與汨羅遊不謂殘年託



此邱何處角聲吹世換一龕燈影覺生浮妻孥杜曲對如夢  
日月斜川望更幽回首玉堂人散後爐中商陸總添愁戊子  
永福陷赴海死逢平亦鬱鬱死先後殉節者永福人給事中  
鄒正畿投水死長樂人御史王恩及妻李氏服毒死詳不可  
問我

朝賜逢經正畿恩及通諡俱節愍

李魯字得之上杭人幼穎慧塾師以執竿驅雀屬之對魯應  
聲曰拔劍斬蛇塾師異之天啓甲子舉於鄉甲申國變山寇  
蜂起上杭尤甚當事議募鄉兵魯曰四鄉皆寇出沒之區召  
募之兵慮卽寇也兵寇雜伍此以城與寇耳在城者當大戶  
捐貲結義以固城在鄉者當大戶鳩宗築砦以固鄉無瑕可

小腆紀傳

卷十七

七

攻寇當潛寢耳乃上書於巡撫張肯堂曰治病者未進藥石  
先調臟腑獵獸者未加擊刺先布網羅臟腑固而後藥石有  
效網羅設而後擊刺無虛寇卽病與獸也兵則藥石擊刺也  
民則臟腑網羅也欲勦寇必使民有固志欲固志必先有守  
禦欲守禦必先築砦堡何也鄉民各戀身家心膽易搖平時  
團集易聞警驚潰亦易團集適爲累耳若鄉砦四布家累悉  
有憑依耕芸不廢寇至清野掠無所得且疑設伏扼隘進退  
狼顧不必交鋒而氣已銷阻過半矣然後以大兵夾勦之譬  
網羅設而擊刺隨獸卽奔突安往乎不然崇山複谷深入則  
虞墮伏中持久則運饋難繼我往賊去我去賊來勞逸之致  
便皆在賊且賊害如梳兵害如櫛生趣旣窮民盡爲賊矣卽

今賊起一年而民情已三變始而人皆避賊一變而貧者通  
賊再變而從賊矣近則富民亦不得不通賊矣往綏寇初發  
事亦類此禍延宗社可不畏哉夫上失其道民散久矣聽民  
自爲結約不可得也董勸責在上耳宜令鄉之大戶各歸之  
寨不立寨者以通賊論賊來量力戰守有備牛酒金錢媚賊  
贖屋者以接濟論奸民從賊聽寨長公結與衆棄之官留難  
者以縱賊論官兵所至不許入砦強入砦者以擄掠論如此  
極力施行不出期月可保太平百年也書上肯堂稱善論邑  
令舉行而城中富民交口謂魯張皇多事及乙酉夏南都江  
西皆破魯誅茅於幅員山蜚語謂魯倡逃魯曰桐江子陵之  
釣南陽諸葛之耕山居非聖朝所禁也何以此禁魯乎自題

小腆紀傳

卷十七

八

草廬曰采薇深處聯句曰風搖彼黍聲如訴雨漬山薇淚不  
乾又曰時事浮雲留不住我心匪石確難移蓋將躬耕以老  
也聞中建國閣部曾櫻貽書譙曰發不郵緯匹婦猶知之志  
士仁人乃宴宴居息邪魯乃詣行在上封事其一曰簡忠誠  
之士以救時艱近世論人動曰救時之才至問所謂救時者  
僥巧通方士耳夫僥巧通方乃改身鬻面之別名破滅人國  
則有餘矣可謂救乎臣愚以爲天下無無才之人但心有誠  
僞耳心誠則大才可大用小才可小用心僞則小才害及小  
大才害及大也凡處必擇便安言豫持兩可微長卽欲自炫  
護短惟恐人知者僞人也受職而蹇蹇匪躬奏對而侃侃不  
回功與人同而不私過與人見而不諱者誠士也親誠遠僞



在人主力持其衡而已一日加守令之權以練土兵今寇賊所至在在崩潰者無他守令不兼兵士著之師少也既無兵權寇至束手惟有逃耳雖其人之不肖亦事勢使然也昔成周卒旅軍帥統於鄉遂大夫漢則郡國民兵領於太守唐則諸道府兵領於刺史臣愚謂宜慎擇守令假以兵權省召募而專料土兵古者五家爲比五比爲閭四閭爲族此民數也五人爲伍五伍爲兩四兩爲卒此兵數也然則五與十者先王所以分民卽將之所以治兵也守令治民卽治其伍有故則猝然爲百人之集守令治兵但治其隊有故則猝然爲千萬人之集以民食膳民兵久則守令皆良將而郡邑皆金城昔句踐以生聚教訓殪夫差光武以春陵子弟殲尋邑小如

小腆紀傳

卷十七

九

馮驩之用薛尹鐸之用晉陽皆未嘗募烏合以戰豺狼者得強富之本計也一日達小民之情以禁貪暴夫天之去地不可計道里然天所爲者皆及於地而地之物無一不暴於天中無障隔故也人主高居如天下之情僞與萬物之求暴於天無以異乃上澤不下於民民恫不達於君者則中間之障隔者多也今牧吏殃民罔極監司未必知知未必言甚有貓鼠而倒置黑白者天地之通永絕矣臣愚謂宜頒詔中外許民詣闕自陳或見耆老而詢之則吏奸無可藏而貪暴之風可輯矣民之利害得則守令之賢否得舉錯之得失亦得故詢事在下而萬情可盡也周禮外朝列庶人之位而太僕有鼓以達窮民故君安坐而見天下之事文武成康稱明君

由此道而已高皇帝微時親見貪官毒民及定天下於府州縣制申明亭老人頌聖令一道官有爲民患者耆老奉令至公廳直諫三諫不悛耆老赴京奏聞以憑擊問高皇帝豈樂民之以下訕上哉不得已也願陛下力復祖制也一日罷捐借講屯練以足兵食國初九邊腹裏各有屯田有官屯民屯商屯腹屯邊屯諸法所謂養兵百萬不費民間粒粟者此也承平旣久侵沒難問然按籍履畝大半可稽法當清覈故田簡汰軍衛漸復祖制今軍寇蹂躪之餘必有無田之人與無人之田誠得忠勤廉幹之人或民屯如虞集之策或兵屯如李泌之謀此皆可計歲責效者不然變通屯練之法合計一城分幾坊坊有長一坊分幾甲甲有長甲統於坊坊統於屯

小腆紀傳

卷十七

十

練之官陰以兵法部勒之官訓其長長訓其屬有技有試有董勸平居各食其食無額支之糧有警各伍其伍戰守相敵而動在城守城在鄉守鄉法似保甲而警策過之意似雄邊而不煩抽丁貨粟因民各保身家之心爲捍衛封疆之用又就簡練什伍中密察才力出羣者假以事權於是貴介得以撫用健兒單寒得以僱募於殷富卽睚眦可化爲同澤同袍萬眾一心於強寇何有乎此則隨地隨時可施行者否則捐助借助於上似無賴而薄廉恥於官則貪婪而廢國法於民則斂怨愁而生意外之虞可爲憂危者此也一日審形勢以圖恢復明詔初下決計親征謀者多謂直指錢塘臣愚以爲魯國畫疆而守文武不憚征繕宜下溫詔卽以兩浙委之夫



漢高捐齊楚以與信越光武委河西以與竇融究之齊楚河西皆歸於漢今北軍分道以攻江南閩豈能分道禦之使宗子果能人自爲戰豈非維翰維城之藉哉大兵惟當直取江右江右披山襟湖可東提兩浙西挈荆湖控閩粵三方輻輳據上游以望孝陵不然則急駐荆南控湖北以制中州引滇黔而接巴蜀庶幾風雲空濶豪傑必攀附而來若羈旅閩中指臂不靈兵食肘露恐日月逾邁朝氣漸衰非日闢百里之洪謨矣一曰奮乾健之行以作士氣臣愚謂中興之君視創業尤難創業之君臣同起於患難志有進而無退今共事者大半承平優養之餘捐軀意少懷土情多稍見凶危輒生退阻臣嘗恨宋高有李綱爲之相韓岳爲之將卒奄奄不振者

小腆紀傳

卷十七

十一

本其苟且偷安之心牢伏於中故汪黃秦檜得窺見其隱而牽制之也光武起自春陵不數年而天下定雖其恢廓大度委任得人究其根本乃在戰昆陽渡滹沱歷濱危阨而不阻及其拔邯鄲擊銅馬徇燕趙皆親履行陣熟習艱險有以鼓勵將士之氣也今六飛遠駕雖曰天子自將行邊實同草昧起義之舉也驚凶秉鉞者文也共飢渴同甘苦自夷於士卒者實也禮下召對降抑神聖者文也分痛癢同禍福自偶於庶僚偏裨者實也臣願陛下戒宋高法光武則忠智效死天下歸心南北不混一者未之有也疏入上大悅謂魯留心世務乃有用之才授工部主事十二月移蹕建甯時三關單危禁旅不滿千所調之兵隨到隨遣新募者或未成旅一路有

警輒空營赴之魯奏言不定營制不簡精銳聽其逍遙逐隊雖源源踵至恐左右終無一兵語云葵猶衛足豈有萬乘而孤露無衛乎明年六月魯監國棄浙航海魯奏言藩籬已撤卽重兵扼險猶慮不濟况關兵撤近安海四境蕩無鎖鑰人情泮渙忠義灰心去閩當如避焚抉網別任格人以共濟大業上以疏語指斥鄭芝龍留中不發會汀州報流寇攻上杭魯因言急守莫如汀城急練莫如汀兵此爲嶺嶠咽喉務令呼吸相應陛下果卽東幸臣當執殳前驅上嘉歎之改職方主事以新銜領敕印兼道抵汀而流寇已圍上杭時七月下旬矣魯與汀帥周之藩謀謂大駕且幸汀而上杭圍不解則禍變且生意外乃投檄賊營警曉之賊果捧檄色動魯乃單

小腆紀傳

卷十七

十二

騎詣賊壘把其魁張某之臂曰幸甚諸君值魯乃富貴催人也賊愕然問故魯曰天子早晚入粵東諸君部勒一軍爲護衛便爲禁旅親軍矣恩賚逾他營一等粵地繁富十倍閩中諸君食國餉佩將印豈非富貴逼人乎諸賊合聲稱善魯曰客營淡泊當取豚酒相勞因刑牲插血曰從此爲一家人矣安插定乃入杭宣布屯練節目卽前封事中所條陳者杭民丁某獨不欲曰驅羣羊而搏猛虎此自詒伊戚耳魯罵之曰爾生父且不識又識保衛鄉里邪蓋丁嘗棄其父而謀爲富民之繼子者也俄而汀州變聞魯負敕印痛哭入幅員山丁某昌言於眾曰

大清兵至拒命者屠城滿城血肉豈易李宦數莖頭髮邪眾



惑之擁魯還城嚴衛之將以獻於我貝勒魯曰我自行我意  
關若何事此豈狂國人人浴矢不許一人潔身邪因椎心大  
哭血淚迸落久之聲氣不續則絕吭死矣時丙戌九月五日  
戊申也上杭人始有太息悔之者諸生鄒宗善聞之走明倫  
堂痛哭伺家人熟睡書衣裾曰先王之教曰忠曰孝聖賢之  
訓曰仁曰義殺身成仁舍生取義孝子忠臣含笑相視衣冠  
自縊死宗善字本初或曰名嘉善亦上杭人

李世輔字左宜亦號我持甯化諸生博學能文漳南兵備道  
朱大典嘗頒世輔文於學宮式多士士無間言天啓丁卯中  
鄉試副榜崇禎癸酉再舉北闈副榜明年選貴州銅仁知縣  
銅仁僻處萬山中流寓者十之七胥吏多亡命苗夷時出剽

小腆紀傳 卷十七

十三

掠世輔訓練追捕農民復業已卯遷雲南昆陽州州城自崇  
禎五年夷難之後冊籍燬於火世輔釐剔隱占免故丁豁虛  
糧民困復甦癸未遷南雄府同知隆武改元召用故相何吾  
騶丙戌二月道出南雄問世輔曰公閩人也閩遂贊中興乎  
世輔曰可敵兵雖勁遠則遜土燕齊之人近則左良玉劉澤  
清之降卒耳何遽不相勝乎吾騶曰然則東晉南宋乎曰未  
也東晉自永嘉後諸胡相吞百年未定故王導謝安乘其間  
暇修安和寬簡之政亦卒不能與劉石爭長南宋有韓岳諸  
將趙張諸相彌縫補苴故金人屈就和議今

清并有中原耿耿志在江南耳而我踟躕閩中駕馭不遠欲  
為晉宋豈易言哉吾騶曰然則駐贛州乎曰是其次也漢高

不拒武關終難滅項太祖不戰鄱陽湖豈能驅元以備亮之  
才退保益州不能越祁山寸武况以八閩乎吾騶曰魯藩逼  
近金衢將無梗乎曰是乃所為中興之藉也恨岷蜀諸藩不  
悉倡義西北耳凡兵勢有分合彼合則亦利合彼分則亦利  
分今

清以合力取山陝而以分兵取江南使諸藩人自為戰疆自  
為守即令為錢鏐為竇融亦僅為聖主驅除耳漢追楚至固  
陵信越之兵不至張良曰君王能與共天下可立致也於是  
捐齊楚子兩人既併天下而兩人之地終歸於漢今舉朝不  
患敵人而欲服屬魯國是所謂倒持也又曰相國入閩兩動  
伎復其可協乎苞官苴將其可汰乎宿衛兵不滿萬兩關兵

小腆紀傳 卷十七

十四

不滿三萬建甯汀邵罅可縫乎能使天子擐甲胄鏖平世文  
貌行草味開創事乎寇賈岳韓相國意誰屬乎即大駕駐虔  
胸背單危一萬督撫可支天平楚督招降之卒可出湖迎駕  
平蜀黔滇廣苗狼之兵可調集乎吾騶無以答第曰人才無  
如君者比觀天子當召君以匡吾不逮也及陛見所引薦二  
十人皆故吏嫻嫻無世輔名是年夏奉檄監兵五千出梅關  
迎駕聞贛州警乃率所統兵援贛以策干總督萬元吉不見  
用遂辭去旋擢貴州鎮遠府知府赴任抵靈山而汀州變聞  
將詣永歷帝行在丁亥四月土寇猝發遂及於難

小腆紀傳卷第十七終

男承禮編輯  
仁和魏錫曾參校  
會稽梁繼元覆校



小腆紀傳卷第十八

前翰林院檢討加詹事府贊善銜六合徐肅謨

列傳第十一

楊文聰

衛肅文

吳爾璵

傅鼎銓

張家玉

安去猷等  
林海

徐敬時

楊文聰字龍友貴陽人天啟辛酉舉於鄉崇禎時官江甯知縣御史詹兆恆劾其貪奪職宏光時戚人馬士英當國起兵部主事歷員外郎中監軍京口以金山踞大江中控制南北請築城以資守禦從之乙酉遷兵備副使分巡常鎮監大將鄭鴻達鄭彩軍及

小腆紀傳

卷十八

大清兵臨江文聰駐金山扼大江而守五月朔擢右僉都御史巡撫其地兼督沿海諸軍乃還京口合鴻達等軍劄南岸與

大兵隔江相持

大兵編巨筏夜置燈火放之中流南岸軍虛發礮石以為克敵也日以捷聞初九日

大兵乘霧潛濟迫岸諸軍始覺倉皇列陣甘露寺鏖騎衝之悉潰文聰走蘇州十三日南京破百官盡降命降臣鴻臚丞黃家煎往蘇州安撫文聰襲殺之遂走處州隆武帝立遣使奉表稱賀鴻達薦其才拜兵部右侍郎兼右僉都御史提督軍務令圖南京初上在鎮江與文聰交好其子鼎卿為士英

甥士英遣迎宏光帝與上遇於淮安上寢甚鼎卿調給之上與定布衣交及鼎卿上謁以故人子待之寵甚特授左都督太子太保獎其父子擬以漢朝大小耿明年衢州告急令與誠意伯劉孔昭合兵為援七月

大兵至文聰不能禦退至浦城與監紀孫臨並為追騎所獲說之降不從同被殺文聰善畫有文藻跌宕風流豪邁自意好推獎士類于士英者緣以進故為世所詆諆其死也眾論亦許之

衛肅文字祥趾韓城人崇禎辛未進士授庶吉士歷編修司業中允諭德告歸十四年闖賊入關全省瓦解肅文方在里星夜赴都痛哭陳勦賊計言西土之危將延社稷併請召四

小腆紀傳

卷十八

大鎮翼衛王室連上十五疏捐資犒軍帝以其剴切召對褒勞之京師陷匿民間賊搜得拷訊備至乘間南奔南都仍故官擢御史希馬士英意奏罷督師兵詔切責之士英遂與之匿尋詣興平營謁高傑傑以同里故疏請留監己軍傑死士英薦之即以兵部右侍郎總督興平所部經略歸軍務兼徐揚巡撫揚州破肅文赴水死

吳爾璵字介子崇德人崇禎癸未進士改庶吉士京師陷降於賊賊敗南還謁史可法請從軍贖罪時其父之屏方督學福建爾璵斷一指昇故人祝淵曰君歸語我父母悉出私財昇我餉軍我他日不歸以指葬可也又作死臣傳以見志有云被犀甲操吳戈氣之雄騰天河鶩廣野捐愛戚志之決頭



匪恤我心赤我血碧長城雖壞白虹貫日語多不具錄尋從高傑至睢傑死寓祥符遇一婦言是福王妃童氏固守臣附疏以聞詔斥為妄逮之可法為救免分守新城城被投水死故人某斂其屍寄佛寺燬於火家人函所寄指葬之焉傅鼎銓字維衡臨川人崇禎庚辰進士官檢討北都之變不能死出謁賊為鄉人所訕乙酉大學士曾櫻以鼎銓與揭重熙並薦隆武帝重違櫻意召重熙而予鼎銓知府銜令赴贛州軍前自劾重熙輒與鼎銓偕入閩乃令以故官統義師由泰甯出關招募丙戌八月福州不守鼎銓借兵於甯都田海忠不應自集義勇復宜黃駐樂安閩亡偕重熙同入武夷山戊子

小腆紀傳

卷十八

三

王師圍南昌重熙入粵求援鼎銓兼督兩軍與張自盛合營援南昌戰於三江口敗績被命內召不願往請再舉終江西事重熙亦疏留之乃拜兵部右侍郎兼翰林院侍讀學士鼎銓令監軍陳化龍馳檄浙東有徐孝伯者引軍來會駐徐博庚寅冬張自盛敗死惟曹大鎬一軍在廣信往依之辛卯四月八日俗稱浴佛日也山中作浴佛會鼎銓與焉為守將所執論降不從令作書招重熙亦不從在南昌獄閱月賦詩見志或欲為雍髮曰無庸留此與頭俱去也八月乙巳朔得處決旨眾為涕泣鼎銓揚揚如平時問吹角聲曰可以行矣語左右曰我不畏死不可縛徐行至順化門南向再拜行刑者請跪叱曰自被擒來為誰屈膝者今日欲我跪邪坐橋上整

領衣就刃行刑者手顫墮淚初鼎銓以污賊命為鄉人所鄙嘗欲求一死所以自滌預置木主書死年而空其月日死後得之笥中於是鄉人又爭賢之

徐敬時上饒人甲申以進士候選京師污賊命賊敗南還越十年甲午與友人楊文李克升舉兵廣信之九仙山屢抗王師寨破皆死之

張家玉字子元東莞人崇禎癸未進士授庶吉士闖賊陷京師被執上書於賊請旌己門為翰林院庶吉士張先生之廬請褒卹范景文周鳳翔等隆禮劉宗周黃道周尊養史可程魏學濂自稱殷人從周願學孔子稱李自成大順皇帝自成怒召之入長揖不跪縛午門外三日枕以極刑卒不動曰當

小腆紀傳

卷十八

四

磔汝父母乃跪時父母在嶺南而還自屈人咸笑之賊敗南還阮大鍼等攻其薦賢於賊遂被逮南京破脫歸從隆武帝入閩擢翰林院侍講監鄭彩軍出杉關謀復江西解撫州圍丙戌

大兵至彩奔入關家玉走新城與知縣李翔共城守出戰中矢墮馬折臂走入關尋以右僉都御史巡撫廣信廣信失請募兵惠潮說降山賊數萬將赴贛州之急會汀州破乃還東莞明年與舉人韓如璜結鄉兵攻東莞知縣鄭霖降籍前尚書李覺斯家貲以犒士甫三日而

大兵至敗走聞永歷帝立奉表賀進兵部尚書無何大兵至戰又敗如璜死家玉走西鄉祖母陳母黎及妹石寶



俱赴水死妻彭被執不屈死鄉人殲焉西鄉大豪陳文豹奉之取新安襲東莞戰赤岡

大兵大至復敗走鎮岡文豹等皆死覺斯怨家玉甚發其先人壘毀其廟盡滅其族村市為墟家玉過故里號哭而去途次得眾數千取龍門博羅連平長甯攻惠州克歸善還屯博羅

大兵來攻乃走龍門復募兵萬餘人據增城分其眾為龍虎犀象四營十月

大兵以步騎萬餘夾擊家玉三分其眾犄角相救倚深溪高崖以自固大戰十日力竭而敗圍數重諸將請潰圍出歎曰矢盡礮裂欲戰無具將傷卒斃欲戰無人烏用徘徊不決以

小腆紀傳

卷十八

五

頸血濺敵人手哉徧拜諸將自投野塘死年三十有三家玉性任俠好擊劍多草澤豪傑交故屢敗而所至輒能得眾所部數千人從死無降者我總督佟養甲方坐堂上召廣州諸紳觀礮陳子壯以怖之而家玉首適至李覺斯請審視勿為所欺養甲曰此貌清正固是義士必家玉也明年李成棟歸明乃贈家玉少保武英殿大學士吏部尚書增城侯諡文烈父兆龍猶在籍以子爵封之弟家珍字璩子年十六從兄歷戎行騎黃馬摧鋒陷陣馬死哭之慟十年後忽夜夢騎馬如昔覺而為詩弔之聞者悲焉安宏猷靈璧人官南海指揮張治程鄉人官訓導張恂尹斌皆舉人起兵襲東莞誅典史張元鼎知縣鄭盜自殺復會家玉取新安增城之敗宏猷戰死

治恂斌自縊死林游爵里不可詳家玉之美師也與於起兵之謀臨刑吟詩曰願續當年李侍郎遺言謝世報高皇獨憐一片忠精骨不死沙場死法場

小腆紀傳

卷十八

六

小腆紀傳卷第十八終

男承禮編輯  
仁和魏錫曾參校  
會稽梁繼元覆校



小腆紀傳卷第十九

前翰林院檢討加詹事府贊善銜六合徐肅撰

列傳第十二

周 鑣 弟鍾 光時亨 武 愷

邱 磊 補 陳 謙 子六 傳 闕

周鑣字仲馭號鹿溪金壇人父泰時雲南布政使鑣舉鄉試第一中崇禎戊辰進士官禮部主事抗疏論不當寵任內臣罷斥言官帝怒斥為民自是知名鑣伯父尙書應秋叔父御史維持以黨附魏瑞列逆案鑣深恥之通籍後即交東林矯矯樹名節阮大鍼之廢居金陵也鑣與諸名士為留都防亂揭帖以逐之大鍼懼而匿身牛首山或謂大鍼曰周鑣之名

小腆紀傳 卷十九

以詬公而重諸名士之黨又以詬公者媚鑣於是大鍼怨鑣刺骨南都之議立君也呂大器姜曰廣並主潞王鑣與雷縉祚嘗往來遊說故馬阮欲以是致二人於死縉祚字介公太湖人崇禎庚午舉於鄉帝思破格用人命舉貢悉就銓用凡二百六十三人時號庚辰特用縉祚得刑部主事踰年擢武德兵備僉事劾督師范志完縱兵淫掠折餉行賄召入朝與志完面質於中左門縉祚因言周延儒招權及其幕客董廷獻通賄狀延儒由是被放志完誅而令縉祚回任縉祚初覲得總憲故極意攻擊及是頗沮喪廷臣遂以是忌之及馬士英欲逐姜曰廣乃令朱統纘誣劾之指鑣縉祚為曰廣私黨士英亦劾周鍾從逆牽連及鑣於是鑣與縉祚及鍾等俱逮

治鑣之叔父維持與鑣弟前蕭山知縣銓奏言家門不幸鑣鍾兄弟成隙鑣私刻燕中紀事國變錄諸書偽撰勸進表下江南策以誣鍾且鑣於陛下登極首倡異謀是鍾罪止一身鑣實罪在社稷也詔所司并勘焉獄急鑣屬御史陳丹衷致書幣求解於士英為選者所獲丹衷坐謫御史羅萬爵上疏痛詆鑣且遍詆東林而光祿卿祁逢吉與鑣同邑以晉鑣得為戶部侍郎明年三月誅妖僧大悲御史王愷因言斬百大悲不如斬周鑣雷縉祚二人者妖所由興也夫真主既出海內帖然乃今日冒稱皇子明日冒稱皇后希踵王郎故智實由二人譏訕新政造謗宮闈故訛言繁興若不立斬二人恐魚腹藏書狐號叢野乘間竊發大鍼亦曰陛下龍飛之初可

小腆紀傳 卷十九

為寒心曰廣尚不敢為賈充而縉祚公然欲為成濟宜立正西市會左良玉犯闕檄中有構陷縉祚語士英大鍼益怒謂二人實召左兵趣賜自盡乃各作家書互書先帝遺臣於腹投縉死遺命勿葬如伍子胥抉目事置棺雨花臺側未浹月而南都破矣  
鍾字介生鑣從弟也為諸生有聲復社中舉崇禎癸未進士改庶吉士甫半載闖賊陷京師鍾出降賊徒顧君恩薦之牛金星用為檢討賊敗南歸周氏金壇貴族而其父子兄弟悉有離心鑣與鍾尤以才相忌各招致生徒立門戶兩家弟子遇於途不交一揖鍾既降賊門人徐時霖等益被以惡名朝中傳其自稱勸進表獨夫授首萬姓歸心比堯舜而有武



功邁湯武而無慙德等語爲牛老師所賞遠近切齒初鍾與弟某遇阮大鍼於酒肆弟與語不合推案壞座坐者皆失色鍾徐引去不爲謝劉澤清之鎮山東也慕鍾名奉五百金以交歡拒勿納以此二人深恨之故馬阮謀必欲殺鍾其年八月士英言給事中光時亨力阻南遷致先帝身殞社稷而身先從賊爲大逆之尤庶吉士周鍾者勸進未已又勸賊早定江南聞其嘗驟馬於先帝梓宮前臣聞不勝髮指其伯父應秋維持皆魏忠賢鷹犬今鍾復爲闖賊忠臣梟獍萃於一門逆黨鍾於兩世宜加赤族誅其胞兄銓尙厠衣冠之班從兄鏹儼然寅清之署均宜從坐用清逆黨鍾遂被逮士英之起大鍼也爲廷臣所阻大鍼語人曰彼阻逆案我當立順案相

小腆紀傳

卷十九

三

對以闖僞號順也鍾既繫獄數求解於士英不可得及六等定罪刑官解學龍置鍾次等待繫士英擬旨詰問學龍不得已改從一等而以停刑請士英怒學龍削籍去明年四月刑部尙書高倬用新竹篋杖之數十御史張孫振再鞫再杖居數日左兵檄至人情洶洶遂與光時亨武懷同棄市鍾猶謂行刑者曰殺我天下遂太平乎

項煜字仲昭號水心吳縣人天啟乙丑進士授庶吉士嘗抹江西艾南英文爲所詆怒因磨勘陷之停科甲戌分校會闈抑陳大士而進李青羣論大譁煜故以經藝名天下恥之納賄於嘉定伯周奎求再入闈雪恥而癸未會元所得又爲陳名夏聲譽頓減累遷少詹兼侍讀甲申三月疏請南遷爲給

事中光時亨所持城陷與鄉人痛哭將自裁忽其甲戌門生黎志陞者排闥入呼曰今日魏徵非師而誰志陞固以山西學道降賊爲僞尙璽卿者煜方恨罵而志陞竟挾之上馬去煜既不死卽對眾曰大丈夫名節既不全當立蓋世功名如管仲魏徵可也已得僞太常寺丞大沮奉賊命祀泰山馳驛微服走南都適宏光帝登極雜入朝賀班爲眾所逐尋與周鍾等同下獄刑部尙書高倬爲煜乙丑同年爲援助餉例斂金出獄而故里居己爲鄉人之討賊者所燬不敢歸走慈谿門生馮元慶之鄉村明年薙髮令下眾揭竿起擁煜入縣署令王玉藻者亦癸未門生也將爲煜地眾復擁之西門外之太平橋繩繫擲激湍中噪曰今日眞項水心矣元慶奔救之

小腆紀傳

卷十九

四

氣已絕云光時亨祁門人崇禎甲戌進士官刑科給事中疏論練餉之非甲申三月帝召對平臺大學士范景文都御史李邦華少詹事項煜請奉太子撫軍江南時亨叱之曰奉太子往南意欲何爲將爲靈武故事乎議遂格已奉命分守東直門城陷首迎降賊獎諭之以原官視事時亨寄書其子云諸葛兄弟分事三國伍員父子亦事兩朝我受恩大順汝等可改姓走肖讀書以無負南朝科第云云賊敗南歸與周鍾武懷同伏法

武懷涇陽人崇禎末以進士候選京師值城陷迎降授淮安防禦使方懷之吉服迎賊也有僕某大慟曰奴聞主憂臣辱



主辱臣死此何時不奔喪哭臨而吉服事賊乎叩頭出血悻叱之去僕曰李賊貪淫無道上干天怒下拂人情吾不忍見主人之失身且罹禍也遂絕粒死悻後竟伏法南都

邱嘉邨平人少為諸生有才名走遷東詣軍門上書嘗與左良玉從軍擄掠坐法論斬嘉願以身獨任罪而免良玉於死

嘉繫刑部獄崇禎十三年良玉捐萬金救之侯恂再出督師奏以嘉為山東總兵與劉澤清不相能澤清之南下也過安

東嘉掠其輜重澤清慮為僭輦笑匿不以聞會南都立因請命嘉渡海收登萊嘉於白沙祭海將以眷屬輜重北發澤清

搆之於督師史可法謂其有異謀甲申冬十月初六日庚寅嘉以百餘騎至安東副總兵柏承襲給嘉進署突兵擒之下

小腆紀傳

卷十九

五

淮安獄澤清自往唁之置酒把臂嗚咽諭獄吏小心承值會當疏請無何得旨賜自盡議者多冤之良玉之東下也蓋亦因嘉死云補

男、承禮 編輯

仁和魏錫曾參校  
會稽梁繼元覆校

小腆紀傳卷第十九終

小腆紀傳卷第二十

前翰林院檢討加詹事府贊善銜六合徐肅謨

列傳第十三

徐宏基 從子仁爵

李昇 族人錫祚 錫貢

鄧文昌

常延齡 常元亮 湯南金

劉永錫

劉文昭

沐天波

徐宏基字紹公中山武甯王達之後世居大功坊里崇禎時襲爵魏國公守備南京甲申夏四月率諸大臣迎福王於江浦五月庚寅王監國奉寶以進尋奉使祭告孝陵晉左柱國與馬阮忤決志乞休以子允爵嗣職明年南都亡允爵出降

小腆紀傳

卷二十

宏基率幼子文爵及家人避之吳江進士袁世奇家郡紳多從之勸作匡復計宏基即樹幟募練鄉勇得千數人按戶出資助餉有陸醕儒者雄於財其弟某偕客過莊舍宏基邀致之踞坐相見抑之跪勸之書餉某堅弗承乃繫諸暗廠困苦之客脫歸以告醕儒時總兵黃蜚潰降部下田勝嘉收合散亡出入泖湖間頗事剽斂醕儒具厚幣乞援復得亡命三百人乘夜發難登世奇屋劫其弟出乃集眾進攻袁徐兩姓家屬及避兵諸紳長幼悉被戮而沈屍於湖宏基挺矛奪門出投分湖葉氏葉懼禍縛而致諸陸陸趣軍士叢槍擊斃之子文爵年十五被圍登屋頂發三矢殪三人被執亦叢箭死永曆帝聞宏基之倡義被害也閔之賜諡壯武從子仁爵初從



魯藩於台州監國後以功封定南伯江上師潰扈從入海甲午偕張名振攻崇明戰敗沒於海

李昇字東君岐陽武靖王文忠十七世孫短小精悍耽吟詠善騎射崇禎甲申年才十有四襲官都督同知史可法檄召諸鎮兵北上勤王昇請以五百人爲前鋒可法壯其言然以童子也姑置之翌日大閱京營昇彎勁弩一發九矢皆破的可法大喜師未濟而凶問至遂已南都立誠意伯劉孔昭與馬阮濟姦害正昇憤甚遇孔昭於塗戟手毒罵孔昭大恨劾罷之可法招往揚州參軍事昇積勞得嘔血疾歸明年南都亡走天台山削髮爲僧丙戌浙東不守魯監國航海作詩傷之云陡聞絳幘離淝水旋見青衣出洛陽又天下猶懸唐日

小腆紀傳

卷二十

二

月海中莫恃漢金湯遂痛哭發狂死其族人錫祚與弟錫貢以勇聞庚寅偕謁舟山命佐蕩湖伯阮進守螺頭門辛卯秋大兵三路下舟山進敗於橫水洋錫祚趨救被創同投水死城破錫貢勒兵巷戰被執至四明見殺

鄧文昌字汝言甯河武順王愈之後魏國公徐宏基之女夫也宏光時任後軍都督左兵東下馬士英盡撤防河諸軍以禦文昌詣朝門力爭之反復陳說利害士英語塞厲聲曰公助臣無預國家大事文昌歎息出遂棄官隱於織山之天開巖既聞隆武帝立航海赴關襲封定遠侯加中府屢疏請上出關爲恢復計上優旨答之比幸建甯命與大學士曾櫻留守福京

大兵至櫻避之海文昌慷慨誓義妻徐氏先仰藥死文昌扼吭以卒年僅一十九聞人哀之合葬於城北芙蓉嶺下徐氏見列女傳

常延齡字喬石開平王遇春之十二世孫也襲封懷遠侯官錦衣指揮崇禎中疏陳時政凡十二上帝嘉納之熊姜獄起抗章請釋二臣罪又致書周延儒以文彥博救唐介故事相激勸朝論避之南都之起阮大鍼也與廷臣交章劾之不報遂掛冠去南都亡與妻氏徐魏國公女偕隱金陵種菜爲生歿無以殮友人醵金葬之雨花臺側又有常元亮者亦開平王孫與東甌王湯和十三世孫南金爲詩友南金於崇禎時官錦衣衛指揮南都馬阮亂政乞放歸聞永曆帝入緬甸斷

小腆紀傳

卷二十

三

粒卒南金既卒之明年元亮訣妻子告墳墓將航海說朱成功大舉之激浦之乍浦之舟山覓渡不得遂發憤蹈海死劉永錫誠意伯孔昭子世所稱郁離公子也南都亡孔昭以所部操江兵斬關奔太平尋入海癸巳甲午張名振再以舟師入長江掠瓜洲抵儀徵登金山望祭孝陵孔昭偕永錫以其軍會丙申八月

王師復攻舟山永錫隨英義伯阮駿禦之橫泮金塘間風發舟膠投水死論者謂其能幹蠱云孔昭自有傳劉文焯號雪舫新樂侯文炳之弟時稱爲新樂小侯者也甲申之變文焯年十五方侍母杜氏飯家人報城陷文焯盪脫地遽起從母登樓就縊縊墮不死文炳牽其手曰汝幼可無



死留延劉氏祀也遂逃回海州故里已復流寓高郵關畦種菜與一二遺老爲觴咏嘗有句云去住向誰商出處飄零到我負平生聞者傷之

沐天波字星海昭靖王英之十二世孫崇禎初襲爵鎮滇黔歲貢方物紆誠無間帝手詔褒美家饒於資遊士多出其門乙酉秋八月元謀土司吾必奎反連陷武定祿豐楚雄諸郡縣天波檄調官軍及各土司會勦冬十月甯州土官祿永命石屏土人副將龍在田偕官兵擊必奎擒之時阿迷土司沙定洲亦以奉調領兵至必奎誅而定洲未卽歸豔天波之富結羣不逞之徒於十二月朔日入城突起焚劫祿永命部將周鼎止留防在城中止天波勿逃留討賊天波疑其與謀殺

小腆紀傳

卷二十

四

之而自水竇逸走楚雄弟都司天澤巷戰死母陳氏妻焦氏走城北普吉邨之金井里舉火自焚死定洲引兵追天波於楚雄金滄副使楊畏知教天波走永昌定洲再攻楚雄不克乃東陷迤東諸郡是時獻賊死其黨孫可望李定國劉文秀等以殘卒由遵義入黔龍在田遣使告急可望因詐稱黔國焦夫人弟引兵復讐雲南苦沙亂久延頸望之而不知其僞也丁亥三月定洲大敗於革泥關遁歸阿迷可望亦受楊畏知之約入楚雄具書迎天波歸省天波未之信遣其子顯忠至營曰得守永昌足矣不敢望故位劉文秀言於眾曰沐世子來猶沐國公來也請以國公禮禮世子歸以二十騎送之悉返所得沐國世寶天波則大喜過望候二十騎中有兩人

歷階上者顯忠視之愕然謂其父曰此卽撫南劉將軍及王將軍某也匆匆不知所爲遂偕之至會城沙黨余錫朋阮韻嘉等先後伏誅明年戊子定國得罪於可望可望令取定洲自贖定國進兵洱革童禽定洲萬氏凡沙氏之屬數百人械至省剝皮號令通衢天波具禮謝雪讐滇人亦靡不稱快而定國自是日強不復爲可望下可望乃遣使詣行在乞封尋奉上駐安龍久之謀逼上禪位忌定國在乘其爲王師所敗襲之定國用其客金維新曹延生謀敗之於田州遂趣安龍奉上走雲南天波迎蹕於馬龍驛晉柱國少師時丙申三月也丁酉八月可望犯關其黨王尙禮將內應天波以兵守之不得發省城以安明年戊戌冬

小腆紀傳

卷二十

五

王師入滇定國三路兵皆潰或請上幸蜀或請入雲南蠻峒天波曰自迤西達緬甸糧糧可資出邊則荒遠無際萬一追勢稍緩據大理兩關之險猶不失爲蒙蔽也馬吉翔李國秦咸是之己亥正月上發雲南由木邦土司以入騰越命天波護行警至乘夜走南甸僅攜一妾夏氏隨諸宮眷以行及抵緬境上命天波趨入銅壁關以救書諭之緬人啓關勒從官盡去甲仗而後入進至蠻漢土官思縣迎之而緬以救寶差小不之信天波乃出黔國公羨券較之始肯具舟來迎及抵井亘緬戒勿進時定國兵駐孟良白文選兵駐木邦祁三昇兵駐蠻漢緬人疑之求救止各道兵毋許更進天與緬甯伯蒲縷謀奉上乘間走戶臘二河不得比入藉經緬人乃編



木為城築土為臺板屋十數間為上居結草數十架棲從官不足則各自誅茅散處脚庇風雨而已初猶供給如禮寢衰羣從有三四日不火食者采木子蔬果以慰飢天波乃盡出所有分界之潛與錦衣指揮趙明鑑等謀密奉太子出坎時龐天壽已卒李國泰代掌司禮監印與馬吉翔左右作奸眾議逸出後并殺翔泰事洩不果緬俗八月十五日羣蠻贊見緬酋張嘉會以享之時將誇示諸蠻來招天波渡河並索禮物上欲為好於酋命天波往至則脅令白衣椎髻跣足領諸海郡熨夷酋而拜不得已從之歸而泣曰國體何存辱及吾祖我所屈者恐驚憂皇上耳否則彼將無狀吾罪滋大矣禮部揚在行人任國璽劾天波屈節於夷疏留中不發辛丑七月

小腆紀傳

卷二十

六

月咒水禍作諸王勛戚文武內監諸臣死者凡四十二人天波與焉妾夏氏亦自經是冬十二月上遂為緬人所執我朝賜天波通諡曰忠節

男承禮編輯

仁和魏錫曾參校  
會稽梁繼元覆校

小腆紀傳卷第二十終

小腆紀傳卷第二十一

前翰林院檢討加詹事府贊善銜六合徐肅撰

列傳第十四

黃得功 翁之琪 杜文煥

高傑

劉洪起

孫守法 王光恩等

黃得功字澍山開原衛人其先自合肥徙早孤與母徐氏居年十二母釀酒熟竊飲至盡母怒之笑曰償易耳時遼事方急得功持刃雜行伍中斬首二級中賞率得白金五十兩歸奉母曰兒以之償酒也既而執鞭役屬人值響馬手提兩鑿蹄禦賊無不披靡由是勇名震遠近年壯出關投經略為帳前親軍積功至遊擊入援山東擢參將旋充副總兵官得功

小腆紀傳

卷二十一

一

臨陣飲酒數斗頭縛巾目瞳突出持鏡鞭入敵營鞭血漬手腕以水濡之久而不脫軍中呼黃闔子嘗命小卒以金鑼戴額上射之百發百中而人不傷崇禎十一年以禁軍從總理熊文燦擊賊於舞陽光固間又破賊馬光玉於浙川之吳邨王家寨詔加太子太師署總兵銜十三年從太監盧九德破賊於板石畝與劉良佐等大破張獻忠於潛山斬首六千級獻忠之在巢湖也焚樅陽奪商舟百餘艘謀南下聞得功兵至走而營於古城長嶺潛山之險阨處也得功夜半至綠山背謀而升賊大擾越崖澗奔追擊之自古山天井湖老鶴頭黃泥港六十里橫屍無算斬賊將闔世子王馬武三鶴子王興國三鶴子獻忠養子最號驍勇者也得功箭傷面氣愈厲轉



戰十餘日追及獻忠距丈許欲生致之馬蹶獻忠逸去於是散而便道攻桐桐有關曰北峽爲賊出沒地安廬道鄭二陽命部將廖應登自舒守桐應登不敢入關賊出山逆之應登兵大潰得功有愛將林報國威名亞於得功賊左金王老狗狗革里眼等數憚之賊趙虎者設伏誘報國深入殺之羣賊正相賀得功匹馬突入陣斬虎賊眾潰而走有號無敵將軍者呼於陣曰吾爲汝曹擒黃將軍方大呼馳至得功已擒之橫置馬上賊大驚於是應登潰兵乃得會於桐十五年十一月得功駐兵鳳陽桐城縣令張利名告急於得功得功則兼程進自鳳陽三日行六百餘里賊有自北來者呼走走黃家兵至矣及得功至則賊已走數里追獻忠又及之獻忠呼曰

小腆紀傳

卷二十一

二

黃將軍何相扼也吾爲將軍取公侯留獻忠勿殺不亦可乎得功曰吾欲得汝頭耳急擊之賊以輜重牛馬遺民男女塞道逸去得功乃收所擄男女萬餘人令各回鄉土以甲仗輜重歸諸朝明年移鎮廬州討平叛將劉遷十七年封靖南伯宏光帝立推恩進爲侯尋與高傑劉澤清劉良佐爲四鎮分守江北得功轄滁和等十一州縣駐廬州未赴鎮而督師史可法慮高傑跋扈請移置得功於儀真陰相牽制傑素忌得功登萊總兵黃蜚與得功同姓稱兄弟道出維揚乞兵爲護得功率輕騎三百出高郵以迎之三汊河守備胡茂楨遣以報傑傑疑其圖已伏精卒中道邀擊之而別遣千人問道襲儀真得功行至土橋解鞍下馬作食伏兵猝起出不意亟舉

鞭上馬而飛矢雨集所乘馬值千金中矢踣騰上他馬逸去傑之遣兵也戒必生致得功有梟傑十七騎舞槊直前得功大呼反鬪奪其槊入馬披靡發腰間所餘七矢殪七人矢盡於大軍以免惟從行三百騎皆歿傑所遣千人襲儀真者夜至守將邱鉞馬岱偵知相與謀曰高兵以主帥他出也姑以舊城委之天明主帥至內外夾擊吾事濟矣令士卒飽食且休於城外暮置炬火爲疑兵傑兵疑不敢進望見炬火以爲營盤也燬矢齊發夜半與火藥俱盡馬岱開門出擊盡殲之得功還聞知益大怒自以於同事無纖芥嫌一朝見襲曠日切齒誓與傑決死戰可法命監軍萬元吉解之百端而詗者

小腆紀傳

卷二十一

三

謂得功兵且至傑大言曰曩千人維揚猾少吾故驅之假手黃君吾之士卒詎至於敗也會得功有母之喪可法入弔立而語之曰土橋之變無愚智知傑不義今將軍以國故親故獨盛怒使歸其曲於高而將軍收名於天下也得功色稍和然以失亡三百騎爲憾可法命監紀應廷吉等如傑營曰靖南聽我矣君何愛數百騎而害大事乎傑如命償馬馬贏多弊可法自出三千金代之償又令傑以千金爲得功母贈得功不得已聽焉是年冬傑北征詔得功偕良佐進屯邳徐得功憾傑未卽行明年正月傑死得功引兵趨揚州遣同知曲從固當以此州還我可法在徐州聞之馳還揚州遣同知曲從直中軍馬應魁入營問故得功曰吾爲大將功最多僻處瀕



江小邑高傑有何勞績而食數城姑念其死割以高郵寶應江都三縣養其妻子足矣餘非高有也可法曰吾非不知將軍功又非愛高而右之也徒以彼士馬多令不一今日驟奪明日必亂是將軍首難也其異於興平者幾何得功揮其眾少卻會朝廷遣盧九德持諭來不得已復罷去移鎮廬州北來太子之獄得功疏言東宮未必假冒不知何人逢迎定為奸偽先帝之子即陛下之子不明不白付之刑獄將人臣之義謂何恐諸臣詔狗者多抗顏者少即明白識認亦誰敢出頭取禍乎乞多方保留若驟處死即果詐偽天下必以為真矣四月左良玉竟以奉太子密詔為名引兵犯關至九江病死其子夢庚順流下詔得功禦之江上駐師荻港尋破夢庚

小腆紀傳

卷二十一

四

於銅陵命得功移家太平一意辦賊進封靖國公加左柱國而我

大清兵已連破揚州鎮江上倉李出奔得功方收兵蕪湖見上驀然入泣曰陛下死守京城臣等猶可盡力奈何聽奸人言倉卒至此進退將何所據此陛下自誤非臣負陛下也無已願効死將奉上幸浙未行而追兵至時傷臂幾墮衣葛衣以帛絡臂佩刀坐小舟督麾下總兵迎敵忽劉良佐大呼岸上招之降得功怒裂背罵曰汝其降乎降將張天祿從良佐後射得功中喉得功知不可為呼良佐曰花馬兒黃將軍男子豈為不義屈不濟命也擲刀拾所拔箭刺喉死其妻某氏沈軍資於江亦自刎死麾下總兵翁之琪投江死左軍田雄

遂負上出降得功麤猛不識文義時詔書多出羣小得功見詔紙或對使罵裂之然忠義出天性聞以國事相規戒輒改不旋踵舊制宰相閣邊雖總兵封侯戎服庭參可法之督師也四鎮私議見禮曰吾輩已封侯伯矣得功曰有舊制在戎服先入高劉不得已亦戎服繼之微時出大學士蔣德璟門下貴後雖入後堂仍行跪禮嘗受飯肆老嫗恩事之如母早年戰河北馬驚幾蹶有小卒任姓者持之不得墮得功見其嚴冬無袴因名之曰有袴及得功駐儀真任己為守備後為副總兵賜蟒玉馬軍行紀律嚴所過無犯廬州桐城定遠立生祠祀之葬儀真方山母墓側我

朝賜得功專諡曰忠桓之琪通諡曰忠節

小腆紀傳

卷二十一

五

杜文煥崑山人總兵桐之子也文煥在延綏火落赤諸部頗畏之天啟元年奉詔援遼乃出兵搗河套以致寇深入大掠命解職候勒自後屢起用率無功子宏域於天啟初歷延綏副總兵七年文煥以甯夏提督援遼即擢宏域為總兵官代鎮甯夏積資至右都督崇禎中督池州浦口二營邊賊南渡有功十三年移鎮浙江甲申南都建國命文煥督巡捕是年秋改定京營如北都舊制為五軍神樞神機三大營以宏域等六人分統之上之出奔黃得功營也將自蕪湖走浙宏域以扈從先發

王師猝至挾上去宏域乃偕文煥歸崑山久之卒高傑字英吾米脂人初與李自成同起為盜崇禎七年閏八



月參將賀人龍以救隴州被圍自成令傑遺書人龍勸之降不報使者歸先見傑而後見自成比圍城兩月不下自放心疑之遣他將代傑令歸守老營自成妻邢氏趨武多智掌軍資傑每日支餉仗過氏營分合符驗氏偉傑貌與之私濯誅明年八月遂竊氏以降隸人龍麾下令破賊立效爲信十三年隨人龍破獻賊於鹽井十五年人龍誅實授傑遊擊十月孫傳庭至南陽自成與羅汝才西行逆之傳庭以傑與魯某者爲先鋒敗賊於冢頭追奔六十里汝才見自成敗來救遂出官軍後軍左勤怖而奔軍皆奔遂大潰傑所亡失獨少十六年進副總兵與總兵白廣恩爲軍鋒兩人皆降將不奉約束而傑尤凶暴朝廷以其爲自成所切齒故命隸孫傳

小腆紀傳

卷二十一

木

庭辦賊九月從傳庭克寶豐復郟縣時官軍深入乏食降將李際遇通賊自成率精騎大至傳庭問計於諸將傑請戰廣恩不可傳庭謂廣恩怯廣恩不憚引所部遁去既接戰陷伏中傑登高望之曰不可支矣亦麾眾退軍遂大奔死者數萬廣恩不救走汝州傑隨傳庭走河北已而自成渡河轉入潼關廣恩已先至十一月自成攻關廣恩力戰而傑怨廣恩之不救已於寶豐也亦擁眾不救廣恩戰敗關遂破傳庭遇害自成據西安別遣李過追傑東走宜川河冰適合遂渡入蒲津以守賊至冰解不得渡乃免而廣恩以固原降十七年進傑總兵令隸總督李化熙馳救山西而蒲州平陽已陷久不可進傑退至澤州大掠三月京師陷傑遂渡河大掠而南

眾號四十萬邳泗之間驚呼高兵至居者喪失魂魄過揚州士民登陴拒守尋宏光帝立封傑興平伯尋與黃得功劉澤清劉良佐爲四鎮傑轄徐州豐沛蕭場等十四州縣駐泗州而傑未卽赴鎮固欲駐揚州進士鄭元勳者銳然出爲遊說傑置酒款之具陳無他意元勳以語眾大譁殺元勳於城上傑怒攻城剽奪廂村日殺人以百數會督師史可法渡江誓師傑稍戢可法奏以瓜洲予之乃罷未幾以懷疑襲黃得功於土橋幾大閱可法又親往解之詳可法得功傳傑感可法恩頗心動可法亦愈獎借之有僧德宗者談禍福奇中傑折節稱弟子問曰弟子他日得免於禍乎僧曰居士起擾攘今歸朝爲大將爲通侯此不足爲居士重惟率眾從史居士儒

小腆紀傳

卷二十一

七

家稱聖人我法所謂菩薩與之一志併力可謂得所歸矣徒問老僧無爲也傑不覺斂容服邢氏亦言史公出至誠背之不祥傑因請可法調得功良佐屯潁毫自率所部趨開歸且瞰宛洛荆襄爲根本疏言今日大勢守江北以保江南人能言之然從曹單渡則黃河無險自潁歸入則鳳泗可虞猶曰有長江天塹在耳若何而據上游若何而防海道豈止瓜儀浦采爲江南門戶已邪伏乞通盤打算定議速行中興大業庶幾可觀又云得功與臣猶介介前事臣知報君雪恥而已肯與同列較短長哉遂令總兵李朝雲赴泗州參將蔣應雄許占魁郭茂榮李玉先赴徐州防守奏留北歸給事中衛胤文爲監軍抵徐州土賊程繼孔渡河來迎斬以徇論功加太



子少傅蔭一子時我

大清豫親王多鐸已分兵從孟縣渡河傑乃致書澤清曰

清兵號二十萬實七八千齊駐濟甯近日河南撫鎮告警一夕數至開封北岸

清兵問渡甚急恐一越渡則天塹失恃長江南北盡爲戰場時事如此應接不暇惟有殫心竭力直前無二於萬難之中求其可濟以報國恩而已澤清以聞先是我副將唐起龍之父虞時與傑有舊致書招之有大者王小者侯世茅土之語傑不爲動身先士卒沿河築牆專力備禦致書我肅親王豪格曰逆闖犯闕危及君父痛憤於心山川俱爲羞色豈獨臣子義不共天關東大兵能復我神州葬我先帝雪我深怨

小腆紀傳

卷二十一

八

救我黎民前者朝使謹齋金帛稍抒微忱獨念區區一介未足答高厚於萬一茲逆成跳梁西晉未及授首凡係臣子及一時豪傑忠義之士無不西望泣血欲食其肉而寢其皮晝夜臥薪嘗膽惟以殺闖逆報國雖爲亟貴國原有莫大之恩銘佩不暇豈敢苟萌異念自千負義之愆傑猥以菲劣奉旨堵河不揣絲力亟欲會合勁旅分道入秦殲逆成之首哭奠先帝則傑之忠血已盡能事已畢便當披髮入山不與世間事一腔積憤無由面質若傑本念千言萬語總欲會師勦闖以成貴國卹鄰之名且逆成凶悖貴國所惡也本朝欲報大讎貴國念其忠義所必許也本朝列聖相承原無失德正朔承統天意有在三百年參養士民淪肌浹髓忠君報國未盡

泯滅亦祈貴國之垂鑒也明年乙酉正月抵睢州初總兵許

定國負其功不得封上書詆傑爲賊傑曰吾見許必手刃之傑之北征也定國懼見討既遣子爾安渡河投誠而又貽書可法求自全計可法語其使曰許總兵何地不可居而必睢州乎既同程繼孔被誅益懼傑至睢州定國先數十里跪馬首迎傑扶之起曰若總兵奈何行此禮願爾眾安在定國故毀其軍以應見明日傑召定國而詢之曰若豈不知我之將殺汝而願不去何也定國頓首曰固知公之怒也然不知其罪傑曰若果疏名我爲賊安得無罪曰此定國之所以不去也定國曰不知書倉皇中假手記室誤入公名定國不知疏中爲何語以此殺定國不亦冤乎傑索記室者姓名定國曰

小腆紀傳

卷二十一

九

彼知公之怒也先期遁迹之不獲彼先去而定國不去以明向之名公者非定國意也傑見其誠服憐而信之有千戶某投牒云定國謀汝傑故示以不貳馬前答六十送定國誅之遂刑牲約爲兄弟定國飾美姝進傑屏不御笑謂之曰軍中無所事此弟畜之俟我成功後以娛老也定國唯唯退時傑大營去城二十里懸王命旗於城圍曰非有令不得入從入者左右驍健三百人而已傑語定國北行曰山妻偶恙傑曰弟人傑也何無丈夫氣兒女子願去則去否則殺之以絕他念弟不忍吾爲弟除之定國驚曰此結髮婦非他比當卽隨行十三日丁酉定國燒燈張宴具樂已侍傑飲而令其少弟許四者飲諸將於別所婦女賓客相雜坐酒酣坐者覺有異



起而耳語傑曰許四志意失常將毋謀我乎傑推之以手曰去夫何敢其人退意亦安之於是三百人皆醉傑所居者唯人甲第也垣牆高而四周有重廊複室將佐就別所擁妓隊傑榻畔惟二三治文書者與傳事小兒漏將殘屋瓦怱然有聲傑驚視則壯士數十輩踰垣入傑案所備身鐵杖則已烏有倉卒奪他人刀步鬪傷脅被執定國蹀血南面坐曰三日乘被汝挫辱已盡今何如傑大笑曰吾乃爲豎子所算呼酒來當痛飲死三百人者聞礮聲欲起則爲賊所矚無脫者惟一人伏牀下免明日日中城不啓李本深王之綱郭虎攻南門入則定國已渡河降矣初傑誓師祭旗疾風折大蘇西洋礮無故自裂傑曰此偶然耳遂於十月十四日登舟推官應

小腆紀傳

卷二十一

十一

廷吉私謂人曰旗斷礮裂已爲不祥今十四日俗稱月忌又爲十惡大敗何故登舟已而竟敗傑性淫毒揚之人聞其死至醑酒相賀然感可法恩銳意進取又頗知大義劉澤清之攻劉宗周姜曰廣也以疏棄示傑傑驚曰我輩武人乃預朝事邪澤清薦逆案及降賊諸臣而傑薦黃道周王志道解學龍劉同升趙士春章正宸爲眾正吳牲鄭三俊爲萬世瞻仰金光宸熊開元姜琛無愧社稷臣金聲沈正宗夙備經濟可法聞其死大哭知中原之不可復爲也倉卒問請以傑子元爵爲世子甥李本深提督軍馬與諸裨將分屯梁宋間一軍始安而詔書久不下得功澤清良佐爭欲分其軍將之上亦不許尋左良玉疏言忠盾將同壓卵袁繼咸亦疏言與平有

可念之勞詔贈傑太子太保許其子襲爵焉

劉洪起西平鹽徒崇禎間河南羣盜起與其弟洪超洪道及諸劉之洪助洪禮者結寨自保嘗夜遣人人賊營取其馬賊憚之呼爲劉扁頭官權授爲西平都司奉巡按御史楊繩武檄捕泌陽盜郭三海之黨張五平侯鷺鷺誅之與汝甯沈萬登登封李際遇並雄河南羣寨間沈萬登真陽大俠也七年甲戌汝人盛之友者起岳城萬登聚眾應之稱順義王之友等尋破滅萬登乃請降際遇登封人幼讀書不應童子試而以飲食結交礦徒有陳金斗者自謂受天書能占望氣候際遇信之乘旱荒以倡亂官軍擒金斗並際遇妻子殺之際遇乘馬走脫與于大忠等各結土寨際遇踞登封之玉寨大忠

小腆紀傳

卷二十一

十一

踞嵩之屏風寨大忠凶慘而際遇差平善以故鄰寨多歸之十五年壬午李自成陷汝甯授萬登爲偽威武大將軍萬登不受而與洪起等謀收復鳳督馬士英承制命爲副總兵自成既連陷河南州郡際遇等請降而洪起兄弟獨不可洪超洪道留守寨洪起一日夜走七百里求救於左良玉棘刺破足不知痛十六年二月洪起在西平數與老回回戰誅汝州偽官土寇趙發吾等歸之有眾十萬以忠勇稱而際遇亦殺偽官自劾帝下詔褒獎自成在襄陽命一隻虎出河南殺袁時中大置偽官偽防禦使金有章虐於汝州萬登計縛之並偽汝甯府尹鄧璉等磔於市太監盧九德以聞得旨優敘當是時自成圍際遇於玉寨甚急會督師孫傳庭之兵出潼關



聞乃解諸將亦莫能出兵助督師戰而以其間完守入保十  
七年春萬登之中軍王民表殺洪起弟洪禮而攫其金洪起  
稱兵復讎合其黨郭黃臉金皋趙發吾以圍萬登於汝州汝  
人糧糗牛馬俱盡掘野草煮瓦松終之以食人彰德推官陳  
朱明後改名潛夫爲兩家議和萬登顧不從五月朔城破洪  
起執萬登並其黨磔之乃自稱左平南麾下副將軍南至楚  
穎北抵大河無不奉約束六月自成僞權將軍袁宗第聞洪  
起破汝自德安馳而至洪起棄城復走左良玉軍宗第踞城  
五日移營入陝西洪起乃自楚歸擒南陽開封諸僞官傳送  
南都詔加際遇洪起總兵官潛夫巡按御史潛夫以諸將中  
惟洪起最勦忠請予掛將軍印不許洪起自稱受敕書進宮

小腆紀傳 卷二十一 十一

保州縣以下皆聽其署用卽汝甯御史公署設棨戟旌旗爲  
帥府明年正月敗闖賊於襄城先後斬獲三千級詔晉二級  
三月  
王師取西平洪起撤兵入楚已復入守之已而潁州太和相  
繼陷洪起奏北兵勢如破竹恐爲南京憂馬士英以方禦左  
軍置不問加洪起提督開封汝甯等處援勦總兵官南都陷  
猶支持光黃間不下六月  
王師再攻西平不支走平頭嶽我將孔希貴圍之洪起中流  
矢死其下遂散我

朝賜通諡曰節愍

孫守法成陽人有勇略崇禎末以功授陝西副總兵加都督

同知甲申賊陷京師踰月爲我

大清兵所敗走陝西守法乘妻子入終南山聚眾討賊時賊  
拔興安州守法與鄖陽總兵王光恩合兵攻破之又克平利  
白河上津等縣乙酉五月我

大清命吳三桂率兵入關徇秦地守法復入終南山久之奉  
秦藩第四子稱漢中王者開邸五郎山檄召西溪鳳平延慶  
等郡兵將薄西安遣副將賀珍以義勇三千復鳳翔於是蓋  
屋鄂涇涇陽三原臨潼澄城白水諸縣次第來歸軍聲大振  
守法之初起也武大定劉文炳賀宏器郭金鎮黃金魚焦容  
仇璜等俱應之大定本固原舊將功最多守法推重之十二  
月攻西安邵陽舉人姚紳霄千總衛天明康姬命朝邑諸生

小腆紀傳 卷二十一 十三

王知禮李世仁等各戕守令以應時  
王師之守西安者不過七百人總督孟喬芳懼甚亟調山西  
兵五百爲援甫過河知禮命朝邑百姓僞持羊酒迎於道醉  
而殲之喬芳益懼更召榆林兵二千人入援二十八日守法  
率眾攻城平陽人曹三俊王英師可宗謀以城應事洩被殺  
丙戌正月五日援師至守法部將賀珍胡向化等謀曰我兵  
少攻之猝未易拔安能復戰乃解圍去二月甯夏甘肅神木  
靖邊各以兵來附隆武帝聞之遣使問道封守法大定俱爲  
伯然是時

大兵之徇秦地者眾守法所復郡縣旋復失聲勢寢衰六月  
守法退回五郎山八月大定敗於興安尋遁走入蜀九月光



泰等敗歸郢城又敗走房縣丁亥正月守法走石子城二月走長安石磬谷三月朔復與高勛等破甯州拔興安之蕎麥山喬芳引兵來勦四月八日伏甲深林以輕騎誘守法出擒之守法執鐵鞭格殺百十人乃死傳首西安神霄等先後論死

王光恩均州降賊號小秦王者也初與張獻忠羅汝才為賊獻忠降而復叛均州五營之降者懼見討自疑又慮為獻忠所併光恩斂眾據險居久之乃降按察使高斗樞察其忠勇招之同守郢陽崇禎十四年六月獻忠自陝而東光恩及弟光興分扼之戰頻捷十五年冬李自成陷襄陽均州逼郢陽光恩擇要口築砦賊逼砦而營積木與砦平光恩火焚之賊

小腆紀傳

卷二十一

十四

不得近礮裂砦光恩泥塗板護之且守且築夜絕壯士斫其營賊驚遁十七年正月偽將路應標以三萬人來大舟載礮逆流上光恩設水砦於漢江深處而以輕舟往來截殺因風縱火賊棄礮奪路走光恩令別將循江鼓噪賊擠入水江水為赤又遣人入均州燒其蓄積賊乃退明年三月自成棄陝西入楚擁眾二十萬水陸並進光恩遣別將禦之江渚自率輕騎營城外伏步卒榛莽間賊至苦路險不得馳突而步卒出沒如神薄暮縛荻樹杪火光參差上下親帥死士衝賊壘伏兵四起喊聲震五賊眾大潰乃循江回搗賊水營與別將之營江渚者前後夾擊賊棄舟從北岸遁盡獲其精騎飛艦蓋前後四至皆大創賊自是不敢窺郢矣後

王師收楚光恩勢迫投誠而陰與明通為我道臣李之綱所訐被逮弟光泰遂於丁亥四月據襄陽反正永曆帝封為鎮武伯進踞郢陽結陝西賀珍武大定為援我提督孫定遠亦降將也率兵援襄陽敗沒我侍郎喀喀木會師進討光泰走房縣尋走四川與弟光興屨強楚蜀間者十餘載

男承禮編輯

仁和魏錫曾參校  
會稽梁繼元覆校

小腆紀傳卷第二十一終

小腆紀傳

卷二十一

十五



小腆紀傳卷第二十二

前翰林院檢討加詹事府贊善銜六合徐煎讓

列傳第十五

劉肇基 乙邦才 莊子固等 魯之瑛 蔡祥 徐福

周之藩 鄭時 林深

劉肇基字鼎維遼東人嗣世職指揮僉事遷都司僉書隸山海總兵尤世威麾下多戰功世威罷肇基分領其眾破賊汝州而所部皆邊軍久戍思歸謀而走坐是解職尋起為遼東副總兵擢都督僉事十七年春加都督同知提督南京大教場南都立史可法督師淮揚肇基請從征自劾屢加左都督太子太保可法分布諸將令肇基駐高家集李棲鳳駐睢甯

以防河棲鳳本甘肅總兵以地失留淮揚者督師前鋒則用張天祿駐瓜洲十一月肇基與棲鳳復宿遷越數日我

大清兵圍邳州軍城北肇基軍城南相持半月始解去明年四月

大兵抵揚州可法邀諸將赴援棲鳳天祿不至尋叛降獨肇基自白洋河以兵四千趨赴過高郵不見妻子既入城請乘北軍未集背城一戰可法持重不可肇基乃分守北門發礮傷我軍無算城破率所部死士四百人巷戰格殺千餘人兵來益眾力不支流矢貫額死一軍皆覆我

朝賜通諡曰忠烈  
乙邦才青州人莊子固遼東人馬應魁貴池人俱從史可法

軍前官副總兵邦才初以隊長擊賊於河南江北間黃得功

或戰霍山單騎陷淖中賊圍而射之馬斃得功徒步鬪天

暮僅餘一矢邦才大呼衝賊走得功乃得出邦才授以己

馬分與矢且走且射連殲追騎始得及其軍得功自是知其

能六安圍急鳳陽總督馬士英命邦才與張衡者往六安取

知州狀兩人簡精騎二百夜衝賊陣遶州城呼曰大軍至矣

城中恃之守益堅得狀後復突圍出不損一騎凡大小十餘

戰咸有功可法鎮揚州用為副總兵分徇江北間揚州急率

所部趨援分門守禦既破力戰自刎死子固字憲伯年十三

殺人亡命後從軍積功至參將可法令之興屯徐州歸德間

募壯士七百人立旗幟以赤心報國為號率眾馳救揚州三

小腆紀傳 卷第二十二

日而至城垂破可法自刎不殊子固與內營參將許謹共抱

持之將擁以出遇我兵格鬪力竭死謹亦中流矢死應魁字

守卿初為小將巡行村落賊至從者懼而奔應魁呼曰無怖

死死亦命也連發二矢殪二賊賊即退可法拔之俾領旗鼓

每戰披白甲大書於背曰盡忠報國城破巷戰死同時副將

樓挺江雲龍李豫王思誠馮國用副旗鼓參將陶國祚前營

參將陳光玉徐純仁李隆遊擊李大忠孫開忠都司姚懷龍

解學曾等皆以巷戰死我

朝賜邦才等十六人通諡烈愍思誠節愍  
魯之瑛蘇州衛人官福山副總兵為總兵吳志葵前鋒志葵  
合太湖義師攻蘇州所將海上軍怯不任戰獨之瑛領三百



人先登斬胥門入縱火焚公署居民號呼相應火光接天我侍郎李延齡巡撫土國賈以騎兵千餘屯城之東南隅登盤門瑞光寺浮屠以望曰敵雖眾烏合耳俟過日中其氣必怠選騎蹂之破其前鋒餘必潰散不足慮也乃匿其騎於府學宮中良久見外兵有棄仗運財物者乃選兵百餘張旗幟環城而轉揚言江甯援兵至而之璵入城行四五里不見敵亦內自疑我騎突出馳之矢發如雨遂大潰之璵與三百人皆死我

朝賜通諡曰節愍

蔡祥亦名喬吳淞遊擊也降將李成棟以

王師圍嘉定城中求救於吳志葵志葵命祥率七百人赴之

小腆紀傳 卷二十二

三

持鐵簡登岸步戰圍數匝東關有徐福者往救與俱焚

吳志葵官吳淞總兵乙酉六月

王師南下郡縣多望風降志葵為夏允彝門人蘇松士大夫多與往來者故志葵獨不屈頸兵松江之申浦松之人以為義旅也大喜既乃令箭四出提富室銀米縱兵大掠公署獄鋪盡燬松人大失望聞吳易陸世鑰兵起乃偕參將魯之璵守備蔣若來帥舟師三千自吳淞入澱泖會諸義軍薄蘇州之璵以三百人先登為城中

王師所襲敗死城外兵聞之爭赴船走沸聲若雷志葵不能止退師泖中氣大沮松江破志葵與總兵黃蜚俱泊城外不能救謀航海遁

王師以小舟薄之得勝港火器齊發烟燄漲天遂大潰與蜚同被執乞降尋被殺

陳梧字膚公上虞人官都督僉事定遠將軍嘉興屠象美錢棟起兵拒守苦文士不知兵迎梧為帥願所將多市井子與王師遇於三塔灣大敗象美等死梧率眾依魯監國與鎮倭將軍王鳴謙謀趨金塘岱山為犄角不果部眾掠餘姚梧不能制為署知縣王正中所殺

周之藩字長屏井研人崇禎中為福建參將隆武帝之將赴贛州也晉之藩總兵命以所部由汀州抵南昌授御營右先鋒封福清伯未行而

王師逼上由延平倉卒出奔之藩與給事中熊緯率兵五百

小腆紀傳 卷二十二

四

隨行中途曾后鞭墜地之藩下馬檢獻上不名其官惟呼我兒上口渴覓飲之藩以小桶汲之曰願陛下一統上喜飲之袍袖俱溼八月二十七日抵汀州明日五鼓之藩朝行在加總督御營俄有十餘騎稱扈蹕者踵至則追兵也呼問誰是隆武之藩挺身呼曰吾乃大明皇帝也羣射之之藩拔箭手殺數十人俄腦後中箭墜馬被殺時方溽暑死五日而肌色瑩然汀人葬之羅漢嶺我

朝賜通諡曰忠烈有閔時者字聖之汀州衛百戶隆武帝奔汀州時守麗春門八月辛丑昧爽

王師入時挺身疾呼騎矢發洞胸死

林深鄭雄二人福建撫標把總也甲申十月漳州賊犯汀州



粵寇閻王總亦自贛州來汀郡告急巡撫張肯堂檄二人將五百人往援未抵汀而賊已陷古城鎮二人固健鬪誓破賊後會食不傳餐而進至觀音鋪墮伏中左山右澗急據山則峭不可登裹創死戰賊乃舉火風烈蓬枯殲者三百十二人深雄皆死之初賊輕官兵既知其敢戰也退入贛州境汀郡獲全郡人感之斂死事之骸瘞之羅漢嶺甯化李世熊表以碑焉

小腆紀傳

卷二十二

五

小腆紀傳卷第二十二終

男承禮編輯

仁和魏錫曾參校  
會稽梁繼元覆校

小腆紀傳卷第二十三

前翰林院檢討加詹事府贊善銜六合徐鼎

列傳第十六

黃道周 趙士超等 王加封 洪京榜

黃道周字幼平漳浦之銅山人也銅山在孤島中有石室自幼坐臥其中故其門下士稱爲石齋先生少家貧讀書羅浮山山水暴漲墜澗中遡流而出遇異人授讀書法過目不忘爲文典奧原本經術登天啟壬戌進士改庶吉士歷編修與修國史實錄故事經筵展書官奉書膝行道周謂膝行非禮平步進魏忠賢目懾之不爲動以母憂歸崇禎初起原官疏言邇年來諸臣日營心計不過推求報復而已爲逆黨而翻

小腆紀傳

卷二十三

一

邊疆爲雠隙而翻科場至邊疆之要塞利害科場之源流清濁實無一言及之萬歷末年林下諸臣如鄒元標趙南星等二十餘人廢棄廿年釀成門戶之禍今又無故取諸搢紳稍有意識者舉網投奔而緩急何所得士乎夫絕餌而去者必非鱗魚戀棧而來者必非駿馬以利祿參士則所參者必市利之臣以箠楚驅人則就驅者必駑駘之骨陛下必欲振作人材當敦尚風節表章仁義勿使猥瑣小人挫辱文章廉隅之士昔太祖品隲人才以執古而不知變者爲最下蓋指庸碌學究而言非謂崇尚聖賢規模先正之士也尋以疏救故相錢龍錫貶三秩九年以薦擢右中允給事中李如燦直言下獄道周言陛下詔求直言而直言者輒斥清刑獄而下獄



者旋聞帝不憚切責之道周疏陳已有七不如內有文章意氣坎坷磊落臣不如鄭鄂語帝詰責道周疏辨謂臣與鄭鄂為庶常時文震孟疏論魏忠賢鄭鄂抗疏任之削籍入山臣心愧鄂每執筆不能明白心輒思鄂以為不如真不如也帝念道周起廢未久有旨不究十一年三月帝御經筵問諸臣以用人理財道周語甚切直帝亦名重之呼先生者三尋楊嗣昌以奪情為兵部尚書入閣陳新甲亦以奪情為宣大總督道周謂國家即無人奈何數以墨纒從政仰視熒惑逆行太白晝見嗣昌所籌寇事滋失策顧謂給事中馮元飈等天象如此此人必誤國宜率同列爭之中夜讀書至宋史真德秀傳拊几歎曰古人立朝一月三十六封事而吾儕默然已

小腆紀傳

卷二十三

二

乎每見詔書有不便輒屏人削牘一字未安即曰此誠不足以格主屏弗奏其欲糾嗣昌也為數劄子論邊事寇事其一言奪情並論新甲未上也會命部院推閣員元飈謂枚卜無出道周右者獨苦其好言事疏入或觸忤即推且弗用遣所知日守之曰公得政所挽回者大奈何必以口舌爭即輕宰相獨不為天下計乎以此久不發已而竟相嗣昌等五人道周自恨為同列誤竟就初稿為三疏以上帝召對羣臣於平臺問道周曰無所為而為之謂天理有所為而為之謂人欲爾疏當枚卜不用之時果無所為乎道周曰臣心為國家自信其無所為又極詆嗣昌嗣昌曰臣不生於空桑豈遂不知父母臣再辭而明旨迫切道周學行臣實企仰之今謂不如

鄭鄂臣始歎息絕望道周辯論不少屈既對畢叩頭入班帝目而斥之曰佞口道周叩頭復奏曰忠佞二字臣不敢不辨獨立敢言為佞諛諂面諛為忠乎帝怒甚然終以儒者優容之謫江西布政司都事巡撫解學龍疏薦之帝怒為黨併逮治子杖八十下詔獄戶部主事葉廷秀太學生涂仲吉疏救皆予杖道周繫獄吏日奉紙筆乞書為書孝經百二十本感明夷事著易象正方草十二圖錦衣校促行道周恬然謂曰俟吾畫一圖成就逮耳獄具擬瘴戍嚴旨斥駁刑部尚書劉澤深疏言道周以建言誅非皇上覆載之量也遂戍辰州道出杭大滌山與諸生極論朱陸同異已而嗣昌敗道周復故官遂稱病歸甲申南都起吏部右侍郎道周不欲出馬士英

小腆紀傳

卷二十三

三

遣人諷之曰人望在公公不起欲從史可法立潞王邪道周不得已乃趨朝陳進取九策九月陞禮部尚書掌詹事府事見朝政日非乃自請祭告禹陵臨行上言今欲東收兗濟北略漳河西取應安然後問洛陽之鐘簋掃成德之松楸上規天壽此曠日持久其道誠難臣愚計得一沈鷺之將簡士三萬齋糧百日出轅榆葦橋東踰破車度臨胸歷博興直上鹽山抵滄州此間千四百里皆荒曠如升虛邑惟臨胸安邱樂安陽信之間稍有屯聚可因糧而食盡七晝夜至武清渡白溝出其不意從天而降然後致陛下哀痛之意祭告灑掃於十二陵與長安士民拭淚而覲九廟還則分兵兩道一下臨清以收兗濟一下邯鄲以收彰衛其用力甚少奏功甚鉅此



耿弇所發憤於祝阿劉裕所歡呼於大峴也南都陷道周與  
巡撫張肯堂總兵鄭芝龍鄭鴻逵奉唐王聿鍵建號福州以  
本官兼武英殿大學士參贊機務時政出鄭氏廷臣日請出  
關而芝龍輒以餉絀辭會賜宴芝龍自以侯爵欲位首輔上  
道周爭以祖制武職無班文臣右者終先道周由是文武不  
睦有諸生上書詆道周迂不可居相位上知出芝龍意下督  
學御史撻之道周見芝龍無經略志謂坐而待亡不如身自  
出關奏請以師相募兵江西多臣門生故吏必有肯効死力  
者且可連楊廷麟何騰蛟爲進取計遂率門生中書蔡春溶  
賴繼謹陳駿音兵部主事趙士超通判毛至潔併子弟可千  
人以行次芋源賦責躬詩曰天地何高深日月猶循環星宿

小腆紀傳

卷二十三

四

陳其領動靜恆無端舉翼不能翔而作醢雞觀大命一以至  
不能復研鑽鬼神欲告之翁吸近告難傷哉草木頑不得留  
朱顏至延平乏糧請餉芝龍靳之上不得已給空劄數百道  
道周親書劄付獎語得之者榮於誥敕進師建甯駐崇安遣  
通楊廷麟萬元吉爲聲勢尋有以外交諸藩飛語聞者上遣  
使馳示道周自陳疏曰臣田無一畝居止一椽幸以是見憫  
於主上見信於親友然不能以是見諒於犬豕豺狼臣行年  
六十無險心醜語爲凶人所讎無奇功異能爲要人所嫉獨  
恃一片肝腸爲高皇列宗與天下黎獻共對白日耳臣雖庸  
下遭逢陛下魚水相期一月之內四疏乞師至若子弟慕義  
勤王雖天性使然亦恐臣孤身隻手陷身絕域每一相見涕

泗漣御運因溽暑未收毒水四下臣兵自延過甯渴而谷飲  
病者八九一日下操十隊之士呼半不起遂損去健將陳伯  
輿念其雄略十射九破千觔之力盡於盆水四顧環堵何能  
不哀今稍稍平復遂相對勸臣出關嗚呼此亦臣子也願會  
受朝廷之寵眷而據憤至此今在廷諸臣不滌腸剖胸誓同  
分膽共薪而滄滄詆詆望影射沙欲何爲者陛下不屑爲昭  
烈臣亦不屑爲孔明陛下不屑爲宋高宗臣亦不屑爲李伯  
紀取法不高則庸佞狎來視人太卑則奸豪四至古今讒賊  
偏中於高明近代人才沈淪於苟賤惟陛下垂鑒上覽表手  
劄慰之至廣信聞徽州破遣將守馬金嶺勸諭捐助得萬人  
乃部署分道進兵遊擊黃奇壽戰捷於牛頭嶺遂營之其出

小腆紀傳

卷二十三

五

婺源者參將王加封戰死遊擊李忠被執奇壽與參將李瑛  
倪彪亦潰於童家坊道周遂馳疏請兵曰臣今年六十有二  
才能智勇不過中人而自請行邊拮据關外譬之雞然風雨  
如晦雞鳴不已有不寤之人起而刀俎之亦無可奈何而已  
臣少而學道於物無競於人寡怨直以出師之故爲異志所  
排寡識之人羣起和之干端百出以阻其成旁句曲引以幸  
其敗或叩關門數日不達饑疲之眾甯死中野臣何所營而  
坐困於此哉臣遭會風雲未及一月五疏求去直以皇上洞  
燭遐邇營鑑臣於言語形迹之外所以再再焦曉瘁毛鍛羽  
以爲朝廷守一日藩籬非日能之亦各盡其義而已今敵之  
來日以盛眾之附日以攜蠢莫何知惟利是視貪生怖死則



前後異致信州問巷雞犬方集今復翻然欲舍而去據徽人來者咸云敵一百六十騎守婺境自海口煖水焚掠殆盡煖水距廣信一百餘里臣師屯八都者僅千五百人皆村落新募月食一兩之卒其東出馬金嶺者僅七百餘人又千二百人西去饒撫馳收未回所餘帳下千二百人而已臣自八月以來東弭台甯之警西消金嶺之警精力瘁於文告歲月馳於期會未有一智一謀佐於其內一臂一力助於其外空以老瘁一意報主爲愛己所憐異己所笑今事勢甚急可亟命方國安以萬眾從嚴州出老竹嶺直搗徽州乘其西馳可以破敵卽不然亦可解信州之危成牽制之勢矣上覽表不能答道周計窮婺源令某者亦門人也僞致降書道周信之決

小腆紀傳

卷三十三

六

計深入集門人諸將議曰敵人雖眾虛聲耳若延來春則彼弓弛馬懈可破也奈糧餉不繼何與其半途潰散不如決戰以報朝廷因相持泣下十二月進兵重家坊忽報樂平已破信州士大夫致書相迓道周以成師旣出義不反顧遂前次明堂里僅三百人馬十匹糧三日壬寅天微曙降將張天祿率兵猝至道周揮賴繼謹等鏖戰參將高萬榮請引兵登山憑高可恃正移師間騎兵從間道突出箭如雨從者俱散道周曰吾死此矣遂被執輿至婺源天祿勸之降道周罵不絕口未幾門人趙士超賴繼謹蔡春溶毛至潔亦解至道周絕粒作自悼詩八章發婺源過新安絕粒十四日不死復進水漿至金陵幽於禁城已改繫尙膳監諸當道承貝勒意勸降

道周曰吾手無寸鐵何曾不降勸者曰降須雞髮佯驚曰汝雞髮邪幸是雞髮國來若穿心國來汝穿心邪洪承疇親詣求見道周喝曰承疇死久矣松山之敗先帝痛哭遙祭焉得尙存此無藉小人冒名耳承疇上疏乞貸死朝旨不許道周在館與門人講習吟詠如常著詩文數卷素善書翰人爭求之終日握管不辭也門人寄家書道周書蔡春溶書函曰蹈仁不死履險若夷有隕自天舍命不渝又書賴繼謹書函曰綱常萬古性命千秋天地知我家人何憂明年三月壬子赴市曹過東華門坐不起曰此與高皇帝陵寢近可死也旣見市有豎福建門牌者指曰福建吾君在焉死於此可也南嚮再拜遂受刑上聞之大哭贈文明伯諡忠烈

小腆紀傳

卷三十三

七

道周精天文歷數皇極諸書所著三易洞璣易象正學者窮年不能通其說道周以之推驗治亂其說多中自推行年終於六十二歲丙戌至是竟驗云士超等皆從死士超字淵卿福州人官職方主事賴繼謹字敬儒官中書蔡春溶字時培諸生皆漳州人或作賴雍蔡紹謹者誤也毛至潔字去水六合人官廣信通判曾割股愈親疾或作玉潔亦誤也諸人死後門人星散惟餘杭何瑞圖字義兆紹興呂叔倫字漢憲二人者抱道周遺書入山終身不出節最高餘附見他傳我朝賜道周專諡曰忠端士超春溶繼謹至潔通諡俱烈愍王加封字抱赤建甯右衛副千戶之臣子之臣富而儉老且死命昇巨麓廳事召親友告之曰吾以儉起家與諸君子分



甘絕少然吾豈吝者哉欲善用吾財耳開籠散千金加封故  
豪俠甲申國變募義勇從軍婺源死黃道周爲文祭之又有  
洪京榜者龍溪廩生隆武改元投効戎行道周題授中書舍  
人兼監紀推官道周殉難京榜不知所終

小腆紀傳

卷二十三

八

小腆紀傳卷第二十三終

小腆紀傳 卷二四

小腆紀傳卷第二十四

前翰林院檢討加詹事府贊善銜六合徐肅譔

列傳第十七

蔣德璟

曾櫻

路振飛

子澤溥

朱繼祚

都廷諫

林世衮

熊開元

林增志

徐人龍

子咸清

蔣德璟字申葆號若柳晉江人天啟壬戌進士改庶吉士授  
編修累擢庶子敏於掌故典禮歷術條奏詳明崇禎十五年  
以禮部尚書兼文淵閣大學士時楊嗣昌已死而練兵加餉  
之弊未革又造鈔發賣京商騷然卷篋而去德璟皆力言其  
非不見聽最後以給事中光時亨追論練餉殃民之咎德璟

小腆紀傳

卷二十四

擬旨云向時聚斂小人倡議搜括致民窮禍結誤國良深帝  
不悅召閣臣及吏戶二部臣入文華殿取時亨疏詰以聚斂  
小人主名德璟不敢斥言楊嗣昌以原任戶部尚書李待問  
對帝曰朕如何是聚斂只欲練兵德璟曰皇上豈肯聚斂因  
既有舊餉五百萬新餉九百餘萬復增練餉七百三十萬當  
時部科實難辭責帝責其朋比諸輔臣申救意乃解復具疏  
言邊臣練餉立說或數千或數百抵塞明主而全鎮新舊餉  
兵馬數萬概言不足是因有練餉而兵馬反少也臣私心恨  
之又近日直省各官每借練餉名色追比如火致百姓困窮  
遇賊輒迎臣又私心恨之蓋致外無兵內無民且並餉亦不  
能完故推咎於練餉之人冒昧愚戇罪當死因引咎出直都

六四五



給事中孫承澤汪惟效力爭之德璟初以山西新陷未敢輒去又以廷臣連章見留避嫌具疏辭朝至三月二日得旨賜銀幣乘傳歸宏光時以原官起德璟上疏以三大罪自責不拜隆武帝就起諸家不得已入賀見鄭師逗遛請行關確察情形至則事無可為稱病去丙戌九月

王師至泉州德璟不食卒或曰吞金死  
曾櫻字仲含江西峽江人也萬曆丙辰進士授工部主事監興造爲中貴所憚天啟二年由郎中出知常州府時御史巡視鹽倉江漕及提學屯田者皆操舉劾權文牒日至櫻具狀南京都察院曰他方守令奔命一巡按獨南畿者奔命數巡按請一切飭罷比屯田御史索屬吏應劾姓名櫻不應索者

小腆紀傳

卷二十四

二

危言恐之答曰僚屬無可劾止知府無狀因自署下考杜門待罪撫按爲慰留始起視事織造中官李實迫知府行屬禮櫻不應既檄至侮以爾汝櫻亦以爾汝報卒不屈魏忠賢禍作高攀龍繆昌期李應昇被逮櫻助繆李贊攀龍死經紀其喪宜興毛士龍武進孫慎行以忤奄遣戍櫻諷士龍逃而緩慎行之行忠賢敗事遂解崇禎戊辰以參政分守漳南禽斬九蓮山土寇幾盡母憂歸服闋進按察使分巡福甯海寇劉香與紅夷寇掠沿海總督熊文燦欲遣鄭芝龍往討疑香與芝龍有舊櫻以百日保之遂平海寇逾年東廠獲一男子言爲櫻行賄謀遷秩帝震怒命逮治御史葉先春曾爲屬吏知其賢於他疏附白之詔詰問因具陳櫻賢然不知賄所從來

乃命闕撫沈猶龍巡按張肯堂覆按廠檄有奸人黃四臣名芝龍前日四臣我所遣我感櫻恩爲之猶龍肯堂遂據以入告芝龍亦上疏請罪士民詣闕擊登聞鼓聲其冤得旨免入獄削芝龍都督銜仍令櫻以故官巡視海道未行改湖廣按察使兼右參政賜敕分守湖南故事分守無敕爲櫻賢特賜之也衡永故多寇州縣殘破櫻至疏薦蘇州同知晏日曙歸德推官萬元吉才兩人方坐事罷以薦俱赴官調芝龍討賊賊多降一方以安遷山東右布政使分守登萊旋擢南京工部右侍郎乞假歸初

大清兵入山東巡撫王永吉所部濟兗東三府盡失匿不聞兵退以恢復報擢兵部侍郎登萊所失無幾以實奏遂下刑

小腆紀傳

卷二十四

三

部獄京師陷櫻微服遁詣南京刑部法司以贖徒論隆武時召爲工部尙書兼東閣大學士尋進太子太保吏部尙書文淵閣時政在鄭氏櫻不能有所爲然性廉勁遇事敢言持銓政絕請謁上幸延平留守福京闕亡乃浮家廈門島中陳泰阮文錫從櫻講心性之學躬行實踐終日無倦容嘗坐席少偏命文錫移之曰席不正不坐正身所以正心也辛卯二月城將陷家人請登舟櫻曰此一塊乾淨土正吾死所豈泛海求活邪自經死越五日泰負骸走三十里入殮顏如生子四人俱完節不仕我朝賜通諡曰忠節

路振飛字見白曲周人天啟乙丑進士除涇陽知縣大吏詔



魏忠賢將建祠涇陽執不從邑人張問達忤奄坐追贓十萬故遷延之奄敗事乃解流賊入境擊卻之崇禎初徵授御史疏劾首輔周延儒卑汚奸險黨邪醜正啟宵小奔競之門短豪傑敢言之氣祈立斥以清揆路被旨切責復陳時事十大弊尋出按福建海賊劉香者數勾紅夷入犯懸千金激勵將士於是鄭芝龍等破之詔賜銀幣俸滿以京秩錄用疏請暫止錢穀刑名之奏深思安危治亂之幾八年將簡用輔臣上言枚卜聖典使彘緣者竊附則不光如嚮者周延儒溫體仁等公論俱棄宅揆以後民窮盜興辱己者必不能正天下時延儒已斥而體仁方居首揆大恨已巡按蘇松除輸布收銀白糧收兌四大弊民困以甦常熟奸民張漢儒訐鄉官錢謙益瞿式耜貪狀體仁主之坐振飛以失糾擬旨令自陳乃白謙益式耜無罪而語刺體仁體仁益恚激帝怒謫河南按察司檢校入爲上林丞屢遷光祿少卿已擢右僉都御史總督漕運巡撫淮揚十七年流賊陷山西遣將金聲桓等分道防河團練鄉兵犒以牛酒得兩淮間勁卒數萬人福周路崇四王避賊同日抵淮大將劉澤清高傑等亦棄汎地南下振飛接之不失其歡宏光帝立故河南副使呂弼周受賊僞命以防禦使來代振飛任進士武愷以僞防禦使招撫徐沛賊將董學禮據宿遷振飛擊走學禮禽弼周繫於竿置法場命軍士人射三矢乃磔之縛愷徇諸市鞭八十檻車獻於朝時論快之馬士英之以兵入朝也過淮安振飛遏其兵不令上岸

士英既用事用所親田仰來代適振飛亦遭母喪流寓蘇州錄功卽旅次加副都御史初督漕時謁鳳陽皇陵望氣者言高牆中有天子氣時隆武帝方以罪劄守陵中官虐之振飛疏乞寬罪宗竟得請楊維垣謫戍淮安振飛待之薄及是附馬阮用事嫉撫甯侯朱國弼劾其私語鳳陽王氣心懷異圖行人朱統鑣復詆之遂免官南都失守隆武帝立於閩中進左都御史時音耗隔截募能致振飛者官五品金三千振飛乃赴召中道拜太子太保吏部尚書兼文淵閣大學士至則大喜與燕抵夜分撤燭送歸解玉帶以賜官其子職方員外郎又錄守淮功蔭錦衣世襲千戶上每責廷臣怠玩因進言曰上謂廷臣不改因循必致敗亡臣謂上不改操切亦未必能中興也上有愛民之心而未見愛民之政有聽言之明而未收聽言之效喜怒輕發號令屢更因羣臣庸下而過於督責因博覽書史而務求明備凡上所長者皆臣所甚憂也其言皆曲中上短云丙戌秋八月

大兵進仙霞關上走汀州追赴不及汀州破走安平依朱成功丁亥有誤傳上在粵者偕主事萬年英泛海求之抵虎門始知爲上弟聿錫已敗死乃回廈門後赴永歷帝召卒於途或曰白縊於邵武山寺長子澤溥字安卿亂後奉母居太湖顧炎武嘗曰險阻備嘗與時屈伸吾不如路安卿弟太平從振飛至閩官光祿寺卿閩敗奉永歷帝命徵兵於外晚隱於吳門



朱繼祚莆田人萬歷己未進士授庶吉士進編修天啟中與修三朝要典尋罷歸崇禎初復官遷禮部右侍郎充實錄總裁給事中葛樞言其纂修要典得罪清議不可總裁國史因謝病去旋起南京禮部尚書又以人言而罷宏光時起故官協理詹事府事未赴隆武帝立召拜東閣大學士從至汀州事敗奔還鄉里戊子春魯監國在閩安鎮鄰近州縣多下繼祚亦舉兵應之與同安伯楊耿合攻興化城守者監司彭遇颺故南都御史也招繼祚入守之三月大兵至城復破繼祚及參政湯芬給事中林喟知縣都廷諫並死之我

朝賜通諡曰忠節

小腆紀傳 卷二十四

六

湯芬字方侯嘉善人崇禎癸未進士嘗為閣部史可法監紀推官閩中授御史魯監國以為參政分守興泉城破緋袍坐堂上被殺我

朝賜通諡曰烈愍

林喟字小眉莆田人崇禎中進士制義文奇逸詩原本漢魏於唐獨宗李白外此不屑也闖賊犯閩喟問道渡江上書閣部史可法言賊中事可法奏留之隆武時授兵科給事中魯監國亦授吏部郎中大學士朱繼祚之舉兵興化也喟與其事城陷賦絕命詩三章嘔血死喟磊落負奇節見時事已非輒寄悲憤於詩著蟬螭集十二卷從子佳璣字衡古質樸修志行詩文能世其家法云都廷諫者杭州人官莆田知縣城

破自縊死我

朝賜通諡俱節愍

曾世衮字長脩興化平海衛人尚書楚卿子也天啟甲子舉於鄉戊子破產起兵從大學士朱繼祚復興化事敗遁廈門憂憤死

熊開元字元年號魚山嘉魚人天啟乙丑進士除崇明知縣調繁吳江崇禎朝徵吏科給事中以官知縣時徵不及額貶二秩外用不赴久之起山西按察司照磨遷光祿寺監事行人司副劾首輔周延儒與給事中姜埰同受廷杖下獄所謂熊姜之獄也卒遣戍杭州事詳明史南都立起吏科給事中丁內艱不赴閩中以工科召疏請終喪連擢太常寺少卿僉

小腆紀傳 卷二十四

七

都御史再疏辭詔曰天地生才祇有此數邇者老成凋喪宗周彪佳石麒麟等既皆捐軀鄭三俊又損目故於開元之至且夕以冀旣在郊垵慰予飢渴及入對眷禮有加開元請罷捐助停事例重爵祿簡刑罰急親征實聽納散朋黨俱嘉納之越日授御營隨征東閣大學士兼行在右副都御史權理院事時方破格用人躁競者多以口舌得官開元惡之力持資格丹徒諸生錢邦芑言事稱旨特授御史開元請改兵部司務上重違其意命以司務得非時言事實同御史權上之在建甯也外雖優禮輔臣而事輒獨斷開元遂乞罷歸不許已而邦芑復授御史開元力爭之不得乃引疾汀州破棄家為僧於蘇州華山巖師事南嶽和尚又住休甯仰山自號葉菴



卒葬徽州之丞相原

林增志瑞安人崇禎中進士官右中允隆武時以入閣召未赴闕亡爲僧住溫州之頭陀寺有僧來受戒者問曾殺人否僧自言少時從闕賊曾刺殺某官增志怒以錫杖撞殺之山民喧大和尚殺人乃潛入泰順峯門山中闕田造寺曰香林隱居焉與遺老董龍溪父子多唱和詩自稱讓菴和尚死葬寺之對山

方以智字密之桐城人崇禎時嘗避地南都與楊廷樞陳子龍夏允彝相友善成庚辰進士父孔炤方以楚撫被逮以智懷血疏跪朝門外叩頭號呼求代父死帝歎曰求忠臣必於孝子之門並釋之擢檢討北都陷父子爲賊所掠瀕於死南

小腆紀傳

卷二十四

八

都馬阮當國誣其汗偽命入之六等罪中舉朝大譁乃已歎曰是尙可爲邪褫衣散髮賣藥五嶺間隆武帝召之未赴永歷時以翰林院學士知經筵尋命入閣以智知不可爲乃爲僧去號無可最後自號曰浮山愚者

大兵嘗物色得之令曰易服則生否則死袍服在左白刃在右乃辭左而受右帥起謝之爲之解縛聽其以僧終乃披緇詣天界事假公同時有肅峯者亦皖人嘗官都給事中與並師假公時稱爲皖江兩大師

徐人龍字亮生上虞人萬歷丙辰進士授工部主事出爲湖廣荆襄道僉事尋遷湖南提學副使故事使車按止義陵自桃源南入接嶺連山高險輿挽不得前故辰沅柵靖官師子

弟皆就試人龍乃獨往每度一關必詢視形勢及抵辰龍關

徒行盡得其要害後勦臨藍大盜輒用有功其地辰郡稍稍能文澈沅則歌謠雜出至靖川與峒彝相半有通論語一章者卽舉茂才人龍乘傳所至人多化之且驚喜以爲開國來無此事已擢湖南道參議瑄難起乞終養歸崇禎乙亥服未闋卽起爲嶺北道增拓城垣十數處以能聞於朝調蘇松兵備道按察司副使虔民留之會郴桂賊起圍長沙攻衡州詔命兩廣江虔會楚合勦檄人龍爲監軍累戰奏功破諸寨斬級萬餘禽賊渠十有八捷聞遷武昌道晉參政特召賜對道臣獨無特召召自人龍始時楊嗣昌以奪情起官入閣兼本兵因人龍曾任楚官載拜執手指所坐曰以此待公人龍初

小腆紀傳

卷二十四

九

應召疏論時政與嗣昌忤至是見其墨經在坐連囑之且言已終養歷十二年嗣昌睥眦不知所對遽引退先是虔饑人龍輸粟爲賑民賴以蘇召對時帝問所全活者幾何曰以十萬計帝喜顧左右曰活人至十萬亦幾矣嗣昌遽曰虔戶版幾何而動言十萬此罔上也帝默然嘉其能論吏部過督撫缺推用遂超拜右僉都御史巡撫山東陞辭日賜幣遣中官四人扶肩輿出都道路榮之孔有德之亂引朝鮮船至軍吏告急人龍治事不輟密檄津門山海爲犄角遣標將焚其船奪大銅礮三十餘架賊氛頓息因是慮阻漕欲疏膠河故道傍入於海以通運親視有成畫具疏入告嗣昌謂漕非所職嚴敕之且中以他事奪俸人龍知事不可爲乞放歸無何



嗣昌死會兵部增設右侍郎備邊關制督之選廷推起用疏  
辭不允甲申晉戶部尚書以倪元璐薦特旨兵部比至淮聞  
國變慟哭草檄討賊南都立馬士英兼本兵仍為副每同堂  
坐機事一決於士英人龍心不平求去且每在堂正色危坐  
士英踧踖不自安遂分部事判兩堂人龍督理駕庫漕運既  
而人龍語侵士英復極言安置四鎮不宜以廬鳳淮揚祖宗  
湯沐重地遽予擁兵自衛之人夫帶礪之盟俟有成績即事  
在急遽爭先欲賞亦必策以自効使恢一城即予以是城復  
一地即授以是地當前激勵未為不是乃兵未動而遽列內  
地界之則江南尺寸土可勝剗哉士英惡其言諷臺臣劾之  
無可劾乃使御史何綸糾其年耄拜舞失儀勒致仕時人龍

小腆紀傳 卷二十四

十

年六十有九進止嬰鏃實無少誤浙東魯王監國起工部尚  
書與王之仁分屯江口隆武帝以武英殿大學士兵部尚書  
召命人龍門下士闔撫吳春枝齋詔促行比入閩力辭不受  
事杜門卻掃者又七年而卒卒之日流涕曰吾頗知兵事且  
官兵當國家需兵時竟不得為國家用兵以死吾自恨矣子  
咸清有神童之譽一歲識字五歲通經與妻商偕隱以終商  
與祁彪佳妻景蘭女兄弟也世稱仲商夫人云見列女傳

男承禮 編輯

仁和魏錫曾參校  
會稽梁繼元覆校

小腆紀傳卷第二十四終

小腆紀傳卷第二十五

前翰林院檢討加詹事府贊善銜六合徐肅撰

列傳第十八

傅冠

顧錫疇

楊廷麟

彭期生 吳世安 蘇觀生 梁朝鍾

傅冠字元輔進賢人天啟壬戌進士歷官禮部尚書兼文淵  
閣大學士崇禎十一年乞休歸里家居者六年乙酉夏南都  
既覆闔黨王得仁導

王師入進賢掠冠家殺其孫鼎冠潛行入閩隆武帝遣官存  
問手詔冠督師恢復江省專理湖南勦撫事宜賜尚方劍便  
宜行事師至邵武五福關逗留不前冠知事不可為十二疏

小腆紀傳 卷二十五

十一

乞罷適職方江隨者以薦舉進身思立名自重乃疏言冠擁  
兵糜餉玩敵擾民冠請解兵柄益力詔杖江隨子冠致仕冠  
遂寄寓泰甯門人江亨龍家亨龍小人也初以閩部名執弟  
子禮既懼為居停累乃自首而遣其子養源走告冠曰江隨  
父子白

清帥欲生得公矣養源家百口公是視耳冠不悟其詐也但  
曰一死報國徑自投縋養源跪抱冠曰公不生見

清帥江氏百口立碎矣願指莊客輩曰即此族何辜忍令為  
血池乎遂昇冠就道夜宿溪頭冠私起欲投溪為守者所覺  
至汀州降將李成棟延之上坐曰公大臣也但遵制難髮保  
公無他冠詫歎曰自冠裳以來有髡頭宰相否成棟復曰公



髮種種矣與髡何異但稍加鉞掩眾目即可婉曲報聞耳冠  
厲聲曰汝知千古有文文山乎我鄉先進也吾鄉無髡頭宰  
相但有斷頭宰相耳成棟自是不復言然禮待甚厚飲食必  
倍成棟既率兵入廣鎮將李發待冠如初一日對奕局罷發  
閱文書忽請曰公必不順命者今奉命旨收公矣冠欣然起  
曰早畢吾事爾之賜也整衣冠向南拜曰臣負國無狀死不  
足贖復向西拜曰祖宗暴骨惟冠之辜題詩壁上曰白髮蕭  
蕭已數莖孽冤何必更相尋拚將一副頭顱骨留取千秋不  
貳心又曰憤血已成空往事徒回首國難與家難永訣一杯  
酒幻影落紅塵倏忽成今古名望重如山此身棄如土題畢  
引頸受刑無忍加刃者賞之亦不應惟知府李蘭友家丁某

小腆紀傳

卷二十五

二

受賞而施刃焉是日晝晦悲風震瓦汀人無不掩涕家人傳  
國槨葬其骸於羅漢嶺與周之藩墓相望首在函中忽吐白  
光時示夢於獄囚祈卜皆奇驗己丑三月冠之子乞骸歸葬  
始合身首殮之竟體作黃金色舊衣二領棄墓側風雨經年  
帛色如故行道見者呼為相公衣後甯化邱賴二生被襲而  
歸每以示人蓋有歎且泣者我

朝賜通諡曰忠烈

顧錫疇字九疇崑山人萬歷己未進士改庶吉士授簡討天  
啟四年以忤璫削籍崇禎初起原官歷遷國子監祭酒乞終  
養歸服除起少詹事進詹事拜禮部左侍郎列用人五失曰  
銓敘無法文網太峻議論太多資格太拘鼓舞未至又以抗

言撫流寇事與楊嗣昌大忤復削籍用薦起南京禮部左侍  
郎宏光時進尚書東平伯劉澤清言宋高宗卽位以靖康二  
年五月爲建炎元年從民望也乞以甲申五月爲宏光元年  
錫疇言明已頒不可追改乃止時議郊祀錫疇言合祀分祀  
後先互異但議禮於今物力告匱當刪繁就簡從高皇合祀  
之制爲便又議廟祀恭皇帝錫疇請別立專廟又請上建文  
景泰諡號賜文震孟羅喻義姚希孟諡而追奪溫體仁諡並  
見從吏部尚書張慎言去位命錫疇攝之時馬士英當國錫  
疇雅不與合遂乞祭南海去明年春逆黨張孫振追頌溫體  
仁功劾錫疇儉邪命致仕南都失守錫疇鄉邑亦破時方遭  
父喪聞關赴闕隆武帝進東閣大學士加督師銜不拜寓居  
江子鑿走免我

小腆紀傳

卷二十五

三

溫州江心寺丙戌秋總兵賀君堯與督學相結取事例銀供  
餉諸生鼓噪君堯殺之錫疇怒將以聞君堯乘夜縛而投之  
朝賜通諡曰節愍

楊廷麟字伯祥清江人崇禎辛未進士授庶吉士轉編修勤  
學嗜古聲震館閣與都御史黃道周善皇太子將出閣簡充  
講官兼直經筵乃具疏力讓道周不許明年春帝御經筵問  
保舉考選之法何者能得人對曰保舉當嚴舉主如唐世濟  
王維章爲溫體仁王應熊所薦今二臣敗而舉主無恙是逆  
坐之令先不行於大臣欲收保舉效得乎帝爲動容是年冬  
畿輔告警因疏劾兵部尚書楊嗣昌言陛下有撻伐之志大



臣無禦侮之才謀之不臧以國為戲嗣昌及薊遼總督吳阿衡內外扶同朋謀誤國倡和款議武備頓忘以至於此今可憂之在外者三在內者五督臣盧象昇以禍國責樞臣言之痛心夫南仲在內李綱無功潛善秉成宗澤殞命乞陛下赫然一怒明正嚮者主和之罪俾將士畏法無有二心召見大

小腆紀傳 卷二十五

四

者交薦仍故官未赴都城陷廷麟與翰林修撰劉同升集兵勤王宏光帝立御史祁彪佳薦之授左庶子辭不就宗室朱統額誣劾大學士姜曰廣併誣廷麟招健兒有不軌謀曰廣內應語絕狂誕上置不問然所募兵竟以散去乙酉西南都破我  
大清兵下南昌袁州臨江吉安俱投誠己又取建昌惟贛州孤懸上游岌岌獨存而兵力單寡人懷洵懼廷麟乃與同升謀邀南嶺巡撫李永茂享士大夫於明倫堂勸輸兵餉刻期大舉隆武帝手詔嘉獎擢吏部右侍郎比有粵東入衛兵過境即疏留之立忠誠社得二萬餘人九月廷麟領兵偕同升取萬安抵泰和復吉安全郡又收臨江具表以偏安海甸為

非計請上移駐贛州進兵部尚書兼東閣大學士賜尚方劍便宜行事未幾上召永茂為兵部右侍郎以張朝縱來代俄朝縱召還即以同升代十月吉安告警副將徐必達戰敗赴水死援師至

大兵退屯峽江十二月同升卒總制萬元吉自閩至贛遂兼巡撫事與廷麟協力規畫明年正月廷麟赴贛招降峒蠻張安等四營復得四萬人安驍勇善戰賜名龍武新軍三月間上將蒞贛趨往朝之甫行吉安告警留屯郊外馳疏陳援吉防贛事宜時元吉代守吉安城復失元吉退保贛州四月

大兵逼城下廷麟遣使調廣西狼兵已往湖西邀新軍還五月望日巡撫劉廣胤與我兵再戰梅林再敗廷麟乃散遣其

小腆紀傳 卷二十五

五

軍而身入贛城與元吉誓守六月李永茂遣副將吳之蕃率廣東兵數千至戰於李家山圍暫解已復合廷麟等分門堅拒如初上獎勞之賜名忠誠府七月尚書郭維經御史姚奇胤雲南援將趙印選胡一青及大學士蘇觀生兩廣總督丁魁楚部將各以兵五千至廷麟收合散亡復得數千人先後抵贛營城外軍聲頗振八月水師羅明受戰江上大敗雲廣軍氣奪不戰自潰他營亦稍潰去會聞汀州破人情益震懼守者疲甚十月四日天霧且雪  
大兵用嚮導乘夜登城廷麟督鄉勇巷戰黎明礮炸城裂遂走城西清水塘自沈死我將有賈熊者歎為忠臣以門四扇駢之瘞東關外我



朝賜通諡曰忠節

彭期生字觀民海鹽人萬歷戊辰進士以教授歷遷濟南知府坐失囚被謫轉南京兵部主事進郎中獻賊亂江西遷湖西兵備僉事駐吉安拒守不支走贛州楊廷麟偕與招降峒蠻隆武帝加太常卿仍視兵備事城破冠帶自經死守備楊大器瘞其屍於萬安之百家邨後鄉人胡樞官其地夢期生屬歸遺骸乃資遣之子女以血漬骨皆沁入哭而葬焉說者比之溫序之思歸云我

朝賜通諡曰節愍

吳世安字求甯歸化諸生以孝聞隆武帝之召楊廷麟於吉安也世安謁之途次廷麟奇之曰變故以來功名之士樹頤

小腆紀傳

卷二十五

六

須插齒牙顧盼凌厲以示可用君獨不然叩乃後鳴言必中竅吾所求於天下士者惟神志堅定萬馬疾馳中能駐足者耳君非其人歎奏授監紀推官將赴贛客尼之曰古人見險則止危邦可入乎世安歎曰楊公知我可相負邪既入見廷麟鼓掌曰吾知君不負我也乘城分守戰多捷而汀州變聞援師潰散客又以微行出險勸之世安曰以身許人臨危而去之犬豕不食吾餘矣扶病登陣彈貫左膊死我

朝賜通諡曰節愍

彭銀字劔伯甯都諸生從督師楊廷麟治兵有績奏授兵部員外郎廷麟敗以幼子爲屬銀厚撫之庚寅春甯都被圍銀治具廣召親故酒過半謂之曰此城必破我義不可辱行與

諸君決矣且我與楊公共事久當死所以不死者以楊氏孤也今孤少長我卽死人必無虐忠臣後者揖其友某以楊氏孤託之索衣冠燒燭於庭呼妻李氏冠帔出北面再拜引繩就東西偏同經死我

朝賜通諡曰節愍

蘇觀生字字霖東莞人年三十始爲諸生崇禎中由保舉授無極知縣遷永平同知監紀軍事已擢戶部員外郎京師陷脫走南京進郎中督餉蘇州南京覆走杭州途謁隆武帝與語大悅聯舟赴閩與鄭芝龍鴻達兄弟擁戴擢翰林學士進禮部右侍郎兼學士設儲賢館分十二科招四方士令觀生領之觀生矢清操稍有文學而時望不屬上以故人恩眷出

小腆紀傳

卷二十五

七

廷臣右乃超拜東閣大學士參機務觀生數贊上出師見鄭氏不足與有爲且事權悉爲所握請上赴贛州經略江西湖廣上議遣之先行明年觀生赴贛大徵甲兵餉不繼竟不能出師三月吉安破總督萬元吉乞援遣二百人往協守絳津灘戰敗

大兵圍贛州觀生走南康贛數告急不敢援六月

大兵退屯水西始發三千人馳入贛助城守久之我兵再攻城三千人皆引去八月觀生移駐南安閩中急亦不能赴救上殂汀州十月贛州亦破觀生退入廣州監紀主事陳邦彥勸以疾趨惠潮扼漳泉兩粵可自保不從聞丁魁楚等立永歷帝觀生欲與共事魁楚素輕之且欲專定策功慮其以舊



相居已上拒不與議呂大器亦以其出身非兩榜叱辱之觀  
生愠甚時隆武帝之弟聿錡嗣封唐王者與大學士何吾騶  
自閩至廣州番禺梁朝鍾南海關捷先首倡兄終弟及議觀  
生遂與吾騶及侍郎王應華會道唯布政使顧元鏡以十一  
月二日擁聿錡監國建元紹武就都司署為行宮即日封觀  
生建明伯掌兵部事拜東閣大學士時倉猝舉事亟治宮室  
服御鹵簿通國奔走夜中如白晝不旬日除官數千冠服皆  
假之優伶市人傳以為笑永歷帝命給事中彭耀主事陳嘉  
謨齋敕往諭耀至廣州觀生執殺之嘉謨亦不屈死乃治兵  
日相攻敗肇慶兵於三山口觀生意甚得務粉飾太平而惟  
捷先朝鍾是任有楊明競者潮州人好為大言詭稱精兵滿

小腆紀傳

卷二十五

八

惠潮間可十萬即特授惠潮巡撫觀生器此三人事必咨之  
又有梁鑿者妄人也觀生謂其才用為吏科都給事中與明  
競大納賄賂日薦數十人觀生本乏猷略既兼綜內外事益  
督督所招海盜白日殺人剜肺腸懸諸貴官之門以示威城  
內外大擾時

大兵已下惠潮長吏皆降附即用其印移牒廣州報平安觀  
生信之是月望日聿錡視學百僚咸集或報

大清兵已逼觀生叱之曰昨潮州報無警烏得遽至此妄言  
惑眾斬之如是者三兵臨城下猶疑為海盜已自東門入始  
召兵搏戰精銳者皆西出倉猝不能集城遂陷觀生走鑿所  
問計鑿曰死爾復何言觀生入東房鑿入西房各拒戶自縊

觀生慮其詐稍留聽之鑿故扼其吭氣湧有聲且推几仆地  
久而寂然觀生信其死遂自經明日鑿出獻其屍以降吾騶  
應華元鏡等悉降

梁朝鍾番禺舉人善談論與南海關捷先同為觀生所倚捷  
先由進士歷官監司小有才便筆札倡議擁戴聿錡擢為吏  
部尚書朝鍾挾旬三遷至祭酒嘗語人曰內有捷先外有楊  
明競強敵不足平也聞變投於池為鄰人救出復自剄捷先  
出降我

朝賜朝鍾通諡曰節愍

小腆紀傳

卷二十五

九

小腆紀傳卷第二十五終

男承禮編輯

仁和魏錫曾參校  
會稽梁繼元覆校



小腆紀傳卷第二十六

前翰林院檢討加詹事府贊善銜六合徐鼎撰

列傳第十九

曹學佺 胡上琛 張兆鳳 李國英 鄭羽儀 林 說等

何楷 姜一洪 熊清源 徐復儀

曹學佺字能始侯官人弱冠舉萬歷乙未進士由戶部主事調南大理寺正居冗散七年益肆力於學累遷南戶部郎中出為四川右參政蜀府燬於火估修資七十萬金學佺以宗藩例卻之中察典議調天啟二年起廣西右參議初挺擊之獄劉廷元主瘋癲學佺著野史紀略直書本末至六年秋遷陝西副使未行而廷元附魏忠賢大幸劾學佺私撰野史滑

小腆紀傳

卷二十六

一

亂國章遂削籍燬其書廣西大吏疑忠賢且殺之羈留以待久之乃釋歸崇禎初起廣西副使不赴著書所居石倉園中結社談讌著有十二代詩選石倉全集閩人士以為歸嘗謂二氏有藏儒何獨無採輯四庫書為儒藏功未竣兩都繼覆隆武帝立於福州拜太常寺卿遷禮部右侍郎兼侍講學士晉尚書加太子太保丙戌春徐孚遠上水師合戰之議請上親征而已招吳淞諸義軍相犄角學佺謂徵天之幸在此一舉捐餉萬金速其行八月王師入福州奔鼓山佛前問休咎甫下拜見繩一縷攜之歸題壁上曰生前一管筆死後一條繩自縊死友人徐英者亦奇士也哭之伏屍嘔血死我

朝賜通諡曰忠節

胡上琛字席公世襲福州右衛指揮使好讀書能詩年十八赴京襲職復舉武鄉試隆武時官錦衣衛指揮署都督僉事充御營總兵官從至汀州遇變奔還福州謂家人曰吾世臣也不可苟活其妻劉年甫二十願與俱上琛喜曰爾婦人亦能之邪遂冠帶同仰藥死我

朝賜通諡曰節愍

張兆鳳長汀人長身偉貌使鐵刀重六十觔崇禎壬午癸未聯捷武科以遊擊用丙戌

王師入福州帥聞其勇欲官之兆鳳杜門不出強之再三辭曰吾故明進士不能樹尺寸何面目出而相見乎束髮整冠投井死又李國英者汀州衛人崇禎中以功授守備亦死於

小腆紀傳

卷二十六

二

難我

朝賜兆鳳國英通諡俱節愍

鄭羽儀字敬生閩縣人崇禎癸未進士授中書舍人典試粵中閩亡殉難死我

朝賜通諡曰節愍

林說字傅公莆田人性恬淡嗜學舉崇禎鄉薦傲衣徒步遇山水友朋樂處輒賦詩見志閩亡挈家入深山絕粒死時同死者文臣則懷遠知縣秦甯江振鵬及其子白龍懷龍前建陽知縣臨穎崔攀龍未仕者進士則永定吳煌舉人則莆田林曾賓福清林化熙卓震貢生則侯官元綸廩生則同安張



璇光武舉則永福趙子章民人則閩縣趙卯雖其事不可詳述而姓名猶可考焉我

朝賜振鵬攀龍通諡俱節愍補

何楷字元子漳州鎮海衛人生有異質讀書過目不忘尤邃於經學舉天啟乙丑進士值魏奄亂政不謁選歸建紫芝書院講學其中崇禎時授戶部主事進員外郎改刑科給事中賊燬皇陵疏劾巡撫楊一鵬巡按吳振纓罪言振纓為溫體仁私人一鵬為王應熊座主逆賊犯皇陵神人共憤陛下輟講避殿感動臣民而二輔臣漫然視之欲令一鵬振纓戴罪自贖情面重皇陵輕朋比深而天下譏刺且不恤臣所以憤發於中言不能已忤旨鑕一秩視事已應熊疏辨楷復言臣

小腆紀傳 卷二十六

三

疏未奉旨應熊先一日摭引臣詞必有漏洩禁中語者帝意動應熊竟以是罷累遷工科給事中十一年五月帝以火星逆行減膳修省尚書楊嗣昌方主款議歷引前史以進楷乃案條駁奏比嗣昌奪情柄政楷又劾其入閣視事吉服爛然臣恐天下士民有以窺輔臣深淺也復忤旨貶二秩為南京國子監丞就遷禮部郎中母憂歸宏光時擢戶部右侍郎督理錢法兼工部右侍郎連疏請告不許南都被走杭州從隆武帝入閩進戶部尚書時鄭芝龍鴻遠兄弟橫甚郊天時稱疾不出楷言禮莫大於郊二勛臣不陪祀無人臣禮宜正其罪上獎其風節命掌都察院事已而鴻遠揮扇殿上楷呵止之二鄭交惡知不為所容請告去中途遇盜截去一耳蓋芝

龍使部將楊耿為之也後漳州破抑鬱而卒

姜一洪字開初餘姚人萬歷丙辰進士歷禮戶二部員外郎轉郎中出守江西遷河南兵備分巡汴梁時流寇犯河北一洪設法防禦葉縣鄆陵彰德懷慶千里之內賴之以安敘功擢福建按察使轉廣東布政使左參議遷太僕卿甲申之變與左都御史劉宗周議舉義旗不果隆武時大學士黃道周薦之晉吏部侍郎旋陞戶部尚書丙戌秋奉命赴贛在道聞上出奔徒步追從之抵贛之木榔菴力竭慟哭赴江死有同行陳若水者亦竭蹶力盡死而爵里不可攷一洪子二長天植次廷梧偕走四千餘里負榻積以還中途屢邁官軍械天植為逃丁而廷梧方總角少年也輒膝行馬前求為兄代一

小腆紀傳 卷二十六

四

時以孝友稱後亦齋恨卒廷梧妻祁德淵自有傳熊緯字文江南昌人崇禎癸未進士官行人兩都既覆每飲酒輒涕泗橫流其友曰昔狼曠有言吾未獲死所子既有志盍求所乎緯乃走謁隆武帝於延平擢兵科給事中扈行至汀州遭變從官迸散緯獨號哭入行宮說之降不屈乃被殺我

朝賜通諡曰烈愍

徐復儀字漢官上虞人崇禎癸未進士兵部尚書人龍族子也南都被破入心洵洵而復儀講賓興禮如故夜謁黔國公未至南都被破人心洵洵而復儀講賓興禮如故夜謁黔國公沐天波使陳兵衛鎮撫之士夷遂不敢肆乙酉閏六月閩中



起翰林院編修丙戌八月閩敗復儀幅巾草履走千里歸辭  
父母妻妾獨居山中日誦離騷或從危崖墮身下累不得死  
一日風雨晝晦慟哭急投谷中死目猶張其父承寵趨視持  
其首哭之乃瞑我

朝賜通諡曰節愍

陸清源字嗣白平湖人崇禎甲戌進士由知縣擢雲南道御  
史巡按福建隆武時奉命犒浙東軍為馬士英部將趙體元  
所殺或曰江上兵潰清源投水死我  
朝賜通諡曰忠節

小腆紀傳

卷二十六

五

小腆紀傳卷第二十六終

男承禮編輯  
仁和魏錫曾參校  
會稽梁繼元覆校

小腆紀傳卷第二十七

前翰林院檢討加詹事府贊善銜六合徐鼎謨

列傳第二十

萬元吉 楊文薦 唐周蕊 郭維經 子應銓 應衡  
黎遂球 朱永盛等 應煜 姚奇盾

劉同升 子季鑛 詹兆恆

揭重熙 張自盛 曹大鎬 洪國玉 李安民等

萬元吉字吉人南昌人天啟乙丑進士授推官補歸德捕盜  
有聲崇禎時計典鑄級為永州檢校尋遷大理評事楊嗣昌  
薦為軍前監紀倚之若左右手諸將亦悅服馳驅兵間未嘗  
一夕安枕以憂歸服闋起南京職方主事進郎中宏光帝立  
仍故官時高傑欲擁兵渡江元吉奉命扁舟造傑壘告之以

小腆紀傳

卷二十七

戢兵聽朝命傑曰吾欲寄家江南耳元吉日公等將進取淮  
北而併孥淮南甚便過江通天子輦轂地非公等兼為國家  
意也諸將應曰諾顧皆眈視揚州既傑卒駐揚黃得功以兵  
爭之不勝朝議以元吉能輯睦諸將使監江北軍元吉致書  
得功期共戮力王室得功報書自明無他欲聯絡各鎮鼓勇  
殺賊元吉錄蔡傳示傑澤清始稍戢元吉之陸辭也疏言主  
術無過寬嚴道在兼濟官常無過任議義貴相資先皇帝初  
莅海宇懲逆黨用事斷削元氣力行寬大諸臣狃之爭意見  
之元黃略綱繆之桑土大患當前束手無策先帝震怒一時  
宵壬遂乘間抵隙中以用嚴之說凡告密廷杖加派抽鍊新  
法備行使在朝者不暇救過在野者無復聊生然後號稱振



作乃中外不甯國家多故小人用嚴之效如是先帝悔之更崇寬大悉反前規諸臣復思競賄賂恣欺蒙每趨愈下再搜盛怒誅殺方與宗社繼沒蓋諸臣之孽每乘於先帝之寬而先帝之嚴亦每激於諸臣之玩則以寬嚴之用偶偏也昨歲孫傳庭擁兵關中識者以爲不宜輕出然已有逗撓議之者矣賊旣渡河臣卽與閣臣史可法姜曰廣請撤關甯吳三桂俾隨路迎擊先帝召對亦曾及此然已有蹙地議之者矣及賊勢薰灼廷臣勸南遷勸出儲監國南都語不擇音亦權宜應爾然已有邪妄議之者矣由後事而觀咸追恨違者之誤國設事幸不敗必共服議者之守經天下事無全害亦無全利當局者心怵無全利之害誰敢違眾獨行旁觀者偏見無

小腆紀傳 卷二十七

二

全害之利必欲強人就我年來督撫更置專視苞苴封疆功罪悉從意見禦寇實著概乎未聞國事因之大壞則以任議之途太崎也又言朝廷不當偏安宜仍南京故名示不忘恢復而滅錦衣旗尉罷南北鎮撫以杜告密又言賊今被創入秦垂涎東南轉盼秋深出漢商則徑抵襄城出豫宋則直窺江北兩處兵民積怒深怨民必爭迎賊以報兵兵更退疑民而進畏賊恐將士之在上游者卻而趨下在北岸者急而渡南金陵武備單弱何以當此臣入都將近十日竊窺人情皆積薪厝火安寢其上舌戰徒紛實備不講一旦有急不識諸臣置陛下於何地得毋令三桂等竊笑江左人物乎從來戰勝首廟堂在廷無公忠其濟之雅未有能立功於外者中外

大小臣工宜洗前習猛勵後圖毋急不可居之功名毋冒不可違之清議捐去成心收集人望萃眾志以報大讐集羣謀以制大勝社稷身名並受其福矣元吉身在外而心於朝廷前後論奏甚多如請修建文寶錄復尊號褒祀靖難時及近日北都四方殉難諸臣又以先後目擊訪問最真者陣亡之總兵猛如虎調護秦兵之監軍副使曹心明未蒙褒錄薊遼舊督趙光抃未蒙昭雪請推恩朝議多從之及高傑欲赴河南討賊方擬請速予餉傑乃襲得功於土橋元吉心傷之因言古大將保功名以恭順爲本今朝廷新立綱紀未尊恐從此相沿恭順日替輕朝廷縶網紀臣罪滋大因自請罷斥不許南都覆走閩中

小腆紀傳 卷二十七

三

大兵下江西諸郡望風降附惟贛州城守隆武帝命元吉以兵部右侍郎兼右副都御史總督江西湖廣諸軍及抵贛劉同升已卒遂兼巡撫事明年春代督師楊廷麟守吉安先是中書張同敞於崇禎末奉命赴雲南調兵及抵江西而南都且失因退還吉安廷麟留與其守待以客禮其將趙印選胡一青頻立戰功元吉約束嚴不少假貸諸將漸不用命元吉以新軍張安爲足恃也蔑視雲廣軍雲廣兩軍因解體然安故蠻寇受降後淫掠自如廷麟遣救湖西所過殘破大兵逼吉安諸軍皆內擄不戰而潰元吉奔阜口檄諭贛州極言雲南軍棄城罪雲軍因而西去大兵乘勝逼阜口元吉不能禦趨入贛城



大兵圍之元吉素有才蒞事精敏及失吉安神志惛然令益嚴日坐城上與將吏不交一言隔河大營遍山麓而指爲空營兵民從大營中至言敵勢甚盛輒叱爲間諜斬之給事中楊文薦其門生也奉命往湖南過贛見事急因自任守禦事少辨既而雲南兩廣援師畢集軍威一振諸將請戰元吉必待水師至併擊之水師帥羅明受者故海盜也兵部主事王其宏言明受桀驁難制若慈母之奉驕子今且水涸巨舟難進豈能如約不聽及水師至

大兵夜截諸江焚巨舟八十死者無算明受遁於是雲南兩廣軍皆自潰諸營散走一空城中惟郭維經等部卒四千餘人城外水師後營二千餘人而已廷麟初調廣西狼兵八千

小腆紀傳

卷二十七

四

人已踰嶺不及至參將謝志良駐粵都擁眾萬餘觀望不敢進旋聞汀州之計全城氣索城遂陷先是元吉禁婦女出城其家人潛載其妾縋城去飛騎追還縛家人痛捶之故迄於城破竟無一人出者是時部將擁之奪門出元吉歎曰爲我謝贛人使闔城塗炭者我也我何可獨存遂投贛江死年四十有四我

朝賜通諡曰忠節

楊文薦字幼宇京山人由進士爲兵科給事中隆武時奉命往湖南過贛萬元吉留之城守題授兵部右侍郎兼右僉都御史巡撫南贛城破因病不能起執送南昌絕粒死我朝賜通諡曰忠節

唐周慈字穉純原名虞一零陵諸生性英偉好吟詠既與同里諸子講良知之學徒步走麻城謁蕭繼忠留一年歸倡同社講習萬元吉司理永州時甚重之流賊之亂永城陷走廣西乞師總兵楊國威郡賴以復元吉開府江西承制拜爲郡判委主軍餉贛破與元吉同沈江死

黎遂球字美周番禺人天啟丁卯舉於鄉崇禎初進士鄭超宗嘗會名士百人賦黃牡丹詩遂球第一時號黃牡丹狀元隆武帝授兵部主事守贛州城陷不屈被殺我朝賜通諡曰烈愍

朱永盛汀州衛正千戶官長甯營參將

王師圍贛州同官皆降永盛獨不可城陷延頸受戮顏色自

小腆紀傳

卷二十七

五

若我朝賜通諡曰節愍此外文臣可記者兵部主事周瑚被磔死推官署府事吳國球贛縣知縣林逢春通判郭甯登同知王明汲訓導徐君鼎胡董明皆被執見殺君鼎一門殉焉武臣可記者副將馬觀鵬方乞假歸娶聞警力戰死都督僉事劉天馴衛千戶孫經世與其弟緯世絃世監紀軍務聶邦晟與其子士嫌士煥俱闔門死參將陳烈有弟某先降眾疑之烈誓死疾鬪及被縛其弟勸降不聽臨刑顧謂贛人曰今日方知我無二心也在籍及流寓之官紳可記者兵科給事中萬發祥吏部主事龔棻戶部主事林琦兵科主事王其宏及弟其隆曾嗣宗錢謙亨于斯昌工部主事柳昂霄中書舍人袁



從謬劉孟鈞劉應試廣東提學副使符遡中及其兄述中皆  
不屈被戮死前河南同知盧觀象一門男婦沈水死馬平知  
縣謝讚及子肩繡從子肩斗自縊死判官周世光攜幼孫赴  
水死士民可紀者舉人劉日倫貢生楊萬言諸生董纘卿馮  
復京余學義歐陽麗天諸生郭必昌金之杰袁汝健莊某咸  
舉家死王統王純自經文廟死周葵陳君猷自焚死流寓之  
廬陵諸生段之渾新喻蕭瑛甯都楊燧亦及於難其微賤可  
紀者鄉約謝明登攜妻子投於井書工趙廷瑞自盡又有熊  
國本織人也亦入忠誠社最力被執見贛令令舉人也叱之  
曰爾織人何知義國本日我織人不知義舉人顧當不義邪  
遂斬之我

小腆紀傳 卷二十七

六

朝賜瑚國球逢春窗登明汲君鼎觀鵬烈發祥琦其宏嗣宗  
謙亨斯昂霄從謬孟鈞應試通諡均烈愍蔡觀象均節愍  
郭維經字六修江西龍泉人天啟乙丑進士授行人崇禎初  
遷御史疏陳時弊有所舉刺責令指實乃極言順天府尹劉  
宗周之賢詆吏部尚書王永光谿刻及用人顛倒罪不省六  
年秋溫體仁代周延儒輔政復言執政不患無才而用之排  
擠正人不以之籌國事國事日非則委曰我不知坐視盜賊  
日猖邊警日急止與二三小臣爭口舌是非平章之地幾成  
聚訟可謂之有才邪帝切責之尋以憂去久之起故官北都  
變南京諸臣議立潞王維經力主福王王立進應天府丞仍  
兼御史巡視中城維經以加銜為魏忠賢陋習力辭不允俄

上言聖明御極將二旬一切雪恥除凶收拾人心之事絲毫  
未舉今偽官縱橫於鳳泗悍卒搶攘於瓜儀焚戮剽掠之慘  
漸逼江南而廟廊之上不聞動色相戒惟以慢不切要之務  
盈庭嘗議致敗旁門鬪捷足營鑽窺之穴隙作富貴之階梯  
舉朝人心如狂如醉匹夫匹婦呼天憤鬱釀成裁殺乞令內  
外文武諸臣洗滌肺腸盡去刻薄偏私及恩怨報復故習一  
以辦賊復讎為事報聞阮大鍼之起用也廷臣力爭史可法  
進調停之說謂前監國詔有逆案不許起用一則為臣刪去  
後來何故復入此示人以隘維經駁之以為失言士英大鍼  
等深嫉之尋遷大理少卿左僉都御史命專督五城御史察  
非常清輦轂明年二月隆平侯張拱日劾其迎恭皇帝御容

小腆紀傳 卷二十七

七

日託疾不赴是不欲觀盛典也保國公朱國弼復言其署大  
理事刑部以偽防禦使武懋案會題輒以未經覆讞駁之懋  
已受偽命何矜何疑執法之官甘心庇逆乞重懲乃下部院  
勘議令回籍隆武帝召為吏部右侍郎子應銓應衡應煜舉  
兵臨川大小數十戰頗有斬獲授應銓應衡兵部郎中應煜  
戶部主事丙戌五月贛圍急命維經以吏兵二部尚書兼右  
副都御史總理湖廣江西廣東浙江福建軍務督師往援遂  
與姚奇胤募兵得八千人入贛與楊廷麟萬元吉協力堅守  
應銓等駐兵龍泉為犄角而聲勢不相屬城破維經偕奇胤  
入嵯峨寺自焚死明年  
大兵攻龍泉應銓設伏拒卻部下裨將劉文耀者潛引軍入



城兄弟同就執應銓投崖不絕縛至不順命扼吭死應衡至吉安我巡撫劉一鵬欲降之飲以酒乃擲其飲具鑿齒斷臂以死應煜見我巡按董學成踞地極口罵抽腸而死死尤酷我

朝賜維經通諡曰忠烈

姚奇盾字有僕錢塘人由進士授南海知縣地饒多盜力絕苞苴政聲大起行取爲兵部主事改御史巡按廣東未任郭維經偕之赴援同自焚死我

朝賜通諡曰節愍

劉同升字晉卿吉水人祭酒應秋之子崇禎丁丑廷試第一帝問年幾何對曰臣年五十一老矣恐無以報聖恩帝曰爾

小腆紀傳 卷二十七

尙似少年勉之授翰林修撰乞假省墓歸後以論楊嗣昌奪情謫福建按察司知事未赴而國變痛哭馳檄遍告十三郡鄉官士庶興義復讎編素辭墓至會城與楊廷麟遇大集澹臺祠爲思宗發喪誓師啟行會南都立以左中允召不赴明年南都亡與廷麟遊巡撫李永茂共建義旗保守贛州隆武帝聞而嘉之詔加國子監祭酒轉詹事遂建忠誠社招致四方豪健鄉官王其宏劉明保趙日諷等各率家丁齋糧相從幾二萬人克復吉安臨江既而永茂內召卽擢同升兵部左侍郎總理江西尋命巡撫其地時益宗永甯王慈炎復建昌撫州諸路約並下省而同升拮据勞瘁已瘵作是冬十二月徇至雩都卒於道封廬陵伯贈東閣大學士諡文忠子季鏞

從父起義閩中授翰林待詔闖亡入廣西歷官兵部右侍郎戊子五月統眾至鄱縣逐我大清所置官而居之己而眾散有羣盜來就撫統之至樂昌四出剽掠禁之不止反爲所殺

詹兆恆字月如江西永豐人崇禎辛未進士知甌甯縣民居失火延及學宮兆恆率諸生突烟抱木主出治績有聲十一年徵授南京御史屢陳時事並見採納南都立疏言目前大計兵餉爲急今北漕已漸入南而停泊江淮者尙眾運弁旗甲折乾盜賣宜申救計臣在淮者令督臣路振飛督之在京口者令漕臣白抱一督之星夜銜尾入南除補給京軍月糧外立運登庾無露泊江干以資盜糧從之未幾擢大理寺丞

小腆紀傳 卷二十七

阮大鍼之冠帶入見也兆恆疏言自崔魏煽禍毒危宗社幸先帝入繼大統芟除內難慮奸人凶黨窺伺生心於是欽定逆案頒行天下以首惡正兩觀之誅黨從列春秋之案慄如也然御極十有七年此輩日夜合謀思煽溺灰幸先帝神明內斷堅持不移夫黨人巧爲蒙蔽妄謂憐才賊亂之才適足敗國陛下駐蹕龍江痛心先帝與諸臣抱頭痛哭百姓莫不灑血搥胸願思一報近聞燕齊之間士紳皆白衣冠顛帝呼天驅殺偽官各守關隘此誠先帝德澤在人以激發其忠義耳今梓宮夜雨一坏未乾太子諸王六尺安在國讎未報悲痛常在聖心而忽召見大鍼還以冠帶使屢年欽案遊同糞土豈不上傷在天之靈下短忠義之氣哉陛下試取書觀



之應亦悔左右之誤國矣疏入命取逆案進覽兆恆即呈進而馬士英亦於是日進三朝要典大鍼卒起用蝗蝻錄之作也兆恆與焉九月以大理寺少卿奉命祭告事竣遂引疾歸里隆武帝立于福州兆恆表賀拜兵部左侍郎進尙書佐督師黃道周出關與兵科給事中胡夢泰協守廣信丙戌八月廣信破夢泰等皆死兆恆奔懷玉山聚眾數千人明年三月進攻衢州之開化縣降將李榮逆戰於馬嶺兆恆兵敗死之我

朝賜通諡曰忠烈

揭重熙字祝萬臨川人崇禎丁丑以五經成進士時稱異才授福甯知州建菱湖書院與諸生講學不倦居官以廉敏稱

小腆紀傳 卷二十七

北都陷與副總兵洪日升起兵勤王南都授吏部考功主事以憂歸南都陷集鄉勇徐組綬萬民望王宏等起兵湖東會益藩兵起重熙走謁請急臨省會事不果

王師圍建昌隆武帝命重熙援之戰於許灣而敗吏部主事王兆熊劾之既而大學士曾櫻掌吏部疏薦重熙及前翰林

傅鼎銓上以鼎銓嘗降賊獨召重熙入見授考功員外郎兼兵科給事中從大學士傅冠辦湖東兵事永甯王慈炎自瀘

溪告警冠不能救重熙劾其逗留冠去兵事遂專屬重熙永甯既敗重熙復趨福州統諸將進克金谿復撫州有眾十萬

捷聞授右僉都御史代劉廣胤巡撫湖東以諸將進止不協退保瀘溪與

王師戰於銅蒲隘師姑嶺及高田孔坊俱捷丙戌八月聞王師入仙霞關提兵赴援在道聞上將赴贛州倍道趨之爲我兵掩擊大潰急收散卒攻撫州中軍洪深歿於陣兵士僅存千人乃退次王洞間令安東金貴諸將聯絡以待而身爲日者裝入南昌以覘虛實閩亡與鼎銓俱解兵入武夷山戊子金聲桓王得仁據南昌叛歸於明首迎二人出重熙請任閩事

王師攻南昌重熙以軍付鼎銓兼督之而身赴肇慶求援承歷帝將留之內用重熙不可加兵部尙書兼右副都御史總

督江西軍務與鼎銓同援南昌至則聲桓得仁已滅戰於程鄉大敗身中三矢僅免監軍桂洪戰沒時諸軍盡散惟平西

小腆紀傳 卷二十七

伯張自盛威武侯曹大鎬及洪國玉李安民四人者收金王餘眾入山自保頑民不歸命者多從之所謂四大營也聞重

熙奉新命出湖東爭來歸兵大集駐甯都石城間與鼎銓徐博一軍相犄角庚寅重熙入閩赴自盛軍約大鎬自廣信並

進甫入閩界

王師圍之數重重熙部分諸將戰數合伴北引

王師入伏中前後夾擊大捷幾獲我帥遂循諸邑皆下之是年冬自盛掠邵武兵敗死瀘溪山中辛卯四月鼎銓亦被執

重熙軍益孤乃走依曹大鎬至百丈礮適大鎬還軍鉛山惟空營在眾就營炊食游騎偵得猝招

大兵圍之射重熙中頂大呼曰我揭閣部也擁去至崇安邑



令勸之降叱曰小子亦讀書不識綱常名教邪抵建甯兵備道某者與有舊重與瞪目詈之遂下獄門人陳士道朱國龍隨之入賦詩慷慨拜呼高皇帝祈死十一月丙子斬於市僕人鄧貴戴鳳亦殉之未幾大鎬兵敗被執於岑陽關自重熙鼎銓死四大營亦先後就俘駢首誅者多文秀儼毅之士而姓名不可考焉我

朝賜重熙通諡曰忠烈鼎銓另有傳

張自盛曹大鎬洪國玉李安民四人者金聲桓王得仁之裨將也自盛封平西伯大鎬貴池人封威武侯金王死四人收殘卒入山出沒邵武廣信間頑民不歸命者多歸之與揭重熙傅鼎銓相犄角所謂四大營也自盛死瀘溪山中未幾大

小腆紀傳 卷二十七

十一

鎬被執於岑陽關械至南昌被殺諸營遂皆潰時別營降者就邵武聽撫行之朱口一魁獨不肯前伸頸就其黨索殺曰不能俯仰於官甯死汝手其黨難之即奮袂裂背抽刃相擬曰不殺我者今當殺汝其黨乃揮涕刃之瘞骨而去我朝賜大鎬通諡曰忠節

小腆紀傳卷第二十七終

男承禮 編輯

仁和魏錫曾參校  
會稽梁繼元覆校

小腆紀傳卷第二十八

前翰林院檢討加詹事府贊善銜六合徐肅撰

列傳第二十一

瞿式耜 徐高

瞿式耜字起田常熟人禮部侍郎景韶孫湖廣參議汝說子也舉萬曆丙辰進士授永豐知縣有政聲天啟元年調江陵永豐民乞留命再任以憂歸崇禎元年擢戶科給事中陳七事言起廢宜嚴升遷宜漸會推宜慎諡典宜嚴刑章宜飭論人宜審附璫者宜區別又論館選奔競之弊乞臨軒親試比定逆案請發紅本準其情罪輕重又疏頌楊漣魏大中周順昌之清忠請賜諡帝皆嘉納己以會推閣臣坐錢謙益黨貶

小腆紀傳 卷二十八

十一

謫又嘗頌貴州布政使胡平表破賊功平表以不謹敗以薦舉不實坐貶遂廢於家未幾謙益為奸民張漢儒所訐併逮式耜下獄謙益削籍式耜得贖徒言官疏薦不納十七年南都立九月起應天府丞再擢僉都御史代方震孺巡撫廣西明年夏甫抵梧州而南都已陷隆武帝建號福州靖江王亨嘉不拜即位詔自稱監國舉兵將東式耜移書責之曰兩京繼覆大統懸於一髮豪傑睥睨逐鹿閩詔既頒何可與難為源人利又移書總制丁魁楚為之備而陰檄思恩參將陳邦傳防梧止狼兵勿應亨嘉調亨嘉再遣桂林道并濟促式耜入桂林俱弗應亨嘉至梧謁者促式耜入朝式耜曰王也而朝禮也謁者曰易朝服式耜曰王烏用朝服以常服禮也一



日逐式耜語挾之登小艇指揮曹升持刀加頸索救印拽過  
數舟數仆數起坐稍定曰救印可刀求邪我開府重臣若欲  
為帝曾慮陸之漁戶不若矣亨嘉既不獲救印而魁楚兵且  
至乃挾式耜上桂林寨其船寶不令見人至則閉之王邸式  
耜日凝坐不與邸人語進之食亦不食初式耜以隆武之立  
也非序不勸進夫人邵氏在幽所日夜哭因遣家人齋疏問  
道至福州賀即位并乞師曰嶺表居楚豫上游嶺表失則豫  
無所憚楚未得通天下事益不可為矣臣式耜朝以死則粵  
中夕以亡豈惟一省之憂因陳亨嘉有必敗狀上大憲會丁  
魁楚遣陳邦傳進討亨嘉與戰而敗返桂林餽式耜衣服飲  
食瞑目不應乃送式耜於距城五里之劉仙巖而以王符調

小腆紀傳 卷二十八

三

狼兵不應邦傳攻之急乃復逐式耜入返其救印中軍官焦  
璉為亨嘉黨總兵楊國威旗鼓密輸款於式耜夜縋城入邦  
傳營合謀擒亨嘉并國威推官顧奕楹送福州論功加式耜  
兵部侍郎協理戎政式耜曰國家禍變構難同室臣子奚以  
功為固辭不許尋命晏日曙來代乃僦居廣東丙戌九月汀  
州變聞式耜與丁魁楚前兵部尚書呂大器巡按御史王化  
澄巡撫李永茂奉桂王由榔監國肇慶進式耜吏部右侍郎  
兼大學士掌銓事頃之贛州報至魁楚與太監王坤將奉王  
走梧州式耜謂今日之立為祖宗雪讎恥宜奮勇以號召遠  
近外棄門戶內燬蕭牆國何以立不聽既聞蘇觀生立隆武  
弟聿錡於廣州魁楚謂不定大位無以厭人心乃從式耜謀

奉王還肇慶於十一月庚申即皇帝位晉式耜文淵閣大學  
士是時太監王坤弄權恣肆侍郎林佳鼎兵敗於三水內批  
以王化澄代督師式耜奏內批非與朝舉動李永茂知經筵  
疏薦十五省人望御史劉湘客與焉坤塗抹而黜之永茂怫  
然去位式耜言大臣論薦固其職司禮輒去取其間何以服  
御史何以安大臣坤又疏薦兩朝人望數十人式耜言司禮  
抑人固不可薦人更不可給事中劉蕡亦疏論內臣薦人之  
非上怒奪蕡官御史童琳以疏劾都御史周光夏下廷杖式  
耜皆力爭之雖不盡聽納然上甚重之十二月降將李成棟  
以

王師取廣州聿錡遇害上奔梧州式耜夜掉小舟留駕曰我  
小腆紀傳 卷二十八

三

兵水陸鳧至三水可上下搯也上不能用請留守肇慶亦不  
許部署五日始追扈抵梧而上西行又五日矣至平樂丁魁  
楚王化澄李永茂晏日曙皆棄上去左右惟式耜一人會都  
御史張家玉給事中陳邦彥合師攻廣州佟養甲呼成棟還  
救乘輿得安抵桂林加式耜太子太保式耜論諸鎮曰粵西  
居山川上游敵不能仰面攻明矣兵士雲屯湖南北南甯太  
平出滇柳州慶遠通黔左右江四十五洞土狼標勇警國家  
威惠三百年悉受銜繁足資內備時朝廷新創式耜修紀綱  
布威武抑權閹招俊傑一時倚以為重丁亥二月梧州平樂  
相繼失坤勸上入楚式耜疏言半年之內三四播遷兵民無  
不惶惑上留則粵留上去則粵亦去今日之勢我進一步人



亦進一步我退速一日人來亦速一日故楚不可遽往粵不可輕棄今日勿遽往則往也易輕棄則入也難且海內幅員止此一隅以全盛視粵西則一隅似小就西粵恢中原則一隅甚大若棄而不守愚者亦知拱手送矣不聽則請留蹕全州以扼楚粵之中內外兼顧已而警報狎至上趣式耜治裝謝曰君以仁臣以義臣奉命守土當與此土共存亡於是從官皆行進式耜文淵閣大學士兼吏兵二部尚書留守桂林以焦璉兵隸之三月乙卯

墟而

王師數萬猝至一卒倉皇奔報氣急舌結手東西指式耜笑曰敵兵至邪何張皇若是俄數十騎乘虛突入文昌門登樓

小腆紀傳

卷二十八

四

瞰留守署矢集綸巾式耜叱曰何敢爾呼焦璉璉袒背控弦提刀引騎兵開門出直貫我營衝

王師爲三諸將白貴白玉亦開城出追奔數十里總兵劉承胤時奉駐全州聞桂林急亦遣兵三千來援兵譁索餉式耜搜庫藏捐囊金與之不足夫人邵氏則又捐簪珥數百金與之譁如故素與焦璉兵主客不和乃交鬪掠市而去式耜檄誅二十餘人劾承胤馭兵無狀五月乙丑

王師偵知城中兵變猝薄城環攻文昌門吏士失色式耜與璉分門嬰守用西洋銃擊中騎兵大雨

王師稍卻璉乃開城出戰自辰至午不及餐式耜括署中米

蒸飯親出分哺將士益用命向晡雨未息收兵明日復出戰璉奮刀直入衝陣

王師棄甲仗而奔式耜先令援將馬之驥隔江發大礮助聲勢

王師問道從栗木嶺來者之驥疾馳運槩提鞬連斃三人遂大北我定南王孔有德望虞山樹木疑爲兵焉論守桂功進式耜少師兼太子太師封臨桂伯焦璉新興侯式耜疏辭曰本朝文臣封拜自王威甯王新建外指不多屈或憐臣死守孤城破格以行鼓勵其如貽笑四方何不許時承胤劫上如武岡從官多受挫辱式耜疏請返蹕不得則請告曰自二月十五日移蹕之後以迄五月二十九日凡百有六日矣此百

小腆紀傳

卷二十八

五

六日中遇敵兵者二遇兵變者一皆極危險萬死而無一生之望者總辦一死字亦遂不生恐怖不起愁煩惟是臣之病不徒在身而在心不徒在形而在神身與形之病可療也心與神之病不可醫也臣所依恃者皇上皇上駐全猶有見天之日今幸武岡臣復何望乎既焦璉復陽朔平樂陳邦傳復梧州梧州興陵之所在也式耜言粵西全定請昭告陵寢還蹕桂林上制於承胤不能從也八月辛卯

王師逼武岡承胤舉城降上奔靖州式耜遣人間道齋疏請由古泥還象州入桂林極言不可他移一步黔滇地荒勢隔忠義心渙三百年之土地僅存粵西一綫返蹕收復號召聯絡粵師出粵以恢江嶺楚師出楚以恢武荆且粵西山川形



勝兵力人情俱有可恃既聞駕幸柳州乃增將吏備餼糧車馬表請還蹕上諭曰西陲朕根本地先生竭力守此待朕駐軍使朕不至顛沛異日國家再造先生功實多時湖南盡失南安侯郝永忠宜章伯盧鼎各率所部入桂林式耜加禮撫慰又與督師何騰蛟大學士嚴起恆御史劉淵容議分地給諸將俾各自爲守適騰蛟有全州之捷式耜乃疏言柳州猶穢雜處地瘠民貧不可久駐慶遠壞鄰黔粵南甯地逼交夷不可遠幸邇來將士瞻雲望日以桂林爲杓樞道路臣僚疲躋重繭以桂林爲會極江楚民情以桂林爲拯救之聲援騰蛟與永忠鼎璉分防住汛恢復可望會

王師逼梧州上欲自象州往南甯中途爲亂兵所阻乃命王

小腆紀傳

卷二十八

木

化澄吳貞毓龐天壽護三宮往南甯而與馬吉翔邇十八灘返桂林式耜郊迎上念式耜功高賞薄慰勞備至進見上殿賜坐以比諸葛武侯裴晉公先是司禮監龐天壽奉敕催兵久在桂林王坤旣被承盾逐復入自武岡上之幸柳幸象票擬皆錦衣衛馬吉翔手也式耜勸上攬大權明賞罰親正人間正言五鼓肅衣冠而起黎明入閣夜分始歸視上動靜上不食不敢先食猶孝子之事嚴親也各路奏使計道路遠近給口糧遠方蠟表月數至遠人亦以桂林爲歸而諸將主客不相能上命騰蛟督師焦璉走平樂郝永忠壁興安不相顧式耜以不能輯和勳鎮深自咎責戊子二月丁亥永忠與王師戰於靈川敗績奔還桂林大掠左右近臣勸上幸南甯

式耜曰不可督師警報未至營夜驚無大恐二百里外風塵遽使九五露處邪播遷無甯日國勢愈弱兵氣愈不振民心皇皇復何依候督師歸天威咫尺激厲將士背城借一勝敗未可知若以走爲上策桂危柳不危乎今日至桂明日不可至南太平反復干言上曰卿不過欲朕死社稷耳式耜泣下嚴起恆曰明晨再議五鼓式耜進御用銀三百兩而乘輿已發矣先是焦璉遣人謂式耜曰強敵外逼姦宄內訌勢不能兩全願移師至桂保公出城俟賊乏食統兵四面擊之賊兵可盡然後以全爲保障以梧爲門戶協力守之事可萬全式耜以治兵相攻恐傷百姓且虞敵騎擣虛不聽至是時趨出送駕永忠以兵遮之不得行掠署中冠服圖書咸盡家人以

小腆紀傳

卷二十八

七

何督師令箭送眷屬出城式耜裸坐署中持令箭者逼之登舟永忠乃縱火大掠擄殺太常卿黃太元日中滇營兵亦自靈川入煙火高於樓櫓式耜舟泊城外三里之樟木港刑部侍郎劉遠生給事中丁時魁萬六吉劉淵容皆至謂兵變倉卒請下平朔催焦璉兵入援檄遠近毋內恐檄紳士毋驚疑雜髮檄一吏入城息煙火收倉儲毋爲亂人所盜式耜然之舟至豆豉井入民舍草檄分發明日以小艇入城督師騰蛟亦被召入援焦璉自平樂至楚鎮周金湯熊兆佐滇鎮胡一青先後至軍勢復振

王師聞城中亂三月丁巳抵北門騰蛟率諸軍力戰卻之當是時江西金聲桓廣東李成棟皆叛我復歸於明



王師聞變北旋桂林少安然兵火之後監司府縣俱散式耜撫循收拾疏遠行在候天子三宮起居上聞式耜尙在大喜聖書旌美賜紗段銀兩并精忠貫日金圖書一方太后亦賜夫人邵氏紗段銀兩式耜念南甯蠻鄉不可久蹕爲上清輦道朝政有闕必馳疏論諫嘗曰臣與皇上患難相隨休戚與共原不同於諸臣一切大政自當與聞朝議可否眾指所歸本亂而求末治者未之有也當武岡之亂言官彈周鼎瀚以附承盾入直式耜司票擬曰王沂公云進賢退不肖皆有體瀚係大臣應聽自謝免己而鼎瀚擅假式耜曰不謝免而擅假毋乃不可乎疏論之廣西巡撫魯可藻自署銜稱巡撫兩廣奏駁之陳邦傳父子特迎駕功請世守廣西駁之曰海宇

小腆紀傳

卷二十八

八

剝削只粵西一隅爲聖蹕之地滇楚數萬之師取食一省輒曰獨擁豈老臣所知哉又以經筵不御無由聞得失手書入箴於筵進之檄諸將乘機進取勞師全州時李成棟遣官迎駕式耜慮成棟之挾上自專如劉承盾也疏曰興陵兩載陷風塵成棟令地方官修葺陵殿巍然天壽彼數年想見天子漢官一旦奮不顧身具移山超海之力更非有所疑也但事權號令宜歸於一茲軍中爵賞署置若歸於朝廷則事權中擾閭外不能專制不歸朝廷則徒虛拱且楚黔雄師百萬騰蛟翹首威靈如望雲霓聖駕既東軍中將帥謂皇上樂新復之土成棟亦有邀駕之嫌號令既遠人心渙散請上一見東諸侯俾共瞻天子音容慰勞指屬然後責其盡意於東刻期

出師一切決於外不中擾也三疏令簡討蔡之俊給事中蒙正發先後迎駕日前日粵東未復宜駐桂以扼楚今日江廣反正則宜駐桂以圖出楚事機所在毫釐千里上意未決吏部侍郎吳貞毓力言成棟忠誠乃決計幸粵東八月癸巳朔上還駐肇慶成棟以翊明大將軍執政疏言式耜擁戴元臣應召還綸扉上手詔促之式耜因乞骸骨乃留守如故九月何騰蛟復衡永監軍余鯤起復寶慶式耜疏言天下大勢在楚不在粵粵東三面險阻易入難出臣不敢爭者以成棟一片血忱方倚爲江右聲援阻其望幸之心何以勸忠今衡永恢復粵西之背愈厚而江圍未解粵東之齒尙寒皇上宜去危就安俾成棟無內顧之憂得畢力圖贛楚師得萬乘親臨

小腆紀傳

卷二十八

九

亦勇氣十倍矣疏上未報而堵盾錫與常德守將馬進忠不協湖南州縣復陷己丑正月騰蛟兵潰被執李成棟金聲桓亦相繼敗沒公卿集政事堂議代騰蛟者僉曰惟留守望尊德鉅足以折制諸將上是之賜式耜彤弓鐵鉞永寶鄂岳上下三軍之任行間者生殺予奪惟命式耜辭不獲乃戒期誓取建元帥旗鼓申號令疏請兵科給事中吳其靄爲監軍薦張同敞知兵得士總督軍務滇將趙印選胡一青王永祚以騰蛟死率所部來依大喜遣使郊迎請封三人爲侯伯分守全州永甯七月

王師取永甯一青退守榕江式耜檄印選出全州顧無所取餉十二月王永祚敗績於永州軍資盡散式耜聞之頓足曰



我嘗銳兩年一朝崩潰豈天果不祚明邪是時疆事大壞而朝端吳楚黨局圍如水火庚寅正月

王師克南雄惡李元盾者請上幸梧州式耜疏曰粵東水多於山良騎不能野合自成棟反正始有甯宇賦財繁盛十倍粵西材官兵士南北相雜內可自強外可備敵且肇慶去韶千里強弩乘城堅營固守亦可待勤王兵四至傳曰我能往寇亦能往以天下之大止存一隅退寸失寸退尺失尺今乃朝聞警而夕登舟將退至何地邪疏再而上上已移德慶抵梧州境矣尋金堡劉湘容等下獄嚴鞠追賊式耜言中興之初宜保元氣勿濫刑詔獄追賊乃熹廟魏忠賢鍛鍊楊左事何可祖而行之上頒赦布諸人罪狀式耜封還謂法者天下

小腆紀傳 卷二十八

十

之公也 不可以黃語飲章 傾加考察開天下之疑疏凡七上不聽諸鎮將亦相爭不協既全州失印選一青託分餉入桂桂焦璉營安樂猝呼之不能至十一月甲寅

王師大舉入嚴關式耜檄印選為戰守計不應再促之則盡室逃王永祚迎降胡一青楊國棟蒲縵馬養麟等馳出小路勒兵兵自潰乃皆逃式耜危坐府中總兵戚良勳操二騎至跪而請曰公為元老係國安危身出危城尚可號召諸勳再圖恢復式耜曰四年忍死留守其義謂何我為大臣不能禦敵以至於此更何面目見皇上提調諸勳乎人誰不死但願死得明白耳家人泣請曰次公子從海上來一二日即至乞忍死須臾一匪訣也蓋式耜次子元銷間關入粵時已至永

安州矣式耜揮家人出曰毋亂我心我重負天子尙念及兒女邪俄總督張同做自靈川回入見曰事急矣將柰何曰封疆之臣將焉往子無留守責曷去諸同做曰死則俱死耳乃呼酒對飲四顧茫然惟一老兵不去命呼中軍徐高至以救印付之曰完歸皇上勿為敵人所得也是夜雨不止城中寂無聲兩人張燈相向黎明有數騎腰刀挾弓矢入式耜曰吾兩人待死久矣偕之出見定南王孔有德有德踞地坐舉手曰誰為瞿閣部先生式耜曰我是也顧曰坐式耜曰我不慣地坐城陷求一死耳有德曰甲申之變

大清國為明復讎葬祭成禮今人事如此天意可知吾斷不殺忠臣閣部毋自苦吾掌兵馬閣部掌糧餉一如前朝事何

小腆紀傳 卷二十八

十一

如式耜曰我明之大臣豈與汝供職邪有德曰我先聖後裔勢會所迫以至今日閣部何太執同做厲聲曰汝不過毛文龍家提溺器奴耳毋辱先聖有德怒自起批其頰叱左右刀杖交下式耜叱之曰此宮詹張司馬國之大臣死則同死耳不得無禮有德遽命還其衣冠因曰某年二十起兵海上南面稱孤投誠後擁旌節爵名王公今日降明日亦然矣語曰識時務者為俊傑

清自甲申入中國五年之間南北一統至縣縣破至州州亡天時人事蓋可知矣公守一城扞天下屢挫強兵能已見於天下不轉禍為福建立非常空以身膏原野誰復知之式耜曰汝為丈夫既不能盡忠本朝復不能自起逐鹿稱孤為人



鷹犬尙得以俊傑時務欺天下男子邪昔少康光武恢復中興天時人事未可知也本閣部受累朝大德位三公兼侯伯常願殫精竭力掃清中原今大志不就自痛負國刀鋸鼎鑊百死莫贖尙何言邪有德知不可屈節二人於別所供帳飲食如上賓有臬司王三元蒼梧道彭熿皆式耜里人有德使說以百端不應勸薙髮爲僧亦不應曰爲僧者薙髮之漸也兩人日賦詩求死不獲式耜謂同儕曰偷生未決爲蘇武邪李陵邪人其謂我何乃草一檄命老兵馳諭焦璉曰城中滿兵無幾若勁旅直入孔有德之頭可立致也有降臣浙人魏元翼者曾任桂平督糧道以貪墨爲兩人所劾布邏卒獲其檄獻之有德有德震恐閏十一月丙申有數騎至繫所請式耜

小腆紀傳

卷二十八

十一

出曰已知之乞少緩待我完絕命詞援筆書云從容待死與城亡千古忠臣自主張三百年來恩澤久頭絲猶帶滿天香肅衣冠南向拜訖步出門行至獨秀巖曰吾生平愛山水願死於此遂與同儕並遇害同儕屍不仆首墜地躍而前者三頃刻大雷電雪花如掌空中震擊者亦三有德股栗觀者靡不泣下同死者旗鼓陳希賢錦衣衛楊芳齡家人陳祥先齋印之徐高被獲於陽朔山中亦同死焉吳江楊藝衰麻跣足肩背楮錢跪軍門號哭請殮故主屍有德歎曰有客若此不愧忠良矣許之藝撫屍曰忠魂儼在知某等殮公乎忽張目左右視藝撫之曰次子來見邪長公失所邪目猶視門下士御史姚端叩首曰我知師心矣天子已幸南甯師徒雲集焦

侯無恙目始瞑遂具衣冠淺葬兩人於風洞山之麓端與陽羨清疑上人廬墓不去先是式耜知桂林不守遣其孫中書舍人昌文詣梧州陳狀辭世襲爵上授昌文翰林院簡討賜式耜黃鉞龍旌節制公侯伯大小文武甫撰敕文而東西省垣齊陷昌文走山中叛將王陳策挾之至梧州大學士方以智時爲僧於大雄寺言於我鎮將馬蛟麟曰瞿閣部精忠今古無兩其長孫來汝以德綏之義聲重於天下蛟麟厚遇之魏元翼恨不已搆昌文於有德將甘心焉一日聞鐵索鏗然繞室有聲元翼伏地請罪忽吳語曰汝不忠不孝乃欲殺我孫邪七竅流血死有德嘗以事遣一卒禱於城隍恍惚見同儕南面坐有德聞而大駭爲雙忠神位祀之因厚禮昌文遷

小腆紀傳

卷二十八

十一

式耜柩而改葬之清疑上人亦遷同儕柩與夫人合葬焉事聞贈式耜粵國公諡文忠我朝賜專諡曰忠宣同儕另有傳徐高廣西巡撫標將也瞿式耜察其忠實厚撫之靖江王亨嘉之將作亂也式耜命高僞輸誠於亨嘉者陰察其動靜高幼子因得出入府中暨式耜在幽所進餽粥焉庚寅冬王師逼桂林諸營皆潰式耜知必死以敕印付高令問道詣行在至陽朔山中被獲與式耜同死

男承禮編輯

仁和魏錫曾參校  
會稽梁繼元覆校

小腆紀傳卷第二十八終



小腆紀傳卷第二十九

前翰林院檢討加詹事府贊善銜六合徐重

列傳第二十二

陳子壯 麥而炫 朱實蓮 何騰蛟 楊某等 鴻弟 鴻

堵胤錫

陳子壯字集生南海人萬厯己未進士第三人授翰林院編修天啟甲子科典浙江鄉試發策刺奄魏忠賢怒假他事削其籍并免其父吏科都給事中熙昌官崇禎初起故官累遷禮部右侍郎流賊犯皇陵帝素服召對廷臣因言今日所急在收人心宜下罪己詔激發忠義納之乃會同列上蠲租清獄赦過宥罪十二事時溫體仁當國盛稱主上神聖臣下不

小腆紀傳 卷二十九

宜異同子壯曰世宗最英明然耐廟之議勳戚之獄當日臣下執持不已皇上威嚴有類世宗公之恩遇孰與張桂以將順而廢匡救非善則歸君之意也體仁意沮遂成嫌隙帝以天下多故思破格求才欲召見宗人遜才授職如高皇帝階換之制授所司議子壯曰將軍中尉皆一品官如此則三公九卿一朝而盈廷者數百人非所以為法帝佛然曰親親任賢古之道也卻其奏子壯力陳五不可言宗族改授適開僥倖之門隳藩規洞銓政唐王聿鍵引前代故事歷詆之遂下獄坐贖徒歸已用薦起官協理詹事府未赴南都立以禮部尚書召至蕪湖而南都失守乃馳還時桂王常瀛避難梧州子壯謂王神宗子宜立與總督丁魁楚方集議而唐王已立

於福州改元隆武矣議遂寢召子壯入閣以前議宗室有行賊辭不行丙戌汀州破丁魁楚瞿式耜等立永曆帝於肇慶蘇觀生以不與擁戴而怒議立隆武之弟聿錫於廣州子壯阻之不得遂退居南海之九江村而致書式耜請兵東觀觀生永曆帝授太保中極殿大學士兼兵部尚書總督兩廣福建江西湖廣軍務會

大清兵入廣州聿錫被執死子壯止不行明年春張家玉陳邦彥及新會王興湖陽賴其肖先後舉兵子壯亦以七月起兵九江村兵多蠻戶番鬼善戰與邦彥約共攻廣州結故指揮楊可觀等為內應子壯兵先至城中不敢動事洩可觀死子壯退駐五羊驛時降將李成棟攻張家玉於新安邦彥與

小腆紀傳 卷二十九

子壯謀伏兵禺珠洲伺成棟還救會城縱火焚其舟已軍以青旂朱旂為號子壯如計果焚舟數十成棟走下風引而西邦彥尾之會日暮子壯不能辨旂幟疑皆敵舟也陣動風忽轉我

大清兵順風返擊大潰長子上庸死焉子壯走還九江村會故御史麥而炫破高明具書來迎乃入高明以故主事朱實蓮攝縣事八月高明破實蓮戰死子壯而炫俱被執械至廣州我總督佟養甲處以極刑寸磔之投骨四郊後成棟反正養甲亦降朝議贈子壯太師番禹侯諡文忠即以養甲為諭祭使養甲愧欲死乃通使歸

朝為成棟子元胤所殺先數日恍惚見子壯抽矢射之云麥



而炆字章閣高明進士歷官上海安肅知縣隆武時為御史  
朱實蓮字子潔由舉人歷官刑部主事子壯同邑人我  
朝賜子壯專諡曰忠簡而炆實蓮通諡均烈愍

何騰蛟字雲從貴州黎平衛人天啟辛酉舉人崇禎中授南  
陽知縣地當要衝流寇出沒練兵堵禦數挫去從巡撫陳必  
謙破賊安臬山斬首四百餘級土賊發亦討平之能聲大著  
遷兵部主事進員外郎出為懷來兵備僉事調口北道丁內  
艱巡撫劉永祚薦其才將奪情固辭歸服闋起原官兵備淮  
徐擒斬土寇境內肅然癸未冬晉右僉都御史巡撫湖北時  
湖北盡陷止武昌一郡為甯南侯左良玉屯軍所騰蛟之任  
與良玉交驩一軍帖服甲申五月宏光帝立詔至良玉部下

小腆紀傳 卷二十九

三

有異議騰蛟乃以劍自隨曰社稷安危繫此一舉倘不奉詔  
當以身殉之會江督袁繼咸亦以書勸正紀盧鼎言於良玉  
力請開讀如禮正紀者良玉所置官名也八月朝議將遷騰  
蛟他省而命總督丁魁楚兼撫湖北兵部員外郎李向中楚  
人也疏言騰蛟一腔忠義千里干城小民依之若嬰兒之求  
慈母將士信之若手足之應腹心乞命照舊和衷撫楚乃命  
騰蛟仍舊職加兵部右侍郎兼撫湖南尋命總督湖廣四川  
雲南貴州廣西軍務乙酉三月南都有北來太子事朝議沸  
然抗疏言太子到南何人奏聞何人物色至京馬士英何以  
獨知其偽既是王昺之姪孫何人舉發內官公侯多北來之  
人何無一人確認而泛云自供高夢箕前後二疏何以不發

鈔傳明旨愈宣則臣下愈惑此事關天下萬世是非不可不  
慎無何良玉舉兵稱奉太子密詔清君側將邀之偕行騰蛟  
堅不可良玉謀奪其印殺城中人以劫之士民爭匿其署遂  
身坐門屏間聽民入左兵輒破垣縱火騰蛟急解印付家人  
令速出城毋為所得拔劍將自剄左兵擁之去良玉邀與同  
舟不從因置以別舟以副將四人監之舟次漢陽門乘間躍  
入江四人亦自沈騰蛟漂泊十數里至竹簾門漁船救之登  
岸則漢壽亭侯廟也家人懷印者亦在相視大驚覓漁船忽  
不見遠近共詫為神助益歸心焉騰蛟乃由甯州轉瀏陽抵  
長沙集舊將屬吏痛哭盟誓分士馬舟車糧餉各分任之權  
令堵胤錫為湖北巡撫傅上瑞為湖南巡撫章曠為總督監

小腆紀傳 卷二十九

四

軍周大啟提督學政嚴起恆故衡永道即督二郡軍食吳晉  
錫以長沙推官攝柳桂道事就遣曠往諸路調兵副將黃朝  
宣自燕子窩張先璧自漵浦劉承胤自武岡先後俱至兵勢  
稍振而是時良玉抵九江已死南都亦亡閩中隆武帝立上  
居南陽時稔知騰蛟才且賢委任益至旋聞賊李自成死於  
九宮山其將劉體仁郝搖旗等有眾四五萬以無主將歸騰  
蛟驟入湘陰距長沙僅百里城中初不知其來降也懼甚朝  
宣即率兵還禦上瑞請避之騰蛟曰死於左死於賊一也何  
避為長沙知府周二南以千人往偵之賊疑來襲射殺之從  
行者盡死民益洶洶騰蛟與曠謀以部將萬大鵬等二人持  
書往撫賊見止二騎迎入演武場飲以酒二人不交一言相



與痛飲畢賊問來意二人曰督師以湘陰編小不足容大軍請即移駐長沙因出書示云公等歸朝永保富貴搖旗等喜即隨二人至騰蛟開誠撫慰宴飲盡驩以牛酒犒其從者命先壁以卒三萬出郊馳射旌旗蔽天搖旗等大喜悉招餘黨來歸驟增兵至十數萬聲威大振未幾自成後妻高氏與其弟一功從子李錦擁眾數十萬逼常德乞撫騰蛟馳檄令巡撫堵胤錫往撫之交置荊州慮錦等跋扈難制受降日過其營請見高氏執禮甚恭高悅戒錦毋負何堵二公因是卒無異志錦後賜名赤心一功賜名必正號其軍為忠貞營自成亂天下者二十年陷帝都覆廟社其眾數十萬一旦盡歸騰蛟無不詫為異事而騰蛟上疏但云元凶已除宜告謝郊廟

小腆紀傳 卷二十九

五

卒不言已功上大喜立拜東閣大學士兼兵部尚書封定興伯仍督楚師而微疑自成死未確騰蛟言自成實死身首已糜爛固辭封爵不允且命規取兩江於是部置降卒參以舊軍題授朝宣先壁為總兵官與承胤赤心郝永忠袁宗第王進才及董英馬進忠馬士秀曹志建王允成盧鼎並開鎮湖南湖北間所謂十三鎮者是也永忠即搖旗英志建故中軍餘皆良玉舊將也騰蛟銳意東下丙戌正月拜表出師赴湘陰期大會諸鎮觀望不進獨赤心自湖北至遇大兵三戰三北而還諸鎮兵遂罷騰蛟威望亦頓損諸鎮漸驕橫朝宣貪殘尤甚劫人而剝其皮永忠效之騰蛟不能制上數議出關為鄭氏所阻騰蛟屢疏請幸贛州協力取江西

令永忠以精騎五千迎扈永忠逗留不即前駕陷汀州尋贛州亦失騰蛟聞之慟哭厲兵保境如常既聞永歷帝立乃稍安尋進武英殿大學士加太子太保騰蛟之建十三鎮也以為衛長沙計及丁亥春

大兵下楚則諸鎮復起而為盜長沙不能守騰蛟單騎走更為先壁等所挾展轉衡永間尋與侍郎嚴起恆遇走白牙市五月上遣中使來密告劉承胤罪狀召詣行在六月朔詣武岡謁上上及太后皆召見慰勞再三初騰蛟薦承胤由小校至大將稱門生已漸倨肆在長沙時徵其兵怒不應馳入黎平執騰蛟子索餉數萬更命章曠招之始以眾至騰蛟為請封定蠻伯且與為媼承胤益驕既爵安國公勛上柱國賜尚

小腆紀傳 卷二十九

木

方劍翻嫌騰蛟出己上欲奪其權自請為戶部尚書專辦餉務上弗許因密召騰蛟為計然固無如承胤何也騰蛟無兵命以雲南援將趙印選胡一青兵隸之及辭朝賜銀幣遣廷臣郊餞承胤伏甲將襲之印選一青力戰殲其眾還駐白牙八月武岡破承胤降上走靖州尋走柳州常德寶慶永州相繼盡失騰蛟退入桂林南安侯郝永忠宜章伯盧鼎亦先後至騰蛟與留守瞿式耜等議分地給諸將俾各自為守與桂林守將焦璉瀆營趙印選分路防全州十一月朔王師自湖南逼全州騰蛟督諸軍分戰斬級無算獲名馬駱駝而還諸將連營並進間道亘三百里王師始退駐湖南十二月上還桂林晉騰蛟爵為侯太師上



杜國兼兵部尙書督師駐全州而永忠兵與璉軍主客不和璉走平樂永忠壁興安明年二月永忠敗績於靈川遂大掠桂林上倉卒出奔召騰蛟入援

王師乘之克巖關軍士死者萬餘人三月

王師進攻桂林騰蛟督諸將分三門出胡一青以演師出文昌門周金湯熊兆佐以楚兵出榕樹門焦璉出北門大敗

王師追奔二十里幾獲我帥

王師北渡甘棠去騰蛟乃列營榕江未幾金聲桓李成棟叛大清以江西廣東地內附

王師亦棄湖南騰蛟遂克復全州合諸將攻永州圍城百日大小三十六戰九月壬午克之未幾監軍御史余鯤起職方

小腆紀傳

卷二十九

七

主事李甲春取寶慶諸將亦取衡州馬進忠取常德所失地多復方議進兵長沙而督師堵胤錫與進忠有隙招忠貞營李赤心軍自夔州至今進忠以常德讓之進忠大怒焚常德走武岡進才亦棄寶慶走他城守將亦潰去赤心所至皆空城亦棄之東趨長沙時騰蛟駐衡州聞之大駭檄進忠由益陽至會垣期與諸將爲大會親詣忠貞營邀之入衡而部下將士畏怯不護行僅攜吏卒三十人往至則赤心已東卽尾之至湘潭湘潭空城也赤心不宿而去騰蛟乃入居之撫膺痛哭曰督師五年所就若此天邪人邪緋衣冠帶坐堂上降將徐勇引軍入勇故部將率眾羅拜勸降大叱之遂擁以出至長沙絕粒七日不死乃見殺事聞上哀悼甚至賜祭九壇

贈中湘王諡忠烈其子文瑞以蔭官僉都御史相傳騰蛟所居有神魚井井故無魚騰蛟生魚忽滿井五色粲然旣死井復空黎平人猶能言其處也我

朝賜專諡曰忠誠

宣威伯楊某鄂國公馬進忠部將也己丑正月楚中諸將棄營東走督師何騰蛟將親詣忠貞營邀李赤心入衡州部下將士慮爲赤心所襲不護行騰蛟見事急攜吏卒三十人往進忠方奉檄進發聞督師輕身往大駭遣某追護之至湘潭則騰蛟已爲降將徐勇擁去某急入城求之凡七出七入最後出至橋遇伏兵矢中其吭自擲橋下以死

小腆紀傳

卷二十九

八

余鯤起字南溟鄞人初以明經從何騰蛟幕累功薦授御史監其軍嘗與職方主事李甲春克復寶慶會兵下長沙圍進取而騰蛟受執死遂重趼還桂林仍以御史用桂林破入野寺絕粒卒

楊鴻字子漸天啟壬戌進士鶚字子玉崇禎辛未進士武陵人故督師嗣昌之從父行也鴻以救唐紹堯觸魏瑞怒削籍崇禎中累官副使領鹽運使以病免鶚由御史累擢順天巡撫永歷時粵事大壞起鴻嶺西兵備道擢大理寺少卿進禮部尙書加太子太保東閣大學士與鶚同奉命募兵烏羅土司被執皆不屈遇害於佛神山寺僧感異夢醮金葬之改寺爲雙烈祠獻賊之犯常德也鶚妻鄭氏率二妾樊氏陳氏暨三子嗣遠嗣時嗣炯督宗人守城罵賊同遇害伯兄鷺以歲



貢歷官中書舍人鴻臚寺少卿亦殉城死總督何騰蛟請旌  
疏曰故閣部楊嗣昌家禍最慘而忠愈烈是也顧終以嗣昌  
故不見重於清議焉

堵胤錫字仲緘無錫人崇禎丁丑進士除南京戶部主事遷  
郎中授長沙知府山賊擾境督鄉勇破滅之又殺醴陵賊渠  
遂以知兵名宏光時授湖廣參政分守武昌黃州漢陽左良  
玉犯闕總督何騰蛟奔長沙令胤錫攝湖北巡撫事駐常德  
隆武帝立拜右副都御史實授巡撫李自成死眾推其兄子  
錦為主奉自成妻高氏及高弟一功驟至澧州言乞降號眾  
三十萬遠近大震胤錫撫之騰蛟亦馳檄至乃躬入其營  
開誠慰諭稱詔賜高氏命服錦一功蟒王金銀器厚犒其軍

小腆紀傳 卷二十九

九

皆踴躍拜謝就軍中宴之導以忠孝大義明日高氏出拜謂  
錦曰堵公天人也汝不可負別部田見秀劉汝魁等亦來降  
上大喜告廟加兵部右侍郎兼右副都御史總制其軍手書  
獎勞賜錦名赤心授御營前部左軍一功名必正為右軍並  
掛龍虎將軍印封列侯他部帥封賞有差號其營曰忠貞封  
高氏貞義夫人賜珠冠絲幣命有司建坊題曰淑贊中興嘉  
獎甚至胤錫遂與赤心等深相結倚以自強己而袁宗第劉  
體仁諸營先歸騰蛟者亦引與赤心合眾益盛胤錫以芻糧  
難繼令散處江北就食明年丙戌正月騰蛟大舉期與諸將  
大會岳州獨赤心先至餘逗留卒不進永歷帝立晉兵部尚  
書總制如故丁亥春赤心等奉命攻荊州

大兵來援赤心等大敗步入蜀數日不得食乃散入施州  
衛聲言就食湖南時上在武岡劉承胤懼為所并計非胤錫  
不能禦乃加東閣大學士賜劍便宜從事承胤謀殺騰蛟胤  
錫疏劾其罪八月武岡破寶慶常德辰沅俱失胤錫走承胤  
司尋赴貴陽抵遵義乞師於皮熊王祥又入施州詣忠貞營  
軍會楚宗人朱容藩偽稱監國天下兵馬副元帥居夔州戊  
子正月胤錫率馬進忠由施州乘舟入蜀詰責容藩檄散其  
黨蜀人始知容藩之偽是時金聲桓李成棟據地歸明於是  
進忠及王進才李赤心高必正等乘間取常德桃源澧州臨  
武藍山道州靖州荆門宜城諸州縣進忠赤心必正等皆封  
公未幾胤錫與進忠有隙進忠駐常德而胤錫以是冬十月

小腆紀傳 卷二十九

十

招赤心自夔州至令進忠以常德讓之未至百餘里與進忠  
椎牛歃血盟誓共獎王室進忠固知其謀終盟無一語入城  
即命起營驅百姓出城縱火不遺一椽走武岡王進才聞之  
亦棄寶慶走列城聞風驚潰赤心至見空城亦棄之引兵而  
東所至守將皆燒營走湖南新復州縣為之一空胤錫乃率  
赤心等入湘潭期與騰蛟會明年正月騰蛟至而赤心已棄  
湘潭去騰蛟被執諸軍遂散赤心等潰於茶陵由道州走廣  
西緣路剽掠胤錫與胡一青守衡州  
王師攻之陣於草橋自辰至酉斬殺相當  
王師以輕兵截出陣後眾遂潰旋報永興陷從子正明死之  
全家遇害乃以數千騎退入龍虎關依守將曹志建宗室朱



謀烈構之曰堵公將召忠貞營圖公也志建大恨卽夜發兵  
圖之殺其從者千餘人肩錫及子逃入富川徭峒志建索之  
急徭懼潛出肩錫於監軍道何圖復家圖復送之間關達梧  
州時上在肇慶遣大臣嚴起恆及劉湘咨來安輯忠貞將士  
至則赤心已走賓橫二州乃載肩錫以謁上六月朝行在進  
文淵閣大學士給事中金堡劾其喪師失地且而責其結李  
赤心爲援張筵宴孫可望使者事曰滇與忠貞皆國讎也厥  
罪滔天公奈何獨與之昵肩錫失色徐曰我執掌邊事如君  
言竟無功堡曰勞則有之功於何有肩錫由是大惡李元肩  
黨欲激赤心東來以去之而朝士之讎五虎者又交構其間  
肩錫乃移書瞿式耜言奉上密敕式耜復之曰我輩不力視  
小腆紀傳 卷二十九 十一

良正然不爲今日言可望因逆獻養子凡逆獻滔天之惡與  
有力焉今姑取其歸正冀收其將來之用安可泥頒爵之常  
法哉且可望已自稱平東王一旦封以公爵彼必不樂受因  
而爲逆謂天子威靈何謂天下事勢何若謂收其用而反損  
國體非良策也臣竊有一說於此謹按開國功臣徐達常遇  
春等侑食太廟稱六王皆進封也乞量封可望爲二字王卽  
於敕書中明載舊制示破格沛恩而勉以中山開平之功如  
此可望必能感激用命揆之祖制亦無背謬國家今日於可  
望善收之則復有滇黔不善收之則增一敵國利害無兩立  
得失不再圖不可不熟慮也制曰可肩錫曾賜空敕便宜行  
事乃鑄印封可望平遼王而可望仍不受肩錫既與廷臣水  
火每有奏請輒掣肘發憤成疾遺疏曰臣不自量擬再合餘  
燼少收桑榆不料請兵則一營不發若曰堵閣臣而有兵則  
豐其羽翼也索餉則一毫不與若曰堵閣臣而有餉則資其  
號召也致臣如窮山獨夫坐視疆場孔亟而無如何一病不  
起遂快羣腹臣但恨以萬死不死之身不能爲皇上畢命疆  
場而死於枕席是爲恨也臣死之後乞皇上簡任老成用圖  
恢復如以李元肩劉湘客袁彭年金堡丁時魁蒙正發作皇  
上心腹股肱成敗可虞臣死不勝遺憾矣冬十一月卒贈中  
極殿大學士太傅兼太子太師尋國公諡文襄妾葉氏有遺  
孕屬部將常某竟負託可望之至粵迎駕也執而數之曰堵  
制臺何人傭奴敢爲此邪鞭之百遺孕得不死云



小腆紀傳卷第二十九終

小腆紀傳

卷二十九

三

男承禮編輯  
仁和魏錫曾參校  
會稽梁繼元覆校

小腆紀傳卷第三十

前翰林院檢討加詹事府贊善銜六合徐煎撰

列傳第二十三

王應熊

呂大器子潛

文安之

王應熊字非熊巴縣人萬曆癸丑進士天啟中歷官詹事以憂歸崇禎三年召拜禮部右侍郎疏論中官事而語皆迎合帝旨以是蒙眷注給事中馮元煥發其貪汙狀帝不省應熊博學多才熟諳典故性豁刻強很人多畏之周延儒溫體仁援以自助及延儒罷而體仁援益力六年冬廷推閣臣應熊不與特旨擢禮部尚書兼東閣大學士命下朝野胥駭八年正月流寇陷鳳陽毀皇陵巡撫楊一鵬應熊座主也巡按吳振纓體仁姻也二人恐帝震怒留一鵬振纓疏未上俟恢復報同上之擬旨令撫按戴罪范淑泰劾其改一鵬疏月日欺誑狀應熊亦屢疏辨最後給事中何楷奏言故事奏章非奉旨即報不許抄傳臣疏於十四日奉旨應熊乃於十三日奏辨旨未下應熊何由知且旨未由科鈔先送錦衣堂上是疏可不由科鈔矣應熊始具疏引罪因言以閣臣鈔閣疏與外廷少異身受指摘與探他人事少異帝卒惡其漏洩下應熊家人及直日中書七人於獄獄具家人成邊中書貶二秩應熊乃乞休去延儒再召力引之應熊未至而延儒已罷歸比應熊至請召對不許請歸田許之乃慙沮歸南都立以張獻



忠殘破四川改應熊兵部尙書兼文淵閣大學士總督川湖雲貴軍務應熊疏言蜀境西北接鄖東抵夷陵西南由建昌通雲南東南遵義通貴州今寇踞成都蜀人殆無孑遺議者謂李賊在陝獻忠必不北向然李賊自七月入蜀虛喝保甯順慶之吏民而制之一旦爲獻賊所驅則獻忠之無顧畏可知矣川陝總督宜提兵復保甯峯賊北顧臣得合黔滇之力以搗其空虛廣西鄖陽許臣節制則緩急可以呼應臣名總督四省而兵止於黔餉止於滇不幾輕視巨寇乎乃命楚鄖貴廣悉聽節制應熊又劾巡撫馬體乾縱兵淫掠下所司逮訊命未達而南都亡應熊在蜀不能有所爲曾英請屯田重慶亦不許久之參將楊展等復川南州縣應熊始會總督樊

小腆紀傳

卷三十

二

一循檄諸路並進駐遵義丙戌冬獻賊死其黨孫可望以餘眾陷佛圖關犯重慶英與體乾皆力戰死而應熊棄遵義遁入畢節衛未幾卒一子陽禧死於兵竟無後呂大器字儼若四川遂甯人崇禎戊辰進士授行人擢吏部主事乞假歸以邑城庫惡倡率修築工甫完而賊至佐有司拒守城獲全增秩一等出爲關南道參議遷固原副使討長武賊以穴地火攻法滅之十四年擢右僉都御史巡撫甘肅劾罷總兵柴時華數破敵西陲略定十五年六月擢兵部添註右侍郎大器負才性剛躁善遊事見天下多故懼當軍旅任以五不堪四不可自揭吏科言己好酒色近財必不可用給事中某劾之詔趣令入京詭稱疾不至嚴旨切責亦不至

命所司察奏明年三月始至命以本官兼右僉都御史總督保定山東河北軍務螺山之敗大器所部無失增俸一等未幾以保定息警罷總督官特設江西湖廣應天安慶總督駐九江大器任之左良玉以侯恂故疑大器圖己劄九江稱疾不進大器詣榻前慰勞疑稍釋已而所部兵與良玉兵私鬪焚南昌關廂廷議改大器南京兵部右侍郎兼禮部事以袁繼成代之南中之議立君也大器主錢謙益雷縝祚言立潯王常泐議未定而馬士英及諸將擁福王至王既立遷大器吏部左侍郎李沾以惡張慎言故遷怒大器上勳臣憤激有因疏云當馬士英手札迎立皇上黎明集議大器縮體兵二部印紆回不前劉孔昭怒形於色臣等面折大器因得俯首

小腆紀傳

卷三十

三

就列清晨迎駕大器又欲停留文臣啟事屢登武臣封爵未定所以有殿上之爭也上曰劾忠定策諸臣朕已鑒知餘不必深求大器遂乞罷不許既士英與孔昭比欲盡起逆案諸人先薦阮大鍼大器知必不爲時所容乃倡言以攻士英疏曰近年溫周擅權老成凋謝奸庸僨事中原陸沈皇上中興一時雲蒸蔚起不意馬士英濁亂紀綱顛倒邪正士英非以賄敗造成借名知兵而爲鳳督者哉重兵入朝靦顏政府南國從來謁萬一經峻撥而殿陛暗啞叱咤者藐至尊爲贅旒矣逆案一書先帝手定而士英悍然不顧目無先帝何論陛下且士英有何勞績倏而尙書宮保倏而金吾世蔭其子以銅臭列銜都督女弟之夫未履行陣冒授總戎若越其



仰楊文驄等皆先朝罪人盡登應仕名器僭越莫此為甚總之吳姓鄭三俊臣不謂無一事之失而端方亮直終為海內正人之歸士英大鉞臣不謂無一技之長而奸回邪慝終為宗社無窮之禍疏入上榻以和衷體國會劉澤清又劾其心懷異圖遂致仕去大器慮有後禍以手書監國告廟文送內閣明無他意士英憾未釋嗾李沾復劾之遂削籍命法司逮治而蜀地盡失無可蹤跡焉丙戌八月隆武帝殂於汀州兩廣總督丁魁楚巡撫瞿式耜議奉桂王監國大器與推戴進東閣大學士兼兵部尚書王奔梧州大器棄官入蜀戊子督師王應熊卒於畢節衛進大器少傅代之賜劍便宜行事時朱容藩謀據蜀自稱監國蕩寇將軍李占春為其所惑按部

小腆紀傳

卷三十

四

至涪州占春來謁大器察其可用深相結勸其誅容藩自贖占春感悟容藩因敗死大器欲遍觀諸將能否入遊義王祥具橐鞬迎甚恭大器知其無能為太息謂李乾德曰楊展志大而疏袁武忍而好殺祥庸懦不足仗蜀事尚可為乎一日於石柱司夜遁走黔之獨山州鬱鬱疽發背明年卒於都勻諡文肅子潛字孔昭癸未進士隱居湖州不仕文安之字汝止夷陵人天啟壬戌進士授庶吉士進檢討改南京國子司業轉祭酒為薛國觀所構削籍歸宏光時起詹事隆武時拜禮部尚書皆以兵戈轉側辭不赴永歷帝立以瞿式耜薦與王錫衮並拜東閣大學士亦不赴庚寅六月上在梧州嚴起恆為首輔王化澄朱天麟次之安之至起恆讓

之居首輔而已處其下孫可望再乞秦封安之持不予後桂林破上奔南甯

大兵日逼雲南又不可往念川中諸鎮兵頗強欲結之共獎王室自請督師加諸鎮封爵上從之加太子太保兼吏兵二部尚書總督川湖諸路軍務賜尚方劍便宜從事進諸將王光興郝永忠劉體仁袁宗第李來亨黨守素王友進塔天寶馬雲翔郝珍李復榮及譚宏譚諱文等十六營爵皆公侯即命安之齎敕印行可望聞而惡之又銜其阻封議遣兵伺於都勻止之奪諸將敕印留數月安之乘間走貴州將謁上於安龍可望坐以罪戍之畢節衛先是可望設六部翰林等官以任僕范鑛馬兆義萬年策為吏戶禮兵尚書並加行營

小腆紀傳

卷三十

五

之號而僕最寵後與方于宣屢詞勸進可望令待上入黔議之上久駐安龍可望遂自設內閣九卿等官以安之為東閣大學士安之不為用走依劉體仁等以居時李赤心高必正竄廣西賓橫南甯間赤心死養子來亨代領其眾推必正為主已而必正亦死食且盡畏大兵來逼率眾走川東分據川湖間耕田自給川中舊將王光興譚宏等附之眾猶數十萬及己亥正月上奔永昌安之率體仁宗第來亨十六營由水道襲重慶以救滇會譚宏譚諱劫殺譚文諸將不服安之欲討之宏諱遂以所部降於我大清於是諸鎮盡散去時上已入緬甸地盡亡安之鬱鬱尋卒



小腆紀傳卷第三十一

前翰林院檢討加詹事府贊善銜六合徐鼎漢

列傳第二十四

吳炳 侯偉時等

嚴起恆 楊鼎和等

朱天麟

楊畏知 王錫袞

吳貞毓

張鑄等任斗墟

郭之奇 楊祥

吳炳宜興人萬曆丙辰進士授蒲圻知縣歷官江西提學副使江西失流寓廣東永歷帝擢為禮部右侍郎從至桂林令以本官兼東閣大學士入直仍掌部事又從至武岡警報至上倉卒奔靖州命炳扈太子出走城步吏部考功司主事侯偉時從焉既至城已失同被

小腆紀傳

卷三十一

一

大兵所獲說之降不屈械送衡州炳自盡於湘山寺偉時補官纔數月亦死之我

朝賜通諡曰忠節

侯偉時公安人崇禎中進士官吏部主事京師陷汚賊命敗南還永歷丁亥授考功司八月

王師入奉天府與吳炳同被執不屈死趙廷璧內鄉人官長

沙僉事率妻古氏子焯子婦馬氏俱自盡劉佐嶧峨人官湖

廣布政司參議邱懋樸新添人官荊州僉事俱遇兵死我

朝賜偉時通諡烈愍廷璧佐懋樸俱節愍

嚴起恆字震生浙江山陰人崇禎辛未進士除刑部主事歷員外郎出為廣州知府遷衡永兵備副使廣州民感其惠閉

男承禮 編輯  
仁和魏錫曾參校  
會稽梁繼元覆校

小腆紀傳卷第三十終

六



城不使去上官慰諭乃得行獻賊躡湖南吏民悉竄起恆獨  
堅守永州諭門吏鼓吹如常承人恃以安賊亦不至乙酉左  
良玉犯闕總督何騰蛟赴水不死奔長沙大集僚屬起恆與  
盟主轉粟以贍兵食隆武時擢戶部右侍郎總督湖南錢法  
永愆帝立命兼督軍餉丁亥上駐武岡拜禮部尚書兼東閣  
大學士仍領錢法上走靖州不及從已知駐柳州即問道馳  
往尋還蹕桂林復走柳州走南甯俱間關相從時君臣資斧  
斷絕起恆懸示通衢廣為開選二十四土州檳榔鹽布諸貢  
及土戶樂籍皆得註仕籍又有考貢之令郵師巫童能握管  
書字者投呈就試章服錯亂漫無等威論者頗以咎起恆然  
實不獲已也既李成棟反正上還肇慶起恆與王化澄朱天

小腆紀傳 卷三十一

麟同入直成棟子元胤入為錦衣衛指揮使專決朝政都御  
史袁彭年少詹事劉湘客給事中丁時魁金堡蒙正發五人  
附之攬權樹黨人目為五虎起恆處其間不能有所匡救未  
幾化澄天麟皆罷去舊輔何吾騶黃士俊入代之吾騶旋亦  
罷士俊居首輔起恆次之在位廉潔持平與馬吉翔龐天壽  
患難共事久無所忤而五虎憾之詆為邪黨庚寅上在梧州  
尚書吳貞毓等十四人合奏五虎之罪下湘客等獄將置之  
死起恆且力救之至長跪上舟側貞毓等並惡之乃請召化  
澄還給事中雷德復劾其二十餘罪比之嚴嵩上不悅奪德  
復官起恆力求罷斥上挽留至再不得放舟竟去會郎國公  
高必正興平侯黨守素入朝貞毓欲藉以傾起恆郊迎四十

里牛酒犒師必正大悅貞毓因言朝事壞於五虎主之者嚴  
公也公入見請除君側奸數言決矣庶吉士錢秉鐙起恆門  
生也在座笑曰五虎攻嚴公嚴公翻力救五虎此長者奈何  
以為奸必正悟比入對水殿力言起恆虛公可任請手救邀  
與俱還上從之尋文安之入起恆讓為首輔時國事大壞道  
遙水殿無策可施民間為之謠曰漢宮秋昭陽愁蓋起恆字  
秋治化澄字昭陽也桂林破從上奔南甯初孫可望請封起  
恆沮之再使求真封又沮之可望大怒聞上在南甯遣其將  
賀九儀張勝張明志等率勁卒五千迎扈直上起恆舟怒目  
攘臂問王封是秦非秦起恆曰君遠迎主上功甚偉朝廷當  
有隆恩若專問此事是挾封非迎主上也九儀怒拳毆之起

小腆紀傳 卷三十一

恆急赴水死給事中劉堯珍吳霖張載述並被殺兵部尚書  
楊鼎和殺於崑崙關時辛卯二月也鼎和堯珍以阻議故而  
霖與載述以曾劾主秦封者也初起恆在舟中望山色愛之  
歎曰滿目猗猗願骸骨葬此既死屍流三十里泊沙渚間突  
有虎負之登崖守視不去賊眾驚悸下拜禮而葬諸叢山之  
麓南甯彭生為立石題曰山陰嚴先生之墓至今人稱虎墳  
云鼎和初名鼎甲江安人以進士官歸化知縣歷官雲貴部  
院進兵部尚書堯珍鎮雄人官兵科都給事中霖歙人官兵  
科給事中我  
朝賜起恆鼎和通諡忠節堯珍霖烈愍  
張載述涇縣人官瀘溪知縣乙酉



土師下江西逐載述而以李光者署縣事貢生魏一柱縛光送鄭彩所磔之與載述畫策守瀘敗

王師於密潭丁亥王得仁至載述走粵謁永曆帝於肇慶值袁彭年用事載述久不得官心不平太監夏國祥鄉人也探知上厭彭年屬載述伏闕疏其罪尋擢給事中孫可望之請王封也載述亦力持不可辛卯二月與嚴起恆等同被害於南甯我

朝賜通諡曰烈愍

朱天麟字游初崑山人崇禎戊辰進士授饒州推官屢攝屬邑咸有聲考選授部曹帝御經筵講官並爲稱屈比臨軒親試改翰林院編修甲申正月奉命祭淮王抵山東而京師陷

小腆紀傳

卷三十一

四

南都破與邑人共城守崑山再破走福州謁隆武帝擢少詹事署國子監事見鄭芝龍跋扈乞假至廣東聞汀州變又走廣西入安平土司丁亥永曆帝幸武岡以禮部右侍郎召辭不赴具疏請上自將爲先鋒倡率諸鎮毋坐失事機明年春上在南甯擢禮部尙書旋拜東閣大學士又自請親率土兵略江右不聽乃趨朝入直會李成棟反正從上至潯州潯帥陳邦傳已邀封慶國公復請世居廣西如黔國公故事天麟執不許邦傳怒以所賜印劍擲天麟舟中不爲動上駐肇慶天麟謂機勢可乘復勸頒親征詔規取中原上優詔答之而不能行也當是時朝臣樹黨分局天麟暨嚴起恆王化澄晏清吳貞毓張孝起爲廣西扈從舊臣與從成棟反正之曹燧

耿獻忠等勢不相能尋以天麟擬旨譏金堡堡黨丁時魁鼓言官十六人譴登殿陛擲印棄官出語具堡傳天麟即日辭

位慰留再三不可陛辭叩頭泣上亦泣曰卿去子益孤矣時魁等論之不已并其弟大行人天鳳子御史日生中書舍人月生皆坐斥天麟去移居慶遠化澄向無物望亦爲眾逐何吾駟黃士俊入輔頃之吾駟又爲五虎所排獨士俊起恆在上復召之天麟力辭不赴上言今國勢累卵路人皆知而建言者絕不問瑣屑一人一事則掉頭以爭曰我古遺直也今而後請勿以四方無利害者執爲極重大事獨願主上爲社稷憂則憂之爾庚寅上幸梧州五虎敗上遣使再召天麟復拜疏極言年來百爾構爭盡壞實事昔宋高宗航海猶有退

小腆紀傳

卷三十一

五

步今則何地可退陛下當奮然自將使文武諸臣盡擐甲胄臣亦抽啊丁擇土豪募水手經略嶺北湖南爲六軍倡若徒責票擬以爲主持政本試問今之政本安在乎時大兵日逼上不能從惟趨令入直而已未幾廣州桂林皆失上奔南甯孫可望疏請移蹕雲南先是起恆沮封議獨天麟謂宜許及迎扈疏至亟召廷臣集議閣臣吳貞毓御史王光廷徐極等勸幸欽州依李元胤天麟力請幸滇言元胤屢敗之餘厭不滿干樓依海濱其不足恃明矣雲南山川險阻雄師百萬北通川陝南控荆楚亟宜移蹕以堅可望推戴之心慰中外臣民之望貞毓等力持不可遂廢其議天麟既不得請遂奉命經略左右兩江土司以爲勤王之助兵未集有等



告警上倉皇出走復扶病從之抵廣南上已先駐安龍病劇不得入覲壬辰秋八月卒於西坂村謚文靖蔭一子中書少人

楊畏知字介夫陳倉人崇禎丙子舉陝西鄉試第一以部郎官餉真定遷川北巡道改雲南副使分巡金滄乙酉秋土司吾必奎反畏知督兵復楚雄駐其地必奎誅而沙定洲繼亂沐天波走楚雄定洲追之畏知謂天波曰公所在賊必專力固之城其危矣公不如西走永昌使楚雄得為備賊西追則恐吾斷其後攻楚雄則恐公自西來首尾牽制斯上策也天波從之畏知給賊曰若所急者黔國耳今已西走待若定永昌還朝命當已下予出城以禮見可耳今順逆未分不能為

小腆紀傳

卷三十一

六

不義屈也定洲與盟而去分兵寇大理蒙化畏知乘間清野繕堞徵鄰境援兵姚安景東俱響應定洲聞不敢至永昌還攻楚雄畏知日坐雉堞間多方繕守定洲力攻不下輒發巨礮擊之烟燄衝城上羣蠻周麾而呼曰楊公死矣頃之烟散畏知則端坐如故也驚歎為神畏知視賊懈出奇兵奮擊殺傷甚眾賊遂巡稍卻引兵寇迤東去已復還分兵七十二營每七營設一大屯環城繫濠示久困計畏知守益堅隆武帝嘉之授右僉都御史巡撫雲南明年丁亥孫可望等入黔詐稱黔國焦夫人弟來報讎兼程馳至解楚雄圍定洲戰敗遁歸阿迷可望遂進據會城法令苛切百姓失業愈於沙賊之亂願以畏知同鄉故甚重之遣李定國徇迤東已與劉文秀

西略畏知領兵出祿豐拒戰敗至啓明橋投水不死歸而罵可望下馬慰之曰聞公名久吾為討賊來公能共事相與匡扶明室非有他也畏知瞪目視之曰給我爾曰不信當折矢以誓曰果爾當從我三事一不得仍用偽西年號二不得殺人三不得焚廬舍淫婦女皆許諾乃偕至楚雄定大理諸郡使文秀至永昌迎天波歸迤西八郡免屠戮者畏知力也時永曆帝已立而詔書未至滇可望乃自稱國主然雖自尊劉李固儕輩也不肯為之下既聞肇慶有君李錦李成棟等並加封爵念得朝命加王封庶可相制己丑春遣畏知及故兵部郎中龔彝赴肇慶進表請王封金堡等持之畏知疏曰國事危矣不以此時虛名為招徠而竟自樹強敵乎且可望固

小腆紀傳

卷三十一

七

盜之渠也勳者屠毒海內廟社凌夷今一旦投誠向義豈朝廷威德所能制蓋列聖神靈陰以啓之也倘因其來而明示以異等之恩彼必踴躍聽命庶幾收用於萬一奈何信及一二腐儒使坐失大計夫法有因革勢有變通今土宇非昔百務俱廢而獨於區區封議必欲執舊法以繩之邪既而宗人朱議滉以把持誤國劾堡則又駁之曰斯論亦否也給事爭之朝旨予之使歸恩主上而憚朝內之有人懷德畏威不更兩得乎朝議久不決畏知乃曰可望欲權出劉李上今晉之上公而卑劉李為侯可也乃議封景國公賜名朝宗文秀定國皆列侯命大理卿趙昱為使加畏知兵部尚書彝兵部侍郎同行時堵胤錫曾賜空救得便宜行事昱就與謀矯命改



封可望平遼王易敕書以往武康伯胡執恭者慶國公陳邦  
傅中軍也守泗城州與雲南接壤畏知假道入朝執恭知其  
故欲自結強援與邦傳言請先矯命封爲秦王邦傳乃范金  
爲印文曰秦王之寶填所給空敕令執恭齋往可望大喜郊  
迎亡何畏知等至可望駭不受曰我已得秦封畏知曰此偽  
也執恭曰彼亦僞也所封實景國公敕印故在可望怒辭敕  
使畏知執恭並下獄遣使至梧州問故廷臣始知矯詔事馬  
吉翔請封爲潯江王使者云非秦不敢復命大學士嚴起恆  
力持不可兵部侍郎楊鼎和助之且請卻所獻南金玉帶良  
馬諸物可望怒益甚明年九月親率兵至貴州十一月  
大兵連陷廣州桂林上走南甯事急遣編修劉蒞封可望冀

小腆紀傳

卷三十一

八

王仍不受畏知曰秦冀等耳假何如真不聽定國等勸可望  
遣畏知終其事明年二月先令部將賀九儀等赴南甯索沮  
秦封者起恆鼎和及給事中劉堯珍吳霖張載述俱被殺無  
已乃真封可望秦王畏知入朝見九儀凶悖痛哭自劾極言  
可望擅殺大臣罪遂留爲東閣大學士與吳貞毓同輔政可  
望聞之怒使人召之上欲執其使畏知曰臣聞猛獸當人則  
止若得臣而止其逆臣焉避之上揮涕而別手賜金章鑄忠  
貞直諫四字畏知泣謝曰苟利社稷死生以之願陛下廓清  
天地正位二京臣卽瞑目矣至貴陽繫獄士民數萬哭請乃  
出之黑神廟調疾先是原任河南道御史任僕詔附可望既  
議爲國主以干支紀年鑄興朝通寶錢可望生男乞恩如生

皇太子例翼彝亦希可望旨啓陳十事欲租外增賦賦內編  
馬畏知憤甚輒抵掌謾罵二人亟搆之可望呼而詰之曰遣  
汝作何事反作宰相邪畏知曰爲大明宰相而死不愈於從  
亂賊而生乎可望令杖之畏知除頭上冠撞之曰誰敢辱大  
臣有死而已乃被害楚雄人以其有守城功立祠以祀焉事  
聞贈少保諡文烈我

朝賜通諡曰忠節

王錫袞字龍藻祿豐人天啓壬戌進士改庶吉士歷南京國  
子監司業諭德庶子少詹事崇禎十三年擢禮部右侍郎掌  
部事帝禁內臣干預外政敕禮官稽先朝典制錫袞備列諸  
監局職掌而不及東廠抗疏請罷之帝又納真人張應京言

小腆紀傳

卷三十一

九

加尊天地水三官爲大帝諭中外一體尊奉慶賀錫袞言三  
官號不經且邇來奸民竄入白蓮無爲諸教所在充塞若許  
慶賀害不可勝言請斥應京清輦穀皆不納尋調吏部以尙  
書李日宣下獄掌部事帝嘗以秋夜感念聖母孝純太后欲  
終身蔬食錫袞疏諫帝嘉其寓愛於規進秩一等十六年以  
憂歸闕中拜禮部尙書兼東閣大學士丁亥永歷帝申前命  
道阻不克赴沙定洲作亂執錫袞至會城詭草錫袞疏請以  
定洲代黔國公鎮雲南疏既行而以稿示錫袞大恨懇上帝  
祈死數日卒或曰錫袞起兵討定洲兵敗被殺我

朝賜通諡曰烈愍

吳貞毓字元聲宜興人崇禎癸未進士隆武時授吏部文選



主事永歷帝立預推戴進郎中上駐全州加太常少卿仍掌選事已擢吏部右侍郎從至肇慶拜戶部尙書尋廣東廣西會城先後失上徙潯州再徙南甯皆從孫可望乞封王爵大學士嚴起恆給事中金堡持不可南甯與廣南錯趾可望書有不允封號即提兵出戰語陳邦傳大懼遣武康伯胡執恭矯詔先封爲秦王可望知其偽復遣使求真封貞毓與起恆共阻之可望怒竟殺起恆於途貞毓以奉使獲免及還進東閣大學士代起恆輔政可望自滇至黔疏請移蹕其將曹廷生者甚貞毓言不可移旣

王師日逼上召諸臣集議或請走海濱就李元胤或請入安南避難或請航海依朱成功惟文安侯馬吉翔司禮太監龐

小腆紀傳 卷三十一

天壽素結可望堅主赴黔議貞毓因前阻封又入廷生言不敢決元胤疏請出海上固不欲就可望又以海濱爲遠再下廷議頃之趙印選胡一青殿後軍戰敗奔還請上急由水道走上司抵瀘湍追兵相距百里上下失色適可望遣兵來迎遂於明年壬辰正月移蹕安隆宮室卑陋服御麤惡守護將吏亦罕盡人臣禮上已不堪其憂隱忍之時吉翔掌戎政天壽督勇衛營諸事可望惡貞毓不附己令其黨交章彈劾且曰秦王宰天下我具啓以內外事盡付戎政勇衛二司大權歸我君等爲羽翼貞毓何能爲也旣可望果以朝事悉委吉翔天壽於是給事中徐極員外郎林青陽蔡續主事張鐫胡士瑞連章發其奸上大怒二人求救於太后以免旣可望逆

節益著上密謂中官張福祿全爲國與極青陽續鐫士瑞合謀召西甯王李定國入衛皆許諾引以白貞毓貞毓曰主上卽危正我輩報國之秋諸君中誰充此使者青陽請行乃計遣之定國接救感泣許以迎王明年夏將擇使往促貞毓復舉翰林孔目周官而出吉翔往梧州南甯謁祭陵寢青陽還至南甯密令親信劉吉復命於上上喜改青陽給事中諭貞毓再撰救鐫屏翰親臣金印賜定國卽遣劉吉還付青陽行次高州與周官遇遂偕往定國拜受命初吉翔在道微知有密敕事遣人赴定國營偵之適主事劉議新者遇吉翔於途意其必預謀也告之吉翔則大駭以報可望可望令其將鄭國執吉翔與諸臣面質國乃至朝房械貞毓及刑科給事中

小腆紀傳 卷三十一

甯國張鐫中軍都督府左都督欽縣鄭允元大理寺丞湖廣林鍾太僕寺少卿袁州趙賡禹翰林院檢討晉江蔣乾昌善化李元開吏科給事中贛州徐極江西道御史錢塘周允吉廣西道御史南昌宗室議滉福建道御史進賢胡士瑞兵部郎中四川朱東旦工部郎中九江蔡續內閣中書廬陵易士佳吏部員外郎直隸救房事鄞縣任斗墟等十四人繫私室福祿爲國愬於太后求救天壽入宮禽之以出貞毓曰凡事皆宰相主持吾約晉軍討孫可望與諸臣何與而吉翔等必欲彰此獄乃語國嚴刑拷掠眾不勝楚號呼二祖列宗且極口罵會日暮風雷忽震烈續厲聲曰今日吾等直承此獄少見臣子報國苦衷由是眾皆自承國又問皇上知否續大聲



曰未經奏明乃復收繫以欺君誤國盜寶矯詔為罪報可望劫上親裁下廷議吏部侍郎張佐辰及蔣御曦冷孟鉅蒲縵等謂國曰此輩盡當處死留一人將為後患擬旨以鐫福祿為國三人為首凌遲餘為從斬上以貞毓大臣言於可望改絞遂駢死北關之馬場尋林青陽逮至亦被殺獨周官走免時甲午三月也居二載定國竟奉前救護上入雲南追贈貞毓少師兼太子太師吏部尚書中極殿大學士諡文忠蔭子錦衣衛僉事鄭允元武安侯諡武簡張鐫徐極兵部右侍郎林鍾蔡續趙廣禹大理寺卿蔣乾昌李元開陳馨瑞侍讀學士周允吉朱謙泥胡士瑞李頎副都御史易士佳任斗墟太常少卿朱東且劉謙新太僕少卿各蔭一子入監讀書張福

小腆紀傳 卷三十一

十一

祿全為國弟姪一人錦衣衛指揮僉事遣官諭祭即馬場建廟立碑大書曰十八先生成仁處互詳紀年我朝賜貞毓通諡忠節允元鐫極鍾續廣禹乾昌元開允吉謙泥士瑞士佳斗墟東且青陽均烈愍任斗墟鄞人以明經入瞿式耜幕薦為中書舍人桂林失守從上入安隆歷吏部員外郎直誥救與於密救十八人之獄對簿時大聲曰死耳大丈夫豈求免於賊臣者從容賦絕命詞以就刑其十六人行事不可詳郭之奇字仲常揭陽人崇禎戊辰進士選庶吉士以忤溫體仁左遷禮部主事久之遷福建提學副使時鄭芝龍已貴顯子森即延平王成功也方為諸生歲試欲餼於庠兩院三司

為緩頰之奇不可甯化李世熊在幕語之奇曰以芝龍氣力欲他途進身何所不得今沾沾以康生為榮意良佳且朝廷不惜以一品官糜其父其子以能文食餼何傷之奇曰不然命官是朝廷事衡文是學道事子意在調停耳夫埋沒正性與世周旋一事不可為也竟以二等置森福州知府莫逮徵康銀入官之奇糾之巡撫張肯堂以同鄉力庇不獲遂大忤尋以病去官南都擢詹事隆武帝立之奇以芝龍肯堂有夙嫌家居不詣朝永歷三年起故官兼禮部右侍郎上親試劉蒞等八人之奇與同官黃奇遇俱教習庶吉士之奇謂黃由推知考選安知庶吉士典故奇遇亦以他事相訐輔臣黃士俊解之乃已明年上幸梧州進之奇東閣大學士孫可望之

小腆紀傳 卷三十一

十一

殺殿起恆也之奇知事不可為行避交阯上入緬甸光澤王汝鐵總兵楊祥亦亡入其地交人懼禍及并執送廣西兩司官多之奇門下士委曲諭降不從壬寅八月十九日被之諡曰忠節  
四川人官總兵不識字而以忠義自許永歷帝入緬甸允澤王儼鐵亡入交阯交阯人執之送廣西與郭之奇日遇害望西叩頭謝恩危坐就刑神色不變觀者無不流涕焉



小腆紀傳卷第三十二

前翰林院檢討加詹事府贊善銜六合徐鼎謨

列傳第二十五

劉遠生 陳純來 張時規 毛鳳池 錢邦芑 程源 吳德操 吳德操 金堡 吳 弄

劉湘容 吳德操 金堡

高勛 金 簡 李如月

任國璽

劉遠生西安人初名廣胤宏光時官江西巡撫乙酉秋益王由本起兵湖東遠生募兵三千人命中軍張琮領之由甯都前往甯行而

王師薄贛州遠生亟出城躬往粵都邀琮還救贛人疑其遁

也焚其舟拘其妻子俄而遠生率琮兵至贛人乃悔罪琮渡

抵梅林中伏大敗還至河爭舟多墜水死遠生憤甚五月

以河復陣身先士卒被執復逃歸丁亥二月永曆帝擢為

侍郎劉承胤以同姓故親之故多調護力上幸甯甯遠

陶臣懼式相俱留桂林金聲桓之反正也式相請慎選

在諭聖德遠生久於節鉞名聞江右可遣也弗聽尋李

亦反正迎駕甯甯式相慮成棟挾上自尊促遠生入朝

之而事不獲已遠生奉命勞成棟軍成棟議改兩廣軍門

為行宮遠生謂之日天子者天下主也爵賞征伐自天子出

脫上駕此則有隱令寄政之嫌且江廣同時反正六師當不

日下金陵上不返桂林謂可從甯甯出江右耳若幸廣州則

小腆紀傳卷第三十一終

小腆紀傳卷第三十一

十四

男承禮 編輯

仁和魏錫曾參校  
會稽梁繼元覆校



示天下以苟安矣成棟然之乃還蹕肇慶庚寅冬桂林陷式  
相死遠生與族人劉湘客入犒峒以終

陳純來奉化人以監生赴桂林官工部主事永歷時尊皇考

王墓為興陵命往監造戊子冬降臣佟養甲祭陵密詔純

乙庚寅冬桂林失上自肇慶出奔或勸之走曰吾當守

以待吾君之還死且未敢况行乎乃削髮為浮屠裝居

以不知所終

心字薇垣泰順人崇禎時諸生幕遊於粵永歷時以薦

令歷糧儲道晉大理寺卿上入黔不及從伏肇慶山中

大吏跡得之勸之仕曰吾大明世家子何忍辱祖父力辭

不獲絕粒死

小腆紀傳

卷三十二

二

張時規字必式亦泰順諸生以博學宏通知名入粵辟為象

州學正升本州知州擢兵部員外郎從弟時斌字吉甫乙酉

選貢永歷時為修仁令以言事入獄云補

錢邦芑字開少丹徒諸生隆武中上書言事授御史閣臣熊

開元請改兵部司務上重違開元意命以司務得非時言事

尋復授御史魯都督陳謙奉使入閩忤旨下獄鄭芝龍救之

邦芑奏謙為魯心腹與鄭氏交最深不急除恐生內患上即

誅謙芝龍以是益萌叛志丙戌六月元子誕生進諸臣爵大

赦邦芑言浙東新破爵亡齒寒舉朝正切齒同讎之日非蒙

恩受賞時也不報永歷帝立以原官巡按四川丁亥武岡之

變川中不知乘輿所在宗室容藩乘機僭稱監國邦芑疏劾

之移書督師堵胤錫呂大器聲言其罪諸將從逆者多解散

戊子春正月上川中諸將楊展王祥等收復州縣功擢右僉

都御史巡撫其地遣使致書孫可望勸其歸朝可望大喜謂

差官王顯曰從來朝廷文官與我輩為讎今錢公遣使通問

何敢自外封我為王我舉全漢歸朝廷矣邦芑復以書謂本

朝無異姓封王者而具疏稱可望歸順既可望逆謀益著心

憂之察其部將白文選忠誠可用私語之曰忠義美名也叛

逆惡號也孺子且辨之丈夫可身陷不義乎文選大感動與

忠國公王祥盟於烏江邦芑為執牛耳既而可望襲遵義祥

走死文選晤邦芑愧汗不能仰視邦芑曰非公賣國他人賣

公耳因言帝在安龍主辱臣死泣數行下文選怒裂背折箭

小腆紀傳

卷三十二

三

誓殺可望邦芑尋以憂歸隱黔之蒲邨可望強官之至於封

刃行誅不為動甲午三月二十三日為邦芑誕辰同人釀酒

可望使者復至山陰胡冕奄在座賦詩有痛哭花前莫相訝

如往泛五湖船之句邦芑乃祝髮為僧可望怒不已拘於

興寺兵部尚書程源都察院鄭逢元二人固可望黨且嘗

與邦芑劾罷者也邦芑察其不忘朝廷乃私結之教之以言

激發鎮將此輩朴魯武人無避忌酒酣耳熱罵可望曰剝

一張賊皮又生一張賊皮邪邦芑知其可用也丁酉秋九月

可望謀犯關邦芑與二人計曰馬寶馬進忠馬維興雖隸可

望麾下然皆朝廷舊勳圖報無路至白文選決不相負今可

望入滇從中用計圖之如反掌耳源以告文選文選然之與



逢元私見馬寶定約從容謂可望曰使功莫如使過將才無出文選右者可望信之釋文選以為大總統交水之役邦芑實陰啓焉論功擢都御史掌院事馬吉翔忌之時督理晉王事者為金維新秩左都御史位在邦芑上邦芑鬱鬱浮沈而已上入緬後以僧終世所稱大錯和尚云

四川人崇禎末進士慷慨識機變好談功名以躁進為所擯故終不顯用與凌駟善駟之以職方主事從李建師也源謂之曰此行也兼程抵太原收拾三晉猶可濟三晉失守無可為矣寇逼京師以書勉天津理餉部臣唐之彥曰糧廣兵眾據賊腹而俟恢復中興之奇勳也廷彥即邀源入城議戰守比源至則防海兵大噪劫餉庫盡毆廷彥

小腆紀傳

卷三十二

四

幾死復致書山東巡撫邱祖德曰江南財賦之地子弟多豪賊不先窺而以貽我彼豈能舍步騎而與我爭長江之險邪况蜀據其首楚豫橫其腹甘甯蝕其心江東老成尚有人義旗一舉彼搆此擊克復直指顧間耳議者不察以賊有成焉其亦借賊為富貴之資邪時祖德已為叛將所劫無能為丙戌冬永歷帝立於肇慶源與推戴進兵科給事中宗人朱容藩者誕妄喜事源與交甚懽謂之曰川中諸將兵不下數十萬吾兩人各請總督之職公督東北我督西南賊不足平也容藩喜具疏請之加源太常寺少卿經理三省容藩為兵部右侍郎兼右僉都御史總督川東軍務及上移暉桂林容藩覲謁入閣受命不即行私屬給事中唐誠疏劾丁魁楚私逃

謂屢從單弱如容藩程源皆擁戴重臣不宜出外上怒劾二人職王太后為容藩請得復官源入貴州以經理三省劄付沿途需官賊巨萬巡按御史錢邦芑以聞削職逮問久之用薦起兵部侍郎為給事中金堡所劾銜之次骨庚寅春上幸梧州五虎失勢源乃與吳貞毓等十餘人合疏論五虎十大罪下錦衣獄閣臣嚴起恆長跪沙際為求免刑源立御舟側揚言曰金堡即昌宗之寵方新仁傑之袍何在二語當萬死聲達慈甯舟中蓋堡駭御史呂爾璵疏中有是語源欲因是殺堡也上駐安龍源雖自結於孫可望官偽兵部尚書而不忘朝廷離間逆黨激發忠義於交水之役有功焉授禮部尚書源功名自許入朝即發馬吉翔之奸吉翔嗾言者劾其臣

小腆紀傳

卷三十二

五

事可望源發憤杜門不視事上入緬甸後不知所終龔彝雲南人崇禎戊辰進士歷官揚州副使甲申以事入都城陷逃歸南都定降賊諸臣罪或言其受賊官者劉澤清為之稱枉是非莫能辨也丁亥孫可望入滇彝與在籍御史任僕主事方于宣首附之又希可望旨啓陳十事欲租外增賦賦內編馬楊畏知抵掌罵之以是成嫌怨畏知之死彝與有力焉丙申春三月李定國奉上入滇擢彝為戶部左侍郎彝言在雲南受可望十年厚恩辭不受舉朝大譁詰之曰爾中本朝進士官至司道可望入滇爾首迎降忍忘明朝三百年之恩而不忍忘可望十年之恩何也彝恬然未之恥也及上就俘吳三桂居之故都督府嚴兵守之彝具酒餚進謁守者



不許彝厲聲曰此吾君也君臣之義南北皆同拒我何爲  
佳許之入設宴堂上行朝禮畢進酒上痛哭不能飲彝伏地  
哭再勸上勉飲三爵彝拜不止觸地死上撫之慟幾絕彝以  
黨逆爲世詬病其死也論者予之

冷孟錕不知何許人黨於孫可望密敕之獄盡置十八人於  
死者孟錕勸之也及李定國奉入滇黨逆諸臣皆不問授  
孟錕兵部左侍郎巡撫貴州戊戌

王師取貴陽守將馬進忠遁孟錕被執論雍髮罵不絕口而  
死

劉湘客西安人爲諸生時有盛名崇禎末上海何剛以薦舉  
爲職方主事疏言湘客與某某皆憂時有心乞詔起之未及

小腆紀傳

卷三十二

六

行而北都陷永歷帝建號粵西湘客爲御史大學士李永茂  
疏薦十五省人望湘客與焉太監王坤不悅黜之永茂怫然  
去瞿式耜與湘客亦以文墨相知疏論之改湘客爲編修充  
經筵講官尋復爲御史劉承胤之劫上如武岡也湘客與同  
官毛壽登吳德操萬六吉疏請還蹕桂林承胤銜之旣承胤  
請封錦衣衛郭承吳馬吉翔嚴雲從爲伯壽登駁之吉翔疑  
疏出湘客喉承胤逼上下廷杖諸臣申救仍落職久之起少  
詹事李成棟歸明湘客與給事中金堡丁時魁蒙正發因袁  
彭年以納交於成棟之養子元胤時謂之五虎五人中堡守  
清操爲眾所憚彭年自恃先朝臺諫好爭體統時魁貪狠使  
氣正發則聽受諸人指揮不能有所爲惟湘客多狡智工窺

喇閣中事彭年時魁等動必咨之又由薦舉起家以少詹事  
兼副都御史知講筵而隨彭年輩資格繩人人益不服故五  
虎中湘客爲虎皮也庚寅正月上幸梧州五虎失勢得罪湘  
客不勝拷掠贖配追贓桂林破與族人刑部侍郎劉遠生隱  
搖峒中著有行在陽秋言粵事甚悉彭年堡另有傳時魁亦  
起家進士桂林之破也叩首乞降即日補廣東提學道不數  
日竟死正發事不可聞

吳德操字鑑在桐城人由諸生仕至大理寺丞永歷時官御  
史嘗疏劾陳邦傳庚寅桂林破被執不受官盡其橐中裝以  
免

金堡字道隱仁和人崇禎庚辰進士授臨清知州坐事罷十

小腆紀傳

卷三十二

七

六年吏部尙書鄭三俊薦其才未及用而都城陷堡南還丁  
內艱乙酉杭州失守偕里人姚志倬起兵山中與浙東諸軍  
遙爲聲援隆武帝立堡入朝陳志倬戰功勸上棄閩幸楚謂  
何騰蛟可依鄭芝龍不可倚且言中興之國須馬上成功湖  
南有新撫諸營陛下親往效光武故事此皆精兵百戰可得  
其力若乃千騎萬乘出入警蹕是承平威儀宜且屏不用上  
大喜語廷臣曰朕見金堡如獲異寶即授兵科給事中封志  
倬仁武伯堡以服未終力辭請賜敕印聯絡江上師從之旣  
至浙入大將方國安軍諸事於魯監國者詆曰堡已北降來  
爲間諜耳監國語國安國安執堡御史陳潛夫曰堡何罪彼  
與志倬起兵公所知也今其家且渡江來何罪見執國安曰



此鄭氏意因出芝龍書示之且曰今我釋之去去勿入閩入閩必殺之我不敢得罪鄭氏也潛夫以告堡堡曰我必入閩繳敕印倘中道死於盜亦命耳明年夏再入閩以敕印上上欲奪情堡固辭不許芝龍謂將大用之也嫉愈甚大學士曾櫻曰果欲保全堡莫若聽其辭遂以秋八月辭朝去閩亡堡流寓他所及戊子冬詣肇慶謁永曆帝授禮科給事中堡抗直有鋒氣不畏強禦遇事敢言甫授職疏陳八事劾慶國公陳邦傅十可斬文安侯馬吉翔司禮監太監龐天壽大學士嚴起恆王化澄等並與焉吉翔氣焰方熾至是頗懼盡謝諸務化澄與起恆並疏乞休由是堡直聲大振諸輕剝喜事者南陽伯李元胤左都御史袁彭年少詹事劉湘客給事中丁

小腆紀傳 卷三十二

八

時魁蒙正發咸與交權當是時朝臣各分黨類從李成棟來歸者兵部尚書曹燧工部尚書耿獻忠吏部侍郎洪天擢大理寺卿潘曾緯通政使毛毓祥太僕卿李綺爲一類自誇反正功氣凌朝士從廣西扈行至者大學士起恆化澄朱天麟吏部尚書晏清戶部尚書吳貞毓給事中吳其靄洪士彭雷德復尹三聘許兆進張孝起爲一類自恃舊臣詆曹耿輩嘗事異姓久之復分吳楚兩局主吳者內則天麟貞毓孝起給事中李用楫外則督師大學士堵胤錫化澄及兵部侍郎萬翱程源禮部侍郎郭之奇皆內結馬吉翔外結邦傅以自助主楚者彭年時魁正發而湘客以秦人堡以浙人爲之輔皆外結瞿式耜內結元胤以自強元胤惠國公成棟子爲錦衣

衛指揮使進封南陽伯握大權以彭年與同反正倚爲腹心勢張甚時有五虎之號又謂之假虎邱以彭年爲虎頭時魁爲虎尾湘客虎皮堡虎牙正發虎喉假者元胤本姓賈譏諸臣之假以張威耳後堡與時魁等復相繼攻起恆吉翔天壽無已太后召天麟面諭曰武岡之厄賴吉翔左右之令擬旨嚴責堡等天麟乃爲兩解卒未嘗罪言者而彭年輩怒不止上知羣臣水火甚令盟於太廟然黨益固不可解明年正月邦傅怨堡因奏言堡謂臣無將無兵請卽令監臣軍觀臣十萬鐵騎爲何如且堡昔官臨清曾降賊受僞命疏至天麟抵几笑曰道隱善罵人今亦遭人罵也因擬旨金堡辛苦何來實所未悉所謂監軍可卽集議蓋用杜甫辛苦賊中來語堡

小腆紀傳 卷三十二

九

固未嘗降賊見之大恚憤時魁乃鼓言官十六人詣閣詆天麟曰堡論邦傅卽令之監其軍若請其頭亦卽與邪相與登殿陛大譁棄官擲印出闕曰我輩不復仕矣上方坐後殿與太僕馬光論事大驚兩手交戰茶傾於衣急命天麟取還所擬旨諭諸臣供職天麟遂辭位慰留之不可尋召何吾騶黃士俊入輔吾騶爲元胤所薦既至知時魁等意不屬亦引退元胤強留之秉政數月卒不爲楚眾所喜交章詆誅至八月去時魁等又劾王化澄貪鄙無物望會經筵傳班堡面叱之化澄憤碎其冠服立辭去堡等既連逐諸臣益橫肆往往入內閣指揮授意閣臣患之請於殿旁建文華殿上出御輔臣侍坐擬旨於是覬覦之風少止堵胤錫自湖南入朝堡劾以



喪師失地面責其結李赤心爲援張筵宴孫可望使者事且曰滇與忠貞皆國讎也厥罪滔天公奈何獨與之昵肩錫失色徐云我鞅掌邊事如君言竟無功堡曰勞則有之功於何有朝士因多不直堡孫可望遣使乞封堡以異姓無封王例七疏力爭及胡執恭矯詔封可望爲秦王又請立斬執恭以正國法可望怨恨愈跋扈堡之爲言多循資格拘小數不能權衡時勢以濟艱難後更連劾貞毓及萬勳程源等廷臣無不拮擊一月章至六十上由是諸臣必欲置之死徒恐元胤爲援未卽發庚寅春上赴梧州元胤留守肇慶陳邦傅統兵入衛貞毓之奇勦源輩咸脩舊怨乃與給事中張孝起李用楫李日煒朱士鯤御史朱統鑰王命來陳光胤彭全等合疏

小腆紀傳

卷三十二

十一

論彭年湘客時魁堡正發把持朝政罔上行私朋黨誤國十大罪上以彭年反正有功特免議餘下錦衣獄瞿式耜再疏申救不聽大學士起恆請對水殿不得入乃長跪沙際爲求免刑程源立御舟側揚言曰金堡卽昌宗之寵方新仁傑之袍何在二語當萬死聲達慈甯舟中蓋堡駁御史呂爾璵疏中語也都督張鳳鳴受密旨欲因是殺堡於古廟中陳刑具用厥衛故事嚴鞠之拷掠慘酷堡大呼二祖列宗餘皆哀祈招賄以數十萬計獄成堡時魁並謫戍湘客正發贖配追賊已而李元胤高必正入朝咸爲堡申雪上意漸解一日召對廷臣忽曰金堡畢竟是君子是小人再問無對者明日庶吉士錢秉鑑疏言臣昨侍班次惡堡者皆在列而皇上再問無

對者則天良難滅堡之不爲小人可知堡受刑最重左腿已折相隨一僕復墮水死今遠戍金齒以子然殘廢之身蹶躄於荒郊絕域之外去必不到到亦必死雖名生之實殺之也乞量改近邊乃改清浪衛高必正以百金爲堡藥資不受馬寶自德慶來親爲洗創堡竟不死祝髮桂林爲僧名性因瞿式耜張同儼之殉難也陳屍未葬堡上書孔有德曰山僧梧水之罪人也承乏掖垣奉職無狀繫錦衣獄幾死杖下今夏編戍清浪以路道之梗養病招提皈命三寶四閱月於茲矣車騎至桂咫尺階前而不欲通蓋以罪人自處亦以廢人自棄又以世外之人自恕也今且有不得不一言於左右者故總師大學士瞿公總督學士張公皆山僧之友爲王所殺可

小腆紀傳

卷三十二

十一

謂得死所矣敵國之人勢不並存忠臣義士殺之而後成名兩公豈有遺憾於王卽山僧亦豈有所私痛惜於兩公哉然聞遺骸未殯心竊惑之古之成大業者表揚忠節殺其身而敬且愛其人若唐高祖之於堯君素周世宗之於劉仁贍是祀之又曲法以赦其子盛德美名於今爲烈至如元世祖祭文天祥伯顏卹汪立信之家豈非與聖人禮教共植彝倫者邪山僧嘗私論之衰世之忠臣與開國之功臣皆受命於天同分砥柱乾坤之任天下無功臣則世道不平無忠臣則人心不正事雖殊軌道實同源兩公一死之重豈輕於百戰之勳哉王旣已殺之則忠臣之忠見功臣之功亦見矣此又王



見德之時也請具衣冠為兩公殮瞿公幼子尤宜存卹張公無子益可矜哀並當擇付親知歸葬故里則仁義之舉王且播於無窮矣如其不爾亦許山僧領屍隨緣藁葬豈可視忠義之士如盜賊寇讎然必滅其家狼藉其支體而後快邪夫殺兩公於生者王所以自為功也禮兩公於死者天下萬世所共以王為德也山僧以生死之交情不忍默然於我佛冤親平等之心王者澤及枯骨之政聖人維護綱常之教一舉而三善備矣山僧跋不能履敢遣侍者以書獻敬候斧鉞惟王圖之書上未報二人亦獲葬堡為僧二十餘年而終

高勣字無功紹興人永歷時歷官光祿少卿馬吉翔媚事李定國入閣與龐天壽重握中外權定國劉文秀每相與入二

小腆紀傳 卷三十二

十二

人家長夜驪飲勣與御史鄔昌琦患之合疏言二王功高望重不當往來權佞之門蹈秦王故轍疏上二人怒不入朝吉翔激上怒命各杖百五十除名金維新走告定國曰勣誠有罪但不可有殺諫官名定國悟偕文秀入朝救之得復官及定國敗孫可望兵自以為無他患武備頗弛勣與鄔官金簡進言曰今內難雖除外憂方大伺我者頓刃以待兩虎之弊而我酣歌漏舟之中熟寢燕薪之上能旦夕安邪二王老於兵事胡泄泄如此定國愬之上前詞頗激擬杖勣等以解之朝士多爭不可移時未決而三路敗書至定國始逡巡引謝出簡字禹藏與勣同里後扈行入緬並歿於道我朝賜勣簡諡均節愍

李如月東莞人永歷時官山東道御史孫可望之殺叛將陳邦傳及其子曾禹也去其皮傳屍至安龍如月疏劾可望不請旨擅殺勣鎮有不臣心罪同莽操又請加邦傳惡諡為不忠者戒上知可望必怒留其疏召如月入諭以諡本衷忠無惡諡理小臣妄言亂制杖四十除名意將以解可望也可望輒大怒遣人至上所執如月至朝門外抑之使跪如月憤甚乃嚮闕叩頭大呼太祖高皇帝又極口罵執者剝其皮斷其首及手足擗草於皮初而懸之市我

朝賜通諡曰烈愍

任國璽福建人永歷時官雲南道御史戊戌冬

王師三路入黔上將出奔時國璽官行人獨疏請死守下廷

小腆紀傳 卷三十二

十三

議李定國等言行人議固是但前途尚寬今暫移蹕他日捲土重來再圖恢復未晚也乃扈上入緬既白文選以上左右無重兵率所部入緬迎扈緬人請救阻之議遣使國璽與總兵鄧凱請行馬吉翔陰阻之不果文選不得上耗乃引去初國璽因東宮開講纂宋末賢奸利害為書進呈吉翔見而切齒上覽一日竊袖以出已而上久於緬吉翔復與李國泰請進講國璽言上年開講遷延不行今勢如累卵禍急燃眉泄泄然不思出險而託言講貫夫日講須科道侍班議軍務則有皇親沐國豈吉翔二人之私事哉吉翔大恨擬旨著國璽獻出險策國璽言能主入緬者必能出緬今乃卸肩於建言之人抑之使箝口乎一內官出曰爾上千萬本何益也後死



咒水之禍我  
朝賜通諡曰節愍

男承禮編輯  
仁和魏錫曾參校  
會稽梁繼元覆校

小腆紀傳卷第三十二終

小腆紀傳

卷三十二

十四

小腆紀傳卷第三十三

前翰林院檢討加詹事府贊善銜六合徐爾謨

列傳第二十六

傅作霖

李若星

張同敞于元燧程炯

章曠

米壽圖

耿廷錄

郭承汾許蓋忠

張孝起

洪清鼇

傅作霖武陵人由鄉舉仕閩中大學士蘇觀生薦為職方主事監紀其軍觀生歿依何騰蛟於長沙改監軍御史丁亥永曆帝駐全州擢兵部左侍郎掌部事尋進尚書從至武岡作

小腆紀傳

卷三十三

霖夙與劉承胤善故得驟遷及

大清兵逼武岡承胤將降作霖勃然大罵曰吾始以汝為人汝挾天子作威福惟所欲為致天子蒙塵罪已不容於死擁兵數萬糜餉十年平日誇謂天下莫當今議降真狗彘不如也承胤不顧

王師入城作霖冠帶坐堂上承胤又與偏沅巡撫傅上瑞勸之降作霖唾其面遂遇害妾鄭氏有姿色被執過橋躍入水死我

朝賜通諡曰忠節

李若星字紫垣息縣人萬曆甲辰進士由知縣擢御史巡視庫藏陳蠹國病商四弊巡按山西請撤稅使再劾南京兵部



尚書黃克績為沈一貫私人湯賓尹死友皆不報出為福建右參議移疾歸天啓初起官陝西召為尚寶少卿遷大理右少卿三年春以右僉都御史巡撫甘肅陞發客魏之奸明年遣將討河套松山諸部鎮番斬二百四十級會有謠傳若星起兵清君側者魏閹誣以賄趙南星得節鉞除名下河南撫按提問擬杖戍廉州崇禎初赦還起工部右侍郎兼右僉都御史總理河道追論甘肅功進秩二品黃河大決請修祖陵徙睢甯縣治從之病歸丁父憂久之召為兵部右侍郎兼右僉都御史代朱燮元總督川湖雲貴軍務兼巡撫貴州討安位餘孽有功聞京師戒嚴遣兵入援未至而南都立諭止之尋受代解職僑居貴州永歷帝遷武岡召為吏部尚書未

小腆紀傳 卷三十三

二

赴遭亂死於兵或曰死武岡之難我

朝賜通諡曰忠烈

張同敞字別山江陵人大學士居正之曾孫也崇禎中都御史鄒元標禮部侍郎羅喻義先後訟居正冤同敞得以武蔭補錦衣衛改中書舍人同敞負志節感恩益自奮十五年奉敕慰問湖廣諸王因令調兵雲南未復命而北都陷搆所懸牙牌徒步南奔妻許氏亦奉居正神主自江陵來遇於江西痛思宗之死服喪三年誓不仕南都陷走福建時隆武帝博求先朝舊臣宰臣以同敞言召見命之官力辭上曰此爾祖蔭今不受職此爵溷矣爾縱欲報先帝奈祖爵何爾文臣不當授武職強為朕服錦衣官母過辭未幾堵盾錫收降李赤

心表至行在上謂同敞曰爾家世有名於楚今賊在楚地為朕撫之汀州破依何騰蛟於武岡永歷帝以廷臣薦改翰林院侍讀學士劉承胤忌之言翰林吏部督學必用科甲乃改尚寶卿武岡之變為亂兵所掠避入黔中時粵黔隔絕數月不聞行在消息川黔官紳議立榮韓二藩同敞與錢邦芑鄭逢元楊喬然力爭之眾議乃沮戊子間道赴行在擢詹事府詹事瞿式耜薦其知兵得士心乃命以兵部侍郎兼翰林侍讀學士總督諸路軍務

王師敗王永祚於永州同敞馳扼全州檄武陵侯楊國棟救之乃解去同敞健瘦而髯有膽氣詩文數千言援筆立就年四十無子蕭然一榻每督戰輒躍馬為諸將先或敗奔則危

小腆紀傳 卷三十三

三

坐不去諸將復還戰取勝還自全州遇庶吉士錢秉鐙於灘江悲歌痛飲自誓必死手詩文一卷曰余無子此即余子也秉鐙慰之曰往時封疆朝廷為政今者我為政我在則失者可復也同敞曰無可為矣往時兵敗吾不去將士去而復回取勝者有之昨兵敗踣我而去矣士心如此不死何為桂林破與瞿式耜同殉難事詳式耜傳絕命詩云一日悲歌待此時成仁取義有誰知衣冠不改生前制名姓空留死後詩破碎山河林葬骨顛連君父未舒眉魂兮懶指歸鄉路直往諸陵拜舊碑事聞贈江陵伯諡文烈我

朝賜通諡曰忠烈

于元燧東阿人大學士慎行子也永歷帝建號以蔭生起家



歷官兵部右侍郎督粵西軍被劫去留守罷式耜庇之甚力  
明年奉命督楚軍楚地失請復督廣西頗與式耜相忤滇將  
開國公趙印選方強元熈欲結以自助有少女許字甯遠伯  
王永祚之子矣乃改嫁為印選子婦由是趙王不睦諸將心  
益離庚寅十一月

王師逼桂林微服遁甫出城為亂兵所殺

程岫吉安進士崇禎末官蘇松糧道南都立大理寺卿鄭瑄  
薦岫才可大用適以爭妾事與鄉紳彭某相訐宏光帝命部  
臣嚴議岫去官猶擁鄉勇三百人自隨用是不為鄉里所喜  
隆武帝授為惠潮巡撫因盡室至粵西永歷時擢兵部侍郎  
己丑正月江西已陷行在猶不知命岫齎敢趣李赤心往援

小腆紀傳 卷三十三

四

赤心伴言

清兵已逼當亟入衛因自為殿而以子女行裝托岫護之先  
行界口守將張祥利其賞發礮笑岫而取之事聞以不戒軍  
士誅其將領楊宏遠焉或曰李元胤惡岫召忠貞營入行在  
使祥殺之 補

章曠字于野華亭人崇禎丁丑進士授沔陽知州十六年賊  
陷州城同知馬應死之曠走免謁總督袁繼咸於九江署為  
監紀推官從諸將方國安等復漢陽署推官兼攝府事尋署  
分巡道明年四月承德巡撫王揚基檄曠守德安城空無人  
有衛官數人齎印送賊曠收而斬之日夕為警備居三月代  
者李藻至巡撫何騰蛟檄曠署荆西道曠去藻失將士心城

復失曠亦以沔陽失城罪為給事中熊汝霖御史游有倫所  
劾候訊黃州用騰蛟薦令戴罪立功乙酉夏四月左良玉犯  
南都騰蛟脫身至長沙以曠為監軍副將黃朝宣者故巡撫  
宋一鶴部將也駐燕子窩張先壁以精兵三千屯激浦騰蛟  
悉令曠召之來雷先壁為標下親軍而以朝宣戍茶陵又令  
曠召劉承培於武岡闖賊死其黨劉體純等六大部擁眾數  
萬逼湘陰乃用曠謀盡撫其眾會良玉亦死部將馬進忠王  
允成無所歸突至岳州偏沅巡撫傅上瑞大懼曠曰此亦無  
主之兵可撫也入其營與進忠握手指泉為誓進忠皆從之  
進忠即賊中渠魁混十萬也南都既覆

小腆紀傳

卷三十三

五

北曠有智略行軍不避鋒鏑嘗戰岳州以後軍不繼而還又  
大戰於大荆驛身扼湘陰平江之間湘南恃以無恐永歷帝  
加兵部右侍郎丁亥四月長沙之失也何騰蛟走衡州曠亦  
走寶慶尋至祁陽與騰蛟會騰蛟將謁上武岡乃以兵事屬  
之駐東安已復移駐永州見諸大將擁兵聞警輒走抑鬱成  
疾徇永安卒於軍子有諱字載謀孤露無所歸衡陽王夫之  
招之同居雙髻山飯糗然脂三年學成爲夫之高弟子焉  
米壽圖宛平人崇禎中山舉人知新鄉縣破土賊斬千二百  
級以治行徵授南京道御史楊嗣昌倡練兵之議壽圖疏陳  
十害尋劾偏沅巡撫陳睿謨廣西巡撫林贊貪贖監軍張若  
騏冒功罔上帝皆納之甲申五月南都建國壽圖與推戴馬



士英之薦起阮大鍼也壽圖論之時川省已為獻賊所據命壽圖巡按又命吏部簡堪任監司守令者從之西行至則與督師王應熊總督樊一衛聯絡諸將收復川南郡縣隆武帝擢為右僉都御史巡撫貴州丁亥春獻賊餘黨孫可望山川入黔布政使張耀請發民兵守禦壽圖難之俄賊奄至貴陽出奔沅州尋沅州亦陷死之我

朝賜通諡曰忠節

耿廷錄臨安河西人天啓甲子舉人崇禎中以知州疏陳時政言將多不若良兵多不若練餉多不若核又言諸臣恩怨當忘廉恥當勵優旨褒納擢山西僉事改監宣府軍京師陷走南都以張獻忠亂蜀加太僕少卿赴雲南監沙定洲軍由

小腆紀傳

卷三十三

六

建昌入川討賊尋命以僉都御史代馬乾為巡撫未赴而定洲亂作蜀地亦盡失遂止不行丁亥三月李定國陷河西廷錄赴水死妻楊氏被執不屈亦見殺我

朝賜通諡曰忠節

郭承汾字懋袞晉江人崇禎癸未進士由淮安府推官入為浙江道御史隆武帝命以原官巡按貴州與定番侯皮熊總制范熿協力勦撫閩亡粵中命未下熊熿疏留詔晉太僕卿兼僉都御史巡撫黔南孫可望之納款也令李定國與承汾等會盟於龍里可望入貴州承汾貽書責之謂牛耳之血未乾北門之師夜至君父可欺天地神明不可昧也可望襲執之同執者見可望皆跪承汾與平越知府黃應運獨挺然不

屈曰頭可斷膝不可屈可望羈之民舍中餓十四日死或曰與應運等同日遇害總兵許蓋忠瘞其屍焉我

朝賜通諡曰節愍

許蓋忠不知何許人永曆時官平虜將軍孫可望之殺郭承汾黃應運等六人也蓋忠賂張護衛使說可望曰大王將建大業宜被除不祥陳屍四衢非宜也曷瘞之乃列葬六棺於貴陽之毛家巷側葬畢語所親曰獠犬饑狼逢人即噬吾肉喂犬狼何益潛入頂耙苗洞不復出辛丑之春應運子培鼎扶柩歸見蓋忠率卒屯田自食其力猶服舊時衣冠云

張孝起吳江人舉於鄉為廉州推官避兵海隅舉兵謀恢復戰敗被獲妻妾俱投海死孝起羈軍中久之李成棟歸附得

小腆紀傳

卷三十三

七

脫去永曆帝以為吏科給事中清介不與流俗伍從至梧州時劉湘客丁時魁金堡蒙正發失李元肩援並辭職乃以孝起掌吏科印高必正為劉湘客鄉人疾孝起之排湘客黨也怒罵於朝上為解之始已尋擢右僉都御史巡撫高廉雷瓊四府城破走避龍門島島破被執不食七日死我

朝賜通諡曰忠節

洪清鼇字六生晉江人崇禎間拔貢生謁隆武帝於閩授衡州通判督師何騰蛟奇之請改知道州聞亡李赤心等十三鎮以所部奉使稱臣於粵出道州清鼇迎說曰兵所以異賊者畏法受官節制也今縱劫則依然賊耳諸將皆頑日獨郝永忠奇之曰子非百里才行當佐吾軍偕之見永曆帝擢右



僉都御史監諸鎮軍駐湖南何騰蛟死孫可望入滇朝問阻絕乃與十三鎮還入西山據楚之夷陵歸州巴東均州蜀之巫山涪州等七州縣屯田固守久之得安龍駐蹕信間道上書言十三鎮公忠無二今扼險據衝窺晉楚蜀有費隨時而動議者多其功詔加清鼐兵部右侍郎總督粵滇黔晉楚豫軍務緬甸既覆清鼐猶借諸鎮崛強湖湘間康熙三年王師分道定巴東李來亨自焚死或曰子未可以去乎清鼐曰師亡與亡去將何之遂被執論降不從臨刑之日神色不變投屍巫峰三峽中我朝賜通諡曰忠節

小腆紀傳

卷三十三

八

小腆紀傳卷第三十三終

男承禮 編輯

仁和魏錫曾參校  
會稽梁繼元覆校

小腆紀傳卷第三十四

前翰林院檢討加詹事府贊善銜六合徐肅撰  
列傳第二十七 補

陳士奇 陳錫 王行儉 龍文光 劉佳允

劉之渤 馬乾

李乾德 弟升德 樊一蓀

范文光 詹天顏

陳士奇字平人漳浦人天啓乙丑進士授中書舍人崇禎四年考選授禮部主事歷官贛州兵備參議進副使督四川學政本文學士而廷臣以知兵薦十五年秋擢右僉都御史巡撫四川軍政廢弛石砭女將秦良玉嘗圖全蜀形勢請益兵

小腆紀傳

卷三十四

守十三隘不能用蜀以是擾朝議命川北道龍文光代之十七年春甫謝事而夔州告陷或勸之去士奇不可重慶下流四十里曰銅鑼峽江路所必經士奇宿重兵以守獻賊既入涪州分舟師派流犯峽而已則登山疾馳百五十里破江津縣掠其船順流下不三日而奪佛圖關銅鑼峽反出其下兵驚擾不能支遂潰賊傳城下士奇日夜登陴以火礮滾礮擊賊無算賊裸婦人向城而罵城三面臨江皆石壁西南有磚城數十丈賊發民墓凶具負以穴城六月丁丑陰雲四合賊藏火藥於城角晨起箭礮齊發磚石皆飛城遂陷士奇及副使陳縵知府王行儉知縣王錫俱被執士奇罵不絕口而死

我



朝賜士奇通諡曰忠烈補

陳繻不詳何處人官關南兵備副使護瑞王入蜀死於難我

朝賜通諡曰節愍補

王行儉字質行宜興人崇禎丁丑進士授南京戶部主事歷  
郎中出知荊州府改重慶乙酉六月獻賊自涪州犯重慶城  
陷罵賊死我

朝賜通諡曰忠烈補

王錫字子美新建人崇禎庚辰進士知巴縣嘗平姚黃巨寇  
斬其渠黑虎馬超獻賊之破墊江也錫復之及攻重慶又敗  
之銅鑼峽被執顧瑞王曰事至此死耳膝不可屈賊箝其口  
封其左臂縛樹上射之又鸞而烙之我

小腆紀傳 卷三十四

朝賜通諡曰忠烈補

顧景官指揮城陷入瑞王府以己馬乘王鞭之走遇賊呼曰  
甯殺我毋犯帝子王被戕景亦死之我

朝賜通諡曰烈愍補

龍文光馬平人天啓壬戌進士崇禎十七年以川北參政擢  
右僉都御史代陳士奇巡撫四川時賊已逼成都文光自順  
慶偕總兵劉佳允率兵三千馳赴之入城設守而王宗大姓  
逸去者半八月之五日賊騎兵自資陽水兵自洪雅新津薄  
城下佳允出戰敗還文光見濠涸急遣郫縣主簿趙嘉煒決  
灌縣堰水以益之初九日大雷電雨如注守陣者不能立賊  
火攻如取重慶法西北陔錦江樓崩木石飛空賊蜂擁入不

踰時灌縣水至而城已陷矣文光投浣花溪死或云戮於濯  
錦橋佳允川北進士亦同赴浣花溪死我

朝賜文光通諡曰忠節補

劉之渤字安侯鳳翔人崇禎甲戌進士授行人擢御史能直  
言出按四川十七年正月獻賊大破川中郡邑四月聞都城  
失守人心益洶懼舉人楊鏘劉道貞等謀擁蜀王至澍監國  
之渤不可躍入池中議乃寢七月南都擢右僉都御史巡撫  
四川未聞命而賊已逼請蜀王出賞募士不聽王謀遷滇之  
渤持不可與內江王至沂爭而城中已洶洶不成行城陷賊  
以同鄉欲用之之渤罵不屈賊縛於端禮門外攢矢射之之  
渤厲聲曰甯多剛一刀少殺一百姓賊磔其屍我

小腆紀傳 卷三十四

朝賜通諡曰忠烈同時殉難者詳忠義傳

馬乾一名體乾昆明人崇禎癸酉舉人知四川廣安州夔州  
告警巡撫邵捷春檄乾攝府事獻賊攻圍二十餘日固守不  
下會督師楊嗣昌兵至圍始解擢川東兵備僉事成都陷龍  
文光死蜀人共推乾攝巡撫事乙酉三月檄副將曾英擊走  
賊將劉廷舉復重慶率所部守之英守佛圖關相犄角時乾  
已為督師王應熊所劾而道阻詔命不至視事如故賊遣劉  
文秀以數萬眾來攻乾固守英援之賊敗還丙戌冬十二月  
大清兵追賊餘黨至重慶乾出禦敗死我

朝賜通諡曰忠節補

李乾德西充人崇禎辛未進士十六年歷右僉都御史撫治



鄖陽未赴改湖南時武昌已陷乾德駐岳州獻賊來犯乾德令民他避匿壯士健馬詭稱父老約降賊入伏發殲其前部賊怒悉眾仰攻城陷乾德走長沙轉徙衡永賊至輒先避長沙衡永皆隨陷宏光時以失地請赴督師王應熊軍前自劾丁亥永應帝擢兵部右侍郎總督川北乾德入蜀其鄉邑已陷父亦被難察諸將中惟許袁韜與武大定欲與就功結二人為心腹適蕩寇將軍李占春有湖灘之捷九月韜亦攻佛圖關取重慶奉乾德駐之冬十一月楚宗室容藩率占春至重慶時容藩謀據蜀會乾德諷其推戴已乾德若不解者而禮復不相下適長至行朝賀禮袁韜自賊中出素不知禮與容藩同班拜舞容藩怒占春尤不平容藩命占春襲韜並害

小腆紀傳

卷三十四

四

乾德乾德少遇異人授天書善占驗是夕坐船屋仰視星氣覺有異咄咄謂此主急兵走匿崖谷間頃之占春襲韜不克搜乾德船止一妾一女乃大驚韜聞恐乾德之亡也大哭既迎至即大喜集兵與占春相讎殺數戰不解川南總督楊喬然巡按錢邦芑為兩營解釋占春亦歸乾德率既韜大定久駐重慶士卒饑乾德遣人說嘉定守將楊展與合兵囚其餉展大喜誓為兄弟資之食己而惡展構韜殺之據嘉定眾論咸不直乾德諸將愈解體孫可望在滇聞展死始有圖蜀心上書為展訟怨遣劉文秀等分道入川辛卯十月至嘉定韜大定拒戰不勝就禽遂降乾德以其父明舉死西充之難也語其弟御史升德曰吾不可以再辱闔家赴水死而蜀人惡

其殺楊展曰賊入川實彼召之雖死無稱之者我朝賜乾德通諡忠節升德節愍補

樊一蘅字君帶宜賓人萬歷己未進士以知縣入為吏部郎中崇禎三年遷榆林兵備參議賊多榆林人又久荒饑民益相挺為盜一蘅撫創殘修戎備討斬申在庭馬丙貴平不沾泥累遷右參政分巡關南總兵曹文詔敗沒羣賊迫西安總督洪承疇令一蘅監左光先等軍連破賊又屢挫賊於漢中十二年擢僉都御史代鄭崇儉巡撫甯夏被劾罷歸十六年冬用薦起兵部右侍郎總督川陝軍務道阻不達南都立復申前命時張獻忠已據全蜀諸郡惟遵義未破大學士王應熊駐節馬一蘅至命諸郡舊將會師大舉會巡撫馬乾復重

小腆紀傳

卷三十四

五

慶松潘副將朱化龍同知詹天顏復龍安茂州一蘅乃起甘肅臣為總統副以侯天錫屠龍合參將楊展遊擊馬應武余朝宗所攜潰卒三萬人明年乙酉三月攻敘州斬賊數千級走偽都督張化龍復其城馮雙禮來爭又敗之孫可望來接相持一月一蘅糧盡退屯古蘭州展退屯江津賊乃截朱化龍於羊子嶺化龍率番兵衝擊賊驚潰遁去化龍以軍孤還守舊地他將復連破賊於摩泥滴水明年三月一蘅乃命展應試盡復嘉印眉雅諸州邑於時故總兵賈聯登及其中軍楊維棟取資簡侯天錫高明佐取瀘州李占春于大海守忠涪其他據城邑奉征調者洪雅則曹勛及監軍范文光松茂則監軍詹天顏夔萬則譚宏譚詣一蘅乃移駐納溪居中調





ZW 21181888561889

S  
Z121.5  
15a

2083990

續修四庫全書 史部 別史類

度會督師應熊於瀘州檄諸路刻期並進獻賊始懼盡屠境內民沈金銀於江大焚宮室火連月不滅將棄成都順流東下展逆戰於彭山之江口大破之走還成都會  
 大清兵西征至漢中賊將劉進忠降又曾英王祥兵日逼乃決意走川北九月入西充之鳳凰山十二月  
 大清兵奄至射殺之其黨孫可望等擁眾突佛圖關曾英逆戰死於江賊遂陷綦江踰月陷遵義入貴州  
 大清兵追至重慶巡撫乾敗死遂入遵義以餉乏旋師王祥等復取保甯二郡時應熊已卒一衛再駐江上為收復全蜀計疏列善後事宜及諸將功狀永歷帝晉一衛太子太傅戶兵二部尚書其實全省分崩離析號令各擅一衛所保者敘

小腆紀傳 卷三十四 六

州一府而已明年七月李乾德殺楊展一衛怒移書謂讓乾德諸鎮亦皆憤有離心既王祥敗死烏江諸鎮兵多散一衛益孤遂謝事居山中繼聞范文光詹天顏之歿憂鬱遘疾於壬辰九月卒補

范文光內江人天啓初舉於鄉崇禎中歷官南京戶部員外郎告歸獻賊亂蜀文光偕印州舉人劉道貞蘆山舉人程翔鳳雅州諸生傅元修洪其仁等舉義兵奉鎮國將軍朱平櫟為蜀王推黎州參將曹助為副總兵統諸將而文光以副使為監軍助敗賊於龍鶴山明年乙酉率參將黎神武攻雅州不克偽監司郝孟旋守緜州文光遣間使招之孟旋襲殺守雅州賊以城來歸文光等入居之獻賊死文光保境如故戊

七〇〇

子永歷帝擢為右僉都御史巡撫川南而以監軍僉事詹天顏巡撫川北天顏永定人或曰龍巖人以貢生起家為松潘同知嘗與副將朱化龍擊斬獻賊偽將王運行復龍安茂州應擺安緜道時川北報恢復定故與文光並命而政令不一諸將亦不受約束李韋德之殺楊展也文光憤入山不視事壬辰二月  
 大清兵取嘉定文光聞之賦詩一章仰藥死六月  
 王師取石泉天顏兵敗亦不屈死我  
 朝賜文光天顏通諡俱忠節補

小腆紀傳 卷三十四 七

男承禮補輯  
 仁和魏錫曾參校  
 會稽梁繼元覆校

小腆紀傳卷第三十四終